


Yesu Kerisoné So
Whi Tao Sere Kisi
Fo Wisi



The New Testament in the Falopa Language of Papua New Guinea

Yesu Kerisoné So Whı̄ Tao Sere Kisi Fo Wisi The New Testament in the Falopa Language of Papua New Guinea

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Apr 2025 from source files dated 31 Aug 2023

0102a9df-173c-5a64-b766-14ab67a86105

Contents

Matyu	1
Mark	95
Luk	151
Jon	243
Aposel	312
Rom	401
1 Korin	442
2 Korin	481
Kalesia	506
Efesus	521
Filipai	535
Kolosi	545
1 Tesalonaika	555
2 Tesalonaika	563
1 Timoti	568
2 Timoti	581
Taitus	589
Filimon	595
Hibru	597
Jems	626
1 Pita	637
2 Pita	649
1 Jon	656
2 Jon	666
3 Jon	668
Jud	670
Hakearaletai	673

Matyu

1 Ita, Yesu Keriso deyaairalu, deté wale whirapené doirape aseýóló muló beterapó. Abraham-né deale naalené mepaae whi deté fóló, Depit dealepó. Depit-né deale naalené mepaae whi deté fóló, Yesu Keriso dealepó.

2 Ai whirapené doirapeta i ape.

Abraham-né Aisak dealepó. Aisak-né Jekop dealepó. Jekop-né ti Judaró ama nomarapetamo dealepó.

3 Judané Peres-ró Seratamo dealepó. Atimaamoné hamata, Tamar-pó. Kale whi Peres-né Hesron dealepó. Hesron-né Ram dealepó.

4 Ram-né Aminadab dealepó. Aminadab-né Nason dealepó. Nason-né Salmon dealepó.

5 Salmon-né Boas dealepó. Boas-né ama hamata, Rahab-pó. Boas-né Obed dealepó. Obed-né ama hama ti Rut-pó. Obed-né Jesi dealepó.

6 Jesiné ti kale teteróló kaae tare doasi topo whi Depit dealepó. Depit-né Solomon dealepó. Solomon-né hamata, Uria-né dokale so wulia betepa, kale doasi topo whi Depit-né dokalepó.

7 Solomon-né Rehoboam dealepó. Rehoboam-né

Abaija dealepó. Abaijané Asa dealepó.

8 Asané Jehosapat dealepó. Jehosapat-né Joram dealepó. Joram-né Usia dealepó.

9 Usiané Jotam dealepó. Jotam-né Ahas dealepó. Ahas-né Heskia dealepó.

10 Heskiané Manase dealepó. Manasené Amon dealepó. Amon-né Josaia dealepó.

11 Josaiané Jekoniaró ama nomarapetamo dealepó. Ai whirapeta, kale Israel fake so whi bóe whirapené Babilon hae kwiapaae wae sóró faaitere alimó dealepó.

12 Atéró, atima u Babilon hae kwiapaae wae sóró fele sisópaae

Jekoniané Sealtiel dealepó. Sealtiel-né Serubabel dealepó.

13 Serubabel-né Abiud dealepó. Abiud-né Eliakim dealepó. Eliakim-né Asor dealepó.

14 Asor-né Sadok dealepó. Sadok-né Akim dealepó. Akim-né Eliud dealepó.

15 Eliud-né Eliasar dealepó. Eliasar-né Matan dealepó. Matan-né Jekop dealepó.

16 Jekop-né Maria dokale whi Josep dealepó. Mariané ti Yesu dealepó. Ai sekéta, so whi feané Kerisopó du betere whipó.

17 Atéró, i doi mole whirape deté wale whi Abraham-

mó kaae sóró bitiré wóló, Depit betale alimó sókó wale wh̄rapené doirape fea touróturaalu, 14 wh̄rapepó. Téro, Depit betale alimó kaae sóró bitiré wóló, kale bóe wh̄rapené atima u Babilon hae kwiapaae wae sóró bitiré fele alimó sókó wale wh̄rapené doirape fea touróturaalu, 14 wh̄rapepó. Téro, u kale Babilon hae kwiapaae wae sóró fele alimó kaae sóró bitiré wóló, Kótóné so wh̄i t̄eteróló kaae tanópóló, sóró betero betere wh̄i Keriso betale alimó sókó wale wh̄rapené doirape fea touróturaalu, 14 wh̄rapepó.

Yesu Keriso deale fo
(Luk 2:1-7)

18 Yesu Keriso etéro dealepó. Ama hama Maria ą dokaai tukóló betero betere wh̄i Josep-tamo kuni h̄ale betepatei, D̄ei Kepe Wisiné naale eró betepa kelalepó.

19 Atépa, kale so dokaai yale wh̄i Josep ą me dowi alakélé ini, mo donoi wh̄i wisinaale betereiné so wh̄i feané erateremó, kale so ą hale yaqsóró, kikiti tokó daalaai kisipa mualepó.

20 Atei kisipa mutu betepa, nokenarótei Talené *ensel*-né Josep-paae duraalu, “Depit-né deté wale wh̄iné naalema Josep-ó, Mariané ai ere naaleta, kale D̄ei Kepe Wisinétei eró betepa ya haleni, naao sopa dokaai dapesó fae.

21 Ama ai ere naale detepata, ti so wh̄i feané du betere dowi alamó saaire

kwia tokóló kemeróló tao saalopóló, ama doi Yesu mulae,” yalepó.

22 Ai alarape feata, h̄ale kaayóló ini, Talené fo eratere kóló wh̄iné mo taketi aseýóló muló betere fo dokonóturaalu, yalepó.

23 Ai fo i ape.
“Betą so seimale wh̄i metamo kunipatei, naale yaalópó.

Ai naale deyóló betepa so wh̄i feané ą kilituraalu, ita Emanuel-pó yaalo ai ape,” erapó.
Ai fo bete feteyóló Kótó ątamó beterapó.

24 Atéro, kale wh̄i Josep ą turukó horóló, Talené *ensel*-né nokenaró ąpaae yae yale alatóró sya fóló, kale so Maria dokaai ama bepaee dape salepó.

25 Tėjaleteti, ama somatamo kotere ala ini, h̄ale bitiré fóló kale so naale detepa, Josep-né ai naalené doi Yesu mulalepó. Atéyale k̄lipaae ti atimaamo kwęalepó.

2

Suka hoterepaae betere wh̄rapené Yesu deóló betere kelale fo

1-2 Judia hae kwiamó t̄ene Betelehem be huluamó, Yesu deyale k̄lipaae etéyalepó. Jerusalem bemó Herot ą doasi topo wh̄i betale sukamó, kale h̄orené dere ala bete kisipare wh̄rape atima suka hotereró wóló, ai be huluamó betó mole so wh̄ipaae woseturaalu, “Kale Juda fake so wh̄i t̄eteróló

kaae tawaaire topo whi-a, momó deyóló betere? Ti noatepae, da suka hotereró bitu, a deyóló betereitei kisipa yópóló, ó samó daale hore de yó tapa kolóló, a aomó bitu ama doi hale soro horaai da i wale ape,” yalepó.

³ Tétepa, doasi topo whi Herot-né ai fo woseturaalu, ama kisipa feléni, a doasi whaaliatu betalepó. Atétepa, kale Jerusalem be huluamó betó mole so whikélé ama mutere kisipa kaaetóro mutu betalepó.

⁴ Kale doasi topo whi Herot-né so whimó Talepaae momaratere topo whiraperó Moses-né yóló muló betere fo yó matere whirapetamopaae ape yóló woseturaalu, “Kótóné so whi fea tetéroló kaae tanópóló, soro betero betere doasi topo whi Kerisosa, mé bemó deyaalopóló asemó yóló muló betere?” yalepó.

⁵ Ti fo depa, atimané tokó mótu duraalu, Judia hae kwiamó tene Betelehem be huluamó deyaalopóló, mo taketi Kótóné ama koló whiné aseýóló muló betere fo i ape.

⁶ “Juda haemó tene Betelehem be huluamó betó mole so whi diaaó kisi-pane-a, Juda fake so whi tetéroló kaae tare topo whirape kuamó, dakó doi munipó fo du bitu de? Meipó.

Kótóné so whi tetéroló kaae tawaaire topo whi betá dia tuamótei, sókó waalo ai ape.

Ai sekéné amata, *sipsip* hupurape tetéroló kaae taru dere kaae, yalo Israel fake so whi tetéroló kaae tawaalopó erapó,” yalepó.

⁷ Téró, Herot-né kale horené dere ala bete kolóló kisipare whirapepaae ape, fo kikiti yó faralepó. Atéroló kale whirape wapa, atimasisi bitu duraalu, “Diaaó kelalepó dere hore-a, noa sukamó kelaleé?” yóló wosetepa, atimané apaae mo i be demótóroti kelalepóló, yalepó.

⁸ Ama atima Betelehem be huluapaae dotonaa du-raalu, “Kale naale momó soro beteréro kelaasepóló, mo wisiyóló kekæ. Atéroló kekenalemó, soro betere tiki keletepa, ti mo hapale tétitóro epaae ene ape. Ti ekélé a aomó sinóló bitu, ama doi hale soro horaairaalu, fenérapó,” yalepó.

⁹ Atéroló, kale doasi topo whi Herot-né atimapaae yae yale fotóro wosóló, atima faai wale tikipaae furaalu, atima take suka hotereró bitu kelale horetóro ó samó hale fu betepa kelalepó. Atétepa, atimakélé ai hore foletéi kelené kaae soro felemó, kale naale deyóló betere tikimótóro keýóló daane felepó.

¹⁰ Ai horené dere ala kilituraalu, atimakélé mo doasi hekesené sinalepó.

¹¹ Atima ai bemó sókó felemó, kale naaleró hama Mariatamo betepa kolóló,

atima bukutiri teyaro bitu, Doa Tale-o yolo, a hale soro horalepo. Atero, atimanane kale naalemole hale melaairaaalu soro wale wisi wisi qarape *kold kapakela*, si keletomole bilitepa, fele kelaa wale olakela, *mur wel wekela*, teyolo melalepo.

¹² Tale Kotone kale whirapepaae nokenarole atimanane hae kwiapaae momole fesaae furaalu, Herot betero fase yale fo kisiparu, Herot betere turo feni kae tumole felepo.

Josep-ro Mariatamone Yesu Isip hae kwiapaae dapeso fele fo

¹³ Atero, atima fi sisopaae Talene *ensel* Josep noke firepaae wole, nokenarotei duraalu, "Herot-ne ai naale daairaaalu kekalo ai ape. Tera, yalo yapaae ape dere alimole waasepolole, ya turukole holole ai naalerole hamatamo dapeso u Isip hae kwiapaae botokole fae," yalepo.

¹⁴ Ai fo woseturaalu, kale whi a mo dikitamotei turukole holole, kale naalerole hamatamo dapeso u Isip hae kwiapaae faairaaalu, felepo.

¹⁵ Atero, kale whi Herot sukitekimole waairaaalu, atimaamo u Isip hae kwiamole bitire felepo. Mo take Talene ama kolole whine asepolole mulole betere fonole duraalu, "Yalo naale u Isip hae kwiamole betepa, ai hae kwia taarole ape," yalepo.

Ai fo dokonoturaalu, motorole yalepo.

¹⁶ Kale topo whi Herot-ne ama yaaire ala kikite hirole kale horene dere ala kisipare whirape dilikalete, atimanane kilirapole a mo doakale fopaae bualepo. Tetu, ama diki tare whirapepaae yole mulotu duraalu, Betelehem be huluarole ai hae kwiamole te mole ipu betamomole miote teo sorole betole mole naalerapemole kaae sorole dile folole, ba fo tamo kemeyole betole mole naalerapekela mo fea dole kemerae yole doteyalepo. Ti aita hale meipole. Kale horene dere ala bete kisipare whirapepaae wosetepa, atimanane apaae yo melale be de te muluraalu, atero dole kemerae yole doteyalepo.

¹⁷ Ti aita hale tuamole kaayole inipole. Kotone ama kolole whi Jeremiane i fo asepolole mulole betepole.

¹⁸ "Rama bemole betere so Resel-ne dekenole sukite molole doasi du betepa, mepaae so whine a kisipa felerate fo yalemole, mo wosenipole. Ti noatepae, ama naale senaale fea sisiraae feleteinepo."

Ti ai naalerape dele alata, kale yole mulole betere fo mo dokonoturaalu yalepo.

Nasaret be huluapaae momole fesaae fele fo

¹⁹ Tero eteyalepo. Kale doasi topo whi Herot sukitekimole, kale whi Josep Isip hae kwiamole betepa,

nokenaró Talené *ensel-né* duraalu, “Josep-ó, ai kale naale daairaa du betale whirapeta, ai sukale ape.

²⁰ Térapa, ya turukó horóló, ai naaleró hamatamo dape sóró u Israel hae kwiapaae tokó fae,” yalepó.

²¹ Tétepa, Josep a turukó horóló, kale naaleró hamatamo dapesó Israel hae kwiapaae felepó.

²² Atéro Josep a Judia hae kwiapaae bití faai yaletai, ai hae kwia kale doasi topo whi Herot betale sirimó, naalema Akelausiné tetéroló kaae tarapó dere fo wosóló, witepa taaralepó. Talené apaae nokenaró Judia hae kwiapaae bití faose yale fo kisipa iruraalu, Kaleli hae kwiamó tene Nasaret be huluapaae tokó felepó.

²³ Atéro feleteita, mo taketi Kótóné ama koló whirapené asemó duraalu,

“So whi feané a Nasaret be hulua whikópó yaalo ai ape,”

ere fo mo dokonóturaalu, atima Nasaret be huluapaae tokó felepó.

3

Jon-né Yesu waaire tu alerótu betale fo

(Mak 1:2-8, Luk 3:1-18, Jon 1:19-28)

¹⁻² Atéro bitiré wóló etéyalepó. Kale wei tópuratere whikó Jon a Judia hae kwia tuamó so whikélé bitini, hale kópu kaae fi tikimó sókó wóló beterepó. A aimó betepa, mepaae a beterepaae

wuatere so whipaae Kótóné fo wisi yó mótu duraalu, “Tale Kótóné ama hepen bemó tetéroló kaae tare ala mió mo felekemó walapa, diané du betere dowi ala taaróló, kisipa tiki feteyóló betae,” du betalepó.

³ Ti ata, me kae mei, mo take Kótóné ama koló whi Aisaiané waalopóló, bope du betale whipó. Aisaiané ama aseýóló muló betere fo i ape.

“So whi bitini hale kópu kaae fi tikimó, betā whi wóló daalu, fo fakeyóló duraalu,

‘Tale waaire tu donoróló aleyae,’ ” erapó.

⁴ Jon-né ama derótua yale kutita, *kamel* hupu nikiné aleyale kuti derótua yóo, ama sua yale tokélé hupu sekaené aleale to sua yóo, yalepó. Ama nukua yale olakélé meke weiró ero nusutamo maaté nukua yalepó.

⁵ Jerusalem be hulua taaróló wua yale so whikélé, Judia hae kwiamó betó mole so whikélé, kale Jordan wei felekemó betó mole so whikélé, mo fea a beterepaae wua yalepó.

⁶ Atimané dowi ala fea hakeamó yó mótua depa, Jon-né atima Jordan fole weimó tópurótua yalepó.

⁷ Téyaletei, Farisi whiraperó Sadyusi whirapetamo so whi wei tópurótu betere tikipaae wua depa, ama atimapaae duraalu, “Diā dowi wuli kaae so whi dilikitu betere whirape-ó, Kótóné diatamo fopaae buturaalu kwia

melaqsóro, botokó fae fo né yaleé?

⁸ Diaaḡ ai du betere dowi ala taaróló, motóro kisipa feteyóló wapa, ti diaaḡ du betere alakélé mo kisipa tiki fetere whiné dere ala kaaetóro yae.

⁹ Diḡta, Abraham-né deté wale naale senaale betereteiné diḡpaae me ala eraalomeipóló kisipa muaqsé. Yaḡo diḡpaae mo i dere ape. I muó mole kaporapetei, Kótóné ama mo sumó Abraham-né naale senaale aleyóló beteranérapó.

¹⁰ Mepaae nirapetamo naaire du wisi olenitepa, ti diyóló si duku betere dolopaae taae deraalopó. Atéyairaaluu, kutó talené ai ni baalemó kḡwei ai bukó tare ape.

¹¹ Yaḡo diḡ wēi tópurótu betereteita, diaaḡ dere dowi ala taaróló, kisipa feteyóló wópóló tópurótu beteraḡpó. Tétu betepatei, yaḡo kḡlipaae waaire whi betḡta ę kaae meipó. A mo doasi fotokḡ bole whi betepa, ę naale belekḡamale kaae, a aḡmó beteraḡpó. A atei kaae doasi fotokḡ bole whi bitu, diḡ wēi tópuróturaaluu, ti kale Deḡi Kepe Wisiró sitamoné tópuraalopó.

¹² Ama naasené ti kale *whit* o fumi beséné só fópóló, kḡayóló taae fótua dere ekeḡé fake tarapó. Kale *whit* duné fumirape ama fuóló taae faróló, mo *whit* ke maaté ti mulótua dere be dolopaae mulaalopó. Atéro

fumirapeta, ti sukókélé feni ḡḡle dótóro tare si dolopaae fesekée deraalo ai ape,” yaleḡpó.

Yesu wēi tópurale fo

(Mak 1:9-11, Luk 3:21-22)

¹³ Téró, Yesu a Jor-dan wēimó Jon-né wēi tópurópóló, Kaleli hae kwia taaróló, Jon beterepaae waleḡpó.

¹⁴ Tétepa, Jon-né Yesupaae ya wēi tópuraalo meipóló seséyóló duraaluu, “Naao ępaae ya wēi tópurae deraa, ę whi wisi betepa ya tópuraró de? Naaotei ę wēi tópuraasepólópo,” yaleḡpó.

¹⁵ Ai fo depa, Yesuné ępaae duraaluu, “Aita mo deretei, mió ḡḡmoné i dere alané Tal-ené ama so whi donoraaitere ala mo dokonópólópa, naao ę wēi tópurae,” depa, Jon-né wisirapóló a wēi tópuraleḡpó.

¹⁶ Atéro, Yesu a wēi tópuóló tétitóro hae taopaae taae hotepa kelalemó, ó hepen be tḡ tukwē fóló, Kótóné Deḡi Kepe Wisi ba ḡkósere kaae, ama tikimó bitḡ dorowaleḡpó.

¹⁷ Atéro, ó hepen bemó fo tekerótu duraaluu, “Aḡa, yaḡo yaala sókó fóló mo hosaa mole Naale ai ape. Ama dere ala fea yaḡo kilitu, ę mo doasi ḡḡkesené sinitu beteraḡpó,” yaleḡpó.

4

Yesu dée nópóló Satan-né su sale ala

(Mak 1:12-13, Luk 4:1-13)

¹ Téró etéyaleḡpó. Satan-né Yesu a su sóro dée nalópóló,

so whĭkélé bitini kópu k̄aae fi tikipaae Deĭ Kepe wisinétei ʔalisóro felepó.

² ʔ aimó be deġereró dikiteretamo whĭ siki tamó bitu, ʔla mo sawakélé néni wote siri haġe betaletikimó, ʔ mo wotené sinalepó.

³ Atéro betepa, dowi ala yópoló s̄u sóró dée nalatere seké wóló ʔpaae duraalu, “Yʔatamo Kótóné Naalemapata, ti i kanrapepaae *bred* o alée fae yae,” yalepó.

⁴ Ai fo depa, Yesuné ʔpaae tokó mótu duraalu, “I fo aseýoló muló beteraþó.

‘Whĭ betere beteta, mo ʔla nokoletéine maaté bitini,

Kótóné ama dere fo fea woseturaalu bitiré fenérapó,” yalepó.

⁵ Téró, kale dowi Satan-né Yesu ʔ Kótóné mo kae teġó betere doasi be huluapaae dapesó fóló, aimó teġe momatere be mo ó hulua tómó daalalepó.

⁶ Atéro daaróló ʔpaae duraalu, “Yʔatamo Kótóné Naalemapata, ti naaotei yʔ haepaae t̄wó derepae. Ti i fo aseýoló muló beteraþó.

‘Yʔ a haepaae muni durupuraalu, kaponé kotóo sóró doalé yaqsóro,

Kótóné ama *ensel*-rapené naase tómó muni dorowópoló, yʔ tao sae yaalopó,” yalepó.

⁷ Ai fo depa, Yesuné ʔpaae tokó mótu duraalu, “Ti i fokélé aseýoló muló beteraþó.

‘Beta whĭnékélé ʔ teġeróló kaae tare Tale Kótóné noa alakó déró k̄aae kelaai dapóló s̄u saqse,’ erapó,” yalepó.

⁸⁻⁹ Atéro kale dere kaae, momó dowi Satan-né ʔ mo doasi sokore hasi fosópaae dapesó holóló, i hae kwia feamó kae kae doasi whĭrapené teġeróló kaae tare alaraperó ai ala tuamó mole mepaae doasi wisi wisi alarapetamo yó mótu duraalu, “Yʔalo i dere fotamo naao mo beta wosóló, yʔ ʔ aomó bukutiri tearó bitu, doa whĭ-ó yóló ʔpaae moma depa, ti ai ʔla ʔla fea naao teġeróló kaae tanópoló, yʔalo yʔpaae melaalopó,” yalepó.

¹⁰ Ti fo depa, Yesuné ʔpaae duraalu, “Satan-ó, yʔ ʔ taaróló fae. Ti i aseýoló muló betere fo wosae.

‘Naao Tale Kótópaae beta doasi-ó, yóló ʔ aomó bitu, ama alatóro erótu betae,” yalepó.

¹¹ Atétepa, kale dowi Satan-né Yesu taaróló foletamo, Kótóné ama *ensel*-rape wóló, ʔ tao salepó.

Yesuné fo yó melaai kaae sale fo

(Mak 1:14-15, Luk 4:14-15)

¹² Atéro Jon *dipula* beteralepó dere fo Yesuné ama wosóló, ʔ Kaleli hae kwiapaae momó fesaayóló felepó.

¹³ Atéro ʔ betere Nasaret be hulua taaróló, Kaleli weĭ keġa felekemó teġe Kapeneam be huluapaae tokó fóló betalepó. Ai be huluata,

Sepulun hae kwiaró Naptali hae kwiatamo tuámó tɛnapó.

¹⁴ Atéyaleiteita, Kótóné ama kɔló whi Aisaiané yóló muló betere fo dokonóturaalu yalepó.

¹⁵ Ai fo i ape.

“Sepulun fakeró Naptali faketamoné hae tikita, u kale Jordan fole wɛiró Kaleli wɛi kɛlatamo molepaae eróló erapó. Ai hae tikita, Sepulun fakeró Naptali faketamoné haetei, Juda meire fake tokó fóló, atimané hae aleróló betó molepó.

¹⁶ Ai hae tikimó betó mole so whi atima diliki dolomó beteretei, mió mo doasi dɛ wisinaale kolóló betó mulapó. Mepaae so whita, sinitere alané dilikiró betepatei, mo dɛi suka sókó huturaalu dɛró betepa, ai dɛ tuámó betó mulapó,” fo asɛyóló muló beterapó.

¹⁷ Atéyale sukamó kaae sóró, Yesuné ama fo so whi feapaae hakeamó yó mótu duraalu, “Kótóné hepen bemó tɛtɛróló kaae tare ala mió mo felekemó ai walapa, diaaq dowi ala taaróló kisipa tiki feteyae,” yalepó.

Yesuné yó matere whirape kaae sóró saletei

(Mak 1:16-20, Luk 5:1-11)

¹⁸ Atéró, Yesu a kale Kaleli wɛi kɛla fóku seseke durupu bitu kelalemó, Saimon doi mupatei, Pitapó du betere

whiró ama noma Andrutamo hakeke wa wɛi kulu tuapaae derótu beterepó. Ti atimaamota, ya siré kotere whi tamopó.

¹⁹ Tétu betepa, Yesuné atimaamopaae duraalu, “Diaamo ai ya su dere kaae, so whi atéró siré kwɛyaasepóló, dɛ fea betámó kuturaalu, yalo diaamopaae yó melaalopa ɛ sya ape,” yalepó.

²⁰ Ai fo depa, atimaamoné hakeke warape mulópóló taaróló, mo hapale tɛtitóró a sya felepó.

²¹⁻²² Atéró a tumó fu betalemó, me whiró nomatamokélé daapa kelalepó. Ai whi tamota, Sebediné naalema Jems-ró Jon-tamopó. Atimaamoné alimakélé atima fea wɛi nukumó bituraalu, atimané hakeke warape tukó faletei, wisi wisiyóló numutu betepa kelalepó. Atétu betepa, Yesuné atimaamopaae duraalu, “Diaamokélé ɛ sya ape,” depa, kale whi tamo mo hapale tɛtitóró turukó holóló, atimaamoné wɛi nukukélé, alimakélé betepatei taaróló, a sya felepó.

Yesuné kisi daae mole so whi wisirale fo

(Luk 6:17-19)

²³ Atéró, Yesu a ai Kaleli hae kwia tuámó kuturaalu, Kótóné tɛtɛróló kaae tare aomó mole kisi fo wisi so whi feané wosópóló, atimané fo wosetere be dokó yó maté kwɛyalepó. Atéturaalu, ai so

whi kuamó dowi hepo daae mole so whjro mepaae tiki momaare so whitamokélé wisiraté kutu betalepó.

²⁴ Ama so whi fea atéro wisirótu beterapó deté kotere fo Siria hae kwiamó betó mole so whiné woseturaalu, kae kae dowi kisi daale so whikélé, doasi dele su betere so whikélé, dowi kepe tepeyóló betó mole so whikélé, mepaae kae kae kisiné kele olopa olopa yóló sinaaitu betere so whikélé, mepaae momaayóló betere so whikélé, mo fea a beterepaae dapesó wua depa, ama wisirótua yalepó.

²⁵ Atéro, kale Kaleli hae kwia taaróló wale so whikélé, Dekapolis hae kwia taaróló wale so whikélé, Jerusalem be hulua taaróló wale so whikélé, Judia hae kwiaró, Jordan wei fóku uté teró betó mole so fea a beterepaae wóló, ama dere ala kelaai dapóló Yesutamo touyóló kutu betalepó.

5

Du sokoremó Yesuné so whipaae yó mótu betale fo (Luk 6:20-23)

¹⁻² Téro Yesuné kelalemó, so whi mo hale ɔla kae wóló touró betepa, a sokore du aɔpaae holóló beterepó. Atéro beterepó, ama yó matere whirape a beterepaae walepó. Atéro wóló betó mupa, ama atimapaee yó mótu duraalu,

³ “Mepaae so whi dené yalo kepe bete tuamó me

wisi alakélé muni, mo yayarapó du betepa, ti Kótóné wisiró beterepóló hajné sukutu betae.

Ti noatepa meipó. Ai so whita, Kótóné hepen bemó tetéroló kaae tare ala sóró ai tare ape.

⁴ Mepaae atima dekené sukutu wole du betere so whita, Kótóné wisiró beterepóló hajné sukutu betae.

Ti noatepa meipó. Mió dekené sukóló wole du beterepó, take Kótóné atima tué tiki feléraalo ai ape.

⁵ Mepaae naame yóló mo dua betere so whi ti Kótóné wisiró beterepóló, hajné sinitu betae.

Ti noatepa meipó. Kótóné hae tiki mo turó atimamó matepa saalopó.

⁶ Mepaae so whi de woteró wei nokoletamo du dere kaae, Kótóné mo donoi ala wisi eraairaalu ekele du betepa, ti Kótóné wisiró beterepóló hajné sukutu betae.

Ti noatepae, atétere so whipaaeta Talené ama donoi ala mo ti sɔraalo ai ape.

⁷ Mepaae so whi denétamo mené aɔpaae me dowi ala eratepa me ɔla meipóló hale kemeróo, me whi sekei ala tuamó betepa kolené

- sukutu tao sóo du betepa,
 ti atétere so whi Kótóné kòlené sukutu tao sóró, atimané dowi alakélé ama kemeró betepa, hajiné sukutu beterópóló yae.
- 8 Mepaae so whi atimané hosaa tuamó me alatamo hosekényi, mo wisi alatóró erótu betepa, ti hajiné sukutu betae.
 Ti noatepae, atétere so whiné ti Kótó mo ke-laalopó.
- 9 Hòle sere ala ó bóe dele ala taalae yóló, filitere so whita ti Kótóné wisiró beterapóló hajiné sukutu betae.
 Ti noatepae, atétere so whi kilituraalu, ita Kótóné ama naale senaale beterapó yaalo ai ape.
- 10 Mepaae so whitamó Kótóné mo donoi alamaaté erótu beteremó, kae kae sekei alané só derótu betepa, ti Kótóné wisiró beterapóló hajiné sukutu betae.
 Ti atétere so whiné Kótóné hepen bemó teteróló kae tare ala sóró ai tare ape.
- 11 Dià yálo ala erótu beteremó, mepaae so whiné diapaae kae kae sekei ala eratepa, ó so whi feané keletómó kapala fo yóló faletepa, ó kae kae eratere fo yóló dià só deratepakélé,

Kótóné wisiró beterapóló hajiné sukutu betae.

- 12 Ti noatepa meipó. Take Kótóné ama kóló whirapepaaekélé mió diapaae ai erótu betere sekei ala kaae, erótu bitipakalepó.

Atérapa ó hepen bemó mole doasi dupu saaireteimó, mo kée yóló hajiné sukutu betae,”

Keriso so whi i haemó kóró dètamo kaae beterapóló yale fo

(Mak 9:50, Luk 14:34-35)

13 “Diàta, i haemó betó mole so whitamó kó felé kaae yóló ai betere ape. Téretei, kóné felé kemetepa, ti momó kae netéró felé bulaaloé? Mo meipó. Atéró felé initere kó me ala enénipó. Atétere kó taae faróló hae tikimó beseké yóló mupa, so whiné teiya teiya yaalo ai ape.

14 Diàta, i haemó betó mole so whitamó mo dè kaae beterapó. Doasi sokore hae du tómó mo hakeamó tẹ mole be hulua bóe whiné kelaqsóró, me olané kinnanénipó.

15 Atére kaae, mepaae whiné *lamp* sa dèróló doasi ni fake aomó kinóló mulótimipó. Ti noa yópóló meipó. Be tuamó betó mole so whi fea demó beterópóló kisipa mutu, sa dèróló mulatere ni fake tómótóró hakeamó mulótua dapó.

16 Atétu dere kaae, dià tuamó ere dè so whi feané

kolópóló, haķeamó dęró betae. Atępa, so whęńe kilituraalu, ó hepen bemó betere diaaę Ayané doi sóró horótu beterópóló, wisi ala haķeamó erótu betae.”

Kótóné tukóló muló betere foné erae ere ala dokonaľe fo

17 “Ę waľeteita, Moses-né yóló muló betere foró Kótóné ama kóló whęrapené yó melale fotamo tokóló aluraai wénitei, ai ašemó yóló muló betere fo dokonaairaalu wóló i betere ape.

18 Yaľo diąpaae mo i dere ape. Ó sęró i haetamo kemeyaai teópa, Moses-né yóló muló betere fo kwia mo sawakélé aluyaalomeipó. Atęyaalopóló muló betere fo fea haşókó feni, dokonóló motóróti eraalo ai ape.

19 Whę me dené i aşęyóló muló betere fo mo sawakélétamo tikitepa, ó me whępaækélé ai ala tukóló yae yóló yó matepa, ti atétere so whę Kótóné tętéroló kaae tare hepen be tuamó doikélé mo muaalomeipó. Téyaalotei, mepaae so whę dené kale yae yóló muló betere fo wosóló eróo, mepaae so whępaækélé i fo sya fóló erae yóló yó melóo, du betere so whęta, hepen bemó Kótóné tętéroló kaae tare aęmó doasi doi muaalo ai ape.

20 Yaľo diąpaae mo i dere ape. Diąné dere mo donoi ala wisinaalené kale Moşes-né ašemó ere fo yó mótu betere whęraperó, Farisi whęrapetamoné du betere

donoi ala tętéroló bitinipa, ti ó hepen bemó betere Kótóné tętéroló kaae tare aęmó mo sókókélé faalomeipó.”

Dei tuę muóló fopaae buturaalu whę daęse yale fo
(Luk 12:57-59)

21 “Mo take diaaę nouterapepaae yóló mulale fo i ape. Me whę mo ti dóló sukunaęse. Atętepa, ti ai whę a kwia moľeteiné taleyóló só deraalo ai ape.

22 Atępatei, yaľo diąpaae dere fo i ape. Whę me dené ama no hamomatamo me bete munipatei, haľe fopaae depa, ti atétere whę a kwia moľeteiné taleyóló só deraalopó. Atétere kaae, whę me dené me whę hamoma eratere fo depa, ti atétere whę fo taletere whęrape beterepaae dapesó faalopó. Téyaalotei, whę me dené ama no hamomapaae duraalu, yaľo topo doyóló kisipa tikikélé okokoi-ó depa, ti atétere so whę doasi kwia moľeteiné mo haľe dótóroló tare dowi sipaae faai ai du betere ape.

23-24 Térapa, naao me ęla Kótópaae haľe melaai dapóló, kale momatere tikipaae sóró fenalemótamo, naao noné yaľtamo seķęrapó depa, ti Kótópaae haľe melaaire ęla melaaitai folosóroló, naao notamo mole seķępi teraayóló wisirae. Atéroló nalo ti naao haľe melaaire ęla Kótópaae melaie.

25 Whę me dené yaľtamo fo tokótamo yaai yaľ dapesó fupa, ti diaamo tu tuamó furaalutei a kwia wisi mulóló,

hapale donoraē. Atē initepa, ti ya taletere whi beterepaaē dapesó fóló, fo tokótamo yóló, ai whinemo *dipula* be tēteróló kaaē tare whirapenē doasi topo whiné naase tuámó mu-laalopó. Ai whiné amamo ya *dipula* beteraqsóró kisipa mutu dapó.

26 Yało diapaaē mo i dere ape. Ya *dipula* betereitei sokópóló, ɗale mulale kwia belekaamale sonaa *monikélé* mo turó kemeróló menitepa, ti ya *dipula* hałe bitiré fóló, kemeróló duputere sukamó sokaalo ai ape. Meitepa, ti ya *dipula* hałe betó tawaalopó.”

Nópu naqse yale fo

27 “I dere fota, diaaɗ taketi woseté wou betera pó. ‘So ó whi nópu naqse,’ erapó.

28 Ai fo epatei, yało diapaaē mo i dere ape. Whi me denétamo me so kelené kolóló kisipa tikiné au nukupa, ti atētere whiné ama hosaa tuámó nópu mo ai nale ape.

29 Naao turu kelenétamo ya dowi ala yópóló dée nalatepa, ti atētere kele sokóló taaē falaaē. Ti noatepae, naao tiki turó dowi si duku beterepaaē faqsóró, ya atéro dée nalatere tiki kwia tukóló taaē faróló, wisi tikipaaē fupa mo wisirapó.

30 Naao turu naasenétamo ya dowi ala yópóló dée nalatepa, ti ai naase tukóló taaē falatepa mo wisirapó. Ti noatepae, ya dée nalatere naase tukóló taaē farénitepa, naao tiki turó dowi si duku beterepaaē faqsóró dapó.”

Whiné so tokó fateremó yale fo

(*Mat 19:9, Mak 10:11-12, Luk 16:18*)

31 “Upulé i fo aseyóló muló betereitei diaaɗ ai tuēre ape. ‘Whi me dené ama sotamo tokó falaai depa, ti tokó fatere aseyóró fópóló sopaaē melae,’ erapó.

32 Ai fota mo epatei, yało diapaaē i dere ape. Whi me dené ama so me whitamo nópu nēnipatei hałe tokó fatepa, ti soma amatei nópu nalatapó. Atéro tokó fatere so me whinemo dokotepa, ti ai whi akélé nópu nukulapó.”

Talené doi yóló malo yaqse yale fo

33 Yesuné atimapaē du-raalu, “Take bitiré wale so whipaaē yóló mulale fo me i ape. ‘Naao Talepaaē i ala mo yaalopóló, malo yale fo tikini, motóró eró tawae,’ erapó.

34 Tépatei, yało diapaaē mo dirii fo i dapa wosae. Malo dere alakélé momókó yaqse. Naao dere fo diriróturaalu, hepen be doi yóló malo momókó yaqse. Ti noatepae, ó hepen beta, fea ala fea tēteróló kaaē tare Kótó betere tikipó.

35 Ó diaaɗ dere fo diriróturaalu, i haekélé doi yóló malo momókó yaqse. Ti i haeta, Kótóné ama hó dée daaló betere tiki ai ape. Jerusalem be hulua doi yólókélé momókó malo yaqse. Ti noatepae, ai be huluata, fea ala fea tēteróló

kaae tare doasi topo whi betere tikipó.

³⁶ Dīaaq dere fo diriróturaalu, naase horóló kutiri teketere alakélé momókó yaqse. Ti noatepae, naao topo niki mo betakélé de niki ó diliki niki biliranénipó.

³⁷ Diāné me ala mo ipa, ti épó yalepótóró yae. Inipa, ti mo inipótóró yae. Naao ai dere fo mopó yópóló, mepaae kae kae hōko fotamo touróló dereteita, ti dowi Satan-né yae yóló tēnatepa dapó.”

Mené sekēi ala eratepa tokó melaqse yale fo

(Luk 6:29-30)

³⁸ “Mo take yóló muló betepa, diaaq woseté wou betere fo i ape. ‘Whi menétamo me whi kele doratepa, ti menémo ama kelekélé doraē. Me whinétamo me whi sereke dukutepa, ti menémo ama serekekélé dukae,’ erapó.

³⁹ Ai fo mo epatei, yało diāpaae i dere fo wosae. Me whinétamo diāpaae me dowi ala eratepa, ti diaaqmo atimapaee momó tokó matere ala yaqse. Me whinétamo ya faamumó okolope deké supa, ti me tikiró faamumókélé dópóló yó melae.

⁴⁰ Mepaae whiné yaťamo fo tokótamo yóló, naao deró betere kuti sokotepa, ti me fōloi kutikélé sópóló sókó melae.

⁴¹ Mepaae whinétamo, yaťaae 1 kilomitamó ama ła ła beleróló fae yóló sętepa,

ti naaomo me beleróló, 2 kilomita alerae.

⁴² Whi menétamo yaťaae me łakó kematepa, ti ama ai kematere ła melae. Me whinétamo naao me łakó kapala asiri saai dapóló yaťaae wosetepa, melaalomeipóló ama dere fo sisópaae eraqse.”

Bóe whipaae yaala sókó fae ere fo

(Luk 6:27-28, 6:32-36)

⁴³ “Taketi yóló muló betepa, diaaq woseté wou betere fo i ape. ‘Naao be whi so whipaae yaala sókó furaalu, bóe whi hóróló bóe du betae,’ erapó.

⁴⁴ Tépatei, yało diāpaae i dere ape. Dīaaq bóe whirape hēkesené sinóló yaala sókó furaalu, wisi ala erótu betae. Mepaae whinétamo diāpaae sekēi ala eratepa, atétere whi Tale Kótóné tao sóró, kisipa tiki wisi mulópóló momarae.

⁴⁵ Atétepa, ti diā ó hepen bemó betere diaaq Ayané naale senaaletóró betaalo ai ape. Talené suka deřótu betereita, dowi ala dere so whipaaekélé, wisi ala dere so whipaaekélé erótu beteraťó. Ama hali anatare alakélé, dowi ala du betere so whiró donoi ala du betere so whitamo wusurópaae anótua dapó.

⁴⁶ Diānétamo, mepaae diā hēsekené sukóló yaala sókó fole so whipaae maaté yaala sókó fu betereita doasi alapakó, Kótóné diāmó dupu melaalopóló de? Ti kale *takis moni* siré kotere whirapenékélé atei kaae ala dua dapó.

⁴⁷ Dīaaq mo no ne apu-paae maaté naamei fo yóló, kōleó du betere-a, ai doasi alaé? Ti mēpaae Kótó tué inire so wh̄inékélé ai ala dua dapó. Tépaitei, h̄ale mo so wh̄ipaaekélé naameiné kōleó du betēpa, ti mo doasi ala ai ape.

⁴⁸ Térapa, ó hepen bemó betere dīaaq Aya ̄ me wisi ala ȳaȳani, mo ti s̄uru ere kaae, dīakélé wisi alatóro er-até fóló, Talené ama ala mo ti s̄ure wh̄i betae.”

6

Mēpaae ȳaȳare so wh̄i tao sae ere fo

¹ “Dīaaq du betere wisi ala so wh̄iné kolóló dukirópóló, momókó yaq̄se. Dīaaq dere wisi ala tamo kolóló dukirópóló du betēpa, ti ó hepen bemó betere dīaaq Ayané mēlaaitere dupu saalomei ai ape.

² Até yaq̄sórópa, dīané mole ̄la ̄larape mēpaae ȳaȳare so wh̄imó h̄ale mēlaai depa, ti tiki tūapaae dorutei tó tikiné h̄ale sik̄ilitere wh̄irapené wisi ala dapó yópóló, du betere ala kaae mo yaq̄se. Ti ai wh̄irapenéta, fo wosetere berapemókélé, t̄u tómókélé, so wh̄iné atima doi hale sóro horópóló kisipa mutu, touró betere so wh̄iné keletómó dua dapó. Ȳalo dīapaae mo i dere ape. Atétere wh̄irape atima me dupu kaae saalomei, mo s̄umótóro ai sóro tare ape.

³ Térapa, naao ̄la ̄la mēpaae ȳaȳare so wh̄imó

h̄ale melóló, ȳalo etei kaae ̄la melalepóló kisipa yó tani, mo keterae.

⁴ Dīaaq mēpaae ̄la ̄la ȳaȳare so wh̄imó materetei so wh̄i feané kelaq̄sóró kikiti mēlae. Ti atéro kikiti dere ̄la keletere Aya Talené amatóro dīaaq ai dere alamó dupu mēlaalopó.”

Yesuné moma etéro yae yóló yó mēletei
(Luk 11:2-4)

⁵ “Téyaalopa, dīaaq Talepaae momaturaalu, tūapaae dorutei wisire nisiyóló h̄ale sik̄ilitu betere wh̄irapené dere moma kaae mo yaq̄se. Ti atimané momaturaalu, fo wosetere berapemókélé, doasi t̄u tómókélé, so wh̄i feané dukirópóló dua dapó. Ȳalo dīapaae mo i dere ape. Atétere so wh̄iné duputa me kae muni, mo s̄umótóro ai sere ape.

⁶ Tēni, Talepaae moma yaairaalu, naao be dolopaae fóló t̄u kinóló bitu, kelené kilinire dīaaq Aya Talepaae bet̄a momayae. Atétepa, ti kikiti kinóló dere ala keletere Ayané dīamó dupu mēlaalo ai ape.

⁷ Dīaaq Talepaae momaturaalu, Kótóné ala kisipa inire wh̄irapené bete munire forape h̄ale h̄oko deté fu dere kaae yaq̄se. Ti atimané atéro f̄olo s̄iyóló dere momata, Talené wosaalopóló kisipa muóló dua dapó.

⁸ Térapa, atimané ai dere ala kaae dīaaqkélé yaq̄se. Ti noatepae, dīaaq ȳaȳare ̄la

apaae wosaai teópatei, diaaḡ Ayané ama mo kisiparapó.

⁹ Térapa, diaaḡ Talepaae momaturaalu etéro yae.

'Hepen bemó betere ḡané Aya-ó, Yaḡa dowi ala mo betakélé muniruraalu, naao ere ala mo kaepó. Téreteiné yaḡa, fea alané bete Tale betepa, so whiné naao doi hale sóró horóló, mo doasi doi mulópóló yae.

¹⁰ Naao teḡteróló kaae tare aomó mole ala wisinaale wópóló yae. Naao kisipa mole ala ai hepen bemó irure kaae, i haemókélé atérópóló yae.

¹¹ ḡané mió i be demó naaire ḡlakélé naao sumó ḡlae.

¹² Mepaae whirapené ḡapaae erale dowi ala kwia ḡané tani, me ḡla meipóló ḡale kemerótu yale kaae, ḡané dowi ala kwiakélé naao ḡale kemerae.

¹³ Ḋa me dowi ala yóló dée naaire tikipaae ḡlisóró faqsóró, naao seséyóló tu wisitei yó mótu betae.

Téturaalu, ḡa dowi ala yópóló sesemeratere bóe whiné só de-raqsórópa, ai tu naao seséyóló ḡa tao sae,' yóló dua yae.

¹⁴ Ti mepaae whirapené ḡapaae erale dowi alatamo, me ḡla meipóló ḡale kemeratepa, ti ó hepen bemó betere

diaaḡ Ayané ḡané yale dowi alakélé, ḡale kemeraalo ai ape.

¹⁵ Téyaalotei, mepaae whirapené erale dowi ala me ḡla meipóló, diaaḡtamo ḡale kemerénitepa, ti ó hepen bemó betere Ayané diaaḡ dowi alakélé, ḡale kemeraalomeipó."

Yesuné ḡla weyóló ḡale betere alamó yale fo

¹⁶ "Diaaḡ Talepaae momayaairaaalu, ḡla weyóló ḡale betere sukamó, tuapaae dorutei tó tikiné sikilitere whirapené dere ala suróló yaḡse. Ti so whiné atima mo wisirapó yópóló kisipa mutu, ḡla weyóló atimané kelepaa ḡumula yóló bitua dapó. Yaḡo ḡapaae mo i dere ape. Ai whirape atimané duputa, me kae saalomei, mo sumó ai sere ape.

¹⁷ Tépatei, ḡa moma yaai ḡla weyóló bituraalu, diaaḡ topo nikimó *wel we* ḡilóo, diaaḡ kelepaakélé fokóo du betae.

¹⁸ Ti noa yaqsóró meipó. Mepaae whirapené ḡa ḡla weyóló beterapóló kisipa yaqsóró dapó. Diaaḡ kelené keleneire Ayané ama beta diaaḡ ai kikiti dere ala kelerapó. Atére Aya Talené amatóró ḡiamó dupu wisi melaalo ai ape."

I haemó wisi wisi ḡla betapaae huatu betaḡse yóló yale fo

(Luk 12:33-34)

¹⁹ "Ḋa i haemó bituraalu, ekele yóló ita yaḡo ḡlapóló,

betapaae huatu betaqse. Ti noatepae, i haemóta hoti dakóló ó dowi ero siné turukóló ó qlémi nokole whirapenékélé kikiti be fulukóló sua dapó.

²⁰ Aténi, diaaq wisi wisi q̄la ó hepen bemó betapaaeróló mulaté holópóló yae. Ti ai bemóta ero sinékélé, hotinékélé doréni, qlémi nokole whirapenékélé be fulukóló qlémi saalomeipó.

²¹ Ti naao wisi wisi q̄la mole tikimótóró naao hosaakélé mo turó ai mole ape.

²² Naao keleta, ti tiki turó d̄eró betere lamp s̄a s̄u ai ape. Naao kele tamo wusuró wisipa, ti tiki turó d̄eyó falapó.

²³ Téní, naao keletamo dilikipa, ti tikikélé turó dilikirapó. Naao tiki tuamó ere d̄etamo aluróló dilikipa, ti naao betere betekélé mo turó diliki yó falapó.

²⁴ Bet̄a kutó diratere wh̄inétei t̄eteróló kaae tare wh̄i tamóné kutó diranénipó. Ti me wh̄iné du, i kutó dirae, me wh̄inékelé i kutó dirae depa, atimaamo wusuróné kutó bet̄a wh̄iné diraaire mo sunipó. Ti noatepae, me wh̄i h̄oróló me wh̄ipaaemo h̄ekesené sinóló yaala sókó fole ala yaalo ai ape. Ó me wh̄ipaaemo doasi h̄ekesené sinóló yaala sókó f̄oo, me wh̄imo h̄oróló sisópaae eróo yaalopó. Tétereteiné bet̄a wh̄itei Kótóné ala eratere wh̄i betóo, *moni* dīa t̄eteróló kaae tare wh̄i aqróló, *moniné*

kutó diratere wh̄ikélé betóo, enénipó.”

Nokole q̄la ó deraaire k̄utimó whaalia yaqse ere fo (Luk 12:22-31)

²⁵ “Térapa, ȳalo dīapaae i dere ape. Dīa betere beteta diaaq naaire q̄la ó w̄ei nisiyóló ̄ noa naaloé? ó kuti noa deraaloé? yóló, whaalia du betaqse. Ti ai q̄la q̄la-a, doasi q̄lapa whaalia du betere? Ȳa betere beteta, ti mo doasi topo q̄la ai ape. Naao deró betere kuti-a doasi topo q̄lapa, whaalia du betere? Naao tikita, ti mo doasi topo q̄la ai ape.

²⁶ Barapepaae eratere ala dīané kisipa muae. Atimané naaire q̄la wae bilitere ala ó q̄la sóró bepaae mulatere ala dua de? Tétumitei, ó hepen bemó betere diaaq Ayané atimané naaire q̄la sumó mótua dapó. Ti ai barapeta doasi q̄la meitei, ama tao sua dapó. Ti dīa so wh̄ita, mo doasi q̄la beterapa, ama kisipa keteraalopóló de?

²⁷ Me wh̄iné ama whaalia dere alané ̄ bitiré faaire be d̄e ama sumó h̄ikili farané? Mo meipó.

²⁸ Dīa kuti noa deraaloé yóló, whaalia du betere-a, kale h̄oko yó mole nerape kisipa muae. Ti atima kémi bisikóló kuti nomotere ala dumipó. Mo meipó.

²⁹ Tépat̄ei, ȳalo dīapaae i dere ape. Mió i yó mole nerapené ere au wisiné kale doasi topo wh̄i Solomon-né

sua yale kuti wisinaalené ere aukélé mo teraae falapó.

³⁰ Diã tuę tiki tiratere ala tómó dakeró betere whjrape-ó, i haemó yó mole nerapeta, mió beta yóló dóta, doyaaire qlatei, Kótóné ama mo wisiyóló aurótua dapó. Ti Talené ai ne aurótu dere kaae, diaaę saaire kuti diãmó sũmó melaalomeipóló du bitu de?

³¹ Atérapa, qlaró weıtamo noa naaloé? ó kuti ę noa saaloé? yóló, whaalía du betaęse.

³² Ti noatepae, haęle hõko betó mole so whjrapené ai qła qlarape saaitapóló doasi ketekę butu beterapó. Tépateti, diãné ai yaęa du betere qła qlata, ó hepen bemó betere diaaę Ayané ama mo kisiparapó.

³³ Térapa, folosóró Kótóné ama tęteróló kaae tare alaró, mo donoi ala wisinaaletamota, mo doasi bete mole alapa, ketekę buóló erótu betae. Atétepa, ti mepaae yaęatere qła qlakélé fea Talené ama mo sũmó melaalo ai ape.

³⁴ Atérapa, dó be demó noa ala yaaloé yóló whaalía du betaęse. Ti dó be demó yaaire alata, ai be demótóró erópóló yae. Upaae bitiré faaire be demó yaaire sekei ala, mió i be demó dere alatamo touraęse.”

7

Mepaae so whjné dere ala taleyóló só deraęse ere fo (Luk 6:37-38, 6:41-42)

¹ “Diã Tale aęyóló mepaae no ne hamomané dere ala taleyóló só deraęse. Ai ala deremó, Talené diãkélé taleyóló só deraęsórópa taalae.

² Ti noatepa meipó. Mepaae so whjpaee diãné me noa kaae ala eróló tale itikimó, ti naao me whjpaee ai erale ala mo sũtóró Talené yapaaekélé eraalo ai ape. Naao me noa kaae ala me whj hamomapaae erélipa, ti ai erale sũtóró Talené yapaaekélé eraalopó.

³ Naao kele dolomó doasi ni fake bupatei bunire aęyóló, naao no hamomané kele dolomó sawatamo bole mome kolóló, no-ó, naao kelemó ai bole mome sokaalopa maé dere fo-a, noatepa du betere?

⁴ Naao kele dolomó bole doasi ni fake-a, sokoni haęle bupatei, me no hamomapaae naao kele dolomó bole mome sokotapa maé fo-a, noatepa du betere?

⁵ Tó tikiné wisire nisiyóló haęle sikili du betere whjrape-ó, folosóró naao kele dolomó bole doasi ni fakepi sokae. Atéro naao kele feléyóló, qła qła diriyóló kilituraalu, ti naao noné kele dolomó bole mome wisiyóló sokonérápó.

⁶ Kótóné ama mo kaae tukóló muló betere qła haęrape nõpóló melaęse. Meleke wisinaale hupurape daae mole tikipaae fesekéę falaęse. Diãnétamó ai ala depa, ti hupurapené hóné teiya teiya yóló, momó fesaae wouraalu diãtei dósuyóló naalo ai ape.”

Kótópaae me ɔla wosetere fo

(Luk 11:9-13)

⁷ “Diɔ ɔɔɔterere ɔla Kótópaae wosetepa, ti diaaɔ ai wosetere ɔla ama mo melaalopó. Me ɔlakó saai dapóló keketepa, ti diaaɔ keketere ɔla mo kólóló saalopó. Diaaɔ tɔ tukɔyae yóló tɔ dupa, ti ama tɔ tukɔjaalo ai ape.

⁸ Mepaae so whɔ atima ɔɔɔterepa, wosetere ɔla mo sua dapó. Whɔ me dené senée yóló keketere ɔla ti mo sua dapó. Tɔ tukɔyae yóló, tɔ du betere so whɔ fea be dolopaae wópóló, tɔ tukɔtɔua dapó.

⁹⁻¹⁰ Diɔ ai betó mole whɔ betɔné naalemané alimapaee aya-ó, okó ɔmaletamo ɔlae depa ai kematere ɔla taaróló, kapo fake nae yóló melaaloé? Ó yakó ɔlae depa, ai kematere ɔla meni whɔ tukó nokole dowi wuli betepatei, nae yóló melaaloé? Meipó.

¹¹ Diɔ i haemó dowi ala du betere whɔrape bitutei, diɔné naale senaalemó wisi wisi ɔla hɔle matere ala ti diɔ mo asarapó. Atére kaae, ó hepen bemó betere diaaɔ Ayanéta, mepaae whɔ dené ɔpaee kematere wisi wisi ɔla mo hamokoróló melatere alané, i haemó betere ayané matere ala mo ti bosene falapó.

¹² Térapa, Kótóné ama kóló whɔrapené ere foró Mosesné yóló muló betere fotamo fea touróturaalu, ere fo beteta me kaae mei ai ape. Kaae kaae ala yaairaaalu, mepaae

whɔrapené ɔpaee eranée dere alatóró mepaae so whɔpaaekélé erótua yae.”

Doasi fakere tɔró betekene tɔtamo

¹³ “Diɔ sawatamo betekene tɔ serekemó sókó fae. Mo ti aluyaaitere tikipaae faai fole tɔ fake yóo, mo tɔkélé doasi fake yóo erapó. Ti mo dekeró so whɔta, ai fakere tɔtóróti sya fu beterapó.

¹⁴ Térètei, mo ti betó tawaaire tikipaae fole tɔta, so whɔ feané kilini, betɔ betɔ so whɔné maaté ai betekene tɔ kekóló sya fu beterapó.”

Ni du oletere kilituraalu etei kaae nipóló tué dere ala

(Luk 6:43-44, 13:25-27)

¹⁵ “Diɔ kópaae fópóló, dilikaaai Kótóné ama kóló whɔ aɔyóló waalopa, mo hotowaró kaae tawae. Atima atéro wouraalu, kale *sipsip* hupu niki kaae bilipa mo hɔti nisiyaalotei, atimané tiki tuɔpaeta, ti whɔ dóló nokole dowi bete haɔné tiki daalapó.

¹⁶ Ti atima noa kaae whɔ betereómóló, folosóro atimané dere alapi kaae kolóló tué yae. Ti noatepae, so whɔné besaae teketuraalu, hɔle hɔko kápimó olopa tekaaloé? Nose dukélé hɔle hɔko nimó olopa tekaaloé? Mo meipó.

¹⁷ Atétu dere kaae, wisi niné ti wisi du oleyóo, dowi niné ti dowi dutóro oleyóo, dua dapó.

¹⁸ Wisi nimó ti dowi ni du oleyóo, dowi nimó wisi ni du oleyóo, dumipó.

¹⁹ Mepaae du wisiyóló woleneitere nirape feata, ti

diyóló sipaae taae derótu beteraþó.

²⁰ Térapa, ai kale wh̄irapené du betere ala mo wisiyóló k̄aae keletepa, ti atima etei kaae wh̄irape beteraþóló, mo diriyóló kisipa yaalo ai ape.

²¹ So wh̄i mo feané atima hepen-paae faalopóló kisipa muturaalu, yało doi yóló Tale-ó, Tale-ó, du betepatei, ai so wh̄i mo fea faalomeipó. Ai tuamóte, mepaae so wh̄i de ó hepen bemó betere yało Ayané ama kisipa mole ala sya fóló, erótu betere so wh̄i bet̄a mo sumó fenérapó.

²² Taletere be demó, mepaae so wh̄iné yało doi yóló Tale-ó, Tale-ó, da naao kóló wh̄i bitu, so wh̄ipaae Kótóné fo i ape yóló yó melóo, naao doimó dané mepaae dowi keperape so wh̄i tuamó betereitei dóló h̄okó falóo, mepaae kelemei alarapekélé eróo, du betaleþó, yaalopó.

²³ Ai fo depa, yało atimaae haķeamó teraae faróló duraalu, 'Dīa dowi ala du betale so wh̄i-ó, dīa ę mo tuékélé inipa taae fae,' yaalopó."

Be mo kekemeyóló t̄etere wh̄iró h̄oko t̄etere wh̄itamó (Luk 6:47-49)

²⁴ "Tépatei, mepaae wh̄i dené yało fo mo wisiyóló wosóló, sya fóló eró tapa, ti kisipa tiki fosó fosóre wh̄iné ama be t̄eyaairaaalu mo hae k̄ayóló taae faróló, kapo tómó t̄etu dere kaae dapó.

²⁵ Atépa, doasi hali tiki wóo, w̄ei milikélé wóo, doasi besé tikikélé wóo duraalu, ai bemó

hairaleitei tokó fenipó. Ti noatepae, ai be kapo tómó t̄eyaaleiteiné mo dirirapó.

²⁶ Tépatei, mepaae wh̄irapené yało fo wisiyóló wosólóte sya fóló erénitepa, ti kale kolea koleare wh̄iné w̄ei atik̄a tómóte be h̄oko t̄etu dere kaae dapó.

²⁷ Atépa, doasi hali tiki wóo, w̄ei mili wóo, doasi besé tiki wóo duraalu, ai kale bemó hairale tikimó, mo ti kolokó felepó," yaleþó.

²⁸ Téró, Yesuné ai forape yóló kemetepa, aimó wóló touró betere so wh̄i mo feané ama yó mótu betale fomó haió! yóló, siratu betaleþó.

²⁹ Ti noatepa meipó. Ama atéro yó mótu betale fota, Moses-né yóló muló betere fo yó matere wh̄irapené dere kaae yó meni, me doasi t̄eteróló kaae tare wh̄iné sóró beteratepa yó matere fo kaae, mo bete tokóló yó matapó du betaleþó.

8

Yesuné bet̄a dowi humu fulu der̄ale wh̄i wisiraleitei (Mak 1:40-44, Luk 5:12-14)

¹ Ai ala yóló kemetepa, Yesu ą ai du sokore aqmó betereitei taaróló, dorowou betalemó, so wh̄i mo feané ą sya wou betaleþó.

² ą atéro daalemó, dowi humu fuluné tiki dore wh̄i ą beterepaae wóló, buķutiri teyaró bitu ąpaae woseturaalu, "Tale-ó, naao fotokóné ę wisiraa i kisipa mutepa, ti mo sumó wisiranérapó," yaleþó.

³ Atéro, Yesuné kale whiné tikimó naase mulóló duraalu, “Naao tiki doretei mió yálo wisiraaí dapa, mo ti wisi yae,” yalepó. Ai fo deretamo, ama tiki mo turó wisiyalepó.

⁴ Téró, Yesuné apaae duraalu, “Wosae, mió naao tiki ai wisi yalepa, hãle mo so whipaae i ala yalepó fo momókó yaqse. Téní yã fóló, Talepaae momaraterere whiné maaté naao tiki fopeyópóló, yó melae. Téró, mo take Moses-né yóló muló betere fo sya furaalu, naao tiki wisir-ateremó Talepaae melae ere ɔla melae. Atimané ai ala kilituraalu, ita Talené eró beteropó fo yópóló dapó,” yalepó.

Betã topo dikitare whiné Yesupaae tué tiki tirale ala (Luk 7:1-10)

⁵⁻⁶ Atéro, Yesu ɔ Kapeneam be huluamó sókó felemó, 100 Rom diki tare whirape teteróló kaae tare topo whi betã wóló apaae duraalu, “Tale-ó, yálo kutó diratere whi betã doasi hepo daalu ama tikikélé mo dãamu sókó fóló, bemótóro hãle fió mulapó. Téruraalu, doasi dele su beterepa naao ɔ tao saaloé?” yalepó.

⁷ Ti fo depa, Yesuné apaae duraalu, “Yálo ɔ wisiraaí faalopó,” yalepó.

⁸ Ti fo depa, kale topo whiné apaae tokó mótu duraalu, “Tale-ó, ɔ whi wisi bitupakó yã yálo bepaae ape yaalomeipa, imó naao fonémaaté ama kisi

bete wisiyae depa, sumó wisiyaalopó.

⁹ Ti noatepa meipó. Ekélé ɔ teteróló kaae tare whirape betepa, atima aomó betere-apó. Atéruraalu, yalokélé mepaae diki tare whirape teteróló kaae tarapó. Ai whirapekó betapaae yálo fae depa ɔ fóo, ape depa wóo dua dapó. Yálo kutó diratere whipaae i kutó diyae depa, ama ai alatóro dua dapó,” yalepó.

¹⁰ Yesuné ai whiné dere fo wosóló, haió yóló siratu, ɔ sya wou betere so whipaae duraalu, “Yálo diapaae mo i dere ape, i whiné doasi kisipa tiki tiró betere kaae ere whi Israel hae kwiamó betepa, yálo mo kilinipó.

¹¹ Yálo diapaae i dere fo wosae. Suka hoterepaae betere so whikélé, suka doropolepaae betere so whikélé, atimané be taaróló ɔla detere tikipaae wóló, atima beteropóló tukóló muló betere tikimó ɔla naai betaalopó. Atima atéro touróló, Abraham, Aisak, Jekop-sépitamo hepen bemó betere Kótóné teteróló kaae tare tuamó bituraalu, ai doasi detere ɔla atima fea betamó nuku betaalopó.

¹² Téyaalotei, mepaae so whi Kótóné teteróló kaae tare aomó ama naale senaale beteropóló yóló mulaletei, diliki tuamó beteropóló, belapaae hokó deraalopó. Aimó doasi dele su bituraalu, atimatei yale alamópóló dekené sukóló wole du

betaalo ai ape,” yalepó.

13 Téró, Yesuné kale doasi topo wh̄ipaae duraalu, “Naao kisipa tiki tiratere alatóró yalo yapaae mo eraalopa, fae,” yalepó. Mo ai fo deremotóró kale wh̄iné ama kutó diratere wh̄iné kisi bete wisi ipakalepó.

Yesuné mepaae so wh̄iné kisi wisirótua yale fo

(Mak 1:29-31, Luk 4:38-39)

14 Téró, Yesu a Pitané bepaae sókó felemó, Pitané ama somané hama sere tiki suputere kisiné sinóló mupa kelalepó.

15 Atépa kolóló, kale soné naasemó ama wolaa yó salemó, ama tiki supu du betale kisi bete wisitepa, kale so a turukó holóló, Yesumó ɔla kaae sóró biliralepó.

16 Atéró, be dikiteretamo dowi kepe tepeyóló betó mole so wh̄i mo turó a beterepaae dapesó wua depa, dowi keperape foné sua yalemó, sókó fua yóo, atima so wh̄i feané hepo betekélé mo ti wisitua yóo, yalepó.

17 Ai alata hale inipó. Kótóné ama kóló wh̄i Aisaiané yóló muló betere fo dokonóturaalu yalepó. Ai fo i ape.

“Dané momaare tikiró kisi betetamo fea ama tikimó sóró tokóló aluraai walepó,” erapó.

Yesu a so wh̄iné sya kotopa yale fo

(Mak 1:32-34, Luk 4:40-41)

18 Atéró kelalemó, so wh̄i mo hale ɔla kaae a boperale wapa, Yesuné ama yó matere wh̄irapepaae duraalu, “Da w̄ei k̄ela t̄eyóló uté t̄eró faalopa fiépe,” yalepó.

19 Atétepa, Moses-né yóló muló betere fo yó matere wh̄i bet̄a a beterepaae wóló duraalu, “Yó matere wh̄i-ó, ya mopaae fupa, ti ɛkélé ya sya waalopó,” yalepó.

20 Ai fo depa, Yesuné apaae tokó mótu duraalu, “Kale haɔnaraperó barapetamota, atima fitere tiki ai ere ape. Téretei, kale wh̄iné Naalema a bet̄a ama topo beleróló fitere tiki meipó,” yalepó.

21 Ti fo depa, ama yó matere wh̄i bet̄ané duraalu, “Tale-ó, folosóró yalo ayapi dourale faaipa, naao epaae fae fo enére?” yalepó.

22 Ai fo depa, Yesuné apaae duraalu, “Sinale wh̄irapeta, ti sinale wh̄irapenétóró dourópólópa, ya ɛ sya ape,” yalepó.

Yesuné doasi besé tikiró w̄ei asyatamo béraletei

(Mak 4:36-41, Luk 8:22-25)

23 Atéró, a kale w̄ei nukupaae bit̄i hotopa, ama yó matere wh̄irapekélé atamo bet̄a nukupaae bit̄i holalepó.

24 Atéró, atima w̄ei tuamó fu betalemó, mo doakale hali tikiró besé tikitamo kilitainé hapale sókó walapó duraalu, w̄ei asya wóló atima betere nuku dolopaae w̄ei bosenée horóló, kale nuku buó deraai depatei, Yesu a noke hale fió molepó.

25 Yesu atéro fipa, ama yó matere wh̄rapené ą turukuróló duraalu, “Tale-ó, ą felekemó wēiné aluraai dapa, naao ą tao sae,” yalepó.

26 Ai fo depa, Yesuné atimapaee tokó mótu duraalu, “Dią noatepa wi du bitu de? Diaaą kisipa tiki tiró betere ala tómó ai ererapó,” yalepó. Tétepa, ą turukó holóló, kale wēi asyaró besé tikitamopaae tikae yóló foné salepó. Atéyalemó, kale wēi asyaró besé tikitamo tukóló ama ere kaae mo dono felepó.

27 Atétepa, kale wh̄rape atimasisitei duraalu, “Háió! i wh̄ta, noa kaae wh̄rópó. Kale wēi asyaró besé tikitamonékélé mo wh̄iné dere kaae, ama dere fo mo betatóró wosóló, erótua dapó,” yalepó.

Kepe tepeyóló betere wh̄i tamó wisirale fo

(Mak 5:1-17, Luk 8:26-37)

28 Atéro, Yesu ą uté tēró tē fóló Kadarin hae kwiamó sókó felepó. Aimó dowi kepe tepeyóló betere wh̄i tamó wh̄i dourótua dere tikimó biti, ątamó hokolaa yaai dapóló walepó. Ai wh̄i tamó dowi kepené sesemeratepa doasi fopaae butu, sereke fisikó sóró wh̄i daai du betepa, so wh̄i fea wituraalu ai tumó fua inipó.

29 Até du betere wh̄i tamóné fo fakeyóló duraalu, “Kótóné Naalema-ó, naao ąamopaae noa alakó eraai waleé? Tukóló mulale suka

teópatei, ya ipaae ąamo susupuraai waleé?” yalepó.

30 Téro, mepaae hupurape mo h̄ale ąla kae mo umó kimimó daae molepó.

31 Kale dowi keperape atima witepa Yesupaae kema duraalu, “Naaotamo ą dóló h̄konaai depata, ti u hupurapené depe tuąpaae dotonaasepe,” yalepó.

32 Atéro, ama kale keperapepaae duraalu, “Dią wh̄i tuąmó beteretei taaróló sókó fae,” depa, atima kale wh̄iné depe tuąmó betaleteti taaróló, hupurape tiki tuąpaae tepeyóló bit̄i fupa, kale hupurape fea botokó furaalu, kula dolomó derepeletikimó, wēiné sorokó fóló kale hupurape sisiraae felepó.

33 Atétepa, ai hupu kaae tare wh̄rape atima ai ala kilitu, mo hapale doasi be huluapaae fóló, i kale wh̄i tamopaae erale alaró mepaae eratepa kelale alatamó so wh̄i feapaae yalepó.

34 Atétepa, ai be huluamó betó mole so wh̄i fea Yesu kelaai dapóló walepó. Atéro walemó Yesu betepa kilitu, atimané ąpaae ya i hae kwia taaróló fae, yóló setu betalepó.

9

Yesuné tiki ąamui wh̄i wisirale fo

(Mak 2:1-12, Luk 5:17-26)

1 Atéro, Yesu ą wēi nukupaae bit̄i holóló, ai wēi k̄la t̄eyóló ą betere be huluapaae felepó.

² Atéro ą aimó betepa, mepaae wh̄rapené betą tiki dąamui wh̄i beseķetamo turó Yesu beterepaae beleyóló walepó. Atétepa atima kisipa tiki tiróló wale ala Yesuné kolóló, kale tiki dąamui wh̄ipaae duraalu, “Ti naale-ó, naao dowi ala kwia mió yąło i kemeratapa whaalia ini, naao hosaa diriyóló dua betae,” yalepó.

³ Ai fo depa, mepaae Moses-né ere fo yó mótu betere wh̄rape atima kisi-panétei duraalu, “I wh̄iné ą Kótó kaae beterapóló du betere foné, Kótóné doi doróló faletu beterapó,” yalepó.

⁴ Yesuné atimané atéro mutere kisipa kolóló duraalu, “Diaaą atei kaae dowi kisipa noatepa mutu bitu de?”

⁵ Fo tamo mulapa, so wh̄iné taleyóló mé fo diaaą enére? Naao dowi alamó saaire kwia yąło aluratapó fo enérepé, yą turukó horóló naao beseķe sóró fae fo enére? Dią tuę tekeyóló kisipa yae.

⁶ Atérené i haemó betó mole so wh̄iné dowi ala kwia tokóló aluraaire fotoką Wh̄iné Naalemané sumó bulapóló, kisipa muópólópa,” kale wh̄ipaae, “Yą turukó horóló naao beseķe sóró bepaae fae,” yalepó.

⁷ Ti fo depa, kale wh̄i turukó holóló ama beseķe sóró bepaae felepó.

⁸ Atétere ala aimó betó mole so wh̄i feané kolóló, atima doasi hokómó sókó furaalu sira yalepó. Mo wh̄iné etei kaae ala yópóló Kótónétei

sóró beteró beterapóló, ama doi hale sóró horalepó.

Yesuné Matyupaae ą sya ape yale fo

(Mak 2:13-17, Luk 5:27-32)

⁹ Atéro Yesu ą ai hae tiki taaróló fu betalemó, *takis moni* siré kotere wh̄i Matyu *takis moni* saairaalu, tęne furu bemó betepa kelalepó. Atépa ama ąpaae duraalu, “Yą ę sya ape,” depa, kale sekę ą turukó horóló Yesu sya felepó.

¹⁰ Atéro, Yesu ą kale wh̄i Matyuné bemó betepa, *takis moni* siré kotere wh̄iraperó mepaae dowi ala dere wh̄irapetamo mo turó wóló, Yesuró ama yó matere wh̄irapetamo fea touyóló ąla nuku beterepó.

¹¹ Atéro ąla nuku betepa, mepaae Farisi wh̄rapené kolóló ama yó matere wh̄irapepaae duraalu, “Dią yó matere wh̄i-a, *takis moni* siré kotere wh̄iraperó dowi ala dere wh̄irapetamotei, noatepa ąla betámó nuku bitu de?” yalepó.

¹² Ai fo wosóló Yesuné duraalu, “Kisi daanire so wh̄i *dokta* beterepaae fumi, kisi daale so wh̄imaaté fua dapó.

¹³ Kótóné aseýóló muló betere fo i ape. ‘Simó sukųlaa dalóló ąle matere ala Kótóné ą saai doasi ąkeseni, kęlené sinóló ąle tao sere ala depa, ti ą mo doasi ąkeserapó, erapó. Térapa dią fóló, ai ere fo bete wosóló kisipa tekeyae. Ti ę waleteita, donoi ala dere so wh̄ipaae ape yaai anitei

dowi ala dere so wh̄ipaae ape yaai walepó,” yalepó.

Ōla weyóló h̄ale betere ala (Mak 2:18-22, Luk 5:33-39)

14 Téró, Jon-né yó matere wh̄irape Yesu beterepaae wóló ąpaae woseturaalu, “D̄aró Farisi wh̄irapetamota me sukamó ąla weyóló h̄ale bitua depatei, naao yó matere wh̄irapemo ąla weyóló h̄ale bitinitere-a, noatepa de?” yalepó.

15 Ai fo depa, Yesuné atimapaee tokó mótu duraalu, “Kale so dokaaire wh̄i ą ama fulumu wh̄irapetamo h̄ale betepatei, ama fulumu wh̄irape dek̄etu molómó betaaloé? T̄eni, nalo kale so dokore wh̄i mené dapesó fupa, ti ama fulumu wh̄irape atima ąla weyóló h̄ale be-taalo ai ape.

16 Mo wh̄i bet̄anékélé, kisi kuti kwia sóró si kutitamó nomotumipó. Ti noatepae, kisi kuti kwia sóró der-aa-kele kutitamó dakoróló nomonalemó, momó bis̄aae fóló mo ti fake yaalopó.

17 Wh̄i bet̄anékélé, kisi wain w̄ei tepeturaalu, upulé moi hupu sekāené nomóló mole wutimó tepetumipó. Atéró tepetepa, ti kale moi hupu sekāémó tepeyale wain w̄ei tóputuraalu, fulukó fóló w̄ei sunée faalopó. Atéyaqsóró, atima kisi wain w̄ei tepeturaalu, ti kisi hupu sekāené aleale wutimótóróti tepetua dapó. Atétepa, ti kale wutiró w̄eitamo wusuró mo wisiyóló muó tawaalo ai ape,” yalepó.

Yesuné folosóró bet̄a so wisiróo, senaale kepaaróo yale ala

(Mak 5:22-43, Luk 8:41-56)

18 Atéró ama fo teó du betepatei, bet̄a doasi topo wh̄i wóló ą daalemó bukutiri teyaró bitu duraalu, “Doa wh̄i-ó, ąlo senaale mo miótóróti sinalepó. Téyalet̄ei, ą wóló ama tikimótamo naao naase mulatepata, ti ą mo kepaanérápó,” yalepó.

19 Atétepa Yesu ą turukó horóló kale wh̄itamó fupa, ama yó matere wh̄irapekélé felepó.

20 Até deretamo, bet̄a so wéliéné du betepatei, 12 ba fo kemere so Yesuné sisóró sókó wóló, ama deró betere kuti salemó wolaayalepó.

21 Kale soné ama i kisipa mualepó. “Ȳalotamo ama kuti salemó wolaatepa, ti ąlo kisi bete sumó wisiyaalopó.”

22 Tétepa, Yesu ą fetée fóló kale sopaae duraalu, “Ti senaale-ó, naao kisipa tiki tirale alané naao kisi bete wisiralepa, hosaa tuamó sek̄eni, diriyóló dua fae,” yalepó. Ai fo deremótóró kale soné kisi bete mo ti wisiyalepó.

23 Atéró, Yesu ą kale doasi topo wh̄iné be dolopaae sókó felemó, so wh̄i fea fo tiki whaa du bitu, fó wuti hale yóló moló-u du betepa ke-lalepó.

24 Até du betepa, Yesuné atima foné sóró duraalu, “Ai senaleta sukuni, ą noke fi-

rapa diã taae fae,” deremó atimané ą dọ nalalepó.

²⁵ Atéró, ai touró betere so whị fea belapaae hòkó deróló, Yesu ą kale senaale mole be dolopaae fóló, kale senaalené naasemó tao salemó, ą mo ti sukãletei momó kepaayalepó.

²⁶ Atéró, Yesuné i ala yalepóló, ai be hulua feapaae deté kwęyóló fakeralepó.

Kele dilikire whị tamoró kóló nomone whıtamo wisir-alefo

²⁷ Atéró Yesu ai be taaróló fu betalemó, kele dilikire whị tamoné ą sya wou fo fakeyóló duraalu, “Depit-né deté yale whinė Naalema-ó, naao dąmo kọlené sukutu tao sae,” yalepó.

²⁸ Atétepa, Yesu ą be tuãpaae sókó fi tikimó nalo kale kele dilikire whị tamo ą beterepaae wapa, atimaamopaae woseturaalu, “Yalo diaamo sụmó wisiranérapóló kisipa mute?” depa, atimaamoné duraalu, “Tale-ó, naao fotokọné dąmo mo sụmó wisiranérapó,” yalepó.

²⁹ Ai fo depa, ama kale whıtamoné kelemó wolaa yóló duraalu, “Diaamoné kisipa tiki tiró betereiteiné i wisiratere ape,” yalepó.

³⁰ Ai fo yalemó, kale whıtamoné kele fisaae fóló wisitepa Yesuné atimaamopaae fo mulóló duraalu, “Yalo diaamopaae i erale ala so whıpaee momókó deté kwęyaọse,” yalepó.

³¹ Téyaletei, atimaamo be hulua feapaae fóló, Yesuné i ala yalepóló deté kwęyóló fakeralepó.

³² Atéró kale whıtamo fi tikimó, dowi kepe tepeyóló bituraalu kóló nomóló fokélé initere whị beta Yesu beterepaae dapesó walepó.

³³ Atétepa, Yesuné kale dowi kepe dóló hòkonaletikimó, kale kóló nomóló betale whıtei, fo kaae sóró yalepó. Atéteremó, so whị feané kolóló siraturaalu, “Take bitiré wale alimó etei kaae ala Israel hae kwiamó depa mo kolókélé inipó,” yalepó.

³⁴ Ai fo depa, kale Farisi whırapené duraalu, “Ai dowi keperape dóló hòkonaleteita, dowi keperapené doasi topo whinė fotokọratepa, dóló hòkonótua dapó,” yalepó.

Kótóné kutómó ọla dekeró ulumépaitei saaire whị meipó

³⁵ Atéró etéyalepó. Yesu ą doasi be huluapaaekélé, sawa be huluapaaekélé, ai be huluamó tẹ mole fo wosetere berapemókélé, Kótóné tẹteróló kaae tare aqómó mole ala i ape yóló, kale mió wosetere kisi fo wisi yó melaté kwęyóo, mepaae tiki momaare whıraperó hepo daale whırapetamokélé wisiraté kwęyóo yalepó.

³⁶ Téró, so whị mo hãle ọla kaae betó mupa kelalemó, atima tao saaire whıkélé meiruraalu, bokonaale sipsip hupurape aqyóló betó mupa, Yesu kọlené sukutu ama hosaamó salepó.

37 Atépa ama yó matere whirapepaae duraalu, “Kutómó ere qlata, mo dekeró uluméretei qla saaire whi betā doaló meipó.

38 Térapa, ai kutómó ulumére qla saaire whirape dotonópóló, ai kutó Talepaae wosae,” yalepó.

10

Yesuné 12 whirape doteyale fo

(*Mak 3:13-19, Luk 6:12-16*)

1 Atéró, Yesuné ama yó matepa wosetere 12 whirape a beterepaae ape yalepó. Mepaae so whi tuamó betere dowi kepe hokó falóo, mepaae kae kae hepo daale so whiró tiki momaare so whitamó wisiróo yópóló, atima fotokó mo sumó bulóló sóró beteralépó.

2-4 Ama ai sóró beterale 12 aposel whiné doirape i ape. Folosóro sale whita, Saimon doi mupatei, Pitapó du betere whiró ama noma Andrutamo yóo, Sebediné naalema tamo Jems-ró noma Jon-tamo yóo, Filip-ró Batolomiu-tamo yóo, Tomas-ró *takis moni* siré kotere whi Matyu-tamo yóo, Alpias-né naalema Jems-ró Tadeus-tamo yóo, kəlo kəloi whi Saimon-ró Iskariot be whikó Yesu dópóló eleké deyale whi Judas-tamo yóo yóló, atima atérópó.

5 Yesuné ama dosayóló sóró beteró betere 12 whirape dotonaairaalu, folosóro atimapaee i fo yalepó.

6 “Juda fake mei, kae fakené be huluaró Samaria whirapené be huluatamopaae feni, *sipsip* hupu kaae fókó fale Israel fake beterepaae fae.

7 Diā furaalu, i fo so whi feapaae hakeamó yó maté kwəyae. Hepen bemó betere Kótóné tetéróló kaae tare aqmó mole ala wóló, mió mo felekemó i mole ape.

8 Mepaae kisi daae mole so whi wisiróo, sinale so whirape kepaaróo, mepaae humu fuluné tiki dore so whi wisiróo, tiki tuamóbetere dowi kepe doló hokonóo, yae. Ai ala yaaire fotokó diaaq *moniné* dupuyóló sini, yalo diapaae hale melalépó. Təyalepa, diaaqmo me dupu sini, so whi hale tao sóro wisiraté kwəyae.

9 Diā atéró furaalu, *kold ó silpa ó kopa moni* sóro faqse.

10 Naao wa ó tómó deró betere kuti, ó horó betere hó be, ó dotó tikikélé tawóló faqse. Ti noatepae, ai kutó diratere whirape atimané naaire qlakélé, ó fiyaaire bekélé ti ai be talenétóro melatepa ti mo wisirapó.

11 Diā mé doasi be huluamó ó sawa be huluamó sókó fupa, ti mo wisi kisipa mole whikó aimó beterémóló kelenaaemó betepa, ti mo ai whitamotóro bitiré fóló, diā me bepaae furaalu, ti ai be taalae.

12 Diā ai whiné ama bemó sókó huturaalu, atimapaee kəleó, Talené diā wisiró betepa, hosaa muni deyóló dua betae fo yae.

13 Ai be talerape wisi kisipa mole whıtamo betepa, ti dijané hosaa muni deyóló mo dua betae dere foné atima sumó tao sóró wisir-aalopó. Atima wisi tué mole whıtamo bitinipa, ti dijané hosaa muni deyóló dua betere ala wisinaale hãle besekéréni, diãpaae momó fesaae wópóló yae.

14 Mepaae whınétamo diã wisiyóló dape sini yóo, diaağ yó matere fokélé wisiyóló woseni yóo depa, ti diã ai betere be, ó doasi be hulua taaróló faairaalu, atimané ai be hae diaağ hómó dakepatei faqsóró, aimó terepée deróló fae.

15 Yało diãpaae mo i dere ape. Kótóné taleyóló kwia melaaire sukamó, diã wisiyóló dape sinitere be huluumó betó mole so whıpaee eraaire sekei alata, Komoraró Sodom be huluatamomó betó muale so whıpaee eraaire seke bosenóló, mo doakale dowi seke melaalo ai ape.

16 Diãta, kale bete hağ betó mole tuãpaae *sipsip* hupu kaae yało i dotonaterere ape. Térapa, diã wuliné kisipa kaae fosó fosó irutei, diã me dowi ala muniru, kale ba hqkóserape kaae, naame yóló mo dua betae.

17 Ti noatepae, mepaae whırapené kae kae sekei ala diãpaae mo eraalopa, diã mo hotowayóló kaae tawae. Téturaalu, atimané diã fo tokótamo yóló taletere whırapené naase tuãpaae mulóo, atimané fo

wosetere berape tuãmókélé diã susupuróló fokosói ala yóo yaalo ai ape.

18 Diã yało doi erótu beteremó, teteróló kaae tare *Gavman* whıraperó doasi topo whırapetamo beterepaae fo tokótamo yaai dapesó faalopó. Atéró, fo tokólo dere ala Juda meire so whınékélé wosóló kisipa yaalopó.

19 Téyaalotei, atimané diã *dipula* beteraai dapesó fupa, diã noa fo yaaloé ó fo neyóló yaaloé yóló, whaaliala yağse. Atéró fo teketerere be demótóróti diaağ yaaire fo Tale Kótóné ama yó melaalo ai ape.

20 Ti atéró yaaitere fo dijané kisané yaalomeitei, diaağ Ayané ama Kepe Wisiné i fo yae yóló yó mótu betepa, yaalo ai ape.

21 Me whıné ama nomatei me whıné dópóló eleké deyaalo ai ape. Betã whıné ama naale senaale me whıné mo ti dóló sukunópóló eleké deyaalo ai ape. Naale senaalené hama alimatamo bóe dóló só deróló, mepaae whıné dópóló melaalopó.

22 Diã yało ala erateremó, so whı feané diã hóróló, bóe du betaalo ai ape. Tétu betepatei, whı me detamo ai sekei ala hãle beleté fóló kemetere kwiapaae sókó fupa, ti atétere so whı aluyaqsóró, yało tao saalopó.

23 Diã ai be huluumó sókó fełalemó, ai be hulua so whıné diãtamo bóe dóló

diapaae susupui ala eratepa, ti ai be taaróló me be hulupaae botokó fae. Yálo diapaae mo i dere ape. Ai Israel fakené be huluarape dokó fea kwęyóló kemeréni teó kutu betepatei, kale Whinė Naalema sókó waalo ai ape.

²⁴ Betá *skul* naalené ą yó matere whi ama teteranénipó. Atétere kaae, kutó diratere whinėkélé ą teteróló kaae tare whi ama teteranénipó.

²⁵ Kale *skul* naale ą kisipa siré fóló, ama kisipare alakélé ą yó matere whinė kisipare alatamo betá sų yóo, kale kutó diratere whinė dere alakélé ą kaae tare whinė dere alatamo betá sų yóo epata, ti mo wisirapó. Mo so whiné be tale kilituraalu, ąta dowi keperapené doasi topo kepe Belsebul-pó du betepa, ti ama be whi so whipaaekélé betá kaae eratere fotóró yaalo ai ape.

²⁶ Atérapa, atima ai whirape kolóló wiyaqse. Ti noatepae, mió kinóló mole ąla ąlarape fea take hąkearatepa ke-laalopó. Kinóló mole ala ó fo so whi feané kisipa yaalo ai ape.

²⁷ Yálo diapaae dilikitamo yó mótu betere fota, ti be dętamo hąkeamó yae. Diaaq kikiti woséli dolomó du betere fo ti so whi feané wosópóló, siki bemó daalu hąkeamó yó melae.

²⁸ Ti diaaq kepe bete doréni, mo tó tikimaaté sukópóló dele mo whirape koróló,

dią wiyaqse. Téni, naao tikiró kepe betetamo wusuró dowi si duku beterepaae taae deranére Talepaae betá wiyaie.

²⁹ Whirapené ba male tamo duputuraalu, sonaai *moni* kené dupu dua dapó. Téretei, diaaq Aya Kótóné ama kisipané ai ba belekąamale haepaae derepae initepa, ti haepaae derepenénipó.

³⁰ Diaaq topomó bilire niki feata, Tale Kótóné ama dosąayóló mo tuérápó.

³¹ Atérapa, dią whaaliala yóló wiyaqse. Ti i haemó betó mole ba belekąatiki kolósu, dią kolósu depa, diąta mo doasi ąla ereteiné Kótóné ama dią kisipa keteraalopóló de? Mo meipó.

³² Mepaae whi denétamo amatei, so whi feané keletómó, ęta Keriso whi beterapó depata, ti atétere whi ó hepen bemó betere yálo Ayané keletómó ita yálo ne nopó yaalo ai ape.

³³ Téyaalotei, mepaae whi dené so whi feané keletómó, ęta Keriso whi meipó depa, ti yalokélé hepen bemó betere yálo Ayané keletómó ą yálo ala eratere whi meipó yaalopó.

³⁴ Ę i haepaae waleteita, ti i haemó betó mole so whi fea bóe dele ala taaróló, dua beterópóló wale nisiyaqse. Téni, i haemó betó mole so whi tuąmó tekeróló me fake kae beteróo, me fake kae beteróo yaairaaluu walepó.

³⁵ Ę wóló betere bete i ape.

'Naaleró alimatamo tuamó tekeróló bóe delóo, senaaleró hamatamo betere alakélé tuamó tekeróló bóe delóo, whiné dokore soné ama hyama seretamo bóe dóo, yaalopó.

³⁶ Whi mené ama fake so whi ó ɔtamo betamó betere so whinétei, ɔtamo bóe daalo ai ape,' erapó.

³⁷ Mepaae whi dené ɛ sisópaae eróló, ama alima ó hamapaae doasi hekesené sukóló yaala sókó fu betepa, ti atétere so whi ɛtamo betamó betaaire sunipó. Mepaae whi dené ama naale ó senaalepaae yaala sókó furaalu, ɛ sisópaae eratepa ti atétere so whi ɛtamo betamó betaaire sunipó.

³⁸ Mepaae whi dené ɔ sukɔaire filipaa ni amatei beleyóló ɛ sya ɔnitepa, ti ai so whi yalo fo wosetere so whi betaaire sunipó.

³⁹ Mepaae whi dené ama betere bete me ala yaɔsórópóló, amatei hotowayóló kaae tapa, ti atétere whiné ama betere bete aluyaalo ai ape. Mepaae whi dené yalo ala eraairaalu, ama betere bete me ɔla meipóló aluratepa, ti atétere whiné ama betere bete aluni, hale muó tawaalo ai ape.

⁴⁰ Whi me dené dia wisiyóló dape sóró kaae tatepa, ti ɛtei wisiyóló dape sirapó. Mepaae whi dené ɛ wisiyóló dape supata, ti ɛ dotɛyale seké yalo Ayatei wisiyóló dape sirapó.

⁴¹ Whi me dené mepaae whi kilituraalu, Kótóné ama fo eratere ɔlóló whipóló, mo wisiyóló dape supa, ti atétere whiné Kótóné ama ɔlóló whiné sere dupu sɔtóróti saalopó. Whi me dené mepaae whi kilituraalu, ɔta mo donoi ala dere whipóló mo wisiyóló dape supa, ti atétere whiné kale mo donoi ala dere whiné sere dupu sɔtóróti saalo ai ape.

⁴² Yalo diapaae mo i dere ape. Whi me denétamo mo belei sokótei betere whi yalo ala erótu betere whipóló siri wei nae yóló melatepa, ti ai ala deremó dupu haşókó feni, motóro saalopó," yalepó.

11

Yesuró wei tópuratere whi Jon-tamo

(Luk 7:18-35)

¹ Atéroró, Yesuné yó matere 12 whirapepaae fo yó melóló kemetepa, ai betere tiki taaróló, ɔ Kaleli hae kwiamó tɛ mole be huluapaae felepó. Atéroró fóló, hale mo betó mole so whipaae kale kisi fo wisi yó melóo, ama fo wosetu betere so whipaaekélé yó melaté kweyóo yaairaalu felepó.

²⁻³ Kale Jon dipula bitu, Yesu Kerisoné i ala du betera-póló deté kotere fo wosóló, ama yó matere whirapepaae I fo wasae yóló dotɛyalepó. "Yata kale waalopóló bope du betale whi hitipé, whi me kae wópóló kaae tawaaloé yóló wosene fae," yalepó. Atétepa,

kale Jon-né dotonale wh̄rape fóló, Yesupaae wosalepó.

⁴ Tétepa Yesuné atimapaee duraalu, “Diā Jon beterepaee fóló, diaaḡ wosale foró kelale alatamo ḡpaee yó móturaalu, i fo yae.

⁵ Kale kele diliki yóló betale wh̄rape wisiróo, hó doyóló betale wh̄rape wisiróló falóo, mepaae dowi humu fulu dorowóló betale wh̄rape wisiróo, woséli k̄ine so wh̄i tukw̄e falóo, mepaae mo ti sinale so wh̄itei kepaaróo, yoleale yóló betere so wh̄ipaae kale kisi fo wisi yó mótu betóo, du beteraḡó ene fae.

⁶ Mepaae wh̄itamo ḡalo du betere ala kolóló, ḡ sya waleteti h̄óturaalu, dée n̄enitere wh̄i ti Kótóné wisiratepa, h̄ainé sukutu beteraḡóló yae,” yalepó.

⁷ Atéró, kale Jon-né ama yó matere wh̄rape fi kinipaae, Yesuné Jon-né du betere alamó tuḡ muturaalu, aimó betó mole so wh̄ipaae yó melaai duraalu, “So wh̄ikélé bitinire h̄ale kópu k̄aae fi hae tikipaae fua yaleteti-a, noakó keḡe fua yaleé? Bes̄ené féporótu betere kape kelaai fua yaleé? Mo meipó.

⁸ Diā upaae noakó kelaai fua yaleé? Wh̄i betā mo kuti wisinaale deróló betepa keḡe fua yaleé? Meipó. Atei kaae kuti wisinaale deró betere wh̄ita, ti kale doasi topo wh̄rape bitua dere tiki dokélé ini, mo sisi yóló sorok̄i be wisinaalemó bitua dapó.

⁹ Téretei, diā noakó keḡe fua yaleé? Kótóné ama kóló wh̄i kelaai dapóló fua ipa, ti ḡtóróti mo h̄iti ai ape. ḡalo diāpaee mo i dere ape. Kótóné ama kóló wh̄rape fea betereitei, ai wh̄iné ama ditere kutóné mepaae kóló wh̄rapené ditere kutó mo bosene falapó.

¹⁰ Ai sekémó kisipa mutu, Kótóné ašemó i fo erapó.

‘ḡa waii teópa ḡalo fo eraaire wh̄i folosóro ḡpi wópóló dotḡyaalopó.

Ai wh̄iné amata, ḡa waaire tu donoróló wisiraalopó, erapó.

¹¹ ḡalo diāpaee mo i dere ape. I haemó betó mole sorapené deyale wh̄rapekélé fea betó moleteti, kale w̄ei tópuratere wh̄ikó Jon-né atima fea t̄eteróló bosene falapó. Tépateti, Kótóné t̄eteróló kaae tare aḡmó belei sókó deóló betere wh̄iné ti kale w̄ei tópuratere wh̄i Jon t̄eteró beteraḡó.

¹² Kale w̄ei tópuratere wh̄i Jon betale alimó kaae sóro, hepen bemó betere Kótóné t̄eteróló kaae tare aḡmó mole ala mo doasi fotok̄tamo wouraalu, fakeraté wou beteraḡó. Ai ala saairaalu, ketek̄e buóló bóe du betere wh̄rapené ai ala kekeparó fasó sua dapó.

¹³ Kótóné ama fo eratere kóló wh̄iraperó Moses-né as̄ere fotamoné Kótóné i ala yaalopóló yó maté wóló, kale w̄ei tópuratere wh̄ikó Jon betale alimó sókó walepó.

¹⁴ Térené diaaḡ kisipanétamo waalopóló kale bopetu be-

tale whi Elaijata Jon ɔ́tóróti h̄tipóló kisipa mutupa, ti mo wisirapó.

¹⁵ So whi de wos̄eli daapa i dere fo mo wisiyóló wosóló kisipa muae.

¹⁶ Mió i alimó betó mole so whi etérápóló bete kisipa yópóló, yálo noa ala suróló yaaloé? Atimata, etei kaae naale senaale kaaené kelerapó. So whi touraleta dere tikimó bituraalu, mepaae naale senaalené mepaae naale senaalepaae melaa yaalopa ape yóló etei fo dapó.

¹⁷ ‘D̄ané f́ó wutiné haler-atepa, dīané mepaae wole forape yóló sama kilini yóo,

d̄ané mepaae wole forape depa diaaḡ moló ini yóo yaletai-a, noatepa h̄ale daae mualeé?’ dua dapó.

Ai kale keteirapené dere ala kaaetóróti diaaḡkélé ai du betere ape.

¹⁸ Kale w̄ei t́opuraterere whi Jon wóló beteretei ḡlakélé, *wain* w̄eikélé n̄enitere ala mepaae so wh̄iné kolóló, ama depe tuamó dowi kepe bituraalu dapó dua yalepó.

¹⁹ Kale Wh̄iné Naalema wóló bitu, ḡlaró w̄eitamo nokole kilitu, so whi feané ai wh̄jta, ḡlakélé *wain* w̄eikélé dekéro nuku betere wh̄ipó. Āta, kale *takis moni* siré kotere wh̄jrapero dowi ala dere wh̄jrapetamoné fulumu wh̄ipó, ai du betere ape. Tétu beteretei, mepaae wh̄iné ama dere ala k̄aae kolóló, ai wh̄jta Kótóné mo dotoróḡ fale

kisipa muluraalu dapó yaalo ai ape,” yalepó.

Mepaae dowi ala taaróló kisipa fetenire be huluamó ere fo

(Luk 10:13-15)

²⁰ Téró, Yesuné ama kae kae kelemei alarape erale be huluarapemó betó mole so whi dowi ala taaróló, Talepaae kisipa tiki feteyóló bitini yalemó, ai so whi só deraai yalepó.

²¹ Atéro ama duraalu, “Korasin be huluaró Betsaida be hulua so wh̄jrapetamo-ó, dīa tuapaae mo dowi sek̄ei ala waalo ai ape. Yálo dīa tuapaae erótua yale kelemei alarape kaaetamo, Tair be huluaró Saidon be huluatamomó eróluasóro, ti atimané dowi ala mo taketitei taaróló, tuḡ tiki feteyóló kili diyóló yei kutitamo bituapó.

²² Yálo dīapaae mo i dere ape. Tale Kótóné taleyóló kwia matere sukamó, Kótóné i haemó betó mole so wh̄jpaae kwia matere alata, ti kale Tair be huluaró Saidon be huluatamopaae melaaire kwia mo bosene faalo ai ape.

²³ Dīa Kapeneam be huluamó betó mole so whi-ó, dīa ó sapaae holaalopóló kisipa mute? Mo meipó. Dīata, mo apaae derepale dolopaae Kótóné sóro deraalo ai ape. Dīa ai Kapeneam be hulua tuamó erale kelemei alarape kaae, Sodom be hulua tuamó eróluasóro, ti ai be hulua doróluameipó. Miókélé h̄ale t̄e tawuapó.

24 Téretei, yalo diappaee i dere ape. Tale Kótóné Sodom so whi taletere sukamó doasi kwia melaalotei, diappaee eraaire sekei alata, ti bosenóló mo doasi ala eraalopó,” yalepó.

Fóturu depa sqa nóló dua betere ala melaalopóló dere fo (Luk 10:21-22)

25 Atéyale sukamó, Yesuné ama Alima Kótóné doi hale sóró horóló duraalu, “Sáro i haetamo teteróló betere Aya Tale-ó, naao mió i alimó yó mótu betere alarape feata, doasi kisipa sóró betó mole whirapené kelaqsóró hyó mulóló, i naale belekhatikiné maaté kolópóló, hakeamó yó melaletiné yappaee mo kée dapó.

26 Aya-ó, mo dapó. Ti ai alata, mo naao kisipa mole alatóróti ai ape,” yalepó.

27 “Fea alata, yalo teteróló kaae tanópóló, yalo Ayané epaae meló beteraapó. Mo whi betanékélé Naalema kisipa initei, Alimané ama betá kisiparapó. Térure kaae, mo whi betanékélé Alima kisipa initei, Naalemané betá ama Alima kisiparapó. Naalemané ama kisipa mole so whipaae yalo Ayata, etei kaae Tale beteraapóló, yó matere so whiné maaté tué yaalopó.

28 Diá mepaae whi sekei ọla beleyaletikimó, fóturuyóló bétu betere so whi-ó, diá sqa nóló mo dua betaaire ala yalo melaalopa, ẹ beterepaae ape.

29 Yalo hulumó belere ni fake beleyóló, damo wusóró furaalu, yalo dere ala kolóló kisipa sae. Ti noatepae, yalo hosaa tuamó mole naamei ala wisi diaaọ kisipa yaasepóló, yó melaalopa, ape. Até depata, ti diaaọ hosaa muni deyóló mo dua betaalopó.

30 Ti noatepae, yalo kutó ditere alaró beleyóló fole ọlatamo sekeni, mo esepelérápó,” yalepó.

12

Yesu qta sqa nópóló tukóló muló betere be de tale (Mak 2:23-28, Luk 6:1-5)

1 Atéyale sukamó, Yesuró ama yó matere whirapetamo whi kutó tuamó kutu betalepó. Téyalemó, ama yó matere whirape wotetepa sqa nópóló ọlale muló betere sukamótei, kale ai kutómó yó mole whi du kaaesu yóló nukulé fu betalepó.

2 Atei ala depa, Farisi whirapené kolóló Yesupaae duraalu, “Naao yó matere whirapené sqa nóló beteraapóló tukóló muló betere be demótei, kale yóló muló betere fo tukóló, ọla ai su betere ape,” yalepó.

3 Ai fo depa ama atimaae duraalu, “Depit-ró ama fulumu whirapetamo atima wotetepa yale ala diaaọ dosayóló, kisipa muni airapó.

4 A Kótóné be tuappaee holóló bituraalu, mo kae muló betere bred o Depit-ró

ama fulumu wh̄irapetamo atima wotepa sóró nalepó. Ti ai ota, Kótópaae melaleteti, mo hāle wh̄irapené naqsóró fo mupa, Kótópaae momaratere wh̄irapené maaté nukua dapó.

⁵ Moses-né yóló muló betere fo sya furaalu, momatere be kaae tare wh̄irape kale ðale muló betere sukamótei atimané ditere kutó diyaaai be dolopaae fua dapóló, ere fo diaaḡ dosḡayóló kisipa muni airapó. Ti kale yóló muló betere fota, mo tikitu betepatei, me dowi ala yalepóló inipó.

⁶ Yālo diḡpaae mo i dere ape. Kótóné ama momatere beta, doasi ḡlapatei, Kótóné ama ala erótu betere sekéró, mió ama erótu betere alatamoné ai momatere be t̄eteróló teraae falapó. Atére sek̄eta, mió diḡtamo betamó i betere ape.

⁷ Tale Kótóné i fo aseḡyóló muló beteraḡpó.

‘Kale *sipsip* hupu ó me ḡla simó sukulaa daróló momaratere alata, ti yālo hēkesere ala meipó. Me wh̄i k̄olené sinóló tao sere alata, ti yālo hēkesere alapó, erapó.

Ai fotamo diḡané tuḡ uḡsóró, ti dowi ala munire wh̄irape só deróluḡameipó.

⁸ Ti noa betené meipó. Kale Wh̄iné Naalemata ḡa nóló beteraḡpóló, ðale muló betere be ḡ t̄eteróló kaae tare Tale beteraḡpó, yalepó.”

⁹⁻¹⁰ Téró Yesu ḡ aimó betaleteti taaróló, atimané fo wosetere be tuḡpaae sókó felemó, aimó betḡ naase dowi wh̄i betepa kelalepó. Atima mepaae so wh̄iné ḡ dowi ala yale wh̄ipóló só deraaire bete kikitu Yesu-paae woseturaalu, “ḡa nóló beteraḡpóló ðale muló betere sukamótei, wh̄i wisiratere ala depa fo mulepé meié?” yalepó.

¹¹ Ai fo depa ama atimapaee duraalu, “Diḡkó wh̄i me denétamo, kale ḡa nóló beteraḡpóló tukóló muló betere sukamó betḡ *sipsip* hupu nóku dolomó doropóló mupa, tao saalomeié?”

¹² Tépateti, wh̄ita ti mo doasi bete mole ḡla ereteiné wh̄i tao sere alané *sipsip* hupu tao sere ala bosene falapó. Atérené ḡa nóló beteraḡpóló ðale mulale sukamó wisi ala depa, fo munipó,” yalepó.

¹³ Téró ai fo yóló kemetepa, kale naase dore wh̄ipaae duraalu, “Naao naase teréḡ falae,” depa, kale wh̄iné ama dore naase teréḡ faralemó, me tikiró wisire naase kaae yó felepó.

¹⁴ Atétepa, kale Farisi wh̄irape atima belapaae tóḡ fóló, Yesu netéro daaloé yóló fo dokalepó.

Kótóné ama kutó dirḡpóló sókó sere wh̄i

¹⁵ Até yaaire ala Yesuné ama kisipa yóló, ḡ betale tiki taaróló felepó. Atétepa, kisi daae mole so wh̄i feané ḡ sya

wou betepa, ama wisirótua yalepó.

¹⁶ Atéró, ama atimapaee fo mulótu duraalu, “Yalo i dere ala kolóló ę etei kaae whi betepapóló mepaae so whipaae momókó yaqse,” yalepó.

¹⁷ Yesuné ai du betale alata, mo take Kótóné ama kóló whi Aisaiané aseýóló muló betere fo motóro dokonóturaalu yalepó.

¹⁸ Ama ai ere fo i ape.

“Yalo kutó dirópóló, sókó sóro kae betero betere whi i betere ape.

Ama dere alamó, ę hajné sukutu apaae yaala sókó fóló, mo hosaa mulapó.

Atérené yalo kepe bete ą tuapaae beteratepa, amamo Talené mo donotóro taleýóló kwia melaaire fo i hae kwiamó kae kae tiki daae mole so whipaae hakearóló yó melaalo ai ape.

¹⁹ Téró yalo kutó diratere whi hęle sere alaró hęle fotamo ini dereteiné, ai be belamó ó tųmó fua wua dere so whiné mo wosókélé yaalomeipó.

²⁰ Kale kape siki kaae faairaalu, bitikine tikimó ama mo ti kaaayaalomeipó.

Téturaalu, kale wisiyóló dó tanire sakélé ama hapale sukunéni, hęle dó tanópóló kaae taté faalopó.

I haemó du betere kae kae dowi alamó, mo

donótóro taleýóló kwia melaaire alané hęko taletere ala alurató fóló, mo donoyóló taletere alané tetepóló kaae tawaalopó.

²¹ Atéturaalu, hae kwia feamó betóló fale so whinė apaae kisipa tiki tiróló hajné sukutu bitu, i sekęnéta, da mo tao saalopó du betaalo ai ape,” erapó.

Yesu ą topo kepe Belsebul-né fotokratepa dapóló yale fo (Mak 3:20-30, Luk 11:14-23, 12:10)

²² Téró, beta whi dowi kepe tepeýóló bituraalu, kele diliki yóo, kólókélé nomóo ere whi Yesu beterepaae dapesó wapa, ama wisiralepó. Atéro wisiratepa fo yóo, kelené ęla ęlakélé wisiyóló kolóo, yalepó.

²³ So whi feané ai ala kolóló sirayóló duraalu, “Ai whita Depit-né deté wale fake tuamó, waalopóló bopetu betale whi hęti irurapó,” yalepó.

²⁴ Ai fo kale Farisi whirapené wosóló duraalu, “Meipó. Ai whita, doasi keperapené topo kepe Belsebul-né fotokratepa, dowi kepe ai dóló hękonótu betere ape,” yalepó.

²⁵ Atéró, atimané mutere kisipa tiki Yesuné kolóló atimapaee duraalu, “Mepaae hae kwia tetepóló kaae tare doasi topo whirape atimasitei bõe dupa, ti atimané tetepóló kaae tare ala mo doraalo ai ape. Atéturaalu,

doasi be hulua ó betą bemó betere so whı̄ atimasisitei bóe dupa, ti mo wisiyóló bitini, mo doyaalo ai ape.

²⁶ Satan-né ama fake whı̄tamotei bóe dóló hqkó fatepa, ti ama teteróló kaae tare ala amatei teketepa, ti netéro fotokq buóló daayaaloé?

²⁷ Atére kaae diaaq du-raalu, i sekéneta kale dowi kepené doasi topo kepe Belsebul-né fotokqratepa dóló hqkonalepó dere-a, diaaq be whı̄né dowi kepe dóló hqkonótua deteretei né fotokqratepa, du betere? Atétepa, ti atimanétei diątamo fo tokótamo yóló, taletere sukamó dią só der-aalo ai ape.

²⁸ Téretei, Tale Kótóné Dęi Kepe Wisiné ę fotokqrótu betereiteiné, dowi kepetamo yało dóló hqkonótu betepa, ti kale Kótóné teteróló kaae tare aqmó mole ala dią tuąpaae wóló mulapóló kisipa yaalo ai ape.

²⁹ Whı̄ mené mo doasi fotokq bole whı̄né ęla ęla ęlémi saairaalu, noa alapi yaaloé? Folosóro kale sekępi dirii kępiné dokóló mulóló, nalo ama bemó muó mole ęla ęla sóro fenęrapó.

³⁰ ętamo betąmó bitinire whı̄né ti bóe dóló ę só derótu betęrapó. Mepaae whı̄né ama ęla ęla ętamo mulénitepa, ti atétere whı̄né ama ęla ęla hqko besekęrótu betęrapó.

³¹ Atétu betereiteiné yało diąpaae mo i dere ape.

Mepaae kae kae dowi alaró Kótó faletere fotamo yólótei, nalo Talepaae kemerae depa, ti Tale Kótóné me ęla meipóló hęle kemeraalopó. Tépatei, kale Dęi Kepe Wisiné erótu betere alatamo faletepa, ti Tale Kótóné me ęla meipóló kemeraalomeipó.

³² Atére kaae, mepaae whı̄nétamó kale whı̄né Naalema falatepa, ti ama ai dowi ala kwia me ęla meipóló hęle kemeraalotei, mepaae whı̄ dené kale Dęi Kepe Wisiné erótu betere alatamo faletepa, ti mió i betere alimókélé ó take nalo waaire alimókélé, ama ai dowi ala kwia kemeréni, hęle muó tawaalopó.

³³ Ni wisi daapa, ti ama dukélé wisi oleyaalopóló kisipa muóo, Dowi niné ama dukélé ti mo dowitóro oleyaalopóló kisipa muóo, yae. Ti noatepae, so whı̄né olere du kilituraalu etei kaae nipóló kisipanęrapó.

³⁴ Dią whı̄ tukó nokole dowi wulirape-ó, dią dowi alané fańnuraalu wisi fo noayóló yaaloé? Ti noatepae, so whı̄ feané hosaa tuąmó faayóló mole alatóroti kqłónékélé foparóló hękeamó dua dapó.

³⁵ Whı̄ wisiné ama hosaa tuąmó ti wisi alatóro faayóló muluraalu, ama dere fokélé wisi fotóroti dua dapó. Dowi whı̄né ama hosaa tuąmó ti dowi alatóro faayóló muluraalu, dowi fotóroti dua dapó.

³⁶ Térapa, yało diąpaae mo i dere ape. Diaaq dere fotamo, kisipa tekeyóló ini,

hapale hōko depa, ti take taletere sukamó diāpaae etei kaae hōko fo noatepa yaleé yaalopó.

³⁷ Ti noatepae, taleyaaire sukamó diaaḡ yale wisi fonétei diḡ haḡe fōpóló eróo, mepaae yale dowi fonétei diḡ só deróló kwia melóo, yaalo ai ape,” yalepó.

So whinė tué yópóló Talené Jonapaae erale kelemei ala

(Mak 8:11-12, Luk 11:29-32)

³⁸ Téró, mepaae Farisi whīraperó Moses-né asere fo yó matere whīrapetamoné ḡpaae duraalu, “Yó matere whī-ó, Talenétei eratapóló ḡané kisipa yaai dapa, kelemei alakó erótumié?” yalepó.

³⁹ Ai fo depa ama atimapaee duraalu, “Diḡ nópu nokole alaró mepaae sonaalei dowi alatamo du betere whīrape-ó, Talenétei eratapóló sira yaaire ala erae yóló, wosó maaté tarapó. Me sira yaaire alakó yó melaalomeitei, Kótóné ama kóló whī Jonapaae erale ala kaae betḡ eratepa kelaalo ai ape.

⁴⁰ Ti noatepae, kale whī Jona be ḡe sore yóo, diki sore yóo yóló, doasi yané depe dolomó bitu yale kaae, kale Whinė Naalemakélé, be ḡe sore yóo, diki sore yóo yóló, dou dolomó haḡe muaalopó.

⁴¹ Téyaalotei, take nalo kale Ninipa be hulua whīrape taletere be ḡemó mió i alimó betó mole so whī mo só deraalopó. Ti noatepae, atima Jonané

yó mótu betale fo wosóló, dowi ala taaróló kisipa tiki feteyalepó. Téyaleteti, Jonakélé tēteróló bosene fale whī i betepatei, kisipa tiki tirénitere-a, noatepa de?

⁴² Talené taletere be ḡe sókó wapa, betḡ Saut-paae mole hae kwiamó betere doasi *kwín* so ḡ turukó holóló daalu, diḡ mió i alimó betó mole so whī só deratere fo yaalopó. Ti noatepae, ai sota, mo saletópaae betale sotei, kisipa tiki dotoróḡe fóló mole whī Solomon-né yó matere fo wosaai dapóló weipakalepó. Téyaleteti, Solomon-né kisipa tiki fosó fosóre alakélé tēteróló bosenéé fale whī i betere ape.

⁴³ Kale dowi keperape whinė depe tuḡmó betereitei taaróló furaalu, i ala dua dapó. ḡ kópu kḡae fi tikimó mo wisiyóló betaai dapóló kekḡai feḡalemó, betaaire tiki kilinitepa momó fesaae wóló duraalu, ‘Yaḡo taaróló wale bepaae, ḡ momó biḡi faaitapó,’ dua dapó.

⁴⁴ Atéró, ḡ fóló kel-erḡalemótamo whī mekéle bitini kale be fuóló taae faróló ḡla ḡla fea hotowaró betḡpaaeró betepa, keletapó.

⁴⁵ Atépa kale dowi kepe ḡ momó fesaae fóló, mepaae doasi dowi alamaaté du betere weikeró keperape dapesó wóló, kale whī tuḡmó biḡi walapó. Atétepa, ai whī ḡ take folosóró betale ala sawa doretei, mió kale weikeró dowi keperape biḡi waleteiné, kale whinė betere

bete mo ti doratapó. Atétere kaae, mió i alimó dowi ala du betere so wh̄ipaaekélé eraalo ai ape,” yalepó.

Yesuné hamaró nomara-petamo

(Mak 3:31-35, Luk 8:19-21)

⁴⁶ Yesuné ai touró betere so wh̄ipaae fo h̄ale du betepatei, ama hamaró nomarapetamoné ʔtamo fo yaairaaalu, wóló belamó daae molepó.

⁴⁷ Tépa wh̄i betʔané duraalu, “Naa haeró norapetamoné ʔtamo fo yaai wóló belamó daae mulapó,” yalepó.

⁴⁸ Ti fo depa Yesuné duraalu, “Yʔlo haeró norapetamo-a, deé?” yalepó.

⁴⁹ Ti fo yóló, ama yó matere wh̄irape beterepaae naasené yóló duraalu, “Yʔlo haeró norapetamota, ti i betó mole ape.”

⁵⁰ Ti mepaae so wh̄i denétamo hepen bemó betere yʔlo Aya Kótóné ama kisipa mole ala erótu betepata, ti yʔlo no ne ó haetóro ai betere ape,” yalepó.

13

Yesuné whit ke biliterepaae dó faróló yale fo

(Mak 4:1-9, Luk 8:4-8)

¹ Atéyale be demótóro Yesu ʔ ai be tuʔmó yó mótu be-taletei taaróló, kale doasi w̄ei k̄la fókupaae bit̄i derepelepó.

² Atéroró, ai w̄ei fókumó so wh̄i mo h̄ale ʔla kaae bopéróló daae moleteiné ʔ daayaaire t̄e munipa, nuku tuʔpaae daane horalepó.

³ Atéru, so wh̄ipaae du be-tale fo fea ti fo sale maaté yóló duraalu, “Wh̄i betʔané ʔla wae kerape ama kutómó terepété kw̄eyaai sóro felepó.

⁴ Atéroró, kale wh̄iné ama ʔla wae kutómó terepeté kuturaalu, mepaae ke ti tu tómó sókóta yóló mupa, barapené nalepó.

⁵ Mepaae kerape ti kane tómó dakere haepaae taae durupua yalepó. Atéyale ʔla waeta, mo haepaae derepéni, kane tómó dakere haemó taae derepeleteiné, kale ʔla wae mo hapale holalepó.

⁶ Téyaletei, mo dirii sukané kale ʔla mo hapale botokole yó salepó. Ti noatepae, ama feleke mo apaae derepénireteinépó.

⁷ Mepaae kerape, ti kale mu daai ne tuʔmó taae durupua yalepó. Téturaalu, kale ʔla wae dowi mu daai netamo betʔmó holale tikimó, ai kale dowi nené kale mo ʔla bopée sóro aluralepó.

⁸ Mepaae kerape ti mo hae wisimó taae durupua yalepó. Atéyale ʔla ti mo wisiyóló holóló, du wisinaale woleyalepó. ʔla wae b̄ili furaalu, yo betʔ sóro feletei, ʔla ʔlumétepa suraalu ti 100 yorape mepaae 60 yorape ó 30 yorape fʔanoló sóro walepó.

⁹ Mepaae wh̄i de wos̄eli daapa, ti i dere fo bete wisiyóló wosóló kisipa muae,” yalepó.

¹⁰ Atéroró, ama yó matere wh̄irape wóló ʔpaae wose-turaalu, “So wh̄ipaae naao

fo salené maaté du betere-a, noatepa de?" yalepó.

¹¹ Ai fo depa ama tokó mótu duraalu, "Ó hepen bemó betere Kótóné ama teterólo kaae tare tuamó kinólo mole kisipa tiki wisinaale diapaeta meló beteretei, atimapaee ti meló bitini ai ape.

¹² Mepaae whi dené kale fo wisitamo sóro tapa, ti ai tómó mepaae kae belerólo melaalopó. Téturaalu, ai whi a mo dekeró muaalo ai ape. Mepaae whi dené kale fo wisi sóro tanitepa, ti ama sawatamo tareteikélé fasó saalo ai ape.

¹³ Yalo atimapaee fo salené maaté i yó mótu betereteita, hale meipó. I ere fo dokonóturaalu, erapó.

'Atimané kelené mo kilirutei, me ɔla wisiyólo koló fumipó.

Atimané wosélinékélé wosetu bitutei, bete wisiyólo kisipa mutumipó.'

¹⁴ Ai so whi tuamó ere alata, Aisaiané aseyólo muló betere fo dokonóturaalu dapó. Ai asere fo i ape.

'Diaaɔ wosóta yaalotei, fo bete wisiyólo kisipa muaalomeipó.

Diaaɔ kelenée yaalotei, wisiyólo kelaalomeipó.

¹⁵ Ti noatepa meipó. Ai so whiné hosaa taróo, kelekélé dilikiróo, atimané wosélikélé kinóo erapó.

Ti noa yaosóro meipó. Atimané kelené mo

bete kolóo, woséliné wosólo bete kisipa yóo, yaosóro erapó.

Ai ala ere so whi atima e beterepaae momó feteólo wapa, ti yalo atima sumó wisiranérapó,' erapó.

¹⁶ Tereitei, diaaɔ kelenékélé mo wisiyólo kolóo, wosélinékélé fo wisiyólo wosóo yaletéine, Kótóné diɔ wisiró beterapólo, hainé ai sukutu betere ape.

¹⁷ Yalo diapaee mo i dere ape. Mo take Kótóné ama kóló whiraperó mo donoi alamaaté dere whirapetamo feané mió diaaɔ kilitu betere ala atimané kelenée du betaletéi mo kilinipó. Diaaɔ wosetu betere fokélé atima feané wosenée du betaletéi, mo wosókélé inipó.

¹⁸ I kale ɔla wae ke terepeté kweyale whiné yale fo sale fo bete i dapa, diaaɔ mo wisiyólo wosae.

¹⁹ Mepaae whi de Kótóné teterólo kaae tare aomó mole fo wisi wosólo, bete wisiyólo kisipa initere so whita, ti kale ɔla wae ke tu tuamó sókóta yólo mupa, barapéné nale kaaeta, ti kale dowi Satané atima hosaa tuamó muló betere fo wisi tokó sua du beterapó.

²⁰ Kale kane tómó dakere haemó taae derepele ɔla waeta, ti mepaae so whi dené kale fo wisi hapale wosólo, hekesetu dere kaaepó.

²¹ Tépatei kale fo wisi wosólo, ama feleke mo apaae derepéniruraalu, sawa haleke sukamó beteró, suseré ala

ó me sekęi ala wapa, ti kale sekę hapale tétitei dée nóló Talené ama fo wisi erateretei mo ti taalutua dapó.

²² Kale dowi mu daai ne tuę dolomó taae durupu yale kaaeta, ti whi me de Kótóné fo wosólótei, i haemó doasi *moni* sóró néli whi betenée dere alaró whaaliané sukutere alata-mota, mo doasi bete mole nisyóló sya furaalu, Kótóné fo aluróló du wisiyóló ulu-timipó.

²³ Kale hae wisi bolemó taae derepele ęla wae kaaeta, ti whi me de Kótóné fo wisiyóló wosóló, kisipa mutere so whi ai ape. Atétere whita, kale ęla ęlumétepa, mepaae 100 mepaae 60 mepaae 30 yorape deyóló ęanótu dere kaaepó,” yalepó.

Dowi neró wisi ęlatamopaae dó faróló dere fo

²⁴ Atéro, Yesuné so whipaae fo sale fo me kae yóló duraalu, “Ó hepen bemó betere Kótóné tęteróló kaae tare aęmó mole alata, i ala dere kaaepó. Whi betané ama kutómó ęla wae wisi biliyalepó.

²⁵ Atéro biliyóló, so whi fea noke firepaae ama bóe whi wóló, kale ęla wae ke biliyó mole tikimó dowi nené kekélé terepée daalóló, felepó.

²⁶ Kale ęla wae holóló du woleyaaire alimó, kale dowi netamo wusuró betamó hopa kelalepó.

²⁷ Atépa, kale kutó diratere whirapené ai kutó talepaae

duraalu, ‘Doa whi-ó, naao kutómó mo wisi ęla wae ke maaté biliyaletei, dowi nemo noayóló sokalee?’ yalepó.

²⁸ Ti fo depa kale kutó talené tokó mótu duraalu, ‘Aita, bóe whiné du yalepó,’ depa ama kutó diratere whirapené ępaae duraalu, ‘Dę fóló ai dowi ne tokó farópé nearóe?’ yalepó.

²⁹ Ai fo depa ama duraalu, ‘Meipó. Diaaę kale dowi ne teketuraalu *whit*-tamotei tokó falaęsórópa, ama erópóló taalae.

³⁰ Kale *whit*-tamo wusuró enópóló kaae tawóló, ęla ęlumétepa sere sukamó yaasepólópó. Atéro ęla sere sukamóta, ti kale ęla sere whirapepaae siré kweęyae depa, dowi nerapepi tokóló si biliraai betapaae eróló mulaalopó. Téro kale mo naaire *whit* maaté siré kweęyóló betapaae yóló, mulatere bepaae mulaalo ai ape,” yalepó.

Yesuné mastard ni keró yist-tamopaae dó faróló yale fo

(*Mak 4:30-32, Luk 13:18-19*)

³¹ Atéro, ama atimapaae fo sale fo me yóló duraalu, “Ó hepen bemó betere Kótóné tęteróló kaae tare aęmó mole alata, ti betę whiné kale *mastard* niné ke ama kutómó biliyale kaaepó.

³² Ai kale *mastard* niné keta, mepaae i yó mole niné ke kaae meipó. I niné keta mo belekamaleteti huturaalu, ti mepaae kutómó ere nirape

fea teteróló mo doakale ni ami daatua dapó. Atépa, ai ni tērapemó barape daaneta dua dapó,” yalepó.

33 Atéró ama kale dere kaae, fo sale fo me yóló duraalu, “Hepen bemó betere Kótóné teteróló kaae tare aomó mole alata, betā soné *flawa* o bula duraalu tópuópóló bulatere sawa ɔla yist kaaepó. Ai sawa ɔlanétei *flawa* o bula doasi tóputua dapó,” yalepó.

34 Atéró, Yesuné so whi feapaae yó matere dokɔ fo sale-tamo touróló yó du betalepó.

35 Ama ai ala du be-taletaitea, ti Kótóné kóló whirapené yóló muló betere fo dokonóturaalu, du be-talepó. Kale fo i ape.

“Take i hae kwia fea kaaraaipatei, kinóló mulaté wóló, mió i alimókélé hāle kinóló mole forape fea, ti yalo fo sale fonétóro yó melaalo ai ape,” yalepó.

Kale dowi nepaae dó faróló yale fo bete hakearale fo

36 Téró, ai touró betere so whi fea betó mupatei taaróló, ɔ be dolopaae felepó. Atétepa, ama yó matere whirape ɔ beterepaae wóló duraalu, “Kutó tuámó dowi ne botokorapó dere fo salené bete dāpaae yó ɔlae,” yalepó.

37 Ai fo depa, ama atimapaee tokó mótu duraalu, “Wisi ɔla wae ke feseketé kotere whita, ti kale Whiné Naalema ai ape.

38 Kale kutóta, ti so whi fea betó mole hae tiki ai ape. Kale ɔla wae ke wisita, ti Kótóné teteróló kaae tare aomó betó mole so whi ai ape. Kale dowi neta, ti dowi Satan-né naale senaale ai ape.

39 Kale dowi ne du biliyale bóe whita, ti dowi Satan-pó. Kale kutómó ere ɔla ɔlumétepa saaitere sukata, ti kale kemeyaaitere be depó. Kutómó ere ɔla ɔlumétepa sere whirapeta, ti kale *ensel*-rape ai ape.

40 Kale dowi nerape tokóló sipaae taae fatu dere kaae, take kemetere sukamó atéyaalo ai ape.

41 Atéró, kale Whiné Naalemané ama *ensel*-rape dotonóló, Kótóné teteróló kaae tare aomó betó mole so whiró dowi ala dere so whitamó hoseké yóló betaqsóro, ama *ensel*-rapené tokósu deté kwēyaalopó.

42 Atéró, me whi dowi ala yópóló dée nalatere so whiró dowi ala du betere so whitamó si duku betere dolopaae taae deraalopó. Aimó siné duku bitu, doasi wole yóló kaketuraalu, atima serekené atimatei tukó nuku betaalo ai ape.

43 Atima atéró kilipaae ti mo donoyóló betere so whi atimané Aya Kótóné teteróló kaae tare aomó, suka wisi duraalu de tekée fu dere kaae, de tekée fi so whi betaalopó. Whi me de woséli daapata, ti i dere fo wosóló bete mo wisiyóló

kisipa muae,” yalepó.

*Doasi moni sere wisi wisi
qlapaae dó faróló yale fo*

⁴⁴ Atéró, Yesuné duraalu, “Hepen bemó betere Kótóné teteróló kaae tare aqmó mole alata, ti etei ala dere kaaepó. Whị betané ama hae kwiamó doasi *moni* sere wisi wisi ọla bupa kikiti koló salepó. Atéró kale ọla hyó muóló, ẹ bepaae hekesetamo felepó. Atéró fóló, ama bemó muó mole ọla ọla fea mepaae whıtamo dotonóló *moni* sóró, kale wisi wisi ọla mole hae tiki ama dupu yalepó.

⁴⁵ Atére kaae, hepen bemó betere Kótóné teteróló kaae tare aqmó mole alata, ti meleke kaae dui ọla ọla wisi kekóló keletapa, dotonóló *moni* sere whinė dere kaaepó.

⁴⁶ Ai kale meleke kaae dui ọla wisi mupa koló sóró fóló, ama tare ọla ọla mo fea dotonóló, ai kale ọla wisinaale dupu yalepó.”

*Ya sere hẹleke wapaae dó
faróló yale fo*

⁴⁷ “Fo sale fo me i ape. Ó hepen bemó betere Tale Kótóné ama teteróló kaae tare aqmó mole alata, mepaae ya siré kotere whırapené ya saairaalu, atimané hẹleke wa wei kulupaae deróló, kae kae yarape sutere kaaepó.

⁴⁸ Atéró, kale hẹleke wamó dere yarape taleyaairaalu, hẹleke wa tukó sóró wei fókumó turukwe mulóló, taleyóló wisire ya yopaae

derótua yóo, doretei ti taae fatua yóo, yalepó.

⁴⁹⁻⁵⁰ Atétu dere kaae, take kemetere sukamókélé, ai ala yaalo ai ape. Kótóné ama *ensel*-rape wóló, wisi ala du betere so whı taleyóló kaepaae beteróo, dowi ala du betere so whı kaepaae beteróo, yaalopó. Atéró bukótamo yóló, dowi ala du betere so whıta, si duku beterepaae taae deraalopó. Aimó siné duku bitu, atimanétei yale dowi alamópóló doasi wole yóló serekené tukó nuku betaalo ai ape,” yalepó.

⁵¹ Téro Yesuné atimapaae duraalu, “Ai yale forape fea diaaq wosóló bete wisiyóló kisipa yaleé?” depa, atimané duraalu, “Épó,” yalepó.

⁵² Tétepa Yesuné duraalu, “Moses-né aseýóló muló betere fo yó mótu betere whırapepaae, Kótóné hepen bemó teteróló kaae tare aqmó mole ala i ape yóló, mené yó matepa kisipare whıta, ti be tale kaaepó. Beta be talené ama wisi wisi ọla muó mole tikimó mió sale kisi ọlakélé, mo take mole ọlatamo touróló, Talené ala erótu beteropó,” yalepó.

*Kótóné kóló whı ẹ ama tu-
ruku bemó doi munipóló yale
fo*

(Mak 6:1-6, Luk 4:16-30)

⁵³ Yesuné ai fo sale forape yó melóló kılipaae ẹ ai be hu-lua taaróló felepó.

⁵⁴ Atéró, ama turuku bemó sókó fóló bituraalu,

atimané fo wosetere bemó fo kaae sóró yó mótu betalepó. Ama atéro yó matere fomó sirayóló duraalu, “Ai whiné kisipa tiki dotoróę fale alaró kae kae eratere kelemei alarapetamo-a, né yó matepa du bitutérópó,” yalepó.

⁵⁵ I naaleta, kale be teterere whiné naalema hġti meié? Ama hamata Maria ai ape. Kale Jems, Josep, Saimon, Judas, ai whġrapeta, ti ama nomarape ai ape.

⁵⁶ Ama nemarapekélé, đatamo i betere ape. Ama doa ai du betere ala feata, momó sóró du bitu dérópóló, ątamo dei tuę mualepó.

⁵⁷ Atéro, Yesuné ątamo dei kisipa mutere ala kolóló, ama atimapaae duraalu, “Be hulua feamóta Kótóné ama kóló whiné doi doasi moletei, ama turuku be hulua so whġró ama fake so whġtamo tuąmó, ti doasi doi muni ai ape,” yalepó.

⁵⁸ Atimané ama dere fo wosóló kisipa tiki tirénireteiné ai be hulua tuąmó, ama kae kae doasi fotokġi kelemei alarape mo dekeró eréni, tóróti eralepó.

14

Kale wġi tópurale whġ Jon dale ala
(Mak 6:14-29, Luk 3:19-20, 9:7-9)

¹ Atéyale sukamó, kale Kaleli hae kwia teteróló kaae tare whġ Herot-né Yesuné i alarape du betera pó dere fo wosalepó.

² Ai fo wosóló ama kutó diratere whġrapaae duraalu,

“Aita, kale wġi tópuratere whġ Jon kepaayóló biturapó. Atéru, mo kae kae doasi kelemei alarape ai erótu betere ape,” yalepó.

³⁻⁴ Ai fota, hąle inipó. Herot-né Yesuné i alarape du betera pó dere fo wosaa bitutei, i ala yalepó. Jon-né Herot-paae duraalu, “Naao no Filip-né so Herodias-tei noatepa tokóló dokaleé?” yale fomótei, kale Herot-né Jon *dipula* betera lepó.

⁵ Ai fo deremó, kale Herot-né Jon *dipula* betera ló daai yaletai so whġ kolóló ą wituraalu, *dipula* bemó hąle betera pó ló taaralepó. Ti noatepae, Jon-ta, Kótóné ama kóló whġpóló, so whġ feané kisiparapó.

⁶⁻⁷ Kale doasi topo whġ Herot-né ama hamané ą deyale be đę wapa, doasi ąla deyóló nuku betalepó. Até du betepa, kale so Herodias-né senaalema wóló, ąla nuku betere so whġrapené keletómó kġlitu betalepó. Atéro kġlitu betepa, Herot ą mo doa hękesené sukutepa kale so seimalepaae duraalu, “Naao ępaae noa ąlakó kematepa, ti naao ai kematere ąlatóróti yąlo yąmó melaalopóló,” doasi dirii fo yóló mulalepó.

⁸ Ai fo depa, kale so Herotasiné senaalepaae yą fóló, kale wġi tópuratere whġ Jon-né topo tukóló ąlae fo ene fae depa, kale senaale ą fóló Herot-paae duraalu, “Wġi tópuratere whġ Jon-né

topo betą tukóló nuku tómó beleróló ąlae,” yalepó.

⁹⁻¹⁰ Kale doasi topo whi Herot-né ai fo wosetu ą mo doasi fomoné sukąletei, ama ąla naai wale so whinė keletómó i ala mo yaalopó yóló mulale fo tikinépa, ama diki tare whirapepaae Jon-né depa tikae yóló, dotonalepó. Atétepa atima fóló, Jon *dipula* bemó betepa, depa tukóló ama topo nuku mó beleróló sóró walepó.

¹¹ Atéró, kale whiné topo du nuku tómó beleróló kale senaalepaae melatepa, ama sóró fóló, hamapaae melalepó.

¹² Atétepa, Jon-né ama yó matere whirape wóló, kale sekéné ama tupuló tiki sóró fóló douralepó. Téró atima fóló, Yesupaae i alarape yalepóló ene felepó.

Yesuné 5000 whimó ąla melalefo

(Mak 6:31-44, Luk 9:10-17, Jon 6:1-13)

¹³ Atei ala yalepó dere fo Yesuné wosetu, ai so whi betó mole tiki taaróló, ama yó matere whirape atimanale maaté wei nuku sóró so whi bitinire tikipaae felepó. Aimó betó muale so whi feané Yesu upaae felepó dere fo wosóló, atima betere doasi be huluarape taaróló, ątamo hokolaa yaai dapóló atima hae tųmó felepó.

¹⁴ Atéró, Yesu ą hae tópaee taae fóló kelalemó, so whi mo ąla ąla kaae wóló betó mupa kolóló, ama hosaa tuąmó mo

doasi kolené sukutepa, atimané hepo beterape wisir-alepó.

¹⁵ Atéró, be felekemó diki yaaiteretamo, ama yó matere whirape ą beterepaae wóló duraalu, “Dą so whikélé bitini ąla tuą tikimó betepatei be dikiyalepa, felekemó tę mole be huluarapepaae atimané naaire ąlakó dupuyaae fópóló, dotonae,” yalepó.

¹⁶ Ai fo depa, Yesuné tokó mótu duraalu, “Imó ąané menanénipa, atima dupune fópóló de? Diaąąte, atimané naaire ąla melótumié,” yalepó.

¹⁷⁻¹⁸ Ti fo depa, ama yó matere whi betąné duraalu, “Dąné imó moleteita, *bred* o bula aporó yóo, ya tamo yóo yóló betą i mole ape,” depa, ama duraalu, “Ai ąlarape ępaae sóró ape,” yalepó.

¹⁹ Atéró, ama so whi feapaae ai ne tómó betae yóló atima fea betó mupa, ama kale *bred* o bula aporó sóo, ya tamo sóo yóló taruraalu, hepen-paae kese horóló Tale Kótópaae mo kée yóló, terekéeraalu yalepó. Atéró ama yó matere whirapepaae melatepa, atimamo so whimó melaté kwęalepó.

²⁰ Atéró, so whi mo fea nóló sųtepa, buki muni feletei kale yó matere whirapené betąpaae yóló, 12 yorape deyóló ąanalepó.

²¹ Atéró, ai kale ąla nale so whirapeta, soraperó naale senaaletamo dosąani, whirape maaté

dosꝓayóló touróturaalu, 5000 whjrapepó.

*Yesu wẹi tómó daaté fele fo
(Mak 6:45-52, Jon 6:16-21)*

22 Atéro Yesuné ama yó matere whjrapepaae duraalu, “Ēta, i betó mole so whj atimané be séle sélepaae fópóló dotonóló walapa, wẹi tẹ utéro betaai diꝓi ai nukutamó fae,” yalepó.

23 Téro, so whj fea fópóló dotonóló kļipaae Yesu ą ama wotoró dū sokore aꝓmó momayaairaaalu holalepó. ą aimó wotoró betepatei, be dikiyalepó.

24 Aimó betepatei, kale wẹi nuku wẹi kulu tuꝓmó hale fu betepa doasi wẹi asyaró besé tikitamo atima faaire tikiró waleteiné, kale nuku hapale feni, dua wóputé fu betalepó.

25 Felekemó be deýó holaaí deretamo, Yesu ama yó matere whjrape beterepaae waairaaalu, wẹi tómó daaté wou betalepó.

26 ą atéro daaté wou betepa atimané ą kolóló, mo doasi witu diri furu furu yóló duraalu, “Kepe ai wale ape,” yalepó.

27 Atéteretamo Yesuné atimapaee duraalu, “Ita ępa diꝓa wini, hosaa diriyóló mo dua betae,” yalepó.

28 Tétepa Pitané Yesupaae duraalu, “Tale-ó ęꝓata, ti ękéle ęꝓtamo hokolaa yaai wẹi tómó daaté waaitapa, ape yae,” depa ama duraalu “Ape,” yalepó.

29 Ti fo depa, Pita wẹi nuku taaróló wẹi tópaee taae

doropóló, Yesu walepaae daaté felepó.

30 Téyaleteti, doakale besé tiki wale kolóló wituraalu, wẹi dolopaae buó deyaai depa ama fo fakeyóló duraalu, “Tale-ó, wẹiné ę felekemó aluraai dapa, tao sae,” yalepó.

31 Atéteretamotóró, Yesuné ama naasemó taosu duraalu, “Naao kisipa tiki mo ti tiró bitini airapó. Noatepa kisipa tiki tamo dekaaporóló mualeé?” yalepó.

32 Atéro, atimaamo wẹi nukupaae bitj holalemó, kale besé tiki tikalepó.

33 Tétepa, kale ai nuku tuꝓmó betó mole whjrape Yesu aꝓmó sukóló bitu, ama doi hale sóró horótu duraalu, “Yꝓata so whj fea tẹteróló kaae tare Tale Kótóné Naalematóró mo hjtípó,” yalepó.

34 Atéro, atima ai wẹi dꝓala tẹyóló, Kenesaret hae utéro sókó felepó.

35 Ai be huluamó betó mole so whjné ą kolóló ita, kale Yesu airapó yóló kisipa mutu ai hae kwiamó betó mole be hulua so whjpaee Yesu wóló i betere ape, yó faralepó. Atétepa, kale kisi daae mole so whjrape atimané ą beterepaae dapesó wua yalepó.

36 Atéro wóló betó mulu, whjrapené ąpaee woseturaalu, i kisi daae mole so whjné naao kuti salemómaaté wolaa yópóló yae yalemó, téyae depa ą wolaatua yale

so whjné kisi beterape fea wisitua yalepó.

15

Farisi whjrape atimané mara mole ala dorapóló yale fo

(Mak 7:1-13)

¹⁻² Téró, kale mepaae Farisi whjrapero Moses-né yóló muló betere fo yó matere whjrapetamo, Jerusalem be huluamó biti wóló, Yesu beterepaae fóló woseturaalu, “Naao yó matere whjrapené dané ayarapené mara mole ala noatepa tikitu bitu de? Atimané ɔla naairaaalu, folosóro naase fukunipatei ɔla nuku betere-a, noatepa de?” yalepó.

³ Ti fo depa, Yesuné atimapaee tokó mótu duraalu, “Mo diaaqtóro dijané ayarapené mara mole ala sya fu bituraalu, Kótóné yae yóló muló betere fo noatepa tikitu betere?

⁴ Ti noatepaae, Kótóné duraalu,

‘Naao hae aya wisi doi muópóló hale sóro horótu betae,’ fo erapó.

‘Mepaae whjné tamamo ama hama alimané doi doróló, dowi tekani fo depata, ti sinópóló,’ mo ti daae erapó,” yalepó.

⁵ “Ai fo aseýóló mupatei, diaaɔ etei fo dua dapó. Whj betané ama mole ɔla ó monikó alimaró hamatamo tao sóro melóluɔatei, ita Kótópaae melaaipó yaletiné, diaamo melanénipó dua dapó.

⁶ Atéturaalu, hamaró alimamamo aɔmó bitu, atimaa-moné doi hale sóro horatere ala iniyóló alurótu beterape. Diaaɔ ayarapené mara mole ala sya fóló du betere teiné, Kótóné fo hale ɔla kaae aɔróló alurótu beterape.

⁷ Diɔ tiki tuɔpaae dorutei, hale sikili du betere whjrapé-ó, diaaɔ ai du betere alamó Kótóné ama kóló whj Aisaiané asere fota, ti mo diɔpaaetóro erapó.

⁸ Ai asere fo i ape.

‘I so whjné hale kólónémaatei yało doi hale sóro horótu bitu, atimané ɔ hosaa tuamó muló bitini, kisipa keteróló mo sisópaae eró beterape.

⁹ Atimané ɔpaae, “Aya Tale doa whj-ó,” du betere tei ti mo hale du beterape. Atéro yó mótu betere fota, ti mo whjné tuéné kekeme nólo i ala yae yóló, yó matere fotei yó mótu beterape,’ erapó,” yalepó.

¹⁰ Yesuné aimó daae mole so whj feapaae ape yóló duraalu, “I dere fo bete dijané wisiyóló wosóló kisipa muae.

¹¹ Whj betere bete doratereteita, mo nokole ɔlané dorótimatei, whjné tiki tuamó kaayóló kólómó sókó wale foné betɔ Kótóné keletómó ai whjné betere bete mo dorótua dapó,” yalepó.

¹² Tétepa, ama yó matere whjrape ɔ beterepaae wóló duraalu, “Ai Farisi whjrapené naao ai du betere

fo woseturaalu, atima dei kisipa mutu beteretei naao kelere?" yalepó.

13 Ti fo depa ama duraalu, "Ó hepen bemó betere yało Ayané ama biliniyale ɔlarapeta, ti ama feleketamo turó tokó saalo ai ape.

14 Ti ai whırape atimata, kele dilikirutei mepaae whırape ai ɔlısóró fu beter-apa, atima atétóró du beterópoló taalae. Me kele dilikire whıné me kele dilikire whıpaee tı i mole ape yóló ɔlısóró fupa, ti atimaamo wusurótóró dée nóló, kulu dolopaae derepaalo ai ape," yalepó.

15 Ai fo depa Pitané duraalu, "Tale-ó, naao nokole ɔlané whı dorótumipó, yale fo salené bete dıpaee haķearóló yó ɔlae," yalepó.

16 Ti fo depa, Yesuné atimapaee duraalu, "Diakélé yało ai yale fo bete wisiyóló kisipa muni, diaaɔ kutirikélé hapólu ai ere ape.

17 Whıné kólómó nóló, depepaee bitı doropole ɔlané whıné tiki dorótumipó. Ai ɔlata, depepaee bitı doropóló nalo, di alée fua deretei diaaɔ kisipanié?

18 Téretei hosaa tuamó kaayóló, whıné kólómó sókó wale foné betı ti whı dorótua dapó," yalepó.

19 "Whıné hosaa tuamó kaayóló wouraalu, whı doraterer alarape ti i ape. Doi ala yaai mutere dei tuékélé, whı dele alakélé, whıné dokore so ó so dokore whıtamo

nópu nokole alakélé, kokopei ó seimalené kae kae nópu nokole alakélé, kikiti ɔla ɔlémi sere alakélé, whı me dilikóló ama ɔla ɔla sere alakélé, fo tokóló taleturaalu kapala fo dere alakélé, me whı eraterer alakélé, ai alarape feané so whı dorótua dapó.

20 Whı doratereteita, naase fukuni bólutamó ɔla nokole alané dorótumipó," yalepó.

Kenan soné Talepaee tué tiki tirale fo

(Mak 7:24-30)

21 Atéró Yesu ɔ ai kale Juda so whıné hae tiki taaróló, Tair-ró Saidon be huluatamo felekemó mole hae kwiapaae felepó.

22 Téyalemó, ai Juda meire be huluamó betere Kenan fake so betı Yesu beterepaee wóló, fo fakeyóló duraalu, "Depit-né deté yale whıné Naalema Tale-ó, yało senaale dowi kepe tepeyóló bitu, mo sonaalei dowi ala eróló, ama tiki doasi susupu su beterapa, naao ɛ kɔletu tao sae," yalepó.

23 Ai fo deté wou betepatei, Yesuné kale sopaae me fo tokó menitepa, ama yó matere whırapené ɔpaee duraalu, "Ai soné dı sya wouraalu dotopoi fo deté wou beterapa, fıpóló hókó falótumié?" yóló seıyalepó.

24 Ai fo depa ama kale sopaae tokó mótu duraalu, "Ęta, Israel fake so whı tuamó fokó fóló betó mole hupurape

tao sópóló, dotonatepa wóló i betere ape,” yalepó.

²⁵ Tétepa, kale so Yesu daalemó bukutiri tearó bitu duraalu, “Tale-ó, ę naao tao sae,” yalepó.

²⁶ Ti fo depa ama kale sopaae duraalu, “Kale naale senaalené nokole ęlatei yuwirape nópóló melatere-a wisire?” yalepó.

²⁷ Ai fo depa kale sokó duraalu, “Tale-ó, naao dere fota mo deretei, haęrapenékélé ę whaatere whinė bemó, ęla nokole ni fake tómó beleróló nokole ęla folope aęmó sorokóta deretei nukua dapó,” yalepó.

²⁸ Tétepa, Yesuné kale sopaae tokó mótu duraalu, “Ti so-ó, ya betę mo doasi kisipa tiki tiróló beterapa, naao ępaae eraasepé dere ala mió i eratere ape,” yalepó. Ai fo deretamotóróti kale soné senaalemané kisi bete mo ti wisi ipakalepó.

Yesuné 4000 whirape ęla melale fo

²⁹ Atéro Yesu ai hae kwia taaróló, Kaleli weę kęla fóku seseę fu betero, du sorokó mole aępaae holóló beterepó.

³⁰ Atéro beteremó, hęleke momaare so whıkélé, keke dilikire so whıkélé, tiki dore so whıkélé, kóló nomone so whıkélé, mo hęle ęla kaae mepaae so whinė beleóló ę daalemó mulaleta depa, atimané kisi beterape ama wisirótua yalepó.

³¹ Kale kóló nomóló betale so whırapetei fo yóo, hęleke momaayóló

betale whırapekélé wisi yóo, bukutiri doyóló betale whırapekélé mo wisi yóo, keke dilikiyóló betale whırapekélé keke wisiyóló kolóo, depa so whı feané sirayóló Israel so whinė Kótóné doi hale sóró horótu betalepó.

³² Atéro, Yesuné ama yó matere whırape ę beterepaae ape yóló duraalu, “I so whı mo doa kęlené sinitapó. Ti noatepae, atima ęlakélé néni wote siri betepa be de sore kemeyaleteiné atima tu tuęmó wotené sisiraae faęsóró, dotonaalo meipó,” yalepó.

³³ Ti fo depa, ama yó matere whırapené duraalu, “So whıkélé bitini, hęle tuę tikimó beterapa, doai betó mole so whinė naaire ęla momó mupa melaaloé?” yalepó.

³⁴ Ai fo depa Yesuné atimapaee woseturaalu, “Dięne meteró bred o bularape tare?” depa atimané ępaae duraalu, “Weękeró o bularape yóo, ya belekęatikiki sawa téti yóo yóló betę i tare ape,” yalepó.

³⁵ Ti fo depa, ai betó mole so whı feapaae duraalu, “Ai hae tikimó betó muae,” yalepó.

³⁶ Téro, ama kale weękeró o bularaperó yarapetamo taruraalu, Tale Kótópaae mo kée yóló, terekée daalu yóló ama yó matere whırapepaae melatepa, atimanémo so whımó ęliralepó.

³⁷ Atéro, atima mo fea nóló sętepa, buki muni feletei

ama yó matere wh̄irapené bet̄apaae daseté kw̄eyóló 7 yorape deóló f̄aanóló mulalepó.

³⁸ Ai kale ɔla nale so wh̄ita, soraperó naale senaaletamo dos̄ani, wh̄irape maaté dos̄ayóló touróturaalu, 4000 wh̄irapepó.

³⁹ Atéró, Yesuné so wh̄i fea dotonóló nalo ɔ w̄ei nuku-paae bit̄i holóló, Makatan be hulua felekemó ere hae kwia-paae bit̄i felepó.

16

Yesupaae kelemei alakó kelaalopa erae yale fo

(Mak 8:11-13, Luk 12:54-56)

¹ Téró, kale Farisi wh̄iraperó Sadyusi wh̄irapetamo. Yesu beterepaae wóló, ɔ k̄aae kolóló s̄u saairaalu i fo yalepó. “Kótóné ó hepen bemó mole ala kolóló, ita Talenétei eratapóló sira yaai dere kelemei alakó d̄amaletamo kelaaitapa, erótumié?” yalepó.

² Ai fo depa ama atimapaae duraalu, “Be kuluka s̄ako sonaa dere ala kolóló, d̄óta suka wisi yaalo ai ape dua dapó.

³ H̄ika be suka sokotereta-mokélé s̄ako dilikiyóló son-aatepa, diaaɔ i fo dua dapó. Mió doasi hali waai dapó, dua dapó. S̄ané dere ala bete diaaɔ wisiyóló kolóló kisipa irutei, mió i alimó me ala yaairemó dere alarape dīané kolóló kisipa enénipó.

⁴ Dīa mió i alimó, dowi ala du betere so wh̄iró nópu

nuku betere so wh̄itamónétei Kótó mo beterepóló kisipa muópóló, mo doa yaai dere kelemei alakó eratepa, kelenée yóló ketek̄e butu betereitei, kelemei ala me kae eraalomeipó. Jonapaae erale ala kaae bet̄a eratepa, diaaɔ kelaalo ai ape,” yalepó. Atéró, ai wh̄irape atima betó mupatei Yesu ɔ felepó.

Farisi wh̄iraperó Sadyusi wh̄irapetamoné yó mótu betere ala

(Mak 8:14-21)

⁵ Atima nukutamo ai w̄ei k̄ela t̄e fóló, kelalemó ama yó matere wh̄irapené bred o sini, keyó yóló weipakalepó.

⁶ T̄étepa, Yesuné atimapaae duraalu, “Farisi wh̄iraperó Sadyusi wh̄irapetamoné bred o t̄opuratere ɔla yist-né dīa doraɔsórópa, mo hotowayóló kaae tawae,” yalepó.

⁷ Yesuné ai fo depa, atimasisitei fo k̄elaaróló duraalu, “Ti ama ai dere fota, d̄ané bred o s̄oró anipa du dapó,” yalepó.

⁸ Atimasisi atéró k̄elaarótu betepa, Yesuné kisipa yóló, atimapaae duraalu, “Dīa tómó maaté kisipa tiró betere wh̄irape-ó, dīasisitei noatepa fo k̄elaaróló, bred o s̄oró anipó du bitu de?”

⁹ Diaaɔ Yało yale alarape kolóló, wisiyóló kisipa muni airapó. Kale 5000 wh̄irapemó aporó bred o bula terekeyóló melaleteti-a, dīané kisipa keteraleé? Kale buki muni fele bred o diaaɔ

betɔpaae yóló, metéró yorape ɣañaleé?

¹⁰ Ó kale wɛikeró *bred* o bularape terekeyóló, 4000 whɛrapemó melatepa, nóló buki muni feletei diaaɔ betɔpaae yóló, meteró yorape ɣañóló mulaleé?

¹¹ Yało take yale fota, *bred* omó kisipa muóló iniyaletei, diaaɔ wosóló kisipa munié? Ti ai yale fota, kale Farisi whɛraperó Sadyusi whɛrapetamoné *yist*-né diɔ doraɔsóró, kisipa mutu yalepó.”

¹² Téró, atimané ai dere fo wosóló, ama yale fota, kale *bred* o tópuɔpóló bulatere ɔla *yist*-mó initei, Farisi whɛraperó Sadyusi whɛrapetamoné yó matere foné ɔa atima doraɔsóró, hotowaró kaae tawae yóló irapóló kisipa salepó.

Pitané Yesupaae yaɔta mo Keriso ai ape yale fo

(*Mak 8:27-30, Luk 9:18-21*)

¹³ Atéró, Yesu Filipainé tɛale be Sesaria Filipai doi mole hae kwiamó sókó fóló, ama yó matere whɛrapepaae woseturaalu, “Mo so whɛné kale Whɛné Naalema-a, depó du bitu de?” yalepó.

¹⁴ Ai fo depa atimané ɔpaae duraalu, “Mepaae so whɛnéta, ya kale wɛi tópuratere whɛkó Jon-pó du beterapó. Mepaae so whɛnémo, ti Elaijapó du beterapó. Mepaae so whɛnémo, Jeremaiapó du beterapó. Tétepa, mepaae so whɛné duraalu, Kótóné ama

betɔ kóló whɛkó duyalepó, du beterapó,” yalepó.

¹⁵ Ti fo depa ama atimaae woseturaalu, “Ti aita atimané mutere kisipapa, diaaɔ kisipané ɛ-a, depó du bitu de?” yalepó.

¹⁶ Ai fo depa Saimon Pitané duraalu, “Yaɔta, mo hałe betótóró tare Kótóné Naalema so whɛ fea tɛteróló kaae tanópóló, sóró beteró betere whɛ Keriso ai ape,” yalepó.

¹⁷ Tétepa Yesuné ɔpaae duraalu, “Jonané naalema Saimon-ó, ya betɔ Kótóné wisiró betereitiné mo haɛné sinitu betere whɛ ai ape. Ti noatepae, naao ai yale fota, mo whɛné ɔpaae yó menitei, ó hepen bemó betere yało Ayané yó matepa dapó.

¹⁸ Tétepa, yało ɔpaae i dere ape. Yaɔta Pitapó. I doasi kapo fake tómó be tɛtu dere kaae, yało so whɛ doasi fake firaalo ai ape. Atéró tɛyóló betepa, sukutere alané bole fotokóné bóe daalotei, yało tɛtu betere be fisikóló mo doraalomeipó.

¹⁹ Téyaalomeitei, ó hepen bemó tɛteróló kaae tare tuɔpaae faaire be tu tukɛyaaire kirape yało ya melaalo ai ape. Diaaɔ i haemó dowi ala deretei dokóló mulatepa, ti Kótóné hepen bemókélé dokóló muló beterapó. I haemó diaaɔ teraayóló haɛeamó mulatepa, ti Kótóné ó hepen bemókélé, teraayóló haɛeamó muló beterapó,” yalepó.

²⁰ Téró, Yesuné ama yó

matere wh̄irapepaae dirii fo yóló mulótu duraalu, “Ēta, Kótóné so wh̄i fea t̄eteróló kaae tanópóló sóró betere wh̄i Kerisopó fo mepaae so wh̄ipaae momókó yaq̄se,” yalepó.

Yesu Kerisoné a sukqalopóló yale fo

(*Mak 8:31-9:1, Luk 9:22-27*)

21 Mo ai be d̄emó kaae sóró, Yesuné ama yó matere wh̄irapepaae duraalu, “Ē Jerusalem be huluamó fóló betepa, kale wh̄i disiraperó mo so wh̄imó Talepaae momaraterere topo wh̄irapenékélé, Moses-né yóló muló betere fo yó matere wh̄irapenékélé epaae kae kae susupui ala eróló, ę mo ti sukópóló daalopó. Atéró sukóló sore be d̄e kemetepa, ę momó kepaayóló betaalopó,” yalepó.

22 Ti fo depa, Pitané a t̄u d̄epaae dapesó fóló duraalu, “Tale-ó, mené yāpaae atei kaae ala mo yaalomeipó,” yalepó.

23 Ai fo depa Yesuné Pita-paae duraalu, “Satan-ó, yā taae fae! Ē faai dere t̄u wisi naao ai dere alané sesé dapó. Naao ai dere alata, Kótóné kisipa mole ala mei, mo wh̄iné kisipa mole ala ai dere ape,” yalepó.

24 Téro Yesuné ama yó matere wh̄irapepaae duraalu, “Wh̄i me detamo ę sya waai kisipa mutepata, ti ama yaai kisipa mole ala taaróló,

a dóló oloraaire filipaa ni, amatei beleyóló wópóló yae.

25 Ti noatepa meipó. Mepaae wh̄i dené ama kisipané a betere bete me ala yaq̄sórópóló, amatei hotowayóló kaae tapata, ti ai wh̄iné ama betere bete aluyaalo ai ape. T̄eyaalotei, mepaae wh̄i dené yālo erae dere ala sya fóló eróturaalu, ama betere bete me ęla meipóló a sinitepata, ti atétere wh̄iné ama betere bete aluni, mo ti betó tawaalopó.

26 I haemó yó mole wisi wisi ęla fea wh̄i betané amatórótipóló tawóló beteralemó, ai wh̄iné ama betere bete alutepa, ti me noa ęlatamo dupu yóló ama betere bete momó saaloé? Ama betere bete mo ti aluyaalo ai ape.

27 Ti noatepae, kale Wh̄iné Naalema ama Alimané ere au wisinaaletamo ama *ensel-rapetamo* wouraalu, so wh̄i dok̄o feané yale alarape sumótóróti dupu melaalopó.

28 Yālo dīapaae mo i dere ape. Dīa i betó mole wh̄irape mepaae sukuni hāle betepatei, kale Wh̄iné Naalema ama t̄eteróló kaae tare alatamo wapa, kelaalo ai ape,” yalepó.

17

Yesuné ama tiki kae daane wale fo

(*Mak 9:2-13, Luk 9:28-36*)

1 Naase apomiró be d̄e kemetepa, Yesuné ātamo faairaalu, Pita, Jems-ró noma

Jon-tamo atimanale mo doasi hasi fosópaae holalepó.

² Atéro holóló bituraalu, atimané kele tómótei Yesuné tiki mo kae daane wóló, ama kelepaakélé, sukané de kaae yó felepó. Atéturaalu, ama deró betere kutikélé fea mo de tekée felepó.

³ Atima atéro daae mupa, Moses-ró Elaijatamo sókó wóló Yesutamo fo du betepa kelalepó.

⁴ Atétu betepa, Pitané Yesupaae duraalu, “Tale-ó, da fea imó betepa mo wisirapó. Naa kisipanétamo furu be sore epaae teyae depa, ti me ya betóo, me Ilaija betóo, me Moses betóo yairetei, yalo tēnaalopó,” yalepó.

⁵ Ama ai fo hale du betepatei, mo dei sakoné atima husurale dorowóló ai sako dolomó i fo depa atimané wosalepó. “I whita, yalo mo doasi hosaa muóló yaala sókó fóló mole naalepó. Ama dere ala yalo kilitu, e mo doasi hekeserapó. Atérapa, diaaq ama dere fotóro mo wisiyóló wosae,” yalepó.

⁶ Ama ai dere fo wosetu-raalu, atima mo doasi winé sinitu, haemó deraapisa fóló muó molepó.

⁷ Atépa, Yesu a wóló, atima tikimó olaayóló duraalu, “Diā wiyaqse, turukó holóló betó muae,” yalepó.

⁸ Ai fo depa atimané ke-lalemó, whi me daale kilini, Yesu betā ama wotoró daapa kelalepó.

⁹ Atéro, atima hasi fosómó dorowou bitu, Yesuné kale

whirapepaae fo mulótu duraalu, “Kale Whiné Naalema mo ti dóló momó kepaayóló betaaire suka teópatei, i ala depa kelalepóló, mepaae so whipaae momókó yaqse,” yalepó.

¹⁰ Tétepa, ama yó matere whirapené apaae duraalu, “Ti Moses-né ere fo yó matere whirapené Elaijapi folosóro waalopó du betere-a, noa betené du bitu de?” yalepó.

¹¹ Ti fo depa, Yesuné atimapaee duraalu, “Ti aita mo dapó. Ilaija a wouta, take folosóro wisiyóló mole ɔla ɔla fea dopa, ama momó wisiróló mulaalo ape.

¹² Ai alata mo yaalotei, yalo diapaae i dere ape. Elaijata, ti mo walepó. Téyaletēi, ita Elaijapóló kisipa muni, atimané apaae eraai kisipa mole ala fea mo erótua yalepó. Atéyale kaae, ai whirapené kale Whiné Naalemapaaekélé kae kae sekei alarape eraalo ai ape,” yalepó.

¹³ Ai fo depa, ama yó matere whirapené kale wei tópuratere whikó Jon-mó dapóló kisipa yalepó.

Yesuné dowi kepe tepeyóló betere naale wisirale fo

(Mak 9:14-29, Luk 9:37-42)

¹⁴⁻¹⁵ Atéro, atima so whi fea betó mole tuapaae sókó walemó, whi betā Yesu daalepaae wóló, a daalemó bukutiri tearó bitu duraalu, “Tale-ó, yalo naale topo doturaalu, hó naase kotokó yó sóro, si dolopaae ó wei dolopaae biliyó sua

du beterepa, naao kolené sukuturaalu tao saaloé?

¹⁶ Naao yó matere whirape beterepaae dapesó waletei, atimané wisiraairetei sunipó,” yalepó.

¹⁷ Ai fo depa, Yesuné tokó mótu duraalu, “Diã mió i alimó betó mole so whita, Kótópaae kisipa tiki tiróló betaaire tu wisi mupatei, kisipa tiréni, dowaae fóló kópaae ai fu betere ai ape. Diã tu wisipaae fópóló kisipa mutu, ç diãtamo betale sumó hóné sukutapa, ai naale ç beterepaae dapesó ape,” yalepó.

¹⁸ Atéro, kale naale Yesu beterepaae dapesó wapa, Yesuné foné seremó, dowi kepe sókó felepó. Mo ai be demótóróti kale naale topo doretei, mo ti wisiyalepó.

¹⁹ Téró, ama yó matere whirape Yesu beterepaae wóló, atimasisi bitu apaae woseturaalu, “Dané ai kale dowi kepe dóló hokonalemó, sókó feniyaletei, noa betené yalerópó,” yalepó.

²⁰ Ti fo depa, ama atimapaee duraalu, “Diaaõ kisipa tiki tiró betere ala tómó ereteiné ai yale ape. Yãlo diãpaae mo i dere ape. Diaaõ kisipa tiki tiró betere alata, sawatamo *mastard* ni ke kaae bulu, diaaõ i ulupaae duraalu, ‘Hiliki fóló tumó daayae,’ depa ai ulu mo hiliki fóló daane faalo ai ape. Diaaõ kisipa tikitamo mo ti tiró betepa, ti fea ala fea sumó enérápó,” yalepó.

²² Téró, ama yó matere whirape atima Kaleli haemó touraale wóló bitu, ama atimapaee duraalu, “Kale Whiné Naalema dópóló mené eleké deyóló, mepaae whirapené naase tuãpaae mulaalo ai ape.

²³ Atéro atimané a mo ti doló sukunaalotei, tamo be demó maaté doumó muóló, sore be dené ti a momó kepaayaalo ai ape,” depa, ama yó matere whirape atima dekené sukutu be-talepó.

Momatere be kaae tawaaire moni derale fo

²⁴ Atéro, nalo Yesuné ama yó matere whirapetamo Kapeneam bemó sókó felemó, kale momatere bemó *takis moni* siré kotere whirape Pita beterepaae wóló woseturaalu, “Diã yó matere whiné momatere bemó *takis moni* mótua dépe meié?” yalepó.

²⁵ Ai fo depa, ama tokó mótu duraalu, “Épó. Mótua dapó,” yalepó. Atéro, Pita a be tuãpaae sókó holalemó, folosóro Yesunépi Pitapaae woseturaalu, “Saimon-ó, naao noa kisipa mute? Naao kisipané i haemó betó mole doasi topo whirapené kae kae ɔla ɔlamó *moni* suatere alaró *takis moni* siré kotere alatamo, mo atimané naaler-apepaaekélé aɔlae dua dépe, mo whirapepaae maaté aɔlae yóló, sua de?” yalepó.

²⁶ Ti fo depa, Pitané apaae tokó móturaalu, “Mepaae mo whirapepaae maaté aɔlae

yóló sua dapó,” depa, Yesuné duraalu, “Atétepa, ti doasi whjrapené naalerapepaae ʔalae yóló sinitu dapó.

²⁷ Tépatei, ɖamotamo atima dei tuę muaʔsórópa, ya naao kemei sóró wẹjpaae derane fae. Atéro deralemó ya supa, ti ai folosóro sere yané kóló ɖayóló kelenaalemótamo, 4 *drakima moni* ke bupa ke-laalo ai ape. Ai *moni* sóró fóló, ɖamo wusuróné *takis* mulae,” yalepó.

18

Kótóné tẹteróló kaae tare hepen be tuamó doasi doi mole whj dée yale fo

(*Mak 9:33-37, Luk 9:46-48*)

¹ Atéyale sukamó, Yesuné ama yó matere whjrape ʔa beterepaae wóló wosetu-raalu, “Hepen bemó Kótóné tẹteróló kaae tare aomó whj fea betó moletei, mo doasi topo betere whj-a, de?” yalepó.

²⁻³ Ai fo depa, ama betɔ naale belekaamale dape sóró atima betó mole tuamó daaló bitu duraalu, “Yalo ɖiɔpaae mo i dere ape. ɖiɔ kisipa tiki feteyóló, etei naale ketei kaae bitinitepa, ti Kótóné tẹteróló kaae tare aɔpaae mo sókó faalomeipó.

⁴ Térapa, mepaae so whj ɖe-tamo amatei deróló i naale male kaae mo dua betepa, ti ó hepen bemó betere Kótóné tẹteróló kaae tare aomó topo whj ai betere ape.

⁵ Mepaae whj dené etei kaae naale male yalo doimó,

mo wisiyóló dape supa, ti ɛtei wisiyóló dape sirapó.

⁶ Téretei, mepaae whj denétamo mepaae doi muni, ɛpaae kisipa tiki tiróló betere belei sókó dei so whj dowi ala yópóló me ala eratepa, ti atétere whjné depamó mo doakale kane fake duwóló wẹi kẹla tuɔpaae taae faluʔsóró mo wisi wuapó.

⁷ Mepaae i haemó betó mole so whjné mepaae so whj dowi ala yóló dée nópóló, mepaae alarape mo eraalo ai ape. Atétere whj ɔtei mo dowi kwia saaireteimó, doasi wiyópóló yae! Ai alarape mo yaalotei, u kale whj dowi ala yóló, dée naaitere tu muaʔsóró yae. Me whj atéro dowi ala yópóló, tẹ mulatere whj ti doakale dowi kwia saaireteimó wió yae!

⁸ Naao naase ó hóné ya dowi ala yópóló dée nalatepa, ti atétere naase ó hó tukóló taae falae. Ti noatepae, naao naase ó hó betɔ daayóló, mo ti betó tawaaire be tuɔpaae sókó fupa wisirapó. Naao hó ó naase tamo daayóló beterale tikimó, Talené mo ti dó tare si dolopaae taae deratepa mo dorapó.

⁹ Naao kelenétamo ya dowi ala yópóló dée nalatepa, ti atétere kele sokóló taae falae. Ti noatepae, betɔ keletamó bitu, mo ti betere be tuɔpaae sókó fupa wisirapó. Naao kele tamo daayóló betepa, mo ti dó tare dowi sipaae Talené ya taae deraʔsóró dapó.”

Fokó fole sipsip hupupaae

dó faróló yale fo

10 “Yalo diapaae mo i dere ape. I betó mole naale momale mo doi muni belei sokótei betepa, diã teteirapepóló teteraõse. Ti noatepae, atima kaae tare *ensel-rape* ó hepen bemó betere yalo Aya Kótóné kelepa koló tarapó.

12 I dere fo wosóló, diaaõ noa kisipa mute? Whi betané ama 100 *sipsip* hupurape whaanalemó, betã hupu alutepa, ama neté yaaloé? Kale 99 hupurape du sokoremó betó mupatei taaróló, kale betã aluyale hupu kekene faalo ai ape.

13 Yalo diapaae mo i dere ape. Kale whiné ai aluyale hupu keletepa, ti ã mo hajné sinóló betaalo ai ape. Ti noatepae, betó mole 99 *sipsip* hupurape kilitu hajtu betepatei, kale aluyale *sipsip* hupu keletepa, dere hajné mo teraae falapó.

14 Atére kaae, i kale doi muni belei sokótei so whi betakélé aluyaõsóró, ó hepen bemó betere diaaõ Ayané doasi kisipa mutu beterapó,” yalepó.

Yapaae eratere dowi ala donora yóló dere fo

15 “Nao noné yapaae me dowi ala eratepa, ti ya ã beterepaae fóló, diaamosisi betamó bitu no-ó, nao epaae etei kaae dowi ala eralepóló yó melae. Ama nao dere fotamo wosóló, hapale donoratepa, ti diaamo tuãmó muale seké kemeyóló,

betamó wisiyóló ai betere ape.

16 Aténi, naao dere fotamo woseni hóróló dowãae fupa, ti kale ašemó yóló muló betere fo sya furaalu, fea ala fea mo yalepóló, kelale whi tamo ó sore dapesó fóló, diã fea bituraalu, teraayóló ai seké wisirae.

17 Amatamo diãné dere fokélé wosenitepa, ti touró betere Keriso fake so whiné keletómó hãkeamó yó melópóló yae. Atéralemókélé, Keriso so whiné dere ma fo woseni hóratepa, ti ã Keriso doi muni, hãle mo whi kaae ó *takis moni* sere whi kaae beterópóló yae.

18 Yalo diapaae mo i dere ape. Nao me whi hamopaae erale dowi ala, mo yalepóló teraayóló kemeréni hãle muó tapa, ti Kótóné ó hepen bemókélé dokóló ai muló betere ai ape. Naaotamo me whi hamomapaae erale dowi ala mo yalepóló teratepa, ti Tale Kótóné ó hepen bemókélé, teraayóló muló beterapó.

19 Yalo diapaae i dere ape. Atétere kaae, diãkó whi tamo mo betã kisipa muóló ó hepen bemó betere yalo Aya Talepaae momaturaaalu, me õlakó wosetepa, ti ai wosetere õla ama mo melaalo ai ape.

20 Ti noatepae, yalo doi hale sóró horaairaaalu, whi tamo ó sorekélé touróló betepa, ti atima tuãmó ekélé beterapó,” yalepó.

Mené erale dowi kwia hąle kementerere fo sale fo

21 Tétępa, Pita Yesu beterepaae wóló ąpaae woseturaalu, “Tale-ó, ąło noné ępaae erale dowi ala hąle kemeraalopóló meteró fapo enére? Węi keró fapomó maaté yóló supóló taaranére?” yalepó.

22 Ai fo depa, Yesuné ąpaae tokó mótu duraalu, “Yąło ąpaae mo i dere ape. Węikeró félimó maaté deretei sųnipa, deté fu betero 77 félimó, ama dowi ala kemaąle wópóló yae.

23 Atéro kale ó hepen bemó betere Talené tęteróló kaae tare aąmó mole alata, etei ala dere kaaepó. Betą doasi topo whinė ama *moni* kwia mulóló saletei, ama kutó diratere whırapené meteró saleró taleyaaı ą beterepaae ape yalepó.

24 Atéro, kaae sóró taletu betalemó, betą 10,000 *kold kapa* sekę ąle sóró, kwia mulóló sale whı kale doasi topo whı beterepaae dapesó walepó.

25 Ai whinė ama kwia mulóló sale *moni* tokó melaairetei sųmó tanipa, ama doasiné mepaae kutó diratere whıpaae duraalu, ai whıkéle, ama somakéle, naale senaalekéle, mené wae sóró dupu yópóló dotonó, ama ąla ąlakéle mo fea me whinė dupu yópóló dotonó, yae. Téro, ai *moniné* ti ama mole kwia kemeraairaału, sóró ape yóló mulalepó.

26 Ai ala yaaitepa, kale whı ą ama doasi daale felekemó bukutiri tęaró bitu dua naamei fo yóló duraalu, ‘Yąło ąa betemó kwia mulóló sale ąla ąla fea tokó melaalopa, sawa kaae tawae,’ du betalepó.

27 Kale kutó diratere whinė fo depa, ama doasiné ą kelalemó, ą kolené sukuturaału, kwia mole *moni* me ąla meipóló, kale whı ą hąle fópóló dotonalepó.

28 Tęyaletei, ai kale whı ąmo furaalu, ama 100 *denarias moni* kwia mulóló sale whı kęle felepó. Ti ai whıta, atimaamo betą kutó ditere whıpóló kisipa muni, ama depamó botokó sóró taru, mo deteraayóló duraalu, ‘Yąło 100 *denarias moni* ąpaae kwia mulapa, mo miótitei, hapale tokó ąlae’ yalepó.

29 Ai fo depa, kale whı ą bukutiri tęane doropóló, mo dua naameiné ąpaae duraału, ‘Yąło tokó melaalopa, sawa kaae tawae,’ yalepó.

30 Tęyaletei, kale whinė kaae tawaalomeipóló, *dipula* be kaae tare whıpaae duraału, ‘Ama kale kwia sale *moni* tokó melatere sukamó ti ą sókó daalaasepólópa, hąle beteroóló yae,’ depa, kale whı *dipula* beteralepó.

31 Atétępa, mepaae atima betą kutó ditere whırapené ai ala kolóló, atimakéle dei tuę muóló sekętepa, atimané doasi topo whıpaae i ala yalepóló ąpaae yalepó.

32 Atéro ene wale fo wosóló, kale doasiné ai ala yale

whĩpaae ape yóló, ąpaae duraalu, ‘Yąta mo dowi ala yó tare kutó diratere whĩ ai ape. Naa ępaae mo dua naamei fo depa, ęalo ępaae doasi kwia moletei, me ęla meipóló taaralepó.

33 Tęrapa, ęalo ęa kęlenę sukóló taalótu yale kaae, naaokélé diaamo betę kutó ditere no hamoma kęleturaalu, ai ala iniyólópó, yalepó.

34 Atęró, kale doasi topo whĩ ą fopaae buólo, u kale *dipula* be kaae tare whĩpaae duraalu, ‘Ama kwia mole *moni* momó tokó melópólópa, ą *dipula* beteróló, susupuróló fokosói ala detę fu betae,’” yalepó.

35 Ai fo detę fóló keme-tepa, Yesunę ama yó matere whĩrapepaae duraalu, “Naa no hamomanę ępaae erale dowi ala me ęlameipóló, mo hosaa turónę kemeręnitepa, ti ó hepen bemó betere ęalo Ayanę dią dokę feapaaekélé ai kaae alatóró eraalo ai ape,” yalepó.

19

Soró whĩtamo dokoretei tekęteremó yale fo

1 Atęró, Yesunę ai forape yóló kemetepa, ai Kaleli hae taaróló Judia hae kwiamó fole Jordan węi tęyóló utę fakeró felepó.

2 Atęró fóló beteremó, so whĩ feanę ą sya wou betepa, atimanę kisi beterape wisirótua yalepó.

3 Atęró, mepaae Farisi whĩrape Yesu beterepaae

wóló ą hąsókó fuléró kęae kelaai woseturaalu, “Kale yóló muló betere fonę betę whĩnę ama so sawa hąsókó fole ala, ó mepaae kae kae doasi dowi ala depakélé tokó falatepa Kótónę fo mulepę munię?” yalepó.

4 Ti fo depa, Yesunę ama tokó mótu duraalu, “Asemó yóló muló betere fo dosąyóló diaaę kisispa munię? Take kekę nale alimó so whĩ aleturaalu, whĩ kae aleyóo, so kae aleyóo erapó.

5 Atęre betenę betę whĩ ą so dokoturaalu, ama alimaró hamatamo taaróló, ama somatamo mo betę tikitóró daayóló betaalo ai ape,” yalepó.

6 “Atimaamo tamotei, Kótónę dekaaporóló mo betę tikitóró alęe faló beteretei, mo whĩnę tekeyaęsóró yae,” yalepó.

7 Ai fo depa, kale Farisi whĩrapenę ąpaae duraalu, “Ti ai fo epateimo, Moses-nę yóló muló betere fonę duraalu, whĩ betęnę ama soma tokó falaai depata, ti so tokó falatere aęę ai sonę soró fópóló, melae ere fomo, hęle noatepa yaleę?” yalepó.

8 Ai fo depa, Yesunę atimapaee tokó mótu duraalu, “Moses-nę ai ere fota, diaaę dowęae fóló du betere alamó, so tokó falaai depa, hęle hoko tokó feni, aęę soró fópóló melae yóló ai ere ape. Ti atęró so tokó fatu betere alata, take kekę nale alimó, Talenę atei ala yae yóló inipó.

⁹ Yało diąpaae mo i dere ape. Mepaae whinė ama soma me nópu nénipatei, hałe tokó faróló, ai whı ą me kae sotamo dokotepa, ti atétere whı ą dowi ala yóló mo ti folokoleratapó,” yalepó.

¹⁰ Ti fo depa, ama yó matere whırapené ąpaae duraalu, “So dokóló betere ala doasi hapólu ereteiné da so dokoni hałe betepakélé, mo wisirapóló kisipa mutapó,” yalepó.

¹¹ Tétepa, Yesuné atimapaee duraalu, “Whı fea so dokoni, hałe betenénitei, atei ala yópóló Talené ama tukóló muló betere whinė betą mo şumó enérapó.

¹² Ti noatepae, take mepaae whırape hamané deyale sukamótei, nóluku fopei deyóo, mepaae whırape ti mo whinėtei nóluku sokóo, mepaae whırape ti Kótóné ó hepen be tuąmó teteróló kaae tare aqmó mole ala eraairaału, so dokotere ala taaróló, Talené kutó betą diróo dua dapó. Mepaae whırapené i dere fo sya fóló, ya naao wotoró bitu Talené ala mo şumó eranérapóló kisipa mutepata, ti téyópóló yae,” yalepó.

Yesuró belekaatiki naale senaaletamo

(Mak 10:13-16, Luk 18:15-17)

¹³ Téró, so whı atimané naale senaale Yesuné naase mulóló momarópóló dapesó walepó. Téyaletei, ama yó matere whırapené ai kale

naale senaale dapesó wale so whı foné sóró seséyalepó.

¹⁴ Atétepa, Yesuné duraalu, “Mepaae so whıtamo i naale senaale kaae betepa, ti Kótóné teteróló kaae tare hepen bemó mole alarape saalo ai ape. Térapa, ai naale senaale atima ę beterepaae wópólópa, sesé yaąse,” yalepó.

¹⁵ Atéró, ama atimané tikimó naase mulóló momayóló kemetepa, atima ai betere tiki taaróló felepó.

Yesuró betą kokopei néli whıtamo

(Mak 10:17-31, Luk 18:18-30)

¹⁶ Téró, whı betą Yesu beterepaae wóló woseturaalu, “Yó matere whı-ó, mo ti betó tare bete saairaału, noa wisi alakó yaaloé?” yalepó.

¹⁷ Ti fo depa, Yesuné ąpaae duraalu, “Noa wisi alakó yaaloé? yóló, ępaae wosetere-a, noatepa de? Ti wisi ala erótu betere Tale betą beterapa, ai ti betere bete saaitepa, ti ama yae yóló muló betere fo betą wisiyóló sya fóló eró tawae,” yalepó.

¹⁸ Ai fo depa, kale whinė duraalu, “Noa ala maaté?” depa, Yesuné ąpaae tokó móturaalu, “Whı me ti dóló sukunaąse, so nópu naąse, ąla ąlémi saąse, me whı dilikóló só deraairaału, kapala fo yaąse erapó.

¹⁹ Naao dere alaró dere fotamoné naao hae aya wisi doi muópóló hae aya aqmó naameyóló mo dua betae. Téturaalu, naaotei ya yaala

sókó fu dere kaae, naao be wh̄i so wh̄ipaaekélé, atéro yaala sókó fu betae,” yalepó.

20 Tétepa, kale kokopei wh̄iné duraalu, “Ai yae yóló muló betere alarape betakókélé yało tikini, betere dokọ fea yało sya fóló eró tarapa, me noa alakómo haşókó fóló yało inire?” yalepó.

21 Ti fo depa, Yesuné aḡaae duraalu, “Naao kisipanétamo mo betā alakókélé haşókó feni, mo turó sya fóló eratere wh̄i betaai kisipa mutepa, ti ya fóló, naao tare ọla ọlarape fea dotonóló *moni* sóró yoleale yóló betere wh̄irapemó hałe melae. Atétepa, ti naao saaire ọla ọla ó hepen bemó mo doasi horóló mupa, saalo ai ape. Atéro melólóta, ya ẹ sya ape,” yalepó.

22 Téró, kale kokopei wh̄iné ai dere fo wosóló furaalu, a ọla ọla fea tare néli wh̄i betereiteiné, a fomoné sinité felepó.

23 Téró, Yesuné ama yó matere wh̄irapepaae duraalu, “Yało diḡaae mo i dere ape. Fea ọla ọla mole néli wh̄i Kótóné ẹteróló kaae tare hepen be tuḡaae sókó faairetei mo dirirapó.

24 Yało diḡaae momó i dapa wosae. *Kamel* hupuné ketẹli dolomó sókó fenereitei, ọla ọla fea tare néli wh̄i Kótóné ẹteróló kaae tare hepen be tuḡaae sókó faairetei mo doasi dirirapó,” yalepó.

25 Tétepa, ama yó matere wh̄irapené ai dere fo wosóló atima fomo depa, aḡaae woseturaalu, “Noa kaae wh̄imo aluyaḡsóró, tao saaloé?” yalepó.

26 Ai fo depa, Yesu atima beterepaae fetée fóló duraalu, “Atei ala fea mo wh̄iné enénitei, Kótóné ama betā fea ala fea mo sumó enérápó,” yalepó.

27 Ti fo depa, Pitané aḡaae duraalu, “Tale-ó, mióta dané tare ọla ọla fea taaróló, ya sya walapa, naao daḡaae noa ọlakó melaaloé?” yalepó.

28 Ai fo depa, Yesuné atimapaee duraalu, “Yało diḡaae mo i dere ape. Take i haeró saḡamo ó ọla ọla fea momó kae kisi aleyóló mulatere sukamóta, kale Wh̄iné Naalema ẹteróló kaae tare doasi betere tikimó ama mo kae ere au wisinaale yóló betepa, kelaalopó. Téró, diḡ ẹ sya wale wh̄irapekélé ai kale 12 doasi topo wh̄i betere tikimó bituraalu, 12 Israel fakerape taleyaalo ai ape.

29 Mepaae wh̄i dené ama be ó noma ó nema ó hama alima ó ama naale senaale ó ama kutó ó hae tikikélé fea taaróló, yało ala eraairaalu fupa, ti ai taaróló wale ọla ọlamó Talené beleróló, 100 félimó melaalo ai ape. Téturaalu, ai tómó mo ti betó tare betekélé matepa saalo ai ape.

30 Téyaalotei, mepaae mió mo doasi doi mole so wh̄irape take nalo atima doi munire wh̄i kaae betaalopó. Mió mepaae doasi doi muni, hałe

hoko sókó deyóló betere so whi, ti take nalo mo doasi doi mole topo whi kaae betaalo ai ape,” yalepó.

20

Kutó diróló dupu serepaae dó faróló yale fo

1 “Ó hepen bemó Kótóné teteróló kaae tare alata, etei ala kaaepó. Betá hae tale mo hikati ama *wain* kutó dirópóló, whirape sóró beteraai dapóló felepó.

2 Atéró, kale kutó talené mepaae whirape sóró atimapaee duraalu, ‘Betá be demó ditere kutómó *denarias moni* betá melaalopa, yálo *wain* kutó dirane faaloé?’ yóló wosalemó, téyaalopó depa, dini fópóló dotonalepó.

3 Atéró, hika 9 kilok sukakelemó, kale kutó tale á momó fóló kelalemó, mepaae whirape so whi fea touratere tikimó hále daae mupa kelalepó.

4⁵ Atépa, ama atimapaee duraalu, ‘Diaaḡ ditere kutó sutoróti diákélé yálo dupu yaalopa, yálo *wain* kutó dirane fae,’ depa, atima felepó. Atéró, 12 kilok sukakelemókélé, mepaae whirape hále daae mupa kale dere fo kaae yóló dotonóo, kuluka 3 *kilok*-mókélé, atéró dotonóo yalepó.

6 Mo kuluka 5 *kilok*-mó á momó fóló kelalemó, kale dere kaae mepaae whirape hále daae mupa kolóló, duraalu, ‘Diá imó hále noatepa daae mulu de?’ yalepó.

7 Ai fo depa, atimané duraalu, ‘Me whiné ḡ ama kutó dirópóló sinitepa hále i daae mole ape,’ depa, kale whiné duraalu, ‘Diákélé, yálo kutó dirane fae,’ yalepó.

8 Atéró, be diki deretamo kale kutó talené ama kutó diratere whirape kaae tare whirapaae duraalu, ‘Ai kutó diratere whirapepaae ape yóló, atimané dupu mótu, nalo ki dini wale whirapemó kaae sóró melaté fóló, folosóro wale whirapepaae kemerḡle fae,’ yalepó.

9 Téro, kuluka 5 *kilok*-mó kaae sóró kutó diyale whirapekélé fea *denarias moni* betátóro matepa sua yalepó.

10 Atérótóro maté fóló kemetepa, kale folosóro hikati kutó dini fele whirape atimané *moni* horóló melaalo nisi yalemó, kale nalo wale whi melale *denarias monitóro* atima fea betá betá yóló matepa, sua yalepó.

11 Atéró *moni* sóró kemetepa, kale kutó taletamo dei tué muturaalu, *monimó* dokó dokó dere ala kaae sóró du betalepó.

12 Atima mo hikati kaae sóró kutó dirale whirapené kale kutó talepaae duraalu, ‘Ḍata, doasi suka suputamokélé, mo depe tukó wei kutó ditu betalepó. Téyaletai, kuluka mo betá sukakelemó kutó dirane wale whirapekélé, ḡ melale sutoróti ai melale ape,’ yóló, kale kutó taletamo fo tokótamo du betalepó.

13 Tétépa, ama atimakó whi betapaae duraalu, ‘No-ó, yalo naao *moni* tukóló menéni, mo donotóróti i matere ape. Take hikati dāmo fo dokoturaalu, yapaae *denarias moni* betatóró melaalopó fo yapaae inié?’

14 Térapa, mió naao *moni* sóró fae. Nalo yalo kutó dirane wale whirapekélé, diā melale kaaetóró, atimakélé melaai kisipa mutapó.

15 Yalo *moniné* me ala enépa, ti yalo mo sumó enérápó. Yalo hamokoturaalu me whipaae eratere alamó naao etamo noatepa dei kisipa mutu de?’ yalepó.

16 Ai ala du dere kaae, nalo wale whi folosóró fóo, folosóró fele whi ti nalo wóo yaalo ai ape,” yalepó.

Yesuné a sukçalopóló sore dakoróló momó yale fo
(Mak 10:32-34, Luk 18:31-33)

17-18 Téró, Yesu a Jerusalem be huluapaae holaairaaalu, ama yó matepa wosetere 12 whirape atimasisi fu bitu tu depaae dapesó fóló, atimapaae duraalu, “Mióta dā Jerusalem be huluapaae holaai i fole ape. Téteretei, kale whiné Naalema mepaae whiné eleké deyóló, so whimó Talepaae momaraterere whiraperó Moses-né asere fo yó matere whirapetamoné naase tuamó mulale faalopó. Ai whirapenémo etamo fo tokótamo yóló, a só deróló,

mo ti sinópóló, daairaaalu fo dokaalopó.

19 Atéró, ai whirapenémo ti Juda mei, kaae fakené naase tuapaae mulatepa, atimané a faleyóló doka doka yóo, fokosói ala yóló susupuróo, filipaa ni tómó oleróló dóo yaalo ai ape. Atéró mo ti sukçalotei, sore be demó ti Talené a momó kepaaróló beteraalo ai ape,” yalepó.

Jems-ró Jon-tamomó hamané Yesupaae woserale fo
(Mak 10:35-45)

20 Téró, kale Sebediné naalema tamo hamané Yesu beterepaae dapesó walepó. Atéró, wóló kale so a bukutiri tēane doropóló bitu duraalu, “Yalo i eraasepé yóló yapaae wosetere ala wisinaalekó naao eraaloé?” yóló wosalepó.

21 Tétépa, ama apaae duraalu, “Yalo yamó noa alakó erópóló kisipa mute?” depa, kale soné duraalu, “Naao tetéróló kaae tare be tuamó, yalo i naale tamokó me naale naao turu naase demó beteróo, me naale naao fē naase demó beteróo, yaasepóló dapó” yalepó.

22 Ai fo depa, Yesuné kale whi tamopaae duraalu, “Diaamoné epaae ai wosetere fo beteta, diaamo kisipa inipó. Dowi ala kwia tokóló aluraairaaalu, susupu sóró sinaaire ala, diaamonékélé sumó senére?” depa, atimaamoné duraalu, “Dāmonékélé sumó senérápó,” yalepó.

23 Ai fo depa, Yesuné atimaamopaae duraalu, “Yalo

naaire wutimó belere wẹi diaamonékélé sımó naalotei, turu naase ó fẹ naase demó betaaire alata, ti yało tetéróló kaae tanipó. Ai alata, yało Ayané ama tetéróló kaae taru, aimó betaaire whi tamokélé, ama mo taketitei tukóló beteró beterapó,” yalepó.

²⁴ Tétepa, kale mepaae yó matepa wosetere naase tamo whirapené ai dere fo woseturaalu, u kale whiró nomata-mopaae fopaae yóló dei tué mualepó.

²⁵ Atétepa, Yesuné atimapaee tourale ape yóló duraalu, “Juda mei, kaae fake tetéróló kaae tare topo whirapené mo so whi tetéróló kaae tawóo, atimané sóró beteró betere whirapénékélé mo so whi tetéróló kaae taru, i ala erae du betteretei diaaọ ai kisipare ape.

²⁶ Atétere kaae, dią tuamókélé ai ala momókó yaqse. Aténi, dią tuamótamo doasi topo whi betaai kisipa mutepa, ti so whi feané kutó diratere whi beterópóló yae.

²⁷ Whi me de doasi doi mole whi betaai kisipa mutepa, ti diané wae sóró kutó diratere whi kaae betae.

²⁸ Kale Whiné Naalema waleteta, ama kutó dirópóló mepaae whirape sóró betteraai wéni, mo whiné kutóte ai ama diróo, so whiné betere bete aluyaqsóro, ama betere bete hale melóló, dupuróló tao sóo yaairaalu, walepó,” yalepó.

Yesuné kele dowi whi tamo wisirale fo

(Mak 10:46-52, Luk 18:35-43)

²⁹ Atéro, Yesu ą ama yó matere whirapetamo ai Jeriko be hulua taaróló fu betaalemó, so whi mo feané atima sya wou betalepó.

³⁰ Atétepa, kale kele dilikire whi tamo tu demó betteremó, Yesu fu beterapó dere fo wosóló, fo fakeyóló duraalu, “Depit-né Naalema Tale doa whi-ó, ąamo kolené sukuturaalu, tao sae,” yalepó.

³¹ Ai fo depa, so whi feané kale whitamopaae taalae yóló foné supatei, woseni nisyóló, mo ti fo fakeyóló duraalu, “Depit-né Naalema doa Tale-ó, ąamo kolené sukuturaalu tao sae,” yalepó.

³² Atétepa, Yesu ą aimó keյyóló daalu, kale whi tamopaae ape yóló, atimaamopaae woseturaalu, “Yało diaamopaae noa alakó erópóló de?” yalepó.

³³ Ai fo depa, atimaamoné duraalu, “Tale-ó, naao ąamoné kele wisiraasepóló dapó,” yalepó.

³⁴ Tétepa, Yesuné mo kolené sukuturaalu, atimaamoné kelemó olaa yalepó. Atéro olaa yaletamotóro atimaamoné kele wisitepa, Yesu sya felepó.

21

Yesu doasi topo whi aoyóló Jerusalem be huluapaae sóko fele fo

(Mak 11:1-11, Luk 19:28-40, Jon 12:12-19)

1-2 Atéró, atima Jerusalem be huluapaae felekemó sókó faai, kale *Olip* du sorokó molemó tene Betpas bemó sókó felepó. Aimó Yesuné ama yó matere whıtamo dotonaaı duraalu, “Diaamo u be huluapaae fóló kelemnemó, betı *donki* hupu ama maletamo halikané duló betaalo ai ape. Téyaalopa, ai hupu ama maletamo wusuró ę beterepaae taayóló sóró ape.

3 Whı menétamo diaamopaae, ai hupu neyaai taayóló só fute? depa, i fo yae. “Talené ama kutó doasi moletei, diyóló kemetepa, momó sóró waai, kapala asiri serıle fae yale tikimó sóró fulapó, yae,” yalepó.

4 Até yaletaita, take Kótóné ama kóló whıne yóló muló betere fo motóró dokonóturaalu yalepó. Ai fo i ape.

5 “Jerusalem be hulua so whı-ó, diaaę doasi topo whı ai walapa, kelae.

Ata fopaae buni, mo naamei whı teó utı *donki* hupuné sisó tómó betóló ai walapa, kelere?” erapó.

6 Atéró, Yesuné ama yó matere whıtamo fóló, atimaamopaae yae yale alatóró yalepó.

7 Téro, kale whı tamoné *donki* hupu ama maletamo wusuró dapesó wóló, atima feané kuti sokóló, ai hupuné sisó tómó whamenóló, ai tómó Yesu beteralepó.

8 Atéró, so whı feané kutirape sokóló tı tómó whamenaté fóo, mepaae so whıne ti ni teteırape tukóló whamenaté fóo du betalepó.

9 Atétepa, mepaae so whı ti atamo folosóró fóo, mepaae so whı nalo wóo du bitu, fo fakeyóló ı dukiróturaalu, “Hosana, Depit-né Naalema doa whı-ó, dı tao sae.” “Talené doimó wale whı wisinaale Kótóné wisirópóló yae.”

“Mo ó taoró betere Tale Kótóné doi hale sóró horae,” deté fu betalepó.

10 Atéró, Yesu ı Jerusalem be huluapaae sókó felemó, so whı feané fo tiki whaatamo ı busuró wou betepa, ai be huluamó betó mole so whıne woseturaalu, “Ai wale whı-a de yaleé?” yalepó.

11 Ti fo depa, ı busuró wale so whı feané atimapaae duraalu, “Ata, Kaleli haemó tene Nasaret be hulua whıkó Kótóné fo eratere kóló whı Yesupó,” yalepó.

Yesuné momatere be dolomó hıkó farale fo

12 Atéró, Yesu ı momatere be dolopaae sókó holalemó, ai be dolomó whırape ıla ıla dotonóló duputamó yóló su betepa, atima hıkóló taae faralepó. Téro, kae kae be hulua whı atimané kae kae *moni* duputamó du betere whırape bitua dere ni fakerapekélé, kale ba hıkósere dotonóló dupu du betere whırape bitua dere fıloi ni fakerapekélé fea fesekeyó

mepaae wh̄irape dóló hokó faróló, fetée deralepó.

13 Atéró, ama atimapaee duraalu, “I fo aseýóló muló beterapó. Yálo i beta moma beta yaairaaalu t̄enapó. Tépatei, diaaḡ ai dere alané ḡlémi nokole wh̄irape betere be aḡrótu beterapó,” yalepó.

14 Téró, mepaae kele di-likire wh̄iraperó hó mo-maare wh̄irapetamo, ai momatere be tuḡpaae wua depa, Yesuné atima wisirótu betalepó.

15 Téyaletei, ama ai dere ala wisinaale kolóo, ai momatere be tuḡmó betó mole naale senaalené fo fakeýóló, “Hosana, Depit-né Naalema-ó,” yóló du betere fo kale mo so wh̄imó Talepaae momaratere topo wh̄iraperó Moses-né aseḡe fo yó matere wh̄irapetamoné wosóo, yóló, atima dei tuḡ muturaalu fopaae bualepó.

16 Tétepa, atimané ḡpaae woseturaalu, “I naale senaalené du betere fo-a, naao wosere?” depa, Yesuné tokó mótu duraalu, “Épó. Kale aseýóló muló betere fo diaaḡ dosḡayóló kisipa muni airapó. Ketei naale senaaleró t̄enemó teó belere naale senaaletamoné Kótóné doi hale sóró horópólópó yóló, Talenétei tukóló muló beterapó,” yalepó.

17 Atéró, atima ai be huluanó betó mupa taaróló, ḡ u Betani be huluapaae fóló, diki beta fiyalepó.

*Yesuné nose sélirale fo
(Mak 11:12-14, 11:20-24)*

18 Atéró, ḡ mo h̄ikati u kale be huluapaae momó fesaae yóló fu betalemó, tuḡmó ḡ mo wotené sinalepó.

19 Atépatei, ḡ fu betalemó, tuḡmó ni nose daapa, nose daale felekepaae fóló kelalemó, dukélé woleni, h̄ale sókumaaté epa kelalepó. Atépa, ai nipaae duraalu, “Du momó kaae woleyaalo mei ai ape,” yalepó. Ai fo yaletamotóro kale ni mo ti séliyó deyalepó.

20 Atéró ama yó matere wh̄irapené ai kale ni sélitere ala kolóló siraturaalu, i ni hapale t̄étitei séliyale-a, neýóló yalerópóló, atimané ḡpaae wosalepó.

21 Ai fo depa, Yesuné atimapaee duraalu, “Yálo diḡpaae mo i dere ape. Diaaḡ kisipa tiki tamo muni, mo ti tiró bitutamo, yálo nipaae yale kaae, diaaḡkélé ai ulupaae yá daale tiki taaróló, a weḡi k̄ela tómó daane derepae depa, mo téyaalo ai ape.

22 Diaaḡ kisipa tiki-tamo Talepaae mo ti tiró bitu, moma duraalu, noa ḡlakó wosetepa, ti diaaḡ ai wosetere ḡla mo saalopó,” yalepó.

*Yesupaae yḡ né sóró
beteraleé yóló wosale fo*

(Mak 11:27-33, Luk 20:1-8)

23 Atéró, Yesu ḡ momatere be tipiné bopéro daaló beterepaae fóló, yó mótu betepa, mo so wh̄imó Talepaae momaratere

wh̄iraperó mepaae wh̄i disir-
apetamo wóló ɔpaae wose-
turaalu, “Naao ai alarape
du beterópóló, ɔ́ ɔ́ né sóró
beteraleé?” yalepó.

²⁴ Ti fo depa, Yesuné
atimapaae tokó mótu du-
raalu, “Yɔ́lokélé diɔ́paae betá
wosetere fo yaalopó. Yɔ́lo
wosetere fotamo diaaɔ ɔ́paae
tokó matepa, ti ɔ́paae ɔ́ ɔ́ né
sóró beteratepa de? yóló
wosale fokélé ɔ́lo diɔ́paae
tokó melaalo ai ape.

²⁵ Take Jon-né so wh̄i w̄ei
tópurale ala momó kaayóló
waleé? Ó hepen bemó betere
Talené yae depa yalepé,
hɔ́le mo wh̄iné yae depa,
yaleé?” yalepó. Ai fo depa,
atimasisitei fo k̄ɔ́laaróló
duraalu, “Dɔ́nétamo ó hepen
bemó Talené yae depa yalepó
enalemó, ti dɔ́paae diaaɔ
ama dere fo wosóló, ɔ́paae
kisipa tiki tiréni dere ala
noatepa yale? fo yaalopó.

²⁶ Ti mo wh̄iné yae depa
yalepó fo uɔ́tei, Jon ɔ́ Kótóné
ama fo eratere kóló wh̄ipóló
so wh̄i mo feané kisi-
pareteiné, atima dɔ́ daɔ́sóró
wirapó,” yalepó.

²⁷ Atétepa, atimané Yesu-
paae duraalu, “Dɔ́ kisipa-
nipó,” yalepó. Ti fo depa, ama
atimapaae duraalu, “Mené
ɔ́paae i alarape yae depa
dapóló, ɔ́lokélé diɔ́paae yó
melaalomeipó,” yalepó.

*Betá wh̄iné naale ta-
mopaae dó faróló yale fo*

²⁸⁻²⁹ Atéro atimapaae du-
raalu, “I dere fo wosóló,
diaaɔ noa kisipa muaaloé?

Wh̄i betáne ama naale tamó
beterepó. Tépa, kale wh̄i ɔ́
ama me naale beterepaae
fóló duraalu, ‘Ti naale-
ó, ɔ́ ɔ́lo *wain* kutó di-
rane faasepólópó,’ yalepó.
Téyaletei, kale naalené alima-
paae naao kutó dirane fole ɔ́
h̄ɔ́rapó yaletei, nalomo ama
kisipa feteyóló wisirapóló
dirane felepó.

³⁰ Tétepa, kale wh̄i ama me
naale beterepaae fóló, me
naalepaae yale fo kaaetóró
yalemó, ai naalené duraalu,
‘Aya-ó, wisirapó téyaalopó,’
yalepó. Téyaletei ɔ́ feni,
h̄ɔ́yalepó.

³¹ I kale naale tamokó mé
naalené ama alimané kisipa
mole ala eraleé?” depa,
atimané tokó mótu duraalu,
“Folosóró yale naalenépó,”
yalepó. Tétepa, Yesuné atima-
paae duraalu, “Yɔ́lo diɔ́paae
mo i dere ape. Kale *takis
moni* siré kotere wh̄iraperó
nópu nokole sorapetamo Tale
Kótóné t̄ɔ́teróló kaae tare
be tuɔ́paae sókó furaalu,
folosóró atimapi faalo ai ape.

³² Ti noatepae, kale
w̄ei tópuratere wh̄ikó Jon
waleteita, mo donoi ala-
maaté yó melaai waletei,
diɔ́né ama dere fo wosóló,
kisipa tirénipó. Téyaletei, *takis
moni* siré kotere wh̄iraperó
nópu nokole sorapetamoné
ti ama dere fo wosóló, mo
dapóló kisipa tiralepó. Atéro,
atimané du betere alakélé
diaaɔ kolólótei, mo dapóló
diɔ́né dowi ala taaróló, kisipa
feteyóló, tirénipó,” yalepó.

Wain képi kutópaae dó faróló yale fo

(Mak 12:1-12, Luk 20:9-19)

³³ Atéró, Yesuné duraalu, “Fo sale fo me kae i dapa wosae. Betɔ whiné ama haemó *wain* kutó diyóló, tipiné bolaayóló atimané *wain* képi du dɔwóló wɛi tepeyaairaaalu, kutu diri dukiyóo, kale kutópaae ɔlémi whi wale kelaai kaae tawóló betaaire be fɔlo mo sikipaae horóló tɛyóo yalepó. Atéró kale whi ɔ mepaae uké faairaaalu, mepaae kutó diratere whirapepaae ama kutó kaae tawae yóló, atima sóró beteróló ɔ felepó.

³⁴ Atéró, kale *wain* du teketerere ali wapa, ama mepaae kutó diratere whirape u kale kutó kaae tare whirape beterepaae ɔlumétepa sóró muló betere ɔlakó senaale fae yóló, dotonalepó.

³⁵ Téyalemó, ai kale kutó kaae tare whirapené u kutó diratere whirape me whi haɓe fokosói ala yóló susupuróo, me whi mo ti dóló sukunóo, whi me kapo duné siriyóló dóo, yalepó.

³⁶ Até itikimó, momómo kale whiné ama mepaae kutó diratere whirape dotonalemó, ai whirapekéle take folosóro dotɛyale whirapepaae erale ala kaaetóro ipakalepó.

³⁷ Atéró, nalo mo ti kemeróturaalu, kale whiné ama naale so whiné mo wisiyóló dape saalopóló kisipa muóló, dotonalepó.

³⁸ Téyaletei, kale kutó kaae tare whirapené kale whiné naalema wale kolóló, atimasisi fo kɛlaaróló duraalu, ‘Ai naalenéta, ama alima sinitepa, ɔla ɔla fea ama saai du beterepa, ai ɔla ɔla fea dané saai ɔkélé daalopa, siépe,’ yalepó.

³⁹ Atéró, atimané kale naale ai kutó alépaee tao sóró taae deróló mo ti dalepó.

⁴⁰ Atépa, ai kale *wain* kutó tale wouraaalu ai kutó kaae tare whirapepaae noa alakó eraaloé?” yalepó.

⁴¹ Ti fo depa, atimané ɔpaae tokó mótu duraalu, “Mo sonaalei dowi ala du betere whirape atima mo ti sinópóló ama daalo ai ape. Atéró, ama kale *wain* du ɔlumétepa sóró wisiyóló bukóló atima sóo, kale kutó tale melóo, yópóló mepaae whirapepaae kaae tawae yaalopó,” yalepó.

⁴² Ai fo depa, Yesuné atimapaee duraalu, “Kótóné ašemó yóló muló betere fo diaaɔ dosɔayóló kisipani airapó.

‘Kale doakale kane fake be tɛtere whirapené dopa taae farale kapotei, be hulua deyaaire doasi eleké alée felepó.

Ai kelaalo kokɔi ala, Talenétei eró betepa dané kilituraalu, sira du beterepó,’ erapó.

⁴³ Térapa, yaɔlo diɔpaae i dere ape. Kótóné ama tɛteróló kaae tare ala wisi diɔ tuamó moletei, ama tokó sóró du wisinaale woleraaire so whirapaae melaalo ai ape.

44 Whi me de ai kane fake tó mó dé nukupa, ti ai whiné ama diri derakó faalotei, whi me detamo ai kane fake dorowouraalu tēiyaratepa, ai whi mo ti derakó fóló muaalo ai ape,” yalepó.

45 Atéro, mo so whimó Talepaae momaratere topo whiraperó Farisi whirapetamoné ai yale fo sale forape woseturaalu, Yesuné ai yale fota, atimapaetóro yalepóló kisipa mualepó

46 Atétepa, atimané a daaire tu kikitu betaletēi, so whi feané kisipané aṭa hāle mo whi mei, Kótóné ama fo eratere koló whipóló kisipareteiné, atima daqsóro witepa taaralepó.

22

So dokotere be demó ɔla deyóló nokolepaae dó faróló yale fo

(Luk 14:16-24)

1-2 Atéro, Yesuné atimapaee fo sale me kae yóló duraalu, “Kótóné ó hepen bemó tēteróló kaae tare aqmó mole alata, betā doasi topo whiné ama naalemané so dokotere be demó ɔla deraairaalu, donoróló mulatere kaaepó.

3 Kale whiné atéro detere ɔla naai ape yóló ali male so whi dape sene fae yóló, ama kutó diratere whirape dotonaletei, atima hōyóló waalomeipó yalepó.

4 Tétepa, ama mepaae kutó diratere whirapemo dotonótu duraalu, ‘I detere ɔla naai ape yóló ali

male so whipaae i fo yae. Yalo ɔlata taleyóló mulóló, bulmakau hupuró mepaae seraai huputamo dóló turukiyóló mulóo, mepaae ɔla ɔlakélé fea mo sumó taleyóló mulóo erapa, yalo naalené so dokotere be demó detere ɔla naai ape yae,’ yalepó.

5 Téyaletei, atima ai dere fo woseni nisiyóló, dapo dapo yóló, me whi ama kutópaee fóo, me whi ti ama yaai tué mole alapaae fóo, yalepó.

6 Mepaae feni hāle betere whirapené ti ama kutó diratere whirape fokosoi ala yóo, mepaae mo ti dóló sukunóo yalepó.

7 Atétepa, kale doasi topo whi a fopaae buóló ama diki tare whirape u kale whirape dale whirape dóló kemeróo, atimané doasi be huluakélé si biliyóló, torokó fale fae depa atima fóló, si biliyóo yalepó.

8-9 Téro, ama kutó diratere whirapepaae duraalu, ‘Kale so dokoteremó detere ɔla sumó taleyóló muló betepatei, ai ɔla naai ape yale whirape atima i detere ɔla naaire mo sunipa taaróló, diā fóló, doasi bepaae fole tu demó ó sawatamo tumó mepaae so whikó keletēpa, ti i detere ɔla naai faalopóló dape siré kwēae,’ yalepó.

10 Atétepa, ama kutó diratere whirape doasi be huluapaae fóló, tutu so whi keketé kwēyóló, wisi so whiró dowi so whitamó hōko dape siré kwēyóló, tourale tikimó, be mo ti faae felepó.

¹¹ Téyaletei, kale doasi topo wh̄i ai ɔla naai wóló betó mole so wh̄i kuapaae fóló kelalemó, wh̄i bet̄a kale so dokotere be demó ɔla naairaalu, derótua dere kuti deró bitinipa kelalepó.

¹² Atépa, kale doasi topo wh̄iné ɔpaae woseturaalu, ‘No-ó, ȳa so dokotere be demó detere ɔla naai derótua dere kuti derénire noatepa yaleé?’ yóló foné salemó, kale wh̄i haleturaalu, fokélé tekeni, hokomó sókó fi beterepó.

¹³ Tétepa, kale doasi topo wh̄iné ama kutó diratere wh̄ipaae duraalu, ‘Ai wh̄i belamó diliki dolomó wole du bitu ama serekenétei, ɔ turukóló nuku beterepólópa, hó naase dokóló taae derae,’ yalepó.

¹⁴ Ti noatepae, so wh̄i mo turó ape yaleteti, tóróti sokósu yale so wh̄imaaté wóló beterepó,” yalepó.

Sisapaae takis moni melae yale fo

(Mak 12:13-17, Luk 20:20-26)

¹⁵ Téró, kale Farisi wh̄irape fóló, Yesuné ama dere fomó ɔ só deraai dapóló, fo dokóló mulalepó.

¹⁶ Atéró, atimané yó matere wh̄iraperó Herotné fo eratere wh̄irapetamo Yesu beterepaae dotonóló, atimané ɔpaae duraalu, “Yó matere wh̄i-ó, ȳa bet̄a mo fomaaté yó mótu bituraalu, Kótóné ama kisipa mole ala ó yóló muló betere fo mo sya fóló erótu betereitei, ɔané kisiparapó. Ti noatepae,

naao fo yó móturaalu doasi doi mole so wh̄i kolóló ȳa wini, doasi doi mole so wh̄ipaaekélé, doi muni belei sókó deóló betere so wh̄ipaaekélé, mo bet̄a kaae alatóró erótu beterepó.

¹⁷ Sisapaae *takis moni* matere ala wisirépé, dore? Ti naao noa kisipa mute?” yalepó.

¹⁸ Ai fo yaleteti, atima dowi kisipa muturaalu, Yesuné ɔ só deraai t̄u kikitu betere ala kolóló, atimapaae duraalu, “Dorutei tó tikiné h̄ale sik̄ili du betere wh̄irape-ó, noatepa diaaɔ ɛ só deraai t̄u kikitu bitu de?

¹⁹⁻²⁰ Tétepa ɔané *takis* melótua dere *moni* ȳalo kelaalopa sóró ape,” yalepó. Tétepa, atimané ɔ beterepaae bet̄a *denarias moni* sóró wapa, ama atimapaae woseturaalu, “I asoró i mole doitamo-a, né?” yalepó.

²¹ Ai fo depa, atimané ɔpaae tokó mótu duraalu, “Aita Sisanépó,” yalepó. Tétepa, ama atimapaae duraalu, “Sisané ɔlapa ti Sisapaaetóró melae. Kótóné ɔlapa, ti Kótópaetóró melae,” yalepó.

²² Yesuné atéró dere fo woseturaalu, “Haió!” yóló sirayóló, atima ɔ taaróló felepó.

Kepaayóló betere wh̄irape so dokotimipóló yale fo

(Mak 12:18-27, Luk 20:27-40)

²³ Atéyale be ɔtamotóróti mepaae Sadyusi wh̄irape Yesupaae bet̄a fo wosaai

dapóló walepó. Ti ai Sadyusi wh̄rape atima kisipanéta, suk̄ale so wh̄i momó kae kepaayaalo meipó dua dapó.

24 Atétere wh̄rapené Yesupaae woseturaalu, “Yó matere wh̄i-ó, Moses-né dapaae etei fo yóló muló beterapó. ‘Wh̄i bet̄a naale senaale deni, h̄ale beteró sukutepa, ti so wulia nomané dokóló naalekó detepa, ti noma betale sirimó, ai naale beterópólópó,’ erapó.

25 Téró, w̄ikeró nomarape d̄atamo betalepó. Téru, topo wh̄i ̄a bet̄a so dokalet̄ei, naale senaale dini, h̄ale beteró kale wh̄i sinitepa, kale so wulia ama noma me wh̄inémó dokalepó.

26 T̄yaletei, ai kale wh̄ikélé naale senaale dini, noma yale kaaetóro h̄ale suk̄alepó. Atétepa, kale so wulia me wh̄inémó dokalemó, ai wh̄inékélé naale senaale dini, h̄ale suk̄alepó. Mepaae doūró nomarapekélé atérótóro sisiraae felepó.

27 Nalo mo kemerótu, kale sokélé sinalepó.

28 T̄yalepa, mió kale sinale wh̄rape kepaayóló betaaire sukamó, kale w̄ikeró nomarapekó mé wh̄iné ai kale so dokaaloé? Ti noatepae, aita nomarape dok̄o feané dokoté wale sopó,” yalepó.

29 Ti fo depa, Yesuné duraalu, “Diaā ai mutu betere kisipata, kale ašémó yóló muló betere foró Kótóné doasi bole fotok̄otamo

wisiyóló kisipani, h̄asókó furaalu du beterapó.

30 Kale sinale wh̄rape momó kepaayóló betaaire sukamó wh̄ikélé so dokóo, sokélé wh̄itamo fóo ini, ó hepen bemó betere *ensel*-rape kaae betaalo ai ape.

31-32 Kale sinale wh̄rape atéró kepaayóló betaalopóló, Kótóné dīapaae ašémó ere fo dos̄ayóló kisipanié? Téró ama duraalu, ‘Ēta, Abraham, Aisak, Jekop-sépi atimané Kótópó,’ yalepó. Ti ai suk̄ale so wh̄i mo ti alu wūasóro ti i dos̄ayale so wh̄rape t̄eteróló kaae tare Kótópó fo wūameipó. Ti ̄ata, mió i betó mole so wh̄iró take sukóló kepaayóló betó mole so wh̄itamo t̄eteróló kaae tare Kótópó,” yalepó.

33 T̄etepa, so wh̄i feané ai dere fo woseturaalu, haió! yóló sirayalepó.

Tale a waaire be de ó suka kele mené tuénipóló yale fo

(Mak 12:28-31, Luk 10:25-28)

34 Téró et̄yalepó. Yesuné kale Sadyusi wh̄rapené wosetere fo mo donotóro tok̄o matepa, kale Farisi wh̄rape, atima bet̄apaae touróló atimasisi fo k̄elaaralepó.

35-36 Atéró, Moses-né ašere fo yó matere kisipa tiki fosó fosóre wh̄i bet̄ané ̄a k̄aae ke-laai su sóró woseturaalu, “Yó matere wh̄i-ó, kale yóló muló betere foné i ala yae ere doasi topo fo-a, mé foé?” yalepó.

37 Ai fo depa, Yesuné tok̄o mótu duraalu, “Naao Talepaae yaala sókó fóló,

hëkesené sinitere alata, naao hosaa bete turónékélé, naao kepe bete turónékélé, naao kisipa tiki bete turónékélé, yaala sókó fu betae.

³⁸ Ti ai alata, ama folosóro yae yóló muló betere mo doa topo ala ai ape.

³⁹ Ai kílípaae me tamo dakoróló yae yóló muló betere mo doasi topo fo i ape. Naaotei ya yaala sókó fóló hëkesené sukutu dere kaae, naao be whi so whípaaekélé atéro yaala sókó fu betae.

⁴⁰ Kale yae yóló muló betere forape fearó Kótóné ama fo eratere kóló whirapetamoné ere fota, ti i doasi topo fo tamo tómó beleró beterao,” yalepó.

Keriso a né naalemaé yóló yale fo

(Mak 12:35-37, Luk 20:41-44)

⁴¹⁻⁴² Atéro, kale Farisi whirape betapaae tourale wóló betó mupa, Yesuné atimapaee woseturaalu, “Kótóné so whi teteróló kaae tanópóló, sóró betero betere whi Keriso-a, né naalemaé?” yóló wosetepa, atimané tokó mótu duraalu, “Depit-né deté wale whiné deale naalepó,” yalepó.

⁴³⁻⁴⁴ Ai fo depa, ama atimapaee duraalu, “Kale Deji Kepe Wisiné Depit fotokoratepa, Depit-né apaae Tale-ó ere fo-a, me whiné ama deale naalené deté fele naalepaaetei Tale-ó fo dua de? Té dumitei, Deji Kepe

Wisiné fotokoratepa Depit-né apaae Tale-ó fo aseýóló i muló betere ape. Ai fota i ape. ‘Talené e teteróló kaae tare Talepaae duraalu,

“Naao bóe whirape atima yalo teteirape aleróló, naao hó aomó beteraalopa, ya yalo turu naase demó bitu kaae tawae,” ’ erapó.

⁴⁵ Ti Depit-né apaae Tale-ó fo du bitipa, momómo ama naale-ó, dere fomo neýóló yaleé?” yalepó.

⁴⁶ Ti fo depa, whi betanékélé Yesuné ai yale fo mené tokókélé menénipó. Ai be demó kaae sóró fóló, mepaae whirapené wosetere fo me kae ini, taaróló felepó.

23

Dowi kwia saalopa kaae tawae yale fo

(Mak 12:38-39, Luk 11:43, 11:46, 20:45-46)

¹⁻² Téro, Yesuné aimó touróló betó mole so whiró ama yó matere whirapetamopaae duraalu, “Moses-né asere fo yó mótu betere whiraperó Farisi whirapetamota, kale doasi whi Moses betale sirimó bituraalu, ama yó matere ala yó tarapó.

³ Atimané yó matere fo diaa wosóló, sya fóló erótua yae. Tépateti, atimané ai du betere ala momókó sya fóló yaose. Ti noatepae, atimané yó mótu betere fota wisiyóló yó mótu bitutei, sya fóló eraterere alamo dumipó.

4 Atimané doasi sekęi ęlarape whırapené beleyópóló, dokóló atimané hılumó belerótua dapó. Téteretei, atimanémo ai kale sekęi ęla belere whırape fasóló mo sawa tao sere alakélé dumipó.

5 Atimané du betere ala feata, ti so whıné kolóló dukirópóló, dua dapó. Téturaalu, Kótóné fo atimané kutiri tuámó bulapóló, so whıné kolóló aunópóló, aseyóló atimané kutirimó meleke kaae beleyóo, naasemó hę kaae sóo, Kótópaae moma yaaikélé, atima mo eķlerapó yópóló, deratere fıloi kuti mo ti fıloróló kwiamó, mepaae auratere ęla olerótua yóo dapó.

6 Téturaalu, ęla detere be demó mo doasi doi mole whırape bitua dere tikimótóró betaai eķle yóo, moma dere bemó doasi topo whırape bitua detere tikimó maaté betaai eķle yóo dua dapó.

7 So whı fea touratere tikimó betó mole so whıné atimapaae doasi doi mole yó matere whı wisi kęleó yóló, dukiratere kokómó dua dapó.

8 Atétu dere kaae, mepaae whırapené diępaae *Rabai*, yó matere whı-ó, yaęsóró yae. Ti noatepae, dię tuámó doasi topo whı betátóró betepa, dię fea ti mo norapetóró ai betere ape.

9 Mepaae i haemó betó mole mo whıpaaetei dięné

aya-ó, du betaęse. Ti noatepae, dięné Aya mo beta ó hepen bemó beterapó.

10 Mepaae whıné dię kilituraalu, diępaae yó matere whı-ó, yaęsóró yae. Ti noatepae, dię yó matere whıta, so whı fea teteróló kaae tanópóló, Kótóné sóró beteró betere doasi whı Keriso a beta beterapó.

11 I haemó dię tuámó doasi doi mole topo whı betepa, ti ai whı a dięné kutó diratere whı betaalo ai ape.

12 Ti noatepae, mepaae whı dené ama doitei hale sóró horótu betepa, ti atétere whıné doi haepaae só deraalopó. Téretei, mepaae whı dené amatei a deróló dua betepa, ti atétere whıné ama doi doasi muaalo ai ape.

13 Dię Moses-né așere fo yó mótu betere whıraperó Farisi whırapetamo-ó, tiki tuępaae dorutei hale sikıli du betepa, Kótóné dię dowi kwia melaalopa, mo doasi witu betae. So whı fea Kótóné teteróló kaae tare bepaae sókó faai fu betepatei, faęsóró ai tu diaaę dere alanétei seséyóló kinótu beterapó. Ti dięta, ai tumó sókó fumitei, aipaae sókó faai fole so whı ai sesétu betere ape.

15 Dię Moses-né așere fo yó mótu betere whıraperó Farisi whırapetamo-ó, tiki tuępaae dorutei, tóné hale sikıli du betepa, Kótóné doasi dowi kwia melaairetei wió yae. Mepaae whırape diętamó touróló doasi fake

firaai dapóló, wẹi tómókélé, hae tómókélé, kutu beterapó. Ateró, me whịkó diaaọ dere fo wosóló diạ fake alene wapa, diaaọ dere ala yó melóló, ai yó matere alanétei diaaọ du betere dowi ala bosenóló, mo dowi si duku beterepaae faai betere whịrape kaae beterótua dapó.

¹⁶ Diạkélé kele dilikire whịrape bitutei, me whịpaae tų i mole ape yóló yó matere whị kaae betepa, mo doa dowi kwia saalopa, wió yae. Ti noatepae, diạné etei fo dua dapó. Whị me dené Tale Kótóné momatere be doi yóló mo dirii malo depa, ti me bete muni, Tale Kótóné momatere be tuạmó mole *kold kapa* doi yóló, Kótópaae mo dirii malo yóló mulatere fo tikitepa, ti mo doasi kwia saalopó dua dapó.

¹⁷ Diạ kele dilikiyóló tuẹkélé okokore whịrape-ó, doasi topo ọla-a, noaé? Momatere beta, doasi topo ọla ai ape. Ai *kold kapanéta*, ti momatere be wisiróló kae mulótumipó. Tétumitei, Momatere be tuạmó Kótóné ala eratereteiné, ai be tuạmó mole *kold kapatei* wisiróló, kae mulótua dapó.

¹⁸ Meta, diaaọ i fokélé dua dapó. Me whịné ama dere fo diriróturaalu, Talepaae hẹle matere ọla belerótua dere kapo doi yóló, malo depa, ti ai bete munipó. Kale ai kapo tómó sukụlaa dalaai beleraterere ọla doi yóló, dirii malo depa, ti mo dirirapó dua

dapó. Ai fotamo tikitepa, mo doasi dowi kwia saalopó du beterapó. Diạ kele dilikire whịrape-ó, mé ọla doasi bete mule? Talepaae hẹle matere ọlapé ai ọla beleraterere tiki doasi bete mule? Ti ai hẹle matere ọla beleraterere tikiné Talepaae hẹle matere ọla wisiróló, kae mulótua dapó.

¹⁹ Diạ kisipa tiki okoko yóló, kelekélé dilikire whịrape-ó, mé ọla-a, doasi topo ọlaé? Kótópaae hẹle matere ọlapé, ai ọla mulatere tikié?

²⁰ Térapa, whị me dené ama fo diriróturaalu, hupu ó mepaae ọla beleraterere tiki doi yóló malo depata, ti kale sukụlaa dalaai beleraterere ọlakélé wusuró doi yóló malo ai dere ape.

²¹ Whị me dené Kótóné momatere be doi yóló dirii malo depa, ti ai momatere beró ai bemó betere sekẹtamó wusuróné doi yóló malo ai dere ape.

²² Whị me dené dirii malo duraalu, hepen be doi depa, ti kale doasiné tẹteróló kaae tare tikiró aimó betere sekẹtamóné doi yólókélé, du beterapó.

²³ Moses-né asẹre fo yó mótu betere whịraperó Farisi whịrapetamo-ó, diạ tiki tuạpaae dorutei, hẹle sikịli du betereteiné, doasi dowi kwia saalopa, mo wió yae. Ti noatepae, diaaọ kutómó ere ọla naase tamo epa, betạ ti naao Kótópaae hẹle mat-apó. Téretei, mo doasi bete mole ala diaaọ kisipa muni, sisópaae eróló, mo keteró

beterapó. Ai doasi bete mole ala i ape. Fo tokótamo yóló mo donoyóló taletere alakélé, kolené sinóló tao sere alakélé, Kótópaae kisipa tiki tiróló, ama ala hãle eró tareteikélé, fea diaaḡ kisipa keteró beterapó. Ti mepaae yóló muló betere doasi bete alarape fea wisiyóló eróturaalu, mepaae sawa alarapekélé kisipa keteréni, fea touróló eróluasóro mo wisi uapó.

²⁴ Diã keke dilikirutei, mepaae whĩpaae tũ i mole ape yóló yó mótu beterapó. Diãné ɔla nukuraalu, mo sawa dokɔletamo hɔko naḡsóro, mepaae ɔla ɔla sorokóló nuku beterapó. Tétu bitutei, doasi *kamel* hupumo, ti diãné kiliniyóló ɔlatamo touróló hɔko ai nuku betere ape.

²⁵ Moses-né yóló muló betere fo yó mótu betere whĩraperó Farisi whĩrapetamo-ó, diã tiki tuãpaae doruraalutei, hãle sikĩli du betereiteiné mo dowi kwia saalo ai ape. Diãné weĩ nokole wutiró nukutamo tómaaté fukuturaalu, tuãpaae fukutumipó. Ti ai tó mó maaté fukutu betere so whĩta, ɔlémi nokole alakélé, ukusi yóló ekele dere alakélé mo faanapó.

²⁶ Keke dilikire Farisi whĩ-ó, folosóro ti kale weĩ nokole wutiró ɔla nokole nukutamo tuãpaae hotowayóló fokae. Atétepa, ti tóta ama hãletei fokó faalo ai ape.

²⁷ Moses-né asere fo yó

mótu betere whĩraperó Farisi whĩrapetamo-ó, tiki tuãpaae doruraalutei tóné hãle sikĩli du betereiteiné mo doasi dowi kwia saalo ai ape. Diãta, kale whĩ dou tó mó kale deĩ ni feñé aurale tikimó kelaalo mo kokɔre kaae erapó. Ti whĩ dou tóta kelaalo kokɔretei, whĩ mole dou tuã dolopaeta, sukãle whĩné diriró kae kae keḡaamilitamo faanapó.

²⁸ Diãkélé u tuãpaae atei kaae ala epatei, so whĩ feané diaaḡ tó tiki maaté kilituraalu, mo donoi ala du betere whĩrape nisi du beterapó. Diaaḡ tiki tuãpaaeta, whĩ dilikitere alaró kae kae mo sonaalei dowi alatamoné ai faane ape.

²⁹ Moses-né asere fo yó matere whĩraperó Farisi whĩrapetamo-ó, diã u tuãpaae dorutei, tó mó hãle sikĩli du betepa, mo dowi kwia saaireiteimó wió yae. Diãta, Kótóné ama fo erale kóló whĩrape dourale tikiró, mo take donoi ala yóló sinale whĩrape dourale tikitamo hotowa yóló be teñóló aurótu beterapó.

³⁰ Atéturaalu, diaaḡ etei kaae fokélé du beterapó. Dãtamo, noutererape betale alimó bituãsóro, ti Kótóné ama kóló whĩrape dóló samea sókó fatua wuã meipó dua dapó.

³¹⁻³² Diãta kae whĩrape meipó. Diaaḡ ai du betere fonéteĩ diã só deróturaalu, Tale Kótóné ama kóló whĩrape dilé wale whĩrapené deté wale naalerapeta,

diątóró ai ape. Térapa, atimané deté wale dowi ala diaaokélé mo ti fakeróló du betae.

³³ Dią whi sinópóló tukó nokole mo dowi wulirape-ó, diątamo fo tokótamo yóló dowi si duku beterepaae só deraairetei noa yóló hasókó faaloé?

³⁴ Térapa, yało dią beterepaae Kótóné ama kóló whirapekélé, kisipa tiki fosó fosóre whirapekélé, Kótóné yóló muló betere fo yó matere whirapekélé, dotonótu beterapó. Tétu betepatei, mepaae whirape ti diaaą dóo, mepaae whirape filipaare ni tómó oleróló dóo, mepaae whirape diaaą fo wosetere be tuąmó fokosói ala yóo, mepaae whirape atima me be huluapaae botokó fupa, diaaą daai sya kwęyóo yaalo ai ape.

³⁵ Atéyaleteiné, donoi ala du betale whi Abel-né samea sókó feleteimó, kaae sóró dilé wóló, kale Barakayané naalema Sekaraiakélé momatere beró Talepaae hałe matere ąla sukulaa dalatere tikitamo tuąmó diąné dalepó. Ai dilé wale whirapené samea sókó feletei fea touróturaalu, dią mió i alimó betó mole whirapepaae doa kwia melaalopó.

³⁶ Yało mo i dere ape. Take atéro whi dilé walemó dowi ala kwia fea touróturaalu, mió i betó mole so whiné saalopó.

³⁷⁻³⁸ Jerusalem be hu-luamó, betó mole so whi naao teyae! Kótóné ama

kóló whirape dią beterepaae dotonótua depatei, kapo duné siróló dua yale so whi-ó, kale bané ama malerape baase aąpaae buó su dere kaae, yało diąkélé atéro dape saalopóló dua yaleteti, diaaąte i hýyóló dowaae fua yalepó. Téyaleteiné mo doasi kóleó, Talené dią taalatepa, mió diaaą be hulua ai wópu mutapa, kelere?

³⁹ Térapa, yało diąpaae mo i dere ape. Diaaą ę kilini bitiré fóló, "Talené doimó wale whi Kótóné wisiratepa ą hajné sinóló beterópóló yae' dere sukamó, ti diaaą ę momó kelaalopó," yalepó.

24

Take kemetere sukamó yaaire ala

(Mak 13:1-2, Luk 21:5-6)

¹ Téró, Yesu momatere be taaróló fu betepa, ama yó matere whirape ątamo hokolaane fóló duraalu, "Momatere be wisinaale ai tęyóló muló betepa, kelere?" deté fu betalepó.

² Tétepa, Yesuné atimapaae duraalu, "Ai tę mole berape diaaą kelere? Yało diąpaae mo i dere ape. Ai berape fea fisikó furaalu, kapo fake betąkókélé me kapotamo olokopa kelaalomeitei, mo fea kolokó fóló mupa kelaalo ai ape," yalepó.

³ Atéro, Yesu ą *Olip* du sorokó molepaae fóló betepa, ama yó matere whirape ą beterepaae wóló atimasisi bitu ąpaae woseturaalu, "Da mokųleyaa yóló betepa, ya

walemó kilita sókó faqsórópa, folosóro noa alapi eratepa kolóló, dané tuę yaaloé? Keme yaaire be dęró ya waaire be dętamo, dané kisipa yópóló noa alapi eraaloé?" yalepó.

⁴ Ai fo depa, Yesuné atimapaee duraalu, "Me whinė dią dilikóló kópaae ąlisóro falaqsóro, mo hotowayóló kaae tawae.

⁵ Ti noatepae, whırape mo feané dią dilikituraalu yało doi yóló, 'Ęta, so whı fea tęteróló kaae tanópóló, Kótóné sóró beteró betere whı Kerisopó,' depa, so whı feané mo nisi yóló sya faalo ai ape.

⁶ Me tikipaae bóe du beterapó dere fokélé wosóo, mo felekemó bóe du betere alakélé kolóo duraalu, dią tuę sekeyóló wiyaqse. Ti noatepae, ai alarapeta mo yaalopóló tukóló muló bettereiné ąsókó feni, mo yaalotei, kemeyaaire be dę ti teórapó," yalepó.

⁷ "Me hae kwiamó betere be hulua whıró me hae kwiamó betere be hulua whıtamo bóe doasi daalo ai ape. Me hae kwia tęteróló kaae tare topo whıró me hae kwia tęteróló kaae tare topo whıtamokélé bóe daalo ai ape. Atéturaalu, doasi wote aliró doasi bao dere alatamo hae kwia feapaae wou betaalo ai ape.

⁸ Ai alarape feata, ti kale sorape naale saai sisó kaae sóró nuku dere kaae dapó.

⁹ Téturaalu, dią ę sya wóló,

yało ala erótu beteremó, i hae kwia feamó betó mole so whinė dią hóróló fokosoi ala yóló, mo ti sinópóló daalo ai ape.

¹⁰ Atétere sukamó, so whı mo fea kisipa tiki tiró betere ala taaróló, me whı hóróló atimasisitei bóe daairaalu, eleké deyóló u só derąne, i só derąle, du betaalopó.

¹¹ Atétu betepa, mepaae whırape mo fea Kótóné ama mo kóló whı aqyóló wóló, so whı dilikóló kópaae faraalo ai ape.

¹² Ti noatepa meipó. I hae kwia feamó betó mole so whinė dowi ala mo ti faketé furaalu, so whı feané yaala sókó fóló ękesené sukutu betere ala siri buóló, mo ti haepaae derepaalopó.

¹³ Tépatei, mepaae whı de kisipa tiki tiró betere ala mo ti yó taté fóló, kemene fole sukamó sókó fupa, ti ai whı aluni, Tale Kótóné ama mo tao saalopó.

¹⁴ Atéturaalu, Kótóné tęteróló kaae tare aqmó, mió wosetere kisi fo wisi i hae kwia feamó betó mole so whıpaae yó maté koteremó, ita Talenétei eratapóló kisipa yaalopó. Ai ala yale ąlipaae, ti mo kemetere be dę sókó waalo ia ape.

¹⁵⁻¹⁶ Atétepa, Kótóné ama kóló whı Daniel-né mo taketi ašemó yóló muló betere foné duraalu, be wópu mulaai, kelaalo mo sonaalei ąla Talené ama kae tukóló muló betere tikimó daapa kilitu, ai ašere fo dosąterere whı diąné wisiyóló kisipa muae.

Ai ala kilituraalu, Judia hae kwiamó betó mole so whi du sorokó mole tikipaae botokó fópóló yae.

¹⁷ Mo betá whikókélé siki be kemó biti até aqró bemó mole qlakélé sene derepéni, mulópóló taaróló, botokó fae.

¹⁸ Whi me kutómó daap-
atamo ai ala depa, ti momó fesaayóló ama bukaaire kuti sene feni, mulópóló taaróló botokó fae.

¹⁹ Atétere sukamó kale naale ere soraperó teó naale tare sorapetamo mo doa qolerapó.

²⁰ Diá botokó faairetei doasi sosóli aliró sa nóló beterópóló, tukóló muló betere be detamo tuamó eraqsóro, Talepaae momatu betae.

²¹ Ti noatepa meipó. Ai waaire doasi sekéi alata, i hae keké nale alimó kaae sóro wóló, mió i betere alimókélé, take nalo betaaire alimókélé ai kaae sekéi ala mo kelaalomeipó.

²² Atétere be demó, waaire sekéi alarapetamo Kótóné hālekeróló tukóló mulóluameisóro, ti mo betá whikókélé hāsókó fóló bituameipó. Até yaqsóro, Kótóné sorokó suyóló sóro beteró betere so whimó kisipa mutu, ai be derape hālekeróló tukóló mulaalo ai ape.

²³ Atétere sukamó, mepaae whiné duraalu, Kótóné so whi fea tetaróló kaae tanópóló, sóro beteró betere whi Keriso i wóló beterapa kela depa, ó u wóló betere

ape depa, mo dere nisiyóló wosóló kisipa tiraqse.

²⁴ Ti noatepae meipó. Mepaae dilikitere Kerisoró Kótóné ama qoló whipóló, kapala fo yó matere whirapetamo waalo ai ape. Atétu, kae kae ala yaairemó eratere doasi alaró kae kae kelemei alarapetamo eróturaalu, Kótóné sorokó suyóló beteró betere so whikélé kōpaae falaai, kaae kolóló su saalopó.

²⁵ Ai alarape yaai teópatei yało diāpaae ai yale ape.

²⁶ Téyaalopa, mepaae whiné diāpaae duraalu, 'Kale seké a whikélé bitinire tikimó wóló i betere ape,' depa, wosóló mo dapóló kelaai faqse. Ó, 'Be dolomó i betere ape,' depa, mo dere nisiyóló kisipa tiraqse.

²⁷ Ti noatepa meipó. Suka hotereró dere epéneitei suka doropolepaaekélé deyo fu dere kaae, kale Whiné Naalema atéro mo hākeamó wapa so whi feané kelaalo ai apé.

²⁸ Diāné ó sapaae kese honalemótamo, kale ba dukaarape sé kweyóló bopétu betepa kilitu, sinale na ó hupu mupa dapó kisipa muae.

²⁹ Ai sekéi alarape yale kilipaaetóro

'Suka kekélé dilikiróló,
wéliékélé mo de
yaalomeipó.

Hqerapekélé torokó
dorowóló,

ó samó ere qła qlakélé fea

wore yaalo ai ape,' er-
apó.

³⁰ Atétere sukamó, kale Whiné Naalema mo felekemó waai dapóló kisipa yópóló, ó sãmó doasi ala eratepa kelaalopó. Atéro ama doasi ere au wisinaaletamo ó sãkomó hãkeamó sókó wapa i hae kwiamó betóló fale so whi feané kilitu, doasi moló-u yaalopó. Kale Whiné Naalema ó sãmó atéro wouraalu, ama bole doasi fotokoró Kótóné ama kae ere ala wisinaaletamo ó sãko dolomó sókó wapa, kelaalo ai ape.

³¹ Atéturaalu, ama *ensel*-rapené ukulumó wuti mo doasi fakeyóló hale deté kuturaalu, hae kwia de dokó feamó ama sorokó suyóló kae beteró betere so whi dape siré kweyópóló dotonaalopó.

³² Térapa, mió kale ni nosené dere ala kolóló, wisiyóló kisipa muae. Sóku fóló momó hũlu depa kilituraalu, kale ba fo mo felekemó ai sókó wale ape fo dua dapó.

³³ Até dere kaae, ai bopeyale alarape diã betere tuãpaae wapa kilituraalu, mióta a mo felekemó waairaaalu tu sókó walemó daapa, ai dere ape kisipa muae.

³⁴ Yalo diãpaae mo i dere ape. Mió i alimó betó mole so whi fea sukuni hale betó mupatei, ai alarape mo fea yaalo ai ape.

³⁵ Ó sãró i haetamota, mo kemeyaalotei, yalo fo betã kemekélé ini, hale muó

tawaalopó," yalepó.

Whiné Naalema waaire be deró suka keletamo mené tuënipó

(*Mak 13:32-37, Luk 17:26-30, 17:34-36*)

³⁶ "Até yaaire be deró sukakeletamota, mo whi betãnekélé, hepen bemó betó mole *ensel*-rapekélé, ama Naalemanékélé mo tuënitei, Alimané ama betã tuërapó.

³⁷ Kale whi Noa betale alimó yale ala kisipa muae. Kale Whiné Naalema woukélé, mo ai ala kaaetóro yaalo ai ape.

³⁸ Ti noatepae, atéyale sukamó kale weï doasi alaai teópa, atima mo wisiyóló bitu, qlaró weïtamo nóló, whi so dokotere alakélé, so whitamo dokotere alakélé deté fu beteró, Noasépi nuku tuãpaae bitã holale sukamó sókó walepó.

³⁹ Atima betere tuãpaae ai ala sókó waairetei kisipani, hale mo kãleaa yóló bitiré wóló, weï doasi anóló, so whi fea aluralepó. Kale Whiné Naalema wale sukamókélé, atétu yale kaaetóro yaalo ai ape.

⁴⁰ Whi tamo kutómó daayaalotei, me whi dapesó furaalu, me whi daalópóló taaróló faalopó.

⁴¹ So tamo *whit* o derakóló detu betaalotei, me so dapesó furaalu, me so betepa taaróló faalopó.

⁴² Ti noatepa meipó. Diã teteróló kaae tare Tale waaire suka, diã kisipanipa, mo hotowayóló kaae tawae.

43 I alarapeta mo yaalopa, i dere fo bete wisiyóló wosóló kisipa muae. Betã be talené dilikitamo etei kaae sukakelemó qlémi nokole whjné ama be fulukene waalopóló, kisipa muóló bituãsoró, ti ama be fulukóló òla òla sóró fópóló, a noke fió muni, siki siki yóló bituãpó.

44 Térãpa, diãkélé donoróló mo siki siki yóló betae. Ti noatepa meipó. Kale Whjné Naalema waalomei nisiyóló, kisipa keteróló betere sukamó, a sókó waalo ai ape.

45 Ti i dere fo wosóló, diãkó me whj etei kaae kekemeyóló kutó diratere whj beterémóló, diaaõtei kaae kela. Betã be tale a mepaae uké faairaalu, ama dere fo sya fóló, mo eró tare fosó fosó yóló kekemere whjpaee mepaae kutó diratere so whj naao teteróló kaae taru, òlakélé mo wisiyóló melae yóló a fulapó.

46 Ai kale kutó tale doasi topo whj a momó fesaae wouraalu keleralemó, a faai bituraalu diyae yale kutórape fea ama sumó dipa, ti ai kutó diratere whj a mo hajné sinaalo ai ape.

47 Yalo diãpaae mo i dere ape. Kale be talené ama òla òla mo fea ai seképaee naao mo hotowayóló kaae tawae yóló, ama naase tuãmó mu-laalopó.

48-50 Tépaitei, ai kutó diratere whjtamo dowi tué mole whj betepa, ti i ala dere kaaepó. Kale kutó diratere

whjné kisipané ama doasi hapale waalomei nisiyóló, aãamo kutó ditere whjrapetei fokosói ala yóo, topo dotere wéi nokole whjrapetamo fulumu yóló hõko bitu, òlaró wéitamo mo dekéro nóo du betaalopó. Téturaalu, ama doasi waalomei nisiyóló mokõleyaaró betere tuãmó, kale whj sókó wapa kilita sókó faalopó.

51 Atéro, kale whj ama doasiné fokosoi ala yóló, ama tiki mo turukée fi kale tó tikiné wisire nisiyóló sikjli du betere whjrapetamo betãmó beteraalopó. Tétepa, aimó doasi susupu sóró kaketu bitu naao téyae yóló, atima sereke fisikó sóró doasi wole du betaalopó,” yalepó.

25

Naase tamo so seimalepaae dó faróló yale fo

1 Téró Yesuné duraalu, “Atéyaaire sukamó, ó hepen bemó Kótóné teteróló kaae tare aõmó mole alata, i ala kaae yaalopó. Kale naase-tamo so seimalerape atimané *lamp* sa dirirape sóró so dokotere be demó detere òla naai kale so dokaaire whjtamo hokolaa yaai felepó.

2 Atéro mepaae aporó fele seimale senaalerapeta, ti kisipa fosó fosó yóo, mepaae aporó so seimale ti kisipa tiki fosó fosó ini yóo erepó.

3 Kale kisipa tiki fosó fosó inire seimale sorape atimané *lamp* sa dirimó wéi belepa sóró feletei, kemetepa

saaitapóló mepaae *wel* wẹi wutimó tepeóló sóró fenipó.

⁴ Téyaleteiné, kale kisipa tiki fosó fosó yóló kekemere seimale sorape atimané *lamp* sàkélé wẹi belepa sóró fóo, kemetepa saaire *wel* wẹikélé wutimó tepeyóló sóró fóo yalepó.

⁵ Atéroró, kale so dokaaire whi hapale wéni, diki deté fu betepa, atima fea noke kẹletepa noke foposaa yó molepó.

⁶ Atima atéroró noke fope-saapa, diliki sụ tuatamo whi betané fo fakeyóló duraalu, 'Kale so dokaaire whi i walapa, atamo hokolaayaa faalopa ape,' yalepó.

⁷ Atétepa, kale so seimalerape turukó holóló, atimané *lamp* sà dirirape wisiyóló dópóló donoralepó.

⁸ Atéroró, kale kisipa tiki fosó fosó inire so seimalerapené kale kisipa tiki fosó fosó yóló, kekemere so seimalerapepaae duraalu, 'Dané *lamp* sà dirirape *wel* wẹi kemeturaalu, felekemó sukó faai dapa, diané tare *wel* wẹikó damaletamo aláe,' yalepó.

⁹ Ti fo depa, atimané duraalu, 'Meipó. Dané tare *wel* wẹi dià melatepa, ti dané sà dirimó tepeyaaire mei yaqsórópa, mepaae *wel* wẹi dotonaterere whirapetamo dupune fae,' yalepó.

¹⁰ Ai fo depa, atima *wel* wẹi dupune fi tikimó, kale so dokaaire whi sókó walepó. Atétepa, kale donoróló

betere so seimalerape kale so dokaaire whitamo so dokoteremó detere ọla naairaalu, be dolopaae horóló tų kinalepó.

¹¹⁻¹² Atéroró beteremó, nalomo mepaae kale fele so seimalerape wóló, atimané fo fotokọ yóló duraalu, 'Doa whi-ó, doa whi-ó, dą holaaaitapa tų tukıae,' depa, ama atimapaae duraalu, 'Yalo diapaae mo i dere ape, dią ẹ kisipanipa dią deé?' yalepó.

¹³ Atérapa, diaaọ doasi waaire be dẹró suka keletamo dią kisipanipa, mo hotowaró kaae tawae," yalepó.

Doasi monipaae dó faróló yalefo

(Luk 19:11-27)

¹⁴ "Fo me i ape. Talené tẹteróló kaae tare alata, whi betą ą me bepaae faairaalu, ama kutó diratere whirape ą beterepaae ape yóló, ama ọla ọlarape kaae tawópóló, sóró beteratere kaaepó.

¹⁵ Téro, ama kutó diratere whirapepaae *moni* melaairaalu, folosóró me whiné dere ala kaae kolóló, 5000 melóo, whi mené ama dere alakélé kaae kolóló, 2000 melóo, me whiné ama dere alakélé kaae kolóló 1000 melóo, yóló duraalu, 'Yalo i *moniné* mepaae kutó dirótu betae,' yóló, ą felepó.

¹⁶ Atétepa, kale 5000 *moni* sale whiné ai *moniné* mepaae kutó diyóló, ama kale sale 5000 tómó 5000 me beleróló salepó.

17 Atéroró, me kale 2000 *moni* sale whĭnékélé mepaae kutó dité fóló, 2000 me beleróló salepó.

18 Téyaletei, kale 1000 *moni* sale whĭ ąpaae melale *moniné* me kutó dini sóró fóló, hae dukġyóló kikiti hyó mulalepó.

19 Atéroró, kale doasi ą hapale wéni, bitiré fóló me sukamó momó fesaae wóló, ama kutó diratere whĭrapepaae kale melale *moni* taleyaalopa, ape yalepó.

20 Atétepa, kale 5000 *moni* melale whĭ wóló duraalu, 'Doa whĭ-ó, naao ępaae 5000 melaleteti, kutó dité fóló, tómó beleróló saleteti me 5000 i ape,' yalepó.

21 Ti fo depa, ama doasiné ąpaae duraalu, 'Yalo kutó diratere whĭ wisinaale-ó, naao fosó fosóre alané yalo ąpaae yae yale ala naao wisiyóló ereteiné, mepaae ęla ęlakélé fea naaotóró tęteróló kaae tawaasepólópa, ąkélé naao doasitamo hękese dere ala tuąmó betaalopa ape,' yalepó.

22 Atétepa, kale 2000 *moni* melale whĭ wóló duraalu, 'Doa whĭ-ó, naao ępaae 2000 melaleteti, kutó dité fóló, tómó beleróló 2000 me saleteti i ape,' yalepó.

23 Ti fo depa, ama doasiné ąpaae duraalu, 'Yalo kutó diratere whĭ wisinaale-ó, naao fosó fosóre alané yalo ąpaae yae yale ala naao mo wisiyóló ereteiné mepaae ęla ęlakélé fea naaotóró tęteróló kaae tawaasepólópa, ąkélé

naao doasitamo hękese dere ala tuąmó betaalopa ape,' yalepó.

24 Téró, kale 1000 *moni* melale whĭkélé wóló duraalu, 'Doa whĭ-ó, naao dere alata, yalo tuęrapó. Yata mo deter-aa i whĭ bituraalu, ęla wae bilitere alakélé, ęla wae ke terepetere alakélé dumitei, hęle hęko tikimókélé naao ęla wisi sua dapó.

25 Atérené ę wituraalu, naao ępaae melale *moni* yalo hae dukġyóló hyó mulaleteti, i tarapa sae,' yalepó.

26 Ti fo depa, ama doasiné ąpaae duraalu, 'Yata, kutókélé diyaalo mo dekané sini, kutó diratere whĭ dowi ai ape. Ti yalo naasené ęla wae bilini yóo, ęla kekélé terepeni yóo, dere tikimótei ęla sua dapó fota, naaotei ai yale ape.

27 Atétere ala naao tuęrutei, yalo ąpaae melale *moni* tómó beleróló sópóló, *moni* kaae tare whĭrapetamo muléliyólópó. Até uąsóró ti ę fesaae wouraalu, yalo melale *moni* tómó mepaae beleróló suąpó,' yalepó.

28 Térapa, ama ai tare 1000 *moni* tokę sóró kale 10,000 *moni* tare whĭpaae melae.

29 Ti noatepae, mepaae whĭ dené me ęla tapa, ti Talené tómó beleróló móturaalu, ai whĭné mo dekéro tawaalópó. Mepaae whĭné mo sawa tapa, ti ai sawa tareteikélé ama fasó saalo ai ape.

30 Téró, ai kale deka kutó diratere whĭ mo dilikire tikipaae taae deratepa aimó

kaketu bituraalu, amatei yale alamópóló doasi wole du betaalopó,” yalepó.

Sipsip-ró meme huputa-mopaae dó faróló dere fo

³¹ “Kale Whiné Naalema a waaire sukamó, ama mo kae ere de wisinaaletamo wouraalu, ama *enselrapekélé*, mo fea betamó waalopó. Atéro wóló, ama teteróló kaae tare doasi topo whi betere tikimó bituraalu, ó hepen bemó mo ama kae ere au wisitamo bitu, taleyaalo ai ape.

³² Atéro bituraalu, i hae kwiamó betó mole so whi mo fea a betere tikipaae tourale wóló betepa, kale *sipsip* hupuró *meme* huputamó kaae tare whiné taleyóló, *sipsip* hupurape kaepaae daalóo, *meme* hupu kaepaae daalóo, du dere kaae, so whikélé atéro taleyaalo ai ape.

³³ Atéro taleyóló, kale *sipsip* hupu ti ama turu naaseró beteroo, *meme* hupurape ti ama fe naaseró beteroo, yaalopó.

³⁴ Téro, kale doasi topo whiné kale turu naaseró betere so whipaae etei fo yaalopó. ‘Yalo Ayané wisiró betepa hajiné sukutu betere so whi-ó, Kótóné teteróló kaae tare aomó mole ala take saró haetamo aleyaapatei, diamó melaai dapóló, taleróló muló betere ɔla saai ape.

³⁵⁻³⁶ Ti noatepae, e wotené sinóló mupa, ɔla melóo, e wei nokoletepa, wei

nópóló melóo, e uké whi kaae betepa, diaaɔ bepaee wisiyóló dapesóo yalepó. E bukaaire kutikélé meipa, diaaɔ melóo, e kisiné sukóló mupa, diaaɔ mo hotowayóló kaae tawóo, e *dipula* betepa, wisi kisipa muópóló diané e keɔle wua yóo yalepó.’

³⁷ Tétepa, kale mo donoi ala du betere so whiné apaae i fo yaalopó. ‘Tale-ó, ya wotené sinóló mupa, ó wei nokole du betepa, dané yamó metéli melaleé?’

³⁸ Tale-ó, ya uké whi kaae betepa, dané dape sóo, ya bukaaire kuti meipa kuti melóo, yalepó dere-a, dané yamó metéli melaleé?’

³⁹⁻⁴⁰ Ya kisiné sinóló mupa, ó *dipula* betepa kisipa tiki feléyópóló, dané ya metéli keɔle waleé?’ depa, kale topo whiné i fo tokó melaalopó. ‘Yalo diapaae mo i dere ape. Diaaɔ mepaae wisi ala i doasi doi mole yalo norapepaae eróturaalu, mo belei sokótei betere so whipaaekélé erélipa, ti epaetóro eró beterapó,’ yaalopó.

⁴¹ Téro kale fe naaseró betere so whipaae i fo yaalopó. ‘Talené só deró betere so whirape-ó, dia e betere tiki taaróló mo sukókélé feni, hale dó tare sipaae bitɔ fae. Ai sita, mo dowi Satan-ró ama kutó dirópóló doteyale keperapetamo dópóló, tukóló muló betere sipó.

⁴²⁻⁴³ Ti noa betené meipó. E wote betepa, me ɔlakókélé meni yóo, wei nokole depa

weikélé meni yóo, uké whi kaae betepa, diaaḡ dape sini yóo, bukaaie kuti meitepa kutikó meni yóo, ę hepo daróló betepa, ó *dipula* betepa wisiyóló tao sini yóo yalepó,' yaalopó.

⁴⁴ Ti fo depa, atimané ąpaae etei fo yaalopó. 'Yą wotené sinóló betepa, ó yą wej nokole depa, ó uké whi kaae betepa, ó bukaaie kuti meitepa, ó yą kisiné sukóló mupa, ó yą *dipula* betepa, ḡané yą wisiyóló tao sinipó dere-a, metéli tao sinipóló de?' yaalopó.

⁴⁵ Ti fo depa, ama atimapaee i fo yaalopó. 'Yalo diąpaae mo i dere ape. Diaaḡ mepaae wisi alakó i doi mole whirapepaae erénituraalu, i betó mole belei sókóteipaaekélé erénipa, ti ępaaetei erénipó,' yaalopó.

⁴⁶ Ai ala du betale so whita kemekélé ini, mo ti sótóró tawaaie dupu saalopó. Téyaalotei, mo donoí ala du betale so whita, ti mo titóró betó tawaaie bete saalo ai ape," yalepó.

26

Yesu daairaalu fo dokale ala

(*Mak 14:1-2, Luk 22:1-2, Jon 11:45-53*)

¹⁻² Atéró, Yesuné ai forape yóló kemetepa, ama yó matere whirapepaae duraalu, "Kale boseneyóló fele be ḡémó ęla deyóló naaire be ḡe sókó waai be ḡe tamó betą ḡale moletei diaaḡ ai kisipare ape. Ai be ḡémó

kale Whjné Naalema mepaae whirapené filipaa ni tómó oleróló ḡópóló, atimané naase tuąmó mulaalo ai ape," yalepó.

³⁻⁴ Téró, kale so whjmó Talepaae momaratere topo whiraperó mepaae whi disirapetamo, momaratere doasi topo whi Kaiapas-né be wisinaalepaae tourale walepó. Atima atéró wóló touró bitu, Yesu ą tawóló daai kikiti fo dokalepó.

⁵ Atima atéró fo dokóló mulótu duraalu, "I alata, kale ęla detere sukamó yaalomeipó. Ti noatepae, so whi feané keletómó ai ala depa doasi foya yaqsóro, me be ḡémó yaalopó," yalepó.

Betą soné Yesuné topomó felé ęlaa wale wel wej suniyale fo

(*Mak 14:3-9, Jon 12:1-8*)

⁶ Téró etéyalepó. Yesu ą Betani be huluapaae fóló, kale dowi humu fuluné tiki dopa ama wisirale whi Saimon-né bemó ęla nuku betalepó.

⁷ Atéró beteremó, so betąné doasi *moniné* duputere felé ęlaa wale *wel wej alabasta* kane fakené aleale wutimó belepa tawóló walepó. Téró, kale soné ai *wel wej* wisinaale wuti faayóló Yesu ą tiróló firu ęla nuku betepa, ama topomó suniyalepó.

⁸ Atétere ala, ama yó matere whirapené kolóló, dei kisipa muóló duraalu, "Ai *wel wej* wisinaale-a, ḡoko noatepa besekéróló suniyaleé?"

⁹ I felé kɛlaa wale *wel* wɛi wisinaale, mepaae wh̄itamó dotonóló doasi *moni* sóró, h̄ale yoleale yóló betó mole so wh̄imó móluṣsóró mo wisiuṣpó,” yalepó.

¹⁰ Atimasisi atéro du betere fo Yesuné tuéyóló, atimapaee duraalu, “Ai soné ama ɛpaee mo kokoi ala wisinaale eralepa, diaaṣ ama kisipa tiki dorakesé.

¹¹ Kale h̄ale yoleale yóló betó mole so wh̄ita, ti betere dokṣ diṭtamo betó tawaalotei, ɛta diṭtamo betó tawaalomei ai ape.

¹² Ai soné kale felé kɛlaa wale *wel* wɛi yaḷo tikimó suniyaleteita h̄ale meipó. Ɛ sukutepa douratere sukamó felé kɛlaa wópóló ai dilale ape.

¹³ Yaḷo diṭpaee mo i dere ape. I hae kwiamó betó mole so wh̄ipaae kale mió i wosetere kisi fo wisi yó maté kuturaalu, i soné ama i yale alakélé yó melaalo ai ape. Téturaalu, i kale soné i ala yalepóló kisipatóró h̄ale yó tawaalopó,” yalepó.

Judas-né Yesu eleké deale fo

(*Mak 14:10-11, Luk 22:3-6*)

¹⁴⁻¹⁵ Téró, kale yó matepa wosetere 12 wh̄irapekó betṣ Iskariot be wh̄ikó Judas so wh̄imó Talepaae momaratere topo wh̄irape beterepaae fóló woseturaalu, “Yaḷo i seké diaaṣ naase tuṣpaae mulatepa, diaaṣ ɛmó noa ɔlakó melaaloé?” yalepó. Ai fo depa, atimané

30 *silpa moni* dosṣayóló amó melalepó.

¹⁶ Ai sukamó kaae sóró, Judas-né Yesu ṣ mepaae wh̄iné naase tuṣmó mulaaire tṣ kikitu betalepó.

Yesuró ama yó matere wh̄irapetamo ɔla nale ala

(*Mak 14:12-21, Luk 22:7-14, 22:21-23, Jon 13:21-30*)

¹⁷ Téró, yist buni fopei *bred* o deóló nukuatere be dɛ kaae suraalu i ala yalepó. Yesuné ama yó matere wh̄irape ṣ beterepaae wóló woseturaalu, “Kale bosenyóló fele be dɛmó deyóló naaire ɔlaa, mé bemó dané taleróló mularóé?” yalepó.

¹⁸ Ti fo depa, ama atimapaee duraalu, “Diṣ u doasi be huluapaae fóló, ai bemó me wh̄ikótamo betepa, ṣpaae i fo yae. ‘Kale yó matere wh̄iné duraalu, “Ṗpaae me ala eraai tukóló mulale be dɛ felekemó sókó waai depa, kale bosenóló fele be dɛmó, yaḷo yó matere wh̄irapetamo naao bemó ɔla deyóló naai dapó,”’ ene fae,” yalepó.

¹⁹ Atétepa, ama yó matere wh̄irape fóló, Yesuné atimapaee yae yale alatóróti yóló, kale bosenyóló fele be dɛmó deyóló naaire ɔlarape taleróló mulalepó.

²⁰ Atéroló, be dikiteretamo Yesu ṣ ama yó matepa wosetere 12 wh̄irapetamo ɔla nukuatere ni fake tómó tiróló firu ɔla nuku beterepó.

²¹ Atéro ɔla nuku bitu, ama atimapaee duraalu, “Yaḷo diṭpaee mo i dere ape. Diṭkó

betā whīné ę mepaae whīné dōpóló eleké deyaalo ai ape,” yalepó.

22 Ai fo depa, atima kisipa tiki fomaake yóló, dekené sukutu duraalu, “Tale-ó, ai ala dané mo yaalopóló de?” yóló, atima feané betā kaae fotóró deté felepó.

23 Ti fo depa, Yesuné atimapaee duraalu, “Aita ętamo betāmó ęla nuku betere whīnétei mepaae whīné ę dōpóló eleké deyaalo ai ape.

24 Ti noatepae, whīné Naalemata, kale ašemó yóló muló betere fo motóróti dokonóturaalu sinaalopó. Téyaalotei, Whīné Naalema mepaae whīné dōpóló eleké deyaaire whī ya betā doasi kwia saaireteimó mo wió yae. Ai whī ę hamané dewuąmeisóró, ti mo wi-siuąpó,” yalepó.

25 Tétepa, ę dōpóló eleké deyaaire whī Judas-né duraalu, “Yó matere whī-ó, ai ala yało yaalopóló de?” depa, Yesuné ąpaae duraalu, “Épó mo naaotóróti yaalo ai ape,” yalepó.

26 Atima atéró ęla nuku bituraalu, Yesuné *bred* o bula tao sóró Tale Kótópaae mo kée yóló, terekée daalu yóló ama yó matere whīrape ąlirótu duraalu, “Ita, yało tikipa dią feané sóró nae,” yalepó.

27 Téró, kale dere kaae węi belere wuti tao sóró Kótópaae mo kée yóló, atima melóló duraalu, “Dią feané i węi nae.

28 Ti i węita, so whī mo feané yale dowi ala kwia aluraai, Kótóné dią tao

saalopóló tukóló muló betere fo diriróturaalu, sókó farale yało sameapa dią feané nae.

29 Yało diąpaae mo i dere ape. I nokole képi du węi momó kae néni hałe bitiré fóló, yało Ayané tęteróló kaae tare aqmó da fea betāmó bitu, kisi *wain* węi naalopó. Ai be de sókó waai teópa, ai węi me kaae néni hałe bitiré faalopó,” yalepó.

30 Atéró, atima wole fo betā yóló, *Olip* du sorokó mole tikipaae felepó.

Pitané Yesu ę tuęnipóló yale fo

(*Mak 14:27-31, Luk 22:31-34, Jon 13:36-38*)

31 Téró, Yesuné atimapaee duraalu, “Mo mió i diki-tamotóró atimané ępaae eratere ala kilituraalu, dią fea ę taaróló botokó faalopó. Ti noatepae, até yaaire alata, ašemó i yóló muló betere fo mo dokonóturaalu yaalo ai ape.

‘Kale *sipsip* hupurape kaae tare whī yało dupa, *sipsip* hupurape dapo dapo yó faalopó,’ erapó.

32 Téyaalotei, ę momó kepaayóló u Kaleli haepaae ępi folosóró fimó dią nalo waalopó,” yalepó.

33 Ai fo depa, Pitané ąpaae duraalu, “Yaąpaetamo mené noa kaae ala eratapa, ti mepaae whīrape atima ya taaróló fupa, yało betā ya mo taaróló faalomeipó,” yalepó.

34 Ti fo depa, Yesuné ąpaae tokó mótu duraalu,

“Yalo yapaee mo i dere ape. Mo mió i dikitamotóro wá kakaruk bané hale yaaipatei, naao ę tuénipó fo sore félimó yaalopó,” yalepó.

³⁵ Ai fo yalemó, Pitané ępaee duraalu, “Ę yátamo betámó sukutepa ti mo wisirapó. Yalo yá tuénipó fo mo yókéle yaalomeipó,” depa, mepaae ama yó matere whırapenékéle ama dere fo kaaetóro yalepó.

Kelaalo kokoi tiki Ketsemanimó yale ala

(Mak 14:32-42, Luk 22:39-46)

³⁶ Téró, Yesu ę ama yó matere whırape fea kelaalo kokoi tiki Ketsemanipaae fóló, ama atimapaee duraalu, “Ę upaae momane fulapa diá imó betae,” yalepó.

³⁷ Atima atéroró beteróló, Pita kale Sebediné naalema tamo atima fu bitu, ama hosaa tuámó mo doasi dekené sukutere ala kaae sóró, sekei kisipa muté felepó.

³⁸ Atéroró ama atimapaee duraalu, “Yalo hosaa tuámó dekené sukuteraalu, ę felekemó sukai depa upaae momane fulapa, diá imó ę kaae tawóló bitu noke fini, ętamo momatu betae,” yalepó.

³⁹ Téró ama yó matere whırape aimó betó mupa taaróló, ę sawa tupaae fóló, haemó deraapisa fóló fió mulu momatu duraalu, “Yalo Aya-ó, i sekei ala ępaee waqsóro seséyaaire tu mupa, ti naao sesé yae. Tépatei yalo

kisipa mole ala eréni, naao kisipa mole ala betá erópóló yae,” yalepó.

⁴⁰ Téró, ę ama yó matere whırape beterepaee momó fesaae wóló kelalemó, atima fea noke foposaa yó molepó. Atépa, ama Pitapaae duraalu, “Sukakele betámó ę kaae taruraalu, momatu bitinié?

⁴¹ Diá me dowi ala yópóló su sere alané só deraqsóro, hotowayóló kaae taru, momatere ala yó tawae. Kepe betenéta wisi ala eraai mo doasi ketekę bupatei, tó tiki fotokó bunipó,” yalepó.

⁴² Kale yale kaae, ę momó fesaae fóló momatu duraalu, “Yalo Aya-ó, ępaee i eraaire sekei ala waqsóro seséyaaire tu mupa, ti seséyae. Seséyaaire tu munipa, ti naao kisipa mole alatóro ępaee erópóló yae,” yalepó.

⁴³ Atéroró, ę momó fesaae wouraalu kelalemó, atima fea kale dere kaae, noke foposaa yó molepó.

⁴⁴ Atima atéroró foposaapa taaróló, ę momó sore dakoróló fesaae fóló momaturaalu, kale yale moma kaaetóroti momó yalepó.

⁴⁵ Téró, ę momayóló fesaae wóló, ama yó matere whırapepaae duraalu, “Diá sa nóló bitu noke foposaa yó mole-a, mió dą hale betaaire be de dekeró mupa de? Kale Whiné Naalema dowi ala dere whırapené dópóló eleké ai deyale ape.

⁴⁶ Ę dópóló eleké deyale whı ai walapa, diá turukó

horóló dā faalopa fiépe,” yalepó.

Yesu a tawale fo

(*Mak 14:43-50, Luk 22:47-53, Jon 18:3:12*)

⁴⁷ Yesuné ai fo du betepatei, ama yó matepa wosetere 12 wh̄irapekó Judas sókó walepó. Āta, kale momatere be t̄eteróló kaae tare wh̄iraperó so wh̄i t̄eteróló kaae tare wh̄i disirapetamoné dotonale wh̄irapetamo walepó. Atima atéró wouraalu, nópuluró bóe dele sepaketamo tao diliki yóló walepó.

⁴⁸ Téró, Yesu mepaae wh̄iné dópóló eleké deyale wh̄iné ātamo wale wh̄irapetamo fo dokóló duraalu, “Yalotamo kóló tukó nukupa, ti ātóró h̄itipa, tawae,” ipakalepó.

⁴⁹ Atéró, kale Judas ā folosóro Yesu daalepaae sókówóló duraalu, “Yó matere wh̄i, k̄leó,” yóló, apuóló kóló tukó nalepó.

⁵⁰ Ti fo depa, Yesuné āpaae duraalu, “No-ó, naao yaairaalu, wale ala t̄éti yae,” yalepó. Tétepa, kale wh̄irape atima hapale sókó woutóro Yesu botokó sóro tawalepó.

⁵¹ Atétepa, Yesuné ama fulumu wh̄irapekó wh̄i betané bóe dele sepake sókó sóro, so wh̄imó Talepaae momaratere doasi topo wh̄iné kutó diratere wh̄iné wos̄eli saae deralepó.

⁵² Tétepa, Yesuné āpaae duraalu, “Naao ai sepake bulatere be dolomó momó bu-lae. Ti noatepae, mepaae

wh̄i denétamo sepakené wh̄i dupa, ti ai sepakenétei ā mo ti dóló sukunaalo ai ape.

⁵³ Naao kisipané-a, yalo Ayapaae 72,000 *ensel*-rapené ē tao sene wópóló dotonae depa, ama dotonaalomeipóló de?

⁵⁴ Yalotamo ai ala depa, ti kale āsemó yaalopóló muló betere fo netéró dokon-aalóe?” yalepó.

⁵⁵ Atéyale sukamó, Yesuné ai so wh̄ipaae duraalu, “Diaāq kisipané ēta, *Gavman* wh̄irapetamo bóe dóló atimané t̄eteróló kaae tare ala fasó saai, wh̄irape fea ālisóro fole wh̄i beteparaalu, ē tawóló daai sepakeraperó nópulurapetamo tao diliki yóló wou de? Betere dok̄o fea diané momatere be tipiné bopéró daaló betere tikimó ē fo yó mótu betepa, diaāq ē tanipó.

⁵⁶ Ténitei ai yale alarape feata, ti Kótóné ama kóló wh̄irapené āsemó yóló muló betere fo motóro dokonóturaalu dapó,” yalepó. Atétepa, ama yó matere wh̄irapené ā taaróló, atima fea botokó felepó.

Juda fakené Yesu só deraai fo tokótamo yale fo

(*Mak 14:53-65, Luk 22:54-55, 22:63-71, Jon 18:13-14, 18:19-24*)

⁵⁷ Atétepa, mo so wh̄imó Talepaae momaratere doasi topo wh̄i Kaiapas-né bemó touróló betó mupa, Yesu tawale wh̄irapené ā dapesó felepó. Aimó kale Moses-né as̄ere fo yó matere wh̄iraperó

so whi teteróló kaae tare whi disirapetamo touróló betó molepó.

⁵⁸ Téyaletei, Pita a Yesu fi tikimó nalo taeta deté furaalu, so whimó Talepaae momaratere doasi topo whiné be bopéro betere tipi tuapaae doropóló, aimó betó mole diki tare whirapetamo bituraalu, Yesupaae noa alakó erateró kelaai, kaae tawóló beterepó.

⁵⁹ Atéro, so whimó Talepaae momaratere whiraperó fo tokótamo yóló taleraterere whirapetamoné kapala so whi dilikóló Yesu sukópóló, só deróló daaire bete kikitu betalepó.

⁶⁰⁻⁶¹ Atéro, atimané a só de-raai dapóló kapala fo yaletei, ai foné a só deraaire sunipa, nalo whi tamo wóló duraalu, “Ai sekénéta, ‘Kótóné ai momatere be fisikóló sore be demó ama momó teyaalopó,’ depa damoné wosalepó,” yalepó.

⁶² Tétepa, mo so whimó Talepaae momaratere doasi topo whi turukó holóló Yesupaae duraalu, “Ai whirapené ya só deratere fo dapa, naao atimapaae fo mekó tokó menitere-a, noatepa de?” yalepó.

⁶³ Téyaletei, Yesu fo tekeni hale daalepó. Atépa, kale momatere be kaae tare topo whiné apaae duraalu, “Mo titóro betó tare Kótóné keletómó yalo yapaae mo dirii fo i dere ape. Yata mo so whi fea teteróló kaae tanópóló, sóro

beteró betere whi Kótóné Naalema Kerisopata, ti mió dapaaetóro yó alae,” depa Yesuné duraalu, “Épó. Naao mo dono ai dere ape.

⁶⁴ Téretei, yalo diá feapaae i dere ape. Take nalo waaire be demó, kale Whiné Naalema mo doasi fotokó bole Kótóné turu naasemó betepa kolóo, ó hepen be taaróló sako dolomó sókó wapa kolóo, yaalo ai ape,” yalepó.

⁶⁵ Ai fo depa, so whimó Talepaae momaratere doasi topo whiné ama deró betere kuti bisayóló duraalu, “Kótó faleyóló doka doka ai du betere ape. Ti ama hasókó fole ala depa kelalepó yaaire meipapakó kekaloé? Ti Kótó faleyóló doka doka dere fota, amatei depa diá feané ai wosale ape.

⁶⁶ Térapa, diaaḡ noa kiswa mute?” depa, atimané duraalu, “A sinaaitere fo amatei ai dapa sinópóló yae,” yalepó.

⁶⁷⁻⁶⁸ Téro, atimané ama kele dolomó fesaa apuróló, naase duné dóo, mepaae whiné a okolope deké sóo yóló duraalu, “Kótóné so whi teteróló kaae tare whi Keriso-ó, ya Kótóné ama koló whipata, ti ya dale whi dapaae yó alae,” yalepó.

Pitané Yesu a tuénipó yale fo

(Mak 14:66-72, Luk 22:56-62, Jon 18:15-18, 18:25-27)

⁶⁹ Atéro Pita, ai be bopéro daaló betere tipi bolaa dolomó betepa, kale kutó

diratere so seimale betą ą beterepaae wóló duraalu, “Yąkéłé u Kaleli whįkó Yesutamo betąmó kwęale whį ai ape,” yalepó.

⁷⁰ Ti fo depa, so whį feané keletómó Pitané kale so seimalepaae duraalu, “Naao ai dere fota, noa fo yóló déró ę kispipanipó,” yalepó.

⁷¹ Atéró, kale whį ą ai be bolaare dopóku tų serekepaae sókó durupupa, me so seimalené ą kolóló ai betó mole so whį feapaae duraalu, “I whį ąkéłé, Nasaret whįkó Yesutamo betąmó kutu betale whį ai ape,” yalepó.

⁷² Ti fo depa, Pitané kale dere fo kaae Talené keletómó diri malo yóló duraalu, “Naao ai bopetere whįta ę tuęnipó,” yalepó.

⁷³ Atéró, sawa betale kılıpaae, aimó daae mole mepaae whįrape Pita beterepaae wóló duraalu, “Yąta atimatamo kutu betale whį mo hįti ai ape. Ti noatepae, naao dere fo nakomené yą mo hįtipóló hąkeamó yó matapó,” yalepó.

⁷⁴ Ai fo depa Pitané duraalu, “Yąło diąpaae mo i dere ape. Ai whį ę mo tuęnipó. Yąło kapala fo depata, ti Talené ę mo doasi kwia melópolópó,” yalepó. Ai fo deretamotóró wą *kakaruk* bané hale yalepó.

⁷⁵ Tétepa, Pitané Yesuné ąpaae kale *kakaruk* bané hale yaaipatei, naao ę tuęnipó fo sore félimó yaalopó yale fo kispia muni

walepó. Atétepa, Pita ą belapaae sókó doropóló bituraalu, mo doasi dekęné sini wole du betalepó.

27

Judas képi węi nale fo
(*Mak 15:1, Luk 23:1-2, Jon 18:28-32*)

¹ Atéró, so whįmó Talepaae momaratere topo whįraperó so whį tęteróló kaae tare whį disirapetamo, mo hįkatitei Yesu sukópóló daairaalu, fo taleyóló mulalepó.

² Atimané ą halika tikiné naase tamo dokóló, kale doasi *Gavman* topo whį Pailat beterepaae dapesó fóló, ama naase tuąmó mulalepó.

³⁻⁴ Atéró, Yesu mepaae whįné dópóló eleké deale whį Judas-né Yesutamo fo tokótamo yóló só deratere ala kolóló, amatei yale alamó dapóló, mo dowi fomaake kispia mualepó. Atéró duraalu, mo so whįmó Talepaae momaratere whįraperó so whį tęteróló kaae tare whį disirapetamoné ą melale 30 *silpa kapa moni* u kale whįrapepaae momó melaai felepó. Atéró atimapaae duraalu, “Me hąsókó fele alakéłé inipatei, ą dópóló yąło hąletei eleké deale alané ę doasi dowi ala yalepó,” yalepó. Ai fo depa, atimané ąpaae duraalu, “Dąpaae noa yaró de? Ai alata, naaotei ai yale ape,” yalepó.

⁵ Atétepa, Judas-né ama sale *moni* ai kale momatere bepaae fesekée faróló, amatei ą képi węi nalepó.

6 Atétepa, so whimó Talepaae momaratere topo whirapené kale whiné teraae farale *moni* sóró taru duraalu, “I *monita*, whi daai dupuyaleteipa, Kótópaae matere *monitamo* touraqse yóló fo mulapó,” yalepó.

7 Téró, atima fo taleyóló duraalu, i *monita* mepaae wale whirape sukutepa douraaire tiki, kale doka haené wuti aletua dere whirapené hae dupu yaai dapóló mulalepó.

8 Ai hae tikita, whi dópóló eleké deyalemó, melale *moniné* dupuyaletiné ai haené doi whiné samea sókó fele haepó, miókélé hāle du betepapó.

9-10 Atéyale ala Kótóné kóló whi Jeremaiapaae yó matepa, ama aseýóló muló betere fo motóróti dokonóturaalu yalepó.

“Talené epaae i ala yae yóló muló betere fo sya furaalu, Israel so whi atimané a dupu yóló melale 30 *silpa moniné* doka haené wuti aletu betere whirapené hae tiki atimanétei dupu yópóló yae,” fo erapó.

Doasi topo whi Pailat-né Yesutamo fo tokótamo yale fo (Mak 15:2-5, Luk 23:3-5, Jon 18:33-38)

11 Ai ala hāle du betepa, atimané Yesukélé doasi *Gavman* whiné sóró beteró betere topo whi Pailat-né keletómó daapa, apaae woseturaalu, “Yā Juda so whi teteróló kaae tare doasi topo whié?” depa, Yesuné apaae duraalu,

“Naaotóro mo dono ai dere ape,” yalepó.

12 Ai fo depa, so whimó Talepaae momaratere topo whiraperó so whi teteróló kaae tare whi disirapeta-moné kae kae só deratere fo apaae depatei, ama me fo tokó menipó.

13 Tétepa Pailat-né apaae duraalu, “Atima kae kae forapené ya só derótu betepatei, ya fo tekeni dere-a noatepa de?” yalepó.

14 Ai fo depatei, Yesuné kale Pailat-né dere fo mo sawa tokó matere alakélé inipó. Ai ala kale doasi *Gavman* topo whiné kilituraalu, i whita atimané dere fo tokó matere alakélé mo dumipóló sira yalepó.

15 Téró, *Gavman* doasi topo whiné ba fo dokó fea atimané dua dere ala sya furaalu, q̄la detere sukamó so whi touróló, atimané kisipa mole *dipula* beteró betere whikó betā hāle fópóló doteyae depa, ti ai whitóro dotonótua dapó.

16 Atéyale sukamó, dowi ala du betere doi mole whi Barabas *dipula* beteró beterepó.

17 So whi fea atéro wóló touró betepa, Pailat-né atimapaae woseturaalu, “Diaaḡ kisipané-a, mé whi *dipula* sokóló hāle fópóló kisipa mute? Barabas doteyarópé, so whi feané Kerisopó du betere whi Yesu doteyaró de?” yalepó.

18 Ti noatepa meipó. Kale Juda so whi teteróló kaae

tare wh̄rapené so wh̄ feané Yesuné doi hale sóró horóló, dukirateremó atima dowi kisipa muturaalu, atimané ą daai kale Pailatné ą beterepaae dapesó weirapóló kisipa mualepó.

19 Atéró, kale Pailat ą so wh̄ıtamo fo tokótamo yaai bituatere tikimó betepa, ama somané fo yó fótu duraalu, “Yąło mió mo dowi noke yaleteiné ę doasi seķę yalepa, ai dowi ala mo betąkéle munire wh̄ıpaae me ala momókó eraķse,” yalepó.

20 Téyaleti, so wh̄ımó Talepaae momaratere topo wh̄ıraperó wh̄ı disirapetamoné so wh̄ıpaae duraalu, “Barabas ipaae wópóló dotonóturaalu, Yesu sinópóló oleróló dae yae,” yóló, so wh̄ı feapaae sesemeratere fo du betalepó.

21 Tétepa, kale *Gavman* wh̄ıné sóró beteró betere doasi topo wh̄ıné woseturaalu, “I wh̄ı tamókó mé wh̄ı dią beterepaae wópóló sokóló dotonaróé?” depa, atimané duraalu, “Barabas wópóló dotonae!” yalepó.

22 Tétepa, kale Pailatné so wh̄ıpaae woseturaalu, “So wh̄ı feané Kerisopó du betere wh̄ı Yesu neyąróé?” yóló wosetepa, aimó daae mole so wh̄ı feané duraalu, “Ąta, filipaa ni tómó olorae!” yalepó.

23 Ai fo depa, Pailatné atimapaae duraalu, “Ai wh̄ıta me dowi alakéle inıpatei, ąle noatepa daró de?” depa, atimané fo

mo ti fakeyóló duraalu, “Ą filipaare ni tómó olorae!” yalepó.

24 Tétepa, ai yó mole so wh̄ı atimané kisipa mutere ala eraķsóró, Pailatné seséyalemókéle mo s̄ıni, so wh̄ıné doasi foya yaaitere ala kolóló, so wh̄ı feané keletómó weıiné ama naase fukutu duraalu, “I wh̄ı delemó Kótóné matere kwiata, yąło saalomeitei, diaaķtóró saalopó. Atéró sókó fatere samea yąło naasemó yaķsóró, i fokotapa kelere?” yalepó.

25 Ai fo depa, so wh̄ı feané duraalu, “Ai wh̄ı dele kwiata, Kótóné đaró đané naale senaaletamopaae melópólópó,” yalepó.

26 Téró, so wh̄ı atimané Pailat-paae dotonae yale wh̄ı Barabas ąle fıópóló dotonóturaalu, mepaae diki tare wh̄ırapené Yesu fokosói alapi yóló, nalo filipaa ni tómó oleróló daai dapesó fae yóló melalepó.

Diki tare wh̄ırapené Yesu faleyale fo

(Mak 15:16-20, Jon 19:2-3)

27 Atéró, kale *Gavman* wh̄ıné sóró beteró betere topo wh̄ıné ama diki tare wh̄ırape betere tiki wisinaale Pretorium-paae Yesu duwóló sóró felepó. Téyalemó, diki tare wh̄ırape feané ą bop-eróló daane walepó.

28-29 Téró, atimané ama deró betere kuti sokóló betąsonaaı kuti deralepó. Atéró, mu daai képinétei doasi topo

whĭné deratere topo taopóló bopeyóló, ama topomó de-ralepó. Téró, atimané betā dotó tiki ama turu naasemó taróló, ă daalemó bukutiri tĕane doropóló duraalu, “Juda so whĭné topo whĭ-ó!” yóló faleyóló doka doka du betalepó.

³⁰ Atéró atimané ă fesăa apuróló, kale dotó tiki momó fasó sóró, ama topomó momó du momó du betalepó.

³¹ Atéró, atimané ă doka doka du beteró, sonaai kuti sókó sóró ama kuti momó de-ralepó. Téró, ă filipaa ni tómó oloraai dapesó felepó.

Yesu filipaa ni tómó sukăle fo

(*Mak 15:21-32, Luk 23:26-43, Jon 19:17-27*)

³² Atéró dapesó fu beteremó, Sairin be hulua whĭkó Saimon ă tĕmó hokola depa, ă fasóló ai filipaa ni ăpaae naaomo beleyae! yóló seyalepó.

³³ Atéró, atima betā hae doi Kolkotamó sókó walepó. Ai fo feteyóló whĭné topo diri mole tikipó.

³⁴ Aimó atimané Yesumó betā hakesăai weĭró mo wain weĭtamo hosekéróló tepeyaletei melalemó néni hōyalepó.

³⁵ Atéró atimané ă filipaa ni tómó oleróló, kĭlipaae ama kuti saairaalu atimané ni kukwia teraae horóló mé whĭné ni kukwia mo donotóró muni dorowapa, ti ai whĭnétóró sua yalepó.

³⁶ Atéró, ă teó sukutu betepa, kale diki tare

whĭrape atima kaae tawóló betó molepó.

³⁷ ă oleró betere ni topomó i betené dalepóló aseýóló ol-eralepó. Ai aseýóló olerale fo i ape.

JUDA SO WHĪ TĒTERÓLÓ KAAE TARE TOPO WHĪ YESU I APE

³⁸ Kale ălémi nuku betale whĭ tamokélé ătamo betámó, me whĭ ama turu naase đeró nimó oleróo, me whĭ fĕ naase đeró me nimó oleróo yalepó.

³⁹⁻⁴⁰ Mepaae ai tĕmó fua wuatere so whĭ atimané folópu kelepéyóló faleyóló doka doka duraalu, “Yăta kale momatere be fisikóló, sore be đemó momó tĕyaalopó du betale whĭpa, naaotei yă tao sae. Yătamo Kótóné Naalemapata, ti ai filipaa ni taaróló dere ape,” du betalepó.

⁴¹ Atéró kale dere kaae, mo so whĭmó Talepaae momaratere topo whĭrapenékélé, Mosesné asĕre fo yó matere whĭrapenékélé, mepaae whĭ disrapenékélé, faleyóló doka doka duraalu,

⁴² “Mepaae whĭrape sukaqsóró ama tao sua yaletēi, ă sinaqsóró amatei tao sinitupó. Ti ăta, Israel fake so whĭné doasi topo whĭ ereteiné filipaa ni taaróló dorowapa, ti đă ăpaae kisipa tiki tiraalopó.

⁴³ Ama duraalutamo, ă Kótóné Naalemapóló kisipa tiki tirateremó, Kótóné ă tao saai kisipa mutepa, ti tao sópóló yae,” yalepó.

44 Yesutamo kale betamó olerale qlémi nuku betale whi tamonékélé u whirapené dere kaae, a faleyóló doka doka dere forape dekéro du betalepó.

Yesu sukqle ala

(Mak 15:33-41, Luk 23:44-49, Jon 19:28-30)

45 Téró suka tuamó 12 kilok sukakelemó kaae sóró fóló, be kuluka derepaae 3-kilok-mó hae kwia mo fea dikiyalepó.

46 Atéro be kuluka 3-kilok seretamo, Yesuné doasi fo fakeyóló duraalu, “Eloi, Eloi, lama sabakatani,” ai fo feteyóló, “E teteróló kaae tare Kótó-ó, E teteróló kaae tare Kótó-ó, e yalo wotoró beterópoló noatepa taaróló feleé?” yalepó.

47 Ti fo depa, mepaae aimó daae mole so whirapené ama ai dere fo wosóló duraalu, “Ama Elaijapaae ape yóló ai dere ape,” yalepó.

48 Tétepa, atimakó whi betá mo hapale sururu yóló fóló, kale wépi kaae qla sóró séli kqlaa kaae ere moi *wain* wéi kale wépi kaae qlamó tópuró sóró, kapemó haka sóró Yesu nópóló melaai sóró felepó.

49 Téyaletai, mepaae whirapené duraalu, “Ilaija wóló tao sene walémóló kelaalopa, atéro olerópoló taalae,” yalepó.

50 Atéro, Yesuné ama kepe bete sókó furaalu, kale dere kaae doasi fo fake yóló a sinalepó.

51 Atéteretamotóró kale momatere be satqaleróló oleró

betere kuti óté kaae sóró tereketé doropóló, a salepaae sókó deralepó. Téturaalu, doasi bao yale tikimó kapo-rapekélé terekeyóló felepó.

52 Atéturaalu, whi dourale tikikélé turukwé fóló, mo take Kótóné ama kae sóró beterale so whi sukutepa douraletai, dou taaróló momó kepaayóló fua yalepó.

53 Yesu atéro kepaayóló fi qilipaae, ai kale kepaayale so whirape mepaae so whiné kolópoló, Kótóné ama kae tenó betere Jerusalem be huluapaae yó male felepó.

54 Atétepa, kale diki tare whirapené topo whiró Yesu me ala yaqsóró, kaae tare diki tare whirapetamoné doasi bao dere alaró mepaae kae kae dere alarapetamo kolóló, atima fea winé sukóló diri furu furu yóló duraalu, “Haió! i whiqa, Kótóné Naalematoró mo htipó,” yalepó.

55 Téró, Yesu a mepaae qla qla yayatepa tao sóró mótua yale sorape, Kaleli hae kwia taaróló wóló, Yesupaae eratere ala kelaai mo tumó daae mulu, kese faló beterepó.

56 Atima ai sorape kuamó Maktala be hulua sókó Mariakélé, Jems-ró Josis-tamoné hama Mariakélé, Sebediné naalema tamoné hamakélé, atima atéro daae molepó.

Yesu dourale ala

(Mak 15:42-47, Luk 23:50-55, Jon 19:38-42)

57 Be mo felekemó dikiyaa deretamo, betá Arimatea

be whikó néli whi Josep walepó. Ai whi akélé Yesuné yó matere whi betalepó.

⁵⁸ Kale sekéné Yesuné tiki saai dapóló, kale topo whi Pailat-paae wosene felemó, Pailat-né ama diki tare whirapepaae duraalu, “I sekéné Yesuné tiki ama sóró faaipó dapa, sóró fópóló melae,” yalepó.

⁵⁹⁻⁶⁰ Atéro matepa mo de tekée fi *linen* kuti wisinaalené Yesuné tiki bopeyóló só fóló, mepaae sukále whi dourénire kane dolomó Yesuné tiki mulalepó. Téro kale dou tu kinaai aleyóló mulale kane fake biliraté fóló kinóló a felepó. Ti ai kane dolota, kale whi Josep a sukutepa dourópóló, aleyóló muló betere tikipó.

⁶¹ Atétepa, kale Maktala be hulua sokó Mariaró ama yakoma Mariatamo ai kale whi douró betere tiki kese faróló beterepó.

Yesuné tiki me ala yaqsóró diki tare whirapené kaae tare ala

⁶²⁻⁶³ Atéyale sisópaae dótóró sãa nóló betaairaalu, ɔla ɔla taleyóló mulóló, be deŕepa i ala yalepó. Kale moma dere be kaae tare topo whiraperó Farisi whirapetamo Pailat beterepaae fóló duraalu, “Doa whi-ó, ai kale so whi dilikité kutu betale whi a sukãai bitu be de sore kemetepa, a momó kepaayóló be-taalopó depa, dané wosalepó.

⁶⁴ Atéro ai kale sukále whiné ama yó matere whirapené ama tiki ɔlémi

sóró fóló, mo whipaae a momó kepaayóló beterepó deté kuturaalu, so whi dilikãalo ai ape. Atéro dilikitere alané ama take folosóró so whi dilikãletei teraae faalopó. Téyaqsórópa, naao diki tare whirapené ai kale whi dourale tiki be de sosemó mo wisiyóló kaae tawópóló yae,” yalepó.

⁶⁵ Ai fo depa, Pailat-né so whi teŕeteróló kaae tare whirapepaae duraalu, “Whi douró betere tiki mo wisiyóló kaae tawópóló, mepaae diki tare whirape dapesó fóló, etéro kaae tawae yóló yó melae,” yalepó.

⁶⁶ Atétepa atima fóló, kale whi dou mené tukiyalemóló kelaai tu kinale kane fakeró hãle daale kane kwiatamo meke eróló, tuamó siri mulóló diki tare whirapepaae kaae tawae yóló sóró daalalepó.

28

Yesu kepaayóló fele fo
(Mak 16:1-10, Luk 24:1-10, Jon 20:1-18)

¹ Téro kale sãa naai tukóló mulale suka kemeyóló *fula* kaae sere be demó mo hikatitei, Maktala be hulua so Mariaró yakoma Mariatamo kale whi dou kelaai felepó.

² Atéro, kale so tamo dou tópaee sókó faai teó fu betepatei, betã *ensel* hepen bemó dorowóló, dou kinó betere kane fake tukwë faróló a tómó beterepó. Ai kane fake tukwë falateremó, mo doakale bao yalepó.

³ Ama tiki mo epée de kaae iruraalu, ama deró betere kutikélé mo de tekée fapa kelalepó.

⁴ Ai dou kaae tawóló betó mole diki tare whirapené a kolóló, winé sukóló diri furu furu duraalu, sukóló mole whirape ayoóló haemó der-aapisa fóló molepó.

⁵ Téró kale so tamo sókó wapa, kale *ensel*-né atimaamopaae duraalu, “Diaamo wiyaqse. Diaamota, filipaa nimó dale whi Yesu keke waletei yalo tuerapó.

⁶ Ti ata imó muni, a mulale tiki halerapa kelaai ape. Ti take ama yale fotóro dokonóló, a kepaayóló falapó.

⁷ Atérapa, diaamo hapale fóló, ama yó matere whirapepaae i fo yae. A mo ti sukaletei kepaayóló, diya nalo wópóló api Kaleli haepaae furaalu, atamo aimó hokolaa yóló kelaalopa, ape yale fo yalo diaamopaae i dere ape,” yalepó.

⁸ Atétepa, kale so tamo wirutei mo haitamo whi dou taaróló, ama yó matere whirapepaae yaai dapóló sururuyóló felepó.

⁹ Atéro fu betepa, Yesu hapale sókó wóló daalu keleó yalepó. Atétepa, atimaamo a daalepaae fóló, ama hómó apuó taru Tale-ó du betalepó.

¹⁰ Atétu betepa, Yesuné atimaamopaae duraalu, “Wiyaqse! Diaamo fóló, yalo norapepaae diaaq e u Kaleli haemó kelaasepóló ape yalepó, yaai fae,” yalepó.

Diki tare whirapené i ala kelalepóló yale fo

¹¹ Téró ai kale so tamo fu betepatei, kale mepaae dou kaae tawóló betale diki tare whirape atima momatere be kaae tare topo whirape beterepaae fóló, atimané kelale alarape fea yó melalepó.

¹² Ti fo depa, mo so whimó Talepaae momatere topo whiraperó mepaae so whi tereróló kaae tare whi disirapetamo betapaae touróló bitu, i ala yaalopóló taleyóló mulalepó.

¹³ Atéro fo deyóló, kale diki tare whirape atimané kelale ala mo so whipaae yaqsóro fo mulótu duraalu, “Mené diapaae noa ala yaleé depa i fo yae, ‘Da firepaae Yesuné ama yó matere whirape wóló, ama tiki qlémi sóro falapó yae,’” yóló doasi *moniné* dupuyalepó.

¹⁴ Atéro duraalu, “*Gavman* topo whiné i dere fo wosetepa, diatamo doasi fopaae buóló me ala eraqsóro diya seséturaalu, danétei ama kiswa tiki feléaalopó,” yalepó.

¹⁵ Téró, kale diki tare whirape doasi *moni* sóro furaalu, atimapaee yae yale fotóroti deté kweyalepó. Atéro dere fo so whi feané wosóló, fakerale fo mió i alimó betó mole Juda so whinékélé wosóló mo kisi-parapó.

Yesuné ama yó matere whirapepaae yale fo

(Mak 16:14-18, Luk 24:36-49, Jon 20:19-23)

16 Téró Yesu ą sukąai bitu, ama yó matepa wosetere 11 whırapepaae, ątamo Kaleli haemó daale hasi fosómó hokolaa yaalopó, yale fo tuęru atima felepó.

17 Atéro fóló, aimó atimané ą kolóló, hemée deyóló betó mulu Tale-ó du betalepó. Tétu betaleteti, mepaae whırapené Yesu ą hıti yale molópóló, kisipa tamo mutu beterepó.

18-19 Tétepa, Yesu ą atima betere felekepaae fóló duraalu, “Ó hepen bemókélé i haemókélé ere ala fea yalo tęteróló kaae tanópóló, Kótóné ę sóró beteró beterapó. Térapa, dią i hae kwiamó betóló fale so whı beterepaae fóló, atimakélé yalo yó matepa wosetere so whı beterópóló, yó maté kweyae. Atéturaalu Alima, Naalema, Dęi Kepe Wisi, dané betą doimó weı tópurótua yae.

20 Tétu, yalo diąpaae yae yóló mulale ala fea, atimanékélé wosóló sya fópóló yó mótu betae. Yalo dią taaróló feni, dą fea betámó bitiré fóló, kemene fole alimó sókó faalopóló i yóló mulatere ape,” yalepó.

Mark

Jon-né Yesu waaire tu alerale fo

(*Mat 3:1-12, Luk 3:1-9, 3:15-17, Jon 1:19-28*)

¹ Kótóné Naalema Yesu Kerisoné kisi fo wisi etéro kaae sirapó.

² Mo take Kótóné ama fo eratere kóló whi Aisaiané aseýóló muló betere fo i ape.

“Yálo fo erále fae yóló dotonaterere whi ya waaire tumó api folosóró fópóló, yálo doteyaalo ai ape.

Ai sekénéta, ya waaire tu aleóló donoraalopó.

³ I whi áta, so whikélé bitinire kópu kaae fi tikimó sókó wóló daalu, fo fake yóló i fo yaalo ai ape.

‘Tale waaire tu donoróló aleyae,’ ” erapó.

⁴ Atéyale fo dokonóturaalu, betá whi Jon walepó. Áta so whikélé bitini kópu kaae fi tikimó sókó wóló duraalu, “Mepaae so whi de atimané yale dowi ala taaróló, tué tiki feteyóló walemó wei tópuratepa, ti Kótóné diaaq dowi ala kwia tokóló aluraalopó,” du betalepó.

⁵ Atétere fo woseturaalu, Judia hae kwiamó betó mole so whiró Jerusalem bemó betó mole so whitamó a beterepaae wóló, atimané yale dowi alarape fea hakeamó yó matepa, Jon-né atima Jordan weimó tópurótua yalepó.

⁶ Jon-né ama bukutua yale kutita, ti kale *kamel* hupu nikiné dokóló moletei bukutua yóo, ama tokélé hupu sekaené aleyaletei sua yóo, yalepó. Ama nukua yale ọla ti ero nusuró meke weitamopó.

⁷ Atéro ama atimapaee duraalu, “Eta folosóró wale whi i ape. Nalo yálo kilipaae, ti mo doa fotokọ bole seké whi waalo ai ape. Ai seké áta e kaae mei, mo doasi seké whi betepa, e a aomó belekhamale naale kaae beterapó. Téri, ama hó bené képi yálo teraayairetei mo sunipó.

⁸ Yálotá, diá hále wei maaté tópurótu betereitei, amata diá Deji Kepe Wisitamó tópuráalo ai ape,” yalepó.

Yesu wei tópurale alaró su sale alatamo

(*Mat 3:13-17, Luk 3:21-22*)

⁹ Atéyale sukamó, Yesu a Kaleli hae kwiamó tene Nasaret be taaróló wapa, Jon-né a Jordan weimó tópuralepó.

¹⁰ Téro, Yesu a wei tópuróló hae taopaae hutu betepa, Jon-né ó sapaae kese horalemó hepen, be tu kuti tekée fu dere kaae yóló, Deji Kepe Wisi ba hokósere kaae Yesuné ama tikimó bití dorowapa kelalepó.

¹¹ Atéro betepa ó samó fo tekerótu duraalu, “Yáta, yálo mo yaala sókó fóló, hosaa mole Naalepó. Naa dere ala fea mo wisi alatóró dereteiné e mo doasi hajiné sukutapó,” yalepó.

12 Téyalemó mo ai fapotoróti, kale Deji Kepe Wisiné Yesu so whikélé bitini, kópu kaae fi tikipaae seyólo falalepó.

13 Yesu a atéro fóló betepa, be de whi siki tamo kemeyalepó. Atépa, Yesu a dée nópóló Satan-né a paae kae kae su sere alarape erótu betalepó. A aimó syaae qlatamo betepa, me ala yaosóro Kótóné ama en sel-rape dorowóló, Yesu tao salepó.

Yesuné ama yó matere whirape a sya ape yale fo

(Mat 4:12-22, Luk 5:1-11)

14 Jon dipula beterales kilipaae, Yesu a Kaleli hae kwiapaae sókó wóló, Kótóné ama kisi fo wisi so whi feapaae yó mótu betalepó.

15 Atéro yó mótu duraalu, "Talené eraaire ala ama kóló whirapené deté wale fo mió i dokonatere ape. Téturaalu, Kótóné teteróló kaae tare alakélé mió sókó wóló i mole ape. Térapa diaa q du betere dowi ala taaróló, tué tiki feteyóló kale kisi fo wisi wosóló, kisi pa tiró betae," du betalepó.

16 Atéro, Yesu a ai Kaleli weji fóku seseke hutu bituraalu kelalemó, Saimon-ró noma Andrutamo hakele wané ya su beterepó. Atimaamota, suka fea ya siré kotere whi tamopó.

17 Atétu betepa, Yesuné atimaamopaae duraalu, "Diaamo ai ya siré koteretei taaróló, e sya ape. Ti

noatapa mei diaamoné ai ya su dere kaae so whikélé siré kweyaasepóló, ya lo diaamo sóro beteraalopa ape," yalepó.

18 Ama ai fo deretamotoró atimaamoné kale ya siré kotere hakele wa taaróló, Yesu sya felepó.

19 Atéro a sawa fóló, kale dere kaae Sebedi naalema Jems-ró noma Jon-tamo nukumó bituraalu, hakele warape turukó feletei wisi wisiyóló nomotu betepa kelalepó.

20 Atétu betepa, mo ai fapotoróti Yesuné atimaamopaae duraalu, "Diaamo e sya ape," yalepó. Tétepa, atimaamoné alima Sebediró ama kutó diratere whirapetamo nukumó betepatei taaróló, atimaamo Yesu sya felepó.

Yesuné dowi kepe hokonale fo

(Luk 4:31-37)

21 Atéro, atima fea touyóló Kapeneam bemó sókó fóló, ai bemó kale sa nópóló tukóló muló betere sukamó atimané fo wosetere be dolopaae fóló, Yesuné fo yó melaai kaae salepó.

22 Téró, ai kale so whiné ama yó matere fo wosóló duraalu, "I sekéné yó matere fota, doasi kisipare whirapené dere fo kaae dapóló, siratu betalepó. Kale Moses-né asere fo yó matere whirapené dapaae atéro yó mótumipó," du betalepó.

23-24 Atétu betalemó, mo ai fapotoróti kale ai fo

wosetere be dolomó betə dowi kepe tepeyóló betere whĭné fo fakeyóló duraalu, “Nasaret be whĭkó Yesu-ó, naao dāmpaae noa alakó eraai waleé? Dāmo noatepa dóló aluraai waleé? Yaṭa, dowi ala mo betəkélé munire whĭ wisinaale betepa, Kótóné sóró kae beteró betereitei, yaḷo mo kisiparapó,” yalepó.

²⁵ Tétepa, Yesuné kale dowi kepe foné sóró duraalu, “Fo taaróló, whĭ tuəmə betereitei sókó fae,” yalepó.

²⁶ Ai fo deremó, kale dowi kepe sókó faairaalu, kale whĭ tao sóró feseróló fo fakeyóló keterétamo sókó felepó.

²⁷ Atéteremó, kale so whĭ atimasisitei u wosene i wosene yóló duraalu, “Ita, noa ala yalerópó. Ama i yó matere kisi fota, mo doasi topo whĭrapené dere fo kaae dapó. Dowi keperapenékélé, mo whĭné dere kaae, ą aqmó sukóló bituraalu, ama yae dere ala motóro dapóló,” siratu betalepó.

²⁸ Atétere ala so whĭ mo feané kolóló, Yesuné i ala du beterapóló kulu kulu só kotepa, Kaleli hae kwiamó betó mole so whĭ feané wosalepó.

Yesuné kisi daae mole so whĭ wisirale fo

(Mat 8:14-17, Luk 4:38-41)

²⁹ Atima fo wosetere be taaróló furaalu, Jems-ró Jon-tamokélé dape sóró Saimon-ró noma Andru-tamoné bepaae felepó.

³⁰ Atéró fóló beteremó, kale Saimon somané hamasere

tiki supu kisiné sukóló mupa, Yesupaae yalepó.

³¹ Tétepa, Yesu kale so kisi dalóló molepaae fóló, ama naasemó tao sóró turukó horalemó, kale soné tiki supu du betaletei tukóló, atimamó ąla kaae sóró biliralepó.

³² Atéyale sukamó, suka doropóló be hoteretamo, mepaae kisi daae mole so whĭró dowi kepe tepeyóló betó mole so whĭtamo, Yesu beterepaae dapesó wóló beteraleta dua yalepó.

³³ Ai be hulua feamó betó mole so whĭ wóló, Yesu betere be tu sókó walemó touróló betó molepó.

³⁴ Atéró betó mupa, mepaae kae kae hepo daae mole so whĭkélé wisirótua yóo, so whĭ tuəmə tepeyóló betere dowi keperapekélé hqkonóló sókó fatua yóo, yalepó. Kale dowi keperapené Yesu ą atei kaae whĭpóló tuęreteiné mo so whĭpaae fo yaqsóro Yesuné ama seséyalepó.

Yesu ama wotoró bitu momayale fo

(Luk 4:42-44)

³⁵ Téró, Yesu ą be deyaai du beteretamotei turukó holóló ai be taaróló, so whĭkélé mei tikipaae fóló, momatu betalepó.

³⁶ Yesu atéró momatu betepa, Saimon-ró ama fulumu whĭrapetamoné ą kikitu betalepó.

³⁷ Téró, atimané ą kekóló keletepa ąpaae duraalu, “Tale-ó, so whĭ feané ya

mopaae felerópóló kikitu beterapó,” yalepó.

³⁸ Ai fo depa ama atimapaee tokó mótu duraalu, “Dá i be taaróló, felekemó tẹ mole berapepaae kale fo wisi yó melaai faalopa fiépe. Ti noatepae, ẹta ai kutó diyaairaaalu i wóló betere ape,” yalepó.

³⁹ Téró, ẹ ai Kaleli hae kwia tuámó tẹ mole fo wosetere berapemó, kale fo wisi yó melaté kuturaalu dowi keperapekélé dóló hõkonótua yalepó.

Dowi humu fuluné tiki dore whi wisirale fo

(Mat 8:1-4, Luk 5:12-16)

⁴⁰ Atéró dowi humu fuluné tiki dore whi betá Yesu beterepaae wóló, bukutiri tearó bitu i fo yalepó. “Yesu-ó, naaotamo ẹ wisiraaai kisipa mutepa, ti wisiraasepólópó,” yalepó.

⁴¹ Ai fo depa Yesuné kale whi kelalemó, kolené sukutu ama tikimó naase mulóló duraalu, “Yálo yá wisiraaai kisipa mutepa, wisi yae,” yalepó.

⁴² Ai fapotóro kale whi dowi humu fuluné tiki doretei mo ti wisiyalepó.

⁴³⁻⁴⁴ Atéró, Yesuné kale whi dotonaai mo dirii fo yóló duraalu, “Yálo naao tiki wisiralepó fo mo so whipaae momókó deté kweyaõse. Yá fóló, Kótópaae momatere be kaae tare whirapepaae maaté naao tiki wisiraletei yó melae. Téró, whiné tiki wisirateremó, mo take Moses-né melae yóló ere ọla male fae. Ti noatepae, ai whirapené

naao tiki kilituraalu, ita Talené erapó yópóló, yó melaai fae,” yóló dotonalepó.

⁴⁵ Yesuné kale seképaee ai fo yaleteti taaróló, ama tiki wisirale fo so whi feapaae hakeamó yó melaté kweyalepó. Atéyale tikimó, Yesu ẹ so whi betó mole kuamó konénipa, so whi bitinire tikipaae bití fua yalepó. Atétua yalemókélé, kae kae tikimó betó mole so whi mo hẹle ọla kaae ẹ beterepaae wuatóro yó tarepó.

2

Yesuné tiki sukóló dąamui whi wisirale fo

(Mat 9:1-8, Luk 5:17-26)

¹ Téró nalo me sukamó, Yesu ẹ momó Kapeneam bepaae wóló beteremó, so whi mo feané Yesu ama bemó wóló beterapó dere fo wosalepó.

² Ai fo woseturaalu so whi dekéro wale tikimó, be dolokélé, tẹ sókó walekélé, so whi daayaaire tẹ munipó. Atépa, atimapaee ama kale fo wisi hakeamó yó mótu betalepó.

³ Yesu ẹ atéro yó mótu betepa, mepaae दौरó whirapené betá tiki dąamui whi Yesu beterepaae beleyóló walepó.

⁴ Téyaleteti, so whi mo faanuraalu kale whirape atima whi sóro faaire tẹ munipa, siki bepaae holóló, Yesu daale mo donotóroti kale siki be keya dolo sokóló

tiki dāmui wh̄i beseḱetamo turó deralepó.

⁵ Atétepa, Yesuné ai kale douro wh̄irapené kisi pa tiki tiratere ala kolóló, kale tiki dāmui wh̄ipaae duraalu, “Ti naale-ó, naao yale dowi ala kwia fea mió yaḷo tokóló aluratapó,” yalepó.

⁶ Yesuné ai fo depa, kale Moses-né asere fo yó melatere wh̄irape atima tuḱ tekitu betalepó.

⁷ “I wh̄i āta, Kótó kaaepó du betere foné Kótó faletu beterapó. Ti dowi ala kwiata, Kótóné betā sumó aluranérápó,” du betalepó.

⁸ Atima atéró mutu betere tuḱ tiki Yesuné kisipanétei mo hapale kolóló, atimapaee duraalu, “I kale yale fomó diā noatepa atei kaae tuḱ mutu bitu de?”

⁹ Ti diāsisitei taleyae. Mepaae wh̄iné duraalu, naao dowi ala kwia yaḷo aluratapó fo so wh̄i feané enérepé, ya turukó holóló naao beseḱe sóro fae, fo enére?”

¹⁰⁻¹¹ Téretei, i haemó betóló fale so wh̄iné dere dowi ala tokóló aluraaire fotokó Wh̄iné Naalemané sumó bulapóló, so wh̄i feané tuḱ yópóló i dapa, ya turukó holóló naao beseḱe sóro bepaae fae,” yalepó.

¹² Mo ai fapotoróti, kale wh̄i atima feané keletómó turukó holóló, ama beseḱe sóro felepó. Atétere ala kolóló, so wh̄i feané sirayóló, atima Kótóné doi hale sóro horótu duraalu, “Mo take bitiré wale alimókélé, dāné etei kaae ala

mo kolókélé inipó,” yalepó.

Lipaipaae ā sya ape yale fo (Mat 9:9-13, Luk 5:27-32)

¹³ Téró etéyalepó. Yesu ā momó wēi fókumó fóló betere mó, so wh̄i mo dekéro ā beterepaae wóló betó molepó. Atépa, fo kaae sóro yó melalepó.

¹⁴ Atétu beteró, tumó furaalu kelalemó, Alpias-né naalema Lipai ā *takis moni* saairaalu kapala tene furu bemó betepa, āpaae duraalu, “Yā ē sya ape,” depa, kale wh̄i ā turukó holóló Yesu sya felepó.

¹⁵ Atéró Yesu ā Lipainé bemó ɔla naai fóló betere mó, mepaae *takis moni* sere wh̄irapekélé, dowi ala dere wh̄irapekélé, Yesuné ama yó matere wh̄irapekélé, ama dere fo wosóló ā sya fu betere so wh̄ikélé, fea ɔla nuku betalepó.

¹⁶ Atépa, Farisi wh̄iraperó mepaae Moses-né asere fo yó melatere wh̄irapetamoné Yesu ā dowi ala dere wh̄iraperó *takis moni* sere wh̄irapetamo betámó ɔla nuku betepa kelalepó. Atépa, Yesuné yó matere wh̄irapepaae woseturaalu, “Ā *takis moni* siré kotere wh̄iraperó dowi ala dere wh̄irapetamotei noatepa ɔla betámó nuku bitu dérópó,” yalepó.

¹⁷ Atéró dere fo Yesuné wosóló atimapaee duraalu, “Hepo daani hale sesere so wh̄i *dokta* beterepaae fumitei, hepo daale so wh̄iró

tiki dore so whītamo maaté fua dapó. Atétere kaae, ę wale alata wisi ala dere so whīpaae ape yaai anitei, dowi ala dere so whīpaae ape yaai walepó,” yalepó.

Ōla weteremó Yesupaae wosale fo

(Mat 9:14-17, Luk 5:33-39)

¹⁸ Téró, Jon-né yó matere whīraperó Farisi whīrapetamo atima ai sukamó ęla weyóló ęle beterepó. Tépa, mepaae so whī Yesu beterepaae wóló ępaae woseturaalu, “Jon-né yó matere whīraperó Farisi whīné yó matere whīrapetamo ęla weyóló bitu dere kaae, Naaó yó matere whīrapekélé ęla weóló bitini dere noatepa de?” yalepó.

¹⁹ Tétepa, Yesuné atimapaee tokó mótu duraalu, “Kale nomarape atima so dokore whītamo betámó bituraalu, ęla weyóló ęle betaaloé? So dokore whīkélé atima fea betámó betereiteiné ęla weyóló ęle betenénipó.

²⁰ Téretei, me sukamó kale so dokore whī atima betámó betepatei, mené ę tawóló só fole sukamó, atima ęla weyóló ęle betó muaalopó.

²¹ Mepaae whīné kisi kuti kwia sóró deręakele kuti dakoróló nomotumipó. Atétepa, ti kale kisi kuti fe sóró fóló kóputuraalu, deręakele kuti dotouyó sóró, mo ti bisęae faalopó.

²² Atétere kaae, mepaae whīrapené kale ęlaa wale kisi *wain* weī hupu sekaęné

aleyale arói wutimó tepetumipó. Até enalemó, kale weī mómu sókó faai tóputuraalu, ai kale hupu sekaęné aleyale arói wutikélé fulukó fóló, weīkélé ęle besekéraalopó. Até yaqsóró, atimané kisi *wain* weī tepeturaalu, ti hupu sekaęné aleyale kisi wutimótóró tepetua dapó,” yalepó.

Yesu ęta sęa nokole be de Talepó

(Mat 12:1-14, Luk 6:1-11)

²³ Téró etéyalepó. Sęa nópóló tukóló muló betere sukamó, ę ama yó matere whīrapetamo *whit* kutó tuámó kutu betalepó. Atéroró kutu bituraalu, ama yó matere whīrapené ai kutómó ere *whit* bokóló nukulé fu betalepó.

²⁴ Atétere ala Farisi whīrapené kolóló, ępaae duraalu, “Sęa nokole sukamótei, naao yó matere whīrapené atei kaae ala noatepa yópóló kaae tare? Sęa nokole sukamó kutó ditepa, mo doasi fo mulapó,” yalepó.

²⁵ Ai fo depa, ama atimapaee tokó mótu duraalu, “Depit-ró ama fulumu whīrapetamo wotetepa yale ala ašemó yóló muló betereitei, diaaę dosęayóló tuę muni airapó.

²⁶ Kótópaae momaratere be Abiatané teteróló kaae tawale sukamó, Depit ę Kótóné be dolopaae sókó fóló, Kótóné keletómó melaaairaaalu muló betere *bred* otei, ę wotetepa sóró nalepó. Téturaalu, ama fulumu

wh̄irape atimakélé matepa nalepó. Ti ai ɔlata, mo h̄ale wh̄iné nukupa, fo moleteiné kale momaratere be kaae tare wh̄irapené maaté nukua dapó,” yalepó.

27 Téró, Yesuné atimapaee duraalu, “Kótóné wh̄i aleyaleteita, s̄aa naai tukóló muló betere be dē doi sóró horópoló ini, wh̄i tao saai kisipa mutu, ai s̄aa nokole be dē tukóló muló beterapó.

28 Atéreteiné Wh̄iné Naalema ɔta, ai s̄aa nópóló tukóló muló betere be dē t̄eteróló kaae tare Talepó,” yalepó.

3

1 Téró me sukamó Yesu ɔ fo wosetere bepaae sókó walemó, naase dowi wh̄i bet̄a betepa kelalepó.

2 Kale S̄aa naai tukóló muló betere sukamótei, naase dowi wh̄i Yesuné wisiratémóló kelaai, mepaae wh̄irapené kele mulóló betó molepó. Aita h̄ale mei, kale tukóló muló betere be demótei wh̄i wisiratepa, ɔ só deraai kisipa mutu yalepó.

3 Tépatei, Yesuné naase dowi wh̄ipaae duraalu, “So wh̄i feané kolópólópa, ya turukó holóló daayae,” yalepó.

4 Atéro ama atimapaee woseturaalu, “S̄aa nokole sukamó so wh̄i tao sere ala depa fo mulepé, dowi ala depa fo mule? Wh̄i sukaosóro tao sere ala depa fo mulepé, wh̄i dele ala depa fo mule?” yóló wosalemó,

atimané ɔpaae me fokélé tokó menipó.

5 Ai wh̄irapené atei kaae dore wh̄ipaae ɔletere ala ini, dow̄aae fu betepa Yesu ɔ doasi sekei kisipa mutu, atimatamo fopaae buóló kale wh̄ipaae duraalu, “Naao naase teréɛ falae,” depa, ama naase teréɛ faralemó, kale dore naase mo wisiyó felepó.

6 Atéteremó, kale Farisi wh̄iraperó Herot-né dere ala s̄ya fu betere wh̄irapetamo belapaae tóɛ fóló daalu, Yesu netéro daaloé? yóló atimasisi ɔlaaróló, fo dokotu betalepó.

Mo turó so wh̄iné Yesu s̄ya fele fo

(Luk 6:17-19)

7 Téró Yesuró ama yó matere wh̄irapetamo ai be taaróló, wēi ɔla molepaae fóló berteremó, Kaleli haemó betó mole so wh̄i mo fea ɔ s̄ya wou betalepó.

8 Yesuné ai alarape du beterapó dere fo woseturaalu, mepaae Judia hae kwiamó betó mole so wh̄ikélé, Jerusalem be hulua so wh̄ikélé, Idomia hae kwiamó betó mole so wh̄ikélé, Jordan wēi fóku uté t̄eró betó mole so wh̄ikélé, Tair be huluaró Saidon be huluatamo felekemó betó mole so wh̄ikélé, mo fea Yesu beterepaae wou betalepó.

9 So wh̄i mo dekéro wóló touró betepa, ama yó matere wh̄irapepaae duraalu, “So wh̄i touró bertereteiné ɔ daayaire t̄e munipa,

weji nuku belekamalekó taleyóló mulae,” yalepó.

¹⁰ Ti noatepae, mepaae folosóro hepo dalóló betó mole so whi wisirale ala kolóló, atima mepaae hepo daale so whikélé wisirópóló kisipa mutu, Yesuné tikimó wolaa yaai dapóló, araletamo teté teté wou betalepó.

¹¹ Téró, mepaae dowi keperapené Yesu keletere dokó a daale aomó deraapisa fóló fió mulu, fo fakeyóló duraalu, “Yata, Kótóné Naalemapó,” dua yalepó.

¹² Ai fo depa, Yesuné kale dowi keperapepaae duraalu, “Eta, Kótóné Naalemapóló, mo so whipaae hakeamó momókó deté kweyaqse,” yóló doasi fo mulalepó.

12 aposel whirape sóro beterale fo

(Mat 10:1-4, Luk 6:12-16)

¹³ Téró, Yesu a du sorokó mole aqpaee horóló bituraalu, ama tué mole whirape maaté dosayóló ape depa, atima a beterepaae walepó.

¹⁴⁻¹⁵ Atéroró wóló, atamo fulumuyóló betamó betóo, ama fo wisi yó melaté kweyóo, dowi keperape doló hokonóo yópóló, *12 aposel whirape sóro beteralepó.*

¹⁶ Atima atéroró sóro beterale *12 whirapené doi etéropó.* Saimon-tei, me doi Yesuné Pita mulalepó.

¹⁷ Sebedi naalema tamo Jems-ró noma Jon-tamokélé, Yesuné kisi doi Boanersis mulalepó. Ai doi beteta, Be Sapalaané naalema tamopó.

¹⁸ Andru, Filip, Batolomiu, Matyu, Tomas, Alpias naalema Jems, Tadeus, kálo káloi whi Saimon, Iskariot whikó Judas atima atéroró whi sóro beteralepó.

¹⁹ Kale Iskariot be whikó Judas-ta, Yesu daai eleké deyale whipó.

Yesu Belsebul-pó yale fo

(Mat 12:24-32, Luk 11:14-23, 12:10)

²⁰ Téró, Yesu a betá be dolopaae wóló beteremó, so whi mo fea momómo tourale tikimó, Yesuró ama yó matere whirapetamo ọla naaitere tekélé munipó.

²¹ Atétu beterapó, dere fo Yesuné hamaró nomarapetamoné wosetu a keyaa fole whi kaae beterapóló, atima Yesu dape saai wóló betó molepó.

²² Atépa, mepaae Jerusalem be huluamó wale Mosesné asere fo yó matere whirapené duraalu, “Dowi keperapené topo kepe Belsebul Yesu tuamó bitu a fotokoratepa, dowi keperape hokonótua du beterapó,” yalepó.

²³ Ai fo du betepa, Yesuné ai kale so whipaae a beterepaae ape yóló atimapaae fo sale forape yóló duraalu, “Satan atamo betá kutó diteré hamoma netéroró doló hokonaalóé? Ai kaae ala mo enénipó.

²⁴ Betá doasi topo whiné tetéroró betere be hulua so whi atimasisitei bóe dupa, atétere be huluarape fotokó buóló betaalóé? Meipó.

25 Beta faketa motei bõe dupa, ti atétere fake fotokõ buóló betaaloé? Mo aténénipó.

26 Atétere kaae, Satan-né ama fulumu whirapeta motei bõe dupa, ti aței tuamó teke-tapó. Atéturaalu, fotokõ buóló betaaire suni, aței kemeyaalo ai ape.

27 Mepaae whiné doasi fotokõ bole whi dokóló munéni, hãle betepatei ama be fulukóló, ɔla ɔla senénipó. Folosóro kale whi api mo dirii képiné dokó mulóló, nalo ti ama be fulukóló ɔla ɔla fea sumó sóro fenérapó.

28 Yalo diapaae mo i dere ape. Kae kae dowi alaró Kótó faletere fotamota, ti Kótóné mo sumó tokóló aluraalopó.

29 Téyaalotei, mepaae whiné kale Dei Kepe Wisi faletepa, atétere so whiné dowi ala kwia mo alukélé eraalomeipó. Ai dowi ala kwia, mo hãle muó tawaalo ai ape,” yalepó.

30 Ai fota Yesuné hãle inipó. Atimané duraalu, “Yesu a tuamó dowi keperape tepeyóló bituraalu dapó,” depa, ai fo yalepó.

Yesuné hamaró nomara-petamo

(Mat 12:46-50, Luk 8:19-21)

31 Ai fo du betepa, Yesuné ama hamaró nomarapetamo wóló be belamó daae mulu, Yesupaae belapaae dere ape yae! yóló yó horalepó.

32 Tétepa, a boperóló betó mole so whiné apaae duraalu, “Naao haeró nonaao-

rapetamoné ya kele wóló belamó ó daae mole ape,” yalepó.

33 Ai fo depa Yesuné atimapaee tokõ mótu duraalu, “Ti yalo hae ó norape-a, de maaté?” yalepó.

34 Ai fo yóló, a boperóló betó mole so whi kelené dokoyóló duraalu, “Yalo hae ó norapeta, ti diatóróti i betere ape.

35 Ti noatepaae, mepaae so whi de Kótóné ama kisispa mole ala erótu betepa, ti yalo no ó ne ó haetóróti ai betere ape,” yalepó.

4

ɔla wae terepetere fo sale (Mat 13:1-23, Luk 8:4-15)

1 Téró me sukamó a weí fókupaae momó fóló bitu, kale fo wisi kaae sóro yó melótu betalepó. Atéro, yó melótu betepa so whi mo dekeró waletikimó, a beteketepa ai so whi weí fókumó betó mupatei, a weí nukupaae daane holalepó.

2 Ama atéro yó matere kae kae forape fea, fo salenétóro du betalepó.

3 Ama atéro yó mótu duraalu, “Yalo i dere fo wosae. Whi betané ama kutópaae ɔla wae ke terepeyaairaaalu sóro felepó.

4 Atéro só furaalu, mepaae ke tu tuamó sókó deóló muó mupa barapené dósu yóló nukua yalepó.

5 Téró, kale whiné kutómó terepeté kuturaalu, mepaae ke kapo tómó bole haemó

terepée durupua yalepó. Até yaletei, ai hae mo apaae derepéni, kane tó mó bole hae ereteiné kale ɔla wae mo hapale holalepó. Téyaletei, feleke hae tuapaae doaló derepénipó.

⁶ Atéro, kale ɔla wae holóta yaletei, mo doasi diri suka wouraaalu, kale ɔla kapo supuné tukó sóró séli yaairaaalu yalepó. Ti aita, kale ɔlané feleke haepaae diriyóló derepénireteinépó.

⁷ Mepaae keta, dowi mu daai ne dolomó terepée durupua yalepó. Atéyale ɔla wae holaletei, dowi nené bopée sóró muluraaalu, du wisiyóló wolenipó.

⁸ Mepaae ke ti hae wisimó terepée durupua yalepó. Atéyale ɔlata mo wisiyóló holóló, du woleyalepó. Atéro, betá yo sóró fóló biliyaletei ɔlumétepa suraalumo, 30-yorape ó mepaae 60-yorape ó 100-yorape faanótua dapó,” yalepó.

⁹ Ai fo sale kemetepa, ama atimapaae duraalu, “Diá so whi detamo woséli daapa, ti i dere fo sale bete mo wisiyóló wosóló tué munérapó,” yalepó.

¹⁰ Ai fo du betéro, nalo so whi mo fea fi tikimó, ɔ ama wotoró be dolopaae fóló betepa, ama yó matere ¹² whiraperó mepaae ɔtamo fuluyóló betó mole whirapetamoné apaae woseturaalu, “Naao ti yale fo sale dá kóló kólórapa noa betené yaleé?” yóló wosalepó.

¹¹ Ai fo depa, Yesuné atimapaae tokó mótu duraalu, “Tale Kótóné so whi mo fea ama teteró kaae tare ala hiróló moletei, diapaae betá hakearóló i yó melatere ape. Téteretei, mepaae hãle mo so whipaaeta, ti fo sale foné maaté du beterapó.

¹² Ti aita, i fo betené erapó. ‘Mió atimané kelené kilitu bitutei, ai ɔla mo diriyóló tué mutumipó.

Atimané woséliné wosetu bitutei, mo diriyóló wosóló, bete kisipa mutumipó.

Ai alatamo ini, atimané dowi ala taaróló, kisipa feteyóló Kótó beterepaae wapa, ti atimané yale dowi ala kwia me ɔla meipóló, hãle kemeranérapó,” erapó.

¹³ Téró Yesuné atimapaae duraalu, “I fo sale bete diá tuéni kóló kóló depa, ti mepaae fo sale forapekélé netéromó tué yaaloó?

¹⁴ Kale ɔla ke terepeté kutu dere kaae, Kótóné ama fo wisi yó mótu beterapó.

¹⁵ Kale ɔla wae ke tumó sorokó doropole kaaeta, mepaae whiné Talené fo yó matepa so whiné wosóló, tué tuámó mulatereitei, Satan-né mo hapale tokósu beterapó.

¹⁶ Téró, kale kapo tó mó bole haemó terepée derepele ɔla wae kaaeta, kale fo wisi wosóló hakesetamo sua dapó.

17 Téretei, ɔla wae feleke haepaae mo ti derepéniru ere kaae, kale fo wisi h̄aleke sukamó maaté wosóló taalatapó. Ai kale fo wisi woseteremó, mepaae sekei ala ó doasi delei ala eratepa, atima téti hapaletóro dée nukua dapó.

18 Kale dowi mu daai ne dolomó terepée derale ɔla wae kaaeta, kale fo wisi mo wisiyóló wosóló h̄ekesené sukutere wh̄ipó.

19 Téteretei, mió i haemó bitu doasi whaalia du betere alakélé, doasi néli wh̄i betenée yóló, mutere kisi-pané kópaae faróló dilikitu betere alakélé, mepaae wisi wisi ɔla senée yóló mutere tuékélé a tuamó kaayóló sókó wouraaalu, kale fo wisi botokó sóró alurótu betereteiné du wisi oletimipó.

20 Hae wisimó terepée derepele ɔla wae kaaeta, ti kale fo wisi mo wisiyóló wosóló, ama tué tiki tuamó sóró mulótua dapó. Atétere wh̄jta, ɔla wae yo betá sóró fóló biliyaleiteinétei, ulumétere alimó suraaalu mepaae 30 yorape ó 60 yorape mepaae 100 yorape f̄aanótua dere kaae, mepaae so wh̄i tuamó Kótóné fo atéro du oletua dapó,” yalepó.

S̄a dalóló h̄akeamó mulatere fo

(Luk 8:16-18)

21 Téró ama atimapaee duraalu, “S̄a d̄eróló nuku aomó ó me ni fake aomó kinóló mulótimipó. Téni, ai s̄a d̄e so wh̄i feané kolópóló, s̄a

daalatare ni fake tómó fopa h̄akeamó mulótua dapó.

22 Ti mió kikiti hiró betere ɔla feata, take nalo h̄akeamó mulatepa so wh̄iné tué yópóló erapó. Mió kinóló muló betere ɔla fea take nalo h̄akeamó mupa, so wh̄i feané kolópóló erapó.

23 Dīa mepaae so wh̄i wos̄eli daapa, ti i dere fo sale bete mo wisiyóló wosóló tué yópóló yae,” yalepó.

24 Atéro, ama yale fo kaae atimapaee momómo duraalu, “Ȳalo dīapaae i dere fota mo wisiyóló wosóló tué muae. Naao meteró ɔla atimamó matepa, ti Kótóné yamókélé naao ai matere s̄utóroti móturaalu, mepaae tómó belerólókélé melaalo ai ape.

25 Wh̄i me dené ama tare ɔlatamo tawóló betepa, ti atétere wh̄ipaae ama ai tare tómó, Kótóné me kae beleróló melaalopó. Wh̄i me denétamo me ɔlakó tanipa, ti ai sek̄éné ama mo sawa tareteikélé, Kótóné momó tokó saalo ai ape,” yalepó.

ɔla wae hoterepaae dó faróló yale fo

26 Téró ama kale yale fo kaae momó duraalu, “Kótóné t̄eteróló kaae tare aomó betere alata, ti betá wh̄iné kutómó ɔla wae ke bilitu dere kaaepó.

27 Atéro biliyale k̄lipaae d̄etamo ó dilikitamo fipa, ó turukó horóló betepakélé, kale biliyale ɔla wae tumu haemó noaró sokotérópóló,

kale whĭné ama tué mutu-
mipó.

²⁸ Ere ɔla feata, haenétei
fotokɔróló sókó hotapó.
Tumupi sókó horóló, sóku
woleyóló, nalo ti fua dua
dapó. Atéro fua yóló, tuə
dolomó ti whĭné naaire ke
butapó.

²⁹ Ai kale ɔla ɔlumétère al-
imó, ti kale kutó tale ą sepa-
ketamo fóló, ɔlumére ɔla siré
kotapó,” yalepó.

*Mastard kepaae dó faróló
yale fo sale*

(*Mat 13:31-35, Luk 13:18-
19*)

³⁰ Téró, atimapaee kale fo
kaae momó duraalu, “Kótóné
teteróló kaae tare aɔmó mole
ala diaaɔ kisipa yópóló, yało
noa ala suróló yó melaaloé?
Me noa fo salepaee dó faróló
yaaloé?

³¹⁻³² Kótóné teteróló kaae
tare aɔmó mole alata,
mastard ni ke kaaepó. Ti
mastard ni keta, mo sawa
belekaamaletēi, haemó
bilitēpa huturaalu, ti kutómó
mepaae yó mole ɔla fea
teteróló, tētirape fɔlo fua
dapó. Atēru, doasi tēi fale
sirimó barape daaneta dapó,”
yalepó.

³³ Yesuné so whĭpaee fo
yó móturaalu, atēi kaae fo
salenétóró dekéro yó mótu
betalepó. Téturaalu, atima so
whĭné wosóló kisipa yaaitere
sütóró yó melaté fu betalepó.

³⁴ Ama fo yó matere dokɔ
hale mo so whĭpaeta, ti
fo sale fonémaaté yó mótua
yalepó. Téyaletēi, ama yó

matere whĭrape atimasisi
bituraalu, ti ama yó matere
forape fea bete tokóló yó
mótua yalepó.

*Yesuné wēi asya bérale fo
(Mat 8:23-27, Luk 8:22-25)*

³⁵ Atētu beteró, be dikitere-
tamo ama yó matere
whĭrapepaee duraalu, “Də
nukutamó uté tē faalopa
fiépe,” yalepó.

³⁶ Ai so whĭ atima wēi
fókumó betó mupatei taaróló,
Yesu ą nukumó hale betēpa,
ama yó matere whĭrape
atima maaté felepó. Atéro
fupa, mepaae nukurapekélé,
atima fea betamó felepó.

³⁷ Téró ai wēi tuamó fu
betalemó, doakale besé
tikiró wēi asyatamo hapale
sókó wouraalu, wēi nuku
dolopaae bosene dorowóló,
kale nuku mo felekemó buó
deyaai yalepó.

³⁸ Até depatei, Yesu ą nuku
sisóratere salemó toró mulóló
noke fipa, ama yó matere
whĭrapené ą turukuróló du-
raalu, “Yó matere whĭ-ó, də
wēiné mió mo felekemó sóró
i aluratapa, naao də kolenié?”
yalepó.

³⁹ Atétepa, Yesu ą turukó
holóló, kale wēi asyaró besé
tikitamó foné sóró duraalu,
“Ai whaaui yóló hoteretei
taaróló, béyóló dono fae,”
yalepó. Téyalemó, kale wēi
asyaró besé tikitamo tukóló
béyóló dono felepó.

⁴⁰ Ai fo yóló, ama yó matere
whĭrapepaee duraalu, “Diə
noatepa wiyóló diri furu furu

dute? Diã tuê tiki tiróló bitini airapó,” yalepó.

⁴¹ Ai fo deremó, winé sukóló atimasisitei duraalu, “Haió! ą noa whinė dérópó. Kale wêi asyaró besê tiki-tamonékélé, ama dere fo wosóló, ą aqómó sukóló bitupó,” yalepó

5

Dowi kepe betere whi wisirale fo

(*Mat 8:28-34, Luk 8:26-39*)

¹ Téró, atima ai wêi kęła teyóló Kadarin whirapené hae kwiamó sókó felepó.

² Atéró fóló, ą nuku taaróló hae taopaae taae felemó, betą dowi keperape tepeyóló betere whi, whi douratere tikimó biti Yesutamo hokolaayaa walepó.

³ Ai whi ą mo bemó bitini, whi dou tómó bitua yalepó. Atére whi mené mo kępiné ó dirii *sein* kępinékélé ą dokonénipó.

⁴ Take suka fea *sein* kępiné ama hóró naasetamo dokotua yalemó, ama fotokónetei hęle turukó falatua yalepó. Atéreteiné whinėkélé ą tawóló dokóló bęranénipó.

⁵ Ai whi ąta, sukatomokélé, dikitamokélé, be dętere dokó fea whi dou tómó bituraalukélé, du sorokó mole tikimó bituraalukélé, doasi keteré yóló, amatei ama tiki kapo fosóné tikitua yalepó.

⁶ Atétu betere sekéné Yesu mo umó daapa ą sururu yóló wóló kelalemó, Yesu doa whiapa kilituraalu, ama hó

aqómó bukutiri teyaró biti derepelepó.

⁷ Atéró bitu, fo fake yóló Yesupaae duraalu, “Yąta, ó sę taoró teęteró betere Tale Kótóné Naalemapa, naao ępaae noa alakó eraai waleé? Naao ę dele seróló susupu eraalomeipóló, Kótóné doi yóló dirii malo dumié?” yalepó.

⁸ Ai fo depa, Yesuné kale whipaae duraalu, “Dowi kepe-ó, ą ai whi tuamó betereitei taaróló sókó fae,” yalepó.

⁹ Ti fo fóló, Yesuné ąpaae woseturaalu, “Naao doi deé?” depa, ama tokó mótu duraalu, “Yąlo doita Lisanipó. Dą mo hęle ęła kaae i betó mole ape,” yalepó.

¹⁰ Atéró Yesupaae atima betere tiki taaróló fópóló hękonaęse fo momó du, momó du, du betalepó.

¹¹ Ai du sokore aqómó, hupurape mo hęle ęła kaae kimimó dae molepó.

¹² Atępa, kale dowi keperapené Yesupaae duraalu, “Dą ai hupurape tuąpaae biti derepaai dapa, naao dą dotonaasepe,” yalepó.

¹³ Ti fo deremó, Yesuné atimapaee téyae, depa atima kale whi tuamó betaletei taaróló sorokó furaalu, hupurape tuąpaae bitiņa yalepó. Atętepa, kale hupurape atima botokó feletikimó, kulamó doropóló węiné sorokó fóló, mó fea sisiraae felepó. Ai hupurape dokó sóró touróturaalu, 2000-rópó.

¹⁴ Atétere ala kolóló, kale ai hupurape kaae tare wh̄rape atima botokó fóló, ipu bemó betó mole wh̄raperó doasi be hulua mó betó mole wh̄rapetamopaae i ala yalepóló ene felepó. Tétepa, kale so wh̄i atima doasi be hulua tuámó noa alakó du bitu dérópóló, kelaai felepó.

¹⁵ Atéró, atima Yesu betere tikimó sókó wóló kelalemó, dowi keperape mo h̄ale ɔla kaae tepeyóló betale wh̄itei kuti wisi deróló mo kisipa wisi mole wh̄i kaae betepa kilitu, atima wiyalepó.

¹⁶ Téró, ai ala depa kelale so wh̄iné mepaae wale so wh̄ipaae i kale wh̄i tuámó betale dowi keperape h̄okonale alaró hupurapepaae erale alatamo fea yalepó.

¹⁷ Atei fo woseturaalu, so wh̄iné Yesupaae, “Ȳa atima betere hae kwia taaróló fae,” yóló, s̄etu betalepó.

¹⁸ Ai fo deremó, Yesu ɔ nukupaae bit̄i derepaai depa, kale dowi kepe tepeyóló betale wh̄iné Yesupaae, “Akélé ȳatamo fenére?” yóló wosalepó.

¹⁹ Tétepa, ai wh̄i ɔtamo faai waqsóró seséyóló duraalu, “Talené kolené sukutu ȳapaae erale ala naao hae aya, no nerapepaae yó melaai fae,” yalepó.

²⁰ Ai fo depa, kale wh̄i ɔ atéyale tiki taaróló, Dekapolis be huluarapepaae fóló, Yesuné ɔpaae erale ala so wh̄i feapaae yó melalepó. Téyalemó, kale so wh̄i mo feané ai dere fo woseturaalu,

hai-ó! yóló siratu betalepó.

Suk̄ale senaaleró bet̄a kisi daale sotamo wisirale fo

(Mat 9:18-26, Luk 8:40-56)

²¹ Téró, Yesu ɔ nukumó kale wēi momó ipaae t̄e wóló daapa, so wh̄i mo dekéró ɔ beterepaae boper̄ale wóló betó molepó.

²² Yesu ɔ atéró beteremó, Kótóné fo wosetere be kaae tare topo wh̄i Jairus wóló Yesu kelalemó doasi wh̄ipa kilitu, ɔ daale aqmó deraaipisa fóló muluraalu, i fo yalepó.

²³ “Doa wh̄i-ó, ȳalo senaale felekemó suk̄aii depa ɔ ȳa k̄ele walepa, kisi bete wisi ȳópóló, ama tikimó naao naase mulaasepóló mo miótóró damo wusuró faalopó,” du betalepó.

²⁴ Ai fo depa, Yesu ɔ kale wh̄itamo wusuró fupa, so wh̄i mo feané atimaamo busuró felepó.

²⁵ Atima atéró fu betepa, 12 ba fo tuámó hepo daalu samea fu betere so bet̄a walepó.

²⁶ *Dokta* wh̄irape feané kale so wisiraaí dapóló, fea ala fea yalemó wisini, atimané ai yale alané kale soné kisi betetei mo ti fake yalepó. Téturaalu, ama *monikélé* h̄ale kemeralépó.

²⁷ Yesuné mepaae so wh̄i wisiraté kutu beterapó dere fo kale soné wosóló, ɔ so wh̄i kuamó buté buté wóló, Yesuné kuti salemó wolaayó salepó.

28 Ti noatepae, kale soné ama tuéné Yesuné kutimó maaté wolaa depa, ama tiki tuamó daale kisi bete wisiyaalopó kisi pa mutu wolaayalepó.

29 Atéro, wolaa dereta-motóro kale so a samea fu betaleteti tikituraalu tiki felétepa ama kisi bete mo ti kemeyalepó kisi pa mualepó.

30 Até yale tikimó, Yesuné ama fotokó sókó foleteti kisi-paru, a so whi kua dolomóte fetée fóló duraalu, “Yalo kutimó né wolaa yaleé?” yalepó.

31 Tétepa, ama yó matere whirapené apaae tokó mótu duraalu, “Mo turó so whiné ya ai betekini betekini du betetera, e né wolaa yaleé? fo-a, noatepa de?” yalepó.

32 Tétepa, Yesuné a wolaayale whi kelaai kelené dokó du betalepó.

33 Atétepa, kale soné apaae erale alamó tué muturaalu, a witamo diri furu furu du bitu Yesu daale aomó deraapisa fóló mulu, ama mo yale alatóro fea Yesupaae hakearóló yó melalepó.

34 Tétepa Yesuné kale sopaae duraalu, “Ti senaale-ó, naao tué tiki tiró betale alané ya dele su betale kisi bete ai wisiyalepa, naao hosaa muni deóló dua fae,” yalepó.

35 Kale sotamo ai fo du betepatei, Kótóné fo wosetere be kaae tare whi Jairus-né ama be whirape wóló apaae duraalu, “Naao senaaleta mo ti sukalepa, ai yó matere

whipaae naao me fo kae ini, ama teópóló taalae,” yalepó.

36 Ti fo depa Yesuné atimané ai dere fo sisópaae eróló, kale fo wosetere be kaae tare whipaae duraalu, “Ya whaalia yóló dei tué muni, tué tiki betá tirae,” yalepó.

37 Mepaae whirape atamo faaitapóló waqsóro seséyóló, Pita, Jems, ama noma Jon atima betá atamo faai dape salepó.

38 Atima atéro fóló, kale fo wosetere be kaae tare whiné bemó sókó felemó, so whi mo hale ɔla kaae kale senaale bopé tó mó betó muluraalu, mo dekené sukí moló yóo, mepaae so whi ti atima hosaa tuamó dekené sukuturaalu, wole kaape maaté dorowóo, mepaae so whi ti hale fo tiki whaa yóo, du betepa ke-lalepó.

39 Atéro, Yesu a be tuapaae fóló, aimó betó mole so whipaae duraalu, “Di a fo tiki whaaró wole-utamo noatepa du bitute? Ai senaaleta mo ti sukuni, kapala noke ai fire ape,” yalepó.

40 Ama ai fo deremó, kale so whiné a do nalalepó. Tétepa, Yesuné mo so whi fea belapaae hokó faróló, atamo wale whiraperó kale senaalené hamaró alimatamo betá kale senaale mole be dolopaae felepó.

41 Téro, Yesuné kale senaale naasemó tao sóro duraalu, “*Talita kum*” i fo feteyóló “Ti senaale-ó, yalo yapaae dapa turukó holae,” yalepó.

⁴² Ai fo deretamotóro kale senaale turukó horóló kweyalepó. Ai senaale a betale ba fota, 12-rópó. Ai be dolomó atamo daae mole so whiné atétere ala kilituraalu, hai-ó! yóló siratu betalepó.

⁴³ Atéro, Yesuné atimapaee i ala yalepóló mepaae so whipaae momókó deté kweyaqse yóló fo mulóló, kale senaalemó qlakó melae yalepó.

6

Kótóné kóló whi ama bemó doi munire fo

(Mat 13:53-58, Luk 4:16-30)

¹ Téró Yesu a atéyale be taaróló, ama yó matere whirape atima ama turuku be huluapaae felepó.

² Atima atéro fóló bituraalu, kale sa nóló beterópóló tukóló muló betere sukamó a fo wosetere be dolopaae fóló, fo kaae sóro yó melalepó. Atéro yó melalemó, so whi feané ama yó matere fo wosóló sirayóló duraalu, "I whiné ama tué tiki dotoróe fóló du betere doasi kelemei alarapea, momó salerópó?

³ Ti ata whi me kae mei, kale Mariané naalema be tetere whi meié? Ama nomarapeta, Jems, Joses, Saimon, Judas-sépi atima imó bitinié? Ama nemarapekéle, datamo i betó mole ape," yóló atimané a hale mo whi nisiyóló dei tué muturaalu faletu betalepó.

⁴ Ai fo depa Yesuné atimapaee duraalu, "Kótóné ama kóló whi kae be huluapaae fupa ti ai so whiné a dukiróló, ama doi sóro horótu beteretei, ama kekelé so whiró ama turuku be hulua so whitamóné a dukiróló, ama doi mulatere ala dumipó," yalepó.

⁵ Atéro a ai bemó bituraalu, mepaae kelemei alarape erénitei, betá betá hepo daae mole so whi maaté ama naase mulóló, wisirótua yalepó.

⁶ Atéro, so whi feané apaae tué tiki tirénitere noatapa dérópó kisipa mualepó. Téró, felekemó teté fale be hulua dokó Yesuné kale fo wisi yó melaté fu betalepó.

Yesuné 12 whirape doteyale fo

(Mat 10:5-15, Luk 9:1-6)

⁷ Ama sóro betéro betere 12 whirape a beterepaae ape yóló, so whi tuamó betere dowi keperape doló hokonópóló, atima fotokó bulóló sóro beteralepó.

⁸ Atéyale kilipaae atima tamo tamo yóló dotonaaairaaalu, etei ma fo yalepó. "Diá furaalu mepaae nokole qlakélé, monikélé to dolomó bulóló faqse.

⁹ Tétu, bukaaire kutikélé me dekaaporóló sóro feni, hokele be betá horóló, dotó tiki tawóló fae.

¹⁰ Diá me be huluamó sókó furaalu, betá whiné bemó fitepa, ti ai bemótóro bitiré fóló, me bepaae furaalu, ai be taalae.

¹¹ Kale dere kaae, diꝓ me be huluamó sókó feꝓalemó, diꝓ wisiyóló dape seni yóo, diaaꝓ dere fokélé woseni yóo depa, diꝓ faairaalu i ala yae. Ai be hulua so whꝓ diaaꝓ atimapaee wisi ala eraai yalemó, atimanétei hôtepa taaróló felepoló kisipa yópoló, diaaꝓ hõleke bemó dakere hae terepée deróló fae,” yalepó.

¹² Atima atéro fóló, kale fo wisi yó mótu duraalu, “Diaaꝓ dowi ala taaróló tué tiki feteyóló betenérápóló,” yó melaté kutu betalepó.

¹³ Atima atéro kuturaalu, mepaae so whꝓ tuamó betere dowi keperape doló hõkonótua yóo, mepaae kisi dalóló mole so whꝓ *wel* weꝓ dilóló wisirótua yóo, yalepó.

Jon depa tikale fo

(*Mat 14:1-12, Luk 3:19-20, 9:7-9*)

¹⁴ Yesuné erótu betere kelemei ala so whꝓ feané kolóló duraalu, “Aita, weꝓ tópuratere whꝓkó Jon mo sukópóló daletei, momó kepaayóló beterapó. Atére fotokõné ama mepaae doasi kelemei alarape erótu beterapóló,” so whꝓné ama doi só kotere fo kale topo whꝓ Herot-né wosalepó.

¹⁵ Atépa mepaae so whꝓné duraalu, “Aꝓa Ilaija kepaayóló beterapó,” depa, mepaae so whꝓnémo duraalu, “Aꝓa, Kótóné kóló whꝓkó du yalepó,” du betalepó.

¹⁶ Atéro kulu kulu só kotere fo topo whꝓ Herot-né wosóló duraalu, “Ai whꝓta me kae mei, yaꝓo depa tukóló dale

whꝓ Jon momó kepaatu yalepó,” yalepó.

¹⁷⁻²⁰ Ai alata haꝓe ini, Filip-né so Herodias noma Herot-né tokóló dokalepó. Atéteremó, Jon-né kale topo whꝓ Herot-paae, “Naao noné sotei tokóló dokotere ala fo mulapó,” yalemótei, Herot-né ama diki tare whꝓrapepaae Jon dapesó fóló, diriꝓ kèpiné dokóló, “*Dipula* beterae,” yalepó. Atéteremó, kale so Herodias a doasi fopaae buturaalu, Jon daaitere tu kikitu betalepó. Téyaletei, Herot-né Jon a mo donoi alamaaté yó tapa, Kótóné mo kae beteró betere whꝓ wisipóló kisipa mutu, ama somané yaaꝓ dere ala seséyalepó. Ti noatepaae, Herot-né Jon-né du betere fo ekẽle yóló wosetu betaletei, ai foné bete ama kisipa seni, kóló kóló yalepó.

²¹ Téro, Herodias-né Jon daaire tu keketé fóló, nalo ti etei kaae tu kelalepó. Herot a deale be de wapa, ama sóró beteró betere doasi whꝓrapemókélé, ama diki tare whꝓrapené topo whꝓrapemókélé, Kaleli haemó betó mole doi mole whꝓ disirapemókélé, mo doasi ɓla deralepó.

²² Atima atéro ɓla deyóló nuku betalemó, kale so Herodias-né senaalema sókó wóló, kꝓliyaletiné Herot-ró ama ɓla naai wóló betó mole so whꝓtamo doasi hekeserótu betalepó. Atéteremó a hekeseturaalu, kale topo whꝓné kale so seimalepaae duraalu, “Yaꝓ noa ɓlakó saai

tué mute? Naa saai tué mutere ɔla yało melaalopa, ɛpaae yae,” yalepó.

²³ Atéro, Herot-né kale so seimaletamo mo dirii fo yóló mulótu duraalu, “Yało teteróló kaae tare haekélé tuamó tekeyóló, ó mepaae ɔla ɔla kwiapaae ya saai tué mutepa, yało ya melaalopó,” yalepó.

²⁴ Ai fo depa kale so seimale a fóló, hamapaae woseturaalu, “Emó noa ɔlakó melópóló apaae yaróe?” depa, hamané duraalu, “Kale wei tópuratere whi Jon depa tukóló, ama topo du betá ɔlae yae,” yalepó.

²⁵ Ti fo depa, kale senaale hamané dere fo wosóló, a kale doasi topo whi Herot beterepaae fóló duraalu, “Kale wei tópuratere whi Jonné topo mo miótóróti tukóló, nuku tómó beleróló ɔlae,” yalepó.

²⁶ Kale senaalené ai fo deremó, Herot a fomo duraalu, kutiri humula yalepó. Téyaletei, ama ɔla naai wóló betó mole so whi feané keletómó, ama yóló mulale dirii fo tikinépa, téyaalopó yalepó.

²⁷⁻²⁸ Atéro, Herot-né hapale tétítóro kale whi du betere whipaae duraalu, “Ya *dipula* bepaae fóló, Jon depa tukóló ama topo du sóro ape,” yóló doteyalepó. Tétepa kale whi fóló, Jon depa tukóló topo nuku tómó beleróló sóro wóló, kale so seimalepaae melatepa, amamo hamapaae male felepó.

²⁹ Jon atéro depa tikalepó dere fo woseturaalu, ama yó matere whirape wóló, ama tupuló tiki betá sóro whi bulatere kane dolomó douralepó.

Yesuné 5000 whi ɔla melale fo

(*Mat 14:13-21, Luk 9:10-17, Jon 6:1-13*)

³⁰ Téro Yesuné doteyale, *aposel* whirape atima a beterepaae fesaae wóló Yesu boperóló daalu, atimané yó male foró yale alatamo apaae yalepó.

³¹ Atéro yó mótu betepa, so whi mo fea fua wua du bituraalu atima ɔla naaire tekélé munipa, Yesuné atimapaae duraalu, “Da i betere tiki taaróló, so whi bitinire tikipaae ɔa nóló biti faalopa ape,” yalepó.

³² Atéro, atimasisi so whi bitinire tikipaae betaai wei nukumó felepó.

³³ Téyalemó so whi feané atima foletai kolóló, atimatamo hokolaa yaairaa, Yesusépi faai dere tikipaae hae tumó so whi atimapi hapale sókó fóló betó molepó.

³⁴ Atéro, Yesusépi atima nuku taaróló, haepaae taae doropóló kelalemó, so whi mo hale ɔla kaae wóló betó molepó. Ai so whita kaae tare whi meiyóló, atima kɔleané betó mole *sipsip* hupurape kaae betepa kilitu, Yesuné atima kɔlené sukalepó. Téturaalu, Yesuné atimapaae bete mole forape fea yó melaai kaae salepó.

35 Atéro yó melaté fu betepatei, be mo ti dikiyalepó. Atétepa, ama yó matere whirape a daalepaae wóló duraalu, “Doai so whi-a, whikélé bitinire tikimó betepatei, be ai diki yale ape.

36 Térapa, ti felekemó tē mole beraperó ipu berapeta-mopaae ɔlakó atimanétei dupuyóló naleta yópóló, dotēyaasepe,” yalepó.

37 Ai fo depa ama atimapaee duraalu, “Atimané naaire ɔla diaaɔtei melae,” depa, atimané aɔpaae duraalu, “Atima naaire ɔla 200 *denarias moniné* sūmó dupunére?” yalepó.

38 Ai fo depa ama atimapaee duraalu, “Ti wisirapa, *bred* o bulakó meteró muléro kēle fae,” yalepó. Ai fo depa, atimané kēle fóló aɔpaae duraalu, “*Bred* o bula aporó yóo, ya tamo yóo yóló betā mulapó,” yalepó.

39 Atépa ama atimapaee duraalu, “Bukóló kae kae beterae,” yalepó.

40 Ai fo depa, ama yó matere whirapené kale so whirape dosāyóló, 100 whirape betāpaae yóló kae beteroó, mepaae 50 whirape betāpaae yóló, kae beteroó, yalepó.

41 Atéro beteróló, kale *bred* o bula aporó yóo, ya tamo yóo yóló, taru hepen-paae kese horóló momaturaaalu, Talepaae mo kée yóló kemetepa, kolokóraalu yóló, ama yó matere whirapepaae melalepó. Tétepa atimanémo mo so whimó ɔliralepó.

42 Atéro, ai ɔla atima mepaae so whi ḥasókó dini, mo fea sūmó nalepó.

43 Atéro nóló muni fele *bred* oró ya bukitamo ama yó matepa, wosetere whirapené siré kwēyóló, 12 yorape deyóló faanalepó.

44 Soraperó naale senaale-tamo dosāani, ai ɔla nale whirape maaté dosāyóló touróturaalu, 5000 whirapepó.

Yesu wēi tómó daaté fele fo (Mat 14:22-33, Jon 6:16-21)

45 Atétu beteró, mo ai fapotóróti Yesu a ai touró betere so whipi fópóló kaae taru, ama yó matere whirape atimapi wēi nuku sóró Betsaida bepaae fópóló, dotonalepó.

46 Atéro, nalo Yesu a ama wotoró bituraalu, so whipaae kōle-ó yóló fópóló dotonóló, a du sorokó mole aɔpaae moma yaairaaalu felepó.

47 Atéro be dikité dorowale-tamo, Yesuné ama yó matere whirape atima nukutamo wēi kulu tuamó fu betepa, a ama wotoró wēi fókumó beterepó.

48 Atéro bituraalu ke-lalemó, ama yó matere whirape atima nuku bisiki fotokoyóló ɔtu betepa kelalepó. Ti noatepae, atima faai fole tikiró besé tiki wouraaalu, fotokōné bisiki tētepa, mo fotokoyóló ɔtu betalepó. Atétu betepa, be mo deyaai du beteretamo Yesu a atima dekeróló faai, wēi tómó daaté walepó.

49 A wēi tó mó atéro daaté waletēi atima feané kolóló, kepe wale nisyóló wituraalu atima keterē yalepó.

50 Até deretamo Yesu sókó wóló atimapaee duraalu, “Ita ēpa, wiyaqse. Diaaq hosaa diriyóló dua betae,” yalepó.

51 Yesu atéro wēi tó mó daaté wóló, nuku tuāpaee taae holalemó, kale wou betale besē tiki tikalepó. Atétere ala kolóló, kale whīrape atima siratu betalepó.

52 Atéro ɔla kolokó daalu yóló nale bete atima wisiyóló kisipa muni, atimané tuē tiki hapólu ipakalepó.

53 Atéro, atima wēi tē Kene-saret haeró fóló, kale nuku ai dulalepó.

54 Atima atéro, nuku dulóló haepaae taae feletamotóro so whī mo feané Yesu kilitu, a Yesupóló kisipa yalepó.

55 Atéro, Yesu kelale so whī mo hapale fóló, ai hae kwiamó tē mole be hulua feamó hepo daróló betó mole so whī beleyóló, Yesuné wisirópóló, a kotere tiki dokosó fua yalepó.

56 Atéro Yesu a sawa be huluarapepaaekélé, doasi be huluarapepaaekélé, ipu berapepaaekélé, kotopa so whīné ai ala deté kutu betalepó. Atéturaalu, mepaae ai be huluamó hepo dalóló betó mole so whī ɔla dupuneta dere tikimó beteraleta yalepó. Atéro betó mulu, Yesupaae woseturaalu, “Naao kuti salemó maaté dané wolaa yó su yaaitapóló,” dotopoi fo du betalepó. Atéro,

Yesuné kuti salemó maaté wolaa yale so whī fea wisitua yalepó.

7

Bólu inipatei fokotere fo (Mat 15:1-20)

1 Atéro, kale mepaae Farisi whīraperó Moses-né yóló muló betere fo yó melatere whīrapekó mepaae whīrapetamo atima Jerusalem be taaróló, Yesu beterepaae wóló a bopéróló betó molepó.

2 Atima atéro wóló betó mulu, Yesuné yó matere whīrape atima naase fokoni, ɔla nuku betepa kelalepó. Atétepa, kale whīrapené duraalu, “Da ɔla naai naase fokutu dere kaae atimakélé fokotere noatepa dérópó,” du betalepó.

3 Ti noatepae, kale Farisi whīraperó Judia whīrapetamo atima alimara-pené mara mole ala sya furaalu, naase bólu epa, ó bólu inipatei naase fokonitepa, ti atima ɔla naalomeipó.

4 Atéturaalu, atima ɔla dupuneta dere tikipaae fi wóló, atimané tiki bólu inipakélé wēi tópunipa, ti atima ɔla nukua dumipó. Téturaalu, atimané alimara-pené kae kae mara mole alarapekélé hotowa yóló sya fu dere kaae, atimané ɔla detere wutirape ó wēi nokole wutirapekélé fea fokóló nukua dapó.

5 Atéreteiné kale Farisi whīraperó Moses-né asere fo yó matepa whīrapetamoné Yesupaae duraalu, “Naao

yó matere wh̄irapené d̄ané ayarapené mara mole ala sya fóló, atimané naase fokonipatei ɔla nukua dere-a, noatepa de?" yalepó.

⁶ Ai fo depa Yesuné atimapaee tokó mótu duraalu, "Kótóné ama kóló wh̄i Aisaiané dīa tó tikiné sik̄ilire wh̄irapemó tūe muturaalu, i fo mo donotóro aseyóló muló betera-pó.

'I so wh̄i atimané hosaa tuamó ɛ sóro betere nirute, h̄ale kólóné maaté yalo doi hale sóro horótu betera-pó.

⁷ Atimané yó mótu betere fota, bete munipatei mo wh̄iné kisipané kekeme nóló i ala yae ó yaose du betera-pó.

Atima ɛ aqmó bitinirutei, h̄ale foné maaté Tale-ó du betera-pó,' erapó.

⁸ Ti diaaɔ ayarapené mara mole alatóro h̄ale sya fu bituraalu, Kótóné yae yóló muló betere fo eréni, taaló ai betere ape," yalepó.

⁹ Téró ama atimapaee duraalu, "Kótóné yae yóló muló betere fo sisópaae eróló, dīané ayarapené mara mole ala wisirapóló ai sya fu betere ape.

¹⁰ Ti noatepae, Moses-né i fo aseyóló muló betera-pó.

'Naao ayaró haetamo aqmó sukóló bituraalu, atimaamoné doi hale sóro horótu betae,' erapó. Me fo i ape. 'Mepaae wh̄iné ama hamaró alimatamo tekeratere fo depa,

atétere wh̄i mo ti sukópóló dae.' fo aseyóló muló betera-pó.

¹¹ Ai fo epatei, diaaɔ i fo du betera-pó. 'Mepaae wh̄iné ama hamaró alimatamopaae duraalu, "Yalo mole ɔla ɔla diaamo tao sóro móluɔatei, Kótópaae melaletiné dīamo werapó. Yalo mole ɔla feata, Koropani, ai fo feteyóló Kótó melale ɔlapóló mo so wh̄iné supa, ti fo mulapó," ' dua dapó.

¹² Kale mepaae wh̄iné ama hamaró alimatamo tao saairetei diaaɔ atétere alané sesétu betera-pó.

¹³ Ti dīata, diaaɔ ayarapené mo deté wale mara mole ala sya furaalu, Kótóné fo h̄ale ɔla kaae aqrótu betera-pó. Take ai ala deté wale kaae, mió diaaɔkélé atei kaae alarape h̄oko ai du betere ape," yalepó.

¹⁴ Téró, Yesuné kale mo so wh̄i ɔ beterepaae momó ape yóló duraalu, "Dīa feané yalo i dere fo mo diriyóló wosóló tūe muae.

¹⁵ Mo nokole ɔla wh̄iné tiki tuapaae durupuraalu wh̄i dorótimpó. Tényi, wh̄iné tiki tuamó kaayóló sókó wale alané bet̄a wh̄i doratapó," yalepó.

¹⁷ Atéro, Yesu ɔ ai so wh̄i betepa taaróló, fóló bemó betere-mó, ama yó matere wh̄irape ɔ beterepaae wóló, ama kale yale fo sale fo noa betené yalerópóló apaae wosalepó.

18 Ai fo depa ama atimapaee duraalu, “Diakélé, diaaḡ kisipa tiki hapólu eru-raalu, yaḡo ai yale fo bete tuéni airapó. Mo nokole ḡla whiné tiki tuḡpaee doropóló whi doréni deretei, diḡ kisi-panié?”

19 Ti mo nokole ḡlata, whiné hosaa tuḡpaee sókó fumitei, depepaee doropóló, di alée fulapó,” yalepó. Yesuné ai fo ereteiné nokole ḡla fea naaitepa fo munipa, nae erapó.

20 Ai fo tómó olekeyóló atimapaee duraalu, “Whiné tiki tuḡmó kaayóló belapaae sókó wale alané betḡ whi doratapó.

21-23 Ti whiné hosaa tuḡmó kaayóló wale alarape i ape. Dei tué mutere alakélé, aḡni kae kae ḡoko nópu nokole alakélé, mené ḡla ḡlémi sere alakélé, whi dele alakélé, nópu nokole alakélé, fea ḡlamó ekéle dere alakélé, me whitamó dei tué mutere alakélé, kapala dilikitere alakélé, mo enénire dowi alakélé, mené ḡla senée yóló dei tué mutere alakélé, me whi eratere fokélé, seké whipóló bopé faketera alakélé, wisi tué muniru, sonaalei ḡoko du betere dowi alakélé, ai dosḡayale alarape fea whi tuḡmó kaayóló wouraalu, whi dorótua dapó,” yalepó.

Juda meire soné kisipa tiki tirale fo

(Mat 15:21-28)

24 Téró Yesu ḡ ai be taaróló, doasi Tair be hulua bopéróló te mole berapepaee felepó. Atéró, ḡ betḡ whiné be dolomó fóló betepa, mepaae whirapené ḡ kelaḡsóró bope yaḡse yaletai, ḡ kinóló betenénipó.

25 Ḃ atéró beterapó dere fo betḡ dowi kepe tepeyóló betere senaale hamané wosóló, ḡ Yesu beterepaee hapale sókó walepó. Atéró, ḡ Yesu daale aḡmó deraapisa fóló fió mualepó.

26 Ḃta Juda fake mei, Krik so ḡ hamané Siria haemó teḡe be Fonisiamó dealepó. Ai so Yesu daale aḡmó fió mulu duraalu, “Yaḡo senaale tuḡmó betere dowi kepe naao ḡkónaasepé,” du betalepó.

27 Ai fo depa, Yesuné kale sopaae duraalu, “Folosóró naale senaalené nokole ḡla atimapi nópóló melae. Ti noatepae, atima sumó nénipatei, yuwirape nópóló matere ala dorapó,” yalepó.

28 Ti fo depa, kale soné ḡpaee tokó mótu duraalu, “Tale-ó, aita mo deretei, kale keteirapené ḡla ni fake tómó beleróló nokole folope sorokóta deretei ḡḡrapenékélé nukua dapó,” yalepó.

29 Ai fo depa, Yesuné kale sopaae duraalu, “Naao ai dere foné naao senaale tuḡmó betere dowi kepe sókó felepa, dua fae,” yalepó.

30 Ai fo depa, kale so ḡ ama bepaee sókó fóló senaalema kelalemó, ama tiki tuḡmó betere dowi kepe sókó fóló,

beseke tó mó ą feléyóló fió molepó.

Kólóró wosélitamo kine whi wisirale fo

³¹ Atéro Yesu ą ai Tair hae kwia taaróló, Saidon hae kwia tuámó teyóló fóló, Kaleli wẹi fókumó tẹ mole be Dekapolis hae kwiamó sókó felepó.

³² Yesu atéro sókó fóló beteremó, betą woséli kiyóló fokélé alure whi Yesuné wolaa yópóló, atimané dapesó wóló beteralépó.

³³ Atéro betepa, kale so whi daae mole tiki taaróló, Yesuné depaae dapesó fóló daalu, ama naase doų tamo kale whiné woséli dolopaae kesekée faróló sókó salepó. Atéro, ama naase doųmó fesąa fe eróló, kale whiné hapemó wolaayalepó.

³⁴ Atéro, Yesu ą hepen-paae kese horóló fomo sókó faróló duraalu, “Epapeta” i fo feteyóló, “Kineti tukwe fae,” yalepó.

³⁵ Ai fo deremó, kale whiné kine woséli tukwe fóo, ama kólókélé tukwe fóo duraalu, fo du betere whi kaae, fo kaae sóró yalepó.

³⁶ Atéro, Yesuné atimaae erale alarape mepaae whipaae, “Yaqse,” yóló fo mulatei, Yesuné yale ala so whi feapaae deté kweyóló fakeralepó.

³⁷ So whi feané atétere fo wosetu, sirayóló duraalu, “I whiné du betere ala feata, mo kokoi ala alamaaté erótua dapó. Woséli kine whitei

tukwe falóo, kóló nomone whikélé fo yóo, dapó,” du be-talepó.

8

Yesuné 4000 whi ọla male fo

(Mat 15:32-39)

¹⁻² Atéro kale yale kaae, mepaae so whi mo dekéro ą beterepaae tourale wóló betó molepó. Atéro betó mole so whi atima naaire ọla meipa, ama yó matere whirapepaae ape yóló duraalu, “I so whi sore sukamó ẹtamo bituraalu, ọlakélé néni, hałe betaletiné atima ẹ mo doasi kolené sukutapó.

³ Ti atima mepaae so whita, saletómó waleteiné wote siri hałe fópóló dotonatepa, tu tuámó wotené sisiraae faqsóró dapó,” yalepó.

⁴ Ti fo depa, ama yó matere whirapené ąpaae duraalu, “Aita mo deretei, so whikélé meitikimó atimané naaire ọla-a, momó mupa melaaloé?” yalepó.

⁵ Ai fo depa, Yesuné atimaae woseturaalu, “Ti diąné bred o bulakó meteró mule?” depa, atimané ąpaae duraalu, “Wẹikeró o bularape betą mulapó,” yalepó.

⁶ Tétepa, Yesuné ai betó mole so whi fea hae tikimó betae yóló, kale bred o bularape ama sóró taru, Talepaae mo kée yóló, momayalepó. Atéro momayóló kemetepa, Yesuné kolokó daalu yóló, ama yó matere whirapepaae melae depa,

atimanémo, kale so whimó ãliróló melaté kwęyalepó.

7 Téró, ama yó matere whirape atimané toróti mole ya belekaatikikélé melatepa, Talepaae mo kée yóló, atimapaee duraalu, “I yarapekélé nópóló, melaté kwęyae,” yalepó.

8 Atéro, atima nóló sũturaalu buki muni feletei, ama yó matere whirapené daseté kwęyóló, węikeró yorape faanalepó.

9 Atima ai ęla nale whirape dokę sóró touróturaalu, felekemó 4000-whirapepó.

10 Atéro kemetepa, ai betó mole so whi fópóló dotęyóló, Yesu ą ama yó matere whirape atima Dalmanuta hae kwiapaae nukutamo felepó.

11 Atima atéro fóló betepa, mepaae Farisi whirape Yesu beterepaae wóló, ąpaae kae kae wosetere fo du betalepó. Aita, ą kęae kolóló sũ suraalu, naao hepen bemó mole kelemei alakó ąamaletamo kelaai dapa, eranénié? du betalepó.

12 Atéteremó, Yesu ą fomo sókó faróló atimapaee duraalu, “Dią mió i alimó betere so whiné me kelemei alakó kelaai erae du betere-a, noatepa de? Talené diąpaae kelemei ala me kae eraalo meipóló ęalo diąpaae mo i dere ape,” yalepó.

13 Ai fo du betéro kemetepa, kale so whi betó mupatei taaróló, atima nukutamo węi fóku utéro momó tę felepó.

Yist-paae dó faróló yale fo (Mat 16:5-12)

14 Atima atéro furaalu, mepaae ęla uté tęró mupatei kęóró *bred* o bula betę maaté atima nukumó mupa kelalepó.

15 Téró, Yesuné ama yó matere whirape kisipa mulóló ma duraalu, “Kale Farisi whiraperó Herotamoné *bred* o tópuratere ęla *yist-ta* mo doropa, wisiyóló kaae tawae,” yalepó.

16 Ai fo deremó, ama yó matere whirape atimasisitei duraalu, “I dere fota, ąané kale *bred* o bularape kęyó yóló weimó ai dere ape,” yalepó.

17 Atimasisitei atéro kęlaarótu betere fo Yesuné ama tuę yóló atimapaee duraalu, “*Bred* o meipóló, diąsisitei noatepa fo tiki kęlaarótu bitu de? Diaaę tuę tiki hapóluraalu, ai yale alarape diąné kilitu bitutei, diaaę tuęni airapó.

18 Diaaę kelenékélé mo kolóo, wosęlinékélé mo wosóo yaletai, ęalo erale alarape diaaę kisipani, ai keteréirapó.

19 ęalo aporó *bred* o bula kolokó daalu yóló 5000-whirape atima nalemó sũtepa, buki daseté kwęyóló meteró yorape deyaleé?” depa, atimané duraalu, “12 yorape deyóló faanalepó,” yalepó.

20 “ęalo me 4000 whirapemó, węikeró *bred* o bularape kolokó daalu yóló melóló, atima nalemó sũtepa, buki

daseté kweyóló meteró yorape deyaleé?" depa, "Weikeró yorape faanalepó," yalepó.

²¹ Ai fo depa, Yesuné atimapaee duraalu, "Ti ai yale alarape fea diaaḡ kolólótei, bete diriyóló tué muni airapó," yalepó.

Betsaida bemó kele dilikire whi wisirale fo

²² Atétu beteró, atima Betsaida bemó sókó walemó, mepaae whirapené beta kele dilikire whi Yesupaae ḡ wolaa yae yaairaaalu dapesó walepó.

²³ Atéro wapa, ai be hulua taaróló, depaae Yesuné kale kele dilikire whi naasemó tawóló felepó. Atéro fóló, kale whiné kelemó fesḡa apuróló, Yesuné ama tikimó naase mulóló duraalu, "Mió naao kelené me ḡlakó wisiyóló kelete?" yalepó.

²⁴ Ai fo depa, kale sekéné ama kele fisḡae faróló duraalu, "Whirape kotereteita, ni kaae tokóló só kotapó," yalepó.

²⁵ Ti fo depa, kale dere kaae momó Yesuné naasené kale whiné kelemó wolaayalemó, ama kele mo ti wisituraalu, ḡla ḡla diriyóló kelalepó.

²⁶ Atéro, Yesuné kale whi ḡ ama bepaae fópóló dotonótu duraalu, "Ya doasi be huluapaae feni, mo naao bepaaetóro fae," yalepó.

Pitané yaḡa Kerisopó yale fo

(*Mat 16:13-20, Luk 9:18-21*)

²⁷ Atéro, Yesu ḡ ama yó matere whirapetamo ai be taaróló Sesaria-Filipai be hulua bopéroló te mole be huluarape tuamó fu bitu atimapaee woseturaalu, "Mo so whiné e-a, depó du bitute?" yalepó.

²⁸ Ai fo depa, atimané ḡpaae tokó mótu duraalu, "Mepaae so whinéta, ya kale wei tópuratere whi Jon-pó. Mepaae so whiné duraalu, yaḡa Elaijapó, mepaae so whiné duraalu, yaḡa, Kótóné ama ḡlú whipó du beterapó," yalepó.

²⁹ Ai fo depa Yesuné duraalu, "Diaaḡ tuéné-a, e depó du bitu de?" depa, Pitané ḡpaae tokó mótu duraalu, "Yaḡa, so whi fea tetéroló kaae tanópóló, Kótóné sóro beteró betere whi Kerisopó," yalepó.

³⁰ Ai fo depa, Yesuné atimapaee duraalu, "Eḡa, Kerisopóló, mepaae so whipaae momókó bope yaḡse," yalepó.

Yesuné ḡ sukḡalopó yale fo
(*Mat 16:21-28, Luk 9:22-27*)

³¹ Ai fo yóló, Yesuné ḡpaae eraaire ala atimapaee kaae sóro yó mótu duraalu, "Whiné Naalema kae kae sekei ala mo saalopó. Mepaae whi disirapénékélé, kale mo so whimó Talepaae momaratere doasi topo whirapénékélé, Mosesné asere fo yó matere whirapénékélé eḡa Whiné Naalema meipóló, mo ti só

deraalopó. Atétepa, mepaae wh̄irapené ʔ mo ti daalotei, be dē sore kemetepa, ti ʔ momó kepaayóló betaalo ai ape,” yalepó.

³² Yesu ʔpaae eraaire ala amatei hākearóló depa, Pitané ʔ tu dēpaae dapesó fóló, atei fo ekesé yóló, foné salepó.

³³ Ti fo depatei, Yesu ʔ ama yó matere wh̄irape beterepaae fetée anóló Pita foné sóró duraalu, “Satan-ó, yā ʔalo sisópaae fae. Nao ai mole tūęta, ti Kótóné yaaire alamó kisipa muni, mo wh̄iné yaaire ala maaté kisipa mutu ai dere ape,” yalepó.

³⁴ Atéró, ama yó matere wh̄iraperó ai betó mole so wh̄i featamopaae ʔ beterepaae ape yóló duraalu, “Dī ʔ mepaae so wh̄itamo ę sya waai kisipa mutupa, ti nao yaaire ala taaróló, sisópaae mulóló, ʔ sukaaire filipaa ni naotei beleyóló ę sya ape.

³⁵ Wh̄i me dené ama betere bete me ala yāsórópóló, amatei wisiyóló kaae tapa, ti atétere wh̄i ʔ ama betere betetamo turó aluyaalo ai ape. Téretei, wh̄i me de ʔalo ala eróturaalu, i kale fo wisi erótu betere tūámó ama betere bete kemeratepa, ti ai wh̄iné betere bete aluni, mo ti muó tawaalo ai ape.

³⁶ Mepaae wh̄i de i haemó muó mole wisi wisi ęla dekérō betapaae du betere tūámó, ama betere bete mo

ti alutepa, ti ai wisirapóló kisipa mute? Mo meipó.

³⁷ Ama betere bete alutepa, momó saairaalu, noa ęlatamo dupu yaaloé?

³⁸ Mió i alimó dowi alaró nópu nokole alatamo du betere tūámó me wh̄iné duraalu, ‘Yāta, Yesu tūęru, ama ala erótu betere wh̄ię?’ yóló wosetepa ʔ witu halemó, ai wh̄iró ama fotamo ʔ tūęnipó depa, ʔpaae i fo yaalo ai ape. Kale Wh̄iné Naalema Alimané doasi doi mole dē wisinaaleró ama mo kae betere *ensel*-rapetamo wale sukamó folosóró halemó ʔ tūęnipó yale wh̄ipaae, Wh̄iné Naalemanékélé ai wh̄i ʔ tūęnipó yaalo ai ape,” yalepó.

9

Yesu kae tiki daane wale fo (Mat 17:1-13, Luk 9:28-36)

¹ Téró, Yesuné atimapaae duraalu, “Yālo dīpaae mo i dere ape. Dī mió i betó mole so wh̄i mepaae sukuni hāle betepatei, Kótóné ama tēteróló betere aqmó mole ala mo doasi fotokotamo wapa kelaalopó,” yalepó.

² Atéró apomiró be dē kemetepa, Yesuné Pita, Jems, Jon-sépi atima dape sóró doasi sokore hasi fosópaae holalepó. Atéró horóló betere mó, atimané kele tómótei, Yesuné ama daale tiki taaróló, kae tiki daane walepó.

³ Atéturaalu, ama deró betere kutikélé, mo yako kaae dē tekée fi deró betepa kelalepó. I haemó betó mole

so wh̄iné deró betere kuti de kaae aleraai fokotepakélé, ai kutiné de kaae alée fenénipó.

4 Téró aimó, atimané keletómó kale Moses-ró Elai-jatamokélé mo betere wh̄iné tiki kaae daayóló sókó wóló, Yesutamo fo du betalepó.

5 Atétere ala kolóló, Pitané Yesupaae duraalu, “Yó matere wh̄-ó, d̄a fea etéró betámó betteretei mo wisir-apó. Térapa, me ya betóo, me Moses betóo, me Ilaija betóo, yaaire furu be sore d̄ané t̄enaalopa, wisire?” yalepó.

6 Ai fota h̄ale ini, atima wituraalu, yaaire fo ketetepa, h̄oko fotei erapó.

7 Atéró daae molemó, kitikiné atima husur̄ale dorowóló, ai kitiki dolomótei fo fakeyóló duraalu, “Ita, yało mo hosaa mole naalepa, ama dere fo mo wisiyóló wosae,” yalepó.

8 Ai fo deretamótóro atimané kele kele yalemó, kale wh̄i tamo daani, Yesu ama wotoró daapa kelalepó.

9 Atétu beteró, atima ai hasi fosó taaróló durupu bitu, Yesuné atimapaae duraalu, “I yale alarape mepaae so wh̄ipaae d̄ané mió folo hapale momókó yaq̄se. Kale Wh̄iné Naalema a dóló mo ti sukunaletei, momó kepaayóló fi tikimó ti yaasepóló, mió hapale bope yaq̄se,” yalepó.

10 Ama ai yale fo wosóló, atimané mepaae wh̄ipaae ini, atimasisitei k̄laaróló duraalu, “Mo ti doló sukunóló momó kepaayóló betaalopó

dere fo-a, noa fo betené yalerópó,” du betalepó.

11 Atéró, atimané āpaae woseturaalu, “Kale Moses-né as̄ere fo yó matere wh̄irapené Tale waai teópatei, Elaijapi waalopó du betere-a, noa fo betené du bitute?” yalepó.

12 Ai fo depa, Yesuné atimapaae tokó mótu duraalu, “Ti mo dapó. Elaijapi wóló, ɔla ɔla fea ama momó donoróló mulaalopó. Téretei, Kótóné fo as̄ere tuámó i fo erapó. Wh̄iné Naalema, a mo doasi dele su betepa, atimané a faleyóló só deraalopó ere fo-a, metéli yaaireteimó ere?

13 Téretei, yało dīapaae mo i dere ape. Ilaija āta, mo walepó. Tétepa mepaae so wh̄iné kale yóló muló betere fo mo dokonóturaalu, atimané āpaae mo eranée yale alarape fea motóróti ai erale ape,” yalepó.

Dowi kepe betere naale wisirale fo

(Mat 17:14-21, Luk 9:37-43)

14 Téró Yesu ātamo fele wh̄irape fesaae walemó, mepaae beteróló fele yó matere wh̄irape mo so wh̄iné bopéróló daae mupa kelalepó. Aita h̄ale mei, ai wh̄iraperó Moses-né as̄ere fo yó matere wh̄irapetamo foné u só derótu, i só derótu du betepa, kaae tawóló daae molepó.

15 Atétu beteremó, Yesu sókó wapa kilitu, so wh̄i feané doasi sirayóló, ātamo

hokolaa yóló kóléó yaairaalu felepó.

16 Téró, Yesuné ama yó matere wh̄irapepaae wose-turaalu, “Noa fo betemó diā fo tokótamo du bitu de?” yalepó.

17 Ai fo du betepa, ai wóló daae mole so wh̄i kuamó betā wh̄iné duraalu, “Yó matere wh̄i-ó, yało naale dowi kepe bituraalu, ama kóló nomunu fo initeretei naao wisiraasepóló, yaṗaae dapesó walepó.

18 Ti noatepae, dowi kepené haepaae taae deróló haeratepa, ama sereke hatua yósóró kólómó dako sókó wua dapó. Téturaalu, ama hó naase, tikikélé fea sosoro falótua depa, naao yó matere wh̄irapepaae h̄okonaasepé yalemó, atimané h̄okonaaitere sunipó,” yalepó.

19 Ai fo depa Yesuné atimapaee duraalu, “Mió i alimó tuę tiki tiréni h̄oko betó mole so wh̄irape-ó, diā tuę tiki tirópóló meteró sukamó ę diātamo betaaloé? Diaaṗ hapólure kisipa taaróló, wisi kisipa sópóló ę diātamo meteró sukamó betaaloé? Térapa, ai naale ępaae dapesó ape,” yalepó.

20 Ai fo depa kale naale ą beterepaae dapesó walemó, dowi kepené Yesu kilituraalu, tėti kale naale mo fotokojiné tao sóró fesoróló haemó haeratepa biliraté feletikimó, kólómó dako sókó walepó.

21 Atétere ala kolóló, Yesuné kale naalené alimapaee woseturaalu, “Naao naale ai ala du betepa, ba fo meteró kemeyaleé?” depa alimané duraalu, “Mo ketemó kaae sóró deté waletēi, miókélé h̄ale ai yó tare ape.

22 Yało naale doló suku-naairaalu, ai dowi kepené sipaaekélé ó węipaaekélé, tao sóró taae falatua yalepó. Térapa, naao ḁamo k̄leturaalu sumó tao senépa ti tao saasepólópó,” yalepó.

23 Ai fo depa, Yesuné ąpaae duraalu, “Naao ępaae sumó tao saaloé? dere-a, mepaae wh̄i dené Talepaae tuę tiki tiratepa, ti ai wh̄ipaae fea ala fea Talené ama sumó er-anérápó,” yalepó.

24 Ai fo depa kale naale alimané ama ere ala h̄akearóló duraalu, “Yało tuę tiki tiró betepatei doa meipa, me kwiapaae h̄alekeretei naao ę tao saasepé,” yalepó.

25 Yesu ą ai ala du beterepaae so wh̄i fea sururu yóló wapa kolóló, dowi kepe foné sóró duraalu, “Wh̄iné kólóró wosęlitamo kinó betere dowi kepe-ó, ya ai wh̄i tuāmó beteretei, yało i h̄okonatapa, momó kae biṗi weni, mo ti fae,” yalepó.

26 Yesuné ai fo deremó, kale naalené tiki tao sóró fesoróló kale dowi kepe keterętamo sókó felepó. Atépa, kale naalené tiki mo suk̄i wh̄i aṗa, kolóló so wh̄i feané duraalu, “A mo ti ai suk̄ale ape,” du betalepó.

27 Atépa, Yesuné kale naale naasemó tao salemó turukó horóló daane holalepó.

28 Atétu beteró, nalo Yesu ą be dolopaae doropóló betepa, ama yó matere whįrape atimanalemaaté bitu ąpaae duraalu, “I dowi keperape ąané doló hąkonatepa, sókó fenitere-a, noatepa dérópó,” yalepó.

29 Ai fo depa, ama atimapaee duraalu, “Moma dere alané betą atei kaae dowi keperape sumó hąkonanérapó,” yalepó.

30 Téró atima ai be taaróló, Kaleli hae tuąmó teyóló felepó. Ti atéro feleteita, Yesuné ama yó matere whįrapepaae maaté kale fo wisi yó melaai kisipa mutu, mo so whįné atima betere tiki tuę yaqsóro yalepó.

31 Atima atéro fóló bitu, ama atimapaee duraalu, “Hąle mo whįné kale Whįné Naalema dópóló, whį mené eleké deyaalópó. Atéro, mo ti dóló sukunaalotei, sore be ą kemetepa, ti ą momó kepaayóló betaalo ai ape,” du betalepó.

32 Ama atéro yale fo bete atima tuęnitepa, noa betené yalerópóló, wosaai yaleteti, atima wituraalu, taaralepó.

Doasi topo whį deé? yale fo (Mat 18:1-5, Luk 9:46-48)

33 Téró, atima Kapeneam bepaae fóló, atima fiyaaire bemó bitu, ama yó matere whįrapepaae woseturaalu, “Dią tu tuąmó alale siré wou betale-a, noa fokó deté wou betaleé?” yalepó.

34 Yesuné ai fo depa tuąmó wou bituraalu, topo whį-a de betere yóló atimasisi alale siré waleteiné haletu, Yesupaae tokó matere fokélé inipó.

35 Téró Yesu ą bitį deyóló ama yó matere 12 whįrape ą beterepaae ape yóló duraalu, “Whį me detamo topo whį betaai kisipa mutupa, ti belei aoyóló so whį feané kutó diraterere whį betae,” yalepó.

36 Atéro, ama betą naale belekaamale dape sóró atima tuąmó daalóló, ama apuó taru duraalu,

37 “Mepaae whį denétamo yało doimó etei kaae naale mo wisiyóló dape supata, ti ętei mo wisiyóló dape sirapó. Atétere whįné ęmaaté dape sumitei, ę dotęyale sekękélé dape sirapó,” yalepó.

Đatamo bóe dinitere whįta ąané be whįpó (Luk 9:49-50)

38 Téró, Jon-né Yesupaae duraalu, “Yó matere whį-ó, whį betąné naao doimó dowi kepe hąkutu betepa, ąta ąatamo betąmó kotere whį meipóló, ąané seséyalepó,” yalepó.

39 Ai fo depa Yesuné atimapaee duraalu, “Atei kaae whįné ama yaaire ala yópóló sesékese. Ti noatepae, mepaae whįné yało doimó mepaae kelemei ala erale kįlipaaemo, yało doi doróló faleyaalo meipó.

40 Mepaae ąatamo bóe dini dere whįrapeta, ti ąatamo mole whį ai ape.

41 Yalo diappaee mo i dere ape. Diã Keriso whi bitu, yalo ala erótu beteremó, mepaae whiné wei melatepa, atétere whi dupu haşókó feni, mo saalo ai ape,” yalepó.

Me whi dowi alayópóló dée nalatere ala

(Mat 18:6-9, Luk 17:1-2)

42 “Mepaae whi denétamo epaae tuę tiki tiró betere doi muni, sókótei sókó dei so whi dowi ala yópóló dée nalatepa, atétere whi mo doasi dowi dupu saalo ai ape. Atei ala dere whi ama depamó mené doasi kane fake dulóló wei kelapaae taae faluşóró wisi uapó.

43 Naao naasenétamo ya dowi ala yópóló dée nalatepa, atétere naase tukóló taae falae. Ya betã naasetamo bituraalu, mo ti betaaire tikipaae sókó faasepólópó. Naase tamo daayóló beteraletikimó, me naasené naao tiki turó doasi surukókélé feni, hałe dó tare sipaae ałisóró faşóró dapó.

45 Naao hóné ya dowi ala yópóló dée nalatepa, atétere hó tukóló taae falae. Ya betã hótamo bituraalu, mo ti betaaire tikipaae sókó faasepólópó dapó. Ti noatepae, ya hó tamo daayóló beteraletikimó, me hóné naao tiki turó si duku beterepaae ałisóró faşóró dapó.

47 Naao kelené ya dowi ala yópóló dée nalatepa, ti atétere kele sokóló taae falae. Betã keletamo bituraalu, ya mo ti betaaire tikipaae sókó

faasepólópó. Ti noatepae, naao kele tamo wusuró buóló betepa, naao tiki turó hałe dó tare sipaae faşóró dapó. Ti Kótóné teteteróló kaae tare tikimó mole alata, betã keletóró daayóló bituraalu, sene fupa mo wisirapó.

48 Ti dowi dele su betaaire tikimó kisipa mutu, ašemó i fo erapó. Aimó betere whirapeta, mokené turukóló nokoletai mo kemekélé ini yóo, sikélé surukó feni hałe dótóró tawóo yaalopó.

49 Na ó hupu mi kelaayaşóró kó terepetu dere kaae, so whi fea tuamó mole dore alaró wisire alatamo sinétei biliyóló taleyaalo ai ape.

50 Ti kóta, ęla feléróló nokole ęla wisipó. Téretei, kale kóné felé kemetepa, momó kae noayóló felé bulaaloé? Mo meipó. Térapa, ai kó wisinaale diaaę hosaa tuamó mulóló, so whitamó hosaa muni deyóló wisi kisipatamo mo dua betó muae,” yalepó.

10

So ó whi tokó fateremó dere fo

(Mat 19:1-12, Luk 16:18)

1 Téro, Yesu a ai be taaróló Judia hae kwia tuamó kutu betero Jordan wei uté fakerókélé felepó. Aimó sókó felemó, so whi mo fea kale duatere kaae touręle wóló betó mupa, ama dua dere alatóró yóló yó mótu betalepó.

2 Atétu betepa, mepaae Farisi whirape wóló, a şuşóró

apaae woseturaalu, “Mepaae whinė ama soma tokó fatepa fo mulepé meié?” yalepó.

³ Ai fo depa ama atimapaee tokó mótu duraalu, “Diaaḡ dosḡayóló tuḡ yópóló, Moses-né diḡpaae noa ala yae yóló, asḡere?” yalepó.

⁴ Ti fo depa atimané apaae tokó mótu duraalu, “Mepaae whinė so tokó falaai depa, ti soné asḡ sóró fópóló melae yóló Moses-né asḡrapó,” yalepó.

⁵ Ai fo depa Yesuné atimapaee duraalu, “Ti aita, diaaḡ hosaa ṡaruraalu dowḡae fu betepa, Moses-né ai fo asḡyóló muló beterapó.

⁶ Téretei mo take kaarale alimó,
‘Kótóné whıró sotamo alipakalepó.’

⁷ ‘Atéyale betené whinė ama hamaró alimatamo taaróló, sotamo dokóló atimaamo mo betḡ tikitóro daayaalopó.’

⁸ Atéreteiné atimaamo tamó mei, mo betḡ tikitóro ti ai daale ape.

⁹ Kótóné atimaamo atéro betḡ tiki daaróló betéro betereimó, mo so whinė tekeróló whı kae betéroo, so kae betéroo, yaḡsóro yae,” yalepó.

¹⁰ Ai fo yóló Yesu ḡ ama yó matere whırape atima fea bemó betó mulu, Yesupaae woseturaalu, “Naao ti yale fo ḡakélé kisipa yaai dapa, bete mo ti ḡakearóló yae,” yalepó.

¹¹ Ai fo depa ama atimapaee duraalu, “Whı me dené ama topo so tokó daalóló

so me dokotepa, ai whinė Kótóné fo tukóló topo sotamo betere ala mo ti doratapó.

¹² Atétere kaae sonékélé, oma whı tokó daalóló, whı metamo dokotepa, atétere soné Kótóné fotei tukóló, ama omatamo betere ala mo ti doratapó,” yalepó.

Naale senaale Yesupaae dapesó wale fo

(*Mat 19:13-15, Luk 18:15-17*)

¹³ Téró etéyalepó. So whinė kale keteirape Yesuné wolaa yópóló, ḡ beterepaae dapesó wua yalepó. Atétepa, ama yó matere whırapené kale so whı foné sóró sesétu betalepó.

¹⁴ Yesuné atétere ala kolóló, ama yó matere whırapetamo fopaae buóló duraalu, “Ai naale senaale ḡ beterepaae wópólópa sesékese. Ti noatepae, atei naale senaale kaae betere so whıta, ti Kótóné teṡeróló betere aḡmó sókó fóló beterapó.

¹⁵⁻¹⁶ So whı i naale senaale kaae aḡyóló bitinitepa, ti Kótóné teṡeróló betere aḡmó sókó fenénipó,” yalepó. Ai fo yóló, Yesuné kale naale senaale dokḡ apuósu yóló, naase mulóló atima wisiratero fo dua yalepó.

Doasi néli teó whıpaae yale fo

(*Mat 19:16-30, Luk 18:18-30*)

¹⁷ Téró etéyalepó. Yesu ḡ ama kisipa mole tikipaae faai fu betalemó, whı betḡ sururu yóló wóló, Yesu daalemó

bukutiri tearó bitu, apaae duraalu, “Yó matere whi wisi-ó, ę mo ti betó tawaairaa, noa alakó yaaloé?” yóló wosalepó.

18 Ti fo depa, ama kale whipaae duraalu, “Naao ępaae noatepa whi wisi-ó fo du de? Whi betakókélé wisi whi bitini, Kótó ą betą mo wisirapó.

19 Ti Kótóné yae yóló muló betere alarape i ape.

‘Whi daęse, so nópu naęse, ęlémi naęse, kapala fo yóló me whi só de- raęse, me whi dilikóló ęla ęla ęlémi saęse.

Naao hae aya wisi doi mulópóló, atimaamo aęmó bitu, wisi ala betą erótu betae yóló, ere fo fea ti naao ai tuęre ape,’ yalepó.

20 Ai fo depa kale whinė apaae duraalu, “Yó matere whi-ó, ai alarape feata, ę mo naale beleąamalemó bitutei deté wóló, miókélé haęe yó tarapó,” yalepó.

21 Ai fo depa Yesuné kale whi yaala sókó fóló kelené ą kaae taru duraalu, “Mo betą ala betą ya mei ai ere ape. Térapa ya fóló, naao mole ęla ęla fea dotonóló *moni* sae. Atéró sere *moni* ti ęla ęla meiyóló yolealere so whimó ęliróló melae. Atéró melóló yaęa, ti ó hepen bemó taleróló muló betere wisi wisi ęla saasepóló dąmo faalopa ę sya ape,” yalepó.

22 Ai fo depa, kale seké ą fea ęla ęla mole néli whi ereteiné, ama kelepa

humula yóló fomoné sukuté felepó.

23 Téró Yesuné ama yó matere whirape kaae taru duraalu, “Doasi néli whirape Kótóné teęteróló betere aęmó sókó faairetei mo doasi hapólurapó,” yalepó.

24 Ama yó matere whirapené ai dere fo woseturaalu, atima siratu betalepó. Téępa, ama atimapaee momó duraalu, “Ti naalerape-ó, Kótóné teęteróló betere tikimó sókó faairetei, béni mo doasi hapólurapó.

25 Doasi *kamel* hupu kuti nomotere ketęli dolomó sókó fenénipó. Atére kaae, fea ęla ęla tare néli whi Kótóné teęteróló betere aęmó sókó faairetei mo doasi hapólurapó,” yalepó.

26 Yesuné ai fo deremó, ama yó matere whirape atimasisitei doasi sirayóló duraalu, “Atéró hapólupa, ti noa kaae so whimo mo ti aluyaęsóró tao saaloé?” yalepó.

27 Ti fo depa, Yesuné atima kaae taru duraalu, “Mo whinė atei kaae ala fea sumó enénipó. Mo whi ere kaae Kótó ą aténi, fea ala fea ama mo sumó eranérapó,” yalepó.

28 Ai fo depa, Pitané apaae duraalu, “Dą yaętamo kweyaairaa, dąné ęla ęla fea mo ti taaróló i wale ape,” yalepó.

29 Ai fo depa, Yesuné atimapaee duraalu, “Yaęo diąpaae mo i dere ape. Whi me detamo yaęo ala eróturaalu, kale fo wisi yó maté kweyaai, ama

be ó no nemarape ó hama al-
ima ó naalemarape ó hae tiki
fea taaróló wapa, ti atétere
whímó i ala eraalo ai ape.

30 Ama betá ɔla taaróló
walemótei, nomarapekélé
kutórape, nemarapekélé,
hamarapekélé, alimara-
pekélé, naalemarapekélé,
berapekélé 100 tómó beleróló
saalo ai ape. Téturaalu, dowi
susupui alakélé saalotei, nalo
waaire alimó mo ti betó
tawaaire bete saalopó.

31 Téyaalotei, mió i alimó
mepaae doasi doi mole
whĩrape take nalo doi mu-
nire whĩ kaae betaalopó. Mió
mepaae doasi doi muni, sókó
deyóló betere so whĩta, take
nalo mo doasi doi mole topo
whĩ kaae betaalo ai ape,”
yalepó.

Yesu ɔ sukɔairemó yale fo
(*Mat 20:17-19, Luk 18:31-*
34)

32 Atéró, atima Jerusalem
bepaae furaalu, Yesu ɔpi
fi tikimó, ama yó matere
whĩrape nalo haió! yóló sira
deté fu betalepó. Tétepa,
mepaae atima sya wou
betere so whĩkélé wiyalepó.
Atéró, Yesuné ama yó matere
12 whĩrape tu depaae dapesó
fóló daae mulu, ɔpaae er-
aaire ala fea atimapaee
momó yó melalepó.

33 Atéró, atimapaee du-
raalu, “Mió da Jerusalem
bepaae i fole ape. Téteretei,
kale Whĩné Naalema me
whĩné eleké deyóló mo
so whímó Talepaae mo-
maratere whĩraperó Moses-

né asere fo yó matere
whĩrapetamoné naase
tuamó mulaalopó. Téró fo
tokóló só deróló, Juda mei kae
fakené ɔ dópóló, melaalo ai
ape.

34 Atéró, atimané ɔ faletere
alakélé, fesaa apuratere
alakélé, halika tikiné fokosó
sere alakélé, faleyóló haler-
atere alakélé erótu beteró,
nalo atimané ɔ mo ti
sukópóló daalopó. Téyaalotei,
be de soremó dou dolomó
muóló ɔ momó kepaayóló
betaalopó,” yalepó.

Jems-ró Jon-tamoné Yesu-
paae wosale fo
(*Mat 20:20-28*)

35 Téró, kale Sebedi
naalema tamo Jems-ró Jon-
tamo Yesu beterepaae wóló
duraalu, “Yó matere whĩ-ó,
dɔmoné ɔpaae wosetere ala
nao eraaló?” yalepó.

36 Ai fo depa, Yesuné ati-
maamopaae duraalu, “Yalo
diaamomó noa alakó eraró
de?” yalepó.

37 Tétepa, atimaamoné
ɔpaae duraalu, “Take naao
mo kae ere de wisinaale
hɔkearatere sukamó dɔmo
me whĩkó naao turu naase
demó beteróo, me whĩ
fɛ naase demó beteróo,
yaasepóló dapó,” yalepó.

38 Ti fo depa, Yesuné
kale whĩ tamopaae duraalu,
“Diaamoné ɔpaae ai wosale
fota, Talené teteróló kaae
tare tikimó ere ala diaamo
tuɛni keteruraalu dapó.
Dowi ala kwia tokóló aluraai
susupu sóró sinaaitere ala,
diaamonékélé sumó senére?”

Ó ę węi tópuratere kaae, diaamokélé tópurópóló kisipa mute?” yalepó.

39-40 Ai fo depa, atimaamoné duraalu, “Dąmokélé ai ala sumó enérápó,” yalepó. Ai fo depa, Yesuné atimaamopaae duraalu, “Yąło tikimó doasi susupu sóró sinaaire alaró ę węi tópuraaitere alatamo diaamopaaekélé sumó eraalotei, turu naase ó fę naase demó beteraaire alata, ti yąło tęteróló kaae tanipó. Ai alata, yąło Ayané ama tęteróló kaae taru, aimó betaaire whi tamokélé, ama mo taketitei tukóló beteró beterapó,” yalepó.

41 Tétepa, mepaae ama yó matere naase tamó whirapené ai fo woseturaalu, Jon-ró noma Jems-tamopaae doakale fopaae bualepó.

42 Atétepa, Yesuné atimapaee tourale ape yóló duraalu, “Juda mei kaae fake tęteróló kaae tare topo whirapené mo so whi tęteróló kaae tawóo, atimané sóró beteró betere whirapenekélé mo so whi tęteróló kaae taru, i ala erae du betereitei diaaę ai kisipare ape.

43 Atétere kaae, dią tuąmókélé ai ala momókó yaęse. Dią tuąmótamo betą whikó doasi topo whi betaai kisipa mutepa, ti so whi feané kutó diratere whi betenérápó.

44 Whi me de doasi doi mole topo whi betaai depa, ti diąné wae sóró kutó diratere whi kaae betae.

45 Ti noatepae, kale Whinė Naalema waleteita, ą topo whi bitu mepaae whirapepaae ama kutó dirae yaairaalu wéni, ą mo so whinė kutó diratere whi bitu, atima aluyaęsóró ama betere bete hąle melóló, dupuraai walepó,” yalepó.

Kele dilikire whi Batimeus wisirale fo

(*Mat 20:29-34, Luk 18:35-43*)

46 Atéró atima Jeriko bepaae walepó. Atéró, nalo ama yó matere whiraperó mo so whi featamo ai doasi be taaróló fu betalemó, betą kele dilikere whi Timeus naalema Batimeus tu demó bituraalu, monikó ąlae yóló kematu du beterepó.

47 Atétua dere whi ą tu demó beteremó, kale Nasaret whikó Yesu walapó dere fo wosóló, fo fakeyóló duraalu, “Depit-né deté fele whinė Naalema Yesu-ó, ę kęlené sukuturaalu, tao sae,” du betalepó.

48 Ai fo du betepa, mepaae so whinė taalae yóló, foné salepó. Tétepatei, kale whinė woseni nisiyóló, fo mo ti fakeyóló duraalu, “Depit-né deté fele whinė Naalema Yesu-ó, naao ę kęlené sukuturaalu, tao sumié?” yalepó.

49 Ai fo deremó, Yesu ą keįyóló daalu, “Ąpaae ape yae,” yalepó. Tétepa, kale whirapené kale kele dilikire whipaae duraalu, “Mió yąpaae ape dapa, whaaliani,

hajtamo turukó horóló fae,” yalepó.

⁵⁰ Tétepa, kale whiné ama bukóló betere kuti ðaae faróló, ą Yesu beterepaae hapale tuwó felepó.

⁵¹ Atéró daapa, Yesuné ąpaae duraalu, “Yalo yamó noa alakó eraró de?” yalepó. Ai fo depa, kale kele dilikire whiné duraalu, “Yó matere whi-ó, yalo kelené ąla ąla kelenée du beterepa, nao wisiraasepé,” yalepó.

⁵² Ti fo depa, Yesuné ąpaae duraalu, “Naao tuę tiki tiratere alané ya wisiralepa dua fae,” yalepó. Ai fo deretamotoró kale whiné ama kele wisitepa, Yesu sya felepó.

11

Yesu doasi topo whi aoyóló fele fo

(*Mat 21:1-11, Luk 19:28-40, Jon 12:12-19*)

¹ Atéró atima Jerusalem be huluapaae felekemó sókó faairaalu, Olip du sorokó mole aqmó tene Betpas beró Betani betamomó sókó felepó. Aimó Yesuné ama yó matere whirapekó tamo whi dotonaai duraalu,

² “Diaamo fole be huluamó sókó fenalemó, whi betóló konire utų *donki* hupu duló betepa kelaalo ai ape. Térapa, ai hupu taayóló ipaae dapesó ape.

³ Atéró taanalemó me whiné duraalu, ‘Ai hupu neaai só fute?’ depa, ąpaae i fo yae. ‘Momó hapale sókó waaitei, Talené ama me kutó

diyaai, kapala asiri sene fae yale tikimó sókó fulapó,’ yae,” yóló dotonalepó.

⁴⁻⁵ Atétepa atimaamo fóló kelalemó, be bela tu demó tene be tu sókó walemó, kale bopeyale hupu duló beterepó. Atépa, kale hupu taatu betalemó mepaae aimó daae mole so whiné atimaamopaae duraalu, “Diaamoné ai hupu neyaai taatu de?” yalepó.

⁶ Ai fo depa Yesuné atimaamopaae yae yale fotóró yalemó, atimané “Wisirapa sókó fae,” yalepó.

⁷ Atéró, kale hupu dape sókó Yesu beterepó sókó felemó, ama yó matere whirapené deró betere kuti sókósu yóló, ai kale *donki* hupuné sisó tómó whamenatepa Yesu ą bitų holalepó.

⁸ Atéró betóló fupa, mo turó so whiné atima kuti sorokóló tumó whamenaté fóo, mepaae so whiné sapo ðaa ó wolou ðaarape turukóló whamenaté fóo, deté fu betalepó.

⁹ Yesu ą tuamó fupa, mepaae so whi folosóro fóo, mepaae so whi nalo wóo du bitu fo fakeyóló duraalu, “Hosana! Talené doimó wale whi wisinaale-ó! Talené ya mo wisiró beterepó.

¹⁰ Mo take ðané ayarape deté wale whi Depit-né teteróló kaae tawale ala mió ða tuamókélé sókó walapó.

Térapa, Talené ya wisirópóló yae!

Hosana, ama doi doasi ó sikipaae sóró horópóló, yae!” deté fu betalepó.

11 Téró Yesu a Jerusalem bepaee sókó fóló, momatere be dolopaae felepó. Atéro, ai be dolomó muó mole ɔla ɔla fea kelené dokɔ du betalepó. Atétu betalemó, be dikitepa ama yó matere 12 whirape atima fea Betani bepaee felepó.

Yesuné momatere bemó hokale fo

(Mat 21:12-17, Luk 19:45-48, Jon 2:13-22)

12 Atéro fiyóló be detepa, hika ai Betani be taaróló fu betalemó, tɔ tuamó Yesu a wote yalepó.

13 Atétepa, a tumó fu bitu kese falalemó betɔ nose mo umó daapa kelalepó. Atépa betepaae fóló, dukó olerémóló kelalemó, oleni haɔe sókumaaté erepó.

14 Atépa kale nipaae duraalu, “Me sukamó wouraalu whi betanékélé naao du momó kae tokóló naalomeipó,” depa ama yó matere whirapené wosalepó.

15 Atéro, atima momó Jerusalem bepaee sókó wóló bituraalu, kale momatere be dolopaae fóló kelalemó, whirape ai be dolomó ɔla ɔla dotonóló dupu du betepa hokó faralepó. Atéro, be kaepaae wale whirape atimané *moni* ai be talené *monitamo* duputamó du betere ni fakeraperó ba hokósere beleróló dotonótu

betere fɔloi ni fakerapetamo fesekeyóló taee faralepó.

16 Téró, mepaae whinə momatere be tuɔ dolomóte i dotonaaire ɔla ɔla beleyóló sóró fua wua du betepa, Yesuné ama seséyóló kaae sóró hɔkonalepó.

17 Atéro ama atimaae yó mótu duraalu, “I aséyóló muló betere fo diaaɔ dosayóló tué munié?

‘Yalo beta, i hae kwia feamó betó mole kae kae tiki daae mole so whinə Talepaae betɔ moma yópóló tenó betere bepó, erapó.’

Ai fo eplatei, diaaɔ du betere alané ɔlémi nokole whirape touróló betere be aqrótu beterapó,” yalepó.

18 Yesuné atéro yó mótu betere fo mo so whinə wosóló siratu betere ala, mo so whimó Talepaae momaratere topo whiraperó Moses-né asere fo yó matere whirapetamoné wosóló atima dei kisipa muturaalu, Yesu daaire tɔ kikitu betalepó.

19 Atétu betero be dikitepa, atima ai doasi be hulua taaróló felepó.

Yesuné nose sélirale fo
(Mat 21:20-22)

20 Atéro, atima mo hikati tumó fu bituraalu kelalemó, kale ni nose betekélé mo turó sélipa kelalepó.

21 Atépa, Yesuné take kale yale fo Pitané tué muni wapa apaae duraalu, “Yó matere whi-ó, naao foné dorale

ni nose ai sélirapa kelere!" yalepó.

²² Ti fo depa Yesuné ɸpaae duraalu, "Kótópaee tuę tiki tiróló betae.

²³ Yalo diɸpaae mo i dere ape. Mepaae whı de kisipa tamó muni, Talepaae tuę tiki tiróló i ulupaae ya ai daale tiki taaróló wẹi kẹla tómó daane derepaae depa, mo tẹyaalo ai ape.

²⁴ Tẹrapa, yalo diɸpaae i dere fo wosae. Diɸné moma duraalu me noa ɸlakó wosetepa, ti ai wosetere ɸla naao mo serapóló tuę tiki tiratepa, ti diaaɸ mo saalo ai ape.

²⁵ Diɸné moma duraalu, hepen bemó betere Aya Kótóné diaaɸ yale dowi ala kwia haę kemerópoló, mené diɸpaae me dowi ala erélipa, ti ɸpaaemo kwia tokó melaai dapóló tao tani, me ɸla meipóló kisipa keterae," yalepó.

Yesupaae ya né sóró beterale éyale fo

(Mat 21:23-27, Luk 20:1-8)

²⁷ Téro atima momó Jerusalem bepaae wóló bituraalu, ɸ momatere be tipiné bopéro daaló betere tuamó kutu betalemó, mo so whımó Talepaae momaratere topo whırapekélé, Moses-né asere fo yó matere whırapekélé, mepaae whı disirapekélé, fea ɸ beterepaae walepó.

²⁸ Atéro wóló ɸpaae woseturaalu, "Ai alarape du beteroóló ya né sóró beterale?" yalepó.

²⁹ Ai fo depa Yesuné atimapaee tokó mótu duraaalu, "Yalokélé diɸpaae betɸ wosetere fo yaalopó. Yalo wosetere fotamo diaaɸ ɸpaae tokó matepa, ti diaaɸ wosetere fokélé yalo tokó melaalopó.

³⁰ Ti take Jon-né so whı wẹi tópurale ala, momó kaayóló waleé? Ó hepen bemó betere Talené yae depa yalepé, mo whıné yae depa yaleé?" yalepó.

³¹ Ai fo depa, kale whırape atimasisitei fo kẹlaaróló duraalu, "Dané hepen bemó Talené yae depa yalepó enalemó, ti dɸpaae ama dere fo wosóló ɸpaae tuę tiki tirénitere noatepae? yaalopó.

³² Atéyaqsóró, mo whıné yae depa yalepó fo uętei, Jon ɸ Kótóné fo eratere kóló whıpóló so whı feané kisipareteiné atima kapo duné dɸ siróló daqsóró ai fo yaalo meipó," yalepó.

³³ Atétepa atimané Yesupaae duraalu, "Dɸ tuęnipó," yalepó. Ti fo depa ama atimapaee duraalu, "Mené ɸpaae i alarape yae depa dapóló, yalokélé diɸpaae yó melaalomeipó," yalepó.

12

Kutó tale faai yale fo sale

(Mat 21:33-46, Luk 20:9-19)

¹ Téro, Yesuné ama kale fo sale forape momó kaae sóró yó melótu duraalu, "Whı betané wain képi wae biliyaai kutó diyóló tipi

bopé yalepó. Atéroró, kale képi du ɔlumétepa tokóló fe ɔdowaaire tiki kaponétei aleyóló mulalepó. Atéroró kemetepa, kutó kaae tawóló betaaire be mo sikimó deróló tealepó. Téró ai kutó tale ɔ me bepaae faai kutó kaae tawópóló, mepaae whirape sóroró beteróló duraalu, ɔla ɔlumétepa sere sukamó ɔ bukaalopa, kutó wisiyóló kaae tawae yóló ɔ felepó.

2 Atéroró fóló bitu, ama biliale képi du ɔlumétepa sere alimó bukóló, ama saaire su ti ama kutó diratere whi betané sene fópóló, kale kutó kaae tare whirape beterepaae dotonalepó.

3 Atéroró dotonalemó, atimané ɔ tawóló fokosoi ala du beteró me ɔlakélé menéni, hɔle fópóló dotonalepó.

4 Tétepa, kale whiné ama me kutó diratere whimo dotonalemó, ai whikélé kale dere kaae topomó kapóroró dóló haleróló faralepó.

5 Atétepa kale dere kaae, me whimo dotonalemó ai whikélé mo ti dalepó. Tétepa, mepaae whirape mo dekéro dotonótua yalepó. Téyalemó, mepaae whirape dóló hɔle susupuróo, mepaae whirape mo ti dóló sukunóo dua yalepó.

6 Whirape fea atétu beteró kemeróturaalu, ama hosaa mole naale betá bití felepó. Ai naale dotonaa i duraalu, mió atima ya lo i naale aomó bituraalu, ɔpaae mo wisi ala betá eraalopóló kisi pa mutu doteyalepó.

7 Téyaletéi, kale naale wale kilitu, kale kutó kaae tare whirape atimasisi duraalu, 'I kutó tale sukutepa ɔ betale sirimó betaaire whi ai wale ape. Tétu ai kutó ama saosóroró ɔ saairaalu, ɔ daalopa siépe,' yalepó.

8 Atéroró, atimané kale sekékélé mo ti dóló sukunóló, ai kutó tipí aopaae taae deralepó.

9 Atétepa, ai kutó talené ama noa ala yaaloé? Kale kutó tale ɔ wouraalu ai kutó kaae tare whirape fea mo ti dóló aluraalopó. Atéroró ai kutó kaae tawópóló, mepaae whirape sóroró beteraalopó.

10 Ti i aseýóló muló betere fo diaa ɔ dosayóló tué mu-nié?

'Kale be tetere whirapéné dopa taae farale kapo faketei, doasi be hulua deyaaire eleké wisi-naale alée felepó.

11 Ai ere ala wisinaale ɔané kilituraalu, Talené eró beterapóló dukiróló siratu beterapó,' yalepó.

12 Yesuné ai yale fo sale beteta, Juda topo whirape atima só deratapóló kisi pa mutu, ɔ daaire tu kikitu betalepó. Aimó ɔ tawaa i yalemó, ai touró betere so whiné atimapaee me ala eraosóroró witepa taaróló felepó.

Sisapaae takis moni matere fo

(Mat 22:15-22, Luk 20:20-26)

13 Atéro, nalo mepaae Farisi wh̄raperó Herot-né ama kisipa mole ala erótu betere wh̄rapetamo Yesuné dere fo bete wosóló ą só deraairaalu, kaae tawóló beterópóló dotonale wh̄rape walepó.

14 Atima wóló Yesupaae duraalu, “Yó matere wh̄-ó, yąta mo fomaaté dere wh̄i betteretei ąané tuérápó. Téruraalu, doasi doi mole so wh̄iró wisi so wh̄itamo maaté tao sóró wisi ala eróturaalu, mepaae belei sókó deyóló betó mole so wh̄i taalatimipó. Téní, kale mo fo bete sya furaalu, Kótóné ama ere ala i ape yóló yó mótu betteretei ąané kisiparapó. Térapa, ąané topo wh̄i Sisapaae *takis moni* matere ala wisirépé dore?”

15 Naaó kisipané melarópé melaąseróe?” yalepó.

Ti fo depa, Yesuné tiki tuąpaae dorutei tó tik-iné wisire nisi du betere wh̄irapené kapala dilikitu betere ala bete ama tuépatei duraalu, “Diąné ę dópóló só deraai noatepa dilikitu bitu de? Ti ai *denarias moni* yalo kelaalopa ipaae sóró ape,” yalepó.

16 Tétepa, atimané kale *denarias moni* kolópóló sóró wóló matepa, atimapaae woseturaalu, “I ere aseró mole asotamo-a, né?” yóló wosetepa, atimané ąpaae duraalu, “Aita Sisané aseró asotamopó,” yalepó.

17 Ai fo depa Yesuné atimapaae duraalu, “Sisané ąlata,

ti Sisapaae melae. Kótóné ąla ąla ti Kótópaae melae,” yalepó. Ama ai dere fo woseturaalu, atimané haió! yóló siratu betalepó.

Kepaayóló bitu so ó wh̄i dokaalomeipóló dere fo
(Mat 22:23-33, Luk 20:27-40)

18 Atéyale ąlipaae etéyalepó. Sukutere so wh̄i momó kae kepaayaalomei, mo ti alutapó du betere Sadyusi wh̄irape Yesu betterepaae wóló i fo wosalepó.

19 “Yó matere wh̄-ó, Moses-né i fo aseyóló muló betterapó. ‘Mepaae wh̄iné so dokaleteti naale dini ąale betteró sukutepa, ti nomanémo ai so wulia dokóló naale detepa, ti sukąle wh̄i sirimó bituraalu, ama ąla ąla teteróló kaae tanópóló yae,’ fo erapó.

20 Take weikeró nomarape betterepó. Atéro kale topo wh̄i so dokaleteti, naale senaalekélé dini ąale sukąlepó.

21 Atéro sukutepa, ai so wulia noma me wh̄inémo dokalepó. Téyalemó, ai wh̄ikélé naale dini ąale sukąlepó. Atétepa, noma me wh̄inémo dokalepó. Téyalemó, ai wh̄i ąkélé ąale sukąlepó.

22 Atétepa, kale so wulia weikeró nomarapené dokoté waleteti, kale weikeró wh̄irape fea naale betąkélé dinipó. Téró nalo kemeróturaalu, kale sokélé sukąlepó.

²³ Atéyale so take kepaayóló wale sukamó, mé whíné ą dokaaloé? Ti noatepae, betą sotei take nomarape feané dokoté waletinépó,” yalepó.

²⁴ Ai fo depa Yesuné atimapaee duraalu, “Kótóné aseýóló muló betere foró ama fotokótamo wisiyóló tuę munireteiné dią fea kópaee falapó.

²⁵ Ti sukąle so whi momó kepaayóló betere sukamó, so dokotere ala yaalomeipó. Sokélé, whıtamo dokotere ala mo yaalo meipó. Hepen bemó betere *ensel*-rape ere kaae, haletóro betó tawaalo ai ape.

²⁶ Sukąle whi momó kepaayóló betaalopóló, Moses-né aseýóló muló beteretei, diaaą dosąayóló tuę muni airapó. Hasi fosómó ni sesaape dolomó Kótóné Moses-paae duraalu, ‘Ęta Abraham, Aisak, Jekop-sépi, tęteróló kaae tare Kótó i betere ape,’ erapó.

²⁷ Ti ąta, mó take sukóló aluyale so whi tęteróló kaae tare Kótó mei, mió i alimó betó mole so whikélé tęteróló kaae tare Kótópó, erapó. Atépatei dią tuęniru, hoko fo du beterapó,” yalepó.

Kótóné yóló muló betere doasi topo fo

(*Mat 22:34-40, Luk 10:25-28*)

²⁸ Atéro, Sadyusi whırapené Yesupaae wosetere fo fea ama wisiyóló tokó mótu betepa, Moses-né asere fo yó matere whırapekó betané

Yesupaae woseturaalu, “Kótóné yae yóló muló betere forape tuámó mo doasi bete mole fo-a, mée?” yalepó.

²⁹ Ti fo depa Yesuné duraalu, “Mo doasi bete mole topo fo i ape.

‘Israel fake so whi-ó, wosae! Da tęteróló kaae tare Tale Kótóta me kae bitini, mo betątóró beterapó.

³⁰ Térapa, Tale Kótópaae yaala sókó fole alata, tuę tiki turónékélé, naao hosaa turónékélé, naao kepe bete turónékélé, naao fotokọ turónékélé yaala sókó fu betae.’

³¹ Tamo dakoróló dere fo me i ape.

‘Naaotei ya yaala sókó fu dere kaae, naao be whi so whıpaaekélé atéro yaala sókó fu betae.’

I fo tamoné mepaae yae yóló muló betere forape fea tęteró beterapó,” yalepó.

³² Ai fo depa kale whíné tokó mótu duraalu, “Yó matere whi-ó, Kótó tekeyóló tamo bitini, mo betątóró beterapó dere fota, naao mo dono ai dere ape.

³³ Ti naao hosaa turónékélé, naao tuę tiki turónékélé, naao fotokọ turónékélé, Talepaae yaala sókó fu betae. Téturaalu, naaotei ya yaala sókó fu dere kaae, naao be whi so whıpaaekélé atéro yaala sókó fu betae. Ai doasi bete mole fo tamota hupu dóló Talepaae simó sukųlaa dalatere alaró mepaae ąla ąla

håle matere alatamo mo tẽró beterapó,” yalepó.

³⁴ Tẽró, Yesuné ama ai yale fo bete kale whĩné mo wisiyóló tokó matepa ąpaae duraalu, “Yąta, Kótóné tẽteróló kaae tare tikipaae mo felekemó sókó faai dapó,” yalepó. Ai fo deremó, me whĩnékélé ąpaae wosetere fo kae ini, atima witepa taaralepó.

Keriso né naaleé yale fo

(*Mat 22:41-46, Luk 20:41-44*)

³⁵ Atẽró, Yesu ą momatere be bolaare tuąmó daalu so whĩpaae fo yó móturaalu, i fo wosalepó. “Kale Moses-né asęere fo yó matere whĩrapené duraalu, Kótóné sóró beteró betere whĩ Kerisota Depit-né naalemapó du betere fo-a, noa betené du bitute?”

³⁶ Mo take Dęi Kepe Wisiné Depit ą fotokąratepa, ama hąkearóló i fo ipakalepó.

‘Talené ę tẽteróló kaae tare Talepaae duraalu,

“Naao bóe whĩrape yą aąmó beterópóló, yąlo dóló tẽteraalopa, yą yąlo turu naase demótóró betó tawae,” ę erapó.

³⁷ Depit-né ama deyale naalené deyaaire naalepaatei, ą tẽteróló kaae tare Tale-ó du betale-a, neyóló yaleé?” yalepó. Ama atẽró dere fo aimó touró betere mo so whĩné hękesetamo wosetu betalepó.

³⁸ Tẽró, Yesuné so whĩpaae fo yó mótu duraalu, “Moses-né asęere fo yó matere whĩrapené dere alané dią doraąsóró, mo hotowa yóló kaae tawae. Ti atimata, so whĩ feané whĩ wisipó yóló dukiratere kokómó, so whĩ tourąleta dere tikipaae faairaalu, ąłoi kuti wisinaale maaté deróló fua dapó.

³⁹ Tẽró, Kótóné fo wosetere berapepaae furaalukélé, mo doasi topo whĩrape bituatere tikimótóró betaai eķęle yóo, kale ąla detere sukamókélé, doasi doi mole topo whĩrape bituatere tikimótóró eķęle yóló betóo, dua dapó.

⁴⁰ Atẽturaalu, kale wulia sorapekélé dilikóló atimané muó mole ąla ąlakélé ąłemi sóo, atima dukirópóló momatere alakélé mo ąło siyóló yóo, dua dapó. Atẽtere whĩrapeta take taletere sukamó, mo doakale dowi kwia saalo ai ape,” yalepó.

Wulia soné Talepaae male moni ke

(*Luk 21:1-4*)

⁴¹ Atẽró, me etéyalepó. Momatere bemó so whĩ atimané tare *moni* sųtóró Talepaae hąle derąleta duraalu mepaae néli so whĩné ti doasi *moni* derótua yalepó. Atẽtu betepa, Yesu ą kaae tawóló daalepó.

⁴² Téyaletei, betą yolealere wulia soné ama sonaai *moni* ke tamo sóró wóló deralepó. Ai *moni* keta, kale sonaai *moni* ketamo sųnipó.

⁴³ Yesuné ai kale wulia soné derąle wale *moni* ke kolóló,

ama yó matere wh̄rapepaae ape yóló duraalu, “Yálo dīapaae mo i dere ape. I yolealere wulia soné der̄ale wale *moni* kené so wh̄i feané der̄leta yale *moni* fea teraae falapó.

⁴⁴ Ti noatepae, mepaae so wh̄inéta doasi *moni* mupatei, tó mó moletei maaté sóró wóló der̄leta yalepó. Téyaletei, i wulia sonéta ama depe dolo sesé taretei mo ti kemeróló der̄ale walepó,” yalepó.

13

Mió betere ali kemeteremó yaaire ala

(*Mat 24:1-35, Luk 21:5-33*)

¹ Téró, atima ai momatere be taaróló fu bitu, ama yó matere wh̄rapekó betané apaae duraalu, “Yó matere wh̄i-ó, doakale kapo fak-ené be wisinaale ai t̄napa kelere?” yalepó.

² Ai fo depa Yesuné duraalu, “Ai t̄ mole doasi be wisinaalerape take fisikó furaalu, mió i ere kaae bet̄a kane fakekélé metamo olekepa kelaalomeipó. Mo featóró kolokó fóló muaalo ai ape,” yalepó.

³⁻⁴ Atéró, Yesu ai momatere be ópaae t̄ene fapa, *Olip* du sokoremó Pita, Jems, Jon, Andru atimasisi bitu apaae woseturaalu, “Naao mió ti bope yale alarape-a metéli yaaloé? Ai yale fo mo dokonaairaaalu noa alapi depa, kolóló dané kisipa yaaloé?” yalepó.

⁵ Ai fo depa Yesuné duraalu, “Mepaae wh̄iné kapala fo yóló dīa dilikaqsóró, mo wisiyóló kaae tawae.

⁶ Mepaae dilikitere wh̄rape wóló, yálo doi yóló duraalu, ‘Ēta dīané wópóló kaae tare wh̄i Keriso i ape,’ yóló, so wh̄i fea kópaae fópóló dilikaalo ai ape.

⁷ Bóe mo du betepa kolóló dere foró, me bemó bóe du heterapóló deté kotere fotamo wosóló, diri furu furu duraalu wiyaq̄se. Ti ai alarapeta, mo yaalotei kemeyaaire be d̄e sókó waai teórapó.

⁸ Me hae kwiamó betere wh̄iró me hae kwiamó betere wh̄itamo bóe daalo ai ape. Me hae kwia t̄eteróló kaae tare topo wh̄iraperó me hae kwia t̄eteróló kaae tare topo wh̄irapetamo bóe daalopó. Kae kae hae kwiapaae doakale baotere alaró, q̄la sóku alutere alitamo waalo ai ape. Ai alarapeta, sorapené naale saai sisó kaae sóró nukutere kaae dapó. Ai alarape yóló kemetepa, nalo mo doasi sekei ala waalopó.

⁹ Ai sekei alarapeta h̄asókó feni, dīapaae mo eraalopa siki sikiyóló betó muae. Ti noatepae, mepaae mo wh̄irapené dīa be kaae tare wh̄irapené fo tokóló só der̄ópóló, atima naase tuamó mulóo, mepaae wh̄irapené dīa fo wosetere bepaae dapesó fóló fokosói ala yóo, yaalopó. Dīa yálo ala erateremó, t̄eteróló kaae tare *Gavman* doasi

topo wh̄raperó atimané sóró betero betere topo wh̄rapetamoné keletómó sóró daalaalo ai ape. Atétere be demó, Talené dīpaae erale alarape atimané wosópóló, diaao yaaire t̄ amatei mulaalo ai ape.

¹⁰ Atéroró, kemeyaaire be de sókó waai teópa, folosóró i hae kwia feamó betó mole so wh̄paae mió wosetere fo wisi yó maté kw̄yóló s̄uraalopó.

¹¹ Atétepa, mepaae wh̄ine dītamo fo tokótamo yaai dapesó fupa, noa fo yaalorópóló whaalia yaq̄se. Dīané fo yaai kaae seretamo, diaaq̄ yaaire fo Talené yó melaalo ai ape. Diaaq̄ kisipané yaalomeitei, Kótóné ama D̄ei Kepe Wisiné yae dere fotóro yaalo ai ape.

¹² Me wh̄iné ama nomatei mené d̄ópóló eleké deyóo, me wh̄iné ama naaleitei me wh̄iné d̄ópóló eleké deyóo, naale senaalenékélé hama alima aqmó betere h̄oróló, mepaae wh̄iné d̄ópóló eleké deyóo, yaalopó.

¹³ Dīa ȳalo ala erótu betere, so wh̄i mo feané dītamo dei tué muturaalu, dīa h̄oróló bóe daalo ai ape. Téyaalotei, mepaae so wh̄i de epaae kisipa tiki tiróló, diriyóló bitiré fóló kemetere kwiamó sókó fupa, ti atétere so wh̄i aluyaqsóro ȳalo tao saalopó.

¹⁴ Diaaq̄ keleralemó, Kótóné ama kae bemóte, mo kelaalo sonaalei dowi ala du betepa, Talené doi

folokoleróló, be mo wópu mulaalopó. Ai ala enénire tikimóte epa kilitu, i as̄ere fo dos̄atere so wh̄i dīané mo wisiyóló kisipa muae. Ai ala depa, Judia hae kwiamó betó mole so wh̄i hasi fosópaae botokó f̄ópóló yae.

¹⁵ Dīa siki be kemó beterelemó i sekei ala wapa kilitu, siki bemó betereitei taaróló, aqró be kemó mole q̄la q̄la sene derep̄eni taaróló botokó fae.

¹⁶ Mepaae wh̄i kutómó daaralemó ai ala depa, ama d̄aae mulale bukutere kuti momó sene feni, mulópóló taaróló botokó fae.

¹⁷ Atétere sukamó, mepaae naale ere soraperó naale senaale tare sorapetamo botokó faaire s̄uni bipi ereteiné mo doa q̄lerapó.

¹⁸ Térapa, ai alarape sosóli alimó yaqsóropa, moma bet̄a du betae.

¹⁹ Ti noatepae, Atétere alimó mo doakale dowi sekei waalo ai ape. Mo take Kótóné keké nale alimó kaae sóró bitiré wóló, mió i alimókélé atei kaae dowi sekei ala mo kolókélé inipó. Téró bitiré fóló, nalopaaekélé atei kaae dowi sekei ala momó kae ke-laalomeipó.

²⁰ Ai be d̄erape Talené h̄alekeróló tukóló mulólūa meisóro, ti so wh̄i mo bet̄akókélé h̄asókó fūa meipó. Talené ama sorokósu yóló kae betero betere so wh̄imó kisipa mutu, be d̄erape h̄alekeróló tukóló muló betepapó.

21 Ai sukamó whi mené diɔpaae duraalu, 'Kale sóró betero betere whi Keriso ai walapa kelae!' Ó u wóló betere ape depa wosóló, mo dapóló momókó tué tiki tiraose.

22 Ti noatepae, mepaae Keriso aoyóló dilikitu betere whiraperó Kótóné kóló whipóló kapala fo yó matere whirapetamo waalo ai ape. Atétu, kae kae ala yaaiремó eratere doasi alaró kae kae kelemei alarapetamo eróturaalu, Kótóné sorokósu yóló kae betero betere so whikélé kópaae fenéremóló kaae kolóló su saalopó.

23 Téyaalopa, diɔ dilikóló kópaae falaosóró, siki siki yóló bituraalu mo wisiyóló kaae tawae. Ai alarape fea yaai teópatei, yaalo diɔpaae i dere ape.

24-25 Ai sekei alarape wale kilipaae ti i asere fo dokonóturaalu, i alarapepi yaalo ai ape.

'Suka ke aluróló dilikiróo, Wéliékélé de iniyóo, horerapekélé i haepaae torokó dorowóo, yaalopó.

Téturaalu, Kótóné ama bole fotokónétei ó sa woreróturaalu, samó ere ɔla ɔlakélé fea wore yaalo ai ape,' erapó.

26 Atétere sukamó, kale Whiné Naalema a ama fotokoró mo kae ere de wisinaaletamo sako tuamó sókó wapa, so whi feané kelaalo ai ape.

27 Atéro wóló daalu, ama sorokósu yóló kae betero betere so whi dape siré kweyópoló, ama ensel-rape dotonaalopó. Haeró sa kwiatamo dene fale dokó feamó, betóló fale so whi dape siré kweyópoló dotonaalopó.

28 Téro fo me i ape. Ni nosepaae dó faróló dere fo diaaɔ wisiyóló tué yaasepóló, i dapa wosae. Nose sóku fóló, totokó momó beletapa kilituraalu, kale ba fo ali mió felekemó sókó walapó dua dapó.

29 Yaalo i bopeyale alarape eratepa kilituraalu, kale Whiné Naalema felekemó waai, tu serekemó daapa dapóló tué muae.

30 Yaalo diɔpaae mo i dere ape. Mió i alimó betó mole so whi fea sukuni hale betepatei, i alarape mo eratepa kelaalo ai ape.

31 Ó saró i haetamo kemeyaalotei, yaalo fo beta mo kemekélé ini, hale muótóró tawaalopó.

A waaire be deró suka keletamo tuénipó yale fo

(Mat 24:36-44)

32 Mo whi betanékélé, hepen bemó betere ensel-rapekélé, Naalemanékélé, ai be deró suka keletamo tuénitei, i be demó i alarape yaalopóló, Alimané beta tuérápó.

33 Térapa, a waaire be de diɔ tué inireteiné ali ali yaosóró, betere dokó siki siki du betae.

34 Kale Whinė Naalema waaireteita, i ala dere kaaepó. Betá whi metikipaae faairaalu, ama kutó diratere whirapepaae kutó betá betá yóló dokoratapó. Atéró, be tų sókó walemó daayaaire whipaaekélé, mo wisiyóló kaae tawae yóló ą fulapó.

35-36 Ti be tale fešaae waaire suka dią tuęnipa, ai be de kaae tawóló betae. Ti noatepae, suka doropolepaae ó dilikitamo ó be deyaai bané hale dere-tamo ó dią noke firepaae ó suka sokoterepaae ą hapale sókó walemó, dią ali ali eraşóró kele diriyóló betaasepóló dapó.

37 Yalo i dere fota, diąpaae maaté dumitei, so whi feapaae ą mo waalopa, hotowayóló kaae tawae, yóló i dere ape,” yalepó.

14

Betani bemó Yesu wel wej dilalefo

(Mat 26:1-13, Jon 12:1-8)

1 Atéró, kale bosenyóló fele be deşó fopei *bred* o deyóló nokole be deşamo sókó waai, tamo be de hąle mupa etéyalepó. Kale so whimó momaratere whiraperó Moses-né aşere fo yó matere whirapetamoné Yesu tawóló daaire tų kikitu duraalu, “Dąné ą neyóló tawóló daaloé?” yalepó.

2 Tétepa, mepaae whiné duraalu, “Itei kaae ąla detere be deşó dąné ai ala enalemó, ti so whiné hąle sóró doasi foya enérapó,” yalepó.

3 Téró, Yesu ą Betani bemó dowi humu fuluné tiki dopa, take ama wisirale whi Saimon-né bemó ąla nuku beterepó. Atétepa, so betané *alabasta* kanené aleale wutimó felé kęlaa wale *nadi wel* wej maapa tawóló walepó. Ai wejta, doasi *moni*-né duputeretei kale soné ai wuti topo dopó faróló, Yesuné topomó suniyalepó.

4 Atétere ala mepaae whirapené kilitu, ai sotamo dei tuę muóló atimasisitei duraalu, “Ai wej wisinaale noatepa hąle besekéróló suniyalerópó?”

5 I wejta, dotonóló 300 *denarias moni* sóró mepaae hąle yolealere so whimó móluşóró wisiuąpóló,” deter-aayóló tamo foné su betalepó.

6 Atétu betepa, Yesuné atimapaee duraalu, “Ama ępaae mo kokąi ala wisinaale eralepa, diaaą ą foné sere ala taalae.

7 Ai yolealere so whjta, suka fea diątamo bitu, diaaą tao saai kisipa mutere sukamó tao sua enérapó. Téyaalotei, ęta suka fea diątamo betó tawaalo meipó.

8 Téyaaireteiné ai soné ama enére ala ai yale ape. Ama ai yale alata, yalo tiki douratere sukamó felé kęlaa wisi wópóló yaaire ala şuralapó.

9 Yalo diąpaae mo i dere ape. Hae kwia feapaae kale fo wisi yó maté kuturaalu, i soné ępaae erale alakélé tuętóró hąle yó taru, yó melaté kwęyaalopó,” yalepó.

10 Téró Yesuné ama yó matere 12 wh̄irapekó Iskar-iot be wh̄ikó Judas ʔ Talepaae momaratere topo wh̄irape beterepaae Yesu daaire tu aleyópóló eleké dene felepó.

11 Atéteremó, kale wh̄irape atima hekesené sukuturaalu, Judas-mó *moni* melaai taleyóló mulalepó. Tétepa Judas ʔ bituraalu, Yesu eleké deyaaire tu kekitu betalepó.

Talepaae erale ala tué muóló nokole ʔla

(*Mat 26:17-30, Luk 22:7-23, Jon 13:21-30, 1Korin 11:23-25*)

12 Téró, kale fopei *bred* o deyóló nokole *fula* kaae sere be demó i ala yalepó. Atimané mara mole ala sya furaalu, kale boseneýóló fele be demó ʔla deyaai *sipsip* hupu male dóló simó biliyóló nukua dapó. Ai ala yaai, Yesuné ama yó matere wh̄irapené ʔpaae woseturaalu, “ Kale boseneýóló fele be demó deyóló naaire ʔla dané mé bemó taleyóló mularóé?” yalepó.

13 Ai fo depa, ama yó matere wh̄irapekó tamo dotonaa duraalu, “Diaamo ai doasi be huluapaae fóló kelenalemó, tu tuámó betʔ wh̄i ʔ wēi wuti beleyóló wou betepa hokolaayaalo ai ape. Téyaalopa, diaamokélé ʔtamo fae.

14 Atéro, ʔ fole be dolopaae diaamokélé fóló, ai be talepaae i fo yae. ‘Yó matere wh̄i ʔ ama yó matere wh̄irapetamo, kale

boseneýóló fele be demó detere ʔla naairaalu wale wh̄irape betaaire be ke mé eré?’ yóló wosae.

15 Ténalemó, ʔla ʔla fea sumótóro sisóló muló betere siki be ke doasi ama diaamopaae yó melaalo ai ape. Ai be dolomó dané naaire ʔlakélé taleyóló mulale fae,” yóló doteyalepó.

16 Tétepa, ama yó matere wh̄i tamo fóló kelalemó, Yesuné atimaamopaae epa kelaalo ai ape yale alatóroti, mo epa kelalepó. Atépa, ai be ke dolomó kale boseneýóló fele be demó deyóló naaire ʔla taleyóló mulalepó.

17 Téró, be dikiteretamo Yesu ʔ ama yó matere 12 wh̄irapetamo sókó walepó.

18 Atéro, atima be dolomó ʔla nuku bitu, Yesuné ama yó matere wh̄irapepaae duraalu, “Yʔlo diʔpaae mo i dere ape. Mió ʔtamo i ʔla nuku betere wh̄irapekó betané ʔ dópóló me wh̄ipaae eleké deyaalo ai ape,” yalepó.

19 Ai fo deremó, atima tué sekʔtepa ʔpaae duraalu, “Yʔ yʔlo eleké deyaalopóló de?” yóló, atima feané betʔ kaae fotóro deté felepó.

20 Tétepa, Yesuné atimapaee duraalu, “Ai ala yaaire wh̄ita, diʔ 12 wh̄irapekó mió i nuku dolomó *bred* o wēimó tópuró su yóló nuku betere wh̄inétei ʔ dópóló eleké deyaalo ai ape.

21 Atéro, kale Wh̄iné Naalemapaae eraaire alata, kale ašemó ere fo mo dokonaalo ai ape. Téyaalotei, kale

Whjné Naalema dópóló eleké deyaaire whj ą betą doasi dowi kwia saairemó wió yae! Ai whj ą hamané dewuą meisóró, mo wisi wuąpó,” yalepó.

22 Atéró atima ąla nuku bitu, Yesuné kale *bred* o bula betą tao sóró taru, Talepaae mo kée yóló kolokó daalu yóló, ama yó matere whjrape dokoróló mótu duraalu, “Ita ąło tikipa, sóró nae,” yalepó.

23 Téró kale dere kaae, *wain* wẹi wutikélé sóró taru Talepaae mo kée yóló, ama yó matere whjrapemó matepa, atima feané betą wutimótei nukulé felepó.

24 Atéró melóló duraalu, “I wutimó maane wẹita, Kótóné ama so whj fea aluyaqsóró tao saalopóló, diriróturaalu sunée farale ąło sameapó.

25 ąło diąpaae mo i dere ape. Ę diątamo etéró bitu, *wain* wẹi momó kae néli hale bitiré fóló, Kótóné tẹteróló kaae tare aqmó bituraalu, kisi *wain* wẹi naalopó,” yalepó.

26 Atéró, atima wole fo betą yóló kemetepa, Olip du sorokó mole aąpaae holaa felepó.

Yesuné Pitapaae naao ą kisipanipó yaalopóló yale fo
(*Mat 26:31-35, Luk 22:31-34, Jon 13:36-38*)

27 Atéró fóló, Yesuné atimapaee duraalu, “Mió dią ętamo betámó titiyóló beteretei, ę taaróló botokó dapo dapo yaalo ai ape. Ti ašemó i fo erapó.

‘Kale *sipsip* hupu kaae tare whj ąło dupa, hupurape atima botokó dapo dapo yaalopó,’ erapó.

28 Téyaalotei, ę momó kepaayóló Kaleli haepaae ępi fimó, dią nalo waalo ai ape,” yalepó.

29 Ai fo depa Pitané Yesupaae duraalu, “Mepaae whjrapené ą taaróló fupa, ę betą mo até yaalomeipó,” yalepó.

30 Ai fo depa Yesuné ąpaae tokó mótu duraalu, “ąło ąpaae mo i dere ape. Mo mió dilikitamo wą *kakaruk* bané hale tamo dakoróló yaaipatei, naao ę tuęnipó fo sore felimó yaalo ai ape,” yalepó.

31 Ti fo depa, Pitané fo diriné momó duraalu, “Atimané ękéle ątamo wusuró dópóló, ąło ą tuęnipó fo mo yaalomeipó,” yalepó. Mepaae yó matere whjrape feanékélé, ama ai dere fo kaaetóró yalepó.

Ketsemanimó yale ala

(*Mat 26:36-46, Luk 22:39-46*)

32 Atéró, atima kelaalo kokoi tiki Ketsemanimó sókó felepó. Aimó ama yó matere whjrapepaae duraalu, “Ęta momane fulapa dią imó betó muae,” yalepó.

33 Atéró Pita, Jems, noma Jon, atima maaté Yesutamo felepó. Atéró, Yesuné ama hosaa tuámó mo doasi dele duraalu, sekené sukóló dei fomaake kisipa kaae sóró muté fu betalepó.

34 Atétepa, ama atimapaee duraalu, “Yało hosaa tuamó dekené sukutu ę mo felekemó sukąai dapa, dią imó kaae tawóló betó muae,” yalepó.

35-36 Ai fo yóló, ą atima betere tiki sawa taaróló fóló, ąpaee waaire seke ąsókó fópóló, haemó deraapisa fóló mulu momaturaalu, “Apa-ó, ępaee i eraaire sekei ala waqsóro seséyaaire tu mupa, ti naao seséyae.

Téatei, yało kisipa mole ala sya fóló ini, naao kisipa mole ala beta erópóló yae,” yalepó.

37 Téró ą ama yó matere whirape beterepaee momó fesaae walemó, atima noke fopesaapa kelalepó. Atépa, Pita turukuróló duraalu, “Saimon-ó, suka kele betamó ę kaae tawóló bitini, ya noke ai firerapó.

38 Kae kae su sere alané dią me dowi ala yóló dée nalaqsóro, mo hotowayóló kaae taruraalu momatu betae. Ti noatepae, kepe betenéta mo wisi alamaaté yaai keteke bupatei, tó tikié dowi ala waqsóro sesé yaaire fotokó buni, bérápó,” yalepó.

39 Atéro ą fesaae fóló, ama kale yale moma kaaetóro momó yalepó.

40 Atéro, ą kale dere kaae momó fesaae wou kelalemó, atima noke kele depa, fopesaapa yó molepó. Atima atéro noke mo fyaletiné, ąpaee noa fo yaalorópóló kóló kóló yalepó.

41 Atéro, ą sore dakeróló momane fi wouraaalu ke-

lalemó, noke fire alatóro yó tapa atimapaee duraalu, “Dią ąa nóló noke fitere ala ąale ai yó tare? Sumó fyaalepa mióta, kale tukóló muló betere sukakele i sókó wale ape. Kelae! mió dowi ala dere whirapené kale Whiné Naalema dópóló, mené eleké ai deyale ape.

42 Mió ę dópóló eleké deyaaire whi ai walapa, turukó hóróló ą faalopa fiépe,” yalepó.

Yesu tawale fo

(*Mat 26:47-56, Luk 22:47-53, Jon 18:3:12*)

43 Ai fo deretamotóro, ama yó matere 12 whirapekó beta Judas sókó walepó. Ama kilimó, whirape mo fea sepakeró nópulutamo tao diliki yóló wó tarepó. Ai whirapeta, mo so whimó Talepaee momaratere topo whirapekélé, Moses-né asere fo yó matere whirapekélé, whi disirapekélé, atima fea betamó fo deyóló dotonatepa walepó.

44 Téró, Yesu dópóló eleké deyaaire whiné ą tawaaire whirape atima kóló kóló duraalu, “Hoko whitei tawaqsóro ę fóló, yałotamo kóló tukó nukupa, ti ątóro hti ai ape. Térapa, tawóló dokóló só furaalu, ą botokó faqsóro mo wisiyóló kaae tawae,” yóló mulélipakalepó.

45 Téró, kale Judas ą Yesu daalepaee mo hapale sókó fóló duraalu, “Yó matere whi-ó,” yóló kóló tukó nalepó.

46 Atétepa, ai wóló daae mole wh̄rape sókó furaalu, Yesu naasemó etée sóró fotokoyóló tawalepó.

47 Atétere ala kolóló, Yesu-tamo daale wh̄i betané ama sepake sókó sóró, so wh̄imó Talepaae momaraterere topo wh̄iné kutó diraterere wh̄iné woséli saae deralepó.

48 Tétepa, Yesuné atimapaee duraalu, “Èta, *Gavman*-tamo bóe dóló so wh̄i yało ąlisóró fulapóló ę daai nópuluró sepaketamo tao dilikiyóló woute?”

49 Ti ę suka fea momaterere be belamó daalu diąpaae fo yó mótu betepa, fo tokótamo yaairaalu, diąné ę aimó tanipó. Tépatei, kale ašemó yóló muló betere fo dokon-airaalu dapa, mo erópóló yae,” yalepó.

50 Yesu atéró tateremó, ama yó matere wh̄rape atima wimó ą taaróló, botokó dapo dapo yalepó.

51 Tétepa, betą kokopei wh̄i kutikélé deréni, ama bukutere deį kuti maaté bukóló Yesu sya fu betalepó.

52 Atéró fu betalemó, atimané ąkélé ama bukure kutitamo touróló tawalemó, ai kutitei atimapaee daae melóló, ą tiki daapi hałe botokó felepó.

Juda topo wh̄irapené Yesu só derale fo

(*Mat 26:57-68, Luk 22:54-55, 63-71, Jon 18:13-14, 19-24*)

53 Téró, atimané Yesu ą Talepaae momaraterere doasi topo wh̄i beterepaae dapesó

walepó. Atéró betepa, ai doasi topo wh̄i aqmó betere momaraterere wh̄irapekélé, Moses-né asęre fo yó matere wh̄irapekélé, wh̄i disirapekélé, fea wóló touralepó.

54 Téró Yesu tawóló só fupa, Pita ą nalo dua tokó su deté fu betalepó. Atéró fóló, momaraterere wh̄irapené topo wh̄iné be bopéro daaló betere dopóku tu serekemó sókó felepó. Atéró ą ai be kaae tare diki tare wh̄rape betó mole kua dolomó, sosólitepa simó beterepó.

55 Atépa, kale momaraterere topo wh̄iraperó fo tokóló taletere wh̄irapetamoné Yesu sukópóló daaire bete kikitu betaletei, bete mekéle kilinipó.

56 Atimané ą dópóló kapala fo yóló só deraaitere fo wh̄i feané yaletei betą fotóró ini, mené fo kae, mené fo kae, du betalepó.

57 Atéró, ą só deraai mepaae wh̄i turukó holóló daalu i fo yalepó.

58 “Mo wh̄iné naasené tęale be ama fisikóló, wh̄iné ténénire momaterere be ama sore sukamótóró momó tęyaalopó depa, dané wosalepó,” yalepó.

59 Téyaletai, atima feané betą fotóró ini, mepaae wh̄iné dere fo kae, mepaae wh̄iné dere fo kae du betalepó.

60 Atétu betepa, momaraterere topo wh̄i kale fo tokóló taleraterere wh̄irapené keletómó turukó horóló

daalu, Yesupaae wose-turaalu, “Ya só deratere whjrapené doa i dere fo-a, naao atimapaae tokó menitere noatepa de?” yalepó.

61 Ti fo depa, Yesuné atimapaae fo me tokó menipó. Atétepa, kale momaraterere topo whjné apaae momó woseturaalu, “Yaata, wisi alamaaté erótu betere Talené naalema so whj teteróló kaae tanópóló, sóró beteró betere whj Kerisoé?” yalepó.

62 Ai fo depa, Yesuné duraalu, “Ai whjta, ętóróti i ape. Whjné Naalema mo doasi fotokó bole Talené turu naase demó betóo, ó sako dolomó wóo depa, diaaọ kelaalo ai ape,” yalepó.

63-64 Kale momaraterere topo whjné ama deró betere kuti bisayóló duraalu, “A só deraaire bete kilinipakó, ama dere ala kelale whj me kae kekaloé? Ti Kótó faleterere fota, amatei deremó dané wosalepa, diané noa kisipa mute?” depa, atimané duraalu, ą só deraaire fota amatei ai yalepa, ą sukópóló daalopó yóló mulalepó.

65 Atéró, mepaae whjrapené ą fesaa apuróo, mepaae whjrapené ti kuti kwiané ama kele husiróló dokóló, naase duné dóo yóló, apaae duraalu, “Yatamo Kótóné ama whj pata, ti ya dale whj dapaae yó alae,” yalepó. Atéró, diki tare whjrapenékélé, ą tao taru du betalepó.

Pitané Yesu ą tuénipó yale fo

(Mat 26:69-75, Luk 22:56-62, Jon 18:15-18, 25-27)

66 Atétu betepa, Pita ą momaraterere topo whjné be boperó betere dopóku aomó kese horóló betepa, kale topo whjné kutó diratere so seimalerapekó betą ą beterepaae walepó.

67 Atéró, Pita ą sosóli depa simó beteremó, kale so seimalené ą kelené kikéro kaae taru duraalu, “Yakélé Nasaret be whjkó Yesutamo betamó kutua yale whj pó,” yalepó.

68 Ti fo depa, Pitané kale senaalepaae duraalu, “Naao ai dere fo beteta ę tuéni, kóló kólórapóló,” ą witepa dopóku tų sereke felekemó bitj felepó.

69 Atétepa, kale so seimalené Pita kolóló, aimó daae mole so whj paae momó duraalu, “I whjkélé Yesutamo betamó kwęale whjkópó,” yalepó.

70 Tétepa, Pitané ama kale dere fo kaae momó duraalu, “Ę mo meipó,” yalepó. Atéró sawa betóló, kale dere kaae mepaae felekemó daae mole whjrapekó betané apaae duraalu, “Ti yaata, ątamo betamó kwęyale whj mo hti ai ape. Ti noatepae, naao dere fota, Kaleli be fo nakome wosetapó,” yalepó.

71 Ti fo depa, Pitané atimapaae duraalu, “Diaaọ ai bopetere whjta, ę tuénipó. Yalotamo diapaae kapala fo depa, ti Talené ę dópóló yae,”

yóló, mo dirii dāle dere fo kaae yalepó.

⁷² Ai fo deretamotóró, kale wā *kakaruk* bané hale tamo dakoróló yalepó. Tétepa, take Yesuné Pita āpaae du, wā *kakaruk* bané hale tamo dakoróló yaaipatei, naao ē tuénipó fo sore félimó yaalopó yaleteti, kisipa muni walepó. Atétepa, ā dekené sukuturaalu, doasi wole du betalepó.

15

Pailat-né Yesu dae yale fo
(*Mat 27:1-2, 11-26, Luk 23:1-5, 13-25, Jon 18:28-19:16*)

¹ Atéroró, mo hīkati so whīmó momaratere topo whīrapekélé, whī disirapekélé, Moses-né asere fo yó matere whīrapekélé, fo tokóló taleraterere whīrapekélé, atima fea fo dokóló, mo betā tuétóró muóló, Yesu naase tamo dokóló dapesó Pailat-né naase tuāmó mulalepó.

² Atéroró wóló daapa, Pailat-né āpaae woseturaalu, “Yāta, kale Juda fake so whī tēteróló kaae tare doasi topo whīé?” depa, Yesuné āpaae tokó mótu duraalu, “Épó. Naao ai dere fota, mo dono dapó,” yalepó.

³ Ai fo deremó, Talepaae momaratere topo whīrapené dei tué mutu, i sekéné kae kae hōko alarape yalepóló, só deraterere fo du betalepó.

⁴ Atétu betepa, Pailat-né āpaae momó woseturaalu, “Atima kae kae forapené yā só derótu betere fo fea naao

woserutei, tokó menitere-a, noatepa de?” yalepó.

⁵ Ai fo depatei, Yesuné kale topo whī Pailat-paae me fo tokó menitere ala kilitu, ama sirayalepó.

⁶ Atimané ọla detere alimó, mara mole ala ipó. *Dipula* beteró betere whī betakó ba fo dokómó so whīné sokae dere whītóró Pailat-né sókó daalótua dapó. Atéroró dotēyaaai so whīpaae wosóló, atimané doi dere whītóró dotonótua dapó.

⁷ *Gavman*-tamo bóe dóló whī dupa, *dipula* beteró betere whīrapetamo Barabas-kélé beterepó.

⁸ Atépa, so whī mo fea Pailat beterepaae wóló woseturaalu, “Naao kale duaterere kaae yaaloé?” yalepó.

⁹ Ti fo depa, Pailat-né atimapaee woseturaalu, “Diaaọ kisipané Juda so whī tēteróló kaae tare topo whī dotonaró de?” yalepó.

¹⁰ Fo yaleteita, momaratere topo whīrape Yesutamo dei tué muturaalu, ā daai dapesó wale bete Pailat-né ama kisipa yalepó.

¹¹ Tétepa, kale momaratere topo whīrapené mo so whīpaae Barabas sokópóló, yae yóló sesemeraterere fo deté kotepa, atimané ai fo yalepó.

¹² Ti fo depa, Pailat-né atimapaee momó duraalu, “Juda so whī tēteróló kaae tare topo whīpaae yālo noa alakó eraró de?” yalepó.

¹³ Tétepa, kale so whīné fo fakeyóló duraalu, “Ai whī fil-

ipaa ni tó mó oleróló dae,” yalepó.

¹⁴ Ai fo depa Pailat-né atimapaee duraalu, “A me dowi ala initepatei, hãle noatepa daró de?” yalepó. Tétepa, kale so whi feané mo ti fo fakeyóló duraalu, “Filipaa ni tó mó sukópóló olerae,” yalepó.

¹⁵ Atétepa, ai so whiné Pailat aapaae wisi tué muópóló, Barabas atima beterepaae fópóló sokóló daalóló, Yesu mo dirii halika tikinépi fokosoi ala du beteró, filipaa ni tó mó sukópóló olerae yóló, diki tare whirapené naase tuamó mulalepó.

Diki tare whiné Yesu doka doka yale fo

(Mat 27:27-31, Jon 19:2-3)

¹⁶ Téró, kale diki tare whirapené Yesu dape sóró kale topo whi Pailat-né be bela wisinaalené doi Pretorium-paae dapesó felepó. Ai dopóku bolaa dolopaae mepaae diki tare whirapekélé mo fea ape depa, atima touralepó.

¹⁷ Atéroró daaló bitu, sonaai kuti deróo, mu daai képitei topo whirapené deratere topotao suróló bopeyóló, ama topomó deróo yóló, a faletu betalepó.

¹⁸ Atéroró, atimané duraalu, “Juda so whi tetéroróló kaae tare doasi topo whi-ó,” yóló, fesaa apuróló dotó tikiné du betalepó.

¹⁹ Atéroró, dotó tikiné ama topomó momó du momó du

yóló fesaa apurótu betalepó. Atéroró atima Yesu aomó bukutiri tearó bitu, doa whi-ó yóló doi sóró horóló faletu betalepó.

²⁰ Atétu beteró, atimané a derale sonaai kuti sókóló, ama kuti momó deralepó. Atéroró a filipaa ni tó mó sukópóló, oleraairaaalu dapesó felepó.

Yesu filipaa ni tó mó olerale fo

(Mat 27:32-44, Luk 23:26-43, Jon 19:17-27)

²¹ Atéroró dapesó fu betepa, Sairin be whikó Aleksandaró Rufus-tamoné alima Saimon a ipu bemó biti, doasi be huluapaae faai wapa, kale diki tare whirapené aapaae Yesu dóló oleraaire filipaa ni a fasóló naao belerae yóló seyalapó.

²² Atéroró, atimané Yesu dapesó fóló, betã hae Kolko-tamó sókó felepó. Ai doiné beteta, topo diripó.

²³ Téró, aimó *wain* weiró kale *mur* ni fetamo hosekéróló tepeyóló nópóló melaletai, ama nénipó.

²⁴ Atéroró, atimané a filipaa ni tó mó sinópóló oleralepó. Atéroró oleróló, ama kuti atima saairaalu, betã melaa yalepó. Kale diki tare whirape atima betã betã yóló kapo fakemó siri eróló, sikipaae fesekée horótua yalemó, mé whiné siri moletei wisiyóló muni doró wapa, ti ai whiné ama kuti sua yalepó.

²⁵ Téró hika 9 *kilok* sukakelemó, Yesu dóló oleralepó.

26 I betené dalepóló, ą wol-
erale ni topomó aseýóló ol-
erale fo i ape.

JUDA SO WHI TĘTERÓLÓ KAAE
TARE TOPO WHI

27 Atéro, ọlémi nuku betale
whi tamo me whi Yesuné
fẹ naase ẹrọ oleróo, me
whi turu naase ẹrọ oleróo,
yalepó.

29-30 Atéro oloró betepa,
mepaae fua wua du betere
whirapené kili fépo yóló
duraalu, “Yata, momatere
be fisikóló sore sukamótóro
momó teyaalopó du betale
whipa, mió naatei ya tao
sóró, ai filipaa ni taaróló dere
ape,” dua yalepó.

31 Kale yale fo kaae, mo-
maratere topo whiraperó
Moses-né asere fo yó matere
whirapetamo atimasisitei
duraalu, “Mepaae so whi
sukaosóró tao sua yale kaae,
amatei ą tao sinitupó,” du
betalepó.

32 “Yatamo Israel fake so
whi teteróló kaae tare doasi
topo whi Kerisopata, ti ẹ
tuẹ tiki tiraai dapa, ai fili-
paa ni taaróló dere ape,” du
betalepó. Téro, ątamo ol-
eró betere whi tamonékélé, u
whirapené dere kaae, faletu
betalepó.

Yesu sukale fo

(Mat 27:45-56, Luk 23:44-
49, Jon 19:28-30)

33 Atéro, suka tuamó 12
kilok kaae sóro be dikiraletai,
kuluka 3 kilok-mó momó
deralepó.

34 Atéro, ai sukakelemó,
Yesuné fo fakeyóló duraalu,
“Eloi, Eloi, lama sabakatani,”

ai fo bete feteyóló “Ę teteróló
kaae tare Kótóo, ẹ teteróló
kaae tare Kótóo, ẹ wotoró
beterópóló, noatapa taaróló
feleé?” yalepó.

35 Ama ai dere fo felekemó
daae mole whirapené wosóló
duraalu, “Elaijapaae ape
yóló, ai dere wosere?”
yalepó.

36 Tétepa, beta whi hapale
fóló, wépi kaae ọla kape
sikimó haka sóro, séli kẹlaa
kaae ere *wain* wẹi tópuróló
melaai yalemó, mepaae
whiné duraalu, “Ilaija wóló ą
tokóló só fulémóló kelaalopa,
kaayae,” yalepó.

37 Atéro, Yesuné fo
fakeyóló, ą mo ti sukalepó.

38 Atéteretamo, kale mo-
matere be tuamó satale yóló
oleró betere kuti, haletai ó
kwiamó kaae sóro tuamó
teketé doropóló, salepaae
sókó deralepó.

39 Téro, kale 100 diki tare
whirape kaae tare doasi
topo whi ą Yesu oleró betere
tiki felekemó daalemó, ą
sukairaaalu, dere fo fake
wosóo, sukutere alakélé
kolóo duraalu, “Haió! ąta,
Kótóné Naalematei ai di-
rapó,” yalepó.

40 Mepaae sorapekélé
mo tumó kese anóló daae
molepó. Ai sorape kuamó,
Maktala sokó Mariakélé,
Jems-ró Joses-tamoné hama
Mariakélé, Salomekélé, atima
atéro daalepó.

41 Ai sorapeta Yesu sya
fóló, take Kalelimó ątamo
kuturaalu, ą ya yątere
ọla melóló kaae tawale

sorapepó. Mepaae ʔatamo Jerusalem bepaee wale sorapekélé fea atima daae molepó.

Yesu dourale fo

(*Mat 27:57-61, Luk 23:50-55, Jon 19:38-42*)

⁴² Kale Juda wh̄rape atima ʂaa nóló betere be de dótóróti sókó waaipa, miótóró kulukapaae ʒla ʒla sisóló mulatere be deṁó ai ala yalepó.

⁴³ Tétepa, kuluka deretamo Israel fake so wh̄iné fo tokóló taleratare wh̄rape tuʔmó doasi doi mole Arimatea be wh̄ikó Josep walepó. Ai sekéta, Kótóné teṭeróló kaae tare ala wópóló kaae tare wh̄ipó. Atéreteiné ʔ witere alakélé ini, halaainé Yesuné tiki melaaloé? yóló, Pailatpaae wosene felepó.

⁴⁴⁻⁴⁵ Atéró, Yesu mo sukʔlepó dere fo kale Pailatné wosóló, ʔ kilita sókó fu sira yalepó. Tétu, diki tare wh̄rapené doasi topo wh̄ipaae woseturaalu, “Yesu mo ti sukʔléé?” depa, kale sekéné duraalu, “Épó. ʔ mo ti sukʔlepó,” yalepó. Ti fo depa, kale Palaitiné Joseppaae wisirapa tokóló sóró fae yalepó.

⁴⁶ Tétepa, Josep-né ama betʔa deṁi *linen* kuti wisinaale dupuyóló, Yesu tokóló haemó mulóló, ama tiki bopeyóló dokalepó. Atéró só fóló, mené aleyóló muló betere kane dolomó douralepó. Atéró, Josep-né ai dou tu kinaaire kane fake biliraté fóló kinallepó.

⁴⁷ Atéró, Yesu dourótu betepa, Maktala sokó Mariaró Joses-né hama Mariatamo mo tumó daalu, kese faló beterepó.

16

Yesu kepaayale fo

(*Mat 28:1-8, Luk 24:1-12, Jon 20:1-10*)

¹ Téró, kale ʂaa nokole be de kemene fupa, Maktala so Mariakélé, Jems-né hama Mariakélé Salomekélé, atima felé ʒlaa wale wisi wisi ʒla Yesuné tikimó dilʒle faai dupuyalepó.

² Atéró, *fula* kaae sere be deṁó, h̄ika suka hoteretamo kale sorape atima Yesu mole dou tópaee felepó.

³ Atéró atimasisi fu bituraalu, “Kale dou dolo kinó betere doasi kane fake betʔa né tukweyóló biliraté faalorópó?” deté fu betalepó.

⁴ Atima atéró mo umó wou bitu kese faralemó, kale dou dolo kinó betere doasi kane fake biliraté fóló, deṁó muló betepa kelalepó.

⁵ Atépa, atima dou dolopaae felemó, betʔa kokopei wh̄i deṁi kuti wisinaale deróló, turu naase deṁó betepa kólóló, atima witu kilita sókó felepó.

⁶ Atétepa kale wh̄iné atimapaae duraalu, “Diʒa wiyóló kilita sókó faʒse. Diʒata, atimané filipaa ni tómó oleróló dale Nasaret wh̄i Yesu kekitu beterapó. ʔta imó muni, kepaayóló ai fele ape. ʔ mulale tikikélé h̄ale ai erapa ke-lae.

7 Téra pa diá fóló, ama yó matere whi Pitaró mepaae yó matere whirapetamopaae i fo ene fae. Take a sukai bituraalu, yale fo motóróti dokonóturaalu, diá wópóló, folosóró api Kaleli haepaae ai fale ape. Téra pa, diá aipaae fupa, a aimó kelaalopó, ” yalepó.

8 Ai fo deremó, kale sorape atima diri furu furu yóló kilita sókó furaalu, doutó taaróló botokó felepó. Atéró, kale sorape atima aso sókó feleteiné witepa, atimané kelale alarape me whipaae inipó.

9 Fula kaae sere be demó Yesu a kepaayóló mo hikati Maktala be sokó Maria daalemópi sókó walepó. Ata, take Yesuné wëikeró dowi keperape betepa, hōkonale sopó.

10 Téró, Maria a fóló, Yesutamo kweyale whirape dekené sukuturaalu, molómó betó mupa, ama kelale ala fea atimapaee yalepó.

11 Téyalemó, atimané kale soné Yesu kepaayóló betepa kelalepóló ene wale fo wosóló, mopóló tué tiki tirénipó.

12 Téró nalomo, ama yó matere whirapekó tamo whi, doasi be hulua taaróló, me tikipaae faai fu betalemó, Yesuné ama tiki mo kae daayóló, atimaamo fu betere tuamó sókó wóló, daapa kelalepó.

13 Atétepa, kelale whi tamoné mepaae yó matere

whirapepaae a mo kepaayóló beterapó fo ene walemókélé, mo dapóló atima tué tiki tirénipó.

14 Atéró, nalo Yesu a ama yó matere 11 whirape ɔla nuku beteremó sókó walepó. Atéró wóló, atimané a mo kepaayóló beterapó dere fo wosóló, tué tiki tiréni deremó, atima foné sóró duraalu, “Di-aaɔ kutiri hapóluru dowaae fóló, e kepaayóló beterapóló ene wale fo wosóló, mopóló tué tiki tirénitere noatepa de?” yalepó.

15 Atéró, atimapaee duraalu, “Kótóné kaaróló beteró betere kae kae tiki daae mole so whi feapaae i kale kisi fo wisi yó melaté kweyae.

16 Mepaae so whi detamo tué tiki tiróló bitu wei tóputepa, ti atétere so whi aluyaosóró Kótóné tao saalotei, mepaae tué tiki tirénire so whi ti ama só deróló, dowi dupu melaalopó.

17-18 Atéró, tué tiki tiró betere so whiné etei kelemei alarape eraalo ai ape. So whi tuamó betó mole dowi keperape yalo doimó hōkonótua yóo, kae kae be fo tuénirutei tuére whiné dere fo kaae yóo, whi dele dowi wulirape naasené tatua yóo, hereikélé naalotei sukuni yóo, hepo daróló mole so whiné tikimó naase mulatepa wisi yóo, yaalo ai ape,” yalepó.

19 Atéró, Tale Yesuné atimapaee ai forape yóló keme-tepa, Kótóné a hepen-paae

dapesó holóló, Talené ama
turu naase demó beteralepó.

²⁰ Atéro, ama yó matere
whirape atima hae kwia fea-
paae kale kisi fo wisi yó maté
kweyaai felepó.

Atima atéro yó maté kotere
fo so whiné mo dapóló
tué muópóló, mepaae kele-
mei alarape eraaire fotokọ
Talené atima tuapaae mó
surallepó.

Luk

Węi tópuratere whi Jon deyaalopóló yale fo

¹ Kótóné eraalopóló muló betere fo da tuapaae mo eró betepa, mepaae whiné kolóló aseýalepó.

² Ai whirape atima kọleané aseñi, yale alarape mo kelale whirapené deté wale fotóro yó maté wou betalepó. Ai whirapeta, kale fo wisi kae fotamo hoseké eraqsóro hotowayóló kaae taru, yó mótu betalepó.

³⁻⁴ Mepaae whirapené deté wale fo aseýale kaae, mió yalokélé ai fo wisiyóló taleyóló betemó kaae sóro, mo donotóro aseýaai kisipa mutapó. Doa whi Tiopilus-ó, take mepaae whirapené yapaae yó melale fota, mo erapóló naao diriyóló tué yaasepóló, yalo i asetere ape.

⁵ Kale Judia hae kwia tetéroló kaae tare topo whi Herot betale alimó etéyalepó. So whimó Talepaae momaratere whi betá beterepó. Ai whita, Lipai faketei, Abaijané deté wale whi Sekaraiapó. Ama soma Elisabet-ta, momaratere topo whi Eron-né deté wale sopó.

⁶ Kótóné keletómó atimaamo mo donoi soró whitamó bitu, Kótóné yóló muló betere fo aqmó sukóló, ama erae dere ala betá eraté fu betalepó.

⁷ Atéretei, kale so Elisabet atimaamo naale senaalekélé

mei, ni daayóló betepa, sokélé sere yóo, whikélé otere yóo yalepó.

⁸ Atéroló betere tuamó Abaija fake whirapené so whimó momarópóló, tukóló muló betere be demó Sekaraiaró ama fake whitamóné momatere be kaae tarepó. Atéru, Sekaraia a so whimó momarótu betalemó etéyalepó.

⁹ So whimó momaratere whirape atima mara mole ala sya furaalu, atimané doi mole ni fakerape fesekée deralemó, Sekaraiané doi mole ni fake dono fetée horóló muni dorowalepó. Atétepa, a kale momatere be tuapaae fóló, felé kẹlaa wale fetera kaae ọla si keletómó biliyópóló, atimané a sóro beteralepó.

¹⁰ Atéroló, kale felé kẹlaa wale fetera kaae ọla simó sukulaa dalatere sukamó a momatere be dolopaae fóló, simó terepetu betalepó. Atétu betepa, mepaae momayaai wale so whi atima belamó kaae taru momatu betalepó.

¹¹ Até du betepa, Talené dotonale *ensel* wóló, kale felé kẹlaa wale ọla bilitere tiki turu naase dẹro daapa ke-lalepó.

¹² Ai *ensel* sókó walemó, Sekaraia kilita sókó furaalu, mo winé sukutu betalepó.

¹³ Tétepa, kale *ensel*-né apaae duraalu, “Sekaraia-ó, ya wiyaqse, naao du betale moma Talené wosalepó. Naao so Elisabet naale

deyaalo ai ape. Téyaalopa, ama doi Jon mulae.

¹⁴ Ai naale detere kilituraalu, ya doasi hajiné sukôo, mo so whikélé ai naale kilituraalu, hajiné sukôo yóló Talepaae mo kée du betaalo ai ape.

¹⁵ Ti noatepae, Talené keletómó ą mo doasi whi betaalopó. ą doayóló bitukélé, *wain* weiró topo doyóló keyaa fole weıtamo naalomeipó. ą hamané depemó betepatei, kale Deı Kepe Wisi ą tuamó faayóló mo suró betaalopó.

¹⁶ Atéru, take kópaae fu betere Israel fake so whi atima tetéróló kaae tare Kótó aomó beterópóló, ai naalené momó dapesó waalo ai ape.

¹⁷ Tale wópóló folosóro ąpi wouraalu, ama yaaire alata, take betale whi Ilaija ą keperó fotokotamo faanuraalu du betale ala kaae, ai seké ą tuamókélé até yaalopó. Ai naale doayóló bitu, alimaraperó naale senaaletamopaae momó hosaa muópóló, atima tué tiki feteraalo ai ape. Atéturaalu, mepaae Kótóné fo woseni dowaae fu betere so whi Kótóné donoi ala tuamó wisi kisipatamo beterópóló eraalopó. Atéturaalu, so whi fea Tale beterepaae faaire ala amatei, donoróló beteraalo ai ape,” yalepó.

¹⁸ Atéro Sekaraiané *ensel*-paae duraalu, “Atei ala mo eraalopóló ęalo noayóló kisipa yaaloé? Ti ę otere yóo, ęalo sokélé sere yóo, erapó,”

yalepó.

¹⁹ Tétepa, kale *ensel*-né ąpaae duraalu, “Ęta Kótóné keletómó daalu i ala yae depa du betere *ensel* Kebriel-pó. Mió i dere fo wisi ęalo ęapaae yó melópóló, ama ę ęalo beterepaae dotonatepa wóló ęatamo fo i du betere ape.

²⁰ Mió ęalo i dere fo wosóló kisipa tiki tiréni depa, ti naao fo aluyaalo ai ape. ęa atépatei bitiré fóló, mió i dere fo dokonóló eratepe sukamó ti naao fo momó yaalo ai ape,” yalepó.

²¹ Téró, Sekaraia momatere be dolopaae holóló betepa, belamó ą kaae tawóló betó mole so whiné duraalu, “ą mo taketi holaletei, diki du betere-a, noakó su bitu dérópó,” du betalepó.

²² Téró kale whi ą belapaae dorowóló atimapaae fo yaairetei suni, ama fo alureteiné naasené maaté du betepa, so whiné etei kisipa mualepó. Be tuamó Talené me alakó ąpaae nokené dere ala kaae eratepa kilitu yalepó du betalepó.

²³ Atéro, momatere be tuamó kutó diyópóló dale mulale be deı kemetepa, ama bepaae felepó.

²⁴ Ai alarape yale kilipaae ama soma Elisabet naale yalepó. Atétepa, kale so ą kelaqsóro ama bemó kinóló betepatei, wélié aporó kemeyalepó.

²⁵ ą atéro bitu duraalu “Take ę ni daapa so whi feané faletu betaleteti, mió i be demó Talené ępaae

erale wisi alané so whi feané keletómó yálo hale kemeralepó,” yalepó.

Yesu deyaalopóló yale fo

²⁶ Téró, kale so ą naale yóló betepa, apomi wélié tuąmó Kótóné ama *ensel* Kebriel, Kaleli haemó ęene Nasaret be huluapaae dotęyalepó.

²⁷ Atéró, kale *ensel* Kebriel betą so seimale Maria beterepaae felepó. Ai sota, Depit fake whikó Josep-né dokaairaalu tukóló beteró beterepó.

²⁸ Téró, kale *ensel* ą beterepaae fóló duraalu, “Talené heęesere so seimale-ó, Tale yątamo ai betere ape,” yalepó.

²⁹ Atei fo Mariané wosetu-raalu, etei kaae kęleó dere fo-a, noa betené dęrópóló ą kisipa teketu betalepó.

³⁰ Até du betepa, kale *ensel*-né ąpaae duraalu, “Maria-ó, Kótóné ama yą mo wisiyóló kolóló hosaa mutu, yąpaae wisi ala eraai dapa, wiyaęse.

³¹ Yąta, naale yaalo ai ape. Ai naale detepa, ama doi Yesu mulae.

³² ą doasi topo whi betepa kilituraalu, so whi feané mo ó taoró betere Kótóné Naalemapó du betaalo ai ape. Ai naaleta, take ama noumatere Depit bitu yale kaae, so whi fea ęeteróló kaae tanópóló, Kótóné amatei ą doasi whi sóró beteraalo ai ape.

³³ ąta topo whi bituraalu, Jekop-né firale fakerape

ęeteróló kaae tare ala kemekélé ini, haęe yótóró tawaalopó,” yalepó.

³⁴ Tétepa, Mariané *ensel*-paae duraalu, “Ęta, whitamokélé konipa, ai ala neyóló yaaloé?” yalepó.

³⁵ Ai fo depa, *ensel*-né ąpaae tokó mótu duraalu, “Kale Dęi Kepe Wisi yą tuąpaae bitę waalopó. Tęturaalu, mo ó taoró betere Kótóné fotokęné yą ęeteróló husuró betaalo ai ape. Ai deyaaire naaleta, me dowi alakélé muni, mo kaae naale detepa so whi feané kilitu, ita Kótóné Naalemapó fo yaalo ai ape.

³⁶ Aita yą maaté mei, naao kekelé so Elisabet-kélé seretei naale erapó. Upulé ą ni daapa mepaae so whinė atei serené naale deyaalomeipó dua yaletei, mió ą naale epa, apomiró wélié kemeyalepó.

³⁷ Ti fea ala fea Kótóné şumó enénipóló de?” yalepó.

³⁸ Ai fo depa, Mariané ąpaae duraalu, “Ti ęta Kótóné ama kutó diratere so betere-apa, naao yale fotóró ama ępaae erópóló yae,” yalepó. Téró, kale *ensel* felepó.

Maria ą Elisabet keęe fele fo

³⁹ Atęyale be dęmótóró, Maria ą ęla ęla hapale sisóló ai be hulua taaróló, Judia du sorokó mole haemó ęene be huluapaae felepó.

⁴⁰ Atéró, kale so ą Sekaria-iaró somatamo betere be dolopaae fóló, Elisabet-paae duraalu, “Fapa kęleó,” yóló apualepó.

41 Mariané Elisabet-paae ai dere fo woseturaalu, Elisabet-né depemó betere naale toróyó holalepó. Atéturaalu, Deį Kepe Wisi ą tuąmó faayóló sųralepó.

42 Atéru Elisabet-né fo fakeyóló duraalu, “Sorape fea betó mupatei, ya betą Tale Kótóné mo wisiró beterapó. Atéturaalu, naao deyaaire naalekélé ama mo wisiró beterapó.

43 Ę mé so wisi betepa, ę teteróló kaae tare Talené hama naao ę ęle waleé?

44 Naao kęleó dere fo woseturaalu, yało depemó betere naalekélé hekesené sukutu toróyó holalepó.

45 Kótóné yapaae eraalopó yale fo wosóló, naao kisipa tiki tiralemó ya wisiró beterapa, mióta ya hekesené sukąe,” yalepó.

Mariané Kótóné doi hale horótu yale wole fo

46 Téró, Mariané duraalu, “Yało hosaa tuąmó Talené doi hale sóró horatapó.

47 Yało hosaa turónékélé ę aluyaqsóró tao sale Kótópaae mo kée yóló hajné sukutapó.

48 Ti ęta, kutó diratere doi muni sókótei so betepatei, ama ę wisiyóló tao salepó.

Mió i be demó kaae sóró bitiré faaire so whį feané ę kilituraalu, ita Kótóné wisiró betere sopó yaalo ai ape.

49 Ti noatepae, mo doa fotokę bole Tale Kótóné

ęmó mo doakale ala eralepó.

Ama doi mo kae muluraalu, dowi ala mo betąkélé munire Talepó.

50 Mepaae so whį de Kótópaae winé sukóló ą aomó dua betepa, ama kęlené sukutere ala mió i alimó betere so whįpaaekélé, take bitiré faaire so whįpaaekélé, hałe yó tarapó.

51 Ama doasi bole fotokęné mepaae doasi alarape eralepó.

Atéturaalu, mepaae whį de atima kisipanétei duraalu, ‘Ęta mo doasi sekę whį beterapóló,’ bopé faketu betale whįrape dapo dapo yóló fųpóló, hųkó faralepó.

52 Mepaae teteróló kaae tare doasi topo whįrapené kaae tare alarape ama kemeróló, haepaae só deróo, mepaae naameyóló sókótei betere so whį ama sikipaae horóo, yalepó.

53 Mepaae wotené sukutere whįrape ama ęla wisi melóló hairóo, mepaae ęla ęla dekéro mole néli so whį hałe fųpóló dotonóo, dua yalepó.

54 Ama kutó diratere Israel fake whįrape kisipa keteréni, kęlené sukuturaalu, atima tao sere ala hałe yó tarapó.

55 Talené Abraham-ró ama deté faaire naaletamopaae wisi ala eraalopó yóló mulale fo keteréni, dané ayarapepaaekélé eralepó.

Atéyale kaae, mió i alimó dapaekélé ama kolené sukutere ala hãle yó tarapó," yalepó.

56 Téró, wélié soremó Maria a Elisabet-tamo beteró, nalo ama bepaae fesaae felepó.

Wei tópuratere whi Jon deyale fo

57 Téró etéyalepó. Kale so Elisabet a naale saaitere be demó ama naale dealepó.

58 Tale Kótóné doasi kolené sukuturaalu, apaae erale alamó Talepaae mo kée yóló doasi hekesse yalepó. Atétepa, ama be whi so whiró kekelé so whitamokélé ama dere hekesse kaaetóro du betalepó.

59 Atéroró kale so naale sóro beteró, bokó wale be demó ama tiki sekae tukóló siriróo, kale naalené doikélé alima Sekaraiané doi yakoróo yaai, ama fake so whi walepó.

60 Até yaaitépa, ama hama Elisabet-né duraalu, "Meipó. Ama doita, Jon mulaai dapó," yalepó.

61 Ai fo depa, atimané apaae duraalu, "Yã fake whikó mo betakélé atei doi munipó," yalepó.

62 Ti fo depa, atimané alimapaae naasené maaté yóló duraalu, "Nao kisané a de doi mulaaloé?" yalepó.

63 Tétepa, ama atimapaae naasené maaté yóló duraalu,

aseterere sóku sóro ape depa, sóro walepó. Atéroró, ai kale sóro wale ɔla tómó Jon doi aseyalepó. Ai doi aseterere kilituraalu, so whi feané haió yóló, sirayalepó.

64 Até yaletamotóro Sekaraia a fo aluretei momó duraalu, Kótóné doi hale sóro horalepó.

65 Atimaamoné be felekemó betó mole so whiné atétere ala kilitu, me ala kae dapóló winé sinalepó. Du sorokó mole Judia hae kwiamó betó mole so whi feapaae i ala yalepóló deté kweyóló fakeralepó.

66 Mepaae i fo wosale so whiné "I naaleta, Tale Kótóné mo doasi fotokɔ bete a tuamó mupa kilitu, take doayóló a noa kaae whi betaalorópó," du betalepó.

Sekaraiané yale wole fo

67-68 Kale naale Jon-né alima Sekaraia Dei Kepe Wisiné fotokɔratepa, Kótóné apaae yae depa mo so whipaae duraalu,

"Dané Talené doi hale sóro horaalopó. Israel fake so whi tetéroróló kaae tare Kótópaae mo kée du betae.

Ti noatepae, da ama so whipóló dupuró beterapó.

69 Ama kutó diratere whi Depit-né firale fake tuamó Kótóné whi betã sóro beteró beterapó.

Ai sekéné ama fotokóné da i hae so whi aluyaqsóro tao saalopó.

- 70 Ti mo take Kótóné ama kae beteró betere kóló whirapené yale fo mo dokonóturaalu yalepó.
- 71 Dá bóe whi kuamó betepa, ama tao saalopó. Téturaalu, mepaae whiné dowi kisipa muóló dątamo bóe dupa, ama fotokóné sesé yaalopó.
- 72 Dąné ayarape ama kisipa keteréni, kqlené suku-turaalu mió dą tao saaire whi doton-aalopó.
- 73 Ti aita hąle mei, Kótóné dąné aya Abraham-paae i ala eraalopóló mo dirii fo yóló muló betereiteinépó.
- 74 Take ai yóló muló betere fo dokonóturaalu, bóe whirapené dą dóló tẹteraqsóró, tao sóró beteró beterapó.
Atérené mió dą wikélé ini, halaaíné Kótóné kutó betą dirótu betenérápó.
- 75 Ti betere dokọ fea dą ama keletómó ama kae ere alaró mo donoi alatamo tuąmótóró betó tawaalopó.
- 76 Yąta, yąlo naalepó. Take nalopaae so whi feané yą kilituraalu, mo taoró betere Kótóné ama kóló whipó yaalopó.
Ti Tale waaipa yąpi folosóró wouraalu, ą waaire tų donorae yaaire whi betaalopó.
- 77 Téturaalu, Kótóné ama so whiné dowi alamó melaaire kwia aluróló tao saaire ala naao atimapaae yó melaalo ai ape.
- 78 Ti Kótóné kqlé dere ala ama hosaa tuąmó fąaneteiné ai ala eraalopó.
Ti atéyaaire alata, hįka teó sokotere suka dąné tikimó felétu dere kaae, Kótóné ama hepen-mó ere dẹ dą betere tuąpaae eraalopó.
- 79 Ti aita, noa yaai mei, mepaae diliki tuąmó betó mole so whiró mo felekemó sukąai du betere so whıtamo Kótóné hosaa muni deyóló dua betere ala tuąpaae bitį fópóló, ai dẹné yó melaalopó," yalepó.
80 Atéró, kale naale ą doatu-raalu, ama kepe tuąpaaekélé doasi fotokọ bualepó. Atéru, ą Israel so whi beterepaae hąkearóló sókó waairaaalu, so whi bitini hąle wópu tikimó bitiré felepó.

2

Yesu deale fo (Mat 1:18-25)

¹ Ai alarape du betale tuąmó etéyalepó. Rom *Gavman* topo whi Sisa Akastus-né i hae kwiamó betó mole so whi doi siré kweyae yóló mulalepó.

² Atéró so whi doi saleteita, Siria hae kwia Kwirinius-né

tęteróló kaae tapa, folosóró kaae sutóró yalepó.

³ Atétepa, kale so whi mo fea doi sópóló, atimané tुरूku be séle sélepaae felepó.

⁴ Atétepa, Josep ą Depit-né deté wale whi ereteiné Kaleli hae kwiamó tęne Nasaret be taaróló, Judia haemó tęne Depit-né be hulua Betelehem-paae felepó.

⁵ Ama dokaai tukóló betero betere so Maria naale epa, atimaamoné doikélé mulaai felepó.

⁶ Atéro fóló, atimaamo ai bemó betepa, kale so naale saaire be de sókó walepó.

⁷ Ai be demó kale soné ama topo naale deyalepó. Atéro, kale naale kutiné bope yóló hupurape ąla melótua dere ni fakené aleyale nuku tómó beleró beterepó. Ti noatepae, uké wale so whiné fitere be faaneteiné yalepó.

Ensel-rapené sipsip hupu kaae tare whirapepaae yale fo

⁸ Téro etéyalepó. Ai hae kwiamó mepaae sipsip hupu kaae tare whirape ai be hulua taaróló, ne yó molepaae fóló, dikitamo atima hupurape kaae tawóló betó molepó.

⁹ Atéro berteremó, Talené *ensel* betą atima betere tikimó sókó wouraalu, Talené ama ere doasi deńé atima betere tikikélé deýó felepó. Atéteremó atima fea winé sukutu betalepó.

¹⁰ Atétepa, kale *ensel*-né atimapaae duraalu, “Dią wiyąqse, ęta i hae kwia feamó betó mole so whiné

wosóló doasi hajné sukąaire fo wisinaale ene walepó.

¹¹ Dią i haemó betó mole so whi aluyąqSORÓ, tao saaire whi mió i be demó Depit-né be huluamó ai deyale ape. ąta, Kótóné so whi fea tęteróló kaae tanópóló, sóró betero betere Kerisopó.

¹² Dią fóló kelenalemó, miótóró deale naale kutiné bopeyóló hupurape ąla melótua dere ni fakené aleale ąla tómó beleró betepa kilituraalu, ita kale bope yale naale hitypó yaalo ai ape,” yalepó.

¹³⁻¹⁴ Atéro, mo tétitóró kale *ensel* betą daalepaae ó hepen bemó betó mole *ensel*-rape mo hąle ąla kaae dorowóló daae mulu, Kótóné doi hale sóró horótu duraalu,

“Mo taoró betere Kótóné doasi mole doi hale sóró horae.

Kótóné ama tuńéńé wisi ala eraaitere so whipaae hosaa muni deyóló mo dua betere ala erópóló yae,” yalepó.

¹⁵ Kale *sipsip* hupu kaae tare whirape betó mupatei taaróló, *ensel*-rape hepen-paae fesaae holalepó. Atétepa, kale whirape atimasisi duraalu, “Talené dąpaae yó melale ala kelaai, Betelehem be huluapaee faalopa fiępe,” yalepó.

¹⁶ Atéro, atima hapale fóló Mariaró Josep-tamo betóo, kale naalekélé hupurape ąla melótua dere ąla tómó firóo, epa kelalepó.

17 Atimané kale naale kolóló *ensel-rapené* atimapaee yale fo so whi feapaae deté kweyóló fakeralepó.

18 Ai fo depa wosale so whi feané ita, noa kaae fo yalerópóló, sirayóló tué teketu betalepó.

19 Até du betepatei, Mariané ai dere fo wosóló, ama hosaamó muló bitu kisipa hāle yó tarepó.

20 Téró, kale *sipsip* hupurape kaae tare whirape atima bepaee fesaee furaalu, kale *ensel-rapené* atimapaee i ala epa kelaalo ai ape, yale ala motóró epa kelaletéiné Kótóné doi hale sóró horaté fu betalepó.

Yesu momatere bepaee yó male fele fo

21 Atéro kale naale sóró bitiré fóló, bokó wale be demó ama tiki siriróló Yesu doi mulalepó. Aita kale so naale yaaipatei, *ensel-né* mulae yale doipó.

22 Moses-né ašemó soné naale sale tiki Talené keletómó wisiyópóló, kaae tawae ere be de kemetepa, Josep-ró Mariatamo kale naale Talepaae melaai dapóló, Jerusalem bepaee dapesó felepó.

23 Aita hāle meipó. Talené fo tuamó “Topo naale Talepaae melae,” ere fo sya furaalu yalepó.

24 Téró, me ere fo i ape. “Beta soné naale senaale detepa, kale soné naale ditu yale ala Talené wisirópóló, ba hokósere tamo ó sukusi tamo

Talemó melae,” ere fo sya furaalu atéyalepó.

25 Até yale sukamó, Jerusalem bemó whi betané doi Simeon beterepó. Ata, mo donoyóló bituraalu, Kótóné ala beta erótu betale whipó. Atéro, kale Israel fake so whi dowi sekēi ala tuamó betepa, tao saaire whi wópóló, kale Deji Kepe Wisi atamo betamó beterepó.

26 Apaae kale Deji Kepe Wisiné etei fo yóló munélipakalepó. Ya hapale sukuni, Talené sóró betero betere whi Keriso kolóló sukalo ai ape.

27 Atéyale sukamó, Simeon otere Deji Kepe Wisiné fotokratepa, momatere be tuapaae fóló beterepó. Atéro beterepó, kale yóló muló betere foné yae ere ala yaairaaalu, hamaró alimatamoné Yesu apuóló momatere bepaee sókó walepó.

28 Atéro wapa, kale Simeon oterené kale naale tao sóró ama naase tómó beleróló, Kótóné doi hale sóró horótu duraalu,

29 “Qla qla fea tetéroló kaae tare Tale-ó, naao kale yóló mulale fo mió mo dokonatereteiné naao kutó diratere whi sukutepa, hosaa muni deyóló dua fópóló yae.

30-31 Ti noatepae, naao so whi aluyaqsóró, tao saaire ala so whi feané keletómó donoróló muló betepa mió yalo i keletere ape.

32 Ai deñé Juda mei, kae fake so whi tuapaae Kótóné ere ala haķearatepa kolóló tuę yóo, Israel fake so whikélé doasi doi sóo, yaalopó,” yalepó.

33 Téró, kale naale hamaró alimatamoné Simeon oterené yale fo wosóló, haió i yale fo-a, noa betené yalerópóló siratu betalepó.

34 Kale Simeon oterené atima wisiratere fo yóló, hama Mariapaae duraalu, “I naalenéta, Israel fake so whi fea haepaae só deróo, mepaae so whi tao sóró sikipaae horóo, yaalopó. Atétere ala kilituraalu, Kótóné hiróló mole ala so whi feapaae haķearóló yó matepa, mepaae so whiné ai dere fo wosaalomeipóló, ą só deraalo ai ape.

35 Atétere alané mepaae so whiné hosaa tuamó mole tuę tiki haķeamó mu-laalopó. Atéteremó, sepake kwia kaaené naao hosaamó deyaalo ai ape,” yalepó.

36-37 Aimó Kótóné ama betą kóló so wulia Aser fakekó Fanuel-né senaalema Anakélé beterepó. Ama whitamó dokóló betepa węikeró ba fo kemeyóló, oma sukutepa wulia bitu kemeyale ba fotamo touróturaalu 84 ba fo biti serepó. Atéro Kótópaae kisipa tiró bitu, momatere be taaréni, dikitamokélé, deřtamokélé, moma dere ala haķe yó tarepó. Atéru, ą ęla weyóló bitu, moma dere ala betą dua yalepó.

38 Téró ai fapotóro kale so Ana atima beterepaae sókó wóló Kótópaae mo kée yóló, Jerusalem bemó betó mole so whi aluyaqsóro dupuróló tao saaire whi wópóló kae tare so whipaae kale naale i ape yóló yó mótu betalepó.

39 Atéro, Josep-ro Mari-atamoné Talené yae yóló muló betere alarape yóló kemetepa, Kaleli haemó teņe atimané diri Nasaret be huluapaae momó fesaae felepó.

40 Kale naale ą doaturaalu, mo doasi fotokę buóo, tuę tiki dotoroę fóló fosó fosó yóo, Kótóné ąpaae hosaa muóló yaala sókó fóo erapó.

Yesu ą teó naale beleķąamale, momatere bemó betere fo

41 Téró etéyalepó. Kale bosenée fele be deř sókó wapa ęla deteremó, ama hamaró alimatamo ba fo dokę fea Jerusalem be huluapaae fua yalepó.

42 Kale naale doayóló 12 ba fomó betepa, atima dua dere kaae, ęla detere sukamó atimaamo Jerusalem be hulua-paae holalepó.

43 Kale bosenée fele be deřmó ęla detere ali kemetepa, ama hamaró alimatamo bepaae fesaae furaalu, kale naale Yesu Jerusalem bemó betepatei, fole so whitamó fele nisiyóló atimaamo felepó.

44 Téró kale soró whitamóné kisipané so whitamó fole nisiyóló atimaamokélé fu

betepa, be de betā kemeyalepó. Atéro fóló kale naale atimaamoné fake so whiró fulumu whirapetamo betere tikimó kekālepó.

⁴⁵ Até yalemó bitinipa, kekāai Jerusalem be hulua-paae momó fesaae felepó.

⁴⁶ Atéro kekitu betepa, be de sore hāle kemeyóló nalo kale momātere be bopére tipi tuāmó betepa kelalepó. Atéru, mepaae Juda yó matere whirapené dere fo wosóo, mepaae wosetere forapekélé yóo du betalepó.

⁴⁷ Kale naale atéro kisipa fosó fosóru atimané āpaae wosetere fo mo donotóro tokó matepa woseturaalu, whirape feané siratu betalepó.

⁴⁸ Atétere ala hamaró alimatamoné kilitu, atimaamo kilita sókó fóló hamané āpaae duraalu, “Ti naale-ó, ayanaao dāmo yā whaalā depa kekāle supa, noatēpa atēi kaae ala yaleé?” yalepó.

⁴⁹ Ti fo depa, atimaamopaae duraalu, “Yālo ayané ē beterópóló ere bemó fóló beteretei diaamo tuē iniru ē kekenapó,” yalepó.

⁵⁰ Ama ai yale fo bete atimaamoné diriyóló wosóló kisipa sinipó.

⁵¹ Téró, kale naale ama hama alimatamo Nasaret be hulua-paae fóló, atimaamoné dere fo betā wosóló aqmó sukóló beterepó. Téruraalu, Yesuné ama yale fo fea hamané kisipa keteréni, ama hosaamó muló beterepó.

⁵² Téró, Yesu ā teó doatutei

kisipa tiki dotoróē fóló, fosó fosói naale wisi doatēpa Kótónékélé, mo so whinékélé, hēsekeyóló āpaae hosaa mualepó.

3

Wēi tōpuratere whi Jon-né yó male fo

(Mat 3:1-12, Mak 1:2-8, Jon 1:19-28)

¹ Taiperius Sisa 15 ba fo tuāmó ā topo whi bituraalu, Rom hae kwia mo fea ama tēteróló kaae tarepó. Atéyale sukamó, Pontias Pailat ākélé doasi *Gavman* topo whi bitu, Judia hae kwia tēteróló kaae tawóo, Herot ākélé doasi topo whi bituraalu, Kaleli hae kwia tēteróló kaae tawóo, ama noma Filip-né Ituraea hae kwiaró Trakonaitis hae kwiatamo tēteróló kaae tawóo, Lisaniās ā doasi topo whi bitu, Abilene hae kwia tēteróló kaae tawóo, erepó.

² Anas-ró Kaiapas-tamo Kótópaae momaratere doasi topo whi betere sukamó, Sekaraiané naalema Jon whi bitini wópu mole tikimó betepa, Kótóné fo ā tuāpaae sókó walepó.

³ Atéro, Jon ā Jordan wēi fole hae kwiamó tē mole be hulua dokōpaae fóló, fo yó mótu betalepó. Atéro, Kótóné fo yó mótu duraalu, “Diaaḡ du betere dowi ala taaróló, Kótópaae kisipa tiki feteyóló ape. Atétepa, yālo diā wēi tōpuraalo ai ape. Diaaḡ dowi alamó saaire kwia Kótóné me ḡla meipóló, hāle kemeraalo ai ape,” deté kutu betalepó.

4 Mo take betale Kótóné ama kóló whi Aisaiané aseyóló muló betere fo mo donotóróti yalepó. Ai fo i ape. “Whi betá hãle wópu mole tikimó bitu fo fakeyóló duraalu,

‘Tale waaire tų aleyae, ą waaire tų donoraē.

5 Tukwę derepale tiki, hae mulóló wisirae. Doasi hasi uluró du sokoreteitamo dukiyóló muluraē.

Wę węre tųkélé, mo donoyóló aleyae.

Kapo ó hapisaa muóló dore tų dukiyóló taaē faróló wisirae.

6 Até depa, ti Kótóné so whi fea aluyaqsóró tao saaire ala wisi so whi mo feané kelaalo ai ape,’” yalepó.

7 So whi mo fea Jon-né węi tópurópóló ą beterepaaē wua depa, atimapaēē duraalu, “Diaaę dere alata, wuliné tų kotere kaaē dapó. Kótóné diątamo fopaaē butu taleyaqsóró, mopaaē botokó faai de?

8 Dią dowi ala taaróló kisipa feteyóló tų wisipaaē fulapó du betere fo, hãkeamó motóró du betae. Ti noatepae, Abraham-ta diaaę ayapó du betere fomó yalo diąpaaē i dere ape. I muó mole kapo fakerape Kótóné whi aleyóló, Abraham-né naale senaale beteranérápó.

9 Talené kaweī ni bete dokę taketi muló beterapó. Mepaaē ninétamo du wisi olenitepa, ti ai nirape fea diyóló sipaaē taaē deraai

Talené ama tų ai ni betemó bukó tarapó.” yalepó.

10 Ai fo depa so whi feané ąpaaē duraalu, “Ti dané noa alakó yaaloé?” yalepó.

11 Ti fo depa Jon-né atimapaēē duraalu, “Me whi dené kuti tamo deró betepa, me kuti sokóló yąyare whi melae. Whi me dené ęla huyóló mupa, ti aikélé betá kaaē alatóró yae,” yalepó.

12 Mepaaē *takis moni* siré kotere whirape atimakélé węi tópuuai dapóló wóló ąpaaē woseturaalu, “Yó matere whi-ó, da noa alakó yaaloé?” yalepó.

13 Tétepa, ama atimapaēē duraalu, “Diaaę *takis moni* siré kutu, bosenóló sini, saē yale sųtóró saē,” yalepó.

14 Ti fo depa, mepaaē diki tare whirape wóló ąpaaē woseturaalu, “Da noa ala yaaloé?” depa ama duraalu whiné *moni* saai, so whi tęteréli fo yóló ó dilikóló saęse. Naao *Gavman*-né dią matere *moni*-tóró tawóló betae. I sų meipóló, dokó dokó yaęse,” yalepó.

15 So whi feané Jon kilituraalu, i sekę Kótóné sóró beteró betere whi Keriso du yalepóló, tuę tekitu betalepó. Ti noatepae, atima Keriso mo kelaai kisipa mutu be-taleteinépó.

16 Até du betepa, Jon-né atimapaēē tokó mótu duraalu, “Yalota, dią węi maaté tópuratapó. Téteretei, mo doa sekę whi betá waalo ai ape. ąta ę kaaē meipó. ę ą aqmó naale belekąamale

kaae betereteiné yało ama hó be dokore képi teraayaairetei mo sũnipó. Amata, kale Dęi Kepe Wisiró sitamoné dia ęęi tópuraało ai ape.

¹⁷ Ama naasené *whit* betapaae eróló kane fake kaae ęła tó mó mulóló, fumi besęné só fópóló epeyóló horatere ęła tarapó. Tétu, mo *whit*-ta betapaae eróló mulótu beterapó. *Whit* fumita, mo sukókélé feni hałe dó tare sipaae taae deraalopó," yalepó.

¹⁸ Atéró, Jon-né kale mió wosetere kisi fo wisi so whi feapaae yó melóturaalu, so whinė kisipa tiki feteraaire forapekélé, yó melótu be-talepó.

¹⁹ Tétu betaleteti, kale doasi *Gavman* topo whi Herot-né noma Filip-né sotei ę dokóo, mepaae kae kae dowi alarape yóo, du betalepó. Até du betepa, Jon-né Herot-paae atei alarape taalae yóló, foné salepó.

²⁰ Herot-né take yale alarape tó mó, me i alakélé yalepó. Kale Jon *dipula* beteralepó.

Jon-né Yesu ęęi tópurale foró Yesu deté yale whirapené doirape

(*Mat 3:13-17, Mak 1:9-11*)

²¹ Atéyale sukamó, Jon-né so whi fea ęęi tópuróturaalu, Yesukélé ęęi tópuralepó. Atéró ę momatu beteremó, ó hepen be tų tukwę fóló molepó.

²² Atépa, kale Dęi Kepe Wisi ba hókósere kaae Yesuné

tikimó bitį dorowalepó. Até deretamo, hepen beró fo fakeyóló duraalu, "Yała, yało Naalepó. Naaó dere ala wisi kilituraalu, ę mo doa hękesené sinitapó. Ti yała yało mo yaala sókó fóló mole Naalepó," yalepó.

²³ Téró etéyalepó. Yesu ę kutó kaae saai betale sukamó, 30 ba fo beterepó. ę atéró betepa so whinė ęta, Josep-né naalema nisi yalepó.

Josep-ta, Heli-né
naalemapó.

²⁴ Heli-ta, Matata-né
naalemapó.

Matata-ta, Lipai-né
naalemapó.

Lipai-ta, Melki-né
naalemapó.

Melki-ta, Janai-né
naalemapó.

Janai-ta, Josep-né
naalemapó.

²⁵ Josep-ta, Matatias-né
naalemapó.

Matatias-ta, Amos-né
naalemapó.

Amos-ta, Naham-né
naalemapó.

Naham-ta, Esli-né
naalemapó.

Esli-ta, Nakai-né
naalemapó.

²⁶ Nakai-ta, Mat-né
naalemapó.

Mat-ta, Matataias-né
naalemapó.

Matataias-ta, Semen-né
naalemapó.

Semen-ta, Josek-né
naalemapó.

Josek-ta, Joda-né
naalemapó.

27 Joda-ta, Joana-né
 naalemapó.
 Joana-ta, Resa-né
 naalemapó.
 Resa-ta, Serubabel-né
 naalemapó.
 Serubabel-ta, Sealtiel-né
 naalemapó.
 Sealtiel-ta, Neri-né
 naalemapó.
 28 Neri-ta, Melki-né
 naalemapó.
 Melki-ta, Adi-né naalemapó.
 Adi-ta, Kosam-né
 naalemapó.
 Kosam-ta, Elmadam-né
 naalemapó.
 Elmadam-ta, Er-né
 naalemapó.
 29 Er-ta, Josua-né
 naalemapó.
 Josua-ta, Elieser-né
 naalemapó.
 Elieser-ta, Jorim-né
 naalemapó.
 Jorim-ta, Matata-né
 naalemapó.
 Matata-ta, Lipai-né
 naalemapó.
 30 Lipai-ta, Simeon-né
 naalemapó.
 Simeon-ta, Juda-né
 naalemapó.
 Juda-ta, Josep-né
 naalemapó.
 Josep-ta, Jonam-né
 naalemapó.
 Jonam-ta, Eliakim-né
 naalemapó.
 31 Eliakim-ta, Melea-né
 naalemapó.
 Melea-ta, Mena-né
 naalemapó.
 Mena-ta, Matata-né
 naalemapó.

Matata-ta, Natan-né
 naalemapó.
 Natan-ta, Depit-né
 naalemapó.
 32 Depit-ta, Jesi-né
 naalemapó.
 Jesi-ta, Obed-né naalemapó.
 Obed-ta, Boas-né
 naalemapó.
 Boas-ta, Salmon-né
 naalemapó.
 Salmon-ta, Nason-né
 naalemapó.
 33 Nason-ta, Aminadab-né
 naalemapó.
 Aminadab-ta, Atimin-né
 naalemapó.
 Atimin-ta, Arni-né
 naalemapó.
 Arni-ta, Hesron-né
 naalemapó.
 Hesron-ta, Peres-né
 naalemapó.
 Peres-ta, Juda-né
 naalemapó.
 34 Juda-ta, Jekop-né
 naalemapó.
 Jekop-ta, Aisak-né
 naalemapó.
 Aisak-ta, Abraham-né
 naalemapó.
 Abraham-ta, Tera-né
 naalemapó.
 Tera-ta, Nahor-né
 naalemapó.
 35 Nahor-ta, Seruk-né
 naalemapó.
 Seruk-ta, Reu naalemapó.
 Reu-ta, Pelek-né naalemapó.
 Pelek-ta, Eber-né
 naalemapó.
 Eber-ta, Sela-né naalemapó.
 36 Sela-ta, Kainan-né
 naalemapó.
 Kainan-ta, Arpaksat-né
 naalemapó.

Arpaksat-ta, Sem-né
naalemapó.

Sem-ta, Noa-né naalemapó.

Noa-ta, Lamek-né
naalemapó.

³⁷ Lamek-ta, Metusela-né
naalemapó.

Metusela-ta, Enok-né
naalemapó.

Enok-ta, Jared-né
naalemapó.

Jared-ta, Mahalalel-né
naalemapó.

Mahalalel-ta, Kainan-né
naalemapó.

³⁸ Kainan-ta, Enos-né
naalemapó.

Enos-ta, Set-né naalemapó.

Set-ta, Adam-né naalemapó.

Adam-ta, ti Kótóné
naalemapó.

4

*Satan-né Yesu dée nópóló
sụ sale fo*

(*Mat 4:1-11, Mak 1:12-13*)

¹ Yesu ą Deį Kepe Wisi
fayayóló sұruraalu, Jordan
weį taaróló wapa, Deį Kepe
Wisiné ą whį bitini, hąle
wópu mole tikipaae ąlisóró
felepó.

² ą aimó betepa, dowi
Satan-né ą dée nópóló, sұ
sere alarape deté fu betepa
40 be dęrape kemeyalepó.
Atéyale be dęmó ą ąlakélé
néni wote siri bitiré fóló,
kemene folepaae ą wote
yalepó.

³ Atéró betepa, dowi Satan-
né ąpaae duraalu, “Yątamo
Kótóné Naalemapata, ti i
kapopaae *bred* o alée fae
yae,” yalepó.

⁴ Ai fo depa Yesuné ąpaae
duraalu, “Tale Kótóné ašemó
i fo erapó.

“So whį betereiteita, mo ąla
maaté nukuraalu bi-
tinipó erapó,” yalepó.

⁵ Atéró, kale dowi Satan-
né ą mo ópaae hore dupaae
dapesó holóló daalu, i hae
kwia dokọ tęteróló kaae tare
alarape fea ąpaae tętítóró ha-
pale yó melalepó.

⁶ Téró, ąpaae duraalu, “Yąlo
yąmó doasi doi muaaire
alaró i haemó muó mole
wisi wisi alatamo naao
tęteróló kaae tawaasepóló
melaalopó. Ti noatepae,
take ępaae matepa taretei,
mepaae yąlo kisipa mole
whįrape melaai depa, ti sұmó
manérapó.

⁷ Yąlo i dere fotamo naao
betą wosóló ę aqmó bitu,
doa Tale-ó depa, ti i ąla ąla
fea naaotóró tęteróló kaae
tawaasepóló melaalopó,”
yalepó.

⁸ Ti fo depa, Yesuné ąpaae
duraalu, “Kótóné ašemó ere
fo i ape.

“Tale Kótó mo betątóró beter-
apa, ą aqmó sinóló
bitu, Aya doa Tale-ó,
yóló ama ala betą erótu
betae erapó,” yalepó.

⁹ Téró, kale dowi Satan-
né Jerusalem bemó tęne
momatere be hulua tómó
dapesó holóló daaló bitu
duraalu, “Yątamo Kótóné
Naalemapata, ti haepaae tuó
derepae.

¹⁰ Ti noatepae, ašemó i fo
erapó.

‘Kótóné ama *ensel*-rapepaae ya me ɔlané doalé yaq̄sóró, wisiyóló kaae tawae yaalopó.’

11 Me fo i ape. ‘Ya atimané naase tómó muni durupuraalu, me ɔlané ya kotóo sóró doalé yaalomeipó,’ yalepó.

12 Ai fo depa, Yesuné kale dowi Satan-paae duraalu, “Ašemó i fokélé erapó.

‘Naao Tale Kótóné ya tao sirémóló kaae kolóló s̄u saq̄se,’ erapó,” yalepó.

13 Atéró, kale dowi Satané Yesu dée nópóló s̄u sale k̄ilipaae me t̄e mutere sukamó momó s̄u saai dapóló taaróló felepó.

Nasaret so wh̄i Yesuné dere fo wosaalomeipó yale fo (Mat 13:53-58, Mak 6:1-6)

14 Atéró, Yesu kale D̄ei Kepe Wisiné fotok̄ratepa, a Kaleli hae kwiapaae momó fesaae felepó. A atéró wóló betera-pó dere fo ai hae kwiamó betó mole so wh̄i feapaae deté kw̄eyalepó.

15 Atéró, a ai hae kwiamó bituraalu, atimané fo wosetere be dok̄o fo yó maté kotopa, so wh̄i feané ama doi hale sóró horótu betalepó.

16 Take a doayóló betale Nasaret be huluapaae fóló bituraalu, kale s̄a nokole be demó ama dua dere kaae, fo wosetere be dolopaae holalepó. Atéró, Kótóné aşemó ere fo dos̄ayaaairaaalu turukó holalepó.

17 Kótóné ama k̄oló wh̄i Aisaiáné aşere buku bopeyóló

moletei, ama dos̄ayayópóló, wh̄i mené apaae melalepó. Tétepa, ai buku sóró d̄aae faróló, ama tūe mole fo kek̄alemó keletepa dos̄ayayale fo ipó.

18 “Talené ama D̄ei Kepe Wisi e tuamó beteroó betera-pó. Ti aita hale mei, ama kale fo wisi so wh̄ipaae yó melópóló e sóró beteralepó. Atéru, *dipula* kaae betere so wh̄i hale f̄ópóló dotonóo, kele dilikire so wh̄iné kele fis̄aae falóo, mepaae wae sóró sonaalei ala tuamó beteroó betere so wh̄i sokóló hale beteroó yópóló, e dotonalepó.

19 Talené so wh̄i wisiyóló beteroópóló, ama k̄olené sukutu hamokoróló hale tao sere ali i wale ape fo so wh̄ipaae yópóló, e dotonalepó,” yalepó.

20 Téró, Yesuné kale f̄loi buku momó bopeyóló kaae tare wh̄ipaae melóló, a bit̄i deyalepó. Atéró betepa, ai fo wosetere be dolomó betó mole so wh̄i feané apaaetóro kele fopolaa yalepó.

21 Téró, ama atimapaae momó duraalu, “Mió di-aaq̄ wosale aşemó yóló muló betere fota, motóro dokonalepó,” yalepó.

22 Ama yó matere fo wosale so wh̄i feané i wh̄iné k̄ólómó mo kok̄oi fo wisinaale dapóló, siratu betalepó. Tétu atima-

sisitei duraalu, “Ita, Josep-né naalema meié?” yalepó.

23 Ai fo depa, Yesuné atimapaee duraalu, “I mara mole fo diaağ ępaee mo enérápó. ‘Dokta whı-ó, naaotei yağ tikimó daale kisi bete wisirótimié? Ti Kapeneam be huluamó du betere alarape dané wosalepa, umó erótu betale ala kaae naao i turuku bemókélé erótumié?” yalepó.

24 Atéró ama atimapaee momó duraalu, “Yağo diąpaee mo i dere ape. Kótóné kóló whıné ama be whı so whıpaee Kótóné fo i ape yóló yó matepa, atimané mo dapóló wosetimidpó.

25 Yağo diąpaee mo i dapa wosae. Mo take Israel haemó Ilaija betale alimó mepaae sorape atimané whı sukóló wulia betó molepó. Ai sukamó ba fo sorené wélié apo mirómó hali kinó betepa, hae kwia feamó ęla sóku aluyóló, wote ali walepó.

26 Téyaleteti, Kótóné Ilaija dotonaleteti, mo betą Israel fake sorapekó tao sópóló dotonénipó. Ténitei, Saidon hae kwiamó tęne Sarepat be huluamó betere betą wulia so tao sene fıpóló dotęyalepó.

27 Téró, Kótóné ama kóló whı Elaisané Israel hae kwiamó dowi humu fuluné tiki doyóló betó mole so whı mo betąkélé wisirénipó. Israel hae kwiamó atei kaae whırape betó mupatei, mo betąkélé wisiréni, Siria hae kwiamó betere whıkó

Naaman maaté wisiralepó,” yalepó.

28 Ai kale fo wosetere be dolomó betó mole so whı mo feané ama ai dere fo wosóló, atima doasi fopaae bualepó.

29 Atéró atima hapale turukó huturaalu, ą belapaae hókó deralepó. Téró, ai be hulua felekemó ere kulapaae taae deraai dapóló dapesó felepó.

30 Téyaai depa, ai touró betere so whı kua dolomótei sókótamo yóló, ama faai yale tikipaae felepó.

Yesuné dowi kepe hokonale fo

(Mak 1:21-28)

31 Téró, Yesu ą Kaleli hae kwiamó tęne Kapeneam be huluapaae derepelepó. Aimó bituraalu, kale ąa naai tukóló muló betere be demó so whı feapaae ama fo momó kaae sóró yó mótu betalepó.

32 Ama ai yó matere fo so whı feané woseturaalu, sóró beteró betere topo whıné fo kaae dapóló, siratu betalepó.

33 Ai fo wosetere be dolomó dowi keperape tepeyóló betere whı betą beterepó.

34 Ai sekéné fo fakeyóló duraalu, “He! Nasaret be hulua whıkó Yesu-ó, naao dąpaee noa alakó eraai waleé? Naao dą doraai waleé? Yağa, me dowi alakélé muni, Kótóné mo kae beteró betere whıpóló, yağo kisiparapó,” yalepó.

35 Ai fo depa, Yesuné kale dowi kepe foné sóró duraalu, “Fo taaróló yağ ai whı tuamó betereitei, sókó ape,” yalepó.

Ti fo depa, dowi kepe kale whi tuamó betaletai, so whi feané keletómó ama tiki haepaae taae deróló ʔ sókó felepó. Atéyaletei, kale whi ʔ doalékélé inipó.

³⁶ Atétere ala so whi feané kolóló, sirayóló atimasisitei duraalu, “I whiné yó mótu betere fota, mo kaepó. Ti ama fota, doasi fotokotamo yó matepa, dowi keperapénékélé ama dere fo mo betʔ wosóló, ai sókó fulapa, kelael!” yalepó.

³⁷ Yesuné i ala du beteropó fo, ai hae kwiamó betó mole so whi mo feapaae deté kweyalepó.

Yesuné so whi feané kisi wisirale fo

(Mat 8:14-17, Mak 1:29-39)

³⁸ Yesu ʔ ai fo wosetere be taaróló, Saimon-né bepaae felepó. Ai bemó kale Saimon-né auma sere tiki suputere kisiné sinóló mupa, atimané Yesupaae, “Naao wisiraalóé?” yóló wosalepó.

³⁹ Atétepa, ʔ kale so molepaae fóló hemene doropóló, kale soné tiki supu dere kisi bete foné salemó, kemeyalepó. Atéteretamotóró kale so ʔ turukó holóló, atimamó ʔla kaae sóró biliyóló melalepó.

⁴⁰ Be dikiyaaairaaalu, suka doropoletamo mepaae hʔle betere whirapené kae kae hepo daale so whi Yesu beterepaae dapesó walepó. Atéroró wóló betó mupa, so whi dokó feané tikimó ama naase

mulótua yalemó, atimané kisi betereape wisiyalepó.

⁴¹ So whi feané tiki tuamó tepeyóló betere dowi keperape fo fakeyóló sókó furaalu, yʔta Kótóné naalemapó dua yalepó. Ai fo depa, atimané ʔta hʔle whi mei, Kótóné so whi teteróló kaae tanópoló sóró betero betere whi Kerisopó yaqsóró, kale dowi keperape foné sua yalepó.

⁴² Mo hikati Yesu ama wotoró so whikélé bitinire tikipaae felepó. Atépa, kale so whi feané keketé kweyóló, ʔ betere tikimó sókó walepó. Atéroró wóló bituraalu ʔ metikipaae faqsóró, atimatamo betaai dapóló, sesé du betaletpó.

⁴³ Tétepatei, ama atimapaee duraalu, “Kótóné teteróló kaae tare aqmó mole fo wisi i ape yóló yó maté kweyópoló, Kótóné ʔ doteyalepó. Atéreteiné ʔ diʔtamo betenéni, mepaae be huluapaae faai dapó,” yalepó.

⁴⁴ Téró, ʔ Judia hae kwiamó tʔ mole fo wosetere be dokó fea fo yó matétóró kutu betaletpó.

5

Yesuné mepaae ama yó melaaire whirape ape yale fo
(Mat 4:18-22, Mak 1:16-20)

¹ Téró etéyalepó. Me be demó Yesu ʔ Kenesaret wei fókumó daalepó. So whi mo fea hʔle ʔla kaae wóló tourale tikimó, hae tiki faee fóló mulu, Kótóné fo wosetu betaletpó.

2 Até du betepa, wēi nuku tamo ai wēi fókumó duló betepa kelalepó. Ai nuku tamota, ya siré kotere wh̄irapené nukupó. Atimané nuku aimó dupa teraae fóló, wēi fókumó h̄aleke warape fukutu betalepó.

3 Atétu betepa, ʔ nukumó bit̄i holalepó. Ai nuku tale, Saimon-paae duraalu, “Naao nuku ai wēi kulu tuʔpaae sawa h̄ikili falae,” yalepó. Téró, ʔ nuku tómó bituraalu so wh̄i feapaae fo yó mótu betalepó.

4 ʔ fo yó melóló kemetepa, Saimon-paae duraalu, “Yakó detémóló kelaalopa, nuku wēi kulu tuʔpaae fóló, diaaʔ h̄aleke warape wēi dolopaae derae,” yalepó.

5 Ai fo depa, Saimon-né ʔpaae duraalu, “Doa wh̄i-ó, mió dikitamo yakó saalo nisiyóló d̄a depe tukó wei ala yóló deraté kw̄eyalemó, mo bet̄akókélé denipó. Téyaletei, naao derae depa ti h̄aleke warape d̄ané deraalopó,” yalepó.

6 Atéró, atimané h̄aleke warape deralemó mo doakale yarape deale tikimó, atimané h̄aleke warape tukó faairaalu yalepó.

7 Atéteremó, atimané fulumu wh̄irapepaae atima tao sene ape depa wóló, mepaae yarape nuku dolopaae bulóló fu betalemó, kale nuku tamo wusuró mo felekemó wēi dolopaae buó deyaai yalepó.

8-10 Atétepa, Saimon-ró ʔtamo kutó ditere

wh̄irapetamokélé, atima bet̄amó ya siré kotere Sebedi naalema tamo Jems-ró Jon-tamokélé, ya mo dekéro soro muló betere kilituraalu, haió yóló siratu betalepó. Atétepa, Saimon Pita ʔ Yesuné hó aomó bukutiri teʔró bitu duraalu, “Tale-ó, ʔta dowi ala du betere wh̄ipa, taaróló ʔa fumié?,” yalepó.

Tétepa, Yesuné Saimon-paae duraalu, “ʔa wiyaaʔe, naao ya su dere kaae, mió kaae soro so wh̄i siré kw̄eyaasepólópó,” yalepó.

11 Atétepa, atimané nukurape wēi fókupaae tao soro mulóló, atimané ʔla ʔlakélé mupatei taaróló ʔ sya felepó.

Dowi humu fuluné tiki dore wh̄i Yesuné wisirale fo (Mat 8:1-4, Mak 1:40-45)

12 Téró etéyalepó. Yesu ʔa bet̄a be huluamó beteremó, dowi humu fuluné tiki dore wh̄i walepó. Atéró, Yesu betere felekemó ama kelepaa haepaae deróló bukutiri teʔró bitu ʔpaae woseturaalu, “Tale-ó, ʔalo tiki doretei naao kisipané wisiraa-i depa, ti wisiraasepólópó,” yalepó.

13 Atétepa, Yesuné ama naase teréʔ faróló kale wh̄iné tikimó wolaayóló duraalu, “Naao tiki ʔalo wisiraa-i kisi pa mutapa wisiyae,” yalepó. Téyalemó, mo ai fapotóro kale wh̄iné dore tiki mo ti wisiyó felepó.

14 Atéró, Yesuné kale wh̄i dotonaai ʔpaae mo diri ma fo yóló duraalu, “ʔalo naao tiki

wisiralepóló, mo whĩpaae momókó yaq̄se. Yā fóló, Kótópaae momaraterere whĩné naao tiki fope yópóló, yó male fae. Atéró fopeyóló naao tiki wisipa kilitu, Moses-né ere fo sya furaalu, Talepaae h̄ale melae ere ɔla melae. So whĩ feané ai ala kilituraalu, ita Talené erapó kisipa muaalopó," yalepó.

15 Yesuné mo so whĩpaae yaq̄se yalet̄ei, i ala yalepóló deté kw̄eyóló fakeratepa, so whĩ feané woseturaalu, atimané kae kae kisi beterape wisiróo, ama dere fo wosóo yaairaalu, wua yalepó.

16 Atépatei, Yesu ȁ so whĩtamo betere tiki taaróló so whĩkélé bitinire tikipaae suka fea moma eneta dua yalepó.

Yesuné tiki momaare whĩ wisirale fo

(Mat 9:1-8, Mak 2:1-12)

17 Atéró, me sukamó etéyalepó. Ama fo yó mótu betepa, mepaae Farisi whĩraperó Moses-né as̄ere fo yó matere whĩrapetamo Kaleli haeró Judia haeta-momó betó mole so whĩkélé, Jerusalem be hulua so whĩkélé, wóló betó molepó. Ai sukamó, so whĩ feané kisi bete wisiraaire Talené fotok̄o s̄umó bolepó.

18 Atépa, mepaae whĩrapené bet̄a tiki momaare whĩ besek̄ené dokopatei, beleyóló wóló be tuȁpaae holóló Yesu beterepaae sóró holaai kisipa mualepó.

19 Téró, kale whĩ sóró faaire tumó so whĩ mo fea daayale tikimó fenénipa, siki bepaae sóró holóló kea sokóló, kale whĩ dokopatei, besek̄etamo Yesu daale donotóró de-ralepó.

20 Atéró, atimané kisipa tiki tiraterere ala Yesuné kolóló, kale tiki momaare whĩpaae duraalu, "Ti naale-ó, naao dowi alamó kwia melaai yalet̄ei mió i kemeraterere ape," yalepó.

21 Yesuné ai fo depa, Farisi whĩraperó Moses-né as̄ere fo yó matere whĩrapetamo atimasisi fo yaai tuȁ teketu betalepó. "Ti whĩné ȁta, Kótó kaaepó du betere foné Kótó faletu betera p̄o. Mo whĩ bet̄anékélé dowi alamó melaaire kwia kemer-anénitei, Kótóné bet̄a s̄umó enérápó," du betalepó.

22 Atéró mutere kisipa Yesuné kolóló, atimapaee duraalu, "Noatepa diȁ atei tuȁ mutu bitu de?

23 Ti mé fo so whĩ feané enére? Naao yale dowi alamó saaire kwia aluratapó enérépe, yā turukó holóló naao besek̄e sóró fae fo enére?

24 I haemó betó mole so whĩné dowi ala bete tokóló aluraaire fotok̄o Whĩné Naalemané s̄umó bulapóló, kisipa yaasepóló i whĩpaae eraterere ala kelae. Yȁlo yȁpaae mo i dere ape, yā turukó holóló naao besek̄e sóró bepaae fae," yalepó.

25 Ai fapotóró kale be whĩ so whĩ feané keletómó turukó horóló ama besek̄e sóró

bepaae furaalu, Kótóné doi hale sóró horaté felepó.

²⁶ Atéteremó, so whi fea winé sukutu sirayóló duraalu, “Mo take etei kaae ala depa, dané kolókéle ini, mió kisi ala keletapóló,” Kótóné doi hale sóró horótu betalepó.

Takis moni sere whi Lipaiaae Yesuné a sya ape yale fo

(*Mat 9:9-13, Mak 2:13-17*)

²⁷ Ai ala yóló kemetepa, Yesu a betā takis moni siré kotere whikó ama doi Lipai moni su betepa kolóló, Yesuné apaae duraalu, “Ya e sya ape,” yalepó.

²⁸ Ti fo depa, a turukó holóló ama ɔla ɔlakélé mupatei, taaróló a sya felepó.

²⁹ Téró, Lipainé Yesu ama bepaae dapesó fóló, amó doasi ɔla deralepó. *Taks moni* siré kotere whiraperó mepaae so whitamó fea touró bitu, ɔla nuku beterepó.

³⁰ Tétu betepa, mepaae Farisi whiraperó atima betā kisipa mulu Mosesné asere fo yó matere whirapetamoné Yesuné yó matere whirapepaae duraalu, “*Taks moni* siré kotere whiraperó dowi ala du betere whirapetamo weiró ɔlatamo betāmó noatepa ɔla nuku bitu dérópó,” yalepó.

³¹ Ti fo depa, Yesuné atimapaee duraalu, “Hepo daanire so whi dokta whi beterepaae fumi, hepo daale so whi maaté fua dapó.

³² E waleteita, donoi ala du betere whipaae ape yaai ani, dowi ala du betere so whi atimané dowi ala taaróló ape yaairaalu walepó,” yalepó.

Yesuné yó matere whirape ɔla woteremó yale fo

(*Mat 9:14-17, Mak 2:18-22*)

³³ Atimané apaae duraalu, “Jon-né yó matere whirapeta, Kótópaae kisipa muóló, me féli ɔla weyóló bitu, momatua dapó. Atétere kaae, Farisi whirapené yó matere whirapekéle atétua dapó. Tétépatei, naao yó matere whirape ai ala ini, atima ɔlaró weitamó nokole ala suka fea hale yó tarapó,” yalepó.

³⁴ Tétépa, Yesuné atimapaee duraalu, “Betā whi a so dokotere sukamó ama nomarape ɔla weyóló hale bitua de? Meipó.

³⁵ Téyaalo meitei, me sukamó kale so dokaaire whi atima betāmó bituraalu, ɔla nuku beterelemó, a tawóló só fole sukamó atima ɔla weyóló hale betaalopó,” yalepó.

³⁶ Ama atimapaee yale fo kisipa sópóló, me fo sale etéro yalepó. “Mepaae whiné kisi kuti bisayóló derakele kuti bisaae faletei nomotua de? Atétépa, ti derakele kutiné kisi kuti hukulu yóló doróo, nomaleteikélé kokó ini yóo, yaalopó.

³⁷ Atétere kaae, mepaae whirapené wain wei hupu sekaené aleyale derakele wutimó tepetumipó. Até enalemó, kale wei fotokóné

kale hupu sekaɛné aleyale derɛakele wuti fulukó furaalu, wɛkélé sunée faalopó.

³⁸ Até yaɔsóró, atimané kisi *wain* wɛi tepeturaalu, ti hupu sekaɛné aleyale kisi wutimó tepetua dapó.

³⁹ Folo moi *wain* wɛi nokole whɛrape atima kisi *wain* wɛi naai hɛkese dumipó. Ti noatepae, folo moi *wain* wɛi nóló toureteiné mo wisirapó, du beteropó,” yalepó.

6

Yesu ɔta, ɔa nokole be de ɛteróló kaae tare Talepó yale fo

(*Mat 12:1-14, Mak 2:23-28, 3:1-6*)

¹ Téró, ɔa naai tukóló muló betere be demó, Yesu ɔ ama yó matere whɛrapetamo *whit* kutó tuamó tɛyóló felepó. Atéro furaalu, ama yó matere whɛrapené ai kutómó ere *whit* du kaae sóró fumi hotokóló nukulé fu betalepó.

² Mepaae Farisi whɛrapené até dere ala kolóló, ɔpaae duraalu, “Saa nokole sukamó naao yó matere whɛrapené atei ala yópóló, noatepa kaae tare?” yalepó.

³ Ai fo depa, Yesuné atimapaee tokó mótu duraalu, “Depit-ró ama fulumu whɛrapetamo wotetepa yale ala asemó moletei, diaaɔ dosayóló kisipa muni airapó.

⁴ Depit ɔ Kótóné be dolopaae holóló bituraalu, Kótópaae melale mo kae muló betere *bred* otei ama sóró nalepó. ɔ nóló, kwiapaae

ama fulumu whɛrapekélé matepa, atimané sóró nalepó. Ai ota, hɛle mo whɛné nukumi, Talepaae momaraterere whɛrapené maaté nukua dapó,” yalepó.

⁵ Téró, Yesuné atimapaee duraalu, “Saa nópóló tukóló muló betere be de ɛteróló kaae tare Taleta, ti kale whɛné Naalemapó,” yalepó.

⁶ Téró, ɔa nokole me be demó, Yesu ɔ Kótóné fo wosetere be dolopaae fóló, fo yó mótu betalepó. Atéro yó mótu betalemó, beta whi ama turu naase sinóló dopa kelalepó.

⁷ Atétepa, mepaae Farisi whɛraperó Moses-né asɛre fo yó matere whɛrapetamoné Yesu só deraaire bete kikitu, kale ɔa nokole be demó naase dowi whi wisiratéro kelaairaalu, kaae tawóló beterepó.

⁸ Atimané atéro mutere kisipa ama kolóló, kale naase dowi whipaae duraalu, “Ya so whi kuamó turukó holóló, daayae,” yalepó. Atétepa, kale whi ɔ so whi feané keletómó daane holalepó.

⁹ Tétepa, Yesuné atimapaee duraalu, “Ya lo diapaae beta fo wosetapó. Saa nokole sukamó noa ala yaɔse yóló mule? Whi tao sóró wisiraterere alapé, dowi ala deretei? Ó whi sukaɔsóró tao sere alapé ó whi betere bete doraterere alaé?” yalepó.

¹⁰ Ai so whi beterepaae kele keleyóló kale whipaae duraalu, “Naao naase teré falae,” depa, kale

whĩné naase teréę faralemó, wisiyalepó.

¹¹ Atéteremó, doasi fopaae buóló atimasisitei fo kęlaaróló duraalu, “Dęné ępaae noa alakó eraaloé,” du betalepó.

Yesuné 12 whĩrape sókó sóró beterale fo

(Mat 10:1-4, Mak 3:13-19)

¹² Téro betę sukamó Yesu ę moma yaairaaalu, du sorokó mole ępaae felepó. Atéro, aimó Kótópaae moma deté fu betepatei, be dęralepó.

¹³⁻¹⁴ Atéro be dęyó hotepa, hĩa ama yó matere whĩrapepaae ape yóló, fea betó mupatei, 12 whĩrape maaté sorokó sóró, *aposel* doi mulalepó.

¹⁵ Saimon doi mupatei, ama me doi Pita mulalepó.

¹⁶ Ama noma Andru, Jems, Jon, Filip, Batolomiu, Matyu, Tomas, Alpias-né naalema Jems-kélé, kęlo kęlore whĩ Saimon, Jems-né naalema Judas-kélé, Yesu dópóló eleké deyaaire whĩ Judas Iskariot, atima atéro whĩrape sóró beteralepó.

¹⁷ Atéro, Yesu ę kale du sorokó mole tiki taaróló, ai ęmó sawa mulure tikipaae ama sóró beterale whĩrapetamo derepelepó. Kale mepaae yó matere whĩrapekélé, Judia hae kwiamó wale so whĩkélé, Jerusalem be huluamó wale so whĩkélé, węi fóku felekemó tęne Tair beró Saidon betamomó wale so whĩkélé, mo

hęle ęla kaae wóló touró beterepó.

¹⁸ Atéro waleteita, ama dere fo wosóo, atimané kisi bete kemeróo, mepaae so whĩkélé dowi kepe tepeyóló betereitei dóló hękonóo, yópóló walepó.

¹⁹ Ama fotokęné aimó betó mole so whĩ atimané kisi bete wisirótua yaleteiné, ama tikimó wolaayaaı dapóló walepó.

Yesuné ama yó matere whĩrapepaae dere fo
(Mat 5:1-12)

²⁰ Atétepa, Yesuné ama yó matere whĩrape kaae taru duraalu,

“Dię yoleale betere whĩrapeta, ti Kótóné tęteró betere ala sereteiné dię hajné sukutu beterapó.

²¹ Dię mió wotené sukóló mole so whĩrapeta, take ęla sumó naalopóló kisipa mutu, hajné ai sukutu betere ape.

Mió dię deķené sukóló moló du betere so whĩa, take hajné sinóló betaaireteimó, Talené wisiró beterepa, wisi kisipa muóló betae.

²² Atéro, dię Whĩné Naalema sya fu betere mó, mepaae whĩrapené dię hęróo, kae beterópóló hękó falóo, dowi ala dere whĩpóló diaaę doi doróló fale

yóo du betepa, ti Tal-
ené diã wisiró betepa,
apa, hajné sukutu
betae.

23 Atétere sukamó hekesené
sukutu, tųwó holae. Ti
noatepae, diaaḡ take
saaire doasi dupu wisi
hepen-mó muló betepa.
Ti take atima al-
imarapenékélé Kótóné
ama kóló whirapepae
betã kaae ala erótua
yalepó.

24 Téretei, néli whirape
diã mo doa wió
yae! Ti noatepae,
diaaḡ tiki feléyóló
mo dua betaaire ala
taketí sóró tareteiné,
nalopae atei wisi
wisi ɔla momó kae
saalomeipó.

25 Mió diã mepaae whi de
ɔla sųmó nóló betere
so whi diã mo wió yae!
Ti noatepae, take diã
wotené sukãalo ai ape.
Mió diã mepaae whi
de dọ nóló hekesetu
betepa, take diã
dekéné sukuturaalu
doasi wole yaaireteiné
mo doasi kɔlerapó.

26 So whi feané yãpaae
whi wisi-ó, yóló duki-
ratere fo du betepa,
kɔlerapa mo doasi
wió yae. Ti noatepae,
mió diã dukiraterere so
whi atima alimara-
penékélé take betale
kapala kóló whirape
atéro dukirótua erapó,”
yalepó.

*Bóe whipaae yaala sókó fu
betae yale fo*

(Mat 5:38-48)

27 “Téretei, mepaae yãlo fo
wosetere so whi diãpaae i
dere ape. Diã hóróló bóe
duraalu, dowi ala erótu
betere so whipaae yaala sókó
fóló hekesené sukutu, wisi
ala betã erae.

28 Mepaae whi dené diã
doróló sekeratere fo depa,
Kótóné atima wisirópóló, fo
wisitei yae. Mepaae whi
dené diãpaae sekɛi ala er-
atepa, Kótópaae atima wisirae
yóló momarae.

29 Mepaae whi dené
naao faamumó deké supa,
metikirókélé dópóló yó
melae. Mepaae whi dené
naao tómó deró betere kuti
sokotepa ti naao tuamó
deró betere kutikélé seséni,
sokópóló yae.

30 Mepaae whi dené
yãpaae me ɔlakó ɔlae depa,
ama kematere ɔla melae.
Mepaae whi dené naao tare
ɔla fasetepa, momó ɔlae fo
yaḡse.

31 Mepaae so whiné yãpaae
eranée dere ala kaae, naao
mepaae so whipaaekélé
erótua yae.

32 Diãpaae yaala sókó fu
betere whipaae maaté yaala
sókó fu betere-a, ai doasi
alaé? Mepaae dowi ala
dere whirapenékélé atimané
fulumu whirapepaae atéro
yaala sókó fole ala du betepa-
apó.

33 Mepaae whi dené
diãpaae wisi ala erótu betepa,
diaaḡkélé atimapaee wisi ala

eratepa, aita doasi ala meipó. Ti aita, dowi ala du betere so whínékélé dere alapó.

34 Diaaqtamo mepaae whiné diappaee momó tokó melópóló me ɔla melatepa, ai-a hapólure? Ti mepaae dowi ala dere whirapenékélé momó tokóló saai ai ala dua dapó.

35 Tépatēi diaaqtā, bóe whippaae yaala sókó fóló wisi ala betā erótua yae. Atéturaalu, naao me ɔla mótu, momó tokó melópóló kisipa muóló meni, haɓe meló betā yae. Atétepa, ti diā mo taoró betere Kótóné dupu wisi menóló, ama naalerape betaalo ai ape. Ti noatepae, ama kolené sukutere alaró haɓe tao sere alatamota, dowi ala du betere whiraperó ɔpaae mo kée initere whirapetamopaae erótu beteraipó.

36 Diaaɔ Ayané mo so whi feapaae kolené sukutu dere kaaetóro diaaɔkélé me whippaae atéro kolené sukutu betae, yalepó.

*Me whi haɓetei foné só de-
raoqse yale fo*
(Mat 7:1-5)

37 "Diaaɔ me whi taleyóló só deratere ala yaqse. Naao-tamo me whi só deratere ala initepa, ti mené diákélé taleyóló só deraalomeipó. Diāné mepaae whitamó foné só deréni depa, ti yaékélé mené só deraalo meipó. Mené ɔpaae erale dowi ala me ɔla meipóló haɓe kemeratepa, ti diaaɔ yale

dowi alakélé me ɔla meipóló haɓe kemeraalopó.

38 Mepaae ɔla ɔla yaɔɔre so whimó haɓe matepa, menékélé diāmó haɓe melaalo ai ape. Naao me ɔla melaai depa, ti deyóló mo ti faanóló melaē. Ti noatepae, naao mepaae whimó mo dekéro mótu dere kaae, menékélé ɔamó naao male sutoró melaalo ai ape," yalepó.

39 Atéro, ama i yale fo tómó atimapaee i fo sale yalepó. "Betā kele dilikire whiné me kele dilikire whippaae tu i mole ape yóló ɔlisóro fenére? Atétepa, ti ɔ dée nukuraalu, atimamo wusuró dée nóló dolopaae derepaalopó.

40 Betā *skul* naalené ɔ yó matere whi teteraalo meipó. Téyaalo meitei, kisipa siré fóló sɔtepa, ti ɔ yó melale whi kaae betaalopó.

41 Naao kele dolomó doakale bole ni fake kilini, naao noné kelemó sawatamo bole mometei noatepa sokaai du betere?

42 Naao nopaae duraalu, 'No-ó, naao kele dolomó bole mome sawa sokotapa maé,' dere noatepa de? Naao kele dolomó bole doasi ni fake sokóló naao kele feléruraalu, ti naao noné kelemó bole mome sokotapa mo wisir-apó," yalepó.

*Wisi niné dowi du ole-
timipó yale fo*
(Mat 7:16-20, 12:33-35)

43 "Ni wisiné dowi du ole-timipó. Dowi ninékélé wisi du ulutimipó.

44 Mo nirape fea du oletepa kolóló, ita du wisi oletere nipó, ita, kokola oletere nipó dua dapó. Whirape feané nose du teketuraalu, mu daai képi tikimó ó hãle hõko ni tikimó olepa teketumipó. Mo besãae teketukélé hãle képimó olepa tekete? Meipó.

45 Whi wisiné hosaa tuãmó wisi alatóro fãayóló muluraalu, ama dere fokélé, wisi fotóro dua dapó. Dowi whiné ama hosaa tuãmó fãayóló mole alatóro dowi fo hãkeamó depa wosetua dapó.

Be hõko tẽtere alaró wisiyóló tẽtere alatomómó yale fo

(Mat 7:24-27)

46 Yãlo diãpaae yae dere alamo diaaõ iniyóló, epaae doasi Tale-ó fo noatepa du betere?

47 Mepaae whiné yãlo dere fo wosóló, yãlo yae dere alakélé wisiyóló erótu betere so whi ti etei kaae alané kelerapó.

48 Whi betãné ama be tẽyaairaalu, tó hae fea dukuté doropóló, hae dirimó kapo fake mulóló, ai tómó be tẽtua dapó. Atéro tẽne be doakale hali tikiró wẽi asyatamo waalotei, ai be mo wisiyóló tẽneteiné tokó fenipó.

49 Téyaalotei, whi me dené yãlo fo wosetutei, yãlo erae dere ala erénitepa, ti etei ala kaaené kelerapó. Whi betãné ama be tẽyaairaalu, tó hae kãayóló taae faréni, hãle

hõko tẽnapó. Atépa, doakale hali tikiró wẽi ayatamo waletikimó, kale be tokó taae faróló, mo ti doralepó," yalepó.

7

Topo diki tare whiné kutó diratere whi wisirale fo

(Mat 8:5-13)

1 Téro, Yesuné so whiãpaae fo yó melóló kemetepa, a Kapeneam bepaae felepó.

2 Ai bemó betã topo diki tare whiné ama hosaa mole kutó diratere whi betã heponé mo felekemó sukãai du betalepó. Ai topo whiné 100 Rom diki tare whirape tẽteróló kaae tarepó.

3 Atépa, kale topo whiné Yesu wóló beterapó dere fo woseturaalu, ama kutó diratere whi Yesuné tao sene wópóló, mepaae Juda topo whirapené apaae ene fópóló doteyalepó.

4 Atima Yesu beterepaae wóló apaae duraalu, "U whi wisinaale mo felekemó sukutapa, naao a wisiraasepóló ya dã faalopó.

5 Ti noatepae, dã Juda fake so whitamó hẽkesené sukóló yaala sókó fole ala muluraalu, dané fo wosetere bekélé ama tẽnalepó," yalepó.

6 Atétepa, Yesu a atimatamo fóló, kale whiné be felekepaae sókó waairaalu wou betepa, kale diki tare whirapené doasi topo whiné ama fulumu whirape Yesutamo tumó hokolaatu, i fo yae yóló dotonalepó.

⁷ Atétepa, atima fóló, kale topo whiné Yesupaae yae yale fo yalepó. “Tale doa whi-ó, a whi wisi betepapakó ya ama be tuapaae ape yaalomeipa, ya tika tumó daalu kisi bete wisi yae fo betá yae.

⁸ Ti noatepae, ekélé e tetéróló kaae tare whi aomó beterapó. Yalo diki tare whirape atimakélé e aomó beterapó. Ai whirapepaae yalo ‘Fae,’ depa fóo, ‘Ya ape,’ depa wóo, dua dapó. Yalo kutó diratere whipaae i ala yae depa, ai alatóró ama dua dapó,” yalepó.

⁹ Yesuné i kale whiné ene wale fo wosóló sirayalepó. Téró, Yesu fetée fóló a sya wou betere so whipaae duraalu, “Israel hae kwiamó etei kaae kisi pa tiki tiró betere whi mo betakélé betepa kilinipó,” yalepó.

¹⁰ Téró, kale doasi topo whiné doteyale whirape bepaae momó fesaae wóló kelalemó, kale kutó diratere whiné hepo bete wisiyóló, mo betepa kelalepó.

Yesuné wulia soné naale kepaarale fo

¹¹ Atéró, Yesu a Kapeneam be huluamó sawa beteró, ama yó matere whirapekélé, mo so whikélé, fea atamo Nain be huluapaae sókó faai fu betalepó.

¹² Atéró fu betalemó, ai be hulua tipiné bopéró daaló betere tikimó sókó felemó, betá sukále whi beleyóló walepó. Ai naalené hamata, oma sukóló wulia bituraalu,

ai naale betatóró kaae tarepó. Ama tiki sini beleyóló fupa, ai be huluamó betó mole so whikélé fea atamo fu betalepó.

¹³ Atétepa, Talené kale so kelalemó, kolené hosaamó supa, a daalepaae fóló duraalu, “Ya wole ekesé,” yalepó.

¹⁴ Téró, Yesu a wóló kale sukále whi dokore beseke olaatepa, beleyóló fu betere whirape feni, keiyóló daayalepó. Atétepa ama duraalu, “Ti naale-ó, yalo yapaae dapa turukó holae,” yalepó.

¹⁵ Tétepa, kale sukále whitei turukó holóló bituraalu, fo kaae sóró yalepó. Téró, Yesuné kale sukále naalené hamapaae naao naale ai ape yóló melalepó.

¹⁶ Ai ala kolóló, so whi fea winé sukutepa, Kótóné doi hale sóró holóló duraalu, “Kótóné mo doasi kóló whi betá ama so whi tao saai i wóló betere ape,” yalepó.

¹⁷ Yesuné ai ala du beterapó fo Judia hae kwiaró ai hae kwia tuamó betóló fale so whitamó feapaae deté fóló fakeralepó.

Jon-né ama yó matere whi tamo Yesu beterepaae dotonale fo

(Mat 11:2-19)

¹⁸ Atéró, kale Jon-né ama yó matere whirapené Yesuné i alarape du beterapóló, Jonpaae ene walepó.

¹⁹ Jon-né ama yó matere whi tamopaae ape yóló, Tale beterepaae fópóló

dotɔyalepó. Atétepa, ati-
maamo fóló ɔpaae wosetu-
raalu, “Waalopóló bope du
betale whi ɔpé? Whi me
kae wópóló kaae tawaróe?”
fo ene fópóló dotonalepó.

²⁰ Atéró, kale whi tamo
Yesu beterepaae wóló ɔpaae
duraalu, “Dɔmota, wɛi
tópuratere whikó Jon-né
ɔpaae wosene fae depa
walepa, ɔta kale waalopóló
bopetu betale whipé, whi me
kae wópóló kaae tawaaloé?”
yalepó.

²¹ Atéyale sukamótóró
Yesuné mepaae hepo daale so
whikélé, depe dolomó dowi
kepe betere so whikélé, kele
dilikire so whikélé, wisirótu
beterapó.

²² Atéró, ama ati-
maamopaae duraalu, “Di-
aamo fesaae fóló diaamoné
wosale foró kelale alatamo
Jon-paae ene fae. Mepaae
kele dilikiyóló betale so
whiné kele fisaae fóló ɔla
ɔla kolóo, hɔleke dore so
whi mo sesere whi kaae
kwɛyóo, dowi humu fuluné
tiki dore whirape sesɛ mo
betere whiné tiki kaae
daayóo, mepaae woséli
kinu fokélé wosenire so
whi woséli tukwɛ falóo,
mepaae sukutepa दौराai
yale so whitei kepaaróo,
mepaae yoleale betere
whirapepaaekélé, kale mió
wosetere fo wisi yó matepa
wosetu beterapó fo ene fae.

²³ Mepaae so whi de ɔalo
du betere alamó dée néni,
suka fea eró tare so whita,
hainé sukópóló yae fo ɔpaae

ene fae,” yalepó.

²⁴ Atéró, kale Jon-né
dotɔyale whi tamo fimó,
Yesuné Jon-mó kisipa mutu,
ai betó mole so whipaae du-
raalu, “Upulé diɔ so whikélé
bitini kópu kaae fitikipaae
fua yale-a, beséné kape fépo
eraterere kelaai felepé, whi
kuti wisinaale deróló auretei
kelaai feleé? Meipó.

²⁵⁻²⁶ Ti mepaae wisi
wisi kuti maaté deraterere
whita, topo whi betere
be wisimótóró bitua dapó.
ɔta atei ala inipa, diɔ noa
ɔlakó kelaai feleé? Atépatei,
diɔtamo Kótóné ama kóló
whi mo kelaai fitikimó, ti ɔta
ai kutó maaté mei, mepaae
kutókélé dirópóló sóró betero
beterapó.

²⁷ Asemó yóló muló betere
fota, i whimó kisipa mutu er-
apó.

‘Whi betɔ ɔpi folosóro fu-
raalu, ɔa waaire tu
donorae fo ene fópóló
ɔalo dotɔyaalo ai ape.’

²⁸ ɔalo diɔpaae i dere ape.
I haemó betó mole soné
deale whirapekélé fea betó
moletei, kale wɛi tópuratere
whi Jon-né tɛteró beterapó.
Tépatei, whi me detamo
Kótóné tɛteróló kaae tare
aomó, belei sókó deóló
betepa, ti kale wɛi tópuratere
whi Jon bosenée falapó,”
yalepó.

²⁹ Mo so whi fearó
takis moni siré kotere
whirapetamo Jon-né dere
fo wosóló sya fupa, atima
wɛi tópuraleteiné Yesuné yale
fo wosóló, Kótó ɔta, mo

donotóro taletere Talepó du betalepó.

³⁰ Téyaletei, mepaae Farisi wh̄iraperó Moses-né asere fo yó mótu betere wh̄irapetamo Kótóné tao sóro eraai yale wisi ala atimanétei h̄oralepó. Ti noatepae, atima Jon beterepaae w̄ei tópuairaaalu feni yaletéinépó.

³¹ Téró, Yesuné duraalu, “Mió i alimó betere so wh̄irapené du betere ala yało noapaae dó faróló yaaloé?”

³² Atimata, so wh̄i mo fea touróló betere tikimó, kale keteirape atimasisitei melaa duraalu, etei kaae ala dere naale senaale kaaené kelerapó.

‘Dią k̄iliyópóló dané fó wuti haleróló mepaae wole forape yaletéi, dią h̄ekeseyóló sama k̄ilinipó.

Dią deke duraalu moló yópóló, mepaae wole forape yaletéi, dią wolekélé inipó,’ yalepó.

³³ Atére kaae, kale w̄ei tópuratere wh̄ikó Jon ọlakélé, w̄ekélé, néni, weyóló h̄ale betepa, diaaọ duraalu, ‘A tuamó dowi kepe tepeyóló beterapó,’ dua yalepó.

³⁴ Kale wh̄iné Naalema ọlaró *wain* w̄eitamo nokole ala kolóló diaaọ duraalu, ‘Kelere? i wh̄ita, ọla mo dekeró nóo, *takis moni* siré kotere wh̄iraperó dowi ala dere wh̄irapetamo fulumu yoo, du beterapó,’ fo diaaọ ai dere ape,” yalepó.

³⁵ Atei fo diaaọ du betereitei, mepaae so wh̄i de Kótóné mo fo wisi wosóló sya fupa, so wh̄i feané h̄akeamó kilitu, ita Kótóné mole fosó fosóre tué sya feleteiné erapó, yalepó.

Dowi ala du betale soné Yesuné hó fokale fo

³⁶ Téró etéyalepó. Farisi wh̄irapekó betané Yesupaae ątamo ọla naai faalopó depa, fóló beterepó.

³⁷ A atéró wóló Farisi wh̄iné bemó ọla nuku beterapó dere fo ai be huluamó dowi ala du betere soné wosóló, *alapasita* kanené aleyale wutimó felé k̄elaa wale *wel* w̄ei sóro walepó.

³⁸ Atéró wóló, ą Yesuné sisópaae fóló, ama hó aqmó hemée deyóló bitu, wole du betalepó. Atéró du betale wole kaae Yesuné h̄leke tópaee durupu beterepó. Tétepa, kale soné ama topo nikinétei, helekóló kópurótu betalepó. Atéró, kale soné Yesuné h̄leke tamo kóló tukó nóló, kale felé k̄elaa wale *wel* w̄ei ama hómó suniyalepó.

³⁹ Atétere ala betą Farisi wh̄iné kolóló, ama kisi-panétei duraalu, “I wh̄ita, Kótóné kóló wh̄i uasóro, ti ama hómó olaa deremó, dowi ala dere sonétei ą olaa dapó, kisipa muapó,” yalepó.

⁴⁰ Tétepa, Yesuné ąpaae duraalu, “Saimon-ó, yało yapaae yaaitere fo betą mulapó,” yalepó. Ti fo depa, ama duraalu, “Yó matere wh̄i-ó, naao ẹpaae yaaitere fo yae,” yalepó.

41 Ti fo depa, Yesuné ɔpaae duraalu, “Betɔ whɛné *moni* momó tokó melaai dapóló, tamo whɛné kwia mulóló me whɛné 500 *denarias moni* sóo, me whɛné 50 *denarias moni* sóo, yalepó.

42 Kale whɛ tamoné sale *moni* talepaae tokó melaairetei sunipa, kale whɛné me ɔla meipóló, taaralepó. Atéro taalatepa, atimaamokó mé whɛné kale *moni* talepaae doasi hosaa muóló yaala sókó fole ala enére?” yalepó.

43 Ti fo depa, Saimon-né ɔpaae duraalu, “Yɔlo kisipanéta, kale doasi *moni* sale whɛ ɔ hɛkese yaalo ai ape,” Tétepa, Yesuné duraalu, “Naao dere fota, mo dono dapó,” yalepó.

44 Téro, ɔ kale so daalepaae fetée fóló, Saimon-paae duraalu, “I so naao kelere? Ẽ naao bepaae waleteti, yɔlo hɔleke fokópóló, naao wɛikó ɛ menipó. Ténitei, i soné betɔ ama wole kaape fe yɔlo hómó epa, ama topo nikinétei helekóló kópuralepó.

45 Ẽ naao bepaae wale sukamó, yɔlo faamumó naao kóló tukó néni, i soné betɔ yɔlo hó kóló tukó nuku betalepó.

46 Naao yɔlo topomó *wel* wɛi dilénitei, i soné betɔ yɔlo hɔlekemó felé kɛlaa wale *wel* wɛi dilalepó.

47 Atéyale kaae, yɔlo yɔpaae i dere ape. I soné ama mo doasi du betale dowi alamó saai yale kwia yɔlo hɔle kemeraleteiné ama ɛpaae

hosaa muóló doasi yaala sókó fu beterapó. Tépateti, whɛ me dené ama dowi ala hɔle tómó maaté kemeratepa, ti ama yaala sókó fóló hɛkesené sukutere alakélé hɔle tómó erapó,” yalepó.

48 Téro, Yesuné kale sopaae duraalu, “Naao yale dowi alamó saaire kwia hɔle kemeró beterapó,” yalepó.

49 Ai fo depa, ɔtamo betámó ɔla nuku betere whɛrape atimasisitei, fo kɛlaaróló duraalu, “I whɛta, Tale kaae bitu, dowi alamó saaire kwia ama hɔle kemer-aalopóló dérópó,” yalepó.

50 Tétepa, Yesuné kale sopaae duraalu, “Naao kisipa tiki tiró betere alané yɔ tao sóró wisiralepa, naao hosaa muni deyóló mo dua fae,” yalepó.

8

ɔla wae biliterepaae dó faróló yale fo sale

(*Mat 13:1-23, Mak 4:1-20*)

1 Ai ala yóló kemetepa, Yesu ɔ doasi be huluaró sawa be huluatamopaae fóló kale fo wisi yó móturaalu, Kótóné tɛtéróló kaae tare aqmó mole ala etérapóló yó maté kwɛyalepó. Ẽ atéro kotere alata, ama yó matepa wosetere 12 whɛrapekélé feapó.

2 Téro, take depe tuámó dowi keperape betepa wisirale sorapekélé, mepaae hepo daapa wisirale sorapekélé, fea ɔtamo felepó. So whɛné Maktala be hulua sókó Mariapó du betere so felepó.

Ai sota, take wëikeró dowi keperape tepeyóló betepa, dóló hqonale sopó.

³ Kale topo whi Herot-né ama be ó ɔla ɔla fea kaae tanópóló, sóró betero betere whi Kusané soma Joanakélé, so me Susanakélé, mepaae sorapekélé, mo fea ɔtamo felepó. Ai sorape atima moninétei, Yesuró ama yó matere whirapetamo tao sua yalepó.

⁴ Atéro so whi fea betapaae tourótu betepa, mepaae kae kae doasi be huluoamó betó mole so whikélé wóló tourótu betalepó. Atépa, Yesuné ama i fo sale yalepó.

⁵ “Whi betané ɔla wae ke ama kutómó terepeté kwëyaairaaalu, sóró felepó. Atéro furaalu, mepaae kerape tumó sorokóta yóló mupa, so whiné hqlekené teiya teiya yalepó. Atépa, sikimó kotere barape dorowóló, kale kerape dósu yóló nalepó.

⁶ Téró, kale whiné kutómó kerape terepeté kwëyaaletei, mepaae ti kane tómó dakere haemó taae doróló hapale holalepó. Téyaaletei, kapo tómó dakere hae fe meiru, kale ɔla wae feleke doaló derepeniyóló, hapale séliyalépó.

⁷ Mepaae ke ti dowi ne eremó taae derepelepó. Atéyaaletei, dowi netamo betámó holóló kale ke ɔla wae wisi dowi nené bopeyóló aluralepó.

⁸ Mepaae hae wisimó terepée derepele ɔla wae

wisiyóló holóló, du oleyalepó. Ai ɔla ɔlumétepa sóró, 100 yorape ɔanalepó,” yalepó.

Ama i fo sale yóló keme-tepa, fo fotokqiné duraalu, “Whi de woséli daapata, i dere fo wisiyóló wosóló tué muae,” yalepó.

⁹ Tétepa, ama yó matere whirapené apaae wosetu-raalu, “Naao ti yale fo sale noa betené yaleé?” yalepó.

¹⁰ Ai fo depa, ama atimapaee duraalu, “Tale Kótóné teteróló kaae tare aqmó kinóló mole ala diaaɔ tué yópóló, mené diɔ sóró betero beterapó. Téretei, mepaae hqle mo so whipaaeta, ti fo salené maaté du beterapó. Ti noatepae,

‘Take atima kelené kelaalotei, mo diriyóló koló faalomeipó.

Take atimané fo wosaalotei, bete mo diriyóló kisipa yaalomeipó,’ erapó.

¹¹ I yale fo sale bete i ape. Kale ɔla wae keta, ti Kótóné fo wisipó.

¹² Kale ɔla wae ke tumó taae doropóló mupa, barape dorowóló dósu yóló nale kaaeta, mepaae whi de Kótóné fo wisi wosóló, atimané hosaa tuámó mulatepatei, dowi Satan wóló, kale fo wisi tokó sua du beterapó. Aita hqle mei, kale fo wisi wosóló kisipa tiratepa, Kótóné atima tao saqsóró du beterapó.

¹³ Téró, mepaae kane tómó dakere haemó taae derepele ɔla waeta, i ala dere kaaepó.

Kótóné fo hekesetamo wisiyóló woseteretei, atimané tué tuamó mulótimpó. Sawa sukamó kisipa tiki tiró bitu, woseté fu betaalotei, sekçi ala wale be demó hapale dée nukua dapó.

¹⁴ Kale dowi ne dolomó taae doropóló ɔla wae botokó sóró honiyale kaaeta, i ape. Mepaae whi de Kótóné fo wosólótei, tumó furaalu, atima betere alamó doasi whaalia dere alakélé, tó tikiné felé yaaire alakélé, atimané kisipa tiki tuamó muló bitu, kale fo wisi botokó sóró aluróló, du wisi oletimpó.

¹⁵ Tépatei, hae wisimó taae derepele ɔla waeta, i ala dere kaaepó. Mepaae so whiné kale fo wisi kisipa wisitamo wosóló keteréni, atimané hosaa tuamó mulóló eró tareteiné, ɔla wae kaae holóló, kale fo wisi du oletua dapó,” yalepó.

Mo whi betanékélé lamp sa kinóló munanéni yale fo

(Mak 4:21-25)

¹⁶ “So whiné lamp sa deróló haené aleale nuku aqmó ó fitere kea aqmó kinóló munéni, so whi feané kolópóló deróló hakeamó mulótua dapó.

¹⁷ Ti so whiné kelaqsóro mió hiróló muló betere ala fea take fopa hakeamó mulatepa, so whi feané kelaalopó.

¹⁸ Téyaalopa, mió diaaq woseteré fo wisi mo wisiyóló sya fóló, erótóro tawae. Ti noatepae, mepaae so whi

dené Kótóné fo wisi mo bete mulapóló tao tapa, atétere so whipaae Talené tómó beleróló mo dekéro melaalopó. Mepaae so whi dené wosale fo wisi ama kisipané tare nisi du betereteikélé Kótóné fasó saalopó,” yalepó.

Yesuné hamaró nomarapetamo wóló belamó daalopó yale fo

(Mat 12:46-50, Mak 3:31-35)

¹⁹ Téró etéyalepó. Yesuné ama hamaró nomarapetamo a kelaai waleteti, so whi fea touraletikimó, a daale felekepaae fenénipa, atima belamó kaae tawóló daae molepó.

²⁰ Atépa, mepaae whiné apaae duraalu, “Naao haeró nonaaorapetamo ya kelaai wóló belamó daae mulapó,” yalepó.

²¹ Ai fo depa, ama atimapaee duraalu, “Mepaae so whi de Kótóné fo wosóló erótu betepa, ti yalo haeró norapetamo ai ape,” yalepó.

Yesuné hali tikiró besé tikitamo foné sale fo

(Mat 8:23-27, Mak 4:35-41)

²² Téró me be demó Yesuné ama yó matere whirapepaae duraalu, “I wei kela uté teró faalopa fiépe,” yalepó. Atétepa, atima nuku tuapaae bití holóló, te felepó.

²³ Atéro, atima nukutamo wei tómó fu bituraalu, a nuku salemó toró mulóló, noke firepó. Atéro wei tómó fu betalemó, doakale besé tikiró wei asyatamo wale tikimó, nuku dolopaae wei

bó dorowóló f̄aturaalu, w̄einé atima mo felekemó aluratapó, du betalepó.

24 Tétepa, ama yó matere wh̄irape fóló, ̄ turukuróló duraalu, “Doa wh̄i-ó, mió w̄einé d̄a mo felekemó i aluraterape,” yalepó.

Atétepa, ̄ turukó holóló kale besé tikiró w̄ei asy-
atamopaae taalae yóló foné salemó, béyóló dono felepó.

25 Atéró, ama yó matere wh̄irapepaae duraalu, “Dīa kisipa tiki tiró bitini airapó,” yalepó.

Ai fo deremó atima witepa, sirayóló atimasisitei duraalu, “Isek̄énéta, noa wh̄irópó. W̄ei asyaró besé tikitamokélé, ̄ aq̄mó bitu, ama dere fo mo bet̄a wosetapó,” yalepó.

*Dowi kepe tepeyóló betale
wh̄i wisirale fo*

(Mat 8:28-34, Mak 5:1-20)

26 Atéró, atima ai Kaleli w̄ei k̄ela t̄eyóló, Kadarin hae kwiamó sókó felepó.

27 Atéró, Yesu ̄ nuku taaróló hae tópaee taae felemó, ai be huluamó bet̄a dowi kepe tepeyóló betere wh̄i ̄tamo hokolaa yaai walepó. ̄ mo take bitiré woutei, kutikélé deréni, tiki h̄ale wh̄i dou tómótóró bitua yalepó.

28 Atéyale wh̄iné Yesu daale kolóló, keteré yóló ama hó aq̄mó deraapisa fóló fió mulu fo fakeyóló duraalu, “Mo taoró betere Tale Kótóné Naalema-ó, ȳalo ȳapaae dapa, naao ̄ momó kae susupuraq̄se,” yalepó.

29 Ti noatepae, Yesuné kale dowi kepepaae duraalu, ai wh̄i tuamó beteretei taaróló sókó fae dere fomó yalepó. Ti ̄ta, take mepaae wh̄iné sein k̄epiné dokóló mulótua yalet̄ei, kale dowi kepené ̄ wh̄i bitinire tikipaae f̄ópóló, h̄okó fatua yalepó.

30 Yesuné ̄paae wose-
turaalu, “Naao doi deé?” depa ama duraalu, “Ȳalo doita Lisanipó,” yalepó. Ti noatepae, ̄ tuamó keperape mo h̄ale ̄la kaae woló, betó moleteinépó.

31 Téró, kale dowi keperape atima betere tiki taaróló, mo apaae derepale dolopaae h̄okó deraq̄se yóló momó du, momó du, yalepó.

32 Ai du sorokó mole aq̄mó hupurape kimimó daae mupa, dowi keperapené Yesupaae woseturaalu, “D̄a ai hupurape tūapaae bit̄i faai dapa, naao d̄apaae fae yaaloé? depa, Yesuné wisirapa téyae,” yalepó.

33 Atétepa, kale dowi keperape kale wh̄i tuamó betalet̄ei taaróló, kale hupurape tūapaae tepeyóló bit̄i felepó. Tétepa, kale hupurape botokó fele tikimó w̄einé s̄ane kulamó doropóló, w̄einé sorok̄ó fóló, fea sisiraae felepó.

34 Atétepa, kale hupu kaae tare wh̄irape wituraalu botokó fóló, doasi be huluaró ipu berapetamopaae fóló atimané kelale ala deté kweyalepó.

35 Ai fo wosale so wh̄i feané noa ala yalerópóló kelaai

felepó. Atéró, Yesu beteremó sókó felemó, dowi keperape tepeyóló betale wh̄itei tué wisi muóló, mo wh̄i kaae kuti wisitamo betepa kilitu, atima wiyalepó.

³⁶ Téró, mepaae ai ala depa, kelale so wh̄iné ai wale so wh̄ipaae duraalu, “I wh̄ita, dowi keperape tepeyóló betale wh̄itei, mió ą wisiyóló mo sesere wh̄i kaae, ai beterapa kelae,” yalepó.

³⁷ Téró, ai kale Kadarin hae kwiamó betó mole so wh̄i doasi wituraalu, Yesupaae atima taaróló fae yóló, setu betalepó. Atétepa, ą faairaalu, w̄ei nukupaae bit̄i holalepó.

³⁸ Tétepa, dowi keperape tepeyóló betale wh̄iné Yesupaae ąkélé ȳatamo f̄enére? yóló wosalepó.

³⁹ Tétepa, Yesuné ą dotęyaai duraalu, “Ȳa ętamó faalomeipa, Kótóné ȳapaae erale ala yó melaai nao bepaae fesaae fae,” yalepó. Atétepa, kale wh̄i ą fóló, Yesuné ąpaae erale alarape ai be huluamó betó mole so wh̄i feapaae yó melaté kwęyalepó.

Yesuné bet̄a senaaleró so-tamo wisirale fo

(Mat 9:18-26, Mak 5:21-43)

⁴⁰ Atéró, Yesu ą momó w̄ei k̄ela teyóló uté t̄eró sókó fóló beteremó, ą wópóló kaae tawóló betó mole so wh̄i fea h̄ekesetamo ą boper̄ale walepó.

⁴¹ Yesu atéró betepa, Kótóné fo wosetere be kaae

tare wh̄i Jairus wóló, Yesu kelalemó, mo doasi wh̄ipa, ama hó aqmó deraapisa fóló fió mulu, ąpaae mo miótóro ama bepaae faalopóló, wosetu betalepó.

⁴² Aita h̄ale mei, 12 ba fo kemere senaale mo bet̄atóro beteretei mo felekemó suk̄ai depa yalepó.

Téró, Yesu t̄umó fu betepa, so wh̄i feané betek̄i betek̄i deté fu betalepó.

⁴³ ą atéró sókó felemó, f̄ake fu betepa 12 ba fo kemere so bet̄a walepó. Tétu betepatei, mo wh̄i bet̄anékélé ama ai kisi bete wisiraaire mo sunipó.

⁴⁴ Atére so ą so wh̄i kuamó Yesuné sisóro kikití sókó wóló, ama tómó deró betere kuti salemó olaa yaletamótóro, ama samea fu betaletei tikalepó.

⁴⁵ Atétepa Yesuné atimapaee duraalu, “Ē né olaa yaleé?” yalepó. Téyalemó, ai so wh̄i feané atima meipó depa Pitané duraalu, “Doa wh̄i-ó, so wh̄i feané ȳa t̄e alu yóló ai daae mole ape,” yalepó.

⁴⁶ Tétepa Yesuné duraalu, “Dīakó wh̄i bet̄ané ę olaa yaletikimó, ȳalo fotok̄o sókó felepa, ę né olaa yaleé?” yalepó.

⁴⁷ Téró, so wh̄iné keletómó kale soné ama yale ala hiranénipa, ą Yesuné hó aqmó deraapisa fóló fió molepó. Atéru, ama kisi bete wisi yópóló kisiipa mutu olaa yalemó, kisi bete mo hapale t̄etitóro wisiyalepo.

48 Téró, kale sopaae duraalu, “Ti senaale-ó, naao kisipa tiki tiraletiné ya ai wisiyalepa, hosaa muni deyóló dua fae,” yalepó.

49 Kale sotamo ai fo du betepatei, fo wosetere be kaae tare topo whi Jairus-né ama be whi wóló aphae duraalu, “Naao senaale mo ti ai sukale ape. Térapa, yó matere whi paae fo me kae ini taalae,” yalepó.

50 Ai dere fo wosóló, Yesuné kale whi Jairus-paae duraalu, “Naao senaaleta wisiyaalopa, ya fomoyóló whaaliani, kisipa tiki betá tirae,” yalepó.

51 Atéro etéyalepó. A kale fo wosetere be kaae tare topo whi Jairus-né bemó sókó fóló duraalu, “Mepaae whi rape etamo faai dapóló waqse. Pita, Jon, Jems, kale senaalené alimaró hamatamo betá wópóló yae,” yalepó.

52 Atéro, sókó fóló kelalemó, kale senaale sukóló mupa molóró fo tiki whaatamo du betepa, Yesuné atimapaee duraalu, “Ai senaaleta, sukuni noke firapa, diaaq fo tiki whaaró moló-utamo taalae,” yalepó.

53 Ai fo depa, atima mo so whiné kisipané i senaaleta, mo ti sukunapóló, a do nanalepó.

54 Tetepa, kale senaalené naasemó tao sóró duraalu, “Ti senaale-ó, ya turukó holae,” yalepó.

55 Atétepa, ama kepe bete a tuapaae momó bitij wouraalu, mo hapale tétitóró

turukó holóló daayalepó. Tétepa, Yesuné atimapaee duraalu, “Me olakó nópóló melae,” yalepó.

56 Atétere ala kolóló, kale senaalené ama alimaró hamatamo hokomó sókó furaalu, sirayalepó. Tétepa, Yesuné atimaamopaae fo mulótu duraalu, “I ala yalepóló, mepaae so whi paae momókó yaqse,” yalepó.

9

Yesuné sóró beterale 12 whi rape dotonale fo

(Mat 10:5-15, Mak 6:7-16)

1 Atéro etéyalepó. Yesuné ama dosayóló sóró betero betere 12 whi rape betapaae tourale ape depa, walepó. Atéro wóló betó mupa, ama doasi fotokó bulóo, so whi tuamó dowi keperape betereitei, dóló hokonótua yóo, mepaae kae kae kisi daale so whi rape wisirótua yóo, yópóló sóró beteralepó.

2 Atéro atima doteyaae duraalu, “Diá be hulua dokó feapaae fóló, Kótóné tetetólo kaae tare aqmó mole ala yó melóo, mepaae hepo daale so whikélé wisiróo yaasepóló fae,” yalepó.

3 Atéro ama atimapaee duraalu, “Diá furaalu dotó tikikélé, waró yotamokélé, mo nokole olakélé, monikélé, kutikélé me dekaaporóló momókó sóró faqse.

4 Diá me be hulua mó sókó fenaalemó, betá whiné diá dape supa, ti ai whitamotóro fitua yóló, fole sukamó ai be taalae.

5 Mepaae so whinė diatamo dape sini depa, ti atimané yale alamó dapóló kisipa muópólópa, ai be hulua taaróló faairaalu, diaaḡ hómó dakere hae terepée deróló fae,” yalepó.

6 Atéro atima fóló, be hulua dokḡ feamó kale fo wisi yó maté kwęyóo, atima kotere be huluamó kisi muó mole so whikélé, fea wisiraté kwęyóo, yalepó.

7 Atima ai ala deté kutu beterapó dere fo Kaleli hae kwia teteróló kaae tare whi Herot-né wosalepó. Mepaae so whiné kale sukale whi Jon momó kepaayóló beterapóló deté fele fo wosetu, Herot-né ama kisipa tiki kóló kóló du betalepó.

8 Atépa mepaae so whinė duraalu, “Mo take betale whi Ilaija wóló biturapó. Tépa, mepaae so whiné du, mo take betóló sukale Kótóné ama kóló whirapekó, momó kepaayóló wou yalepó,” du betalepó.

9 Tépa kale topo whi Herot-né duraalu, “Jon-ta, yaḡo diki tare whirapené depa tikalepa, aita demó dérópóló,” ama keḡe faai kisipa mualepó.

Yesuné 5,000 whirape ɔla melale fo

(Mat 14:13-21, Mak 6:30-44, Jon 6:1-13)

10 Téró, ama dotęyale whirape atima momó fesaae wóló, atimané yale alarape Yesupaae yó melalepó. Téró, ama atima maaté dape

sóro, Betsaida be huluapaae felepó.

11 Atima atéro felepó dere fo so whi mo turóné woseturaalu, ḡ sya felepó. Atima atéro ḡ beterepaae wapa, wisirapóló dape sóro, Kótóné teteróló kaae tare aḡmó mole ala atimapaae yó melóo, mepaae hepo daapa wale so whikélé wisiróo, yalepó.

12 Atéro, suka doropoletamo ama yó matepa wosetere 12 whirape ḡ beterepaae wóló duraalu, “Dḡta ɔlakélé meire tikimó beterapa, i so whi felekemó tę mole berapepaae fóló atimané naaire ɔlaró fiyaaire betamo atimanétei kekḡai fópólópa, dotonae,” yalepó.

13 Ti fo depa, ama atimapaae duraalu, “Diaaḡtei, atima naaire ɔla melae,” depa atimané ḡpaae duraalu, “Dḡnéta, *bred* o bula aporó yóo, ya tamo yóo, yóló betḡ i mole ape. Tépa, naao kisané i betó mole so whiné naaire ɔlakó ḡnétei dupune fópóló kisipa mute?” yalepó.

14 Atéro, aimó betó muale soró naale senaale-tamo dosḡani, whi maaté dosḡayóló touróturaalu, 5,000-rópó.

Tépatei, ama yó matere whirapepaae duraalu, “Dosḡayóló 50 whirape kae kae yóló beteraté kwęyae,” yalepó.

15 Tépa, ama yó matere whirapené so whi fea taleróló beteraté felepó.

16 Atépa, Yesuné *bred* o bula aporó yóo, ya tamo yóo yóló

taruraalu, hepen-paae kese holóló Kótópaae mo kée yóló terekée daalu yalepó. Téro, ama yó matere whirapepaae melatepa, atimanémo so whi feamó aliraté kweyalepó.

17 Atéro, atima fea nalemó sūtepa, buki muni feletei, ama yó matere whirapené siré kweyóló, 12 yorape deyóló faanalépó.

Pitané Yesupaae Kótóné sóró betero betere whi Kerisopó yale fo

(Mat 16:13-28, Mak 8:27-9:1)

18 Téro, me sukamó etéyalepó. Ama yó matere whirape atimasisi maaté moma du bitu, ama atimapaee duraalu, “Ai so whi feané e-a, depó du bitu de?” yalepó.

19 Ti fo depa, atimané duraalu, “Mepaae so whiné yaṭa, wei tópuratere whi Jonpó, mepaae so whiné ti Elaijapó, mepaae so whiné ti mo take betale Kótóné kóló whirapekó kepaayóló bituraalu, du beterapó,” yalepó.

20 Ai fo depa, ama atimapaee duraalu, “Diṇéta e depóló kisipa mute?” yalepó. Atétepa Pitané duraalu, “Yaṭa, Kótóné so whi fea teteróló kaae tanópóló, sóró betero betere whi Kerisopó,” yalepó.

21 Ti fo depa, Yesuné atimapaee fo fotokōiné duraalu, “Pitané ai yale fota, so whipaae momókó yaṭse,” yalepó.

22 Téro ama duraalu, “Kale Whiné Naalema

kae kae sekei ala saalo ai ape. Doasi whi disirapenékélé, mo so whimó Talepaae momaratere topo whirapenékélé, Mosesné asere fo yó matere whirapenékélé, a mené dōpóló, só deraalo ai ape. Téyaalotei, a momó kepaayóló betaalópó,” yalepó.

23 Téro ama yó matere whirapepaae duraalu, “Whi me de e fole tumó waai kisipa mutepa, ti naao yaaire ala teteróló ya dóló oleraaire filipaa ni naotei beleyóló, betere dokō e sya ape.

24 Mepaae so whi dené ama betere bete me ala yaṭsórópóló amatei hotowaró kaae tapa, atétere so whiné betere bete aluyaalo ai ape. Téyaalotei, whi me dené yaṭo ala eróturaalu, Talepaae naaopóló taalatepa, atétere whiné betere bete aluni, mo ti betó tawaalópó.

25 Betā whiné i haemó muó mole wisi wisi ḡa dekéro sóró betāpaae du betere tuamó ama betere bete alutepa, ti me noa dupu wisikó saaloé?

26 Mepaae whi de witu halemó, ekélé, yaṭo fokélé tuēnipó depa, kale Whiné Naalemakélé, Alimakélé, mo kae betere ensel-rapekélé ama mo kae ere detamo wale sukamó, Whiné Naalemanékélé ai whi a tuēnipó, yaalópó.

27 Téyaalopa, yaṭo diāpaae mo i dere ape. Diā i daae mole so whi mepaae sukāipatei, Kótóné teteróló

kaae tare ala mo kelaalopó," yalepó.

Yesuné ama tiki kae daane wale fo

(Mat 17:1-13, Mak 9:2-13)

²⁸ Yesuné i forape yóló bitiré fóló, bokó waleró be de kemetepa, etéyalepó. Pita, Jon, Jems, atima Yesuné dape sóró du sorokó molepaae moma yaairaalu felepó.

²⁹ Atéró holóló momatu betalemó, ama kelepaa kae daane wóo, ama deró betere kutikélé mo epée de kaae yó fóo, yalepó.

³⁰⁻³¹ Atére tuámó, whi tamo Moses-ró Elaijatamo mo kae ere detamo sókó wóló, Yesutamo fo du betepa kelalepó. Atima atéró du betale fota, Yesu a i hae taaróló hepen-paae momó fesaae faaire ala dokonóló, Jerusalem bemó eraalopó du betalepó.

³² Pitaró ama fulumu whirapetamo noke fi turukó horóló kelalemó, kale whi tamo mo doasi ere de tuámó daalu, Yesutamo fo du betalepó.

³³ Atéró, kale whi tamo Yesu taaróló faai depa Pitané duraalu, "Yó matere doa whi-ó, da fea etéro betere ala mo wisirapó. Dáne diámó furu be sore tenaai kisipa mutapó. Me yámó tenóo, me Moses-mó tenóo, me Elaijamó tenóo, yaalopó," yalepó. Aita, Pita a noa fo enénitepa, kóló kóló duraalu yalepó.

³⁴ Pitané atéró fo du betepatei, sako dorowóló

atima husuratepa, doasi winé sukutu betalepó.

³⁵ Ai sako dolomó i fo yalepó. "Ita, yalo Naalepó. A sókó sóró, yalo kae beteró betepa, ama dere fo wosae," yalepó.

³⁶ Ai fo yóló kemetepa kelalemó, Yesu a betá daapa kelalepó. Ama yó matere whirape atimané ai kelale alarape mo so whipaae ini, hiróló bitiré felepó.

Yesuné dowi kepe tepeyóló betere naale wisirale fo

(Mat 17:14-21, Mak 9:14-29)

³⁷ Atéró be deyó hotepa, atima ai du sorokó mole tiki taaróló dorowou betalemó, so whi mo hale ɔla kaae atamo tumó hokolaa yaai walepó.

³⁸ Ai so whi betó mole kua dolomó betá whi turukó holóló daalu, fo tokoróló duraalu, "Yó matere whi-ó, yalo mo betá naale naao wisirale waaloé?"

³⁹ Suka fea dowi kepené a taneta depa, keteré yóló ama kóló dako sókó wua dapó. Até duraalu, dowi kepené a taaróló feni, fotokóné ama tiki feseróló, hó naasekélé sosoro faróló mo dorótua dapó.

⁴⁰ Até du betepa, naao yó matere whirapepaae hokonaaloé? yóló wosalemó, atima sunipó," yalepó.

⁴¹ Ai fo depa, Yesuné atimapaee duraalu, "Mió i alimó kisipa tiki tiréni, dowaae fóló kópaae fu betere so whi-ó, dia tu wisipaae fópóló e diatamo

betale supa, ai naale ipaae dapesó ape,” yalepó.

⁴² Kale naale dapesó wou betepatei, dowi kepené haepaae taae deralepó. Atéro haemó mulu, feserótu betepa, Yesuné kale keperape foné sóró duraalu, ai naale tuámó betereitei hókó faróló, alimapaee malepó.

⁴³⁻⁴⁴ Kótóné doasi fotokóné eralepóló, so whi feané kilituraalu, siratu betalepó. Yesuné atéro yale alamó so whi feané haió, i-a noa ala yalerópóló, siratu betepa, ama yó matere whirapepaae duraalu, “Yalo diappaee i yaaitere fo mo wisiyóló wosóló kisipa muae. Kale Whiné Naalema mo whirapené dópóló, mené eleké deyaalo ai ape,” yalepó.

⁴⁵ Ama atéro yale fo kinóló moleteiné bete atima wisiyóló kisipa initepa wosaai yalemó, atima witu-raalu taaralepó.

Doasi topo whi de betaaloé yale fo

(Mat 18:1-5, Mak 9:33-40)

⁴⁶ Téró, Yesuné ama yó matere whirape atimasisitei de doasi topo whi betere yóló, u só derólu i só derólu dere ala kaae salepó.

⁴⁷ Atimané atéro mutere kisipa Yesuné kolóló, naale betá tao sóró turukó horóló a daale demó daalalepó.

⁴⁸ Téró, ama atimapaee duraalu, “Whi me dené yalo doimó etei kaae naale wisiyóló dape supa, ti etei dape sirapó. Whi me dené e wisiyóló dape supa, ti e

doteyale sekétei dape sirapó. Whi me de diá tuámó naale belekãamale aleyóló belei betepa, ti a doasi whi ai betere ape,” yalepó.

⁴⁹ Ai fo depa wosóló, Jonné duraalu, “Tale doa whi-ó, betá whiné naao doi yóló dowi kepe hõkonótu betepa, a ta dakó meipóló kisipa mutu, dané apaae atékese yóló, sesé du betalepó,” yalepó.

⁵⁰ Ai fo depa, Yesuné apaae duraalu, “Diaaõ a sesé yaõse. Ti noatepae, mepaae diatamo bõe dinitere whita, ti diatamo mole whi ai ape,” yalepó.

Yesu wisiyóló dape sini yale fo

⁵¹ Téró, Yesu i hae taaróló hepen-paae dapesó holaai feleke deremó, a me tikipaae faai kisipa muni, Jerusalem be huluapaae maaté faai fotokõ yalepó.

⁵² Téró, Yesu a nalo faairaalu, mepaae whirape beró naaire õlatamo donoróló mulaai atimapi fõpóló dotonatepa, atima Samaria hae tuámó tene bemó sókó felepó.

⁵³ Téyaleitei, ai be hulua so whi feané a Jerusalem bepaae faai wale kilitu, dape sinipó.

⁵⁴ Atétere ala kilitu, ama yó matere whitamõ Jems-rõ Jontamoné apaae duraalu, “Tale-ó, i be huluamó betó mole so whi fea hepen-mó mole si dorowõpóló yaé yóló kisipa mute?” yalepó.

55-56 Ai fo depa, Yesu a fetée fóló atimaamo foné sóró, atima me be huluapaae felepó.

Beta whiné Yesupaae ya sya walapó yale fo
(Mat 8:19-22)

57 Atéro atima fu betalemó, tu tuamó whi betané apaae duraalu, “Ya mopaae fupa, ti ekélé yatóro sya waalopó,” yalepó.

58 Ai fo depa, Yesuné duraalu, “Həonarapeta, atima fitere tiki yoo, barapekélé fyaaire dépi daayoo eretei, Whiné Naalema beta toró mulólo fyaaire tiki inipó,” yalepó.

59 Atéro, whi mepaae duraalu, “Ya ę sya ape,” yalepó. Ai fo depa, kale whiné duraalu, “Tale-ó, folosóro ę yalo ayapi dourale fulapa, wisire?” yalepó.

60 Ai fo depa, Yesuné apaae duraalu, “Sukune aore whiné ti sukune whi dourópóló, ya ti Kótóné tetéroló kaae tare aomó mole ala yó maté kweyae,” yalepó.

61 Atéro, me whinékelé duraalu, “Tale-ó, ę ya sya waaitei, yalo hae ayapaae kóleó fo ene faai kisipa mutapó,” yalepó.

62 Ti fo depa, Yesuné apaae duraalu, “Whi me de ama kutó ditu bitutei, depaae kele mulatere whiné Kótóné tetéroló kaae tare aomó mole kutó diraaire sunipó,” yalepó.

10

Yesuné 72 whirape doteyale fo

1 Atéyale kilipaae. Talené mepaae 72 whirape sóro betéroló, a faai dere be hulua dokopaae atimapi fópóló, tamo tamoyóló doteyalepó.

2 Atéro doteyaaai atimapaae duraalu, “Kutómó ęla mo dekéro ęlumépai, ai ęla saaire whi beta doaló meipó. Térapa, ai ęla sere ala tetéroló kaae tare Talené mepaae whirapekó ai kutópaae dotonópóló, Talepaae kemayae.

3 Dię bete hęorape betere tuapaae *sipsip* hupu malerape kaae, yalo i dotonaterere ape.

4 Dię furaalu *moni* detere bekélé, mo yokélé, hó bekélé, sóro faose. Tuamó furaalu, so whipaae kóleó fokélé ini, fó beta yae.

5 Dię beta whiné bemó sókó furaalu, Kótóné hosaa muni deyóló dua betere ala dię tuamó mulópóló yae, fo beta yae.

6 Ai be tuamó hosaa muni deyóló dua betere whıtamo betepa, ti Kótóné hosaa muni deyóló dua betere ala ai whi tuamó muaalopó. Meipa, ti ai ala diętamo momó fesaae waalo ai ape.

7 Ai fitere bemótóro bitu, atimané dięmó matere ęlaró weıtamotóro nuku betae. Ti aita, diaaę diteremó kutómó dupu dono ai sere ape. Térapa, dię be dokę hęko fité kuni, fitere bemótóro fitua yae.

⁸ Téró, diã betã be huluamó sókó fenalemó, ai be hulua so whinë diã wisiyóló dape sóró òla matepa, ti ai òlatóró nae.

⁹ Atéroró bitu, ai be huluamó kisi daae mole so whi wisirótua yae. Diaaò atimapaee yó mótu, ‘Kótóné teteróló kaae tare alakélé diã beterepaae mo felekemó wale ape,’ fo yae.

¹⁰ Téyaalotei, diã betã be huluamó sókó fenalemó, atimané diã wisiyóló dape sinitepa, ti ai be bela tuamó daalu, atimapaee i fo yae.

¹¹ ‘Diaaò yale alamó, diãné be hae ðané hómó dakeretei diaaò keletómó i heleketera ape,’ fo yae. Diãné dowaae fu betepa, Kótóné teteróló kaae tare aomó mole ala mo felekemó waalopa, diã diriyóló kisipa muae yae,” yalepó.

¹² Atéroró, Yesuné ama yó matere whirapepaae duraalu, “Yalo diãpaae mo i dere ape. Kótóné i haemó betó mole so whi taletere sukamó, Sodom be huluamó betó mole so whipaae doasi sekei ala eraalotei, diã wisiyóló dape sinitere be hulua so whipaae eraaire sekei alata, mo doasi bosenóló eraalo ai ape.

¹³ Korasin beró Betsaida be huluatamomó betó mole so whi diã tuãpaae doasi sekei ala waalopa, diã mo wió yae. Ti noatepae, i be hulua tamomó erale kelemei kaae, Tair-ró Saidon be huluatamomó eróluaşóró, ti atima mo taketitei yei kuti bukóo, kili diyóo, yóló kisipa feteyóló

bituapó.

¹⁴ Téyaalotei, Kótóné fo tokóló tale dere sukamó Taia-ró Saidon be hulua so whitamopaae sekei ala eraalotei, diãpaaeta, ai bosenóló mo doasi sekei ala eraalo ai ape.

¹⁵ Diã Kapeneam be hulua so whi-ó, diaaò kisipané diã Talené ó şapaae dapesó horaalopóló de? Meipa, doa kòleó. Whi mo ti sukóló aluyaaire dolopaatei derepaalo ai ape,” yalepó.

¹⁶ Tétepa, Yesuné ama yó matere whirapepaae duraalu, “Mepaae diaaò dere fo wosetere so whinë ti yalo dere fokélé wosetapó. Mepaae so whi dené diã hõratepa, ti êkélé hõratapó. Téretei, mepaae whi dené yalo dere fo woseni nisiyóló hõratepa, ti ẽ doteyale whikélé hõratapó,” yalepó.

¹⁷ Téró, kale doteyale 72 whirape hekesetamo momó fesaae wóló duraalu, “Tale-ó, ðané naao doi yóló dowi keperape doló hõkonatepa, ðané dere fo mo betã wosóló fua dapó,” yalepó.

¹⁸ Ti fo depa, ama atimapaee duraalu, “Hepen bemó dowi Satan epée de kaae fitã deté i haepaae dorowapa ke-lalepó.

¹⁹ Dowi wuliró tãrapetamo diãné teya depa, ðané bóe whi Satan-né bole fotokóné diã doraalomeipó.

²⁰ Ti ai alata motei, kale dowi keperape diã aomó sukóló beteremó hekeseni, hepen bemó diaaò doi

aşeyóló moleteimó betá dia hękesetu betae,” yalepó.

21 Atéyale sukamó, Yesu ą Deį Kepe Wisiné fokoratepa, doasi hajné sukutu duraalu, “Hepen beró haetamo aleóló muló betere Aya Tale-ó, *skul* yóló doasi kisipa sere whıraperó fea ala tuęre whırapetamoné kelaşsóró kinóo, ketei aęre whırapené kolópoló, hąkearóo dere kilitu, ęło ęapaae mo kée yóló, naao doi sóró horatapó. Aya-ó, aita mo naao kisipa mole alatóró erapó,” yalepó.

22 Téro, Yesuné atimapaee duraalu, “Ai ala feata, ęło tęteróló kaae tanópoló, Ayané ępaee meló beterapó. Whı betąnékélé Naalema tuęni, Alimané betá tuęrapó. Atére kaae, Alimakélé whı betąné tuęni, Naalemané betá tuęrapó. Atérené Naalemané ama Aya i ape yóló yó melaai tuę mole so whıpaee yó matepa, ai so whıné maaté Alima tuęnérapó,” yalepó.

23 Téro, Yesu ą ama yó matere whırape atimanale bitu, ą atima beterepaee fetée fóló duraalu, “Mió diaaq kelené i kilitu betere ala tuę sere so whı Kótóné wisiró beterapóló, hajné sukutu beterópóló yae.

24 Ti noatepae, ęło diąpaee mo i dere ape. Mió keletere ala take betale kóló whıraperó topo whırapetamoné kelenée deté waletai kilini yóo, diaaq wosetu betere fokélé

wosenée deté waletai woseni yóo ipakalepó,” yalepó.

Samaria whıné Juda whı tao salefo

25 Téro, Moses-né aşere fo yó matere whı betá turukó holóló Yesu şşsóró duraalu, “Yó matere whı-ó, ę mo ti betó tawaairaaalu, noa alakó yaaloó?” yalepó.

26 Ti fo depa ama duraalu, “Ai aşemó noa fo ere? Ai yóló muló betere fo dosąatu, naao noa kisipa mute?” yalepó.

27 Ai fo depa, kale whıné ępaee tokó mótu duraalu, “Tale Kótópaae hękesené sinóló yaala sókó fole alata, naao hosaa turónékélé, kepe turónékélé, fotokọ turónékélé, kisipa tiki turónékélé, du betae. Tétu, naaotei ę hękesené sukutu dere kaae, naao be whı so whıpaekélé, atéro hękesené sukóló yaala sókó fu betae,” yalepó.

28 Ti fo depa, Yesuné kale whıpaee duraalu, “Aita, naao mo dono tokó matapa, ę mo ti betaasepóló, ai alatóró hąle yó tawae,” yalepó.

29 Téro kale whıné ama yale fonétei ą só deranépa, ą donore whı aęyóló Yesupaae woseturaalu, “Naao ępaee be whıpó dere fo-a, demó de?” yalepó.

30 Ai fo depa, Yesuné duraalu, “Whı betá i Jerusalem be taaróló, Jeriko bepaae durupu betalepó. Télyalemó, ęlémi nokole whırape tu tuamó melaa muóló, ama kuti sorokóló taae faróló ą

susupuróló felekemó sukaii du betepa atima felepó.

³¹ Atéró, Talepaae momaratere whi betá ai kale whi derepele tumó durupuraalu kelalemó, kale whi tumó mupa, dekeróló á demó derepelepó.

³² Atétepa, betá Lipai fake whi akélé sókó walemó, kale whi sinóló mupa kolóló, dekeróló akélé demó felepó.

³³ Téyaletei, betá Samaria whi akélé kale whi mole tikimó sókó wouraalu kelalemó, kōlei ala epa kilitu, ama tao saai kisipa mualepó.

³⁴ Atéturaalu, á kale whi mole felekepaae fóló, kale whiné doalére tikimó *wel weiró wain* weitamó dilóló dokalepó. Téró, kale whi ama *donki* hupu tómó beteróló fóló, uké whirape fitua dere bemó beteróló, kale whi ama mo wisiyóló kaae tarepó.

³⁵ Téró, be detepa hika kale whiné ama *silpa moni* tamo sóró, kale uké whirape fitere be kaae tare whipaae duraalu, ‘Yalo i matere *moniné* á kaae taté felalemó, ai *moni* tamo kemetepa, ti é wóló naao *moni* yalo tokó melaalopa, á mo wisiyóló kaae tawae,’ ” yalepó.

³⁶ Téró, Yesuné kale Mosesné asere fo yó matere whipaae duraalu, “Naao kisipané i whirape sorekó mé whi kale dale whiné ama be whi kaae aoyaleé?” yalepó.

³⁷ Ti fo depa, kale whiné momó tokó mótu duraalu, “Kōlené sukutu tao sale whipó,” yalepó. Ai fo depa,

Yesuné apaae duraalu, “Ama yale ala kaae, naaokélé yaai fae,” yalepó.

Yesu Mataró Meriatamo betere be huluamó betale fo

³⁸ Téró, Yesu á ama yó matere whirapetamo tumó fité woló, Mata betere be huluamó sókó wapa, Matané atamo betaai dape salepó.

³⁹ Matané kema Mariakélé Yesuné hó aqmó bituraalu, ama dere fo wosetu betalepó.

⁴⁰ Atétu betepatei, Marta á atima naaire qlamó bipi du bituraalu, ama yó matere fo wisiyóló wosenipó. Atétepa, kale so Yesu beterepaae wóló apaae duraalu, “Tale-ó, é yalo wotoró depe tukó wei ala du betepa, ama é tao sene wópóló, naao apaae dumié?” yalepó.

⁴¹ Ti fo depa, Talené apaae duraalu, “Ti senaale Mata-ó, yaata mepaae ala noa yaaloé yóló, doasi whaalia du betereiné ya ai só deró betere ape.

⁴² Téretei, mo doasi topo q̄la betá ya seni, ya ya ai ere ape. Mariané ama betá mo doasi topo qlapóló kisipa muóló sóró taretei dané fasó saalomeipó,” yalepó.

11

Yesuné Talepaae moma dere ala yó melale fo

(*Mat 6:9-15, 7:7-11*)

¹ Téró me sukamó. Yesu á me tikimó bitu, moma du beterepó. Atéró, moma yóló kemetepa, ama yó matere whi betané apaae duraalu, “Tale-ó, Jon-né ama

yó matere whirapepaae Kótópaae momatere ala yó melale kaae, naao dąkélé yó melaasepé,” yalepó.

² Ai fo depa, ama atimapaee duraalu, “Diaaą Talepaae moma dere ala etéro yae.

‘Aya-ó, yaąa dowi ala mo betąkélé munire Kótó betereiteiné so whi feané naao doi wisi-naale doasi mulópóló yae.

Naao tetéroóló kaae tare aąmó mole ala wisi wópóló yae.

³ Be de dokọ betą betąmó dąné naaire ọla naao sųmó ąlae.

⁴ Mepaae so whinė dąpaae erale dowi ala kwia tani, me ọla meipóló hałe kemeratapa, dąné dowi ala kwiakélé naao hałe kemerae.

Téturaalu, sų sere alané dą deé nalaąsóró, naao dą ąlisóró fae.’ ”

⁵⁻⁶ Téro, ama atimapaee duraalu, “Diąkó betą whinė ama fulumu whi saletómó wóló betepa, ą diliki sų tuątamo ama noma beterepaae fóló duraalu, ‘No-ó, yało fulumu whi mióti sókó waleteteiné naaire ọla meitepa, yaąpaae *bred* o bula sorekó ą maletamo melaasepé fo dekeró yó tapa, noa ala yaaloé?’

⁷ Ai be dolomó betere whinė i fo yaalopó. ‘Be tų kinóló yało naale senaale-tamo fireiteiné turukó holóló, naao kematere ọla

menanénipa, epaae dotopoi fo ekesé,’ dua dapó.

⁸ Yało diąpaae i dere ape. Kale whi ą halaaíné kematóró hałe yó tapa, ama fulumu whi turukó horóló kematere ọla manénipatei, mo sųmótóró melaalo ai ape.

⁹ Atérapa, yało diąpaae i dere ape. Talepaae me ọlakó kematepa, ai kematere ọla melóo, keketepa ti ai ọla mo kolóo, tų tukiyae yóló tų dupa, ti tukı yóo yaalopó.

¹⁰ Ti noatepae, mepaae kematere so whiné ti mo sua dapó. Mepaae so whiné keketepa ti ai ọla mo kilitua dapó. Mepaae so whiné tų tukiyae yóló tų dupa, atétere so whi wópóló tų tukıtua dapó.

¹¹ Diąkó me whiné diaaą naale senaalené yakópóló kematepa, ya taaróló, dowi wuli male melaaloé?

¹² Ó naao senaale naalené ba kekó ‘Ałae’ depa, ai kematere ọla taaróló, whi tukó nokole tų melaaloé? Meipó.

¹³ Dią dowi ala du betere whirape bitutei, diaaą naale senaalemó wisi wisi ọla matere ala diaaą ai kisipare ape. Atére kaae, mepaae so whi dené Deı Kepe Wisi kematepa, ó hepen-mó betere diaaą Aya Talené mo melaalo ai ape,” yalepó.

Yesupaae Belsebul-né fotokąratepa dapó yale fo

(*Mat 12:22-30, Mak 3:20-27*)

¹⁴ Téro me sukamó etéyalepó. Dowi kepené whi betą kóló nomonó betepa,

Yesuné dóló hōkonalepó. Atétepa, kale dowi kepe sókó furaalu, ama fo kaae sóró deremó, ai touró betere so whi feané sirayalepó.

15 Atétepa, mepaae so whiné duraalu, “Aita, dowi keperapené topo kepe Belsebul-né fotokōratepa, dóló hōkonótu beterapó,” yalepó.

16 Ai fo depa, mepaae whirapené ama noa ala deró a sū sóró kaae kilituraalu, apaae hepen bemó mole betā fareyópu eratapóló dané kisipa yaaipa, erae yalepó.

17 Atéro mutere tué tiki Yesuné kisipa yóló atimapaee duraalu, “Mepaae doasi topo whirape atimané teteróló kaae tare tuamó atimasisitei bóe dupa, ti teteróló kaae tare ala mo haepaae doropóló doyóo, betā be huluamó betó mole so whikélé atimasisitei bóe dupa, ti ai be haepaae doropóló mo doyóo yaalopó.

18 Saṭaṇ ama fake atimasisitei bóe dupa, ti ama teteróló kaae tare ala netéro fotokō buaaló? Yalo i dere fota, diaaṇ epaae ya dowi keperapené topo kepe Belsebul-né fotokōratepa, hōkonótu beterapó depa i dere ape.

19 Ti diaaṇ epaae topo kepe Belsebul-né fotokōratepa, dóló hōkonalepó dere-a, diā fakenékélé dóló hōkonótu betere ala né fotokōratepa de? Motamo Kótóné fotokō bulatepa dapó depa, ti fo tokóló taletere sukamó atimanétei diā só deraalopó.

20 Téretei, yaḷotamo Kótóné fotokōné dowi keperape dóló hōkonélipa, ti Tale Kótóné teteróló kaae tare aṇmó mole ala diā tuapaae wóló i mole ape.

21 Fotokō bole whiné be ó ḷa ḷa mepaae whiné doraṇsóró, sesé duraalu, kale whiné ama tōró dikitamamo tawóló, siki siki yóló kaae tapa, whi mené doraalomeipó.

22 Téretei, mepaae doasi fotokō bole whiné bóe sókó wouraalu, kale doasi fotokō bole whi dóló teteróló, bóe dele ḷa ḷakélé fea fasóló, ama bemó muó mole wisi wisi ḷakélé fea sóró ama be whitamamo ali yaai sóró fulapó.

23 Whi me de etamo betamó bitinipa, ti etamo bóe dilapó. Whi me de etamo bitu, e fasóló ḷa ḷa betapaaeróló munénitepa, ai whiné yaḷo ḷa ḷa hōko besekératapó.

24 Atéro, kale dowi kepe whiné depe tuamó betteretei, sókó furaalu kópui hae tikipaae a feléyóló betaaire tiki kekāairaalu fua dapó. Atéro fóló, kelenalemó betaaire tiki kilinitepa, a take betale be kelaaei momó fesaae faai dapó dua dapó.

25 Atéro a sókó wóló kelenalemó, kale be wisiyóló fuóló taae faróló, wisiró betepa keletapó.

26 Téró, kale dowi kepe a momó fóló, mepaae dowi ala mo turó faṇane weikeró keperape dape sóró, kale bepaae momó bitī walapó.

Atétepa, kale whi ą take bitu sawa doyaleteti, mió mo ti doyó faalopó,” yalepó.

27 Atéro Yesuné ai forape du betepa, so whi fea betó mole kuamó so betané fo fakeyóló duraalu, “Yą deyóló awą male so naao hae Tale Kótóné wisiró betepa, ą hajné sinóló beterópóló yae,” yalepó.

28 Ti fo depa, Yesuné atimapaee duraalu, “Ai dukiratere fota mepaae whi de Kótóné fo wosóló, sya fóló erótu betere so whita, Tale Kótóné wisiró betereiteiné hajné sukutu beterapó,” yalepó.

Yesupaae me ala yaairemó dere fareyópukó erae yale fo
(Mat 12:38-42, Mak 8:12)

29 Téró, so whi fea wóló touró betepa Yesuné duraalu, “Mió i alimó betere so whi dowi alané fąanutei, ępaae doasi sira yaaire me fareyópukó erae du beterapó. Tépateti, me kae eraalomeipa, mo take Jonapaae erale ala kaae betą eratepa kelaalo ai ape.

30 Ti noatepae, Ninipa so whiné Jonapaae erale fareyópu kilituraalu, ita Kótóné dotonale whipóló kisipa moipakalepó. Atéyale kaae, mió i alimó betere so whinékelé Whiné Naalemapaae eraterere ala kilituraalu, ita Tale Kótóné dotonó betere whipó kisipa muaalo ai ape.

31 Betą Saoti hae kwia teteteróló betere doasi topo *kwın* soné mió i alimó betó mole so whıtamo fo tokóló

taleterere be demó, dią só de-raalo ai ape. Ti noatepae, ai sota hae kwia dene falepaae biti wóló, Solomon-né fosó fosói kisipa muóló yó matere fo wosaai walepó. Téyaleteti, Solomon-né mole kisipa bosenóló whi betą i betere ape.

32 Téretei, Ninipa be hulua so whıró dią mió i alimó betó mole so whıtamo só deraai fo tokóló taleterere be demó atimanétei dią só deraalopó. Ti noatepae, atima Jonané yó mótu betale fo wosóló, kisipa tiki feteyalepó. Tépateti, Jonakélé teteteróló bosené fale mo doasi seké whi betą wóló i betere ape.

Keleta tiki fea deró betere sa supó yale fo
(Mat 5:15, 6:22-23)

33 Mo whi betąnékelé, *lamp* sa deróló kinéli tikipaae ó nukuné husiróló mulótimipó. Deróló daalótua dere tikimótóro mulótua dapó. Mepaae so whi be dolopaae wapa, ai demó beterópóló, deró beterapó.

34 Naao keleta, ti tiki turó deró betere *lamp* sa sų ai ape. Naao kele tamo wusuró wisipa, ti naao tikikélé turó derapó. Téretei, naao kele tamo wusuró dilikipa, ti naao tikikélé turó dilikirapó.

35 Naao tiki tuamó dó tare de diliki yaqsóro, mo hotowa yóló kaae tawae.

36 Térapa, naao tiki turótamo depa, ti tiki me kwiapaae sawa dilikikélé ini, tiki

featóro deyo furaalu, belapaaekelé sóko faalo ai ape,” yalepo.

Yesuné Farisi whirapepaae wiyó yae yale fo

(*Mat 23:1-36, Mak 12:38-40, Luk 20:45-47*)

³⁷ Yesuné ai fo yóló keme-tepa, Farisi whi betané atamo ɔla naairaaalu ama bepaee dapesó fóló, ɔla nukuaterere ni fake tómó tiróló beterepó.

³⁸ Atéru, Yesu ɔla naairaaalu, atimané mara mole ala sya furaalu, folosóro ama naase fokunitepa, kale Farisi whi ɔ hokomó sóko fu sirayalepó.

³⁹ Atétepa Talené ɔpaae duraalu, “Aita motei, diɔ Farisi whiné ɔla nokole nukuró wutitamó hɔle tómó ere bólu maaté fukutua dapó. Téturaalu, diaaɔ tiki tuɔpaaeta, ti fea ɔla senée yóló ekeleterere alaró ukusitere alatamoné ai fɔane ape.

⁴⁰ Diɔ okokoi tué mole whirape-ó, Kótóné diaaɔ tó tikimó ere ala fea taleturaalu, u tuɔpaaekélé tale dumipóló de?

⁴¹ Diaaɔ nuku tuamó mole ɔla sóro yolealere so whi tao sóro melae. Atétepa, ti diaaɔ tiki tuamó ere ala fea Kótóné kilitu, mo kokɔrapó fo yaalo ai ape.

⁴² Farisi whirape-ó, diɔané kutómó ere sawa ɔlakélé naase tamo supa, dekeyóló betɔ Kótópaae hɔle móturaalutei, mo donotóro taletere alaró Kótópaae yaala sóko fole alatamo sisópaae erótu beterepó. Atére alamó

doasi sekei ala diɔ tuɔpaae waalopa, wiyó yae. Donoyóló taletere alaró Kótópaae yaala sóko fole alatamo touróló, Kótópaae hɔle matere alakélé uɔsóro mo wisi uɔpó.

⁴³ Farisi whirape-ó, diɔ fo wosetere bepaee furaalu, doasi doi mole whirape bitua dere tikimótóro betaai ekele yóo, ɔla dotonaterere tikimó daalukélé, so whiné doasi whi wisi-ó yóo, yóló dukiraterere kokomó ai ala dua dapó. Atéterere alamó diɔpaae doasi sekei ala waalopa wiyó yae.

⁴⁴ Farisi whirape-ó, diɔta u tuɔpaae whi dou epatei hɔle tiki aɔpa, ai tómó so whi fua wua du beterepó. Ti diɔta, douró betere whi kaae aɔrapa, wiyó yae,” yalepó.

⁴⁵ Tétépa, Moses-né asere fo yó matere kisipa fosóre whiné ɔpaae duraalu, “Yó matere whi-ó, naao ai dere forapené dɔ mo ti só deratapó,” yalepó.

⁴⁶ Ti fo depa Yesuné duraalu, “Moses-né asere fo yó matere whirape-ó, diaaɔ so whipaae i ala yae, i ala yaɔse, du betere alata, doa sekei ɔla so whiné hulumó belerótu dere kaae du beterepó. Ai sekei ɔla diaaɔ belerótu bitutei, atima fasóló tao sere alamo dumipó. Atétepa, diɔpaae waaire sekei alamó wiyó yae.

⁴⁷⁻⁴⁸ Take diaaɔ noutererapené dale Kótóné kóló whirape dourale tiki be wisiyóló tenótu beterepó. Mió atétepa betere alané diaaɔ

ayarapené whi dale ala wisirapóló, haķeamó yó matapó. Atéteremó diāpaae doasi sekēi ala eraalopa, wiyó yae.

⁴⁹ Atéro betale alamó Kótóné ama fosó fosóre kisipa sya furaalu, i fo erapó.

‘Yalo kóló whiraperó *apose*l whirapetamo atima beterepaae doton-aalotei, mepaae whi mo ti dóo, mepaae haķe susupuróo yaalopó,’ erapó.

⁵⁰ Atérapa, mo take kaae sóró dilé wale kóló whirapené samearó mió diaaḡ du betere whirapené sameatamomó kwia turó mió i alimó betere so whi diaaḡ saalo ai ape.

⁵¹ Ita, mo dapó. Atéyaaire alata, Abel-mó kaae sóró dilé wóló, kale momatere bemó Kótópaae simó sukūlaa dalatere tikiró kae tukóló muló betere be ke tuamó dale whi Sekaraiamó ḡale yóló kwia feata, mió i alimó betó mole so whiné saalopó.

⁵² Moses-né asēre fo yó mótu betere whirape-ó, Kótóné mo bete mole alapaae sókó faaire so whi faḡsóró tu tukitere *ki* diaaḡ fasó salepó. Ti diāta, ai tumó fumitei, atima faai du betere so whi diaaḡ sesétu beterapó. Atétere alamó diā doasi sekēi ala saalopa, mo wiyó yae!” yalepó.

⁵³ Ai fo yóló kemetepa, Yesu ḡ felemó, kale Farisi whiraperó Moses-né ere fo yó matere whirapetamoné ḡ

só deraairaalu, deteraai fo du betalepó.

⁵⁴ Aita haķe mei, ḡ haḡsóko fuléró kelaai kae kae wosetere fo du betalepó.

12

Farisi whirape wisiyóló kaae tawae yóló yale fo (Mat 10:26-33)

¹ Atéro, so whi mo dekeró wale tikimó hae tiki faapa, folosóró Yesuné ama yó matere whirapepaae du-raalu, “Farisi whirape tuamó bole yist diāpaae tekaḡsóró hotowaró kaae tawae. Atimata tiki tuāpaae dopatei, tó tikimó haķe wisire nisi du beterapó,” yalepó.

² “Mió kilini hiró betere ala fea, take haķearatepa so whi feané kolóló tuē yaalopó.

³ Diaaḡ diliki tuamó du betere fo demó depa wosóo, be dolomó dua kikitidere fo be huluamó daalu fakeyóló depa so feané wosóo, yaalopó.

⁴ Norape-ó, diāpaae i dere fo wosae. Mepaae whirapené diaaḡ tó tikita dóló sukunaalotei, take diāpaae me ala eraalomeipa, ai alapaae wiyaḡse.

⁵ Wiyaa i depata, ti naao mo tikikélé, kepe betekélé, doróló mo ti dó tare sipaae deraaire fotokḡ bole Kótó beterepa, ḡpaae betḡ mo doasi wiyae.

⁶ Sonaai *moni* ke tamoné aporó ba belekaatiki dupunérapó. Atere barape betakélé Kótóné kisipa keterótimpó.

⁷ Diāta, ai ba belekātikitamo sūni, Kótóné ama hosaa mole doasi ɔla ai ape. Diaaɔ topo nikikélé Kótóné ama sūmó dosayayóló kisipareteiné diā wiyaɔse.

⁸ Yało diāpaae mo i dere ape. So whi feané kele tómó mepaae whiné duraalu, Yesuta ɛ teteróló kaae tare Talepó depa, Whiné Naalemanékélé Kótóné *ensel-rapené* keletómó ɔ yało fo eratere whipó yaalopó.

⁹ Téyaalotei, whi me dené so whi feané keletómó ɔ Keriso fake meipó depa, ti Whiné Naalemanékélé, Kótóné *ensel-rapené* keletómó ai whi ɔ kisipanipó yaalopó.

¹⁰ Mepaae whi dené Whiné Naalema eróló foné só deratepa, ai dowi ala kwia kemeróló aluranérapó. Tépatēi, kale Dēi Kepe Wisiné ditere kutó faleyóló só deratepa, ai kwia mo aluranénipó.

¹¹⁻¹² Bóe whirapené fo wosetere bepaae ó so whi teteróló kaae tare whirapepaae ó *Gavmané* sóró betero betere topo whi beterepaae fo tekai dapesó fupa, diā noa fo yaaloé yóló, whaalia yaɔse. Ti noatepae, atétere sukamó diaaɔ yaaitere fo fea Dēi Kepe Wisiné yó melaalo ai ape,” yalepó.

Néli whiné hoko ala yaletēi fo salepaae dó faróló yale fo

¹³ Tétepa so whi fea touró betere kuamó, whi betané Yesupaae duraalu, “Yó matere whi-ó, yało no

ɔla ɔla bukóló, ɛmale melópólópa, naao yało nopaae yae,” yalepó.

¹⁴ Ti fo depa Yesuné duraalu, “Ti whi-ó, diaamomó ɔla ɔla bukóló melópóló né ɛ sóró beteralee?” yalepó.

¹⁵ Téró ama atimapaae duraalu, “Kae kae ɔla fea senée yóló au nokole alané diā do-raɔsóró, mo hotowaró kaae tawae. Ti noatepae, ɔla ɔla mo dekéro sóró tare alané whi betero bitinipó,” yalepó.

¹⁶ Téró, ama atimapaae fo sale fo etéro yalepó. “Beta néli whiné ama diyale ke kutómó ɔla dekéro salepó.

¹⁷ Ai ala kilitu, ama etei kisipa mualepó. ‘Ama kutómó yó mole ɔla mulaaire tiki meipóló,’ ɔ fomo du betalepó.

¹⁸ Téró ama duraalu, ‘Yało ɔla ɔla mulaai teale be fisikóló mo doakale be teyóló yało kutómó sere ɔlaró mepaae wisi wisi ɔlatamo mulaalopó.

¹⁹ Atéroló yałotei etei fo enérapó. ɛ ɔla ɔla mo sūmó moleteiné mió me kutó dini doasi ba fomó sa nóló hale bitu, mole ɔlaró weıtamo maaté haıtamo nukulé fu betaalopó,’ ere fo kisipa muni airapó.

²⁰ Tépatēi Kótóné ɔpaae duraalu, ‘Kisipa okokore whi-ó, naao betere bete mió dilikitamo yało tokó sirapa, naao donoróló mulale ɔla né saaloé?’ yalepó.

²¹ Whi me dené mepaae ɔla ɔla whi tao sóró hale

móturaalu, ita Kótópaae mat-
apóló kisipa muóló meni,
átóró néli whị betaai dapóló
fea ọla ekẹleyóló betapaae
du betepa, ti i ere fo ai
whịpaaetóró eraalo ai ape,”
yalepó.

*Naaire ọla ó yagare ọlamó
whaaliala yaqse yale fo
(Mat 6:25-34)*

22 Téró, Yesuné ama yó
matere whịrapepaae du-
raalu, “Yalo diapaae i dere
ape. Diạ naaire ọla meitepa,
noa naaloé yóló whaaliala du
betaqse. Naa tikimó kisipa
mutu, kutikélé noa saaloé
yóló whaaliala du betaqse.

23 Nokole ọlata, wisi ọlatei
whịné betere beteta, mo
doasi ọlapó. Kutikélé wisi
ọlatei, whịné tikita mo doasi
ọlapó.

24 Barapené dere ala kolóló
kisipa muae. Atimané naaire
ọla wae biliyóo, ọlumé depa
sóró bepaae mulatere alakélé
yóo, dumipó. Tépatéi, Kótóné
atima kaae taru, betere dokọ
fea atimané naaire ọla mótua
dapó. Hepen bemó betere di-
aaq Ayané barape kolósu, diạ
kolósu depa, diạ so whịpaae
ama hosaa mo turó mulapó.

25 Diạkó betạ whịné ama
betaaire alamó kisipa muóló
whaaliala duraalu, ọ betaaire
ba fo sụmó ọloranére?

26 Ai sawatamo ala diạné
enénipa, ti mepaae doasi
alarapemó noatepa whaaliala
du betere?

27 Hẹle yó mole nerape
fuatere ala kolóló, kisipa
muae. Ai ne fua kémi bisikóló

kuti nomotumitei, ama ere
au wisi kelaalo mo kokọrapó.
Atére auné Solomon-né
derótua yale kokọi kutiné au
bosene falapó.

28 Diạ kisipa tiki sawa
tíró betere so whịrape-ó,
haemó hẹle yó mole nerapeta
mió maaté yóló dó simó
biliraaire ọlatei, Kótóné
wisiyóló aurótua dapó. Ai
nerapepaae erótu betere
alakélé mo bosenóló, diaaq
deraaire kuti Kótóné sụmó
melaalomeipóló de?

29 Diạné naaire ọla ó
weimó hosaa turó muóló noa
naaloé yóló doasi whaaliala du
betaqse.

30 Ti noatepae, hẹle họko
betere so whị feané ai ọla saai
dapóló ketekẹ buóló wóputu
beterapó. Ti diạné yagatere
ọla hepen bemó betere diaaq
Ayané ama mo tuẹrapó.

31 Térapa, Kótóné tẹteróló
kaae tare aqmó betaai
dapóló, ketekẹ buóló kikitu
betepa, ti yagaya du betere ọla
ọla ama sụmó melaalo ai ape.

32 Yalo *sipsip* hupu
malerape-ó, diaaq Ayané
ama tẹteróló kaae tare ala ọ
wisi kisipa muóló hajtamo
diạmó hẹle melaalopa,
whaaliala yaqse.

33 Térapa, diaaq muó
mole ọla dotonóló *moni*
sóró mepaae yolealere so
whịmó hẹle melae. Atétere
alané hẹle muó tawópóló,
moni detere be wisi aletapó.
Atétepa, ti wisi wisi ọla
hepen bemó hẹle muó taru,
kemekélé yaalomeipó. Aimó
ọlémi nokole whịkélé, hoséli

ó ero sinékélé, turukóló doraalomeipó.

³⁴ Mé tikimó naao wisi wisi ọla mupa, ti naao hosaakélé aimótóro mulapó,” yalepó.

Kutó mo wisiyóló kaae tawale fo

(Mat 24:42-51)

³⁵ “Diḡ kutó dine faairaalu kuti deróló bitu, sḡapekélé duku beterópóló, dḡeróló mualae.

³⁶ Ti atétere alata, mepaae kutó diratere whḡrape atimané doasi whḡ betḡ so dokotere be dḡmó detere ọla nale feletei fesaae wópóló, kaae tatu dere kaaepó. Atépa, kale whḡ wouraalu be tḡ dupa, ḡ be dolopaae holópóló, hapale atimané be tḡ tukḡyaalo ai ape.

³⁷ Atéror, atima tḡteróló kaae tare whḡ wouraalu kelerḡlemó, ama ọla ọla mo wisiyóló kaae tapa, ḡ hḡkeseturaalu atimapaae mo wisi ala eraalopó. Yḡlo diḡpaae mo i dere ape. Kale topo whḡ ḡ kuti wisi deróló, ama kutó diratere whḡrape wópóló ḡpi fóló, ọla nokole ni fake tó mó kaae tawóló betaalopó.

³⁸ Kale doasi whḡ ḡ be diliki tuḡmó ó be teó dḡterepaae sókó wouraalu ama kutó diratere whḡrape kelerḡlemó, fea ọla ọla sḡmó donoró betepa, ḡ hḡkeseturaalu atimapaae mo wisi alatóro eraalo ai ape.

³⁹ Tḡpatei, i dere fo mo diriyóló wosóló tuḡ muae. Betḡ be talené ama be fulukóló ọla ọla ọlémi saaire

whḡ i sukakelemó waalopóló kisipa uḡsóró ti ama be fulukóló ọla ọla sóro fópóló kaae tawuḡ meipó.

⁴⁰ Tḡrapa, diḡkélé hotowaró donoróló betae. Ti noatepae, kale Whḡné Naalema waalomei nisiyóló mokḡleyaa yóló betere tuḡmó waalo ai ape,” yalepó.

⁴¹ Tḡtepa Pitané duraalu, “Tale-ó, naao ai fo salepaae dó faróló dere fo-a, dḡpaae maaté dḡpé, so whḡ feapaaekélé de?” yalepó.

⁴² Ai fo depa Talene duraalu, “Betḡ fosó fosóre kutó diratere whḡ ama doasiné dere fotóro wosóló eró tapa, mepaae kutó diratere so whḡ ḡpaae tḡteróló kaae tawae enérápó. Tḡtu, tukóló muló betere sukamótóro atimané naaire ọla maté fópóló, ama naase tuḡmó mulóló ḡ fulapó.

⁴³ Tḡró kale doasi whḡ ḡ momó fesaae wouraalu kelerḡlemó, ama diyae yóló fele kutó mo wisiyóló dipa kilitu, ai whḡpaae mo doa hḡkesené sinóló mo wisi ala eraalo ai ape.

⁴⁴ Yḡlo diḡpaae mo i dere ape. Kale topo whḡné ama ọla ọla fea ai whḡpaae naao mo wisiyóló kaae tawae yóló ama naase tuḡmó mulaalopó.

⁴⁵ Tḡpatei, kale kutó diratere whḡné ama etei kisipa munérápó. ‘Yḡlo doasi ḡ foloti feletei hapale wómipó,’ dua dapó. Atéreteiné, ḡ bitu mepaae kutó diratere whḡraperó sorapetamo fokosói ala yóló, du beteró ḡ

qlaró wëitamó dekéro nóló topo doyóló keyaa faalopó.

⁴⁶ Atéru kale doasi whi waalopóló kisipani, mokøleyaa yóló betere tuamó a sókó wouraaalu, kale whi diyóló turukópi sóró kisipa tirénire so whitamó touyóló beterópóló, hòkó faraalopó.

⁴⁷ Ai whiné ama doasiné mole ama kisipa tué irutei, a donoróló bitu doasiné dirae yale kutó diréniyalemó, fokosói ala yóló mo doasi susupuraalo ai ape.

⁴⁸ Téyaalotei, mepaae kutó diratere whiné atima doasiné mole kisipa bete wisiyóló sinipa, ti ai whipaae kwia mótukélé sawa tétitóró melóo, dele alakélé dekéro ini, tétitóró dóo yaalopó. Nalo kale doasi wóló, ama doasi alarape teteróló kaae tawae yale whipaae duraalu, yało yapaae melóló fele kutórape fea maé yóló wosaalopó. Mepaae so whiné me whipaae duraalu, 'Dane ɔla ɔla kaae tawae,' yóló huyóló mélipa, ti atima momó fesaae wou ama male suróló maé yóló wosaalopó," yalepó.

Fake tekeyóló, betaalopóló yale fo

(Mat 10:34-36)

⁴⁹ "Eta i haepaae waletaita si sóró walepó. Ai si i haemó mo hapale dó holópóló, mo taketi noke uapóló kisipa mutapó.

⁵⁰ Tépa, e mo kae wëi tópuaaire ala betá moletai kemeraai kaae taru, mo doasi sekéné sukutu beterapó.

⁵¹ E i haepaae waletaita, diaaɔ kisipané diá i haemó betó mole so whitamó hosaa muni deyóló dua betaaire ala sóró walepóló de? Meipó. Yało diápaae mo i dere ape. Eta, diá fake tekeyóló beterópóló, tekenale walepó.

⁵² Atérené mió i betere alimó kaae sóró, betá bemó aporó so whi betepa, atimasitei bóe dóló tekeyóló, sore whi kae betóo, tamo whi kae betóo, yaalo ai ape.

⁵³ Atimasisi atéro fake tekeyóló kae bitu, alimané naaletamo bóe dóo, naalené alimatamo bóe dóo, hamané senaaletamo bóe dóo, senaalené hamatamo bóe dóo, whiné hama hyama sotamo bóe dóo, hyama soné ama whi hama sotamo bóe dóo, yaalopó," yalepó.

Dere ala kilituraalu i ala yaalopóló kisipa yaaire fo
(Mat 16:2-3)

⁵⁴ Téró, Yesuné aimó touró betere so whipaae duraalu, "Suka doropolepaae sako hòkolo depa kilitu, etei fo dua dapó. Mió hali waairaaalu ai dere ape deretei, motóro wua dapó.

⁵⁵ Besékélé Saut depaae wapa kilitu, mió mo dirii suka yaai dapó deretei motóro dua dapó.

⁵⁶ Diá tó tikiné wisire nisi du betere so whirape-ó, i haemó dere alaró samó dere alatamo ti diaaɔ mo diriyóló kisiparapó. Mió i alimó diá tuamó erótu betere ala diané kilitu betepa nalo waaire

alimó yaaire ala bete diriyóló tué initere noatepa de?

⁵⁷ Diñé dere ala diaaṭei taleyóló, ita mo dono ala dapóló kisipatere noatepa de?

⁵⁸ Whi mené yṭamo fo tokóló só deraai taletere whi beterepaae dapesó fupa, diaamosisi tumó furaalu donoratepa wisirapó. Ti noa yaqsóró meipó. Ama ya dapesó fóló, taletere whiné naase tuámó mulatepa, ai whinémo diki tare whirapené topo whiné naase tuṭpaae mulatepa, ya *dipula* beteraqsóró dapó.

⁵⁹ Yalo yaṭpaae mo i dere ape. Naa melópóló dale mulale *moni* fea melaletei, kale sonaai *moni* ke mo ti kemeróló menitepa, ti ya sókó feni, ḥale bitiré faalo ai ape,” yalepó.

13

Kisipafetenitepa aluyaalopó ¹ *fo*

¹ Ai forape yóló kemetere-tamo Pailat-né dale mepaae Kaleli whirapené samea Kótópaae sukúlaa dalóló ḥale matere ḡlatamo touróló mótu beteropó fo mepaae whirapené Yesupaae ene walepó.

² Ai fo depa Yesuné atimapaae duraalu, “Diaaṭ kisipané ai dale Kaleli whirapeta, mepaae ḥale betó mole Kaleli so whiné yale dowi ala bosenóló, atima mo doasi dowi ala ereteiné dalepóló kisipa mute?

³ Ténipa, yalo diṭpaae i dere fo wosae. Diaaṭ dowi ala taaróló kisipa fetenitepa, ti diḡkélé ai whirape yale kaae yaalo ai ape.

⁴ Ai fo kaae, me i ape. Sailoam be hulu-amó tene fḡloi be kolokó dorowouraalu, mepaae 18 whirape dalepó. Diaaṭ kisipané ai whirapené yale dowi alané mepaae Jerusalem be huluamó betó mole so whiné dowi ala bosené faleteiné erapóló kisipa mute?

⁵ Aténipa, yalo diṭpaae i dere fo wosae. Diḡkélé diaaṭ du betere dowi ala taaróló kisipa fetenitepa, ti atima yale kaae diḡkélé fea dóló aluraalo ai ape,” yalepó.

⁶ Téró, ama atimapaae i fo sale yalepó. “Whi betané ama képi du kutómó betṭ nose biliyaletei oloréro keḡ felemó, du betḡkélé olenipa kelalepó.

⁷ Atépa, ai kutó talené ama kutó kaae tare whipaae duraalu, ‘Ai nose du oloréro ba fo sore tuámó keḡleta yaletei, du mo betḡkélé olere kilinipa, diyó mulae. Ti ai dowi wṭsa daale niné hae feḡ ḥale kemerópóló, noatepa kaae tawaaló?’ yalepó.

⁸ Ai fo depa, kale whiné ṭpaae duraalu, ‘Doa whi-ó, ba fo betṭ tuámó yalo mepaae keḡlai ḡla ḡla sóró ai ni betemó munaalopa, daalópóló taalae.

⁹ Waaire ba fo tuámó kaae tarḡlemó, olotepa ti wisirapó. Olenitepa ti diyó mulaalopó,” yalepó.

S̄a naai d̄ale muló betere sukamó sisó fulukó tare so wisirale fo

¹⁰ S̄a nokole be d̄emó Yesu a fo wosaai t̄e mole be-rapekó bet̄a bemó Talené ala etérópóló yó mótu betalepó.

¹¹ Tétu beteremó, aimó dowi kepené sisó fulukuró betepatei, ¹⁸ ba fo kemere so beterepó. Atéruraalu, a donoyóló betere alakélé ini, mo heméetóro tarepó.

¹² Atépa Yesuné kolóló apaae ape yóló duraalu, “Ti so-ó, ya dokóló muló betere kisi bete mió ai kemeratere ape,” yalepó.

¹³ Atéropó, kale soné tikimó naase mulaletamotóro, ama sisó fulukó taretei donone hotepa, Kótóné doi sóro holalepó.

¹⁴ S̄a nokole sukamótei Yesuné ai so wisiratere ala kilitu, ai fo wosetere be kaae tare topo wh̄i a fopaae butu, aimó betó mole so wh̄ipaae duraalu, “Kutó diyaaire be d̄erapeta apo miró mulapó. Térapa, diaaq kisi bete wisirópóló depa ti S̄a nokole be d̄emó wéni, h̄ale be d̄erapemó wua yae,” yalepó.

¹⁵ Ai fo depa, Talené apaae duraalu, “Dīa tó tikiné h̄ale wisire nisi du betere wh̄irape-ó, S̄a nokole sukamótei diaaq *bulmakau ó donki* hupurape duló betere dei w̄ei nópóló dapesó fua dumié?”

¹⁶ Atére kaae, Abraham-né deté yale i betere so dowi Satan-né képiné dokóló muló betepa, ¹⁸ ba fo h̄ale

kemeyalepó. Atépa a fópóló, S̄a nokole be d̄emótei, ya lo teraayalepa ai ala dore?” yalepó.

¹⁷ Ama ai fo deremó, atamo dei kisipa muóló só deraaire wh̄irape atimatei hale duraalu, wiyalepó. Téyaletei, so wh̄i feané ama ai dere ala kilituraalu, kokoi ala dapóló doasi h̄ekesené sukutu betalepó.

Mastard niró yist-tamopaae dó faróló yale fo sale

(*Mat 13:31-33, Mak 4:30-32*)

¹⁸ Téró Yesuné duraalu, “Kótóné t̄eteróló kaae tare aqmó mole ala etérápóló noa alapaae dó faróló yaaloé?”

¹⁹ Ti aita, i ala kaaené kelerapó. Bet̄a wh̄iné *mastard* ni ke sawatamo só fóló, kutómó biliyalepó. Atéropó kale ni holóló, doasi ami daapa, tetejmó sikimó kotere barape sirimó daaneta dua dapó,” yalepó.

²⁰ Atéropó, ama kale yale kaae momó duraalu, “Kótóné t̄eteróló kaae tare aqmó mole ala noatamo s̄uróló enére?”

²¹ Aita, i ala dere kaaepó. Bet̄a soné *flawa* o bula duraalu, *yist* mo sawatamo bulatereteiné doasi o bula alerótua dapó,” yalepó.

Betekene sawa tumó fae yale fo

(*Mat 7:13-14, 21-23*)

²² Ai alarape yóló keme-tepa, Jerusalem-paae fole tumó t̄e mole doasi be hularó sawa be hularapemó

Yesu faai furaalu, Talené fo yó maté fu betalepó.

²³ Atéró, mepaae whjné Yesupaae duraalu, “Tale doasi-ó, betą betą so whj maaté aluyaqsóró tao saaloé?” yalepó.

²⁴ Ai fo depa ama atimapaee duraalu, “Dią mo sawa betekene tumó sókó faairaaalu, ketekę buóló fae. Yalo diąpaae mo i dere ape. So whj fea ai sawa tumó faai dapóló faalotei fenénipó.

²⁵ Ai be talené ama be tų kinó betepa dią wóló belamó daalu tumó haluróló fo fakeyóló duraalu, ‘Tale doa whj-ó, dą holaai dapa tų tukiyae,’ yaalopó. Ai fo depa ama diąpaae duraalu, ‘Dią maae so whjrapeé?’ yaalopó.

²⁶ Tétepa, diaaq i fo yaalopó. ‘Dą fea betamó bitu, qlaró weıtamo nóo, yą dané tųrapemó daalu yó matere fo wosóo, du betale so whjópó,’ yaalopó.

²⁷ Ai fo yaalotei, ama atimapaee i fo yaalopó. ‘Dowi ala yó tare so whjrape-ó, dią maae wale so whjóró ę kisipanipa, taae fae,’ yaalopó.

²⁸ Atétepa, diaaq Abraham, Aisak, Jekop, mepaae Kótóné whjrapekélé fea ama tetéróló kaae tare be tuamó betó mupa kelaalopó. Téyaalotei, dią ai be tuąpaae honi, belamó dele doasi sóró wole du bitu, diaaq serekenétei dią tukóló nuku betaalo ai ape.

²⁹ Atétere be demótóró suka hoteréró wale so whjikelé, suka doropoleró wale so whjikelé, u depaae wale

so whjikelé, i depaae wale so whjikelé, mo fea Kótóné tetéróló kaae tare be tuamó detere ąla naairaaalu, atima betaaire tiki séle séle sóró betaalopó.

³⁰ Mió i alimó mepaae nalo wale so whj folosene fóo, mepaae folosóró fole so whjrape nalone fóo yaalo ai ape. Yalo i dere fota, ąsókó feni, mo yaalopó,” yalepó.

Yesuné Jerusalem so whj hosaamó sirapóló yale fo (Mat 23:37-39)

³¹ Atéyale sukamótóró, mepaae Farisi whjrape Yesu beterepaae wóló duraalu, “Herot-né yą daai du beter-apa, i be taaróló, metikipaae fae,” yalepó.

³² Ai fo depa, atimapaee duraalu, “Dią fóló, ai whj dóló nokole dowi ąapaae i fo yae. Mióró dótamota, ę mepaae kisi daae mole so whjóró dowi kepe tepeyóló betere so whjıtamo wisiróló, sore be dené ti yalo diyaaı yale kutó fea kemeróló dąlemó sókó fatapó yae.

³³ Téyaalotei, mió ó dó ó duąkélé, atimané ępaae me ala eratepa taaréni, ąle fı maaté yaalopó. Ti noatepae, Kótóné kóló whj kae tikimó sukutepa aąni, Jerusalem bemótóró sukutepa ti mo donorapó.

³⁴ Jerusalem, bemó betó mole so whjrape-o, Kótóné ama fo eratere kóló whjrape dóo, mepaae ama dią beterepaae dotęyale whjrapekélé kapo duné

siróló dóo, dua yalepó. Kale bané malerape ama baase aqpaae buósu dere kaae, diaaq naale senaale yało atéro buó saalopóló dua yalemó, diñané hórlepó.

³⁵ Térapa, mió diaaq be mo wópu maalo ai ape! Yało diqpaae mo i dere ape. E diaaq kilini hale bitiré fóló, Talené doimó wale whi-ó, Kótóné hamokoróló tao sere alané wisirópóló yae dere sukamó ti e momó kelaalopó,” yalepó.

14

Yesu Farisi whiné bemó ọla naai betere fo

¹⁻² Téró, Saa nokole sukamó Yesu a Farisi whirapekó doi mole whiné bemó ọla naai fóló beterepó. Atépa, betá hó naase tópure whi Yesu betere felekemó betepa, me alakó déró kelaai kaae tawóló betó molepó.

³ Atépa, Yesuné Farisi whiraperó Moses-né asere fo kisipare whirapetamopaae duraalu, “Saa nokole sukamótei whi wisiratepa fo mulepé, meié?” yalepó.

⁴ Ai fo depa, atimané me fokélé tokó menipó. Atétepa, Yesuné kale whi wisiyópóló tikimó tawóló, turukó hóróló fópóló doteyalepó.

⁵ Atéro, Yesuné atimapaee duraalu, “Diakó whi betané ama naale ó *bulmakau* hupu saa nokole be demótei nóku dolopaae doropóló mupa, téti hapale tao saalo meié?” yalepó.

⁶ Ai fo depa, atimané aqpaee me fo tokó menipó.

⁷ Téró, atima ọla naai wale so whirape doasi doi mole whi betere tikimó betaai dapóló fole ala kilitu, atimapaee etei fo sale yalepó.

⁸ “Whi mené ama so dokoturaalu detere ọla naai ape depa furaalu, doasi doi mole whirape bitua dere ni fake wisimó betaai ekele yaqse. Ti noatepae, ya tetéro betere doasi doi mole whirapepaae ape eretei, ya kisipani ai ape.

⁹ Atéro wóló betepa, di-aamopaae ape yale whiné duraalu, ya betaai yale tikimó i seké beterópóló, ya hale tikimó betae depa, ya doasi hale saalopó.

¹⁰ Atéyaq sóró, yapaee ọla naai ape depa furaalu, doasi doi mole whirape betere ni fake aq mó hoko betae. Atépa, yapaee ọla naalopa ape yale whiné kilituraalu, ‘No-ó, ya i wisi tikimó bití holae yaalo ai ape.’ Atétepa, yatamo betámó ọla nuku betere so whiné keletómó naao doi hale sóró horaalopó.

¹¹ Ti noatepae, mepaae whi dené amatei a doi sóró horatepa, atétere whi ti Kótóné haepaae só deróo, whi me de amatei deróló dua betepa, ti Kótóné a sóró horóló doasi doi mulóo, yaalo ai ape,” yalepó.

¹² Téró, Yesuné aqpaee ọla naai ape yale whipaae duraalu, “Naao suka tuámó ó dikitamo ọla naairaaalu, naao fulumu whirape ó naao norape ó fake so whirape

ó yątamo felekemó betere néli so whırapepaae maaté ọla naai ape yóló dape saqse. Naaotamo ai ala depa, atimapaae erale ala kaae, yąpaaekélé eraalo ai ape.

¹³ Ténı, ai detere ọla naairaalu, hałe yolealere so whı ó tiki dore so whı ó hó dore so whı ó kele dilikire so whı fea ape yóló dape supa, ti Kótóné ya wisiróló hale horaalopó.

¹⁴ Ti atei kaae so whırapené naao erale alamó yąpaae momó tokó menanénipó. Naao ai dere alamó saaire dupu wisata, take wisi ala yóló sukale so whırape kepaayóló wale sukamó senérapó,” yalepó.

So dokoteremó detere doasi ọlapaae dó faróló yale fo sale

(Mat 22:1-10)

¹⁵ Atéro, Yesuné ai dere fo wosóló, aimó ọla nuku betere whırapekó betané ąpaae duraalu, “Kótóné tẹteróló kaae tare aqmó bitu, detere ọla naalopóló kisipa mutu betere so whıta ti Kótóné wisiró beterapa, doasi haıné sukutu beterapó,” yalepó.

¹⁶ Ai fo depa, Yesuné ąpaae tokó mótu duraalu, “Whı betané ama doasi ọla deyaairaalu, taleyóló mulóló so whı feapaae naai ape yalepó.

¹⁷ Atéro kale whıné ọla deyaaire be de wapa, ọla naai ape yale so whı dapesene fópóló, ama kutó diratere whı dotonalepó. Atétepa, ą fóló atimapaae duraalu,

‘Mió ọla taleróló muló betepa faalopa ape,’ yalepó.

¹⁸ Atéro deté kwęyaleteti, atima fole hómó kutórapené bipi epa fenénipó dua yalepó. Folosóro whı betané duraalu, ‘No-ó, ọlo dóti dupuyóló diyaaire kutó kełe faaireteiné, ę yątamo faalomeipó,’ yalepó.

¹⁹ Kale dere fo kaae whı menékélé duraalu, ‘No-ó, ęta ọlo dóti dupuyale naasetamo *bulmakau* hupurapené dere ala kełe faaireteiné yątamo fenénipó,’ yalepó.

²⁰ Whı menékélé kale dere fo kaaetóro yóló duraalu, ‘No-ó, ę so mo dótóro dokóló betereleiné yątamo fenénipó,’ yalepó.

²¹ Atétepa, kale kutó diratere whı momó fesaae wóló, whırapené yale fo ama doasipaae yalepó. Tétepa, kale be tale ą fopaae buóló ama kutó diratere whıpaae duraalu, ‘Ya mo hapale fóló ai doasi be huluaró sawatamo be huluatamopaae fole tumó yolealere so whıkéle, tiki momaare so whıkéle, kele dilikire so whıkéle, hó naase dore so whıkéle, fea wópóló dapesene fae,’ yalepó.

²² Ti fo depa, ama yae yale alarape yóló kilipaae kale kutó diratere whıné duraalu, ‘Doa whı-ó, naao ępaae yae yale alarape fea ọlo sumó yaleteti, mepaae whı beteraaire de hałe ai mune fale ape,’ yalepó.

²³ Tétepa kale doasi whıné ąpaae duraalu, ‘Ya doasi tırapemó fóló, tı demó betó

mole so whikélé fea dape siré kweyóló wapa, ti be kerape fea sunérapó.

²⁴ Yálo yápaae i dere ape. Mepaae whi de ọla naalopa ape yalemó wéni yale so whirapeta, yálo doasi detere ọla mo sawakélé hoteyaalomeipó," yalepó.

Filipaa ni beleyóló fenitepa Yesuné yó matere whi betenénipó ere fo

(Mat 10:37-38)

²⁵ Téró, so whi mo hále ọla kaae Yesutamo fu betepatei, Yesu fetée wóló i fo yalepó.

²⁶ "Mepaae so whi detamo ẹ beterepaae wouraalu, ti ama aya ó hae ó ama so, naale senaale ó ama noraperó nerapetamopaaekélé ó ama betere betekélé hóróló bóe dinitépa, ti ẹ yálo dere fo wosóló yó matere whi betenénipó.

²⁷ Mepaae whi dené ẹ ol-erairé filipaa ni amatei beleyóló ẹ sya anitépa, ti atétere whikélé, yálo yó matere whi betenénipó.

²⁸ Diákó betá whi ama kisipanétamo, doasi fọloi be olekeyóló tẹyaairaalú, ama tare moniné sùmó tẹnéréro kisipanépi talenérápó.

²⁹⁻³⁰ Ti noatepae, be tẹyaai folosóro bete kaaturaalu, dirii eleké bilitapó. Téteretei, kale be kemerénipa kil-itu, mepaae so whiné dọ nanóló doka doka duraalu, i sekéné mo folo tẹale betei kemerénipóló dọ nanaalópó," yalepó.

³¹ Fo sale me i ape. Me hae kwia tẹteróló kaae tare topo whiné me hae kwia tẹteróló kaae tare topo whitamo bóe dẹle faairaalu, 10,000 diki tare whiraperó me topo whiné 20,000 diki tare whirapetamo bóe dupa, 20,000 diki tare whirape dóló kemeraalopé neté yaalorópóló kale topo whi ẹ kisipapi tekenérápó.

³² Atéro bóe whirape mo umó wou betepatei, ama kisipanétamo atimatei betapaae dẹlépa, ti bóe dele ala taarópó. Mió dẹ bóe fiyóló dua be-taalópó fo ene fae yaalópó.

³³ Atétere kaae, diákó whi me dené ama muó mole ọla ọla fea me ọla meipóló taarénitepa, ti yálo fo eratere whi betenénipó.

³⁴ "Kóta, mo feléi ọla wisitei ama felé kemetépa, ti momó kae neyóló felé bulaaloé?

³⁵ Atéro felé initere kóta, ọla betepaaekélé munéni, hále tikipaae taae fatua dapó. Mepaae whi detamo woséli dapa, ti i dere fo wisiyóló wosópóló yae," yalepó.

15

Aluyale sipsip hupupaae dó faróló yale fo

(Mat 18:12-14)

¹ Téró, mepaae takis moni sere whiraperó so whiné dowi ala dere whirapépó du betere whirapetamo Yesuné dere fo wosaai ẹ beterepaae tourale wóló betó molepó.

² Atépa, mepaae Farisi whiraperó Moses-né asẹre fo

yó matere wh̄rapetamoné Yesu kikiti eratere fo yóló duraalu, “I wh̄néta dowi ala du betere wh̄rapetei, touróló ɔla betamó nuku beterapó,” yalepó.

³ Ti fo depa, Yesuné atimapaee etei fo sale yalepó.

⁴ “Diakó wh̄i betané 100 *sipsip* hupurapekó betā hupu alupa, 99 hupurape hāle tuā tikimó beteróló, alure hupu keketé kw̄yóló dape sumié?

⁵ Atéró, dape supā, ā h̄kesené sukóló bepāee dapesó wua dapó.

⁶ Atéró, bepāee só fóló, ama fulumu so wh̄ró be wh̄i so wh̄tamopāee tourāle ape yóló duraalu, ‘Yālo kale aluyale hupu kekitu beteró dape salepa, diakélé fea ę dere kaae h̄kesese yae,’ yaalopó.

⁷ Yālo diāpāee i dere ape. Atétere kaae, betā dowi ala du betere wh̄i kisipa tiki feteyóló Kótó beterepāee wapa, ti hepen bemó mo doasi h̄kesese dere alané i haemó dere h̄kesese t̄eteróló bosene falapó. Téretei, mepāee 99 so wh̄iné duraalu, dā me dowi alakélé dumipa, kisipa tiki hāle neyóló feteyaaloé dere so wh̄ipāee h̄kesese doaló dumipó,” yalepó.

Aluyale moni kepāee dó faróló yale fo

⁸ Ai ala kaae me i ape. “So betané *silpa kapané* aleyale naasetamo *moni* kekó betā alutepa, ama noa ala yaaloé? Kekāiraalu s̄ā deýóló be tuāmó muó mole mome

wisiyóló fuóló kekóló mupa sumié?

⁹ Atéró su, ama fulumu so wh̄ró be wh̄i so wh̄tamopāee kale aluyale *moni* ke saleteiné dā h̄kesese yaalopa, diā fea betāpāee tourāle ape enérápó.

¹⁰ Yālo diāpāee i dere ape. Ai ala dere kaae, mepāee wh̄i de ama dowi ala taaróló, kisipa feteyóló Kótópāee wapa, ti ó hepen bemó betere *ensel*-rape mo doasi h̄kesené sinaalo ai ape,” yalepó.

Aluyale naalepāee dó faróló yale fo sale

¹¹ Atéró, Yesuné ama deté wou betere fo tómó me i fo yalepó. “Wh̄i betané naale tamo beterepó.

¹² Tēru, me deķē naalené alimapaee duraalu, ‘Apa-ó, naao yālo no dāmómó melaai muló betere ɔla ɔla bukóló ęmaletamo ālae,’ depa, alimané naalema tamo tuāmó bukuralepó.

¹³ Atéró kale deķē naale alimané melale ɔla ɔla fea sóró, mo saletó tikipāee felepó. Atéró bitu, mepāee kae kae ala h̄ko deté fu beteró, ama kale sóró fele ɔla ɔla fea kemeralepó.

¹⁴⁻¹⁵ Atéró beterepó, ai hae kwiamó doasi wote ali wóló ā naaitere ɔlakélé meitepa, ā fóló wh̄i betāpāee duraalu, ‘Nao me kutókó mupa yālo diraalopó yóló wosalepó.’ Ti fo depa, kale wh̄iné ama hupurape kaae tawaaire kutó betā mulapa dirane fae yóló dotēyalepó.

¹⁶ Atéro fóló, kale hupurape kaae tapa mené amó nokole ɔlakélé menipó. Tétepa, a wotemó kale hupurape matere besaae bolo naai kisipa mutu betalepó.

¹⁷ Atétu ama take muale kisipa feteyóló, momó wisi kisipa muóló duraalu, 'Yalo ayané ama kutó diratere whirapeta, ɔla dekéro mupa nuku betereitei, e imó wotené sukutapó.

¹⁸ Tétereiteiné, mió e momó yalo aya beterepaae fesaae fóló i fo yaalopó. Apa-ó, ó hepen-mó betere Kótópaaekélé, yapaekélé yalo wisi ala eréni, mo doasi dowi ala eralepó.

¹⁹ Atéyaleiteiné, mió e naao naale aqréni, kutó diratere whirape kaae beterae,' yaairaalu faai kisipa mualepó.

²⁰ Atéro tué teketu betero, kale naale a betere tiki taaróló, alima beterepaae momó fesaae felepó. Atéro kale naale mo umó wou betepa alimané kolóló, ama hosaamó suraalu, a mo hapale sururu yóló fóló, apuó taru kóló tukó nalepó.

²¹ Atétepa kale naalené alimapaae duraalu, 'Aya-ó, naao kele tómokélé, hepen bemó betere Aya Kótóné kele tómokélé, mo doasi dowi ala yalepó. Téyalepa, mió e naao naale aqraqse,' yalepó.

²² Téyaleitei, kale naale alimané ama kutó diratere whirapepaae duraalu, 'Diá mo hapale fóló, amó deraaire

kuti wisi sóo, naasemó bulaire bi sóo, hómó horaaire hokeke be sóo, yóló derae,' yalepó.

²³ Atéro, ama kutó diratere whirapepaae duraalu, 'Dané a hekeseróló ɔla deraalopa, betá seraai *bulmakau* hupu male sene fae.

²⁴ Ti noatepae, yalo i naaleta sukaleitei momó kepaayóló biture kaae erapó. Mo ti aluyale whitei momó dape sóró biture kaae epa, mió dané amó ɔla deróló hekesese yaairaalu i dere ape,' yalepó.

²⁵ Até du betepa, kale whiné topo naale kutómó daai be bela felekemó sókó walemó, *kitatamo* wole fo yóló, kilitu betere fo wosalepó.

²⁶ Até du betepa, ama kutó diratere whirapekó betapaae ape yóló duraalu, 'Doa ai-a, noa alamaaté du bitu de?' yalepó.

²⁷ Ti fo depa ama apaae duraalu, 'Naao no me alakélé ini, mo wisiyóló sókó waleiteiné, ayanaaoné seraai *bulmakau* hupu male dóló ɔla i derótu betere ape,' yalepó.

²⁸ Ai du betere ala kilitu, kale topo naalené alimatamo doasi fopaae buóló, bepaae hotere hoyóló belamó dalepó. Atépa, alima doropóló naalema be dolopaae holópóló, bératere fo yalepó.

²⁹ Téyaleitei, ama alimapaae duraalu, 'Kelere! Ba fo dokó fea e naao wae sóró kutó diratere whi kaae bitu, hókélé

ini naao erae dere ala yało eró tawalepó. Téyaletéi, yało fulumu wh̄rapetamo dóló nópóló, naao *meme* hupu male betákokélé menipó.

³⁰ Até yaletéi, naao ai naale hoko nópumó kutu beteró naao melale wisi wisi ɔla fea aluróló wapatei, naao amó seraai *bulmakau* hupu male dóló ɔla ai deratere ape,' yalepó.

³¹ Ai fo depa alimané duraalu, 'Ti naale-ó yaɔa, suka fea ɛtamo betereteiné yało mole ɔla ɔla feata, ti naaotóro ai ape.

³² Téreteiné da fea hekesé duraalu, amó ɔla deralepa, ya depe sekeni hekesé yae. Ti noatepae, naao no a mo ti sukale wh̄i momó kepaayóló wóló biture kaae epa ɔla deratere ala taaréni, mo enérápó. Aɔa, aluyale wh̄itei, momó sókó wapa dape sóró i betere ape,' " yalepó.

16

ɔla ɔla tetéroló kaae tawae yale fo sale

¹ Téró, Yesuné ama yó matere wh̄rapepaae i fo yalepó. "Wh̄i mené betá néli wh̄ipaae duraalu, naao ɔla ɔla kaae tare wh̄iné wisiyóló kaae tani, hoko besekérotu beterapó depa wosalepó.

² Atei fo depa, ama sóró betérale wh̄ipaae ape yóló apaae woseturaalu, 'Naao du betere ala mené epaae ene walepa, naao yało ɔla ɔla netéro kaae tare? Mió naao ditu betere kutó kemeraai dapa, naao tetéroló kaae taru

deté wale ala fea epaae yae,' yalepó.

³ Ai fo depa kale wh̄iné ama kisanéteí duraalu, 'Yało doasiné ɛ melale kutó kemeratepa, mió ɛ noa kutókó diyaaloé? Hae dukiyaaire fotokókélé buni yóo, me wh̄ipaae ɔla kema dere alakélé, hale yóo ereteiné, ɛ noa ala yaalorópó.

⁴ Tépatéi, ɛ i kutó taaróló fupa, mepaae so wh̄iné ɛ mo wisiyóló dape sópóló, i ala betá yaai kisipa mutapó,' yalepó.

⁵⁻⁶ Atétepa, kale wh̄iné ama doasiné ɔla ɔla kwia mulóló sale wh̄irape betá betá ape depa, walepó. Atéro kale folosóro kwia mulóló sale wh̄ipaae woseturaalu, 'Yało doasiné ɔla naao meteró saleé? depa, ama duraalu, dałe 4000 *lita olip wel* wei salepó,' depa, kale wh̄ipaae duraalu, 'Ya hapale fóló sawa beteró, naao sale 4000 *lita wel* wei dałe helekóló, 2000 *lita aseyaé*,' yalepó.

⁷ Téró, kale dere kaae me wh̄ipaae woseturaalu, 'Naao yało doasiné ɔla meteró saleé?' depa, kale wh̄iné duraalu, 'Wh̄iti yorape 1000 salepó,' yalepó. Ti fo depa, kale wh̄iné apaae duraalu, 'Naao melaai sale kwia asereitei helekóló 800 aseyaé,' yalepó.

⁸ Atéro, kale ɔla ɔla talené ama sóró betérale wh̄i wisipa meitei a dukiróló duraalu, 'I wh̄ita ɔlémi nuku bitutei, topo daalu fosó fosói ala maaté du beterapó. Ti i

haemó betere so whi atimasisi u tao su i tao su dere ala mepaae so whiné kilitu, mo fosó fosóre so whipóló dukiraterere alané, kale dę tuamó betó mole so whi teteróló ketei aqratapó, yalepó.

⁹ Yalo diappaee i dere ape. I haemó bituraalu, naao sere *moni* mepaae yayare so whi tao sóró hale melae. Atéro fea melóló kemeratepa, atimané ya mo ti tę tare bepaee holae yóló dape saalo ai ape.

¹⁰ Mepaae whi dené sawa kutó mo wisiyóló kaae taru dirótu betepa, so whiné kilitu i sekéné kutó mo dono ditapóló kisipa tiraterere whinéta ti doasi kutókélémo wisiyóló diranérapó. Mepaae so whi denétamo sawa ęla mekó ęlémi supa, ti doasi ęlakélé ęlémi senérapó.

¹¹ Atétepa, i haemó muó mole ęla ęla diaaę wisiyóló kaae tawaaire sunipa, mo ti muó tare wisi wisi ęla diappaee kaae tawae yóló né melaaloé?

¹² Me whiné diappaee kaae tawae dere ęla ęlatamo diaaę mo wisiyóló kaae tanitepa, naao mo ti muó tawaaire ęla yamó né melaaloé?

¹³ Betę kutó diraterere whinétei, doasi topo whi tamoné kutó diranénipó. Atétepa, ti me whippaae yaala sókó fóló mulu, ama kutó diróo, me whi hóróló ama erae dere alakélé eréni yóo, yaalopó. Ai ala dere kaae, betę whinétei Kótóné kutóro mepaae *moni* saaitere kutótamo touróló diranénipó,

yalepó.

¹⁴ Ai fo depa, mepaae *monimó* hosaa muóló ekęlere Farisi whirapené Yesuné ai dere fo woseturaalu, faleyóló doka doka du betalepó.

¹⁵ Ti fo depa, ama atimapaee duraalu, “Dięné ai du betere ala so whiné kilitu, mo wisirapó du betepatei, diaaę hosaa tuamó kinóló mole ala ti Kótóné kolóló mo kisi-parapó,” yalepó. Atétepa, ama atimapaee duraalu, “Mo so whinéta, dięné mo doasi bete mole ala dapó du betepatei, Kótóné keletómó ti bete muni, mo sonaalérapó.

¹⁶ Kale Moses-né asęre foró Kótóné kóló whirapetamoné yó maté waletai, Jon betale alimókélé taaréni, hale yó matétóro fu beterepó. Atétu betepa, Kótóné teteróló kaae tare aęmó mole kisi fo wisi wosaai dapóló hajné sukuturaalu, so whi fea aipaae alaletamo fu beterepó.

¹⁷ Ti sęró haetamota kemeyaalotei, Kótóné fo kwia mo sawakélé aluyaalomeipó.

¹⁸ Whi me dené ama topo so tokó daaróló so me kae dokotepa, ti Kótóné fo tukóló nópu nukulapó. Whi me dené me whiné tokó daalale so dokotepa, ti aikélé yóló muló betere fo tukóló nópu nukulapó,” yalepó.

Néli whiró Lasarus-tamoné yale ala

¹⁹ “Téro suka fea kelaalo mo kokęi sonaa kuti maaté derótua yóo, mo feléi wisi ęla

maaté nóo du betere néli whi beterepó.

²⁰ Ai néli whiné ama be tu sókó walemó yoleale whi humu fulu daayóló bitu, suka fea ɔla kematu betere whiné doi Lasarus beterepó.

²¹ Atéro bitu, a wote depa kale néli whi ni fake tómó ɔla nukuraalu, folope sorokóta deretei naai kisipa mutu betepa haɔrapené ama humu aɛ nukua depakélé, dowaae fóló beterepó.

²² Ai ala du betere tuamó kale whi Lasarus sukutepa, *ensel*-rapené a beleyóló fóló, Abraham betere uté tɛró beteralépó. Atéro a sukale kɔlipaae kale néli whikélé sukutepa douralépó.

²³ Téro, kale néli whi mo ti dó tare simó duku bituraalu kese falalemó, kale Lasarus Abraham-tamo daapa kelalépó.

²⁴ A atépa kolóló duraalu, 'Aya Abraham-ó, naao ɛ kɔle depata, ti kale Lasarus-né naase doumó wei fe eróló yaɔlo hape siri bulale wópóló dotɛyae. Ti noatepae, ɛ siné dukuraalu doasi dele sereteiné dapó, yalépó.

²⁵ Ai fo depa Abraham-né duraalu, 'Ti naale-ó, aita mo deretei, naao kisipa muae. Take ya haemó betale sukamó wisi wisi ɔlamaaté su betalépó. Até du betepa, Lasarus a dowi ɔla sua yaleteti, mió a imó hosaa muni deyóló hekesené sinitu betepa, ya doasi dele ai su betere ape.

²⁶ Térétei, da imó betere whi aipaae wóo, atéro betere whi ipaae wóo yaɔsóró, tuamó doasi fao muló betereiteiné da aipaae te wonénipó, yalépó.

²⁷ Ai fo depa, kale whiné Abraham-paae duraalu, 'Aya Abraham-ó, Lasarus yaɔlo ayané bepaae fóló norapepaae ene fópóló yae.

²⁸ Ti noatepae, yaɔlo norape aporó betepa, ɛ doasi dele su betere tikipaae atimakélé waɔsóró, ene fópóló dapó, yalépó.

²⁹ Ti fo depa Abraham-né duraalu, 'Moses-ró Kótóné kɔló whirapetamoné yó mótu betere fo wosóló, atima kisipa feteyóló tué tiki tiratepa, ti té yópólópó, yalépó.

³⁰ Ai fo depa, kale whiné Abraham-paae duraalu, 'Aita mo deretei, sukale so whi fólótamo depa, ti atimané du betere dowi ala taaróló, kisipa feteyóló waalopó, yalépó.

³¹ Ti fo depa ama duraalu, 'Moses-ró Kótóné kɔló whirapetamoné yó mótu betere fo wosenitepa ti sinóló kepaayóló wale whiné dere fokélé wosóló kisipa tiki tiraalomeipó,' yalépó.

17

Dowi alamó dée nalatere whi sekei ala erópóló yae yale fo

(*Mat 18:6-7, 21-22, Mak 9:42*)

1 Téro, Yesuné ama yó matere whirapepaae duraalu, “So whi fea dowi ala yóló dée nópóló kae kae susera alarape waalo ai ape. Té yaalotei, whi me dené me whi dowi ala yópóló dée nalatepa, ti atétere whippaae doasi sekçi ala eraalopó.

2 Diakó mé whiné i betó mole naale senaale belekaatikikó dowi alamó dée nalatepa, ti atétere whiné depamó képi dulóló, doasi kapo fake oleróló wëi këlappaee taae deróluasóro mo wisi uapó.

3 Atérapa, diaaq dere alarape diánétei mo hotowa yóló kaae tawae. Naao notamo mepaae dowi ala depa, ti atékesé yóló a foné sae. Ténalemótamo, naao dere fo wosóló a kisipa feteyóló wapa, ti ama yale ala me ɔla meipóló hãle kemerae.

4 Betã be demótei, naao noné wëikeró félimó yapaae dowi ala eralepóló, ya beterepaae fesaae wóló, ‘No-ó, yãlo yapaae wëikeró félimó dowi ala eraleteiné doasi kɔleó ene wapa,’ ti naaomo kwia tani, me ɔla meipóló hãle kemerae,” yalepó.

5 Téro, Kótóné ama fo erãle fópóló doteyãle whirapené duraalu, “Tale-ó, ðané kisipa tiki doaló tiró bitinireteiné mo diriyóló tiraai dapa, naao ða yó ãlae!” yalepó.

6 Ti fo depa Yesuné atimapaee duraalu, “Diã kisipa tiki tiró betere alatamo mo sawa *mastard* niné ke kaae bupa, ti i daale *malberi* nippaae naao

feleke turó tokóló, doasi wëi këla tuãmó daane derepaae depa, naao dere fo wosóló mo téyaalo ai ape.

7 Diakó betã whiné ama kutó diratere whi ɔla wae biliyaai hae dukiyóló mulale fóló, ó *sipsip* hupu kaae tane fi teó waletamotei kale doasiné ama kutó diratere whippaae, ‘Yã ɔla naasepóló hapale ape,’ fo dua de? Meipó.

8 Doasi whiné atei fo yaalomeitei, etei fota ti enérápó. ‘Yãlo naaire ɔlaró wëitamopi donoróló, e nuku betepa ti naao naaire ɔla donoraasepólópó dua dapó.’

9 Kale kutó diratere whiné ama doasiné apaae dirae dere kutó fea diyóló kemeratepa, ama doasiné apaae mo kée fo dua de? Meipó.

10 Atétere kaae, Kótóné diãpaae dirae dere kutó diyóló kemetepa, diaaqteitei diã bopé fake enére? ‘Đata, whi wisi meitei, ðané ditere kutóro diyalepó fo enérápó,’ yalepó.

Naase tamo whirape dowi humu fuluné tiki dopa wisir-ale fo

11 Ai fo yóló kílippaae Yesu a Jerusalem be huluapaae sóko faairaaalu, Samariaró Kaleli haetamo ðãle tuãmó fu be-talepó.

12 Atéro a betã be huluamó sóko felemó, dowi humu fuluné tiki dore naase tamo whirape atamo hokolaa yaai wóló, mo tumó daae molepó.

13 Atéro daalu fo fake yóló duraalu, “Doa whi Yesu-ó,

naao da kolené sukutu tao sae!" yalepó.

¹⁴ Ai fo depa, Yesuné atima kelalemó kolené sukutepa duraalu, "Diã fóló, so whimó momaratere whirapepaae diaaø tiki yó melale fae," yalepó. Atétepa, atimané tiki yó melaai tu tuamó fu betepatei, atimané dowi humu fulu torokó fóló wisiyalepó.

¹⁵ Atétepa, atimakó beta whiné ama tiki fopeyalemó wisipa kilituraalu, momó fesaae fóló fo fakeyóló Kótóné doi sóró horaté fu betalepó.

¹⁶ Até deté wóló, Yesu daale felekemó deraapisa fóló mulu, mo kée du betalepó. Åta, Samaria hae kwiamó wale whikópó.

¹⁷⁻¹⁸ Tétepa, Yesuné atimapaee woseturaalu, "Mepaae naase tamo whirape ya lo wisirénié? Ita, kae fake whitei Kótóné doi hale sóró horatapa, Naase aporó kemeyóló douro whirape-a, neyaleé?" yalepó.

¹⁹ Téró ama apaae duraalu, "Naa kisipa tiki tiró betale alané ya wisiralepa, turukó holóló mo dua fae," yalepó.

Kótóné tetéroló kaae tare ala wóló mulapóló yale fo (Mat 24:23-28, 37-41)

²⁰ Atéró, me sukamó Farisi whirapené Yesupaae duraalu, "Kótóné tetéroló kaae tare ala noa be demó wapa so whi feané kelaaloé?" yalepó. Ti fo depa Yesuné atimapaee duraalu, "Kótóné tetéroló kaae tare alata,

whiné kelené kolóló tué yópóló me fareyópu kae yaalo meipó.

²¹ So whi feané imó ó umó wóló beterapó fo enénipó. Ti noatepae, Kótóné tetéroló kaae tare alata, mió diã tuamó i wóló mole ape," yalepó.

²² Téró, ama yó matere whirapepaae duraalu, "Take waaire be derapekó beta tuamó kale Whiné Naalema kelenée du betaalotei mo kelaalo meipó.

²³ Atéró kekitu betepa, mepaae so whiné duraalu, 'Kale Whiné Naalema umó wóló beterapó,' ó 'Imó wóló beterapó,' depa, mo dere nisiyóló sya faøse.

²⁴ Ti noatepae, kale Whiné Naalema a wouta, epée duraalu hae kwia fea deyó fu dere kaae yaalo ai ape.

²⁵ Ai alarape fea yaaipatei, folosóró api kae kae susupui ala supa, ti mió i alimó betó mole so whiné ama fo woseni, a hóraalo ai ape.

²⁶ Take Noa betale alimó yale kaae, mió Whiné Naalema waaire alimókélé atétóro yaalo ai ape.

²⁷ Take Noa betale alimó, so whi fea qlaró wëitamo nokole alakélé, so whitamo beteratere alakélé, whi so dokotere alakélé, deté fu betepatei, Noasépi nuku tuapaae bitì horalepó. Até deretamotóro, atima ai du betale ala kemene felepó. Atéturaalu, doasi wëi dukulé horóló so whi fea sisiraae felepó.

28 Ai yale kaae, take Lot betale alimókélé, so whi fea wisiyóló bitu ɔlaró weıtamo nokole alakélé, ɔla ɔla dotonóló duputere alakélé, ɔla wae bilitere alakélé, be tɛtere alakélé, fea deté fu bitipakalepó.

29 Atétu betepatei, Lot ɔ Sodom be hulua taaróló foletamotoró hepen bemó siró kapo whaa kaae ere *sulpa* sitamo hali kaae dorowóló, so whi fea doralepó.

30 Atétu yale kaae, kale Whiné Naalema mió kinóló betereitei haķeamó wapa, so whi feané kelaalo ai ape.

31 Atétere sukamó, whi me ama siki bemó biti hae bemó mole ɔla wisi saai dapóló derepaɔse. Kutómó daale whi momó fesaae fóló, bemó mupa wale ɔla momókó sene faɔse.

32 Ti noatepae, Lot-né soma yale ala kisipa muae.

33 Mepaae whi de ɔalo ala erótutei, ama betere bete me ala yaɔsórópóló, amatei hotowayóló kaae tapa, ti atétere whiné betere bete aluyaalopó. Tépatei, whi me dené ama betere bete me ɔla meipóló taalatepa, ti ama betere bete aluni, mo ti muó tawaalopó.

34 ɔalo diɔpaae i dere ape. Dilikitamo whi tamo betá beseķemó fipatei, me whi dapesó furaalu, me whi fipa taaróló faalopó.

35 So tamo *flawa* o bula yaai deraketu betepa, me so dapesó furaalu, me so taaróló faalo ai ape,” yalepó.

37 Tétepa, kale yó matere whirapené Yesupaae wose-turaalu, “Tale-ó, ai alarape-a momó eratepa kelaaloé?” depa, ama duraalu, “Na ó hupu ķlaai nokole barape sikimó sɛ kweyóló bopétu betepa, ti ama naaire ɔla ķlaai mupa ai dere ape yóló kisipa yaalopó,” yalepó.

18

Tao sae yóló dotopo du betale wulia sopaae dó faróló yale fo

1 Ai fo yóló kemetepa, Yesuné ama yó matere whirapené Talepaae momatere ala hale yó tanópóló, etei fo sale yalepó.

2 “Ai doasi be huluamó fo tokóló taletere whi betá beterepó. Ai whita, Kótó kolóló witere alakélé ini, dotoroɛ falepó.

3 Ai be huluamó betá wulia so beterepó. Ai so ama bóe whiné ɔtamo fo tokóló só de-raɔsóró ɔ tao sɔpóló, suka fea fo taletere whi beterepaae eneta du betalepó.

4-5 Kale soné betá fo maaté eneta du betepa, ɔ hóturaalu i fo yalepó. ‘Ēta, Kótókélé mo so whikélé, kolóló wi inire whitei, i wulia soné ɔ tao sae yóló dotopoi fo maaté eneta yó taneteiné ɛ hótēpa ɔ tao saalopó,” yalepó.

6 Téró Talené duraalu, “Kale fo tokóló taletere dowi whiné i sopaae yale fo wosóló kisipa muae.

7 Kótóné ama sorokó su yóló betero betere so

whjné dętamokélé, diki-tamokélé, kematóró yó tapa, ai kematere ęla ama melaalomeię?

⁸ Yęlo diępaae i dere ape. Kale fo tokóló só deraaire whjné dię só deraqsóró, ama mo hapale tao saalo ai ape. Téyaalotei, kale Whjné Naalema i haepaae wale sukamó so whj fea kisipa tiki tiró betepa kelaalorópó," yalepó.

Farisi whjró takis moni siré kotere whjtamóné yale ala

⁹ Yesuné i fo sale atimapaae yó mótu duraalu, mepaae whj atimata mo donoį ala dapóló bopé faketuraalu, mepaae so whj tęteratere alamó Yesuné etei fo sale yalepó.

¹⁰ "Taks moni sere whjró Farisi whjtamó moma yaairaalu, momatere be dolopaae holalepó.

¹¹ Téró, kale Farisi whj ę turukó holóló daalu amatei, ęmó etei kaae moma yalepó. 'Tale Kótó-ó, ęta mepaae whjrape dere kaae ęla ęlémi nokole alakélé, nópu nokole alakélé, mepaae dere dowi alakélé, ó i daale *takis moni* sere whj kaae bitinipó. Tėru yęlo yępaae mo kée dapó.

¹² Ęta, betę fulamótei be dę tamomó ęla néni, weyóló hęle bitu, yęlo ęla ęla naase tamo moletei dekeyóló, betę Talepaae mótua dapó,' yalepó.

¹³ Téyaaletei, kale *takis moni* sere whj ę mo tumó daalu, hepen bepaae kese horéni

haepaae hemée deyóló daalu, 'Tale Kótó-ó, ęta dowi ala dere whjpa naao kęlené sukutu, yęlo dowi ala kwia kemerae,' yalepó.

¹⁴ Yęlo diępaae i dere ape. Kale nalo momayale *takis moni* sere whjné ama dowi ala Talené kemeratepa, ę hętamó bepaae feletei, me whjné ama dowi ala hęle mupatei felepó. Mepaae whj de amatei ę deróló dua betepa, ti Kótóné ę sóró horaalo ai ape," yalepó.

Naale belekęatiki Yesu-paae dapesó wale fo

(*Mat 19:13-15, Mak 10:13-16*)

¹⁵ Téró so whj feané teó sóró betó mole naale senaale tikimó Yesuné naase mulópóló, ę beterepaae dapesó wua dere ala kilitu, ama yó matere whjrapené dapesó wakesé yóló, atima foné salepó.

¹⁶ Téyaaletei, Yesuné kale naale senaale ę beterepaae dapesó ape yóló duraalu, "Atei kaae naale belekęatiki ę beterepaae wópólópa, sesékese. Ti noatepae, Kótóné tęteróló kaae tare aęmó betaaire alata, atei naale senaale belekęatiki kaae fóló betenęrapó.

¹⁷ Yęlo diępaae mo i dere ape. Mepaae so whj detamo i betó mole naale senaale belekęatiki kaae betepa, ti Kótóné tęteróló kaae tare aęmó sókó fóló betenęrapó," yalepó.

Néli whĭné Yesupaae wos-ale fo

(*Mat 19:16-30, Mak 10:17-31*)

¹⁸ Atéró, betā Juda topo whĭ wóló Yesupaae woseturaalu, “Yó matere whĭ wisi-ó, mo ti betere bete saairaalu, yało noa alakó yaaloé?” yalepó.

¹⁹ Ai fo depa, Yesuné aġaae tokó mótu duraalu, “Betā whĭkélé whĭ wisi bitini, Kótó a betā wisirapa, nao eġaae noatepa whĭ wisi-ó fo de?”

²⁰ Ti noatepae, kale tukóló muló betere fota, nao dosāyóló ai kisipare ape. So nópu naqse, whĭ daqse, qlémi naqse, me whĭ dilikóló kapala fo yaqse, nao hae aya aqmó mo dua betae erapó,” yalepó.

²¹ Ai fo depa, kale whĭné tokó mótu duraalu, “Ai alarape feata take e ketemó bitu deté waletēi, miókélé ħale yótóro tarapó,” yalepó.

²² Ai fo depa, Yesuné aġaae duraalu, “Mo betā ala betā ya yaġarapó. Térapa, naao muó mole ęla ęla fea dotonóló, *moni* sóro mepaae yolealere so whĭmó melae. Atéró yaġa, hepen-mó mole wisi wisi ęla saasepóló e sya ape,” yalepó.

²³ Kale hamoko whĭné ai fo woseturaalu, a doasi néli whĭ mo beterapóló kisipa mutu, kutiri ħumula yóló fomotamo felepó.

²⁴ Atéteremó, Yesuné a kelené kikéyóló kaae taru duraalu, “Ęla ęla fea tare whĭ Kótóné tēteróló kaae tare aqmó sókó fóló betaaire mo doasi dirirapó,” yalepó.

²⁵ “Ti noatepae, *kamel* hupu ketēli dolomó sókó faaire hapóluni, sūmó fenérapó. Tépatei, doasi ęla ęla mole néli whĭrapeta, Kótóné tēteróló kaae tare aqmó sókó faaire mo hapólurapó,” yalepó.

²⁶ Ai fo depa wosale so whĭné Yesupaae woseturaalu, “Dā feata alunérapa, Kótóné demaaté tao saaloé?” yalepó.

²⁷ Ai fo depa Yesuné duraalu, “Mo whĭné enénire ala Kótóné mo sūmó enérapó,” yalepó.

²⁸ Tétepa Pitané duraalu, “Dāné be ó ęla ęla fea mupa taaróló, ya i sya wale ape,” yalepó.

²⁹ Ai fo depa Yesuné duraalu, “Yało diġaae mo i dere ape. Mepaae whĭ dené ama be ó soma ó nomarape ó hama alima ó naale senaale taaróló, Kótóné tēteróló kaae tare aqmó betaai dapóló fupata, ti mió i alimó bitukélé ama taaróló wale ęla ęla tómó beleróló, Kótóné mo dekeró matepa saalo ai ape.

³⁰ Ai ęla maaté meitei, take waaire alimó mo ti betaaire betekélé saalo ai ape,” yalepó.

Yesu a sinaaire fo mó yaletēi

(*Mat 20:17-19, Mak 10:32-34*)

³¹ Atéró, Yesuné yó matere 12 whĭrape dēpaae dapesó fóló bitu duraalu, “Dāta Jerusalem be hulupaae ħo-laai foletēi, Kótóné ama kóló whĭrapené i ala yaalopóló

asere fo mió mo dokonóló kale Whiné Naalemapaae eratepa kelaalo ai ape.

³² Aṭa, Juda meire fake whirapené dópóló eleké deyóló, atima naase tuapaae mulaalo ai ape. Atétepa, atimané a doka doka yóo, haleroo, fesaa apuróo, képi tikiné fokosoi ala yóló, a mo ti sukópóló dóo, yaalo ai ape yalepó.

³³ Téyaalotei, sore be demó a mo ti sukaletei momó kepaayóló betaalopó,” yalepó.

³⁴ Ama yó matere whirapené ai yale fo wosóta yaletei, bete hiróló moleteiné diriyóló kisipa sini, kóló kóló du betalepó.

Kele dilikire whi wisirale fo (Mat 20:29-34, Mak 10:46-52)

³⁵ Téró Yesu a Jeriko be huluapaae felekemó sókó faai tumó fu betalemó, beta kele dilikire whi tu demó bituraalu, fua wuaterere so whipaae monikó alae yóló, kema du betalepó.

³⁶ Atéro wosalemó, so whi mo fea tumó fua wua du betepa, ai so whipaae woseturaalu, “Doa ai-a, noa ala maaté du bitu de?” yalepó.

³⁷ Ti fo depa, atimané apaae duraalu, “Nasaret be hulua whikó Yesu i fole ape,” yalepó.

³⁸ Ai fo depa, ama fo fakeyóló duraalu, “Depitné Naalema Yesu-ó, naao e kolené sukuturaalu tao sae,” yalepó.

³⁹ Atéro, mepaae folosóro fele so whiné kale whipaae momó yaai dée yóló foné salepó. Tétepatei, kale sekéné fo faketóro dekéro yó taru duraalu, “Depitné Naalema Yesu-ó, naao e kolené sukæ,” yalepó.

⁴⁰⁻⁴¹ Atétepa Yesu a keiyóló daalu, kale whirapepaae duraalu, “Ai whi e beterepaae dapesó ape,” yalepó. Atétepa, kale whi dapesó wóló felekemó daapa, Yesuné apaae woseturaalu, “Yalo yamó noa alakó erópóló de?” depa, kale whiné duraalu, “Tale-ó, yalo kelené ɔla ɔla kelenée yóló kisipa mutapó,” yalepó.

⁴² Tétepa, Yesuné apaae duraalu, “Naao kisipa tiki tirale alané naao kele ai wisiyalepa, mió kelae,” yalepó.

⁴³ Yesuné ai fo deretamotóro kale whiné ama kele wisitepa, Yesu sya furaalu, Kótóné doi hale sóro horaté felepó. Ai ala depa kelale so whinékélé Kótóné doi hale sóro horalepó.

19

Takis moni siré kotere whi Sakius-né yale ala

¹ Atéro, Yesu a Jeriko be huluumó sókó fóló, ai be belamó fu betalepó.

² Téyalemó, *takis moni siré kotere whirapené doasi topo whi Sakius beterepó*. Aṭa, fea ɔla ɔlané néli whipó.

³ Ama kisipané Yesu deró kelaai dapóló felemó, aimó mo hale ɔla kaae so whi

touróló daae moleteiné, Sakius a hālekeruraalu Yesu wisiyóló kilinipó.

⁴ Atépa, kale whi aipi sururu yóló fóló, Yesu tumó wale kelaai, beta nose kaae ni siki doló holóló kaae tawóló beterepó.

⁵ Atépa, Yesu a ni betemó sókó fóló ai ni sikipaae kele horalemó Sakius daapa kolóló duraalu, “Sakius-ó, mió e yatamo naao bemó betaai kisipa mutapa, ya mo hapale dere ape,” yalepó.

⁶ Atétepa, a hapale téti dorowóló, heketamo Yesu dape sóró ama bepaae felepó.

⁷ Atétepa, ai daae mole so whi feané Yesu Sakius-né bepaae fupa kolóló, atimasisi kikiti eróló duraalu, “Ata dowi ala du betere whitamotei, betaai ai fele ape,” yalepó.

⁸ Téyaletai, kale Sakius a turukó holóló Talepaae duraalu, “Tale-ó, mióta, yalo i mole ɔla ɔlarape bukóló, mepaae yolealere so whimó melóo, yalotamo so whi dilikóló mepaae monikó simó ti douro félimó tómó beleróló tokó melóo, yaai dapó,” yalepó.

⁹ Ai fo depa Yesuné aphaae duraalu, “Kótóné so whi aluyaosóro tao sere ala mió i bepaae walepó. Ti noatepae, i whi akélé Abraham-né naaletóro beterepó.

¹⁰ Ti Whiné Naalema a waletaita, aluyale so whi kekóló tao saairaalu, walepó,” yalepó.

Naase tamo whirapené doasi whiné kutó diraaí moni sale fo sale

(Mat 25:14-30)

¹¹ Atéro, ama ai du betere fo wosetu betepatei, a Jerusalem be hulua felekepaae sókó waletéiné Kótóné tetéroló kaae tare aomó mole ala so whiné kisipané mo felekemó sókó waaitere nisi du betalepó. Atétepa ama du betere fo-tamo touróló, atimapaae i fo salekélé yalepó.

¹² Atéro ama duraalu, “Hae kwia fea tetéroló kaae tare topo whirapené fake whi beta topo whi sóró beteratepa momó fesaae wóló, hae kwia ama tetéroló kaae tawaai dapóló, a felepó.

¹³ A atéro faairaalu, ama kutó diratere naasetamo whirapepaae ape yóló duraalu, ‘Yalo i matere moniné mepaae kutó diraté fóló, tómó beleróló sóró muló betepa, momó fesaae wou kelaalopóló,’ a felepó.

¹⁴ Téyaletai, ama be whi so whiné ai sekéné atima tetéroló kaae tawaosóro kisipa mutu, ‘Kale doasi topo whipaae ene fópóló, atimakó mepaae whirape a fi kilipaae doteyalepó.’

¹⁵ Até yaletai, doasiné kale whipaae naaotóro tetéroló kaae tawaasepóló, ya sóró beteratapa fae depa, a bepaae fesaae walepó. Téro, ama kutó diratere whirapepaae melale moniné mepaae kutó diróló, tómó beleróló meteró saleró kelaipa,

dapesene fae yóló, wh̄rape doteyalepó.

¹⁶ Atétepa, ama *moni* melale wh̄rapekó bet̄a wh̄i folosóró wóló duraalu, 'Doa wh̄i-ó, take naao ep̄aae bet̄a melale *moni* bosenóló, mo dekéró sóró muló beterapó,' yalepó.

¹⁷ Ti fo depa, kale topo wh̄iné duraalu, 'Yalo kutó diratere wh̄i wisi-ó, naao ai ere ala mo wisirapó. Ti noatepae, yalo mo sawatamo melale ɔla naao mo wisiyóló kaae tawirapa, naasetamo be huluakélé naaotóró teteróló kaae tawaasepe,' yalepó.

¹⁸ Kale dere kaae wh̄i me wóló duraalu, 'Doa wh̄i-ó, naaota ep̄aae *moni* bet̄a melalet̄e, yalo mep̄aae kutó dité fóló, naao melale *moni* tómó beleróló aporó sóró muló beterapó,' yalepó.

¹⁹ Ti fo depa, ama topo wh̄iné tokó mótu duraalu, 'Aporó be huluarape naao teteróló kaae tawaasepóló, yalo ya sóró beteratapó,' yalepó.

²⁰ Téró kale dere kaae, ama kutó dirale wh̄i me wóló duraalu, 'Doa wh̄i-ó, naao kale melale *monita*, yalo me kutókélé dini, kuti kwiané bopeyóló melalet̄e, i sóró wale ape.

²¹ Ti noatepae, yāta mo kekepai wh̄i bitu, mené ɔlatei naao sóo, me wh̄iné biliyale ɔla naao bukóló, kwiapaae ya sóo dua dapó. Atétere ala yalo tuéruraalu, ɛ witepa naao yae yale ala inipó,' yalepó.

²² Ti fo depa ama topo wh̄iné ep̄aae duraalu, 'Yāta,

kutó diratere wh̄i dowipó. Yatamo fo tokóló ya só deraaitere ala ti naao dere fonéte i ya ai só deretere ape.

²³ Ti naao atei kaae kisipa mulutei, ɛ fesaae wouraalu h̄yóroló sópóló *moni* mulatere tikipaae mulale fole noatepa yaleé?' yalepó.

²⁴ Téró, kale topo wh̄iné aimó daae mole wh̄irapepaae duraalu, 'Ama ai tare *moni* fasóló naase tamo *moni* tare wh̄ipaae melae,' yalepó.

²⁵ Ai fo depa, atimané kale topo wh̄ipaae duraalu, 'Doa wh̄i-ó, ai wh̄ita naase tamo *moni* taketi sóró tarapó,' yalepó.

²⁶ Ti fo depa ama duraalu, 'Yalo diapaae i dere ape. Mep̄aae ɔla ɔla h̄yóroló mole wh̄ipaae ti mo dekéró beleróló melaalo ai ape. Téyaalotei, mep̄aae wh̄i de ɔla ɔla sawa téti mupa, ti ai ɔla fasó saalo ai ape.

²⁷ Téyaalotei, mep̄aae yalo teteróló kaae tare aomó betere h̄yóroló bóe dele wh̄irapeta, ipaae dapesó wóló, mo ti sinópóló dae,' " yalepó.

Yesu Jerusalem be hulua-paae doasi topo wh̄i aoyóló sókó wapa hale sóró horale fo (Mat 21:1-11, Mak 11:1-11, Jon 12:12-19)

²⁸ Téró Yesuné i fo yóló kemetepa, atima Jerusalem be huluapaae furaalu, ama alísó felepó.

²⁹ Atéró, ɔ Betpas beró Betani betamopaae sókó faai fu

betalepó. Ai be hulua tamo felekemó *Olip* dupó du betere tiki erapó.

³⁰ Aimó ama yó matere whi tamo dotonaai atimaamopaae duraalu, “U bepaee diaamopi fae. Ai bemó sókó fóló kelenalemó, whikélé betóló kunire teó *donki* hupu duló betaalopó. Téyaalopa, ai hupu taayóló ipaae dapesó ape.

³¹ Atéro taanalemótamo, whi mené diaamopaae woseturaalu, ‘Ai neyaai de?’ depa, ti i fo yae. ‘Momó dapesó waaitei, Talené ama diyaaire kutó mupa sóró ape yale tikimó sóró fulapó yae,’ yalepó.

³² Atéro dotonatepa fóló kelalemó, atimaamopaae yale fotórómo epa kelalepó.

³³ Atépa, atimaamo kale *donki* hupu halika teraatu betalemó, hupu talerape wóló atimaamopaae woseturaalu, “Ai hupu teraatu betere-a noyaai de?” yalepó.

³⁴ Ti fo depa atimaamoné duraalu, “Ita Talené ama diyaaire kutó mupa, serále fae yale tikimó sóró fulapó,” yalepó.

³⁵ Atéro, Yesu beterepaae dapesó wóló daaló bitu, atimaamoné deró betere fóló kutirape sorokóló, Yesu a hupuné sisó tómó beterópóló, whamenalepó.

³⁶ Atéro a ai hupu tómó betóló wapa, so whi folosóró furaalu, atimané deró betere kutirape sorokóló tímó whamenaté felepó.

³⁷ Atéro, a Jerusalem be huluapaae felekemó sókó faairaalu, *Olip* du sokore aopaae doropole tímó sókó derepelepó. Aimó, ama yó matere so whi mo feané Kótóné kae kae kelemei alarape eratepa kelaleteiné atima hekesené sukuturaalu, fo fakeyóló Kótóné doi hale sóró horaai kaae salepó.

³⁸ “Mió Talené doimó wale doasi topo whi wisi-ó, Kótóné ya wisirópóló yae!”

“Kótóné hepen be tuamó mole hosaa muni deyóló dua betere ala so whi feapaae erópóló yae.

Téturaalu, mo taoró betere Kótóné kae mole doasi doi hale sóró horae!” deté fu betalepó.

³⁹ Tétepa, ai so whi kuamó betó mole Farisi whirapené Yesupaae duraalu, “Naaó yó matere whirapepaae taalae yóló, foné sae,” yalepó.

⁴⁰ Ti fo depa ama atima-paae duraalu, “Yalo diapaae mo i dere ape. Atimatamo fo ini dua betepa, ti tímó ai daae mole kaporapénétei doasi fo fake yaalo ai ape,” yalepó.

⁴¹ Atéro, Yesu a Jerusalem be huluapaae felekemó sókó faa fu bitu, ai doasi be hulua tuapaae kese deralemó, mo kōlei ala epa, a doasi wole yalepó.

⁴² Atéro woleyóló duraalu, “Hosaa muni deyóló dua betaaire ala mió i be demótóro diá beterepaae walapóló,

kisipa uaşóró ti mo wisi uapó. Téuątei, ai ala yaaire be de kemeyaletiné mió diaaą kelené kelaşóró, kinó beterao.

⁴³ Téretei, nalo me be demó kale bóe whırape atima naao bepaae dorowaairaaalu, be bopéro betere tipimó hae kaayóló mulaté holóló, naao be bopéro betaalopó.

⁴⁴ Atére tómó atima daane holóló, diaakélé diaaą naale senaalekélé tao sóró haemó hairaalo ai ape. Kane fake me tómó beleretei, atéro mulópóló taalaalomeipó. Ti noatepae, Tale Kótóné dia tao saai wale be de diaaą kisipani, hıraletinépó,” yalepó.

Momatere bemó ąla dupu du betepa Yesuné hąkonale fo
(*Mat 21:12-17, Mak 11:15-19, Jon 2:13-22*)

⁴⁵ Téró, ą momatere be bolaare tipi tuąpaae sókó holalemó, whırapené ąla ąla dotonóló dupu du betepa fópóló dóló hąkonalepó.

⁴⁶ Atéro, ama atimapaee duraalu, “Yalo beta, moma maaté yaai tenapóló asemó epatei, diaaą ai du betere alané ąlémi whı betere be aorótu beterao,” yalepó.

⁴⁷ Atéro momatere bemó, betere doką fea ama fo yó maleta du betalepó. Tétu betepatei, so whımó momaratere topo whırapekélé, Moses-né asere fo yó matere whırapekélé, so whı kaae tare mepaae whı disirapekélé, fea touyóló, Yesu daaire tu kekitu betalepó.

⁴⁸ Téyaleteti, atimané ą daaire tu me kilinipó. Ti noatepae, yó matere fo so whıné wosóló, hosaamó su betaletiné ą daaire tukélé kilinipó.

20

Yesupaae ya topo whı né sóró beteralee yóló wosale fo
(*Mat 21:23-37, Mak 11:27-33*)

¹ Téró, me sukamó Yesu ą momatere be tuámó Kótóné ala etérópóló so whı feapaae yó matere alaró, kale mió wosetere fo wisitamo yó mótu betalepó. Tétu betepa, mo so whımó momaratere whırapekélé, Moses-né asere fo yó matere whırapekélé, mepaae whı disirapekélé, fea touyóló ą beterepaae walepó.

² Atéro wóló ąpaee duraalu, “Naao ai alarape yópóló, ya né sóró beteralee?” yalepó.

³ Ti fo depa, ama atimapaee duraalu, “Yalokélé diaapaae wosetere fo betą i dapa, ępaee tokó ąlae.

⁴ Jon-né weı tópuratere ala ó hepen bemó yae depa yalepé, mo whıné yae depa yalee?” yalepó.

⁵ Ai fo deremó, whırape atimasisitei fo kęlaaróló duraalu, “Danétamo, hepen bemó yae depa yalepó depa, ti dapaae ama dere fo wosóló kisipa tiki tiratere noatepa deé enérapó.

⁶ Tépateti dané duraalu, mo whıné yae depa yalepó depa, ti doai wóló betó mole so whıné kapo duné da siróló

daalopó. Ti noatepae, Jonta so wh̄ipaae yó matere Kótóné kóló wh̄i betaletēi feané kisi-parapó,” yalepó.

7 Atétepa, atimané ʔpaae duraalu, “Jon-né w̄ēi tópuratere ala ʔpaae né yae depa yaleró, d̄a kisipanipó,” yalepó.

8 Ai fo depa Yesuné duraalu, “Diaaʔ ʔalo wosale fo tokó menitepa, ti diʔané ʔpaae wosale fokélé tokó melaalo meipó,” yalepó.

Wh̄i betʔané ama kutó kaae tanópoló sóró beteratere ala-paae dó faróló yale fo

(Mat 21:33-46, Mak 12:1-12)

9 Téro Yesuné so wh̄ipaae ai fo deté fóló, me i fo salekélé yalepó. “Wh̄i betʔané ama kutó diyóló wain képi wae biliyalepó. Atéro, ai kutó mepaae wh̄irapené kaae taru, ʔlumétere ʔla sóró dotonótu betae yóló, ʔ f̄lo sukamó me be huluapaae bit̄i felepó.

10 Kale ʔla ʔlumétepa sere alimó, kale kutó talené ama kutó diratere wh̄ikó betʔapaae duraalu, ʔa kutó kaae tare wh̄i beterepaae mepaae ʔlumére ʔlakó serʔale fae yóló doteyalepó. Téyaletēi, kutó kaae tare wh̄irapené ʔ du betéro, h̄ale f̄ópóló doteyalepó.

11 Téro, kale dere kaae ama kutó diratere wh̄i me doteyalepó. Téyaletēi, ai wh̄ikélé atimané dóló susupuróló, haletamo h̄ale f̄ópóló doteyalepó.

12 Atéro, kale dere kaae sore dakoróló wh̄i memo doteyalepó. Téyaletēi, ai wh̄ikélé atimané du betéro samea sókó faróló, belapaae sóró taae deralepó.

13 Téro, kale wain képi kutó talené duraalu, ‘Mió ʔalo noa alakó yaaloé? ʔalo yaala sókó fóló hosaa turó mole naale betʔa atima beterepaae dotonatepa, atimané ʔ mo wisiyóló dape sóró, ama dere fo wosaalopóló kisipatu, doteyalepó,’ yalepó.

14 Téyaletēi, kale kutó diratere wh̄irapené ʔ wale kolóló, atimasisitei fo dokóló duraalu, ‘Aita, i kutó talené ama naalepó. Alima sinitepa, i kutóró mepaae mómu ʔla ʔlatamo fea ama saʔsóró, d̄a saairʔalu, ʔ daalopa siépe,’ yalepó.

15 Atéro, atimané ʔ kale wain képi kutó tuʔmó sóró belapaae taae deróló mo ti dalepó. Atétepa, kutó tale wóló atimapaae noa alakó er-aaloé?

16 Kale kutó diratere wh̄irape mo ti dóló sukunóló, ai kutó mepaae wh̄irapené kaae tawópóló melaalopó,” yalepó.

Tétepa, aimó betó mole mo so wh̄i feané ai dere fo wosóló duraalu, “Aita enénire alatei dapó,” yalepó.

17 Téro, Yesuné kelené kiké yóló kaae taru atimapaae woseturaalu, “Kótóné fo tuʔmó, ‘Mepaae be t̄etere wh̄irapené taae farale kane faketei, sóró be hulu eleké wisinaale

botokoróló deyaalo ai ape, yóló ašemó ere fo-a, noa betené yaleé?

18 Téyaalotei, mepaae so whi de ai kapo fake tómó kotóo sóró dée nukupa, ti ama tiki turukó fóló doalé maaté yaalo ai ape. Téyaalotei, ai kale kapo dokó dorowouraalu teiya dere so whita, mo ti derakó fóló muaalo ai ape,” yalepó.

19 Tétepa, Moses-né ašere fo yó matere whiraperó mo so whimó momaraterere topo whirapetamoné ama ai yale fo saleta, atimapaetóro dapóló aimótóro tawóló daai yaleteti, ai touró betere so whiné atimapaee me ala eraşóro, witepa taaralepó.

Sisapaae takis moni melaróe yóló wosale fo
(Mat 22:15-22, Mak 12:13-17)

20 Atétepa, atimané Yesuné me alakó haşókó fóló déro kelaai, mepaae whirape mo ala dere whi ayoóló kikitika kaae tawóló beterópóló, mepaae whirape doteyalepó. Aita hałe mei, a haşókó fóló, ama i fo mo depa wosalepóló, Rom *Gavman* topo whiné naase tuamó mulale faai kisipa mutu yalepó.

21 Atétepa, kale whirapené apaae woseturaalu, “Yó matere whi-ó, naao dere foró so whipaae yó matere alatamota, mo dono dapó. Naao fake so whi maaté taosuraalu, mo so whi sisópaae erótumipó. Naaota, Kótóné tué mole alatóro mo

dono yó mótu beteretei dané kisiparapó.

22 Ti dané *takis moni* Sisapaae materetei-a, donorépe meié?” yalepó.

23-24 Atimané a só deraai dere ala ama kolóló, atimapaee duraalu, “Ai *denarias moni* yało kelaalopa epaae yó ala yóló matepa tao sóró duraalu, *moni* tómó i mole asoró doitamo-a né?” yalepó.

25 Ti fo depa, atimané duraalu, “Sisanépó,” yalepó. Tétepa ama duraalu, “Sisané ɔlapa, ti Sisapaae melae. Kótóné ɔla ti Kótópaae melae,” yalepó.

26 Atéro, Yesu so whi feané keletómó me alakó haşókó fuléro kelaai su saleteti, a haşókókélé feni, ama atimapaee fesaayóló dere fomó, atima hokomó sókó furaalu fokélé tekini, siratei du betalepó.

Sinale whi kepaayóló so dokaaloé yóló wosale fo
(Mat 22:23-33, Mak 12:18-27)

27 Mepaae sukale so whi kepaayaalo meipó, du betere Sadyusi fakekó mepaae whirapetamo Yesupaae wosetere fo yaai walepó.

28 Atéro duraalu, “Yó matere whi-ó, whi beta so dokaleteti, naale senaalekélé deni hałe sinitepa, noma me whiné ai so wulia dokóló naale detepa, ti ai naale noma sukale whi betale sirimó beterópóló yae fo Moses-né ašemó dapaae erapó,” yalepó.

29 “Take weikeró no-marape beterepó. Atéro bitu, topo whi so dokaletai, ai sotamo naale deni, a hãle sinalepó.

30 Atéro sukutepa, kale so wulia noma me whinemo dokalemó, ai whikélé naale deni, hãle sukãlepó.

31-32 Nomarape fea até deté fóló, nalo mo kemerótu noma awã taalu whiné dokaletai, akélé hãle sukãlepó. Atéro mo ti kemeróturaalu, kale sokélé sukãlepó.

33 Atéro, weikeró whirapené dokale so take kepaayóló wale sukamó, mé whiné dokaaloé?” yalepó.

34 Ti fo depa Yesuné atimapaee duraalu, “Mió i alimó bitu, whi so dokóo, so whitamó fóo, du beterepó.

35 Tétu betepatei, sukãle so whi momó kepaayóló betaaire alimó atéro whi so dokotere alakélé, so whitamó betere alakélé, sinitere alakélé ini, hepen bemó betere *ensel* kaae betaalo ai ape.

36 Téturaalu, atima kepaaró betere naale senaale ereteiné Kótóné ama naale senaaletóro betaalopó.

37 Ni sesaapemó duku betere si mi dolomó yale fo Moses-né aserapó. Aãa, Abraham, Aisak, Jekop-sépi fea tetéroló kaae tare Kótó beterepó. Atére foné sukãle so whi aluni, kepaayóló beterepóló, hãkeamó yó matapó.

38 Ti aãa, sukãle so whi maaté tetéroló kaae tanitei,

mo betere so whikélé tetéroló kaae tare Kótó beterepó. Ti noatepae, sukãle so whikélé, betere so whikélé, fea amatóro betero beterepó,” yalepó.

39 Moses-né asere fo yó matere whirape mepaaené aãaae tokó mótu duraalu, “Yó matere whi-ó! naao dere fota, mo dono dapó,” yalepó.

40 Téyaletei, ama ai yale foné atima haleturaalu, whi betanékelé aãaae me wosetere fo inipó.

So whi tetéroló kaae tare whi-a né naaleé yale fo

(Mat 22:41-46, Mak 12:35-37)

41 Téró, Yesuné atimapaee duraalu, “Kótóné so whi tetéroló kaae tare whi Kerisota, Depit-né naalepó du betere-a noa fo betené de?

42-43 Ti ai fo bete Depit-né amatei, hãkearóló *buk* Sammó aseyóló muló beterepó.

“Talené e tetéroló kaae tare Talepaae duraalu, “Yãlo naao bóe whirape tétei aleróló, naao hó aomó betereaalopa, kaae tawóló yãlo turu naase demó betae,” erapó.

44 Ti Depit-né a tetéroló kaae tare Tale-ó du betaleteimo, ama naalepó, fo neteró yaleé?” yalepó.

45 Téró, aimó betó mole so whi feané ama yó mótu betere fo wosetu betepatei, Yesu aãa yó matere whirape daalepaae fetée fóló duraalu, “Moses-né asere fo yó matere whirapené

dere alané diã doraqsóro mo wisiyóló kaae tawae.

⁴⁶ Ti atimata, so whi feané doasi whi-ó yóló, dukiraterere kokomó so whi fea touraleta dere tikipaae faairaalu, mo fõloi kuti wisimaaté deróló fua yóo, Kótóné fo wosetere be dolopaae fukélé, mo wisi tikimótóro betaai hẽkese dua yóo, ɔla detere sukamókélé, topo whirape bitua betere tikimó, betaai ekele yóo, dua dapó.

⁴⁷ Téturaalu, kale wulia sorapekélé dilikóló atimané ɔla ɔla fea ɔlémi sóo, moma duraalukélé, so whiné dukiraterere kokomó fõlo s̄iyóló yóo, dua dapó. Take kemetere sukamó atetere whirapené saaire kwiata, mepaae so whiné saaire seke bosenóló, mo doasi saalo ai ape,” yalepó.

21

Wulia soné moni ke derale wale fo

(Mak 12:41-44)

¹ Téró Yesu a momatere bemó bitu kaae taremó, mepaae néli whiné Kótópaae hãle matere *moni* deratere dolopaae dekéro deraleta du betalepó.

² Atétepa kelalemó, beta yoleale wulia sonékélé sonaai *moni* ke belekamale tamo derale walepó.

³ Atétepa ama duraalu, “Yalo diãpaae mo i dere ape. I yolealere wulia soné derale *moni* kené so whi feané derale *moni* taaróló, mo bosene falapó.

⁴ Ti noatepae, so whi feanéta doakale *moni* mupatei, téti maaté deraleta yalepó. Téyaletei i wulia sonéta, ama depe dolo sesé mole *moni* ketei, mo ti kemeróló derale walepó,” yalepó.

Saró haetamo kemeyai deremó eratere fareyópu

(Mat 24:1-35, Mak 13:1-31)

⁵ Téró, mepaae ama yóo matere whirape atima furaalu, “Mepaae so whiné Kótópaae hãle matere ɔla ɔlaró kapo fake wisitamóné momatere be wisinaale teyale tikimó kokoné sininó beterepa kelae,” yalepó.

⁶ Tétepa, Yesuné atimapaee duraalu, “Diaaɔ mió i keletere ɔla ɔla feata, take waaire sukamó me kapotamo atéro wolekepa kelaalomeitei, fea fisikó fóló, haemó kolokó doropóló mupa kelaalo ai ape,” yalepó.

⁷ Ti fo depa atimané apaae woseturaalu, “Yó matere whi-ó, ai alarape-a noa sukamó yaaloé? Noa kaae fareyópu eratepa, kolóló kiswa muaaloé?” yalepó.

⁸ Ai fo depa Yesuné duraalu, “Mepaae whiné kapala fo yóló diã dilikaqsóro, mo hotowa yóló kaae tawae. Ti noatepae, mepaae dilikitere whirape wouraalu yalo doi yóló, ‘Kale waalopó du betere whi ẽtórótípó. Ali mió felekemó walapó,’ depa mo nisyóló sya faose.

⁹ Doasi bóe dele alaró mepaae whirape atimané hae tiki atimatei teteróló

kaae tawaairaaalu, *Gavman* wh̄itamo b́oe du betera_pó dere fo wosóló wiyaqse. Ti noatepae, folosóró ai alarape mo yaalotei, kemeyaaire ali folo sókó waalomeipó,” yalepó.

10 Téro atimapaee duraalu, “Me hae kwiamó betó mole so wh̄iró me hae kwiamó betó mole so wh̄itamo b́oe dóo, me hae kwia teteróló kaae tare topo wh̄iraperó me hae kwia teteróló kaae tare topo wh̄irapetamo b́oe dóo, yaalo ai ape.

11 Atéturaalu, hae kwia feamó doakale bao dere alakélé, doasi sek̄ei alakélé, wotetere aliró hepo alitamokélé waalopó. Téturaalu, so wh̄i mo doa winé sinóló diri furu furu yaaire alaró me ala yaairemó dere fareyóputamo samó eratepa, diaaq ke-laalopó.

12 Ai alarape yaaitai folosóró, mepaae wh̄iné diā dóló susupuróló, fo wosetere berapepaae dapesó fóló, *dipula* beteraalo ai ape. Atéró, diā doasi topo wh̄iraperó *Gavman* wh̄irapetamo beterepaae dapesó faalopó. Diā yaalo ala erótu beterepaae b́oe duraalu ai alarape yaalopó.

13 Atétere alané yaalo yó melale alarape atimané keletómó yó melópóló, diā t̄e ai mulatere ape.

14 Atimané diā só deraaairaaalu, fotok̄oiné depa diā noa fo yaaloé, yóló whaalia yaqse.

15 Ti noatepae, ai ala dere-tamo yaalo diāpaae kisipa tiki dotoróę fole alaró atimané dere fo tokó melaaire fotamo yó melaalo ai ape. Diāné ai fo depa woseturaalu, diā só deraaitere wh̄irape folópu kolokó fóló, mo bet̄a wh̄inékélé me tokó matere alakélé yaalomeipó.

16 Diaaq hae aya ó no-rape ó fake wh̄irape ó fulumu wh̄irapenékélé, diā dópóló eleké deyaalo ai ape. Téturaalu, diā mepaae wh̄irape atimané mo ti dóló sukunaalopó.

17 Atétu, so wh̄i mo feané diātamo b́oe dóló, diā h́oraalo ai ape. Ti atétere alata, atimané ę h́orótu diākélé ai h́oratere ape.

18 Téyaalotei, diaaq topo niki mo bet̄akókélé aluyaalo meipó.

19 Diā mo ti betaaire bete saairaaalu, mo diriyóló betae.

20 Diaaq keleralemó, Jerusalem be hulua b́oe wh̄irapené bopéró betepa kilituraalu, kale be hulua mió mo felekemó dóló wópu mullaai dapóló, kisipa muae.

21 Atétere sukamó, Judia hae kwiamó betó mole so wh̄i diā ti du sorokó molepaae botokó f́oo, mepaae doasi be hulua tuamó betó mole so wh̄i diā ai be hulua taaróló f́oo, mepaae ai hae kwiamó betóló fale so wh̄ikélé ai doasi be hulua tuāpaae faqsóró yae.

22 Ti atétere alimó yaaire alata h̄ale meipó. I haemó betóló fale so wh̄iné

yale alamó Kótóné kwia móturaalu, doasi sekei ala eraalopóló, ašemó ere fo dokonóturaalu, mo eraalo ape.

²³ Ti aita, Kótóné i hae kwia feamó betó mole so whítamo doasi fopaae buturaalu, só ai deratere ape. Atétere be demó mepaae naale ere soraperó, naale teó awa nuku betere sorapetamo beta kpleó, mo doasi sekei ala saalo ai ape.

²⁴ Téturaalu, atima mepaae ti bóe dele sepakené dóló kemeróo, mepaae so whi ti hae kwia feapaae *dipula* sóró dapo dapo yoo, yaalopó. Tétu, Jerusalem be mo ti doróló torokó faróló, Juda meire fake atimané tetéroló kaae taté fóló, Kótóné dale muló betere kwiamó sókó fupa, ti kemeyaalo ai ape.

²⁵ Atéturaalu, samó daale sukanékélé, hqerapenékélé, wéliénékélé, kae kae alarape depa kolóo, doasi wei kela whaau yóló holóo yaalopó. Atétere ala i hae kwia feamó betó mole so whiné kilitu, noa ala du derópóló hosaa wei wei yóló wiyaalopó.

²⁶ I hae kwia feamó betó mole so whiné ó sa wore duraalu, hqerape torokó dorowale kilitu, i haemó noa ala du derópóló, doasi winé sukhalopó. Tétu, diri furu furu yóló be fesaaetamo du dere kaae yaalo ai ape.

²⁷ Ai alarape yóló keme-tepa, kale Whiné Naalema ó sako dolomó doasi bole fotokró mo kae ere de

wisinaaletamo hakeamó wapa kelaalopó.

²⁸ Ai alarape kaae sóró depa kilitu, aluyaqsóró Kótóné ama dupure so whi mo felekemó dape-sene walapóló kisipa mutu, haítamo turukó holóló daae muae.

²⁹ Atéro, ama atimapaae i fo sale yalepó. Ti daale ni nosero mepaae nirapeta-moné ere ala diaaq kolóló kisipa muae?

³⁰ Nirape sóku fóló, tokó momó beletépa kilituraalu, kale ba fo ali mió mo felekemó ai sókó wale ape dua dapó.

³¹ Atei alarape kaae depa diaaq kilitu, Kótóné tetéroló kaae tare ala mió mo felekemó walapóló kisipa muae.

³² Yalo diapaae mo i dere ape. Mió i alimó betó mole so whi sukuni hale betepatei, i alarape folosóró yaalo ai ape.

³³ Sáro i haetamo kemeyaalotei, yalo fo beta mo kemekélé ini, hale muó tawaalopó.

³⁴ Diá wei nóló topo dotere alané diaaq tiki ó naao dere ala hale ɔla kaae taae fatereteikélé, ó i haemó whaaliatu betere alakélé, diané hosaa tuamó sekené sinitere alakélé du betépa, i be de sókó wouraalu ya hemó duku dere kaae yaqsóró, mo hotowaró kaae tawae.

³⁵ Ti noatepae, ai yaaire alarapeta, i hae kwiamó betó mole so whi mo feapaae waalo ai ape.

³⁶ Kale Whinė Naalema betere tikimó diákélé betaalopó. Téyaalopa, ai alarapené diá só deraqsóró, betere dokọ fea hotowayóló kaae taru, momatere ala yó tawae,” yalepó.

³⁷ Atéro, Yesu ą suka fea ai momatere bemó Talené ala etérapóló yó melóló, be kuluka deretamo ą *Olip* du sorokó molepaae fini fi wu-atu betalepó.

³⁸ Atei ala du betepa, so whı fea mo hıkatitei turukó holóló Yesuné momatere bemó yó mótu betere fo wosaai wua yalepó.

22

Judas-né Yesu eleké deale fo

(*Mat 26:1-5, 14-16, Mak 14:1-2, 10-11, Jon 11:45-53*)

¹ Kale bosene fele be de kısıpa mutu, fopei *bred* o deyóló nokole be de felekemó sókó waai depa etéyalepó.

² So whımó momaratere topo whırapero Mosesné asere fo yó matere whırapetamo so whinė kapo duné siróló daqsóró witu-raalu, Yesu kiki daaire tu kekıtu betalepó.

³ Téro, atıma 12 yó matere whırapekó betı whinė doi Judas Iskariot tuapaae dowi Satan bitı walepó.

⁴ Tétepa kale Judas ą fóló, mo so whımó momaratere topo whırapero momatere be kaae tare diki tare whırapené topo whırapetamo betó molepaae felepó. Téro Yesu dópóló netéro eleké

deyaaloé? yóló, fo dokaai felepó.

⁵ Atéro, fo dokóló keme-tepa, həkese duraalu *moniné* ą dupuyaalopó, yóló mulalepó.

⁶ Atéro, Judas-né wisirapó depa, so whı touróló bitinitere sukamó Yesu dópóló naase tuapaae mulaaire tu kekıtu betalepó.

Yesu ama yó matere whırapetamo siki bemó bitu ęla nale fo

(*Mat 26:17-30, Mak 14:12-26, Jon 13:21-30, 1Korın 11:23-25*)

⁷ Kale bosene fele be de kısıpa mutu, fopei *bred* o deyóló nokole be demó betı *sıpsıp* hupu male dóló, Talepaae simó sukılaa daróló melaaire be de sókó walepó.

⁸ Téro, Yesuné Pıtaro Jontamo dotonaai duraalu, “Diaamo fóló, kale bosene fele be demó deyóló naaire ęlakó taleyóló mulaaı fae,” yalepó.

⁹ Ti fo depa atımaamoné apaae woseturaalu, “Naao kısıpané ai ęla-a, damoné momó taleyóló mulópóló de?” yalepó.

¹⁰ Ai fo depa ama duraalu, “Diaamo ai be hulua tuamó sókó fełalemó, whı betı weı wuti beleyóló tumó diaamotamo hokolaa yaalo ai ape. Téyaalopa ą sya fóló, fole be dolopaae diaamokélé buó deyae.

¹¹ Téro, ai be talepaae etei fo yae. Yó matere whinė yapaae duraalu, ‘Yalo

yó matere wh̄irapetamo bosene fele be demó, ɔla deyóló naaire be kekó momó donoróló muló betere?" yóló, wosae yalepó," yalepó.

12 Aténalemó, ama di-aamopaae óté taoró doasi be ke yó melaalo ai ape. Ai be ke dolomó betaaire ni fake ó mepaae ɔla ɔlakélé fea sumó donoróló muló betepa kelaalo ai ape.

13 Atétepa atimaamo fóló kelalemó, Yesuné yale fo motóró epa kelalepó. Atéro bituraalu, kale bosene fele be demó atimané deyóló naaire ɔla aimó donoróló mulalepó.

14 Atéro, kale ɔla naaire suka kele sókó wapa, Yesuné yale fotóró mo epa kelalepó. Atéro *aposel* wh̄irapetamo ɔla nokole ni fake tómó bop-eró bitu ɔla nuku beterepó.

15 Atéru, ama atimapaae duraalu, "E doasi seke saaire ala feleke depa, kale bosene fele be demó detere ɔla da betamó nokoletiné e mo doasi hekesese dapó.

16 Ti ɔalo diapaae i dere ape. I bosene fele be demó detere ɔla e néli haɓe bitiré fóló, Kótóné teɓeróló kaae tare aomó mió i ɔla detere ala bete dokonatepa, ti momó naalo ai ape," yalepó.

17 Atéro, Yesuné *kap* wuti sóró taru, Tale Kótópaae mo kée yalepó. Atéro mótu, Yesuné atimapaae duraalu, "I matere weɓi tao sóró, diɓ fea nósu deté fóló, kemerae.

18 Ti ɔalo diapaae mo i dere ape. Mió i nokole *wain* képi weɓi momó kaae

néli haɓe bitiré fóló, Tale Kótóné teɓeróló kaae tare ala sókó wale sukamó momó naalopó," yalepó.

19 Téró, ama *bred* o bula tao sóró Kótópaae mo kée yóló, terekée daalu yóló anirótu duraalu, "Ita, ɔalo tiki diamó i matere ape. Térapa, diané e kisipa muóló nukulé fu betae," yalepó.

20 Atéro, atima ɔla nóló kemetepa, kale yale kaae weɓi wuti tao sóró taru duraalu, "I *wain* weɓita, Kótóné ama so wh̄i tao saalopóló, kisi yóló mulale fo diriróturaalu, diɓ tao saai sunée farale ɔalo sameapó.

21 Téretei, i ni fake tómó eɓtamo betamó ɔla nuku betere wh̄inétei, e dópóló eleké deyaalopó.

22 Téyaalotei, Wh̄iné Naalema i ala yópólópó yóló, Kótóné tukóló muló betere fo mo dokonóturaalu eraalo ai ape. Téyaalotei, Wh̄iné Naalema dópóló eleké deyaaire wh̄i betɓ mo doasi sekeɓi ala saaireteiné kɔlerapó," yalepó.

23 Ti fo depa, ai ala-a né yaai dée yóló, atimasisitei u wosene i wosene du betalepó.

24 Atéro kale dere kaae, ama yó matere wh̄irape atimasisi doasi topo wh̄i-a, de betaai dée yóló fonétei alale su betalepó.

25 Tétepa Yesuné atimapaae duraalu, "Kale Juda meire fake teɓeróló kaae tare topo wh̄irapenémo so wh̄i teɓeróló kaae tanópóló, sóró beteró

betere wh̄rapeta doasi néli wh̄i bitu, so wh̄i fea tao sóró wisi ala erótu betere wh̄irapépó dua dapó.

²⁶ Tépatei, dīa ateí kaae ala ini, dīa tuámótamo doasi topo wh̄i betepa, ti mo ketei kaae betóo, dīa t̄eteróló kaae tare topo wh̄i ti kutó diratere wh̄i kaae betóo yae.

²⁷ Ti noatepae, ɔla deyóló nokole sukamó doasi doi mole wh̄irapené noa ala dua de? Ti atima doasi wh̄irape ni fake tómó bitu, ɔla maaté nuku beterepé, kutó diratere wh̄i kaae bitu, ɔla biliyóló maleta dua de? Meipó. Ai doasi doi mole wh̄irape atima ai ala dumi, ni fake tómó bituraalu, ɔla maaté nukua dapó. Tépatei, ɛta dīa feané kutó diratere wh̄i kaae beterapó.

²⁸ Dīata, ɛpaae sekei ala wou betepatei ɛ taaróló botokó feni, ɛtamo betámó bitiré walepó.

²⁹ So wh̄i t̄eteróló kaae tanópóló ɔalo Ayané ɛ sóró beterótu yale kaae, ɔalokélé dīa so wh̄i t̄eteróló kaae tanópóló, sóró beteratapó.

³⁰ Até dapa, ɔalo t̄eteróló kaae tare ala tuámó ni fake tómó bitu, ɔla nóló, w̄ei nóló du betaalopó. Atéturaalu, doasi topo wh̄i betere tikimó bitu, 12 Israel fakerapetamo diaaɔ fo tokóló tale yaasepóló, sóró beteratapó.

Pitané yaaire alamó Yesuné yale fo

(*Mat 26:31-35, Mak 14:27-31, Jon 13:36-38*)

³¹ Saimon, Saimon-ó, ɔalo ɔapaae i dere fo wosae. Mepaae so wh̄iné *wh̄it* ke buléró kelaai fumi sukutu dere kaae, ɔa tuámó noa alakó muléró k̄aae ke-laairaalu, Satan-né ɔapaae wosene walepó.

³² Téyaleteti Saimon-ó, naao kisiipa tiki tiró betere ala taaróló haepaae derepaqsóró, ɔalo ɔamó momaralepó. Naao kisiipa tiki feteyóló, ɔa ɛ beterepaae momó wapata, ti naao norape tao sóró fotokɔ bu-laasepé," yalepó.

³³ Tétepa Pitané ɔpaae duraalu, "Tale-ó, ɔa *dipula* beteratepa ti ɛkélé wusuró beteroo, sukutepakélé ti wusurótóró sukɔo enérápó," yalepó.

³⁴ Ai fo depa Yesuné duraalu, "Pita-ó, ɔalo ɔapaae i dere ape. Mió i be demó w̄a *kakaruk* bané hale yaaipatei, naao ɛ kisiipanipó fo sore félimó yaalo ai ape," yalepó.

³⁵ Téró, Yesuné atimapaee woseturaalu, "ɔalo dīa dotonale sukamó *moni* butere be ó h̄leke be ó me ɔlakélé sóró fae ini, hale f̄ópóló dot̄eyalepó. Téyaleteti, dīa me ɔlakó mei yaleé?" depa atimané duraalu, "Meipó," yalepó.

³⁶ Ai fo depa, ama atimapaee duraalu, "Mió diaaɔ *moni* detere be mupa sóo, yokélé sóo yae. Bóe dele sepakekótamo munipa, ti diaaɔ tómó deró betere kuti sokóló, me wh̄itamó dotonóló sepake betákó dupuyae.

37 Ti noatepae, i fo aseýóló muló beterapó. Dowi ala dere wh̄rape dos̄aturaalu, ʔkélé touróló dos̄ayalepó. Ȳalo dīapaae i dere ape. Ai ere fo dokonóturaalu ɛpaae mo eraalopó. Mo dapó. ɛmó kisipa muturaalu, Kótóné k̄óló wh̄rapené asēmó ere forape fea dokonóló ɛpaae motóró eraalo ai ape,” yalepó.

38 Téró, ama yó matere wh̄rapené ʔpaae duraalu, “Tale-ó, ɗané bóe dele sepake tamo i tarapa kelere?” depa, ama duraalu, “Ai s̄upó,” yalepó.

Yesu Olip dumó daalu moma yale fo

(*Mat 26:36-46, Mak 14:32-42*)

39 Atéró, Yesu ʔ belapaae sókó doropóló ama dua dere kaae, *Olip* du soko-repaae fupa, ama yó matere wh̄rapekélé, ʔ sya felepó.

40 Atéró, aimó sókó fóló, ama atimapaae duraalu, “S̄u sere alané dīa dowi alamó dée nalāsórópa, Talepaae momatu betae,” yalepó.

41 Atéró, ʔ atima daale tiki sawa taaróló fóló, bukutiri teȳaró bituraalu momayalepó.

42 Ama i moma yalepó. “Aya-ó, naao kisipané ɛpaae i waaire sekei ala wāsóró sesé yaai depa ti té yae. Ȳalo kisipané enére ala yaalomeipa, naao yaai kisipa mole ala bet̄a erae,” yalepó.

43 Atétepa, ó hepen bemó betere *ensel* bet̄a dorowóló ʔ tao sóró fotok̄o bulalepó.

44 Atéró, Yesuné ama hosaa tūamó mo doa sekené sinitepa, Alimapaae mo fotok̄o moma yalepó. Atéturaalu, ama tikimó fosono doasi ɓake kaae dorowóló, haepaae fu betalepó.

45 Atéró momayóló keme-tepa, ʔ turukó holóló ama yó matere wh̄rape beterepaae momó fesaae fóló kelalemó, atima dekené sukuturaalu fotok̄okélé meiyóló, noke foposaa yó molepó.

46 Atépa ama atimapaae duraalu, “Dīa noatepa, noke foposaa yó mule? S̄u sere alané dīa ʔlisóró fóló, dowi alapaae só derāsóró, turukó holóló Talepaae momatu betae,” yalepó.

Judas-né Yesu bóe wh̄iné naase tūpaae mulale fo

(*Mat 26:47-56, Mak 14:43-50, Jon 18:3-11*)

47 Ama fo kemeni h̄ale du betepatei, so wh̄i mo h̄ale ɓa kaae walepó. Kale yó matepa wosetere 12 wh̄rapekó bet̄a wh̄i Judas-né Yesu k̄óló tukó naai, ʔ daale felekepaae walepó.

48 Téyaletei, Yesuné ʔpaae duraalu, “Judas-ó, kale Wh̄iné Naalema d̄ópóló, eleké deyóló k̄óló tukó naai wou de?” yalepó.

49 Até yaaire ala, Yesuné ama yó matere wh̄rapené kolóló ʔpaae duraalu, “Tale-ó, ɗané i tare sepakerapené deyaróe?” yalepó.

50 Téro, atimakó betā whinə mo so whimó momaratere doasi topo whinə kutó diratere whinə tururó woséli şaae deralepó.

51 Tétepa Yesuné duraalu, “Ai ala me momókó yaqse!” yalepó. Atéro, Yesuné kale whinə woséli ama ere kaae eralepó.

52 Téro, Yesuné mo so whimó momaratere doasi topo whirapekélé, momatere be kaae tare whirapené topo whirapekélé, whi disirapekélé fea woló, ą tawaai boperóló daae molepó. Atépa ama duraalu, “Diaaą ęta, i hae kwia ęteróló kaae tare doasi topo whirapené kaae tare alarape fasó saai, bóe daai ąlisóró fole whipóló, sepakeró nópulutamo tao diliki yóló, ę tawaai wou de?”

53 Take ę diątamo momatere be tuąmó bitua yaletei, diaaą ę daai tanipó. Ténitei, mióta, dilikire alané ęteróló kaae tapa, diaaą yaaitere ala yópóló, tukóló muló betere sukakelemó dapó,” yalepó.

Pitané Yesu tuęnipó yale fo (Mat 26:57-58, 69-75, Mak 14:53-54, 66-72, Jon 18:12-18, 25-27)

54 Téro, atimané ą tawóló so whimó momaratere topo whinə bepaae dapesó felepó. Atétepa, Pitakélé Yesu sya nalo taaeta deté fu betalepó.

55 Téyaletei, ai momatere be bolaare dopóku tuą dolomó si noke yóló, atima fea simó boperóló betó mupa, Pitakélé atimatamo beterepó.

56 Atéro ą simó beteremó, kutó diratere so seimale betané kolóló, mo ti kikéyóló kaae taru duraalu, “I sekęta, Yesutamo betámó kwęale whikópó,” yalepó.

57 Ai fo depa Pitané duraalu, “Ti senaale-ó, naao ai bope dere whıta ę mo tuękélé inipó,” yalepó.

58 Atéro sawa beteró, whi me kaené ą kolóló duraalu, “Yąkélé atimatamo kwęale whikóe?” depa, Pitané duraalu, “Ai whıta ę meipó,” yalepó.

59 Atéro, suka kele betā kemetepa kale dere kaae, whi menémo duraalu, “I sekęta, Yesutamo betámó kwęale whikó irurapó. Ti ąkélé Kaleli whıtóró mo hitipó,” yalepó.

60 Ti fo depa, Pitané duraalu, “Diaaą ai bope dere whıta, demó déró ę tuęnipó,” yalepó. Ai fo deretamotóró wą *kakaruk* bané hale deremó, ama du betale fo tukó felepó.

61 Tétepa, Tale ą Pita daalepaae fetée wóló, kelené kikéyóló kaae tawalepó. Até deremó, take Talené Pita ąpaae *kakaruk* bané hale sore félimó yaaipatei, naao ę kisipanipó yaalopó yale fo kisipa muni walepó.

62 Atétepa, Pita ą belapaae sókó doropóló, mo doa deķené sini wole du betalepó.

Diki tare whirapené Yesu faleyale fo

(Mat 26:67-68, Mak 14:65)

63 Atéro, Yesu botokó faqsóró, kaae tare whirapené

à doka doka duraalu faletere forape yóló deleta du be-talepó.

⁶⁴ Atéro, ama kelepaa atimané kutiné kinóló dokóló apaae woseturaalu, “Yà né daleé? Yà dale whì dapaae yó àlae,” yalepó.

⁶⁵ Atéro, atimané à faleyóló kae kae dowi forape du be-talepó.

Pailat-ró Herot-tamoné Yesutamo fo tekale fo

(Mat 26:59-66, Mak 14:55-64, Jon 18:19-24)

⁶⁶ Atéro, be teó dețeretamo fo tokóló tale yópóló betero betere whì disirapekélé, mo so whimó momaratere doasi topo whirapekélé, Moses-né asere fo yó matere whirapekélé, fea betapaae tourale walepó. Atéro touró bitu, Yesu fo tokóló taleyópóló tale dere whirape beterepaae dapesó felepó.

⁶⁷ Atéro atimané duraalu, “Yàta, Kótóné so whì țeteróló kaae tare whì Kerisopata, ti dapaae yó àlae,” yalepó. Ai fo depa, Yesuné duraalu, “Yalo diapaae depa diaağ epaae kisipa tiki tiraalomeipó.

⁶⁸ Yalo diapaae mepaae fo wosenaalemókélé, diaağ tokó melaalomeipó.

⁶⁹ Tereței, mo miótóró kaae sóró kale Whiné Naalema mo doasi fotokọ bole Kótóné turu naase tuamó betaalo ai ape,” yalepó.

⁷⁰ Ai fo depa, atima mo feané apaae woseturaalu, “Ti yàta, Kótóné Naalemaé?” depa ama duraalu, “Me kae

mei, diaağ mo dono ai dere ape,” yalepó.

⁷¹ Ti fo depa, atimané duraalu, “Me kae noa fokómo depa, wosaai de? Fo feata, ama kólómótóró sókó wapa đané ai wosale ape,” yalepó.

23

Yesu Pailat-né keletómó fo tokóló, filipaa ni tómó olerae yale fo

(Mat 27:1-2, 11-26, Mak 15:1-15, Jon 18:28-19:16)

¹ Téro, atima aimó betó mole whì mo fea turukó horóló, Yesu Pailat beterepaae dapesó felepó.

² Atéro, atimané à faleyóló só derótu duraalu, “Ai whinéta, so whì feané Sisapaae *takis moni* melağsóró sesé yóló, so whì kọpaae alisóró fu beterapó. Tétu, amatei àta so whì țeteróló kae tare topo whì Kerisopó du betere alané đané țeteróló kaae tare alarape fea dorótu beterapó,” yalepó.

³ Atétepa, Pailat-né Yesupaae woseturaalu, “Yàta, Juda fake so whì țeteróló kaae tare topo whìé?” depa, Yesuné duraalu, “Épó. Naaotóró dono ai dere ape,” yalepó.

⁴ Téro, Pailat-né Talepaae momaratere topo whiraperó so whì featamopaae duraalu, “I whì yalo kaae kelalemó, fo tokóló à só deraaire bete mekélé mupa kilinipó,” yalepó.

⁵ Tétepa, atimané fo fakeyóló deterainé duraalu,

“Ai whjné Judia hae kwiamó betó mole so whjpaae yó matere fo wosetu, fo tiki whaa deté fu betalepó. Ama Kaleli hae kwiamó kaae sóró yó maté wóló, mió ipaae ai sókó wale ape,” yalepó.

⁶ Ai dere fo wosóló, Pailat-né atimapaee woseturaalu, “Aṭa, Kaleli whjé?” yalepó.

⁷ Ai fo depa, atimané duraalu, “Ai whjta, Herot-né teteróló kaae tare hae kwiamó betelepó,” yalepó. Atéyale sukamó Herot akélé ai Jerusalem be hluamó betepa, Pailat-né Yesu Herot beterepaae doteyalepó.

⁸ Téró, Yesu atéró sókó wapa kilituraalu, a mo hajné sinalepó. Ti noatepae, ama mepaae kelemei alarape erótu betelepó deté fole fo woseturaalu, Yesuné kelemei alakó eratepa kelenée yóló, kisipa mutu betaletinépó.

⁹ Atéró, kale Herot-né apaae kae kae forape woseté feletei, Yesuné fo betakélé tokó menipó.

¹⁰ Atétepa, so whjmó momaratere doasi topo whjraperó Moses-né asere fo yó matere whjrapetamoné a faleyóló só deratere fo du betalepó.

¹¹ Téró, kale Herot-ró ama diki tare whjrapetamoné a faleyóló duraalu, wisi wisi kuti deróló Pailat beterepaae momó fesaae fópóló dotonalepó.

¹² Upuléta, kale Herot-ró Pailat-tamo bóe dóló betaletei, mió i ala yale sukamó fulumu whj aleyóló

beterepó.

¹³ Atéró, kale Pailat-né so whjmó momaratere topo whjrapepaaekélé, so whj teteróló kaae tare topo whjrapepaaekélé, so whj feapaaekélé ape yalepó.

¹⁴ Atéró touró betepa, ama atimapaee duraalu, “Diaaḡ i whjta, take teteróló kaae tare doasi topo whjrapetamo bóe daai alisóró fole whjóló, e beterepaae dapesó wapa diaaḡ keletómó yaḡo a tuamó daaló bitu, me hasókó fele alakó muléro kekalemó meipó.

¹⁵ Herot-nékélé taleyalemó, dowi ala mekélé munipa, ama dapaae ai dotonale ape. I whj mo ti sukópóló dele alata, me noa ala itikimó daai de?

¹⁶ Térapa, yaḡo a fokosó sóró haḡe fópóló doteyaaai dapó,” yalepó.

¹⁸ Atimané mo betaḡ koló daae fóló fo fakeyóló duraalu, “Ai *dipula* betere whj Barabas daḡ beterepaae wópóló dotonóturaalu, i seké dóló alurae,” yalepó.

¹⁹ Ti noatepae, ai whj Barabas-ta *Gavman* whj betaai dapóló bóe dóló whj dupa, a *dipula* beteralepó.

²⁰ Pailat-né ama kisipanéta, Yesu haḡe fópóló dotonaaairaaalu, so whjpaae momó yalepó.

²¹ Téyaletei, atimané mo doa fo fakeyóló duraalu, “A filipaa ni tómó dóló olerae, a filipaa ni tómó olerae,” du betalepó.

22 Téro, ama sore dakoroló atimapaae duraalu, “I whjné noa dowi ala yalemó daaloé? I whj daaire bete me munipó. Téreteiné, yalo a dóló susupuróló, hãle fõpóló dotonaaí dapó,” yalepó.

23 Téyaletei, atimané fo fake dekéro yó taru, doasi seyóló duraalu, “A sukópóló filipaare ni tómó dóló olorae,” yóló, dere foné Pailat-né fokélé só deralepó.

24 Atétepa, Pailat-né kisi-paneitei taleyóló wisirapa téyae yóló, dotopoi fo du betere so whjpaae melalepó.

25 Atéro, ama whj beta dóo, teteróló kaae tare alamó topo whjrapetamo bóe dóo deremó, *dipula* beterae whj hãle fõpóló dotonae yalepó. Téro, Yesupaae atimané kisiipa mole ala erópóló, doasi diki tare whjrapené naase tuãpaae melalepó.

Yesu filipaa ni tómó olerale fo

(*Mat 27:32-44, Mak 15:21-32, Jon 19:17-27*)

26 Atéro atimané Yesu duóló sóró fu betalemó, Sairin be hulua whj kó Saimon ipu bemó biti doasi be huluapaae derepaai wou betepa tũ tuãmó hokolaa yalepó. Atéro a tawóló Yesu oleraaire filipaa ni beleróló, Yesuné sisómó fõpóló yalepó.

27 Atétepa, so whj mo feané a sya felepó. Atéro, sorape feané sya fu bitu kolené sinituraalu, mo dekené sukĩ wole fo deté wou betalepó.

28 Até deté wou betepa, Yesu fetée anóló duraalu, “Jerusalem senaalerape-ó, diaaõ ẽ wolekesé, diãsisitei wole yóló, diaaõ naale senaalekélé wole yae.

29 Ti noatepae, take waaire sukamó diaaõ etei fo yaalo ai ape. Mepaae sorape naale senaale deni, hãle ni daale sorapekélé, naale senaale meiyóló hãle betere sorapekélé, naale senaale awã menitere sorapekélé, hãiné sinóló ai betere ape.

30 ‘Ai sekei ala wale sukamó atimané i fo yaalopó. “I daae mole ulupaae dukó dorowóló ðã tẽirae,” yaalopó.

Du sorokó mole hae durapepaaekélé, kãae dorowóló ðã husurãle dere ape yaalopó, erapó.

31 Ti kisi daale nipaae atei ala depa, ti sélitere nipaae noa kaae sekei ala eraaloé?” yalepó.

32 Kale Rom *Gavman*-né yóló muló betere fo tukóló dowi ala yale whj tamokélé aãmó betãmó dóló oleraai dapesó walepó.

33 Atéro, atima sókó wale tikiné doita, whjné topo diripó doi mulapó. A sukópóló aimó atimané filipaa ni deyóló oleralepó. Atéro, me whj ama turu naase ðeró oleróo, me whj ama fẽ naase ðeró oleróo, yalepó.

34 Atéro Yesuné duraalu, “Aya-ó, ẽ dele whjrapené saaire dowi ala kwia naao

håle kemerae. Ti noatepae, atimané du betere alarape atima wisiyóló kisipanipó,” yalepó. Atéro, atimané ama kuti taleyóló saairaalu i ala yalepó. Ni fakerape tao sóró fesekée horótua yalemó, me whiné doi ó siri moletei sókó dorowapa, ai whinétóro sua yalepó.

35 Atéro kale so whi fea mo tumó kese ålu yóló daae molepó. Kale tetéroló kaae tare topo whirapené Yesu faletere fo yóló duraalu, “Mepaae whi aluyaqsóro ama mo wisiyóló tao sua yaletai, åtamo Kótóné sókó sóró, betéro betere whi Kerisopata, ti amatei å tao sópóló yae,” yalepó.

36 Atéro, kale doasi diki tare whirapekélé, å oleró betere tikipaae wóló daae muluraalu, faletu betalepó. Atéro, atimané åmó betå kålaa wale *finika wain wai* å nae yóló melalepó.

37 Atéro åpaae duraalu, “Yåtamo Juda so whiné doasi topo whipata, ti yå sinaqsóro naaotei tao sae,” eneta du betalepó.

38 Yesuné ama toporó betere mó oleró betere ase mó i fo erapó.

ITA, JUDA FAKE SO WHI
TETÉROLÓ KAAE TARE DOASI
TOPO WHIPÓ.

39 Téró, kale dowi ala du betepa dóló olerale whi tamokó betané å faleyóló duraalu, “Yå Kerisopata, ti naaotei yå taosu dåmokélé tao sae,” yalepó.

40 Téyaletai, me fakeró oleró betere whiné me whi foné sóró duraalu, “Dåmó sukutereteita, mo dånóné yale dowi alamó kwia tokó mótu dereteiné mo donorapó. Térètei i whita, me dowi alakélé meipatei, då fea betå ala yóló sinitapa, yå Kótópaae winié?

41 Ti noatepae, dånóta dånóné yale alamó i sinitere ape. Térètei i whita, dowi ala mo betåkéle inipatei, håle dóló oleró beterepó,” yalepó.

42 Téró ama duraalu, “Yesu-ó, yå naao tetéroló kaae tare be tuåpaae furaalu, å kisipa keteraåse,” yalepó.

43 Ti fo depa, Yesuné åpaae tokó mótu duraalu, “Yålo yåpaae mo i dere ape. Miótitei, yå åtamo mo kokóné sukí be wisinaalemó fóló betaalo ai ape,” yalepó.

Yesu sinale fo
(*Mat 27:45-56, Mak 15:33-41, Jon 19:28-30*)

44 Atéro suka tuåmó daapatei, hae kwia fea diki yalepó. Atéro dikipatei bitiré fóló, 3 kilok suka tó daane folepaae kemeyalepó.

45 Ti noatepae, sukané de sukåleteiné, diki yó tawalepó. Talepaae momaratere be satåleróló oleró betere kuti ama håletai tuåmótóro teketé doropóló, haepaae sókó deralepó.

46 Atétepa, Yesuné fo fakeyóló duraalu, “Aya-ó, yålo kepe bete naao kaae tawasepóló, yå tuåpaae i mulatere ape,” yalepó. Atéro

ama ai fo yóló kemetepa, ama fomo sókó fóló ʔ sukʔlepó.

⁴⁷ Atétepa, kale diki tare wh̄irapené topo wh̄iné ai yale ala kolóló, Kótóné doi hale sóró horótu duraalu, “Mo dapó, ita mo wh̄i wisi-naale ai sukʔirapó,” yalepó.

⁴⁸ Atéro, betʔapaae touró betere so wh̄iné kelale alarape atima bepaae momó fesaae furaalu, naao téyae yóló dekené sinité fu be-talepó.

⁴⁹ Téyaletai, mepaae ʔ kisi-pare wh̄iraperó ʔtamo Kaleli haemó betʔamó betóló wale sorapetamo atima mo tumó daae mulu, ai dere alarape kaae dilikiyóló yó molepó.

Yesu dourale fo

(*Mat 27:57-61, Mak 15:42-47, Jon 19:38-42*)

⁵⁰ Atéro ai Judia hae tuʔamó tene Arimatea be wh̄ikó Josep beterepó. ʔta, mo wh̄i wisinaale naameyóló dua betepa, Judia hae kwiamó betó mole so wh̄i ʔsókó fupa fo tokóló taleyópóló sóró betero betere wh̄ipó.

⁵¹ Ai sekénéta, mo wh̄iné dere alaró mo tikiné dere alatamomó ama mo wisirapó kisipa mutumipó. ʔta, Judia hae kwiamó tene Arimatea be huluamó walepó. Téru, ʔ Kótóné tetérolo kaae tare aomó mole ala wópóló kaae tawóló beterepó.

⁵² Atéro, kale wh̄i ʔ Yesuné tiki saaitapóló Pailat-paae wosene felepó.

⁵³ Téró, kale wh̄iné Yesuné tiki tokóló muló bituraalu,

mo deḡi kutiné bopeyóló wh̄i betʔakélé munénire kapo dolomó mulalepó.

⁵⁴ Atima ʔaa naai tukóló muló betere be deḡ dótóró sókó waai depa, ʔla ʔla donoróló mulatere be demó ai alarape yalepó.

⁵⁵ Atéro, mepaae Kaleli hae kwiamó Yesutamo wale sorape Josep-né Yesuné tiki mulai fupa, neyóló mulatéro kelaairaa, atima Josep sya felepó.

⁵⁶ Téró, atimané bepaae fóló kale felé kɛlaa wale fetera kaae ʔlaró felé kɛlaa wale *wel* wɛitamó taleyóló munalepó. Téyaletai, kale yóló muló betere fo tikinépa, Talepaae moma yaai dapóló tukóló munale sukamó ʔaa nólo betalepó.

24

Yesu kepaayóló fele fo

¹ Fula kaae sere be demó, mo hikati kale sorapené felé kɛlaa wale ʔlarape sisóló wh̄i mulale dou tópaee felepó.

² Atéro atima fóló kelalemó, wh̄i dou tu kinale kane fake biliyó faló beterepó.

³ Atépa, atima kane dolopaae buó deóló kelalemó, Tale Yesuné tiki munipó.

⁴ Atépa, neyʔalerópóló atima kisipa teketu beterepó, mo kasa kasai kuti deró betere wh̄i tamo atima daae mole uté deḡó sókó wóló daalepó.

⁵ Até deremó, kale sorape atima winé sinitu, kelepaa haepaae hemée deyóló betó molepó. Tépa, kale wh̄i

tamoné atimapaae duraalu, “Sukāle whī douró betere tikimó, betere whīné noatepa keketé kutu bitu de?”

⁶ Ti noatepae, a aimó muni kepaayóló falapó. Take diā Kaleli haemó bitu ama diāpaae yale fo diaaḡ kiswa munié?

⁷ ‘Whīné Naalema mepaae dowi ala dere whīrapené naase tuāpaae mulaalopó. Atétepa, atimané a filipaa ni tómó oleróló sukutepa, sore be demó ti a momó kepaayóló betaalopó,’ yalepó.

⁸ Téró, atimané ama yale fo mopóló kiswa yalepó.

⁹ Atéró, atima whī dou tópaee fi fesaae wóló atimané kelale alarape kale 11-whīraperó mepaae whīrapetamopaae yalepó.

¹⁰ Ai sorapeta, Maktala sokó Mariakélé, Joanakélé, Jems-né hama Mariakélé, mepaae sorapekélé, atima fea betó mulu, kelale alarape ama *aposel* whīrapepaae yalepó.

¹¹ Téyaletei, kale sorapené yale fo mo dapóló kiswa tirénipó. Ti noatepae, atimané kapala fo detere nisi yalepó.

¹² Téyaletei, Pita a mo hapale sururu yóló fóló, whī dou tómó sókó felepó. Atéró a dou dolopaae fóló kelalemó, ama tiki bopeyóló mulale dei *linen* kuti maaté demó mupa kelalepó. Atépa a momó bepaae fesaae furaalu, i noa ala yalerópóló kiswa tekété fu betalepó.

Emeas bepaae fole tu tuamó yale fo

¹³ Atéyale sukamótóró atimakó whī tamo Emeas bepaae faai tu tuamó fu betalepó. Ai Emeas be taaróló Jerusalem be huluapaae fole daleta, 11 *kilomitapó*.

¹⁴ Atimaamo tumó fu bituraalu, kale yale alarape fea suraté fu beterepó.

¹⁵ Atimaamo até deté fu betepa, Yesu tu tuamó sókó wóló, atima fea betamó fu betalepó.

¹⁶ Até yaletei, atimaamoné Yesupóló kiswa yaḡsóró, me ḡlané atimaamoné kele seraaralepó.

¹⁷ Atéró fu bitu, Yesuné atimaamopaae woseturaalu, “Diaamo ai-a noa fo deté fu bitu de?” yalepó. Ti fo depa, atimaamo fu betaletei, kelepaa humula yóló keiyóló daalepó.

¹⁸ Atimaamo fu betere me whī Kliipas-né āpaae duraalu, “I be demó yale alarape so whī feané kisi-parapa, yaḡta Jerusalem be huluapaae wale whīé?” yalepó.

¹⁹ Ai fo depa ama āpaae woseturaalu, “Noa alamó de?” yalepó. Ti fo depa atimaamoné duraalu, “Nasaret be hulua whīkó Yesupaae erale alamó dapó. Ti noatepae, aḡta Kótóné kóló whī bitu, ama dere foró dere alatamo Kótóné kele tómókélé, so whī feané kele tómókélé, mo doasi fotokḡtamo du betalepó.

20 Atéro so whimó mo-maratere topo whiraperó da tetteróló kaae tare whirapetamoné a sukópóló dae yóló, doasi *Gavman* whirapené naase tuapaae mulalepó. Atétepa, atimané a filipaa ni tómó sinópóló oleralepó.

21 Téyaleteti, Israel fake so whi dupuróló tao saaire whipóló kisipa mualepó. Ai maaté mei, ai ala yóló betepa be de tamo kemeyóló, soreratere be de ti mió i ape.

22 Ai fotei me ipó. Da betamó kotere sorape sore mo hikati kale whi dou tópaee fóló, mepaae kelale alarape depa wosetu da kilita yalepó.

23 Kale sorape fóló kelalemó ama tiki munipa, *ensel-rapené* Yesu kepaayóló beterapóló atimapaee yale fo fea dapaae ene walepó.

24 Téró, dané fulumu whirape atimakélé fóló kelalemó, kale sorapené ene wale ala motóró epa kelalepó. Téyaleteti, atimané a betá kilinipó,” yalepó.

25 Ama atimapaee duraalu, “Diaamota, take Kótóné ama kóló whirapené deté wale fo wosóló kisipani, ketei kaae kisipa tiki okokoru kutiri hapólu ai ererapó.

26 Kótóné so whi tetteróló kaae tanópóló, sóró beteró betere whi Keriso a doasi doi muaaire ala tuapaae sókó faairaalu, folosóró ai sekéi alarape salepó. Ai alata hasókó faalomei, mo yaalopó ere fo dokonóturaalu yalepó.

27 Mo take Moses-né asere fomó kaae sóró wóló, Kótóné kóló whirape feanékélé asere fo beteta, emótóró erapóló amatei hakearóló yó malepó,” yalepó.

28 Atimaamo fole bepaee felekemó sókó faai, tu aupalomó fu betalepó. Téyaleteti Yesu ata, ai be hulua boseneyóló saletópaae faai fole aq yalepó.

29 Atéro a fupatei, kale whi tamoné a keiróló duraalu, “Felekemó be diki yaai dapa, da imó fiyaalopa siépe,” Depa atima fea fiyaafelepó.

30 Atéro, a atimaamotamo ɔla naairaalu, ɔla nokole ni fake tómó beterepó. Atéro bitu, ama *bred* o bula betá tao sóró Alima Kótópaae mo kée yóló terekeyóló nópóló sóró malepó.

31 Téró, atimaamoné kele seraaretei fisaae furaalu, kale seké airapóló diriyóló kisipa yalepó. Téyaletamo atimaamoné kele alinameróló a aluyó deyalepó.

32 Tétepa, atimaamosisitei duraalu, “Da tumó wouraalu, asemó ere fo damopaae yó matepa, wosóló hosaamó si kaae dukuraalu mo feléné sukalepó,” yalepó.

33 Atétepa, mo ai fapotóró atimaamo Jerusalem be huluapaae momó fesaafelepó. Téyalemó, mepaae 11-*apospel* whiraperó atimatamo betere so whirapetamo fea betapaae touró betepa kelalepó.

34 Atéru, atimané kale whi tamopaae duraalu, “Ai

mo dapó. Tale kepaayóló furaalu, Saimon beterepaae wapa ama mo kelalepó,” yalepó.

³⁵ Téró, kale whi tamó tu tuamó wou bitu yale alaró *bred* o bula tekeyóló atimaamo matepa, a kisipa yale alatamo atimapaee yalepó.

Yesu a ama yó matere whirapepaae yó male wale fo

³⁶ Atéro, ai fo du betepa Yesu atima betó mole tuamó sókó wóló atimapaee duraalu, “Hosaa muni deyóló mo dua betere ala diā tuamó mulópóló yae,” yalepó.

³⁷ Atei fo deremó, atima kisipané kepené dere nisi yóló kilita sókó furaalu, winé sinalepó.

³⁸ Atétepa, ama atimapaee duraalu, “Diā wituraalu kisipa tamó muóló, hosaa noatepa weitu bitu de?”

³⁹ Ẽtóró mo hītipa, yało naaseró hótamo diaaọ kelae. Ti noatepae, kepeta miró diritamó bunipa, e ai ala erémóló olaa yae,” yalepó.

⁴⁰ Ama ai fo yóló keme-tepa, atimapaee ama naaseró hótamo yó melalepó.

⁴¹ Téyaletēi, atétere ala kilituraalu, hekesetere alaró, siratere alatamo atima tuamó mualetēi, aṭa Yesupóló kisipa tirénipó. Atétepa atimapaee woseturaalu, “Diā imó bitu, naaitere ọlakó mule?” yalepó.

⁴²⁻⁴³ Tétepa, atimané simó biliyale ya kwia a matepa

tao sóró, atimané kaae tapa nalepó.

⁴⁴ Atéro ama atimapaee duraalu, “Moses-né asere fokélé, Kótóné kọlọ whirapené ere fokélé, Sam buk-mókélé, emótóró kisipa mutu ere fo fea dokonóturaalu mo eraalopóló e diātamo betamó bitu ai yale ape,” yalepó.

⁴⁵ Kótóné ašemó ere fo fea kisipa yópóló, ama atima kisipa wisi mulalepó.

⁴⁶ Atéro ama atimapaee duraalu, “Kale ašemó ere fo i ape. Kótóné ama so whi fea teteróló kaae tanópóló, sóró betero betere whi Kerisota, doakale sekei alaró susupui alatamo sóró mo ti sinaalotei, tamó be de kemeyóló sore be demó a momó kepaayaalopó.

⁴⁷ Jerusalem be hulu-amó kaae sóró hae kwia feamó betó mole so whipaae yało doimó i fo yó maté kweyaalopó. Diaaọ dere dowi ala taaróló kisipa feteyóló wapa, ti diaaọ dowi ala kwia yało hale kemer-aalopó.

⁴⁸ I alarape depa kelalepóló so whipaae yó melaaire whirapeta, ti diātóró ai ape.

⁴⁹ Take yało Ayané diā melaalopóló mulale ọla yało diāpaae dotonaaai kisipa mutapó. Téyaalopa, diā ai be huluamó bitiré fóló, mo óté taoró mole doasi fotokone diā kuti kaae bukurale dorowópóló, kaae tawae,” yalepó.

Yesu i hae taaróló ó sapaee dapesó holale fo

⁵⁰ Téró atima wópóló, ąpi folosóró Betani be huluapaae felepó. Téró, ama naase horóló fonétei atima wisir-alepó.

⁵¹ Atéró, atima wisiraterere fo du betepatei taaróló, Ali-mané ą hepen-paae dapesó holalepó.

⁵² Téró, atima bukutiri teąró bitu, Doa Tale-ó, yóló ama doi sóró horaté heęketamo Jerusalem be huluapaae momó fesaae felepó.

⁵³ Atéró, atima momatere bemó bitu, Kótóné doi hale sóró horatere ala suka fea deté fu betalepó.

Jon

Kale mo fo whi alée feletei

¹ Mo take ɔla ɔla fea keké nale alimó, kale fo hãle bitipakalepó. Ai fota, Kótó ɔtamo betamó bitipakalepó. Ai fo mo Kótó ɔtórótípó.

² Ai kale fota, mo take keké nale alimóte, Kótótamo betamó bitipakalepó.

³ Aleyóló muló betere ɔla ɔla mo fea Kótóné ɔpaae naao aleyae depa, amatóro kaarélipakalepó. Ere ó mole ɔla ɔla fea hãle kaani, amatóro kaaró betera-pó.

⁴ A tuamó betere bete molepó. Ai betere betené so whi fea demó betera-pó, derótu betalepó.

⁵ Ai dené diliki tuapaae derótu betereitei, dilikiné sukó faróló alurótimipó.

⁶ Kótóné betá whi dotonatepa walepó. Ai whiné ama doita, Jon-pó.

⁷ Jon ɔ waleteita, so whi feané ai detere kilituraalu ɔpaae kisipa tiróló betera-pó, kale detere bete i ape yóló hãkearóló yó melaai walepó.

⁸ Ai deterené beteta Jon ɔ meitei, so whi feapaae detere bete ai ape yóló, yó melaai walepó.

⁹ I haemó betó mole so whi feapaae derótu betere mo de bete ɔ i haepaae sókó waairaaalu, teó wou betalepó.

¹⁰ A i haemó betó, i haeró yó mole ɔla ɔlatamo Kótóné

ɔpaae aleyae depa, amatóro kaaróo epatei i haemó betó mole so whiné kilitu, ɔ etei kaae Talepóló kisipanipó.

¹¹ Atéro, ɔ ama be whi so whi betere turuku bepaae walete, atimané ɔ kale whipóló wisiyóló dape sere ala inipó.

¹² Tépatei, mepaae so whi dené Yesu dape sóo, ɔ etei kaae whipóló ama yó matere fo wosóló, ɔpaae tué tiki tiróo, yale so whita, Kótóné mo ama naale senaaletóro betera-pó, sóro beteralepó.

¹³ Ai naale senaaleta, mo so whiné naale senaaletere kaae ó whiné tó tiki fotokóné ó so omané ama hãkesere alanékélé mei, Kótónétóro atima deyóló betera-pó.

¹⁴ Téró, kale fo mo whi alée fóló, da tuamó kapala kuti be teyóló bitu dere kaae asiri betalepó. Atépa, ɔ tuamó ere ala wisinaale dané kelalepó. Ai ere ala wisinaaleta, Alima Kótóné dotonale mo betá betere naale tuamó fanapó. Ai seké ɔ tuamóta, kɔletu hamokoróló hãle tao sere alaró mo fotamo turó bulapó.

¹⁵ Jon-né ai sekémó kisipa mutu fo fakeyóló duraalu, “Take yało diapaae noa fo yaleé? ‘Nalo yało kilipaae waaire whita ɛ kaae mei, ɛ yało haené deyaai, ɔ mo taketi betóo, ɛkélé tetaróló bosene fío, ere doa seké whi waalopóló bope du betaleteti ɔtóró ai ape,’ ” yalepó.

¹⁶ Ama kolené sukutu, hamokoróló hãle tao sere

ala wisi ʔ tuamó ʔanu, wɛi kaae feleyóló wapa dané mo dekéro su betalepó.

17 Ti noatepae, Kótóné kale tukóló muló betere forapeta, Moses-paae matepa, amamo so whipaae meló betera. Téyaletei, kolené sukutu hamokoróló hɛle tao sere alaró mo alatamota, ti Kótóné Yesu Kerisopaae matepa, amamo dapaae malepó.

18 Whi mo betané Kótó kolókélé initei, alimané hosaa tuamó betóló wale Naalené amatóro, Alima etei kaae ala ere Tale betera, dapaae hakearóló yó malepó.

Jon-né ama hó makemó dokore képi ama teraanénipó yale fo

(*Mat 3:1-12, Mak 1:7-8, Luk 3:15-17*)

19 Atéro etéyalepó. Jerusalem bemó betó mole Juda topo whirapené dotonale momaratere whiraperó Lipai fake whirapetamo Jon beterepaae fóló apaae, “Yá deé?” yóló wosalepó.

20 Atétepa, Jon-né atimapaee tokó melaaire fo hiréni, ʔ etei kaae whipóló hakearóló i fo yalepó. “Kótóné so whi fea tetérolo kaae tanópóló, sóro betero whi Keriso ʔ meipó,” yalepó.

21 Ai fo depa atimané apaae woseturaalu, “Ti ya Elaijapé deé?” depa, ama du meipó. Tétepa atimané du, “Ti yaata, take asemó ere foné waalopóló bope du betale Kótóné koló whié?” depa,

ama duraalu, “Ai whikélé ʔ meipó,” yalepó.

22 Tétepa, mo ti kemeróló atimané apaae duraalu, “Naa ya depó dute? Da doteyale whirapepaae ene faaipa, ya etei kaae whipóló dapaae hakearóló yae,” yalepó.

23 Ai fo depa, ama atimapaee tokó matere alata, mo take betale Kótóné koló whi Aisaiané asere fo yó mótu duraalu, “Whikélé bitini, hɛle kópu kaae fi tikimó wóló daalu fo fakeyóló,

‘Tale waaire tu donoyóló aleyae,’ fo maaté ene wale whita, ti ʔ i ape,” yalepó.

24-25 Atétepa, kale mepaae dotonatepa wale Farisi whirapené apaae duraalu, “Yáta, so whi fea tetérolo kaae tanópóló, Kótóné sóro betero betere whi Keriso ó Ilaija ó Kótóné koló whi betakélé meipa, ti so whi naao noatepa wɛi tópurótu bitu de?” yalepó.

26 Tétepa, Jon-né atimapaee tokó mótu duraalu, “Yálotá, diá wɛi maaté tópurótu betereitei, whi betá diá tuamó ai daaleitei diaaʔ kispipanipó.

27 Ti ai sekéta, ʔ wale kilipaae waalopóló bopetu betale whipó. Áta, mo doa seké whi betepa, ʔ naale ketei kaae, ʔ aomó betereiteiné ama hɛleke bené képi yálo teraanénipó,” yalepó.

28 Ai alarape du betaiteita, kale Jordan wɛi teté utéro tene Betani bemó du betalepó.

Ai beta, Jon-né so whi fea weji tópurótu betale tikimó ɽenapó.

29 Be deýó hotopa, ai alarape yale kilipaae etéyalepó. Yesu ɔ Jon beterepaae wou betepa kolóló, Jon-né atimapaee duraalu, “I hae kwia feamá betó mole so whiné dowi ala tokóló aluraaire Kótóné ama *Sipsip* hupu male ai walapa kelae!

30 Ẹkélé deyaai, mo taketi betere doa seké whi yało kilipaae waalopóló diɽapaae bopetu betale whiɽa, ɔ ai ape.

31 Yałokélé ɔ wisiyóló tuɽnitei, ɛ wale beteta, ti Israel fake so whiné ɔ tuɽ yópóló haķearóturaalu, yało weji tópuratere ala maaté yaai walepó,” yalepó.

32 Atéró, Jon-né ama mo kelale ala so whipaae haķearóló yó mótu duraalu, “Kótóné ama Deji Kepe Wisi hepen be taaróló, dorowóló ba hokósere kaae ama tikimó betepa yało kelené mo kelalepó.

33 Yałokélé ɔ tuɽ wuɽ meitei, so whi weji tópurale fae yóló ɛ doteyale sekéné amatóro epaae etei fo yalepó. ‘Deji Kepe Wisi bitji dorowale whiné amata, diɽ fea Deji Kepe Wisitamo weji tópuraało ai ape,’ ” yalepó.

34 Atéró Jon-né duraalu, “Yało kelené mo kelale alatóro diɽapaae i dapa wosae. Kótóné Naalemata me kaae mei, ɽatóro ai ape,” yalepó.

Yesuné whi tamopaae di-aamo noa keketé yale fo

35 Atéró, fiyóló be deɽepa Jon ɔ ama yó matere whirapekó tamo whi atima fea ɔ daatua dere tikimó momó fóló daalepó.

36 Atéró daalemó, Yesu ɔ metikipaae faai fupa kolóló Jon-né duraalu, “Kótóné ama kale *Sipsip* hupu male ai fulapa kelae!” yalepó.

37 Jon-né ai fo deɽa wosóló, ama yó matere whi tamo Yesu fimó, nalo sya felepó.

38 Atétepa, Yesu ɔ fetée daaróló kelalemó, whi tamóné ɔ sya wou betepa, atimaamopaae wosetu-raalu, “Diaamo noa keketé?” deɽa atimaamoné duraalu, “*Rabai*,” ai fo feteyóló “yó matere whi-ó, ya betere tiki momó ere?” yalepó.

39 Atéró, ama atimaamopaae duraalu, “Ape. Wapata, ti diaamoné kelalopó,” yalepó. Tétepa atimaamo fóló, ɔ betere be kolóló, be deɽ beta ɽtamo aimó betalepó. Até dere alata, ti doɽ sukakelemó du betalepó.

40 Atéró, kale Jon-né dere fo wosóló, Yesu sya fele whi tamo meta, Saimon Pitane noma Andrupó.

41 Andru ɔ metikipaae feni, noma Saimon-pi keķalemó keletepa duraalu, “Mesaia ɽané kelalepó,” yalepó. Ai fo bete feteyóló so whi fea ɽeteróló kaae tanópóló, sóro betero betere whi Kerisopó.

42 Atéró, Andruné noma Saimon Yesu beterepaae dapesó wóló betepa, Yesuné

Saimon kolóló ɸpaae duraalu, “Yɸta, Jon-né naalema Saimon-pó. Mió naao kisi doita, Sipas mulatápó,” yalepó. (Sipas doi feteyóló Pitapó.)

⁴³ Ai ala du beteró hɸka be deɸepa, Yesu ɸ betere tiki taaróló, Kalelipaae faai kisipa mualepó. Atéró fóló, Filip betepa kolóló ɸpaae duraalu, “Filip-ó, yɸ ɸ sya ape,” yalepó.

⁴⁴ Filipta, Andruró noma Pitatamo betere Betsaida be hulua whɸkópó.

⁴⁵ Téró Filip-né Nataniel kekɸlemó, hokolaa depa ɸpaae duraalu, “Mo take Moses-né asɸre Kótóné tukóló muló betere foró mepaae kóló whɸrapené asɸre fotamoné waalopóló bopetu betale whɸ ɸané kelalepó. ɸta, Nasaret be whɸkó Josep-né naalema Yesupó,” yalepó.

Nataniel-né Filip-paae Nasaret bemó noa ɸla wisikó kelaalopóló de? yale fo

⁴⁶ Ai fo depa, Nataniel-né Filip-paae duraalu, “Ai Nasaret be huluamó noa ɸla wisikó sókó waalopóló de?” depa, Filip-né duraalu, “Wisirapa, naao kelaai ape,” yalepó.

⁴⁷ Tétepa, kale whɸ Nataniel Yesu ɸ beterepaae wou betepa kolóló, ɸpaae duraalu, “Israel fake whɸkó whɸ wisinaale ai walapa kela! ɸ tuɸmóta, kapala ala mo sawakélé munipó,” yalepó.

⁴⁸ Ai fo depa, Nataniel-né ɸpaae duraalu, “Naao ɸ netéró tuɸ yale?” depa, Yesuné duraalu, “Filip-né yɸ ape yaaipatei, nose sirimó betepa yɸ yɸlo kelalepó,” yalepó.

⁴⁹ Tétepa, Nataniel-né ɸpaae hɸkearóló duraalu, “Yó matere whɸ-ó, yɸta mo Kótóné Naalemapó. Israel fake so whɸ teɸteróló kaae tare doasi topo whɸta, me kae mei, yɸtóróti ai ape,” yalepó.

⁵⁰ Ti fo depa, Yesuné duraalu, “Mió naao ɸpaae kisipa tiki tiratere beteta, yɸ nose soumó betepa yɸlo kelalepó dere fo woseturaalu dapó. Aita wisiretei, take nalopaae ti mió i keletere alakélé fea bosenóló, mo doasi alarape eratepa kelaalopó,” yalepó.

⁵¹ Ai fotamo touróló, ama me i fo yalepó. “Yɸlo diɸpaae mo i dere ape. Hepen be tuɸ tukwɸ fóló mupa, Kótóné ama *ensel*-rape kale Whɸné Naalemané tikimó daayóló, ópaae hutua ipaae durua du betepa, diaaɸ kelaalo ai ape,” yalepó.

2

Mo weɸiné wain weɸi alée fele fo

¹⁻² Atéró ai alarape yóló kemetepa, be deɸ tamó beteró, sore be deɸmó, Kaleli hae kwiamó teɸne Kana be huluamó whɸ betɸ so dokoturaalu detere ɸla naai ape depa, Yesu ɸkélé, hama Mariakélé, ama yó matere whɸrapekélé, atima fea fóló so dokotere tuɸmó beterepó.

³ Atéro, ai ɔla detere sukamó naai donoróló mulale *wain* wɛi fea nóló kemetepa, hamané ɔpaae duraalu, “Atimané *wain* wɛi fea kemeyalepó,” yalepó.

⁴ Ai fo depa, Yesuné duraalu, “Ti so wisi-ó, aita atimané yaaire alapa, nao ɔpaae atima tao sae dere noatepa de? Yalo tukóló muló betere ala yaaire be deɔta teórapó,” yalepó.

⁵ Ai fo depa, ama hamané kale ɔla detere ala kaae tare doasiné kutó diratere whirapepaae duraalu, “Ama diɔpaae noa alakó yae depa, ti sya fóló yae,” yalepó.

⁶ Kale Juda fake atimané mara mole ala sya furaalu, naase fokotua yaai dapóló, kanené aleale apo miró wutirape wɛi maanipa, felekemó daalótua erepó. Ai wutirapemó wɛi maatere ɔɔleta, mepaae 75 *lita*-rape, mepaae wuti ti 115 *lita*-rape supó.

⁷ Atéro, Yesuné ai kale kutó diratere whirapepaae duraalu, “Ai wutirape fea wɛi nóló faanae,” depa, mo ti bokóta eralepó.

⁸ Atéro, ama atimapaee duraalu, “Ai belere wɛirapekó mepaae tepeyóló ɔla detere ala teɔteróló kaae tare doasi-paae male fae,” depa male felepó.

⁹ Tétepa, kale mo wɛinétei alée fele *wain* wɛi kale ɔla detere ala teɔteróló kaae tare whiné nalepó, mo *wain* felétóro yalepó. Ai sekéné ai *wain* wɛi sale tiki ɔ tuénitei,

kale kutó diratere whirapené maaté mo wɛi sóro tepeyale ala kisipa ipakalepó.

¹⁰ Téro, kale ɔla detere ala kaae tare doasiné so dokore whirapaae ape yóló, tu deɔpaae dapesó fóló duraalu, “Whirape feané i ala dua dapó. Folosóro wisi *wain* wɛipi nópóló melóo, nalo mo sawa felétere *wain* wɛi melóo, dua dapó. Tépatei, wisi *wain* wɛi mulóló, nalo noatepa sóro waleé?” yalepó.

¹¹ Yesuné me ala yaairemó erale kelemei alata, Kaleli hae kwiamó teɔne Kana be huluamó folosóro kaae suraalu yalepó. Atéro yale alané ama ere ala wisinaale haɔkearatepa, ama yó matere whirapené kilituraalu, ɔpaae tuɛ tiki tiralepó.

Moma dere bemó ɔla ɔla duputamó du betale fo

(*Mat 21:12-13, Mak 11:15-17, Luk 19:45-46*)

¹² Ai alarape fea kemetepa, Yesu ɔkélé, ama hamakélé, nomarapekélé, ama yó matere whirapekélé, atima fea ai Kana be taaróló, Kapeneam be huluapaae derepelepó. Aimó atima mepaae be deɔrape betalepó.

¹³ Atéro, ai alarape yóló kemetepa, kale bosenóló fele be de felekemó sókó waai deremó, Yesu ɔ Jerusalem be huluapaae holalepó.

¹⁴ Atéro holóló bituraalu, ɔ moma dere be bopére tipi tuɔpaae sókó holalemó, whirape mo feané *bulmakau* hupurapekélé, *sipsip* hupurapekélé, ba sukusirapekélé,

mepaae wh̄rape atima ni fake tó mó betó mulu, kae kae fakené só ró wale *moni-kélé* duputamó yóló, u mó tu i mó tu du betepa kelalepó.

15 Até du betepa, kale *bulmakau* hupuró *sipsip* hupurapetamo belapaae fópóló, Yesuné aimó mole halika tikiné fokosó só ró h̄konóo, ni fake fetée deróló fesekée falóo yalepó.

16 Até du betero, kale ba sukusirape dotonóló *moni* su betere wh̄rapepaae duraalu, “Yalo Ayapaae maaté moma yaai tene betei, diaaḡ noatapa ḡla ḡla dotonateretiki aḡrótu bitu de? Até dere alané yalo Ayané be doratapa, diaaḡ ai ḡlarape fea só ró fae,” yalepó.

17 Ai ala ama yó matere wh̄rapenené kilitu, kale ašemó i ere fo tué mualepó. “Kótóné ama be doraḡsó ró wisiyóló kaae tawaaire keteketa, ḡ tuamó si kaae daalopó,” erapó.

18 Téro, kale Juda topo wh̄rapenené apaae fo fotok̄inéné duraalu, “Naaotei kaae ala yópóló, ya né só ró beteralee? Ya Talené só ró betero betere wh̄póló kisipa yópóló, naaodapaae noakelemei alakó eraaloé?” yalepó.

19 Ai fo depa, Yesuné atimapaee tokó mó tu duraalu. “I momatere be diaaḡ fisikó mulae. Tétepa, yalo sore be demótó ró momó t̄yóló kemeraalopó,” yalepó.

20 Ai fo depa, atimané apaae duraalu, “Take ai be

t̄etu betepa, 46 ba forape kemeyalepó. Téyale betei, naaomió be deḡ soresomó momó t̄eyaalopó dere fota, netéro t̄eyaai de?” yalepó.

21 Yesuné ai yale fota, moma dere bemó initei, amatikimó kisipa muturaalu yalepó.

22 Take ḡ sukóló momó kepaayóló betere kilipaae ama yó matere wh̄rapenené ama yale fo kisipa muni walepó. Yesuné i yale fokélé kale ašemó ere fotó ró mo dokonalepóló, atimané apaae tué tiki tiralepó.

23 Téro, bosenyóló fele be deḡ só kó wapa ḡla detere fulamó, Yesu ḡ Jerusalem bemó beterepó. Aimó bituraalu, Kótóné eratapó kisipa yópóló kelemei alarape eratepa so wh̄ mo feané apaae kisipa tiralepó.

24 Téyaletei, so wh̄ feané hosaa tuamó mole alarape ama kisiparuraalu, atimané du betere fo mo dapóló wosóló, aḡmó bitinipó.

25 Ti noatepae, so wh̄ feané mole tué tikiró dere alatamo kelaairetei kóló kólópakó, mené ḡ yó melaaié?

3

Yesuró Nikodimas-tamo yale fo

1 Téro Farisi wh̄kó Nikodimas beterepó. Ata, Juda fake so wh̄ t̄eteróló kaae tare topo wh̄rapetamo betamó kutó ditere doasi doi mole wh̄pó.

2 Ai wh̄ ḡ dilikitamo Yesu beterepaae wóló duraalu, “Yó

matere whi-ó, yaṭa Kótóné dotonatepa wale yó matere whipóló ḡané kisiparapó. Ti noatepae, Kótó yaṭamo bituṣameisóró, ti mepaae whiné enénire etei kaae doasi kelemei alarape erótu bituṣameipó,” yalepó.

³ Ai fo depa, Yesuné ṣpaae haḡearóló duraalu, “Yaḡo yaṣpaae mo i dere ape. Whi mo betṡakélé hamané ṡ detu yale kaae momó denitepa, ti Kótóné teṡteróló kaae tare ala mo kelenénipó,” yalepó.

⁴ Yesuné ai fo depa, Nikodimas-né ṣpaae duraalu, “Disiyale whi haené depe tuṣpaae netéró bitṡ doropóló, momó deyaaloé?” yalepó.

⁵ Tétepa Yesuné ṣpaae duraalu, “Yaḡo yaṣpaae mo i dapa wosae. Mo betṡ whiḡkélé weṡiró Kepe Wisitamóné deyóló muló bitinipa, ti Kótóné teṡteróló kaae tare ala tuṣámó sókó fóló betenénipó.

⁶ Mo whiné detereteita, ti whi tiki daaitóro deyóo, Deṡ Kepené deteretei, ti mo Kepe tiki daaitóro deyóo, dua dapó.

⁷ Take yaḡo yaṣpaae momó denérapó yale fomó yaḡ kilita sókó faṣse.

⁸ Besé ṡ faaire tikipaae furaalu, haḡe hu dere maaté wosetua dapó. Téteretei, waleró foleteitamo diaaṡ kilitimipó. Kale Kepe Wisiné deyóló beterótu betere so whi feata, ai ala kaae du beterapó,” yalepó.

⁹ Ai fo depa, Nikodimas-né ṣpaae duraalu, “Ai ala netéró

yaalorópó,” yalepó.

¹⁰ Tétepa Yesuné ṣpaae duraalu, “Yaṭa Israel fake so whi yó matere doasi doi mole whiṡtei, i dere alarape diriyóló tuéni airapó.

¹¹ Yaḡo yaṣpaae mo i dere ape. ḡané du betere fota, mo tuére fotóro yóo, mo kelale alatóro yó melóo, du betepatei diṡané mo dapóló wosóló, kisipa tirénitere noatepa de?

¹² Yaḡo diṡpaae i haemó du betere alarape bope yóló yaleteti, diṡané tué tiki tirótimipó. Yaḡlotamo ó hepen bemó mole alarape bope yóló enalemó, ti diṡ mo kisipa tiraalomeipó.

¹³ Whi mo betṡakélé hepen bepaae fenitei, hepen be taaróló, i haepaae kapala asiri dorowale Whiné Naalemané ama betṡ kisiparapó.

¹⁴ Mo take Moses-né haḡe kópu kṡae fi tikimó *kapa* kwiané wuli aleyóló ni dée daaróló, sikipaae horóló oleralepó. Atéyale kaae, kale Whiné Naalemakélé, mepaae whiné atéró sikipaae só horóló oleraalo ai ape.

¹⁵ Ai fota haḡe ini, ṣpaae kisipa tiki tiratere so whi fea mo ti betere bete saalopóló kisipa mutu yalepó.

¹⁶ Ti noatepae, Kótóné i haemó betó mole so whi ḡolené sinóló yaala sókó furaalu, ama mo betṡ betere Naaletei i haepaae wópóló dotonalepó. Mepaae so whi dené ai dotonó betere Naalepaae kisipa tiró betepa,

ti atétere so whi aluni, mo ti betó tawaalo ai ape.

17 Ti noatepa meipó. Kótóné ama Naalema i haepaae wópóló doteyale beteta, i haemó betó mole so whitamó fo tokótamo yóló só derópóló initei, so whi fea aluyaqsóró, ama yale alané tao sópóló yalepó.

18 Mepaae so whi detamo apaae kisipa tiró betepa, ti ai so whitamó Kótóné fo tokótamo yóló só deranénipó. Tépatéi, Kótóné ama mo betá betere Naale atóró hītipóló apaae kisipa tiki tirénire so whita, fo tokótamo yóló só deró betepapó. Ti noatepae, ai so whi atima Kótóné mo betá betere Naalepaae kisipa tiki tiró bitinireteinépo.

19 Kótóné i haemó betó mole so whitamó fo tokóló só deratere bete i ape. Kale dētere i haepaae wóló betepatei, dilikipaae hēkese duraalu, atima dowi ala hāle du betereteiné witepa, ai dētere hēkese yóló wómipó.

20 Mepaae so whi detamo diliki tuamó bituraalu, dowi ala hāle yó tareteiné dē tuapaae waalo hōróló bōe du betepapó. Ti noatepae, atimané dowi ala dēné hākeamó mulatepa ke-laqsóró wituraalupó.

21 Tépatéi, kale mo fo wosóló, donoi ala du betere so whita, ti dē tuapaae wou betepapó. Ti noatepae, atimané du betere alarape Kótóné fotokoratepa yalepóló so whi feané hākeamó kolópóló du betepapó,

yalepó.

22 Téró, atima ai fo yóló kemetepa, Yesu a ama yó matere whirapetamo ai Judia hae kwiamó tē mole belekaatiki berapemó mepaae be dērape bitu, so whi wēi tópurótu betalepó.

23 Téró, Jon-nékélé Salim be hulua felekemó ere Aenon haemó beterepó. Aimó wēi dekéro fu betereteiné so whi fea wēi tópurópóló, a beterepaae wou betepa, ama atima tópurótu betalepó.

24 Ai alarapeta Herot-né Jon a *dipula* beteraaipa, hāle bituraalu du betalepó.

25 Atéyale sukamó, Kótóné keletómó wisirapó yópóló, naase fokotere alamó Juda fake whikó betané mepaae Jon-né yó matere whirapetamo foné u só derāle i só derāle du betalepó.

26 Atéro, Jon-né yó matere whirape a beterepaae wóló duraalu, “Yó matere whi-ó, Jordan wēi uté tēro yātamo bitu, naao dāpaae kale whi ai ape yóló, yó male whiné so whi fea wēi tópurótu betepa, mo turó so whi a beterepaae fu betepapó,” yalepó.

27 Ai fo depa ama atimapaee duraalu, “Me whiné me alakó yópóló ó hepen bemó betere Kótóné menitepa, ti ama kōleaané me ala yaai dapóló, mo enénipó.

28 Ēta, so whi tēteróló kaae tanópóló, sóró betero betere whi Keriso mei, a wópóló tu alerāle wale whipóló, take yālo diapaae yale fo diaaqteitei enérápó.”

29 Me whiné betā so hekeseyóló dokotepa, ti ai ama sopó. Ai so dokaaire seké ama fulumu whiné ą wópóló kaae tawóló betera-pó. Téřalemó, kale so dokaaire whi sókó wouraalu dere fo nakome wosetepa, ą doasi haíné sukāalopó. Atére hařta, mió ę tuamó mo řayóló mulapó.

30 Ai so dokaaire whiné ama doita, suka fea sóró horaté fu betaalotei, yālo doi betā haepaae dua sókó deté doropópóló yae,” yalepó.

31 “Mo ó taoró dorowale whiné i haemó yó mole ęla ęlaró so whi featamota, amatóro řeteróló bosene falapó. I haemó betere whiné ti i haemó mole ęla ęlamó kisipa mutu, ama dere fokélé i haemó mole fotóro dua dapó. Téřatei, ó hepen bemó dorowale whinéta, fea ala ama řeteróló bosene falapó.

32 Ama kelale alaró wosale fotamo so whiřpaae yó mótu betereitei, betā whinékéle ama yó matere fo wosóló, mo dapóló ąpaae tuę tiki tirótimpó.

33 Téřatei, mepaae so whi de Kótóné ama fō wosóló, mo dapóló kisipa tiratepa, ti ai so whiné Kótó ą mo foné bete Talepó du betera-pó.

34 Kótóné ama dotonó betere whinéta, ąpaae yae dere fotóro yó mótu betera-pó. Ti noatepae, Kótóné Deř Kepe ą tuamó mo turó řaneteinépó.

35 Alimané Naalemapaae yaala sókó fóló muluraalu,

fea ala ama řeteróló kaae tanópóló, ąpaae malepó.

36 Mepaae so whi de Naalemapaae tuę tiki tiró betepa, ti atére so whi aluni, mo ti betó tawaalo ai ape. Téřatei, mepaae ą hōrótu betere so whita, mo ti betó tare bete kelaalo meipó. Ai so whitamó Kótóné doasi fopaae butere ala mulapó,” yalepó.

4

Samaria soné Yesutamo yale fo

1 Yesuné ama yó matere so whi beteraairaaalu, weř tópurótua dere so whiné Jonné weř tópurale so whi bosene falapó dere fo mepaae Farisi whiřapené wosalepó.

2 Atéroró, so whi weř tópuratere ala Yesuné initei, ama yó matere whiřapené tópurótua yalepó.

3 Ai dere fo mepaae whiné Yesu ąpaae ene wapa woseturaalu, ą Judia hae kwia taaróló, Kalelipaae momó fesaee felepó.

4 Téró, ą ama yó matere whiřape atima fea Kaleli haepaae faairaaalu, Samaria hae tuamó řeyóló fu betalepó.

5 Atéroró, ą ai Samaria hae kwiamó řene Saika be hulua amó sókó felepó. Ai Saika be hulua felekemó, Jekopné naalema Josep-mó tekée male hae mulapó.

6 Ai haemó Jekopné dukiyale weř naleta dere tiki erapó. Yesu ą doasi tumó walené bé depa, ai weř belere

tikimó s̄a nóló beterepó. Até dere alata, ɔla nokole topo suka kele 12 kilok-mó yalepó.

7 Yesu aimó beteremó, bet̄a Samaria so ̄a w̄ei naairaalu wapa, ̄apaae duraalu, “Naao ai w̄eikó ̄e male-tamo melaaloé?” yalepó.

8 Ai alata, Yesuné ama yó matere wh̄irape ai felekemó t̄ene be huluapaae atima naaire ɔla dupune fimó du betalepó.

9 Atéró, kale soné ̄apaae duraalu, “Ȳata Juda fake wh̄ipa, ̄e Samaria sopaae w̄ei netéró kema du de?” yalepó. Ama ai yale fota, Samaria fakeró Juda faketamo ɔla bet̄amó nokole ala ó, fo dere alakélé dumipóló kisipa mutu yalepó.

10 Ai fo depa Yesuné kale sopaae duraalu, “Kótóné ȳapaae h̄ale matere ɔla naao kisipa yóo, ȳatamo i fo du betere wh̄ikélé kisipa yóo irutamo, naao ̄apaae ai w̄ei wosūsóró ti ama ȳamó mo ti betó tare w̄ei mólūapó,” yalepó.

11 Ai fo depa kale soné Yesupaae duraalu, “Doa wh̄i-ó, i w̄eita hae dolopaae maane doropóo, ȳa w̄ei naaire wutikélé tawóo inipa, mo ti betó tawaaire w̄ei melaalopó dere-a, momó wapa nóló melaai de?”

12 D̄ané mió i nuku betere w̄eita, mo take d̄ané noutere Jekop-né duk̄iyóló, amakélé nukulé wóló, naale-marapenékélé, ama *sipsip* hupuró *bulmakau* hupu-

rapetamonékélé, nuku biti-pakalepó. Téyaletei naao ai dere fota, take Jekop-né yale ala naao t̄eteróló bosene falapóló de?” yalepó.

13 Ai fo deremó, Yesuné ̄apaae duraalu, “I w̄ei nokole so ó wh̄i feata, nokole depa momó nale waalo ai ape.”

14 Tépatei, mepaae so wh̄i de ȳalo matere w̄ei nukupa, momó nokole dere ala mo yaalo meipó. Ita, mo dapó. I haemó mo w̄ei sókó horótu dere kaae, ȳalo i matere mo ti betó tawaaire w̄ei nokole so ó wh̄iné tiki tūamó mo ti betere bete mulu, h̄ale só tawaaalo ai ape,” yalepó.

15 Tétepa, kale soné ̄apaae duraalu, “Doa wh̄i-ó, ̄e w̄ei nokole depa dekeró naleta dere h̄orapa, naao ai melaalopó dere w̄ei mo miótóró ̄alae!” yalepó.

16 Ai fo depa, Yesuné kale sopaae duraalu, “Ȳa momó waasepóló, naao wh̄i dape sene fae,” yalepó.

17-18 Ai fo depa, kale soné ̄apaae duraalu, “̄Eta wh̄iné dokonipó,” yalepó. Tétepa, Yesuné duraalu, “Wh̄iné ȳa dokonipó dere fota, mo dono deretei, naao ere ala ȳalo ȳapaae h̄akearóló i dere ape. Take aporó wh̄irapené ȳa dokorapó. Tépatei, mió ȳatamo ai betere wh̄ita, naao wh̄i meipó,” yalepó.

19 Tétepa kale soné duraalu, “Doa wh̄i-ó, mió ȳalo ȳa kil-itu, Kótóné ama fo eratere kóló wh̄ipóló kisipa mutapó.

20 Take d̄ané ayarape atimata, i daale hasi fosómó

moma eneta du bitipakalepó. Téyaletei, Juda fake diáne dāpaae hōko tikimó moma ini, Jerusalem bemó touróló Tale aomó sukóló bitu, moma yae du beterapó,” yalepó.

²¹ Ai fo depa Yesuné āpaae duraalu, “Ti so-ó, yālo i dere fo wisiyóló wosóló kisipa tirae. Take waaire alimó Aya aomó sukóló bitu, ama doi sóró horatere alata, i daale hasi fosómó ó Jerusalem bemó maaté yaalo meipó.

²² Samaria so whi diāta, diaaḡ tuē inire ḡla aomó sukóló bitu Talené doi sóró horótu beterapó. Tépatei, Juda fake so whi dāta, mo ti betere Kótó tuēreteiné ā aomó sukóló bitu, mo kée du beterapó. Ti noatepae, so whi fea aluyaqsóró tao sere alata, Juda fake tuāmó kaaró beterapó.

²³ Take waalopóló bope du betale be de mió sókó wóló i mole ape. Mepaae whi dené mo alaró ama Kepe betetamo ā tuāmó fānuraalu, Alima aomó sukóló bitu, ama doi sóró horótu betaalopó. Atei ala du betere so whipaae Kótóné ama hēkesetu beterapó.

²⁴ Ti Kótó āta, mo whinē tiki kaae daani, kepetóró betereiné ama doi sóró horatere so whinē ti mo alaró kepe bete turótamoné sóró horótu betenérápó,” yalepó.

²⁵ Tétepa, kale soné āpaae duraalu, “I haemó betó mole so whi fea tēteróló kaae tanópóló, sóró beteró betere whi Mesaia, me doi

Keriso waalopó fota, yālo kisiparapó. Ai seké ā wouraa-luta, fea ala ama dāpaae hākeamó yó melaalopó,” yalepó.

²⁶ Tétepa, Yesuné kale sopaae hākearóló duraalu, “Mió yātamo i fo du betere whi ta me kae mei, ētóró hīti i ape,” yalepó.

²⁷ Atimaamo ai fo du betepa, ama yó matere whirape ḡla dupune fi fe-saae wouraaalu kelalemó, Yesu Samaria sotamo fo du betepa, atima kilita sókó felepó. Atétepa, atimakó betā whinékélé āpaae ai sotamo noa ala yaai, ó noa fokó du bitu de? yóló, wosetere alakélé inipó.

²⁸⁻²⁹ Téró, kale soné ama wei wuti aimó mupatei taaróló, ā u be huluapaae felepó. Atéró fóló, ai be hulua mó betó mole so whipaae duraalu, “Take yālo yale alarape fea ēpaae hākearóló yó matere whi tumó daalapa kelaai ape. Āta, Kótóné so whi tēteróló kaae tanópóló, sóró beteró betere whi Keriso du yalepó,” yalepó.

³⁰⁻³¹ Tétepa, ai be hulua so whi atima Yesu beterepaae felepó. Atima ā beterepaae sókó waai teó wou betepa, ama yó matere whirapenē āpaae duraalu, “Yó matere whi-ó, ḡlakó yāmaletamo nukumié?” yóló sētu be-talepó.

³² Tétepa, Yesuné atima-paae duraalu, “Nokole ḡlata yālo i taretei, diaaḡ kisipa-nipó,” yalepó.

33 Ai fo depa, ama yó matere wh̄rape atimasisi duraalu, “Mepaae wh̄iné ɔlakó amó mótu yalepó,” kisipa mualepó.

34 Atétepa, Yesuné atimapaee duraalu, “E doteyale wh̄iné ama kisipa mole ala sya furaalu, ama kutó yało diraté fóló kemeratepa, ti aita yało nokole ɔlatórótípó.

35 Diaaɔ etei fo dua dapó. Kutómó ere ɔla fea ɔlumé depa saaire wélié douro beta hałe mulapó du betera pó. Tépaitei, yało diapaee mo i dere ape. Diaaɔ kele fisaae horóló, kutópaae kele kele yae! Ténalemó ɔla ɔlumépa, ti saaire alimó ai betere ape.

36 Mió ɔlumére ɔla su betere wh̄iné ama diale kutómó dupu so-ó, mo ti betere bete saaire so wh̄ikélé mió ɔla kaae ɔlumépa sóo, du betera pó. Ama ai du betere alata hałe mei, ɔla wae biliyale wh̄iró sere wh̄itamo wusuró hekesese yaairaalu dapó.

37 Me wh̄iné ɔla wae biliyóo, me wh̄iné ti ɔlumétepa sóo dere ala, i dere foné mo haķearatapó.

38 Mené diyale kutómótei ɔlumére ɔla sene fópóló, yało diá i dotonaterere ape. Mepaae wh̄irape doasi depe tukówei ala yóló diyale kutómó diáta, ɔla maaté sirapó,” yalepó.

Samaria so wh̄i turó kisipa tiki tirale fo

39 Téró, kale soné ama take bitu yale alarape fea Yesuné haķearóló yó malepó, dere fo

woseturaalu, ai haemó teɔe be huluaamo betere Samaria so wh̄i fea ɔpaee kisipa tiki tiralepó.

40 Atéro, ai Samaria so wh̄i fea Yesu beterepaee wóló, ya ɔtamó imó betaalopa sae yóló seɔtu betaalepó. Atétepa, be deɔ tamó a atimatamo aimó betaalepó.

41 Tépa, Yesuné ama yó matere fo woseturaalu, mepaae folosóro tuę tiki tirale so wh̄itamo touróló mo turó so wh̄ikélé ɔpaee kisipa tiralepó.

42 Atéro, atimané kale sopaae duraalu, “Dané ɔpaee tuę tiki tirale alata, naao yale fo wosóló maaté mei, ama yó matere fo ɔnétóro wosóló ɔpaee tuę tiki tiralepó. Ti noatepae, ɔta i hae kwia feamó betó mole so wh̄i aluyaɔsóro, tao saaire wh̄ipóló ɔané mo diriyóló kisiparapó,” yalepó.

Yesuné doasi wh̄iné naale kepaarale fo

43 Atéro, Yesu a be deɔ tamó ai Samaria so wh̄itamo betóló k̄lipaae, a Kaleli hae kwia-paae felepó.

44 Takei Yesuné amatei amó kisipa mutu etei fo erapó. “Kótóné fo eraterere kóló wh̄i ama turuku be hulua so wh̄iné ama doi sóro horanénipó,” yalepó.

45 Téró, Yesu a u Kaleli hae kwiamó sókó felemó, Kaleli so wh̄iné a hekesetamo mo wisiyóló dape salepó. Ti noatepae, take Jerusalem bemó kale bosenóló fele be demó, ɔla deyóló naaire

sukamó atimakélé fea bitu, ama mepaae alarape eratepa kelaletéinépó.

46 Atéró, take Yesuné mo wēitei, *wain* wēi aleale Kaleli hae kwiamó tēne Kana be huluapaae a momó felepó. Ai bemó beterémó, ai Kaleli hae kwia tēteróló kaae tare topo whiné sóró beteró betere whiné naalema Kapeneam bemó kisiné sukóló mulapó dere fo wosalepó.

47 Yesu a Judia hae kwia taaróló, Kaleli hae kwiamó wóló beterapó dere fo kale whiné wosóló, a Yesu beterepaae wóló, ama naale mo felekemó sukāai du beter-apa, “Nao wisiraai faaloé?,” yóló wosetu betalepó.

48 Ai fo depa, Yesuné a paae duraalu, “Me ala yaairemó eratere kelemei alaró mepaae sira yaaire alatamo eratepa maaté kolóló kisipa tiraai de? Diā ai eratere kelemei alarape kilini depa, ti diā kisipa mo tiraalomeipó,” yalepó.

49 Tétepa, kale sóró beteró betere doasi whiné duraalu, “Doa whi-ó, yaalo naale sukaqsóró miótitei dāmo wusuró faalopó,” yalepó.

50 Ai fo depa, Yesuné a paae duraalu, “Nao naale sinaalomei, beterapa fae,” yalepó. Tétepa, kale whi Yesuné dere fo wosóló, wisirapóló a felepó.

51 Atéró, fiyóló hika a tu tuamó fu betalemó, ama kutó diratere whirape tumó hokolaa yóló, a paae duraalu,

“Nao naale kisi wisiyóló beterapó,” yalepó.

52 Ai fo depa, kale whiné atimapaee woseturaalu, “Noa sukakelemó ama tiki supu tikaleé?” depa, atimané duraalu, “Mo dótóró 1 kilok sukakelemó tukóló mo beterapó,” yalepó.

53 Ai fo depa, kale naale al-imané wosetu, Yesuné a paae nao naale sukāalomeipó, yale sukakelemótóró ai wisi irapóló kisipa mualepó. Ai ala kilituraalu, ama soma atimaamokélé, ama naale senaalekélé fea Yesupaae kisipa tiralepó.

54 Yesu a Judia hae kwia taaróló, Kaleli hae kwiapaae wóló bitu, ai kelemei alata, tamo dakoróló eralepó.

5

Yesuné betā tiki dāamui whi wisirale fo

1 Atéró, mepaae be de beteró kīlipaae Juda fak-ené tukóló muló betere be demó ɔla detepa, Yesu akélé Jerusalem be huluapaae holalepó.

2 Ai Jerusalem be hulua bopére tipi tu sereketa, *sipsip* hupurape fua wua dere tūpó doi mulapó. Ai tu sereke felekemó, betā wēi ke belerapó. Hibru whirapené du betere foné ai wēi ke doi Betesatapó. Ai wēi fókumó bitita dere so whi supu yaqsóró, be belekaatiki aporó tēóló bopéro beterapó.

3 Ai tē mole bemó, mepaae kele dilikire so whikélé, tiki dāamure so whikélé,

hó naase dore so whikélé, mepaae kae kae kisi bete daale so whikélé, mo fea ai weï ke bopéróló betó molepó.

⁵ Ai hó naase dore so whi betó mole kuamó, kisi hãle daapatei, 38 ba fo kemere whi betã fiyó molepó.

⁶ Atéró fiyó mupa kolóló, Yesuné duraalu, “I whi-a, ere alaé?” depa, whi mené duraalu, “Aa, taketitei ama ere ala ai ape,” yalepó. Tétepa, Yesuné kale whipaae wose-turaalu, “Ya mo wisiyóló, betené yóló kisipa mute?” yalepó.

⁷ Ai fo depa, kale tiki dãmui whiné duraalu, “Doa whi-ó, ai weï asya hotereteiné ę wisirópóló, né beleyóló ai weï felekemó beterale derepaaié? Ẽkélé dua fu betepatei, atima folosóro furaalu ę taaróló fua dapó,” yalepó.

⁸ Ai fo depa Yesuné duraalu, “Ya turukó holóló, naao beseke sóro fae,” yalepó.

⁹ Ai fo deretamotóro, kale whiné ama tiki dãmuretei mo ti wisitepa, ama beseke tukóló sóro felepó. Atétere alata, atima sãa naai tukóló muló betere be demó yalepó.

¹⁰ Atétepa, Juda topo whirapené kale wisirale whipaae duraalu, “Sãa naai tukóló muló betere be demó ai ala yaqsóro fo mulapó,” yalepó.

¹¹ Ai fo depa kale whiné duraalu, “Ẽ wisirale whiné ępaae naao beseke sóro

fae yaleteiné sóro fulapó,” yalepó.

¹² Ai fo depa atimané ępaae woseturaalu, “Mé whiné ępaae beseke sóro fae yaleé?” yalepó.

¹³ Téyaleteti, kale whi wisiróló Yesu ę ai touró betere so whi kuamó, buté buté feleteiné ę wisirale whi kisipanipó.

¹⁴ Atéró, nalo me sukamó Yesuné ama wisirale whi momatere bemó betepa kolóló, ępaae duraalu, “Mió naao tiki ai wisire kelere? Ya take sale seke bosenóló, doasi sekéné ya só deraqsóro, mió naao ai du betere dowi ala mo ti taalae,” yalepó.

¹⁵ Téró, kale whi ę ai moma dere be taaróló, kale Juda topo whirapepaae Yesuné ę wisiralepóló ene felepó.

Kale mo ti betere bete Naalema ę tuqmó mulapó yale fo

¹⁶ Tétepa, kale sãa nokole sukamótei, Yesuné whi wisir- atere ala dapóló, Juda topo whirapené ępaae sekei ala eróló só deraai, doasi keteke butu betalepó.

¹⁷ Atétepa, Yesuné atimapaee duraalu, “Yalo Aya ę ama kutó ditere ala taaréni, betere dokõ hãle diyótóro tarapó. A atére kaae, ękélé hãle bitini, yalo kutótóro i ditu betere ape,” yalepó.

¹⁸ Yesuné ai alarape deremó, Juda topo whirapené ę só deróló mo ti daairaalu, doasi keteke butu betalepó. Até yaleteti, sãa nokole be

deḡ tukóló whị wisirateremó maaté meipó. Ai alatamo touróló Kótóta, ama Ayapó dere foné ą Kótótamo betą ala erapó du betepa ą só deróló daai yalepó.

19 Téró, Yesuné atimapaee tokó mótu duraalu, “Yalo diąpaee mo i dere ape. Mepaae so whị dené ape. Naalemané ama kisipanétei, me ala yaai dapóló mo enénipó. Naalemané me kae kisi ala kaaróló dumi, Alimané du betere alatóró kolóló i du betere ape. Ti noatepae, Alimané du betere ala mo betąkéle taaréni, turó Naalemanékéle du beterapó.

20 Ti noatepae, Alimané Naalemapaae yaala sókó furaalu, ama dere ala fea ąpaee yó mótu beterapó. Ita, mo fo dapó. Mió i dere ala bosenóló nalopaae mo doasi ala eratepa kilitu, diaaḡ sira yaalopó.

21 Ti noatepae, Alimané sukale so whị kepaaróló beterótu yale kaae, Naalemanékéle ama melaai tuę mutere so whịpaee mo ti betere bete mótu beterapó.

22 Ti ai ala maaté meipó. So whıtamo fo tokóló taleyóló só deratere alakéle Alimané dumitei, Naalemané yópóló, ama naase tuąmó muló beterapó.

23 Ai ala ereteita, so whị feané Alimané doi sóró horótu dere kaae, Naalemané doikéle sóró horópóló erapó. Mepaae so whị dené Naalemané doi sóró horénitepa, ti ą dotęyale sekę Alimané doikéle sóró horótimipó.

24 Yalo diąpaee mo i dere ape. Mepaae so whị dené yalo du betere fo wosóo, ę dotęyale sekępaee kisipa tiki tiróo depa, atétere so whị mo ti betere bete sóró tarapó. Atére so whıta, fo tokótamo yóló só deréni, sukutere ala tuąmó beteretei, tokó sóró mo ti betaaire ala tuąmó beteró beterapó.

25 Yalo diąpaee mo dapó. Sukale so whınétei Kótó Naalemané dere fo wosaalopó. Mió ai fo wosetu betere so whıta mo be-taalopó. Take nalo ai ala yaaire be deḡ hąle muóo, miókéle ai be deḡ sókó wóló muóo i ere ape.

26 Ti noatepae, mo ti betere bete Alima tuąmó moletei, Naalema tuąmó mulópóló mo taketi meló beterapó.

27 Ti ąta, Whıné Naalema betereteiné so whıtamo fo tokóló tale dere ala yópóló, Alimané ą sóró beteró beterapó.

28 Yalo i yale fo wosóló, dią kilita sókó furaalu sira yaḡse. Ti noatepae, sukale so whị mo feané ama fo nakome woseturaalu, atima mole doumó turukó holaaire be deḡ sókó waalopó.

29 Atétere sukamó wisi ala yale so whị turukó holóló mo betaalopó. Téyaalotei, dowi ala yale so whị atima turukó holaalotei, taleyóló mo ti só deraalo ai ape.

30 Yalo wotoró kisipané me ala yaai dapóló mo enénipó. Fo tokóló taleyóló só deraaire alakéle, yalo Ayané

ama dere fo sya fóló, mo donotóró taletu beterapó. Ti noatepae, yálo du betere alata ę maaté hękese yaai dumitei, ę dotęyale sekę ą hękese yópóló, ama kisipa mole alatóró sya fu beterapó,” yalepó.

Yesuné amatei ą etei kaae whípó enénipó yale fo

³¹ “Yáloiteitamo ę etei kaae whípó depa, ti yálo dere fo mo dapóló diaaę wosaalomeipó.

³² Mené yálo dere ala kilituraalu, ą etei kaae ala ere whi wisípó du beterapó. Ama atéró dere fo wosetere whiné mo dapó enére ala yálo mo kisiparapó.

³³ Diąné ę deé yóló wosaai dapóló, mepaae whirape Jon beterepaae dotonó beterapó. Atétepa Jon-né kale mo foné bete i ape yóló, diąpaae yó meló beterapó.

³⁴ Ti mo whiné ą etei kaae whípó dere fo mo dapóló, yálo wosaai kisipa munipó. Atétepai, Jon-né yale ala yálo diąpaae i dere beteta, so whi fea aluyaqsóró, Kótóné tao sópóló dapó.

³⁵ Jon ąta, są dęrótu dere kaae, so whi tuámó dęró beterepó. Ai są hąle dęyó tapa, dią ai dęmó kapala asiri haıtamo bitiré fu betalepó.

³⁶ Jon-né ama yó melale fota, ti ę tuámó ere alatóró mo dono yó mótu betalepó. Téyaleteti, yálo i ditu betere kutóta, ę dotęyale sekę yálo

Ayané ama ępaae diyóló kemerae yale kutó dirótu beterapó. Mió yálo i du betere alarape kolósu, Jon-né ę bope yóló du betale fo kolósu depa, yálo du betere alané ama du betale fo tęteróló bosene falapó.

³⁷⁻³⁸ Ę dotęyale sekę yálo Ayanékélé, ę etei kaae whípóló hąkearóló yó mótu beterapó. Tétu betepatei, diaaę ępaae kisipa tirénire betenę ama dere fo diaaę wosóo, ama tikikélé diąné kolóo, ama fokélé diaaę hosaa tuámó muóo inipó.

³⁹⁻⁴⁰ Diaaę kisipanéta, kale ašemó yóló muló betere fo dosąayóló kisipa sóró, mo ti betere bete saalopó du beterapó. Ti ašemó i ere fo feanéta, ę etei kaae whípóló yó matapó. Atétepai, dią ę beterepaae mo ti betaaire bete sene wale hórótu beterapó.

⁴¹ Mo so whiné hąle foné maaté yálo doi sóró horótu betepa, mo dapóló yálo wosenénipó.

⁴² Tétepai, yálo dią diriyóló tuęrapó. Diaaę Kótópaae yaala sókó fóló, hękesené sukutere ala diąné hosaa tuámó muniretei, yálo mo tuęrapó.

⁴³ Ęta, yálo Aya Kótó ą etei sekę beterapóló diąné kisipa yópóló, yó melaai ama ę dotonatepa waleteti, diaaę ę wisiyóló dape sinipó. Atétepai, mepaae whi detamo ama kọleaané wóló bitu, ą etei kaae whípó depa, ti diąné

à mo wisiyóló dape senérapó.

⁴⁴ Mo betà betere Kótóné diaaḡ du betere ala kolóló, dukiraterere fo wosaai ketekḡ buni yóo, diaaḡtei dià dukiraterere ala yóo, du betere teiné ẹpaae netéro tuḡ tiki tiraaloé?

⁴⁵ Yalo Ayané keletómó diḡné i dowi yalepóló haḡkearóló só deratere alata, yalo yaaitere nisi yaḡse. Diḡ tao saalopó du betale whi Moses-nétóro diḡ só deraalopó.

⁴⁶ Diḡnétamo Moses-né asere fo wosóló, mopóló kisipa tiróluḡsóró, ti mió yalo dere fokélé mo dapóló kisipa tiróluḡpó. Ti noatepae, ama ai asere fota, ẹmótóro kisipa muturaalu erapó.

⁴⁷ Tépateti, ama asere fo diaaḡ dosḡayóló mopóló tuḡ tiki tiréni depa, ti yalo du betere fokélé netéro wosóló, kisipa tiraaloé?" yalepó.

6

Yesuné 5000 whi ọla melale fo

(*Mat 14:13-21, Mak 6:30-44, Luk 9:10-17*)

¹ Atéro mepaae be derape kemetepa, nalo Yesu à Kaleli weḡ uté fókuro ṡ felepó. Ai weḡ keḡlané doi meta, Taiberius-pó.

² Yesu à atéro fóló betere mó, mepaae kisi daae mole so whi wisiraterere kelemei alarape kelaletuiné so whi mo feané à sya wou betalepó.

³ Atéro, Yesu à betà du sokore aḡpaae hololó, ama

yó matere whiḡrape atima fea betamó beterepó.

⁴ Atéyale alata kale boseneyóló fele be demó, Juda fake whiḡrapené ọla detere ala felekemó sóko waai deremó yalepó.

⁵ Atéro, Yesuné ama ke-lalemó, so whi mo haḡe ọla kaae, à beterepaae wou betepa Filip-paae duraalu, "Doa i so whi naaire *bred* okó momó dupu yaaloé?" yalepó.

⁶ Yesuné Filip-paae atéro wosale fota, ama yaaire ala tuḡrutei, Filip-né noa fokó déró à kaḡe kolóló sḡ suraalu yalepó.

⁷ Ai fo depa, Filip-né Yesupaae duraalu, "200 *silpa moni*-né dupu dere *bred* o i betó mole so whi fea sḡmó naalomei, sawa téti nenérapó," yalepó.

⁸⁻⁹ Tétepa, Yesuné ama yó matere whikó ama doi Saimon Pitané noma Andruné Yesupaae duraalu, "I betere naalené betà *bali* o bula aporó yóo, ya belekaḡamale tamo yóo, yóló i tare ape. Téreteiné doa i betó mole so whi fea anéli ọlané sḡnére?" yalepó.

¹⁰ Atétepa, Yesuné atimaae duraalu, "Ai so whi ne tómó beterepóló yae," depa, atima betalepó. Ai tuḡmó betere naale senaaleró sorapetamo dosḡani, whiḡrape maaté dosḡayóló touróturaalu, 5000-rópó.

¹¹ Atéro, Yesuné kale *bali* o bularape fea sóro taruraalu, Talepaae mo kée yóló

terekée daalu yóló, so whímó ãliralepó. Ya tamokélé *bred* o yale kaaetóro yóló ãliratepa, atima fea mo sumó nalepó.

12 Atéro sũtepa, ama yó matere whĩrapepaae duraalu, “Muni fele buki ãla hãle beseké yaqsóropa, fea daseté kwẽyae,” yalepó.

13 Atéro nale aporó *bred* o bulanétei, buki muni fupa daseté kwẽyóló, 12 yorape deyóló faanalépó.

14 Ai betó mole so whĩné Yesuné atei kaae kelemei ala eratepa kolóló duraalu, “I whĩta, i haepaae waalopóló take bopetu betale Kótóné koló whĩ atóro hĩti irurapó,” du betalepó.

15 Atéro, ai so whĩné Yesupaae woseni, atima kãleanétei ã doasi topo whĩ sóro beteraai kisipa mualepó. Atima atéro mutere kisipa tiki bete Yesuné kilitu atima taaróló, ã ama wotoró betã du sorokore tikipaae momó bitĩ holalepó.

Yesu wẽi tómó daaté wale fo
(*Mat 14:22-33, Mak 6:45-52*)

16 Téro, atéyale sukamó kuluka be dikité dorowale-tamo Yesuné yó matere whĩrape atima maaté Kaleli wẽi fókupaae derepelepó.

17 Atéro, aimó atima Yesu ã kaae tawóló daapatei be diki yalepó. Atétepa, kale whĩrape atima wẽi nukupaae bitĩ holóló, Kapeneam be huluapaae faairaalu, ai wẽi kãla tuãmó tukóló fu betalepó.

18 Atéro fu betalemó, doakale besé tiki wouraalu, doasi wẽi asya walepó.

19 Até depatei, atima 5 ó 6 *kilomita* ðalemó nuku ité fu bitu kelalemó, atima nukutamo wou betepa, Yesu ã hokolaa yaairaalu, wẽi tómó daaté wou betalepó. Atétepa kilitu, atima doasi winé sukãlepó.

20 Tétepa, Yesuné atimaae duraalu, “Ita epa, ðia wiyãqse,” yalepó.

21 Tétepa, kale whĩrape atima witere ala taaróló, halaaíné Yesu dape sóro, nuku tuãpaae beteraai kisipa mualepó. Atéro dape sóro, atima faaire wẽi fóku feleke inipatei, utéro hapale tétitóro sókó felepó.

22 Atéro, Yesuné ama yó matere whĩrape atima fi tikimó, ai wẽi fókumó betó mupa fele so whĩ atima fiyóló, hĩka turukó huturaalu etei kisipa mualepó. Imó mole betã nukumóta Yesu bitini, ama yó matere whĩrape maaté betóló felepó du betalepó.

23 Atéro, Taiberius beró wale whĩrape mepaae atimané nukutamo, take Talené mo kée yóló, ãla ãliyóló nuku betale tikimó sókó walepó.

24 Atéro, ai sukamótóroti mepaae whĩrapekélé, kale nukutamo wale whĩrapetamoné Yesuró ama yó matere whĩrapetamo kekãlemó kilinitepa, Kapeneam be huluapaae kekãai ðapóló, atima nukupaae bitĩ holóló felepó.

Yesu qta, mo ti betere bred opó yale fo

²⁵ Atéró, kale so whiné Yesu kekitu betéro, wéi fóku uté tēró betepa kolóló ɔpaae duraalu, “Yó matere whi-ó, ya ipaae metéli waleé?” yalepó.

²⁶ Ai fo depa, Yesuné atimapaee duraalu, “Yalo diɔpaae mo i dere ape. Diaaɔ ɛ kekitu betere beteta, sira yaaire kelemei alarape eraleteimó kisipa mutu, ɛ kekitu betere? Mo meipó. Kale *bred* o sɔmó naleteiné diaaɔ ɛ ai keketé kutu betere ape.

²⁷ I haemó nokole mo ɔlata, ti doyóló aluyaalopó. Atéyaaire ɔlamótei, diɔ depe tukówei ala du betaɔse. Mo ti betaaire ɔlata, kale whiné Naalemané diɔmó melaalopa, ai ɔla mo keteke buóló haɔtamo sae. Atei ɔla melaaire whita, Alima Kótóné fopeyóló ɔtóró wisirapóló siriróló, betéro beteraɔpó,” yalepó.

²⁸ Ai fo depa, atimané ɔpaae woseturaalu, “Kótóné ama ɔpaae dirae dere kutó-a, noaé?” yalepó.

²⁹ Tétepa, Yesuné duraalu, “Kótóné ama dirae dere kutóta i ape. Kótóné ama dotonó betere whi betapaae kisipa tiki tiróló betae,” yalepó.

³⁰ Ai fo depa, atimané ɔpaae duraalu, “Talené eratapóló ɔané kisipa tirópóló, naao noa kelemei alakó eraalóé?”

³¹ Mo take ɔané nouterape atima haɔle kópu kaae fi haemó kuturaalu, *mana* o

betaɔ nópóló ó hepen bemó derótua ipakalepóló, ašemó yóló muló beteraɔpó,” yalepó.

³² Tétepa, Yesuné atimapaee duraalu, “Diɔpaae yalo mo i dere ape. Heppen bemó derótua yale *bred* ota Mosesné menitei, yalo Ayané betaɔ ó hepen bemó deratere mo bete mole *bred* o diɔmó mótu beteraɔpó.

³³ Ti Kótóné ai mótu betere mo bete mole ota ó hepen be taaróló dorowóló, i haemó betó mole so whimó mo ti betere bete matere whita, ɛtórótipó,” yalepó.

³⁴ Ai fo depa, atimané ɔpaae duraalu, “Doa whi-ó, naao ai bope dere ota, mo miótóró kaae sóró ɔámó melaasepé,” yalepó.

³⁵ Ai fo depa, Yesuné atimapaee haɔkearóló duraalu, “Mo ti betere bete mole ota ɛtórótipó. Mepaae so whi de ɛ beterepaae wapa, ai so whi wotekélé mo yaalomeipó. Mepaae so whi de ɛpaae kisipa tiki tiratepa, ti ai so whi wéi nokole dere ala mo sawakélé yaalomeipó.

³⁶ Take yalo diɔpaae yale fo kaae, momó i dere ape. ɛ wale ala diaaɔ kelaletei, ɛpaae kisipa tiki tiratere ala dumipó.

³⁷ Yalo Ayané ɛpaae matere so whi feata, ti ɛ beterepaae wou betaalopó. Mepaae so whi detamo ɛ beterepaae wapa, ti yalo atima fae yóló hɔkonatere alakélé mo yaalomeipó.

³⁸ Ti noatepae, ɛ ó hepen be taaróló i haepaae

dorowaleiteita, yało kisipa mole ala yaai dapóló anipó. Téni, ę dotęyale whinė ama kisipa mole alatóró eraairaalu woló i betere ape.

³⁹ Yało Aya ę dotęyale sekéné ama kisipa mole alata ipó. Ama ępaae melale so whı mo betakélé yało aluréni, take kemetere sukamó atima fea kepaayóló mo ti beterópóló kisipa mutu ę dotonalepó.

⁴⁰ Ti yało Ayané ama kisipa mole alata ipó. So whı de ama Naalemané dere ala kolóló ępaae kisipa tiki tiratepa, ti atétere so whı mo ti betótóró tawaalopó. Ai so whıta, take kemetere sukamó yało kepaaróló beteraalo ai ape,” yalepó.

⁴¹ Ai fo deremó kale Juda fake so whinė duraalu, “Ata, ó hepen be taaróló dorowale *bred* opó du betere fo-a, noa betené dérópóló,” atima dei tuę mutu, ę faletu betalepó.

⁴² Kale dere kaae atimasisitei duraalu, “I sekéta, kale Josep-né naalema Yesu hıti meié? Ama hamaró alimata-mota, dané tuęrapó. Tépateti, ę ó hepen beró dorowalepó du betere fota, noa betené dérópó,” yalepó.

⁴³ Atétepa, Yesuné atimapaee duraalu, “Dişisitei dei tuę muóló kęlaarótu betere fo taalae.

⁴⁴ Whı me de ę beterepaae ama kęleaané wonénipó. Yało Aya ę dotęyale sekéné amatei ę beterepaae ęlısóró wapa, ti wonérapó. Ai so whıta, take kemetere

sukamó yało kepaaróló mo ti beteraalo ai ape.

⁴⁵ Mo take betale Kótóné koló whırapené ašemó i fo erapó.

‘Kótóné ama so whı yó mótu betepa, ti atima fea tuę yaalo ai ape.’

Yało Ayané dere fo wosóló, kisipa sere so whıta, ti ę beterepaae wua du beteraapó.

⁴⁶ Mo whı betanékélé Kótó kilinitei, kale Alimatamo betóló wale Naalené betę ti Alima kolóló kisiparapó.

⁴⁷ Yało diępaae mo i dere ape. Whı me detamo ępaae kisipa tiki tiró betepa, ti ai whinė mo ti betó tare bete sóró tarapó.

⁴⁸⁻⁴⁹ Ti noatepae, mo ti betere bete bole ota ętórótípó. Mo take betale diaaę noutererape atima hęle kópu kęae fi tikimó kuturaalu, Kótóné ó hepen bemó deratere *mana* o maaté nukua ipakalepó. Tétua yaleteti, atima bitini sukutua erapó.

⁵⁰ Atéyaleteti, ó hepen bemó dorowale betere bete bole *bred* ota i mole ape. Ai o nokole so whı sukókélé mo yaalomeipó.

⁵¹ Ó hepen bemó dorowale mo ti betere *bred* ota, ti ętórótípó. Whı me de i o sóró nukupa, ai so whı mo ti betó tawaalopó. I ota, haemó betó mole so whı mo ti beterópóló, matere yało tiki mipó,” yalepó.

⁵² Ai fo depa, kale Juda fake so whı atimasisitei fo kęlaaróló duraalu, “Haió, i whinė ama tikitei ępaae

naasepé dere fo-a, netéro nópóló melaai dérópó,” yalepó.

⁵³ Tétepa, Yesuné atimapaee duraalu, “Yálo diápaee mo i dere ape. Kale Whiné Naalemané ama tiki miró faketamo nénitepa, ti atétere so whi tuámó mo ti betere bete muni ai ape.

⁵⁴ Mepaae so whi dené yálo tiki miró faketamo nukupa, ti ai so whiné mo ti betó tare bete sóró tarapó. Ai so whi, take kemetere sukamó yálo kepaaróló beteraalopó.

⁵⁵ Ti noatepae, yálo tikita ti nokole mo bete mole ɔla yóo, yálo fàkekélé nokole mo bete mole wɛi yóo erapó.

⁵⁶ Mepaae so whi dené yálo tiki miró faketamo nukupa, ti atétere so whi ɛ tuámó betóo, ɛ ai so whi tuámó betóo, erapó.

⁵⁷ Mo ti betere seké yálo Ayané ɛ dotonatepa walepó. ɛ betere betekélé ti yálo Aya ɔtórótípó. Atére kaae, mepaae so whi dené ɛ nokole ɔlapóló nuku betepa, ti betere bete ɛ ereteiné ai so whi atimakélé hãle betó tawaalopó.

⁵⁸ Ó hepen bemó dorowale bred ota, ti ɛ i ape. Mo take betale diaaɔ noutererape atimata, ó hepen bemó derótua yale mana o nukua yaleteti, atima fea sukãlepó. Tépateti, mepaae i o nokole so whi, mo ti betó tawaalopó,” yalepó.

⁵⁹ I fota, Yesuné u Kapeneam-mó tene fo

wosetere be tuámó yó mótu betalepó.

Mepaae whirape Yesu taaróló fele fo

⁶⁰ Ama yó matere whirape mepaaené ai yale fo wosóló, atimasisi kɛlaaróló duraalu, “Ama ai yó matere whi fota felékélé inipa, né wosaaloé?” yalepó.

⁶¹ Yesuné ai yó matere fo ama yó matere whirapené wosaalo meipóló kɛlaarótu betepa, Yesuné ama kisipa yóló atimapaee duraalu, “Yálo i yó matere fo diaaɔ wosóló felénipa, ɛtamo dei tué mute?”

⁶² Kale Whiné Naalema ɔ take betale tikipaae momó fesaee hotepa kilitu, diaaɔ noa kisipa muaaloé?

⁶³ Whiné mo tó tikita, doasi bete munitei, Deji Kepe Wisiné betã mo ti betaaire bete mótu beteraapó. Yálo diápaee yó matere fota, Deji Kepe fãanuraalu, mo ti betere bete mótu beteraapó.

⁶⁴ Tépateti, diã mepaae kisipa tiki tirénire whirapekélé ai betere ape,” yalepó. Yesuné atéro yale fota, ɔpaae tué tiki tirénire whiraperó ɔ dópóló eleké deyaaire whitamó take kaae sale sukamóte, ama kisipa yalepó.

⁶⁵ Téró, Yesuné ama yale fo kemeni, hãle yótóro taru duraalu, “Yálo take diápaee yale fo i ape. Mepaae so whi de atima kɛleaneitei, ɛ beterepaae waai dapóló wonénipó. Yálo Ayané ɛ

beterepaae ʔalisóro wapa, ti wonérapó,” yalepó.

⁶⁶ Ai sukamó kaae sóro, Yesuné yó matere wh̄irape mepaae ʔ sya fole ala taar-alepó.

⁶⁷⁻⁶⁸ Atétepa, ama yó matere 12 wh̄irapepaae duraalu, “Diaaʔkélé ʔ taaroló faai kisipa mute?” depa, Saimon Pitané ʔpaae duraalu, “Tale-ó, dā me de beterepaaemo faaloé? Mo ti betaaire fota, ʔa tuamó ai mole ape.

⁶⁹ ʔata, Kótóné ama fopeyóló kae betero betere wh̄i wisinaalepóló, dané ʔapaae tué tiki tiró betera-pó,” yalepó.

⁷⁰ Ai fo depa, Yesuné atimapaee tokó mótu duraalu, “Diā 12 wh̄irapeta, ʔalotei sorokó sóro kae betero betera-pó. Tépatēi, betā wh̄i tuapaae dowi kepe doropóló ai betere ape!” yalepó.

⁷¹ Ama ai yale fota, Iskariot be wh̄ikó Saimon naalema Judas-mó kisipa muturaalu yalepó. Ti Judas ʔkélé 12 wh̄irapekó ama yó matere wh̄itei, ʔ dópóló eléké deyaaire seképó.

7

Yesu ʔla deterepaae fele fo

¹ Ai alarape yóló kemetepa, Yesu ʔ Judia hae kwiamó betó mole Juda fake wh̄irapené ʔ daai du betepa, Judia hae kwiapaae fení, Kaleli hae tuamóteí kutu betalepó.

²⁻³ Tépatēi, Juda fake wh̄irapené furu berapemó

ʔla deyaai tukóló muló betere be de felekemó sóro wai depa, Yesuné ama nomarapené ʔpaae duraalu, “ʔa ai betere be hulua taaróló, naao yó matere wh̄irapené naao erótu betere kelemei alarape kolópóló, ʔa Judia hae kwiapaae fumié yóló setu betalepó.

⁴ Ti noatepae, betā doi mole wh̄i betaai depa, ti ama dere ala kikiti kinóló ini, so wh̄i feané kolópóló h̄akeamó enérapó. Atépa, ti naao ai du betere alarape i haemó betó mole so wh̄i feané kolópóló h̄akearae,” yalepó.

⁵ Ti ama nomarapené ai yale fota, atimakélé ʔpaae kisipa tiréni irutei yalepó.

⁶ Ai fo depa, Yesuné atimapaee duraalu, “Di-aaʔ yaaitere alata, h̄ale h̄oko sukamó deté fenérapó. Tépatēi, ʔ ai ʔla deterepaae faai tukóló muló betere mo dono be de sóro wai teórapó.

⁷ I haemó betó mole so wh̄i feané diā h̄oróló bóe dele ala enénipó. Tépatēi, ʔ h̄oróló bóe dele ala suka fea h̄ale yó tarapó. Ti noatepae, atimané du betere dowi ala bete ʔalo h̄akearóló yó materemó, ʔtamo dei tué muturaalu dapó.

⁸ ʔta, ai ʔla deterepaae faalomeipa, diā maaté holae. Ti noatepae, ʔ ʔalo yaaire ala teóreteiné betera-pó,” yalepó.

⁹ Ama atimapaee ai fo yóló, ʔ Kaleli hae kwiamó sawa kaae tawóló beterepó.

¹⁰ Téyaletēi, ama nomarape atima ʔla deterepaae fi-

tikimó, nalo ąkélé Jerusalem be huluapaae holaleteti, so whinė ą kelaqsóro hąkeamó feni, kikiti sókó fóló beterepó.

11 Atéro, kale ąla detere tikimó atima Juda topo whırapené ą wóló beterémóló keąalemó bitinipa atimasisi duraalu, “Kale whı momó beterérópó?” yalepó.

12 Ai ąla detere tikimó touró betere mepaae so whı atimasisi kikiti deté furaalu, “Ąta, mo whı wisipó,” depa, mepaae so whiné duraalu, “Meipó. Ąta, so whı fea dilikóló kapala ala yó mótu betere whıpó,” yalepó.

13 Téyaleteti, atima Juda topo whırape kolóló wituraalu, mo whı betąnékélé mepaae forape hąkeamó inipó.

Yesu ą atimané ąla detere tikimó daalu yó melale fo

14 Atéro, kale ąla detere be de sókó waai mepaae be de hąle mupa, Yesu ą momatere be tipi bolaa tuąpaae holóló, kale fo kaae sóró yó mótu beterepó.

15 Ama atéro yó matere fomó, kale Juda topo whırape atima kilita sókó fu, sirayóló duraalu, “I whiné atei kaae fosó fosó yóló yó mótu betere fo-a, ą skul-paaekélé fenitei, momó kisipa sóró du bitu dérópó,” yalepó.

16 Ai fo depa, Yesuné atimapaae duraalu, “Yąlo i yó matere fota, yąloteti kekeme nóló dumi, ę dotęyale sekéné yae yale fotóro du beterapó.

17 Mepaae whinėtamo Kótóné kisipa mole ala sya fóló, ama ala eraai kisipa mutepa, ti yąlo i yó matere fo Kótóné ama kisipa mole ala sya fóló dépé, yąloteti kekeme nóló déró, ai whiné amatei kaae kolóló talenérápó.

18 Me whiné ama tuénéteı kekeme nóló yó mótu betepa, ti ama doi doasi muópóló du beterapó. Tépateti, me whinėtamo ą dotęyale sekéné doi doasi muópóló ama ala eratepa, ti atétere whı tuąmó mo alatóro mulu, kapala ala mo sawakélé munipó.

19 Take kale tukóló muló betere fo Moses-né diąpaae menénié? Téyaleteti, diąkó betą whinėkélé ai tukóló muló betere fo sya feni, tikitua dapó. Atérapa, diąné ę noatepa daai du bitu de?” yalepó.

20 Ai touró betere so whiné ąpaae duraalu, “Yą tuąmóta, dowi kepe tepeyóló ai fąanapa, yą né daai du betepa de?” yalepó.

21 Ai fo depa Yesuné atimapaae duraalu, “Yąlo betą kelemei ala eraleteimó diaą ą siratu betere ape.

22 Tétu betereıteı, diaą tiki sekaę tukóló sirirótu betere alata, Moses-né amatóro kaae sóró inipó. Téniteı, mo take diaą noutererapené du betale ala sya furaalu, sąa naai tukóló mulale be demóteı, mió diąné naalerapekélé tiki sekaę ai tikitu betere ape.

23 Tépateti, Moses-né yóló muló betere fo diaą tikaalo

meipóló kisipa mutu, s̄a naai tukóló muló betere be demótei, diaaḡ naalerape tiki sekaḡ ai tikitu betere ape. Térapa, ai s̄a nokole be demótóró, wh̄iné tiki turó yalo wisirateremó, diāné ḡtamo noatepa fopaae butu de?

24 Diaaḡ tómó mole ala kolóló ḡ só derótu betere fo mo taalae. Mo bete mole ala donotóró taleyae,” yalepó.

25 Ama ai fo depa wosóló, mepaae Jerusalem be huluaamó betó mole so wh̄iné duraalu, “Juda topo wh̄irapené daai du betere wh̄i ḡtóró h̄iti meié?

26 Mió ḡ so wh̄i feané keletómó daalu, ama fo haḡeamó yó mótu betepatei, atimané ḡpaae me fokélé dumipó. Ti Yesu ḡta, so wh̄i fea t̄eteróló kaae tanópóló, Kótóné dotonaalopó ere wh̄i wale sukamó Kótóné dapó yópóló, i sekéné eratere kelemei alarape fea bosenóló, me noa kaae doasi ala eraalóé?” yalepó.

27 Daḡéta, ai wh̄i wale turuku be kisiparapó. Atépat̄ei, so wh̄i t̄eteróló kaae tare wh̄i Keriso ḡ wale sukamó, mo bet̄a wh̄inékelé ama turuku be kisipa yaalo meipó,” yalepó.

28 Atéró Yesu ḡ moma dere be belamó daalu, fo haḡe yótóró mótu bitu fo fakeyóló duraalu, “Ḥ wale turuku bekélé ḡkélé, diaaḡ kolóló kisiparapó dere fota, mo ai dere ape. Tépat̄ei ḡ i wóló betereitei yalo k̄leaané ani, Ayané ḡ dotonatepa walepó. Ḥta, mo alatóró yó tare seké

betepatei, diāné ḡ kolóló kisipanipó.

29 Ténitei, ḡta ḡtamo bet̄amó betóló ama ḡ dotonatepa waleteiné yalo ḡ mo kisiparapó,” yalepó.

30 Ama ai fo deremó, atimané ḡ tawóló *dipula* beteraai yalet̄ei, wh̄i bet̄anékelé ḡ tane fenipó. Ti noatepae, ḡpaae ai ala eraaire be de sókó waai teópa yalepó.

31 Aimó touró betere so wh̄i atima ai fo du betepatei, mepaae kisipa tiró betere so wh̄iné duraalu, “So wh̄i fea t̄eteróló kaae tanópóló, Kótóné dotonaalopó ere wh̄i wale sukamó Kótóné dapó yópóló, i sekéné eratere kelemei alarape fea bosenóló, me noa kaae doasi ala eraalóé?” yalepó.

32 Aimó touró betere so wh̄iné Yesuné du betere alamó, atimasisi kikit̄i du betepa, Farisi wh̄irapené wosalepó. Atétepa, so wh̄imó Talepaae momaratere topo wh̄iraperó Farisi wh̄irapetamoné momatere be kaae tare diki tare wh̄irapené Yesu tawóló *dipula* bet̄erópóló dot̄eyalepó.

33 Atétepa, Yesuné atimapaee duraalu, “Ḥta f̄lo sukamó bitini, mo sawa sukamó maaté diḡtamo betóló, ḡ dot̄eyale seké yalo Aya beterepaae momó fesaae faalopó.

34 Ḥ diaaḡ kek̄aalotei, ke-laalo meipó. Ḥ fóló betere tikipaae diḡ wókélé mo yaalo meipó,” yalepó.

35 Ama ai dere fo wosóló, kale Juda topo wh̄rape atimasisitei, fo k̄laaróló duraalu, “Ai wh̄iné ̄ kek̄óta yaalotei kelaalo meipó, ̄ fole tikipaae dī wókélé yaalo meipó, du betere fota, mopaae faai dérópó? D̄ Juda fake wh̄rape Krik fo bole be huluapaae dapo dapo yóló betere so wh̄ipaae fo yó male faairaaalu démólópó.

36 Ama du, ‘Diāq ̄ kek̄alotei kelaalo meipó, ̄ fóló betere tikipaae dī wókélé yaalo meipó,’ du betere-a, noa fo betené dérópó?” yalepó.

37 Q̄la deté wóló kemerótu mo doasi q̄la deyale sukamó, Yesu ̄ turukó holóló fo fakeyóló duraalu, “Mepaae so wh̄i detamo w̄ei nokole depa, ti ̄ beterepaae nale wópóló yae.

38 Kale as̄ere fo tuamó Kótóné i fo erapó. So wh̄i tuamó mo ti betó tare w̄ei faaturaalu, feleyóló faalo ai ape ere fo mo dokonóló, mepaae wh̄i detamo ̄paae kisipa tiki tiratepa, ti ai so wh̄i tuapaae mo eraalopó,” yalepó.

39 Yesuné ama ai yale fo beteta, take ̄ hepen-paae furaalu, D̄ei Kepe Wisi ̄paae kisipa tiratere so wh̄imó matepa saalopóló kisipa mutu ai fo yalepó. Aita, ama doasi doi saaire be d̄e teópa kaae taruraalu, ai fo yale sukamó kale D̄ei Kepe hapale menipó.

40 Ama ai dere fo wosóló mepaae so wh̄iné duraalu,

“Kótóné k̄lóló wh̄i waalopóló bopetu betaleteti, me kae mei ̄tóró mo h̄tipó,” du betaletépó.

41 Ai fo depa, mepaae so wh̄iné duraalu, “̄ta, so wh̄i fea t̄eteróló kaae tanópóló, Kótóné sóró beteró betere wh̄i Keriso h̄tipó,” T̄etepa mepaae so wh̄iné duraalu, “Meipó. Keriso ̄ Kaleli haemó netéró waalopóló de?” du betaletépó.

42 “So wh̄i t̄eteróló kaae tare wh̄i Keriso ̄ta, Take Depit-né ama turuku be Betelehem-mó ama deté fele naale tuamó sókó waalopóló as̄emó inié?” yalepó.

43 Ai fo depa woseturaalu, Yesu ̄ derópóló ai so wh̄i atima fea bet̄a kisipa muni, kisipa kae kae mutu betaletépó.

44 T̄eturaalu, mepaae wh̄iné ̄ tawóló *dipula* beteraai kisipa mualeteti, wh̄i bet̄anékélé ̄ tane fenipó.

Juda topo wh̄irapené Yesu-paae kisipa tiki tiréni yale fo

45 Ai alarape yóló kemeróturaalu, kale momatere be kaae tare diki tare wh̄irape atima Yesu tawóló *dipula* beteraai dapóló feletei, momó fesaae walepó. At̄etepa, mo so wh̄imó Talepaae momaratere doasi topo wh̄iraperó Farisi wh̄irapetamoné atimapaae duraalu, “Ai wh̄i-a, dapesó wale noatepa taaróló waleé?” yalepó.

46 Ai fo depa, kale diki tare wh̄irapené atimapaae teraae faróló duraalu, “Mo take betaletale alimó bet̄a wh̄inékélé,

mió i whiné dere fo kaae depa mo wosenipó,” yalepó.

⁴⁷ Ai fo depa, kale Farisi whirapené duraalu, “Aita, diákélé dilikituraalu yalepa kela!

⁴⁸ Đakó i betó mole momaratere topo whiraperó Farisi whirapetamo mo betakélé apaae kisipa tiki tiró beterekó diaađ kelere? Mo meipó.

⁴⁹ Tépatei, i betó mole so whi Moses-né asere fo dosayóló tuéni, hãle hoko betó mupa, ti Kótóné atima doróló mokoraalopó,” yalepó.

⁵⁰⁻⁵¹ Ai fo depa, take Yesu beterepaae fele Farisi whikó ama doi Nikodimas-né mepaae Farisi whirapepaae duraalu, “Đané tukóló muló betere fo sya furaalu, me whiné ama i alarape yalepó dere fo wosenipatei, hãle hoko só derótua de?” yalepó.

⁵² Atétepa, atimané Nikodimas-paae duraalu, “Yakélé Kaleli whié? Kótóné kóló whiđa, Kaleli hae kwiamó waalopó fo inipó. Ai fokó ašemó muléro ke-laasepóló dosayae,” yalepó.

⁵³ Atéro, ai tourale so whi atimané be séle sélepaae dapo dapo yóló felepó.

8

So betđ whi metamo daaneta du betepa, dapesó wale fo

¹⁻² Atéro fi tikimó, Yesu a Olip du sorokó molepaae fini holalepó. Atéro fiyóló, be đetepa mo hikati a momatere

be tipi bolaa tuapaae momó fóló daalemó, so whi fea wóló a bopéro betepa, bitđ doropóló atimapaee fo yó mótu betalepó.

³ Atéro yó mótu betalemó, kale tukóló muló betere fo yó matere whiraperó Farisi whirapetamoné betđ so nópu nuku betepa kolóló dapesó wóló, ai touró betere so whi tuamó daalalepó.

⁴ Atéro daaló bitu Yesupaae duraalu, “Yó matere whi-ó, i sota nópu nuku betepa kolóló dapesó walepó.

⁵ Atei ala dere sorapeta, kapo duné siróló dae yóló Moses-né ašemó erapó. Atérapa, naao me fokó enére?” yalepó.

⁶ Atimané apaae atéro wosale fota hãle inipó. A só deraaairaaalu, atimasisi fo deyóló a sđ su ai fo yalepó.

Tétepa, a hemée deyóló bitu, naase doune haemó ašetu betalepó.

⁷⁻⁸ Atéro atimané apaae wosetere fo dekéro yó tapa, a hemée taretei donone holóló duraalu, “Diákó dowi ala mo betakélé initere whi betepata, ti ai whinépi a kapo duné siróló dđpóló yae,” yalepó. Ai fo yóló, a momó hemée deyóló haemó ašetu betalepó.

⁹ Ama ai dere fo wosetu, mepaae teó so whi nalo wópóló, otererape atimapi be séle séle fu betalepó. Atima fea atéro fi tikimó, Yesu a betđ bitu kelalemó, kale so a daale tikimótóro hãle daalepó.

10 Atépa Yesu hemée taretei donone holóló, kale sopaae duraalu, “Ti so-ó, ya só deróló daai du betale whirape-a, mopaae feleé? Me whinékó ya só deraleé?” yalepó.

11 Ai fo depa kale soné duraalu, “Doa whi-ó, mo betā whikélé imó bitinipó,” yalepó. Tétepa Yesuné apaae teraae faróló duraalu, “Yalo ya só derótumipa dua fae. Téturaalu, naao deté wou betere dowi ala momó kae ini, mo ti taalae,” yalepó.

Yesuné eta etei kaae whipó yale fo

12 Atéró Yesuné ama yale fo kaae, so whipaae momó duraalu, “I haemó dertótu betere deta ti mo etórotipó. Mepaae e sya wale so whita, diliki tuamó kuni, de tuamótóro kweyóló, mo ti betere bete sóró betaalo ai ape,” yalepó.

13 Ai fo depa, kale Farisi whirape atima dei tué mutu Yesupaae duraalu, “Naaotei ya etei kaae whipóló dere fo mo dapóló, dané wosaalomeipó,” yalepó.

14 Ai fo depa, Yesuné atimapaee tokó mótu duraalu, “Yalotamo e etei kaae whipó depa, so whiné mo dapó enérápó. Ti noatepae, e betóló wale tikiró faaire tikitamo yalótóro tuérápó. Téretei, e wale ala ó fole ala dia tuénipó.

15 Diané me whi hamoma taleyóló só deratere alata, mo whiné dere ala sya fóló du beterapó. Tépetei, yalo

taleyóló me whi só deratere ala mo dumipó.

16 Yalotamo ai ala depa, ti e yalo wotoró bitini, e doteyale seké yalo Ayatamo betā kisipa muóló, fea ala wusuró dereteiné mo donomó enérápó.

17 Téretei, diaaq sya fu betere asemó etei fo yóló muló beterapó. Whi mené fo kae ini, atimaamo wusuróné betā kaae fotóro depa, ti mo dapó du beterapó.

18 Atétu dere kaae, yalotei e etei kaae whipóló yó melóo, e doteyale seké yalo Ayanékélé, e tuamó ere alatóro fea ama mo dono yó melóo, du beterapó,” yalepó.

19 Ai fo depa, atimané apaae woseturaalu, “Naao Aya momó betere?” depa, Yesuné duraalu, “Ekélé, yalo Ayakélé diaaq mo kisipanipó. Etamo diané kisipa uasóro, ti yalo Ayakélé diaaq sumó kisipa uapó,” yalepó.

20 Yesuné ama i forape du betaleteita, momatere be tipi bolaa tuamó Kótópaee moni hale maleta dere tikimó daalu, yó mótu betalepó. Téyaletei, apaae me ala eraaire be de teóreteiné betā whinékélé a tane fenipó.

21 Atéró, Yesuné ama yale fo kaae, atimapaee momó duraalu, “Eta, dia taaróló fulapó. Atéró fi tikimó diané e kekitu betaalotei, diaaq du betere dowi ala tuamó dia sukalo ai ape. E fole tikipaae dia mo wókélé yaalo meipó,” yalepó.

22 Ai fo depa, kale Juda topo wh̄jrape atimasisi duraalu, “A fole tikipaae dīa waalo meipóló yale fo beteta, amatei a daalopóló du yalepó,” yalepó.

23 Tépatei, Yesuné atimapaee yótóró taru duraalu, “Dīata, i haemó kaayóló beterapó. Èta, ó taoró biti dorowale wh̄jipó. Dīata hae wh̄j betereiteiné haemó mole alatamo fulumu du beterapó. Tépatei, èta ó taoró dorowaleiteiné i haemó mole alatamo fulumu dumipó.

24 Take yało dīapaae diaaọ du betere dowi ala tuamó sinaalo ai ape yale fota, ti i betené yalepó. Diaaọ yało dere fo wosóló, ę etei kaae wh̄jpóló kisipa tikitamo tiréni depa, ti diaaọ du betere dowi ala tuamó dīa sinaalo ai ape,” yalepó.

25 Ai fo depa, atimané aapaee duraalu, “Ti ya deé?” yóló wosetepa, Yesuné duraalu, “Mo take kaae sale sukamótei, etei kaae wh̄jpóló dīapaae deté wou betaletei me kae mei ętóróti i ape.

26 Diaaọ du betere alamó yało dīatamo fo tokóló dīa só deraaire fo mo dekéró mulapó. Tépatei, ę dotęyale sekę ąta, mo alaró mo fotamoné betepó. Ama depa yało wosale fotóró i haemó betó mole so wh̄j feapaae yó mótu beterapó,” yalepó.

27 Atimané ama ai dere fo wosóló, ita Alima tuamó ere alatóró yó matapóló kisipa munipó.

28 Atétu betepa, Yesuné atimapaee duraalu, “Kale Wh̄jné Naalema dīané sikipaae só horatere sukamó, ę etei kaae wh̄jpóló diaaọ kisipa yaalopó. Mió dīapaae i yó mótu betere fokélé, yało kọleaané kekeme nóló dumi, Aya ę dotęyale sekéné yó matere fotóró dapó.

29 Ai ala yópóló, ę dotęyale sekéné ę wotoró beterópóló taaréni, a ętamo betamó beterapó. Ti noatepae, suka fea yało du betere alata, a hękese yaaitere alatóró erótu beterapó,” yalepó.

30 Ama atéró yó mótu betale fo wosóló, mepaae so wh̄j aapaee kisipa tiralepó.

*Atima Abraham-né
naalerapepó yale fo*

31 Atéró, Yesuné aapaee kisipa tiró betere mepaae Juda fake so wh̄jpaee duraalu, “Diaaọtamo yało yó matere fo wosóló eró tapa, ti dīa mo yało yó matere so wh̄jtóró beterapó.

32 Atéró, kale mo fo betekélé diaaọ tuę duraalu, dīa dokóló moletei ai foné teraayóló hałe fópóló eraalo ai ape,” yalepó.

33 Ai fo depa atimané aapaee tokó mótu duraalu, “Da Abraham-né deale naalené deté wale wh̄jrapeta, mo betę wh̄jné wae sóró kutó diratere wh̄jkélé bitinipó. Tépatei, naao dąpaae dīa mené kutó diratere ala ini, hałe fópóló yaalopó dere fo-a, noa betené de?” yalepó.

34 Ai fo depa Yesuné duraalu, “Yalo diapaae mo i dere ape. Mepaae so whi detamo dowi ala hale yó tapa, ti ai alané wae sóró kutó diratere so whitóro beteropó.

35 Ti ai so whita, betá whiné deale naale senaale aleóló mo ti betenénipó. Tépateti, betá whiné naalema á betá ai whiné amatóro deyaletiné mo titóro betó tawaalopó.

36 Atérené kale Whiné Naalemanétamo diá kápiné kaae dokóló mole so whi teraayóló hale fópóló depa, ti diá mo fótóro yaalo ai ape.

37 Diáta, Abraham-né deale naalené deté wale whirape betere ala yalo tuérápó. Tépateti, yalo fo diá tuámó muniru, diaaó é daai ai du betere ape.

38 Yalo i du betere fota, yalo Ayatamo bitu kelale alatóro du beteropó. Atére kaae, diané du betere alakélé, diaaó ayané diapaae yó matere alatóro ai du betere ape,” yalepó.

39 Ai fo depa, atimané apaae duraalu, “Dané ayata Abraham-pó,” depa Yesuné duraalu, “Diátamo Abraham-né naale senaale bituásóro, ti ama yale alatóro sya fóló uapó.

40 Yalo diapaae yó mótu betale fota, Kótóné epaae depa wosale fotóro du betepatei, diaaó é daai keteke ai butu betere ape. Ti Abraham-néta, diané ai dere ala kaae inipó.

41 Diané ai du betere alarapeta, diaaó ayané yale alatóro sya fu beteropó,”

yalepó. Téró atimané duraalu, “Dáta, qlémi nóló hoko deyale naalerape meipó. Dané Ayata, Kótó atóro beteropó,” yalepó.

Satan-né naale senaale ai ape yale fo

42 Tétepa, Yesuné atimapaee duraalu, “Kótó á diaaó Ayatamo uásóro, ti epaae hekesené sinóló yaala sókó fole ala uapó. Ti noatepae, mió é i haepaae wóló diátamo i betereitea, yalo kóleané ani, Kótóné ama é dotonatepa walepó.

43 Yalo dere fo diaaó wosetutei, kisipa initere noa betené de? Ti aita yalo fo wosóló, eraaire kisipa diá tuámó muniru dapó.

44 Atérené diáta, diaaó aya Satan-né ama fake so whi bitu, ama kisipa mole ala eraai du beteropó. Ti áta mo fo buniruraalu, mo take keké nale alimóte kaae sóró, whi dilé wou betere seképo. Atétu, ai kale fo wisi mo sawakélé á tuámó munipó. Áta, kapala foné alima bitu, suka fea kapala fotóro dua dapó. Ti kapala fota, ama be fopó.

45 Yalo diapaae mo fo du betepatei, diaaó yalo dere fo wosóló, mo dapóló kisipa tirótimpó.

46 Yalo etei kaae dowi ala yalepóló, diákó betá whiné hakearóló enére? Yalotamo diapaae mo fotóro yó mótu betepa, ti diané epaae kisipa tiki tiratere ala dumipó.

47 Kótóné so wh̄inéta, ti ama dere fo wosetu beterapó. Diąta, Kótóné ama fake so wh̄i bitinireteiné ama fo wosetumipó,” yalepó.

Yesuné amatei ą etei kaae wh̄ipó yale fo

48 Tétépa, kale Juda wh̄irapené ąpaae duraalu, “Dąné yąta, Samaria wh̄ikó dowi kepe tepeyóló beterapó dere kapala fo de?” yalepó.

49 Ai fo depa, Yesuné duraalu, “Ę tuąmó dowi kepe tepeyóló bitinipó. Ęta, yąlo Ayané doi betą sóró horótu betepatei, diaaą yąlo doi haepaae só derótu beterapó.

50 Yąlo du betere alata, ętei doasi doi muaai dapóló kisipa muóló dumipó. Ę doasi doi mulatere alata, mené eraai keteke butu beterapó. Ti ąta, fo tokóló taletere bete Talepó.

51 Yąlo diąpaae mo dapó. Mepaae so wh̄i detamo yąlo fo wosóló, sya fóló erótu betepa, ti ai so wh̄i sukókélé mo yaalomeipó,” yalepó.

52 Ai fo depa, atimané ąpaae duraalu, “Yą tuąmó dowi kepe fąayóló mulu du betere alarape dąné tuérapó. Ti noatepae, Abraham-kélé sukó, mepaae take betale Kótóné kóló wh̄irapekélé sukó yalepó. Téyaleteti, nao du, yąlo fo sya fóló eratere so wh̄ita, suąalo meipó ai dere ape.

53 Ai fota, dąné aya Abraham naao teteró beterapóló de? Ti Abraham ąkélé sukó, take betale Kótóné mepaae

kóló wh̄irapekélé sukó, erapó. Térépa, naao kisipané yą depóló de?” yalepó.

54 Ai fo depa, Yesuné tokó mótu duraalu, “Yąlotamo ętei doasi doi muaaire ala depa, ti so wh̄iné mo ala dapóló kisipa muaalomeipó. Tépatei, yąlo Aya dią teteróló kaae tare Kótópó, du betere sekéné ama betą yąlo doi doasi mulatere ala du beterapó.

55 Diaaąta, ai seké kisi-panitei, yąlo betą ą mo kisiparapó. Yąlotamo ą kisipanipó uąsóró, ti ę dią kaae kapala fo dere wh̄i bituąpó. Téuąteti, yąlo ą kisipa iruraalu, ama fokélé yąlo eró tarapó.

56 Diaaą aya Abraham-né ę waaire be de sókó wópóló kaae taru, ą hekesené sukutu bitipakalepó. Téyaleteti, ę wale ala ama kilitu, ą hajné sukóló ama hosaa muni deyaletpó,” yalepó.

57 Ai fo depa, atima Juda wh̄irapené ąpaae duraalu, “Yąta, 50 ba fo kemenitei, Abraham naao ai kilirapó!” yalepó.

58 Ai fo depa, Yesuné atimapaee duraalu, “Yąlo diąpaae mo i dere ape. Abraham ąkélé hamané deyaaipatei, ę mo taketi betere wh̄ipó,” yalepó.

59 Atétépa, atimané kapo durape sóró ą siróló daai yaleteti, ą kelaąsóró kikiti buté buté fóló, moma dere be bopére tipi taaróló, belapaae sókó doropóló felepó.

9

Yesuné kele nomone whi wisirale fo

1 Atéro, Yesu a tumó fu be-talemó, whi betá hamané depemótei kele dilikipa deale whi betepa kelalepó.

2 Atépa, ama yó matere whirapené apaae duraalu, “Yó matere whi-ó, i whiné kele dilikiretei, ama yale dowi alané erépé, hamaró alimatamoné yale dowi alané erémólópó?” yalepó.

3 Ai fo depa, Yesuné duraalu, “I whiné ama kele dilikire alata, ama yale dowi alané ó hama alimané yale dowi alanékélé meipó. Aita, Kótóné fotokóné ama tiki tuamó ere ala wisiró betepa, nalo so whi feané kolópoló erapó.

4 Be depatei e doteyale whiné ama kutó dané hale dirótu betenérápó. Mióta, be diki dere ala sókó waai ai dere ape. Atétere sukamó, whi mo betanékelé me kutó dinénipó.

5 E i haemó hale bituraalu, ti haemó betó mole so whipaae derótu betere deta, ti etórotípó,” yalepó.

6 Ai fo yóló, Yesuné fesaa haepaae sókó deróló, hae kaae sóro basa basa eróló, kale whiné kelemó dilalepó.

7 Atéro apaae duraalu, “Naa dore kele u Sailoam wei kemó fokone fae,” yalepó. (Sailoam doiné bete feteyóló doteyalepó.) Ai fo depa, kale whi a fóló fokalemó, mo ti wisitepa, ama bepaee momó fesaae

wouraaalu, ɔla ɔla wisiyóló kelalepó.

8 Atépa, ama be whi so whiró a kele doyóló bitu, ɔla ɔla kema du betepa kelale so whitamóné duraalu, “Ita, take kele doyóló bitu, ɔla ɔla kema du betale whi hiti irurapó?” yalepó.

9 Tétepa mepaaené duraalu, “Me kae mei atóro hitipó depa mepaaené meipó, betá kaae kelepaa daale whi kae irurapó,” yalepó. Tétepa kale whiné amatei duraalu, “Take kele dilikiyóló bitu, ɔla ɔla kema du betale whita me kae mei, etóro hiti i ape,” yalepó.

10 Ai fo depa atimané apaae duraalu, “Naa kele dilikiretei netéro wisiyalee?” yalepó.

11 Tétepa ama duraalu, “Atimané Yesupó du betere whiné hae sóro basa basa eróló yalo kelemó dilóló, Sailoam weimó fokone fae depa, fokale tikimó yalo kele wisiyóló mió ɔla ɔla keletapó,” yalepó.

12 Ai fo depa atimané apaae woseturaalu, “Ai whi a momó betere?” depa kale whiné duraalu, “A momó betereró ekélé kisipanipó,” yalepó.

Farisi whirapené betá whiné kele neyóló wisiralee? yale fo

13 Téró, atima mepaae whirapené kale kele dilikiyóló betale whi Farisi whirape beterepaae dapesó walepó.

14 Yesuné kale kele dilikire whi hae dilóló wisirale alata,

şa naai tukóló muló betere be demó yalepó.

¹⁵ Atépa kale Farisi wh̄irapenékélé ąpaae wose-turaalu, “Naao kele dilikiretei, netéro wisiyaleé?” depa, ama atimapaee duraalu, “Yalo kelemó hae dilóló Sailoam w̄ei kepaee fokone fae depa, ę fóló fokalemó yalo kele wisiyóló, mió ęla ęla keletapó,” yalepó.

¹⁶ Ai fo depa mepaae Farisi wh̄irapené duraalu, “I wh̄ita, Kótóné dotonale wh̄i meipó. Ti noatepae, şa naai tukóló muló betere be demótei, ama etei kaae kutó ditu beteraapó,” yalepó. Ai fo depa, mepaae wh̄iné duraalu, “Dowi ala du betere wh̄iné etei kaae kelemei ala netéro eraaloé?” yóló atimasisi tekeyóló fo kae kae du betalepó.

¹⁷ Téró atima ai fo yóló kemetepa, kale kele dilikiyale wh̄i daalepaee fetée fóló duraalu, “Ai wh̄iné naao kele wisiró beteraapa, naao ą depóló kisipa mute?” depa, kale wh̄iné duraalu, “Aťa Kótóné ama kóló wh̄ikópó,” yalepó.

¹⁸ Tétepa, ai kale Juda wh̄irapené ą take kele dilikiyóló betale wh̄itei, wisiró beteraapóló kisipa tiréni, ą kae wh̄i nisiyóló ama hamaró alimatamo dapesene fópóló, mepaae wh̄irape doteyalepó.

¹⁹ Atéro, kale wh̄iné hamaró alimatamo wóló betepa, Farisi wh̄irapené atimaamopaae woseturaalu, “Ita diaamoné kele dilikipatei deyalepó yale naale

h̄itié? Atéyaletei, mió ama kele wisiretei netéro yaleé?” yalepó.

²⁰ Ai fo depa, hamaró alimatamoné duraalu, “Aťa đamoné naalepó. Ama kele atéro dilikipa deyaleteti đamoné kisiparapó.

²¹ Tépateti, ama kele wisirale wh̄i ó netéro wisiraleró đamokélé tuęnipó. Ti ąkélé disire wh̄ipa, ą wisirale fo amatóro yópóló ąpaee wosae,” yalepó.

²² Kale wh̄iné hamaró alimatamoné atéro yale fo h̄ale inipó. Yesu ąta, Kótóné so wh̄i teteteróló kaae tanópóló, sóro betero betere wh̄ipó dere so wh̄i fo wosetere bepaae holaqsóro, atima Juda wh̄irapené belapaae hókó deraalopó ere fo atimaamoné wusuróraalu, witepa yalepó.

²³ Atimaamoné ąkélé disire wh̄ipa, ąpaatóro wosae yale fota ai betené yalepó.

²⁴ Téró, Farisi wh̄irapené kale kele dilikiyale wh̄ipaae momó ape yóló duraalu, “Kótóné doi doasi muópóló yae. I sekęta, dowi ala du betere wh̄ipóló đanę tuęrapó,” yalepó.

²⁵ Ai fo depa kale wh̄ikó duraalu, “Aťa, dowi ala dere wh̄i ó initere wh̄iró ękélé kisipa inipó. Téretei, take ę kele dilikiyóló betaleteti, mió yalo kele wisiyóló keletere ala betą yalo kisiparapó,” yalepó.

²⁶ Atétepa atimané ąpaee woseturaalu, “Naao kele

wisiraai noa ala maaté yaleé?" yalepó.

27 Ti fo depa ama atimapaee duraalu, "Take yało diãpaae yaleteti, diaağ woseni hõralepó. Téyaleteti, diãné momó noatepa wosaai de? Diãkélé ama yó matere whĩrape betaai kisipa mute?" yalepó.

28 Ai fo depa atimané ą faleyóló duraalu, "Yąta, i sekéné ama yó matere whĩ airapó! Dąta, ti Moses-né yó matere whĩrape beterapó!

29 Take Kótóné Moses-paae mo yalepóló dąné kisiparapó. Tépatei, ai whĩ wale tikikélé dą mo kisipanipa, ą deró ke-lae!" yalepó.

30 Tétepa, kale whĩné atimapaee tokó mótu duraalu, "Ama yało kele wisirale alata, mo doasi alapó. Tépatei, ą wale tikikélé dią tuėnipó depa, yało doasi sira dapó.

31 Ti noatepae, dowi ala du betere whĩrapené dere fo Kótóné wosenitere ala dąné kisiparapó. Téretei, ama tuė mole ala sya fóló, erótu betere so whĩné dere fota, ti ama wosetua dapó.

32 Mo take bitiré wale alimó, atéro kele dilikipatei detere whĩ mené fisaae faralepó dere fo mo wosókélé inipó.

33 Kótóné i whĩtamo dotonóluameisóro, ti ama betaı alakókélé eróluameipó," yalepó.

34 Ai fo depa atimané ąpaae duraalu, "Yąta, naao haeró ayatamoné dowi ala tuamó deyale whĩnétei, ya dą yó

matere whĩ betaai de?" yóló, ą foné sóro hõkó faralepó.

Mo kelené kelepatei tiki tuamó daale kele dilikire fo

35 Kale Farisi whĩrapené kele wisirale whĩ foné sóro hõkó faralepó, dere fo Yesuné wosóló, kale whĩ kekalepó. Atéro kekóló, keletepa ąpaae duraalu, "Yąta, Whĩné Naalemapaae kisipa tiró betere?" yalepó.

36 Tétepa kale whĩné ąpaae duraalu, "Doa whĩ-ó, ę ąpaae kisipa tiki tiraai dapa, ai whĩ naao ępaae yó ąlae," yalepó.

37 Tétepa Yesuné ąpaae duraalu, "Aąta, mió naao ai ke-lale ape. Mió yaıtamo i fo du betere seké ętóro i ape," yalepó.

38 Téro kale whĩné duraalu, "Tale-ó, mió ę yaıpaae kisipa tiróló i betere ape," yóló ą Yesu daale aomó bukutiri tearó dua betalepó.

39 Téro Yesuné duraalu, "Ę i haepaae waleteita, mepaae kele dilikire so whĩ wisiróo, wisire so whĩné kele diliki yóo yópóló, taleyóló bukuraai walepó," yalepó.

40 Yesu ątamo felekemó daae mole Farisi whĩrapené ama dere fo wosóló, ąpaae duraalu, "Naao ai dere fota, dąkélé kele dilikirapóló de?" yalepó.

41 Tétepa Yesuné atimapaee duraalu, "Diıtamo dią kele dilikirapó uasóro, ti diãné du betale dowi alamó dią só deróluameipó. Tépatei diaağ duraalu, diãné kele wisirapó

dereteiné diaaḡ dowi ala ḡale ai mole ape,” yalepó.

10

Sipsip hupu kaae tare topo whi wisita Yesuné atórótípó yale fo

¹ Téró Yesuné duraalu, “Yalo diapaae mo i dapa wosae. Mepaae whi de kale *sipsip* hupurape betere tipi tumó sókó wéni, demó fulukóló sókó hotepa, ti qlémi nokole whiró hupu doraai wale whitamó ai ape.

² Téretei, whi me de kale *sipsip* hupurape betere tumótóró sókó hotepa, ti hupu tale ai ape.

³ Kale *sipsip* hupurape me ala yaḡsóró, tu sereke kaae tare whiné ai *sipsip* hupu tale tipi tuapaae wópóló tu tukitepa, ti ama fo nakome hupurapené wosetua dapó. Atéró, kale *sipsip* hupurape fea doi yósu enalemó, ama fo wosóló wapa, ti belapaae olosó fua dapó.

⁴ Atéró, kale hupu talené ama hupurape fea belapaae dapesó doropóló, ama kilimó woleyóló fua dapó. Ti noatepae, kale hupurapené ama fo nakome wosóló tuérápó.

⁵ Tépatei, mo whiné fo nakome woseturaalu sya feni, atima botokótei faalopó. Ti noatepae, ai hupurapené a kae whipóló tuérápó,” yalepó.

⁶ Yesuné atimapaee ai dó faróló yale fo bete atima sini, kóló kóló du betalepó.

⁷ Atétepa Yesuné atimapaee ḡakearóló duraalu, “Yalo diapaae mo i dere ape. *Sipsip* hupu fua wua dere tu sereketa, ti mo etórótípó.

⁸ E waaipatei, take wua yale whirapeta, ti qlémi nokole whiró qla qla fasóló sere whirapetamo ai ape. Tépatei, kale *sipsip* hupurapené atima dere fo wosenipó.

⁹ Kale hupurape fua wua dere tu sereketa, ti mo etórótípó. Mepaae whi de e tuamó sókó fupa, ti me qlané a doratere ala ini, tao saalopó. Atétere whita, belapaae nerape nale fua, tipi tuapaae hotua du betaalo ai ape.

¹⁰ Ti qlémi nokole whirapeta, ḡale wómipó. Kale *sipsip* hupurape qlémi dóló sóró fóo, hupurape dóló doróo, yaairaalu wua dapó. Téretei, e waleteita atima sukutere ala tuamó betereitei taaróló, ti betere bete mo turó sópóló kisipa mutu walepó.

¹¹ Kale *sipsip* hupu kaae tawóló asare whi wisinaaleta, ti mo etórótípó. Hupurape me ala yaḡsóró, tao saai yalo betere bete me qla meipóló e sukunérápó.

¹² Me dupu saai kisipa muóló hupu kaae tatere whita, *sipsip* hupu tale meipó. Atétere whita, hupu dóló nokole bete ḡaḡ wale kilitu, hupurape dóló nópóló taaróló a botokó faalopó. Atétepa kale bete ḡaḡ wouraalu, *sipsip* hupu-

rape dóló sesaape deremó, mepaae hupu botokó dapo dapo yaalopó.

13 Ti noatepae, ai kaae tare whi ą *sipsip* hupurape kisipa muni, dupu saai kisipa muóló kaae tareteiné hupurape taaróló, botokó fua dapó.

14 Ẽta, *sipsip* hupurape kaae tawóló asare whi ereteiné, hupurape yało kisipa yóo, hupurapénékéle ę kisipa yóo erapó.

15 Até irure kaae, Ayané ama ę kisipa yóo, yało Aya ą kisipa yóo, erapó. Yało betere bete me ọla meipóló sukąaireteita, *sipsip* hupurape kisipa mutu, tao saairaalu sukunérapó.

16 I tipi tuámó betere hupurape maaté tao saai mei, yało hupurape mepaae kae betó mulapó. Ai hupurapekéle fea yało dape sóró, i betó mole hupurapetamo touróló betámó beteraalopó. Tétepa, ai hupurapénékéle yało dere fo wosaalopó. Tétu, *sipsip* hupurapekéle mo betątóró betóo, kaae tare whikéle betątóró betóo, yaalo ai ape.

17 Yało betere bete tokó sóró sukutepa, ę momó kepaayóló betaalopóló kisipa mutu, yało betere bete matereteiné yało Ayané ama ępaae yaala sókó fóló mulapó.

18 Whi betąnékéle yało betere bete tokó seni, yało kọleaanétei matapó. Ẽ sinitere alakéle, kepaayóló betaaire alakéle, naaotei tetéróló kaae tawae yóló, yało

Ayané ępaae maletiné yało tetéróló kaae tarapó,” yalepó.

19 Kale Juda so whinė ai dere fo woseturaalu, atima fea betą kisipa muni, mepaaené fo kae yóo, mepaaené fo yóo, du be-talepó.

20 Atétu, mepaae turó so whiné duraalu, “Ai whi tuámó dowi kepe ẹanuraalu, topo doyóló du betere fo diaaọ noatepa wosetu bitu de?” yalepó.

21 Ai fo depa mepaae so whiné duraalu, “Dowi kepe tepeyóló betere whiné etei kaae fo dumipó. Dowi kepe tepeyóló betere whiné kele dilikire so whi sımó wisirané?” yalepó.

Juda whirapéné Yesupaae kisipa tiki tiréni yale fo

22 Téro, Jerusalem be tuámó Juda fakené moma dere be mo take bóe whiné doraalotei, momó wisiróló ọla deyaai tukóló muló betere be de sókó walepó. Atéro ọla detere alata, sosóli alimó yalepó.

23 Atéyale sukamó, moma dere be belamó tene Solomon-né doi mole be tokweimó Yesu ą kutu be-talepó.

24 Atétepa, Juda so whinė Yesu boperale wóló, ąpaae duraalu, “Naao ẹpaae yó melaai yale fo yó melaalo nisyóló kaae tawale supa, yątamo so whi tetéróló kaae tanópoló Kótóné sóró betéro betere whi Kerisopata, ti

dapaae hakearóló yae,” yalepó.

25 Ai fo depa Yesuné atimapaee tokó mótu duraalu, “Take yalo diapaae yaleteti, dijané tué tiki tirénipó. E etei kaae whípóló diaaq kisipa tirópóló, Ayané doimó yalo i kelemei alarape du beterapó.

26 Tépateti, dija yalo *sipsip* hupu bitinireteiné, epaae kisipa tiró bitini ai ape.

27 Yalo *sipsip* hupurapené yalo fo wosetua dapó. Ai hupurape atimakélé yalo tué yoo, atimakélé e sya wooo, du beterapó.

28 Yalo atimapaee mo ti betere bete matereteiné atima sukóló alukélé mo yaalo meipó. Ai so whi atima yalo naase tuamó betepa, me whiné fasó sere alakélé mo enénipó.

29 Ai *sipsip* hupurape yalo naase tuamó beteraale seké yalo Aya ata fotokó bole Tale bitu, fea whiraperó kae kae keperapetamo ama tetéro beterapó. Atéreteiné atima yalo Ayané naase tuamó betepa, me whinékelé mo fasó senénipó.

30 Yalo Ayané ama ere ala ó mole tuékélé kae mei, damo wusuró mo betá alatóró erapó,” yalepó.

31 Ai fo depa wosetu, kale Juda whirapené momó kapo du sóró, a siriyóló daai yalepó.

32 Atétepa, Yesuné atimapaee duraalu, “Yalo Ayané epaae erae depa, kae kae kelemei ala eralepó. Téyalepa,

mé erale kelemei alarapemó, diaaq e kapo duné siróló daai de?” yalepó.

33 Ti fo depa Juda whirapené apaae tokó mótu duraalu, “Naao ai eratere alamó ya kapo duné siriyóló daai dumipó. Yata mo whitei, Kótópó du betere foné Kótó faletu betepa, ya daai dapó,” yalepó.

34 Tétepa, Yesuné atimapaee tokó mótu duraalu, “Dijané tukóló muló betere foné diata, kótórapepóló take yalo diapaae inié?

35 Kótóné asemó ere fo tuamó tekeyóló mepaae wosoo, me kwiapaae woseni sisopaae eroo, dere ala mo enénipó. Ama fo wosale so whipaae diata, kótórapepó depa, ti i haepaae wópóló Alima Kótóné kae beteró betere naalepaae noa fo enére?

36 Atépa, yalo Ayané e ama naalepóló sóró kae beteróló, i haepaae dotonalepó. Atérené yalo duraalu, ‘Eta Kótóné naalemapó’ dere fomó, Kótó faletapóló diaaq e só deróló hale ɔla kaae aqrótu beterapó.

37 Yalotamo, Ayané ama erae dere ala erénitepa, ti dijané yalo dere fo wosóló, epaae kisipa tiraose.

38 Tépateti, yalo Ayané erae dere ala erateremó, diaaq epaae kisipa tiratere hôtepa, ti mepaae eratere kelemei alarape kisipa tirae. Atétepa, ti yalo Aya a e tuamó betoo, ekélé a tuamó betoo, ere ala

bete diaaḡ wisiyóló kisipa yaalo ai ape,” yalepó.

³⁹ Ai fo depa, atimané take yale kaae Yesu tawóló *dipula* beteraai yalemó, ḡ ai tuamótei sókó deyóló felepó.

⁴⁰ Atéro Yesu ḡ Jordan wẹi teyóló, ama yó mótu betere ala kaae sale tikipaae momó bitı felepó. Aita, take Jon-né so whı fea wẹi tópurótu betale tikipó.

⁴¹ Atéro fóló betaremó, so whı mo dékéro ḡ beterepaae wóló duraalu, “Jon-néta, kelemei ala mo betakélé eratepa kilinipó. Ténitei, ama i whı kisipa muóló yale fo fea motóro erapó,” yalepó.

⁴² Atima ai betó mole tikimó, mepaae so whı fea Yesupaae kisipa tiralepó.

11

Lasarus sukɓle fo

¹ Téro, Betani be whıko ama doi Lasarus ḡ kisiné sukóló molepó. Ai be huluata, Maria ama kema Martasépi atimané turuku bepó.

² Ai so Mariata, kale kisiné sukóló mole whı Lasarus-né nemapó. Aḡa, Talené hõleke tómó felé kɓlaa wale *wel* wẹi suniyóló, ama topo nikinétei helekóló kópurale sopó.

³ Kale whıné ama nema tamoné Yesupaae duraalu, “Tale-ó, naao hosaa mole fulumu whı kisiné sukóló mulapó,” fo yó faralepó.

⁴ Ai fo Yesuné wosóló duraalu, “Aḡa, ai daale kisiné ama betere ala mo ti kemeraalo meipó. Ai kisita,

Kótó Naalemané Alimané ere ala wisi haķearatepa, so whı feané kolópóló erapó,” yalepó.

⁵ Martakélé, ama kema Mariakélé, atimaamoné nema Lasarus-kélé, Yesuné ama hosaa mulu, yaala sókó fóló molepó.

⁶ Atépaitei, ama noma Lasarus kisiné sukóló mulapó dere fo wosóló, Yesu ḡ hapale feni, be deḡ tamo haķe beterepó.

⁷ Téro ama yó matere whırapepaae duraalu, “Daḡ Judia hae kwiapaae momó fesaae faalopa fiépe,” yalepó.

⁸ Ai fo depa, atimané apaae duraalu, “Yó matere whı-ó, dóti atima Juda whırapené ya kapo duné siróló daai yale tikipaaetei, momó fesaae faai de?” yalepó.

⁹ Tétepa Yesuné duraalu, “Betaḡ be deḡ tuamó kutó ditere 12-ró suka kele munié? Deḡ tuamó kotere whıta, me ḡlané hó kotóo sóró déekélé naalomeipó. Ti noatepae, ai whı aḡa i haemó ere deḡtamo kutu beterepó.

¹⁰ Téretei, diliki tuamó kotere whıta, kotóo sóró dée nukua dapó. Ti noatepae, ḡ deḡ tuamó konitereteinépó,” yalepó.

¹¹ Yesuné ai fo yale kılipaae ama atimapaae duraalu, “Dané fulumu whı Lasarus ḡ noke fipa turukuraai e fulapó,” yalepó.

¹² Ai fo depa, ama yó matere whırapené duraalu, “Tale-ó, aḡtamo mo noke fipa,

ti ama hãle wisiyaalopó," yalepó.

13 Yesuné amata, kale whi mo ti sukunapó yaletai, ama yó matere whirapené ti mo noke fipa dere nisiyalepó.

14 Atétepa, Yesuné atimapaee hãkearóló duraalu, "Lasarus-ta, mo ti sukunapó.

15 Atei alata, diã kisipa tirópóló ę atamo betámó betepa iniyaletiné yãlo mo kée dapó. Térapa, dã ę kelaai faalopa fiépe," yalepó.

16 Tomas-tei ama doi Didimas-pó du betere whiné mepaae yó matere whirapepaae duraalu, "Dãkéle atamo betámó sukãai faalopó," yalepó.

Yesuné Mataró Mariatamo nema sukãlemó seke yaqsóró tao sale fo

17 Téró, Yesu ę Betani bemó sókó fóló kelalemó, kale whi Lasarus दौरó betepa, दौरó be dẽrape kemeipakalepó.

18 Ai Betani bemó kaae sóró, Jerusalem bepaae foleteita, saletó mei, 3 kilomita maatépó.

19 Atérené, Juda hae kwiamó betó mole so whi mo turó Mataró Mariatamoné nema Lasarus sukãleteiné atimaamo dekené sukaqsóró, kqleó yóló moló bemó fea betaai walepó.

20 Ateró, Yesu ę tumó wou beterapó dere fo Matané wosóló, atamo hokolaa yaai fupatei, Maria ę bemó hãle beterepó.

21 Ateró fóló, tumó hokolaa yóló, Martané Yesupaae duraalu, "Tale-ó, yãtamo

imó bituãsóró, ti yãlo ne sukuameipó.

22 Téatei, naao noa alakó Kótópaae wosetepa, ti ama mo miótóró eraalopóló kisipa mutapó," yalepó.

23 Ai fo depa, Yesuné kale sopaae duraalu, "Naao neta momó kepaayóló betaalo ai ape," yalepó.

24 Tétepa Martané duraalu, "Take kemetere sukamó so whi fea kepaaturaalu, ąkéle kepaayaalopóló yãlo kisiparapó," yalepó.

25 Ai fo depa, Yesuné kale sopaae duraalu, "Kepaayaaireteiró betere betetamota, ti mo ętórótípó. Whi me de ępaae kisipa tiró betere tuámó ę sukutepa ti aluni, hãle betó tawaalopó.

26 Mepaae so whi de mo bitutei, ępaae kisipa tiratepa, ai so whi sukókéle mo yaalo meipó. Naao yãlo i dere fo wosóló, mo dapóló kisipa tiki tirate?" yalepó.

27 Tétepa kale soné duraalu, "Tale-ó, yãta so whi fea tẽteróló kaae tanópóló, sóró beteró betere whi Kerisopó dere fo mo dapó. Yãta i haepaae waalopóló bopetu betale whi Kótóné Naalemapóló, kisipa tiratapó," yalepó.

28 Matané ai fo yóló keme-tepa, ę fesaae fóló kema Mariapaae ape yóló, dẽpaae dapesó fóló duraalu, "Hama-ó, kale yó matere whi wóló daalu, yã-ó dapó," yalepó.

29 Ai fo depa, Mariané ą hapale turukó holóló, Yesu daalepaae felepó.

30 Atéyaletei, Yesu ai be huluapaae hapale sókó feni, Mata atimaamo hokolaa yóló, fo du betale tikimótóróti hałe daalepó.

31 Atéro, Mariapaae kọle-ó, yaai wale Juda fake so whi fea ątamo be dolomó betó mualetei, ą turukó daalóló fupa, nema molóne fole nisyóló atimakélé ą sya felepó.

32 Atéro, Maria ą Yesu daale tikimó sókó fóló ą kelalepó. Atéro, ama hó aomó deraapisa fóló fiyó mulu duraalu, “Tale-ó, ya imó bituąsóró, yało ne sukuameipó,” yalepó.

33 Atéro, Yesuné Maria wole dere ala kolóo, ątamo wale Juda so whikélé wole yóo, depa kilitu, ama hosaa tuąmó doasi dekené sukutu betalepó.

34-35 Atétepa, ama atimapaee woseturaalu, “Diaaą ą momó douraleé?” depa, atimané duraalu, “Tale-ó, ke-laasepóló ape,” yalepó. Ai fo deremó, Yesu ąkélé wole yalepó.

36 Yesuné atéro wole depa kale Juda so whinė duraalu, “Ama hosaa mole whi sukutepa wole ai dere kelere?” yalepó.

37 Téyaletei atima mepaae so whinė duraalu, “I whinė take kele dilikire whi wisirótu yale kaae, i sukóló mole whi wisi erénitupó?” yalepó.

Yesuné Lasarus kepaarale fo

38 Atéro Yesu ą kale yale kaae, momó ama hosaa tuąmó doasi dele duraalu, dou tópaee walepó. Téyalemó, ą dourale kane dolo tu doakale kane fakené kinó betepa kelalepó.

39 Atépa, Yesu sókó wóló duraalu, “Ai kinó betere kane fake sókó sóró mulae,” yalepó. Ai fo depa, kale sukóló mole whinė nema Matané duraalu, “Tale-ó, téyaalotei ą douró betepa, be de douró kemeyaleteiné mió dowi kẹlaa sókó waalo ai ape,” yalepó.

40 Ai fo depa Yesuné duraalu, “Naaotamo kisipa tiki tiratepa, ti Kótóné mo kae ere ala wisinaale kelaalo ai ape, fo yało yaapaee inié?” yalepó.

41 Atétepa, kale kinó betere kane fake atimané sókó sóró mulalepó. Téro, Yesu ą ó saapaee kese holóló duraalu, “Aya-ó, yało moma dere fo naao wosóló, eratereteiné yaapaee mo kée dapó.

42 Ti noatepae, betere doko fea yało kematere fo naao wosóló, erótu betere ala yało tuęrapó. Téretei, yało i dere fota, i daae mole so whinė etei ala kilituraalu, ę naao dotonó beterapóló atima tuę tiki tirópóló dapó,” yalepó.

43 Atéro ai fo yóló keme-tepa, ama fo fakeyóló duraalu, “Lasarus-ó, ya ipaae tóę ape!” yalepó.

44 Tétepa, kale sinale whi belapaae tóę wouraalu, ama hó naasekélé, kelepaakélé,

boperóló mulale deji *linen* kutiné bope yóo, ama kelepaakélé kutiné husuróo, epatei sókó walepó. Atétepa, Yesuné atimapaee duraalu, “A kwęyóópólópa, ama tikimó ai bopere kuti teraae falae,” yalepó.

Topo whirapené Yesu daairaalu, fo deyaleteti

(*Mat 26:1-5, Mak 14:1-2, Luk 22:1-2*)

⁴⁵ Atétepa, Mariapaae kọle-ó yóló, ątamo betaai wale Juda fake so whi fea Yesuné ai yale ala kolóló, ąpaae kisipa tiki tiralepó.

⁴⁶ Téyaleteti, Mariapaae kọle-ó yaai wale whirape atimakó mepaae Farisi whirape beterepaae fóló, Yesuné yale alarape fea yó malepó.

⁴⁷ Atéró, mo so whimó momaraterere topo whiraperó Farisi whirapetamoné mepaae taleraterere whirapepaae ape yóló, touróló fo kęlaaróló atimapaee duraalu, “I whiné ama du betere ala taalópoló depatei, ai whiné taalaaire mo suni, Talené dapó yópoló, eraterere kelemei alarape fea du beterepó. Térapa, ąané noa alakó yaaloró, tuę tekeyaalopó.

⁴⁸ ąanéamo ama i ala du beterepóló kaae tapa, ti so whi feané ąpaae tuę tiki tiraalopó. Atéturaalu, Rom *Gavman* whirape wóló, ąa betere beró ąané teđeróló kaae tare hae kwiatamo fasó saalopó,” yalepó.

⁴⁹ Atéró, ai ba fomó atimakó whi betę ama doi Ka-

iapas, ą so whimó Talepaae momaraterere doasi topo whi beterepó. Ai sekéné atimapaee duraalu, “Diaaą ai dere fota, ąa tuę iniru whaalaa depa hoko fo dapó.

⁵⁰ ąa Juda fake so whi fea aluyaąsóró, betę whi sukutepa wisirapó kisipa muni airapó,” yalepó.

⁵¹ Ai fota, amatei kekeme nóló ini, ai ba fomó ą so whimó Talepaae momaraterere topo whi bitu, Juda fake so whi tao saairaalu, Yesu sukąaire ala Kótóné kóló whiné dere fo kaae ama tikati yóló mulalepó.

⁵² Yesu ą sukąaire alata, ai Juda fake so whi maaté tao saai meitei, Kótóné ama naale senaale i hae kwiamó dapo dapo yóló, kae betó molete, fea touróló mo betę faketóró aleróló beteraalopó.

⁵³ Atéyale be demótóró kaae sóró, kale Juda topo whirapené Yesu daairaalu, kikiti fo dokóló mulalepó.

⁵⁴ Atéreteiné Yesu ai Juda hae kwiamó momó kae haąeamó kuni, ai hae taaróló, so whikélé bitinire haąe kópu kaae fi hae kwia felekemó teąe Epraim be huluamó, ama yó matere whirapetamo fea beterepó.

⁵⁵ Atéró, Juda fake so whiné kale bosenyóló fele be demó ąla detua dere be de felekemó sókó waai depa, kae kae be huluamó betó mole so whi fea atima betere tiki taaróló, Jerusalem bepaae holalepó. Aita haąe meipó.

Talené keletómó atima wisir-
apó yópóló, momatere bemó
kae kae fokotere ala yaai
holalepó.

⁵⁶ Atéro fóló bitu kale
so whiné Yesu momó
beterérópóló kikitu betalepó.
Atéro moma dere be belamó
daae mulu atimasisi duraalu,
“Diaaḡ kisipané ḡ i ḡla
deterepaae waalopé meié?”
du betalepó.

⁵⁷ Aita, ḡla inipó.
So whimó momaratere
topo whiraperó Farisi
whirapetamoné mepaae
whirapepaae duraalu,
“Diḡkó me whinétamo ḡ
keletepa, ti tawóló *dipula*
beteraalopa, atimapaae ene
ape yóló mulaleteiné,” ai fo
yalepó.

12

*Mariané felé ḡlaa wale
nard wel wēi turó Yesuné
hómó dilale fo*

(*Mat 26:6-13, Mak 14:3-9*)

¹ Atéro, kale boseneyóló
fele be demó ḡla deyaairaalu,
apo miró be de ḡla mupatei,
Yesu ḡ ama kepaarale whi
Lasarus-né turuku be Beta-
nipaae sókó walepó.

² Ai bemó atimané Yesu
ḡkeseróturaalu, ḡmó ḡla de-
ralepó. Ama nema Lasarus-
kélé ḡla nokole ni fake tómó
Yesutamó betepa, ai deyale
ḡla Martané atimamó ḡliróló
malepó.

³ Téro, Mariané doasi
moniné duputere felé ḡlaa
wale *nard wel wēi* wuti ḡapa
sóró wóló, Yesuné hómó
suniyalepó. Atéro ama topo

nikinétei, kale *wel wēi* fe
helekḡlepó. Atéyale tikimó,
atima betere be dolokélé, felé
ḡlaa feyó feyó walepó.

⁴ Téyaletei, Yesuné ama yó
matere whirapekó Iskariot
be whikó Judas-né kale so
foné sóró duraalu, “Ai ḡla
ḡla noatepa besekéraleé?”
yalepó. Ti ai sekéta, take nalo
Yesu dópóló eleké deyaaire
whipó.

⁵ “Téro ama duraalu i felé
ḡlaa wale *wel wēi* wisi-
naaleta, dotonóló 300 *silpa*
moni sóró, mepaae yolealere
so whimó meniyólópó,”
yalepó.

⁶ Ai fo yaleteita, yolealere
so whi mo tao saai kiswa
muóló inipó. Ti noatepae,
atimané betapaae touróló
mulótu betere *moni* ama
ḡteróló kaae taru, ḡtei ḡlémi
sua yalepó.

⁷ Ai fo depa, Yesuné du-
raalu, “Ai soné ama felé
ḡlaa wale *wel wēi*ta, Kótóné
mo taketitei i ala yópólópó
yóló muló betepa, ama mo
wisiyóló kaae taté wóló, mió
ḡ douraaire suka felekemó ai
ala dapa, seséni ama yópóló
taalae.

⁸ Ti noatepae, ai yolealere
so whiḡta, diḡtamo suka fea
betó tawaalopó. Téyaalotei,
ḡta, dekéro be demó diḡtamo
betaalo meipó,” yalepó.

⁹ Atéro, kale Juda fake so
whiné Yesu Betani bemó
beterapó dere fo wosóló, ḡ ke-
laai dapóló touralepó. Atéro
touraleteita, Yesu maaté
kelaai mei, Lasarus mo ti

sukaletēi, Yesuné kepaaralepó depa, kelaairaału walepó.

¹⁰ Atétepa, mo so whimó momaratere whirapené Lasarus-kélé daai dapóló fo deyałepó.

¹¹ Ti noatepae, Lasarus kepaarale ala atima Juda fake whirapené kilituraalu, mo so whimó momaratere whirape taaróló, Yesupaae kisipa tiki tiraté fu betepapó.

Yesu Jerusalem bepaae fele ala

(Mat 21:1-11, Mak 11:1-11, Luk 19:28-40)

¹² Atéró, hika be depepa Yesu Jerusalem bepaae wou betepapó dere fo ai ɔla naai touró betere so whiné wosalepó.

¹³ A fo wosetu, ɔtamo tumó hokolaa yaai sapo ɔarape tao diliki yóló, i fo fakeyóló deté fu betalepó.

“Hosana! Talené doimó wale whi wisinaale Kótóné wisirópóló yae. Israel fake so whi tetéróló kaae tare doasi topo whi Talené wisirópóló yae,” deté fu betalepó.

¹⁴ Atéró Yesu ɔ faairaału, betɔ utɔ *donki* hupu sóró ai hupuné sisó tómó betalepó. Ama ai yale alata, kale asemó i yóló muló betere fo motóró dokonalepó.

¹⁵ “Saion be huluamó betó mole senaalerape-ó, mió diɔ tetéróló kaae tare doasi topo whi utɔ *donki* hupuné sisó tómó betóló ai walapa kelere?” erapó.

¹⁶ Ai yale alarape fea ama yó matere whirape atimanékélé kelaletēi, bete hapale sóró kisipanipó. Ténitei, Yesu ɔ kepaayóló hepen-paae fóló, ama ere ala wisinaale hakearale kilipaae ti atimané ɔpaae erale alarapeta, Kótóné asemó ere fo dokonó betepapóló kisipa mualepó.

¹⁷ Téró, kale Lasarus dou dolomó mupa, Yesuné kepaaratepa kelale so whiné ai yale ala fea deté fóló fakeralepó.

¹⁸ Yesuné ai kelemei ala eralepó, depa wosale so whi mo turó ai be hulua taaróló, ɔtamo hokolaa yaai dapóló felepó.

¹⁹ Atétepa, kale Farisi whirape atimasisitei duraału, “Dɔné du betere alarape fea mo aɔkélé inipó. Ti ama dere alamó, i haemó betó mole so whi mo feané ɔtóró ai sya fu betere kelere!” yalepó.

Yesu ɔ sinaalopóló yale fo

²⁰ Atéró, ɔla deyaai tukóló muló betere be de sókó wapa, Kótóné doi sóró holóló moma yaai Jerusalem be huluapaae hotere so whitamó, mepaae *Krik* fo bole so whi atimakélé fea touyóló holalepó.

²¹ Téró, kale *Krik* fo bole so whi atima Kaleli haemó tetene Betsaida be whikó Filip beterepaae fóló, ɔpaae woseturaalu, “Doa whi-ó, ɔta Yesu kelaai walepa, naao ɔa ɔ beterepaae dapesó faaloé?” yalepó.

22 Ai fo depa Filip ą wóló Andrupaae depa, Andru atimaamo wusuró fóló, Yesupaae yalepó.

23 Ai fo depa Yesuné atimapaae duraalu, “Kale Whinė Naalemané ere ala wisi hakearaaire suka mió mo felekemó sókó waai dapó.

24 Yalo diapaae mo dapó. Kale whit ke haepaae taae derepeletei kęlaayóló alunitepa, ti ai ketóró hęle muó tawaalopó. Tėni, ai ke kęlaayóló alutepa, ti tųmu sokóló, du mo dekeró woleyaalo ai ape.

25 Mepaae whi de ama betere bete me ala yaqsóró, amatei hotowaró kaae tapa, ti ai whiné betere bete aluyaalopó. Tėpatei, mió i alimó mepaae whi dené ama betere bete doratepakélé me ęla meipó dere whita, mo ti betó tawaalo ai ape.

26 Mepaae yalo ala erótu betere so whita, ti mo ętóró sya wonėrapó. Atėtere so whi atimakélé ę betere tikimótóró betamó betaalopó. Mepaae so whi detamo yalo kutó dirótu betepa, ti atėtere so whiné doi yalo Ayané sóró horóló, dukiraalopó.

27 Mió yalo hosaa tuamó doasi sekėné sukutapa, noa fokó yaaloé? Aya-ó, i be demó ępaae eraaitere ala sesėyóló ę tao sae fo enėre? Mió ępaae eraaire ala mo erópóló, ę wóló i betere ape. Aya-ó, naao ere ala wisi so whi feané kolópóló hakearae,” yalepó.

28 Yesuné ai fo depa, hepen

bemó fo fakeyóló duraalu, “Yalo ere ala wisi hakearó beteretei, mo turó kolóló tuę yópóló, yalo momó hakearaalopó,” yalepó.

29 Ama atėró dere fo aimó touró betere so whiné wosóló, mepaaené duraalu, “Aita, be sapalaa dorowou yalepó,” depa, mepaae so whiné duraalu, “Meipó. Aita, *ensel*-né ępaae fo du yalepó,” yalepó.

30 Ai fo depa Yesuné duraalu, “Aita, ę tao saai ini, dię tao suraalu yalepó.

31 Ti noatepae, i hae so whıtamo fo tokóló dowi kwia melaaire be de mió mo felekemó sókó waai dapó. I hae tetėróló kaae taru, doasi topo whi betaai dapóló wóputu betere sekę mo felekemó hokó faraalo ai ape.

32 Tėyaalotei, ę ó sikipaae só horatere sukamó, ai so whi fea ę beterepaae wópóló, ęlisóró waaire ala eraalopó,” yalepó.

33 Ama ai yale fota, ą sukuturaalu yaaire ala hakearaalopó.

34 Atei fo depa kale so whiné duraalu, “Kótóné asėmó ere foné i so whi fea tetėróló kaae tanópóló, sóró beteró betere whi mo ti betó tawaalopó erapó. Ai fo epatei, ‘Whiné Naalema sikipaae só horaalopó derea, netėró de?’ Whiné Naalemapó dere fo demó de?” yalepó.

35 Ai fo depa Yesuné atimapaae duraalu, “I dețereta,

sawa sukamó maaté diätamo betaalopó. Atéyaalopa diä mepaae furaalu, tu tuamó be dikiyaqsóro deḡpatei fae. Mepaae so whi de diliki tuamótamo kutu betepa, ti a fole tikikélé ama wisiyóló kisipa yaalomeipó.

36 Mió kale de diä tuamó etéro deḡo betere félitei diä ai deḡerené naale senaale betaasepóló, apaae kisipa tirae,” yalepó. Ama ai fo yóló kemetepa, ai so whiné a kelaqsóro, atima betó mupatei taaróló, Yesu a kikiti kinóló betalepó.

Juda whirapené Yesupaae kisipa tiki tiréni yale ala

37 Téró, Kótóné dapó yópóló, Yesuné mepaae kelemei alarape eratepa so whi feané kelaletei, atimané apaae kisipa tiki tirénipó.

38 Atéyale alata, Kótóné fo erateré kóló whi Aisaiané i asere fo dokonalepó.

“Tale-ó, dané yó matere fo némaaté wosóló kisipa tiki tiraleé? Talené ama fotokóné yale ala depaae maaté hakearóló yó malee?” erapó.

39 Ti noatepae, Yesupaae atimané tué tiki tirénire beteta, Aisaiané i asere fotóro dokonóturaalu erapó.

40 “Kótóné atima kele dilikiróo, hosaakélé taróo yale beteta, atima yale ala kilitu, tué tiki feteyóló wapa, ama wisiraqsóro

kisipa mutu yalepó,” erapó.

41 Yesuné ai ere ala wisinaale Aisaiané ama kelaleteiné ai fo ase ipakalepó.

42 Atéro, kale Juda topo whirape mepaae Yesupaae kisipa tiki tiralepó. Téyaletei, mepaae Farisi whirape kolóló atima wituraalu, apaae kisipa tiki tirale ala hakearóló yó menipó. Ti noatepae, fo wosetere be tuapaae fenalemó, atima dóló hokonaqsóro kisipa mutu yalepó.

43 Ti noatepae, atimané dere wisi alamó, mo so whiné dukirateré fo wosaai ekele duraalu, Kótóné atima dukirateré fo wosaaire ekele ini, sisópaae erótu beterapó.

44 Téró, Yesuné fo fakeyóló duraalu, “Mepaae so whi de epaae kisipa tiki tiratepa, ti epaae maaté tirótimatei, e doteyale seképaakélé, kisipa tiratapó.

45 Mepaae so whi dené e keletepa, ti e doteyale sekétóro ai keleteré ape.

46 Até ereteiné e i haepaae waleteita, epaae kisipa tiki tiró betere so whi diliki tuamó betere ala taaróló, de tuamó beterópóló, i haemó deḡo betaai walepó.

47 Yalo fo wosóló erénitere so whita, yalotei fo tokóló só derótimipó. Ti e waleteita, i haemó betó mole so whi taleyóló só deraai wéni, atima aluyaqsóro, tao saai walepó.

48 Whi me de yalo fo woseni, e hórótu betepa, ti ai whitamó fo tokótamo

yóló só deraaire ala mulapó. Ë i haemó bitu, yálo yó male fonétóro take kemetere sukamó so whi só deraalo ai ape.

⁴⁹ Ti noatepae, yálo yale fota, yáloitei kekeme nólo ini, yálo Aya ę dotęyale sekęné ępaae yae yale fotóro yalepó.

⁵⁰ Yálo Ayané ama yae yóló muló betere fo yálo sya fóló erótu betepa, ti so whi fea mo ti betaaire bete saalopóló, yálo kisiparapó. Ti yálo i du betere fota, Ayané ępaae yae yale fotóro sya fóló du beterapó,” yalepó.

13

Yesuné ama yó matere whirape hó fokale fo

¹ Téró, kale bosenée fele sukamó ęla deyaaire be de felekemó sókó waai depa etęyalepó. Yesu ę i hae taaróló Alima beterepae faalopóló tukóló mulalę ali walapóló kisipa mualepó. I haemó betó mole so whipae yaala sókó fole ala detę wóló kemeróturaalu, atimapaee mió bete mo turó hękearóló yó melaai dapó.

² Be dikiteretamo, Yesu ę ama yó matere whirapetamo ęla naairaaalu taletu betepa, Yesu eleké deyóló dópóló, Satan-né Iskariot be whikó Saimon naalema Judas-né tuę tuámó sesemeróló tęnelipakalepó.

³ Yesuné fea ala ama tęteróló kaae tanópóló, Alimané ę sóro beteró betere ala ama kisipa yóo, ę Kótó betereró wale alakélę, momó

fesaae faaire alakélę, ama kisipa yóo, erapó.

⁴ ę atęrapóló kisipa mutu, ęla nuku betaletei turukó holóló, ama tómó deró betere kuti sókó mulóló, betę *tawel* sóro kakeralepó.

⁵ Atęró, betę nuku *dis* dolopaae węi deróló, atimané hęleke kaae sóro fokalepó. Atęró, ama kakerale *tawel*-né atimané hó helekóló kópuralepó.

⁶ Até detę wóló, ę Saimon Pita beteremó sókó wapa, ama ępaae duraalu, “Tale-ó, naaotei yálo hó fokaai de?” yalepó.

⁷ Ai fo depa Yesuné ępaee duraalu, “Diępaee i erótu betere ala bete mió naao kisipanitei, take nalopaae ti kisipa yaalo ai ape,” yalepó.

⁸ Tétepa Pitané ępaee duraalu, “Yálo hó naao mo fokókélę yaalomeipó,” depa, Yesuné ępaee tokó mótu duraalu, “Naao hótamo yálo fokoni depa, ti yę yálo fake aleyóló ętamo betámó betenęnipó,” yalepó.

⁹ Ai fo depa, Saimon Pitané duraalu, “Tale-ó, yálo hó maaté fokoni, yálo naaseró topotamokélę fokotepa wisirapó!” yalepó.

¹⁰ Ti fo depa, Yesuné ępaee tokó mótu duraalu, “Whi me de ama tiki turó węi tópuóló betepa, ti hó maaté fokonęrapó. Dię feata, węi tópuatei, betę whi meipó,” yalepó.

¹¹ Ti noatepae, take ę dópóló eleké deyaaire whi ama kisipa iruraalu yalepó.

12 Atéró, atimané hórape fokóló kemetepa, ama deró betere kuti momó deróló ą betale tikimó bitı felepó. Atéró bitu, ama atimapaae woseturaalu, “Yalo diąpaae erale ala dią feané kisipare?”

13 Diaaq yalo doi yóló, yó matere whı Tale-ó, du betere fota, ti ętóró ereteiné mo dono dapó.

14 Mió ęta, dią tęteróló kaae tare Talekélé, dią yó matere whıkélé bitu, diaaq hórape yalo fokalepó. Atéyale kaae, diąsisikélé hó u fokone i fokone du betae.

15 Yalo diąpaae i yale alata, diąsisi bitukélé suróló deté fu betaasepóló, dią kisipa mótu yalepó.

16 Yalo diąpaae mo i dere ape. Kale kutó diratere whiné ą kaae tare topo whı bosenóló, ą topo whı betenénipó. Kutó dini fıpóló dotęyale whınékélé ą dotęyale whı tęteranénipó.

17 Mió i dere alarape diaaq kisipayóló taaréni, sya fólótamo du betepa, ti Kótóné dią wisiratapóló, hajné sukutu betaalopó,” yalepó.

Yesuné ą dópóló eleké deyaalopóló yale fo

18 “Yalo i dere fota, dią feapaae dumitei, yalo dosąyóló sóró beteró betere whırapemó kisipa mutu dapó. Tépatei, kale ašemó ere fo mo dokonóturaalu, ętamo betámó ąla nokole whınétei ę dópóló, eleké deyaai du beterapó.

19 Ai alarape depa diaaq kilituraalu, ęta, Kótóné dotonó betere whıpóló ępaae kisipa tiki tirópóló, ai alarape yaaipatei yalo diąpaae i dere ape.

20 Mepaae whı dené yalo dotęyale whı wisiyóló dape supa, ti ętei dape sirapó. Até dere kaae, mepaae whı dené ę mo wisiyóló dape supa, ti ę dotęyale sekętei, dape sirapó,” yalepó.

21 Yesuné ai fo yóló kemetepa, ama hosaa tuámó doasi sekéné sukalepó. Atétepa ama duraalu, “Yalo diąpaae mo i dere ape. Diąkó whı betané ę dópóló, eleké deyaalopó,” yalepó.

22 Ama yó matere whırape atima kóló kóló duraalu, né yaaire alamó dérópóló, atimasisi u kolósu i kolósu du betalepó.

23 Yesuné ama yó matere whırapekó betą Yesuné ama hosaa mole whı ą betere felekemó titiyóló beterepó.

24 Saimon Pitané u kale whıpaae depané maaté yóló duraalu, “Ama ai yale fo-a, demó kisipa mutu yaleró, naao ąpaae wosetimié?” yalepó.

25 Ai fo depa, Yesutamo titiyóló betere whı ą fetée fóló ąpaae woseturaalu, “Tale-ó, naao ai yale fo-a, demó yaleé?” yalepó.

26 Tétepa, Yesuné ąpaae tokó mótu duraalu, “Yalo bred o kwia tao sóró, nukumó belere węimó tópuróló melatepa naao kilitu, ątóróti hıtipóló kisipa muaalopó,”

yalepó. Téró, ama kale *bred* o kwia sóró wëimó tópuróló, Iskariot be whíkó Saimon naalema Judas melalepó.

²⁷ Atéroró Judas-né *bred* o tao seretamotóroró, dowi Satan a tuapaae bitij walepó. Atétepa, Yesuné apaae duraalu, “Naao ai yaai dere ala mo hapaleteti yae,” yalepó.

²⁸ Atima ai ɔla nuku betere tikimó betere whirape betanékélé Yesuné ama ai yale fo wosóta yaleteti, bete kisipa sinipó.

²⁹ Mepaae ama yó matere whirape atima kisipané Judas-ta, *moni* kaae tare whireteiné ɔla detere sukamó naaire ɔlakó dupune fae, ó mepaae yolealere so whimó melaaire ɔlakó dupurale fae dere nisi yalepó.

³⁰ Téró, kale Judas a *bred* o tao sóró, téti belapaae sókó derepelemó, be mo ti dikipa kelalepó.

Yesuné Pitapaae yale fo

³¹ Atéroró, kale Judas fele sisópaae Yesuné duraalu, “Mió kale Whiné Naalema tuamó ere ala wisi hakearatepa, so whiné kolóo, Kótó a tuamó ere ala wisikélé Naalemapaae eratepa so whi feané kolóo duraalu, Kótó tuamó ere ala wisinaale kisipa yaalopó.

³² Ai alatamo mo depa, ti ama Naalema tuapaae eratere ala wisinaale so whi feané kolópóló Kótóné kaae tani, mo miótitei ama hakearaalopó.

³³ Yalo naalerape-ó, mo sawa sukamó maaté e diatamo betaalopó. Take yalo Juda topo whirapepaae yale fo kaae, mió diapaaekélé i dere ape. Diaaɔ e kekəalotei, mo kelaalomeipó. E fole tikipaae diə wókélé mo yaalo meipó.

³⁴ Mió yalo diapaae yae yóló mulatere kisi fo i dapa wosae. Yalo diapaae yaala sókó fu yale kaae, diəsisikélé atéroró yaala sókó fu betae.

³⁵ Diəsisitei, atéroró yaala sókó fole ala so whi feané kilituraalu, diə yalo yó matere whirape beterapóló kisipa yaalopó,” yalepó.

³⁶ Ai fo depa, Saimon Pitané apaae woseturaalu, “Tale-ó, ya mopaae faai de?” depa, Yesuné duraalu, “E fole tikipaae diə mióti wonénitei, take nalota, wonérapó,” yalepó.

³⁷ Kale dere kaae, Pitané apaae woseturaalu, “Tale-ó, ya fole tikipaae e mióti wapa, noa yaosóro de? Ya tao suraalu, yalo betere betekélé melóló sukutepa wisirapó,” yalepó.

³⁸ Téró, Yesuné apaae tokó mótu duraalu, “Naao epaae yakélé sukutepa wisirapó fo du de? Yalo yapaae mo i dere ape. Wə *kakaruk* bané hale yaaipatei, naao e tuénipó dere fo sore félimó yaalo ai ape,” yalepó.

14

Yesuné ama yó matere whirapéné kisipa seké

yaqsóro yale fo

1 Téró Yesuné duraalu, “Diaaḡ kisiḡa fomoyóló, hosaa tuamó doasi seketu betaqsóro yae. Kótópaae kisiḡa tiki tiróturaalu, epaaekélé kisiḡa tiróló betae.

2 Ti noatepae, yaḡo Aya betere tikimó diḡa betaaire be mo surapó. Ai ala wua meisóro, ti yaḡo diḡapaae haḡearóló wuaḡpó. Eta, diḡa bitḡ waaire tiki donoróló mulótu betaai fulapó.

3 E fólótamo diḡa betaaire tiki donoróló kemetepa, ti momó fesaae wouraaalu, diḡakélé e betere tikimótóro betamó betaai dapesó faalopó.

4 E i faaitu betere bepaae fole tuḡa, ti diaaḡ ai kisipare ape,” yalepó.

Aya beterepaae faaire tuḡa etórótípó yale fo

5 Tétepa Tomas-né apaae duraalu, “Tale-ó, ya faaire tikita, ḡa ḡoló ḡolórapó. Atérapa, ya ai faaitere tikipaae sókó fole tuḡa ḡané netéro kisiḡa yaaloé?” yalepó.

6 Ai fo depa Yesuné duraalu, “Ai bepaae faaire tuḡakélé, mo foné betekélé, so whḡi betere betekélé, ti mo etórótípó. Whḡi mo betakélé yaḡo Aya beterepaae faai depa, ti e dekeróló feni, mo e tuamótóro fenérapó.

7 Diaaḡtamo e diriyóló tuḡpa, ti yaḡo Ayakélé mo tuḡnérapó. Mió kaae suraaalu, diaaḡ yaḡo Aya kolóló, ai kisipare ape,” yalepó.

8 Tétepa Filip-né duraalu, “Tale-ó, Aya naao ḡapaae yó matepa, ti ḡané a kolóló kisiḡapanérapó,” yalepó.

9 Ai fo depa Yesuné duraalu, “Filip-ó, foḡo sukamó e diḡtamo bitiré waleteti, diaaḡ e kisiḡanié? Mepaae whḡi dené e kolóló kisiḡa epa, ti yaḡo Ayakélé kisiparapó. Tépateti, diaaḡ epaae Aya yó ḡalae dere-a, noa fo yóló de?”

10 E yaḡo Aya tuamó betóo, yaḡo Aya e tuamó betóo, eretei diaaḡ kisiḡanié? Yaḡo diḡapaae yó mótu betere fota, yaḡo kekeme nóló dumipó. Yaḡo Aya e tuamó bitu, ama kisiḡa mole ala erótu beteretei, diaaḡ ai kelere ape.

11 Yaḡo Aya e tuamó betóo, e yaḡo Aya tuamó betóo, erapó dere fo diaaḡ wosóló, mo ḡapóló kisiḡa tiki tirae. Ai alatamo ini depa, ti yaḡo erale kelemei alarape kolóló, kisiḡa tiki tirae.

12 Yaḡo diḡapaae mo i dere ape. Whḡi me detamo epaae kisiḡa tiki tiratepa, ti ai whḡiné yaḡo yale ala kaaetóro yaalopó. Ti noatepae, e yaḡo Aya beterepaae fo-leteiné take nalo diaaḡ yaḡo du betere alarapekélé fea bosenóló, mo doasi ala yaalo ai ape.

13 Naalemané Alimané ere ala bete haḡearaairaaalu, me noa ḡlakó yaḡo doimó epaae wosetepa, ti ai whḡipaae yaḡo mo melaalopó.

14 Diḡa feané yaḡo doimó me noa ḡlakó kematepa, ti ai ala yaḡo mo eraalo ai ape,”

Kale Dęi Kepe Wisi dię beterepaae waalopó yóló mulale fo

15 “Diaaqtamo ępaae hękesené sukóló yaala sókó fu betepa, ti yalo yae yóló muló betere fokélé diaaq mo wisiyóló sya fóló, erótu betaalopó.

16 Ę betale sirimó, suka fea diqtamo betó taru, dię tao sóró fotokę bulótu betaaire sekę mekó yalo Ayapaae dotonae depa, ama dię beterepaae mo dotonaalo ai ape.

17 Ti ai sekęta, mo ala maaté du betere Dęi Kepe Wisipó. I hae so whinė ama dere fo wosóló, mopóló ę dape senénipó. Ti noatepae, atimané ę kolóló kisipakélé inireteinépó. Tépateti, mió ę diqtamo betóo, take nalokélé dię tuamó betóo, yaairetei diaaq ai kisipare ai ape.

18 Dię hae aya meiyóló, bokonaale naale senaale kaae heterópóló yalo dię taaróló fumitei, ę dię beterepaae momó fesaae waalopó.

19 Mo sawa sukamó bituraalu, i hae so whinė ę kelaalo meitei, dięnéta ę kelaalopó. Ti noatepae, ę kepaayóló betereteiné, diękélé mo betaalo ai ape.

20 Atétere sukamóta, ę yalo Aya tuamó betepa dię ę tuamó betóo, ę dię tuamó betóo, ere ala diaaq kisipa yaalopó.

21 Mepaae whię de yalo yae yóló muló betere fo aqmó sukóló bitu, sya fóló eró tapa,

ti ai whinė ępaae yaala sókó fu betepapó. Mepaae whię dené ępaae yaala sókó fu betepa, ti yalo Ayanékélé ai whiępaae yaala sókó fóo, yalokélé ępaae yaala sókó fóo du betaalopó. Téturaalu, ę tuamó ere ala fea yalo ępaae hękearóló yó melaalo ai ape,” yalepó.

22 Tétepa, kale Iskariot be whiękó Judas-né ama yakoma Judas-né Yesupaae duraalu, “Tale-ó, i haemó betó mole so whię feané yę kolópóló yó meni, dąné maaté kolópóló, yó melaalopó dere-a, noatepae?” yalepó.

23 Ti fo depa Yesuné duraalu, “Mepaae whię dené ępaae yaala sókó fu betepa, ti yalo yó matere fo wisiyóló sóró erótu betaalo ai ape. Atétere whiępaae yalo Ayané yaala sókó furaalu, dąmo wusuró ę beterepaae wóló qtamo betamó mo ti betó tawaalopó.

24 Mepaae whię dené ępaae yaala sókó fenitepa, ti yalo i yó mótu betere fokélé diaaq sya fóló eraalomeipó. I kale wosetu betere fota, yalo kekeme nóló dumitei, ę dotęyale sekę yalo Ayané ama fotóró yó mótu betepapó.

25 I fo feata, ę diqtamo betamó bitutei yó mótu betalepó.

26 Tétu betaleteti, diqtamo betamó bitu, dię tao saaire sekę kale Dęi Kepe Wisi Ayané yalo doimó dotonaalopó. Ai sekéné amata, diępaae fea ala yó melaalo ai

ape. Téturaalu, yalo diɔpaae yó mótu betale forape keteni, kisipa yó tanóópóló, ama diɔ yó mótu betaalopó.

27 Ẹ tuámó mole hosaa muni deyóló mo dua betere ala diámó melóló ẹ i fole ape. Yalo i matere hosaa muni deyóló dua betere alata, i haemó betó mole mo so whiné matere kaae meipó. Téraɔa, diaaɔ hosaa tuámó sekɛtere alaró witere alatamo muaɔsóró yae.

28 Ẹta, diɔ taaróló faalotei, diɔ beterepaae momó fesaae waalopó yale fota, diaaɔ ai wosale ape. Diaaɔ ẹpaae yaala sókó fole ala mupata, ti ẹ yalo Aya beterepaae fulapó dere fo woseturaalu, hajné sukuapó. Ti noatepae, yalo Aya ɔ doasi fotokọ bole seké bitu, ama ẹ tɛteró beteraɔpó.

29 Take i alarape mo depa kilitu, mo irapóló diaaɔ kisipa tiki tirópóló, i alarape yaaipatei, folosóró yalo diɔpaae ai yale ape.

30 Yalo diɔpaae fo me kae dekéro yaalomeipó. Ti noatepae, i hae tɛteróló kaae tare topo whi Satan ipaae mo felekemó sókó waai dapó. Téyaalotei, ama ẹ só deraaire bete mekéle mo munipó.

31 Téɔatei, yalo Ayapaae yaala sókó furaalu, ama erae dere alatóró yalo erótu betereɔtei, i haemó betó mole so whi feané kolóló taaréni, mo kisipa sópóló dapó. Téraɔa, mió dɔ faalopa fiépe,” yalepó.

15

Yesu ɔta wain képiné betepó yale fo

1 “Mo wain képi beteta, ti ɛtórótípó. Yalo Aya ɔta, wain kutó Talepó.

2 Mepaae du olenitere teteɔrape ti ama tukóló taae falatu beteraɔpó. Mepaae du oletere teteɔrape mo dekéro oleyópóló, yalo Ayané mepaae séli yó moletei turukóló taae falatu beteraɔpó.

3 Yalo take diɔpaae yó mótu betale foné diɔ fea fokóló mo ti wisiró beteraɔpó.

4 Diɔ ẹ tuámó betepa, ti ɛkéle diɔ tuámó betaalo ai ape. Kale képi teteɔrape tikimó olekenipa, ti du oleyaalomeipó. Diɔ ẹ tikimó olekeyóló bitinipa, ti netéro du oleyaalóé?

5 Mo wain képiɔta, ti ɛtórótípó. Diɔta teteɔrape ai ape. Mepaae whitamó ẹ tuámó betóo, ɛkéle ai whi tuámó betóo epa, ti du mo dekéro oleyaalopó. Téni, ɛtamó tekée fóló kae betepa, ti ai whiné ama me alakéle mo enénipó.

6 Mepaae whitamó ẹ tikimó olekeyóló bitinipa, ti ai whi sélitepa tukóló taae falatere ni teteɔ kaaepó. Ai taae falatere teteɔrapeta, dasóló si bilirótua dapó.

7 Diɔkó whi me detamo ẹ tikimó olekeyóló betóo, yalo fokéle naao hosaa tuámó muóo iruraalu, me ɔlakó ẹpaae kematepa, ti ai whiɔpaae yalo mo melaalopó.

⁸ Diã tuãmó du mo dekeró olepa, ti yãlo Ayané ama ere ala wisinaale so whi feané kolópóló hãkearatapó. Atére ala so whiné kilitu, diã mo yãlo yó matere whirapetóroó beteropóló kisipa yaalopó.

⁹ Yãlo Ayané epaae yaala sókó fu yale kaae, yãlokélé diãpaae yaala sókó fole ala du betalepó. Térapa, yãlo yaala sókó fóló mole tuãmótóroó hãle betó tawae.

¹⁰ Yãlo Ayané ama erae yóló muló betere fo sya fóló eró taruraalu, ama yaala sókó fóló mole tuãmó betó tarapó. E ai ala ere kaae, yãlo erae dere fo diaaõ wosóló erótu betepa, ti diã yãlo yaala sókó fole ala tuãmó betó tawaalopó.

¹¹ Yãlo diãpaae i yale fo feata, e tuãmó mole hãitere ala diã tuãmó fãaturaalu, diaaõ hãitere ala mo ti surópóló kisipa mutu yalepó.

¹² Yãlo diãpaae yae dere fo ipó. Yãlo diãtamo yaala sókó fóló mulure kaae, naao ne no diãsisikélé ai ala du betae.

¹³ Whi mené ama yaala sókó fole whirape tao saai dapóló, ama betere bete hãle melóló sukutepa, ti atéro yaala sókó fole alané mepaae yaala sókó fole ala fea teteró beteropó.

¹⁴ Diaaõ yãlo yae yóló muló betere fo erótu betepa, ti diã yãlo fulumu whirape ai betere ape.

¹⁵ Betã kutó diratere whiné a teteróló kaae tare whiné dere ala fea ama kisipa inipó.

Atére betené take bitiré wouraalu, yãlo diãpaae kutó diratere whirape-ó yaletei, ai fo momó kaae ini, mió diãpaae yãlo fulumu whirape-ó, dapó. Ti noatepae, yãlo Ayané yó melale alarape fea diaaõ kisipa yópóló, yãlo diãpaae hãkearóló yó melalepó.

¹⁶ Diaaõ e sókó sóró kae beterenitei, yãlo diã sókó sóró kae beteroó beteropó. Ai alata hãle inipó. Diã fóló, mo ti muó tawaaire du olerópóló kisipa mutu yalepó. Atéturaalu, yãlo doimó diaaõ me noa õlakó Ayapaae kematepa, ti ai kematere õla ama diãmó mo melaalo ai ape.

¹⁷ Yãlo diãpaae yae yóló mulatere fo i ape. Diãsisitei yaala sókó fole ala du betae.

Mo whiné Yesuné yó matere whirape hóróló bõe dale fo

¹⁸ I haemó betó mole so whinétamo diã hóróló bõe du betepa, ti folosóroó atimané e hóróló, bõe dale ala kisipa muae.

¹⁹ Diãtamo i hae tale betepa wuasóroó, ti i hae so whiné faketóroó beteropóló kisipa mutu, diãpaae yaala sókó fole ala du bituãpó. I hae so whitamó touyóló betepa, yãlotei diã sókó su yóló kae beteralépó. Atére betené diãtamo bõe du beteropó.

²⁰ Yãlo diãpaae yó melale forape kisipa muae. Kutó diratere whiné a kaae tare whi ama teteróló kaae tanénipó. Atimané etamo bõe dóló

susupui ala erótu yale kaae, diãpaaekélé eraalo ai ape. Yalo yó male fotamo atimané wisiyóló wosóló erótu betepa, ti diaaḡ yó matere fokélé atimané wisiyóló wosaalo ai ape.

²¹ Ti noatepae, ę dotęyale seké, atima kisipa inireteiné diã yalo so whi bitu, yalo ala erótu beteremó, atimané diãpaae kae kae susupui ala erótu betaalopó.

²² Ę i haepaae wóló, yalo fo atimapaae yó móluasóró, ti dowi alamó atima só deraaire kwia muameipó. Tépateti, atimané yale dowi alamó fo tokótamo depa, meipóló hepée falaaire tu mo munipó.

²³ Whi me dené ę hóróló bóe du betepa, ti ai whiné yalo Ayakélé hóróló bóe dilapó.

²⁴ Take mo betã whinékélé inire ala yalo atima kuamó erólumeisóró, ti atimané yale dowi alamó só deraaire kwia muameipó. Mió i yale kelemei alarape atimané kolólótei, ętamokélé yalo Ayatamokélé, bóe dóló hóralebó.

²⁵ Atimané ai du betere alata, i asęre fo dokonóturaalu yalebó, 'Me bete munipatei, atimané ętamo hãle bóe dalebó.'

²⁶ Até du betaalotei, diã tao sóró wisiraaire seké betã waalo ai ape. Ai sekęta, ę fóló yalo Ayatamo bituraalu, diã beterepaae dotonaalopó. Aãta, mo alané bete yalo Ayatamo betãmó biti wouraaalu,

yalo ere ala fea etérapóló, diã tao sóró fotokḡ bulóló, yó melaaire Deı Kepe Wisipó.

²⁷ Mo take kaae sale alimótei, diã ętamo bitiré waletiné diaaḡkélé ę etei kaae whipóló hãkearóló yó mótu betenérápó," yalebó.

16

¹ "Yalo diãpaae i yale fo feata, diã ę sya fu betere ala taaróló, kḡpaae faqsóró yalebó.

² Atimané diã fo wosetere bepaae waqsóró dóló hḡkonaalo ai ape. Ai ala maaté mei, mepaae whi atima Kótóné ala eratere nisiyóló, diã mo ti sukḡpóló daalo ai ape. Ai ala yaaire be de mió mo felekemó sókó waai dapó.

³ Ęró yalo Ayatamo atima kisipa inire betené diãpaae atei kaae alarape eraalo ai ape.

⁴ Atépateti, yalo diãpaae i deté wou betere fo dokonóturaalu mo eratere sukamó, noa ala dutérópóló diã kilita yaqsóró, yalo i dere fo kisipa yaasepóló dapó. Ę diãtamo hãle betereteiné take yalo diãpaae etei fo inipó.

Deı Kepe Wisi wóló yaaire alamó yale fo

⁵ Téretei mióta, ę dotęyale seké beterepaae momó fesaee fulapó. Até yaai depa, diãkó betã whinékélé, 'Ya maae faai de?' yóló, ępaae wosetere fokélé dumipó.

⁶ Yalo diãpaae i forape yaletiné mió diaaḡ hosaa

tuamó dekené ai sukutu betere ape.

⁷ Tépateti, yalo diapaae mo dapó. Diapaae wisi ala eraaire tu mulóturaalu, ę diataaróló fulapó. Ętamo fenitepa, ti diatao sóró fotokó bulóló tu yó melaaire seké diabeterepaae waalo meipó. Ętamo fupa, ti yalo ę diabeterepaae dotonaalopó.

⁸ Ai Deį Kepe Wisi wouraaluta, i haemó betó mole so whinė du betere dowi alakélé, Kótóné donoi ala etérópóló yó mótu betere alakélé, taleyóló kwia matere alakélé, fea ai sekéné ama hękearateremó, hoko ala du beteropóló dią hosaamó saalopó.

⁹ Ti noatepae, i haemó betó mole so whinė ępaae kisipa tirénitere beteta, dowi alapóló ai Deį Kepe Wisiné atima hosaamó seraalopó.

¹⁰ Ę yalo Aya beterepaae fesaae foleteti, momó kae diaaq ę kelaalomeipó. Ę atéro foletiné so whię feané Talené donoi ala kisipa yópóló, ai sekéné hękearóló yó melaalo ai ape.

¹¹ Mió i haemó tetéróló kaae tare seké ama yale alamó, ę só deró beteropó. Tétu, i haemó betó mole so whię tale dere alakélé hoko yalepóló, hosaamó sópóló, ai waaire Kepe Wisiné hękearaalo ai ape.

¹² Yalo diapaae yaai dere fo dekeró mupatei, bete diaaq senénireteiné fea fo enénipó.

¹³ Tépateti, kale mo fo maaté bole Kepe Wisi ę wólóta,

mo fo bete turó diaaq tuę yópóló, hękearóló yó mótu betaalopó. Aita, ama kekeme nóló yaalomeitei, mo ama wosale fotóró diapaae yó melaalopó. Téturaalu, nalo waaire be demó yaaire alakélé yó melaalo ai ape.

¹⁴ Ai Deį Kepe Wisiné yalo mo bete mole fo diaaq kisipa yópóló, ama tao sóró diapaae yó melaalopó. Téturaalu, yalo ere ala wisinaale so whię feané kolópóló, ama hękearaalo ai ape.

¹⁵ Yalo Ayané ama tetéróló kaae tare ala fea, yalokélé tetéróló kaae tarapó. Atére betené yalo fo diaaq kisipa yópóló, Deį Kepe Wisiné ama hękearóló yó melaalopóló, yalo diapaae yalepó.

¹⁶ Mo sawa sukamó diaaq ę kelaalomeitei, sawa beteró, diaaq ę momó kelaalopó," yalepó.

Yesuné diaaq hosaa sekę yaalotei momó haiyaalopó yale fo

¹⁷ Ai fo depa, mepaae ama yó matere whįrape atimasisitei duraalu, "Sawa sukamó ę kelaalomeipó. Téyaalotei, sawa sukamó beteró ę momó kelaalopó, dere foró ama Alima beterepaae foletinépó yale fotamo-a, noa betené yalerópó," yalepó.

¹⁸ Atimasisitei duraalu, "Mo sawa sukamópó yale fota, noa betené yaleró dakélé kisipani, kóló kólórapó," yalepó.

19 Ama ai yale fomó, atimané aḗpaae wosaai mutere kisipa ama kolóló, atimapaae duraalu, “Sawa sukamó diaaḗ ę kilini bitiré fóló, sawa sukamó momó kelaalopó yale fomó, diāsisitei noatepa kęlaarótu bitu de?”

20 Yaḗo diāpaae mo i dere ape. Diāta, diaaḗ hosaa tuamó dekené sukuturaalu, wole-u du betepa, i haemó betó mole so whı̄ atima haı̄né sukutu betaalopó. Diaaḗ hosaa tuamó sekené sukutu betaalotei, momó kisipa felé yóló, haı̄tu betaalo ai ape.

21 Sorapené naale saaire be de sókó wapa sisó nukuraalu, ama tikimó doasi dele sua dapó. Tétereitei, ama naale só mulóló, kılipaae naalené tiki kolóló hekeseturaalu, a doasi dele sale ala kisipa keterótua dapó.

22 Atétere kaae, mió diā dekené ai sukutu betere ape. Tépatei, ę momó diā beterepaae wale sukamó, diaaḗ ę kilitu dere haı̄ mené tokóló aluranénipó.

23 Atétere sukamó, diaaḗ ępaae me wosetere fokélé mo yaalo meipó. Yaḗo diāpaae mo dapó. Diaaḗ yaḗo doimó Ayapaae me ọlakó kematepa, ti ai whı̄paae ama mo melaalopó.

24 Take bitiré woukélé, diaaḗ yaḗo doimó me ọla kemateré alakélé mo inipó. Térapa, mió bitutamó me ọlakó kematepa, ti ai ọla suraalu, diā tuamó haı̄tere ala mo turó faayaalopó.

25 Taketa, yaḗo diāpaae

kinóló mole ala fo salepaae dó faróló deté waletai, nalo waaire sukamó yaaitere alata, fo salené ini, yaḗo Ayané ama ere ala etérapóló, mo haķearóló yaalopó.

26 Ai be demóta, diaaḗ yaḗo doimó aḗpaae kema yaalopó. Yaḗo i du betere fota, diāmó yaḗo Ayapaae woseraalopóló dumipó.

27 Téyaalo meipa, diāaḗteı̄ aḗpaetóro wosae. Ti noatepae, diaaḗ ępaae yaala sókó fóo, ęta Kótótamo betóló wale whı̄póló aḗpaae kisipa tiki tiróo ereteiné, yaḗo Ayané ama diāpaae hosaa muóló yaala sókó fu beterepó.

28 Take ę yaḗo Ayatamo betero, i haepaae walepó. Mió ę i hae taaróló, momó yaḗo Aya beterepaae fulapó,” yalepó.

29 Ai fo depa, ama yó materé whı̄rapené aḗpaae duraalu, “Mióta naao dāpaae fo salepaae dó faróló dumi, mo haķearóló dapó.

30 Mió dané kisipare ala betā ipó. Fea ala naao kisiparu haķeamó yó mótu betereiteiné, mené yaḗpaae momó wosetere ala kae enénipó. Atérené yaḗta, Kótótamo betóló wale whı̄póló dané kisipa tiratapó,” yalepó.

31 Ai fo depa, Yesuné atimapaae duraalu, “Diā tuę tiki tirópóló kaae taté waletai, mióti ępaae diaaḗ tuę tiki ai tiratere ape!

32 Téretei, diaaḗ be dokó dapo dapo yóló furaalu,

ę wotoró betepa taaróló faaire be de mió i sókó wale ape. Téyaalotei, ę wotoró bitini, yało Ayatamo wusuró beterańpó.

³³ Yało diąpaae i yale fota, dią ę tuamó hosaa muni deyóló dua beterańpóló yaleńpó. Dią i haemó bituraalu, kae kae sekei ala siré fu betaalotei, i haemó mole alarape fea yało mo ti doróló teńeró beterańpó. Atéřapa dią furu furu ini, hosaa diriýóló dua betae,” yaleńpó.

17

Yesuné Alimapaae momayale fo

¹ Yesuné ai forape yale kilipaae ó hepen-paae kese holóló momaturaalu,

“Aya-ó, mió kale tukóló muló betere be de i sókó walapa, naao Naalené ya tuamó ere ala wisinaale so whi feapaae haķearóńpóló, naao ama ere ala wisi haķearae.

² Ti noatepae, i haemó betó mole so whi fea teńeróló kaae tanóńpóló, naao ę sóró beterańpó. Naao ępaae ai melale so whipaae mo ti betaaire bete melóńpóló, naao fotokó ę sumó melaleńpó.

³ Mo ti betere bete i ape. So whiné yańa, mo betań betere Kótóńpóló tuę yóo, naao dotęyale whi Yesu Kerisokélé tuę yóo, dere alata, mo ti betere betepó.

⁴ Naao ępaae i haemó dirae yale kutó fea yało diyóló kemeraleteiné, naao

ere ala wisinaale i haemó betere so whiné kolóńpóló, haķearaleńpó.

⁵ Aya-ó, i haekélé kaaraaipa dańo wusuró bitu, naao ere ala wisi haķearóńu yale kaae, mió ę i hae taaróló yańa beterepaae fesaae wóló betepakélé, ai ala momó eraaseńpóló dańo,” yaleńpó.

Yesuné ama yó matere whiřapemó momarale fo

⁶ “Aya-ó, i haemó betó mole so whi kuamó, mepaae naao sóró ępaae melale so whipaae ti naao ere ala wisi yało haķeamó eróńu betańpó. Atimata take naao so whi betańetei, naao sóró ępaae melaleńpó. Atéyale so whiné naao fo mo betań wosóló, eróńu betańpó.

⁷ Naao ępaae melale alarape feata, yańa betemó kaayóló waleńpóló, mió atimané tuęrańpó.

⁸ Ti noatepae, naao ępaae yó melale fo fea yańlomo atimapaae yó matepa, atimané mopóló wosaleńpó. Atéturaalu, ę yańtamo betóló naao ę dotonatepa wale whińpóló, atimané ępaae kisipa tiraleńpó.

⁹ Naao atima tao sóńpóló, yańo momaróńu beterańpó. Yańo i dere momata, i haemó hańe betó mole so whimó dumitei, naao sóró ępaae melale so whimó kisipa mutu i detere ape. Ti

noatepae, atimata mo naao so wh̄itorótípó.

10 Naao so wh̄ita, ti yało so wh̄itorótípó. Yało so wh̄i fea ti naaotorótípó. Atimapaee erale ala so wh̄i feané kilitu, yało ere ala wisinaale haķearalepó.

11 Mió ę i haemó doa foło sukamó betaalomeitei, i wh̄irape atimata i haemó hałe betepa, ę ya beterepaae walapó. Mo kae betere Aya-ó, i wh̄irape atima me ala yaqsóro, naao ere ala tuamó beterópóló kaae tawae. So wh̄iné naao ere ala wisinaale kisipa yópóló, naao doasi doi mole fotokóné ę tuapaae eralepó. Térapa, damo mo betatóro biture kaae, atimakélé atérótóro beterópóló, naao ę male doiné tetéroló kaae tawae.

12 Ę atimatamo betamó betale sukamó, naao epaae melale doiné atima mo wisiyóló kaae tawalepó. Atéro, kaae tawale sukamó mo betā wh̄ikókélé alunipó. Kale ašemó ere fo dokonóturaalu, aluyaai yale wh̄i ā betā mo ti aluyalepó.

13 Mió ę ya beterepaae waai, i haemó atimatamo betere féli, ę tuamó mole haķtere ala mo turó atima tuamókélé mulópóló, i forape atimapaee du beterepó.

14 Ę i hae tale bitiniru ere kaae, atimakélé i hae tale bitinipó. Naao epaae erae yale fo yało atimapaee yó melalemó, i haemó betó

mole so wh̄iné atimatamo boe dóló h̄oralepó.

15 Aya-ó, yało i dere momata, atima i haemó betereitei tokó sóro, naao kae tikipaae beterae yóló dumitei, dowi kepené atima doraqsóro, seséyae yóló dapó.

16 Ę i hae tale bitinirure kaae, atimakélé i hae tale bitinipó.

17 Atima me alatamo hoseké yóló betaqsóro, mo fonéitei atima kae sóro beterae. Naao fota me kae mei, mo bete mole fopó.

18 Ę i hae so wh̄itamó beterópóló, naao ę i haepaae dotonótu yale kaae, i wh̄irape atimakélé, i haemó betó mole so wh̄itamó beterópóló, yało dotonatapó.

19 Atimakélé me alatamo hosekéni, mo kae beterópóló, ę mo naao alatóro eraai kisipa mutu, yałotei ę kae sóro beteratapó,” yalepó.

Yesuné i haemó betó mole so wh̄imó momarale fo

20 “Yało i dere momata, i wh̄irape atima maaté tao sópóló dumitei, mepaae so wh̄i de atima yó matere fo wosóló, epaae kisipa tiraaire so wh̄imókélé i dere ape.

21 Aya-ó, yało i dere momata, ę ya tuamó betóo, ya ę tuamó betóo iru, mo betatóro biture kaae, atimakélé fea atérótóro beterópóló yae. I haemó betó mole so wh̄iné ę naao

doteyale whipóló kisipa tirópóló, atima dāmo tuāmó beterópóló yae.

²² Naao ere ala wisinaale hakearóló epaae melaletei, yalomo atimapaee melalepó. Até yaleteita, dāmo mo betā kisipa muóló biture kaae, atimakélé atéró beterópóló yalepó.

²³ Naao ę doteyóo, epaae yaala sókó fóo, ere ala atimapaekélé eró beterapóló, i haemó betó mole so whiné kisipa yópóló, atima fea mo betā faketóró alerae.

²⁴ Aya-ó, naao epaae melale so whi ę betere tikimótóró betāmó bitu, ę tuāmó ere ala wisinaale atimané kolópóló kisipa mutapó. Ti naao ai ere ala wisinaaleta, take saró haetamo kaaraaipatei, yaala sókó furaalu, epaae melalepó.

²⁵ Mo donoı̄ ala maaté yó tare Aya-ó, i haemó betó mole so whiné ya tuēnitei, yalo ya tuérapó. I whirape atimanéta, naao ę doteyalepóló kisiparapó.

²⁶ Naao epaae yaala sókó fole ala atima tuāmó muóo, ękélé atima tuāmó betóo erópóló, yalo ya etei kaae Tale beterapóló, atimapaee hakearóló yó maté wou betalepó. Ai ala taaréni, miókélé hale detétóró fu betaalopó,” yalepó.

Yesu daai tawale fo
(*Mat 26:47-56, Mak 14:43-50, Luk 22:47-53*)

¹ Atéró, Yesuné moma yóló kemetepa, ama yó matere whirape atima betere tiki taaróló, Kidron ho teyóló felepó. Ai ho uté fakeró *Olip* nirape daae mulapó. Yesuró ama yó matere whirapetamo ai ni daae mole tikimó sókó felepó.

² Ai hae tikita, Yesu dópóló eleké deyaaire whi Judasné ama mo tuérapó. Ti aita, Yesuné ama yó matere whirapetamo suka fea touraleta du betale tikipó.

³ Atéró, kale Judas ę ai ni daae mole tikimó sókó walepó. ę atéró wale alata, ama wotoró mei, mepaae diki tare whirapekélé, Farisi whiraperó so whimó momaraterere topo whirapené sóró beteró betere whirapetamokélé dapesó walepó. Ai whirape atima feané mo sákélé, *lamp* sákélé, bóe dele ęla ęlarapekélé, fea tawóló walepó.

⁴ Yesuné ępaae eraaire ala fea ama kisipa irutei, ę sókó fóló atimapaee duraalu, “Di-aaq ai-a, de kekitu bitu de?” yalepó.

⁵ Ai fo depa atimané duraalu, “Dāta Nasaret be whikó Yesu keketapó,” depa, ama duraalu, “Ai whı̄ta ętóróti i ape,” yalepó. Ai wale whirapetamo Yesu dópóló, eleké deyaaire whi Judas-kélé daalepó.

⁶ Yesuné ai whı̄ta, ętóróti i ape dere fo woseturaalu,

atima sisóné fele tikimó, dée nalepó.

⁷ Atétepa, Yesuné atimapaee momó woseturaalu, “Diaaḡ ai kekitsu betere whi-a, de?” depa, atimané duraalu, “Nasaret be whikó Yesupó,” yalepó.

⁸ Yesuné kale whirapepaee duraalu, “Ai whita, ɛtóró i ape yóló yaḡo taketi diapaee inié? Diaaḡtamo ɛ kikitu betepa, ti i whirape atima haḡe fópóló yae,” yalepó.

⁹ Ti ai yale alata, take Yesuné “Naao ɛpaee melale whirape mo betakélé alunipó,” yale fo mo dokonóturaalu yalepó.

¹⁰ Téró, Saimon Pitané fḡloi sepake be dolomó deró betereitei sókó sóró, so whimó Talepaee momaratere topo whiné kutó diratere whiné tururó woséli saae deralepó. Ai whiné ama doita Malkus-pó.

¹¹ Yesuné Pitapaae duraalu, “Naao ai sepake sóró momó be dolopaae bulae. Naao kisipané yaḡo Ayané ɛ melale wɛi wutimó belereitei yaḡo naalomeipóló de?” yalepó.

Fo tekḡai Yesu Anas beterepaee dapesó fele fo

¹² Téró, diki tare whiraperó atimané topo whitamó yóo, mepaae Juda topo whirapekélé yóo yóló, Yesu tawóló halika tikiné dokalepó.

¹³ Atéró, atimané ɛ folosóró Kaiapas-né nouma Anas beterepaee dapesó felepó.

Kaiapas ɛta, ai ba fo tuamó so whimó Talepaee momaratere whirapené topo whi beterepó.

¹⁴ I seké Kaiapas-ta, take Juda so whipaae duraalu, “Daḡ Juda so whi me ala yaḡsóró, betḡ whi sukutepa mo wisirapó,” yale whipó.

Pitané Yesu ɛ kisipanipó yale fo

(*Mat 26:69-70, Mak 14:66-68, Luk 22:55-57*)

¹⁵ Atéró, Yesu dapesó fupa, Saimon Pitaró ama yó matere whi metamo Yesu sya fu betalepó. Kale mo so whimó Talepaee momaratere topo whiné Yesuné yó matere me whi ama wisiyóló tuɛreteiné ai bolaare tipi tuapaee doropópóló yalepó.

¹⁶ Téyaleteti, Pita ɛ ai tipi tu serekemó daapa, kale me yó matere whi momó fesaae wóló, tu kaae tare senaalepaee Pitakélé ipaae wópóló yae, yalepó.

¹⁷ Atéró, kale tu kaae tare senaalené Pitapaae woseturaalu, “Yaḡkélé ai whiné yó matere whikóe?” depa, Pitané kale senaalepaee tokó mótu duraalu, “ɛta, ai whiné yó matere whi meipó,” yalepó.

¹⁸ Atéró, kale mepaae kutó diratere whiraperó mepaae doasi diki tare whirapetamo atima sosóli depa, si nokeyóló simó boperóló daae molepó. Atéró daae mupa, Pita ɛkélé sosóli depa, atimatamo simó daalepó.

Momaratere topo whinė Yesutamo fo tekaletei

(*Mat 26:59-66, Mak 14:55-64, Luk 22:66-71*)

¹⁹ Atima atéro simó betó mupa, mo so whimó Talepaae momaratere topo whinė Yesupaae woseturaalu, “Naao yó matere whirape-a, deé? atimapaae naao noa fo yó maleé?” yalepó.

²⁰ Ai fo depa Yesuné duraalu, “Yalo fo mekó kinóló yó meni, so whi feané wosópóló, hakeamótóró yó mótu betalepó. Yalo yó male fota, Kale Juda fake so whi fea touraleta dere fo wosetere beraperó, moma dere betamo tuamótóró yó mótu betalepó.

²¹ Téyalepa, naao epaae noatepa wosete? Yalo yó matere fo wosale so whiné tuérapa, atimapaae wosae,” yalepó.

²² Yesuné ai fo depa, Juda topo whiné sóró beteró betere whi betá a daale felekemó daai sókó wóló, ama kelepaae deké sóró duraalu, “So whimó Talepaae momaratere topo whipaae atei kaae fo dua de?” yalepó.

²³ Atétepa Yesuné duraalu, “Yalo me dowi alakótamo itikimó, ti i so whi feané keletómó yalo yale ala hakearóló yae. Téní, yalotamo apaae mo fo itikimó, ti naao e hale noatepa dile?” yalepó.

²⁴ Atéro, Yesuné ama naase hale dokopatei, kale whi Anas-né a Talepaae

momaratere topo whi Kaiapas beterepaae fópóló doteyalepó.

²⁵ Atima ai ala du betepa, kale whi Saimon Pita a simótóró hale daapa, mené apaae duraalu, “Yakélé ai whiné ama yó male whi meié?” depa, Pitané duraalu, “Ai whita e meipó,” yalepó.

²⁶ Tétepa, momaratere topo whiné kutó diratere whi betá beterepó. Ata, take Pitané woséli tikale sekéné ama fake whipó. Ai sekéné Pitapaae woseturaalu, “Yata, u *Olip* ni daae mole tikimó daapa ke-lale whi-a, kaeé?” yalepó.

²⁷ Ai fo depa Pitané momó meipó, deretamótóró wa kakaruk bané hale yalepó.

Yesu topo whi Pailat beterepaae dapesó fele fo

(*Mat 27:11-23, Mak 15:2-15, Luk 23:1-5, 18-25*)

²⁸ Dilikitamo ai ala deté wóló, hika be detamo Yesu a kale topo whi Kaiapas-tamo betepa, Juda topo whirapené Rom *Gavman* topo whiné bepaae dapesó felepó. Téyaletei, atima kale boseneyóló fele be demó detere ɔla naaireteiné ai be dolopaae feni, belamó daae molepó. Ti noatepae, atima Juda meire whiné bepaae fupa, ai detere ɔla naalomeipó, yaqsóró yalepó.

²⁹ Atéro, kale Pailat a belapaae tóe doropóló, atimapaae duraalu, “I whita, noa dowi alakó itikimó fo tokótamo yóló diaaɔ a só deraai de?” yalepó.

30 Ai fo depa, atimané ʔpaae duraalu, “Amatamo *Gavman* whinė yóló muló betere fo tikiuʔmeisoró, ti ɗané yʔpaae dapesó uʔmeipó,” yalepó.

31 Tétépa Pailat-né atimapaee duraalu, “I whıtamo fo tekʔai depa, ti diaaʔ yóló muló betere fo sya fóló, diaaʔtei taleyaasepóló dapesó fae,” yalepó. Ai fo depa, atimané ʔpaae duraalu, “Me whı dowi ala depa, taleyóló sukópóló dae fo *Gavman* whinė ɗapaae inipó,” yalepó.

32 Yesu ʔale bitutei, ʔ itéro sukʔalopóló taketi yóló mulale fo dokonópóló yalepó.

33 Atéro, kale Pailat ʔ ama bepaae momó fesaae fóló, Yesu ʔ beterepaae dapesó ape, yóló woseturaalu, “Yʔta, Juda fake so whı teteróló kaae tare topo whıé?” yalepó.

34 Tétépa, Yesuné ʔpaae duraalu, “Eʔpaae ai wosetere fota, naao kisipanétei dépé, mené ʔ etei kaae whıpóló yʔpaae depa de?” yalepó.

35 Ti fo depa, Pailat-né ʔpaae duraalu, “Naao kisi-pané ʔta, Juda whıkó betepa de? Naao so whıró so whımó Talepaae momaratere topo whırapetamoné yʔ só deraai, ʔ beterepaae dapesó walepó. Téryalepa, naao atimapaee noa dowi alakó eraleé?” yalepó.

36 Ai fo depa, Yesuné duraalu, “Yʔlo teteróló kaae tare alata, i haemó diaaʔ teteróló kaae tare ala kaae mei, yʔlo teteróló kaae tare alata, mo kaepó. Eʔtamo

diaaʔ teteróló kaae tare ala tuʔmó bituʔsóró, ti Juda whırapené ʔ daai depa, yʔlo kutó diratere whırapené bóe duʔpó. Tépateti, yʔlo teteróló kaae tare alata, kae tikimó kaaróló walepó,” yalepó.

37 Ai fo depa Pailat-né duraalu, “Tépata, yʔ teteróló kaae tare topo whı mo airapó!” depa, Yesuné ʔpaae tokó mótu duraalu, “Naao ʔpaae topo whıpó dere fota, mo dono dapó. E Talené so whı teteróló kaae tare whı topo whı betaai, i haepaae woó, ʔ i haemó mo soné deyóo, yalepó. Atépa, mepaae mo ala tuʔmó betaai keteké butu betere so whınéta, yʔlo dere fo mo dapóló wosetu beterapó,” yalepó.

38 Ai fo depa, Pailat-né faletere fo kaae yóló duraalu, “Mo fo betepó dere-a, noaé?” yalepó. Ai fo yóló, kale Pailat ʔ Juda so whı daae mole tikipaae tóʔ doropóló, atimapaee duraalu, “A só deraaire bete tale yalemó, me alakélé mupa kilinipó.

39 Téretei, diaaʔ mara mole ala sya furaalu, kale bosenyóló fele be demó ʔla detere sukamó *dipula* betere whırapekó betʔ fópóló, sokotua dapó. Atétua dere kaae, diaaʔ kisipané mió i ʔla detere be demó Juda so whı teteróló kaae tare topo whı sokaró de?” yalepó.

40 Ai fo depa, atimané ʔpaae fo fakeyóló duraalu, “A meipó. ɗané kisipanéta, Barabas ɗʔ beterepaae

wópólópa, doteyae,” du betalepó. Ti Barabas aṭa, *Gavman*-tamo alale sóró bóe du betale whípó.

19

Yesu filipaa eró betere ni tómó oleróló dae yale fo

(*Mat 27:27-31, Mak 15:16-20*)

¹ Téró Pailat-né Yesu dapesó fóló, ama diki tare whirapepaae fokosói ala yae yóló malepó.

² Atéró, diki tare whirapené Yesu faleturaalu, mu daai képi topo whiné deratere topo tao suróló aleyalepó. Téró Yesuné topomó deróo, sonaai kutikélé deróo yalepó.

³ Atéró, atimané momó deḷe momó deḷe yóló duraalu, “Juda so whi teteróló kaae tare topo whi-ó, dané naao doi i sóró horatere ape,” yóló faletu betalepó.

⁴ Ai alarape yóló kemetepa, Pailat a momó Juda so whi betó molepaae fóló duraalu, “Yaḷo ama yale ala taleyalemó, a só deraaitere bete mekélé munipa, i dapesó walapa kelae!” yalepó.

⁵ Atéró Yesu faleturaalu, a topo whípóló derale mu daai topo taoró sonaai kutitamo deró betepatei, belapaae dapesó dorowalepó. Atéró daapa, Pailat-né atimapaae duraalu, “Mió kale whi i daalapa kelere?” yalepó.

⁶ Atéró, kale so whimó momaratere topo whiraperó atimané sóró beteró betere whirapetamoné Yesu dapesó wale kilitu, fo fakeyóló

duraalu, “Filipaa ni tómó olerae!” yóló eneta du betalepó. Ai fo depa, Pailat-né atimapaae duraalu, “Yaḷota, a só deraaire bete mekélé munipa, diaaḷteḷi a filipaa ni tómó olerae,” yalepó.

⁷ Atétepa, kale Juda fake so whi feané apaae seyóló duraalu, “Amatei a Kótóné naalemapó du betepa, dané yóló muló betere foné, etei kaae fo dere whi sukópóló dae fo erapó,” yalepó.

⁸ Pailat a taketa sawa wiyaletei, atéró dere fo woseturaalu, mo doasi winé sukḷepó.

⁹ Atéró, a kale *Gavman* topo whiné bepaae momó fesaae fóló, Yesupaae woseturaalu, “Ya mé be huluapaae wale whié?” yóló wosetepa, Yesuné apaae me fokélé tokó menipó.

¹⁰ Atétepa Pailat-né apaae duraalu, “Yaḷo yapaae wosetere fo naao tokó menitere-a, ya fópóló doteyaaitere ala ó, filipaa ni tómó oleraaitere ala yópóló, e sóró beteró betere ya kisipa inié?” yalepó.

¹¹ Ai fo depa, Yesuné duraalu, “Óté taoró betere Kótóné teteróló kaae tare fotokó yapaae móluameisóro, ti naao epaae me alakélé eróluameipó. Térapa, e naao naase tuamó mulale whiné ama yale dowi alanéta, naao dowi ala mo teraae falapó,” yalepó.

¹² Atéró, kale Pailat-né ai dere fotóro woseturaalu, a

fópóló sokaaire tų kikitú be-
talebó. Tétu betepa, Juda
fake so whinė fo faketóro
hąle yó taru duraalu, “Naa-
tamo ą fópóló dotonatepa, ti
ya Sisatamo betą kutó ditere
whi meipó. Whi me de am-
atei, ą topo whi betaai dapóló
wóputu betepa, ti ai whinė
Sisatamo bóe dilapó,” yalepó.

13 Atéroró, Pailat-né ai dere
forape wosetu, Yesu bela-
paae dapesó doropóló, Pailat
ą fo tokótamo yóló taletere
tikimó betalebó. Ai belané
doita, kapo fake whamene
tikipó. Hibru foné ti Kapata
doi mulapó.

14 Ai alarape yaleteita,
kale bosenyóló fele be
de ąla detere *fula*-mó, ąla
dótóro deyaairaaalu, ąla ąla
taleyóló mulatere be demó
12 *kilok* sukakelemó yalepó.
Atéroró, kale Pailat-né Juda
so whipaae duraalu, “Dią
tęteróló kaae tare topo whi
i daalapa, kelae!” yalepó.

15 Ai fo depa, atimané
duraalu, “Dąné ą keletere
hórapa filipaa ni tómó oleraai
dapesó fae yóló, dotopoi fo
du betalebó. Tétepa, Pailat-
né duraalu, dią tęteróló kaae
tare topo whi ą filipaa ni
tómó oleraróe?” yalepó. Ai
fo depa, kale mo so whimó
momaratere topo whiné
duraalu, “Dą tęteróló kaae
tare whita me kae mei, Sisa
betą beterapó,” yalepó.

*Yesu filipaa ni tómó olerale
fo*

(*Mat 27:32-44, Mak 15:21-
32, Luk 23:26-43*)

16 Ai alarape yóló kemene
furaalu, Yesu filipaa ni tómó
olerae yóló, Pailat-né ati-
mané naase tuąmó mulalebó.

Atétepa, kale diki tare
whirapené ą dapesó felepó.

17 Atéroró furaalu, ą oleraaire
ni fake amatei beleyóló ol-
eraaire tikimó sókó felepó.
Ai hae tikiné doita, sukąle
whiné topo diripó. Hibru
whirapené du betere foné ti
Kolkotapó doi mulapó.

18 Aimó atimané ą filipaa
ni tómó oleralebó. Atéroró whi
tamokélé, me whi ité dęró ol-
eróo, whi me uté dęró oleróo,
yalepó.

19 Atéyale kilipaae Pailat-
né kale filipaa ni topomó
ą i betené dalebóló etei fo
aseyóló oleralebó.

ITA, NASARET BE WHIKÓ JUDA
SO WHI TĘTERÓLÓ KAAE TARE
TOPO WHI YESUPÓ

20 Yesu dóló olerale tikita,
ai be hulua felekemó
ereteiné Juda fake so whiné
ai aseýóló oleró betere
fo dosąatu beterepó. Ai
aseyale fota, Juda so whi
feané dosąayópóló, Hi-
bru whirapené du betere
fonékélé, Rom fonékélé, Krik
fonékélé, erepó.

21 Atéroró, mo so whimó
momaratere Juda topo
whirapené Pailat-paae du-
raalu, “Juda fake so whi
tęteróló kaae tare topo
whipóló, aseyaąse. I whiné
amatei duraalu ąta, Juda fake
so whi tęteróló kaae tare topo
whipó, yale fo maaté aseýóló
olerae,” yalepó.

22 Ai fo depa, Pailat-né duraalu, “Yalo aseyaale fo momó kae fisikini, ai fotóro atéro mulópólópó,” yalepó.

23 Atéro, mepaae diki tare whirapené Yesu filipaa ni tómó olerale kilipaae douro diki tare whirapené ama kutirape atima betá betá yóló salepó. Atéyaletei, Yesuné deróló sókó fatere boló kuti betá hale muni felepó. Ai kutita, me kwiatamo dekaaporóló dokoni, mo betanétóro dokorepó.

24 Atéro, kale diki tare whirape atimasisitei duraalu, “I kutita, terekeyóló kukwia saalomeipó. Betá whiné saairaaalu, atima dokó fea ni kwia siri mulóló, melaa yóló saalopa siépe yae,” yalepó. Ai alarape yaleteita, i asere fo dokonópóló yalepó. Ai fo i ape.

“Yalo kutirape atima sóro, bolómó deró betere fóló kuti betá muni fupa, ni fakerape fesekée deróló salepó,” erapó.

25 Atéyale kilipaae, Yesuné ama hama Mariakélé, hamané kemakélé, Klopasne soma Mariakélé, Mak-tala sokó Mariakélé, Yesu oleró betere felekemó daae molepó.

26 Aimó Yesuné hamaró ama hosaa mole yó matere whitamó daapa kolóló, hamapaae duraalu, “Yalo hosaa mole hae ti so-ó, ai daale whita, naao naale ai ape,” yalepó.

27 Téró, ama ai yó matere whipaae duraalu, “Ata naao

hae ai ape,” yalepó. Ai sukamó kaae sóro, ama ai yó matere whiné Maria atamo betaairaaalu, dape salepó.

Yesu sinale fo

(*Mat 27:45-56, Mak 15:33-41, Luk 23:44-49*)

28 Nalo kale yaalopó yóló mulale ala fea kemeyalepóló kispaa mutu, kale aseýóló muló betere fo dokonópóló, Yesuné duraalu, “E weí nokolerapó,” yalepó.

29 Atéro, aimó betá kelaai wain weí wuti fanóló mupa tepeýóló, kelaai wain weí wépi kaae qlamó tópuró sóro kape siki kaae qlamó haka sóro, ama kolómó hamunalepó. Ai kape siki kaae qlané doita, *hisop*-pó.

30 Atéro, Yesu ai weí nóló duraalu, “Kale eraai yale ala fea mió sumó eróló kemeralepó,” yalepó. Atéro, ama topo haepaae hemée deyóló ama kepe bete Talepaae melóló sukalepó.

31 Atéro kale filipaa ni tómó olerale whirape hale olepatei, qla deyaai dale muló betere be de sókó waqsóro, i ala yalepó. Dótóro qla deyaaire be de sókó waaipa, qla qla taleýóló mulatere be demó, kale oleró betere whirape hó diri kolokóló teketapóló, Juda topo whirapené Pailat-paae wosene felepó.

32 Ai fo depa, kale diki tare whirape fóló, kale folosóro ité olerale whiné hó diri kaayóo, uté olerale whiné hó dirikélé kaayóo, yalepó.

³³ Téyaletei, Yesu kelalemó, ą taketi sukítikimó atimané ama hó diri kğanipó.

³⁴ Aténi, atimakó betą diki tare whinė ama fisinimó wuti deyalepó. Atéyale tikimó, ama ąakeró węitamo mo węi kaae suniyóló dorowalepó.

³⁵ Ai alarape depa kelale whinė ama mo kelale alatóro hąkearóló yó male fota, mopó. Ama ai du betere fo diaaąkéle mopóló kisipa tirópóló, hąkeamó yó mótu beterapó.

³⁶ Ai yale alarape feata, kale ase mó i ere fo dokonóturaalu, yalepó. Ai fo i ape.

“Ama diri mo betąkéle kąayaalomeipó,” erapó.

³⁷ Me asęre fo i ape.

“Atimané ama tikimó wutiné deyale whi kelené kikéyóló kaae tawaalopó,” erapó.

Yesu kane dolomó mulale fo

(*Mat 27:57-61, Mak 15:42-47, Luk 23:50-56*)

³⁸ Atéró, ai ala kemetepa etéyalepó. Arimatea be whikó Josep ąkéle Yesuné yó matere whitei, Juda topo whirape kolóló wituraalu, ama tué tiki tiró betere ala hąkeamó yó menipó. ą Pailat beterepaae fóló, Yesuné tiki tekaaai dapóló, wosalepó. Téyalemó, kale Pailat-né ąpaae téyae depa, ama tiki tokóló só felepó.

³⁹ Mo take dilikitamo Yesu beterepaae fele whi Nikodimas-ró Josep-tamo

wusuróné Yesuné tiki tokóló só faai dere ala fea yalepó. Atéró, betą ni fe *mur-ró* mepaae felé kęlaa wale ąlarape *aloes*-tamo hosekéro betereitei, Nikodimas-né sóró felepó. Ai ąlané sekę ąęleta, ³⁴ *kilogram*-rópó.

⁴⁰ Atéró, kale whi tamoné Yesuné tiki sóró felepó. Atéró doumó mulaairaaalu, *linen* kutimó mepaae felé kęlaa wale ąlarape terepeté fóló, Yesuné tiki bopeyalepó. Aita, atima Juda whirape douróturaalu dere ala sya fóló yalepó.

⁴¹ Yesu olerale tiki felekemó, betą kutó erapó. Ai kutó tuamó whi mo betąkéle dou erénire, kisi dou wisinaale aleyóló muló beterepó.

⁴² Ti dótóro kale Juda fake so whi sęa nóló betaaire be ę ereiteiné kale doukéle mo felekemó epa, ąla ąla taleyóló mulatere be ęemó ama tiki aimó douralepó.

20

Yesu mulale kane dolo hąlepa kelale fo

(*Mat 28:1-8, Mak 16:1-8, Luk 24:1-12*)

¹ Atéró, fula kaae sere be ęemó hika be teó ęeteretamo Maktala sokó Maria Yesu mulale dou tópaee felepó. Atéró kelalemó, ą mulóló fokonale kapo fake tukwę fóló, tumó mupa kelalepó.

² Atépa, kale so ą Saimon Pitaró Yesuné ama hosaa mole yó matere whi metamo beterepaae sururuyóló fóló duraalu, “Tale atimané

mopaae sóró fóló mulaleró ða tuénipó,” yalepó.

³ Tétepa, Pitaró kale me wh̄ıtamo atima betere tiki taaróló, sururu yóló wh̄ı dou tópaee felepó.

⁴ Atimaamo wusuró suru-ruyóló feletei, Pita taaróló kale me wh̄ı ąpi fóló, kale dou tómó sókó felepó.

⁵ Atéró ąpi fóló, hemée deyóló kelalemó, Yesu bopeyóló mulale ðei *linen* kuti betą mupa kelalepó. Téyaletei, ą dou dolopaae fenipó.

⁶ Atépa, nalo Saimon Pita sókó woló, kale dou dolopaae fóló kelalemó, mepaae ðei kutirape betą molepó.

⁷ Yesuné ama tiki bopeyóló mulale ðei *linen* kuti kae mulóo, ama topo boperóló mulale kuti kolokóló kae mulóo epa kelalepó.

⁸ Kale folosóró dou tópaee ąpi sókó fóló, daale wh̄ı ąkélé nalo dou dolopaae derepelepó. Dou dolomó ai ere ala kilitu, ama tué tiki tiralepó.

⁹ Yesu ą sukóló momó kepaa yaalopóló, ašemó ere fo mo dokonalérapóló, kisiipa sinipó.

Yesu Maktala sokó Meripaae yó male wale fo

(*Mat 28:9-10, Mak 16:9-11*)

¹⁰ Téró, kale wh̄ıtamo momó bepaee fesaae felepó.

¹¹⁻¹² Téyaletei, kale Maria ą dou até belaró daalu, woletu betalepó. Atétu bitu hemée deyóló, kale wh̄ı mulale kapo dolopaae kopeyalemó, *enseltamo mo ðei kuti deróló,*

Yesu mulale tikimó beterepó. Me seké topo mulalepaae betóo, me seké hó eralepaae betóo, erepó.

¹³ Atéru, atimaamoné kale sopaae woseturaalu, “Ti so-ó, ą noatepa wole du bitu de?” ðepa, ama duraalu, “Atimané ę teteróló kaae tare Tale mopaae mulale feleró ę kóló kóló ðepa du bitupó,” yalepó.

¹⁴ Ai fo yóló, ą fetée furaalu kelalemó, Yesu aimó daapa kelaleteti, kale soné aita, Yesupóló kisiipanipó.

¹⁵ Tépa Yesuné ąpaae duraalu, “Ti so-ó, ą noatepa wole du bitu de? Ҳ de keketé kutu bitu de?” yalepó. Ai fo ðepa, kale soné ama kisiipané ai kutó kaae tare wh̄ı nisyóló ąpaae duraalu, “Doa wh̄ı-ó, naaotamo sóró fiyata, ti ą sene faai dapa, mulale tiki betą ępaae yó melaasepé,” yalepó.

¹⁶ Tétepa, Yesuné ąpaae “Maria-ó,” ðepa, ą daalepaae fete fóló, Ereimeiki foné fakeyóló duraalu, “Raboni-ó,” yalepó. Ai fo bete feteyóló yó matere wh̄ıpó.

¹⁷ Ai fo ðepa, Yesuné ąpaae duraalu, “Ę ąło Aya beterepaae fenipa, naao ę tatere ala taalae. Ҳteı fóló, ę ąło Aya beterepaaekélé, diaaą Aya beterepaaekélé, ę teteróló kaae tare Kótó beterepaaekélé, ði ą teteróló kaae tare Kótó beterepaaekélé, momó fesaae fulapóló, ąło no-rapepaae ene fae,” yalepó.

18 Atéro, ai kale Maktala be hulua sokó Maria a fóló, ama yó matere wh̄irapepaae duraalu, “Tale yalo mo kelalepó,” yóló ama apaae yae yale forapekélé fea atimapaae yalepó.

Yesu ama yó matere wh̄irape beterepaae wale fo

(*Mat 28:16-20, Mak 16:14-18, Luk 24:36-49*)

19 Téró, fula kaae sere be demó be diki deretamo ama yó matere wh̄irape atima kale Juda topo wh̄irape kolóló wituraalu, atima touróló betó mole be t̄rape kinóló diróló betó molepó. Atéro betó mupa, Yesu atima betó mole tuamó sokó wóló duraalu, “Hosaa muni deyóló dua betere ala dī tuamó mulópóló yae,” yalepó.

20 Ai fo yóló kemetepa, ama naasemó *ikoko* daleteiró fisinimó wuti deyale siritamo atimapaae yó malepó. Atéro, Tale kilituraalu, atima hosaa tuamó doasi hajné sukutere ala mo faayalepó.

21 Atéro, Yesuné atimapaae momó duraalu, “Diaaḡ hosaa muni deyóló mo dua betó muae. Yalo Ayané ē i haepaae wópóló dotonótu yale kaae, yalokélé dī fópóló dotonatapó,” yalepó.

22 Atéro, ai fo yóló kemetepa, ama fomo atima tikipaae sokó faróló duraalu, “Dēi Kepe Wisi sae.

23 Diaaḡtamo mepaae wh̄iné dowi ala kwia me ɔla meipóló h̄ale kemeratepa, ti Kótónékélé atimané yale dowi ala kwia h̄ale kemeró

beterapó. Diaaḡtamo mené yale dowi ala kwia me ɔla meipóló kemeréni h̄ale tapa, ti Kótónékélé atimané dowi ala kwia kemeró bitinipó,” yalepó.

Yesu a Tomas-paae yó male fo

24 Yesuné ama yó matere 12 wh̄irapekó bet̄a ama doi Tomas-tei, Didimas-pó, du betere wh̄i Yesu atima beterepaae sokó wale sukamó, mepaae yó matere wh̄irapetamo bet̄amó bitinipó.

25 Atéro, kale mepaae ama yó matere wh̄irapené apaae duraalu, “Tale dané mo kelalepó,” yalepó.

Ai fo depa, Tomas-né duraalu, “Yalotamo ama naasemó *ikoko* dale siri kolóo, *ikoko* dale doloró fisinimó wuti deyale dolotamomó yalo naase kesekée falóo initepa, ti diaaḡ dere fo wosóló, mo dapóló yalo tué tiki tiraalomeipó,” yalepó.

26 Atéro, *fula* bet̄a kemeyale k̄lipaae ama yó matere wh̄irape atima momó touróló betale sukamó, Tomas akélé atimatamo bet̄amó beterepó. Atéro, atima t̄u kinóló betó mupa, Yesu a sokó wóló atimapaae duraalu, “Diaaḡ hosaa muni deyóló mo dua betó muae,” yalepó.

27 Téró Tomas-paae duraalu, “Yalo naase ipa, naao kolóló, naase kesekée falóo, yalo fisinimókélé naao naase doū kesekée falóo ene ape. Téró, mió naao kisipa tamo

mutere ala taaróló, tué tiki tirae,” yalepó.

²⁸ Ai fo depa, Tomas-né ąpaae duraalu, “Ę tetęeróló kaae tare Tale Kótóo,” yalepó.

²⁹ Ai fo depa, Yesuné ąpaae duraalu, “Naao ę mo kelaletuiné naao tué tiki tiratapó. Mepaae whi de ę kilinirutei, kisipa tiki tiratepa, ti ai so whi atima Kótóné wisiró betęrapóló hajné sukutu betaalo ai ape,” yalepó.

³⁰ Atéró, Yesuné ama yó matere whirapetamo bitu, Kótóné eratapóló kisipa yópóló, kelemei alarape mo dekéro eraletei, fea i buk-mó asęnipó.

³¹ Tępatei, Yesu so whi tetęeróló kaae tare whi Kerisota, Kótóné Naalemapóló tué tiki tirópóló, i alarape fea asęyalepó. Ti ąta, etei kaae Talepóló, ama doimó yó mótu betere fo fea dosąayóló tué tiki tiróturaalu, dią mo ti betere bete sópóló yalepó.

21

Yesuné kelemei ala eróturaalu ya dekéro sale fo

¹ Atéró ai alarape keme-tepa, Yesuné ama yó matere whirape Taiberius węi fókumó betó mupa, ą momó kolópóló, yó male walepó.

² Aimó, Yesuné ama yó matere whi Saimon Pitakélé, Tomas-tei me doi Didimas-kélé, Kaleli hae kwiamó tęne Kana be hulua whikó Nataniel-kélé, Sebedi naalema tamokélé, ama yó

matere whi me tamokélé, atima fea touróló betó molepó.

³ Atéró bitu, Saimon Pitané atimapaee duraalu, “Ęta, ya sene fulapó,” depa, atimané duraalu, “Dąkélé fea faalopó,” yalepó.

Atéró, atima fea nukumó betóló felepó. Tęyaletei, ai dilikitamo ya mo betąkókélé sinipó.

⁴ Atéró, Yesu ą mo hjkati węi fókumó daapa kelaletei, ama yó matere whirapené Yesupóló kisipanipó.

⁵ Tętepa, Yesuné atima fo tekeróló duraalu, “Ti naalarape-ó, yakó saleé?” depa, atimané duraalu, “Meipó,” yalepó.

⁶ Tętepa, ama atimapaee duraalu, “Diaaą hąleke wa tao sóró, nuku mole turu naase fakeró derae. Até depa, ti mepaae ya saalo ai ape,” yalepó. Ama ai yae dere alatóró yalemó, hąleke wamó ya mo dekéro deyaletikimó sekené tukaaire mo sųnipó.

⁷ Atéró, Yesuné ama hosaa mole yó matere whiné Pitapaae duraalu, “Aita Talepó,” dere fotóró wosóló, Saimon Pitané tómó deratere kuti take sokóló mulaletei kakeróló, węipaae tųwó derepelepó.

⁸ Atéró, Pita ą węimó ąlaaté fu betępa, mepaae yó matere whirape atima nukutamó ą sya fu betalepó. Atéró, atimané derae hąleke wamó, ya fąayóló mupatei, węi fókuró nuku fole tikitamo felekereteiné sųyóló só fu

betalepó. Ai wēi fókuró nuku foletikitamo ɗaleta, 90 *mita* supó.

⁹ Atéro, atima i wēi fókumó sókó walemó, aimó si duku betepa kelalepó. Ai duku betere si keletómó ya biliyó mupa kolóo, *bred* orapekélé mupa kolóo, yalepó.

¹⁰ Atépa, Yesuné atimapaee duraalu, “Diaaɗ mió sale yarape mepaaekó ipaae sóró ape,” yalepó.

¹¹ Atéro, Saimon Pita ɗ nukupaae bitɗi holóló kale hãleke wa wēi fókupaae sĩyóló sóró walepó. Aimó dere doakale yarape dosayalemó, 153-ró derepó. Hãleke wamó doa atei yarape deyaleteti, hãleke wa mo sawa tukó fole alakélé inipó.

¹² Yesuné atimapaee duraalu, “Diɗ i ɗla naai ape,” yalepó. Téyaleteti, ama yó matere whirapené ɗ Talepóló kisipa irutei, atimakó whi betanékélé ya deé? yóló halaaíné wosaaitere kisipa munipó.

¹³ Atéro Yesu ɗ wóló, *bred* o bularape terekeyóló atimamó malepó. Yarapekélé atétóro yalepó.

¹⁴ Aita, Yesu ɗ sukóló kepaayóló bituraalu, ama yó matere whirapené ɗ kolópóló, tamo dakoróló yó melóló, mió ita, sore dakoróló yó male walepó.

Pitapaae Yesuné ɗpaae hosaa mulée yale fo

¹⁵ Atéro, atima ɗla nóló kemetepa, Yesuné Saimon Pitapaae duraalu, “Jon-né

naalema Saimon-ó, naao ɗpaae yaala sókó fole alané i whirapené yaala sókó fole ala bosene fale?” depa, ama duraalu, “Tale-ó, ɗpó. Yalo ɗpaae yaala sókó fole alata, naao ai tuére ape,” yalepó. Ti fo depa, Yesuné ɗpaae duraalu, “Tépa, ti yalo *sipsip* hupu malerapemó, ɗla wisiyóló melae,” yalepó.

¹⁶ Yesuné kale fo kaae momó duraalu, “Jon-né naalema Saimon-ó, naao ɗpaae mo yaala sókó fule?” depa, ama duraalu, “Tale-ó, ɗpó. Yalo ɗpaae yaala sókó fole ala naao ai tuére ape,” yalepó. Tétepa, Yesuné ɗpaae duraalu, “Yalo *sipsip* hupurape naao mo wisiyóló kaae tawae,” yalepó.

¹⁷ Atéro Yesuné ama kale dere fo kaae sore dakoróló duraalu, “Jon-né naalema Saimon-ó, naao ɗpaae mo yaala sókó fule?” fo sore dakoróló deremó, Pitané ama hosaa tuámó seke depa duraalu, “Tale-ó, fea ala naao kisipareteiné yalo ɗa yaala sókó fole ala naao tuérapó,” Ai fo depa, Yesuné ɗpaae duraalu, “Yalo *sipsip* hupurapemó ɗla mo wisiyóló melae.

¹⁸ Yalo ɗpaae mo i dapa wosae. Take ya kokopei betale sukamóta, kuti naaotei deróló, naao faai kisipa mutere tikipaae fua yalepó. Téyaleteti, take nalopaae ya otere yóló betere sukamó, ti naao naase teré faló betepa, naao kuti me whiné deróló, ya hõre tikipaaetei dapesó

faalo ai ape,” yalepó.

¹⁹ Yesuné etei kaae fo yaleteita, Pita ą atéro sukuturaalu, Kótóné ere ala wisinaale kolópóló, haķearaalopóló kisipa mutu yalepó. Atéro Yesuné ąpaae duraalu, “Ya ę sya ape,” yalepó.

²⁰ Atéro Pita ą fetée fóló kelalemó, Yesuné ama yaala sókó fale yó matere whı atimaamo sya wou betalepó. Ai whıta, take atima ọla nale sukamó, Yesu tikimó tiróló bituraalu, “Tale-ó, ya dópóló eleké deyaaire whı-a, deé?” yóló wosale whıpó.

²¹ Atéro, Pitané ai wale whı kolóló Yesupaae woseturaalu, “Tale-ó, i wale seké ą neyaaloé?” yalepó.

²² Tétepa Yesuné duraalu, “Yało kisipané ai whı ątamo bitiré fóló, ę momó fesaae wale sukamó sókó fópóló depa, aita naao yaaire ala meipa, ya ę sya wale ala beta yae,” yalepó.

²³ Yesuné ąpaae atei fo yalemótei, mepaae Keriso no nerapené ai yó matere whı ą sukąalo meipó yalepóló, feapaae deté kweyóló fakeralepó. Téyaleteti Yesuné ai whı ą sukąalo meipóló ini, ama kisipané ą haķe bitiré fóló ą momó fesaae wale sukamó sókó fópólópó depa, aita Pitapaae naao yaaire ala meipóló yale fomótei yalepó.

²⁴ I yó matere whıta me kae mei, i alarape depa kelalepóló so whı feané tuę yópóló, haķearóló aseyaale whıpó. Ai sekéné ama kolóló

ai yale fo feata, mo dapóló dané tuęrapó.

²⁵ Yesuné kae kae ala mo dekéro yaleteti, ai alarape fea imó aseņipó. Mo featamo mené ase depa, ti i hae kwia tuamó, ai fo aseře buk-rape mulaaire tiki sųyaalomeipóló kisipa mutapó.

Aposel

Yesu hepen-paae dapesó horale fo

1 Tiopilus-ó, take yało folosóró aseyałe *buk-móta*, Yesuné yale alaró yó male fotamo fea kaae sóró yó maté fóló, ą hepen bepaee fele sukamó sókó fele fo ase yalepó.

2 Yesu ą hepen-paae faai hałe bitu, Deı Kepe Wisiné fotokoratepa, ama dosaae sóró betero betere *apospel* whırapepaae i alarape yae yóló yó maté felepó.

3 Ȧ doasi dele sale kılıpaae, mo ti dóló sukunale whıteı kepaayóló mo whıtóró betera-póló kisipa yópóló, whı siki tamo 40 be demó kale whırape beterepaae sókó wua du betalepó. Atéturaalu, Kótóné tetetóró kaae tare aomó mole ala etérópóló yó mótu betalepó.

4 Atéro betą sukamó ą ama yó matere whırapetamo ọla nuku bitu, etei dirii fo yóló duraalu, “Yało Ayané diąmó hałe hamokoróló melaalopó ere ọlamó kisipa mutu, yało diąpaae take yalepó. Ai ọla saasepóló, Jerusalem be taaróló feni, kaae tawóló hałe betae.

5 Ti noatepae, Jon-né dią weı hałe maate tópurótua yaleteı, mió mo felekemó dią Deı Kepe Wisitamo tópuraało ai ape,” yalepó.

6 Téro, atima betamó touróló bitu, atimané ąpaae woseturaalu, “Tale-ó, take da Israel fake so whıné dané hae kwia tetetóró kaae taru yale kaae, miókélé ai ala yópóló yaaloó?” yalepó.

7 Ai fo depa, Yesuné atima-paae duraalu, “Ai ala yaaire be deró alitamota, diąné kisipa yaaire ala mei, yało Ayané ama tetetóró kaae taru, noa kaae ala yaai depa, ti ai be demótóró erótua dapó.

8 Téreteı, yało ę etei kaae whıpóló yó matepa diaaọ wosale fo Jerusalem be huluapaaekélé, Judia hae kwia kwiapaaekélé, Samaria hae kwiapaaekélé, i hae kwia dene fale dokọ feapaaekélé, yó maté kweyóló mo surópóló, yało dią sóró i beterate ape.” yalepó.

9 Ai fo du betero keme-tepa, kale whırapené kele tómótóró Kótóné ą hepen bepaee dapesó horalepó. Atéro atima kese horótu yóló daae mupa, atimané keletómó kitiki dolomó buó deyalepó.

10 Téro, atima ó saapaae kese horólu yóló hałe daae mupateı, deı kuti deréli whı tamo sókó wóló atima daae mole demó daane walepó.

11 Atéro kale whırapepaae duraalu, “Kaleli whırape-ó, dią noatepa saapaae kese horótu yóló daae mulu de? Diątamo betepa hepen-paae dapesó horale whı Yesuta, momó fesaae wouraalukélé, atérótóró hepen be taaróló waalo ai ape,” yalepó.

Judas betale sirimó Mati-asi sóró beterale fo

12 Ai fo yóló kílípaae, kale wh̄irape atima *Olip* du sorokó mole tiki taaróló Jerusalem bepaee fesaayóló felepó. *Olip* du sorokó mole tikiró doasi be hulua Jerusalem betamota saletó mei, kapala asiri fua wua dere tiki kaaepó.

13 Atéró fóló, atima betere siki be kepaee holalepó. Ai be kemó Pita, Jon, Jems, Andru, Filip, Tomas, Batolomiu, Matyu, Alpias naalema Jems, k̄alo k̄aloí wh̄i Saimon, Jems naalema Judas atima atéró beterepó.

14 Atimatamo Yesuné ama mo nomarapekélé, ama hama Mariakélé, mepaae sorapekélé, touyóló Kótópaae moma dere ala yó tarepó.

15-16 Atéyale sukamó, 120 Talepaae kisipa tiki tiró betere so wh̄i touró betere tuamó, Pita turukó horóló daalu i fo yalepó. “Yalo norape-ó, mo take D̄ei kepe Wisiné Depit-paae yó matepa ama ere fota, Yesu daai dere wh̄irapepaae eleké deyaaire wh̄i Judas-mó erapó. Atéró asemó ere fo mió mo ai dokonale ape.

17 Judas-ta, da 12 wh̄irapekó d̄atamo kutó diyópóló, sóró beterale wh̄ipó.

18 Judas-né dowi ala yóló sale *moniné* a sinaaire hae dupuralepó. Atéró amatei yale alamó a képi w̄ei naale tikimó tukó furaalu, haepaae topo fesaayóló doropóló depe

fulukó felepó. Até yale hae tiki mepaae wh̄irapené a douraaairaaalu, ama dowi ala yóló sale *moniné* dupuralepó.

19 Jerusalem so wh̄iné Judas atéró sukalepó dere fo wosóló, atimané be foné ai hae tiki doi Akeldama mulalepó. Ai fo feteyóló samea sókó fele hae tikipó.

20 Atépa Pitané duraalu, “Ai ala yaalopóló take Sam *buk-mó* aseýóló muló betere fo i ape.

‘Ātei mo ti aluyóló ama bekélé wópu mulópóló yae.’ erapó.

Me fokélé i ape.

‘Ama diyale kutó wh̄iné diyópóló, wh̄i kae sóró beterae,’ erapó.

21 Ti fo ereteiné ai seké betale sirimó, wh̄i mekó sóró beteraalopa siépe.

22 Take Jon-né w̄ei tópurale alimó kaae sóró wóló, Tale Yesutamo d̄a fea betamó kutu beteró, a hepen-paae dapesó fele be d̄emó sókó wale wh̄ikó sóró beteranérápó. Atétepa, ti ai seké d̄atamo touyóló Yesu kepaayóló fele fo wisi yó maté kw̄eyaalopó,” yalepó.

23 Téró atimané tale yaairaaalu, wh̄i tamo Josep ama me doi Barsabas me doi Jastus-ró Matias-tamo doi mulalepó.

24 Atéró beteró bitu, atima feané Kótópaae moma yóló duraalu, “Tale-ó, d̄a feané mole kisipa tiki naao mo kelerapa, i wh̄i tamokó mé wh̄iné naao kutó dirópóló depa, ti naao d̄apaae sóró ālae.

25 Judas a ama yale alamó dupu saaire tikipaae felepó. Téturaalu ama taaróló fele kutó mé *apose*l whinė diranépa, ti a betale sirimó bitu dirópóló naao dāpaae yó ālae,” yalepó.

26 Atéro moma yale kīlipaae, atimaamoné doi muló betere kapo fake wutimó deróló kelé keléróló tukiyalemó, Matias-né doi moletei sókó dorowalepó. Atétepa, a 11 *apose*l whīrapetamo touróló sóró beteralepó.

2

Pentikos be demó Deī Kepe Wisi dotonale fo

1 Israel so whinė ąla deyóló nukua dere *Pentikos* be de wapa, atima fea betāpaae tourāle wóló betó molepó.

2 Atéro betó molemó, hapale tétitóró ó samó doasi besé tikiné hu kaae deté dorowóló atima betere tikimó huyóló supa feané wosalepó.

3 Atéyale alanétei, so whī dokómó simi kaae dāleta yalepó.

4 Tétu, kale Deī Kepe Wisi atima tikipaae atéro biṭi wouraalu, sēratepa kae kae be fo yaairaaalu kaae salepó.

5 Atéyale sukamó, mepaae kae kae hae kwiamó betó mole Kótó kolóló witu betere Juda fake whīrape kapala asiri wóló Jerusalem be huluamó betó molepó.

6 Atéro atima besé tikiné hu kaae woseturaalu, so whī mo fea betāpaae

tourāle wóló betó mulu, noa ala dutérópóló sirayalepó. Ti noatepae, atimané wosalemó, kisipa tiki tiró betere fakerapené kae kae be fo atima dokó feané mo donotóró depa wosalepó.

7 Atéteremó doasi siratu duraalu, “I Kaleli whīrapetei, dāné be fo netéro tué yalerópó?

8 Atima dāné be fo mo donotóró dere-a, netéro derópó?

9 Dā Partia whīrapekélé, Media whīrapekélé, Elam whīrapekélé, Mesopotemia whīrapekélé, Judia whīrapekélé, Kapadosia whīrapekélé, Pontus whīrapekélé, Esia whīrapekélé, i betere ape.

10 Frisia-ró Pampilia whīrapetamokélé, Isip-ró Sairin be hulua felekemó tēne be Libia whīrapetamokélé, Rom bemó wale uké whīrapekélé, fea i wóló betó mole ape.

11 Ai wóló tourale so whī mepaae mo Juda fake yóo, mepaae kae faketei, Juda fakené dere ala sya fóo, dua dapó. Ai fake tamokélé, Krit whīrapekélé, Arabia whīrapekélé, dāné be foné atimapaee Kótóné kae kae hapólui alarape eralepóló yó mótu betepa, mió dāné i wosetere ape,” yalepó.

12 Atétere alamó, i dosāyale be hulua so whinė sira yóló atimasisi duraalu, “I ala yóló kīlipaae noa alakó sókó waai derópó,” du betalepó.

13 Até du betepatei, mepaae

wh̄irapené ai ala d̄o nalóló duraalu, “Aita *wain* w̄ei mo dekéro naletikimó topo doturaalu, ai dere ape,” yalepó.

Pitané so wh̄ipaae yale fo

14 Téró Pita ̄a mepaae 11 wh̄irapetamo so wh̄i betó mole kuamó turukó holóló fo fakeyóló duraalu, “Jerusalem be wh̄iró d̄a mepaae Juda wh̄irapetamó, i yale alarape bete dīapaae h̄akeróló yaai dapa, mo wisiyóló wosae.

15 Diaāo kisipané i wh̄irape atima *wain* w̄ei nale tikimó topo doturaalu dapóló de? Diaāotamo atei kisipa mutepa, ti mió *wain* w̄ei nokole suka kele mei, ita h̄ika 9 kilok i ape.

16 I wh̄irapeta, *wain* w̄ei nóló dumi, atima ai du betere ala take Kótóné ama k̄oló wh̄i Joel-né as̄ere fo dokonatapó.

17 Kótóné duraalu, ‘Kemeyaai dere alimó, ȳalo D̄ei Kepe Wisi so wh̄i fea tūapaae w̄ei kaae sunée deraalopó.

Téturaalu, diaāo naale senaalenékélé, Kótóné k̄oló so wh̄iné dere fo kaae yaalopó. Mepaae teó wh̄irapenékélé, nokené kilitu dere kaae yaalopó.

Dīa mepaae otere serenékélé, noke yaalo ai ape.

18 Até dere sukamó, D̄ei Kepe Wisi ȳalo kutó diratere so wh̄i fea tūapaae w̄ei kaae sunée deratepa atimanékélé, ȳalo take eraai dere alaró mió dere alatamo

h̄akearóló yó melaalo ai ape.

19 Atétepa, ó samó so wh̄iné kolóló sira yaaitere alarape ȳalo eraalopó. Atéturaalu i haemókélé me ala yaairemó er- atere ala eróo, i hae samea sókó faróló, siró sukulitamokélé anóo, yaalopó.

20 Ai ala dereteita, Tal- ené ama mo kae ere d̄e doasi tukóló muló betere be d̄e waai teópa, suka bete feteyóló dilikiróo, wéliékélé feteyóló samea alée falóo yaalopó.

21 So wh̄i dené Talené doi yóló ̄e tao sae depa, atétere so wh̄i aluyaqsóro mo tao saalopó, erapó.

22 Israel wh̄irape-ó, i dere fo wosae. Nasaret be wh̄ikó Yesuta, mo h̄ale wh̄i nisiyaqsóro, so wh̄i feané kolóló sira yaaire alaró kelemei alatamokélé, me ala yaairemó eratere alakélé, fea erópóló, Kótóné ̄a sóro beteró beterapó. Ai alarape feata, ama eratepa diaāo kolóló, ai kisipare ape.

23 Bet̄a wh̄iné Yesu eleké deyóló dīané naase tūamó mulalepó. Atétepa mepaae Talené fo woseni, dowi ala dere wh̄irapené dīa tao sóro ̄a filipaare ni tómó sinópóló oleralepó. Atéyale alata, Kótóné ama yaai kisipa mole ala dokonóturaalu erapó.

24 Téyalet̄ei, ama tiki dou dolomó k̄elaa yaqsóro

sukutere alané fotokọ Kótónétei aluróo, ą mo ti sukąletei Kótóné momó kepaaróo, yalepó. Ti noatepae, sukutere alané ą sįyóló tawaaire mo sųnipó.

²⁵ Mo take ai sekémó kisipa mutu, Depit-né i fo asęrapó.

'Betere dokọ fea Tale ęąo kelepaamó daapa kilitua dapó.

Ą ęąo turu naase eró betere tikimó betereiteiné ę me whinė woreróló só deranénipó.

²⁶ Téreteiné ęąo hosaa betemó hękesené sukuturaalu, ęąo kọlónékélé, wole fo yóló ama doi sóró horatapó.

Yąo tikikélé, take me ala ini, mo wisiyóló betaalopóló kisipa mutu, haįtamo kaae tawóló i betere ape.

²⁷ Ti noatepae, take waaire alimó ęąo tiki dou dolomó mupa kęlaa yópóló naao taaraalo meipó.

Téturaalu, naao mo kae beteró betere whi wisinaalené tiki kęlaa yópóló taaraalo meipó.

²⁸ Ę wisiyóló betaaire tikipaae fópóló, naao tų wisi alerapó. Ę ęątamo betąmó betepa, naao haį dere ala mo fąanótu beteraapó,' erapó.

²⁹ Norape-ó, ęąo diąpaae mo i dere ape. Dąné ayarape deté wale whi Depit sukutepa

dourale douta, mió i be demókélé haęe epa kilitu beteraapó.

³⁰ Téretei Depit ąta, Kótóné kọló whi betepa ąpaae dirii fo yóló duraalu, 'Naao deté faaire naalené detere naalekó betą ęą betale sirimó tęteróló kaae tanópóló ęąo sóró beteraalopó,' erapó.

³¹ Take waaire alimó yaaire ala Depit-né ama kolóló i fo asęrapó. 'Kótóné so whi fea tęteróló kaae tanópóló sóró beteraaire whi Keriso doumó kęlaa yópóló taaréni, kepaaró beteraapó,' erapó.

³² Yesu ą mo ti sukąletei, Kótóné momó kepaaró beteraapó. Atépa dąta, ai alarape mo depa dąné kelené kelalepóló haęeamó yó maté kotere whįrape i ape.

³³ Yesuné ọla ọla fea ama tęteróló kaae tanópóló ą Alima Kótóné turu naase demó beteralepó. Alimané yóló mulale ọla Dęi Kepe Wisi ama naase tuąmó mulalepó. Até depa, amamo dąpaae erale ala mió diąné kolóo, wosókélé yóo, yalepó.

³⁴ Depit ąta hepen-paae fenitei, take waaire alimó yaaire alamó kisipa mutu i fo yalepó.

'Talené ęąo Talepaae duraalu, "Yą ęąo turu naase demó betae.

³⁵ Naao bóe whįrape ęą aomó bitu, atima belei aęraaire ala ęąlotei eraalopa, haęe kaae tawóló betae,"' yalepó.

³⁶ Térapa, Israel fake so whi-
ó, diã i dere fo mo wosae.
Diãné ai filipaa ni tómó
oleróló dale whi Yesutoró
Kótóné ą kepaaróló da fea
tęteróló kaae tanópóló topo
whikélé, Talekélé, ai sóró
beterale ape,” yalepó.

*Mo dekéro so whi kisipa
feteyóló węi tóuale fo*

³⁷ Pitané atéro dere
foné ai wóló touró betere
so whiné hosaamó mo
sepake kaaené tikalepó.
Téturaalu, Pitaró mepaae
apospel whirapetamopaae
woseturaalu, “Norape-ó, mió
dané noa alakó yaaloé?”
yalepó.

³⁸ Ti fo depa, Pitané
atimapaae duraalu, “Diã
dokę feané dowi ala taaróló,
tuę tiki feteyóló betepa,
Yesu Kerisoné doimó węi
tópurópóló yae. Atétepata, ti
Tale Kótóné naao yale dowi
kwia kemeróló, ama Dęi Kepe
Wisi diã haę melaalo ai ape.

³⁹ Kótóné ama eraalopóló
ere fo mo dokonóturaalu,
‘Diãkélé, diãné naaler-
apekélé, be saletómó wale
so whikélé, mepaae Kótóné
ą beterepaae apé dere fo
wosóló wale so whikélé, fea
ai ęla mo saalopó,’ erapó.

⁴⁰ Pitané ai fotamo mepaae
forape olekeyóló fotokęiné
duraalu, “Mió i alimó betere
so whiné du betere dowi
alané diã felekemó, ai dorat-
apa mo wisiyóló kaae tawae,”
yalepó.

⁴¹ Atéyale sukamó Pitané
yó matere fo wosóló 3000

so whi dowi ala taaróló
kisipa feteyóló wapa węi
tópuralepó. Atima atéro wóló
take betere Keriso faketa-
mo toune walepó.

*So whi mo betę kisipa
muóló betale fo*

⁴² Téro, ai so whi atima
apospel whirapené yó matere
fo mo wisiyóló wosóo, atima
hamomatamo mo betę tuę
muóló u tao su i tao su dere
ala yóo, ęlakélé betamó nóo,
Kótópaae moma dere alakélé
betamó yóo, du betalepó.

⁴³ Kale *apospel* whirapené
so whiné kolóló sira yópóló
eraterere alarapekélé, kelemei
alarapekélé, me ala yairemó
eraterere alarapekélé depa, so
whiné kolóló duraalu, Ita,
Kótónétei eratapóló, winé
sukutu betalepó.

⁴⁴ Talepaae tuę tiki tiró
betere so whirape fea touróló
betę kisipa mutu, atimané
ęla ęla mepaae yaęare so whi
tao saalopóló fo dokalepó.

⁴⁵ Atéro, atimané mepaae
ęla ęlaró haetamo dotonóló
moni sóró mepaae yaęare so
whi malepó.

⁴⁶ Tétu, be dętere dokę
atima mo fea momatere
be belamó touręletatóro yó
tarepó. Atima hosaa tuamó
hajiné sukutere ala mulu,
hękesetamo atima fea me féli
mené bemó ęla nuku, me féli
mené bemó ęla nuku dua
yalepó.

⁴⁷ Até duraalu, Talené doi
sóró horaté fu betepa, mo
so whiné kolóló, aita mo
donoi ala dapóló dukirótu
beterepó. Ai ala du betepa,

so whi aluyaqsóro Talené tao sóro Keriso so whitamó Kótónétei betere dokq touróló sóro beteraté fu betalepó.

3

Hqleke dore whi wisirale fo

¹ Beta sukamó, Pitaró Jon-tamo Talepaae moma yaairaalu tukóló muló betere sukakelemó, kuluka 3 kilok moma dere bepaae fu betalepó.

² Atéroró felemó, take hamané depemótei hó naase dowi whi ai be bopéroró betere tipi tų sókó walemó beteraai beleyóló fu betalepó. Ai sekéta, momatere bepaae fua wua dere so whipaae monikó kema yópóló, suka fea whirapené beleyóló mulaleta du betalepó. Ai whi beteraleta du betale tikita, mo kelaalo Kokqi tipi tųpóló doi mulapó.

³ Kale whi atéroró sóroró fóló betéroró betéremó, Pitaró Jon-tamo moma ene faai fupa, atimaamopaae moni kema yalepó.

⁴ Atétepa, kale whi tamóné ą kelené kikéroró kaae taru Pitáné ąpaae duraalu, “Naao dąmo kelae,” yalepó.

⁵ Ti fo depa, kale whiné ąmó me ąlakó melaaitere nisiyóló kelené atimaamo kaae tarepó.

⁶ Atépa, Pitáné duraalu, “Naao ai kematere ąla *silpa moni ó kold moni* ę tanitei, ąło tare ąla beta ą i matere ape. Nasaret whikó Yesu

Kerisoné doimó i dapa, ą turukó holóló kwęyaé,” yalepó.

⁷ Ai fo yóló, Pitáné kale whiné turu naasemó taosóroró turukó horóló daaralepó. Até deretamotóroró ama dore hóró hó kelepetamo fotokq buóló wisiyalepó.

⁸ Atéroró, ai seké ą tųó horóló kwęyaai kaae sóroró, Pitaró Jon-tamo atima fea moma dere be belamó kutu betalepó. Atéroró aimó ą tųó holóló taaeta deté kuturaalu, Talené doi hale sóroró horaté kwęyalepó.

⁹ Aimó touró betere so whi feané kale whiné Kótóné doi sóroró horaté kotere ala ke-lalepó.

¹⁰ Atétepa, i whita momatere be bopére tipi kelaalo kokqre tų sókó walemó bitu moni kema dua yaletéi, netéroró wisiyalerópóló siratu betalepó.

Moma dere bemó Pitáné Talené fo yó maletéi

¹¹ Téró, kale whiné Pitaró Jon-tamo apuó tapa kelaai so whi mo fea, Solomon-né doi mole be belapaae tourąle wóló daae muluraalu, siratu betalepó.

¹² Pitáné ai ala kolóló, atimapaee duraalu, “Ti Israel so whi-ó, noatepa dią i ere alamó siratu bitute? Diaaq tuéné ita, dąmoné fotokqoné ó Kótóné ala dąmoné eró tareteiné wisiralepóló de?”

¹³ Abraham, Aisak, Jekop atimané Kótóta me kae meí, dąné ayarapené Kótókélé mo betątórótípó. Ai Kótóné

ama kutó diratere whi Yesu tao sóró doi mo doasi mulalepó. Ai ala ere whitei, diané a mo ti dóló sukunaaire whirapené naasepaae mulópóló Pailat-paae melale felepó. Tétepa, Pailat-né ai whi me dowi ala munipó depatei diaaḡ aḡpaae duraalu, fópóló dotēyaḡse yalepó.

¹⁴ Mo kae betero betere donoí ala dere whi wisinaaletei diaaḡ hóróo, whi dupa *dipula* betero betere whi diāpaae dotonae yóo, yalepó.

¹⁵ Ata, mo ti betere bete kaarale whitei, diané dóló sukunalepó. Téyaaletei, Kótóné momó kepaaró beteraḡpó. Ai alarape feata, dané keletómó mo yalepó.

¹⁶ Hó naase dopa diā feané kilitu betere whita, ḡamo Yesupaae tué tiki tiró betere alané a wisiralepó. Ai tué tiki tiratere alata, Yesuné ḡamopaae matepa, ama doiné i whi mo ti wisiró betereitei mió diaaḡ ai kelere ape.

¹⁷ Norape-ó, yaḡo mo i dere ape. Diānekélé, diaaḡ topo whirapené yale kaae, Yesu Tale Kótóné sóró betero betere whipóló tué muni yale ala dané tuērapó.

¹⁸ Tépatēi ai yale alata, mo take Kótóné ama kóló whirape feané ama sóró betero betere whi Keriso doasi dele saalopó ere fo Kótóné mo ai dokonó betere ape.

¹⁹ Térapa, du betere dowi ala taaróló, kisipa feteyóló

Kótópaae ape. Atetēpa, ti Kótóné ama feléyóló betere ala wisi diā tuāpaae eraalo.

²⁰ Kótóné ama so whi fea tēteróló kaae tanópóló sóró betero betere whi diā beterepaae dotonaalopa, kaae tawae. Ti ai whita, mo taketitei diā tao sópóló sóró betero betere whi Yesu ai ape.

²¹ Ai sekēta, Kótóné kae betero betere kóló whirapepaae ere fo dokonóturaalu, Talené i haemó ere alarape momó wisiróló kisi aleraaire be ḡe sókó wópóló kaae tarapó. Ai be ḡe teópa, ti a hepen-mó ḡale kaae tawóló beteraḡpó.

²² Moses-nékélé, i fo asērapó.

'Tale Kótóné diāmó kisipa mutu, diākóteí ama fo eratere kóló whi sóró beteraalo ai ape. Téyaalopa, ai sekēné ama dere fo fea wosóló sya fae.

²³ Kótóné sóró beteraaire ama kóló whiné dere fo diā mēpaae whiné wosóló sya fenitepa, ti atētere whi Talené ama so whitamó touyóló betaḡsóró sókó sóró kae beteraalopó, erapó.

²⁴ Samuel betale alimó kaae sóró bitiré wale kóló whirapené deté wale fota, mió i alimó du betere alarapemó kisipa mutu erapó.

²⁵ Kótóné ama kóló whirapené ere foró Talené ama i ala eraalopóló ere dirii fotamo dokonóturaalu,

diãpaaetóro mo eraalopó. Mo take Kótóné Abraham-paae i fo yalepó.

'Naao deté faaire naaler-apekó betã whĩpaae yãlo eratere wisi alané i haemó betó mole so whĩ mo fea wisiraalopó,' erapó.

²⁶ Ai ere fo mo dokonóturaalu, Kótóné ama kutó diratere whĩ Yesu Keriso sóro beteralepó. Atéroró, a diã Israel fake so whĩpi tao sóro wisiraai kisipa mutu, diã beterepaae dotonalepó. Diã dokõ feané du betere dowi ala taarólo tũ wisipaae fópóló, ai sekéné amatei diaaõ kisipa tiki feteraalopó," yalepó.

4

Jon-ró Pitamo dipula beterale fo

¹ Téró, Pitaró Jon-tamo kale fo wisi so whĩpaae yó mótu betepa, mepaae momatere be kaae tare diki tare whĩrapené topo whĩkélé, Sadyusi whĩrapekélé, so whĩmó Talepaae momaratere whĩrapekélé, fea atimaamo beterepaae walepó.

² Atima atéroró betó mupa, Pitaró Jon-tamoné fo yó mótu duraalu, Yesu mo ti sukãletei momó kepaayólo beteraépó. Térapa, Yesupaae tué tiki tiratere so whĩkélé kepaayólo betaalopólo yó mótu beterepó. Atéroró yó mótu betepa, kale whĩrape atima dei tué muólo fopaae bualepó.

³ Atéturaalu, ai kale whĩrapené atimaamo tawólo fo tokólo só deraai yaleteti be diki depa, hĩka yaairaalu dilikitamo atimaamo *dipula* sóro beteralepó.

⁴ Téyaleteti, atimaamoné yó male fo wosólo so whĩ fea Talepaae kisipa tiki tiralepó. Atéyale whĩrape maaté dosaayólo touróturaalu, 5000-rópó.

⁵ Téró hĩka be detepa, topo whĩraperó Moses-né asere fo yó matere whĩrapetamokélé, Juda whĩ disirapekélé, fea Jerusalem bepaae tourãle walepó.

⁶ Atétepa, atimatamo so whĩmó momaratere whĩrapené topo whĩ Anas-kélé, Kaiapas-kélé, Jon-kélé, Aleksandakélé, so whĩmó momaratere mepaae whĩrapekélé fea wólo touró beterepó.

⁷ Atéroró, Pitaró Jon-tamo dape sóro ai whĩrapené atimaamopaae woseturaalu. "Ai ala yópóló diaamo né sóro beteraleé? ó né doimó diaamoné ai ala du bitute?" yalepó.

⁸⁻⁹ Tétepa, Deĩ Kepe Pita tuãmó faayólo serepapa atimapaae tokó mótu duraalu, "Diã so whĩ teterólo kaae tare whĩraperó whĩ disirapetamo-ó, diãné ðamopaae ai wosetere fota, kale hó dore whĩ kolené sukuturaalu wisirale alamó de?"

¹⁰ Tétamo depa, ti diãnekélé, Israel so whĩ feanékélé, wosaasepólo hãkearólo i

dere ape. Diñé Nasaret whikó Yesu Keriso filipaare ni tómó oleróló mo ti dóló sukunaletéi, Kótóné ą momó kepaaralépó. Atéyale sekéné doimó, ąamoné wisi erale hó dore whi i daale ape.

11 Yesuta, ašemó ere foné duraalu,

‘Dią be ąetere whirapené dopa taae falatere kapo faketei, be hulua eleké alée felepó,’ erapó.

12 Dą aluyaąsóró tao saaire whi me kae mo bitinipó. Yesuné doimó betą dą so whi fea mo wisiyóló betenérápó,” yalepó.

13 Atéró, kale whirapené kelalemó, Pitaró Jon-tamo wikélé ini fo mo halaainé du beterepó. Atéró dere fo woseturaalu, i whi tamota me *skul*-kélé iniretei, dere fo mo fosó fosó dapóló siratu betalepó. Tétu atimaamo Yesutamó kweyale whi tamopóló kiswa yalepó.

14 Téyaletei, Pitaró Jon-tamoné hó dopa wisirale whikélé atima touró betere tikimó daaleteiné u kale whirape atimané me fo yaaire tu mei depa taaralépó.

15 Atétepa, Pitaró Jon-tamo kapala asiri belapaae hókó deróló, ai whirape atima fo ąelaaralépó.

16 Atéró, ąelaaróló duraalu, “Atimaamopaae ąané noa alakó eraalóé? Jerusalem bemó betó mole so whi feané atimaamoné kelemei ala eraletei, kolóló mo tuęrapó. Téreteiné ąané ai ala hiróló

kapala fo enénipó.

17 Tépatei, i fo so whipaae deté fóló fakeraąsóró atimaamopaae dirii fo yóló mulaalópó. Ai Yesuné doimó so whipaae fo yó melaąse yaalopa, siépe,” yalepó.

18 Atimapi atéró fo dokoló, kale whi tamo momó bepaae ape yóló duraalu, Yesuné doimó mepaae dere alaraperó ama fo yó maté kotere alatamo momó kae yaąse yóló fo mulalépó.

19 Ti fo depa, Pitaró Jon-tamoné duraalu, “Diñé kiswa ąamo diaą dere fo wosóló sya furaalu, Kótóné fo sya foletéi taalatepa, Kótóné keletómó wisiréró diñétei tale yae.

20 Ti ąané kelené kelale alaró wosale fotamo yó materetei, mo taaranénipó,” yalepó.

21 Tétepa, kale whirapené Pitaró Jon-tamopaae mepaae wiratere fo take yale tómó beleróló yóló, atimaamo fópóló dotęyalepó. Atimaamopaae mepaae seķei ala eraai yaletei, bete atima ąóló ąóló depa taaralépó. Ti noa betené mei, so whi feané atimaamoné erale alamó Talené doi sóró horatere kilituraalu, atima wi depa fópóló dotęyalepó.

22 Ti noatepae, i kelemei ala eróló wisirale whita, hó doyóló betepa ba fo whi siki tamokélé bosenée falapó.

Talepaae kiswa tiró betere whiné moma dere fo

23 Atéro Pitaró Jon-tamo fópóló sókó daalatepa, atimaamo mepaae Keriso so whi betere tikipaae felepó. Atéro fóló bitu, so whimó momatere topo whiraperó whi disirapetamoné atimaamopaae yale forape fea atimapaae du betalepó.

24 Atétepa, Keriso so whine ai fo woseturaalu, atima fea touyóló fo fake yóló Kótópaae doa kée yóló moma yalepó. Atéro duraalu, “Kótó-ó, yaṭa doasi Tale bitu, ɔla ɔla fea naaotóro kaaróló teteróló kaae tarapó. Tale-ó, i haekélé, ó sákélé, weṭi kelakélé, ai sore ɔla tuamó betere ɔlaró ere ɔlatamokélé fea naaotóro alerapó.

25 Naao Deṭi Kepe Wisiné naao kutó diratere whi dané aya Depit tuapaae suratepa, ama kólómó ere fo i ape.

‘Hae kwia dokómó betó mole so whi noatepa fopaae buóló dei kisipa mutu betere?

Juda fake so whikélé me bete munipatei noatepa atima kikití fo dokotu betéré?

26 I hae kwia teteróló kaae tare topo whirape atima bóe daai siki siki yóo, mepaae Juda fake teteróló kaae tare topo whirapekélé fea betapaae tourale wóló, Taletamo bóe dóo, so whi teteróló kaae tanópóló, Talené sóro betéro betere whitamokélé bóe daai donoróo, erapó,

yalepó.

27 Ti ai ere fo mo dokonalepó. Kale Herot-ró Pontias Pailat-tamonékélé, Juda meire fake so whinekélé, Israel so whinekélé, naao kutó dirópóló sóro betéro betere whi wisinaale Yesutamo bóe dóló só deraai, doasi Jerusalem bepaee tourale walepó.

28 Atéyaleteita, atima tuéné kaayóló dere nisiyalemó, ai yale alarape fea Tale naao fotokné eraalopóló, take ere fo mo dokonóló ai yale ape.

29 Térapa Tale-ó, mió atimané naao kutó diratere whirape susupui ala eraairaalu wiréli fo du beterapa, naao tué muae. Atétu betere tuamó da wikélé ini, mo halaainé daalu, naao fo beta yó mótu beteropóló halaai ala dapaae erae.

30 Naao mo kae betéro betere kutó diratere whi Yesuné doimó kisi daae mole so whi wisiróturaalu, kelemei alaraperó doasi sira yaaire alatamo eraaire fotokó naao dapaae erae,” yalepó.

31 Atima ai moma yóló kemerateretamo, atima betó mole be tao sóro woreralepó. Atéturaalu, Deṭi Kepe Wisiné atima mo suratepa, so whipaae Kótóné fo mo halaainé diriyóló yó mótu betalepó.

Keriso so whi u taosu i taosu yale fo

32 Kale Keriso so whi atima fea ne no aoyóló bitu, mo wisi kisipa betatóro muóló beterepó. Atéru, atimané

mole ɔla ɔla fea ekeleyóló sini, yaɣare so whikélé tao sua yalepó.

³³ Kale *apospel* whirapené Tale Yesu mo ti sukáletei, momó kepaayóló beteraóló yó matere fota, Kótóné ama fotokotamo yó melaté kutu betalepó. Atima atétu betepa, Kótóné kolené sukuturaalu, hãle tao sere ala atima feapaae eraleteiné mo hãtamo dua beterepó.

³⁴⁻³⁵ Ai ala iru, atima tuamó me so ó whikó ɔla ɔla yaɣa dere ala mo inipó. Atima tuamóte, hae tiki tare whiné ama hae dotonóló *moni* sóo, be tene whiné ama be dotonóló *moni* sóo, yóló ai *moni* kale *apospel* whirapené naase tuamó mulótua yalepó. Ai *monita*, mepaae ɔla ɔla yaɣare so whimó terekeyóló aliróló mótua yalepó.

³⁶ Lipai fake whikó Saiprus be whi ama doi Josep beterepó. Ai sekéta, *apospel* whirapené Banabas doi mulalepó. Ai doiné beteta, so whiné hosaa dirirótu keteké bulóló fotokoraterere whipó doi mulalepó.

³⁷ Ai whi Banabas-nékélé, ama hae kwia dotonóló *moni* sóró, ai *moni* ti *apospel* whirapené naase tuamó mulalepó.

5

Ananias-ró Sapairata-mopaae erale ala

¹ Téró me etéyalepó. Whi betané ama doi Ananias beterepó. Ai sekéro soma Sapairatamo atimaamoné

hae kwia dotonóló *moni* salepó.

² Atéro sale *moni* mepaae soma atimaamo saairaalu fo deyóló, bukó mulóló, mepaae ti kale *apospel* whirapepaae male felepó.

³ Atétepa, Pitané apaae duraalu, “Ananias-ó, Satan ya tuamó bitu, Deĩ Kepe Wisipaae kapala fo noatepa yaleé? Nao hae dupu yale *moni* mepaae ya saairaalu bukó mulóló, i sóró waletei hitipó deretei, kapala fo ai dere ape.

⁴ Hae kwia dotonaai hãle mupa, ti nao haetóro molepó. Dotonóló sale *moni-kélé*, ti nao *monitórótípó*. Tétu, *moni* mepaae diaamo saairaalu, dekée sóró mepaae maaté Talepaae male waleteikélé wisirapó. Tépateti, nao dowi kisipa sóró yale kapala fota, mo whipaae ini, Kótópaatei ai ere ape,” yalepó.

⁵ Atéro dere fo kale whi Ananias-né woseturaalu, Pita daalemó haepaae muni doropóló, mo ti sukálepó. Mepaae so whiné até yalepó dere fo woseturaalu, atima wió du betalepó.

⁶ Tétepa, mepaae kokopei whirape wóló kale whiné tiki kutiné bopéyóló dourale felepó.

⁷ Atéro, sore sukakele kemeyóló ai kilipaae soma Sapaira ama whipaae erale ala tuéni, mokóleyaa yóló Pita beterepó sókó walepó.

⁸ Atéro daapa, Pitané kale sopaae woseturaalu, “Nao

whi diaamoné hae dupu yale *moni* i h̄itié?" yalepó. Tétepa, kale soné duraalu, "Ēpó. Saletei, aitoróti h̄itipó," yalepó.

⁹ Ai fo depa, Pitané apaae duraalu, "Noatepa naao whi diaamo fo dokóló, Talené D̄ei Kepe Wisipaae kapala fo yóló, k̄aae kelaai dilik̄alé? Atei ala yalemó, naao whi dour̄ale fele whirape wóló t̄u sókó walemó ai daae mole ape. Atimané yak̄élé, atéró sóró fóló dour̄ale faalopó," yalepó.

¹⁰ Téyalemó, mo ai fapotoró kale so Pita daale tikimó haepaae muni doropóló suk̄alépó. Atétepa, kale whirapené kelalemó mo ti sukupa sóró fóló, ama oma dourale tikimó ak̄élé titiróló bulalépó.

¹¹ Até yalepó dere fo, Keriso so whiró ai fo wosale so whitamó doasi winé sukutu betalépó.

Aposel whirapené kelemei alarape erale fo

¹² Téró kale *aposel* whirapené kae kae kelemei alaró so whiné kolóló sira yaaire alatamo, so whi betó mole tuamó erótu betalépó. Talepaae tué tiró betere so whi Solomon-né aleyale be tokweimó touróló bitua yalepó.

¹³ Mepaae so whiné Keriso so whiné dere ala kolóló, atima dere ala mo kokorapó yóló dukirótu betaleteti, atima ai so whitamó touyóló be-taalo witu betalépó.

¹⁴ Tétepa, sokélé, whikélé, Talepaae tué tiki tiróló take betere Keriso faketamo tour̄leta yaletikimó Keriso so whi fakeraté felepó.

¹⁵ Atétere alamó, mepaae hepo daae mole so whirape sepelewa yóló wóló, Pita a fua wua dere tumó beseke tómó mulótua yalepó. Ti aita, Pita fua wua duraalu, ama suka asoné mepaae whi wisirópóló kisipa muturaalu, dua yalepó.

¹⁶ Jerusalem be bopéróló t̄e mole be huluarapemó betó mole so whi fea Jerusalem bepaae tour̄ale walepó. Atéró wouraalu, mepaae hepo daale so whikélé, dowi keperapené doasi susupu mótu betere so whikélé, mo fea beleyóló wapa wisirótua yalepó.

Aposel whirape susupuróló dipula betaleteti

¹⁷ So whimó momaratere topo whiró mepaae Sadyusi fakekó i sek̄éné ama fulumu whirapetamoné *aposel* whirapené dere alamó atimatamo dei fopaae bualepó.

¹⁸ Atéturaalu, kale *aposel* whirape *dipula* sóró betaalépó.

¹⁹ Téyalemó, dilikitamo Talené ama *ensel* wóló, ai *dipula* be t̄u tukiyóló kale *aposel* whirape belapaae dapesó derepelepó.

²⁰ Atéró duraalu, "Diā fóló momatere be belamó daalu, so whipaae mió wosetere kisi fo wisi etérópóló yó melaai fae," yalepó.

21 Téró h̄ika be d̄etepa, *en-sel*-né yale fo wosóló, momatere be belamó daalu, so wh̄ipaae Talené fo kaae sóró yó malepó.

Atéyale k̄ilipaae so wh̄imó momaratere topo wh̄iró, ama fulumu wh̄irapetamoné kale fo tokóló taletere wh̄irapepaae ape yó faralepó. Ai wh̄irapeta, Israel wh̄i disirape atimatórótipó. Ai fakerape fea wóló, mepaae diki tare wh̄irapepaae *dipula* bepaae fóló, kale *apospel* wh̄irape dape sene fae yóló dotonalepó.

22 Tétepa, fóló kelalemó, kale *apospel* wh̄irape *dipula* bemó bitinipa kelalepó. Atépa yaai dapóló atima momó fesaae walepó.

23 Atéró atimapaee duraalu, “*Dipula* be t̄uta, d̄ané kinale alatóro epa kelalepó. Téró, t̄u kaae tare diki tare wh̄irape atimakélé, kale tikimótóro daae molepó. Atépa, d̄a t̄u tuk̄iyóló kelalemó, atima bitinipó,” yalepó.

24 *Dipula* be kaae tare diki tare wh̄irapené topo wh̄iró so wh̄imó momaratere wh̄irapené topo wh̄itamóné ai dere fo woseturaalu, ai *apospel* wh̄irape-a, noa yalerópóló atima tué teketu betalepó.

25 Atétu beteremó, wh̄i bet̄a wóló duraalu, “Wosae, d̄ané *dipula* betemale wh̄irapeta, u momatere be belamó daalu, so wh̄ipaae fo yó mótu betere ape,” yalepó.

26 Ai fo depa, diki tare wh̄irapené topo wh̄iró ama diki tare wh̄irapetamo fóló, kale *apospel* wh̄irape tawóló sóró walepó. Atéró, dapesó wouraalu, h̄oko s̄iyóló só ani, naamei alané dapesó walepó. Ti noatepae, so wh̄iné kapo duné atima siriyóló daqsóro wi yalepó.

27 Atéró kale wh̄irape dapesó fóló, fo tokóló taletere wh̄irape betó mole tikimó daalalepó. Atéyaleteita, moma dere topo wh̄iné wosetere fo yóló taleyópóló yalepó.

28 Téró, kale so wh̄imó momaratere topo wh̄iné *apospel* wh̄irapepaae duraalu, “D̄ané dīapaae ai wh̄i Yesuné doimó momó kae yó melaose yóló fo mulalepó. Téyaletei, dīané yó mótu betale fo i Jerusalem be hulua so wh̄i mo feané wosalepó. Diaā ai dere alané Yesu sukópóló daleteimó, d̄apaae kwia tokó melópólópó yóló kisipa mutu du bitu de?” yalepó.

29 Ti fo depa, Pitaró mepaae *apospel* wh̄irapetamoné tokó melótu duraalu, “Mo wh̄iné fo sya furaalu, Kótóné fo yó matere ala taarénipó. Kótóné ama yae dere ala bet̄a mo eranérápó.

30 Diaā ni tó mó oleróló dale wh̄i Yesu dou dolomó mupa, d̄ané ayarapené Kótóné momó sóró ai kepaaró betere ape.

31 Tale Kótóné ̄a kepaaróló ama turu naase d̄emó doasi Topo wh̄i beteróo,

da aluyaqsóro tao saaire whikélé sóro beteróo, erapó. Ti aita noa ala yópóló ini, Israel so whi dowi ala taaróló tué tiki feteyóló wópóló erapó. Ai ala depa, ti dané yale dowi alamó saaire kwia Kótóné tokóló alu eranérapó.

³² Ai yale alarape fea dané kelené kolóló mepaae so whipaae yó melótu beterapó. Ti atétere kaae Deji Kepe Wisinékélé, dané dere fo kwia tao sóro erótu beterapó. Mepaae so whi Kótóné fo wosóló aqmó sukóló betepa, atétere so whipaae ama Deji Kepe Wisi take meló beterapó,” yalepó.

³³ Kale fo tokóló taletere whirapené i dere fo woseturaalu, atima mo doakale fopaae buóló kale *apospel* whirape mo ti daai kisipa mualepó.

³⁴ Até du betepatei, ai tuamó Farisi whikó betá ama doi Kamaliel beterepó. Ai seké ata, Moses-né asere fo diriyóló tuéru yó matepa, so whi feané ama dere fo mo wisiyóló wosetua dapó. A atére alamó ama doi doasi mulapó. Ai whi kale fo taleraterere whirape betó mole kuamó turukó holóló duraalu, “Ai whirape belapaae kapala asiri doropópóló yae,” yalepó.

³⁵ Atéro, kale whirapepaae duraalu, “Israel fake whirape-ó, diané ai whirapepaae eraai kisipa mutu betere ala hapale kilitaróló ini, tuépi tekeyae.

³⁶ Ti noa betené dumitei, i

ere alamó da wisiyóló kisipa saalopó. Take bitiré wale alimó, whi betá Teudas-né duraalu, eta hale whi meipó. Teteróló kaae tanópóló sóro daaló betere whipó depa, mepaae 400 whirape atamo toune walepó. Téyaletei, bóe dale sukamó atimané ateri dupa, ama bóe belerale fele whirape dapo dapo yalepó. Téturaalu, ama yaai kisipa muale ala alu yalepó.

³⁷ Atéyale kilipaae *Gavman* whirapené so whi doi siré kweyale sukamó Kaleli whikó Judas-né i ala yalepó. Mepaae whirape hosaa diriróló hajraté kweyóló duraalu, ‘Da *Gavman*-tamo bóe dele faalopó. Atéro atima dóló torokó faróló, atima betale sirimó dané teteróló kaae tawaalopó,’ yalepó. Téyaletei, *Gavman* whiné kale seké ateri delemó, atima whirape botokó dapo dapo yalepó.

³⁸ Atérapa, mió i du betere alamókélé yalo kisipa mole fo betá diapaae i dapa, wosae. I whirapepaae me ala eréni, hale fópóló doteyae. Atimané take nalopaae yaai dere alamó kisipa mutu, mió ai du betere alatamo mo whiné kisipa mole ala yaai depa, ti doyóló haepaae derepaalopó.

³⁹ Téní, i dere alatamo Tale Kótó tuamó kaayóló wapa, ti diaaq atima dere ala sesé enénipó. Ai alatamo depa, ti Kótótamotei bóe du beterapóló dianétei kaae kolóló kisipa yaalopó,” yalepó.

⁴⁰ Kale sekéné dere fo

mepaae wh̄rapené wosóló, téyaalopóló kisipa mualepó. Atima ai fo yóló k̄lipaae kale *apospel* wh̄rape momó bepaae holae yóló, halika tikiné fokosoi ala yalepó. Atétu beteró, atimapaee fo mulóló duraalu, “Yesuné doimó diané fo momó kae yó melaq̄se,” yóló f̄póló dotonalepó.

⁴¹ Téró, kale *apospel* wh̄rape atima ai wh̄rape betere tiki taaróló felepó. Atéró atimasisi duraalu, “Yesuné doimó d̄ halika tikiné fokosó sóró susupu eratere alakélé, hale seratere alakélé, erópóló Kótóné amatei, d̄ dos̄aae sóró beteralepó. Ama ai ala eró betereitea, sekei alarape d̄ané mo sumó belenépa erapóló,” atima h̄kesené sukuté felepó.

⁴² Atéró, atima betere dok̄ momatere be belamókélé, be dok̄ dok̄kélé, Yesu Keriso ̄ etei kaae wh̄póló so wh̄paae h̄keamó kale fo wisi h̄le yó maté fu betalepó.

6

W̄ikeró wh̄rape sóró beterale fo

¹ Atéyale sukamó, Talepaae tué tiratere wh̄rape mo dekéro faketé felepó. Até duraalu, aimó betó mole Krik fo bole Juda wh̄rapené Hibru fo bole Juda wh̄rapepaae ̄la taleturaalu, wisiyóló ̄li dumipóló alale su betalepó. Atéró duraalu, dī Hibru fo bole wulia sorapemó betere dok̄ fea nokole ̄la sumó ̄liróló móturaalu, d̄ Krik be

fo bole wulia sorapemó meni dere-a, noatapa de yalepó.

² Atétepa, kale 12 *apospel* wh̄rapené mepaae Keriso so wh̄rape feapaae tour̄le ape yóló touró betepa duraalu, “Nokole ̄la tale yóló ̄liratere kutó diaai, Kótóné fo yó matere ala sisópaae erateretei wisinipó.

³ Térapa, norape-ó, dī tuamó betó mole wh̄rapekó fopeyóló, D̄ei Kepe Wisi f̄aanu fosó fosói kisipa mole w̄ikeró wh̄rapekó sóró beterae. Atétepata, ti ai kutó atimané t̄teróló kaae tawópóló atimané naase tuamó mulaalopó.

⁴ Atéróló d̄ané diyaaire kutóta, ti so wh̄i tao suraalu moma dere ala yóo, Tale Kótóné fo yó melatere ala yóo, yaalo ai ape,” yalepó.

⁵ Atéró ai wh̄rapené dere fo so wh̄i feané wosóló mo wisirapóló kisipa mualepó. Atéró so wh̄i feané fopeyóló, Stipen sóró beteralepó. Ai sek̄eta, D̄ei Kepe Wisi f̄aanu tué tiki tiró betere wh̄ipó. Atéró sóró beterale wh̄rape ti etérópó. Filip, Prokorus, Nikanor, Timon, Parmenas, Antiok be wh̄ikó Nikolas atima atéró sóró beteralepó. Nikolas ̄ta Juda wh̄i meitei, Juda wh̄rapené dere ala sya fu betere wh̄ipó.

⁶ Téró, kale so wh̄iné ai wh̄rape dapesó fóló *apospel* wh̄rapené naase tuamó mulalepó. Atétepa, ai wh̄rapené atima tikimó naase mulóló Talepaae moma eralepó.

⁷ Ai ala yale tikimó, Kótóné

fo hae kwia feapaae yó melaté fóló fakeralepó. Jerusalem be hulua tuamó Talepaae tué tiki tiratere whirape mo ti fake duraalu, so whimó momaratere whirape atimakélé, mo fea tué feteyóló tiróturaalu, kale fo wisi wosóló Yesupaae kisipa tiratere aomó be-talepó.

Stipen tawóló fo tekale fo

8 Téró, kale seké Stipen Kótóné ama kolené sukutu hāle tao sere alaró Talené fotokotamo a tuamó faanepó. Téturaalu, mo doasi kelemei alaró sira yaai dere alatamo so whi fea kuamó erótu betalepó.

9 Atétu betepa, mepaae whirape Stipen-tamo bóe dóló fopaae butu, a só deratere fo yalepó. Ai whirape atimané fo wosetere be doita, wae sóró kutó diratere whi betere ala taaróló atima kōleané hāle betó mole whirapené fo wosetere bepó doi mulapó. Ai whirape atima wale tikita, Sairin be hulua whikélé, Aleksandria be hulua whikélé, Silisia hae kwiamó betó mole whirapekélé, Esia hae kwiamó betó mole whirapekélé, atérópó. Ai fakerape atimané be huluata kae kaetei, Juda fakepó.

10 Atéyaletei, Stipen-ta Deji Kepe Wisi faanu fosó fosó yóló du betere fomó, u whirapené dowi kisipa mutu du betere foné atimané a só deraairetei mo sunipó.

11 Atéteremó, Stipen só deraaire tu kikituraalu, atimasisi kemei mepaae whirapetamo fo dokóló etei kaae kapala fo yaalopa siépe yalepó. “Ai whiné Kótókélé, Moses-né ere fokélé, doka doka yóló bóe duraalu, faletere fo depa, dané wosalepó yae,” yóló, se yalepó.

12 Atéro, so whipaaekélé, Moses-né asere fo yó matere whirapepaaekélé, whi disirapepaaekélé, Stipen-tamo fopaae buópóló, sesemeratere fo deté kweyalepó. Atéro, kale whi Stipen tawóló só fóló fo tokóló tale dere whirapené naase tuamó mulalepó.

13 Atéro daaló bitu, kale kapala fo yóló só deraai kisipa mutu betere whirapené duraalu, “I sekénéta suka fea kale yóló muló betere fokélé faleyoó, Kótóné ama kae tenó betere moma dere bekélé doróló doka doka yóo, deté kotapó.

14 Téturaalu, etei kaae fokélé depa dané wosalepó. Nasaret whikó Yesuné i be fisikóló doróo, Moses-né asere mara mole fo dapaae matepa, dané sya fu betere alakélé doróo, yaalopó depa, dané wosalepó,” yalepó.

15 Téró, ai wóló betó mole fo tokóló taletere whirapené kale seké Stipen kikéyóló kaae tawalemó, ama kelepaa ensel-rapené kelepaa kaae daalepó.

7

Stipen-né fo tokóló taletere

whirapepaae yale fo

1 Téro, so whimó mo-maratero topo whiné Stipen-paae woseturaalu, "Atimané ya só deraairaalu ai du betere fo-a mo de?" yalepó.

2 Ti fo depa, Stipen-né atimapaae tokó mótu duraalu, "Noraperó ayarapetamó, ai fo yalo diapaae i dapa wosae. Mo take dané aya Abraham a Haran hae kwia-paae faai Mesopotemia hae kwiamó hale betepa, kae de fane Kótó Abraham betere mó sókó weipakalepó.

3 Atéro, Abraham-paae duraalu,

'Yata, naao be whi so whiró naao turuku betamo taarólo, yalo yapaae yó melaaire hae kwia-paae fae,' yalepó.

4 Ai fo depa, ama turuku be Kaldia whirape betere hae taarólo, Haran be hulupaae torókó felepó. Atéro fólo betepa, aimó kale whi Abraham-né alima sinalepó. Atéyale kilipaae Kótóné Abraham a dapesó wólo mió dia ai betó mole hae kwiamó beterelepó.

5 Kótóné Abraham-mó i hae kwia melaalopó yólo mulaletai, ai alimó hae kwia mekó menipó. Kutó diyaaire su mo sawakélé menipó. Atéyale alimó Abraham a naalekéle bitinipatei Kótóné apaae duraalu, yaró naao deté faaire naaletamoné i hae kwia saalopólo dirii fo yólo munélipakalepó.

6 Kótóné Abraham-paae duraalu, 'Naao detere

naalené deté fole naalerape atima fea kae fakené hae kwiamó wale whi su betaalo ai ape. Atéro betepa, ai hae talerapené atima wae sóro kutó diratere so whi beterepólo, doasi depe tukó wei alaró susupui alatamo deté fu betepa, 400 ba fo kemeyaalo ai ape.

7 Atépa, Israel fake wae sóro beterele be hulua whiné topo whirape yalo dowi kwia melólo yalo i so whi momó dapesó wólo beterealopó. Kótó ata, da teterepólo kaae tare Talepólo aqomó dua sukólo betaalopó.

8 Naao detere naalené detere naalerape tiki sekae tukólo sirirae. Atétepa, ti yalo diamó eraaire ala hasókó feni, mo eraalopólo dirii fo yólo mulótu eratere siripó, yalepó. Atéro, Abraham-né Aisak deyalepó. Aisak deyólo be de 8-ró kemetepa, ama naalemané tiki sekae tukólo siriralepó. Téro, Aisak-né Jekop deyalepó. Jekop-né ti dané ayarape deyólo fake firale 12 whirape deyalepó.

9 Jekop naalemarapené noma deke naale Josep-né dere alamó dei tué muturaalu, atimané a Isip whirapené wae sóro kutó diratere whi beterepólo dotonólo *moni* salepó. Téyaletei, Josep-paae wuatere sekei ala fea Kótóné tao sua du betalepó.

10 Téro, Josep a Isip hae kwia teterepólo kaae tare topo whi Fero beterepaae sókó fólo beterepó. Atéro

betepa, Fero-né Josepené dere ala kilitu, apaae hekese yópóló, Kótóné mo donoi ala wisi erótu betalepó. Atépa kilituraalu, Fero-né Isip hae kwiaró doasi topo whiné wisi wisi berapetamo Josep-né teteróló kaae tanópóló, sóró beteralepó,” yalepó.

11 “Atéyale alimó ɔla sóku aluyóló doakale wote ali walepó. Atéturaalu Isip hae kwiamókélé, Kanan hae kwiamókélé, dané ayarape atima naaire ɔla mo meipó.

12 Atéró betalemó, dané ayarape deyale whi Jekop-né Isip bemó mepaae nokole ɔla muó mulapó dere fo wosóló, ama naalemarape dotonalepó. Ti aita, folosó kaae suraalu felepó.

13 Atéró momó felemó ti Josep-né ama nomarapepaae a i ape, yóló yó melalepó. Atétepa, kale teteróló kaae tare doasi topo whi Fero-né Josep-né alimaró nomarapetamo tué yalepó.

14 Téro, Josep-né ama alimapaae yó fótu duraalu, ‘Yakélé naao fake so whikélé, diá fea ai hae kwia taaróló, ipaae torokóló ape,’ yalepó. Tétepa, 75 so whi ai be torokóló walepó.

15 Jekop atéró bitiré fóló, a Isip bemó sukalepó. Téro, ama naalemarapekélé, mo fea aimótóro sukalepó.

16 Atétepa, atimané tiki betá só fóló, Sekem hae kwiamó mole kapo dolomó दौरaleta, dua yalepó. Ai hae tikita take Abraham-né Hamor

naalemarapetamo *moniné* dupuyale haepó,” yalepó.

17 “Até deté wóló, take Kótóné Abraham-tamo yóló mulale fo dokonaire be de feleketepa, atimané deyale naale senaale Isip bemó mo haɔe ɔla kaae fake yalepó.

18 Téro, take betale topo whi Fero-ró Josep-tamo sukalepó. Atéyale kilipaae ai sirimó betale topo whi Fero-né Josep-né a ai topo whi beterale ala tué iniruraalu kale Israel fake so whi wisiyóló kaae tanipó.

19 Atéruraalu, ai topo whiné Israel fake so whitamó doakale bóe duraalu, Israel sorapené naale detepa, sukópóló bela tómó wapelatamo mulaleta dua yaai, atima fo dokóló mulalepó.”

20 “Atétu betere tuá dolomó, Moses deyalepó. Ai naaleta, Kótóné keletómó mo kae naale wisipó. Hamaró alimatamoné ai naale sóró betepa, wélié sore kemeyalepó.

21 Téro, hamaró alimatamoné wapela turó só fóló mulalepó. Atéró mupa, kale topo whi Fero senaalemané whaayaai salepó.

22 Téro mepaae doasi tué mole Isip whirapené Moses tué tiki fosó fosó yópóló, mepaae alarape yó melaté felepó. Téro, ama dere fokélé, mo fosó fosó yóo, dere alakélé mo fotokɔ buóló yóo, yaaire whi doayalepó,” erapó.

23 “Moses doayóló bitiré fóló, ba fo whi siki tamo

kemeyóló ą ama Israel so whırape noa ala du betereró keęle felepó.

²⁴ Atéró fóló kelalemó, kale Isip whı betané Israel whı betą doló susupurótu betepa, kelalepó. Atétu betepa, ama fake whıtamo até ekeséró seséturaalu, Isip whı mo ti dalepó.

²⁵ Moses-né ama etei kisipa mualepó. Israel fake so whı atimapaee doasi sekei ala erótu betepa, ama fake so whı tao sópóló Kótóné ą dotonélirapóló kisipa yaalo nisi yalemó, Israel so whıné atei kisipa sinipó.

²⁶ Téró, kale dere kaae mo hıka momómo fóló kelalemó, Israel whı atimaamosisitei hęle su betepa, ama filiyóló duraalu, ‘Diaamo Israel faketamotei noatepa hęle su bitu de yalepó.’

²⁷ Ti fo yalemó, doasi fotokę buóló me whı teterótu betere whıné Moses tę daalótu duraalu, ‘Ya dątamo fo tokóló taleraterere alaró teteróló kaae tare alatamo yópóló né sóró beteraleé?

²⁸ Naao dó kale Isip whı du yale kaae, ękélé atéró daai waleé?’ yalepó.

²⁹ Ai fo woseturaalu, Moses ą ai Isip hae kwia taaróló, Midian haepaae botokó felepó. Téró, ą ai bemó wale whı bitu, so dokóló naale tamó deyalépó.

³⁰ “Atéró ba fo whı siki tamó kemeyóló betepa, whıkéle bitire Sainai hasi fosó felekemó *ensel* ą beterepaae ni sesापemó si

mi sokóló ai dolomó sókó walepó.

³¹ Atétere ala kolóló, Moses ą noa ala dutérópóló kisipa teketu betalepó. Atéró, mo ti diriyóló kelaairaalu, kale ni sesaape ere felekepaae taae felemó, ai si mi dolomótei, Talené ąpaae i fo yalepó.

³² ‘Ęta, diąné ayarape Abraham, Aisak, Jekop atima teteróló kaae tare Kótópó’ yalepó.

Ti fo depa, ai fo dere tiki kelaai yaleteti, diri furu furu yóló wituraalu, kilini haepaae hemée deyalépó,” yalepó.

³³ “Atépa Talené ąpaae duraalu,

‘I hae tikita, Kótóné ama tukóló kae muló betere haepa, naao horó betere hó be sokóló taae falae,’ yalepó.

³⁴ Térapa Moses-ó, Isip whırapené yało so whıpaae doakale sekei ala erótu betepa wosalepó. Até du betere ala kolóló yało atima haęle fópóló dotonale waairaalu, yaęi Isip be huluapaae fópóló dotonaaı dapó,” yalepó.

³⁵ “Moses ąta atimané hę yóló, ąpaae ya fo tokóló taleraterere alaró teteróló kaae tare alatamo yópóló, né sóró beteraleé? yale whıpó. Ti fo yale whıtei, Israel fake so whı teteróló kaae tanópóló, Kótóné amatei sóró beteralepó. Atéró beteraai ama *ensel*-né erąle fópóló

dotętepa, kale ni sesaapemó duku betere si mi dolomó fo sókó wóló Moses sóró beteralepó.

³⁶ Ama ai Israel so whi Isip be taaróló alísóró wóló betero bituraalu, kelemei alaró so whiné kilitu sira yaaire alatamo eraté kutu betalepó. Até dere alata, kale Isip hae kwia tuamókélé, sonaai wei kęla tuamókélé, so whi bitinire tikimó kuturaalukélé, ai alarape eraté kutu betepa, ba fo whi siki tamó kemeyalepó,” yalepó.

³⁷ “Ai Moses-nétóro Israel so whipaae duraalu,

‘Kótóné kóló whi mo ę kaaetóro dotonaalopó. Ata diakótei, sóró beteraalo ai ape,’ yalepó.

³⁸ Moses ą Israel so whitamó whi mei tikimó dané ayarape dapesó kutu betepa, *ensel-né* Sainai hasi fosómó mo ti betaaire fo bete ąpaae matepa, amamo ąpaape maletai mió dané i sya fu betere ape.”

³⁹ “Tęyaletei, dané ayarapené ama dere fo wosóló ą aqmó sinóló bitinipó. Atimané ą hęrapóló faai wale tiki taaróló, Isip bepaaetei momó fesaae faai kisipa mutu betalepó.

⁴⁰ Atéro, kale so whiné Eron-paae duraalu, ‘Dą Isip bemó betepa, alísóró wale whi Moses ą neté yalerópa, dą alísóró faaire kótórape kaekó alerae,’ yalepó.”

⁴¹ “Atęyale sukamó, *bulmakau* hupu male kaae suróló kapala kótó aleyalepó.

Atéro, atimané aleyóló mulale ęlapaaetei, hupu dóló momaturaalu, ai ęlané doi doasi mulóló ęla deyóló kilitu betalepó.

⁴² Ai so whi ó samó daale wéliékélé, hęrerapekélé, sukakélé, atimané tale aleróló doi sóró horóló momadu beterępóló, Tale Kótóné ai so whi taaróló sisóralepó erapó. Ai fota, mo take Kótóné kóló whįrapené asęere fo mo hįtipó.

‘Israel fake so whįrape-ó, dią so whi bitinire tikimó 40 ba fo tuamó bituraalu, *sipsip* hupu dóló moma deté wou betaletai ępaape inipó.

⁴³ Diąné kuti be dolomó kapala kótó Molek-ró whiné aleyale kótó Repan hęretamo beteróló aqmó sukóló bituraalu, tale-ó yóló moma deté kutu ai betale ape.

Atętu betaletainé yąlo dią Babilon hae kwia taoró wae sóró beterępóló hękó faló ai betere ape,” yalepó.

⁴⁴ “Téro, dané ayarape atima so whi bitinire tikimó bituraalu, Tale Kótó ą dątamó mo beterapó kisipa muępóló, kuti be tępakalepó. Ai kuti beta, Kótóné Moses-paae etéro tęyae, yóló suróló yó matepa, kolóló tępakalepó.

⁴⁵ Atéro bitiré wóló, nalo dané ayarape atimané ai kuti be beleyóló sóró waletaita, Josua-né tęteróló kaae tawóló betale alimó yalepó. Josua

à ama be whì so whìtamo betere hae kwia taaróló, me hae kwiamó betaai fupa, Kótóné ai hae talerape mo fea dóló torokó faralepó. Atéyale sukamó sóró wale momatere kuti be beleyóló só kutu beteró, Depit betale alimó sókó walepó.

46 Tétepa, Depit-né Kótóné à haftere ala eratepa, dané aya Jekop-né Kótó mo ti moma dere bemó beterópóló kisipa mutu, amó be tēnaai Kótópaae wosalepó.

47 Téyaletēi, ama naalema Solomon-né Tale Kótóné be tēnalepó.

48 Atéyaletēi, ó sà taoró betere Tale à mo whìné tētere bemó bitimipó. Kale Kótóné kóló whìné i asere fo kaaepó.

49-50 ‘Ó sàta, yàlo tēteróló doasi topo whì betere tikimó bitu, i haeta, ti yàlo hó dée daaló betere tiki ai ape. Térapa, diāné noa kaae be tēyóló ẹ beteraai du bitu de?

Talené duraalu, Ẹ sàa nóló betere tiki mekó ere?

Ola ọla feata, yàlo aleyóló muló bitini nisi du betere?’ fo aserapó,”

51 Stipen-né duraalu, “Diàta mo dowāae fole whìrapepó. Noatepa diaaọ hosaa tuámó dowi ala fāanu, Kótóné fo wosaaire wosẹlikélé kinó bitute? Diàta, diaaọ ayarape bitu yale kaaetóró iru, Dẹi Kepe Wisiné dere fo wosaai

deretei hōyóló mo dowāae fu beterapó.

52 Kótóné kóló whì me deké diaaọ ayarapené susupui ala erénipó, fo yaaloé? Mo fea diaaọ ayarapené susupui ala erótua yalepó. Dowi alakélé inire Talené ama mo donoi Whì wisinaale waalo ai ape, yóló yó mótu betere whìrapekélé, diāné ayarapené dua ipakalepó. Atétua yale kaae, miókélé dowi ala inire whì wisinaale eleké deyóló dópóló, diaaọ sesemeralepó.

53 Talené tukóló muló betere fo ensel-rapené diāpaae yó matepa wosaletei, diaaọ ai fo tukóló sisópaae eralepó,” yalepó.

Stipen kapo duné siriyóló dale fo

54 Ai fo dere woseturaalu, kale ai fo tokóló taleratere Juda whìrape atima mo dei fopaae buturaalu, sereke hale yalepó.

55 Téyaletēi, Stipen à Dẹi Kepe Wisi fāaturaalu, sàpaae kese horalemó, Tale à tuámó ere dẹró Yesutamo Kótóné turu naase demó daapa ke-lalepó.

56 Atépa duraalu, “Kelaē! Hepen be tų tukwẹ fóló, Whìné Naalema Kótóné turu naase demó daapa mió yàlo kelerapó,” yalepó.

57 Atétepa, atimané ai dere fo wosaalo meipóló, naasené wosẹli kinóló fo fake yóló à daale tikipaae mo hapale tourale walepó.

58 Atéro, Stipen naasemó sej soro be tipí aopaae taae deroló kapo duné siroló daai kaae salepó. Até yaaipatei, ama i ala depa kelalepólo yale whirape atimané foloji kutirape sorokoló, betá kokopei whiné kaae tanópóló, ama hó betemó mulaleta yalepó. Ai whiné ama doita, Sol-pó.

59 Atimané Stipen a kapo duné siritapa, ama Talepaae momatu duraalu, "Tale Yesu-ó, yalo kepe bete betá naoo dape sae," yalepó.

60 Atéro, a bukutiri teyaró bití doropóló fo fakeyóló duraalu, "Tale-ó, i dere alamó naoo atimané dowi ala kwia aluróló kemerae," yalepó. Ai fo yóló kale whi a mo ti sinalepó. Atétere alata, Sol akélé aimó daalu, wisirapa téyae du betalepó.

8

Keriso so whi susupu soro dapo dapo yale fo

¹ Atéyale sukamó, Jerusalem bemó betó mole Keriso so whipaae doa susupu sere ala eralepó. Atei ala depa, Talepaae tué tiki tiró betere Keriso so whi Judia hae kwiaró Samaria hae kwiatamopaae dapo dapo yóló felepó. Atétepa, kale aposel whirape atima betá Jerusalem bemó betó molepó.

² Téró, mepaae Kótóné ala eró tare whirapené Stipen douróló, doasi dekené sini moló-u du betalepó.

³ Téyaletei, Sol-né Keriso so whi doraté kweyaaairaaalu, kaae salepó. Tétu, be dokó a kweyóló, Keriso so whi fea siyóló *dipula* beteraleta du betalepó.

Filip Samaria haepaae fóló yale ala

⁴ Atéro dapo dapo yóló fele so whi fóló betó mole tikimó, mió wosetere kisi fo wisi so whipaae yó mótu betalepó.

⁵ Filip Samaria hae kwiamó tene be huluapaae doropóló, so whipaae Yesu Kerisota, Kótóné i haemó betó mole so whi tetéroló kaae tanópóló soro beteró betere whipóló yó mótu betalepó.

⁶ Aimó wóló touró betere so whi feané Filip-né yale foró erale kemei alarapetamo kilitu, ama dere fo wisiyóló wosaairaaalu, atima fea woséli muló beterepó.

⁷ Atétu, so whi tuámó tepeyóló betale dowi keperape sókó furaalu, keteré yóló sókó fua yalepó. Hó naase dore so whiró tiki dāamu yóló mo-maare so whitamó wisirótua yalepó.

⁸ Atétere ala kilituraalu, ai be huluamó betó mole so whi atima mo hekesené sukutu betalepó.

Isi whi Saimon-paae yale fo

⁹ Téró, ai be huluamó whi betá Saimon beterepó. Ba fo doasimó ai seké a isi whi bitu, du betere alamó Samaria so whi feané sira dua yalepó. Atéteremó a mo

doasi seké wh̄ipóló bopé fake du beterepó.

10 Atétepa, mepaae doasi doi mole wh̄irapekélé, doi munire wh̄irapekélé, mo fea wóló ama dere fo wosóló ą dukirótu betalepó. Atétu duraalu, “I wh̄ita, Kótóné doasi bole fotokọ kaae bulapó,” du betalepó.

11 Téró, mo take ą isi wh̄i bitiré wouraalu, du betale ala kolóló, siratu betaletiné so wh̄i fea ai alatei sya felepó.

12 Téyaletai, Filip-né atimapaee Kótóné teteróló betere aomó mole alaró Yesu Kerisoné ere alatamo etérópóló yó melótu betalepó. Ama atéro yó matere fo wosóló so wh̄i fea kisipa feteyóló Talepaae wapa, Filip-né atima Yesuné doimó wh̄i tópurótua yalepó.

13 Kale wh̄i Saimon ąkélé, tuę tiki feteyóló Talepaae wapa, Filip-né ą wh̄i tópuralepó. Téró, Filip kotere tiki dokọ fea Saimon atimaamo wusuró kuturaalu, me ala yairemó dere kelemei alaró sira yaaire alatamo Filip-né eratepa kilitu, Saimon-né sira dua yalepó.

14 Jerusalem bemó betere *apospel* wh̄irapené Samaria so wh̄i Talené fo wosalepó dere wosetu atimané Pitaró Jon-tamo dotęyalepó.

15 Téró, kale seké tamo fóló, ai Samaria hae kwiamó tene be huluumó Talepaae kisipa tiki tiró betere so wh̄i Dęi Kepe Wisi sópóló momaralepó.

16 Ti noa betené meipó. Dęi Kepe Wisi atima tuępaae tepeyóló bit̄i waai teópat̄ei, Yesu Kerisoné doimó atima wh̄i maaté tópuralepó.

17 Atépa, Pitaró Jon-tamoné ai so wh̄i tikimó naase mulalemó, Dęi Kepe Wisi atima tiki tuępaae bit̄i dorowalepó.

18 Saimon-né kale *apospel* wh̄i tamoné so wh̄iné tikimó naase mulalemó, Dęi Kepe Wisi bit̄i wale ala kolóló, atimaamomó *moni* melaai i fo yalepó.

19 “Diaamoné dere ala kaae ęłokélé, mepaae so wh̄i Dęi Kepe Wisi sópóló naase melaai dapa, ępaae ai alakó erasepóló dapó,” yalepó.

20 Ti fo depa, Pitané ąpaae duraalu, “Naao *moni* ęatamo wusuró kęlaa yóló alu yópóló, yae. Ti noatepae, naao kisipané Kótóné kolené sukuturaalu, hęle matere ęla *moniné* dupu dere aęrapóló de? yalepó.

21 ęa dątamo Talené ama kutó dirópóló sóró beteró bit̄inireteiné. Kótóné keletómó naao hosaa tuęmó wisi kisipa munipó.

22 Térapa, dowi ala taaróló Talepaae kisipa feteyae. Atétepa, ti Kótóné naao hosaa tuęmó muale dowi kisipamó kwia melaai yalet̄ei, hęle aluraalopó.

23 Ti naao hosaa tuęmó dowi kisipa ęayóló mupa, ęło kelerapó. Atéruraalu, dowi alanétei ęa dokóló wae sóró beteró beterapó,” yalepó.

24 Ti fo depa Saimon-né ɸpaae duraalu, “Ti naao ɸpaae ai yale fo mo yaqsóropa, naotei ɸmó momarae,” yalepó.

25 Atéro, Pitaró Jon-tamoné kelené mo kelale alaró Tal-ené fotamo yó mótu beteró, momó Jerusalem bepaee fesaae faai felepó. Atéro, furaalu, ai Samaria hae kwiamó tene be hulua tu felekemó te mole berapemó kale fo wisi yó melaté felepó.

Filip-ró Itiopia whitamóné yale fo

26 Atéro eté yalepó. Tal-ené ama *ensel*-né Filip-paae duraalu, “Yaata, Jerusalem be taarólo Kasa be huluapaae derepaai *saoti* fakeró kópu kaae fale hae tikimó fole tu sya fae,” yalepó.

27 Téró, Filip ɸ ai tumó fu betalemó, betɸ Etiopia whikó nóluku soki whi mo umó wapa kelalepó. Ai whi ɸta, Etiopia hae kwia tetéroló kaae tare topo so Kandas-né *moniró* mepaae néli ɸlatamo kaae tanópóló sóro beteró betere doasi whipó.

28 Ai seké ɸta, Jerusalem bepaee Talepaae moma ene fi fesaae wou, ama *hos* hupuné sɸyóló sóro kotere ɸla tómó beteró Kótóné kóló whi Aisaiané asere fo dosaté wou betalepó.

29 Atéro dosaté wou betepa, Talené Deji Kepené Filip-paae duraalu, “Ya mo hapale fóló kale whi beteró wou betere *hos* hupuné

sɸyóló só fole ɸlatamo hokola yóló betámó faai fae,” yalepó.

30 Ai fo depa, Filip ɸ mo hapale fóló, kale whitamó betámó titi yóló fu betalepó. Atéro wosalemó, Aisaiané asere fo kale whiné dosaté fu betepa, Filip-né ɸpaae woseturaalu, “Naao ai dosaté fu betere foné bete naao kisipare?” yalepó.

31 Ti depa kale whiné Filip-paae tokó mótu duraalu, “Mené ɸpaae yó menitepa, ti netéro tué saaloé?” yalepó. Ti fo yóló kale whiné Filip-paae ɸtamo bitɸ holae depa, ɸ titiyóló bitɸ holalepó.

32 Kale Etioipiané whiné dosaté wale kóló whi Aisaiané asere fo i ape.

“ɸta, *sipsip* hupu daai duóló ɸlisóro fu dere kaae yalepó. Téró, me kale *sipsip* hupu male niki tikitepa, keteré initere kaae ama kóló mo no-malepó.

33 ɸpaae doakale hale seróló susupuratere alakélé fo tokóló taletere alakélé ini, hale só deratere ala betɸ yalepó.

ɸ naale senaale nalopaae yaai dere ala kolóló né yó melaaloé?

Ti atimané ɸ i haemó betaqsóro kisipa mutu, mo ti dalepó,” yalepó.

34 Téró kale Etiopia whiné Filip-paae woseturaalu, “I asere kóló whiné ere fo ɸmó

erépé whi me kaemó ere?" yalepó.

³⁵ Tétepa, Filip-né Aisaiané ai asere fomótóro kaae sóro Yesu Kerisoné mió wosetere kisi fo wisi yó maté felepó.

³⁶ Atéroró, atimaamo fu beteremó tu tuamó wei ke belepa kolóló, kale sekéné Filip-paae duraalu, "Wei ke wisinaale ti belerapa kelae. I wei kemó e topuratere dore?" yalepó.

³⁸ Ai fo yóló, kale sekéné ama *hos* hupu néli tare whipaae kejróló daayae yalepó. Atéroró daapa, atimaamo wusuró ai kale wei ke dolopaae doropóló daalu, Filip-né kale seké wei topuralepó.

³⁹ Atéroró, atimaamo hae taopaae taae holalemó, mo ai fapotóro Talené ama Deji Kepe Wisiné Filip tokó sóro felepó. Atéroró, kale Etiopia whiné Filip momó kae kilinipó. Tétepa, kale seké a tumó fu bituraalu, hekesené sukuté felepó.

⁴⁰ Téyaletai, kale Filip akélé, keke alinameróló dapesó wale ala kilinipatei, Asotas bemó sókó felepó. Atéroró sókó fóló, ai tu demó te mole be huluarapemó, so whipaae mió wosetere kisi fo wisi yó melaté felepó. Atéroró, yó melaté fóló, Sesaria be huluaamó sókó felepó.

9

Sol dowi ala deté kutu beterapó yale fo

¹ Ai ala du betere tuamó, Sol-né Talené ala eró tare

whirape atima daalopóló wiratere fo hale yó tarepó. Damaskus be huluaapaae faai, so whimó Talepaae momaratere topo whi beterepaae felepó.

² Atéroró duraalu, "E Damaskus be huluaapaae faai dapa, diané u bemó betere Juda fakené fo wosetere be kaae tare whirapené e mo whi nisiyaqsóro *fas* meko aseýóló alae. Ai *fas*-mó i kaae fo yae. Aimó Yesu Kerisoné ala sya fole so whikó betepa, ti i Jerusalem-paae *dipula* sóro wópóló, epaae sóro fae yóló ase yae," yalepó.

³ Atéroró, Sol a Damaskus be felekepaae sókó faai deremó, ó hepen-mó Talené de hapale sókó wóló a daale tiki mo fea deýó felepó.

⁴ Téteremó a haepaae der-aapisa fóló mupa, samó fo yóló duraalu, "Sol! Sol! Naao e noatepa doróló supuraté kutu bitu de?" yalepó.

⁵ Tétepa, Sol-né duraalu, "Tale-ó, ya né de?" depa Yesuné duraalu, "Eta, naao doróló susupuraté kutu betere whi Yesupó," yalepó.

⁶ "Térapa, ya turukó holóló Damaskus be huluaapaae fae. Aimó betepa, ti whi mené naao yaaire ala yapaae yó melaalopa, ama dere fo naao sya fóló yae," yalepó.

⁷ Ai ala deremó, Sol-tamo wale whirape atima fokélé tekeni, hokomó sókó finé daae mulu, dere fomaaté wosalepó. Téyaletai, ai fo dere whiné kelepaa atima

kiliniþó.

⁸ Téró, Sol a turukó holóló kele fiþaae horóló kele kele yalemó me ɔlakélé koló feni, kele dilikiyaleþó. Atépa, aþamo wale whirapené a naasemó tawóló aþisóró fóló, Damaskus bemó sókó feleþó.

⁹ Atéroró, be de sosemó kele dilikiyóló bitu, ɔlakélé, weþikélé néni, haþe betaleþó.

¹⁰ Atéroró betepa, ai bemó Yesuné ala eró tare whi betá Ananias betereþó. Ai whiné noke naró dere kaaené Talené aþaae duraalu, “Ananias-ól!” depa, ama duraalu, “Tale-ó maé, e i betere ape,” yaleþó.

¹¹ Tétepa, Talené ai kale whiþaae duraalu, “Mo donoi tuþóló doi mole tu seraa fóló, Judas-né bemó sókó fae. Atéroró Tarsus whi Sol momó betere? yóló wosae. A ai bemó bituraalu, eþaae moma ai du betere ape.

¹² Atérapa, ama noke naró dere kaaené i ala depa, kelaleþó. Betá whi Ananias a betereþaae wóló ama tikimó naase mulale wapa, ama kele wisi yaairetei kolóló, ai betere ape,” yaleþó.

¹³ Ti fo depa, Ananias-né duraalu, “Tale-ó, mepaae so whiné eþaae i fo ene wuatepa, wosaleþó. Ai seké aþa, Jerusalem bemó naao kae beteroþó betere so whi doróló mo doakale dowi ala erótu betere whiþó yaleþó.

¹⁴ Mió ipaae wóló betereiteikélé haþe meipó. Jerusalem be huluamó du betere ala kaae, i be huluamókélé, naao doi yóló

momatu betere so whirape *dipula* saai so whimó momaraterere topo whiné ai ala yaai fae yóló, *fas* matepa sóró waleþó,” yaleþó.

¹⁵ Téteþatei, Talené Ananias-paae duraalu, “Ai whiþa, ai ala du betale whitei, mió yaþo ala yó taruraalu, yaþo kutó diraté fópóló sóró beteratapa, fae. Ti aþa, take nalopaae Juda meire fake so whiþaaekélé, doasi teþeteróló kaae tare topo whirapeþaaekélé, Israel so whiþaaekélé, yaþo doi eraté kutu betaaire whi ai ape.

¹⁶ A até deté kutu betepa, yaþo doimó a mo doasi dele sóró susupui ala saalopóló, yaþo aþaae yó melaalopó,” yaleþó.

¹⁷ Ai fo depa, Ananias a fóló, Talené aþaae yó male beþaae feleþó. Atéroró sókó fóló, kale seké betere be dolopaae holóló Sol-né tikimó naase mulóló duraalu, “Yaþo no Sol-ó, Tale Yesu Keriso ya i Damaskus beþaae wai wapa, tu tuamó sókó waleþó. Atéyale sekéné naao ai dilikire kele momó wisiróló ɔla ɔla kolóo, Deþi Kepe Wisi yaþa tiki tuþaae bitu wóló faþanóo yópóló, ama e yaþa betereþaae dotonatepa wóló i daale ape,” yaleþó.

¹⁸ Ai fo deteretamotoró, kale whiné kele dolomó ya fumi kaae ɔla sókó dorowóló ama kele momó wisiyaleþó. Atéroró wisi depa, a weþi tóþuraleþó.

¹⁹ Atéroró a ɔla nóló ama fotokó momó bune waleþó.

Sol ą Yesuné ala erótu betere wh̄irapetamo ai Damaskus bemó mepaae be ɔ̄rape betalepó.

Sol-né Damaskus beró Jerusalem betamomó yale ala

20 Ai be ɔ̄mótóró kaae sóró, Juda wh̄irapené fo wosetere berapemó Yesu Keriso ą mo Kótóné Naalemapó yóló, so wh̄ipaae hākeamó yó mótu betalepó.

21 Atétepa, so wh̄i feané ama yó matere fo wosóló sirayóló duraalu, “I wh̄ita, take ó Jerusalem bemó Yesupaae tué tiki tiróló betó mole so wh̄ipaae doakale susupui ala eraté kutu betale wh̄i meí? ą ipaae waletaita, i bemó betó mole Keriso so wh̄ipaae doasi dowi sekei ala eróló, so wh̄imó momaratere topo wh̄ipaae *dipula* sóró male faai wale wh̄i meí?” yalepó.

22 Téyaletai, Sol-né Talené fo eratere ala mo ti fake deté fóló mo fosó fosóre wh̄i betalepó. Atéru, Damaskus bemó betó mole Juda so wh̄ipaae Yesuta, so wh̄i t̄eteróló kaae tanópóló sóró beteró betere Kerisopóló yó matepa, so wh̄iné mo dono dapóló kisipa yalepó.

23 Atéró, yó melaté fóló mepaae be ɔ̄rape kemetepa, Juda wh̄irapené Sol daai kisipa mutu, atima betapaae tourale wóló atimasisi kikiti fo dukutu betalepó.

24 Atéyaletai, atimané ą daai du betere ala ama kisipa yalepó. Dilikitamokélé,

ɔ̄tamokélé, ai be bopéro betere tipi t̄u sókó wale tiki dok̄o ą daai, melaa yóló bit̄ita dua yalepó.

25 Ai fo woseturaalu, kale mepaae Sol-né dere fo wosóló sya fu betere wh̄irapené ą tao suraalu, ai be bopéro betere tipi dolo sokóló dilikitamo yomó deyóló halikané duwóló deralepó.

26 Téró, Sol ą Jerusalem bepaae holóló bituraalu, aimó mepaae Yesuné ala erótu betere wh̄irapetamo touyóló betaai yaletai, atima ą kelaosóró wiyalepó. Atima wi yaletaita, ą Yesuné ala eratere wh̄ipóló kisipa tiréni yaletainépó.

27 Atétu betepa, Banabas-né kale wh̄i Pol *aposeł* wh̄irape beterepaae dapesó fóló daaló bitu, i sekēta Damaskus bepaae faai fu betepa t̄u tuamó, Tale wóló daapa, ama kelené mo kili-pakalepó. Téró, aimó Talené ąpaae fo ipakalepó. Ai fo yóló Damaskus bemó bituraalu, ą mo wikélé ini, halaainé Yesu Kerisoné doimó fo yó mótu bitipakalepó.

28 Atéró, Sol ą atimatamo betamó bituraalu, ai Jerusalem be huluamó so wh̄ipaae Talené fo wikélé ini, mo halaainé Yesuné doimó yó maté kutu betalepó. Atéteremó, wh̄i mené ą sesékélé inipó.

29 Téró, Sol-né Krik be fo bole Juda so wh̄ipaae Yesu ąta, mo Kótóné Naalemapóló kisipa yópóló, fo tokótamo du

betaletei, mepaae Juda fake wh̄irapené Sol daairaalu du betalepó.

³⁰ Ai fo woseturaalu, Keriso norapené Sol daqsóro tao suraalu, Sesaria bepaae dapesó dorowóló, Tarsus bepaae fópóló dotonalepó.

³¹ Atéroró, Judia hae kwiamókélé, Kaleli hae kwiamókélé, Samaria hae kwiamókélé, Keriso so wh̄itamó bóe dóló susupui ala erótu betaletei, mió i alimó hajné sukóló dua betó molepó. Talené Dēi Kepe Wisiné atima fotokoróló ketekē bulatepa, Yesupaae tuē tiki tiratere so wh̄i mo ti fake deté felepó. Atéroró, Kótó ʔata, mo doa fotokō bole Talepóló wi kisipa mutu, hemée deyóló mo dua betó molepó.

Pitané Enias-ró Dokas-tamo wisirale fo

³² Téró Pita ʔa mepaae Kótóné kae betéro betere so wh̄i betó mole be hulua dokō fea keleté fóló Lida be huluamó betó mole Keriso so wh̄itamokélé ekei fo yóló betaai felepó.

³³ ʔa atéroró wóló, ai bemó betā wh̄i ama doi Enias betepa kelalepó. Ai sekē ʔata, tiki dāamuyóló hāle fiyótóro mupa, 8-ró ba fo kemeyale wh̄ipó.

³⁴ Atéroró mupa, Pitané kale wh̄ipaae duraalu, “Enias-ó, Tale Yesu Kerisoné ʔa mió ai wisiratapa, turukó holae. Téró naao beseke tukóló bopeyóló tupaae mulae,” yalepó. Téyalemó, kale wh̄i ʔa

mo hapale téti turukó holóló daane holalepó.

³⁵ Atéroró, ai kale Lida be huluamó betó mole so wh̄iró Saron be huluamó betó mole so wh̄itamóné tiki sinóló dāamure wh̄i Enias wisiratere ala kilituraalu, Talepaae kisipa tiki tirótua yalepó.

³⁶ Téró, Jopa bemó Talené ala eratere sokó betā ama doi Tabitapó. Krik foné ai doi Dorkas doi mulapó. Ai so ʔata, betere dokō fea hēkesené sinóló yaala sókó fóló wisi ala erótu, yolealere so wh̄imó ʔla ʔla hāle tao sóro matere ala fāane so wisinaalepó.

³⁷ Atétu betale sukamó, kale so ʔa heponé sukālepó. Atéroró sukutepa, mepaae sorapené ama tiki fokóló kutiné bopeyóló siki be kepaae mulale holalepó.

³⁸ Ai be Jopata, Lida be felekemó erapó. Atéreteiné Talené ala eratere wh̄irapené Pita Lida bemó beteraapó depa woseturaalu, atimakó wh̄i tamo fópóló doteyalepó. Atéroró fóló Pitapaae duraalu, “No-ó ʔata, mió mo dāmotamotóro hapale faai dapesene walepó,” yalepó.

³⁹ Tétepa, Pita ʔa atimaamotamo fóló, Jopa bemó sókó fóló, kale so sukóló mole siki be kepaae dapesó horalepó. Atéroró aimó betó mole wulia sorape Pita daalepaae wóló moló-u yóló duraalu, “Ita, ai sukāle so ʔa sukāai bituraalu, male doasi deróló sókó fatere fōloi kutiró mepaae deratere kutirapetamo i ape yóló,” yó

malepó.

⁴⁰ Tétepa, Pitané ai sorape belapaae hōkonóló ʔa bukutiri teyʔaró bituraalu, moma yalepó. Atéro moma yóló ʔa kale so molepaae fetée wóló duraalu, “Tapita-ó, yʔa turukó holae,” depa kale so kele fisʔaae horóló, Pita kaae taru turukó holóló bitʔi holalepó.

⁴¹ Atéro betepa, Pitané kale soné naasemó tao sóró turukó horóló daalalepó. Atéro kale wulia soraperó Keriso so whʔtamopaae kepaayale so i ape yóló yó malepó.

⁴² Pitané kale mo ti sinóló mole sotei, momó kepaaróló beteralépó dere fo kulu kulu só kweyóló fakeratepa, Jopa be huluamó betó mole so whʔi mo feané wosalepó. Até yalepó dere fo woseturaalu, so whʔi mo fea Talepaae feteyóló kisipa tiki tirótua yalepó.

⁴³ Téró, Pita ʔa Saimon-tamo mepaae be dērape betalepó. Saimon-ta, hupu sekaēné mepaae ʔla ʔla ale yaairaalu, bé bé yópóló wēmó fokotu betere whʔipó.

10

Konilias-né Pitapaae ape yale fo

¹ Atéyale sukamó, Sesaria whʔikó ama doi Konilias beterepó. ʔata, ai be huluamó 100 Rom diki tare whʔirape kaae tare topo whʔipó. Ai diki tare whʔirapeta, Itali hae kwiaró walepó.

² Konilias-ró ama naale senaaletamokélé, somakélé, atima mo fea Talené ala yó

taruraalu, Kótó aqmó sukóló beterepó. Atéru, yoleale yóló betó mole so whʔimó, betere dokʔ fea ʔla ʔla hʔale matere alaró, moma dere alatamo yó tarepó.

³ Atéro betʔa sukamó, kuluka 3 kilok ʔa ama be dolomó betepa, noke naró dere kaaené Kótóné *ensel* sókó wóló daane wapa, ama mo diriyóló kelalepó. Atéru ʔapaae duraalu, “Konilias-ó,” yalepó.

⁴ Atéro dere fo woseturaalu, kale whʔi ʔa witamo *ensel* daalepaae kese faróló duraalu, “Tale-ó, maé?” yalepó.

Tétepa, *ensel*-né ʔapaae duraalu, “Naaomoma dere alaró yoleale yóló betó mole so whʔimó hamoko yóló hʔale matere alatamo Kótóné kilituraalu, kokōné sukunapó. Atei ala dereteiné yʔa tué keteréni, ama kisipa yó tarapó.

⁵ Térapa Konilias-ó, Jopa bemó whʔi betʔa ai betere ape. Ai whʔiné ama doita, Saimon-tei Pitapó du beterepó. Térapa, ai whʔi Jopa bepaae dape sene fópóló, diákó mepaae whʔi dotonae.

⁶ ʔata ama yakoma Saimon-tamo ai betere ape. Ai Saimon-ta, hupu sekaēné to ó mepaae ʔla ʔla aleyaairaalu bé yópóló, wēi fokotere whʔipó. Ama beta wēi fókumó ai tēne ape,” yalepó.

⁷ ʔapaae ai fo yóló, kale *ensel* fupa Konilias-né ama bemó kutó diratere whʔi tamo yóo, Kótóné ala eró tare ama diki

tare wh̄irapekó bet̄a yóo, yóló ape yalepó.

⁸ Téró betepa, atimapaee kale *ensel*-né ɸapaae yale fo fea yóló, Jopa bepaee f̄ópóló dotonalepó.

Pitané noke kaaené kelale ala

⁹ Atéró tumó fiyóló, h̄ika be d̄etepa, atima Jopa be huluapaae sókó faai feleke deretamo eté ipakalepó. Pita ɸ Jopa bemó 12 *kilok* sukakelemó moma yaairaaalu, kelekele dere siki bepaee holóló beterepó.

¹⁰ Atétepa, yakoma Saimon-ró somatamo aqró bemó naaire ɸla donoróló muló betepa, ɸ siki bepaee holóló moma du betalemó, ɸ wote yalepó. Atépa, noke naró dere kaaené i ala depa kelalepó.

¹¹ Ó hepen be t̄u tukw̄e fóló doasi d̄ei kuti kaae ɸla douró kwia dok̄o dorok̄o fóló amatei dorowou betepa kelalepó.

¹² Ai dorowale kuti kaae ɸla dolomó i haemó niki daani ke detere ɸlaraperó barapetamokélé, hó naase daae mole ɸlarapekélé, mo fea ai kuti dolomó betó mupa kelalepó.

¹³ Atépa, ó samó fo yóló duraalu, “Pita-ó, ȳa turukó holóló ai betó mole ɸla dóló nae,” yalepó.

¹⁴ Ti fo depa Pitané duraalu, “Tale-ó, mo deretei mo take naao d̄apaae, ‘Ai ɸla naq̄se,’ yóló muló betepa ɸ werapó,” yalepó.

¹⁵ Ti fo depa, kale dere kaae momó ɸapaae duraalu,

“Kótóné ȳapaae wisirapa nae dere ɸla, ɸ werapó ekesé. Sóró nó bet̄a yae,” yalepó.

¹⁶ ɸpaae ai fo dere alata, sore félimó yóló mo ai fapotoró kale kuti ó hepen-paae momó sóró holalepó.

¹⁷ Pitané ɸpaae i yó male ala noa betené yalerópóló kisipa teketu betalepó. Atétu betepa, Konilias-né dotonale wh̄irape wóló, Saimon-né be momó t̄enérópóló keketé wóló, be bopéró betere tipi t̄u sókó walemó daae molepó.

¹⁸ Atima atéró daalu, fo tekeróló duraalu, kale Saimon-tei Pitapó du betere wh̄ikó imó betere yóló wosalepó.

¹⁹ Pita ai yale alané bete kisipa h̄ale teketu betepa, D̄ei Kepe Wisiné ɸpaae duraalu, “Saimon-ó, wh̄irape sorené ȳa keketé ai kutu betere ape.

²⁰ Térapa, ȳa turukó holóló aqró bepaee derepae. Ai wh̄irapené ȳapaae atimatamo faalopó depa me kisipa muni, atima ȳalo dotonalepa fó bet̄a yae,” yalepó.

²¹ Téró, Pita ɸ doropóló kale wh̄irapepaae duraalu, “Diaaɸ ai keketé kutu betere wh̄ita, ɸ i ape. Térapa dīa noatepa waleé?” yalepó.

²² Ti fo depa atimané duraalu, “D̄ata, kale diki tare wh̄irapené topo wh̄i Konilias-né dotonatepa walepó. Ai wh̄i ɸta, dowi alakélé enei Kótóné ala erótu betepa, Juda so wh̄i mo feané wh̄i wisipóló doi sóró horótu beterapó. Tépa, mo

kae beteró betere *ensel*-né apaae duraalu, ya ama bepaee wóló, naao dere fokó wosaaipa dape sene fae depa, walepó,” yalepó.

²³ Ti fo depa, Pitané atima bepaee dapesó fóló fiyalepó. Atéro, hika be detepa, kale whirapetamo Pitakélé, mepaae Jopa bemó betó mole Keriso whirapekélé fea felepó.

²⁴ Atima atéro, tu tuamó diki betá fiyóló, hika Sesaria bemó sókó felepó. Téyalemó Konilias-né fake whirapekélé, ama fulumu whirapekélé, mo fea touróló Pita dapesó wópóló kaae tawóló beterepó.

²⁵ Pita atéro sókó wapa, Konilias-né a doasi whipa kilitu, ama hó aomó bukutiri teyaró bití derepelepó.

²⁶ Atétepa, Pitané kale whi tao sóró turukó horóló duraalu, “Turukó holae. Damo wusuróta mo whípó,” yalepó.

²⁷ Téró, Pitaró Konilias-tamo fo deté fóló be tuapaae kelalemó, so whi mo fea touró beterepó.

²⁸ Atéro betó mupa Pitané duraalu, “Dá Juda fake diá Juda meire fake so whitamó betamó fo yóló ó ɔla nokole ala yaqse eretei diá feané ai kisipa ere ape. Téretei, mió Kótóné epaae i ala yó malepó. Dá Juda fake so whine kae kae fake so whipaae i ala dorapó, i ala wisirapóló eratere fo yaqse yóló epaae yalepó. Atéyaleteiné mió ɛ diatamo betamó beaai ape dere fo wosóló hɔrapó enénipó.

²⁹ Kótóné epaae ai fo yaleteiné naao ɛ dape sene wópóló dotonale whirapepaae faalomeipó ini, atima dere fo betá wosóló i daale ape. Térapa, naao ɛ noatepa dape sene wópóló dotonaleé?” yalepó.

³⁰ Ti fo depa, Konilias-né apaae duraalu, “Douró be de kemeyaaí hãle bitu, kuluka 3 kilok suka kelemó ɛ yaɔ be dolomó moma du betalepó. Atétu betepa, mo deí kuti deréli *ensel* mo hapale sókó wóló yaɔ hosaa tuamó daane walepó.

³¹ Atéro daalu epaae duraalu, ‘Konilias-ó, naao hamoko yóló, yolealere so whi tao sóró hãle matere alaró moma dere alatamota, Kótóné ama keletómó mo donoi ala dapóló kisipa mutapó.

³² Térapa, Konilias-ó, whi betané ama doi Saimon-tei, Pitapó du betere whi Jopa bemó ama yakoma Saimontamo betetepa, dape sene fae. Ama yakoma Saimonta, hupu sekaɛné mepaae ɔla ɔlarape aleyaairaalu, bé yópóló weimó fokotere whi ai ape. Ama beta, ti wei fókumó ai tene ape,’ yalepó.

³³ *Ensel*-né epaae ai fo depa, ai whirapené ya dape sene wópóló, yaɔ atima hapale dotonalepó. Atétepa, ya atimatamo waleteiné mo kée dapó. Ti Talené keletómó dá fea wóló i betó moletei, Talené yapaae yae yale fo wisi naao dapaae depa wosaaí dapó,” yalepó.

³⁴ Tétépa, Pitané fo kaae sóró Konilias-paae duraalu, “E Jopa bemó betepa, Talené eppaae yó male alané bete mió yalo tué yalepó. Tale Kótó ata, mepaae whi tao sóró wisi kisipa mulótu, mepaae whimo dowi kisipa mulatere Tale meipó. Ata, da mo feapaae beta alatóro erótua yaaire kisipa mulapó.

³⁵ I hae kwia dokó feamó betó mole so whi Kótó aomó sukóló bitu, ama yae dere ala beta erópóló tu wisi donorótu betere so whita, ti Kótóné ama dape saalopó.

³⁶ I fota, Kótóné da Israel so whipaae yalepó. Ama kale mió wosetere kisi fo wisi etéró yó melalepó. Da Kótótamo dua beterópóló Yesu Kerisoné ama yale alané da hosaa muni deyóló betéró beterapó. Ti ata, i haemó betóló fale so whi mo feané Talepó.

³⁷ Jon-né so whi wei tópuraaopó, fo yó male kílippaae Kaleli haemó kaae sóró Yesu Kerisoné fo yó melaté fóló, Judia haemó sóró waleteti dia feané kisi-parapó.

³⁸ Kótóné Deji Kepe Wisi Nasaret whikó Yesu tuamó betéróló, so whi fea tetéróló kaae tawópóló ama doasi fotokókélé bulóló sóró beteralepó. Atéró, hae kwia dokó feamó kuturaalu wisi ala eróo, dowi kepe tepeyóló betere so whikélé wisiróo yópóló, Kótó atamo betámó kutu betalepó.

³⁹ Dاتا, Israel so whi betere

tikiró Jerusalem betamomó bitu, ama erale alarape dané kelené kelaleteti yó maté kutu beterapó. Ata, atimané fili-paaró betere ni tómó oleróló dalepó.

⁴⁰ Téyaletei, a sinóló dou dolomó sore sukamó mupa, Kótóné kepaaró beterapó. Atéró kepaayóló betereiteita, mepaae so whiné kolópóló yalepó.

⁴¹ Atéró bitu, sókó wua dere alata, so whi feané keletómó ini, Kótóné ama sorokó su yóló betéró betere so whirape beterepaae maaté sókó wua yalepó. Ti ai sókó su yóló betéró betere whirapetamo bituraalu, qlaró weitamó nukua yale whirapeta, ti dapó.

⁴² Téró, take ama dapaae i fo ene fae yalepó. ‘Kale mió wosetere kisi fo wisi yó móturaalu, eta Kótóné dia sukale so whitamokélé ó betó mole so whitamokélé, fo tokóló talerópóló, sóró daaló beterapó yóló yó melale fae,’ yalepó.

⁴³ Take Kótóné koló whirape dokó feané mepaae so whi de apaae kisipa tiki tiró betepa, atétere so whiné dowi ala kwia ama kemeróló aluraalopó erapó,” yalepó.

⁴⁴ Téró, Pitané ama fo hale du betepatei, Deji Kepe Wisi dorowóló ama dere fo wosetu betere so whiné tiki tuamó bihi dorowalepó.

⁴⁵ Até dere ala Jopa bemó Yesupaae tué tiki tiró bitu tiki sekae tikire Juda whirapené kelalepó. Tétu, Juda meire

fakepaaetei, Deji Kepe Wisi matapoló sira du betalepó.

⁴⁶ Ti noa betené mei, atimané kae kae be fo yóló Kótóné doi hale sóró horótu betepa wosalepó.

Até dere ala kolóló, Pitané i fo yalepó.

⁴⁷ “Take da Juda fake so whi Deji Kepe Wisi su yale kaae, mió atimakélé ai sale ape. Atéro atima wei tópuratepa né sesé yaaloé?” yalepó.

⁴⁸ Atéro, ai so whipaae duraalu, “Diã fea Yesu Kerisoné doimó wei tópuraaalopa ape,” yóló tópurótua yalepó. Atéyale kilipaae Pitapaae woseturaalu, “Mepaae be deko ya datamo betóló fenére?” yalepó.

11

Pitané ama du betere ala hakearale fo

¹ Juda meire fake so whirapekélé, Kótóné fo wosóló kisipa tiralepó deté kotere fo Judia hae kwiamó betó mole aposel whiraperó Keriso norapetamoné wosalepó.

² Atéro Pita a Jerusalem bepaae holalemó, mepaae tiki sekae tikiru Talepaae tué tiróló betere whirapené Pita foné sóró i fo yalepó.

³ “Ya ta tiki sekae tikinire fakené bemó bitu, qlaró weitamó nuku betalepó. Aita fo mole alatei naao erapó,” yalepó.

⁴⁻⁵ Tétepa, Pitané atimapaae duraalu, “E Jopa bemó betepa erale ala mo fea deté wóló Sesaria bemó betepa

yale alapaae sókó waalopa diã fea wosae. E doasi be hulua Jopamó momatu betalemó, noke naró dere kaaené i ala depa kelalepó. Doasi bukutere kuti kaae ó samó douro kwia dokó dorokó fóló amatei hale dorowóló e betere tikimó muni dorowalepó.

⁶ Atétepa kelalemó, i haemó betó mole niki meire ke detere qlaraperó barapetamokélé, hó naase daae mole qlaraperó syaae qlarapetamokélé, mo fea betó mupa kelalepó.

⁷ Atépa, ó samó fo yóló duraalu, ‘Pita-ó, ya turukó holóló ai qlarape fea dóló nae,’ yalepó.

⁸ Ai fo depa ya lo duraalu, ‘Tale-ó, ai qlarape ya lo nókélé inireteiné ai ala mo enénipó,’ yalepó.

⁹ Ti fo yalemó, kale dere kaae momó fo yóló duraalu, ‘Tale Kótóné nae dere qlatei, werapó ekese. Talené wisipa nópóló muló betere qla ti nae,’ yalepó.

¹⁰ Atei kaae fo sore félimó yóló, kale qlarape fea momó ó hepen-paae siyóló sóró holalepó,” yalepó.

¹¹ “Atéteretamo, Konilias-né Sesaria bemó e beterepaae dotonale whirape sore wóló, e betere be belamó daaipakalepó.

¹² Atéparaalu, Deji Kepe Wisiné epaae duraalu, ‘Ya ai whirapetamo faaloé yóló kisipa tekeni, atimatamo fae,’ yalepó. Atétepa, i daae mole aporó norape etamo fóló kale

whi Konilias-né be dolopaae da fea holalepó.

¹³ Da atéro beteremó, Konilias-né dapaae i fo yalepó. A ama be dolomó momatu beteremó, *ensel* a beterepaae sókó wóló duraalu, 'Diakó mepaae whirape Jopa bepaae Saimon-tei Pitapó du betere whi ai beterepa dape sene fae.

¹⁴ Ama diapaae dere foné yaró naao naale senaleta-mokélé, naao fake so whikélé, naao be whi so whikélé, di aluyaqsóro tao saalopóló, *ensel*-né apaae depa, ama epaae yalepó.

¹⁵ Ai fo epa, e wóló yalo fo kaae sóró du betalemó, Deji Kepe Wisi atima tuapaae bitij walepó. Aita, me kae kisi ala ini, mo take kaae suraalu, da Juda so whipaae erótu yale kaaetóro atimapaekélé eralepó.

¹⁶ Ai ala kolóló, Yesuné yale fo kisipa mualepó. Yesuné dapaae duraalu, 'Weji tópuratere whikó Jon-né amata, ti dija weji hale maaté tóपुरaletei nalota kale Deji Kepe Wisitamo tóपुरaalopó ere fo mopó.'

¹⁷ Térapa, i ala beta wisiyóló kisipa muae. Yesu Kerisopaae kisipa tiki tiratapa, Deji Kepe Wisi damó hale mótu yale kaae Kótóné atimapaekélé, ai melale ape. Tétepateti, e Kótó kaae betepapakó atei ala ekese yóló sesé yaaloé? Atei ala mo enénipó," yalepó.

¹⁸ Téró, kale be whiné Pi-

tané dere fo wosetu, atimané a foné saletei taaralepó. Atéro Talené doi hale horótu duraalu, "Kótóné Juda meire fake so whikélé, hoko betere ala taaróló, kepaayóló mo ti betaire bete sópóló ai menélirapó," yalepó.

Antiok so whi kisipa feteyale fo

¹⁹ Stipen dale sukamó su betale susupui alamó dapo dapo yóló fele whirapekó mepaae Fonisia hae kwia-paaekélé, wejiné bopéro daaló betere Saiprus hae kwiapaaekélé, Antiok be huluapaaekélé, Juda fake so whipaaekélé, kale fo wisi yó maté kutu betalepó.

²⁰ Téyaletei, mepaae dapo dapo yóló fele Saiprus be hulua whiró Sairin whirapetamo Antiok be hulua mó betó mole Juda meire so whipaae Yesu Kerisoné mió wosetere kisi fo wisi yó melaai kaae salepó.

²¹ Téró, kale whirape Talené atima fotokoratepa, so whi mo feané du betere dowi ala taaróló, Talepaae kisipa tiki feteyóló wou betalepó.

²² Atétu beterepó dere fo Jerusalem bemó betó mole Keriso so whiné wosalepó. Atéro woseturaalu, ai so whiné Banabas a Antiok bepaae fópóló dotonalepó.

²³ Téró, a Antiok bemó sókó fóló, aimó betó mole Keriso so whipaae Kótóné ama kolené sukutu hale tao sere ala atima tuamó mupa kelalepó. Atépa, Banabas

hajné sukuturaalu, Kótóné ere ala dią tuámó hąle muó tanópóló yae yóló, fotoko bulóló ma fo yalepó.

²⁴ Banabas-ta, Deį Kepe Wisiró tuę tiki tiratere alatamo ąane whį wisi naalepó. Téruraalu, mo turó so whį Yesu Kerisopaae tuę tiki tiralepó.

²⁵ Atétu beteró, Banabas ą Tarsus bepaae Sol kekene faai felepó.

²⁶ Atéró, kale whį ą fóló Sol kekóló dape sóró atimaamo wusuró Antiok bepaae momó walepó. Wóló ba fo betą atimaamo ai Keriso so whįtamo bituraalu, Kótóné fo so whį mo feapaae yó mótu betalepó.

²⁷ Atéyale sukamó, mepaae Kótóné kóló whįrape atima Jerusalem be taaróló, Antiok bepaae dorowalepó.

²⁸ Ai whįrapekó betą whįné doi Akabas-pó. Ai whį ą Deį Kepe Wisiné fotokąatepa, turukó holóló duraalu, “Rom *Gavman*-né ąteróló kaae tare hae kwia feapaae doakale dowi wote ali waalo ai ape,” du betalepó. Ai alata, kale Rom *Gavman* whį Kaladias-né ąteróló kaae tare alimó weipakalepó.

²⁹ Atéró, Yesuné yó matere whįrapené Judia hae kwiamó betó mole Keriso so whį tuąpaae wale doasi sekeį alamó kisipa mutu, ai so whį tao saai atima fo dokalepó. Atéró duraalu, ąané tare *moni* sųtóróti deraalopóló, derąleta du betalepó.

³⁰ Atimané atétu be-taleteita, Judia hae kwiamó betó mole Keriso norape hąle tao sóró, Jerusalem be huluamó betó mole whį disirapepaae male fópóló, Banabas-ró Sol-tamo sóró beteralepó.

12

Kin Herot-né Jems dóló Pita dipula beterafe fo

¹ Atétu betere alimó *Kin Herot-né* mepaae Keriso whįpaae doakale susupui ala eróló ama diki tare whįrapepaae *dipula* beteraleta yae yóló mulalepó.

² Atéró, Jon-né noma Jems atima doakale bóe dele sepa-kené depa tikalepó.

³ Kale *Kin Herot-né Jems* delemó Juda so whį hękesené sinitu betalepó. Atétere ala kilituraalu, ama diki tare whįrapepaae Pitakélé, *dipula* beteraai, dape sene fae depa, fóló tawalepó. Atétere alata, kale fopei *bred* o bulayóló nokole alimó yalepó.

⁴ Atéró Pita tawóló sóró fóló, so whį feané keletómó fo tokóló taleyaairaaalu, diki tare whįrapené naase tuąpaae sóró beteralepó. Téró, ai diki tare whįrape atima fake douró aleyóló beteró beterepó. Téró, Herot-né yóló mulóturaalu, kale bosenée fele be de kemetepa, ti ąané Pita ą dópóló fo tokóló taleyaalopó yalepó.

⁵ Pita atéró *dipula* beteró betepa, Keriso so whįné Kótóné Pita tao sópóló,

momatere ala haḷe yótóro tarepó.

Pita dipula betepa, ensel-né sokale fo

⁶ Téró, kale *Kin* Herot-né hika be deḷepa, so whi feané keletómó fo tokóló taleyaai diki tare whi uté betóo, ité betóo, ere tuamó Pita *sein* képiné dokóló beteralépó. Atéroró betepa, ai tu sókó walemó diki tare whiné kaae tawóló daalepó.

⁷ Tépa, Talené ama hepen bemó kutó diratere *ensel* wóló, deḷé Pita betéroró betere *dipula* be dolo deyo felepó. Atéroró kale *ensel* sókó wóló, Pita-né hulúmó haróló duraalu, “Pita-ó, mo hapale turukó holae,” deremó Pitané naasemó sere *sein* képi whaalóyóló haḷetei teraae derepelepó.

⁸ Atétepa, kale *ensel-né* Pita-paae duraalu, “Naao hó beró kutitamo hapale sae,” depa, salepó. Atéroró, “Naao tómó bukutere kutikélé, bukóló ę sya ape,” yalepó.

⁹ Pita ę atéroró, ai *dipula* be taaróló *ensel* fole tiki sya furaalu, ita ępaae *ensel-né* dapóló kisipa muni, noke naró dere nisi yalepó.

¹⁰ Atimaamo atéroró furaalu, mo folosóro kaae tawóló daaló betere diki tare whi dekeróló tuamó daale diki tare whikélé, kale dere kaae dekeróló sókó felepó. Atéroró furaalu, kale be hulua bopéroró betere tipi tumó doakale *aiyon kapa* fakené aleyóló kinó betere tukélé, ama haḷetei, tukwe fóló mupa,

atimaamo belapaae sókó felepó. Téró, atimaamo ai tu dapo tópaee derepelemó, kale *ensel* Pita taaróló, aimótei alu yó deyalépó.

¹¹ Téró, Pitané *ensel-né* ępaae erale alarape fea kisipa yóló duraalu, “Mió yaḷo kisiparapó. Ita, noke naró dere nisi yalemó motei irapó. Kale *Kin* Herot-ró Juda so whitamó atima hekesené sukuturaalu, ępaae eraaire ala mo eraosóropóló, Talené ama *ensel-né* ę tao sene ai weirapó,” yalepó.

¹² Kale *ensel-né* ępaae erale ala mo diriyóló tuę muturaalu, Mariané bepaae felepó. Mariata, Jon-tei, me doi Mark-né hamapó. Téyalemó, so whi mo fea betępaae touróló bitu, momatu betere mó sókó felepó.

¹³ Téró, Pita ę wóló bela tu ęró daalu kokopóro tu betepa, ai bemó kutó diratere so seimale Roda tu tukiyaa i walepó.

¹⁴ Téyalemó, kale senaalené Pitané fo nakome wosóló haḷitu, tu hapale tukuni, fesaae folo bemó betó mole so whipaae kale Pita wóló a belamó daalapó fo ene felepó.

¹⁵ Ai fo deremó, kale so whiné Roda-paae duraalu, “Ti senaale ya topo doyóló keyaa fu de?” yalepó. Ai fo depa, kale senaalekó duraalu, “Meipó. Pita mo wóló até belaró daale ape,” yalepó. Tétepa, kale so whiné duraalu, “Motamo epa, ti

à kaae tare *ensel*-né tao su yalepa kelae,” yalepó.

16 Atima ai fo du betepa, Pita daalu tu hale kokopórótu betalepó. Atétu betepa, nalo kale so whi atima fóló tu tukjóló kelalemó, Pita wóló daapa kilita sókó furaalu, sir-atu betalepó.

17 Tétepa, Pitané ama naasenétei yóló duraalu, atimapaae fo taalae yalepó. Téró atimapaae Talené à *dipula* bemó betepa, tao sóró dape só wale ala fea yó melalepó. Atétu betepa, ai so whipaae duraalu, “I fota, Jems-ró mepaae Keriso norapetamopaae yó melae,” yóló à metikipaae faai felepó.

18 Atéro hika Pita à kemei fi sisópaae eté yalepó. Kale diki tare whirape atima wóló kelalemó, Pita bitinipa, à neyóló sókó felerópóló, atima mo doakale fo tiki kēlaaratu betalepó.

19 Atépa, kale doasi topo whi Herot-né ama diki tare whirapepaae duraalu, mo dekéro keketé kwēyae depa, kekāletei à kilinipó. Tétepa, ama diki tare whirapepaae Pita *dipula* betepa kaae tawóló daalale diki tare whirapetamo fo tokóló kemetepa, mo ti sinópóló dae yóló mulalepó.

Kin Herot ama yale alamó à dóló sukunale fo

20 Até du betepa, suka memó Herot à Judia hae kwia taaróló Sesaria hae kwiapaae doropóló, aimó mepaae be dērape betalepó.

Ti *Kin Herot*-né Tair be hulua so whiró Saidon be hulua so whitamopaae doakale fopaae bualepó. Atépa, atima touróló betamó bituraalu, i fo du betalepó. “Doasi topo whi *kin*-ó, dāné yātamo fo sawa yaai dapa, naao be dē mekó tukóló mulaaloé?” depa kale sekéné duraalu, “Ti wisirapa téyaalopó” yalepó. Ti fo depa, kale so whiné *kin*-né kutó diratere whikó betā Blastas-paae woseturaalu, “Naao dā tao suraalu doasi whi *kin*-tamo naamei fokó yaaloé?” depa kale sekéné téyaalopó, yalepó. Atima atéro touróló betamó bituraalu, kale doasi topo whi *kin*-paae duraalu, “Doasi topo whi-ó, dātamo bóe dele ala taaróló dua wisiyóló betaalopó. Ti noatepae, kale *kin*-né tēteróló kaae tare hae kwiamó nokole ɔla wó mupa, dupu du betereitei tikaosóro kisipa muturaalu,” ai fo du betalepó.

21 Atéro, atimané kale tukóló mulale be dē wapa, Herot à *Kin*-né kuti wisinaale deróló so whi touróló betere tikimó sókó felepó. Atéro doasi topo whi betere *sea*-mó bituraalu, so whipaae fo du betalepó.

22 So whi feané ama dere fomó doi hale sóro horóturaalu, “Ama dere fota, kótóné fo kaae dapóló,” dukirótu betalepó.

23 Téteremó, ai fapotoróti Talené *ensel* wóló kale sekéné Talené doi sóro horéniteremó à dóló ama tiki mokené tu-

rukó nóló mo ti sukunalepó.

²⁴ Atéturaalu, Tale Kótóné fo ai be felekemó betó mole so whi feané wosóló fakeraté felepó.

²⁵ Banabas-ró Sol-tamoné so whi tao saai sóró wale *moni* melóló Jerusalem taaróló momó furaalu, Jon-ró Mak-tamo dape sóró Antiok bepaae fesaae felepó.

13

Banabas-ró Pol-tamo Talené kutó dirópóló doteyale fo

¹ Atéró, Antiok bemó betere Keriso so whi kuamó Kótóné kóló whiraperó yó matere whirapetamo betó molepó. Ai whirape atimané doita Banabas, Simeon-tei, me doi Niser, Sairin be hulua whikó Lusias, kale *Kin* Herot-tamo betámó doayale whi Manain, Sol, atima atéró betó molepó.

² Téro kale Keriso so whi Tale aomó dua bitu, Talené doi sóró horótu betalepó. Atéturaalu, qlakélé weyóló betepa, Deji Kepe Wisiné atimapaee duraalu, “Yalo tukóló muló betere kutó Banabas-ró Sol-tamoné dirópólópa, atimaamo sóró beterae,” yalepó.

³ Atima atéró, qla weyóló hãle bituraalu, moma deté fele kilipaae, kale whitamó tikimó naase mulóló, fópóló dotonalepó.

⁴ Sol-ró Banabas-tamo Deji Kepe Wisiné dotonatepa, Selusia bepaae doropóló, aimó atimaamo weji nukumó weiné bopéló daaló betere

hae kwia Saiprus-paae felepó.

⁵ Atimaamo atéró ai hae kwiamó tene be Salamis bemó sókó fóló bituraalu, Juda whirapené fo wosetere berapemó so whipaae Kótóné mió wosetere kisi fo wisi yó melótu betalepó. Téro, Jon me doi Mark-kélé, atimaamo tao sóró kutó diyaai atima fea fóló betalepó.

⁶ Atéró, atima ai weiné bopéró daaló betere hae kwia tuámó kutu betero Papos be huluamó sókó felepó. Aimó Juda whikó isi whitei, Kótóné kóló whipó du betere seké Bar-Jisas beterepó. Atimaamo ai kale sekétamo Papos bemó hokolaa yalepó.

⁷ Kale isi whi Ba-Jisas, *Gavman* whi Sersias Polas sisó supuróló, atamo kutu betere whipó. Ai *Gavman* whita, tué tiki wisi mulu, Banabas-ró Sol-tamopaae Kótóné fokó a wosaaipa, yó melaai ape yalepó.

⁸ Atéyaletei, kale isi whiné Banabas-ró Sol-tamoné yó matere fo *Gavman* whiné wosóló kisipa tiki tiraqsóró, kae kae fotei du betalepó. Elimas doita, Krik be foné isi whipó.

⁹ Téro Sol akélé, ama take mole doi Sol taaróló, Pol doi mulalepó. Téro, Pol Deji Kepe Wisiné fotokoratepa, Elimas kikéyóló kaae taaru duraalu, “Yata, mo dowi kepené naalemapó.

¹⁰ Naaota, donoi alaró wisi alatamo bóe ai du betere ape. Yata, mo dilikitere alaró ka-

pala fotamo ƒaanuraalu, Tale Kótóné donoi alaró donoi fotamo naao ai wẹ́rótú betere ape.

11 Naao ai ala deremó, Talené yá deké supu, mió mepaae sawa be demó naao kele diliki yaalopó. Atéro bituraalu, sukané dekélé, naao kelaalomeipó,” yalepó.

Téyaletamotoró, ó sámó diliki ą tuąpaae deróló kale sekéné kele dilikiralepó. Atétepa, ą naase tawóló ą́lısó faaire whíkó daaléro sisité kweyalepó.

12 Kale ai *Gavman* whíné até dere ala kilituraalu, sir-ayóló ą kisipa tiki tiralepó. Ti noatepae, Talené ama fo yó matere ala mopóló kisipa mutu yalepó.

13 Até du betero, Pol-ró ama fulumu whırapetamo ai Papos be taaróló wẹ́i nukumó Pampilia hae kwia tuámó ęene be hulua Perka-paae felepó. Atétepa, Jon-tei Mark-pó du betere whı ą atimaamo taaróló Jerusalem bepaee fesaae felepó.

14 Atéro, atimaamo ai Perka be taaróló Pisidia hae kwiamó ęene Antiok be huluamó sókó felepó. Atéro fóló bituraalu, ąa nóló betere sukamó atimaamo Juda whırapené fo wosetere be dolopaae holóló betalepó.

15 Atimaamo atéro betere, kale Moses-né asere foró Kótóné kóló whırapetamoné asere fo dosątu betalepó. Atéyale kılıpaae kale ai fo wosetere be kaae tare whırapené atimaamo faleyóló duraalu,

“No tamo-ó, diaamoné so whı ąıratere fokó enére?” yalepó.

16 Ti fo depa, Pol ą turukó holóló fo yaai kaae su naase horóló duraalu, “Israel whırapero dią Juda meire fake so whıtamo-ó, Kótópaae witu, naameyóló ą aqmó betó mole so whıpaae yalo i dere fo wosae.

17 Mo take da Israel fakené Kótóné dané ayarape deté faaire whırape amatei sóró beteraté walepó. Atima atéro Isip bemó betepa, Talené atima so whı doasi fake firalepó. Ai ala epa, Kótóné mo Taoró mole fotokęetei ai Isip hae tale dóló ama so whı fasó sóró dapesó weipakalepó.

18 Atéro, so whı bitinire tikimó kutu bitu, atimané kisipa mole ala yaairaalu, dowąae fu betepa, Kótó ąpaae feteyóló wópóló kaae tawóló bitiré felepó. Até yalemókélé, feteyóló wénitepa, hąle kaae tarepó. Atétepa, ba fo whı siki tamo keme ipakalepó.

19 Téro, Tale Kótóné atima beteraaire Kanan hae kwia hąle muni, wẹ́ikeró fakené ęeteróló kaae tapa dóló tokó faaróló, ai hae kwia Israel fake so whımó mo ti malepó.

20 Isip hae kwiapaae fele ba fomó kaae sóró wóló, wẹ́ikeró doasi be hulua doló torokó fale ba fomó sókó wouraalu, 450 ba fo kemeyalepó. Ai alarape deté wóló kılıpaae Kótóné kale Israel whıné bóe topo whı

sóro daalaté weipakalepó. Até deté wóló, Kótóné kóló whi Samuel betale alimó sóko walepó.

²¹ Atéro, Kótópaae atima kaae tawaaire topo whikó sóro beterae yóló wosetu betalepó. Tétepa, Kótóné Benjamin fake whikó Kisya naalema Sol topo whi *Kin* sóro beteralepó. Ai whi doasi *Kin* betepa, ba fo whi siki tamó kemeyalepó.

²² Téyaletei, nalo Kótóné Sol taaróló a betale sirimó Depit topo whi *Kin* sóro beteralepó. Kótóné Depit kaae kelalemó, a whi wisinaalepa, i fo yalepó. 'Jesi naalema Depit-ta, mo whi wisinaalepó. Aa, yało kisipa kaae muluraalu, yało erae, dere ala mo fea ama erótu betaalopó,' yalepó.

²³ Yesuta, Depit-né deyale fake whikó betané deyalepó. Atéyale Yesu a Kótóné Israel fake so whi mo ti aluyaqsóro tao saaire whi diá beterepaae dotonaalopóló muló betere fo mo eróturaalu, ai dotonó betere ape.

²⁴ Mo take Yesuné ama kutó kaae sóro diyaaí epatei, folosóro Jon-pi wóló, Israel so whi feapaae Kótóné fo tué yópóló yó mótu betalepó. Atéro yó mótu duraalu, 'Diáné du betere dowi ala taaróló kisipa tiki fetepa, ti yało diá wéi tópuraaalopó,' du betalepó.

²⁵ Téró, Jon-né ama diyale kutó kemeraairaalu, i fo yalepó. 'Diaaq tuéné eta, kale waalopó du betale whi nisi yaqse. Eta, diaaq kaae

tawóló betere whi meipa, i fo betá wosae. Aa, yało kilipaae waalo ai ape. Ti eta, a kaae whi wisi bitinireteiné ama hó bené kékikélé yało teraayaaire mo sunipó.'

²⁶ Yało norape-ó, diáta Abraham-né deyóló fakerale naaleraperó Kótópaae witu-raalu, a aqmó sukóló betere Juda meire fake so whiné deyóló fakerale so whitamó da fea aluyaqsóro dapesó faalopó, ere fo Kótóné mo ai eró betere ape.

²⁷ Jerusalem bemó betó mole so whiró atimané topo whirapetamoné Yesuta, da aluyaqsóro tao saaire whipó tué munipó. Téró, Kótóné kóló whirapené asemó ere fo *fula* dokó fea dosaatu bitutei wosóló kisipa munipó. Kale asemó ere fotei dokonóturaalu, atimané a mo ti sukópóló dae yóló só deralepó.

²⁸ Atimané Yesu daai kisipa mutu, a tuámó me dowi ala kwiakó muléro tale yaletei, me ala mupa kilinipó. Atépatei, atimané Pailat-paae duraalu, 'A sinópóló dae,' yóló setu betalepó.

²⁹ Ai alarape yóló keme-tepa, kale asemó ere fo mo dokonóturaalu, filipaa ni tómó olepa, tokóló dourale felepó.

³⁰ Téyaletei, Kótóné a dou dolomó mupa kepaaralepó.

³¹ Atéro kepaayóló bitu, take betale Kaleli be taaróló, Jerusalem bepaee atamo wale whirapené a kepaayóló betere ala kelalepó. Atéyale ala kelale whirapené da Juda

fake so whĩpaae yó mótu beteraó.

32 Kótóné ðané ayara-pepaae duraalu, yało diámó take i ala eraalopóló mulale fo wisi ðané diãpaae mió i yó matapa wosae.

33 Mo take Kótóné ðané noutererapepaae duraalu, 'Diãkélé diaaø deté faaire naale senaalekélé, atima aluyaqsóró tao saalopóló muló beterepó,' Ai fo dokonóturaalu, Kótóné Yesu ai kepaaró betere ape. Ti ai yóló muló betere fota, *buk Sam sapta* 2-mó așrapó. Kótóné duraalu,

'Yața, yało naalepó. Mió ę naao aya alée felepó,' erapó.

34 Atéru, Yesuné tiki dou dolomó kęlaa yópóló taaréni, kepaaró beteraó. Atéyaalopóló, mo take așmó erapó. Ai fo i ape.

'Yało Depit-paae hałe melaalopóló, kae muló betere ęla ama ere fo dokonóturaalu, yaámó mo melaalopóló,' erapó.

35 Ai fo kaaetei, Sam-mó duraalu,

'Naaota, kale dowi alakélé, inire whĩ wisiné tiki hałe dou dolomó kęlaa yópóló kaae tawaalo meipó, fo așyóló muló beteraó,' erapó.

36 Ti noatepae, Depit doasi so whĩ kuamó Talené kutó dité fu betero sukále whĩtei, sinitepa atimané alimara-petamo betámó douróló ama tiki ai kęlaa yale ape.

37 Depit-ta até yaletei, ama Naale wisinaale, ti Kótóné dou dolomó mupa kęlaa yópóló kaae tani, ama kepaaralepó.

38 Tęrapa norape-ó, ðané i yó matere fo wisi mo wisiyóló wosóló kisipa tiki tirae. Ai whĩné ðané dowi alamó saai yale kwia ama tokóló taae faralepó.

39 Kale Moses-né așere foné ðané dowi ala tokóló kemeróló, whĩ wisi beteranipó. Tęretei, Yesuné ða kepaayóló betaaire fo wisi yó materetei wosóló kisipa fetetepa, ti ðané dowi alamó kwia saairetei tokóló kemeraalopó.

40 Kótóné kóló whĩrapené i ala yaalo ai ape yale fo diãpaae eraqsóró, mo wisiyóló kaae tawae. Ai fo i ape.

41 'Diã faletere whĩrapené i dere fo wosae. Yało ai depa kolóló sira deté fu betero deté fu betero, sinituraalu aluyae. Yało doasi ala yaalopóló me whĩnékélé diãpaae depa, wosóló tuę tiki tiraalo meipó,' fo așyóló muló beteraó," yalepó.

42 Ai fo du betero Pol-ró Banabas-tamo ai fo wosetere be taaróló faaitepa, kale be whĩ so whĩné duraalu, "Di-aamo momó kale fo wisikó uté waaire *fula*-mó yó melale waasepólópó," yalepó.

43 Atima ai fo wosetere be taaróló, belapaae sókó

felepó. Téró, Banabas-ró Poltamo fupa Juda so whjíró Juda meire fake so whjítei, Juda so whjíné dere ala yó tare so whjítamo kale whjítamo sya wapa, atimaamoné duraalu, “Diã Kótóné kolené sukuturaalu, hãle matere ala tuãmó betó tawópóló yae,” du betalepó.

44 Téró, me *fula*-mó fo wosetere be demó ai be huluamó betó mole so whj Kótóné fo wisi wosaairaaalu, wóló betó molepó.

45 Atétepa, atimaamoné yó mótu betere fo wosó tawóló betó mupa, mepaae Juda whjrapené kolóló, atimané dere fo wosaai ai ala uasóro wisi uapóló dei kisipa muturaalu, Pol-ró Banabastamoné dere fo teteróló, kae kae fo du betalepó.

46 Atétepa, Pol-ró Banabastamo né halaainé duraalu, “Kótóné fo dāmoné diāpaae yó melaai yalemó, diã wosetere hó yalepó. Tétepa, mió dāmoné diã sisó eróló, Juda meire fake so whj betó molepaae i kale fo wisi yó melaairaaalu fulapó. Ti aita hãle mei, diã Kótóné mo ti betere ala sere hõre aqrapó.

47 Talené dāmpaae i ala yae yóló mulalepó.

‘I hae kwia feamó betó mole Juda meire fake so whj diliki tuãmó betepa derópóló yãlo diã sóro beteralépó.

Ai dené hae kwia dokõ feamó betó mole so whj aluyaqsóro tao

sene fae erapó,’ ” yalepó.

48 Kale ai Juda meire fake so whj atima ai fo woseturaalu, mo doakale hainé sinóló, Talené fo hale sóro horótu betalepó. Talené ama taketi mo ti betere bete saalopóló muló betere so whj feané ai fo wosetu apaae tué tiki tiralepó.

49 Tétu, Talené fo wosóló hae kwia feapaae fakeralépó.

50 Atétepa, Juda whjrapené topo whjrapepaaekélé, mepaae Juda meire fake sorapekó Kótópaae winé sukóló betó mole doi mole sorapepaaekélé, Pol-ró Banabas-tamo fopaae buópóló, sesemeraté kweyalepó. Até deté kweyóló atimaamo ai be hulua tuãmó betereitei, taaróló hqkó faralepó.

51 Atétepa, faairaaalu diaaq dere dowi alamó dāmo i fole ape yóló, atimaamoné hó bemó ere hae terepeyóló Ikoniam bepaae felepó.

52 Téró, furaalu Talené ala eró tare whj tamo tuãmó Dej Kepe Wisi faanuraalu, mo doa hēkesené sukuté fu betalepó.

14

Pol-ró Banabas-tamo Ikoniam-mó Kótóné fo yó maletei

1 Téró, Ikoniam bemó Pol-ró Banabas-tamo dua dere kaae, Juda whjrapené fo wosetere be dolopaae holalepó. Téró, atimaamoné mo wisiyóló yó matere foné,

Juda so whĩró Juda meire fake so whĩtamo hosaamá suraalu, mo dekeró so whĩ kisipa tiralepó.

² Téyaletei, kisipa tiki tirénire Juda so whĩné ai dere fo hõ yóló, mepaae hãle betó mole Juda meire fake so whĩné Keriso so whĩtamo fopaae buópóló sesemeralepó.

³ Atétepatei, Pol-ró Banabas-tamoné woseni, faleyóló Talené fo betã halaaíné daalu, fõlo sukamó yó maté fu betalepó. Atéró, yó mótu betepa, Kótóné ama kõlené sukuturaalu, hãle tao sere fo wisi kapala fo nisi yaqsóró, kolóló sira yaaitere alaró kelemei alatamo erópóló, Talené atimaamopaae mo surapó.

⁴ Ai be huluamó betó mole so whĩ bukótamo yóló, mepaae Juda whĩrapetamo muóo, mepaae ti Yesuné fo yó matere *apotel* whĩrapetamo muóo, yalepó.

⁵ Atéró kũlipaae, Juda so whĩkélé mepaae Juda meire so whĩkélé, mepaae topo whĩrapekélé, betãpaae touró bitu, Pol-ró Banabas-tamo kane duné siriyóló daalopó yóló fo deyalepó.

⁶ Até yaai yaletei, kale whĩ tamo daalopó dere fo woseturaalu, ai be taaróló Likonia hae kwiamó tene be Listra be huluaró Derbe be huluatamomó kutu betalepó.

⁷ Atéró, Kótóné ama mió wosetere kisi fo wisi yó maté kweyalepó.

Pol-ró Banabas-tamo Listra bemó fo yó maletai

⁸ Téró, Listra be huluamó betã whĩ hamané depemótei hõleke dowi beterepó. Atéru, ã mo sawa turukókélé feni, betere tikimótóro hãle betó tarepó.

⁹⁻¹⁰ Atéturaalu, Pol-né yó matere fo mopóló wosó tarepó.

Pol-né ai whĩ kikeró kaae tawalemó, ama kisipa tiki tiró betere alané ã sumó wisiranérapóló kisipa mutu ãpaae duraalu, “Yã turukó holóló, naao dore hõleke donoyóló daayae,” yalepó. Tétepa, kale whĩ turukó holóló kweyaaai kaae salepó.

¹¹ Ai so whĩné Pol-né yale ala kolóló Likonia be foné “Haió, ita, mo kótó tamotei dorowóló mo whĩ alée fóló ða tuamó i betere ape,” yalepó.

¹² Atéró atima kisiapané Banabas-ta, ti atimané kótó Susi nisiyóló, ai doi mulóo, Pol-ta fo dere whĩ betepa, atimané fo fosó fosó dere kótó Hermes nisiyóló, kótó Hermes doi mulóo, yalepó.

¹³ Atéró, atimané kótó Susipaae moma dere beta, doasi be tũ aupalo ðemó tenepó. Ai moma dere be kaae tare whĩkélé, mo so whĩkélé, atima mo fea wóló Pol-ró Banabas-tamopaae hupu dóló momaraairaalu, wã *bulmakau* hupuraperó ne fuané aleyóló depa dere meleketamo sóró, ai be hulua bopéro betere tipi tũ serekemó sókó walepó.

¹⁴ Até du betere fo Pol-ró Banabas-tamoné wosóló ai ala yaqósóro sesé duraalu, atimaamoné deró betere kuti bisayayalépó. Atéro bisayayóló sururu yóló fóló, kale be whi so whi wó mole kua dolomó fo fake yóló duraalu, “Diñané aita noa ala du bitu de?”

¹⁵ Dąmo Kótó mei, da fea betą tiki daale whi i ape. Dąmota, kale mió wosetere kisi fo wisi diąpaae yó melaairaalu, sóro wale whi tamo i ape. Térapa, ai betekélé munire kapala kótópaae hupu dóló moma dere ala taaróló, mo ti betere Kótó, haekélé, sąkélé, węi kęlakélé, ere ęla ęlakélé, fea aleyóló muló betere Kótópaae betą kisipa tiki tiróló betae.

¹⁶ Mo take bitiré wale ba fo dokę hae kwia feamó betó mole so whiné kisipa mutere ala yaai dowąae fu betepa, Talené atimapaee até ekese yóló sesé ini, atimané tuę mole ala yópóló taalalépó.

¹⁷ Téyaletei, Kótóné amatei a mo beterapóló kisipa muópóló, dią tao sóro wisi ala eróturaalu, dąmó hali alikélé suka alikélé, ba fo alikélé, fea Talené alótu beterapó. Ti até dere alata, dią hajné sukóló beterópóló Kótóné ama eratapó,” yalépó.

¹⁸ Atimaamoné ai be whi so whi paae atei ala wisinipa ekese yóló sesé yaletei, mo dowąae felepó. Téturaalu, felekemó atimaamopaae hupu dóló momaraai yalépó.

¹⁹ Téró, mepaae Fisiria hae kwiamó tęne Antiok beró

Ikoniām betamomó betó mole Juda whirape atima fea Listra be huluapaae tourale walepó. Atéro touró bituraalu, Pol-ró Banabas-tamopaae fopaae buópóló sesemeratere fo yalépó. Atéro, kapo duné siriyóló daletikimó, Pol mo ti sinale nisiyóló kale sekęrapené ama tiki sįyóló sóró, ai be hulua bopéro betere tipi tu aąpaae taae deralépó.

²⁰ Atéro mupa, Talepaae kisipa tiró betere whirape bopéroóló daae mupa, kale sekę a turukó holalépó. Atéro, a dale bepaaetei momó felepó. Téró, ai hįka ti Banabas atimaamo Derbe bepaae faai felepó.

Pol-ró Banabas-tamo Siria hae kwiamó tęne Antiok bepaae fesaae fele fo

²¹ Atimaamo ai be hulu-amó Kótóné mió wosetere kisi fo wisi yó melale tikimó, so whi mo dekeró Talepaae kisipa tiralépó.

²² Até du beteró nalo atimaamo momó Listra be huluamókélé, Ikoniām be huluamókélé, Antiok be huluamókélé, Talepaae kisipa tiró betere so whi atima ere alatóro yó tanópóló, ketekęró fotokętamo bulatere fo yó melaté felepó. Atéro, yó mótu duraalu, “Diñané kisipa tiki diriyóló bitu, Tale Kótóné tęteróló daale aąpaae sókó faaitepa, ti doasi sekęi ala tuamókélé bitiré fu betaalópó,” yalépó.

²³ Téró, Pol-ró Banabas-tamo mepaae be hulua dokę Keriso so whi kaae

tanópóló, Keriso dirire whi disirape sóró beterótua deté kweyalepó. Atétua yóló, atima ɔla weyóló bituraalu, Talepaae kisipa tiró betere so whimó atimané tuę tiki tiratere alamó Talené atima wisiyóló kaae tanópóló momaralepó.

²⁴ Atimaamo ai so whimó momaróló, Pisidia hae kwia tuamó fóló, momó kale Pampilia haemó sókó walepó.

²⁵ Aimó atimaamo Perka be hulua so whipaae Talené mió wosetere kisi fo wisi yó melóló, Itali bepaee felepó.

²⁶ Ai weı fókumó tene Atelia bemó atimaamo weı nukumó Antiok bepaee walepó. Ai bemóta, take atimaamo Talené kutó dirópóló Keriso so whine Kótópaae momaróló sóró beteralepó. Atéro, Kótóné ama kɔleturaalu, tao sóró dirae yale kutó diyóló kemeróló, kale bepaee momó fesaae walepó.

²⁷ Atimaamo atéro fóló bituraalu, kale Keriso so whi mo fea touróló betó mupa, Kótóné atimaamo fotokɔratepa erale alarape fea yó melalepó. Atéro yó melótu duraalu, Juda meire fake so whine Kótópaae kisipa tirópóló, Kótóné amatei tu tukiyóló mulalepó yalepó.

²⁸ Ai forape yóló, Yesuné ala eró tare so whıtamo doa ɔlo sukamó bitiré felepó.

15

Jerusalem bemó tourale fo

¹ Mepaae Judia hae kwiamó betó mole whirape Antiok bepaee dorowóló, ai bemó betere Keriso norapepaae etei fo yó mótu betalepó. “Dię Moses-né asere fo aomó bituraalu, diaaɔ tiki sekaę tikini depa, ti Kótóné dię mo ti aluyaɔsóró tao saalo meipó,” du betalepó.

² Kale whirapené ai fo du betepa, Pol-ró Banabas-tamoné ai whirapetamo mo doasi fo tokótamo yóló atei kaae fo yó makesé yóló foné u só derótu i só derótu du betalepó. Até du betéro, Antiok Keriso so whine Pol-ró Banabas-tamo yóo, mepaae tuę tiki tiró betere Keriso whirape yóo, yóló Jerusalem bepaee dotęyaaı sóró beteralepó. Ti aita, Kótóné ama *aposeł* whiraperó whi disirapetamopaae i du betere fo moé? yóló wosene fópóló yalepó.

³ Téro, Keriso so whine atima dotonatepa furaalu, Fonisia hae kwiaró Samaria hae kwiatamomó i fo yó melaté felepó. “Kale Juda meire fake so whi atimata, Talepaae tuę tiki feteyóló betó mulapó,” deté fu betalepó. Ai fo dere woseturaalu, ai be huluamó betó mole Keriso norape atima hajné sukutu betalepó.

⁴ Téro, atima Jerusalem be huluamó sókó felemó, kale *aposeł* whirapekélé whi disirapekélé, Keriso so whikélé, atima mo wisiyóló dape salepó. Téro, Pol-ró Banabas-tamoné Kótóné

atimaamo fotokoratepa erale alarape fea atimapaee yó melalepó.

⁵ Téyaletei, mepaae Farisi fakekó Talepaae kisipa tiró betere Keriso whirape turukó holóló duraalu, “Ti ai Juda meire fake so whi Moses-né asere fo aomó sukóló betóo, atimané tiki sekae tukóo, yópóló yae,” yalepó.

⁶ Atétepa, kale *apospel* whiraperó whi disirapetamo fea ai fo donoraai betapaae tourale walepó.

⁷ Atima ai forape du beteró kemetepa, Pita turukó holóló duraalu, “Norape-ó, kale Juda meire fake so whi Kótóné ama kisi fo wisi yalo kólóné eratepa, wosóló tué tiki tirópóló, mo taketi Kótóné da tuamó e sókó sóró beteraletei diaaọ kisiparapó.

⁸ So whi feané tué tiki tuamó mole ala keletere Kótóné Juda meire fake so whi dape sere ala yó móturaalu, Deji Kepe Wisi da melale kaaetóro atimakélé malepó.

⁹ Ama dapaae kae ala eróo, atimapaee kae ala eróo, ini, atima tué tiki tiratere alanétei, atimané hosaa tuamó mole dowi ala tokóló taae faróló wisiralepó.

¹⁰ Térapa, diaaọ Kótó surémóló kaae kelaairaaalu, ai Keriso so whiné hulumó sekei ala noatepa belerótu de? Mo take dané ayarapénékélé, danékélé, atei kaae sekei ala beleyaaire mo sunipó.

¹¹ Dané atei kaae fo mo enénipó. Tale Yesuné ama kolené sukuturaalu, aluyaosóro hale tao sere alané da tao su dere kaae, atimakélé atétóro dapó,” yalepó.

¹² Téró ai touró betere so whi fea fo tekeni, Banabas-ró Pol-tamoné dere fo wosaai, dua betó molepó. Atéro betó mupa, Kótóné atimaamopaae kae kae kelemei alaró me ala yaai deremó eratere alatamo Juda meire fake so whi kuamó eraté kweyale fo yó mótu betalepó.

¹³ Atimaamoné ai fo yóló kemetepa, Jems a turukó holóló duraalu, “Norape-ó, yalo i dere fo wosae.

¹⁴ Folosóro kaae su, Kótóné ama kolené sukuturaalu, Juda meire fake so whi ama fake beteraai kisipa mutu, ere ala take Simeonetei me doi Pitané dapaae yalepó.

¹⁵ Take Kótóné ama kóló whirapénékélé ai tué muturaalu, i fo aseýóló muló beteraapó.

¹⁶ ‘I ala yóló kemetepa, Depit-né teyale be fisikó fóló moletei, e wóló yalo momó teyaalopó. Mepaae kelaa yóló doyale ọla ọlarapekélé fea yalo aleyóló mulaalopó.

¹⁷⁻¹⁸ Fisikóló momó teyaalopó dere fota, ti Juda meire fake so whiró mepaae dosani tukó fale so whitamó Talepaae wópóló teyaalopóló erapó.

Ti noatepae, ai ala eraalopóló ere Talené ama fo dokonótu ai ere ape.

¹⁹ Téréné yało kisipané kale ai Juda meire fake so whi Kótópaae tué tiki tiratepatei, dané atimapaee doasi sekei ala eraalo meipó.

²⁰ Atei ala ini, atima etei kaae ma fotei aseýóló dotęyaalopa sae. 'Kapala kótópaae moma yóló detere hupu ó na naqse. Mené so ó whi qlémi nokole alakélé, hupu ó na depamó képi duwóló sukuteretei nokole alakélé, na ó hupu samea nokole alakélé, mo yaqse,' yaalopó.

²¹ Ti noa betené dumipó. I fota, mo taketi Mosesné asere fo atima betere be huluarapemó yó melaté waletei, feané tuęrapó," yalepó.

²² Atéro, *apospel* whiraperó Keriso whi disirapetamokélé, mo Keriso so whikélé, fea betapaae touróló, atimakó whi tamo Antiok bepaee dotonaai sóró beteraai tale yalepó. Téró, kale so whiné Pol-ró Banabas-tamo atima fea fópóló Judas me doi Barsabas-ró Sailas-tamo sóró beteralepó. Ai whi tamota, ai bemó betó mole Keriso so whi dapesó fu betere whi tamopó.

²³ Téró, ai dotęyaaire whirapené só fópóló, i fo aseýalepó.

"Dá *apospel* whiró whi disirapetamota, diaaq norape i ape. Dá feané dię Antiok bemó Talepaae kisipa

tiró betere Juda meire fake norapepaaekélé, Siria hae kwiamó betó mole norapepaaekélé, Silisia hae kwiamó betó mole norapepaaekélé, mo doa kóleó, dapó.

²⁴ I dere fota, dakó mepaae whirape dię beterepaae wóló yale foné diaaq kisipa seke yalepó depa, dané wosalepó. Ti ai whirapeta, dá Keriso so whiné dotoréni, atima koleyaané dię beterepaae wóló, atimané kisipa mole fo ai ere ape.

²⁵ Norape-ó, até dere alamó dá fea betapaae touróló bitu, dakótei, whi tamo sóró beteroó, dané hosaa mole no Banabas-ró Pol-tamo yóo, yóló dię beterepaae ai dotonaterere ape.

²⁶ Ti ai whi tamota, dané Tale Yesu Kerisoné fo yó melaté kotepa atimaamo daqsóro wini, halaaainé Kótóné kutó diraté kotere whi tamopó.

²⁷ Térapa norape-ó, dané aseýale fo kaaetóro Judas-ró Sailas-tamoné kólónékélé yó melaalopa wosae.

²⁸ Dané tuénékélé, Dęi Kepe Wisinékélé, i ala kolóló mo wisirapóló kisipa moleteiné i fo betę dapa, wosae.

²⁹ Kapala kótópaae momatere hupu ó nakélé, Hupu ó na sameakélé, na ó hupu depamó képi duwóló sinitereteikélé, mené so nópu nokole alakélé, mo

yaqse. Atei alarape initepa, mo wisirapó. Diã fea mo doa kǒleó,” dapó.

³⁰ Téró, kale doteyale whjrape Antiok bemó sókó fóló, ai kale Keriso so whj mo fea betapaae touróló betó mupa, kale *fas* malepó.

³¹ Atéró, ai bemó betó mole Keriso so whjné ai *fas*-mó aseyle foné atima hosaa diriralepó.

³² Judas-ró Sailas-tamokélé, Kótóné kǒló whj tamó ereteiné Keriso so whj fotokǒrólo ketekę bulatere fo mo dekeró yalepó.

³³ Atétu betoró, atimaamo aimó betó mole Keriso so whjtamo mepaae be derape betalepó. Atéró, momó atimaamo dotonale Keriso so whj beterepaae fǒpóló dotonaaia duraalu, “Kótóné diaamo hosaa muni deyóló dua betere ala erǒpóló yae,” yóló dotonalepó.

³⁵ Atétepa, Pol-ró Banabas-tamo Antiok bemó bitu, atimaamonékélé mepaae whjrapenékélé, so whjpaee Talené fo yó melóo, Keriso so whjpaee Yesuné dere ala etérópóló yó melóo du betalepó.

Pol-ró Banabas-tamo tekeyóló fele fo

³⁶ Atétu betoró, nalo me sukamó Pol-né Banabas-paae duraalu, “Damo take folosóro Talené fo yó maté kweyale be huluarapepaae dané no nrape netéró betoró keleté kweyaaia faalopó,” yalepó.

³⁷⁻³⁸ Atéró, Banabas-né Jon me doi Mark-kélé, atimaamotamo faai yaletai, Pol-né a faalo meipó yalepó. Ti noatepae, take folosóro Pampilia bemó Talené kutó diraalopó yalemó, a hǒyóló atimaamo taaróló fesaae feleteinépó.

³⁹ Atimaamo atéró dóroi du betoró tekeyóló Banabas-né Jon-tei, me doi Mark dape sóro wejné boperó daaló betere hae kwia Saiprus-paae wej nukumó faai felepó.

⁴⁰ Tétepa, Pol-né atamo faaitere whj Sailas dape sóro atimaamo faaitepa, Keriso norapené duraalu, “Talené kǒlené sukutu, hale tao sere alané diaamo wisiyóló kaae tanǒpóló yae,” yóló dotonalepó.

⁴¹ Téró, atimaamo Siria hae kwiaró Silisia hae kwiatamo tuamó Kótóné betapaae touróló betó mole Keriso so whj fotokǒ bulaté felepó.

16

Timoti Pol-tamo fele fo

¹ Pol a Derbe be huluapaae fóló nalo Listra be huluamó sókó felemó, ai bemó Yesuné ala eró tare whj betá ama doi Timoti beterepó. Ama hamata, Juda fakekó Talepaae kisipa tiró betere sotei, alimata Krik fake whjapó.

² Ai Listra be huluamó betó mole Keriso noraperó Ikoniam be huluamó betó mole norapetamoné Timotita, Keriso whj wisinaalepóló dukirótu beterepó.

³ Pol-né Timotikélé ɔtamo kwɛyaai tuɛ muturaalu, Timotiné tiki sekaɛ tukópóló yalepó. Ti aita haɓe mei, Timotiné alimata Krik fake whípóló ai be hulua so whi feané kisipareteiné Juda fake dée nalaɔsóró yalepó.

⁴ Atima atéro, ai be huluarape dokɔ kuturaalu, Jerusalem bemó betó mole whi disiraperó *apospel* whirapetamoné Keriso so whiné wosóló, aɔmó beterópóló aseyaale fo dosɔyóló yó melaté felepó.

⁵ Atéro yó matere fo wose-turaalu, ai be hulua dokómó betó mole Keriso so whi Talené alamó fotokɔ bualepó. Até dere kilituraalu, mepaae haɓe betó mole so whi atima Talepaae kiswa tiraleta yaletéine be dɛtere dokɔ Keriso so whi fakeraté fu betalepó.

Pol-né nokenaró dere kaaené Masedonia whi kelale fo

⁶ Pol-ró ama fulumu whirapetamo Esia hae kwia-paae kale fo wisi yó melaté faɔsóró Dɛi Kepe Wisiné sesé depa taaróló, Frisia hae kwiaró Kalesia hae kwiatamomó maaté yó maté felepó.

⁷ Atéro, atima Misia hae kwiaró Bitinia hae kwiatamo ɔlémó sókó wóló, Bitinia hae kwia-paae faai yaletéi, Yesuné ama dotonale Dɛi Kepe Wisiné aipaae faɔse yóló sesé yalepó.

⁸ Atétepa, atima Misia hae kwia dekeróló Troas be-paae derepelepó.

⁹ Atéro, dikitamo Pol-né nokenaró dere kaaené Masedonia whikó wóló kema yóló turaalu, “Dɔ Masedonia hae kwiamó betó mole so whi tao sene ape,” yalepó.

¹⁰ Até dere ala kolóló, mo ai fapotóróti dɔ turukó horóló, kale Masedonia hae kwia-paae faairaalu, ɔla ɔla sisóló mulalepó. Ti noatepae, Kótóné mió wosetere kisi fo wisi Masedonia so whi-paae yó melale fópóló, dɔ dotɛtapóló kiswa mualepó.

Lidia Kótópaae kiswa tirale fo

¹¹ Atéro, dɔ faairaalu Troas bemó wɛi nuku sóró Samotres be-paae fóló, aimó fiyalepó. Téro ai hika ti dɔ Neapolis be-paae felepó.

¹² Neapolis be hulua taaróló Filipai be huluamó sókó felepó. Ai be huluata, kale Rom *Gayman*-né doasi topo be ereteine Masedonia hae kwia tuámó doi mulapó. Dɔ ai bemó betepa, mepaae be dɛrape kemeyalepó.

¹³ Sɔa nóló fo wosetere be dɛmó, dɔ ai be hulua bopéro betere tipi tɔpaae sókó fóló derepelepó. Atéro, tipi aɔró fole wɛi fókumó, Juda fake so whiné momaneta dere tiki kelaafelemó, mepaae sorapekélé, wóló betó mupa kelalepó. Atépa, dɔ doropóló, Kótóné fo yó melaairaalu kaae salepó.

14 Téró, ai yó matere fo wosetu betere sokó betané doi Lidiapó. Ai so ą Taiyatira be whı soné sonaai kuti mepaae so whıtamo dotonóló *moni* su beterepó. Ai so Lidia ąta, Kótó aqmó naameyóló dua bitu, Talené doi sóró horótu beterepó. Atére so Pol-né yó mótu betere fo wosópoló, Kótónétei ama hosaa feteralepó.

15 Atéró, kale sokélé, ątamo betámó betere ama fake so whıkélé, atima fea węi tópuralepó. Atéyale kılipaae kale soné ąpaae duraalu, “Diaaą tuénétamo ę Talepaae kisipa tiró beterańó depa, ti dią sawa be ąemó ętamo betaalopa ape,” yóló dirii fo depa ąa ama dere fo wosóló felepó.

Pol-ró Sailas-tamo dipula beterale fo

16 Me sukamó ąa mo-maneta dere tikipaae felemó, tumó betą wae sóró kutó diratere so seimale hokolaa yalepó. Ai sota, dowi kepené fotokratepa nalopaae yaaire ala kolóló i ala mo yaalopó dere fo mo dokonateremó doasi *moni* sóró ą teteróló kaae tare whırapepaae maleta dua yalepó.

17 Ai so seimalené Pol-sépi ąa sya wou fo fake yóló duraalu, “I whırape atimata, Mo ó Taoró daale Kótóné kutó diratere whırapeńó. Atimata dią mo ti aluyaqsóró tao saaire ala wisi i ape, yóló diąpaae yó matere whırapeńó,” yalepó.

18 Be ąetere dokó kale soné kale fo kaaetóro du betepa, Pol ą hótepa fetée wóló dowi kepe foné sóró duraalu, “Yesu Kerisoné doimó dapa, ya ai senaale tuámó betereitei taaróló sókó fae,” yalepó. Mo ai fo deretamotóro dowi kepe kale senaale taaróló sókó felepó.

19 Até dere ala kale senaale talerapené kilitu, atima take du betale kaae *moni* saai dere tu tikalepó kisipa mualepó. Téturaalu, Pol-ró Sailas-tamopaae doasi fopaae buóló atimaamo naasemó etęe sóró tawalepó.

20 Atéró, atima sóró betero betere whırapetamo fo tekaairaalu, so whı ąla dotonótua dere tikipaae felepó. Atéró Rom *Gavman*-né fo tokóló taleyópoló sóró betero betere whırapené keletómó daalóló duraalu, “Atimaamota, Juda whınétei ąané be hulua dorópoló disirótu beterańó.

21 Atimaamonéta, ąa Rom *Gavman*-né yaąse yóló fo muló betere fo tukóló i ala yae yóló yó mótu beterańó,” yalepó.

22 Téró, kale senaale talerapené dere alamó so whı mo fea atimatamo muni folo, Pol-ró Sailas-tamo só deratere fo du betalepó. Até du betepa, kale fo tokóló tale dere whırapené susupuraterere whırapepaae atimaamoné kuti sokóló biyané fokosói ala yae yalepó. Ti fo depa, atimaamoné deró betere kuti sorokóló taae faróló fokosoi ala yalepó.

23 Ai ala du beteró, *dipula* be kaae tare whiné naase tuapaae mulóló, apaae mo dirii fo yóló duraalu, “I whi tamo botokó faqsóró mo wisiyóló kaae tawae,” yalepó.

24 Téró, kale sekéné yale fo wosóló, a wituraalu kale whi tamo mo be ke tuá dolopaae beterale felepó. Atéró, atimaamo botokó faqsóró ni fake dolopaae hõleke tamo deróló dulalepó

25 Atéró bitu, mo dikitamo 12 *kilok* Pol-ró Sailas-tamo Kótópaae wole fo dere alaró momatamo deté fu betalepó. Atétu betepa, mepaae *dipula* bemó betó mole whirapené wosó tarepó.

26 Téyalemó, mo doakale wii bao wóló be tao sóró worerale tikimó, ai *dipula* be tukélé, hãletei turukwë fóló whirape dulótua yale *sein* képirapekélé, fea whaaló yóló hãle teraae felepó.

27 Atépa, kale *dipula* be kaae tare diki tare whi turukó holóló kelalemó, *dipula* be tu mo fea turukwë fóló mupa kelalepó. Atépa kilitu, ai whirape mo fea dapo dapo yóló fele nisi yóló ama sepakené aitei ama daai yalepó.

28 Até depa, Pol-né fo fake yóló duraalu, “Naaotei ya do-raai kisipa muaqse. Dãta, botokó feni, mo fea i betó mole ape,” yalepó.

29 Ti fo depa, kale diki tare whiné mepaae whirapepaae sa sóró ape yóló *dipula* be dolopaae fóló kelalemó, u ere alamó a Pol-ró Sailas-tamo

betere aqmó deraapisa fóló muni dere felepó.

30 Atéró, kale whi tamo dapesó fóló belamó daalo bitu, “Doa whi tamo-ó, e aluyaqsóró tao sópóló, noa alakó yaaloé?” yalepó.

31 Ti fo depa kale whi tamoné apaae tokó mótu duraalu, “Ya Tale Yesu Kerisopaae kisipa tiki feteyóló tiratepata, ti Kótóné yakélé, naao fake so whikélé, mo fea aluyaqsóró tao saalo ai ape,” yalepó.

32 Atéró atimaamoné Talené fo apaaekélé, ama bemó betó mole so whi feapaaekélé, yó melalepó.

33 Téró, mo ai dilikita-motoró kale whi atimaamo daale tikimó dowaléyale tiki weí fokoralepó. Atéró mo tétitoró kale whi akélé, ama naale senaale sokélé, mo fea weí tópuralepó.

34 Atéró, kale whiné Pol-ró Sailas-tamo ama bepaae dapesó fóló, ɔla melalepó. Téturaalu, kale seké akélé, ama naale senaalekélé, somakélé, atima fea Tale Kótópaae kisipa tiki tiróló bituraalu, hãiné sukóló hẽkese du betalepó.

35 Téró, hika be detepa, kale fo tokóló tale dere whirapené diki tare whirapepaae duraalu, “Kale *dipula* be kaae tare whipaae ai kale whi tamo fõpólópa, doteyae,” fo ene fõpóló dotonalepó.

36 Atéró wóló ai fo depa, kale *dipula* be kaae tare whiné Pol-ró Sailas-tampaae duraalu, “Kale fo

tokóló tale dere wh̄irapené diaamopaae dua wisiyóló fae yó ǎló betepa, diaamo fae,” yalepó.

37 Ti fo yaletai Pol-né ai wh̄irapepaae duraalu, “Damo kikiti sókó daaróló mo faalo meipó. Ti noa betené mei, damokélé Rom faketamo touróló doi betamó mole wh̄itei, diaaǎ damotamo fo tokóló wisiyóló taleni, hākeamó so wh̄iné keletómó damo hāle h̄oko doló sameatamo *dipula* beteralepó. Até yaletai damopaae kikiti sókó daalóló fae dere wisirapóló de? Ai ala wisinipa, mo atimatóró wóló damo sokotepa wisirapó,” yalepó.

38 Ai fo depa, kale diki tare wh̄irape fóló, topo wh̄irapepaae ene felepó. Ai fo woseturaalu, atima kisipané Pol-ró Sailas-tamo kae fake nisi yaletai, Rom faketamo touró betepapó depa, woseturaalu atima wiyalepó.

39 Atéró atimané Pol-ró Sailas-tamopaae dua naamei fo yóló duraalu, “Diaamo hāle f̄ópóló *dipula* sokotapa, i be hulua taaróló dua faasepe,” yalepó.

40 Atétepa, Pol-ró Salasitamó *dipula* be taaróló Lidiané bepaae felepó. Atéró fóló kelalemó, aimó Yesu Kerisopaae kisipa tiki tiró betere hamomarafe touró betepa kelalepó. Atépa atimaamoné atimapaee Talené ala tuamó diriyóló beterópóló, ketekę bulatere

fo du betero atimaamo felepó.

17

Pol-ró Sailas-tamo daai yalefo

1 Pol-sépi atima Ampipolis be hularó Apolonia be hularatamomó bosenóló, Tesalonaike be hularamó sókó felepó. Ai be hularamó Juda fake so wh̄iné fo wosetere be t̄enepó.

2-3 Téro, ai fo wosetere bemó Pol-né ama dua dere kaae *fula* sosemó maaté ǎ fóló Kótóné fo dos̄ayóló duraalu, Keriso susupu sóró suk̄aletei momó kepaa yalepó fo asemó eretei mó dokonóturaalu, ai yale ape. Ai fo yóló duraalu, yalo diapaae du betere wh̄i Yesuta, me kaae mei, Kótóné so wh̄i t̄eteróló kaae tan̄ópóló sóró betero betere Kerisomó dapó du betalepó.

4 Mepaae mo turó Kótó aomó sukóló betó mole Krik fo bole so wh̄i Pol-ró Sailas-tamoné dere fo mopóló kisipa mutu, atimaamotamo muni felepó. Até yale kaae, mepaae doi mole sorapekélé, mepaae tóróti Juda so wh̄ikélé ai alatóró yalepó.

5 Tétepa, Juda wh̄irape dei tuę muturaalu, so wh̄i ǎla dotonóló duputua dere tikimó, mepaae dowi ala du betere wh̄irape dos̄ayóló dape siré kwęyóló bóe dóló h̄ole sópóló sesemeratere fo yalepó. Atéró ai wh̄irapené kale wh̄i tamo so wh̄i feané keletómó s̄iyóló só faai, kisipa mutu Jeson-né be bopéróló

duraalu, “Pol-ró Sailas-tamo aimó betepa ipaae tóę derae,” yalepó.

⁶⁻⁷ Ti fo yalemó, kale seké tamo kilinitepa, Jeson-ró mepaae Keriso norapetamo şiyóló só fóló ai be hulua kaae tare topo whırape betere mó beterele felepó. Atéro betero betepa, so whıné fo fake yóló duraalu, “I hae kwia feamó kuturaalu, so whıné betere ala doraté kutu betere whırape mió imó wóló betepa, Jeson-né dape sóró firó betepapó. Téró, dané topo whı Sisané muló betere fo tukóló, tetéroóló daale topo whı me Yesupó du betepapó,” yalepó.

⁸ Ai fo dere woseturaalu, mo so whıkéle, doasi topo whırapekéle, atima fea ai dere fo bete kóló kóló duraalu, kae kae sekei kisipa mualepó.

⁹ Atéro, kale topo whırapené Jeson-sépipaae duraalu, dię dotęyaalopa *moniné* dupu yae depa, atima fópóló dupu yalepó.

Beria bemó yale ala

¹⁰ Téró, até yale dikitamo kale Keriso norapené Pol-ró Sailas-tamo Beria bepaee fópóló dotonalepó. Atéro atimaamo ai bemó sókó fóló Juda whırapené fo wosetere bepaee felepó.

¹¹ Beria whırape atimané dere alata, Tesalonaika whırapené dere ala kaae ini, atimata mo kisipa mulu wisi ala dua yalepó. Beria

whırapenéta, Pol-ró Sailas-tamoné yó mótu betere fo wosóló mo doasi heketamo ketekę buóló i ala dua yalepó. Atimaamoné yó mótu betere fo dono démóló kaae kelaai, betere dokę Kótóné fo mole asę keletétóro fu betalepó.

¹² Téró, kale Krik fo bole whıraperó Juda so whırapetamo mo turó Talepaae tuę tiralepó. Mepaae doi mole Krik so-rapekéle, téyalepó.

¹³ Téró, Tesalonaika bemó betó mole Juda whıné Pol-né Kótóné fo Beria bemó yó mótu betepapó dere fo woseturaalu, atima Beria bepaee felepó. Atéro, fóló Beria so whıné Pol-ró Sailas-tamopaae fopaae buópóló sesemeratere fo du betalepó.

¹⁴ Atei fo wosetu, mo ai fapotóro mepaae Keriso norapené Pol weı fóku seseke fópóló dotonalepó. Téyaletei, Sailas-ró Timoti-tamo ai Beria bemó beterepó.

¹⁵ Atétepa, Beria whıné Pol dapesó fóló, Atenis bemó dotęyóló atima momó fesaae faaitepa, Pol-né Sailas-ró Timoti-tamopaae ę beterepaae hapale ape yae yalepó.

Pol Atenis bemó betale fo

¹⁶ Téró, Pol ai Atenis bemó kale whıtamo kaae taru, ai be huluamó whıné aleale kapala kótórape haę ęla kaae yó mupa kilitu, ama kisipa tiki mo doasi seke yalepó.

¹⁷ Até dere ala kilitu, ę Juda whıné fo wosetere bepaee fóló bituraalu, mepaae Juda

so whj́ró mepaae Kótópaae winé sukutu, dua betó mole Krik so whj́tamo atima ai alamó fo kęlaaraleta du betalepó. Téturaalu, mepaae aimó touróló ęla dotonótu betere so whj́tamonékélé be dę dere dokọ fo kęlaaraleta du betalepó.

18 Ai be huluamó, doasi kisipare fake tamo Epikurian fakeró Stoik faketamo beterepó. Atépa, Pol-né kale mió wosetere kisi foné Yesu ę mo ti sukęletei momó kepaayóló beterapóló yó melóo, ępaae kisipa tiki tiratere so whj́ ę kepaatu yale kaae kepaayaalopóló yó melóo, du betalepó. Atéro yó matepa, ai kale fake tamoné ętamo fo tokóló só deraai kaae salepó. Ai fakerapekó mepaaené duraalu, hoko fo du betere whj́né noa fokó yaai du bitu derópó yalepó. Mepaaené duraalu i whj́néta dę kisipa inire kótóné fo eraai derópó yalepó.

19 Tétu beteró, kale Areopakus fake touręleta dere tikipaae atimané Pol dapesó fóló beteró bitu, ępaae woseturaalu, naao so whj́paae ai yó maté kutu betere kisi fo dęmale kisipa yaaipa yae.

20 Naao dere fota mo wosókélé ini, kisi fo depa dapa, ai foné bete dępaae hękearóló yó melaasepé yalepó.

21 Atenis be whj́ró mepaae be torókóló wóló betó mole whj́rapetamo atima suka fea mepaaekélé feni, mo hęle betó taru atimané kae kisi

ala yaairaalu dere fokélé yóo, wosókélé yóo, du beterepó.

22 Atépa kale Areopakus whj́rape touręleta dere tikimó, whj́rape betere kuamó Pol ę disó holóló duraalu, “Ti Atenis be hulua whj́-ó, dięta, betere dokọ mo wisiyóló moma yó tare whj́ betepa, yęlo kelalepó.

23 Dię betó mole tuamó ę kuturaalu kelalemó, diaaę moma dere kapo fakemó etei kaae fo aseýóló muló beterepó. ‘Ita, dęné kisipa inire Kótópaae moma dere kane fakepó,’ erepó. Ti diaaę ę derópóló kóló kóló irutei, ę aomó dua bitu, momatere Kótó diępaae i yó matapa wosae.

24 Ai Kótóta, i haeró haemó yó mole ęla ęlatamo fea ama alerapó. ęta ó sęró i haetamoné Tale bitu, ęla ęla fea ama tęteróló kaae tarapó. Térené ęta, mo whj́né naaséné tętere moma dere bemó bitinipó.

25 Kótóta Tale betera, ę mepaae ęla ęla yęętepa, dęné tao sóró manére? Dę so whj́ beteró betere foró fea ęla ęlatamo dęmó hęle mótu betera.

26 Mo take betę whj́nétei, i hae kwia feamó betó mole so whj́ deteyóló fake firópóló Talené ai whj́ aleyalepó. Téturaalu, atima betaaire hae kwiarapekélé, atima betaaire ba fo alikélé, mo fea amatei tukóló muló betera.

27 Kótóné atereitei hęle ini, so whj́né ę kekóló kolópóló kisipa muturaalu erapó.

So whinė ą kelaai keteke butupa, ti mo kelaalo ai ape. Aąa da so whi betere tiki saletópaae bitini, da fea betere felekemó ai betere ape.

²⁸ Ti noatepae, da betere beteta ą tuąmótóró muluraalu, ama da fotokọ eratepa beteraó. Dią mepaae fo doląaterere whirapené duraalu, 'Daąa, ama naale senaale beteraó.' fo aseyóló muló beteraó.

²⁹ Téreteiné, whinė naasené aleyóló muló betere *kold kapané ó silpa kapané ó* kaprapené aleale ọlapaaetei, noatepa kótópó du bitu de? Ti Kótóta, whinė kisipa fosó fosóre alané aleyóló muló betere ọla kaae aąnıpó.

³⁰ Take betale alimó mokọleyaa yóló bitu du betale alamó, Kótóné kwia tokọ meniıpó. Atétu betaletei mió Kótóné mo doakale fotokọi fo yóló mulóturaalu, hae kwiamó betero fale so whi mo feané du betere dowi ala taaróló, tuę tiki feteyóló betae fo eraó.

³¹ Ti noatepa meıpó. Beta sukamó Kótóné ama sóró daaló betere whinė so whi mo feané yale ala mo dono tale yópóló ai be de ama tukóló kae muló beteraó. Até yaairaaalu, ą haę whi nisi yaąsóró so whi feané kisipa yópóló ą mo ti sukąletei momó kepaaróló beteralepó," yalepó.

³² A kepaayóló beteraó dere fo woseturaalu, mepaae so whinė faleylóló kae kae

fo yaletei, mepaae so whinė duraalu, "Naao ai dere fota, me be demó diriyóló wosaalopó," yalepó.

³³ Ai fo depa, Pol ą fo tale dere tiki taaróló felepó.

³⁴ Beta beta whi Pol-né yó matere fo mopóló wosóló tuę tiki tiralepó. Atima kuamó kale Areopakus whikó Dionisius-ró beta so Damaris-tamokélé, Pol sya wóló, Talepaae tuę tiki tiralepó. Mepaae so whikélé tuę feteyóló tiralepó.

18

Korin bemó yale ala

¹ Atéro kilipaae, Pol Atenis be hulua taaróló, Korin be huluapaae felepó.

²⁻³ Téro, aimó Juda whikó Pontus bemó deyale whi Akuila betepa kelalepó. Ai sekęta mo dóti Rom *Gavmané* doasi whi Kaladias-né Juda fake terekenatepa ą ama soma Prisila-tamo, Itali hae kwia taaróló walepó. Atépa, Pol ą ai soró whıtamo beterepaae felepó. Akuilaró soma Prisila-tamo be tetere kuti dokotere soró whıtamo betepa, Pol ąkélé ai kutó kisipa ereteiné atima fea betámó bitu, ai kutó diyaa yalepó.

⁴ Atéro, Pol ą fo wosaae tukóló muló betere be de dokọ fea Juda whirapené fo wosetere bepaae fóló, Juda so whiró Krik so whıtamo fea betaąpaae touróló bitua yalepó. Atéro bitu Talené alamó fo tiki kęlaaróló, Pol-né ama dere ala sya wópóló

kisipa muturaalu, Talené ala haķearótu betalepó.

⁵ Téró, Sailas-ró Timotitamo Masedonia hae kwia taaróló Korin bepaee wapa, Pol a kae kae kutó taaróló, Kótóné fo yó matere ala beta yó tawalepó. Pol-né Juda fake so whıpaee etei fo yó mótu betalepó. “Yesuta mo haķe whı mei, Kótóné so whı fea teteróló kae tanópóló, sóró daaló betere whıpó,” du betalepó.

⁶ Téyaletei, Juda whırapené Pol-né yó matere fo atima kae foné teteróló a doka doka yóló eratere fotei du betalepó. Atétepa, Pol a turukó holóló ama kuti terepetu duraalu, “Diaaķ dowi ala tokóló aluraaire fo wisi depatei, diķ wosetere hō dapó. Take diķ doasi seķei ala supa ti ai yaķo mei, diaaķ yale alanétei diķ alu yaalo ai ape. Térené mió eķ Juda meire fake so whı beterepaee kale fo wisi yó male fulapó” yalepó.

⁷ Téró, Pol ai fo wosetere be taaróló ai felekemó betere whı Titius Jastus-né bepaee felepó. Ai seķeta, Kótópaee doasi wituraalu, aqomó dua sukóló betere whıpó.

⁸ Téró, Juda fakené fo wosetere be kae tare topo whı Krispas-kélé, ama somakélé, naale senaalekélé, atima fea Yesupaee tuē tiki feteyóló tiralepó. Ai seķéné mepaae Korin bemó betere so whıpaee Talené fo yó male tikimó atima mo fea tuē tiki feteyóló tiratepa, weı tópurótua yalepó.

⁹ Beta dikitamo nokoné dere kae Talené Pol-paae duraalu, “Ya wiyóló dua haķe betaķse. Halaainé daalu, kale fo wisi yó matere ala haķe yó tawae.

¹⁰ Ti noatepae, eķa yaķtamo betańmó betereteiné me whıné yaķpaae me dowi ala eróló doraalo meıpó. Ai be huluańmóta, eķpaae kisipa tiki feteyóló tiraaire so whı betereteiné atima feata yaķo so whıpó,” yalepó.

¹¹ Talené aķpaae ai fo depa, Pol ai bemó Kótóné fo yó mótu betepa, ba fo betaķ kemeyóló me ba foné wélié apo miró kemeyalepó.

¹² Kaliota Akaia hae kwia teteróló kae tanópóló Rom *Gayman*-né sóró daaló betere whıpó. Ama atéro kae tapa, kale Juda so whı mo fea touróló Pol-tamo fopaae buturaalu fo tokóló só deraai dapesó wóló beterallepó.

¹³ Atéro, daapa Pol só deraai Kaliopaee duraalu, “I whınéta so whıpaee Kótópaee momaturaalu, etéro yae yó mótu, kale aķemó ere fo tukóló kópaee fópóló dere fotei du beterańpó,” yalepó.

¹⁴ Atei fo depa, Pol-né atimapaee tokó matere fo yaai yalemó, Kalioné Juda so whıpaee duraalu, “Ti i whıné *Gayman*-né muló betere fo tikitere ala ó mepaae sawa haķókó fole ala uaķóró, ti diķané dere fo wosóló fo tokóló tale uaķó.

¹⁵ Téretei, diķané eķpaae wosene wouraalu, haķe fomó ó doi deremó

maatépó dereteita, diã Juda wh̄irapené yóló muló betere fopa, diãsisitei tale yae. Atei alamó yało diãné dere fo taleyóló eraalo meipó,” yalepó.

16 Ti fo yóló, atima ai fo teketere bemó betereitei belapaae hókó faralepó.

17 Ai kale fo tokóló taletere be belamótei kale so wh̄iné fo wosetere be kaae tare wh̄i Sostenes tawóló fokosói ala yalepó. Atétepa, kale kaae tare wh̄i Kalioné ai dere alamó fo mekéle ini, hałe ọla nisiyalepó.

Akuila, Prisila, Apolos-sépi atimané yale ala

18 Pol ą Akuila-sépi somapiti atima ai Korin bemó be đerape dekéro betalepó. Take ama Tale Kótópaae yóló mulótu duraału, yało topo niki mió folo hapale tikaalo meipóló mulalepó. Atéro yóló mulale be đe kemetepa, ama topo niki Kenkria bemó tikalepó. Atéro atima faai furaalu, Keriso no nerapepaae kọleó yóló Akuila-ró Prisila-tamokélé atima fea weı nukumó Siria hae kwiapaae faai felepó.

19 Atéro, atima Efesus bemó sókó fóló, ai bemó Prisila-ró Akuila-tamo betepa taaróló, Pol ą maaté Juda fakené fo wosetere bepaae fóló, Juda wh̄irapetamo Talené ala etéropóló du betalepó.

20 Ai fo woseturaalu, kale so wh̄iné ąpaae ya đatamo

betaalopó depatei, ą fulapó yalepó.

21 Atéro, ą faai Juda so wh̄ipaae kọleó yóló duraału, “Me sukamó Kótóné ę diã beterepaae wópóló te mulatepa, ti momó fesaae wonérapó,” yalepó. Ai fo yóló kale seké Efesus be taaróló weı nukumó felepó.

22 Teyóló, Sesaria bemó sókó fóló ai be taaróló, Jerusalem bepaae holóló Keriso so wh̄ipaae kọleó deté Antiok bepaae derepelepó.

23 Ai bemó mepaae be đerape betéro, nalo Antiok be taaróló, Kalesia hae kwiaró Frisia hae kwiatamomó te mole be hulua dokọ feapaae felepó. Atéro kuturaalu, Yesuné ala du betere so wh̄irape diri yóló betéropóló ketekę bulatere fo deté kweyalepó.

24 Pol ą até deté kutu betepa, betą Juda wh̄ikó Aleksandria bemó deyale wh̄i Apolos Efesus bemó sókó walepó. Ai sekéta, *skul* yóló kisipare wh̄i betereiteiné Talené ašemó ere fo mo wisiyóló kisiparapó.

25 Apolos take mené Talené ala etéropóló ąpaae yó matepa, kisipa iruraalu yó mótu betalepó. ąta, Jonné weı tópuratere alamaaté kisipa epatei, Yesuné yale ala mo doakale ketekę buóló so wh̄ipaae mo donotóro yó mótu betalepó.

26 Téro, ą Juda wh̄irapené fo wosetere bepaae fóló mo halaainé kaae sóro yó matere

fo Akuila-ró soma Prisila-tamoné wosalepó. Atétu, mepaae fo bete aḗaae mo wisiyóló yó melaairaaalu, atimaamoné bepaae dape salepó. Atéro bituraaalu, Kótóné fo bete tokóló yó mótu betalepó.

²⁷ Atétu beteró, nalo Apolos Akaia hae kwiapaae faai depa, Efesus Keriso so whiné a ketekę bulatere fo, Akaia Keriso so whiné a mo wisiyóló dape sópóló, fea fo aseḡyalepó. Atéro, ai ase sóró weḡ nukumó fóló malemó, tuę tiki tiró betere so whiné a mo wisiyóló dape salepó. Aimó bituraaalu, Kótóné kolené sukutu tao supa, aḗaae tuę tiki tiratere so whḡ Apolos-né doasi tao sere ala du betalepó.

²⁸ Apolos-né Yesuta haḡe whḡ mei, Kótóné so whḡ teteróló kaae tare whḡpóló tuę yópóló, Juda so whḡ feané keletómó Kótóné aseḡó ere fo yó mótu betalepó. Atéro yó mótu duraalu, “Yesuta, da fea teteróló kaae tanópóló, Kótóné sóró beteró betere whḡpó,” yalepó. Atéro, yó male foné Juda whḡrapené yó matere fo teteralepó.

19

Pol Efesus bemó Kótóné fo yó maletei

¹ Atéro, Apolos a Korin bemó betepa, Pol a du sorokó mole haemó fu beteró Efesus bemó sókó felepó. Aimó, mepaae Talené ala erótu betere whḡrape betó mupa kelalepó.

² Atépa atimapaae duraalu, “Diḡ Yesupaae tuę tiki tirale sukamó, Deḡ Kepe Wisi saleé?” yóló wosalepó. Tétepa aḗaae tokó mótu duraalu, “Meipó. Da ai Deḡ Kepe Wisi beterapó fokélé wosenipó,” yalepó.

³ Ai fo depa, Pol-né atimapaae momó woseturaaalu, “Ti diḡ noa kaae ala yóló weḡ tópualeé?” depa atimané duraalu, “Daḡa, Jon-né weḡ tópurale kaae yóló tópuralepó,” yalepó.

⁴ Ai fo depa, Pol-né duraalu, “Jon-né weḡ tópurale alata, dowi ala taaróló kisipa feteyóló wale so whḡ tópurótua erapó. Atéro, weḡ tópurótu duraalu, ‘E wale kḡlipaae beta sekę whḡ waalopa, diaaḡ dowi ala taaróló, ai whḡpaae kisipa tirae. Ti ai whiné doita, Yesu ai ape,’ ” yalepó.

⁵ Atima fea ai fo wosóló, Tale Yesuné doimó weḡ tópualepó.

⁶⁻⁷ Atéro, Pol-né atima tikimó naase mulalemó, kale Deḡ Kepe Wisi atima tuḡpaae biḡ wóló fotokḡratepa, kae kae be foné yóo, Kótóné kóló whḡrapené dere fo kaae yóo, du betalepó. Ai weḡ tópurale whḡrape touróturaaalu, 12-rópó.

⁸ Téro, Pol a Juda fakené fo wosetere bepaae fóló mo ha-laainé daalu yó mótu betepa, wélié sore kemeyalepó. Atéro, ai be whḡ so whḡpaae Kótóné teteróló daale aḡmó mole ala mopóló kisipa

muópoló, diriiné wisiyóló yó mótu betalepó.

⁹ Téyaletei, mepaae so whi Pol-né yó matere fo wosaalomeipóló dowaae furaalu, haķeamó Yesu Kerisoné ala eraterere fotamo bóe dóló faletu betalepó. Até depa, ai fo wosetere be taaróló Yesuné ala eraterere whirape maaté dapesó fóló, Tiranus-né doasi be dolomó, betere dokó fea kale fo wisi bete tokóló ķęlaarótu betalepó.

¹⁰ Atétere alata, ba fo tamo tuamó bituraalu, du betalepó. Atéró, yó mótu betale tikimó Esia hae kwia tuamó betó mole Juda so whikélé, Juda meire fake so whikélé, mo fea Tale Kótóné fo wosalepó.

¹¹ Kótóné Pol fotokoratepa, mo kae kae kelemei alarape erótu betalepó.

¹² Até dere ala kilituraalu, mepaae kisi daale so whiró dowi keperape tepeyóló betó mole so whirapetamo wisirópoló kisipa mutu, kęanaterere kutiró fosono heleķetere kuti kwiatamo só fóló, Pol-né tikimó wolaa yó seneta yalepó. Atéró, ai kuti só fóló kale hepo daale so whiró dowi kepe betere so whitamóné tikimó olaa dua depa, hepo wisi yóo, dowi keperapekélé sókó fóo, dua yalepó.

¹³ Atéró, mepaae Juda whirape atimanékélé, kale dowi keperape tepeyóló betó mole whirapepaae duraalu, “Pol-né yó mótu

betere whi Yesuné doimó yalo yapaee dapa, ya whi tuamó beteretei, taaróló sókó fae,” dua yalepó.

¹⁴ Téró, Kale Juda whikó so whimó Talepaae momaraterere topo whi Skipané naalemarape weķeró beterepó. Ai naalerape atimanékélé, atei kaae ala du betalepó.

¹⁵ Ai ala du betalemó, betę sukamó i ala yalepó. Kale whiné tiki tuamó tepeyóló betere dowi kepené atimapaee tokó mótu duraalu, “Yesuró, Pol-tamota, yalo tuęrapa, dię deé?” yalepó.

¹⁶ Ai fo yóló, kale dowi kepe tepeyóló betere whi kale naalerape tikipaae tuwó horóló, dekei ala yalepó. Atéró mo ti dóló sininóló, kale weķeró whirape atima kutikélé fea sorokóló taae fatepa, sameatamo belapaae tiki daapi hęle sókó fóló, botokó dapo dapo yalepó.

¹⁷ Até yalepó dere fo kale Efesus bemó betó mole Juda so whiró Krik so whitamóné wosetu, atima winé sukóló Tale Yesuné doi hale sóró horótu betalepó.

¹⁸ Até deremó, mepaae mo dekéro so whi Yesupaae kisipa tiki tiróturaalu, atimané take du betale dowi alarape so whi feané keletómó Talepaae yó mótu betalepó.

¹⁹ Téturaalu, atimané kale hupu sekaęmó isi whirapené dere ala aseyóló muló betere buk-rapemó mole ala sya fu betere whirape atimakélé,

mo fea wóló, ai *buk*-rape sóró wóló so wh̄i feané keletómó si bilir̄leta du betalepó. Ai *buk*-rape dupuyale *moni* dokó sóró, 50,000 *silpa kapa moni* né dupuyalepó.

²⁰ Ai alarape yóló, so wh̄i fea Talené fo wosóló fak-eróturaalu, hae kwia feapaae ama fo doasi fotokó mo s̄urallepó.

²¹ Atéyale k̄lipaae Pol a Masedonia hae kwiaró Akaia hae kwiatamo tuamó t̄eyóló Jerusalem bepaee faai yalepó. Atéró, fóló nalo ti a u Rom be huluapaae faai kisipa mualepó.

²² Téró, Pol tao sóró kutó ditere wh̄i tamo Timotiró Erastus-tamo Masedonia hae kwiapaae f̄ópóló dotonalepó. Atéró Pol ama wotoró Esia hae kwia tuamó sawa sukamó kutu beterepó.

*Efesus bemó Talené ala er-
atere wh̄itamo b̄oe dale fo*

²³ Atéyale sukamó, mepaae mo so wh̄irapené Tale Yesu Kerisoné ala eratere so wh̄itamo dei kisipa mutu, kae kae eratere fo yóló b̄oe daai kae salepó.

²⁴ Ai be huluamó *silpa kapa*né ɔla ɔla aletere wh̄iné doi Demitrias beterepó. Ai Efesus be huluamó kapala kótó Artemis-paae moma dere be doasi t̄enapó. Kale wh̄i Demitrias-ró mepaae mo bet̄a kaae kutó ditere wh̄irapetamoné *silpa kapa*-nétei, kapala kótó so Artemis s̄uróló, belek̄atiki aleyóló mepaae mo so wh̄itamo

dotonóló doasi *moni* sua yalepó.

²⁵ Kale wh̄i Demitrias-né ama dere ala kaae du betere wh̄irapekélé, mepaae bet̄a kutónétei, kae kae kutó ditere wh̄irapekélé, tour̄ale ape yóló duraalu, “Norape-ó, ɔané doasi *moni* sere alata, ti i Artemis kótó s̄uróló aletere ɔlané seretei diaaɔ ai kisipa ere ape.

²⁶ Kale wh̄i Pol-né i so wh̄i mo fea k̄opaae f̄ópóló kisipa mutu, mo dere nisiyóló wosópóló i fo yalepó. Wh̄iné naasené aletere kótórapeta, mo kótó meipó yale fo diaaɔ wosóo, ɔiané kolóo, ai yale ape. Ai fota, ɔa Efesus be hulua so wh̄ipaae maaté ini, Esia hae kwia tuamó betó mole so wh̄i feané ai wosalepó.

²⁷ Pol-né ai dere foné ɔa *moni* sere kutómó maaté dumitei ɔané fo wosetere bekélé, doasi kótó Artemis sokélé, so wh̄i feané bete muni h̄ale ɔla aɔróló dorópóló ɔapó. Take Esia hae kwiamó betó mole so wh̄inékélé, i hae kwia feamó betóló fale so wh̄inékélé, ɔané kótó so Artemis aɔmó sukóló bitu, aɔpaae bet̄a momatua yaletei, mió Pol-né dere foné ɔané kótó soné doi doróló folokole eraai ɔapó,” yalepó.

²⁸ Atéró dere fo wosetu-raalu, so wh̄i fea mo dowi fopaae buóló fo fakeyóló duraalu, “ɔa Efesus be hulua wh̄iné kótó so Artemis-ta doasi fotokó bole kótó wisinaalepó,” yalepó.

29 Téró ai be huluamó betó mole so whinė dei tué mutu mo doakale fo whaa du betalepó. Atéro Masedonia be hulua whi tamo Kaius-ró Aristarkus-tamo Talené fo eratere Pol-tamo wóló betepa, whirape fea fóló kale whítamo sýyóló só walepó.

30 Atéro kale whi tamo tawóló daaló betere tikipaae Pol akélé faai yaleteti, mepaae Yesuné ala eró tare norapené sesé yalepó.

31 Ai maaté mei, mepaae Esia hae kwiamó doasiné kuto derópóló sóró betero betere Pol-né ama fulumu whirapené apaae so whi touró betere tuapaae faqse yalepó.

32 Atéro touró betere so whi atima ai wóló betere bete atima kisipa ini, kóló kólóiné betó molepó. Atéro betó muluraalu, mepaaené dere fo kae, mepaaené fo kae du betalepó.

33 Atétu betepa, Juda whirapené Aleksanda-paae naao diriyóló fo ene fae yóló tété fóló so whi touró betere tikimó daarale felepó. Atéro fo yaairaaalu, ama naase horaleteti so whiné kisiparutei a ta bóe dele ala kaaraterere whi nisi yalepó.

34 Téyaleteti, nalo atimané a kelalemó Juda whipa kisipa kilitu, fo fakeyóló duraalu, “Dané Efesus be hulua so whiné doasi fotokó bole topo kótó so Atemis-póló,” hale detétóró fu betepa, suka kele tamo kemeyalepó.

35 Atétu beteró, betá Gavman-né aseterere kutó

dirópóló beteró betere whi, so whi kuamó turukó holóló duraalu, “Ti Efesus so whi-ó, Efesus be hulua so whiné kótó so Atemis-ró ama momaterere betamo teteróló kaae tatere alata, ti i be hulua so whiné eretei, hae kwiamó betó mole so whi mo feané kisiparapó. Ai kótó Atemis so suróló aleale kane faketa, ó hepen-mó i bepaae dorowale ala kisipa inié?

36 Ti aita, mené kapalapóló doraaire ala meipa, diá so whirape bóe dóló hqle sere ala hapale kilitaróló ini, dua betae.

37 Diané ai dapesó wóló daaló betere whi tamota, dané momaterere bemó mole q la q la qlémi sóró ó kótó so Atemis doraterere fokélé inipatei, diaaq hale dapesó wóló daaló ai betere ape.

38 Demitrius-ró ama betá kutó diterere whirapetamoné mepaae whi só deraai kisipa mutepa, ti Gavman-né fo tokóló talerópóló sóró beteró betere whirape ai betó mole ape. Ti Gavman whirapeta, ai ala yópóló sóró daaló betera póló.

39 Motamo fo mekó yaai kisipa mutepa, ti dané tukóló muló betere be demó yaalopó. Ti noatepae, dané yóló mulale fo sya furaalu, ai ala yaalopó.

40 Atei kaae doasi bóe dóló foya dere alamó Gavman whirapené dapaae doasi sekei ala eraalopó. Atéterere alamó Gavman-né mo doasi fo mupatei, dané tukóló ai du

betere ape. Atimané dapaee ai fo noa betené du bitu de? depa, dané yaaire fo meipó,” yalepó.

⁴¹ Kale ai *Gayman*-né kutó diratere whiné ai fo yóló kemetepa, atimapaee fae yalepó.

20

Pol Masedonia hae kwiaró Krik hae kwiatamopaae fele fo

¹ Téró, kale so whi fo tiki whaa du betaletai kemetepa, Pol-né Yesuné ala erótu betere whirape tao sóró fotokó bulóló diri eratere fo yalepó. Atéró atimapaee kóló yóló, a Masedonia hae kwiapaae felepó.

² A ai hae kwia tuamó Keriso so whi keteké bulóló fotokóratere fo dekeró yó melaté fóló nalo kemene furaalu, Kirik hae kwiapaae sókó felepó.

³ A ai bemó betepa, wélié sore kemeyalepó. Atéyóló nalo ti a wei nukumó Siria haepaae faai yaletai, kale Juda whirapené a daalopó dere fo woseturaalu, taaróló momó Masedonia hae kwia-paae hae tumó faai yalepó.

⁴ Atéró faairaalu, Beria whikó Pirus naalema Sopatakélé, Tesalonaika whi tamo Aristarkus-ró Sekundus-tamokélé, Derbe whikó Kaius-kélé, Timotikélé, Esia hae kwiaró wale whitamó Tikikas-ró Tropimus-tamokélé, atima atéró felepó.

⁵ Téró, ai kale whirape atimapi fóló, Troas bemó Pol-sépi da kaae tawóló beterepó.

⁶ Atéró da Juda whirape atimané mara mole ala sya furaalu, fopei *bred* o bula yóló ọla detere be de kemetepa, wei nuku sóró Filipai be taaróló, Troas bemó mepaae whirapetamo hokolaa yaai furaalu, nuku tómó aporó diki fité felepó. Téró, da fea touyóló Troas bemó weikeró be de betalepó.

Troas bemó Yutikus kepaarale fo

⁷ Atéró *fula* kaae sere be demó, da so whi fea ọla naairaalu betapaae touróló betó mupa, Pol-né ai so whipaae fo yó maté fu betepatei, be mo ti dikiralepó. Hika be detepa a ai be taaróló me bepaae faai kisipa muturaalu, dilikitamokélé hale yó maté fu betalepó.

⁸ Da touróló fo yó mótu betere siki be kemó, sa hale ọla kaae wolée molepó.

⁹ Aimó betá kokopei whi ama doi Yutikus-ta, de sókó wópóló muló betere tumó bituraalu, Pol-né yó mótu betere fo wosó tarepó. Pol-né ama yó matere fo mo fọlo sýóló yó maté fu betepa, kale seké noke kelené sukutu betalepó. Atéturaalu, kale whi dukó fóló, biliyó salepó. Atéró biliyó saleteita, tamo be ke teraae horóló, sore be kemó yalepó. Téró kale whi biliyó sóró mupa da doropóló kelalemó, sukóló molepó.

¹⁰ Atépa, Pol a doropóló Yutikus-né bopé tómó de-raapisa fóló mulu, ama naasené apuó sóró duraalu,

“Turukó holaaitei kapala asiri ai firapa whaaliala ekese,” yalepó.

¹¹ Téró, Pol ó siki be kepaee momó holóló atima *bred* o kolokóló alyóló nalepó. Atéro, kale sekéné fo momó yó maté fu betero, be detepa hika a felepó.

¹² Kale kokopei whi Yutikus momó kepaayóló betepa, whirapené bepaee dapesó fóló atima hosaa muni deyóló hajyóló betalepó.

Pol a faairaalua Efesus Keriso whi disirapepaee koleo yale fo

¹³ Atéro mepaae whirape dapi folosóró weí nukumó Asosi bepaee faai felepó. Polné dapaae atéro fae yóló, datamo Asosi bemó hokolaa yaairaalua, a hae tumó felepó.

¹⁴ Da atamo ai Asosi bemó hokolaa yóló a nukupaae dape sóró, Mitilini bepaee felepó.

¹⁵ Téró da aimó fiyóló, hika ti weí nukumó weiné boperó daaló betere hae Kios dekeróló felepó. Téró diki me nuku tómó fiyóló ai hika ti da tuamó tukóló fóló Samos hae felekemó epa deró dekeróló felepó. Téró, diki mekélé kale dere kaae nuku tómó fiyóló, ai hika ti da Miletus bemó sókó felepó.

¹⁶ Atéro Pol a Esia hae kwiamó kutu betepa suka kele kemeyaqsóró, Jerusalem bemó *Pentikos* be demó dere ala kelaai a ai Efesus be bosenóló mo hapale faai kisipa mualepó.

¹⁷ Atéro da Miletus bemó sókó fóló bituraalu, Efesus Keriso whi disirapepaee a beterepaee tourale ape, yó faralepó.

¹⁸ Atima atéro dorowóló betó mupa, atimapaee duraaalu, “Eta, Esia hae kwiamó folosóró sókó wale sukamó kaae sóró wóló, diatamo betamó bitu yale alarape feata, ti dia feané kisiparapó.

¹⁹ Eta, so whi aomó dua sukóló bituraalu, Tale Kótóné ama kutó betá mo keteké buóló, wole kaapetamo du betalepó. Atéteremó, Juda whirapené e daairaalua kemei fo dokotu betaleteita, ai alané e noa kaae whi betereró su sóró kaae kilitu yalepó.

²⁰ Atépaitei, Kótóné dia tao saaire fo wisi yalo hiréni, e mo hakeamó daalukélé, diané be dokó dokokélé, Talené fo dia tué yópóló yó mótua yaleteti, dia feané kisipa ai ere ape.

²¹ Juda so whipaaekélé, Kirik so whipaaekélé, diané du betere dowi ala taaróló, Tale Yesupaae kisipa tiróló mo dua betae yóló hakearóló ai yó male ape.

²² Térapa, mió kale Dei Kepe Wisiné Jerusalem bepaee seyóló dapesó fóló betepa, epaae noa alakó eraaloró e tuenipó.

²³ Be hulua dokó fea fo yó maté kotopa, kale Dei Kepe Wisiné epaae duraalu, sekei alaró *dipula* beteratere alatamo yapaae eraalo ai ape yale fo betá yalo kisiparapó.

²⁴ Atérené, e sukaqsóró yalo

tó tikimó wiyaalo meipó. Tale Yesuné epaae dirae yóló male kutó betá diróturaalu, so whipaae Kótóné dapaae yaala sókó furaalu, hãle tao sere fo wisi betá yó maté fóló tukóló muló betere dalemó sókó faai dapó.

²⁵ Mió yalo kisipa fatepa, Kótóné tetéróló daale aomó mole ala diã tué yópóló yalo yó matepa, wosetu betale whirape diaaõ yalo kelepaa momó kae kelaalo meipó.

²⁶ Térené yalo diãpaae hãkearóló i dere ape. Mió i alimó diã tuãmó whi me dené i fo wisi taaróló dowi ala ene fupa, ti aita, epaae kwia muni diaaõtei ai ape.

²⁷ Ti Kótóné ama yaai kisipa mole ala mekó hiréni, mo turó yalo diãpaae ai yó melale ape.

²⁸ Diãta, Kótóné ama Deï Kepe Wisiné ama *sipsip* hupu wisiyóló kaae tanópóló sóró ai beteró beterapa, ai hupurape wisiyóló kaae taru, diãkélé mo wisiyóló kaae tawae. Yesuné ama sameané dupure Kótóné so whi betá mo dua wisiyóló kaae tawae.

²⁹ I dere fota noa betené dumipó. E fole sisópaae dowi bete haõrape diã tuãpaae wóló, Kótóné *sipsip* hupurape dóló nale waalo ai ape.

³⁰ Diãkó mepaae whinë kale Yesuné ala eró tare whirape dei nópóló eratere alané, kale mo fo wisi kópaae wéróló, diã alisóró kae tuãpaae faraalo ai ape.

³¹ Até yaqsóró, diã mo wisiyóló kaae tawae. Atei

ala yaairemó diã kisipa muló beterópóló ba fo sore e diãtamo bituraalu ai yale ape. Deãtamokélé, dikitamokélé, yó maté fu bitu woletamo du betalepó.

³² Téró mióta, diã Talené ama kolené sukuturaalu, hãle tao sere alané diã wisiyóló tao sópóló i dere ape. Ai fonétei, diaaõ kisipa tiratere ala fotokoróló, Kótóné ama wisi wisi õla diã ama kae sóró beteró betere so whimó ai mótu betere ape.

³³ Yalo diãné *silpa kapa ó kold kapa ó* kutikélé sené yóló au nokole ala inipó.

³⁴ Yalo fotokõnétei kutó diyóló, yalo yaõyare õla õlakélé, ó yalo fulumu whirapemókélé mótua yaletai diaaõ ai tuëre ape.

³⁵ Yalo ai dua yale alata, õla õla fea dané naasenétei depe tukó wei ala yóló sirapóló, diaaõ kolópóló ai yale ape. Até duraalu, mepaae atimanétei kutó diyóló nénire so whi tao sóró hãle melae. Ti noatepae, Tale Yesuné duraalu, ‘Õla õla hãle tao sóró matere whinë hã kisipatamo matere alané matepa sere whinë dere hãkese tetéró betera’ ere fo kisipa muae,” yalepó.

³⁶ Téró, Pol-né ai fo yóló kilipaae atima bukutiri teyaró bituraalu, ama moma yalepó.

³⁷ Atéro a faaitepa, kale so whi feané Pol apuó taruraalu kóló tukó nóló wole du betalepó.

³⁸ Atétepa, kale sekéné

duraalu, yało kelepaa diaaq momó kae kelaalo meipó yale fo kisipa mutu, atima doasi dekené sinitu wole du betalepó. Atétu beteró, atimané ą dapesó fóló, weı nukumó beteralepó.

21

Pol Jerusalem-paae fele fo

1 Téro, ą atimapaae kóleó yóló atima taaróló weı nukupaae biłi fóló weıne bopéróló daaló betere hae Kos felekemó seseke felepó. Téro furaalu, weı tómó diki betą fiyóló, hıka Rodes hae weıne bopéróló daaló betere tiki felekemó seseke fóló, Patara bepaae sókó felepó.

2 Aimó betą weı nuku Fonisia hae kwiapaae faai fupa, ą ai nukumó biłi holóló felepó.

3 Atéro ą furaalu, weıne bopéróló daaló betere hae kwia Saiprus hae feı naase fakeró epa kele falaté fóló, Siria hae kwiamó teıne Tair bemó sókó felepó. Ai Tair beta, take ąané i nukuné sóró wale ąla ąla sorokóló mulaai yale be huluapó.

4 Téro, ai bemó mepaae Yesuné ala eró tare whırape betepa, ą atimatamo weıkeró be deı betalepó. Atéro betepa, ai bemó betó mole whırape atima Deı Kepe Wisiné fotokratepa, Pol-paae duraalu, ya Jerusalem bepaae faıse yóló seséyalepó.

5 Tétu beteró, aimó betaai yale be deırape kemetepa ą ai be taaróló faai felepó.

Atéro faai fupa, kale Yesuné ala eratere whırape atimané somarape naale senaalekélé, mo fea ątamo doropóló weı fóku atika tómó bukutiri teyaro bituraalu, Talepaae moma yalepó.

6 Atétu beteró ą faairaalu kóleó yóló ą fea aputu beteró ą weı nukumó biłi hotopa, atima momó bepaae fesaae felepó.

7 ą atéro ai Tair be taaróló fóló, Tolemais bemó sókó felepó. Ai bemó betó mole Keriso norapepaaekélé kóleó yóló, be deı betą atimatamo betalepó.

8 Atéro, hıka ą ai be taaróló Sesaria be huluamó sókó felepó. Ai bemó, take atimané so whı ąla taleróló melópóló beterale weıkeró whıkó betą Filip beterepó. Ai sekęta, kale mió wosetere kisi fo wisikélé yó matere whı betepa, ą ątamo fiyalepó.

9 Ai sekęne ama douro senaale seimalerape fea Kótóne fo eratere kóló sorape betó molepó.

10 ą ai bemó mepaae be deırape dekéro betepa, Kótóne ama kóló whıneı doi Akabas Judia hae kwiaró dorowalepó.

11 Ai whı ą beterepaae wóló daalu Pol-neı to tao sóró kale sekęneı ama naaseró hótamo dokóló duraalu, "Talené Deı Kepe Wisiné i fo dapó. 'I to taleta, Jerusalem bemó betere Juda whırapené tawóló i ala kaae yóló, Juda meire fakené naase tuamó mulaalo ai ape,' " yalepó.

12 Ai fo depa woseturaalu, danékélé, mepaae ai be whi so whinékélé, Pol-paae Jerusalem bepaee holaqse yóló sesé yalepó.

13 Téyalemó ama dapaee duraalu, “Diñé noatepa atei kaae alamó wole-u yóló ya lo hosaa supuréli ala dute? Eta, susupuróló *dipula* beteratere alamaaté erópóló Talené e soro betenénipó. E sukutere alakélé yópóló soro betero bettereiné ya lo Tale Yesu Kerisoné doimó Jerusalem bemó sukai dapó,” yalepó

14 Dané a Jerusalem-paae faqsoro sesé yalemó, ama dané dere fo woseni, fo kae depa taaróló duraalu, “Ti wisirapa Talené ama yaai tué mole ala beta yópóló yae,” yalepó.

15 Atéyale kilipaae dané ola ola sisóló Jerusalem bepaee holalepó.

16 Tétepa, mepaae Yesuné ala eratere Sesaria whirape da fea touyóló atimané da Nason-né bepaee dapesó felepó. Nason-ta, Saiprus be hulua whikó mo taketi Talepaae kisipa tiki tiróló betere whipó.

Pol Jerusalem bemó sókó wale fo

17 Atéro da Jerusalem bemó sókó holalemó, Keriso norapené da hekesetamo mo wisiyóló dape salepó.

18 Atéro, fiyóló hika Pol-kélé, da mepaaekélé, Jerusalem bepaee Jems keke felemó, a mepaae Keriso whi disirapetamo beterepó.

19 Atépa, Pol-né atimapaee kqleo fo yóló Kótóné a fotokratepa, amamo Juda meire fake so whipaae erale ala mo fea yalepó.

20 Tétepa, kale whirapené Tale Kótóné doi hale soro horótu apaae duraalu, “No-ó, Yesu Kerisopaae kisipa tiki tiro betere Juda so whita, mo hale ola kaae i betere ape. Ai so whita, Moses-né asere fokélé eraai mo doakale keteké bulapó.

21 Tétepa, mepaae i beto mole Juda whirapepaae metikipaae wale whirapené i fo du beterapó. ‘Pol-né Juda meire fake so whi kuamó beto mole Juda so whipaae Moses-né asere foné diaaq naalerape tiki sekae tikaere taalae yoo, ayarapené mara mole alakélé, sya faqse yoo,’ deté kutu beterapó depa wosalepó.

22 Tétepa, ai alarape mo dere ala nisi yaqsorópa, da noa ala yaaloé? Atimané ya ipaae wóló beterapó dere fo mo wosaalo ai ape.

23 Atétepa, dané tué mole fo beta i dapa wosae. Da i betere douro whirape atima Tale Kótópaae dirii malo yóló atimané topo niki tikaalo meipóló muló beterapó.

24 Ai whirapetamo yakélé touyóló fóló atimané Juda so whiné keletómó, yaai dere ala yópóló naotei atima dupu erae. Atéro atimané topo niki tukóló momatere be dolopaae fupa, ti wisirapó yaalopó. Ai ala depa atimané

kilituraalu, i whīta, kale tukóló muló betere fo tikitere whī meipó yaalopó. Téturaalu, naao yalepó dere fomó atima fopaae butu betere ala kapala airapó kisipa muaalopó. Tétu yaṭa, Moses-né aṣere fo aomó sukóló bituraalu, ai fo tikitere whī meipó yaalopó.

²⁵ Téretei me fo i ape. Yesupaae kisipa tiki tiró betere Juda meire fake so whī ḍané fo muló betere ɔla naqsóró, i fo aṣeyóló faralepó. Kapala kótópaae moma yaai dele hupu ó na, ó sameakélé, depamó képi duwóló sukunatere hupu ó nakélé, mené so ɔlémi nokole alakélé mo yaṣe yalepó. Ai forape feata, ḍa fo dokóló betṭ tuṣ muóló atimapaae aṣeyóló faralepó,” yalepó.

²⁶ Téró, fiyóló hīka Pol-sépi atima douro whīrape momatere be dolopaae faairaalu, folosóró dua dere alarape yalepó. Atéro fokotere alarape feata, kale tukóló mulale be demótóró kemeyaalopóló ali male felepó. Atéro tukóló mulale be de sókó wapa, atimamó kale momatere be kaae tare whīrapené *sipsip* hupu daalopó yóló mulalepó.

²⁷ Téró, kale weikeró be de felekemó kemeyaaí deremó, Esia hae kwiamó betó mole Juda so whīné Pol momatere be belamó daapa kelalepó. Atépa, ai whīrapené Pol tao taru, mepaae so whī sese-meratere fo yalepó.

²⁸ Atétu, fo fake yóló duraalu, “Israel fake so whī-

ó, ḍa tao sae. I whīnéta, hae kwia feamó betó mole so whīpaae yó matere foné ḍa Israel so whītamokélé, Moses-né aṣere fotamokélé, ḍané momatere betamokélé, fopaae buópóló bóe delaté kotapó. Téturaalu, ḍané mo dowi alakélé, inire be wisi Kirik whīrapekélé, ai dapesó wóló daae mole ape. Até dere alané i be doróló folokole ai eratere ape,” yalepó.

²⁹ Atimané ai fo yaleteita, Efesus whīkó Tropimus Pol-tamo ai be huluamó daapa kelaletiné Pol-né ai momatere bepaae dapesó fele nisiyóló yalepó.

³⁰ Atéro, fopaae fo doasi depa, Jerusalem so whīné woseturaalu, fea sururu yóló wóló betṭpaae touróló bóe duraalu, fo tiki whaa du betalepó. Atétu beteró, Pol ḍa moma dere be dolomó betepa, ṣiyóló só wóló ai be bopéro betere tipi belapaae hokṭ derólós tṭ kinalepó.

³¹ Atéro daapa, atimané Pol daai Jerusalem-mó doasi bóe duraalu, fo whaa du betereitei Rom *Gavman*-né diki tare whīrapené topo whīné wosalepó.

³² Téturaalu, kale sekéné ama diki tare whīraperó mepaae topo whīrapetamo atima sururu yóló, ai whaa du beterepaae dorowalepó. Téteremó, ai bóe du betale so whīné doasíró ama diki tare whīrapetamo wale ala kilitu, Pol du betaletei, taalalepó.

³³ Atétepa, kale diki tare whīrapené topo whī Pol

daale felekepaae fóló duraalu, *sein* képi tamoné ama naase tamo dokae yóló ai so whĩpaae woseturaalu, i whĩ ą deé? Ama noa alakó depa yaleé yóló wosalepó.

34 Ai fo deremó, mepaae so whĩné dere fo kae yóo, mepaae whĩrapené dere fo kae yóo yóló, doasi fo tiki whaa yalepó. Atétere foné diki tare whĩrapené toponé Pol só deratere fo bete wisiyóló wosenipó. Atétepa, kale topo whĩné diki tare whĩrapepaae duraalu, Pol diki tare whĩrape touróló betere tikipaae dapesó fae yalepó.

35 Téró, Pol diki tare whĩrapené be hola tó dóló hutu betepa, so whĩ feané ą daairaalu ketekę butu betalepó. Atétepa, diki tare whĩrapené topo whĩné ama diki tare whĩrapepaae Pol beleyóló sóró holae yalepó.

36 Atétepa, mo turó so whĩ sya fu bitu, doasi fo fake yóló duraalu, “ ą mo ti sukópóló dae,” deté fu betalepó.

Pol-né so whĩpaae yale fo.

37 Diki tare whĩrapené Pol atimané be dolopaae sóró faaitepa, ama diki tare whĩné topo whĩpaae duraalu, “Yalo yařtamo me fokó enére?” yalepó. Ti fo depa, kale whĩné ąpaae woseturaalu, “Ya Krik fo bole whĩé?”

38 Yařta, mepaae kemeyale be demó 4,000 whĩrape ąlisó fóló, so whĩ bitinire tikimó *Gavman* whĩřtamo bóe daale Isip whĩ meié?” yalepó.

39 Ti fo depa, Pol-né ąpaae duraalu, “Ęta, Juda fake whĩ doasi doi mole be hulua Silisia hae kwiamó řene Tarsus be whĩkópó. Téřapa, ai so whĩpaae yalo fo yaai dapa, naao noa kisipa mute?” yalepó.

40 Ti fo depa, topo whĩné Pol-paae yae yalepó. Tétepa, ą disó horóló be hola tómó daalu, naase horóló Hibru whĩrapené du betere foné yalepó.

22

1 Téró ama atimapaee duraalu, “Noraperó ayarapetamo-ó, diaař kisi-pané řta dowi ala du betere whĩ nisi yařsóró, yalo diřpaae hařeamó i dapa wosae,” yalepó.

2 Téró, Pol-né Hibru whĩrapené du betere be foné deremó, fo tekeni dua betó molepó. Tépa, kale sekéné atimapaee i fo yalepó.

3 “Ęta, Juda whĩtei ę deyale beta, ti Silisia hae kwiamó řene be hulua Tarsus-pó. Téyaletei, ę holóló i Jerusalem bemó doayalepó. Atéro betepa, kale doi mole yó matere whĩ Kamaliel-né ę *skul* yó malepó. Ama ę atéro yó móřuraalu, kale Moses-né asęre foró řané ayarapené mara mole alatamo mo wisiyóló yó matepa, yalo mo diriyóló kisipa salepó. Atéyale be demó, Kótóné ala eraai mió diaař ai bole ketekę kaae yalokélé yalepó.

4 Ę até du bitu, Yesu Keriso sya fu betere sokélé whĩkélé

susupuróló mo ti sukópóló daairaalu doakale sekei ala eróló *dipulakélé* beteraleta du betalepó.

⁵ Yalo yale alata, ai so whimó momaratere topo whiró fo tokóló taler- atere whirapetamoné kisi- pareteiné atima yalo dere fo woseturaalu, mo dapó enérápó. Ai whirapené ę beterepaae walepó. Ai sekęta, Moses-né asęre fo mo wisiyóló tuęru eró tare whi betepa, Damaskus bemó betó mole Juda so whinė ą mo doasi kisipa dotoróę fale whi wisipó du beterepó.

⁶ Ę atéró fu betalemó, 12 *kilok* felekemó saai depa Damaskus bepaae sókó faai deremó, samó deę doasi dorowóló yalo tiki husir- alepó.

⁷ Até dereteiné ę haepaae dóló taae deróló mupa, ai deę tuamó fo fakeyóló duraalu, 'Sol! Sol! Naa ę noatepa, susupuraté kutu bitu de?' yalepó.

⁸ Tétepa yalo duraalu, 'Tale- ó, ę né de?' yalemó, ama ępaae duraalu, 'Ęta, Nasaret whikó naoo susupurótu betere whi Yesu i ape,' yalepó.

⁹ Tétepa, ętamo wale yalo fulumu whirapené ai deę ke- laletei, ępaae dere fo bete ati- mané diriyóló wosenipó.

¹⁰ Atétepa yalo ępaae woseturaalu, 'Tale-ó, mió yalo noa alakó yaró de?' depa, Talené ępaae duraalu, 'Turukó holóló Damaskus

bepaae fae. Fóló, aimó naoo yaaire ala yalo tukóló muló betereitei, betę whinė ępaae yó melaalo ai ape,' yalepó.

¹¹ Ai deęné yalo kele diliki- raleteiné tu fenitepa, yalo fulumu whirapené ę naase tawóló ęlisóró Damaskus bepaae felepó.

¹² Ai be huluamó whi betané doi Ananias ę beterepaae walepó. Ai sekęta, Moses-né asęre fo mo wisiyóló tuęru eró tare whi betepa, Damaskus bemó betó mole Juda so whinė ą mo doasi kisipa dotoróę fale whi wisipó du beterepó.

¹³ Ai sekę ę fire felekemó daane wóló duraalu, 'No Sol- ó, naoo kele fisęae horóló ke- lae,' yalemó, mo ai fapotóró yalo kele momó wisiyalepó.

¹⁴ Téró, ama ępaae duraalu, 'Dané ayarapené Kótóné tuę mole ala naoo tuę yópóló ęa sóró ai daalale ape. Dowi ala betakélé, inire whi kolóo, ama kęlómó sókó wale fokélé, wosóo, yópóló ęa ai sóró daalale ape.

¹⁵ Naaota, ama yó matepa kelale alaró wosale fotamo so whi feapaae yó maté kweyópóló erapó.

¹⁶ Térapa, ęa noatepa haę bitu de? Yesu Kerisoné doimó naoo dowi ala kwia kemerópóló węi tópuuai turukó horóló ępaae kema yae,' yalepó.

¹⁷⁻¹⁸ Atéró ę Jerusalem be huluapaae wale be deęmó fo wosetere bepaae fóló moma du betalemó noke kaaené Tale kelalepó. Atéró ama

ɛpaae duraalu, ‘Yā hapale turukó horóló Jerusalem be taaróló fae. Ti noatepae, i Jerusalem bemó atimapaee Yesuné ala etérópóló yó materetei atimanémo wisiyóló wosaalo meipó,’ yalepó.

¹⁹ Ai fo depa, yālo ɛpaae duraalu, ‘Tale-ó, ti mo deretei, ai be hulua so whi atima feané yālo yale ala kolóló kisiparapó. Ɛ atimané fo wosetere be dokɔ feamó yāpaee kiswa tiki tiróló betó mole Keriso so whi susupuróló, *dipula* beteraleta yaletei atimané mo kisi-parapó.

²⁰ Nao ala etérópóló haķeamó yó mótu betere whi wisi Stipen dale sukamó, ɛkélé daalu ɔ dilapó depa yālo duraalu, ‘Téyae,’ yalepó. Ai whirapené Stipen duraalu, atimané tó mó bukóló kotere kutirape ɛ daale tikimó sorokóló mulatepa kaae tawóló daayale whi ɛtórótípó,’ yalepó.

²¹ Téyalemó, Talené ama ɛpaae duraalu, ‘Yālo yā Juda meire fake so whi betó mole be huluarape saletópaee dotonatapa fae,’ yalepó.

Pol ɔ Rom Gavman-tamo doi mole whipó yale fo

²² Kale so whi Pol-né dere fo woseté feletei, Juda meire fake so whipaaekélé, yó male fae dere fo woseturaalu, fo fake yóló i fo yalepó. ‘Atei kaae whi imó dātamo betaalo meipa, dóló aluræ,’ yalepó.

²³ Atéturaalu, atimané tó mó bukó mole kutirape sókó mulóló dokómu buó sóró ɔpaee fesekée horóló fo fake du betalepó.

²⁴ Atétepa, kale diki tare whirapené topo whiné duraalu, ‘Doai so whiné fo tiki whaa du betere noatepa déró, ai seké diki tare whirape beterepaee dapesó holóló, halika tikiné fokosoi ala yóló dae. Téturaalu, i dere fo bete noa betené déró ɛpaae wosae,’ yalepó.

²⁵ Tétepa, kale whirapené Pol naasemó bulaakó sóró daaló bitu, halika tikiné fokosoi ala yaai yalepó. Atétepa, Pol-né ai diki tare whirapené topo whipaae duraalu, ‘Rom *Gavman*-né so whi tuamó doi mole whi fo tokóló tale inipatei, fokosoi ala yóló dae fo ere?’ yalepó.

²⁶ Ti fo depa, kale diki tare whirapené topo whiné ɔ kaae tare topo whipaae i fo yalepóló ene felepó. Atéro duraalu, ‘I whiṭa, Rom *Gavman*-né fake so whiṭamo betamó doi mole whipatei du betera, nao yaai dere ala kiswa faróló yae,’ yalepó.

²⁷ Tétepa kale doasi topo whi wóló Pol-paae woseturaalu, ‘Yā Rom whié,’ depa, ama tokó mótu duraalu, ‘Ɛpó,’ yalepó.

²⁸ Ti fo depa kale topo whiné duraalu, ‘Yālo doi Rom fake so whiṭamo touróló mulaairaalu, doakale *moniné* dupu yalepó,’ yalepó. Ai fo depa Pol-né tokó mótu duraalu, ‘Yāta atéretei, ɛ ti

Tarsus bemó deyaleteiné Rom whị betera, yalepó.”

²⁹ Ai fo depa, woseturaalu, ą daai yale whịrape mo hapale hikili fóló tumó daane felepó. Kale doasi topo whịné Pol ąta, Rom fake so whị tuamó doi mole whịtei *sein* képiné dokirapóló ą witu yalepó.

Juda whịrapené Pol-tamo fo tekale fo

³⁰ Téró, hika be detepa, kale diki tare whịrapené topo whịné Pol daai du betere fo tale yaairaa, ą *dipula* beteraletei sokóló so whịmó momaraterere whịrapené topo whịraperó, fo tokóló taletere whịrapetamo tourale ape yalepó. Atéro wóló betó mupa, Pol dapesó fóló atima betó mole tuamó daalalepó.

23

¹ Atéro, Pol-né kale fo tokóló taletere whịrape kaa taru duraalu, “Yalo norape-ó, ę take bitiré waletai yalo Kótóné keletómó wisiyóló bitiré wouraa, ama erae dere ala fea eraté walepó. Atéturaalu, mió yalo hosaamó me seke muni, mo dua muni deyóló betera, yalepó.”

² Pol-né ai fo depa, so whịmó Talepaae momaraterere topo whị Ananiasné Pol-tamo felekemó daae mole whịrapepaae duraalu, “Ai seké folópu derakae,” yalepó.

³ Ti fo depa, Pol-né ąpaae duraalu, “Ni bolópaae kela eptei, tó sekaené wisire nisi dere whị naao dere alamó,

Kótóné yatei deké saalopó. Kale asemó yóló muló betere fo sya furaalu, ętamo fo tokóló taleyaai bitutei naao kólónétei mepaae whịpaae ę daae dere foné, kale yóló muló betere fo naotei ai tikitere ape,” yalepó.

⁴ Ai fo depa, mepaae ą felekemó daae mole whịrapené duraalu, “Yą winié? Naao ai dere foné so whịmó momaraterere topo whị faletapó,” yalepó.

⁵ Ti fo depa Pol-né duraalu, “Yalo norape-ó, ą so whịmó momaraterere topo whị betere ę tuenipó. Ti noatepa mei, asemó i fo erapó. Dią kaae tare doasi topo whịpaae me dowi fo yaose, yóló fo moletai yalo tuęrapó,” yalepó.

⁶ Ai fo tokóló taletere whịrape mepaae Sadyusi fake yóo, mepaae Farisi fake yóo, yóló betera, yóló ama kisiparu, Pol-né fo fake yóló duraalu, “Yalo norape-ó, yalo apata Farisi whị eru ękéle Farisi whịpó. ę fo teketeremó sóró i daalo betereita, sukale whị momó kepaayaalopó ere fomó kisipa tiki tiróló ę hajné sukutu betepa, atimané ętamo fo tokóló só deraai ai du betere ape,” yalepó.

⁷ Ai fo depa woseturaalu, kale Farisi whịraperó Sadyusi whịrapetamo arale sóró atima tuamó tekétamo yalepó.

⁸ Ti noa betené mei, kale Sadyusi whịrapenéta, sukutere whị momó kepaayaalo meipóló kisipa

mulu, *ensel*-raperó keper-
apetamokélé bitinipóló
kisipa mulapó. Tépatei, Farisi
wh̄irapenéta, sukutere wh̄i
momó kepaayaalopó dere
fo mopóló kisipa yóo, *ensel*-
rapekélé beteraóló kisipa
yóo, keperapekélé beteraóló
kisipa yóo, erapó.

9 Até du betepa, Moses-
né asere fo yó matere Farisi
wh̄irape atima turukó holóló
fo fakeyóló duraalu, “I wh̄i
tikimó me dowi alakélé, mu-
nipatei, dané ą h̄ale noatepa
só deróló, daai du bitu de?
Ama dere alaró dere fota-
mota, ti *ensel*-né ó kepené yae
depa démólópó,” yalepó.

10 Ai fo du beteró so wh̄i
tuamó bukótamo yóló bóe du
bituraalu, Pol dóló seḡ seḡ
yóló ama tiki turukée fóló
munépa, kale topo wh̄iné
kilitu, Pol-mó whaalia doasi
yalepó. Atéru, kale sekéné
ama diki tare wh̄irapepaae
diaaq fotokótamo doropóló,
Pol dapesó atima betere
bepaae beteraḡle fae yalepó.

11 Atéyale dikitamo, Tale
Pol beterepaae wóló duraalu,
“Pol-ó, até dere alamó ya wi
ini, diri yólótei daayae. Atéro
bitu, yaḡo ala etérópóló so
wh̄i feapaae Jerusalem be
huluamó erótu yale kaae,
Rom be huluamókélé, mo
eraḡle fae,” yalepó.

Pol daai deyatei fo

12 Téró, ai h̄ika mepaae
Juda wh̄irape atima betapaae
turaḡle wóló, Pol tawóló
daairaalu kikitani fo deyalepó.
Atéro duraalu, dané Pol ą

daai h̄ale betepa, daḡ ọlaró
weḡtamo naalo meipó. Mo-
tamo dané ą mo ti dóló
aluratepata, ti ọla naalopóló
mo dirii malo yóló mulalepó.

13 Atéro, Pol daai fo dokale
wh̄irape touróturaalu, wh̄i
siki tamo tómó mepaae
wh̄irapekélépó.

14 Ai wh̄irape atima fóló,
so wh̄imó momaratere topo
wh̄iró wh̄i disi disirapeta-
mopaae i fo yalepó. “Daḡ
fo deyóló dirii malo yóló
duraalu, dané Pol dupa ti
ọlaró weḡtamo naai, mió
ą h̄ale betepa ti weyóló
betaalopó fo yóló mulalepó.

15 Térapa mió diānekélé,
fo tokóló taleraterere wh̄irape
feanékélé, diki tare wh̄irapené
topo wh̄i dilikóló i fo yó
falae. Pol-né yale fo bete daḡ
mo wisiyóló wosenireteiné
daḡ mo diri yóló wosaai-
pa, dapesó dere ape fo yó
falae. Atéteremó ą dorowapa,
ti tuḡ tuamó melaa yóló
daaipó,” yalepó.

16 Ti fo du betepa, Pol-
né ama nema naalemané
wosóló diki tare wh̄irapené
bepaae fóló Pol-paae du-
raalu, “Yaḡa, atimané tumó
melaa muóló daaipó fo ai du
betere ape,” yalepó.

17 Tétepa, Pol-né diki tare
wh̄irape kaae tare wh̄ikó
betapaae duraalu, “I naalené
diāné topo wh̄itamo fo yaai
dapa, ą dapesó fae,” yalepó.

18 Ti fo depa, kale
wh̄iné kale naale topo wh̄i
beterepaae dapesó fóló
duraalu, “Kale *dipula* betere

whi Pol-né i naale yátamo yaaire fo mulapa dapesó fae depa, i wale ape,” yalepó.

¹⁹ Tétepa, topo whiné kale naale naasemó tao sóró tu depaae dapesó fóló, kale naalepaae woseturaalu, “Naa epaae noa fo yaai waleé?” yalepó.

²⁰ Ti fo depa kale naalené duraalu, “Juda whirapené yapaae i fo yaalo ai ape. Pol-né dere fo bete mo diriyóló wosaai dapa, a fo tokóló taletere bepaae dó dapesó dere ape depa, aita mo mei, tumó melaa yóló Pol daai kapala fo ai dere ape.

²¹ Whi siki tamo kemeyóló mepaae tómó beleróló whirapené a daai tumó melaa muaai du betera. Téyaairaaalu, ai whirape atima Pol dóló ti qlaró weítamo naairaaalu, mió hale weyóló betera yalepó. Atéyaairaaalu, atimané yapaae wosetere fomó naao noa fokó deró kelaai wosó tawóló ai betere ape,” yalepó.

²² Ai fo depa kale topo whiné kale naale dotonaai, apaae fo mulóló duraalu, “Naa epaae etei fo yalepóló mepaae so whipaae mo yaqse,” yalepó.

Pol Sisareapaae dipula só fele fo

²³ Ti fo depa, kale topo whiné ama aqmó bitu mepaae diki tare whirape kaae tare whirapekó tamopaae ape yóló duraalu, “Diaamo fóló 200 diki tare whirape tale yóló sóró beteroó, hos hupu tómó

beteró faaire 70 diki tare whirape sóró beteroó, bóe dele wuti tawóló faaire 200 diki tare whirape sóró beteroó, dilikitamo 9 kilok Sesaria bepaae faai donoroó fae.

²⁴ Atéro faairaaalu, Pol betóló faaire hos hupukókélé, tale yóló beterae. Atéro diá furaalu, tu tuamó Pol mo wisiyóló kaae taté fae. Atéro dapesó fóló, *Gavman* whi Feliks betere mó sókó fae,” yalepó.

²⁵ Atéro diki tare whiné topo whiné *fas*-mó i fo ase yalepó.

²⁶ “Eta, Kaladias Lisias-né doasi *Gavman* topo whiné Feliks yapaae i dere ape. Ya mo doa koleó.

²⁷ Juda whirapené i whi tawóló daaitapa, e yalo diki tare whirapetamo doropóló kelalemó, a Rom fake so whitamó doi mole whipa kilituraalu, dané atimané naase tuamó betepa fasó salepó.

²⁸ Atéro daai depa, noa betené deró yalo wosaairaaalu, Juda fake atimané fo tokóló taler- atere whirape beterepaae dapesó felepó.

²⁹ Téyaleteti, Juda whirapené fo tokóló taletere tikimó a sukópóló daaire betekélé, ó *dipula* beteraaire betekélé yalo kilinitepa dapesó felepó. Juda whirapené muló betere fo tikitu betepa dapó dere fo beta yalo wosalepó.

³⁰ Ai fomótei, atimané a daairaalu kikiti fo deyóló tu tuamó melaa muaai dere fo yalo woseturaalu, ya beterepaae ai dotonaterere ape. Térapa, atimané a só deratere fo naao keletómókélé yópóló, ya beterepaae ai dotonaterere ape,” yalepó.

³¹ Kale topo whiné yale fotóró diki tare whirapené sya fóló dikitamotei Pol dapesó Antipatris bemó sókó felepó.

³² Aimó fiyóló hika, mepaae diki tare whirape ti bepaae momó fesaayóló wapa, kale *hos* hupurape tómó betero fele whirape betá ti Pol dapesó Sesaria bemó sókó felepó.

³³ Téró, kale diki tare whirape *Gavman* topo whi betere Sesaria be huluamó sókó felepó. Atéro, kale *fas-kélé*, melóo, Pol-kélé, kale topo whiné naase tuamó mulóo yalepó.

³⁴ Tétepa, kale whiné *fas* dosayayóló Pol-paae woseturaalu, “Ya mé hae kwiamó wale whié?” yalepó. Ti fo depa Pol-né apaae tokó mótu duraalu, “Eta, Silisia hae kwiaró wale whikópó,” yalepó.

³⁵ Ai fo depa, kale whiné duraalu, “Ti wisirapa, ya só deraai dere whirapené keletómó naao fo bete wosaai atima ipaae wópólópó,” yalepó. Ai fo yóló ama diki tare whirapepaae duraalu “Pol kale Herot-né doi mole doasi be wisinaalemó

beteróló kaae tawae,” yalepó.

24

Pol Feliks-né keletómó fo tekale fo

¹ Téró aporó be de kemetepa, so whimó momaraterere whirapené topo whi Ananias-ró whi disirapetamo yóo, me atima tao sóró fo tekenaterere whi Tertulus yóo, yóló atima Sesaria bepaae derepelepó. Atima atéro, kale *Gavman* doasi whipaae Pol só deraai dere fo yalepó.

² Atéro Pol-paae ape yóló wóló daapa, atimané fo eratere whi Tertulus turukó holóló Feliks-né keletómó Pol só deróló dere fo etéro yalepó. “Doa whi-ó, naao tetéroló kaae tare aomó da me ala ini, hosaa muni deyóló mo dua wisiyóló haitamo beterapó. Ti noatepae, take da i hae kwia feamó betó mole so whi hoko betaletai, naao da betere ala wisi eraleteiné mió da fea mo dua wisiyóló i betó mole ape.

³ Téró, be hulua feapaaekélé, atimané dere ala feakélé, naao da wisiyóló beterópóló tao sóró betero betereitei tuéru, yapaae mo doa kée yóló dukirótu beterapó.

⁴ Ya fóturu yaqsóró dané yatamo doa fo yaai dumitei, i fo sawa betá dapa wosae.

⁵ Ai whinéta, i hae kwia feamó betó mole Juda so whi kuamó bóe dópóló fopaae bulaté kutu beterapó. Atétu, atima kae Nasaret fakepó.

Téró Pol ąta, ai fake so whi kuamó doasi topo whi bituraalu, atima ąlisó fu beterapó.

⁶ Téturaalu, ama ąané ąané moma dere be doraairalu wapa, ąané ą tawalepó.

⁸ ąané ątamo fo tokóló taleyaai dere beteta, naoo ai whi paae mo wisiyóló wosetepa, ti fo fea amatei depa naoo kisipa yaalo ai ape,” yalepó.

⁹ Até yóló, Pol só deratere Juda so whiné Tertulus-né dere fo mopó yópóló duraalu, “Ai dere fo feata, mo dapó,” yalepó.

¹⁰ Ai fo depa, kale *Gavman* topo whiné Pol-paae naasené yóló ąpaae naoo fo yae depa, Pol-né duraalu. “Naoo i hae kwia feamó betó mole so whitamo fo tokóló taletu betepa, doasi ba fo keme yaletai, ąalo kisiparapó. Térené, mió atimané ę só deratere fo tokó móturaalu, naoo keletómó ę feléi kisipatamo yaai dapó.

¹¹ Ę Jerusalem be paae Talepaae moma yaairalu fele be ąémó, kaae sóró mió imó sókó wouraaalu, 12 be ąe i kemetere ape. ąalo i dere fo mo dépé kapala dutéro naoo mo ąakemó kelenérapó.

¹² Mió ę só deraai du betere Juda so whiné ę me whitamo moma dere bemó ó fo wosetere bemó ó bela tuámó ó metikimókélé, me whitamo fopaae fo depa, kolóló dumipó.

¹³ Mió atimané ętamo fopaae buló só deraai fo

tokóló taleyaai deretei, i betené dapóló fo wisi mekó depa naoo wosaalo meipó.

¹⁴ Atérené ęta, ąané ayarapené Kótó ąómó dua bitu, Yesu Kerisoné ala sya i fu beterapó. Atérruraalu Mosesné asęre foró Kótóné kóló whirapené ere fotamo ąómó sukóló bituraalu, mopóló kisipa tiróló sya fu beterapó.

¹⁵ Ai betó mole whirapené take waaire alimó Kótóné atimapaee eraaire wisi alamó ąainé sukóló biture kaae ękéle mo betą kaae alatóró yóló beterapó. Ti noatepae, wisi ala dere so whikélé, dowi ala du betere so whikélé, Kótóné ama kepaaraalopó ereteinépó.

¹⁶ Atéreteiné, suka fea mo whiné kele tómókélé, Kótóné kele tómókélé, hosaa tuámó me sekę muni, ąakeamó mo donoyóló dua i fu betere ape.

¹⁷ Be hulua dokọ fea ę atéro kutu betepa, mepaae ba forape keme deté felepó. Atéro momó ę Jerusalem be paae wouta, *moni* sóró yolealere so whi tao sóró melóo, Talepaae ąale melatere alakélé yóo, yaairaaalu walepó.

¹⁸ ąalo ai alarape yóló ę moma dere be dolopaae faai yaleteita, kale momaratere be kaae tare whiné ę fopeyóló duraalu, ‘ąa me ala munipa fae,’ depa faai yalepó. Ę mepaae so whirapetamo touyóló betere alakélé, so whi bóe delatere alakélé depa, atimané kilinipó.

¹⁹ Téretei, Esia hae kwiaró

wale Juda whirapené ę só deraai kisipa mutu yaletiné, atima ipaae wóló naao keletómó ę só deróluşsóró ti mo wisi wuąpó.

²⁰ Esia hae kwiaró wale Juda whirape ętamo fo tokóló taleyóló só deraai wenitepata, ti i daae mole whirapené ęalo yale dowi ala etérópóló déró kelaai atimapaee wosae.

²¹ Atéyale sukamó ę turukó holóló daalu fo fakeyóló duraalu, Kótóné sukutere whi momó kepaaraalopóló kisipa tirateremó atimané ętamo fo tokóló só deraai ai du betere ape,” yalepó.

²² Yesuné tu wisipaae fole ala Feliks-né mo diriyóló kisipa eruraalu, Juda so whipaae duraalu “Doasi topo whi Lisias ę ipaae dorowapata, ti ękélé, da fea betámó bituraalu taleyaalopó,” yalepó.

²³ Feliks-né betę diki tare whirape kaae tare whipaae duraalu, “Pol wisiyóló kaae tarutei ę bemó tu kinóló beteréni ama fulumu whirapené mepaae ęa ęare ęla ęlakó male wapa téyópóló yae,” yalepó.

²⁴ Téró mepaae be ęrape kemetepa, Feliks ama soma Drusilatamo walepó. Drusilata Juda fake sókó ama omatamo atéró wóló bituraalu, diki tare whirapepaae Pol dape sene fae depa, dape sene felepó. Atéró wóló bitu, Pol-né Yesu Kerisopaae tuę tiki tiratere ala etérópóló yó

matepa, kale sekéro somatamoné wosetu betalepó.

²⁵ Pol-né atimamopaae Yesuné alamó mo dono yóló fole ala wisiró, tó tikiné dere ala fea dua wisiyóló kaae tatere alatamokélé, take nalopaae betę sukamó Kótóné ęané dere ala fea taleyaaire be ę waalopóló dere fokélé du betalepó. Feliks-né ai dere fo woseturaalu, ę witepa Pol-paae duraalu, “Mió şępa fae. Take nalopaae me ęemó tę mutepa, ti ęalo ęapaae ape yaalopó,” yalepó.

²⁶ Feliks-né Pol-né dere fo wosaai eķęle yóló ęęese yaleteita, ęale mei, Pol-né *monikó* melópóló kisipa muturaalu, ama dere fo wosetua, momómo *dipula* beteraleta dua du betalepó.

²⁷ Atéró, ba fo tamo kemeyóló kęlipaae Porsius Festus Feliks betale sirimó sóró beteralepó. Tétepa, Feliks-né Pol *dipula* ęale beterópóló taaralepó. Aita noa betené ini, kale Juda so whiné tuę tiki felé eraai kisipa muturaalu, betepa taaralepó.

25

Pol Festus-né keletómó fo tekęle fo

¹ Téró, kale whi Festus-né ama tetéroló kaae tawaaire hae kwia tuámó tęne be Sesaria bemó sókó wóló, be ę sore kemetepa ai be taaróló Jerusalem bepaae holalepó.

² A atéro fóló beteremó, so whimó Talepaae momaraterere topo whiraperó Juda topo whirapetamoné Festus-paae Pol só deraai fo fea yalepó.

³ Ti fo yóló apaae wosetu-raalu “Naao dā feléi kisipa muaire alakó eróturaalu, ai whi i Jerusalem bepaee wópóló, dotonaasepe,” yalepó. Atimané atéro yale fota, Pol Jerusalem bepaee hotepa tumó melaa yóló daai kisipa mutu yalepó.

⁴ Tétepa kale topo whi Festus-né atimapaee duraalu, “Pol a Sesaria *dipula* bemó me ala yaqsóro kaae tawóló beterapó. Ekekéle, imó sawa betóló momó Sesaria bepaee faai asiri horalepó.

⁵ Térapa, diaaḡ kisiapané ai whi tuamó me dowi alakó mupa, ti diḡ be kaae tare whirape etamo Sesaria bepaee fópóló dotonaasepe. Atétepa, ti atimané ama yale ala hakearatepa, ti aimó fo tokóló tale yaalopó,” yalepó.

⁶ Festus a Jerusalem bemó 8 ó 10-ró be derape kemetepa ti a Sesaria bepaee derepelepó. Atéro hika be detepa, kale whi fo tokóló taleraterere bemó bituraalu, Pol dape só ape, yóló fo tokóló tale yaai yalepó.

⁷ Tétepa, Pol dapesó wóló daapa, Jerusalem beró dorowale Juda whirape atima Pol daalepaae bopérāle wóló daae molepó. Atépa, atimané atamo fo tokóló taleraterere fo betekéle meipatei, kae kae só deróló dere

dowi forape dekéro hoko du betalepó.

⁸ Tétepa, Pol-né atimapaee i fo yalepó. “Yalo atima Juda whirapené muló betere fo tukóló, ó atimané moma dere bekéle, ó tetérolo kaae tare *Gavman* whi Sisané fo muló betere alakéle, doraterere ala mo inipó,” yalepó.

⁹ Ti fo depa, Festus-né Juda so whiné kisipa felé yópóló kisipa mutu, Pol-paae duraalu, “Fo tokóló taleterere ala yalo ó Jerusalem bemó yaalopa, ya opaae honére?” yalepó

¹⁰ Ai fo depa, Pol-né apaae duraalu, “E i betere fo teketerere beta, Sisané fo teketerere bepó. Térené fo teketerere ala imótóro depa ti surapó. Ai Juda fake whirapepaae yalo me dowi alakéle eréniretei naao mo kisiparapó.

¹¹ E tuamótamo me dowi ala kwia mupa, ti e yalo yale alamó kwia mótu, sinaaipa, dópóló yae. Téretei, mepaae Juda whiné bete meipatei hale e só deraai depata, ti mepaae whiné Juda fakené hekesere ala eraai e mené naase tuamó mullairetei Rom *Gavman*-né ai tu munipó. Térené Rom *Gavman* Sisané yalo fo tokóló taleyópóló Sisa doi dapó,” yalepó.

¹² Atétepa, kale whi Festus a tao su mepaae kisipa matere whirapetamopi fo betamó yóló duraalu, “Sisané naao fo wosópólópó yóló kisipa mutupata, ti Sisa beterepaae

faasepóló dotęyaalopó,”
yalepó.

*Festus-né Agripapaae Pol-
né yale fo du betaletei*

¹³ Ai ala yóló mepaae be de
kemetepa, *Kin* Agriparó ama
nema Bernais-tamo Sesaria
bepaae wóló, Festus ą doasi
whį sóró beteró betereiteiné
ąpaae mo kée yóló ekéi fo wisi
yaai felepó.

¹⁴ Atimaamo Sesaria bemó
be de rapa dekéro bitu-
raalu, Festus-né Pol-né yale
alarape fea yó mótu betalepó.
Atéro duraalu, “I whįta,
mo take Feliks-né *dipula*
betaleteitóro hąle betepa
taaló beterapó.

¹⁵ Take ę Jerusalem bemó
betere sukamó so whįmó
momaratere topo whįró
Juda whįrape tęteróló kaae
tare whį disirapetamo ę
beterepaae wóló, Pol só
deraaire fo ene walepó.
Atéro duraalu, ama yale
alamó kwia mótu só derae
yalepó.

¹⁶ Ti fo depa, ęalo atima-
paae duraalu, da Rom fak-
ené fo tokóló tale inipatei,
hąle susupuratere ala hoko
dumipó. Tęrapa, dią mepaae
whįné ątamo fo tokóló tale-
turaalu, dané keletómó di-
aaą só deratere fokélé, ama
yale fokélé, depa wosaalopó,”
yalepó.

¹⁷ “Atéro kale whįrape
da fea wóló, ai hįkatóro
fo teketere bepaae fóló,
atimapaae Pol dapesó ape
yalepó.

¹⁸ Téro, Pol só deraai wóló
betó mole whįrape wóló, i

whį etei kaae dowi ala depa
dapóló bete mole fokó yaalo
nisi yalemó inipó.

¹⁹ Atętepa, atimané
Kótópaae moma dere ala
kae yóo, Pol-né kale sukąle
whį Yesu momó kepaayóló
beterapó yóló dere fo kae yóo,
dere fomó dóroi yóló dere
fomaaté wosalepó.

²⁰ Atętepa, ai fo bete
wisiyóló kekąlemó, tu me
munipa, ęalo Pol-paae ęa só
deratere fo Jerusalem bemó
fo tokóló wosaalopa, ęa ópaae
holaaloé? yóló wosalepó.

²¹ Tęyalemó ama duraalu,
Sisané fo tokóló tale erópóló
depa, ą Sisa beterepaae
dotonaairaaalu węi nuku kaae
tawóló i beteró betere ape,”
yalepó.

²² Ai fo depa, kale *Kin*
Agripané duraalu, “Ękélé
ama dere fo betekó wosaai
dapó,” yalepó. Ti fo depa
Festus-né duraalu, “Dó hįka
be deętepa ama dere fo bete
naao wosaasepe,” yalepó.

*Pol Agripané keletómó
daayale fo*

²³ Atéro hįka be deętepa,
Agriparó Bernais-tamo *kin*-
né kuti deróló walepó.
Atéro wapa, kale *Gavman*-
né sóró daaló betere topo
whįraperó ai be hulua kaae
tare doasi whįrapetamo
atima fea wóló touratere
bepaae derepelepó. Atéro
betepa, Festus-né diki tare
whįrapené doasipaae Pol
dape sene depa, dapesó
wóló daalepó.

²⁴ Téró, Festus-né duraalu, “Doa *Kin* Agriparó doasi wh̄irapetamo-ó, diāné i wh̄i kelae. Juda so wh̄i feanékélé, Jerusalem be hulua so wh̄inékélé, i be wh̄i so wh̄inékélé, ai wh̄itamo fopaae buturaalu, epaae fo tokóló taleyóló só deraai du betere wh̄i ai ape. Tétu, atima fo fakeyóló epaae duraalu, ai wh̄i momó beterópóló meipa mo ti dóló alurae du betere wh̄i ai ape.

²⁵ Yálo kiswa fatepa, i wh̄i tuamó a sukópóló daaire betekélé, mo meipó. Téretei amatei, Sisané ama fo wosóló taleyópólópó yaletéiné yálo a Rom *Gavman* Sisa beterepaae dotonaa i yalepó.

²⁶ Té yaairaaalu, dané doasi topo wh̄ipaae etérapóló asę yaai dere dowi ala kwia mekó yálo kilinipó. Tépatei, yálo hāle noa fo asę yaaloé? Téreteiné, doa wh̄i Agripa yáta, ti doasi teteróló daale topo wh̄ipa, naaotei fo bete donoróló wisiraterere fo wosaai dapó.

²⁷ Ti noatepae, ama yale alarape fea asęmó eróló sóró fupata, ti wisirapó. Aténi, *dipula* wh̄i *Gavman* wh̄i beterepaae hāle hōko dotonaterere ala tų munipó,” yalepó.

26

¹ Ai fo du beteró kemetepa, Agripané Pol-paae duraalu, “Naa yale alarape fea naaotei yae,” depa, ama naase horóló atimané a só

deratere mo nisi yaqsóró, kaae sóró yalepó.

² “Doasi *Kin* Agripa-ó, ai Juda wh̄irapené ę só deratere fo yálo me dowi alakó yalemó dere nisi yaqsóró, naao keletómó ę hękesetamo atima dere fo tokó melaai dapó.

³ Ti noatepae, yáta dā Juda so wh̄iné mara mole alakélé, atimané dóroi du betere fokélé, naao mo wisiyóló kisi-parapó. Téreteiné, yálo i dere fo betā naao wosaasepóló dapó.

⁴ Ę mo take ketemó yálo turuku bemó bituraalu, yale alaró Jerusalem be huluamó bituraalu yale alarapetamokélé, mió i deté kutu betere alarapekélé, mo fea Juda wh̄irape atima kisiparapó.

⁵ Ti ęta mió kisi wale wh̄i mei, take bituraalu yale alarape fea atimané tuę ereteiné yálo noa alakó depa, atimané kilitikimó ti atimané enérapó. Kale Farisi wh̄irapeta, Kótóné ala eraai mo doakale ketekę bole fakerapetamo titiyóló betā kutó yale wh̄i ę i ape.

⁶ Take Kótóné dané ayarapepaae etei ala mo eraalopóló ere fo yálo mopóló kiswa tiratere alamó atimané mió ętamo fo tokóló só deraai ai du betere ape.

⁷ Kale dā 12 Israel fakerape dokopaae, Tale Kótóné i ala eraalopó yóló mulale fo mo dokonatēpa kelaai hātamó beterapó. Tétu, dętamokélé, dikitamokélé, betere dokó fea Kótóné dirae ere kutó

betã dirótu beterapó. Agripa-ó, ai ala du beteremó ai Juda so whinë ętamo ھاleteti fopaae buló só deraai dapó yalepó.

⁸ Sukutere whi Kótóné ama momó kepaaróló beteratapó dere fomó, diã noatepa sira du bitu de?

⁹ Take ھاlokélé, ai Nasaret whikó Yesu Kerisoné doimó du betere ala taalópóló sesé dere ala yaairaaalu, ھاlo tuéné mo wisi ala nisyóló ę mo doakale keteke buale whipó.

¹⁰ ھاlokélé ai kaae kisipa mutu, Jerusalem bemókélé, atei alatóró yalepó. So whimó momaratere topo whirapené Keriso so whi sóró *dipula* beterãleta yae depa, ai ala dua yalepó. Téturaaalu, mepaae so whi mo ti daairaaalu ępaae wosetepa, ھاlo 'Téyaalopa sae,' dua yalepó.

¹¹ Be de dere dokó ę Keriso so whi Juda whinë fo wosetere berape dokó yóló, betó mole so whi tawóló sóró susupu eraairaaalu beterãleta dua yalepó. Atéturaaalu, atimané Talepaae dowi fo yópóló, doakale dowi susupui ala erótua yóló, ę doasi fopaae butu, botokó fóló kae hae kwiamó betó mole so whikélé sya kweyóló susupurótua yalepó.

¹² ھاlo até dere alamó so whimó momaratere topo whirapené ھاlo dere ala wisirapóló atimané ę sóró daalóló Damaskus bepaae dotonalepó.

¹³ *Kin* Agripa-ó, atimané ę atéró dotonatepa fu betalemó, tu tuamó 12 *kilok* sukakelemó samó mo ama kae dené ękélé, ھاlo fulumu whirapekélé, da fea daale tiki deřalepó. Ti ai deřa, sukané deřkélé ai kaae meipó.

¹⁴ Ai denétei, da fea dóló beseké yóló haemó muó molemó, betã foné Erameike fo yóló duraalu, 'Sol! Sol! naao noatepa ę susupuraté kutu bitu de? Naao ai dere alata, kale *bulmakao* hupu ھاkotere whi dósuyóló nuku dere kae, naao dere alané ھاtei, susupu saalo ai ape,' yalepó.

¹⁵ Tétepa ھاlo ępaae wosetepa, 'Tale-ó, ھا né de?' depa, Talené ępaae duraalu, 'Ęta, naao susupuraté kutu betere whi Yesupó.

¹⁶ Térapa ھا turukó holóló, naao ھاleke donoyóló daane holae. Mió ę ھا beterepaae wóló i daaleteita, ھا ھاlo kutó diratere whi bitu, naao keletere ala yó maté kweyópóló sóró beterãleta walepó. Téturaaalu, nalo ھاlo ھاpaae me ala yó melaalopó.

¹⁷ Atétu, ھا naao fake so whinékélé, Juda meire fake so whinékélé, ھا daqsóró ę ھاřamo wusuró betaalopó.

¹⁸ ھاlo ھاpaae ai eratere alata, ھا fóló kale kele dikire so whi kele fisãae faraalopó. Téturaaalu, atima diliki tuamó betereitei taaróló deř tuapaae waalopó. Atima kale Satané teřeróló kaae tareitei taaróló, Kótó beterepaae wapa, ti atimané dowi ala

yalo tokóló kemeraalopó. Até depata, ti ai so whi epaae tué tiki tiróló betó mole so whi kuamó, betamó beteraalopó, yalepó.

19 Térapa, *Kin* Agripa-ó, i dere forape feata, yalo ó hepen bemó noke naró dere kaaené depa kelale ala taaréni, hãle tué yó tareteiné yalo i fo tukóló me ala enénipó.

20 Ai alarape fea, mo folosóro Damaskus be hulua so whipaaepi yó melóló nalota, ti i Jerusalem bemó betó mole so whipaae yó melale walepó. Téturaalu, Judia hae kwiapaaekélé, Juda meire so whi betere hae kwiapaaekélé, mo fea Kótóné fo tué yópóló yó melaté kweyalepó. Dowi ala fea taaróló, tué tiki feteyóló Kótó beterepaae wapa ti tó tikimó dere nisi yaqsóro, mo ala dapó yópóló, naao dere alané hãkearae.

21 Yalo ai fo yó matere betené Juda whirape wóló moma dere be dolomó ę tawóló daai yalepó.

22 Téyaletei, Kótóné ę tao sere ala take kaae sale be demó deté waletei, mió i daale tuamókélé ai alatóro hãle yó tapa i daale ape. Atéreteiné, mió diã doasi doi mole whiraperó doi munire whirapetamo betó mole tuamó yalo kelale ala i yó mótu betereiteita, me kae kisi fo meipó. Mo take Moses-ró Kótóné kóló whirapetamoné i ala yaalopó ere fo mo dokonótu erale ala i yó mótu

betere ape.

23 Ai whirapené ere fo i ape. Tęteróló kaae tanópóló sóro daaló betere whi Keriso doakale dele sóro mo ti sukãalotei, momó kepaayóló betaalopó. A atéro kepaayóló bitu, Kótóné dã tao saaire fota, diliki tuamó dę erótu betere kaae ama Juda so whiró Juda meire fake so whitamopaae yó mótu betaalopóló erapó. Ai ere fota, mió i yó mótu betere ape,” yalepó.

24 Pol-né ai fo deremó Festus-né ama du betere fo tęteróló fo fake yóló duraalu, “Pol-ó, naao ai du betere fota, yã doakale *skul* du betale tikimó naao topo doturaalu ai dere ape,” yalepó.

25 Ti fo depa, Pol-né apaae tokó mótu duraalu, “Doa whi Festus-ó, ę topo doyóló dumi, mo bete mole fotóro yalo i dere ape.

26 Kale *Kin* Agripané i du betere foraperó dere alatamo bete mo fea ama diriyóló kisiparapó. Atérené wi yóló ini, mo halaaainé apaae du beterepó. Ti noatepae, ai ala feata hiyóló yaaire ala meipóló kisipa mutu dapó.

27 *Kin* Agripa-ó, kale Kótóné kóló whirapené ere fo naao dosayóló mopó yóló tué tiki tiróló beterepóló yalo mo diriyóló kisiparapó,” yalepó.

28 Ai fo depa, Agripané Pol-paae duraalu, “Naao ai dere foné miótitoró yalo tué tiki hapale feteyóló Keriso whi beteraaló?” yalepó.

29 Ti fo depa Pol-né ɔpaae duraalu, “Miótitoró kisipa feteyóló Keriso whi betaai depakélé, me be demó betaai depakélé, ti me ɔla meipó. Téreteiné yalo i dere fota, yɔpaae maaté dumi, mepaae ai daai mole so whi feapaaekélé, ɛ betere kaae beteropóló kisipa mutu, Talepaae moma du beterapó. Tépatei ɛ i ere kaae *sein* képiné dokotere ala betɔ erópóló moma erótumipó,” yalepó.

30 Pol-né ai fo deremó kale *Kin* Agriparó ama nema Bernais-tamokélé, kale *Gavman* whiné sóró beteró betere whikélé, atimatamo betó mole so whikélé, fea turukó holóló belapaae felepó.

31 Atima atéro belapaae tóɛ fóló daae muluraalu atimasisi fo tiki kɛlaaróló duraalu, “I whi sukópóló daaire ala ó *dipula* beteraaire ala betekélé munipó,” yalepó.

32 Téró, Agripané Festus-paae duraalu, “Ai whiné amatamo Sisané doi yóló ama fo talerópólópó uɔmeisóró, ti mióti fópóló yalo dotonólupó,” yalepó.

27

Pol wɛi nukumó Rom bepaae fele fo

1 Atimané da Itali hae kwiapaae wɛi nukumó fópóló, taleyóló tukóló muló betepa, Pol-tamo mepaae *dipula* whirapekélé, diki tare whirape kaae tare whiné naase tuámó mulóló dotɛyaaai yalepó. Ai kaae tare whi Julias-ta, Sisané ama kae

beteró betere diki tare whi doi mole fakekópó.

2 Téró, da fóló Adramitium be whiné nukutei Esia hae kwiamó wɛi fóku seseɛ kotere nuku duló betepa, da sóró felepó. Ai nukumó Masedonia hae kwiamó tɛne be Tesalonaika be hulua whikó Aristarkus-kélé, ɔtamó felepó.

3 Da atéro fóló wɛi tómó fiyóló hika Saidon bemó sókó felepó. Ai bemó nuku daaróló Julias tuɛ wisi muturaalu, Pol ama fulumu whirape betere tikipaae ɔ yɔyɔre ɔlakó melópóló kweyae yóló dotonalepó.

4 Téró, da ai Saidon be hulua taaróló felemó, da faaire tikiró doakale besé tiki wouraalu faai dere sunipa, Saiprus hae kwia fakeró wɛi fanoko seseɛ besé wale tiki kinaté felepó.

5 Téró, da Silisia beró Pampilia betamomó mole wɛi kɛla tuámó tukóló fóló, Lisia hae kwiamó tɛne be Maira bemó sókó walepó.

6 Téró da ai bemó sókó fóló, kale diki tare whirape kaae tare whiné Aleksandria be huluamó Itali be huluapaae faaire nuku duló betepa ke-lalepó. Atépa, da ai nukumó beteró felepó.

7 Téró, da beséné dere alamó dua wóputé fu betepatei, be ɔrape dekéro kemeyalepó. Até deté furaaalu, Nidus be kese faté felemó doasi besé tikiné fenénipa, ɔpaae bolokó felepó. Atéro, wɛiné bopéro

daaló betere hae kwia Krit tuamó wẹi fókumó tene Salmone bemó sókó felepó.

⁸ Téró dą mo doasi besé tikiné fenénipa, hae duné kinaté mo dua wóputé wẹi fanoko seseķę fu betalepó. Téró Lasea be felekemó beta wẹi sukóló mulale fale tiki wisinaale doi mole nuku dulótua dere tikimó sókó felepó.

⁹ Atéro, wóputé fu betepatei, be đẹrape dekéro haķe kemeyalepó. Téró, kale Juda whırapené ọla weyóló betere be đẹ kemene folepaae, beséro sosóli alitamo felekemó waai yalepó. Atei kaae be đẹmó wẹi tómó nukutamo kotere ala mo wisinipóló kisipa mutu, Pol-né nuku só kotere whırapepaae i fo yalepó.

¹⁰ “Ti be whı-ó, dą mió doai sosólıró besé alitamo tuamó fupata, ti đakélé, i nukukélé ọla ọlakélé, mo fea tuą tikimó aluyaalópó,” yalepó.

¹¹ Ti fo yaleteti, kale diki tare whırape kaae tare whıné nuku taleró nuku só kotere whıtamóné dere fo wosetu-raalu, Pol-né dere fo sisópaae eralepó.

¹² Kale ai wẹi sukóló mulale fale tikimó dą sosóli ali kemeyópóló kaae tawóló betaai yaleteti sosóliné betenénipa, fo tiki ķęlaaróló tale yalepó. Atéro mo turó whırapené duraalu, ai hae tikimótei me be hulua Finiks-mó betaai faalópó depa felepó. Ti ai wẹi nuku đuraleta dere tiki Krit haeta, *saot-ró west-tamo* upaae ene fóo, *nortı-ró west-*

tamo ipaae ene wóo epa tuamó erapó.

Doasi besé tikiró hali tiki-tamo wale fo

¹³ Atima atéro uté *saot-ró* fakeró maaté sawa béi besé wapa, kale nuku duló betere halika teraayóló atima Krit wẹi fóku seseķę faairaalu felepó.

¹⁴ Téró atima mo tupaae fenipatei, hasi bosenóló wẹi tómópaae dorowale doakale fotokọi besé tikiné doi *nortı-ist* besé sókó wouraalu kale nuku tao sóró feteraai yalepó.

¹⁵ Ai besé tikiné nuku tao sóró wẹi kulu tuąpaae taae fatepa, besé walepaaetei, ọalesumó hóné sukálepó. Atétepa, ama ķęleaané sóró fópólópó nuku bisiki tao diliki yóló haķe betó mupa, beséné amatei sóró fu betalepó.

¹⁶ Téró, besénétei sóró fóló weıné bopéróló daaló betere hae kwia Kaodamó sókó felepó. Atéro ai hae tikiné kale besé kinóló fanokomó seseķę furaalu, kale beleķamale nuku doasi nukumó dulaairaalu wolopeté felepó.

¹⁷ Teyale tikimó beséro hali tikitamo wouraalu, fotokóné fenénipa kale nuku sóró doasi nuku tómó beleralepó. Atéro halika tikiné atima betere doasi nuku tekée faqsóró, ó kwiaró a kwiatamomó sįyóló dokóo, tuamókélé sįyóló dokóo, yalepó. Aita nuku hapale hoko furaalu, atikamó dee tane fóló atima

doraqsóró wituraalu yalepó. Kale wẹi tómó ama kọleaané fópóló nuku kejraté fole kuti kwia wẹipaae deróló duralepó. Ai wẹi kulu tuámó tukure halepané doita, Sirtis-pó.

18 Téro, fiyóló hikakélé doakale besé tikiró wẹi asyatamoné dą felekemó sóró deratepa, nuku fé yópóló ai muó mole ọla ọla sóró wẹipaae kaae sóró teraayalepó.

19 Sore eratere be demó dą mo felekemó alunépa, kale nuku kotere ọla ọlatei tao suyóló wẹipaae teraayalepó.

20 Atéru, sukakekélé horekélé mo sawa keleni, besé tiki betą hale wómaaté tapatei be dẹrape dekéro kemeyalepó. Atétepa, dą betaaire kisipa mei, mo sukąaire kisipa betą muóló betó molepó.

21 Atére alamó kale be whirape atima bitiré wale dokọ ọlakélé néni, wote siri betó molepó. Atéru, Pol turukó holóló duraalu “Ti be whi-ó, take ọlọ Krit hae kwia taaróló faalo meipó yale fo diaaọ wosuąsóró, ti dą etei kaae sekę sóo, diaaọ ọla ọlakélé wẹipaae teraa yóo, wuą meipó.

22 Téretei mió ọlọ diąpaae mo dapó. Dą i betó mole whikó wẹimó aluyaalo meipa, betą kisipa muóló faalopa sae. I nuku betą wẹi tuámó doyaalopa dą wi dere ala ini, hosaa diriyóló betae.

23 Ẹ Tale Kótóné ama kutó dirípóló sóró beteró betere

whireteiné, take dilikitamo hepen bemó kutó diratere *ensel* ẹ felekemó daane walepó.

24 Atéro, ẹpaae i fo yalepó. ‘Pol-ó, ọ wi ọaọse. Kótóné kọlené sukutere ala ọtamo mulu, Sisané keletómó daalu fo tokóló tale inipatei, ọró ai nukumó betere whirapetamo alu yaalo meipó,’ yalepó.

25 Térapa, ti be whi-ó, dią i wẹiné dere alamó wiyóló diri furu furu ọaọse. Tale Kótóné ama kutó diratere *ensel*-né ẹpaae yale fo motóró eraalopóló kisipa mutu, ọlọ hosaa muni deyóló hajné sukóló i betere ape.

26 Téyaalotei, i nuku betą ti wẹiné bopéróló daaló betere hae kwia felekemó tukure halepamó dene fóló doyaalo ai ape,” yalepó.

Wẹi nuku doyaale fo

27 Téro, dą Adriatik doasi wẹi kẹla tuámó fu betepatei, 14 be dẹrape kemeyalepó. Ai 14 be dẹ dilikitamo 12 kilok kale nuku só kotere whirapené tuéné mió kale wẹiné bopéróló daaló betere hae kwiapaae felekemó sókọ faai dapó kisipa mualepó.

28 Atei kisipa mutu, halepa feleke déró kelaai sawa sekẹ ọla deralepó. Téyalemó, wẹi dolopaae doropóló hae olaane derepele dale dokọ salemó 37 *mita* epa kelalepó. Atéro sawa fóló tumó kale dere kaae momó deróló salemó 27 *mita* epa kelalepó.

29 Atéteremó, kale nuku hapale furaalu, wẹi dolomó daae mole kapomó dene folo

dā felekemó doranépa witu, sekēi ɔlarape nuku salemó douró duwóló deralepó. Atéro, furaalu, be hapale deýópóló moma deté fu betalepó.

³⁰ Kale nuku só kotere whīrapené weīné atima sóró aluraṣóró botokó faaire tu keketu i ala yalepó. Atimané mepaae whīrape dilikóló atima faai kale sekēi ɔlarape nuku topomó duróló derat- apóló, belekḁamale nukuné halika teraatu betalepó.

³¹ Téyaletēi, Pol-né kale diki tare whīrapené topo whīró ama diki tare whīrapetamopaae duraalu, “Ai whīrape atimatamo i nuku tuḁmó bitini depata, ti dā fea weīné dóló alu- raalopó,” yalepó.

³² Atétepa, kale diki tare whīrapené nuku belekḁa tiki duló betere képi weī dolopaae turukóló taae de- ralepó.

³³ Téró be deṭeretamo Pol- né ai whīrapepaae duraalu, “Diḁ *fula* tamo tuḁ weīné dere alamó aso sókó fóló bitu, ɔla sawakélé olaa yóló bitinipó.

³⁴ Atéyaletēiné mió yaḁo diḁpaae ɔla nae yóló seḁ dere fo i dere ape. Diḁ wotené sukaṣóró fotokḁ buópóló ɔla dekéro nae. Diḁta, weīné mo betḁ whīkókélé aluréni, wisiyóló dua sókó fóló betaalo ai ape,” yalepó.

³⁵ Ai fo yóló kīlipaae *bred* o bula sóró taru atimané keletómó Tale Kótópaae mo kée yóló kolokó daalu yóló, ḁ kaae sóró nalepó.

³⁶ Atétere ala kilitu, whīrape fea hosaa muni deýóló haḁtamo atimakélé sóró nalepó.

³⁷ Dā ai nukumó betale whīrape dokḁ suraalu, 276 whīrapepó.

³⁸ Atima ɔla nóló kemeróló kelalemó, kale nuku sekē epa fé yópóló *whit* o yorape weīpaae sóró teraayalepó.

³⁹ Atéro folo, hīka be deṭepa, betḁ hae kwia epa kelaletēi ai hae tiki atima wisiyóló kisipa inipó. Atéro ai hae kwia ere tikīpaae kese faralemó, weī sukóló mulale fale atikḁ wisinaale keletēpa aimó nuku dakerḁle faalopó yalepó.

⁴⁰ Atéyaairaaalu, kale sekēi ɔlarape duló betere ha- lika tikirape turukóló weī dolopaae taae deralepó. Téró kale nuku só kotere ni fake dokore halika tikikélé teraayalepó. Kale nuku beséné sóró fópóló duló betere kuti kwiarapekélé, teraayóló mulaletēi, momó ó nuku kwia fójro woloralepó. Atéro, atima weī fóku atikḁ tópaae sókó faai felepó.

⁴¹ Téyalemó, kale nuku furaalu, weī tuḁmó sokore halepamó deýóló kḁae saletikimó tokóló faaitere mo sunipó. Atépa doasi weī asyané, kale nuku sale mo terekeyóló taae falepó.

⁴² Atétepa, kale diki tare whīrapené *dipula* whīrape botokó weī ḁlaae faṣóró mo fea dóló aluraai tué mualepó.

⁴³ Té yaai yaletēi, atima kaae tare whīné Pol

sinaqsóró kisipa mutu, diki tare wh̄irapené yaai yale ala sesé yóló taalalepó. Atéroró, kaae tare wh̄iné duraalu, diā mepaae w̄ei ʔlaae fole kisipare wh̄irapeta, ti w̄ei ʔlaae fae yalepó.

⁴⁴ Mepaae w̄ei ʔlaae fole ketere wh̄irapeta, ti ai nuku terekée fele ni fake halake dolomó bulóló ʔlaae fua yae depa, atima fea ai fotóroró sya fóló, wisiyóló sókó felepó.

28

Pol Malta haemó betere fo

¹ Dā sókó fele w̄ei fókuta, w̄einé bopéroró daaló betere hae Maltapó.

² Ai Malta so wh̄iné dā mo wisiyóló dape sóroró simó beterelepó. Aita, doasi sosóli ali tuā dolomó hali nale tikimó sosóliné dā sukutepa, simó tiki dirirótu betalepó.

³ Pol ai felekemó yó mole si detāame betāpaae yóló simó bilirótu beterelepó, wh̄i tukó nokole wuli male si detāame dolomó buói si supumó sókó wóló Pol-né naasemó tukó naalepó.

⁴ Atétepa, kale ai be tale so wh̄iné wuliné Pol-né naasemó fō yó tapa kolóló, atimasisitei duraalu, “Ai wh̄ita, wh̄i dilé kotere wh̄i erurapó. Atétereteiné dowi ala dere kwia tokó matere kótóné ʔ w̄einé dóló aluréni, taaróló mió imó wuliné ai dele ape,” yalepó.

⁵ Tépa, kale wh̄iné ama naase fépo yalemó, kale wuli male si dolopaae taae dere felepó. Até yaletei, Pol ʔ

naase tópuóló dotopo dere alakélé inipó.

⁶ Téró, ai daae mole so wh̄iné Pol-né naase dotopo yóló tóputere ala ó dukó fóló sukutere ala kelaai kaae tawóló daapatei, suka kele doasi keme yalepó. Kale seké me alakélé initere ala kilitu, atima kisipa tiki momó feteyóló duraalu, i wh̄ita kótóteipó yalepó.

⁷ Téró, Malta hae tēteróló kaae tare topo wh̄i Pupliasné ama hae ai w̄ei fóku felekemó erepó. Ai sekéné dā ama bepaae mo dua wisiyóló dape sóroró kaae tawalepó. Atéroró, ʔtamo betepa be de sore kemeyalepó.

⁸ Dā atéroró beterelepó, kale sekéné alima topo supu dere kisiró diasatamoné sukóló mupa, Pol-né ʔ keke fóló momaróló naase mulalemó, kale wh̄i wisiyalepó.

⁹ Até dere ala kilitu, ai bemó kisi daayóló muó mole so wh̄i mo fea Pol beterepaae wóló betó mupa, ama wisirótua yalepó.

¹⁰ Atétere ala kilitu, ai so wh̄iné dā dukiróló doasi wh̄i ʔralepó. Téró, dā ai be taaróló faaitepa, dā yāyāre ʔla ʔla fea atima melalepó.

Pol Rom bemó sókó fele fo

¹¹ Dā ai bemó wélié sore betero faairaalu, nuku kekālepó. Téyalemó Aleksandria wh̄irapené nuku sosóli ali ereteiné hāle muló betepa, dā ai nukumó bitī felepó. Ai nuku kwiamó, betā be demó deale kótó naale tamo Kastaró Poluks-tamo

suróló aleale aso dakeró beterepó.

¹² Téró da Malta taaróló fóló, me weiné bopéro daalo betere haemó tene Sirakus be huluamó sókó fóló, aimó be de sore daayalepó.

¹³ Atéro, da ai be hulua taaróló fóló, Resium be huluamó sókó felepó. Aimó fiyóló hika ti da u saot fakeró besé wapa, taaróló fóló tu tuamó fiyalepó. Atéro fóló, Puteoli be huluamó sókó felepó.

¹⁴ Téró wei nuku taaróló mepaae Keriso norapené da dape sóró atimatamo be de weikeró betalepó. Da atéro betero, nalo ti mo hae tumó fóló Rom be huluamó sókó faai felepó.

¹⁵ Téyalemó, Rom bemó betó mole Keriso no nrapené da wou beterepó dere fo woseturaalu, mepaae so whi atima datamo hokolaa yaai ɔla dotonóló dupu dere tiki Apius-paae walepó. Mepaae uké wale whirape fiyópóló be sore tenó betere tikimó hokolaane walepó. Atéyaai mo umó wapa Pol-né atima kilitu, Talepaae mo kée yóló haj yalepó.

¹⁶ Téró da Rom bemó sókó fóló, Gavman whiné Pol a ama wotoró kae bemó beteróló diki tare whi betá a kaae tawóló beterepó.

Pol a diki tare whiné kaae tapatei Talené fo yó maletai

¹⁷ Téró be de sore keme-tepa, Pol-né Juda topo whirapepaae tourale ape yóló betó mupa duraalu, “Norape-ó, yalo so whipaae

dowi ala mekó eréni yóo, dané ayarapené mara mole alakélé, doréni yóo epatei, atimané e Jerusalem bemó hale tawóló *dipula* beterepóló, Rom Gavman-né naase tuamó i muló betere ape.

¹⁸ Téró, Rom Gavman whiné fo tokóló taleralemó, e doló sukunaai dere dowi ala kwia mekó munipa, fópóló dotonaai yalepó.

¹⁹ Téyaletei, Juda whirapené meipa *dipula* beterae dere fomó, yalo ti wisirapa Sisané yalo fo tokóló taleyópóló Sisa doi yalepó. Yalo atéyale alata, yalo so whitamó fo tokóló atima só deraai kisipa mutu ini, atimané e haletei *dipula* beterae depa yalepó.

²⁰ Ai fo hakearóló diapaae yaairaaalu, ape yalepó. E sein képiné i dokóló muló betereiteita, kale Israel fake so whi Kótóné tao saalopóló haitamo betere ala mo dokonale betené e sein képiné dokóló i betere ape,” yalepó.

²¹ Ai fo depa, kale whirapené apaae duraalu, “Mepaae Judia hae kwiaró wale norapené naao i dowi ala yalepó yóló, dapaae fas asé yóló alatare ala ó kólóné ene wale alakélé inipó.

²² Atépatei, dané mió naao kisipa mole fo betá wosaai dapó. Ti noa betené dumi, be hulua feamó betóló fale so whiné duraalu, da i fake tuamó bukótamo yóló kae bití fale so whi dorapó depa dané wosetu beterepó,” yalepó.

²³ Ai fo kelaaraai, atima momó touraaire be de tukóló

mulalepó. Ai kale tukóló mulale be de sókó wapa, take folosóró wale whirapetamo mepaae kae wale tikimó, so whi mo fea hale ɔla kaae Pol betere bepaae wóló touralepó. Atéro betó mupa, Pol-né Kótóné tetéroló kaae tare aomó mole ala etérapóló yó mótu, Moses-né asere foró Kótóné kóló whirapetamoné ere fotamo yó mótu betalepó. Téro ai fo mo dokonóturaalu, Yesu mo ai wale ape yóló hikati kaae soró yó maleteti be dikiralepó.

²⁴ Ai fo woseturaalu, mepaae so whi Talepaae tué tiki feteyóló tiraleteti, mepaae tué fetenipó.

²⁵ Atéturaalu, atimasisitei kae kae kisipa muóló foné u só derótu i só derótu du betepa, Pol-né fo kemerótu i fo yalepó. “Dei Kepe Wisiné dijané ayarapepaae Kótóné ama fo wisi yó móturaalu, Kótóné ama kóló whi Aisiaiané kólómó mo fo erapó.

²⁶ Ya fóló, yalo so whipaae i fo yae.

Take diaaɔ yalo fo wosaalotei foné bete wisiyóló kisipa muaalomeipó.

Take diaaɔ yalo dere ala mo kelené kelaalotei, ai alané bete diaaɔ kisipa yaalomeipó.

²⁷ I so whiné hosaa hapólu eru, atimané woséliné wosaaireteikélé, mo hapólurapó.

Atima kelené bete wisiyóló kelaɔsóró kele hukunó beterapó.

Atimané woséliné wose-nalemó, bete wisi wisiyóló wosóo, atimané tué tekeyóló bete kisipa duraalu, epaae feteyóló wapa, yalo wisiróo yaɔsóró hapóluró beterapó, erapó.

²⁸ Térapa, i ala beta dijané tué muópóló dapa wosae. Kótóné ama mo doasi tao sere alata, kale Juda meire fake so whi beterepaae dotonó betereitei diaaɔ kisipa yae. Térené take ai so whiné wosóló tué muaalopó,” yalepó. Atimané Pol-né ai dere fo woseturaalu, atima a taaróló faai yalepó.

³⁰ Ba fo tamo tuamó Pol a betere be amatei, dupu deté fóló beterepó. Atétu, a beterepaae wua dere so whi mo fea wisiyóló dape soró ekei fo dua yalepó.

³¹ Téturaalu, Kótóné tetéroló daale aomó mole alaró Tale Yesu Kerisotamoné ala etéropóló diriyóló halaainé daalu yó mótu beterepó. Ama atéro yó mótu betepa, whi mené sesé dere ala inipó.

Rom

¹ I așeta, Yesu Kerisoné kutó diratere whi Polné dapó. Kótóné ama fo wisi yó maté kweyópóló, ă beterepaae ape yóló, ę *aposel* whi sóró beteralépó.

² Yesu Keriso ă waai teópatei, Kótóné kóló whirapené so whi tao saaire fo wisi waalopóló, yóló mulale fo ama kae muló betere *buk*-mó așeyóló mulélipakalépó. Ai fota me kae mei, Kótóné ama naalemamó erapó.

³⁻⁴ ă mo tiki daaleteita, ti Depit-né deté wale whiné deyaleteiné erapó. Mo kae beterótu betere Deı Kepe Wisiné ă Kótóné Naalema mo doasi fotokọ bole whipóló so whi feané kisipa yópóló haķearaaleteita, ă sukăletei momó kepaayale alané eralépó. ă me kae mei, da țeteróló kaae tare whi Yesu Kerisótórótípó.

⁵ Yesuné ama doi doasi muópóló, Kótóné ăpaae matepa amamo hamokoróló đapaae *aposel* kutó melalépó. Atéyaaleteita, Juda meire fake so whi fea Yesu Keriso beterepaae wóló, ăpaae kisipa tiki tiróló ama fo aqmó sukóló beterópóló, ai fo yó maté kweyae yóló, da sóró beteralépó.

⁶ Diăkéle Yesu Kerisoné ă beterepaae ape yóló, ama fake so whitamó touró

betereteiné mo ama so whitóró beteraépó.

Pol Rom-paae faai yale fo

⁷ ălo i dere așeta, Rom bemó betó mole Kótóné yaala sókó furaalu ă beterepaae ape yóló, sóró kae beteró betere so whipaae dapó. Téraa, đané Aya Kótóró Tale Yesu Kerisotamoné hamokoróló tao sere alaró hosaa muni deyóló mo dua betere alatamo, diă feapaae erópóló yae.

⁸ ălo folosóró dere fo i ape. Diă Talepaae tué tiki tiró beteraépóló, i hae kwiamó betó mole so whiné deté fupa ălo wosalépó. Diă fea atéró betepa, ę Yesu Keriso tuamó bitu, ę țeteróló kaae tare Kótópaae mo kée du beteraépó.

⁹ Kótóné ala eróturaalu, ălo hosaa tuamó doasi ketekę buóló, ama naalemané fo wisi so whi feané wosópóló i yó mótu betere ape. Ai Kótóné keletómó, betere dokọ ălo diă kisipa keteréni, diamó moma haķe eró taretei ama mo kisiparapó.

¹⁰ Atéró moma deté wou betereitei, mió mo dokonóturaalu ę diă beterepaae wópóló, Kótóné ama tu aleraai kisipa mupa, ti ai ala mo erópóló du beteraépó.

¹¹ Deı Kepe Wisiné ę tuapaae hamokoróló erale ala wisi diă fotokọ buóló beterópóló, ălomo diă melaai ę diă beterepaae mo wonée du beteraépó.

¹² ę diă beterepaae wonée du betereiteita, haķe meipó. Diaađ Talepaae kisipa tiki

tiró betere alané ę ketekę bulóo, ęalo kisipa tiki tiró betere alané diąkélę ketekę bulóo yaai kisipa mutu waai dapó.

¹³ Ne norape-ó, ęalo i dere fo diąné kisipa yaasepóló diriyóló wosae. Ę mepaae Juda meire fake tuąpaae fóló, Kótóné ala eróló du olerótu yale kaae, dią tuąpaaekélę ai ala eraai kisipa mutu wonée du betereitei mepaae alané sesé deté wóló, miókélę ai alatóró ęale du beterańpó.

¹⁴ Ęta, Krik fo bole whįró kae be fo bole whįtamokélę, *skul* yóló doasi kisipa sere whįró *skul* ini mo ęale betere whįtamopaaekélę i fo wisi yó matere ala Talenę ępaae dirae yóló melale kutó ereteinę taaręni, feapaae mo eraai doasi ketekę bulapó.

¹⁵ Atére betenę, dią Rom bemó betó mole so whįpaaekélę kale fo wisi yó matere ala ę wini, halaainę yó melaai mo doasi ketekę bulapó.

¹⁶ Ti ai fo wisi tuąmóta, Kótóné ama fotokę boleteinę ai fo wosóló tuę tiki tiró betere so whį fea aluyaęsóró, tao saaire fopóló kisipa mutu, ę wini halaainę yó mótu beterańpó. Ai fo wisi folosóró Juda fake so whįpaae yó melóló, nalo ti Juda meire fake so whįpaae i yó mótu betere ape.

¹⁷ I fo wisinęta, Kótóné keletómó mo donoi so whį beterate ala i ape yóló, ęakearóló yó mótu beterańpó. Ti ai donoi alata,

kaae sóró detę fóló kemene folepaaekélę me alanę sumitei, kisipa tiki tiratere alanę betę sua dapó. Ti aita, ašemó ere fo kaaepó. “Mo donoi so whįta, kisipa tiratere alanętóró bitirę faalopó,” erapó.

Kótó fopaae butu erótu betere ala

¹⁸ Tępatei, i haemó betó mole so whįné Kótó betere kisiparutei, bitini nisiyóló ama fo wosaalo ęóróló, kae kae du betere dowi alanę kale bete mole mo fo wisi aluróló husirótu beterańpó. Atętu betepa Kótó hepen bemó bitu, ai dowi alatamo fopaae boletei so whį feanę kolóńpóló, ęakearótu beterańpó.

¹⁹ Ti ama ai fopaae butere alata ęale mei, Kótó ę etei kaae Tale beterańpóló so whįné kisipa yóńpóló, amatei ę ęakearóló yó mótu betaleńpó.

²⁰ Mo take Kótóné i haeró yó mole ęla ęlatamo kaarale alimó kaae sóró bitirę wale so whįnékélę, mió i alimó betó mole so whįnékélę, Kótó ę tuąmó ere ala kelenę kelenęnipó. Tępatei, ama aleyóló muló betere ęla ęla kilituraalu, i ere ęla ęla feata, mo ti betere Kótóné doasi fotokęné alerańpóló kisiparańpó. Atére betenę fo tokętamo yóló taletere alimó, Kótópaae ęa betere kisipa iniru yaleńpóló, ama kisipa felęratere fokélę mo yaalomeińpó.

21 Ti noatepae, Kótó atimané kisipa irutei, Talepóló ama doi doasi muópóló hale horatere ala ó mo kée dere fokélé dua inipó. Téturaalu, atimané mole tuę tikikélé okoko iru, hosaakélé mo tóru yóló diliki yó falepó.

22 Ti atimanétei đata, tuę tiki fosó fosó yóló dotoróę fale whırape betepapó du betepatei, atima okokoi whı alée fóló beterepó.

23 Atéru, sukókélé ini, ama kae ere đę wisinaale fąane Kótó betepatei, kelené kilinipóló taalóturaalu, kelené keletere ęla ęlatei, Kótó sųróló whıné naasené aletua yalepó. Ti ai aletua dere ęlata, whı ó ba, na, hupu, wuli, aita sukutua dere ęlarapetei sųróló aleóló aso daaróló, atimané Kótópóló momatua yalepó.

24 Atétu betale betené atima hosaa tuąmó eęęle yóló du betere dowi ala mo ti fakeyóló so ó whı hamomatamotei nópu nokole ala du betepa, Kótóné sesé ini, mo ti deté fu beterópóló taaralepó. Atétepa, hęle deté fu betale mo sonaalei dowi alané atima tikitei folokoleróló, u doręle i doręle du betalepó.

25 Atéturaalu, Kótóné mo fo wisi taaróló, kapala fotei tao tawalepó. ęla ęla fea aleyóló muló betere Tale betepatei ą aąmó sukóló bitini, ama aleyóló muló betere ęla suka, kósupó, hupu, na, hasi, ni atimané talepóló aąmó sukóló bitu,

ai ęla ęlané hękesere ala eróló momatu betalepó. Ai ęla ęla feata, Kótóné aleóló muló betereiteiné ama doi betę hale sóró horóló, mo kée fo du betenęrapó.

26 Atima atei ala hęle du betepa, mepaae mo sonaalei dowi alakélé eęęle yóló hęle deté fu beterópóló, Kótóné seséni taaralepó. Sorape atima whıtamo dere ala taaróló, so hamomatamotei dowi ala du betalepó.

27 Soné ai dere ala kaae, whırapenékélé sotamo dere ala taaróló, whı hamomatamotei yaaire dowi ala atimané hosaa tuąmó si kaae dukuraalu, eęęle yóló du betalepó. Whıné yópóló Kótóné muló betere donoi tu mupatei taaróló, whı hamomatamotei sonaalei ala du betaiteimó, Kótóné matere dowi kwia atimané tikimótóro su betalepó.

28 Ai ala tómó, Kótó ą etei kaae Tale betepapó tuę ini, hęle ęla nisiyóló taae faraleiteiné atima mo okokoi tuę mulóló, ené inire ala hoko deté fu beterópóló taaralepó.

29 Atétepa, du betale dowi ala atima tuąmó fąayóló sųraleitei i ape. Donoi ala ini, hoko dere alakélé, so nópu nokole alakélé, ęla ęla mo dekeró senée dere alakélé, mepaae dere sonaalei dowi alakélé, hęle yó tarepó. Téturaalu, mepaae whıné mole wisi wisi ęla ó du betere alakó enée yóló dei tuę mutereteikélé, whı dele alakélé, hęle sere alakélé, whı dilikitere alakélé, me

whipaae dei kisipa mutere alakélé, betere dokō hāle yó tarepó.

³⁰ Tétu me whi kikiti eratere fokélé, mo hākeamó yóló sininatere fokélé, Kótó hōróló bōe dele alakélé, fo wosóló aomó bitini, dowāae fole alakélé, nene duraalu bopé faketere alakélé, me whiné amatei ā doi sóró horatere alakélé, hāle du beterapó. Aita atimané tuēnétei kae kae dowi ala kaaróo, hama alimané dere fokélé woseni dowāae fōo, duraalu dapo.

³¹ Tétu, wisi tuē mutere alakélé, kisipa tiki tiratere alakélé, yaala sókó fole alakélé, kōlené sukutere alakélé, atima tuāmó mo munipó.

³² Kótóné ama mo donotóró taleturaalu, atei kaae ala du betere so whīta, mo ti sukópóló dae ere fo atimané tuē irutei, dowi ala hāle yó tawóo, atei kaae ala du betepa mepaae whiné kilitu, ai alata mo wisirapa yae yóo du beterapó.

2

Kótóné fo tokóló mo donotóró taletere ala

¹ Atérapa, diā mepaae so whiné du betere ala taleyóló só derótu betere so whi-ó, fo tokóló taletere sukamó diā hāsókó faai kisipa mutu, me fo tokó matere alakélé mo yaalomeipó. Ti noatepae, atima du betere ala kaae diaaokélé du betereteiné,

atima só deróturaalu diākéle ai só derótu betere ape.

² Ai ala du betere so whīta, Kótóné hāle hōko taleyóló só deréni, atimané mo yale ala Kótóné mo donotóró taletu beteretei dané kisiparapó.

³ Diā mo whiné mené dere ala taleyóló só derótu betere-a, atimané ai dere ala kaae diaaokélé du betepa, Kótóné mo donotóró taletere tuāmó diākéle hāsókó faalopóló de?

⁴ Meta, Tale ā mo wisi alatóró erótu betere Kótó bitu, diā hāsókó fóló dowi ala depa kwia hapale tokó meni yóo, diā tu wisipaae fópóló kaae taté fōo, du betere ala diā kisipani, hāle ọla kaae aoróló faletu betere? Ata wisi alamaaté erótu betere Tale ereteiné, diā dowi ala taaróló tu wisipaae fópóló, kaae taté fu betere ala diaaoké kisipa ini airapó?

⁵ Tépatēi diaaoké hosaa taru, dowāae fóló dowi ala hāle yó taremó Kótó ā fopaae butu, kwia melaaire ala diaaokéi betāpaae yóló muté ai hutu betere ape. Atéro kwia matere alata, ama mo donoyóló taletere ala hākearaterē be demó yaalopó.

⁶ Kótóné ašemó i fo erapó.

“Betā betā so whi atimané yale alamó Kótóné kwia mo donotóró melatepa saalopó,” erapó.

⁷ Mepaae so whiné wisi alatóró hāle yó taru, Kótóné ama kae ere de wisi-naalekélé, wisi doi muaaire

alakélé, ɔtamo betamó betó tawaaire alakélé, senée yóló wóputu betere so whɔpaae Kótóné mo ti betere bete melaalo ai ape.

⁸ Téretei, mepaae so whɔ kale mo fo wisi wosóló aɔmó bitini, atimatei hɛkese yaaire dowi ala sya fóló, du betere so whɔtamo Kótó ɔ fopaae butu, kwia melaalo ai ape.

⁹ Atéturaalu, dowi alatóró du betere so whɔ fea dei fomaake kisipa muǒpóló, Kótóné sekei ala folosóró Juda fake so whɔpaae eróo, nalo ti Juda meire fakepaae eróo, yaalopó.

¹⁰ Téyaalotei, wisi ala du betere so whɔpaae ti Kótóné ama kae ere de wisinaalekélé, wisi doi muaaire alakélé, hosaa muni deyóló dua betere alakélé melaalopó. Ai alata, folosóró Juda fake so whɔpaae melóló, nalo ti Juda meire fakepaae melaalo ai ape.

¹¹ Ti noatepae, Kótó ɔta me fake so whɔpaae wisi ala eróo, me fakepaaemo dowi ala eróo dumi, mo betɔ kaae alatóró erótua dapó.

¹² Mepaae so whɔ Kótóné ama tukóló muló betere fo tué inipatei, dowi ala du betepa, ti ai tukóló muló betere fo hɛle mupatei, Talené atima só deróló mo ti aluraalopó. Atétere kaae, mepaae so whɔ fea Kótóné ama tukóló muló betere fo tué irutei, dowi ala du betepa, ti ai tukóló muló betere fonétei só deraalo ai ape.

¹³ Ti noatepae, Kótóné

ama tukóló muló betere fo hɛle wosetu betere so whɔpaae mo donoi so whɔpó yaalomeitei, sya fóló erótu betere so whɔpaae ti mo donoi so whɔpó enérapó.

¹⁴ I dere fota mo dapó. Juda meire fake so whɔpaae kale tukóló muló betere fo mené dosɔayóló yó meni, atima kɔleaanétei ita wisi alapó, ita dowi alapóló tuépa, ti Kótóné ama tukóló muló betere foné eraaire ala atimané hosaa tuamó asɛretei hɛkearatapó.

¹⁵ Atéturaalu, atimané me dowi ala depa, ti hosaa tuamó atimatei só deróo, me sukamó yale ala tuénétei taleralemó, me ala yale kisipa munitepa, ti atima só derénipó kisipa muóo, dua dapó. Atétere alané Kótóné i ala yae, i ala yaɔse ere fo atima hosaa tuamó asɛretei hɛkearatapó.

¹⁶ Ti ai alata, Kótóné so whɔ feané hosaa tuamó hiróló mole alarape taletere be demótóró Kótóné Yesu Kerisopaae tale yae depa, amamo tale yaalopó. Kale fo wisi yało yó móturaalu me fo kae dumi, ai fotóró yó mótu beterapó.

Kótóné tukóló muló betere fo Juda fake atimanékélé tiki-tua dapó

¹⁷ Térapa, diɔ Juda fake so whɔ-ó, yało i dere fo mo wosae. Diaaɔ kisipané diɔta, Juda fake bitu, kale tukóló muló betere fopaae tué tiki tiróló, Kótótamo fulumu yóló betamó betere so whɔpóló bopé faketu bitu de?

18 Kale tukóló muló betere fo tuamó mo bete mole foró doasi kisipare alatamo diaaḡ diriyóló kisipa sóró, Kótóné ama yaai kisipa mole ala betekélé sumó tuḡruraalu, kae kae ala fea taleyóló, mo bete alata i ape du betere?

19-20 Ti diḡ feata, Kótóné tukóló muló betere fo tuamó bete mole alarape fea bu-lapóló kisipa mutu, kele dilikire whḡrape ḡlisóró fóló tu yó melóo, diliki tuamó betere so whḡ demó beterópóló deróo, okokoi kisipa mole so whḡ donoratere ala yóo, keteirape yó matere whḡ betóo erapó du bitu de?

21 Ti diḡané ai yó mótu betere fo-a, diaaḡkélé sya fóló du bituraalu de? Diḡané mepaae so whḡ ma duraalu, ḡlémi naḡse du betere-a, diḡkélé ḡlémi nukumié?

22 Diaaḡ mepaae so whḡ ma fo duraalu, nópu naḡse du betere-a, diḡkélé nópu nukumipóló de? Diḡ kapala kótópaae moma yaai aleale ḡla hórótu betere so whḡ-ó du betere-a, diḡ momatere bemó muó mole ḡla ḡlémi sinituraalu de?

23 Diḡ kale tukóló muló betere fo tuḡrapóló bopé faketu betere so whḡ-ó, diaaḡ ai ere fotei tukóló, Kótóné doi folokoleróló dorótumié?

24 Diaaḡ du betere alata, ašemó i ere fo kaaepó.

“Diaaḡ du betere alané Juda meire fake so whḡ tuamó Kótóné doi wisi mó ti doró beterapó,” erapó.

25 Kale tukóló muló betere fo sya fóló erótu bitutamo, tiki sekaḡ tukóló sirótu betepa, ti bete mulapó. Tény, kale tukóló muló betere fo sya feni tikitu betepa, ti tiki sekaḡ tikinire whḡ aḡrapó.

26 Téretei, mepaae tiki sekaḡ tikinire whḡné kale tukóló muló betere fotamo sya fóló erótu betepa, ti tiki sekaḡ tikire whḡné dere ala kaae yaalo meipóló de?

27 Atérapa, diḡ tiki sekaḡ tukóo, kale tukóló muló betere fokélé tuḡ yóo irutei, ai fo tikitu betepa, ti tiki sekaḡ tikinirutei kale tukóló muló betere fo sya fóló erótu betere whḡrapené diḡ só deraalo ai apé.

28 Mepaae Juda fake whḡ ḡḡle tó tikiné maaté ḡḡta, Juda fakepó du betepa, ti ai whḡ ḡ mo Juda fake whḡ meipó. Ti mo tó tiki sekaḡ tikitu betere alata, me bete munipó.

29 Mepaae whḡ detamo ama hosaa tuamó Juda whḡ betepa, ti ḡ mo Juda whḡ ai ape. Ašemó ere fo maaté sya fóló mo siriró betepa, aita bete ala meipó. Deḡ Kepe Wisiné hosaa tuamó siriró betere whḡta, mo siri eró beterapó. Atei kaae whḡ doi sóró horatere alata mo whḡné dumi, kótóné betḡ ḡ sóró horótu beterapó. Kótóné betḡ ḡ sóró horótu beterapó.

3

Mepaae alané Kótóné eró tare wisi ala aluranénipó

1 Téraapa, Juda fake kolósu, Juda meire fake kolósu depa, noa wisi alané Juda meire teraae fale? Ó atima tiki sekaę tikitere ala tuamó noa ke wisikó bule?

2 Aita mo kae kae ala fea atimapaee meló betereteiné teraae falapó. Ti folosóro meló betere topo ala i ape. Kótóné mo ama fotóro atimapaee wisiyóló kaae tawae yóló, melóló atima sóro beteralepó.

3 Ti mepaae Juda fake so whi ąpaee tuę tiki tirénitere betené noa ala yaaloé? Ai dere alané Kótóné ama so whi paee eró tare wisi ala doróló aluranére?

4 Mo meipó. So whi feané dere ala taletepa, kapala fo bupatei, Kótó ą betą mo fotóro bulapó. Aita, ašemó i ere fo kaaepó.

“Naao dere fokélé mo donotóro yóo,
fo tokóló taletere alakélé,
naao kisipa mole
ala sya furaalu mo
donotóro dapó yóo,
yópóló yae,” erapó.

5 Dąné hoko du betere dowi alané Kótóné mo donoi ala so whiné kolópóló hakearatepa, dąné noa fo enére? Dąné du betere alamó Kótó ą fopaae buturaalu kwia matepa, hoko ala dapó yaaloé? Ti atei kaae mutere tuęta, mo whiné mole tuépóló i dere ape.

6 Kótó ąta, hoko ala dumipó. Atei kaae ala wuasóro, ti i haemó betó mole so whi featamo netéro fo tokóló tale uąé?

7 Mepaae so ó whiné etei kaae fo enérapó. “Yalo kapala ala du betepa, ti Kótóné ama bete mole alaró mo kae ere de wisinaaletamo hakearóló, mo ti fakerótu beterapó. Atétu betepatei, noatepamo Kótóné ę dowi ala dere whipóló, só derótu betere?” enérapó.

8 I dere fotamo mopa, ti etei kaae fo enérapó. “Wisi ala sókó wópóló, dą dowi ala dekéro yaalopa sae!” Dąné atei kaae hoko fo du beterapóló, mepaae so whiné dą doi doróló erótu beterapó. Mepaae whinékelé atei fo deté fupa wosalepó. Talené atei kaae so whi só derótu betere alata, mo donopó.

Donoi whi mo betąkelé bitinipó

9 Téraapa, atei kaae dere forape woseturaalu, dą noa kisipa munére? Kótóné dą Juda fake wisiyóló kil-ituraalu, Juda meire fake siwiyóló tao sumipóló kisipa mute? Ai ala mo dumipó. Dą Juda fakekelé, Juda meire fakekelé, fea betą alatóro ereteiné dowi alané dokóló muló beterapó.

10 Aita, ašemó ere fo kaaepó.

“Donoi ala dere whi mo betąkókelé bitinipó.

11 Mo betą whinékelé etei kaae Kótó beterapó kisipa muóo, mo betą whinékelé Kótó kelaai dapóló ketekę buóló kekóo, mo dumipó.

12 So whi mo fea tu wisi taaróló kópaae fóló, atima feané du betere ala bete muni, mo ti doyó falapó.

Wisi ala dere whi mo betakókélé bitinipó. Mo meipó,”

13 “Atimané du betere fota, whi dou tukitepa dei kēlaa sókó woutere kaae yóo, atimané dere fokélé whi dilikóló kapala fotóro yóo, atimané kólómó du betere fokélé, whi tukó nóló sukunaterē dowi fē bole wuliné whi dóló sukunótu dere kaae, yóo du beterapó,”

14 “Atimané me whi yóló sininóló só deratere foró, whi hakesaraterē fotamo atima tuamó fāanuraalu, hāle yótóro tarapó,”

15-17 “Atima whi daai keteke buóló kekepatamo furaalu, bekélé, ọla ọlakélé fea doróo, so whikélé susupuróo yóló fi tikimó, nalo wale whiné atima kaketu betepa kelaalo ai ape. Atéturaalu, hosaa muni deyóló mo dua betere ala atima mo kisipanipó.”

18 “Ai so whi atimané du betere alamó, Kótóné kwia melaalopóló witere alakélé mo dumipó,” erapó.

19 Kale tukóló muló betere fota, hāle whirapepaae dumitei, ai fo aomó sukóló betere so whipaae dapóló

kisipa mutapó. Atére betené i haemó betó mole so whi feané yale ala betakélé hāsókó feni, mo donotóro taletere sukamó, dané yale dowi alamó dāpaae wosetepa, me fokó hiréni, mo dono dapó fo betā enérapó. Téturaalu, mo betā whinékélé atei ala inipóló, Kótópaae me tokó matere fokélé mo enénipó.

20 Atéreteiné Kótóné mo betā whipaaekélé, yaṭa kale tukóló muló betere fo wisiyóló erótu betaletéiné donoi ala du betale whipó fo mo yaalomeipó. Ti ai tukóló muló betere fonéta, ḍa fea dowi ala dere so whitóro beterapó kisipa muópóló, dāpaae hākearóló yó mótu beterapó.

Tuḗ tiki tiratere alané donoi so whi beteratapó

21 Tépatéi, Kótóné tukóló muló betere fo mupatei, mió ama so whi donoratere ala hākearó betepa kelerapó. Ai ala yaalopóló, kale tukóló muló betere foró kóló whirapetamoné asemó erapó.

22-24 Ti Juda fake ó kae fakekélé me ala kae inipó. ḍa fea dowi ala yó tareteiné Kótóné ama ere ḍe wisinaale mo yaḗarapó. Atépatéi, ḍa fea Kótóné hamokoróló hāle tao sere alané donoi so whi beteralepó. Ai tao sere alata, Yesu Kerisoné ama betere bete melóló, ḍa dupuróo beterapó.

25 Ti Kótóné Yesu sukópóló meló betere alata, so

whıtamo fopaae bole ala kemeróturaalu erapó. A ateró sukale ala mopóló tuę tiki tiratere so whıtamo Kótóné fopaae butere ala momó kae yaşóró, mo ti kemeró beteraşó. Ai ala ereteita hałe mei, ama donoi ala so whı feané kolópóló, haķearóturaalu yalepó. Ti noatepae, take bitiré wale so whıné du betale dowi alamó, kwia hapale tokó meni, dua kaae taté fu betalepó.

²⁶ Ama ai ala yaleteita, mió i alimó betere so whıné ama donoyóló taletere ala kilitu, a mo donoi Tale betóo, Yesupaae kisipa tiratere so whı donoraterere Tale betóo ere ala kisipa yópóló haķearalepó.

²⁷ Térapa, so whı feané hałe bopé fake dere alata, noa wisi ala yale tikimó bopé fake yaaloé? Noa ala sya feleteiné bopé faketerere ala hepée faraleé? Aita, Kótóné tukóló muló betere fo sya fele alané ini, Kótópaae beřa tuę tiki tiraleteiné yalepó.

²⁸ Ti noatepae, đané kutirimó muló bitu eró tare mo bete mole ala beřa i ape. Kótóné mepaae so whıpaae diđ donoi so whıpó dere fota, kale tukóló muló betere fo sya fóló erótu betere mó dumipó. Tétumitei, Kótó apaae kisipa tiki tiratere alamó beřa đapaae mo donoi so whıpó enérapó.

²⁹ Ti Kótóta, Juda fake so whı maaté teřeróló kaae taru, Juda meire fake so whı kaae tanipóló kisipa mute? Meipó. Ařa, Juda meire fake

so whıkéle fea teřeróló kaae tare Kótó beteraşó.

³⁰ Ti noatepae, tiki sekaş tikire whıró tikinire whıtamo wusuró beřa kaae tuę tiki tiró betepa kilitu, atima fea ama so whı beteraşópóló, ai beřa Kótónétóró donoróló, beteraşótu beteraşó.

³¹ Tuę tiki tirae yóló đané yó mótu betere foné Kótóné tukóló muló betere fo bete munire ęla aşórtu betere? Mo meipó. Ti ai tukóló muló betere fokéle mo beře mulapóló, đané du beteraşó.

4

Abraham kisipa tiró betepa donoi whıpó erapó

¹ I yale fomó, đa Juda fakéné noutere Abraham-paae Kótóné noa ala eratepa ama kolóló kisipa salepóló đané noa fo yaaloé?

² Motamo Abraham-né du betale wisi ala kolóló, Kótóné apaae mo donoi whıpó uşóró, ti a bopé faketerere ala uşó. Tépateti, whı beřanékéle Kótóné keletómó bopé fake dere ala mo enénipó.

³ Ti *buk*-mó noa fo aşeyóló muló betere?

“Kótóné Abraham-paae i ala eraalopóló mulale fo wosóló, ama mopóló tuę tiki tirale ala Kótóné kilituraalu, apaae me alakéle muni, mo donoi whıpó” erapó.

⁴ Beřa whı mené kutó dirateremó matere duputa,

køleyóló hãle mótumitei, ama diale kutómó matapó.

⁵ Ti mo whĩnéta ai ala dua deretei, me whĩné ãpaae mo donoi whĩpó yópóló kisipa mutu, me wisi ala ini, dowi ala dere so whĩ donoratere Kótópaae tué tiki tiratere kilitu, ai whĩné ama dowi ala kwia tokóló aluróló, mo donoi whĩpó dua dapó.

⁶ I dere fo kaae, Depit-nékélé ašerapó. Me whĩné ama ditere kutó kolóló dumi, Kótóné mo donoi whĩpó dere fo wosetu, ã hãiné sukutu beterapó. Ai ere fo i ape.

⁷ “Mepaae whĩné Kótóné fo tikitu beteremó, melaai yale kwia hãle kemeró, atimané mepaae dowi alakélé Talené ama husuróo, ere whĩrapeta, mo hãiné sukutu beterapó.

⁸ Mepaae whĩné ama yale dowi alamó Talené kwia mo melókélé yaalomeipó, dere fo wosetere whĩ ã hãiné sukutu beterapó,” erapó.

⁹ Mepaae whĩ Talené wisir-alepóló hãiné sukutere alata, tiki sekaé tikire whĩpaae maaté eróturaalu, tikinire whĩpaae eranénipóló kisipa mute? Mo meipó. Ai fake tamo wusurópaae betã kaae alatóró eraalo ai ape. Ti ðané noa fo yó maté waleé? Abraham-né Talepaae tué tiki tiratepa kilituraalu, ãpaae me alakélé muni, mo donoi whĩpó yalepó.

¹⁰ Æpaae ai fo eretei-a, tiki sekaé tikire whĩ betepa yalepé, tikaai hãle betepa yaleé? Aita, tiki sekaé tukóló betepa ini, tikaai yalepó.

¹¹ Mo take Abraham ã tiki sekaé tikaai patei, Kótópaae tué tiki tiró betere kilitu, ãpaae mo donoi whĩpó erapó. Até itikimó, nalo ama tiki sekaé tukóló sirirélipakalepó. Aita, ã mo donoi whĩpó ere fo mo erapó yópóló, ðale muló beterapó. Abraham ã ai ala ereteiné mepaae tiki sekaé tikinirutei Kótópaae tué tiki tiró betere so whĩné aya beterapó. Æ atéreteita hãle meipó. Atimané tué tiki tiró betere ala Kótóné kilitu, mo donoi so whĩpó yópóló erapó.

¹² Ti Abraham ãta, tiki sekaé tikire whĩrapené ayakélé beterapó. Ai ala maaté mei, ã tiki sekaé tikaai patei, tué tiki tirale ala sya fu betere so whĩné ayakélé beterapó.

¹³ Kótóné Abraham-paae duraalu, “Yaró naao naalené deté faaire naale-tamomó i hae tiki mo turó melaalopóló,” yóló munélipakalepó. Ai alata, Kótóné tukóló mulale fo sya fóló eraleteiné sini, Talepaae tué tiki tiratepa donoi whĩpó yale alané salepó.

¹⁴ Ti noatepae, tukóló muló betere fopaae kisipa tiratere so whĩné ama eraalopó yóló mulale ølatamo supa, ti tué tiki tiratere ala ke buni yóo, Talené ama eraalopó yóló muló betere fokélé bete muni

yóo, ere aqratapó.

¹⁵ Ti noatepae, mepaae so whjné kale tukóló muló betere fo sya fu bitutei, tukóló dowi ala depa, Kótó ą fopaae buturaalu, kwia mótua dapó. Ai tukóló muló betere fo kisipa inire whjrapené ai fo tikitepa, ti kale fo tikitapó fo dumipó.

¹⁶ Atérapa, Kótóné ama eraalopó yóló mulale fo dokonóló eratere alata, Kótó ąpaae kisipa tiratere so whjné ama hamokoróló hale tao sere ala sópóló mótua dapó. Ti ama eraalopó yóló mulale fo dokonóturaalu, Abraham-né deté faaire naale senaaepaae erópóló yalepó. Ti Abraham-né naale senaaleta de maaté? Aita, kale tukóló muló betere fo kaae tawae yóló, melale fakepaae maaté eraalomeitei, Abraham-né tuę tiki tirale ala sya fu betere so whjpaakélé eraalopó. Ti ąta, dą tuę tiki tiró betere so whjné ayapó.

¹⁷ Aita, i asęre fo kaaepó. “Yalo ya haemó betóló fale kae kae tiki daae mole so whj feané aya beteratapó,” Ti ąta, ama kisipa tirale Kótóné keletómó dané aya beterapó. Ai Kótóta, sukale so whj momó kepaaróo, me ala yaai teópatei, mo erapó dere Tale betóo erapó.

¹⁸ Kótóné Abraham-paae eraalopó yale ala eraaire ąpa meitei, mo eraalopóló Talepaae kisipa tiki tiraleiteiné, kae kae tiki daale so whjné aya alée felepó. Ti ai alata, Talené ąpaae duraalu,

“Ó ąpaae kese horóló hęre dosąyae. Naa deté faaire naale senaaleta, ai ere ala kaaetóró yaalopó,” yale fo mo dokonalepó.

¹⁹⁻²⁰ Abraham ą 100 ba fo betóló kemeyaletéiné mo ti otere yóo, soma Serakélé sere yóo erepó. Atéru, naale senaaale deyaaire fotokę mo buni, atimaamo otereró seretamo betere ala diriyóló tuępatei, Talené ąpaae eraalopó yale fo mo eraalopé neyaalorópóló béyóló haepaae derepéni, mo eraalopóló ketekę buóló tuę tiki mo ti tiró bitu, Kótóné doi hale horótu betalepó.

²¹ Aita hale mei, Kótóné eraalopó yóló mulale fo ama fotokóné mo sumó eranérápóló kisipa mutu, ama tuę tiki tiratere ala mo ti fotokę bualepó.

²² Atéreteiné Kótóné ąpaae “Ya mo donoi whj aleróló beteratapó,” erapó.

²³⁻²⁴ Atéro donoi whjpo ere fota, Abraham ą maaté tao sóró wisirótu initei, dą nalo betaaire so whjkélé wisirótu erapó. Dą teteróló kaae tare whj Yesu ą mo ti sukaletei, momó kepaaróló beterale Kótópaae dą feané tuę tiki tiratepa, ti dąpaaekélé donoi so whjpo yaalo ai ape.

²⁵ Ti dané dowi ala tokóló aluraai Kótóné naalema dópóló melóo, dą me dowi alakélé muni, mo donoi so whjpo yaairaalu, ą momó kepaaróló beteróo erapó.

Hosaa muni deyóló hajné sukaire ala

1 Atéreteiné da Yesu Kerisopaae tué tiki tiró betepa, Kótóné dapaee me alakélé muni, mo donoi so whípó erapó. Atérené mió da teteróló kaae tare whi Yesu Kerisoné yale alané dáró Kótótamo bóe du betaletei kemeróló, hosaa muni deyóló dua betera-pó.

2 Da Yesupaae tué tiki tiró betepa, Kótóné hamokoróló hãle tao sere ala dapaee erópóló, ama da dapesó fóló, ai ala tuámó sóró beteró betera-pó. Tépa, da Kótóné ama kae ere de wisinaale tuámó betaalopóló kisipa mutu, mo kée yóló hajtamo kaae tawóló i betere ape.

3 Nalo dapaee ai eraaitere ala maaté kelaai dumi, mió dapaee i erótu betere sekei ala tuámó bitukélé, mo kée yóló hajtu betera-pó. Ti ai sekei alané da haepaae só deréni, hãle beletétóró fu betere alanéitei hajtere ala kaarótu betera-pó.

4 Atétere alané Talené ala eratere whi wisi beterótu betera-pó. Atéró whi wisi bitu, take nalopaae Kótóné wisi ala eratepa kelaalopóló, dere haj kaaratapó.

5 Take nalopaae wisi ala kelaalopóló hajtamo kaae taté fu betaletei, sinipóló fomo kisipa muaalo meipó. Ti noatepae, Kótóné ama yaala sókó fole ala dané hosaa tuapaae tepeyóló fãanalepó. Kótóné ama ai yaala sókó fole ala dané tué

dere teita, ama damó melale Deji Kepe Wisiné eralepó.

6 I dere fo wosae. Da Kótó tuéniru, dowi ala du betere so whi me ala yaaire fotokó bunipa, da tao saairaalu mo dono be demótóró Yesu Keriso sukalepó.

7 Mepaae whi de mo donoi whi tao saai dapóló sukutere ala suka fea yó tani, betã betã sukamó maaté depa keletapó. Atétere kaae, mo donoi whi wisinaale tao saai dapóló, mepaae whi sukaireitei mo hapólurapó.

8 Tépatei, Kótóné ama dapaee yaala sókó fole ala etéró hãkearóló yó matapó. Dané dowi ala hãle yó tapa, ai yó tare dowi ala tokóló aluraairaalu, Yesu Keriso sukalepó.

9 A sukuturaalu, sókó fele sameané da donoi so whi beteró betereiteiné take nalo Kótó a fopaae butu matere kwia dané saqsóró, ama tao saaire ala yaalomeipóló de? Mo tao senérapó.

10 Take dãta Kótóné ama bóe whi betereitei, ama naalema sukuturaalu bóe firóló, betãmó beteró betera-pó. Mió a kepaayóló betereiteiné dakélé mo ti beterópóló, ama ai eró betere alané mo yaalomeipóló de?

11 I fota, take nalo yaaire alamó maaté dumitei, mió da teteróló kaae tare whi Yesu Kerisoné yale alané dáró Kótótamo bóe fiyóló, betãmó bitu, mo kée yóló hajné sukutu betera-pó.

Adam-né ere ala tuqmo sukô, Yesuné ere tuqmo kapaayo erapó

¹² Térapa, betá whiné yale alané i haepaae dowi ala wópóló tų tukiyalepó. Atéyale dowi alané sukutere ala kaaróló, so whi fea sukuté fu betalepó. Ti noatepae, so whi fea dowi alatóro du betaletéinépó.

¹³ Kale tukóló muló betere fo sókó waaí teópa, ti dowi alapi i haemó moipakalepó. Ai tukóló muló betere fo sókó waaipa, so whiné du betere dowi ala Kótóné fea taleyóló dosāanipó.

¹⁴ Atépatei, Adam betale alimó kaae sóró so whi sukuté wóló, Moses betale alimó betere so whikélé fea sukutere alané teteróló kaae taru, hāle sukutétóro fu betalepó. Ti Kótóné yóló mulāle fo Adam-né tukóló ere dowi ala kaae, ai so whiné initei, atimakélé mepaae dowi ala hāle deté fu betepa, sukutétóro fu betalepó. Ti Adam-né yale alata, nalo waaire whi betāné yaaire alatóro sūróló erapó.

¹⁵ Tépatei, Talené hāle matere ala kolósu, ama fo tukóló yale dowi ala kolósu depa, mo betá kaae meipó. Téyaletei, Kótóné hamokoróló tao sere alaró betá whi Yesu Kerisoné hamokoróló hāle matere wisi alatamo, so whi feapaae mo turó sūralepó. Atéyale alané folosóro yale ala mo teraae falapó.

¹⁶ Kale yale fo momó dapó. Kótóné hāle matepa sere

alaró betá whiné yale dowi alamó sere sekei alatamo betá kaae meipó. Betá whiné yale dowi alamóteí, so whi fea taleyóló só deralepó. Atépatei, so whi feané fo tukóló yale dowi ala mo dekeró yó tapa, Kótóné hāle matere alané so whi feapaae diā me alakélé muni, mo donoi so whipóló betero beterapó.

¹⁷ Ti noatepae, betá whiné fo tukóló yale alamó sukutere ala ai whi tuqmo sókó walepó. Atéyaleteiné so whi feapaae sukutere ala tokó melóló, ai alané so whi fea teteróló kaae tarepó. Kótóné hamokoróló tao sere alaró hāle matere donoi doitamo sere so whita, ti betá whi Yesu Keriso tuqmo mo ti betere bete sóró teteróló kaae taté fu betaalopó. Atétu sukutere alané teteróló kaae taretei, mo ti bosené falapó.

¹⁸ Atére betené betá whiné fo tukóló yale dowi alamó kwia móturaalu, so whi fea só deró beterapó. Atépatei, me whiné ti fo wosóló mo betá donoi ala wisinaale ereteiné so whi feapaae me ala muni, mo donoi so whipóló, mo ti betere bete mótu beterapó.

¹⁹ Ti noatepae, kale yaqse yóló mulale fo betá whiné tukóló yale dowi alamó, so whi fea dowi ala yale whitóro alée felepó. Atére kaae, betá whiné fo wosóló sya fele alané so whi fea me alakélé muni, mo donoi so whi beteraalopó.

²⁰ Kale fo tukóló du betale dowi ala mo ti fakeyópóló,

Talené ama mepaae folosóro melale fotamo touróló, kale tukóló muló betere fokélé melalepó. Téyalemó, dowi ala mo ti faketepa, ai ala aluraai Kótóné hãle hamokoróló tao sere alakélé mo ti fakeralepó.

²¹ Aita hãle meipó. So whi fea dowi alané tẽteróló kaae tapa sukuté fu yale kaae, mió dã tẽteróló kaae tare whi Yesu Keriso tuãmó betepa, Kótóné hamokoróló hãle tao sere alané tẽteróló kaae taru, dãpaae me alakélé muni, mo donoi so whipóló, mo ti betere bete mótu betaai erapó.

6

Dã dowi alamó sukóló, Yesu tuãmó momó kepaayóló beteraipó

¹ Térapa, mió dãné noa fo yaaloé? Kótóné ama hamokoróló hãle tao sere ala mo ti fake yópólópa, dã dowi ala hãle yó tawae fo enére?

² Ai fo mo enénipó. Ti taketa dã dowi ala tuãmó mo sukóló molepó. Atéreteiné ai ala tuãmó dã momó kae netéro bitiré faaloé?

³ Ti dã fea wei tópuale alata, Yesu Keriso tuãpaae doropóló, ă sukãle ala tuãmó tópualepóló kisipa mutumié?

⁴ Ti dã atéro wei tópuale alata, ătamo betãmó sukóló ă tuãmó douralepó. Ti hãle meipó. Alimané mo kae ere de wisinaale tuãmó bole fotokóné Yesu Keriso kepaarótu yale kaae, dăkélé kisi betere bete sóro ătamo betãmó bitiré faairaalu yalepó.

⁵ Ti Yesu sukutu yale kaae dăkélé, ătamo sukutepa ti ă momó kepaatu yale kaae, dã feakélé kepaayóló betaalopó.

⁶ Ti noatepae, ai upulé ala du betale whita, ătamo filipaa ni tómó oleróló daletei dãné kisiparapó. Atéyale beteta, dowi alané dã momó tẽteróló kaae tawaqsóro, tó tikiné dowi ala yaai bole fotokõ kemerópóló, ătamo sukãlepó.

⁷ Ti noatepae, mepaae sukutere whi ti dowi alané momó kae dokóló muni, teraae fóló hãle beteraipó.

⁸ Ti mió dã Yesu Keriso-tamo betãmó sukunapóló kisipa mutepa, ti ătamo betãmó betaalopóló kisipa tiki tiró beteraipó.

⁹ Ti noatepae, Yesu Keriso ă sukóló kepaayóló betereitei, momó kae sukãalomeipó. Sukutere alané ă tẽteróló kaae tawaaire sunire ala dãné kisiparapó.

¹⁰ Ă sukãle beteta, dowi alamó ăpaae erótu betale sekei ala mo ti kemerairaaalu, betã félitóro sukãletei ă momó kae sukãalomeipó. Atéro mió ă betereiteita, Kótóné ala eraairaalu, beteraipó.

¹¹ Ă atétu yale kaae, dowi alané dia tẽteróló kaae tawaleitei, mo ti kemeróló diakélé sukõ, Yesu Keriso tuãmó bituraalu, Kótótamo mo betãmó betóo, erapóló kutirimó muló betae.

¹² Térapa, diaaõ mo tó tikiné ekeleyóló yae dere ala sya fu-raalu, du betere dowi alané

diā t̄eteróló kaae tawaqsóro yae.

¹³ Dīaaq hó naase, ó tiki fea, tó tikiné ek̄leyóló du betere dowi alapaae mulaq̄se. Ti diāta, mo suk̄ale wh̄itei momó kepaayóló betepa, bet̄a wh̄iné ama fosói t̄q ó sepake me wh̄iné kutó diyópóló mótu dere kaae, Kótóné ama eraai kisipa mole donoi ala wisinaale erópóló, diaaq hó naase, ó tikikélé mo turó Kótópaae melae.

¹⁴ Ti mióta, diā kale tukóló muló betere foné t̄eteróló kaae tare aqmó bitini, Kótóné h̄ale hamokoróló tao sere alané t̄eteróló kaae tare aqmó betepapó. T̄ereiteiné dowi alané diā momó kae t̄eteróló kaae tanénipó.

Take dowi alané wae sóro betereitei, mió donoi alané kutó diratere wh̄i betepapó

¹⁵ T̄erapa, mió d̄ané noa fo yaaloé? D̄ata, kale tukóló muló betere foné kaae tare aqmó bitini, Kótóné hamokoróló h̄ale tao sere alané kaae tare aqmó betepa, dowi alatóró deté fu betaalopó fo enére? Mo meipó.

¹⁶ Ȳa me t̄eteróló kaae tare wh̄i beterepaae fóló, ama dirae dere kutó naao dirótu betepa, ti ȳa ai wh̄iné wae sóro kutó diratere wh̄i betepapóló kisipa muae. Ȳatamo dowi alané wae sóro kutó diratere wh̄i betepa, ti ai alatóró deté fóló, sukutere alapaae sókó faalopó. Ȳatamo Talené fo aqmó bitu, ai mo ala wisi sya

fóló erótu betepa, ti donoi ala dere wh̄i betaalopó.

¹⁷ Take diā dowi alané t̄eteróló kaae tapa, ai dowi alané kutó deratere so wh̄i betalepó. Atépa, diāpaae kale fo wisi yó móturaalu, i fonéta diā kaae tawaalopa, aqmó betae yóló yó maletei diāné wosalepó. Ai fo wisi diaaq hosaa tuamó muló bitu, ketek̄e buóló erótu betereiteimó ȳalo Kótópaae mo k̄ee enérápó.

¹⁸ Taketa, diā dowi alané dokóló muló betereitei, teraae faróló mió donoi alané wae sóro kutó diratere so wh̄i ai betere ape.

¹⁹ Diā mo i hae wh̄i bituraalu, ȳalo i yó mótu betere mo bete mole fo wisi diā diriyóló tué yaaire sunireiteiné kisipa yaasepóló, mo wh̄iné dere alapaae dó faróló i dapa wosae. Taketa, diāné hó naase dowi alapaae mulóló, ai alané wae sóro kutó diratere so wh̄i bitu, dowi alatóró mo ti fakerate fu betalepó. Atétu yale kaae, mió diāné hó naase ó tiki fea Kótópaae h̄ale menóló, ama donoi alané wae sóro kutó diratere so wh̄i betae. Atétepa, ti Kótóné mo kae so wh̄i beteraté fenérápó.

²⁰ Take diā dowi alané wae sóro kutó dirótu betale sukamó, donoi alané t̄eteróló kaae tare tuamó bitipó.

²¹ Mió i betere alimó hale-turaalu, take diāné du be-tale ala kisipa fatepa, take yale ala tuamó me noa wisi alakó bupa kelere? Take ai deté wale alané duputa, ti

sukutere ala kaaró ai betere ape.

²² Taketa, dowi alané diá dokóló muló betereitei teraae faróló, mió Kótóné ama kutó dirópóló wae sóró betero betere so whi betera. Atéro Kótóné ama kae ere wisi ala tuamó bitiré fole duta, mo ti betó tawaaire bete sóró betaalopó.

²³ Ti noatepae, dowi alané ama kutó diratere so whipaae matere duputa, sukutere alapó. Tépateti, dá teteróló kaae tare whi Yesu Keriso tuamó betepa, Kótóné mo ti betó tawaaire bete hamakoróló hale mótu betera.

7

So whitamó dokóló betere alapaae dó faróló dere fo

¹ Norape-ó, yalo i dere fota, Kótóné tukóló muló betere fo kisipare whirapepaae dapó. Whi sukuni betepa, ti kale tukóló muló betere foné teteróló kaae tare aomó betera ere fo diaa kisiparapó.

² Beta suróló dere fo i ape. Whiné dokore so ama oma sukuni hale betepa, me whitamó dokaareitei fo mulapó. Ama omatamo sukóló wulia betere, me whiné dokotepa ti fo munipó.

³ Whiné dokore sotamo oma betepatei taaróló whi me kaetamo fupa, so whi feané ai so nópu nukulapó dua dapó. Tépateti, oma sukitikimó wulia me whitamó dokotepa, ti nópu nokole sopó enénipó. Ti

noatepae, whiné dokore ala kemeyalepó.

⁴ Térapa norape-ó, soró whitamó dokoterepaae dó faróló yale fo bete i ape. Dá Yesu Keriso tuamó betepa, a mo ti dóló sukunóturaalu, dakélé atamo sukalepó. Ti aita hale meipó. Folosoro kale tukóló muló betere foné dokaareitei mo ti kemeróló, sukóló momó kepaayóló betere whiné dá dokóló, ni du wisi oletu dere kaae, dá tuamó wisi ala epa kilituraalu, Kótóné ama doi doasi mulópóló erapó.

⁵ Take dá tó tikiné teteróló kaae tawale alimó, kale tukóló muló betere fonéitei tó tikiné ekeletere ala mo ti fakeyópóló, sesemeralepó. Atéro sesemera tepa du betale alané dá tuapaae olerale duta, ti sukutere alapó.

⁶ Take tukóló muló betere foné dá dokóló bitu, Talené ala eróturaalu, kale asyóló muló betere fo maaté sya fóló erótu betalepó. Take até dua yale alata, dá sukuturaalu mo ti kemeralepó. Mió kisi alata, ti Deji Kepe Wisiné dá fotokó bulatepa, Talené ama ala erótu betera.

Dowi alané dá só deraai wóputu betere ala

⁷ Térapa, mió dané noa fo yaaloé? Kale tukóló muló betere fo-a, dowi alapó enére? Mo meipó. Ai tukóló muló betere foné epaae dowi ala i ape yóló yó melóluameisoro, ti dowi ala kisi pa uameipó. Ti tukóló muló betere foné mené

ɔla senée yóló au naɔse fo uameisóró, ti au nokoleteti dowi alapóló tuę muameipó.

8 Ti ai tukóló muló betere foné tę mulatepa, dowi ala ę tuɔpaae sókó wóló, kae kae wisi wisi ɔla senée yóló au nokole ala kaaralepó. Ai fo sókó waaipa, ti dowi ala sukóló mulu, so whɔpaae me ala eraaire fotokɔ mo bunipó.

9 Kale tukóló muló betere fo sókó waaipa, ę mo beterepó. Tépateti, kale yaɔse yóló muló betere fo sókó wóló, dowi ala sukóló mupatei, kepaaróló beteraleteiné ę dóló sukunalepó.

10 Kale yaɔse yóló muló betere foné mo ti betere bete melaalo nisi yalemó, sukutere alatei ępaae eralepó.

11 Kale yaɔse yóló muló betere foné mulale temó dowi ala ę tuɔpaae sókó wóló, fotei dowi alané nópulu kaae tao sóró ę dilikóló dolóló sukunalepó.

12 Atérené kale tukóló muló betere fota, me dowi alatamo hoseké ini yóo, kale yaɔse ó yae ere fokélé doni, mo donoi ala wisipóló Kótóné ama kae tukóló mulóo erapó.

13 Ti kale tukóló muló betere fo wisi-a, sukutere ala alée fóló ę dóló sukunaleé? Mo meipó. Ténitei, dowi ala yało tuę yópóló, dowi alané kale wisi tao sóró, ę tuɔmó sukutere ala kaaralepó. Atétu dowi alata, mo dowi ɔlapóló so whɔné kisipa yópóló, kale yaɔse yóló muló betere foné haķearatapó.

14 Kale tukóló muló betere fota, Kótó ą mo kepetóró bituraalu, amatei tukóló muló beterepóló, ɔané kisi-parapó. Tépateti, ę mo hae whɔ betereiné dowi alané wae sóró kutó diratere whɔ i betero betere ape.

15 Yało du betere ala yałotei kisipanipó. Ti noatepae, enére wisi alamo yało dumi, yaalo hɔre alatei hɔko du beterepó.

16 Ti yaalo hɔre ala yało du betereiné kale tukóló muló betere fo kolósu, yało du betere ala kolósu depa, mo wisirapóló kisipa mutapó.

17 Ti ai alata, yałotei kekeme nóló dumi, dowi ala ę tuɔmó moleteiné du beterepó.

18 Atéru, wisi ala mo betakélé ę tuɔmó munipóló kisipa mutapó. Wisi ala ę tuɔmó munipó dere fota, yało mo tó tikimó wisi ala munipóló dapó. Ti noatepae, yało kisipané wisi ala enépateti, yaaire mo sunipó.

19 Yało yaai kisipa mole wisi alamó dumi, yaalo hɔre dowi alatei yało haķe yó tarapó.

20 Téturaalu, yaalo hɔre alatei du betepa, ti yało kekeme nóló dumi, ę tuɔmó mole dowi alané du beterepó.

21 Ti yało du betere ala tuɔmó i ala epa kolóló kisiparapó. Yało wisi ala yaai kisipa mutere sukamó, dowi alakélé ę tuɔmó mupa kelerapó.

22 Ti noatepae, Kótóné tukóló muló betere fo kilituraalu, yało tué tiki tuámó mo kée yóló hekesetu beterapó.

23 Atépatei, yało hó naase, tiki tuámó dowi alané ama kisipa mole ala erótu betepa kelerapó. Ai alané yało tué tiki tuámó donoi alatamo bóe du beterapó. Atéturaalu, yało hó naase, tiki tuámó yó tare dowi alané ę dokóló *dipula* kaae, betero beterapó.

24 Yało tikita, dowi alané i turukée fole ape! Yało mo tó tikiné ę sukutere alapaae sjióló só foletai, né tao saaloé?

25 Ti da tetéroló kaae tare whi Yesu Keriso tuámó bitu, Kótóné epaae erótu betere alamó mo kée du beterapó.

Atétu betepatei, yało tué tiki tuámó ti ę Kótóné tukóló muló betere foné wae sóró kutó diratere whi betóo, tó tikita ti yało yó tare dowi alané wae sóró kutó diratere whi betóo erapó.

8

Dei Kepe Wisiné mo ti betere bete mótu beterapó

1 Térapa, mió Yesu Keriso tuámó betere so whi Kótóné fo tokóló só deratere ala mo yaalomeipó.

2 Ti noatepae, dowi alaró sukutere alatamo fotokóné ę dokó muló beterepó. Atéretei, Yesu Keriso tuámó betepa, mo ti betere bete matere Dei Kepe Wisi fotokóné ę teraae faróló, hałe beteralepó.

3 Ti noatepae, kale tukóló muló betere foné da tao

saai yaletai, mo tó tikiné dere ala tuámó betereitein tao saaire sunipó. Atépa, Kótóné ama naalematóro dowi ala du betale whi aoyóló sukópóló doteyalepó. Aita hałe mei, so whiné yale dowi alamó melaai yale kwia tokóló aluraai yalepó. A atéro sukuturaalu, tó tikimó mole dowi ala ama só deróo, ai dowi alamó melaai yale kwiakélé ama tikimótei sóró aluróo yalepó.

4 Atéro só deraletai hałe meipó. Tó tikiné yae dere ala sya feni, Dei Kepe Wisiné yae dere ala sya fu betere so whi da tuapaae kale tukóló muló betere foné eraai du betale donoi ala eróló mo surópóló yalepó. Ai ala eró betere so whi da, ti dané tó tikiné yae dere ala dumi, Dei Kepe Wisiné yae dere alatóro du beterapó.

5 Tó tikiné yae dere alatóro sya fu betere so whi atimané kisipa tikikélé, ti tó tikiné hekesere alapaaetóro muló beterapó. Tépatéi, Dei Kepe Wisiné yae dere ala du betere so whi atimané tué tikikélé, ti Dei Kepené yaai hekesere alapaaetóro muló beterapó.

6 Tó tikiné yaaitere ala maaté kisipa mutu betere so whi, sukutere ala tuámó beterapó. Tépatéi, Dei Kepe Wisiné yae dere ala tué mutu betere so whi ti Kótótamo bóe fióló mo ti betere bete sóró hosaa muni deyóló mo dua beterapó.

7 Ti noatepae, tó tikiné ekelere ala yaai kisipa mutu

betepa, ti Kótótamo bóe du betepapó. Atétere alané Kótóné tukóló muló betere fo aomó bitini yóo, ai fo eraaire fotokókélé buni yóo, erapó.

8 Tó tikiné yae dere ala sya fu betere so whinė Kótó həkese yaaire ala mo eranénipó.

9 Tépatēi, Kótóné Dēi Kepe Wisi diā tuamó betepa, tó tikiné yae dere ala sya fóló ini, Dēi Kepe Wisiné yae dere ala sya fóló du betepapó. Mepaae whi de tuamó Yesu Kerisoné Dēi Kepe Wisi bitinipa, ti Yesu Kerisoné so whi meipó.

10 Naao mo tikita, dowi alané dóló sukunóo, naao kepe beteta, ti Kótóné donorate alané kepaaróló beteroo, erapó.

11 Yesu Keriso kepaaróló beterele sekéné melale Dēi Kepe Wisi diā tuamó betepa, Kótóné Naalema kepaarótu yale kaae, ai Kepepaae diā kepaaróló beterae depa, diaaḡ mo tó tikikélé kepaaróló, mo ti beteropóló yaalopó.

12 Térapa norape-ó, Kótóné ḡ tao sóró eró betere wisi alamó ḡanémo ḡpaae tokó melaaire kwia mulapó. Atéreteiné ḡané tó tikiné ekelere alané noa alakó ḡpaae eró betepa, ḡanémo ama erae dere ala sya fóló eraaloé? Até mo enénipó.

13 Ti noatepae, tó tikiné yae dere ala sya fupa, ti diā mo sukāalopó. Tépatēi, Dēi Kepe Wisi fotokóné diā tao supa, ti diāné tó tikiné yaaire dowi

ala diaaḡ doló sukunatepa, ti diā mo betaalopó.

14 Ti noatepae, Kótóné Dēi Kepe Wisiné ḡlisóró fu betere so whiḡa, ti Kótóné ama naale senaaletóró betepapó.

15 Ti diā matepa sale Kepeta, momó wae sóró kutó diratere whi beteróló, wiratere Kepe meni, Kótóné ama naale senaaletóró aleróló beteroḡtu betere Kepe matepa salepó. Ai Kepe Wisiné ḡa tao sóró i fo yae depa, ḡané fo fakeyóló, “Apa-ó! Aya-ó!” du betepapó.

16 Ai Dēi Kepe Wisi ḡané kepetamo touyóló betamó bitu, ḡaḡa Kótóné ama naale senaaletóró betepapó du betepapó.

17 Mió ḡatamo ama naale senaaletóró betepa, ti Kótóné ama eraalopó ere ala wisi dokonóturaalu, Yesu Kerisopaae materetei ḡakélé saalopó. Take Kótóné ama kae ere ḡe wisinaale tuamó ḡakélé Yesu Kerisotamo betamó beteropóló, ḡ sekei ala su yale kaae, mió ḡakélé sekei ala siré fu betepapó.

Kótóné ere ḡe wisinaale tuamó betaalopóló haḡtu betere ala

18 Kótóné mo kae ere ala wisinaale ḡa tuḡpaae ḡakearóló, eratere ala kelaai ḡapóló kisipa mutu, mió ḡpaae i erótu betere sekei ala mo sawa ḡla alerótu betepapó.

19 Aleyóló muló betere ḡla ḡla feané Kótóné ama naale senaaletóró i ape yóló ḡakearatere kelaai ḡapóló,

hajtamo bitu, kele kele du betelepó.

²⁰ Kótóné aleóló muló betere ɔla ɔla fea fomaakei ala tuamó beteralepó. Ai alata, atima kisipanétei ini, ai ala tuamó beterale sekéné ama kisipa mole ala sya fóló erapó.

²¹ Atéru, Kótóné aleyóló muló betere ɔla ɔla fea doróló aluraai mió dokóló mulapó. Atéretei, take Kótóné ama naale senaale dokoretei teraayóló ama kae ere de tuamó feléyóló betere ala atimakélé saalopóló kisipa mutu, hajtamo kaae tawóló betelepó.

²² Kótóné aleyóló muló betere ɔla ɔla fea touyóló so naale saai sisó nóló kaketu dere kaae, take keké nale alimó kaae sóró deté waleteti, mió i betere alimókélé kaketere ala haje yó taretei dané kisiparapó.

²³ Ama aleyóló muló betere mo ɔla maaté mei, da tuamókélé, Deji Kepe Wisi betereiteiné dele doasi sóró kaketu betelepó. Ti aita haje mei, Deji Kepe Wisi folosóró ɔlumétere ɔla iki nukutere kaae erapó. Atéreteiné da Kótóné naale senaale aleróló dape saaire be de hapale analée yóló kaae taté fu betelepó. Ai be demó Talené da dupu yaletéiné i daale tiki taaróló, kae tiki wisi saalopóló haj tamo kaketu betelepó.

²⁴ Ti Kótóné ama da tao sóró wisiróló betero betere beteta, take nalopaae eraaire wisi ala kelaalopóló kisipa

mutu, hekesetamo kaae taté fu betelepóló tao salepó. Atépatei, mepaae whiné wisi alatamo kelené kolóló tuépa, ti ai ala ama sóró tareteiné kelenée dere fo momó kae enénipó.

²⁵ Tépatei, mepaae ala mió dané sóró tani, take nalo saalopóló kisipa mutu, kaae taté fu betere ala hōni, haje bitiré fu betaalopó.

²⁶ Atétu betere kaae, moma yaaire fotokɔ buni beruraalu, dané hosaa tuamó ere ala kolóné enénipa Deji Kepe Wisiné da tao suraalu, akélé deletamo ketekɔ buóló, Kótópaae momarótu betelepó.

²⁷ Atétu betepa, dané hosaa tuamó ere ala taletu betere Kótóné Deji Kepe Wisiné mole kisipakélé kolóló mo tuérapó. Ti noatepae, kale Deji Kepe Wisiné Kótóné yaai kisipa mole alatóro sya furaalu, ama kae betero betere so whi tao sóró Talepaae momarótu betelepó.

Kae kae sekei alané da doraɔsóro, Kótóné fotokɔné tetéro betelepó

²⁸ Ti noatepae, Kótópaae yaala sókó fu betere so whipaae kae kae ala erótu betere tuamó Kótóné atima tao saai wisi ala erótu betereitei dané kisiparapó. Ti ai so whita, ama kisipa mole ala eraai a beterepaae ape yalepó.

²⁹ Ti noatepae, mo taketitei ama kisipare so whita, Naalema biture kaaetóro betelepóló, amatei atima wisiraté faai dapóló, tukóló

mulélipakalepó. Atéreteita hãle mei, ama ne no-marape kuamó ă topo naale beterepóló erapó.

³⁰ Mo taketitei ama kisi-pané ă beterepaae wópólópó yóló sóró betereale so whítóró ă beterepaae ape yalepó. Atéyale so whípaae me alakélé muni, mo donoi so whípóló beterealepó. Atéró sóró betereale so whi tuapaae ti ama kae ere dę wisinaale eróló mo ti suró beterepó.

³¹ Atérapa, ama ai eró betere doasi alamó, mió dané noa fo yaaloé? Ti Kótó ăta, dapaae me ala eraşóró tao sere seké beterepa, né dătamo bôe dóló só deraaloé?

³² Kótóné ama naalema mepaae whiné daşóró sesé dere ala ini, dă fea tao saairaalu, ăpaae eraaire ala erópóló, atimané naase tuamó mulalepó. Dă tao suraalu ama naalema melale kaae, dané mepaae yaşătere alakélé ama hamokoróló tao sóró hãle melaalomeipóló kisipa mute? Meipó. Ama mo melaalopó.

³³ Kótóné ama so whípóló sókó sóró kae betereó betereitei, né atimatamo fo tokóló só deranére? Ti Kótónétóró mo donoi so whípó du beterepó.

³⁴ Ti atimata, me alakélé muni, mo donoi so whípóló Kótónéitei sóró betereó betere-apa, né só deraaloé? Yesu Keriso ă mo ti sukăletei, Kótóné momó kepaaróló fea ala teteróló betere tiki, ama turu naase dęmó beterealepó. Aimó bituraalu, dă só der-

atere ala yaşóró, tao saaire fo Alima Kótópaae du betere-
apó.

³⁵ Yesu Kerisoné dapaae yaala sókó furaalu, eratere wisi ala mo eraşóró, né sesénere? Me sekę alané ó hosaa tuamó mole sekę alané ó Yesuné doimó beterepa sere susupui alané ó ęla sóku alutere alimó wote dere alané ó kuti meiyóló tiki hãle betere alané ó mepaae dă dóló sukunatere kae kae ęla ęlané ó whi mo ti dóló sukunatere alanékélé sesénenipó. Mo meipó.

³⁶ I fo kaae aşemókélé er-
apó.

“Tale-ó, dă naao ala erótu betereóm, dapaae diă daalopó dere fo betere dokę fea hãle yó tarapó.

Ti dăta, *sipsip* hupurape daai halikané kaae duló beterepóló,” er-
apó.

³⁷ Ai dosăayale alarapené dă mo ti doratere ala enénipó. Mo bôe dóló be torokó falatu dere kaae, ai alarape dané teteróló teraae faaire alata, dapaae yaala sókó furaalu wisi ala erale whi Yesu Kerisoné yale ala tuamó bitu, ti mo şumó enérápó.

³⁸⁻³⁹ Yało i dere fota, mo dapóló tuę tiki tiraaire fopa wosae. Sukutere alané ó betere alanékélé, *ensel*-rapené ó dowi keper-
apenékélé, mió i betere alimó du betere alané ó take waaire alimó yaaire alanékélé, kae kae fotokę

bole keperapené ó sạ taoró betere ọlarapénékélé, mo apaae derepale dolomó betó mole ọlaró Kótóné aleóló muló betere ọla ọla feata-moné, Kótóné ama yaala sókó fale ala, ẹ ẹteróló kaae tare whị Yesu Keriso tuapaae tepeyóló, amamo dapaae yaala sókó furaalu, wisi ala mo eraosóró, ai dosayale alarapené seséyaaire mo sunipó.

9

Kótóné ama mole kisi-patóró sya fóló dere ala

1-2 Ẹlọ i dere fota kapala mei, ẹ Yesu Keriso tuamó bitu, mo dapó. Ẹ dekené sukuturaalu, Ẹlọ hosaa tuamó delei ala hẹle yó taretei, Ẹi Kepe Wisiné kolóló mo dapó du beterapó.

3 Ẹlọ no nerape Israel fake so whị atima ẹ betere kaae wisiyóló beterópóló tao suraalu, ẹ Yesu Kerisotamo betamó betere ala tekeyóló kae beteratepa ti wisirapóló kisipa mutapó.

4 Ti ai Israel fake so whị Kótóné dape sóró ama naale senaale beteróo, ama kae ere ala wisinaale atimané kolópóló yó melóo, Kótóné ama so whípóló atimatamo mo dirii fo dokóló mulaté wóo, ama tukóló muló betere fokélé atimapaee melóo, momatere bemó Talené doimó mepaae alarape erótu betae yóo, ama wisi ala atimapaee mo eraalopóló, yóló mulaté wóo erapó.

5 Ti atimata, Israel fake kaarale whịrapené deté wale so whípó. Ai fake sonéta, so whị ẹteróló kaae tawaaire whị Yesu Keriso mo whị tiki daai dealepó. Ti Yesu ẹta, fea ala fea ẹteróló kaae tare Kótó beterapa, ama mole doi wisi-naale mo ti muó tanópóló, sóró horótu betae. Mo kéel! Teyópóló yae.

6 Kótóné atimapaee i ala eraalopó ere fo hasókó felepóló kisipa mute? Mo meipó. Ti noatepae, kale whị Israel-né deyale naalerape fea betó moletei, atima Israel faketóró bitinipó.

7 Abraham-né deale naale senaale betó moletei, fea ama doi mole naale senaaletóró bitini, mepaae ti ama doi munire naale senaale beterapó. Asemó i fo mulapó. Kótóné Abraham-paae duraalu,

“Aisak-né deyaaire naale senaale maaté ti mo naao naale senaale ai ape,” erapó.

8 Ai ere fo bete i ape. Abraham-né ama naale tamo dealetei, mo whiné naale senaale detere ala sya fóló deale naaleta, ti ama naale meipó. Kótóné Abraham-paae eraalopó yale fo dokonóturaalu deale naaleta, ti Kótóné ama doi mole naale senaalepó erapó.

9 Ti Kótóné ama mo eraalopó yóló mulale fo i ape.

“Ẹ momó fesaae wouraalu, mió Ẹlọ i tukóló mulatere be demótóró Sera ẹ naale mo sóró betepa kelaalopó,” fo ipakalepó.

10 Ai maaté mei, Rebekanékélé dāné noutere Aisak-tamo betā be demó naale tamo deipakalepó.

11-12 Ai kale naale tamo betā be demó deyaaipatei, atimaamoné me wisi ala ó dowi ala initei, Kótóné ama mole kisipa sya furaalu, sókó su yóló kae beteraaire ala mo ti muó tanópóló, kale sopaae i fo ipakalepó.

“Naao topo naaleta, deke naalené kutó diratere whi betaalo ai ape,”

Ti Kótóné ama so whipóló sóró beteratere alata, whiné dere ala kolóló dumitei, Talené ama kisipa mole alatóró sya fóló dua dapó.

13 Ai fo kaaetóró ašemókélé erapó.

“Yalo hosaa mo turó Jekoppaae muluraalu, Iso yalo hēkeseni hōralepó.”

14 Atérapa, mió dāné noa fo yaaloé? Kótó āta, whiné du betere ala donoyóló tale dumi, hōko taletere Kótópóló kisipa mute? Mo meipó.

15 Ti Kótóné Moses-paae i fo erapó.

“Yalo tao saai kisipa mole whitóró kōleturaalu tao saalopó. Ti kōletere alata, yalo kisipa mole whippaaetóró dua dapó,”

16 Ti Kótóné tao sóró erótu betere alata, whiné mole kisipa ó ketekē buóló ditere kutó kilituraalu dumitei, Kótó ā tuamó ere kōletere alané tao sóró erótua dapó.

17 Kale aseýóló mole Kótóné fo tuamó topo whi Feropaae i fo erapó.

“Naao du betere ala tuamó yalo bole fotokō hākearatepa, i hae kwiamó betó mole so whi feané kolóló, yalo doi sóró horópóló, Isip hae naao tēteróló kaae tawae yóló ya topo whi sóró betero beteraipó,” erapó.

18 Ti Kótóné ama kōleané kōleturaalu tao sere whi tao sóo, mepaae so whi hosaa tāróló dowāae fole ala eraai depa, ti mo dowāae falóo, du beteraipó.

19 Diakó betā whiné ēpaae etei kaae fo enérapó. “Ai fo-tamo mo epa, Kótóné dāné yale dowi alamó dā só deratere ala, noatepa du betere? Ti atétepa ama kisipa mole ala yaqsóró, mené sesé yaairetei mo sunipó,”

20 Ti ya noa kaae whi bitu, Kótópaae bi kāttere fo dute? Kale doka haenétei wuti aletu betere whippaae “Naao noatepa ē etéro hōko aleyaleé?” fo enére?

21 Kale wuti aletere whiné ama betā hae bula kāyóló mo ɔla deyaaire wuti aleyóo, mepaae hāle hōko ɔla deyaairetei aleyóo dua dapó. Ti ama ɔla ereteiné ama kisipané alenére ɔlatóró sumó alenérapó.

22 Atétere kaae, Kótó ā fopaae buturaalu ama doraai taketi bukóló kae beteraale so whi kwia melaai kisipa mualepó. A atéro fopaae

butu, kwia matere alaró fotokotamo so whi feané kolópóló hapale hakearóló ini, dua kaae taté fu betere alamó dané noa fo yaaloé?

²³ Aita hāle mei, Kótóné ama kae ere de wisinaale tuamó faane wisi wisi ala ama kōletu tao saaire so whiné tué yópóló ere alamó dané noa fo yaaloé? Ai so whita, Kótóné ama kae ere de tuamó beterópóló, taketi tukóló muló beterapó.

²⁴ Atére so whita me kae mei, datórotipó. Ti da Juda fake maaté a beterepaae ape ini, Juda meire fake so whikélé a beterepaae ape erapó.

²⁵ Yalo i dere fo kaae, Hosea buk-mókélé Kótóné ama i fo erapó.

“Mepaae yalo so whi mei, kae fake so whipaae yalo so whipó yóo, take hosaa muni yale sopaaetei yalo hosaa mole sopó yóo, yaalo ai ape.”

²⁶ Atére kaae,

“Atima yalo so whi meipó yale tikimótei diā mo ti betere Kótóné naale senaalepó yaalo ai ape.”

²⁷ Aisaiané Israel so whimó kisipa mutu, fo fakeyóló i fo erapó.

“Israel fake so whi mo hāle ɔla kaae betó mupatei, betā betā so whi ti aluyaosóro tao saalo ai ape.

²⁸ Ti noatepae, Talené i haemó betó mole

so whiné yale dowi alamó kwia melaairetei hasókó feni, hapale tétitóró mo turó melaalo ai ape.”

²⁹ Ti i bope yale ala Israel so whipaae eraai teópatei, mo take Aisaianékélé aseýóló muló beterapó.

“Hepen bemó betó mole bóe dele *ensel*-rape tetéroló kaae tare Talené da tao sóro, ama naale senaale beteroluameisóro, ti da Sodom beró Komora betamo doróló wópu mulótu yale kaae uapó,” erapó.

Israel fake so whi Talepaae kisipa tirénire ala

³⁰ Atérapa, mió dané noa fo yaaloé? Juda meire fake so whi atimapaae Kótóné mo donoi so whipó yópóló, me wisi alakélé initei, Kótópaae betā kisipa tiki tiratere ala kilituraalu, mo donoi so whipó erapó.

³¹ Téyaleteti, Israel fake so whiné kale tukóló muló betere foné erae dere ala eratepa kilitu, mo donoi so whipó yópóló, keteke buóló du betaleteti, donoi so whipó yaaire dalemó sókó fenipó.

³² Ti noatepae, atima tué tiki tiratere ala ini, kale tukóló muló betere fo sya fupa saalopóló kisipa mutu wóputu betaletiné sini ipakalepó. Ti atimatei kale kotóo sóro dée nalatere kane fakemó kotóo sóro dée nukua yalepó.

³³ Ti atima ai ere alata, i ašemó mole fo kaaetóro erapó.

“Kotóo sóró dée nalatere kane fake Saion haemó yalotei i mulatapa kelae. Ai kane fakemó so whi kotóo sóró dée nukua yaalopó.

Mepaae so whi dené ai seképaee kisipa tiki tiratepa, ti atétere so whi hale dere alakélé mo yaalomeipó,” erapó.

10

¹ No nerape-ó, Israel fake so whi aluyaqsóro yalo hosaamó suraalu, Kótóné tao sópóló momarótu beteraipó.

² Ti noatepae, atima Kótóné ala eraai ketekę boletei yalo kelené diriyóló kolóló mo kisiparapó. Tépatéi, ai bole ketekęta, ama fo bete wosóló diriyóló tuę iru meitei hale du beteraipó.

³ Ti noatepae, Kótóné hale matere donoi ala atima tuęniru, atima dere wisi alamó Kótóné mo donoi so whipó yópóló kisipa mutu, wóputu betalepó. Téturaalu, Kótóné donoi so whipóló beteroútu betere aqmó sukóló bitini, dowaae fu betalepó.

⁴ Ti kale tukóló muló betere foné eraai yale ala fea mo dokonóló, Yesu Kerisoné amatóro eróló kemeralepó. Atére alata, mepaae so whi de apaee kisipa tiki tiratepa, Kótóné me alakélé muni, mo donoi so whipó yópóló erapó.

⁵ Kótóné mo donoi ala dere so whipó yópóló, kale

tukóló muló betere fo erótu beteremó Moses-né i fo erapó.

“Me whinétamo kale tukóló muló betere fo sya fu betepa, ti ai foné erae dere ala fea hotowaró sya fóló erótu beteroúpóló yae,” erapó.

⁶ Tépatéi, tuę tiki tiratere so whipaae me alakélé muni, mo donoi so whipó dere fo i ape. “Diaaq hosaa tuamó etei kaae kisipa muaqsé. ‘Demaaté hepen-paae faaloé?’ ” dere fota, Yesu Keriso i haemó beteroúpóló dapesó dorowonére?

⁷ Me fo i ape. “Demaaté mo apaae derepaaloé?” dere fota, Yesu Keriso sukóló moletei i haemó beteroúpóló, mé whi hae dolopaae doropóló dapesó honére?

⁸ Até enénipa, Kótóné noa fo aseyóló muló betere? “Kale mo fo ya betere tikimó ai mole ape. Ai fota, naao kólómókélé buóo, naao hosaa tuamókélé muóo, ai ere ape.” Ti ai fota, me kae mei, dané diapaae Yesu Kerisopaae kisipa tiki tiróló betae yóló yó mótu betere fotórotipó.

⁹ Ti ai bete mole fo i ape. Mepaae whipaae naao kólónétei, “Yesu ata, da teteróló kaae tare Talepó,” yóo, a mo ti sukaletei Kótóné momó kepaaró beteraipóló kisipa tiki tiróo depa, ti so whi aluyaqsóro ama tao saalopó.

¹⁰ Ti noatepae, naao hosaa tuamó apaee kisipa tiki tiróo, me alakélé muni, mo donoi

whipó yóo, naao kólónékélé a etei kaae Tale beterapó dere fo wosetu, ama ya aluyaqsóro tao sóo yaalo ai ape.

11 Ai dere fo kaaetóro ašemókélé erapó.

“Mepaae whi de apaae tué tiki tiró betepa, atére whi haleróló só deraalomeipó.”

12 Ti noatepae, Juda fake so whikélé, Juda meire fake so whikélé, tetéróló kaae tare Tale mo betatóro bitu, me fake tao suraalu me fakemo sisópaae erótumipó. Mepaae so whiné apaae Tale-ó, e tao sae depa, ti wisi ala faane Talené hamokoróló tao sóro wisi eraalo ai ape.

13 Ti noatapae,

“Mepaae so whi dené ata, etei kaae Tale beterapóló kisipa mutu, ‘Tale-ó, e tao sae,’ depa, ti atétere so whi mo fea aluyaqsóro ama tao saalopó.”

14 Mepaae so whi atima kisipa tiró bitinire Talepaae Tale-ó, e tao sae fo netéro yaaloé? Me whiné ata, etei kaae Tale beterapóló yó matere fo wosenitepa, apaae nétéro kisipa tiki tiraaloé? Ai fo wisi yó matere whi meitepa, ti atima nétéro wosaaloé?

15 Kale fo wisi yó melale fópóló mené dotonéni depa, ti atimanémo ai fo netéro yó melaaloé? Ai fo kaaetóro ašemó erapó.

“Kale fo wisi yó maté kotere whirape dore tikikélé

hóni, koteretei kilitu mo kokóné sukutapó.”

16 Tépatéi, mepaae Israel fake so whiné kale fo wisi wosóta dua yaletéi, ai fo aomó sukóló bitinipó. Ti Aisaiané i fo aseyóló muló beterapó.

“Tale-ó, dané yó male fo némaaté wosóló tué tiki tiraleé?” erapó.

17 Atépatéi, kale fo wisi yó matepa wosetere alané ti tué tiki tiratere ala kaaratapó. Ai fo wisita, Yesu Kerisoné me whipaae yó melae dere fotóro yó matepa so whi feané wosenérapó.

18 Tépatéi, yalo diapaae wosetere fo i ape. Ai yó male fo atimané wosenié? Mei, mo wosipakalepó. I ere fo kisipa muae.

“Ai kale fo hae kwiamó betó mole so whi feané wosópóló deté kwęalepó.

Ai fo wosóló, atimanémo i hae kwia feamó betere so whipaae yó maté kwęóló mo suralepó,” erapó.

19 Kale yale kaae diapaae momó wosetere fo i ape. Israel fake so whiné kale fo wisi wosóló kisipa inié? Folosóro Moses-né ašemó Kótóné i fo erapó.

“Mo doi munire so whipaaetei yalo wisi ala eratepa kilituraalu, dapaae erólua alatei atimapaee eratapóló diaaq dei tué muaalo ai ape. Diā fopaae buópóló, yalo fo tuénire so whipaae

wisi ala eraalopó,” erapó.

²⁰ Aisaia a halaaíné daalu i fo erapó.

“E kelaai kekenitere so whinétei e kolóló tué yalepó.

E kisipa yaaitapóló yó aiae fo ini yale so whipaaetei e etei kaae Kótó beteraapóló yó malepó,”

²¹ Tépatei, Kótóné Israel fake so whimó kisipa mutu, ama i fo erapó.

“Betere dokó fea atima yalo dere fo wosóló aomó bitini, dowaae fu betere so whi yalo dape saairaalu, naase bukó tapatei, atimané yalo dere fo woseni, mo ti dowaae fu beteraapó,” erapó.

11

Kótóné mepaae toróti Isarael fake so whi koleyalepó

¹ Atérapa, yalo diapaae wosetere fo i ape. Kótóné ama so whi hóróló mo ti taaraleé? Mo meipó. Ti ekélé Israel fake i betere ape. Eta, Abraham-né deale naalené deté wale whi Benjamin fakené deale whipó.

² Atima teó deyaaipatei, mo taketi Kótóné ama kisipa yale so whi hóróló mo ti taarénipó. Ti Elaijané yale ala asemó moletei kisipa muae. Kótóné Israel fake só deróló kwia melópóló kisipa mutu, Elaijané i fo erapó.

³ “Tale-ó, naao fo eratere koló whirape atimané dóo,

yapaae moma yaai aleóló muló betere kane fakekélé fisikóló taae falóo yalepó.

Téturaalu, e beta hasókó fóló betepa, mió atimané ekélé dóló aluraai du beteraapó,”

⁴ Ai fo depa, Kótóné Elaijapaae noa fo ipakaleé?

“Kapala kótó Baal-paae bukutiri tearó tale-ó yóló, moma initere 7000 whikélé atimané daosóró epaaetóro moma yópóló, yalo atima tao sóro kae beteralepó,” erapó.

⁵ Take ai ala ere kaae, mió i alimókélé Kótóné ama kisipa mole ala sya furaalu, hamokoróló hale tao sere alané mepaae toróti so whi amatei sókó sóro kae betero beteraapó.

⁶ Ti ama so whi atéro kae beterale alata, Kótóné ama hamokoróló hale tao sere alané erapó. Ti aita, whiné dere wisi ala kolóló inipó. Motamo wisi ala deremó uasóro, ti Kótóné ama hamokoróló tao sere ala hale ɔla aɔ uapó.

⁷ Atérapa, mió noa ala ere? Israel fake so whiné saai dapóló keteké buóló kekitu betale ɔla sinipó. Téyaletei, Kótóné ama so whipóló sókó suyóló kae beterale so whiné maaté salepó. Mepaae so whiné hosaa ti Talené amatei taralepó.

⁸ Atére ala asemó erapó. “Atimané kisipa tikikélé, Kótóné mo ti keyóroló okokoroó, kelenékélé

me ɔla kelaɔsóró dilikiróo, wosélinékélé dere fo wosaɔsóró mo ti kinóo yaletai, mió i alimókélé ai alatóró haɓe erapó,”

⁹ Depit-nékélé i fo aserapó.

“Atimané ɔla nokole alata, atima daaitere he alée fóo, kotóo sóró dée nalatere kane fake alée fóo duraalu, atimatei só deróló kwia melópóló yae.

¹⁰ Atima kelenékélé me ɔla kelaɔsóró kele mo ti dilikiróló, atimané seké beleyóló furaalu, sisó mo ti kaae wale nisi deretei haɓe yó tanópóló yae,” erapó.

Haɓe botokore ni, daɓo ni-tamo olekeyale fo

¹¹ Térapa, yaɓo diappaee i dere fo wosae. Atima atéro dée naletai mo ti muó tawaleé? Mo meipó. Tényi, atima dowi ala maaté du betepa, Kótóné tao sere ala Juda meire fake so whippaae erótu beterapó. Israel fake so whiné ai ala kilituraalu, atimapaae eróluɔ alatei kae fake so whippaae eralepóló, atima kisipa sópóló Kótónétei eralepó.

¹² Juda fake so whi atima Talené fo wosetere hýyóló dowi ala du betaletéiné, Kótóné ama wisi wisi ala i haemó betó mole so whippaae erótu beterapó. Ai erótu betere ala Juda fake so whippaae melaai yaletai, Juda meire fake so whippaae malepó. Ai Juda fake so whi mo turó Talepaae momó

fesaae waletéimó, i haemó betó mole so whippaae waaire wisi wisi alata, take folosóró erale wisi ala bosenóló, mo dekéro faayóló saalo ai ape.

¹³ Diɔ Juda meire fake so whippaae i dere fo wosae. Ɛta, diɔ tuamó Talené fo erópóló *aposel* whi sóró beteró betereteiné, ama ala yaɓo diappaee eróló fakerótu beterapó.

¹⁴ Aita haɓe mei, yaɓo fake so whiné diɔ tuamó du betere wisi ala kaae, ðakélé enée dere so whi mepaae Talené tao sópóló kisipa mutu, keteketamo erótu beterapó.

¹⁵ Ti noatepae, Talené Juda fake so whi kapala hýróló sisópaae eraletéiné, i haemó betó mole so whi Kótótamo bóe fiyóló betámó beterapó. Ai ala mo epa, ti atima dape sere be demó sukóló mole so whi kepaarótu dere kaae eraalomeipóló de?

¹⁶ Ti folosóró bulatere *flawa* o kaae sóró kwia Talepaae matepa, ai matere kwia Talené amapóló wisiróló kae mulóturaalu, mepaae haɓe mulaletéikélé fea amapóló kae muló beterapó. Atétu dere kaae, ni bete Talepaae matepa, Talené amapóló wisiróló kae mulóturaalu, ni tetejkélé kae ai muló betere ape.

¹⁷ Ti diɔta, mo daɓo *Olip* ni tej mei, haɓe botokore *Olip* ni tej tukó sóró mo daɓo *Olip* ni tetejrapetamo daalópóló, mepaae tetejrape tukó faróló, taɓemó olekeyalepó. Ti ai olekeyale ni tej horatere feɓa,

kale bete daale *Olip* tikimó kaaróló mótua dapó.

¹⁸ Atérapa, diã olekeyale tetejrapené mepaae hañe ere tetejrape teteróló bopé fakeyaqse. Diãtamo bopé faketepa, ti yaño i dere fo wosóló kisipa muae. Bete diriyóló daalópóló diã tetejrapené fotokoró bitini, tetejrape daalópóló, betené fotokoró beterapó.

¹⁹ Ti me whiné etei fo enérápó. “E etéro olekeyóló daalópóló, mo tetejrape tukó faralepó,”

²⁰ Aita mo deretei, atima tué tiki tiréni yaletéiné Kótóné tukó faróló, diaaq kisipa tiki tiró betere alané diã olekeyóló daalapó. Atérapa, me whi teteróló bopé faketera ala ini, winé sukutu Kótó aqmó betae.

²¹ Ti noatepae, Kótóné ama dalo ni tetejrape kole duraalu bokó sóro taaréni, mo tukó faralepó. Atéyale kaae, diãkélé tukó faraalomeipóló de?

²² Ti Kótó aña, koleturaalu taosóro wisi ala eróo, dowi ala deremó deteraayóló kwia matere alakélé yóo dapóló kisipa muae. Yesupaae kisipa tiki tiréni, haepaae derepele so whipaae Kótóné dowi kwia melóo, diã apaae kisipa tiró betepa ama koléné sukutu tao sóo yaalopó. Atérapa, diã ama tao sere ala taaróló feni, ai wisi ala tuámó hañe betó tawae. Aténitepa, ti Kótóné diãkélé tukóló taae faraalopó.

²³ Ti ai kale tukó farale tetejrape atima tué tiki tiréni,

dowaqae fu betere ala taaróló, momó kisipa feteyóló apaae tué tiki tiratepa, ti kale tukó farale talemó Kótóné momó sumó olekenérápó.

²⁴ Ti noatepae diãta, hañe botokore *Olip* ni tetej tukó sóro, dalo *Olip* ni talemó olekeyaaitere ala mo hapólupatei olekerapó. Kale mo dalo *Olip* ni tei tukó farale talemó momó olekeyaairetei hapólu ini, ama mo sumó olekenérápó.

Kótóné Isarael so whi tao saalopóló yale fo

²⁵ Norape-ó, diã bopé faketuraalu mepaae so whi só deraqsóro, kinóló mole ala diaaq kisipa yaasepóló, hañearóló i dapa wosae. Talené mepaae Israel fake so whi atima hosaa mo ti taró betere ala hañe epa, ti mepaae Juda meire fake so whi Talené ama dale muló betteretei fea sumótóro a betterepaae wapa, atima hosaa taretei Talené momó feteraalopó.

²⁶ Atéturaalu, Israel fake mepaae turó aluyaqsóro tao saalo ai ape. Ai fo kaae asemó erapó.

“Tao saaire whi Saion be taaróló wouraalu, Jekop fake so whiné Kótó sisópaae erale ala kemeraalopó.

²⁷ Atima aluyaqsóro yaño tao saalopóló muló betere dirii fo i ape.

Atimané dowi ala yaño tokóló aluraalopó,” erapó.

28 Juda fake so whi atima kale fo wisi hóróló sisópaae eratereteiné diqtamo bóe du beterapó. Atima Juda fake so whiné kale wosetere fo wisi-tamo atéró bóe du betepatei, Kótóné ama so whípóló sorokó su yóló kae beteró betereiné ama hosaa mole naale senaalepóló, yaala sókó fu beterapó. Ti aita, take noumatererapepaae i ala mo eraalopó yóló mulale fo sya furaalu du beterapó.

29 Ti noatepae, Kótóné ama so whipaae hāle matere ala ama tué feteyóló momó tokó sóo, ama kutó diraai ape depa wale so whipaae, diā fae yóló hōkonatere alakélé yóo du-mipó.

30 Juda meire fake so whi diā take betale alimó Kótóné fo aomó sukóló bitini, ama fo tikitū betalepó. Tétu betaletēi, mió Juda fake so whi Kótóné fo aomó sukóló bitini, dowāae fóló du betale alané Kótóné diā kōlené sukutu tao saaire tū mulalepó.

31 Atére kaae, mió Kótóné diā kōlené sukutu tao sale alané take atimakélé kōletu tao sōpóló, mió Kótóné fo tukóló dowāae fu beterapó.

32 Atéró dowāae fu betepa, Kótóné kōlené sukutu atima mo fea tao saairaalu, fo tukóló dowi ala du betere tuāmó beterapó kisipa muōpóló, so whi fea ai ala tuāmó sóró beteralepó.

Kótóné doi sóró horatere ala

33 Kótóné dotoróę fóló mole tué tiki beteró fea ala

bete tuęre alatamo ama kaepó.

Téruraalu ęla ęla fea tale dere alaró ama du betere alatamo né taleyóló kisipa yaaie?

34 “Talené ama mole kisipa turó né kisipa ere?

Kótóné ama du betere ala wisiyóló yōpóló né yó maleé?

35 Mé whiné Kótóné āpaae momó tokó melōpóló, me ęlakó melaleé?” erapó.

36 Ti noatepae, Talené so whikélé, yó mole ęla ęlakélé mo fea amatóró kaaró betera-pó. Ai ęla ęla fea ama fotokōné tēteróló kaae tapa yó mulapó. Betere ęlanékélé, ere ęlanékélé ama kisipa mole alatóró erōpóló erapó. Atērapa, ai sekēné ama doasi doi hāle muó tanōpóló yae. Mo kée! téyōpóló yae.

12

Dāné betere bete turó Kótópaae hāle matere ala

1 Tērapa norape-ó, Kótóné dā kōlené sukutu tao sóró erótu betere wisi ala kilitu, hupu ó na simó sukūlaa daaróló Talepaae mótu dere kaae, diā mo bitutei, diaaę hó, naase, tuę tikikélé, hosaakélé fea Talepaae hāle melaasepóló i dere ape. Atētepata, Talené ala erótu mo kae so whi beterepa, ama kolóló hēkeseyóló senérapó. Ti aita, Talené

diɔpaae hɔle eró betere alamó kisipa mutu, ama doimó mo donotóro dirótu betere kutó ai ape.

² Tétu, i haemó betó mole so whiné du betere ala diɔné tokóló ini, take muale dowi kisipa taaróló, mió wisi kisipa muóló betae. Atétepa, ti Talené kisi whi aleróló beteraalo ai ape. Atéroró bitu, kae kae ala fea diɔnétei taleyóló ita, Talené ama yaai kisipa mole alapóló kɔae kolóló, tuɛ yaalopó. Kótóné kisipa mole alata, mo ala wisinaale, ɔa mo whiné eratepa, ti ɔ mo hɛseke yaalo ai ape. Ama kisipa mole ala mepaae yaɔɔani, mo sumótóro mulapó.

³ Ti noatepae, Talené hamokoróló ɛpaae melale kutó diróturaalu, diɔ feapaae i dere ma fo wosae. Kótóné ɔpaae kisipa tiki tiratere ala yópóló, diɔ feamó betɔ betɔ yóló ɔliró beteraapó. Atérapa, dere ala fea yaɔlotóro sumó enérapóló, me whi só deróló bopé fakeni, Talené ya tuɔpaae sɔratapa i kutó sumó dinérapóló kisipa muae.

⁴ ɔa so whi fea mo betɔ tikitóro daalapó. Ai betɔ tikimó hó naase, kae kae tiki fea daaletei, ai tikirape feané betɔ kae alatóro dumi, kae kae ala dua dapó.

⁵ Atéru ere kae, ɔa fea Yesu Keriso tuamó mo betɔ tikitóro daayóló beteraapó. ɔa Keriso so whi fea olekeyóló betɔ tikitóro daaleteiné no netóro beteraapó.

⁶ ɔa feané Kótóné ala

erópóló, amatei hɔle hamokoróló kae kae kutórape dokɔralepó. Mepaae whi Kótóné kóló whi bitu, Talené fo i ape yóló yó matepa, ama tuɛ tiki tiró betere bete mole fo donotóro sya fóló erótu beteraapóló yae.

⁷ Talené kutó diratere so whirape bipi yaosóro, tao sere kutó meló betepa, ti ai kutótóro dirótu betae. Mepaae so whipaae Kótóné fo yó matere ala meló betepa, ti so whipaae yó matere alatóro du betae.

⁸ Mepaae so whipaaetamo Talené ala erótu betereitei taaréni, yó tanópóló ketekɛ bulatere ala meló betepa, ti ketekɛ bulatere fotóro du betae. Mepaae so whipaae so whi tao sóro hɔle matere ala yópóló meló betepa, ti nalo kwia saai dapóló kisipa muóló meni, hɔle sae yóló meló betɔ yae. Mepaae so whipaae so whi tetéroló kae taru ɔlisóro fole ala meló betepa, ti kisipa ai alapaaetóro mulóló, mo hotowaró kae tawae. Mepaae so whipaaetamo so whi kolené sukutu tao sere ala meló betepa, ti kutiri teraae fóló, haɔtamo tao sere ala du beteraapóló yae.

Ne nopaae yaala sókó furaaalu mo alatóro erótu betae

⁹ No nepaae hɔle tó tikiné maaté yaala sókó feni, hosaa tuamó mo alatóro muluraalu, yaala sókó fu betae. Atétu, dowi ala mo ti sisópaae eróló, wisi ala betɔ botokó sóro tawae.

10 Diaaḡ no nepaae yaala sókó fóló, u tao su i tao su dere ala haḡe yó tawae. Naao no hamomané wisi ala du betepa, naao doi haepaae deróló ama doi sóró horóló, a dukirótu betae.

11 Talené ala erateretei, dekayóló hōni, Deḡ Kepe Wisiné diaaḡ kepe bete tuamó ketekē bulatēpa, diaaḡ ama ala erótu beteretei si kaae haḡe dó tanópóló yae.

12 Take nalo Talené dāpaae wisi ala mo eraalopóló kisipa mutu, sekeḡ ala wapakélé me ḡla meipóló haḡe belée taru, haḡiné sukóló momatere ala betā suka fea yó tawae.

13 Kótóné ama kae beteró betere so whḡ mepaae ḡla ḡla yaḡatēpa, naao moletei bukóló haḡe melae. Mepaae uké wale so whḡ naao bepaae wisi kisipatamo dape sóró ḡla melóló firae.

14 Mepaae so whḡné diāpaae kae kae sekeḡ ala eratepa, Talepaae atima dorae fo ini, tao sae yóló wisiraterere fotei yae.

15 Haḡiné sukutu, mo kée du betere so whḡtamo diākéle haḡtere ala yóo, dekeḡné sukutu moló du betere so whḡtamo diākéle moló yóo, du betae.

16 Diaaḡ no netamo betā kisipa muóló dua betóo, bopé fake dere ala ini, doi muni sókó deyóló betó mole so whḡtamo fulumuyóló betāmó betóo dere ala hō yaḡse. Naaotei ya fea ala fea tuère whḡpóló, naao kisipanétei mepaae so whḡ só deratere ala mo yaḡse.

17 Mepaae whḡné diāpaae me dowi ala eratepa, āpaae momó tokó matere ala ini, so whḡ feané keletómó mo wisi ala maaté erótu betae.

18 So whḡ featamo mo betā kisipatóró muóló, naao hosaa muni deyóló betere ala enépa, ti naao dere ala mo dua bituraalu du betae.

19 Norape-ó, menétamo diāpaae sekeḡ ala eratepa, kwia tokó matere ala ini, Kótó a fopaae buturaalu, ai kwia ama melópóló taalae. Ti noatēpae, Talené ašemó i fo erapó.

“Mepaae whḡnétamó dowi ala eratepa, ti kwia tokó matere kutóta yaḡlopó,” erapó.

20 Atérapa, kwia tokó meni, “Naao bóe whḡtamo wotetēpa, ti ḡla melóo, weḡ nokolepa, ti weḡ melóo yae.

Ti naao āpaae ai eratere wisi alané ama hosaamó saalopó.

Atéró eratere ala ti ama topomó si kelerape hupó kaae horóló muaalopó,” erapó.

21 Dowi alané ya só deraḡsóró hotowaró kaae taru, wisi alanétei dowi ala tēteróló alurópóló yae.

13

Tēteróló kaae tare whḡrape aḡmó betae

1 So whḡ fea tēteróló kaae tare *Gavman* whḡrapené dere fo wosóló, diā fea atima aḡmó sukóló betó muae. Ti noatēpae, ai whḡrape fea

atéro so whi teteroló kaae tanópóló, mo whiné sóró beteréni, Kótónétei ai teteroló kaae tare kutó melóo, ai whirapekélé sóró beteróo erapó.

2 Atépatéi, mepaae whitamó ai teteroló kaae tare whirape aomó bitini, bóe du betepa, ti ai whirapetamo maaté dumitei, Kótóné eró betere alatamokélé bóe dilapó. Atéro bóe dele alamó atima só deróló dowi kwia melaalopó.

3 Ti noatepae, mepaae donoi ala du betere whirapeta, kale teteroló kaae tare whirape kolóló wi dumitei, fo tukóló dowi ala du betere whirape ti witua dapó. Kale teteroló kaae tare whirape kolóló diá wini, halaaíné betaai kisipa mutepa, ti wisi ala du betae. Atétepa, ti atimané ya whi wisipóló dukiraalo ai ape.

4 Ti atima, Kótóné kutó diratere whi bitu, diá wisiyóló beterópóló, wisi ala erótu betere whirapepó. Tépatéi, diá dowi ala du betepa, ti mo wi yae. Ti noatepae, ama ai tawóló kutu betere sepake hãle tarapóló kisipa mute? Ti aãa, Kótóné kutó diratere whi bitu, dowi ala dere so whitamó fopaae buóló kwia matere ala yópóló, Kótónétei a sóró beteróo beterapó.

5 Térapa, dã so whi fea kale teteróló kaae tare *Gavman* whirape aomó betae dereteita, i betené dapó. Naao mo dere alamó kwia melóo, naao iniyale

alamókélé hosaa tuamó mole kisipanétei diá só deróo yaqsóro, atima aomó betenérápó.

6 Me i alamókélé diá witu-raalu, *takis moni* mótua dapó. So whi teteróló kaae tare *Gavman* whirapeta, Kótóné kutó diratere whirape bitu, betere dokó fea so whi teteróló kaae tare alatóro deté fu beterapó.

7 Mepaae doasi doi mole whirapepaae eraaire ala mupa, ti feané mo erae. Ai alarape i ape. Atimané diãpaae *takis moni* etéro aãae depa, ai sutóro melóo, mepaae tómó beleróló aãae depakélé melóo, mepaae ala teteróló kaae tare whi betepa, ti ai whi kolóló witu, a aomó betóo, mepaae teteróló kaae tare whi doasi doi mupa, ti ai whi mo doasi doi muópóló hale horóo du betae.

A waaire be de felekerapa, ne nopaae yaala sókó fu betae

8 Mepaae whiné nalo tokó melaai dapóló sale ɔla kwia mupa, ti ai kwia hãle muó tawaqsóro hapale tokó melae. Ti yaala sókó fole ala betã kwia tokó melóló kemeraaire ala meipa, ne notamo yaala sókó fole ala hãle yó tawae. Ti noatepae, mepaae whiné ama be whi so whipaae yaala sókó fole ala du betepa, ti kale tukóló muló betere foné yae dere ala mo ai dokonatere ape.

9 Kale tukóló muló betere forape i ape.

“Nópu nokole ala yaqse, Whi dóló sukunaqse, Qlémi naqse, Mené ɔla senée yóló au naqse,” erapó.

Mepaae tukóló muló betere forape fea husiró betere mo topo ala i ape.

“Naaotei ya yaala sókó fu dere kaae, so whi feapaae atéro yaala sókó fu betae.”

¹⁰ Mepaae whiné ama ne nopaae yaala sókó furaalu, wisi ala eratepa, ti atima doratere ala mo yaalomeipó. Atéro yaala sókó fole ala du betepa, ti kale tukóló muló betere foné yae dere ala mo turó dokonatapó.

¹¹ Mió i bitu du betere ala bete diriyóló kisiparu, yaala sókó fole ala du betae. Ti noa betené dumi, ɔa Talepaae kisipa tirale be ɔemó kaae sóró bitiré wóló, mió ɔa tao sóró dape saaire be ɔe mo felekemó sókó walapó. Térapa, noke firetei turukó horóló kele diriyóló betae.

¹² Mió kale be ɔe sókó wouraalu, diliki mo felekemó kemeraai dapó. Térapa, diliki tuamó bitu du betere ala tu ɔepaae mulóló, bóe daai wase dakorótu dere kaae, kale ɔe tuamó mole ala wisi ɔiané bopémó dakeró betae.

¹³ ɔa ɔe tuamó kisipa wisi muóló betere so whiné dere ala kaaetóro du betae. ɔi so whi fea fo dokóló dowi wej nokole alaró so nópu nokole alatamokélé, so ó whi nópu nokole alaró kae kae sonaalei alatamokélé, hɔle sere alaró

dei tué muóló alale sere alata-mokélé momókó yaqse.

¹⁴ Ai dosayayale dowi alara-pekélé, mepaae naao tó tikiné ekɔlere alakélé netéro yaaloé yóló tué teketu bitini, ɔa teteróló kaae tare whi Yesu Keriso betɔ kuti kaae deróló betae.

14

Kisipa tiró betere ala dirire whiró fotokɔ buni bére whitamó

¹ Kótóné i ala yae ó yaqse fo haɔearóló inipa, me whiné ama kisipa tiró betere ala béruraalu, ama tuéné etei kaae ala dopa yaalomeipó dere kilitu, taleyóló só ɔeraqse. Tényi, mo nopóló dape sae.

² Me whi ama kisipa tiki tiró betere alané fea ɔla sumó nenérapóló nóo, me whiné ama kisipa tiki tiratere ala fotokɔ buni béruraalu, kutómó bilitere mo ɔla maaté nóo, dua dapó.

³ Fea ɔla nokole whiné kutómó bilitere ɔla maaté nokole whitamó dei kisipa mutu, ɔ eróló belei aɔraqse. Atétu dere kaae, fea ɔla nénitere whiné fea ɔla nokole whikélé só ɔeraqse. Ti noatepae, ai whita, Kótóné ama naalepóló dape sóró betero beterapó.

⁴ Ya noa kaae whi bitu, me whiné kutó diratere whi só deróló taletere ala du bitute? Ai whi ɔa teteróló kaae tare whinétóro taleyóló ɔa só deróo, só derényi yóo, enérapó. Ti noatepae, me whiné ɔa

só deratere ala yaalomeitei, diriyóló beteropóló Talené betə fotokə bulatere ala enérapó.

⁵ Mepaae whiné betə be de Talené ama dəle muló beteropóló kisipa muóo, me whiné mepaae be dəkélé fea betə kaaepóló kisipa muóo du beterapó. Diə betə betə so whiné noa kaae be de mo dono be depóló kisipa mutepa, ti ai kisipatoró sya fenérapó.

⁶ Me whiné betə be de mo doasi be depóló kisipa mutepa, ti ə tetéroló kaae tare Talepaaetóro kisipa mutu dapó. Mepaae whi hupu, na, ba, nukupa, ti ə tetéroló kaae tare Talepaaetóro kisipa mutu, mo kée yóló nukulapó. Mepaae néni were whikélé Kótópaetóro kisipa mutu, mo kée yóló we dapó.

⁷ Ti noatepae, dəkó mo betə whikélé ama kisipa mole ala yaai dapóló ama kolenétei betóo, betə whi sukutepakélé, ama kolenétei sukóo dumipó.

⁸ Də betere alakélé, sukutere alakélé, ti Talené ama kele tómótóro erapó. Térapa, də həle betepa ó sukutepakélé, Talené ama so whítóro beterapó.

⁹ Ti Yesu Keriso ə sukóló momó kepaayóló betereitea, ti betere so whiró sukəle so whítamo tetéroló kaae tare Tale betaairaalu, erapó.

¹⁰ Əta, atére Tale betepa, naao noné dere ala ó mole tué tiki taleyóló,

dorapóló noatepa só derótu betere? Ó diə mepaae so whinékélé diaəə no nené ere ala kolóló, diəta, ə kaae mei beleipóló só derótu bitute? Ti noatepae, dané du betere ala Kótóné tale yópóló, də fea ə beterepaae betə betə yóló fóló, daaneta yaalopó.

¹¹ I fo aseyóló muló beteropó.

“Əta mo Tale bitu, yəlo i dere fo həsókó feni, mo yaaitere fotóro diəpaae dapa wosae.

So whi mo fea ə beterepaae wóló bukutiri teəro bitu, yəta etei kaae Tale beterapó fo mo yaalo ai ape,” erapó.

¹² Atéturaalu, də so whi dokə feané du betale ala Kótóné taletepa, dané yale alarape ama keletómó daalu, danétei dosəayóló eneta yaalopó.

¹³ Téyaalopa, dané ne noné dere ala taleyóló u só derəle i só derəle du betereitei mo taalae. Təni, naao du betere alanétei naao no nené tué doróló dée nalaqsóro, naao dere ala ti tué tekeyóló yae.

¹⁴ Ti əta, Tale Yesu Keriso tuəmó bitu, fea ɔla naairetei fo muni, featóro nenérapóló yəlo mo diriyóló kisiparapó. Tépateti, mepaae whi ama kisi-pané mepaae ɔla doreteiné naalomeipó depa, ti ai whi ə were ɔla mo nenénipó.

¹⁵ Yesu Keriso sukóló tao sale no hamoma naao ɔla nokole alané doraqsóro yae. Mepaae naao no ne were ɔla nokoletiné atima tué

tiki doróló sekeratepa, ti ya tuámó yaala sókó fole ala mo munipó.

¹⁶ Naa mo wisi ala depatei, me whiné naao dere ala kolóló ʔ dée nukupa, ti naao ʔ dée nanalepóló ya eraterere fo yaqsóró, naao dere ala kisipa tekeyóló yae.

¹⁷ Ti noatepae, Kótóné tetéroló kaa tare tuámó, ʔla nokole alaró *wain* weí nokole alatamo doasi bete munipó. Tépatei, Deí Kepe Wisiné ʔa tuapaae erótu betere mo donoi alakélé, hosaa muni deyóló mo dua betere alakélé, hajiné sukutere alakélé, i alarape feata, ti doasi bete mulapó.

¹⁸ Atéreteiné mepaae whí dené Yesu Kerisoné ala eróturaalu, i dosʔaté wale alarapetamo du betepa, ti Kótókélé hekesese yóo, mo so whínékélé wisi ala dapóló ya dukiróo yaalopó.

¹⁹ Térapa, diaaʔ mepaae du betere alané hosaa muni deyóló mo dua betere ala epa, ti ʔa feané Talené ala eraté fóló, mo dirii whí betaaire ala betʔa ketekʔ buóló eróló fakeraalopa siépe.

²⁰ Kótóné so whí tuapaae erótu betere ala mepaae ʔla nokole alané doraqsóró yae. Nokole ʔla fea doni, nenérapó. Tépatei, naao ʔla nokole alané mepaae were whí dée nalatepa dorapó.

²¹ Hupu, na, ba, *wain* weí nokole ala ó mepaae dere alanékélé, naao no dée nenérapóló kisipa mutepa ti taalae.

²² Térapa, ʔla nokole ala, ó wetere ala, ó kae kae be demó me ala yaqsóró ʔale mole alakélé, me noa kaae ala naao mopóló kisipa tiki tiró betepa, ti yaró Kótótamo tuámó betʔa erópóló yae. Mepaae whiné wisirapóló kisipa muóló dere alanétei ʔ só derénipó depa, Kótóné wisiró betérapóló hajiné sukutu betérapó.

²³ Tépatei, mepaae whí de tué tamo mulu, Talepaae tué tiki tiró betere ala sya furaalu, wisirapó kisipa muni hoko nukupa, ti ai whí dowi ala dapó. Ti ʔané du betere ala fea tué tiki tiró betere alatóro sya fóló initepa, ti dowi ala dapó.

15

¹ ʔa tué tiki tiraterere ala fotokó bole so whiné ʔa kisipa felé yaaire ala maaté ini, mepaae tué tiki tiró betere ala bére so whiné ené inire ala tao sóro eratepa mo wisirapó.

² ʔa dokó feané ne no hamoma hekesese yópóló, wisi ala eraté fu betenérapó. Atétepa, ti ama tué tiki tiró betere ala mo fotokó buturaalu, ʔ dirii whí bitiré faalopó.

³ Ti noatepae, Yesu Kerisonékélé amatei ʔ kisipa felé yaaire ala ini, ʔapaae wisi ala eróturaalu ʔ sekei ala salepóló asemó erapó.

“Mepaae so whiné ya faleyóló dowi fo du betaleteita, mo epaaetóro eralepó,” erapó.

4 Ti noatepae, take aseýóló muló betere fo feata hãle ini, ðané dosãayóló kisipa sópóló erapó. Aita Talené ala eró taruraalu, ama asere foné matere ketekę ða tuãmó boleteiné take ðapaae wisi ala eraalopóló hajné sukutu beterapó.

5 Térapa, hãle yó tare alaró ketekętamo matere Kótóné ðiã Yesu Keriso sya fu betepa, ðiã fea mo betã kisi-patóró muóló betere ala erópóló yae.

6 Até iruraalu, ðiã feané hosaa tuãmó betã kisi-patóró muóo, betã fotoró yóo deremó, ða teteróló kaae tare whi Yesu Kerisoné Alima Kótóné doi hale horaalopó.

7 Atérapa, Kótóné doi hale horaairaalu, ða teteróló kaae tare whi Kerisoné ðiã dape su yale kaae, diaaqkélé mepaae no ne hamoma wisiyóló dape sae.

8 Ti noatepae yało i dere fota, kale Juda fake kaarale noumatererapepaae yóló mulale fo mo dokonóturaalu, Kótóné ama ere fo so whinė mopóló diriyóló kisipa yópóló, Yesu Keriso a Juda fake so whinė kutó diratere whi alée felepó.

9 Ti Yesuné ai ere alata, Kótóné atima Juda meire fake so whi kolené sukutu tao salepóló, ama doi doasi mulópóló erapó. I dere fo kaae asemókélé erapó.

“Atéreteiné ę Juda meire fake tuãmó bitu, yało naao doi doasi mulóo, naao doimó wole fo wisi

wisi yóo, du betaalo ai ape.”

10 Ai fo kaae me i ape.

“Juda meire fake so whi-ó, ðiakélé ama so whıtamo touyóló hajné sukutu betae.”

11 Kale fo kaae me i ape.

“Diã Juda meire fake so whi-ó, i haemó betó mole so whi featamo Talené doi hale sóró horatere wole forape du betae.”

12 Ai fo kaae Aisaianékélé erapó.

“Jesi betemó kaayóló sókó holaaitere whinė i hae kwia feamó betó mole so whi teteróló kaae tawaalopó.

Atépa, Juda meire fake so whi atimapaae take ama wisi ala eraalopóló haj kisipa mutu, apaae tuę tiki tiróló betaalopó,” erapó.

13 Take ðapaae wisi ala eraalopó du betere Kótópaae ðiané tuę tiki tiró betepa, ti ama hosaa muni deyóló dua betere alaró hajné sukutere alatamo ðapaae eróló mo surópóló yae. Atéturaalu, kale Deı Kepe Wisiné ðiã fotokratepa, take nalopaae Kótóné ðapaae wisi ala eratepa kelaalopóló dere haj mo ti faayóló sıturaalu, feleyóló fópóló yae.

Pol Juda meire fakepaae Talené fo yó male feletei

14 Yało norape-ó, ðiã tuãmó wisi ala faayóo, mo fo bete turó diaaq kisipa yóo, kisipa tikikélé mo fosó fosó yóo ere

ala yało kisiparapó. Téri, diąsisi ketekę bulóturaalu, ma fo u du, i du dere alakélé mo enérápóló kisipa mutapó.

¹⁵ Mepaae doasi bete mole forape diaaę kisipa epatei, mo ti diriyóló tuę yaasepóló, ę halaainé diąpaae momó ai aseýale ape. Ti noatepa meipó. Ę Juda meire fake so whį kuamó, Yesu Kerisoné kutó diratere whį bitu, ama fo wisi yó maté kweýópóló ai kutó Kótóné hamokoróló ępaae hałe melóló ę sóró beteralepó.

¹⁶ Até ereteita, mo so whįmó Talepaae momaratere whįrapené kęlaa wisi wópóló simó sukulaa dalótu dere kaae, Kótóné kale fo wisi Juda meire fake so whįpaae yało erótu beteralepó. Aita hałe mei, ai fo wisi wosóló sya fupa, ti Dęi Kepe Wisiné atima wisiróló kae beterałere ala Kótóné kilitu, ita hałe matere ęla wisipó yópóló kisipa mutu, du beteralepó.

¹⁷ Ę Yesu Keriso tuąmó bitu, Kótóné ama so whįpaae i erótu betere mo bete mole kutópóló dukiróló hale horótu beteralepó.

¹⁸ Mepaae yało initere ala diąpaae yaalomeitei, Juda meire fake so whį Kótóné fo aęmó sukóló beteralepóló, tetęeróló kaae tare whį Kerisoné ę fotokęratepa, yało foró yale alatamo diąpaae i dere ape.

¹⁹ Kale Dęi Kepe Wisiné ę fotokęratepa, kae kae kelemei alaró doasi sira

yaaire alatamo eróturaalu, Jerusalem bemó kaae sóró yó maté fóló, Ilirikum hae kwiamó sókó felepó. Téturaalu, Kerisoné fo wisi-naale mo turó yó maté kweýalepó.

²⁰ Mo take yało enée yóló muté wale kisipa i ape. So whį tetęeróló kaae tare whį Keriso tuę inire be hulua-paae kale fo wisi yó maté kweýaai yalepó. Atéyaleteita, hałe mei, me whįné diyale kutó kwia kemeróló ditu dere kaae, yaaire hętepa yalepó.

²¹ I dere fo kaae ašemókélé erapó.

“Aąa etei kaae whįpóló mené yó matepa kilini yale so whįnétei ą kolóo, etei kaae whįpó depa woseni yale so whįné ama fo wosóló ą kisipa yóo yaalo ai ape.”

²² Ę taketitei dią beterepaae waai yalemó, ai alarapené bi bi duraalu wénipó.

Pol Rom-paae faai tale yałetei

²³⁻²⁴ Tépeıteı, i hae kwiamó tetę mole be hulua dokę fea Talené fo yó maté kweýóló sųreteiné mió me kutó diyaaire tetę munipa, ba fo dokę fea yało dią kełe wonée du betalepó. Téyałeteı, mió me kutó diyaaire tetę munipa, Spen hae kwiapaae faai wouraalu, dią keleté waai kisipa mutapó. Ti ę dią beterepaae sókó wóló, mepaae be dę diątamo ekei yóló betero, nalo ę faaire tikipaae fupa, mepaae

yayare ɔlarape diɔné tao saasepóló dapó.

²⁵ Até yaai waairaaalu, mió Jerusalem bemó Kótóné kae beteró betere so wh̄ipi tao sene fulapó.

²⁶ Ti noatepae, Jerusalem bemó Kótóné kae beteró betere so wh̄i kuamó, mepaae yolealere so wh̄i haɓe tao suraaalu, Masedonia hae kwiaró Akaia hae kwiata-momó Kótóné ama kaae beteró betere so wh̄i atima kisipanétei hekesetamo *moni* derɔleta yalepó.

²⁷ Atéró atima wisi kisi-patamo derɔleta yale *monita*, take folosóro Juda fakené atimapaee erale wisi ala kwia mulapó. Ti ai kwiata, folosóro Juda fakené Juda meire fake so wh̄i atimané kepe tuɔpaae Talené wisi ala eralepó. Atéyale alamó, Juda fakepaae momó tokó móturaalu, atimamo tao sóro yayare ɔla matepa, mo wisirapó.

²⁸ Aita, ɛpaae diyae yale kutó ereteiné atima haɓtamo ai *moni* sere ala kolóló, ɛ Spen hae kwiapaae faai wouraaalu diɔ keleté waalopó. Ti ai *monita*, folosóro dotɛyale *aposel* wh̄irapené ditere kutómó oleyale du ai ape.

²⁹ ɛ diɔ beterepaae wale sukamó, so wh̄i tɛteróló kaae tare wh̄i Kerisoné eratere wisi ala ɛ tuamó faayóló mo sɔratepa, diɔpaae eraai waalopóló kisiipa mutapó.

³⁰ Térapa, no nerape-ó, da tɛteróló kaae tare wh̄i Yesu Keriso tuamó betere alaró

Dei Kepe Wisiné matere yaala sókó fole alatamo ɛ tuamó moleteiné diɔpaae sɛtere fo dapó. Ti noatepae, yaɓo yaaire ala yaɔsóro sekei alané sesétu beterepa, diɔkélé ɛtamo ai seke tuamó bitu, Kótóné ɛ tao sópóló momatu betae.

³¹⁻³² Ti ɛmó momaraaitere ala i ape. Judia fake Kótóné fo woseni haɓe betó mole wh̄irapené ɛ daɔsóro momaróo, Jerusalem bemó kae beteró betere so wh̄i tao sóro melaaire *moni* atima wisi tuɛtamo sópóló momaróo du betae. Téturaalu, Kótóné ama kisipané ɛtamo diɔ beterepaae wópóló depa, ti wóló, da fea ekei yóló sa wisi nóló beterópóló, momatu betae.

³³ Térapa, hosaa muni deyóló mo dua betere ala mótu betere Kótó diɔ featamo beterópóló yae. Mo kée. Táyópóló yae!

16

Pol-né ama fulumu wh̄irapepaae kɔleó yale fo

¹⁻² Kenkria be huluamó betó mole Keriso so wh̄iné kutó diratere so dané ne Fibi-ta, mo so wisipó. Atérapa, Kótóné kae beteró betere so wh̄iné mepaae so wh̄i mo wisiyóló dape su dere kaae yóló, ɔkélé Tale tuamó betere sopa, mo wisiyóló dape sae yóló i dere ape. Atéturaalu, ɔ me ala ó me ɔlakó yayá depa, ti diaaɔ ɔ tao sae. Ti noatepae, ɔta so wh̄i fea tao

suraalu, əkélé mo wisiyóló tao su betere sopó.

³ Yesu Kerisoné doimó ətamo betámó kutó diratere so Pirisilaró oma Akuilatamopaae kọleó yae.

⁴ Ti atimaamo mené ɖələpatei witere ala ini, halaainé ɛ tao su betalepó. Atéteremó, yalokélé mepaae Juda meire fake Keriso so whɛnəkélé, atimaamoné yale alamó Talepaae mo kée du beterapó.

⁵ Atimaamoné bemó touraletu du betere Keriso so whɛpaaekélé kọleó yae. Yalo hosaa mole no Epainetus-paaekélé kọleó yae. Ti ąta, Esia hae kwiamó betó mole so whɛ Yesu Kerisoné doimó Keriso betaaipa, folosóro ąpi Keriso betale whɛpó.

⁶ Dią tao saai kisipa mutu, depe tukó wei kutó diale so Mariapaae kọleó yae.

⁷ Ɛ fake whɛ ɛ yale kaae, *dipula* beterale seké Adronikus-ró ama soma Junias-tamopaae kọleó yae. Ti atimaamota, ɛ Yesu Keriso tuámó betaaipa folosóro Keriso bitu, kale *aposel* whɛrape betere tuámó mo doasi doi mole soró whɛtamopó.

⁸ Tale tuámó bitu, yalo mo hosaa mole no Ampliatu-paae kọleó yae.

⁹ Dą Yesu Keriso tuámó bituraalu, betą kutó ditere whɛ Urabanus-ró yalo mo hosaa mole no Stakistamopaae kọleó yae.

¹⁰ Yesu Keriso tuámó

betepa, kaae kolóló whɛ wisipó du betale seké Apelesipaae kọleó yae. Aristobulus-né be whɛ so whɛpaaekélé kọleó yae.

¹¹ Yalo fake whɛ Herodion-paae kọleó yae. Narsisus-né bemó betó mole mepaae Tale tuámó betere so whɛpaae maaté kọleó yae.

¹² Tale tuámó bitu, mo depe tukó wei kutó ditu betale so tamo Tipaenaró Triposa-tamopaae kọleó yae. Me yalo mo hosaa mole ne Tale tuámó bitu, mo doasi depe tukó wei kutó ditu betale so Persis-paaekélé kọleó yae.

¹³ Tale tuámó betepa, sókó sóró kae beró betere whɛ Rufus-ró hamata-mopaae kọleó yae. Ti ama hamata, yalo hae kaae bitu, ɛ tao su betale sopó.

¹⁴ Asinkritus, Flekon, Hermes, Patrobas, Hermas-sépi, atimatamo betó mole mepaae no-rapepaaekélé kọleó yae.

¹⁵ Filolokus, Julia, Nereus-ró ama nemata-mokélé, Olimpas-kélé, atimatamo betere Talené kae beteró betere so whɛ feapaaekélé kọleó yae.

¹⁶ Kótóné ama kae beteró betere so whɛ bitu, kọleó yóló apuóló, diąsisitei kọló u tukó nuku, i tukó nuku du betae. I bemó betó mole Keriso fake so whɛnəkélé dią feapaae kọleó i dere ape.

¹⁷ No nerape-ó, diąpaae yó male mo bete mole fo wisi

mupatei, mepaae kae kae hoko fo yó matere wh̄irapené diā betamó beteretei tek-eróló, diaaḡ du betere wisi ala taaróló, diā dée nalaḡsóró, tika kae bitu, ai wh̄irape mo hotowaró kaae tawae.

¹⁸ Ti noatepae, atei ala du betere wh̄irapeta, da teteróló kaae tare wh̄i Yesu Kerisoné kutó diréni, atimané yaaire ala maaté ekeḡeyóló du betera-pó. Atéru, mo bete mole fo diriyóló tuénire so wh̄i dilikóló haḡe mulóturaalu, mo felei foró dukiraterere fotamo du betere wh̄irapené diā kōpaae falaḡsóró wisiyóló kaae tawae.

¹⁹ Diā fea Kótóné fo wosóló aḡmó sukóló betó mulapó dere fo, i bemó betó mole so wh̄i feané wosalepó. Diā ai ala erapóló deté fole fo yaḡo woseturaalu, e mo doa haḡné sukutu betera-pó. Térapa, dowi ala mulapóló, só derané inire so wh̄i bitu, wisi ala betā yaai, kisipa fosó fosóre so wh̄itóró betae.

²⁰ Mo hosaa muni deyóló dua betere ala mótu betere Kótóné Satan teteróló, diaaḡ hó aḡmó betera-tere ala mo felekemó yaai dapó. Da teteróló kaae tare wh̄i Yesu Kerisoné hamokoróló haḡe tao sere ala diā tuāpaae erópóló yae.

²¹ Eḡamo betā kutó ditere wh̄i Timotinékélé, yaḡo be wh̄i Lusias, Jeson, Sosipata, atimanékélé diāpaae kōleó dapó.

²² I fo aḡrale wh̄i e Tertius da teteróló kaae tare Tale

tuamó bitu, yaḡo diāpaae kōleó dapó.

²³ Eḡkélé, mepaae imó betó mole Keriso so wh̄ikélé, da fea touróló ḡla nukua dere be tale Kaius-né diāpaae kōleó dapó. I doasi be huluamó *moni* teteróló kaae tare wh̄i Erastus-ró dané no Kuartus-tamoné diāpaae kōleó dapó.

²⁵ Yesu Kerisoné yale ala i ape yóló, mió yaḡo yó mótu betere fo wisi diaaḡ wosetu betepa, Talené ama ai fonétei diā diriyóló betera-póló, fotokḡ sūmó bulalérapó. Atére alamó ama doi doasi muópóló yae.

²⁶ Ai ala wisita, mo take bitiré wale wh̄irapené kilini, kinóló moletei mo ti betó tare Kótóné ama fo eraterere kóló wh̄irapepaae i fo aḡe yae depa aḡe ipakalepó. Aita haḡe meipó. So wh̄i feané i fo dosāyóló kisipa duraalu, kinóló muale ala i haemó betó mole so wh̄i feané Yesu Kerisopaae tué tiki tiróló a aḡmó bitu, ama ala eraté fu betera-póló haḡearó betera-pó.

²⁷ Atére Kótó betā fea ala fosó fosóre bete tale betera-pa, ama doasi doi haḡe muó tanópóló, da Yesu Keriso tuamó bitu, hale sóró horótu betae. Mo kée, téyópóló yae!

1 Korin

1 Kótóné mole kisipa sya furaalu, Yesu Kerisoné ama fo yó male fópóló, ẹ *apospel* whị sóró beteraai, Talené ẹ beterepaae ape yale whị Polné dapó. Dáné no Sostenes dąmo wusuró bituraalu i dere ape.

2 Yalo i dere asęta, Korin be huluamó Yesu Kerisoné sameané fokóló kae beteróló, Kótóné touró betere so whị diąpaae dapó. Dią atéró beteraleteita dowi ala ini, ama mo kae ala betą erótu beterópóló, ą beterepaae ape yalepó. Aita, dią maaté mei, hae kwia dokọ feamó betó mole so whíkélé Yesu Kerisopaae tao sae du betere so whị dią ere kaaetóró erapó. Ti ai seké ąta, dąkélé atimakélé fea tẹteróló kaae tare Talepó.

3 Dáné Aya Kótóró dą tẹteróló kaae tare whị Yesu Kerisotamo tuąmó kaaróló wale hamokoróló hąle tao sere alaró hosaa muni deyóló mo dua betere alatamo, dią tuąpaae erópóló yae.

Talepaae mo kée dere fo

4 Ti diąta, dą tẹteróló kaae tare whị Yesu Keriso tuąmó betepa, Kótóné hamokoróló hąle tao su betereiteimó betere dokọ Kótópaae yalo mo kée du beterapó.

5 Ti noatepae, dią ą tuąmó bitu kaekae ala erópóló, ama fo yó matere alaró ai fo bete mo diriyóló kisipatere

alatamo Kótóné dią mo suró beterapó.

6 Ti aita hąle meipó. Dáné diąpaae Yesu Kerisoné ama yale ala i ape yóló yó matere fo diaaọ wosaleteiné, Talené dią tuąmó mo ala eró betepa kilituraalu, ita mo bete mole fopóló kisipa mualepó.

7 Atéreteiné, dą tẹteróló kaae tare whị Yesu Keriso hąkeamó wale kelaai dapóló, dią ketekę buóló kaae taté fu beterapó. Téturaalu, Talené ala eraairetei yąyąni, kae kae ala fea erópóló Dęi Kepe Wisiné hąle matere ala dią tuąpaae mo suró beterapó.

8 Atépa, dą tẹteróló kaae tare whị Yesu Keriso wale sukamó, dią me alakélé munire so whị beterópóló amatei dią fotokọ bulaté fóló kemene fole kwiapaae sókó faalo ai ape.

9 Kótóné diąró ama Naale Yesu Kerisotamo fulumu yóló betą kisipa muóló beterópóló, ą beterepaae ape yalepó. Atéyale Kótóné ama eraalopó dere ala fea hąsókó feni, motóró dokonóló erótua dapó.

Keriso so whị fake tekeyale ala

10 Norape-ó, yalo diąpaae i dere fota dą tẹteróló kaae tare whị Yesu Keriso tuąmó bitu, dią fake terekeni betą kisipa muóló mo betą alatóró du beterópóló, ama doimó yalo dią tao su ma fo i dere ape.

11 Yalo no nerape-ó, diąsisi arale sóró fake teketu beterapó dere fo mepaae Koloené

be whiné ene wapa wos-alepó.

12 Yalo dere foné bete i ape. Diakó mené duraalu, eta Pol-né yó matere fo sya fulapó, mené du Apolos sya fulapó, mené du Sipas (Pita) sya fulapó, mené du so whi teteteróló kaae tare whi Keriso sya fulapó, du betere fo yalo wos-alepó.

13 Diaaḡ ai du betere alaa, da teteteróló kaae tare whi Keriso terekeyóló kae kae fake betere? Diḡ tao saai Pol filipaa ni tómó olerale? Diḡ weḡ tópuraletei-a, Pol-né fake so whi beteraai yaleé? Mo mei ai ape!

14 Diḡ mepaae so whi weḡ tópuratere ala yalo ini, Krispas-ró Kaius-tamo beta tópuraleteiné mo kée fo du beteraapó.

15 Yalo mo kée dere fo bete i ape. Diḡ mepaae whiné duraalu, eta Pol-né doimó weḡ tópualepó dere fo yaaire tu munéni yaleteiné dapó.

16 Kisipa keteyale fo me i ape. Stepanas-ró ama fake so whitamó beta yalo weḡ tópuraletei, mepaae so whi yalo tópurénipóló kisipa mutapó.

17 Ti noatepae, da teteteróló kaae tare whi Kerisoné ɛ dotonaleiteita, so whi weḡ tópurópóló ini, so whi feapaae ama fo wisi yó melópóló yalepó. Ai fota, mo whiné mole fosó fosói kisipané yó mótumipó. Ti noa ala yaḡsóró meipó. Mo whiné kisipané fosó fosóyóló yó

matere foné, da teteteróló kaae tare whi Keriso ɛ filipaa ni tómó sukóló da tao sale foné bole doasi fotokḡ aluraḡsóró dapó.

Kerisota Kótóné fosó fosóre kisiparó fotokḡtamóné betepó

18 Ti noatepae, sukóló mo ti aluyaaire so whirapené ni tómó sukalepó dere fo woseturaalu, bete muni hale hoko fo nisi du beteraapó. Tépateti, aluyaḡsóró tao sere so whi danéta, Kótóné ai fo doasi fotokḡ bulapóló kisipa mutu beteraapó.

19 Ti noatepae, i fo aseýóló muló beteraapó.

“Fosó fosóre so whiné kisipa tiki yalo doróo, mepaae so whirapené doasi kisipare alakélé yalo okoko eróló mo ti doróo yaalopó,” erapó.

20 Da tao saai fosó fosói kisipa mole whi-a, de betere? *Skul* yóló doasi kisipa sere whi-a, de betere? Mió i alimó bitu, du betere alané bete kisipare whi-a, de betere? Mo meipó. I haemó betere whirapené mole fosó fosói kisipata, Kótóné ama yale alané keteirapené kisipa aḡróló, mo ti okokoralepó.

21 Ti noatepae, so whiné i haemó mole fosó fosói kisipané Kótóné ala bete kelaai kikitu betereitei, kelaḡsóró Kótóné ama fosó fosóre ala sya furaalu, atimané kisipa fomaakeralepó. Atére Kótóné ama fo wisi mepaae so whiné bete muni hale hoko fopóló faletu betepatei, ai fo

wosóló tuę tiki tiratere so whi aluyaqsóró Kótó ą wisi kisipatamo tao sua yalepó.

²² Juda fake so whinė dere fo mopóló kisipa tirópóló, kelemei alakó erae yóo, Juda mei Krik fo bole so whinė fosó fosói kisipa bete kekitua yóo du betera-pó.

²³ Té-patei, danéta, ti so whi teteróló kaae tare whi Keriso filipaa ni tó-mó sukále fo betá yó mótu betera-pó. Atéró yó matere fo woseturaalu, Juda fake so whi atima dei tuę mutu aita kelemei ala wisi mei, hoko alapóló atima dée nukua yóo, Krik fo bole so whinė bete munire fopóló faletua yóo, du betera-pó.

²⁴ Té-patei, Juda fake so whikélé, Krik fo bole so whikélé fea Kótóné ą beterepaae ape yalepó. Atéyale so whinė da teteróló kaae tare whi Keriso sukálepó dere fo woseturaalu, ąta Kótóné fotokóró ama fosó fosói kisipatamo bole bete ai ape du betera-pó.

²⁵ Ti noatepae, whinė Kótóné dere ala kilituraalu, bete muni kapala hoko alapó du betepatei, ai alané mo whirapené fosó fosóre kisipa teraae falapó. Mepaae whirapené Kótóné du betere ala kilituraalu, keteirapené dere ala kaae ąrapó du betepatei, ai alané mo whinė bole doasi fotokó teraae falapó.

²⁶ No nerape-ó, dią Talené ą beterepaae ape yaletéi, take dią noa kaae so whi betepa

yaleró, diaaqte-i kisipa mu-ae. Mo so whirapené dią fea kaae kolóló, fosó fosói kisipa mole whirape ó néli whirape ó mo doasi topo whinė naale senaalerape bitinipó.

²⁷ Té-patei, i haemó mepaae doi munire alarape Kókóné tao suraalu i haemó betó mole fosó fosói kisipa mole whirapené kisipane ala sisópaae eráló haleralépó. Téturaalu, mepaae i haemó fotokó buni bére ala tao suraalu, fotokó bole ala só deróló haleralépó.

²⁸ I haemó doi munire alakélé, bete muni hąle hoko du betere alakélé, mo inire alakélé fea Kótóné sorokó suraalu, mo doasi doi mole ala só deróló hąle ąla ąralépó.

²⁹ Ti ai ere alata, noa ala yaqsóró meipó. So whi mo betánakélé, Kótóné ama keletómó bopé fakeyóló nene yaqsóró erapó.

³⁰ Yesu Kerisota, damó fosó fosói ala melaai, Kótónéte-i ą ai alané bete alée faralépó. ą tuamó bole fosó fosói ala wisi i ape. Da ą tuamó betepa, Kótóné donoi so whipó yóo, ama ala erópóló sóró mo kaae beteroó, dané dowi ala Yesuné sameané dupuróló da hąle beteroó erapó.

³¹ Atéreteiné, i fo aseýóló muló betera-pó.

“Mepaae so whi bopé fakeyóló nene yaai depa, ti Talené ama eró betere alamó betá ą dukiróló bopé faketu betae,” erapó.

2

¹ Norape-ó, ę dią beterepaae wóló, Kótó ą etei kaae Tale beteropóló diąpaae yó móturaalu, whiné wosóló feléyóópóló yało fosó fosói foné ó fosó fosóre kisipané inipó.

² Ti noatepae, ę diątamo betale sukamó mepaae ala yało kisipané enépatei, me ala kisipa inire whi aqyóló beterepó. Atéru, Yesu Keriso betą etei kaae whipóló ere foró ą filipaa ni tómó sukale fotamo betątóró, yó melaai kisipa mualepó.

³ Ę diątamo wóló betale sukamó, béyóló oąalere alakélé, witere alakélé iru-raalu, diri furu furutamo Talené fo yó mótu betalepó.

⁴ Talené fo wisi yó móturaalu, so whiné wosóló felérapó yóópóló, yało fosó fosói kisiparó fotamoné yó menipó. Téni, Dęi Kepe Wisiné fotokóné erótu betere ala diaaą haąeamó kolóópóló, yało hałe yó betą mótu betalepó.

⁵ Ti aita, dią mo whiné fosó fosóre alapaae tuę tiki tiréni, Kótóné fotokóné erótu betere alapaae betą kisipa tiróópóló yalepó.

Dęi Kepe Wisiné matere fosó fosói kisipa

⁶ Tépatei, Kótóné ama bete mole mo fo wisi dą dirii kisipa mole so whipaae yó matepa woseturaalu, ita mo fosó fosói fo wisipó du beteropó. Dąné ai yó mótu betere fota, mió i alimó

betere whi ó atima tęteróló kaae tare topo whirapené dere fosó fosói fo kaae meipó. Ti ai whiraperó atimané du betere alatamota, mo hałe ąla kaae alée fu beteropó.

⁷ Dąné atei kaae fo mo yó meni, Kótóné kinóló mole fosó fosói fo betą yó mótu beteropó. Ti ai fota, dą Kótóné ama kae ere dę tuąmó beteróópóló, mo take saró haetamo kaaraaipatei, mo so whiné kelaqsóró kinóló munélipakalepó. Tépatei ai ala dąpaae mo eraalopó.

⁸ Mió i alimó betó mole so whi tęteróló kaae tare topo whirapené, ai kinóló mole fosó fosói ala mo kisipanipó. Ai alatamo atimané tuę uąsóró, ti Kótóné ama kae ere dę wisinaale faane Tale ą filipaa ni tómó oleróluąmeipó.

⁹ Tépatei, i fo aseyóló muló beteropó.

“Kótóné ąpaae yaala sókó fu betere so whipaae eraaire ala ama ta leróló muló betereitei, betą whiné kelenékélé kolóo, wosélinékélé wosóo, hosaa tuąmókélé mulóo mo inipó,” erapó.

¹⁰ Atépatei, ai kinóló mole alarape dąné kolóópóló, Kótóné dą tuąmó beteró betere Dęi Kepe Wisiné haąearalepó.

Téturaalu, so whiné hosaa tuąmó mole ala taleyóló, Kótóné ama mo apaae derepale fo bete mo whiné fosó fosóre alané tuę enénipa,

Dei Kepe Wisinétei ai kinó betere alarape bete tokóló hakearótua dapó.

¹¹ Ti noatepae, me whinė mole tuę tiki né kelere? Ai whiné ama kepené betę tuęrapó. Atére kaaetóró, Kótóné mole kisipakélé me whiné tuęni, ama Kepené betę kisiparapó.

¹² Talené da matepa sale Kepeta, i haemó betere kepe mei, Kótóné hamokoróló hęle matere ala wisi dané kisipa yópóló, ama dotęyale Kepetóró dané salepó.

¹³ Ti dané i du betere fota, mo whiné yó male fosó fosóre kisané dumitei, Kótóné Dei Kepe Wisiné dępaae yó matepa, danémo diępaae i dere ape. Dei Kepe Wisiné erótu betere ala yó móturaalu, ama dępaae etéro yó melae dere fotóró sya fóló, i du betere ape.

¹⁴ Kale Dei Kepe Wisi bitinire whiné, ti Kótóné Kepené yó matere fo mo dapóló wosetumipó. Ti noatepae, ai fo bete Dei Kepe Wisiné yó matepa, ti sumó kisanérapó. Kepe Wisi bitinire whiné ai fo wisi hęle hoko fo nisiyóló, bete wisiyóló kisanénipó.

¹⁵ Kale Dei Kepe Wisi betere whiné ti fea ala ama sumó taleyóló kisanérapó. Tépatei, ai Kepe Wisi betere whiné ama dere ala me whiné ę taleyóló só deranénipó.

¹⁶ Etei kaae fo erapó.

“Mé whi Talené ama kisipa

kaae muluraalu, ępaae naao kisipa mole alarape i ape yóló, ę yó manéré?” erapó.

Tépatei, Talené sóró beteró betere whi Kerisoné mole kisipa da tuęmókélé mulapó.

3

Kerisoné ala diriyóló tuęniru alale seretei

¹ Norape-ó, ęlo diępaae Talené fo yó móturaalu, Dei Kepe Wisi betere so whipaae yó matere fo kaae yó manépatei, dię tó tikiné ekęlere ala du betereteiné, mo so whi kaae beterepó. Yesu Keriso tuęmó keteirape kaae betepa, ai dęlemótóró yó mótu betalepó.

² Dię diri ęla naaire sęni, keteirape kaae betepa, mo dirire so whimó matere ęla kaae meni, ketei matere awę kaaetóró malepó. Miókélé dię dirii ęla naaire sęnipó.

³ Ti dięta, tó tikiné ekęlere ala hęle yótóró tarapó. Ti noa betené ęlo i fo de? Mepaae whiné dere ala kolóló, dięsisi u tęterótu i tęterótu yóló dei tuę mutere alaró arale sere alatamo hęle yó tarapó. Tétu, diaaę tó tikiné ekęlere ala sya fu beteretei mo hakearóló yó matapó. Diaaę ai du betere alata, hęle mo so whiné dere ala kaaepó.

⁴ Ti noatepae, me whiné duraalu, ę Pol-né dere fo sya fulapó, mené du, ę Apolos sya fulapó du betere-a, hęle

mo whiné dere ala kaae di-
aaqkélé dumipóló de?

⁵ Ti Apolos-a, noa whié? E
Pol-kélé noa whié? Dámota,
Talené kutó diratere whi
maaté bitu, ama fo diápaae
maleteiné diá ápaae tué tiki
ai tiró betere ape. Talené
amatei kutó terekeyóló whi
dokọ betá betá yóló materé
kaae, dāmopaae malepó.

⁶ Atéreteiné, ọla wae yało
bilyóo, Apolos a ti ọla
wisiyóló holópóló wei deróo
yaletéi, ai ọla wae wisiyóló
horatere alata, ti Kótóné
amatóró eratapó.

⁷ Ti ọla wae bilitere
whiró wei derótu betere
whitamota, mo hāle ọla
aqrápó. Ọla horótu betere
Kótó betá mo doasi ai ape.

⁸ Ọla wae bilitere whiró
wei deratere whitamóné
betá alatóró eraai kisipa
mutu, kutó ditu beterapó.
Atétere kutó Talené taleyóló,
me whiné ama diyale kutó
sutóró dupu melóo, me whiné
diale kutómókélé atérótóró
melóo, yaalopó.

⁹ Ti noatepae, dāmota
Kótóné ama betá kutó di-
ratere whi betepa, diáta
Kótóné ama kutóró tẹtere
betamo kaaepó.

¹⁰ Kótóné ama hamokoróló
ẹ hāle tao saleteiné, fosó
fosóre whiné be tẹtu dere
kaae tẹyaairaaluu, kaae sóró
hae eleké yało deyalepó.
Atéro deyale eleké tómó me
whiné be tẹtu beterapó.
Atéro be tẹtere whirape
dokọ feané hoko tẹni, mo
hotowaró kaae taru tẹnérapó.

¹¹ Ti noatepae, ai tẹne be
eleké taaróló, me whiné eleké
kae denénipó. Ti ai be tẹtere
elekéta me kae mei, Yesu
Kerisopaae dó faróló erapó.

¹² Mepaae whiné ai kale
dere eleké tómó be tẹturaalu,
kold kapa, ó silpa kapa ó doasi
moniné duputere kane ó ni
fake ó hāta sóku ó kape ó we
dako sórótamo tẹtu betepa, ti
Talené ama taletere be dẹmó,
whirape dokọ feané diyale
kutó kaae kolóló hākearaalo
ai ape.

¹³ Ti ai be tẹtere whi dokọ
feané diyale kutó Talené ama
taletere be dẹmó, mé whiné
diri ọla sóró tẹyóo, mé whiné
béi ọla sóró tẹyóo eréro siné
dóló hākearatepa, kelaalopó.

¹⁴ Mé whiné tẹale betamo
siné dénitepa, ti ama diyale
kutómó dupu wisi saalo ai
ape.

¹⁵ Mé whiné ama tẹyale
betamo siné doló kemeró
betepa, ti ama diyale kutómó
me dupu saalomeipó. Ti
a aluyaqsóró Talené tao
saalotei, ama kuti ó mepaae
ọla ọla fea siné doló tiki hāle
fu dere kaae yaalopó.

¹⁶ Diáta, Kótópaae moma
dere be tẹnuraalu, Kótóné
Dẹi Kepe Wisi diá tuámó ai
betere kisipanié?

¹⁷ Kótópaae momatere
betamo, mepaae so whiné
fisikóló dorótu betepa, ti
Kótóné ai so whikélé do-
raalopó. Ti noatepae,
Kótópaae moma yópóló tẹne
beta, me dowi alatamo
hosekényi, mo ama alatóró
erópóló kae tẹnó betere

momatere be ti diätóró ai ape.

18 Diaaqtei diäta, fea ala bete kisipare so whi nisi yaqse. Mió i alimó betó mole so whiné kisipané i sekéta mo fosó fosórapó depa, ti ai whi a me ala tué inire whi kaae bitu, Talené ala betä sya fu beterópóló yae. Atétepa, ti mo fosó fosóre whi betaalo ai ape.

19 Ti noatepae, i haemó betere whirapené mole fosó fosói kisipa Kótóné kilituraalu, ita bete muni hoko alapó du beterapó. Aita, i ašemó mole fo kaaepó.

“I haemó fosó fosói kisipa mole whirapené so whi dilikitu betere alané denólótu betere alamó Kótóné atimatei daalopó,” erapó.

20 Ai fo kaae me i ape.

“I haemó betó mole fosó fosóre whirapené tué tikita, me bete muni hāle ɔla kaae aqretei Talené ama mo tuérapó,” erapó.

21 Téräpa, mo i hae whiné diämó meló betere ɔla ɔlakélé, take nalopaae yaaitere alakélé, fea diä Yesu Keriso tuämó betepa meló beteräpa, mepaae whirape doiyóló bopé fake dere ala du betaqse.

22 Diäpaae ai meló betere ɔlata, Pol ó Apolos ó Sipas (Pita) ó mió i ere hae tiki ó betere alakélé, ó sukutere alakélé ó mió du betere alakélé, ó take nalopaae yaaitere alakélé fea Talené

diämó meló betereteiné ai ɔla ɔla taleta, ti diätórótípó.

23 Ti diäkélé, dä teteróló kaae tare whi Kerisoné ama so whitóró betóo, Yesu akélé Kótó aqmó ama naalema betóo, erapó.

4

Däta Kerisoné kutó diratere Aposel whi beterapó

1 Téräpa, diäné dä noa kaae whi bitu déró, i dere fo wosóló kisipa muäe. Däta, so whi teteróló kaae tare whi Kerisoné kutó diratere whi bitu, Kótóné kinóló mole mo fo wisi wisiyóló kaae taru, so whi feapaae hākeamó yó mótu beterópóló dä sóró beteralepó.

2 Téró mepaae whiné, me whipaae i kutó ó ɔla wisi mó tawae depa, ti mo wisiyóló kaae tanérapó. Nalo ama diyale kutó talené kelerālemó, hoko dini mo donotóró dipa, ti mo wisirapó yaalopó.

3 Yālo hāsókó fóló yale ala diäné ó mepaae fo tokóló taletere whirapené taletepa, ɛ whaalä inipó. I dere fota, mo dapó. ɛ hāsókó fóló du betere ala yālotei tale dumipó.

4 Kótóné keletómó ɛ hāsókó fóló yale ala yālo hosaa tuämó munipóló kisipa mutapó. Tétu, yālotei ɛ taleyóló me hāsókó fele ala munipó depa, ti ɛ me ala initere whipóló dumipó. Yālo du betere alata, Talené ama betä taletu beterapó.

⁵ Atérapa, so whinė du betere ala taleyaai Talené tukóló muló betere be de teópatei, diaaḡ me whi taleyóló só deréni, Talenétóró yópóló kaae tawae. A wale sukamó so whiné diliki tuamó kinóló du betere ala haḡkearóló de tuamó mulóo, so whiné me ala yaairaalu hosaa tuamó kikiti mutu betere kisipa tikikélé haḡkearóo, yaalopó. Atétere sukamó, so whi feané yale wisi alamó Kótóné atima dupu betá betá yóló matepa saalopó.

⁶ Atérapa ne norape-ó, Apolos ḡamoné diá tao saai kisipa mutu, yale ala fea, diápaae asemó ai deté wale fota, diaaḡ kisipa sópóló suróló yalepó. Ti noa betené mei, Juda fakené mara mole fo i ape.

“Talené aseýóló muló betere fota, mo whiné kisipa mole alatamo touróló yaḡse,”

ere fo bete diaaḡ kisipa yaasepóló, du betere alapaee dó faróló ḡamoné yó malepó. Atéyale ala diané wisiyóló kisipa depa, ti me whiné doi sóró horóo, me whiné doimo só deratere alata, bopé faketera ala yaalomeipó.

⁷ Ti noatepae, ya kolósu me whi kolósu yóló, me whi kaepó du betere-a, né kae kae yóló beterale? Naa ai sóró tare ḡlata, ya mené menipóló kisipa mute? Ai ḡlatamo naao sóró tarapóló kisipa mutepa, ti naaotei salepóló kisipa mutu noatepa bopé

faketu betere? Téni, diané ai mole ḡla ḡlata, mené diámó meló betera, bopé faketera ala mo taalae.

⁸ Diaaḡ senére ḡla ó enére ala fea yaḡḡare nisiyalemó, diá mo su ai ererapó! Diáta, ḡla ḡla fea yaḡḡani, mo néli whirape ai bitirapó! Ḋané diá tao sini, diá tetéroló kaae tare doasi topo whirape ai bitirapó! Diá tetéroló kaae tare doasi topo whirape bituḡsóró, ti ḡakélé diátamo betámó tetéroló kaae tare whi bitu, hekesetera ala du bituḡpó!

⁹ Ti noatepae, yaḡlo kisipané *aposel* whirape ḡata, Korin bemó betó mole so whiné keletómó Kótónétei ḡa doi muni mo belei ḡla kaae aḡrapó. Ti ḡata, bóené be nóló so whi feané keletómó doasi hale seróló daairaalu, dokóló muló betere aḡrapó. Atére ala i haemó betó mole so whinékelé, hepen-mó betó mole *ensel*-rapenékélé, kolópóló haḡkeamó hale seralepó.

¹⁰ Ḋata, ḡa tetéroló kaae tare whi Kerisoné ala erótu, kisipa okokoi whirape aḡpa, diáta Keriso tuamó bitu, ama ala erótu betere fosó fosóre whirape aḡrapó! Ḋa fotokḡ buni, bére whirape betepa, diá doasi fotokḡ bole whirape ai betererapó! Diá doasi doi mole whirape betepa, ḡata belei sókótei i betó mole ape!

¹¹ Take bitiré wóló, mió i betere alimókélé, ḡla meiyóló wotetamo betere alakélé, wéi nokole dere alakélé, dowi

bisinaai fi kuti deróló betere alakélé, mo doasi susupu sere alakélé, da be meiyóló hoko fité kotere alakélé, hãle yó tarapó.

12 Da naaire ɔla ó fitere bemó kiswa mutu, dané fotokónetei depe tukówei kutó ditu beterapó. Mepaae whiné da só deróló faletere fo depa, atimapaee Talené diã wisirópóló yae fo betã yoo, dapaae doasi susupui ala eratepatei tokó meni, me ɔla meipóló hãle bele yoo, du beterapó.

13 Mepaae whirapené da eratere fo depa, dané atimapaee mo naamei fo maaté dua dapó. I haemó betó mole so whiné da kilitu, doi muni mo dowi taae fatere ɔla kaae aɔraté waletai, miokélé ai alatóró hãle yó tarapó.

14 Yało i asetu betere fota, diã hale yópóló dumitei, diã yało mo hosaa mole naale senaale kaae betereiné, diã kópaae faqsóro ma fo dapó.

15 Diã Kerisoné ala erótu betere tuámó, kaae tare whirape mo hãle ɔla kaae betó mupatei, diãné ayata dekéro bitinipó. Ti noatepae ɛta, da tetéro kaae tare whi Yesu tuámó bitu, ama fo wisi yó maleteiné ɛ diaaɔ aya alée felepó.

16 Atéreteiné, diãné yało dere ala kolóló suróló yaasepóló, diã ketekẽ bulóló ma fo i dere ape.

17 Ti noa ala yaai meipó. Yało mo yaala sókó fu betere naale Timoti a diã beterepaae ai dotonaterere

ape. Ti aita hãle mei, Tale tuámó bitu, tué tiki tiróló Talené ala eró tare whi wisipó. So whi tetéro kaae tare whi Yesu Keriso tuámó bitu, yało du betere ala diaaɔ kiswa kete yaqsóro, ama diãpaae yaalopó. Ti be hulua dokó feamó betere Keriso so whipaae yó maté kutu betere foró yało yó matere fotamo wusuró mo betã alatóró erapó.

18 E diã beterepaae waalomei nisiyóló, diã mepaae so whi doasi kisipare whi aɔyóló bopé faketu beterapó.

19 Atétu betepatei, Talené ama kisipanétamo ɛ diã beterepaae wópóló depa, ti mo felekemó waalo ai ape. Atéro wóló bitu, ai bopé faketu betere whirapené dere fo maaté wosaai mei, ai fo tuámókélé noa kaae fotokó buléro kãae kelaai dapó.

20 Ti noatepae, so whipaae Kótóné tetéro kaae tare aomó mole ala eróturaalu, mo whiné foné maaté ini, Kótóné ama fotokónétóro erótua dapó.

21 E aipaae wouraalu, diã supuraai biyátamo waalopé, yaala sókó furaalu naameyóló mo dua apeloé? Diaaɔ kisipané mé alakó diãpaae eraai ape yóló kiswa mute?

5

Nópu nokole whi keriso faketamo touyóló bitini, kae beterópóló hokó falae

1 Diā tuāmó, betā whīné ama alimané dokale sotei ā dokalepó dere fo wosalepó. Atéro ayané dokale sotei dokotere alata, mo nópu nokole alatóro ai dere ape. Ti Kótó tué inire whīnékéle atei kaae mo sonaalei ala dumipó.

2 Aita dowi ala du betepatei, diaaḡ kisipané wisi ala dapóló bopé faketu beterapó. Ai ala deremó, diā dekené sukuturaalu, atétere whī diātamo touyóló betaḡsóró, hōkó faluḡsóró mo wisi uapó.

3 Ti ę diātamo bitini kae betepatei, dā fea tuāmó mo betā kepetóro betereteiné ę diātamo beterapó. Ti ę kaae betóo, diā kae betóo epatei, ę aimó biture kaae, ai ala yale whī yaḡo mo só deró beterapó.

4-5 Diā fea dā teteróló kaae tare whī Yesuné doimó touróló betóo, yaḡo kepekéle diaaḡ kepetamo betāmó betóo, Tale Yesuné ama matere fotokḡ sūmó buóo epa, ti ai whī ā Satan-né naase tuāmó mulae. Atétepa, ti ama tó tiki doraalotei, Tale waaire be demó, ama kepe bete tao saalo ai ape.

6 Ti ai whī hōkó faréni, haḡe betepatei wisirapóló bopé faketera ala mo dorapó. Mo sawatamo ḡla yist-nétei *flawa* o bula doasi tópuratere ala diaaḡ kisipa inié?

7 Diāta, kisi *flawa* o kaae ai betere ape. Térapa, yist bunire kisi *flawa* o kaae alée fóló betaasepóló, upulé *flawa*

omó bulótua yale moi yist sokóló tae falae. Ti noatepae, dāné yale dowi alamó Kótóné dā kwia melaai yaletai, haḡsókó faróló, *sipsip* hupu male Kótópaae haḡe melóló sukunapó. Atéyale sekéta me kae mei, dā teteróló kaae tare whī Keriso ai ape.

8 Atéremó, Talepaae mo kée yóló ḡla deturaalu, take *flawa* omó bulale moi yist sokóló tae falae. Ai yist-ta, dowi tué mutere alaró du betale kae kae sonaalei dowi alatamopó. Ai ala taaróló, yist bunire otóro deóló naalopó. Tétu, u dei tué mulutei tó tikiné haḡe sikili dere ala ini, Talené mo alatóro erótu betereteita, ti kale yist bunire o kaaepó.

9-10 Take yaḡo diāpaae folosóró aseḡmó, nópu nokole so whītamó fulumu yaḡse yale fota, i haemó betó mole nópu nokole so whī ó ḡla ḡla mo dekeró senée yóló ekeḡe du betere so whī ó me whī dilikóló ḡla ḡla su betere so whī ó kapala kótópaae momatu betere so whītamó fulumu yaḡse yóló inipó. Keriso so whīnétei ai dosḡayale alarapetamo du betepa, ti atétere so whītamó fulumu yaḡse yóló yalepó. Ti i haemó betó mole mo so whī tué mutu yaḡo i fo uḡsóró, ti mé tikikómo dowi ala munipa, aipaae biḡi fae fo uáé?

11 Yaḡo i dere aseḡta, mepaae so whīné diāpaae āta naao Keriso nopó du bitutei, nópu nokole ala ó ḡla ḡla senée

yóló ekẹle dere ala ó kapala kótópaae momatu betere ala ó whịné doi doróló eraterere fo ó topo dotere wẹi mo dekeró nóló keyaa fole ala ó me whị dilikóló ọla ọla ọlémi sere alakélé fea du betepa, ti ai so whịtamo fulumu dere ala momókó yaqse. Tétu, betámó ọla nokole alakélé mo yaqse.

¹² Keriso so whị mei, belapaae hẹle betere so whịné dere ala taleyóló só derae fo Talené dápaae inipó. Ti taletere alata, Keriso so whị diąsisi maaté yae erapó.

¹³ Ti hẹle belapaae betó mole mo so whị taletere alata, Kótóné betą enérápó. Térapa,

“Dią tuámó dowi ala hẹle yó tare whị diątamo tuyóló betaqsóró kae beterópóló, hókó falae,” ere fo diaaq kisipa yaasepóló i dere ape.

6

Keriso no hamoma fo tokóló só deraqse

¹ Diąkó me whịtamo mepaae ọlamó arale supa, Kótóné kae beteró betere so whị diąsisi wisiranépateti taaróló Kótó tuénire whịrapené tale yópóló sóró fu betere ala wisire?

² Take nalopaae i haemó betó mole so whị feané dere ala, Kótóné kae beteró betere so whịné taleyaalopó ere fo diaaq kisipanié? Ti diąnétamo i haemó betó mole so whịné dere ala diaaq taleyópóló, Talené yóló muló

betepa, ti dią tuámó ai du betere mo sawa alakélé tale enénipóló kisipa mute?

³ Take nalopaae *ensel-rapené* du betere ala dạné taleyaalopó ere fo dią kisipanié? Ti atei kaae doasi hapólui ala dạné sụmó enérapa, i haemó mo sawa alatei diąsisi alale sóró bõe du betere ala sụmó wisiranénipa de?

⁴ Térapa, Keriso so whị dią tuámó atei kaae arale sóró bõe dupa, ti diąkó mepaae doi munire so whịnékélé sụmó taleyóló donoranérapa, atei kaae so whị sóró beterae.

⁵ Yalo i dere fota, dią haleyópóló dapó. Talepaae tuẹ tiki tiró betere so whị diąsisi alale su betere ala taleyóló wisiraaire fosó fosói kisipa mole whịkó dią tuámó bitinipa du betere?

⁶ Diąsisi atéro donoreni, Kótópaae tuẹ tiki tirénire so whịné keletómó mepaae no ne hamoma só deraairaalu, fo tokóló taletere *Gavman* whịrapepaae taleyae du ai betere ape!

⁷ Dią me dupu saai kisipa mutu, mepaae ne notamo fo tokóló só derótu betereteiné, Talené ala erateretei taaróló, mo ti haepaae derepale ala hẹkearatapó. Mepaae whịné yapaee erale sekei alaró kapala dilikóló naao ọla ọla sere alatamota, dupu saai dapóló fo tekẹni, me ọla meipóló taalatepa mo wisirapó.

⁸ Aténi, diąné mepaae so whị dilikóló atimané ọla ọla sóo, atimapaee sekei ala

eróo, du betereteita, diaaḡ no nepaaetei du beterapó.

⁹⁻¹⁰ Dowi ala du betere so whi Kótóné tēteróló kaae tare tuamó betaalomeipó ere fo diā kisipa munié? Nópu nokole so whi ó kapala kótópaae momatere so whi ó whiné dokore so ó so dokore whi kae sotamo nópu nokole so whi ó whi hamomatamo ó so hamomatamotei nópu nokole so whi ó whiné tiki dotonóló *moni* sere whi ó ḡlémi nokole so whi ó néli whi betaai wisi wisi ḡla dekeró senée dere so whi ó weī mo dekeró nóló keyaa fole so whi ó me whi eratere so whi ó so whi dilikóló ḡla ḡla su betere so whi fea, Kótóné tēteróló kaae tare aḡmó betaalopó dere fo mo nisiyóló wosaḡse. Aita, kapala fo dapó.

¹¹ Ai dosḡayale alarapeta, diā mepaae whiné mo du betaletei, ḡa tēteróló kaae tare whi Yesu Kerisoné doimó fokóló kae beteróo, ama so whipóló sóró kae beteróo, me ala muni mo donoi so whi beteróo, ere alata, ḡa kaae tare Tale Kótóné Deī Kepe Wisiné erapó.

Nópu nokole dowi alamó ere fo

¹² Mepaae whiné duraalu, “Kae kae ala fea fo muni, ḡalo mo sumó enérápó,” du beterapó. Tépatei, mepaae alané ḡa tao sumipó. “Kae kae ala fea yaaire fo muni, ḡalo mo sumó enérápó,” du betepatei, mepaae alané ḡ tēteróló kaae tawaḡsóró, ai ḡlané wae sóró kutó diratere

whi momó kaae betaalo meipó.

¹³ Mara mole fo i ape. “Mo ḡlata, wotetepa nóo, depeta, ti ḡla naai daayóo erapó,” Tépatei, ḡlaró depetamo ti Kótóné doróló mo ti aluraalopó. Talené ḡané tiki aleyaleteita, nópu nópóló ini, ama kisipa mole ala beta erópóló erapó. ḡané tikikélé Talené ama dupuyóló wisiró betereteiné, amatórótípó.

¹⁴ Kótóné ama doasi bole fotokḡné ḡa tēteróló kaae tare Tale sukāletei momó kepaaróló beteralepó. A atétu yale kaae, ḡakélé ama kepaaróló beteraalopó.

¹⁵ Whiné mo tikimó hó naase daalure kaae, diā touróló betere so whi feata, ḡa tēteróló kaae tare whi Kerisoné tikitóro daalapóló kisipanié? Ti Kerisoné tikimó olekere so whitei, nópu nokole sotamo olekeyóló beta tiki daatere ala wisire? Aita mo enéi ala meipó.

¹⁶ Mepaae whiné nópu nokole sotamo fitepa, ti atimaamo mo beta tikitóro alée foleteti diā kisipanié? Ti noatepae, i fo aḡrapó.

“Atimaamo tiki betaḡmó touratepa, ti beta tikitóro alée faalopó.”

¹⁷ Tépatei, mepaae whi de Taletamo olekeyóló betaḡmó betepa, ti ai whiné keperó Talené kepetamo mo beta alatóro erapó.

¹⁸ Diā nópu nokole ala tuamó bitini, ai ala sisópaae eróló botokó fae. Mepaae kae kae dowi alata, ḡale tó mó

maaté deretei, nópu nokole alata, mo naao tikitei doróló folokolerótu beterapó.

¹⁹⁻²⁰ Diñané tikita, Kótóné diñ melale Deji Kepe Wisiné momatere be tɛnapó. Talené diñ melale Deji Kepe Wisi diñ tuamó beterapóló kisipa mutumié? Ti diaaɔ tiki taleta diñ mei, Talené mo doasi ɔlané dupurapó. Atérapa, me noa kaae ala yaaitepa, ti Kótóné doi doasi mulatere ala betá du betae.

7

Soró whítamo dokotere ala tuamó ere ala

¹ Asemó diaaɔ epaae wosale fo mió diɔpaae i tokó matapa, wosae. Mepaae whi so dokotere ala taaróló, haɓe betepakélé mo wisirapó.

² Tépatei, yaɓo diñ keletepa diñ betere tuamó nópu nokole ala mo turó faaneteiné, whirape fea mo atimané sotamotoró betóo, sorapekélé atimané whítamotoró betóo depa, ti mo wisirapó.

³ Soró whítamo dokore tuamó soné tikiñé hekesere ala ama omanétóro eróo, whiné tikiñé hekesere ala ti ama somanétóro eróo, du betae.

⁴ Ti soné tikita, amatóro mei, omané tiki yóo, whiné tikikélé amatóro mei, somané tiki yóo, erapó.

⁵ Soró whítamo dokore tuamó, whi ó soné ama tikiñé hekesere ala yaai wosetepa, hɔyóló sesé yaɔse. Aténi, soró whítamo atimaamosisi

betá kisipa muóló, Talepaae moma yaairaa, fo dokóló be de tukóló mulae. Atéro beteró, tukóló mulale be de sókó wapa, kale dere kaae momó touyóló betae. Ti noatepae, diaaɔ tikiñé hekesere ala tɛteróló kaae tawaaire fotokɔ buni bépa, Satan-né diñ dée nalaɔsoro dapó.

⁶ Yaɓo i dere fota, yae yóló ere fo meitei, diaaɔ kisipané wisirapó depa, ti sya fóló enérápó.

⁷ Whi fea so dokoni e ere kaae haɓe betepa aikélé doni, wisirapóló kisipa mutapó. Tépatei, whi dokɔ feapaae Talené kae kae ala meló beterapó. Me whiné dere ala kae yóo, me whiné dere ala kae yóo erapó.

⁸ Téró, whiné dokonire soraperó so dokonire whítamopaaekélé, wulia so whipaaekélé, i dere ma fo wosae. E so dokoni haɓe biture kaae, diɔkélé atéro betaai depa ti doni, mo wisirapó.

⁹ Tépatei, wotoró bitu ama tikiñé hekesere ala tɛteróló kaae tawaaire fotokɔ sunipa, ti so whítamo dokaai depa ó whi so dokaai depa ti dokonérápó. Ti noatepae, ama tikiñé hekesetere ala yaai ama hosaa tuamó si duku dere kaae yaɔsoro whi so dokotepa, ó so whítamo fenépa doni, mo wisirapó.

¹⁰ Dokó mole so whipaae i dere fota yaɓo kisipané dumitei, Talené yae yóló muló

betere fo i ape. Whinė dokore so naao whi tokó falaose.

¹¹ Sonétamo whi tokóló fupa, ai so whi kaetamo dokoni hãle beterópóló yae. Téru, ama omatamo dowi kisipa mutu taaróló faai yaletai momó fesaae wóló, atimaamo yale ala fea wisiróló touyóló betae. Soné ai dere kaae, whinékéle soma tekaqsóro yae.

¹² Diã mepaae so whipaae iniyale fo i dereteita, Talené yae ere fo meitei, yãlo kisipa mole fo dapó. Betã Keriso noné ama soma Talepaae tué tiki tiró bitinirutei, ama omatamo betere ala wisipa, ti ai so tokó falaose.

¹³ Sonékéle, ama whi Talepaae tué tiki tiró bitinitei sotamo betere ala wisipa, ti ai whi tokóló faai kisipa muaosé.

¹⁴ Ti noatepae, tué tiki tiró betere soné oma kisipa tiki tiró bitinipatei Talené ai so kae beteró betereteiné, ama omakéle kae beteratápó. Atére kaae, tué tiki tiró betere whiné somakéle Talepaae kisipa tiró bitinipatei, Talené ai whi kae beteró betereteiné, sokéle kae beteró beterapó. Ai ala uãmeisóro, ti diãné naale senaalekéle Talené keletómó wisiyóló bitini, hãle hoko bituãpó. Téuãtei, atimaamo Talepaae kisipa tiró betereteiné, naale senaalekéle kae beteratápó.

¹⁵ Tépatei, soró whıtamo dokore tuãmó Talepaae tué tiki tiró bitinire soné whi

tokóló faai dowãae fupa, ti fópóló yae. Atétepa, tué tiki tiró betere so ó whi atimaamo dokonireteiné, whi ă so kae dokotepa ó sokéle whi kaetamo fupa wisirapó. Ti noatepae, ða soró whıtamo dokóló bitu, hosaa muni deyóló mo dua beterópóló Kótóné ðãpaae ape yalepó.

¹⁶ Tué tiki tiró bitinire whiné dokore so-ó, naao whi mo ti aluyaqsóro tao senéretei ó tao senéniretei netéro kisipa yaaloé? Tué tiki tiró bitinire so dokore whi naakéle so mo ti aluyaqsóro tao senéretei ó tao sené iniretei netéro kisipa yaaloé?

¹⁷ Tépatei, Kótóné ă beterepaae ape yale whi fea me noa kaae ala epa, ăpaae ape itikimó, ai alatóro erópóló yae. Ai diri ma fota, diãpaae maaté dumitei, hae kwia dokó feamó betó mole Keriso so whipaaekéle du beterapó.

¹⁸ Mepaae whi de tiki sekaę tikipa Talené ă beterepaae ape itikimó, ti ai alatóro erópóló, tiki sekaę tikinire whi aoyóló betaose. Mepaae whi de tiki sekaę tikinipa, ti ai alatóro erópóló yae.

¹⁹ Tiki sekaę tikitere alaró tikinitere alatamo me bete munipó. Kótóné tukóló muló betere fo sya fóló erótu betere ala betã doasi bete mulapó.

²⁰ Diã so whi fea noa kaae ala du betere tuãmó betepa, Kótóné ă beterepaae ape itikimó, ti ai ala tuãmótóro hãle betó tawae.

21 Diā wae sóró kutó diratere so whi betepa, Talené a beterepaae ape itikimó, ti me ɔla meipa whaaliala yaqse. Diā wae sóró kutó diratere so whi betere ala taaróló, mo hāle betaaire tu mupa, ti wisirapa, atétóró betae.

22 Ti noatepae, mepaae so whi de wae sóró kutó diratere so whi bitipa, ti i kisipa muae. Talené a beterepaae ape yale sukamó, diā teraayóló hāle ai beteró betere ape. Atére kaae, mepaae so whi atima kolené hāle betepa, Talené a beterepaae ape imó, ti Kerisoné wae sóró kutó diratere so whi beterapó.

23 Diāta, Talené ama doasi ɔlané dupuyóló beteró betepa, hāle mo whiné wae sóró kutó diratere so whi alée fóló betaqse.

24 No nerape-ó, diā dokɔ fea noa kaae ala du betepa, Talené a beterepaae ape tikimó, ti Kótóné ama keletómó ai ala tuamótóró hāle betó tawae.

25 Yało i dere fota kokopei whirape ó so seimale whitamó dokoteremó dapó. I fota, Talené yae ere fo dumitei, ama ɛ koleturaalu tao sóró beteró beteteiné yało dere fo mopóló diāné wosenérápó.

26 Noa betené i fo dumitei, mió i alimó kae kae wou betere sekei alamó kisipa mutu, diā mió ai betere kaaetóró hāle betepa mo wisirapóló dapó.

27 Diā so dokopa, ti tokó falaai kisipa muaqsé. So dokonipa, ti so dokaai keketu

betaqse.

28 Tépateti, diā kokopei whi so dokaai kisipa mupa, ai dowi ala dumipó. Diā seimale sorapekélé whitamó faai depa, ti aikélé dowi ala meipó. Tépateti, mió i alimó soró whitamó dokore tuamó doasi sekei ala waalopóló kisipa mutu, diāpaae ma fo i dere ape.

29-31 Norape-ó, yało i dere fota, Talené kutó diraaire be de ɔlo inireteiné dapó. Mió kaae sóró so dokore whirape, so dokonire aqyóló betóo, dekené sukutu moló du betere so whi ti whi sukuni hāle betere so whi aqyóló betóo, mepaae hekesené sukutu betere so whi hekesé initere so whi kaae betóo, mepaae ɔla ɔla duputu betere so whi ti ɔla ɔla dupu initere so whi aqyóo, mepaae so whi i haemó mole ɔla ɔla sóró taru, mepaae kutó ditutei ai ɔla ɔlapaae hosaa muóo, yaqsóro yae. Ti noatepae, mió dané kelené i kilitu betere haeró ɔla ɔlatamota, alu deté fu beterapó.

32 Yało diāpaae i dere fota, diā Talené ala eróturaalu, mepaae alatamo bipi yóló, whaali yaqsóro dapó. So dokonire whita, Talené kisipa feléyópóló ama alatóro eraai kisipa mutu beterapó.

33 Téretei, so dokore whita, ama soné kisipa feléyópóló i haemó mole alatóro eraaire kisipa mutu beterapó.

34 Atéreteiné ama tué mo betatóro muni, tamo mulapó.

Whjné dokoni hãle biti soró seimale sotamota, Talené ama kutó diraaire kisipa betã mulapó. Téturaalu, ama tikiró kepetamoné Talené ala betãtoró eraaire ketekë bulapó. Tépatei, whjné dokore sota, omané kisipa feléyópóló i haemó mole ala eraaire kisipatoró mulapó.

³⁵ Yãlo i dere fota, diã so dokaqsóro sesétu dumitei, Talené ala eróturaalu, mo betã tuétóro mulu, wisiyóló eraasepóló dapó.

³⁶ Mepaae whjné tamo ama dokaai tukóló betero betere so seimale doasi ba fomó hãle bitiré faqsóro, dokaai kisipa mutepa, ti wisirapa dokópóló yae. Ti so dokotereteita, dowi ala meipó.

³⁷ Tépatei, me whjné ama tuéné hëkesere so seimale mepaae whjné apaae dokae yóló señi, amatei hãle betaai dapóló kisipa mutepa, ti aikélé wisirapó.

³⁸ Térapa, whjné ama hëkesere so seimale dokotepa, ti mo wisi ala dapó. Tépatei, mepaae whjné ama hëkesere so seimale dokoni hãle betepa, ti ama ai dere alané so dokore whjné dere ala mo boseno betepapó.

³⁹ Whjné dokore so ama oma sukuni hãle betepa, ti me whj tamo fenéni omatamo hãle dokorapó. Tépatei ama oma sukutepa, ama tuéné a me whj kaetamo faaitepa, ti hãle whj tamo feni, Talepaae tué tiki tiró betere whj tamo tóro fupa wisirapó.

⁴⁰ Tépatei, yãlo kisipané hãle wulia betere sorape kolósu, folosóro whj sukutepa kae whj tamo dokore sorape kolósu depa, wulia betere ala mo wisiyóló hëkesetamo betepapó. Yãlo i dere fota, Kótóné Dëi Kepe Wisiné yó matepa dapóló kisipa mutapó.

8

Kapala kótópaae momatere ɔla nokolemó dere fo

¹ Yãlo i dere fota, kapala kótópaae momayóló hãle matere ɔlamó dapó. Mepaae bete mole alarape dã feané kisipa siré waleteti, mió dané mo diriyóló kisiparapó. Fea ala fea atima tuérápó du betepatei, atima doasi whj aoyóló bopé faketu betepapó. Tépatei, yaala sókó fole alané ti so whj wisiróló, kae beteraté fu betepapó.

² Mepaaené kisipané fea ala ama bete wisiyóló tuérápó du betere whj tamo, mepaae ala mo diriyóló kisipanipó. Atétere whj fea ala turó kisipa yaaire teórapó.

³ Tépatei, Kótópaae yaala sókó fu betere whj tamo, Kótóné mo wisiyóló kisiparapó.

⁴ Térapa, kapala kótópaae momatere alamó i dapa wosae. I haemó kae kae kapala kótó sūróló aleyale ɔla me bete muni yóo, Kótóta me kae bitini, mo betãtoró betóo eretei, dané mo diriyóló kisiparapó.

⁵ Ti noatepae, so whjné mepaae i haemó ere ɔla ɔla ó

samó daae mole ɔla ɔla kilitu, kótorapekélé, talerapekélé, dekéro betó mulapó dua dapó.

⁶ Hãle betó mole so whĩné ai fo du betepatei, dã Keriso so whĩnéta, Kótó me kaae mei, mo betatóro beterapóló kisiparapó. Ai Kótóta, dãné Aya bitu, i haemó yó mole ɔla ɔla fea amatóro kaaróo, dækélé ama kisipa mole ala erópóló aleyóló beteroó, erapó. Atére kaae, dã tetérolo kaae tare whĩ me kae bitini, Yesu Keriso mo betatóro beterapó. Fea ɔla ɔlaró wisi wisi alatamo Kótóné apaae aleyae depa, amatóro aleyóo, dãné betere betekélé a tuamó muóo ereteiné, ama ala dãné hãle eraté fu beterapó.

⁷ Dãnéta, ai alarape diriyóló kisiparetei, mepaae teó wale Keriso so whĩné ti diriyóló kisipanipó. Atére so whĩ atima kapala kótópaae momatua yaleteti, ti dowi alapóló kisiparapó. Ti noatepae, atimané tué béruraalu kapala kótópaae matere ɔla nukupa, ti atimané tué tiki mo doraalopóló kisipa mulapó.

⁸ Atépatei, ai ɔla nokole alané dã Kótó betere felekepaae dapesó fumipó. ɔla neni wetere alanékélé dã doraalo meipó. Atére dere kaae, ɔla nokole alanékélé dã wisiyóló beteraalo meipó.

⁹ Tépatei, naao kisipanétamo taleyóló naaitepa ó we yaaitepa ti wisirapó. Tétutei, naao tué sya fóló

du betere alané mepaae tué tiki dirini, bére so whĩ dée nalaqsóro mo hotowaró kaae tawae.

¹⁰ Ti noatepae, ai kapala kótópaae moma dere bemó ɔla nuku betepa, mepaae tué tiki dirinire so whĩné dĩa kisipa dirire so whĩ sya wóló, kapala kótópaae matere ɔla naalo wini, halaaíné nukupa atima dée nalaalomeipóló kisipa mute?

¹¹ Dĩa fea ala tuérápó du betereiné, kale kisipa dirinire notei dorótu beterapó. Ti ai so whĩta, dã tetérolo kaae tare whĩ Keriso sukuturaalu tao sale no nepó.

¹² Atéro du betere dowi alané, tué tiki bére no nepaae sekei ala eróló dorótu beterapó. Atéturaalu, dã tetérolo kaae tare whĩ Kerisopaaekélé dowi ala erótu beterapó.

¹³ Yãlo atéro, ɔla nokole alanétamo no nerape dée nanóló dowi ala depa, ti e hupu ó na momó kae naalomeipó. Ti noa yaqsóro mei, yãlo dere alané atima dée nalaqsórópó.

9

Mo keriso so whĩné Aposel whĩrape tao senérápó

¹ Diaaq kisipané mepaae dere alarapené e dokóló muni teraae fóló bituraalu, yãlo enére ala fea sumó enénipóló de? Dĩa né eta, Talené doteyale aposel whĩ bitinipóló kisipa mute? Dã tetérolo kae tare whĩ Yesu yãlo kilinipó ere? E Tale tuamó bitu, diyale kutómó

botokale ɔlata, ti diat́óró ai betere kisipanié?

² Mepaae so wh́iné ę kilituraalu, atima tao śópóló Kótóné dotęyale *apospel* wh́ipóló kisipa mutumipó. Tépatei, ę dią tuamó bitu yało diyale kutó kilitu, i sekęta *apospel* wh́i mo h́itipó enérápó. Ti noatepae, Talené ama fo yało diąpaae mo wisiyóló yó maleteiné, dią tuamó ai olere du wisinaale diaaqętei kaae kolóló, ita, Talené *apospel*-né yale alané erale dąlepóló kisipanérápó.

³ Yało dere ala taleyóló ę só deraai du betere wh́irapené dere fo mo nisi yaqsóró, diąpaae dapa wosae.

⁴ Ti dą *apospel* wh́irapeta, Talené ama kutó dirane fae yóló dotęyalepó. Atéreteiné dąné naaire ɔlaró węitamo mené dą tao sóró matepa dore?

⁵ Mepaae *apospel* wh́irape ó, Talené nomarape ó Sipas-sépi atimané dere kaae, dąmokélé Talepaae tuę tiki tiró betere so dokóló, sotamo wusuró Talené ala eraté kotere dore?

⁶ Mepaae *apospel* wh́irape atima kutó dini hąle betepa, Banabas dąmo Talené kutó diróturaalu, mo naaitere ɔla kutókélé dąmoné maaté sýmó dinérápóló kisipa mute? Talené kutó diratere so wh́i feanétóró dinérápó.

⁷ Bóe dele *ami* wh́irape atimané nokole ɔlaró bóe dele ɔla ɔlatamo atimanétei dupu dua de? Mepaae wh́iné ama kutómó biliyale *wain* képi du ɔlumétepa sóró

nukumié? Mepaae wh́i atima whaatare *meme* hupuné awą tepeyóló nukumié?

⁸ Yało i deté wale fota, mo wh́iné mole kisipa sya fóló dapóló de? Ti yało ai deté wale fo kaae, kale tukóló muló betere fonékélé, dumié?

⁹ Ti noatepae, Moses-né kale tukóló muló betere fo asęre tuamókélé i fo kaaetóró erapó.

“Kale *bulmakau* hupuné *whit* o du tęiya deté kuturaalu, mepaae sorokóta deretei ą nópóló, kulumu faaraęse,”

Ti Kótóné ai ere fo-a, mo *bulmakau* hupumó kisipa mutu yaleé? Mo meipó.

¹⁰ Ai fota, dą tao saai kisipa mutu erapó. Ti noatepae, kutó sóró ɔla wae bilitere wh́iró ɔla ɔlumétepa sere wh́itamo nalo bukóló saai kisipa mutu, atimaamo wusuró depe tukó wei ala du beterapó.

¹¹ Mepaae wh́iné ɔla wae bilitu dere kaae, dą dią tuamó bitu, diaaqę kepe bete tao sóró wisiratere ala du betalepó. Atére kaae, mo kutómó ɔla ɔlumétepa sóró me wh́itamo bukutu dere kaae, dą wote yaqsóró mo ɔla diaaqę tao sóró matere ala dore?

¹² Talené kutó diratere wh́irape tao sóró ɔla matere alatamo donopa, ti dą tao sóró matere alakélé mo turó donorapóló kisipa mutapó. Atéro matere ɔla dąné senépatei taaralepó. Aita hąle mei, dą *moni* ó me ɔla saaire kutó diterere nisiyóló, Kerisoné

ama fo wisi wosaaire tu seséyaqsóro yalepó.

13 Mepaae momatere be kaae tare whirapené momatere bepaae sóro wale ɔla buki atimané nukua deretei, diaaɔ kisipanié? Atétere kaae, Talepaae haɔle melóló simó sukɔlaa dalatere tiki kaae tare whirapénékélé, atima nenére ɔla kwiapaae nukua erapó.

14 Atétere kaaetóro, kale fo wisi yó matepa wosetere so whirapené, ai fo yó matere whirape atimané yaɔɔre ɔla ó nokole ɔla tao sóro melae yóló Talené tukóló muló betera pó.

15 Tépatéi, ɛ yaɔɔre ɔla diaaɔ tao sóro melaaire donopatei, saalo meipó yalepó. Yaɔlo i asɛtu betere alata, diaané ɛ yaɔɔre ɔla melópóló dumitei, ai fo wisi diaaɔ wisiyóló wosópóló kisipa mutu, ɛ haɔtamó yó mótu betalepó. Ai fo wisi yaɔlo diaɔpaae yó maletéimó dupu salepóló, mepaae whirapené ɛ eratere fo yaqsóro kisipa mutu yalepó. Ti mepaae whiné yaɔlo haɔle yó mótu betere ala seséturaalu, ɛ tao sóro *moni* ó me ɔla melaqsóro ɛ miótitei sukutepa wisirapóló kisipa mutapó.

16 Tépatéi, Kótóné fo wisi yaɔlo yó materemó ɛ bopé faketerere ala enénipó. Ti noatepae, Talené ama erae dere fo taaréni, mo yó manérapó. Ai fo wisitamo yaɔlo yó menitepa, ti ɛpaae eraaire sekeɔi alamó mo doasi wirapó.

17 Mepaae whiné ai fo wisi ɛpaae yó melae yóló sɛni, yaɔlo kisipanéte i yó mótu betepa, ti yaɔlo saaire dupu wisi mulapó. Talené ɛpaae dirae yale kutó yaɔlo kisipané diréni, mené sɛteremó dirótu betepa, ti me dupu muni, haɔle erae ere fo maaté sya fu betera pó.

18 Ti yaɔlo ai saalopó dere dupu-a, noa ɔlaé? Aita Talené fo wisi haɔle yó materemó, tao sóro matere ɔla saaire donopatei sinipó. Tétu, Talené fo wisi feléi kisipatamo haɔle yó matere alata, ti yaɔlo dupu wisi ai ape.

19 Éta, mené wae sóro kutó diratere whi bitinitei, yaɔlo kisipané enére ala beta du betera pó. So whi mo turó Yesu Kerisoné fake betera póló kisipa mutu, yaɔlotei ɛ atimané wae sóro kutó diratere whi aɔyóló i betere ape.

20 Juda fake so whi Yesu Kerisoné fake beteraai kisipa mutu, ɛ Juda fake betere kaaetóro betalepó. Éta, Moses-né asɛyóló muló betere foné tɛteróló kaae tare aɔmó bitini, ai fo sya fu betere so whi Yesu Kerisoné fake beteraai dapóló, ɛ ai fo sya fu betere so whi aɔyóló betalepó.

21 Moses-né asɛyóló muló betere fo tuénire fake so whi Yesu Kerisoné fo wosóló, ama fake betera póló, ɛ ai fo tué inire whi aɔyóló yó mótu betalepó. Yaɔlo i dere fota, Kótóné tukóló muló betere fo munipóló dumitei, ɛ

Kerisoné tukóló muló betere foné teteróló kaae tare aqomó beteropóló dapó.

22 Tué tiki tiró bitutei, bére so whi atima tué tiki diriyóló tiró betere so whi kaae beteraai kisipa mutu, ę tué tiki bére so whi aqyalepó. Ę so whi tuamó bitu, atimané kae kae du betere alatóro sya fóló du betaletaita, ti so whi mo turó aluni, Talené tao sópóló kisipa mutu yalepó.

23 Yalo i du betere alata, kale fo wisi so whi feané wosóló fakeróo, ai fo wisiné erótu betere wisi wisi ala ępaakélé eratepa sóo, yaai kisipa mutu du beteropó.

24 Mepaae ęla ęla saai whi fea sururu yóló fotei, ęale muló betere tikimó sókó fole whiné betę dupu sua deretei, diaaq kisipanié? Atétu dere kaae, ęla ęla saairaalu ketekętamó sururu yóló fu betae.

25 Atei kae kae melaa dere whirape ęale bitini, atimané tiki fotokę buępóló ęla nokole alakélé, kae kae dere alakélé, hapólupatei, betere dokę su sųyóló, mo wisiyóló sya fu beteropó. Atétere whirapené su betere topo taota, sawa sukamó maaté muóló doyaalotei, ęané saalopóló i bope du betere ęlata, dokélé ini, mo ti muó tawaalopó.

26 Atérapa, mepaae whi furaalu kisipa tekeyóló feni, ęale ęko tętamo yóló fu dere kaae, Talené ala yalo ęko erótumipó. Naase dele whiné naasetamo duraalu,

ęale ęko tikimó dini, mo kelepaamótóro du dere kaae, ę Talené ama ęale muló betere tikimó sókó faai ęale fu beteropó.

27 Atétere kaae, yalo dere alakélé tikiné ęęesere ala ęko yaqsóro, yalo tiki yalotei hapólui ala tuępaae mulóturaalu, wae sóro kutó diratere whi kaae, teteróló kaae tarapó. Aita, noa yaqsóro meipó. Mepaae whiné ępaae duraalu Talené fota, so whi paae mo wisiyóló yó maletai, ai tuamó ya ęsókó feleteiné naao doimó mulale dupu saalomeipó yaqsóro dapó.

10

Dée naqsóro Isarael fakené deté wale ala dosęayóló kisipa muae

1 No nerape-ó, ita noa ala yaqsóro dumipó. ęa Juda fake firale nouterapepaae erale ala diaaq kisipa yaasepóló i dapa wosae. Atima fea kitikiné ęlisóro fu betepa, ai kitikitóro sya fóló, kale doasi wei ęlakélé tuamó tukóló mo hae tiki ęalepa atima tęyóló fipakalepó.

2 Atima Moses-tamo touyóló kitiki aqomó fóo, wei ęla tuamó tukóló fóo yaletaita, atima fea Moses tuamó wei tópipakalepó.

3-4 Atima fea Talené Kepené dere ala tuamó saró dorowale mo betę ęlatóro nóo, wei kélé mo betatóro nóo, yalepó. Ti noatepaae, mo whiné kelené kelenire

Kepe atimatamo kwęalepó Ai Kepe tuámó ere kane fake dolomó sorokó wale węi nukua yalepó. Ai betere bete matere węi sorokó wale kane faketa, ti me kae mei, dą tęteróló kaae tare whi Kerisotórótípó.

⁵ Téyaletei, atima mepaae turó so whinė dere ala Kótóné kolóló ą hękesenípó. Atéyale betené atima sisiraae fupa, so whi bitini hąle kópu kaae fi tikimó hoko dourótua yalepó.

⁶ Atima atéro sisiraae feleteita, tuę tiki turóné dowi ala yaai ekęle du betale alané erapó. Mió dąkélé atima yale kaae yaqsóró, tó tikiné ekęlere ala dąné hosaa tuámó mulaqsóró kisipa mulatere fo i dere ape.

⁷ Mepaae so whi atima kapala kótópaae momatu yale kaae, mió diaaqkélé yaqse. Ti noatepaae, asemó i fo erapó.

“Talené so whita, Kótó tuęnire so whıtamo touyóló bitu, kapala kótó doi sóró horóturaalu, doasi ąla deyóló nuku betalepó. Atéturaalu, atima fea sama sóró keyaa fole węikélé mo dekéro nóo, sotamo nópu nokole alaró kae kae dowi alatamo hękese yóló hoko yóo, du betalepó,”

⁸ Atima mepaae nópu nuku betale alané, betą be demótei 23,000 so whi sukąlepó. Atima atétu betale kaae, dąkélé yaqsóró i dere ape.

⁹ Atima mepaae so whinė

Tale kaae kelaai sų saleteiné, Talené dowi wulirape dotonóló atima dóló sisiraae faralepó. Atérapa, dąnékélé Tale sų sere ala yaqse yóló dapó.

¹⁰ Mepaae so whi atima ąlisóró fole whırapetamo dokó dokó depa, Talené whi dóló kemerótu betere *ensel* dotonóló, so whi mo turó dóló kemeralepó. Atérapa, diąkélé atéyaqsóró me whıtamo dokó dokó dere ala yaqse.

¹¹ Take betale so whıpaae eraté wale alarape mepaae so whinė dosąayóló witu-raalu kisipa sópóló, mené aseýóló muló beterapó. Keké nale alimó kaae sóró i ala yaalopó deté wale forape mo dokonóló, mió i kemetere alimó dąpaae mo erótu betepa kelerapó.

¹² Térapa, mepaae so whi de me dowi alané dée néni diriyóló beterapó dere so whi dią, dée naqsóró, mo wisiyóló kaae tawae yóló, dęla fo i dere ape.

¹³ Dowi ala yópóló sų sere ala diąpaae maaté dumi, i haemó betó mole so whi feapaaekélé wua dapó. Tépatei, Kótóné so whi tao su betere ala hąle yó taru, diąpaae ai erótu betere sų sere ala mo dekéro eréni, diaaq belenére sųtóró erótu beterapó. Mepaae dowi ala yópóló sų supa, dią dée néni fotoką buóló, ai sekę beleyópóló, Kótóné ama so whi tao sere ala hąle yó tareteiné, dią wisi tikipaae sókó faaire tų munaalopó.

Yesuné tikiró fajetamo nukuraalu, kapala kótópaae kisipa muóló detere qlatamo touróló naqse

14 Térapa, yało hosaa mole ne norape-ó, kapala kótópaae momatu betere ala tuamó bitini, mo tika kae betae.

15 Dią fosó fosói kisipa mole so whıtamo betepa, ti yało i dere fo taleyóló kisipa yae.

16 Talené dą wisiróturaalu, sókó farale sameatóró dą fea touyóló bitu, mo kée yóló nukua dumié? Mo betą bred o bulatóró terekeyóló nuku dere kaae, Kerisoné ama tikimó erale wisi wisi ala dą feané sumié?

17 Ti noatepae, dą fea mo betą o bulatóró terekeyóló nokoletiné so whı fea mo betą tikitóró daale ala haķearóló yó matapó.

18 Israel so whıné du betale ala diąné kisipa muae. Talepaae momaturaalu, kapo tómó biliraterere ąla mepaae so whınekélé nukua yalepó. Atéyaleteita, ai momaratere ala Talené wisirateretei atimakélé sirapóló haķearó betere ala diaaą kisipanié?

19 Mo whıné naasené Kótó suróló aletu betere qlaraperó ai kapala kótópaae haķe matere alatamo, mo bete mulapóló yało diąpaae du betere? Meipó.

20 Tépatei, Kótó tuénire so whıné kapala kótópaae haķe matere ąlata, mo Kótópaae meni, dowi keperapepaae mótu beterapó. Atétere ąlatamo diaaą nuku betepa,

ti ai keperapené du betere ala diąpaae tekaalopó.

21 Taletamo betą kisipa muóló, nokole węi nukuraalu, dowi keperapetamo betą kisipa muóló nokole węikélé touróló nenénipó. Talené doi sóró horótu detere ąla noó, dowi keperapené doi sóró horóturaalu detere ąlakélé nóo dere alata, wisini mo dorapó.

22 Ti dą ama so whı bitutei, dowi kepetamokélé fulumu du betere alata, Talené dątamo doasi fopaae buópóló sesemerótu beterapó. Ti aita, Talené ama bole fotokqró dąné bole fotokqıtamo surapóló de?

Kisipa tiró betere so whıné yaaitere ala mené seséni, atima sumó enérapó

23 Fea kae kae ala yaaire fo muni sumó enépatei, ai dere alarapené so whı wisiyóló beterópóló tao senénipó. Kae kae yaaire ala feata, fo muni sumó enépatei, mepaae alané Tale tuamó bitu kisipa tiki tiraterere ala wisiraté fumipó.

24 Mepaae ala duraalu, dią maaté wisiyóló betaaire alamó kisipa muni, mepaae so whıkéle wisiyóló beterópóló kisipa mutu, erótu betae.

25 Hupu na dotonatere tikimó duputeretei naairaalu, netéyale ąlaé yóló woseni, hqko nó betą yae.

26 Ti noatepae, i fo aseýóló muló beterapó.

“I haeró ere ąla ąlatamo feata, Talené amatórotipó.”

²⁷ Mepaae tué tiki tirénire so whiné diápaae ɔla naai ape depa, fóló naairaalu neté yale ɔlaé yóló woseni, hoko nó betá yae.

²⁸ Tépatei, mepaae whiné duraalu, “Ita kapala kótópaae momayale ɔlapó,” depa ti naose. Ti ai whi ɔ haleturaalu, ama tué tiki doyaɔsóró dapó.

²⁹ Yálo i dere fota, naao kisipa sekeyóló kópaae faɔsóró dumitei, yapaae ai fo yale whiné naao dere ala kilitu, ɔ kisipa sekeyaɔsóró dapó. Ti yálo kisipané yaaitere ala du betepatei, mepaae so whi atima tuéné yálo dere ala taleyóló ɛ noatepa só derótu betere?

³⁰ Mené ɛpaae ɔla naai ape depa ai ɔla naairaalu, Talepaae mo kée yóló nuku beterapó. Atéro nukupatei, mepaae whiné yálo ɔla nokole alamó, ɛ noatepa só derótu betere?

³¹ Atérapa, diaaɔ ɔla nokole ala ó weí nokole ala ó mepaae dere alarape fea so whiné kilituraalu, Kótóné doi betá doasi muópoló yae.

³² Atéturaalu, Juda fake ó, Krik fo bole fake ó, Kótóné so whi fea dée nalaɔsóró me noa kaae ala depa, ti tué tekeyóló yae.

³³ Ti yálo dere alakélé hoko dumi, so whi feané wisirapó yópoló, tué tekeyóló du beterapó. Ti noatepae, yálo du betere alata, ɛ maaté wisiyóló betaai kisipa muóló dumi, Kótóné so whi fea aluyaɔsóró, wisiyóló

beterópoló tao saaire ala betá du beterapó.

11

¹ Téturaalu, Yesu Kerisoné yale ala yálo sūróló du bitu dere kaae, yálo dere alakélé diané sūróló yae.

Talepaae momaturaalu etéro yae yóló dere fo

² Diá Talené ala eróturaalu, ɔané diápaae yae yóló male alarape diaaɔ kutirimó muló, wisiyóló sya fóló erótu betereimó, mo kée yóló yálo diá dukirótu beterapó.

³ Dá whi feané topota, so whi teteróló kaae tare whi Keriso betóo, soné topo ti whi betóo, Kerisoné ama topo ti Kótó betóo eretei, diaaɔ kisipa yaasepóló i dere ape.

⁴ Mepaae whi dené Talepaae momatere alaró Talené kóló whirapené ere fotamo yó matere sukamó, ama mo topo me ɔlané husiratepa, ti ɔ teteróló kaae tare topotei haleratapó.

⁵ Mepaae so dené Talepaae momaturaalu, ó Talené kóló so bitu, ama fo yó matere sukamó, kutiné ó me ɔlané ama topo husirénitepa, ti ɔ teteróló kaae tare topotei haleratapó. Ama topo husiréni hálepatei, Talepaae moma depa, ti ama topo niki sakere aɔrapó.

⁶ Mepaae so denétamo ama topo niki me ɔlané husir-aalo hótépa, ti hálekeróló tikinérapó. Ama topo niki turó saketépa, ó tikinalemó ɔ

halenérápóló kisipa mutepa, ti me ɔlané husiranérápó.

⁷ Ti wh̄ita, Kótóné ama kae ere d̄eró asotamo s̄uróló alereteiné, momatere ala ó fo yó matere ala yaai, ama topo me ɔlané husiranénipó. Tépat̄ei, so betere alata, wh̄i tao s̄oró hale horaairaalu erapó.

⁸ Ti noatepae, take soró wh̄itamó kaarale sukamó, wh̄i so tuamó kaani, sotei wh̄i tuamó kaaró betepapó.

⁹ Atére kaae, Kótóné wh̄i alereteita, so tao s̄ópóló ini, soné wh̄i tao s̄ópóló, kisipa mutu erapó.

¹⁰ Atére alaró *ensel-rape* betere alatamomó kisipa mutu, sorape atima fea wh̄i aomó betepapóló kisipa yópóló, ama topo me ɔlané husiranérápó.

¹¹ Tépat̄ei, Tale tuamó bitu so wh̄i meiyóló ama wotoró betóo, wh̄ikélé so meiyóló ama wotoró betóo, inipó.

¹² Ti noatepae, take sota wh̄i tuamó sókó wóo, miómo soné deyóo wh̄i deyóo du betepapó. Tépat̄ei, ai alarape feata, Tale tuamótóró kaarótu betepapó.

¹³ Yalo i dere fo wosóló diaaotei taleyae. Sorape atima topo me ɔlané husirénirutei, Kótópaae momat̄epa ai wisire? Mo meipó.

¹⁴⁻¹⁵ Wh̄iné ama topo nikitamo f̄oloratepa, ti a hale yóo, soné ama topo niki f̄oloratepa, ti a dukiróo yópóló, erapó. Ti aita, ama ere alapóló kisipa yópóló, erapó. Ti noatepae, soné f̄oloi

topo nikita, ama tiki husuróló eró betepapó.

¹⁶ Mepaae wh̄inétamo i dere fo woseni, h̄oróló dowaae fu betepa, ti atei kaae so wh̄ipaae dané ó kae kae hae kwiamó betó mole Keriso fake so wh̄inékélé me ala yaaire tu kae muni, d̄a feané mo bet̄a alatóró yó tarapó.

Talené ɔla nokole alamó ere fo

¹⁷ Yalo dīapaae i ala yae, i ala yaose yóló i dere fota, diaaɔ du betere alamó wisirapóló yalo dīa dukiróturaalu dumipó. Ti noatepae, dīa touróló du betere alané so wh̄i só deróló dorótu betereiteiné, mepaae dere wisi ala t̄eteró betepapó.

¹⁸ Yalo dīapaae folosóró dere fo i ape. Dīa tourótua dere sukamó, fea bet̄a kisipa muni, fake tekeyóló kae kae betó mulapó dere fo yalo wosalepó. Dīa tuamó ai ala mo du dapóló kisipa mutapó.

¹⁹ Dīa fea bet̄a kisipa muni, me fakené dere ala kae, me fakené dere ala kae du betereitei, Kótóné k̄aae kolóló, i faketa mo donorapó deretei mo so wh̄iné kolópóló h̄akearatapó.

²⁰ Dīa fea bet̄amó touróló bitu nokole ɔlata, Talené ama erale alamó, ama doasi doi mulóturaalu nokole aɔnipó.

²¹ Ti noatepae, dīa atéró ɔla nukuraalu, so wh̄i fea wópóló kaae tani, mepaae so wh̄i h̄oko hapale nukua dapó. Dīa ɔla bet̄amó bitu mepaae wh̄i wotené sukóo, mepaae wh̄i

weji dekéro nóló keyaa fóo, du betepó.

22 Ti diã mo ɔlaró weitamoo naaire mo be ɛnipa de? Atétu betere alané Kótóné touróló betero betere so whi haɛ ɔla aɔróo, mepaae ɔla ɔla meire so whi halerótua yóo, du betepó. Diaaɔ ai du betere alamó, yaɔo diãpaae noa fo yaaloé? Aita, wisi ala dapóló yaɔo diã dukiranére? Mo meipó.

23-24 Ti noatepae, Talené eɔpaae yó matepa yaɔo diãpaae yó male fotei, momó i dere ape. Tale Yesu dópóló eleké deale dikitamo *bred* o tao sóró Talepaae mo kée yóló, kolokó daalu yóló mótu duraalu, “Ita, yaɔo diã tao suraalu, matere tikipa diaaɔ nukuraalu, yaɔo yale alamó e kisiipa keteréni, tué yó taru nae,” yalepó.

25 Atéro ɔla nóló kemetepa, ɔla nuku yale kaaetóro weji belere wuti tao sóró duraalu, “I weita, yaɔo sókó falaaire samea Kótóné ama so whi tao saalopóló ere kisi fo dirirótu betepó. Térapa, diã i weji nukua dere dokɔ yaɔo yale ala tué yó taruraalu, i ala haɛ deté fu betae,” yalepó.

26 Ti noatepae, betere dokɔ i *bred* oró weitamoo nukulétóro fu betaalopó. Atétere alané, Tale sukale ala haɛkamó yó maté fóló, a wale sukamó sókó faalopó.

27 Atérapa, mepaae so whi denétamo Talené *bred* o ó weji kisiipa tekeyóló nénitepa, ti Talené ama tikiró sameatamo bete muni, haɛ

ɔla aɔratereteiné, dowi ala dapó.

28 Ai ɔlaró weitamoo nokole alata, doasi bete mole ɔlapóló kisiipa muóló, folosóro a tuamó mole ala tuénetei taleyóló nukupa, ti mo wisirapó.

29 Ti noa yaɔsóro meipó. Mepaae whi dené ai wejóro ɔlatamo nukuraalu, Talené tikipóló kisiipa muóló neni haɛ hoɔko nuku betepa, ti Talené a só deraaire ala amatei eratapó.

30 Atétu betere alané diã tuamó mepaae so whi turó fotokɔ buni, bé yóo, mepaae mo kisi daayóo, mepaae so whi mo ti sisiraae fóo du betepó.

31 Tépatei, dané haɔsóko fóló du betere ala danéteitaleyóló donoratepa, ti Talené da só deraalomeipó.

32 Dané du betere ala Talené ama taleyóló da i haemó haɛ betó mole so whitamoo touróló só deraɔsóro, dané du betere dowi ala taaróló tu wisipaae fópóló donoróturaalu, ama da deké su betepó.

33 Atérapa, yaɔo ne norapeó, Talené ɔlaró weitamoo nokole sukamó, so whi fea betámó tourale wapa naasepóló, kaae tawae.

34 Diã mepaae so whitamoo wotetepa, ti mo ɔla diaaɔ bemó nóló wonérapó. Ti diã atéro fea touróló bitu, du betere ala Talené taleyóló diãteit só deraɔsóro dapó. E aipaae wale sukamó, yaɔo

i dere fo tómó mepaae diã donoratere fokélé yaalopó.

12

Mepaae so whi tao sópóló, Dèi Kepe Wisiné hãle matere ala

¹ No nerape-ó, Talené Dèi Kepe Wisiné hãle matere alarape diã tuéni, kóló kóló yaósóró i dapa wosae.

² Diã Keriso betaai hãle betale alimó, fokélé initere kapala kótórapepaae tué tiki tirópóló, netéro mepaae alané diã kópaae alísóró felerópó.

³ Diã ai ala ereteiné yało diãpaae i dere fo wosae. Kótóné Dèi Kepe Wisiné mepaae so whi fotokoratepa, “Yesu mo ti dorópóló yae,” fo mo enénipó. Mepaae so whi Dèi Kepe Wisiné fotokorénitepa, ti “Yesuta, ða teteróló kaae tare Talepó,” fo mo enénipó.

⁴ Talené ama ala erópóló, mo betã Dèi Kepe Wisinétei kae kae ala erópóló, so whi feapaae hãle dokorótu beterapó.

⁵ Mepaae Keriso so whiné Talené ama so whi tao saaire ala kae kae mupatei, ai alarape fea teteróló kaae tare Tale mo betãtóro beterapó.

⁶ Ai betã Kótónétóro so whi fea tuámó kae kae alarape fea erótu beterapó.

⁷ Talené so whi mo fea wisiyóló beterópóló, Dèi Kepe Wisiné ama erótu betere kae kae wisi ala

hãkearóturaalu, so whi feapaae betã betã yóló dokorótu beterapó.

⁸⁻¹⁰ Betã Dèi Kepe Wisinétei, me whipaae ti mepaae Keriso so whi fosó fosóre ala yó melópóló melóo, me whipaae ti Kótóné mo bete mole fo tué yópóló, yó melaaire ala melóo dere alata, mo betã Dèi Kepe Wisinétóro erótua dapó. Me whipaae ti Kótóné doasi kelemei ala mo eraalopóló, tué tiki tiratere ala melóo, me whipaae kae kae kisi bete wisiratere ala melóo, me whipaae kelemei ala erópóló doasi fotokó melóo, me whipaae Kótóné ama kóló whi beteróo, me whipaae ti fea dere ala taleyóló, ita dowi kepené dapó, ita Talené Kepe Wisiné dapóló kãae kolóló tué dere ala melóo, me whipaae ti kae kae be fo dere ala melóo, dua dapó.

¹¹ Ai dosãayale alarape feata, mo betã Kepenétóro eratapó. Tétu ama kisipané enére alatóro sya furaalu, so whi feapaae betã betã yóló dokorótu beterapó.

Betã tikimótei kae kae ularape daale fo

¹² Mo whiné tikimó hó naase kele mepaae kae kae ọla fea daae moletei, tikita ti mo betãtóro daalapó. Atére kaae, ða teteróló kaae tare whi Keriso ą tikimó ða fea olekeyóló mo betã tikitóro daalapó.

¹³ Ti noatepae, betã Dèi Kepe Wisiné ða fea wèi

tópuróturaalu, Juda fake so whikélé, Krik fo bole so whikélé, wae sóró kutó diratere so whikélé, atima kolené betere so whikélé, fea mo betá tikitóro alée faralepó. Até duraalu, so whi fea wēi nokole depa betá wēi nuku dere kaae, dā fea betá Dēi Kepe Wisitóro sópóló malepó.

14 Whjné mo tikimó betá ɔla maaté daani, kae kae ɔla fea daae mulapó.

15 Hóné duraalu, ɛta naase meireteiné ai tikitamo olekenipó depa, ti hó ɔ fesekeké fóló kae daale? Tēni, tikimótóro olekerapó.

16 Wosēliné duraalu, ɛta kele meireteiné tikitamo olekenipó depa, ti wosēli ɔ dāae fóló, kae daale? Tēni, ɔ tikimótóro olekerapó.

17 Tiki turótamo keletóro daauṣsóró, ti wosetere ala netéro wuṣé? Tiki turótamo wosēlitóro daauṣsóró, ti kēlaa sere ala netéro wuṣé?

18 Ti tikimó daale kele, naase, hó mepaae kae kae ere ɔla fea Kótóné ama kisipané etéro eraalopó yale alatóro eró beterapó.

19 Ai ɔlarape featamo betá ɔlatóro daauṣsóró, ti tikipó fo nétéro wuṣé?

20 Ti hó naase, kele, kae kae ɔlarape fea daae moletei, betá tikimótóro olekéé mulapó.

21 Kelené naasepaae duraalu, “Me ala yaairaaalu, ɛ ya ṣayṣanipó,” fo enénipó! Toponékélé hópaae duraalu,

“Me ala yaairaaalu, ɛ ya ṣayṣanipó,” fo enénipó!

22 Atei fo ini, dāné tikimó mepaae daae mole sawa doi munire ɔlarape meitepa, ti dāné tiki mo wisiyóló betere ala enénipó.

23 Dāné tikimó daae mole mepaae kelaalo kokɔ inire ɔlarape kokɔ yópóló, dāné aurótua dapó. Dāné tikimó daae mole mepaae keletepa haletere ɔlarapeta, ti kutiné kinótua dapó.

24-25 Mepaae keletepa hale initere ɔlarape, ti dāné mo hotowayóló kinótimipó. Tépatei, Kótóné so whjné tiki aleturaalu, mepaae doi munire ɔlaraperó doi mole ɔlarapetamo dei kisipa mutu, bóe dóló fake tekeyaṣsóró, doi munire ɔlarapekélé Talené tao sóró doi muuaire ala eralepó. Tétu, tikimó daae mole ɔlarape betá kisipa muóló, u tao su i tao su du beterópóló, Kótóné atéro touróló daalalepó.

26 Ai ɔlarape betá kótamo sekē supa, ti featóro sekē sóo, mekó doasi doi mulatere ala depa, ti mepaae ɔlarapekélé fea touyóló, hēkesetamo mo kée yóló haj yóo, du beterapó.

27 Atétere kaae, diṣ fea dā tēteróló kaae tare whi Kerisoné tikimótóro olekereteiné, diṣ fea ama tikitóro daalopó.

28 Kótóné touróló betéro betere so whi tuámó folosóro Kótóné fo erópóló, dotēyale aposel whiṣape sóró beteróo, ai sisópaae Kótóné fo yó matere kóló whiṣape sóró

beteróo, ai sisópaae yó matere wh̄irape sóró beteróo, ai sisópaae doasi kelemei alarape eraaire so wh̄i sóró beteróo, ai sisópaae kae kae kisi bete wisirópóló sóró beteróo, ai sisópaae mepaae kae kae ala dere tuamó bipi depa tao saaire so wh̄i sóró beteróo, mepaae dere ala mo donotóro deté fu beterópóló sóró beteróo, ai sisópaae mepaae so wh̄i kae kae be fo yópóló, sóró beteróo, erapó.

²⁹ Ti ai so wh̄i featóro Kótóné doteyale *aposel* wh̄irape betere? Atima featóro Kótóné fo erater kóló so wh̄i betere? Meipó.

³⁰ Atima featóro Kótóné fo yó matere so wh̄i betere? Atima feanétóro doasi kelemei alarape erótua de? Mepaae so wh̄iné kisi bete wisiraterere Kótóné atima feapaaetóro melaleé? Kae kae be fo-a, atima feané du betere? Deji Kepené yó matere kae kae be fo fetere ala feané dua de? Mo meipó.

³¹ Ti so wh̄i fea tao saaire ala betá senée yóló ekele du betae. Talené kae kae ala eraaire t̄u wisi mió yálo diáppaae i dere ape.

13

No nerapeppaae hosaa muóló yaala sókó fole ala

¹ E tuamótamo so wh̄ipaae yaala sókó fole ala munirutei, Talené ala eróturaalu, mo wh̄iné bole kae kae be fo ó *ensel*-rapené be foné du betepa, ti h̄ale fo wh̄aayóló so wh̄i wisinarótu beterapó.

² Deji Kepe Wisiné e fotokoratepa, Kótóné kóló wh̄irapené dere foró kinó betere fotamo fea yálo tué yóo, Kótóné bete mole fo so wh̄ipaae yó melóo, mepaae hasi fosópaae ai daae mole tiki taaróló, kaepaae daane fae yaaire tué tiki tiraterere alakélé sumó yóo epatei, yaala sókó fole alatamo e tuamó munipa, ti e mo h̄ale ɔla kaaené kelerapó.

³ Yálo mole ɔla ɔla fea yolealere so wh̄i tao sóró melóo, Talené ala eróturaalu mepaae so wh̄i tao saai dapóló kisipa mutu, yálo tikikélé mené simó sukúlaa dalópóló melóo duraalutei, yaala sókó fole ala e tuamó munipa, ti Talené emó me dupu melaalomeipó.

⁴ Mepaae so wh̄ipaae yaala sókó fu betere so wh̄ita, kae kae sek̄ei ala wapakélé, me ɔla meipóló dua beleyóo, naameyóló mo dua bitu wisi ala betá eróo, du beterapó. Yaala sókó fole wh̄iné me wh̄iné dere ala kilitu, ekélé etei kaae ala enée yóló dei kisipa muóo, nene yóló bopé fake yóo, doasi wh̄ipóló kisipa mutu mepaae so wh̄i só deróo, mo enénipó.

⁵ Yaala sókó fole so wh̄iné, mepaae so wh̄iné inire alamó h̄oko haleraterere ala ini yóo, atima kisipa felé yaaire ala maaté ini yóo, fopaae butere ala hapale ini yóo, mepaaené eraterere dowi ala kwia tokó melaaire kisipa muni yóo, erapó.

⁶ Mepaae yaala sókó fu betere so wh̄ta, dowi ala tuámó h̄keseni, mo bete mole ala wisimó bet̄a mo kée yóló h̄kesetu beterapó.

⁷ Yaala sókó fu betere so wh̄iné atima ne norapepaae sek̄ei ala eraqsóró sesé yóo, Talené tao saalopóló kisipa mutu, tué tiki tiratere ala taaréni, betere dok̄o h̄ale yó tawóo, take nalopaae Talené d̄paae wisi ala eraalopóló kisipa tiróo, kae kae sek̄ei ala wapakélé haepaae derepéni, betere dok̄o h̄ale beléetóró tawóo, du beterapó.

⁸ Kótóné k̄oló wh̄i bitu, ama fo erótu betere alakélé me sukamó taalóo, kae kae du betere be fokélé kemeyóo, doasi kisipa sere alakélé kemeyóo yaalotei, yaala sókó fole ala bet̄a mo kemekélé ini, h̄ale muótóró tawaalopó.

⁹⁻¹⁰ Ti noatepae, mo bete mole fo d̄ané tuépatei, mo turó tuéni yóo, d̄a Kótóné k̄oló wh̄i bitu, ama d̄paae yó male fo d̄anémo mepaae so wh̄ipaae mo turó yó meni yóo du beterapó. Tépatei, mepaae alarape Talené ama mo turó eratere alimó, mepaae eréni h̄ale kwia mole alarapekélé fea aluraalopó.

¹¹ Ẹ ket̄ei kaae betale sukamó, ȳalo dere fokélé keteiné fo kaae yóo, tuékélé keteiné tué kaae muóo, mepaae ala bete diriyóló tué deté fole alakélé, keteiné dere ala kaae yóo, yalepó. Téyaletei, ẹ doa yóló wh̄i bitu, take ketemó deté wale ala mo ti taaralepó.

¹² Mió d̄ané i kilitu betere alata, bete diriyóló kilini, aso asore *klas*-mó kelepaa kilitu dere kaae erapó. Tépatei, nalo kelepaa k̄aetamo duraalu, ti mo diriyóló kelaalopó. Mióta, mepaae ala d̄ané tuéretei, mepaae wisiyóló tuénipó. Talené ẹ mo turó diriyóló tuéru ere kaae, take ȳalokélé tué yaalopó.

¹³ Mió i alimó mole doasi bete alarape i ape. Tué tiki tiratere alakélé, take nalopaae Talené d̄paae wisi ala eraalopóló h̄aitu betere alakélé, yaala sókó fole alakélé, ai alarape tuámó mo doasi bete mole alata, ti yaala sókó fole alapó.

14

Talené k̄oló wh̄iné dere foró kae kae be fotamo ȳópóló h̄ale matere ala

¹ Yaala sókó furaalu, D̄ei Kepe Wisiné h̄ale matere alarape mo ketek̄e buóló su betae. Tétu Kótóné k̄oló wh̄i bitu, ama fo yó matere alata, mo doasi topo alapa, mo wisiyóló sae.

² Ti noatepae, mepaae so wh̄i dené du betere kae kae be fota, mo so wh̄ipaae dumitei, Kótópaaetóró du beterapó. Atéro kinóló mole alarape ama kepe tuámó du betepatei, so wh̄i feané ai dere fo wosóló bete tuéni k̄oló k̄olórapó.

³ Tépatei, mepaae Kótóné k̄oló so wh̄iné mo so wh̄ipaae Talené fo i ape yóló yó móturaalu, so wh̄i diriyóló beterópóló fotok̄o bulóo,

halaainé beterópóló keteke bulóló ma fo yóo, whaalía duraalu fomaake kisipa mutere so whi kisipa felératere fo yóo, du beterapó.

4 Whi me dené kae kae be fo du betepa, ti atétere whi aitei wisiyóló beteratere ala du beterapó. Tépatéi, Kótóné kóló so whiné, ti so whi feapaae Talené ere fo i ape yóló yó mótu betepa, ti Kótóné fake so whi fea diriyóló beterópóló tao su beterapó.

5 Diá so whi feané kae kae be fo depa, mo wisirapóló kisipa mutapó. Tépatéi, Talené kóló whirapené dere fo diá feané depa, mo wisirapó. Kótóné kóló whirapené yó mótu betere alané kae kae be fo du beteretei teteró beterapó. Tépatéi, Kótóné touróló beteró betere so whi diriyóló beterópóló, kae kae be foné du beteretei bete mené feteyóló yó matepa wisirapó.

6 Térapa, no nerape-ó, ẹ aipaae wóló kae kae be foné du betepa, ti yalo diá netéro tao saaloé? Tépatéi, Kótóné mepaae kinóló mole alarape diapaae hakearóló yó matepa, ó Kótóné so whi mokoleyaa yóló betaqsóro ere ala bete fea yó matepa, ó Kótóné kóló whi bitu ama fo yó matere ala ó Kótóné bete mole fo etérópóló yó mótu betepa, ti ai alarapené diá mo sumó tao saalopó.

7 Wole fo duraalu, mo whiné aleale fó wuti ó *kita* kae ọla *harp* wisiyóló dupa,

ti so whi feané wosóló felé yaalotei, hoko dupa, ai hale wosetere so whiné noa wole fo du dérópóló, kóló kóló yaalopó.

8 Atétere kaae, bóe daai haletua dere ukulumó wuti wisiyóló dini hoko depa, ti bóe dele whirape atima bóe faairaaalu, netéro siki siki yaaloé?

9 Diaaọ dere alakélé ai ala kaaené kelerapó. Diáné dere fo so whiné kisipare foné initepa, ti ai fo bete netéro kisipa yaaloé? Atéro dere fota, so whi bitinire tikimó wotoró bitu dere fo kaae aorapó.

10 I haemó kae kae be fo buó moletei, me fokó bete munire fo kae buni, mo fea bete mole fotóro bulapó. Ai be fo talerape atimané foné bete kisiparetei da feané mo tuérápó.

11 Mepaae whiné dere be fo yalo wosóló bete wisiyóló sinitépa, ti be fo kae bole whiné ẹ kae be fo bole whi nisi yóo, yalokélé ai whi ẹ kae be fo bole whi nisi yóo, du beterapó.

12 Ti diá tuamókélé aitei kaae alatóro du beterapó. Deji Kepe Wisiné haje matere ala saai dapóló, diá doasi ekele ai du betepa, Kótóné touróló beteró betere so whi diriyóló beteratere alata, doasi bete mulapa, keteke buóló sae.

13 Atére betené, mepaae kae kae be fo du betere whiné dere fo bete amatei feteyópóló Talepaae momarae.

14 Ti noatepae, ɣalo be fo kaené dere momata, kepené maaté du beterapó. Tépatei, ɣalo tuę tikita, ti kaepaae mole aɣrapó.

15 Térapa, ɣalo noa alakó yaaloé? Ƴalo moma duraalu, kepetamo yóo, ɣalo tuęnékélé yóo, wole fo duraalu, ɣalo kepetamo yóo, tuęnékélé yóo enérápó.

16 Naao kepetamo turóné Kótópaae mo kée yóló ą hale horótu betepa, ti naao du betere fo bete wosenireteiné, “Mo kée, téyópóló yae,” fo hąle netéró yaaloé?

17 Ti naao mo kée fo du betepatei, ai foné u whi tao sóró diriyóló beterótumipó.

18 Ti dią feané kae kae be fo du betepatei, ɣalo kae kae be fo dere alané dią mo teraae faleteiné Kótópaae mo kée du beterapó.

19 Tépatei, Kótóné touróló beteró betere so whi tuąmó, ɣalo ama fo yó móturaalu, so whiné wosóló bete kisipa yaairétóro aporó fo kwiatamo yó matepa, ti mo wisirapó. Téni, so whiné wosóló kisipa enénire 10,000 fo kukwia kae kae be foné depa, ti netéró wosóló kisipa yaaloé?

20 No nerape-ó, dią keteirapené tuę kaae mutu betaşe. Dią dowi ala yaaire kisipa muni, awą nokole naale senaale kae aqyóló betae. Tétu, diąné mole tuę tikikélé, mo dirire so whiné tuę kaaetóro muóló betae.

21 Kale tukóló muló betere fo tuąmó Talené i fo dapó.

“Ƴalo so whi paae kae kae be fonékélé, be kaemó wale whirapené kólónékélé i so whi paae yaalotei, ɣalo dere fo bete atimané mo wosókélé yaalomeipó.”

22 Térapa, ai kae kae be fo du betere alata, tuę tiki tiró betere so whiné kolóló tuę yópóló dumitei, tuę tiki tirénire so whiné kilitu, ita Talené me ala yaairemó dapóló kisipa yópóló dapó. Tépatei, Kótóné kóló whirapené ere fo i ape yóló yó mótu betere alata, tuę tiki tirénire so whi tao su dumitei, tuę tiki tiró betere so whi tao suraalu dapó.

23 Atéreteiné Kótóné fake so whi feané kae kae be fo du beteremó, mepaae ai be fo tuęni, kóló kólóre so whi ó tuę tiki tirénire so whi dią beterepaae wóló, diaaą du betere ala kilituraalu, dią keyaa fole so whi aɣrapó yaalomeié?

24 Dią fea Kótóné kóló so whi bitu, ama fo i ape yóló yó mótu betepa, kale mo fo bete tuę tiki tirénire so whi ó mepaae mo fo tuęnire so whi wouraalu, so whiné dere alané ama hosaamó suraalu, ą dowi ala du betere whipóló mutere kisané ą só deraalopó.

25 Talené ai whiné du betere ala taleyóló, ama hosaa tuąmó kinóló mole ala hąkearaalopó. Atéteremó, ą deraapisa fóló fió mulu, so whi feané keletómó Kótóné

doi hale horóturaalu, “Kótó dią tuámó mo ai betere ape!” yaalopó.

Talepaae mo dono tu sya fóló moma yae ere fo

²⁶ No nerape-ó, diaaọ kisipa yópóló dané diąpaae me noa fo yaaloé? Dią fea touróló bitu, mepaae so ó whiné ama kisipare wole fo yóo, mepaae so ó whiné so whi feané wosóló kisipa yópóló, Talené fo yó melóo, mepaae so ó whiné kinóló mole ala Kótóné ąpaae yó matepa, amamo so whi paae yó melóo, mepaae so whiné kae kae be fo yóo, mepaae so ó whiné kae be foné deretei bete feteyóo, depa mo wisirapó. Ti ai dosąayale alarapeta, Kótóné fake so whi fotokọ buóló beteraaire alatamo epa, ti enérápó.

²⁷ Mepaae so whiné kae be foné yaaitepa, ti so whi feané dere fapo ini, sore ó tamo so whiné betą betą yóló enérápó. Ateró dere fo me so ó whiné bete feteyóló, so whi paae haķearóló yó manérápó.

²⁸ Ai fo feteyaaire so ó whi bitinipa, ti Kótóné fake so whi tuámó kae kae be foné haķeamó ini, Kótópaae maaté ama kikiti depa, mo wisirapó.

²⁹ Kóló whiné Kótóné ama fo Keriso so whi paae yó matepa, ti tamo ó sore whinépi yó melópóló yae. Ateró kemetepa, ti wosale so whiné ai fo bete ąaae kolóló hotowaró talenérápó.

³⁰ Me whiné yó matere fo wosetu betere so whi tuámó

Dei Kepe Wisiné i fo yae yóló yó matepa, ti ai fo yó mótu betere ala kapala taaróló, ai so ó whiné fo yópóló tẹ melae.

³¹ Ai so whi fea kisipa sóró fotokọ buóló beterópóló, Kótóné kóló so whi rape atima dokọ fea betą betą yóló Talené fo yó melanérápó.

³² Kótóné kóló so whi tuámó betere keperapené yaai kisipa mole ala mo donotóro yópóló, ai kóló so whiné tóro tẹteróló kaae tarapó.

³³⁻³⁴ Ti noatepae, Kótóné so whi tuąpaaae họko ala kaaréni, hosaa muni deyóló mo dua beteratere ala kaaratere Tale beterapó. Be hulua dokọ feamó Kótóné ama kae beteró betere so whiné du betere kaae, fo wosetere sukamó dią sorape fo tekeni, mo dua betepa wisirapó. Kale tukóló muló betere foné sorape whi aqmó betae ere fo sya furaalu, mo dua betenérápó.

³⁵ Atima ai yó matere fo bete kóló kóló depa, ti bepaae fóló atima omarapepaae wosenérápó. Ti noatepae, so whi touró betere tuámó soné fo depa, ti aita donoi ala mei, mo hale dere alapó.

³⁶ Ti Kótóné fo-a, dią tuámó keké naleé? Ó ai fo wisi ai be huluamó betere so whi diąpaae maaté yó maleé?

³⁷ Whi me dené dią tuámó ama kisipané ą Kótóné fo er- atere kóló whi ó Dei Kepe Wisiné eratere kae kae ala sumó enérápó kisipa mutepa, ti ąalo i aķetere fo ti Tal-

ené ama diãpaae yae dere fo dapóló kisipa enérápó.

³⁸ Téni, mepaae wh̄jinetamo i ašetere fo h̄ale ɔla aɔróló sisópaae eratepa, ti Talené ai wh̄kélé sisópaae eróló, h̄ale ɔla kaae aɔraalopó.

³⁹ Térapa, no nerape-ó, mepaae so wh̄paae kae kae be foné ekesé yóló sesé yaɔse. Tényi, Talené kóló so wh̄jné yó mótu betere fota, ti mo doasi alapa, ketekę buóló yó mótu beterópóló yae.

⁴⁰ Tétu, diãné mepaae noa kaae ala yaai depa h̄oko ini, kisipa tekeyóló mo donotóró sya fóló enérápó.

15

Yesu momó kepaayale fo

¹ No nerape-ó, yało diãpaae take yó mótu betale fo wisi diaaɔ kisipa keteyaɔsóró momó yaai dapó. Kótóné ama fo wisita, bete mulapóló diaaɔ mo wisiyóló wosaletéiné, diã ai fo tómó daalu aɔpaae tuę tiki tiró berterapó.

² Ai fo wisiné diã alu yaɔsóró tao su berterapó. Yało diãpaae yó male fo wisitamó hotowaró tao tapa, ti diã ai tao sere ape. Tényi depa, ti diaaɔ kisipa tiki tiratere ala bete munire aɔratapó.

³ Talené ai fo wisi mené ępaae yó matepa, aita mo doasi bete mole fopóló kisipa mutu, yałomo diãpaae yó malepó. Ai fo i ape. Kótóné ašemó ere fo dokonóturaalu, ðané dowi ala tokóló aluraai

so wh̄j teteteróló kaae tare wh̄j Keriso a sukálepó.

⁴ Atéró a douróló, sore be ðę kemetepa, kale ašemó ere fo dokonóturaalu, Talené a kepaaróló beteralépó.

⁵ Atéró kepaayóló, Pitané a kolópóló yó melóo, ai k̄lipaae ti kale 12 yó matepa wosetere wh̄jrapepaaekélé yó melóo, yalépó.

⁶ Atéyale sisópaae 500 bosenóló mepaae tómó beleróló, betere no nerape fea touró betere tikimó, a h̄akeamó sókó walepó. Até yale so wh̄j mepaae sisiraae feletei, mo turó so wh̄j ti h̄ale betó mulapó.

⁷ Ai sisópaae Jems-paae yó male wóló, nalo ti Kótóné dotęyale *aposel* wh̄jrape feapaae yó male felepó.

⁸ Mo kemeręle wouraalu, soné naale deyaaire be ðę teópatei, h̄oko be ðemó detu dere kaae, Yesuné a i ape yóló, ępaae yó male walepó.

⁹ Ękélé Talené dotęyale *aposel* wh̄jtei, mepaae *aposel* wh̄jrape betere aɔmó doi muni, mo belei sokótei berterapó. Ti noatepae, Kótóné fake so wh̄j yało susupuróló dowi ala erótu betaletéiné, ę *aposel* wh̄j beteraaire sunipatei, Talené ę sóró beteralépó.

¹⁰ Tépatei, Kótóné hamokoróló h̄ale tao saleteiné ę etei kaae wh̄j i betere ape. Ama ę atéró tao sale ala h̄aleni, ę tuãpaae mo doasi ala eró berterapó. Ai ala epa kisipa mutu, yało diale kutóné mepaae *aposel* wh̄jrapené diale kutó mo

bosenée felepó. Ti aita, yalo fotokõné initei, Kótóné hamokoróló hale tao sere ala ę tuamó muluraalu, yalepó.

11 Térapa, yalo ó atimané diãpaae yó male fota, me kae meípó. Dã feané i yó mótu betere fo wisitoró mopóló diãné wosóló kisipa tiralepó.

Sukutere whi momó kepaayaaire fo

12 Dãné diãpaae Talené fo yó móturaalu, so whi teteróló kaae tare whi Keriso mo ti sukãletei, Kótóné ą kepaaró beterapóló yó male fo diãné wosalepó. Atéyaletei, diãkó mepaae so whinë duraalu, sukãle whi momó kepaayóló betaalomeípó dere fo-a, diãné mo fo dapóló de?

13 Sukutere whitamó kepaayaalomeípó kisipa mutepa, ti so whi teteróló kaae tare whi Kerisokélé kepaayóló bitinipóló kisipa muæ.

14 Keriso ątamo kepaayóló bitinipa, ti dãné yó mótu betere foró diaaę kisipa tiró betere alatamo bete muni, hale ęla kaae aęratapó.

15 Ai ala tómó, Kótó ą etei kaae Tale beterapóló dãné yó mótu betere fo, kapala fotei yó mótu bitirapó kisipa muæ. Ti noatepae, so whi teteróló kaae tare whi Keriso mo ti sukãletei, Kótóné ą momó kepaaró beterapóló, dãné diãpaae yó mótu betalepó. Ti sukãle whi momó kepaayaalomeípó fotamo mo du betepa, ti

Kerisokélé Talené kepaaró bitinipó enérápó.

16 Ti noatepae, sukãle whitamó kepaayóló bitinipa, ti so whi teteróló kaae tare whi Kerisokélé kepaanipóló kisipa muæ.

17 Kerisotamo kepaaró bitinipa, ti diaaę kisipa tiki tiratere alakélé bete muniru, diaaę du betere dowi ala tuamó diã hale betó tarapó.

18 Keriso ątamo atépa, ti ą tuamó betepa sukãle so whikélé mo ti alurapó enérápó.

19 Nalo betaaire alimó dã kepaayóló betepa, Kerisoné dãpaae wisi ala eraalopóló hařtu beterapó. Atépatei, mepaae so whinë mió i alimó maaté wisi ala kelaalopó dere fotamo mo du betepa, ti dãpaae doasi seķei ala eraaaiteremó, mo doasi wirapó.

20 Tépatei, so whi teteróló kaae tare whi Keriso ą sukãletei Kótóné mo kepaaró beterapó. Atéreteita, sukutere so whikélé kepaayóló beterópóló, kutómó ęla folosóró ęlumétere kaae, ąpi kepaayalepó.

21 Ti noatepae, betã whinë yale dowi alané sukutere ala dã so whi tuãpaae sókó walepó. Até yale kaaetóró, betã whinë yale alané ti kepaayóló betere ala kaaratapó.

22 Ti dãta, Adam-né kaarale fake ereteiné, dã fea suku-tua dapó. Atétu dere kaae, Kerisoné ama fake so whi fea ti ą tuamó bettereteiné

kepaayóló betaalopó.

²³ Atéyaalotei, ai ala hãle hõko ini, ama mole tũtoró sya furaalu, yaalopó. Aita, kutómó ɔla folosóro ɔlumétu dere kaae, Keriso ɔpi kepaayóló beteraopó. Atérené nalo ɔ fesaae wale sukamó, ti ama so whĩkélé fea ɔre kaae kepaaróló beteraalopó.

²⁴ Téró, Kerisotamo bóe du betere topo whĩrapekélé, atimané tẽteróló kaae tare alarapekélé, atima so whĩkélé, atimané bole fotokókélé, fea doróló kũlipaae, ti ama so whĩ tẽteróló kaae tare ala Alima Kótóné naase tuamó munaalopó. Atéteretamotoró, mo kemeyaaitere be de sókó waalopó.

²⁵ Ti ama tẽteróló kaae tare ala hãle deté fóló, ama bóe whĩ mo ti dóló kemeratere sukamó sókó faalopó.

²⁶ Atéro bóe dilé fóló, mo ti kemeróturaalu, daaire bóe whĩta, ti sukutere alapó.

²⁷ Ti fea ala fea Kerisoné ama tẽteróló kaae tanópóló, Kótóné ama naase tuamó mulalepó. Ti ai fea alapó dereteita, ama Naalené naase tuamó mulale seké Kótó ɔ Naalemané tẽteróló kaae tare aomó bitiniretei mo hãkearapó.

²⁸ Ai ala yóló kemetepa, fea ala tẽteróló kaae tawae yale Kótóné ama naalema ɔ aomó beteropóló yaalopó. Ai alata, fea ala Kótóné amatóro tẽteróló kaae tawaaierapó.

²⁹ Sukutere whĩ kepaayaalomeipó dere fotamo mopa, ti

sukutere so whĩ wisi bepaee fópóló kisipa mutu, mepaae whĩrape weĩ tópuratere ala noatepa du betere? Sukutere whĩ kepaayaalomeipó dere fotamo mopa, ti weĩ tópuratere ala hãle ɔla kaae aorapó.

³⁰ Sukãle so whĩtamo kepaanitepa, ti da i kutó diyaai kae kae bóe whĩ betó mole tikipaae betere dokó noatepa fua wua du betere?

³¹ Yãlo no nerape-ó, diã da tẽteróló kaae tare whĩ Yesu Keriso tuamó betepa, ama diã tuamó erótu betere wisi ala kilituraalu, Talepaae yãlo mo kée yóló, ẽ bopé faketu beteraopó. Yãlo i dere fota, mo dapó. Diã tao saai kisipa mutu, Talené ama fo wisi eraté kotere dokó ẽ mo felekemó sukĩtei hãsókó fua dapó.

³² Ẽ Epesus bemó whĩ dó nokole syaae kaae ɔla aore whĩrapené yãlo du betere ala seséturaalu, ẽtamo doasi bóe du betalepó. Atéyaleteita, i haemó mole wisi wisi ɔla saai kisipa mutu, imó ti noa ɔla wisikó senére? Sukutere whĩ kepaayaalomeipó dere fo mo depa, ti diãné yó tare mara mole fo sya furaalu,

“Dóta da sukãaireteiné, mió betã ɔlaró weĩtamo mo dekéro naalopa sael!” enérapó.

³³ Mené diã kópaae ɔlisóro faosóro yae. Du betere mara mole fo betã i ape.

Wisi ala dere whĩrape dowi ala dere whĩrapetamo

tamoyóló betamó kotepa, ti atimané dowi ala yapaae tokó melaalopó.”

34 Diã topo doyóló keyaa fu-raalu, hõko du betere dowi ala mo ti taaróló, kisipa wisi muóló, take yale ala momó fesaae fóló yae. Ti noatepae, Kótó tuëni hale betere so whi diã tuamó betó moletei kilitu diã haleyae.

Kepaayóló kae tiki daayóló betaaire fo

35 Atépatei, mené i kaae fo enérápó. “Kale sukále so whi momó netéro kepaayaaloé? Atéro noa kaae tiki daayóló waaloé?” yóló wosenérápó.

36 Aita, kisipa okokoi whinë dere fo kaae aõrapó. Ti noatepae, kutómó mo õla wae bilitereteimó kisipa muae. Whinë bilitere õla waeta, haemó kelaayóló u tuamó bole kené ti tumu sókó hotua dapó. Haemó biliteretei kela initepa, ti tumu horaalomeipó.

37 Diaaõ õla wae bilitu-raalu, õla nokoletai mo turó bilini, *whit* ó bupi ó besaae ke maaté bilitua dapó.

38 Atéteretei ai õlarape huturaalu, Kótóné kisipané daalópóló yale tikitóro daatua dapó. Ai biliyale õlarape fea mo ama tiki daaitóro hutua dapó.

39 Fea õlarapené daae mole tikita betã kaae mei, so whinë tiki ama kae daayóo, hupu ó na mepaae betó mole õlarapené tiki ti ama kae

daayóo, bané tiki ama kae, yané tiki ama kae, yóo erapó.

40 Samó daae mole õlarapené tiki ama kae, haemó ere õlarapené tiki ama kae yóo erapó. Samó daae mole õlarapené tiki mo kokõ de wisinaale yóo, haemó yó mole õlarape kelaalo kokõre ala ama kae yóo, erapó.

41 Sukané de wisinaale ama kae, wéliéné de wisinaale ama kae, hõrerapené de wisinaale ama kae, mepaae hõrené de mo doasi yóo, mepaae hõrené de mo sawa yóo, erapó.

42 Sukutere whi momó kepaatukélé, atei kaae alatóro yaalopó. Mo tiki sukóló douratepa kela yaalotei, kepaarateretei momó kae doyóló alu yaalo meipó.

43 Sukuturaalu, tiki tuamó hale dere alaró doasi doi munire alatamo mupa sukóló dourateretei, momó kepaaróló beterateretei ala ti mo de wisinaale tuamó beteraalopó. Sukuturaalu fotokõ buni, bére ala tuamó sukutepa dourateretei, mo doasi fotokõ ala tuamó kepaaraalopó.

44 Sukutepa dourateretei mo tó tikita, hae tiki ereteiné kela dua dapó.

Téretei, momó kepaatere tikita, kepené dere ala tuamó daaleteiné mo ama kaepó. I haemó mo tiki daalure kaae, take nalo kepaayóló betaaire sukamókélé, kepené ere ala

tuamó mo kae tiki daayóló betaalopó.

⁴⁵ Atéreteiné ašemó i fo erapó.

“Folosóro wale whi Adam a mo whi tiki daayóló sókó walepó.”

Nalo kemerótu wale whi Adam ata, sukóló kepaaturaaalu, ti so whi betere bete matere kepené tiki daale whi alée felepó.

⁴⁶ Kepe tiki daale whi folosóro sókó wéni, mo tiki daai whi folosóro wóló, ai kinipaae ti kepe tiki daale whi sókó walepó.

⁴⁷ Folosóro wale whita, i haené aleale whi betaletei nalo ti hepen-mó betere whi walepó.

⁴⁸ Haené aleale whiné ama deyóló fake firale so whita, ti ama tikitóro daayóo, hepen bemó wale whiné ama deyóló fake firale so whi ti ama hepen tikitóro daayóo erapó.

⁴⁹ Dá haené aleale whiné tiki daalure kaae, hepen bemó wale whiné tiki kaae dakélé daayaalopó.

⁵⁰ No nerape-ó, yalo diapaae i dere fō wosae. Dá sukutepa, ti i daale tikitamo Kótóné teteróló kaae tare tuamó bití faalomeipó. Atére kaae, dá sukóló kepaayóló furaalu, dané i dorótu betere tikitamo turó feni, mo dokélé iniyaaire tiki daayóló betaalopó.

⁵¹ Kinóló mole ala yalo diapaae hakearóló i dapa wosae. Dá Keriso so whi mo fea sukçalomeitei, betere

whikélé sukále whikélé, mo fea take daale tiki taaróló, mo kae tiki daayaalopó.

⁵² Kemeróturaalu ukulumó wuti haleteretamo, dané mió i daale mo tiki taaróló, dá mo fea kae tiki daane wale alata, epée fitaa du dere kaae yaalo ai ape. Ti noatepae, kale ukulumó wuti hale dere-tamo, sukále whi kepaayóló do initere tiki daayóo, dá fea i daale tiki taaróló, kae tiki daayóo yaalopó.

⁵³ Ti noatepae, doyóló sukutu betere tiki tómó dokélé ini, mo ti betere tiki kuti derótu dere kaae yóo, sukutere ala sukunitere alané husuróló aluróo, yaalopó.

⁵⁴ Doyóló sukutere tiki tómó mo betere tiki kuti kaae deróo, sukutere ala sukunitere alané husuróo deretamo, ašemó i ere fo mo dokonaalopó.

“Talené ama bóe whi dóló teteraleteiné, kale sukutere alakélé ɔla kaae nó deróló aluralepó,” erapó.

⁵⁵ Me asere fo i ape.

“Sukutere ala-ó, so whitamó naao bóe dóló atimá teterale ala momó mule? Sukutere ala-ó, Wuliné whi detu dere kaae yóló sukunale ala-a, momó mule?” erapó.

⁵⁶ Wuliné whi tukó nóló sukunótu dere kaae, dowi alané dá sukópóló dua dapó. Dowi alané dá mo ti só derópóló, Kótóné tukóló, muló betere foné dowi ala fotokó bulótu beterpó.

57 Atépatei, dowi alaró sukutere alatamoné dā só deróló tēteréni, dā Tale Yesu Keriso tuamó betepa, ai ala tēterópóló, Kótóné ama dā fotokō mo sumó mótu betepapó. Atétereteimó, Talepaae mo kée du betenérápó.

58 Térapa, yało hosaa mole no nerape-ó, diā Talené ala tuamó betepa, mepaae sekēi ala ó dilikitere alané diā só deraqsóró, mo diriyóló betetae. Ti noatepae, diā Tale tuamó bitu ditere kutóta hāle alu yaalomei, dupu saalopóló kisipa mutu, betere dokō mo ketekē buóló ditu betae.

16

Kótóné so whī tao saai moni derateremó ere fo

1 Mió i dere fota, Jerusalem bemó betó mole so whī tao saaire *moni*-mó dapó. Kalesia hae kwiamó tē mole be huluumó betó mole Keriso fake so whīpaae yae yale alarape kaae, diaaokélé yaasepóló i dere ape.

2 Fula dokō kaae sere be demó, diā feané meteró *moni* supa, ti kwiapaae naao sere sū dālemótóró sokósu yóló, kae mulótua yae. Ti noa yaai meipó. Ẽ aipaae wale sukamó, *moni* derae yaqsóró kisipa mutu i dere ape.

3 Ẽ aipaae wóló diātamo bitu, diaaqsóró betepa-aterē whīrape Jerusalem bemó betó mole so whīné tué yópóló, atimané sóró faaitere asē yało eróló melaalopó. Diāné atéro hāle tao sóró matere *moni*

Jerusalem bepaae sóró fópóló dotēyaalopó.

4 Dā talerālemó, epaae yaokélé atimatamo faalopó depa, ti yało atima dapesó fenérápó.

Pol-sépiné i ala yaai kisipa mutapóló yale fo

5 Folosóró ę Masedonia hae kwiapaae fóló, nalo ti diā beterepaae waalopó. Ti ę momó fesaae wale alata, Masedonia hae kwia tuamó tēyóló diā beterepaae waalo ai ape.

6 Ẽ diā beterepaae wóló hāleke sukamó ó sosóli ali turó aimó diātamo betaai kisipa mutepa, ti betenérápó. Atéro diā taaróló ę mepaae fupa, ti ę yaḡare ọla diāné melaasepólópó.

7 Ti noa betené meipó. Mió dā diā beterepaae wóló, mo sawa be demó maaté betero fole hórápó. Téreteiné, Talené ama kisičané fọlo be demó diātamo beteropóló depa, ti ę diātamo betaai hēkese dapó.

8 Téretei, kale *Pentikos* be demó ọla deyaaire ali sókó waai teópa, ti ę Epesus bemó kaae tawóló betaalopó.

9 Ti noatepae, Talené ama doasi ke bole kutó diyaaire tē moleteiné, aimó bitu ama kutó diraalopó. Téyaalotei, ai kutó diyaqsóró sesétere whīrapekélé, dekeró betó mulapó.

10 Timoti aipaae wapa, diaaqsóró apaae me sekēi ala eratepa ą wiyaqsóró hotoyawóló kaae tawae. Ti

ata, ę dere kaae Talené kutó dirótu betere whi ai ape.

¹¹ Térapa, me whiné ą dape sóró kaae tatere ala hōni, dią feané wisiyóló dape sae. Téró, ą momó fesaae waai depa, ti diaaą ąpaae hosaa muni deyóló haıtamo dua fae yóló, ę beterepaae wópóló dotęyae. Timoti ą ipaae momó fesaae wouraaalu, ama wotoró wéni, ę beterepaae wale Keriso norapetamo wópóló kisipa mutapó.

¹² Mió ąané no Apolos-né dere alamó i dere ape. Yalo ąpaae ai wale norapetamo dią beterepaae fae yaleteti, tę mutere sukamó waai dapóló taralepó.

¹³ Mené dią dilikóló kópaae falaąsóró, hotowayóló kaae tawae. Téturaaalu, kale mo fo wisi wosóló, Talepaae kisipa tiratere ala tuąmó diriyóló betae. Atéru, mené diątamó bóe dupa wini, halaainé fotokó buóló betae.

¹⁴ Fea ala duraalu, yaala sókó fole ala tuąmó bitu yae.

¹⁵ Akaia hae kwiamó betó mole so whi kuamó Stepanas-ró ama be whi so whıtamota, folosóró kisipa feteyóló Keriso betaleteti, diaaą ai kisipare ape. Ai so whıta, Kótóné kae beteró betere so whi tao saairaalu, mo doa ketekę bulapó.

¹⁶ No nerape-ó, dią atei kaae ala dere so whıró mepaae ątamó touné wóló, wisi kisipa mulu Talené kutó diratere so whıtamó aqmó dua betae yóló ma fo i dere ape.

¹⁷ Diaaą mole ąla kwia-paae ę tao sóró melaai yaleteti, Stepanas, Fotunatas, Akaikus, atimané mole ąla ę tao sóró male waletetimó, mo hękese yalepó.

¹⁸ Ti noatepae, atimané ę tao sale alané yalo kepe hękese duraalu, diaaą kepekélé hękeseyalepó. Atei kaae wisi ala dere whırapeta, so whi feané dukiranęrapó.

Kemerótu kęleó yale fo

¹⁹ Esia hae kwiamó betó mole Keriso fakerapenę diąpaae kęleó i dere ape. Akuilaró ama soma Prisila-tamonékélé, atimaamoné bepaae tourótua dere Keriso no nerapekélé Tale tuąmó bitu, diąpaae hosaa mo turó muóló kęleó dapó.

²⁰ Imó betó mole no nerapenékélé, diąpaae kęleó dapó. Kótóné ama kae beteró betere so whiné dere ala sya fóló, diąsisitei apuóló kóló tukó nuku betae.

²¹ Diąpaae kęleó yóló i dere aęta, ę Pol-né mo yalo naasenétóro dapó.

²² Mepaae whi dené Talepaae yaala sókó fole ala initepa, ti ai whi Talené mokorópóló yae. Tale-ó, yą ąą beterepaae ape!

²³ ąą tęteróló kaae tare whi Yesuné hamokoróló hale tao sere ala diąpaae erópóló yae.

²⁴ Ę ąą tęteróló kaae tare whi Yesu tuąmó bitu, yalo dią feapaae yaala sókó furaalu i dere ape. Mo kée, téyópóló yae.

2 Korin

¹ Ẹta, Kótóné ama kisipa mole ala sya furaalu, so whi teteróló kaae tare whi Yesu Kerisoné kutó dirópóló doteyale *aposel* whi Pol-né dapó.

I dere așeta ɗané no Timoti ɗamo wusuró bituraalu, ɗi Akaia hae kwiamó Kótóné kae betero betere so whiró, ai hae kwiamó tene Korin bemó betere Kótóné fake so whitamopaae dapó.

² ɗané Aya Kótóró ɗa teteróló kaae tare Tale Yesu Kerisotamoné hamokoróló hãle tao sere alaró, hosaa muni deyóló dua betere alatamo ɗiãpaae erópóló yae.

Kótóta koleturaalu tao sóró hai kisipa mulatere Talepó

³ ɗa teteróló kaae tare Tale Yesu Kerisoné Alima Kótóné ðoi hale sóró horópóló yae. Ti ɗta, kolené sukutere ala kaaraterere Aya bitu, sekei ala wapakélé kisipa feléróló tao su betere Kótó beteraípó.

⁴ ɗané sekei alarape feata, ama tao sóró ɗa kisipa felérótua dapó. Kótóné ɗapaae ai ala erótua dereteita, mepaae so whi kae kae seke tuamó betepa, Kótóné ɗapaae ai male kisipa feléaletere alané atimamo tao sópóló erapó.

⁵ Ti noatepae, Yesupaae erale doasi susupui ala feleyóló furaalu, ɗapaaekélé mo dekeró wou beteraípó.

Atétu, ɗané sekei alakélé Yesu Kerisoné tao sóró, ɗa kisipa felératere ala mo dekeró erateretei faaturaalu, feleyóló mepaae so whipaaekélé fu beteraípó.

⁶ ɗa sekei ala su betereita hãle mei, ɗi feléyóló betoo, aluyaosóró tao sóo, yópóló dapó. Atétu, Talené ɗa tao sóró kisipa felératepa, ti ɗiakélé feléyóló betaalopó. ɗatamo Kótóné kisipa felératere ala depa, ti aita, ɗi feléyóló beteraípóló dapó. ɗapaae wou betere susupui ala kaae, ɗiãpaaekélé wapa, ti ai eraterere feléi alané ai susupui ala hãle belée tanópóló, ɗi fotokọ bulat-ápó.

⁷ ɗi take mo wisiyóló betaalopóló, ɗané mo diriyóló kisiparapó. Ti noatepae, ɗapaae wou betere susupui ala kaae, ɗiakélé ai su betere ape. Atétere kaaetóró, ɗapaae erótu betere kisipa felératere ala ɗiakélé saalopó.

⁸ No nerape-ó, ɗa Esia hae kwiamó betepa, erale sekei alarape diaaọ kisipa yaasepóló dapó. Mo doasi sekei alané ɗa só deró betaleteiné, beleyaaire mo sunipó. Atéru ɗa mo sukutere ɗalemó beteraípóló kisipa mualepó.

⁹ Ita mo dapó. ɗané hosaa tuamó mo turó muale kispapata, ɗa mo sukóló mole nisi yalepó. Téyaletei, ɗapaae ai erale ala ɗané sumó belenére nisi yaosóró, sukãle so whi kepaarótu betere Kótópaae kisipa tiraípóló yalepó.

¹⁰ Dá felekemó mo ti dóló aluraletei, ama dá tao su yale kaae, nalopaaekélé atérótóro tao saalopó. Tétu diaaokélé dá tao sóró momarótu betepa, ti Talené dá aluyaosóro tao sere ala hãle yó tareteiné dá hãtamo aãpaae kisipa tiró beterapó.

¹¹ So whi feané dá tao sóró momatu betere ala mo dokonóturaalu, Talené hamokoróló hãle tao sereteimó dá so whi feané aãpaae mo kée yaalopó.

Polo-né folosóro yaai kisipa muale ala fisikóló taarale fo

¹² Dá i haemó betó mole so whi kuamó kutukélé, diã Keriso so whi kuamó kutukélé, Kótó tuãmó wale mo kae ere alaró tó tikiné ini, kisipa mo turóné dere alatamo dá tuãmó mupa, so whi feané kelalepó. Atéro kutu yale ala ðané kisipa faróló taletepa hõko ala ini, feané keletómó mo donoi ala yalepóló dá hãjturaalu, bopé fake dapó. Atétu betaleteti i haemó mole kisipa sya fóló ini, Kótóné hamokoróló hãle tao sere ala sya furaalu yalepó.

¹³⁻¹⁴ Ti noatepae, ðané diãpaae i asẽ dere fota, hapóluni, diaaõ dosãayóló sumó kisipanérápó. Ðané du betere ala mepaae diaaõ kisiparetei, mepaae diã kisipanipó. Téretei, take nalopaae ti diaaõ mo turó tuẽ yaalopóló kisipa mutapó. Take dá tẽteróló kaae tare whi Yesu wale sukamó ðané

diã kilitu, hãjyóló bopé fake yaaire kaae, diaaokélé dá kilituraalu, hãjyóló bopé fake yaalopóló, kisipa mutu i dere ape.

¹⁵ Ai betené, ẽ mepaae faai folosóro diã betereró waairaalu, õla õla taleyóló mulalepó. Até yaleteita, yãlo yó matere fo tuãmó bole wisi ala diã tamo félimó sópóló yalepó.

¹⁶ Ẹ Masedonia hae kwia-paae furaalu, diã keleté wóo ẽ momó fesaae woukéle diã keleté wóo, yaai yalepó. Atéro ẽ aipaae wapa, ti diaaõ ẽ tao sóró Judia hae kwiapaae dotonaasepóló kisipa mualepó.

¹⁷ Yãlo ai muale kisipata, bete munipa hõko yaleé? Ó i haemó mo whiné kisipa kaae mulu, ẽpó téyaalopó dutei, momómo meipó du dere kaae yaleé?

¹⁸ Téni, Kótóné ama yaalopó dere ala motóro du dere kaae, ðané diãpaae yó mótu betere fota, ẽpó, dutei meipó, fo kae dumipó.

¹⁹ Ti noatepae, diã kuamó ẽ Pol, Sailas, Timoti, dá sore whirapené Kótó Naalema Yesu Keriso i kaae whipóló, diã tuãmó yó móturaalu, ama ẽpó dutei meipó, dere fokélé erapóló diãpaae yaleé? Ai fo ini, Kótóné ama eraalopó deté wale fo fea Yesu tuãmó dokonóturaalu, ẽpó, téyaalopó fo betã deté konapó.

²⁰ Ti noatepae, Kótóné ama mo eraalopó yóló muló betere forape fea, dá tẽteróló

kaae tare whi Keriso tuamó mo dokonóturaalu, epó, fotóro mulapó. Atéreteiné, Kótóné doi doasi mulóló, da Yesu tuamó bitu mo kée, téyópóló yae, fo dua dapó.

²¹⁻²² Dəkélé, diəkélé, da teteróló kaae tare whi Keriso tuamó diriyóló beteratere alata, Kótóné amatóro dua dapó. Da Kótóné ama so whipóló sóro beterótu, topomó *wel* wei sūni yóo, da mo amapóló siriróo, take dapaee wisi ala eraalopó kisipa muópóló, ama Deji Kepe Wisi dané hosaa tuamó beteróo, erapó.

²³ Kótóné keletómó yało mo fo i dere ape. E fesaae wou ai Korin beró dią foné siré waai yaleteti, dei kisipa muaqsóro taaralepó.

²⁴ Dąta, diaaq kisipa tiki tiratere ala teteróló kaae tare doasi aoyóló bitu dumipó. Tépateti, dią haiyóló beterópóló kisipa mutu, da diątamo kutó betámó ditu beterapó. Ti noatepae, diaaq kisipa tiki tiratere alané betą dią mo diriyóló beteranérápó.

2

¹ E dią beterepaae waai kisipa muateleti, take yało dią deteraayóló foné supa, diaaq hosaa tuamó seke su yale kaae, momó yaqsóro taaralepó.

² Ti noatepae, yałotamo dią foné sóro só deróló sekei kisipa mulatepa, ti e həkese yaaitere alamo, né eraaloé?

³ Yało diąpaae aseyaleteti, e dią beterepaae wale sukamó

həkesei ala eraai yale so whinētei, epaae doasi sekei ala eraqsóro yalepó. E tuamó mole hai diaaqkélé saai kisipa mutu, yało dere fo mo wosóló sya fenérápóló kisipa tiralepó.

⁴ Ti noatepae, yało diąpaae asețuraalu, hosaa tuamó doasi dekeýóló wole dua yalepó. Ita, dią dele sóro hosaa supu yópóló dumitei, yało diąpaae mo turó yaala sókó fole ala kisipa yópóló dapó.

Dowi ala yale whinē ama dowi ala kwia hałe kemerae yale fo

⁵ Whi me dené me whi hosaa tuamó sekei ala erélipa, ti e maaté hosaamó sópóló ini, dią feapaaekélé eralepó. Aita dowi alatei, mo ti doróló aluratere ala meipó.

⁶ So whi feané ai whi foné sóro haleraleteti supa, mió momó ini taalae.

⁷ Ai whi a seke duraalu mo ti haepaae derepaqsóro ama yale dowi ala kwia tani, me ęla meipóló kisipa keteróló, a tao sóro ketekę bulóló fo wisitei yae.

⁸ Atéro diąné yaala sókó fole ala ama kisipa yópóló, apaae haķeamó yae yóló diąpaae i dere ape.

⁹ Yało diąpaae yae yale fo fea diaaq wisiyóló wosóló sya fuléro kaae kelaai kisipa mutu aseyaleteti.

¹⁰ Diąnétamo me whinē dowi ala kwia tani kisipa keteratepa, ti yałokélé ai whinē yale dowi ala kwia

tani, haḷe kemeratapó. Ai whjné me dowi alatamo itikimó, ti diḷa wisiyóló beteropóló tao saairaalu, yaḷokélé Kerisoné keletómó kemeralepó.

¹¹ I dere fota haḷe mei, Satan-né dilikóló ḷané dere ala doraqsóró dapó. Ti ḷata, haḷe mokḷeyaayóló bitini, Satan-né so whj doraai dilikitu betere ala ḷané mo kisiparapó.

Talené ama yóló muló betere fo wisi tuḷmó ama kae ere deḷ faanapó

¹² E Troas bemó betere so whjpaae ḷa teteróló kaae tare whj Kerisoné fo wisi yó melaai felemó, ai fo yó melópóló Talené te doasi muló betepa kelalepó.

¹³ Aimó kutó diyaai yaleteti, yaḷo no Taitus bitinire betené yaḷo hosaa muni derepéni kisipa sekḷetepa, ai so whjpaae kḷeó fomaaté yóló e Masedonia hae kwia-paae felepó.

¹⁴ Tépatei ḷa Keriso tuḷmó betepa, Kótóné ama bóe whj dóló teteróló sale ḷapóló betere dokḷ haḷeamó ḷeḷesetamo dapesó fu betera-pó. Atétere alané me ḷa felé kḷeaa wisi woutere kaae, Kótó a etei kaae Tale betera-póló so whj feapaae yó mótu betera-pó. Atéreteimó, Kótópaae mo kée du betenárapó.

¹⁵ Kerisoné Kótópaae haḷe matere ḷa tuḷmó sókó wale kḷeaaata ti dapó. Ti ai kḷeaaata, aluyaqsóró tao sere

so whjpaae kélé, sukóló mo ti aluyaaire so whjpaae kélé wou betera-pó.

¹⁶ ḷa i fo yó matere whjrapeta, mo ti alu du betere so whjné kḷulumumó ti sini ḷa kḷeaa kaae wóo, aluyaqsóró Kótóné tao su betere so whjné kḷulumumó, ti mo betere felé kḷeaa wóo, du betera-pó. Atei kaae hapólui ala mé whjné sumó enére?

¹⁷ So whj feané *moni* saai kisipa mutu, Kótóné fo yó mótu dere kaae, ḷané dumipó. Ai ala ini, Kótóné keletómó ama doteyale whj ayyóló Keriso tuḷmó bitu, mo wisi kisipatamo mo fotóro yó mótu betera-pó.

3

¹ ḷanétei ḷa yó matere whjpoló dukiraterere fo momó yaai dapóló de? Ó ḷata etei kaae so whjpoló kisipa yópoló aseyóló matepa só fole whjrapené dere kaae ḷané de? Mepaae whjrapené dere kaae, ḷa etei kaae whjpoló yópoló, aseḷkó eróló diḷapaae yó melaai, ó diaaḷ ḷa melópóló wosetere nisi de?

² Aita ti diḷatóro iru, ḷané hosaa tuḷmó aseḷreteiné so whj feané kolóló dosānérapó.

³ Diḷata, ḷa teteróló kaae tare whj Kerisoné aseḷreteiné diaaḷ du betere ala so whjné kilituraalu, ita Pol-sépiné diale kutómó oleyale dupóló ḷakearatapó. Aita mo aseḷtere weiné ini, mo ti betó tare Kótóné Kepe Wisiné eró

beterapó. Ai așeta, mo kane fake tó mó ini, so whinė hosaa tuamótó ró erapó.

⁴ Ai ala erémólópóló tuę tamo muluraalu dumi, Kótóné keletómó đạ tẹteróló kaae tare whị Kerisoné đạ fotokọratepa, mo ere alató ró halaainé dapó.

⁵ Ai alata, đạnétei kaayóló ipakó, đạné yalepó fo enénipó. Aita, Kótó ả tuamó ere alané đạ sụratepa du beterapó.

⁶ Ti Kótóné ama kutó diratere whị bitu, ama so whị tao saalopóló mulale dirii kisi fo erópóló, ama fotokọ đạpaae mo sụralepó. Ai fota, așené ini, Đẹi Kepe Wisiné eró beterapó. Ti noatepae, așere foné đạ dóló sukunateretei, Đẹi Kepenéta, đạmó mo ti betere bete mótu beterapó.

Kale kisi fo tuamó ama mo kae ere đẹ wisinaale fjanapóló ere fo

⁷ Take Moses-né Kótóné ala eróturaalu, kane fake tó mó așeyale fo yó malepó. Ai foné so whịpaae sukutere alatei eralepó. Ai alata, đẹ wisinaaletamo weipakalepó. Ai đẹta, alu deté faaipatei Moses-né kelepaa đẹyó faleteiné, kele detẹliru Israel fake so whinė ama kelepaa diriyóló kilini ipakalepó.

⁸ Mió Đẹi Kepe Wisiné erótu betere alatamo wale đẹné take ai alatamo wale đẹ mo ti bosenó bitinipóló de?

⁹ Kale tukóló muló betere fo sya furaalu du betale alané, so whị fea taleyóló só

deró beterepó. Ti ai alata, Talené đẹ wisinaaletamo weipakalepó. Téyaletei, mo donoí so whịpó dere ala tuamó wale đẹné kale folosó ró wale đẹ mo ti bosenó beterapó.

¹⁰ Ti take alatamo wale đẹ kolósu, mió ere alatamo wale đẹ kolósu depa, mió ere alané đẹ mo doasi ereteiné take wale đẹ hẹle ọla kaae aqró beterapó.

¹¹ Take mo hẹleke sukamó maate yóló alu deté fele alata, đẹtamo walepó. Téyaletei, mo ti deté fu betaaire alatamo wale đẹta, mo doasipó.

¹² Take nalopaae đạ atei wisi ala tuamó betaalopóló kisipa mutu đạ wini, halaainé Talené ala i erótu betere ape.

¹³ Moses-né kelepaa mó ere đẹ alu deté foletei, Israel so whinė kelaqşó ró, kutiné husuró tua ipakalepó. Mió đạné ai yale kaae enénipó.

¹⁴ Tépatei, take atimané kutiri hapólu ipakalepó. Atére kaae, take atimané kutiri husirale kuti miókélé hẹle iru, take tukóló mulale fo dosąatepakélé, atima tuę hapólutó ró yó tarapó. Ai husiró betere kutita, mené đẹae faranénitei, Keriso tuamó betere alané betạ đẹae faranérapó.

¹⁵ Mió i alimókélé, Moses-né așere fo dosąatu betepatei, atima kisipa tiki hapóluru, hosaakélé hẹle tẹre alata, kutiné kelepaa husuró betere kaae erapó.

¹⁶ Tépatei, mepaae so whị

de Talepaae kisipa feteyóló wapa, ti ai husiró betere ala kuti kaae ðaae fótu beteraþó.

¹⁷ Tale aþa, mo Kepetóró beteraþó. Talené ama Kepe betere tikimó me alané dokoni, teraae fóló haþe beteraþó.

¹⁸ Mió kutiné kelepaa husirénire so whi ðapaae Talené ama ere ðe wisinaale erótu beteraþó. Ai ðe ðané kaae tapa, ti mepaae so whiné ða tuamó ai ere ala kelenéraþó. Tétu, ðakélé Talené ama aso kaae beteraþóló, ama wisiraté fu beteraþó. Ti ai ðe wisi erótu betere Kepeta, Tale aþórótípó.

4

Mo haené aleale wutimó doasi ke bole ɔlarape derapóló ere fo

¹ Atérené, Kótóné ama ða ɔleturaalu, tao sóró melale kutó hýyóló taaréni, haþe dirótu beteraþó.

² Atéturaalu, kikiti kinóló dere alakélé, enénire halei alakélé, kapala dilikitere alakélé, Kótóné fo doróló wératere alakélé, ðané mo dumípó. Ai ala ini, Talené ama mo fo yó mótu beteraþóló, so whiné hosaamó sóþóló, Kótóné keletómó mo haþeamó erótu beteraþó.

³ Ðané i yó mótu betere fo wisitamó mepaae so whiné wosaairetei hapóluyóló husuró betepa, ti aita mo ti aluyaaire so whi ai ape.

⁴ Ti mió i alimó teteróló kaae tare kapala kótóné Talepaae kisipa tiki tirénire

so whiné ai fo wisi tuamó ere ðe wisinaale kelaþsóró, atimané kisipa hapóluróló husiraleþó. Ti aita haþe mei, kale fo tuamó Kótóné aso kaae betere whi Kerisoné ere ðe wisinaale kelaþsóró erapó.

⁵ Ti noatepae, ðané i yó mótu betere fota, ðatei doi sóró horótu dumi, Yesu Keriso a Talepóló ama doi sóró horótu beteraþó. Atérené ða Yesuné ala eróturaalu, ði tao sóró diaaɔ kutó diratere whirape i betere ape.

⁶ Ti noatepae, “Diliki tuamó ðeyó fae,” yale Kótónétóró ðané hosaa tuapaae ðeraleþó. Ai ðeta, ða teteróló kaae tare whi Keriso aþóró ereteiné ðané a kaae tapa, ti Kótóné ama ere ðe wisinaale kisipa enéraþó.

⁷ Téþatei, ai bope deté wale ke bole ɔlarapeta, mo haené aleyale wutirapemó deró beteraþó. Ti fea ala ða tuamó kaayóló dumi, Kótóné ama fotokɔ ða tuapaae sɔratepa ðapóló, so whiné kisipa yóþóló erapó.

⁸ Kotere tiki dokɔ sekei ala ðapaae erótu betepatei, ai alarapené ða haepaae deróló, mo ti só derótimpípó. Ða noa ala yaalorópóló ɔló ɔló epatei, ðané kisipa mo ti fomaake inipó.

⁹ Talené ala erateremó, ðapaae susupui ala erótu betepatei, Talené ða taaló bitini, tao su beteraþó. Mepaae so whiné ða só deróló dorótu betepatei, mo ti dorótimpípó.

10 Yesu ą kepaaróló beteriale fotokọ dą tuámó mupa so whị feané hąkeamó kolópóló, ą sukąle ala dąné tikimó mupa kutu beterańó.

11 Ti noatepae, sukuni dą betere whịrape Yesuné ala erateremó dą dóló aluranéńatei, ama betere bete dąné mo tó tikimó mupa so whịné hąkeamó kolópóló, yó maté kutu beterańó.

12 Ti Talené ala erótu betereńeiné sukutere ala dą tuámó mupatei, dią tuámóta, mo ti betere bete moleteńeiné dią mo beterańó.

13 Aşemó i fo erapó.

“Talepaae kisipa tirale betené yąlo ai fo yaleńó.”

Ai fo yale whị ą kisipa tiki tirótu yale kaae, dąkélé atéru, diąpaae i yó mótu betere ape.

14 Tale Yesu kepaarale sekéńé ą kepaarótu yale kaae, dąkélé kepaaróló ą betere tikimó ątamo touróló betámó beteraalopóló kisipa mutapó.

15 Dąné dią tao su betere alata, dią mo wisiyóló betereńóóló kisipa mutu du beterańó. Até dereteńeiné, Talené so whị hamokoróló hąle tao siré fóló, mo ti fakeraalopó. Atéturaalu, ai so whị atimanéńemo, Kótópaae mo kée dere fo dekéro yó tapa, ti mo kae dę faane Kótóné doi doasi saalopó.

16 Atéyaalopóló kisipa mutu, dąné ditere kutó fomo duraalu taaraalomeipó. Dąné mo tó tikita, do deté fu betereńeiné, dąné kepe tuąpaae

ti betere dokọ kisi whị aleraté fu beterańó.

17 Ti noatepae, dąpaae erótu betere sekeńi alarapeta, hąleke sukamó maaté muaaireńeiné dąné şumó belenéńapó. Ai sekeńi alarapenéńei, take nalo mo ti muó tawaaire dę wisinaale dąpaae eraalopó. Ai eraaire ala wisi kolósu, mió su betere sekeń kolósu depa, mo hąle ọla ańrapó.

18 Atéreteńeiné dąta, dąné kelené kelere ọla kaae tani, kelenire ọla kaae tarapó. Ti noatepae, kelené keletere ọlata, mo hąleke sukamó maaté muaalotei, kilinitere ọlata, ti mo hąle muótóró tawaalopó.

5

Dą mo ti betaaire be hepenmó erapóló ere fo

1 I haemó dą betere kapala furu be fisikó fupa, ti me ọla meipó. Ti noatepae, mo ti be Kótóné dąmó hepenmó ńenó beterańó. Ti ai beta, mo whịné naasené ńenipó.

2 Ai bepaae faai dą i haemó hąle bitu, mo kuti derótu dere kaae, hepen bemó ńene be atéro derąnée yóló doasi kisipa mutu beterańó.

3 Ti atei kuti deratere be demó, mepaae whịné dą tiki daapi hąlepa kelaalomeipó.

4 Dą i haemó kapala furu bemó bitu, sekeńi ala beleté furaalu, i be taaróló fenée yóló doasi kisipa mutu beterańó. Ti dą daapi hąle betaai kisipa muni, dą betaaire hepen beta, kuti derótu dere

kaae derané du beterapó. Téturaalu, mo ti betere alané sukutere ala ɔla kaae nó deróló, ama tikitóro alée faalopó.

⁵ Kótóné dā atéro aleyóló beteró betereteita, ti i bope yale mo ti betaaire tiki wisi saalopóló kisipa mutu erapó. Ti aita, nalopaae eraaire ala mo turó saalopóló kisipa muópóló, Kótóné dāpaae Dēi Kepe Wisi melalepó.

⁶ Térené, dā i haemó mo tó tikitamo hāle bitu, Taletamo betāmó bitinipó. Atépatēi, take nalo Taletamo betāmó betaaire ala dāné diriyóló kisiparu whaaliani, betere dokó dāné kisipa tiró beterapó.

⁷ Dā mió i betereteita, kelené keletere ala sya furaalu ini, tué tiki tiratere ala sya foleteiné beterapó.

⁸ Dā i daale tiki taaróló, Taletamo betāmó betaaire kisipa mupatei, ai ali sókó waii teópa, dā wisi kisi-patamo kaae taté fu beterapó. Ti nalopaae ai ala mo eraalopóló kisipa mutu, dā halaainé beterapóló i dere ape.

⁹ Térapa, dā i betere tikimó ó kae tikimó betepakélé, me ɔla meipó. Ti Tale ą kisipa felé yaaire ala betā dāné doasi keteke buóló du betenérápó.

¹⁰ Ti noatepae, dā teteróló kaae tare whi Keriso so whi taleyaai betere tikimó betepa, dā so whi fea taleyópóló, betā betā yóló daaneta yaalopó. Atépa, dāné yale ala fea hākeamó

taleyaalopó. Atéturaalu, dā mo i tiki daayóló bitu yale wisi alamó, ti wisi dupu melóo, hōko yale alamó ti dowi dupu melóo, yaalopó.

So whiró Kótótamo bóe fióló betāmó beteratere ala

¹¹ Térapa, so whi feané du betere alamó Talené kwia melaairetei hāsókó feni, mo yaalopóló dā wituraalu, so whipaae dowi ala taaróló, tué tiki feteyae yóló, dotopo du beterapó. Ti dā betere alata, Kótóné mo hākeamó kelerapó. Atére kaae, diaaǫkélé dā etei kaae whi beterapóló diriyóló kisipa eranée du beterapó.

¹² Dāné diāpaae i dere fota, diaaǫ dā dukirópóló dumitei, dāné du betere ala kilitu, diā hai yópóló dapó. Tétu, hosaa tuamó ere ala kilini, tó tikimó ere ala kilitu betere whirapené dā erateremó, atimapaae tokó melaaire fo i dere ape.

¹³ Dātamo topo doyóló keyaa fole whirape aǫpa, ti Kótóné ala eróturaalu dapó. Motamo wisi kisipa mole whirape aǫpa, ti diā tao saairaalu dapó.

¹⁴ Dāné i du betere ala feata, Kerisoné ama yaala sókó fole ala wisiné dā keteke bulatepa dapó. Ti noatepae, so whi mo fea tao saai betā whitóro sukālepó. Téturaalu, ama so whikélé fea ątamo betāmó sukālepó.

¹⁵ Ti so whi fea tao saai ą sukāle alata, betere so whi maaté wisiyóló betaaire ala

ini, atima tao saai sukóló kepaayale sekéné ama kisipa mole ala betə erópóló yalepó.

16 Atérené dā mió i alimó kaae sóró bitiré furaalu, mepaae so ó whi i haemó mole kisipa sya fóló, etei kaae so whi beterapóló dané tale dumipó. Ti taketa, dané i haemó mole kisipa sya fóló, dā teteróló kaae tare whi Keriso atéró tale yaletēi, mió dané momó kae dumipó.

17 Téra, mepaae so whi Keriso tuámó betēpa, ti ai so whi Kótóné kisi kaaróló beteró beterapó. Atétere alata, take betale ala mo ti kemeróló, mió kisi ala tuámó ai betere ape.

18 Atéró beteratere ala feata, ti Kótó beteremó kaayóló walepó. Daró Kótótamo bōe du betaletei, Kótóné Keriso sukópóló maletēiné bōe firóló touralepó. Atére kaae, mepaae so whikélé Kótótamo bōe fiyóló dua betere ala dāpaae malepó.

19 Aita hāle mei, i haemó betó mole so whiné Kótótamo bōe du betēpa, Kerisopaae erale alané atima yale dowi alamó Kótóné kwia melaai yaletēi taaróló, bōe firalepó. Tétu, Kótóné so whitamo bōe fiyóló betámó beteratere fo yó maté kwēyópóló, dā sóró beteralepó.

20 Atérené, mió dā Kerisoné ama fo eratere whirape i betere ape. Diā so whi Kótónétamo bōe fiyóló touyóló betaaire fo ama dāpaae yaalopó yale kaae,

“Kótótamo bōe fiyóló betae,” yóló Kerisoné doimó dané diāpaae dirii ma fo i dere ape.

21 Yesu dowi ala inire whitei, Kótóné a dowi ala dere whi aqralepó. Ti aita hāle ini, dā Yesu Keriso tuámó betēpa, Kótóné ama so whi donoraaire ala dokonótu, dā mo donoi so whi aleróló beteralepó.

6

1 Dā Kótótamo betámó ama kutó diratere whi bitu, diāpaae Kótóné hamokoróló hāle tao sere ala eratepa, ai ala hāle ɔla kaae dēpaae mulaşóró, diāpaae ma fo i dere ape.

2 Ti noatepae, ama i fo dapó.

“So whi yālo hāle hamokoróló tao sere alimó diaaɔ epaae tao sae dere fo yālo mo wosóo, diā aluyaşóró tao saai tukóló mulāle be dēmótóró yālo diā tao sóo yalepó,” erapó.

Yālo diāpaae mo i dere ape. Mió i sukamóta, so whi aluyaşóró Kótóné hamokoróló hāle tao su beterapó. Ai ala yaaire be dē me kae mei, mo miótóró i ape.

Pol doasi sekē sale fo

3 Dané so whi tao saai erótu betere ala mepaae whirapené bete muni, hōko ala nisiyóló faletu só deraşóró, mepaae so whi Kótópaae waaire tū sesé yóló dée nalatere ala dané mo dumipó.

4 Aténi, dā Kótóné kutó diratere whi bituraalu ditu betere kutó diaaḡ kolóló, i whirapené mo donoi ala dapóló kisipa yaasepóló i dapa wosae. Ita doasi depe tukó wei kutópatei hāle diyó taruraalu, sekēi alakélé, ɔla ɔla yaḡḡterere alakélé, whaaliala dere alakélé, wou betepatei ḡané hāle belée tarapó.

5 Dā kotere tiki dokḡ fea doasi foya dere alakélé, dóló susupuratere alakélé, *dipula* beteratere alakélé, erótua dapó. Dā nokekélé wisiyóló fini, wotetamotei doasi depe tukó wei kutó hāle ditu beterapó.

6 Atétu, dā me dere dowi alatamo hoseké ini, mo donoi kisipatóró muóo, bete mole ala mo wisiyóló kisipa yóo, me whipaae seḡtere ala ini, wisi kisipatamo naameiné mo dua kaae taté fóo, du beterapó. Tétu, hosaa turóné yaala sókó fole ala yópóló, Deḡi Kepe Wisiné dā fotokḡ eratepa, ai ala diḡ so whi feapaae erótua dapó.

7 Kótóné fotokḡtamo mo fotóró duraalu, fō wisi yó mótua dapó. Tétu, Kótóné so whi donoratere alata, bōe dele whiné turu naasené tḡ tawóo, fē naasené wuti tawóo dere kaae iruraalu, ai donoi ala ḡané tarapó.

8 Mepaae whiné ḡané ditere kutó kilitu dā dukiróo, mepaae whiné ti eratere fo yóo, dua dapó. Mepaae whiné ḡané ditere kutó dorapóló mepaae so whipaae yóo, mepaae whiné ti mo wisi

kutó ditu beterapó yóo, dua dapó. Dā mo ala dere whi betepatei, mepaae whiné ti dā kapala atima dilikitere whirape aḡrótu beterapó.

9 So whi feané dā kisipa epatei, dā teó kisi wale whirapepaae eratere ala kaae dua dapó. Dā mo felekemó sukunépatei, hāle bitiré fu beterapó. Dā fokosói ala yóló susupu eraletei, mo ti dóló sukunénipó.

10 Dā dekené sukutu betepatei, betere dokḡ hēkese yó tarapó. Dā fea ɔla ɔla munire whirape betepatei, ḡané du betere alané so whi fea néli whi beterótu beterapó. Dā ɔla ɔla munipatei, fea ɔla mole whirape beterapó.

11 Korin bemó betó mole no nerape-ó, diḡtamo ḡané hosaa mo turó muluraalu, ḡané mole kisipa mo fea diḡpaae hākeamó ai yale ape.

12 ḡané diḡpaae yaala sókó fole ala ḡané tao tani, mo turó erótu betepatei, diaaḡ ḡapaae yaala sókó fole ala ti kinóló tao tarapó.

13 Diḡ yaḡo naale senaale kaae betereteiné, diaaḡkélé ḡapaae hosaa mo turó muóló, yaala sókó fole ala u mótu i mótu yaasepóló, yaḡo diḡpaae i dere ape.

Kisipa tiró betere so whi tirénire whitamou touyaḡse ere fo

14 Diḡ Talepaae kisipa tiró betere so whirape kisipa tirénire so whitamou touyóló, dere ala fea betámó yaḡse.

Ti noatepae, donoi ala kolósu, dowi ala kolósu depa, betā ala ere? Ti demó kotere so whīró dilikitamo kotere so whītamō netéró fulumu enére?

¹⁵ Dā tēteróló kaae tare whī Kerisoró dowi keperape tēteróló kaae tare kepe Belialtamo touyóló betā kisipa muaaloé? Tué tiki tiró betere so whīró, tué tiki tirénire so whītamō betā ala ere?

¹⁶ Kótóné doi hale horóló moma dere beró kapala kótó suróló aleale ɔlarapetamo mo betā ala erapóló kisipa mute? Ti noatepae, dā Keriso so whīta, mo ti betere Kótóné momatere be tēnapó. Ai yale fo kaae ašemó Kótóné i fo erapó.

“È atimatamo betāmó bitu, atima fole tikipaae ɛkélé faalopó. Tétu, ɛ atima tēteróló kaae tare Kótó betóo, atima ti yało so whī betóo, yaalopó.”

¹⁷⁻¹⁸ Mo doasi fotokó bole Talené i fo dapó.

“Ai so whītamō hosekéro beteretei taaróló diā kaae betae. Atéru, mepaae naqse yóló fo mulale ɔla mo olaayaqse. I dere fotamo diaaɔ sya fupa, ti yało diā dape saalopó.”

Mo doasi fotokó bole Talené i fo dapó.

“È ti diaaɔ Aya betóo, diā yało naale senaale betóo yaalopó,” erapó.

7

¹ Hosaa mole no nerape-ó, Talené dāpaae ai wisi alarape

eraalopóló muló betere fo hałe mulapa, kae kae dowi alané diaaɔ tiki ó kepe doraqşóró, ai kaae dowi ala tuamó hosekéro bitini, tika kae betaalopa sae. Atéro Kótó kolóló wituraalu, ɔ aqmó sukóló bitiré fóló, Talené ama mo kae ere wisi ala maaté eróló, mo ti fakeraté fu betae.

Pol haıné sukale fo

² No nerape-ó, dāpaae diaaɔ hosaa munire aɔrapa, mióta diāné dāpaae hosaa mutere ala yaasepóló i dere ape. Ti noatepae, dāné mepaae so ó whīpaae me dowi ala eréni yóo, dāné du betere alané atima mepaae so whī dée naaire tı munéni yóo, dāné dere ala diaaɔ tokóló yópóló, ó diāné mepaae wisi wisi ɔla saai diā dilikini yóo, yalepó.

³ Yało i dere fo diā só deraai kisipa mutu dumipó. Yało take yale fo kaae diāpaae dāné hosaa mo turó moleteiné dā tekeni diā sukutepa ó betepa, ti dā fea betā alatóro du betenérápó.

⁴ Diaaɔ yało i dere fo wosóló, mo sya faalopóló kisipa mutu ɛ whaalıa ini, bopé fake yóló haıtu beterapó. Kae kae sekę dāpaae wou betepatei, diā Talepaae tué tiróló wisi ala hałe yó tareteimó, ɛ haı yóló wisi kisipatamo Talepaae yało mo kée du beterapó.

⁵ Dā Masedonia hae kwıapaae wóló bitu, Talené ala eratepa mepaae whıne dāné dere ala yaqşóró tı

fea mo seséyalepó. Atétu, mepaae wh̄irapené d̄atamo bóe dóló h̄ole sóo, d̄ané kepe tūapaaekélé, wituraalu whaalia yóo, yaletéiné d̄ané tiki s̄aa nalóló bitinipó.

6 Téyaletéi, Taitus d̄a beterepaae wale alané, fo-moyóló haepaae doropole so wh̄i tao sóró ketek̄e bulótu betere Kótónétei d̄a tao sóró haj̄ dere ala eralepó.

7 Ai alané maaté mei, diaā ā tao sóró haj̄ dere ala eratepa, amamo d̄apaae ene waleteiné d̄a tao sóró haj̄ eralepó. Diaā ̄ ke-lenée du betereiteikélé, diaā h̄asókó fóló yale alamó d̄iané hosaamó su dekené sukutu betereiteikélé, ̄paae erótu betere alamó diaā whaalia du betereiteikélé, fea d̄apaae ene walepó. Ai fo wosetu, ̄ tuamó haj̄ dere ala mo turó f̄ayalepó.

8 Yalo d̄iapaae anale ašémó ere fonétamo d̄ia dekei kisipa moipa, yalo atei kaae fo noatepa yaleé? yóló kisipa mutumipó. Taketa atei kisipa mo muatei, mió ̄ haj̄ kisipa mutapó.

9 Ti ai haj̄ta d̄ia deketere alamó ini, ai fo dos̄aturaalu d̄ia sawa sukamó maaté hosaamó sóró dekeyaletéiné yalepó. Atéteremó d̄ia donoi tūpaae fole kilitu, ̄ haj̄ du beterepó. Ti noatepae, d̄iané deke yale alata, d̄ané yale foné d̄ia mo ti doréni, Kótóné ama kisipa mole ala eraleteiné tū wisipaae feletei kisipa muae.

10 Kótó tuamó kaaróló wale deke dere alané dowi ala taaróló, Talepaae kisipa fetetere ala eratapó. Atéturaalu, kisipa fetetere alané, ti aluyaqsóro tao sere ala kaaratapó. Take dekei kisipa muatei, yalo mió kisipa fatepa, mo donoi ala ereteiné Talepaae mo kée du beterepó. Tépatei, i haemó kaarale dekei alané ti sukutere ala kaaratapó.

11 Kótó tuamó wale dekei alané d̄ia tūapaae erale alarape i ape. Kótóné ala eraai butere ketek̄ekélé, me dowi ala inipatei, h̄ale só deratere kapala fo so wh̄iné mo nisi yaqsóro, ketek̄e buóló h̄akearótu betere alakélé, dowi alatamo fopaae butereiteikélé, mené d̄ia doraqsóro wisiyóló kele muló betere alakélé, d̄ia d̄atamo betenée du betale alakélé, so wh̄i wisiyóló beterepóló ketek̄e bulótu betere alakélé, mené dowi ala deretei h̄akeamó kemerópóló, donoraai bole ketek̄ekélé, kale deke dere alané eralepó. Yalo ašémó yale forape diaā dos̄ayóló ai fo mo wosóló s̄ya feleteiné mió d̄ia tuamó yalo foné saai dere ala muniretei h̄akearalepó.

12 Take yalo d̄iapaae ašémó yale fota, dowi ala dere wh̄imó kisipa mutu, ó ai dowi ala eratere wh̄imó kisipa mutu inipó. Tényi, Kótóné keletómó d̄ané dere fo mopóló wosóló eraaire ketek̄e diaāq̄tei kisipa yópóló

yalepó.

¹³ Ai alarapené dā mo tao sóró ketekē bulalepó.

Ai ketekē tómó diā feané Taitus-né ama kepe tuāpaae felératere ala eraleteiné ā mo haġtamo fesaae wale ala kil-itu, dākélé mo doa haġyalepó.

¹⁴ Yaġo diā dukirótu āpaae yale fo motóró dokonótu, ā wisiyóló dape saleteiné ē hale ini, feléi kisipa mutapó. Dāné diāpaae yó matere fo fea motóró du dere kaae, dāné diā dukirótu Taitus-paae yale fo ama mo irapóló kisipa yalepó.

¹⁵ Taitus aipaae wapa diā winé sukutu diri furu furu yóló, naameiné diaaġ ā mo wisiyóló dape salepó. Take ama atéro ene wale fo diaaġ mopóló kisipa mutu wosóló, sya fele ala mió ama kisipa duraalu, diāpaae yaala sókó fole ala mo ti faġtapó.

¹⁶ Yaġo i dere fo fea diaaġ wosóló mo eraalopóló, yaġo kisipa tiróturaalu, ē mo doa haġiné sukutapó.

8

Haġtamo ġale matere ala yópóló ketekē bulatere fo

¹ Ne norape-ó, Masedonia hae kwiamó tē mole be hulu-amó betó mole Keriso fakerape Kótóné hamokoróló ġale tao sóró male ala diaaġ kisipa yaasepóló i dere ape.

² Ti ai so whġ atima ġaae kelaai mepaae sekē wou betaletēi, ġekesetere ala mo turó faġyóo, mepaae ġla ġla ó *moni* meiyóló yoleale betóo

epatei, atimamo hamokoyóló *moni* mo dekéro deralepó.

³⁻⁴ Atéro mo dekéro derāleta yaletēiné sókó faai yale dāle mo ti bosene felepó. Aita, atima ġleaanétei Judia hae kwiamó Kótóné kae betero betere so whġ tao saai kisipa mutu, mepaae so whġné hamokoróló ġale derale *monitamo* touróló, atima mole ġlakélé haġtamo deraai kisipa mutu, melaaire tē mulae yóló dāpaae dotopoi fo yalepó. Ti aita, so whġ hamokoyóló ġale tao suraalu yale alapóló, yaġo diāpaae i dere ape.

⁵ Dāné kisipané atima sumó enérapóló kisipa muale ala mo ti bosenóló, atimané yaai dere alakélé, ġla ġlakélé, betere betekélé, fea Talené naase tuāmó mulalepó. Atéro nalo ti atimakélé dātamo touyóló Kótóné kisipa mole ala eraai yalepó.

⁶ Atérené, Korin bemó betó mole so whġ diāné ai ala yópóló, Taitus ā diā beterepaae fae yóló seġyalepó. Ti aita, Taitus-né ama taketi kaae sóró diale kutó ereteiné, mió ā diā beterepaae wapa, Talené hamokoróló tao sere ala diaaġ eróló mo ti kemérópóló yalepó.

⁷ Térapa, diaaġ tuē tiki tiratere alakélé, fo wisi yó matere alakélé, mo bete mole ala kisipa dereteikélé, mepaae ala eróturaalu, doasi ketekē bole alakélé, dāpaae yaala sókó fu betere ala alakélé mo wisirapó. Atétere kaaetóro hamokoróló tao suraalu, atéro ġale matere

alakélé mo wisiyóló yae.

⁸ Yálo i dere fota, diápaae i ala yae yóló dumi, Masedonia whirapené mepaae whi tao saai butere ketekę kolósu, diaaę butere ketekę kolósu yóló, dią tuámó mo yaala sókó fole ala muluraalu, déró kęaae kelaai dapó.

⁹ Ti noatepae, da teteróló kaae tare whi Yesu Kerisoné hamokoróló tao sere ala diaaę ai kisipare ape. Ti ą doasi néli whi betereitei, dią tao saai kisipa mutu, yoleale whi alée feleteiné dią néli whi beteralepó.

¹⁰ Diąné yaaitere alamó kisipa mutu, diápaae yálo kisipa matere fō i dere ape. U kemeyale ba fomó mepaae kae kae be hulua Keriso fake so whinė *moni* deraaipa, diaaępi folosóro deróo yalepó.

¹¹ Diaaę atéro diale kutó ketekętamó kaae su yale kaae, miókélé ai alatóro deté fóló kemerae. Atéro melaai kisipa mutepa, ti diaaę mole sutoró melaie.

¹² Diaaę mole sutoró wisi kisipatamo matepa, ti Tale ą hękese duraalu, ama kisipa feléyaalopó. Mepaae whinė melaaitere ęla munipa, ti Talené me ęlakó menipóló dei kisipa muaalo meipó.

¹³ Dąné kisipané mepaae whirape atima ęla ęla mo dekéro muluraalu, dią sawa tėti moleteiné sekę tuámó beteraai dumi, fea betę alatóro yóló betaai i dere ape.

¹⁴ Mió dią ęla ęla mo dekéro moleteiné, atima yąąterere

ęla diąné melóo, nalo diąmo yąątepa atimané dekéro moletei dią melóo yópóló dapó. Atéro u tao su, i tao su depa, ti mo fea betę ala yólótóro betaalopó.

¹⁵ Atétere alata, ašemó i ere fo kaaepó.

“Mepaae mo dekéro sale whinė ęla buki muni feni, mo sümótóro nóo, mepaae mo tóroti sale whi wote ini, mo sümó nóo, yalepó,” erapó.

Taitus Korin bepaae doteyale fo

¹⁶ Yálo dią tao sópóló, ę ketekę bulale Kótóné Taituspaaekélé ai kaae ala eró betepa, Kótópaae yálo mo kée du beterapó.

¹⁷ Atéreteiné, ą dąné fae depa waalo meitei, mo taketi dią beterepaae waai du betaiteiné waalopó.

¹⁸ Dąné no whi betę Taitustamo wópóló dotonatapó. Ai whița, mió wosetere fo wisi erateremó, Kótóné kae betéro betere so whinė dukirótu beterapó.

¹⁹ Ai ala maaté mei, kale hęle melale *moni* sóro, dątamo Judia hae kwiamó betó mole so whimó male fópóló, Kótóné kae betéro betere Keriso so whinė ą sóro beteralepó. Atéro hęle matere *monita*, Talené doi sóro horóturaalu, ai so whi tao saaire ketekę kolópóló kisipa mutu, dąné hotowayóló teteróló kaae tawaai dapó.

²⁰ So whi tao suraalu, hęle melale doasi *moni*

dapaae diaaḡ hotowaró kaae tani, ḡlémi serapóló mepaae wh̄iné dḡ eratere fo yaḡsóró kisipa mutu dapó.

²¹ Ti noa betené dumipó. Talené kekele tómkélé, mo so wh̄iné kekele tómkélé, ḡané du betere ala mepaae wh̄irapené kilitu, mo donoi ala dapó yópló kisi mutu, hotowayóló kaae tarapó.

²² ḡané no me wh̄ikélé atimaamotamo dotonaai dapó. A kḡae kelalemó, mepaae ḡané yae dere ala fea ai sekéné mo ketekétamo dua yalepó. Diaaḡ mo wisi ala yaalopóló kisipa mutu, ama take bole keteké tómké miókélé ḡ Talené ala eraai mo doasi keteké bulapó.

²³ Taitus ḡta, ḡtamo titiyóló kutó betámó diyóo, diḡ kuamó bitu betḡ kutó diyóo, dere wh̄i beterapó. ḡané no me wh̄i tamota, ti Kótóné kae beteró betere so wh̄iné sóró beteró beterapó. Mepaae so wh̄iné ai seké tamoné ditere kutó kilitu, dḡ tḡteróló kaae tare wh̄i Kerisoné doi doasi hale sóró horatapó.

²⁴ Térapa, Keriso fake so wh̄i feané diaaḡ yaala sókó fole ala ḡakeamó kolópló, ai sore wh̄irapepaae mó erae. Atétepa, ti diaaḡ dere alamó ḡané dukurótu betere fo mopó enérápó.

9

¹ Kótóné kae beteró betere so wh̄i tao sae yóló, deté wale fo wosóló, yaaire keteké diḡ bunipakó, ḡalo diḡpaae momó yaaloé.

² Ti so wh̄i tao saai diaaḡ bole keteké ḡalo mo wisiyóló kisiparapó. Diḡ ai ala yaai doasi keteké boleteiné take kemeyale ba fomó kaae sóró, diḡ dukiróturaalu, Masedonia hae kwiamó betó mole so wh̄ipaae diḡ Akaia hae kwiamó betó mole so wh̄imó ḡale melaaire *moni* deraai du beterapó fo ḡalo deté kwḡalepó. Ai fo woseturaalu, ai be ḡuluamó betó mole so wh̄i atimanékélé *moni* deraai hosaa tukalepó.

³ Diaaḡ ḡale matere alamó ḡané diḡ dukirótu betere fo bete muni nisiyaḡsóró, kale bope yale sore norapepi aipaae dotonatapó. ḡalo atimapaee, diḡ donoróló betepa kelaalopó yale fo diḡ tuámó motóro epa kolópló yae.

⁴ Ti noa yaḡsóró dumipó. Mepaae Masedonia wh̄irape ḡtamo wouraalu, diḡ donoróló bitinipa kilitu, ḡané diḡ dukirale fo kapala irapó deremó, ḡakélé diḡkélé mo doasi hale yaḡsóró dapó.

⁵ Téyaḡsóró, kale no-rape atimapi folosóro diḡ beterepaae dotonatepa wisirapóló kisipa mutapó. Ti noatepae, diaaḡ hamokoróló ḡale melaalopó yale *moni* deróló kemerópló kisipa mutu i dere ape. Ai ala depa, ti sḡteremó dei kisipatamo meni, wisi kisipatamo hamokoróló ḡale melaalopó.

Hḡle matere alata, kutómó ḡla wae dekeró bilitu dere kaae dapó

6 I dere fo wosóló kisipa muae. Mepaae whiné ɔla wae sawa tóróti bilitepa, ti ɔla sere alimókélé sawatóró saalopó. Mepaae whiné ɔla wae dekéró bilitepa, ti ɔla sere alimókélé mo dekéró saalopó.

7 So whi dokɔ beta beta setepa dei kisipatamo meni, atima kisipané meteró melaai depa, ti ai sutóró melópóló yae. Ti noatepae, hosaa tuamó hekesetamo matere whi Kótóné mo hekeserapó.

8 Atétu, Kótóné hamokoróló hale tao sere ala diapaae suratepa, betere dokɔ fea diá mepaae noa kaae wisi ala yaaí depa, ti me ɔla yayani, mo sumó enérapó.

9 Asemókélé i fo kaae erapó. “Ama wisi wisi ɔla yoleale yóló betó mole so whimó aliralepó.

Ama so whi tao sóró donoraterere alakélé kemeni, hale yótóró tarapó,” erapó.

10 ɔla waeró mo nokole bred otamo matere Kótóné diaaɔ biliyaaire ɔla wae fakeróo, ɔla ulumétepa dekéró sóo dere kaae, Kótóné so whi tao sóró donoraterere alané du wisikélé diaaɔ mo ti fakeróo yaalo ai ape.

11 Téturaalu, diaaɔ kae kae ala duraalu, mepaae so whi hamokoróló tao sópóló, Talené diá mo suraalo ai ape. Diané atéro hale matere ɔla danémo sóró kale yoleale so whimó matepa, Kótópaae atimané mo kée fo yaalopó.

12 Kótóné so whi tao sóró diaaɔ ai eraterere alata, atima yayaterere ɔla mótua dapó. Ai maaté mei, Kótópaae doasi kée dere fokélé wei kaae faayóló felée fu beterapó.

13 Diaaɔ atéro Talené ala eróturaalu, mepaae so whi tao sóró erótu betere ala mepaaené kilitu, ita Kerisoné fo wisi sya fóló aomó bituraalu, hamokoróló tao sere ala dapaaekélé, mepaae so whipaaekélé, eratepa kelae yóló, Kótóné doi hale horaalopó.

14 Kótóné hamokoróló tao sere ala diá tuapaae fanó betereiné Talepaae momaturaalu, atimané hosaa mo turó diapaae muóló yaalopó.

15 Kótóné hamokoróló hale meló betere ala wisinaale mo whiné etérapóló bete turó tokóló enénipó. Atéreteimó, apaae mo kée fo du betae!

10

Pol Talené kutó dirateremó kae kae eraterere fo yaleteti

1 E diatamo betamó betale sukamó, e fo kóló kóló yóló wire whi aqretei, kae tikimó bitu ti wini, halaaíné asetu beterapóló e eraterere fo ai du betere ape. Tépateti, Talené fo aomó sukóló betere alaró witamo naameiné dua betere alatamo Kerisoné epaae eratepa, e ai ala tuamó bitu, e Pol-né diapaae i yae dere fo wosóló, mo yaasepóló dapó.

2 Ti e diá beterepaae wale sukamó, mepaae so whiné

kisipané dā i haemó mole ala sya furaalu, Talené ala eraterere nisiyóló, dā eraterere so whi ę halaaainé foné saqsóró, diā miótitei donoróló betae yóló i dere ape.

³ Ti noatepae, dā i haemó hāle bituraalu dele bóeta, i haemó mo whiné dele bóe kaae meipó.

⁴ Dāné bóe dele ọla ọlakélé, mo bóe dele ọla ọla kaae meipó. Dāné bóe dele ọla ọlata, Kótóné doasi fotokọ fāaneteiné Kótótamo bóe duraalu, ere dirii sa fisikóló doranérapó.

⁵ Mepaae so whiné Kótó ą etei kaae Tale beteraóló kisipa yaqsóró sesé duraalu, kae kae fosó fosói foró, bete mole ọla aqraterere alatamoné sa kaae depa, dāné fisikóló dorótu beteraóló. Téturaalu, dā teteróló kaae tare whi Kerisoné ala eraai mole kisipa kópaae faqsóró, dāné tuę tiki turó Yesuné teteróló kaae tare aqmó mulóóló, mo hotowaró kaae tarapó.

⁶ Diā Talené fo wosóló, aqmó sukóló bitu sya fóló erótu betepa, ti mepaae ai fo wosetere hýyóló dowaae fu betere so whi fea dāné só deróló kwia melaai dā siki siki yóló betenéraóló.

⁷ Diāta, mo tómó ere ala maaté kilitu beteraóló. Mepaae whiné ąta, Kerisoné whi beteraóló depa, ti dākélé ąre kaae Kerisoné whitóró betereitei ama kisipa yóóló yae.

⁸ Ita, diā só deróló do-raai dumitei, Keriso tuámó

diriyóló beteraere ala dāné teteróló kaae tanóóló, Talené dāpaae melalepó. Atérené ę haleni, halaaainé diāpaae hākeamó i du betere ape.

⁹ Yālo diāpaae ašemó i dere fota, diā wiraterere nisi yaqse.

¹⁰ Ti noatepae, mepaae whirapené duraalu, “Ama ašemó deteraai fo du betepatei, ą woló betamó bitu dere fota, ti kisipa inire whiné fo kaae hōko du beteraóló,” erótua dapó.

¹¹ Atei kaae eraterere fo dere so whiné, dā kae tikimó bitu ašemó dere fo kolósu, dā aipaae wóló mo dere ala kolósu depa, me ala kae mei, mo betā alatóró epa kelaalopó.

¹² Mepaae whirape atimané ditere kutómó atimatei doi sóró horótu dere kaae dāné dumipó. Ti atimané du betere ala atimatei taleyóló atimata, etei kaae whirape beteraóló du beteraóló. Tétu, atimané dere ala kaae kolóló u kolósu, i kolósu du betere alata, wisi tuę muluraalu dumipó.

¹³ Atima atépatei, dāta mo dāné diale kutómótóró bopé faketu beteraóló. Ti dāné i ditu betere kutóta, Kótóné dāpaae diyae yale dālemótóró dituraalu, dā bopé faketu beteraóló. Ai dāle muló betere kutó tuámó diākélé ai bole ape.

¹⁴ Dā fo wisi yó maté kuturaalu, diā beterepaae uameisóró, ti etei kaae bopé fake dere ala uameipó.

Tépatei, Kerisoné fo wisi diápaakélé yó male waletéiné dā mo donomó bopé fake dapó.

¹⁵ Dāné diyale kutó mu-patei, kae whiné diyale kutómó dā bopé fake dumi, mo dāné ditere kutómótóró bopé faketu betepapó. Ti diāné kisipa tiró betere ala faketé fupa, dā diā tuāmó bitu ditere kutókélé mo ti fak-eraai kisipa mutu, Talepaae tué tiróló haítamo i betere ape.

¹⁶ Talené mió i wosetere fo wisi dāné erateretei diā tuāmó faketeapa, ti diā betere tiki mo utéró betó mole so whípaakélé yó maaté kwéyaai kisipa mutapó. Mené diyale kutómótei, dāné yalepóló haíle bopé fake yaqsóró, mepaae whírapené yó menire tikipaae yó maté kwéyaai dapó.

¹⁷ Tépatei,

“Mepaae whí bopé fakeyaai depa, ti Talené fotokó ą tuápaae sūraleteiné diyalepóló,” enérápó.

¹⁸ Ti me whiné ama diale kutó amatei fopeyóló, ątei dukiratepa, bete munipó. Tépatei, Talené me whiné diyale kutó taleyóló wisirapó depa, ti ai whiné kutó wisi diremó dapó.

11

Aposel aqre whírapené dere alata, Pol-né dere alatamo sūnipóló yale fo

¹ Yálo du betere fota bete muni, hoko du betere fotei wosaasepóló i dere ape.

Tépatei, ai hoko fo mo taketi yálo deté wou betepa, diaaọ woseté walepó.

² Yálo bole ketekęta, diā dokaai tukóló betero betere whí mo ątamótóró fulumu yópóló, Kótóné matere ketekęné yálo diā mo wisi yóló kaae taru, ma fo i dere ape. Me whiné folokole erénire so seimale kaae betepa, Kerisoné amatóró dokópóló kisipa mutu, yálo diā tukóló beteralépó.

³ Tépatei, wuliné fosó fosói kisanané Ipi dilikóló dée nalatu yale kaae, diāné tué tikikélé mené kópaee ąlisó faqsóró yálo doasi whaalía du betepapó. Ti noa betené mei, diā Keriso ątamótóró dokaai, betą kisipa muóló betero póló dapó.

⁴ Ti yálo whaalía dereteita, haíle meípó. Dāné diápaee Yesu ą etei kaae whípóló yó maletéi, mepaae whí diā beterepaee wóló Yesuta, etei kaae whí betepapóló hoko fo yó matepa, diaaọ mopóló wosetu betepapó. Atétere kaae, take diaaọ sale Dęi Kepe Wisi betepatei, me kepe kae saalopóló de? Take dāné diápaee yó male fo wisi mupatei taaróló, kisipa tiki okokore whiné dere kaae, mió diā kae yó matere kisi fo wosaai ekęletu betepapó.

⁵ Ti ai whírape atimata, doasi doi mole aposel whírapepó du betepatei, atimané ę teteró bitinipó.

⁶ Ti so whí feapaae Talené fo yálo fosó fosó yóló yó melópóló mené ę yó menitei,

bete mole fo yało mo kisi-parapó. Ai ala diąńékélé kisipa yópóló, kae kae ala fea haķeamó erótu betalepó.

7 Kótóné fo wisi yó móturaalu yałotei ę deróo, dią tao sóró horóo, du betalepó. Tétu, yało diąpaae *monikó* ąłae yóló kema ini, hałe yó mótu betaletei-a, diąpaae dowi alakó erótu betaleé?

8 Aita, dią seķę yaqsóró kisipa mutu, kae be hulua Keriso fake so whinė matere *monitei* yało ọlémi kaae sóró, ę betaaire be ó ọla dupu yóló nukuraalu, dią tao saaire kutó betał dité fu betalepó.

9 Ę diątamo betale sukamó dią seķę yaqsóró, ę yaąterere ọla diąpaae ąłae yóló wosetere fokélé inipó. Ę yaąterere ọlata, Masedonia hae kwia taaróló, ętamo wale norapené tao sóró mótua yalepó. Ę me ọla yaątepatei, dią seķę yaqsóró woseni, Talené kutó hałe dirótóró tawalepó. Nalopaaekélé ai alatóró enérapó.

10 Ti Kerisoné bete mole mo fo ę tuąmó moleteinė diąpaae diriyóló i dere ape. Ę me dupu sini, ai fo wisi hałe yó materemó, yało i bopé faketerere ala Akaia hae kwiamó betere whırapekó betąńékélé bete munire ala aąraalomeipó.

11 Yało diąpaae etei kaae dere fo-a, noa betené dapóló kisipa mute? Yało diąpaae yaala sókó fole ala initepa de? Meipó. Diąpaae yaala sókó fole ala ę tuąmó moletei, Kótóné ama mo kisiparapó.

12 Kae fo yó matere whırapené du betere alata, so whinė atima dukirópóló dapó. Aita, ąńé dere alaró atimané dere alatamo betał ala erapó yópóló, bopé fake du beterapó. Atei ala yaaire tu mulaqsóró ą *moni* sini, kutó hałe diró tawaalopó.

13 Ti ai whırapete, Kerisoné dotęyale mo *aposel* whırape mei, so whi dilikóló kapala kutó diratere *aposel* whırape bitutei, Kerisoné kutó diratere nisi yópóló, aątu beterapó.

14 Ai kaae alamó ą kilita sókó fenénipó. Ti noatepae, Satan ą ą tuąmó betere *ensel* aątu betteretei, ąńé kisi-parapó.

15 Atétere kaae, ama kutó diratere whırapekélé mo donoi kutó diratere whırape aątu betere ala kilitu, ą kilita sókó fumipó. Ti atimané ai du betere alamó saaire dowi dupu haśókó feni, mo donotóró melaalopó.

Pol ąpaae seķei ala er-ateremó bopé fakeyale fo

16 Yało yale fo kaae momó dapa i wosae. Dią mepaae whinė ę kisipa okokoi whi betere nisi yaqse. Diaaątamo ę kisipa okokoi whi beterapó kisipa mutupa, ti ę bopé fake-turaalu, okokoi whinė dere fo kaae, sawa i dapa wosae.

17 Fea ala yało sųmó enérapóló bopé faketuraalu dere fota, Talené dere fo kaae meitei, kisipa okokoi whinė dere fo kaae dapó.

18 I haemó betó mole whirapené nene yóló bopé faketera ala feané sya fóló du betepa, ti əkélé nene yóló bopé fakeyaalopó.

19 Ti fosó fosóre whi diāta, mepaae kisipa okokoi whinė du betere ala yaqsóro seséni, həksereteiné yópóló, kaae tarapó.

20 Ti diāné mo du betere alatóro i ape. Mepaae whinė diā wae sóro kutó diratere whi beteróo, diāné wisi wisi ɔla atima saai diā dilikóo, diā me ala tuénire whi aqróló, atimané tué mole ala eróo, atima doasi doi saai dapóló diā hepée faróló atimapi folosene fóo, atimané diā okolope deké sóo, dua dapó. Ai alarape eratepa, atimapaee atékese yóló foné sini, diā hāle betó mulapó.

21 Ti dā béreteiné atei kaae ala diāpaae eranénipóló, ɛ haletu i dere ape.

Kisipa okokoi whiné dere fo kaae i dapa wosae. Mepaae whi dené ama du betere alamó a bopé fake yaaitepa, ti əkélé bopé fak-enérápó.

22 Atima Hibru fake so whiné dere ala sya fu betere so whi betere? Atima atépa, ti əkélé Hibru whitóro beterapó. Atima Israel hae tale betepa, ti əkélé Israel hae taletóro beterapó. Atima Abraham-né deté wale whirape betepa, ti əkélé Abraham-né deté wale whitóro beterapó. Atima Kerisoné ala eratere whi betere? Atépa, ti ɛ keyaa

furaalu hōko dere fo i ape. Yālo ai kutó ditere alané atima fea mo teraae falapó.

23 Yālo i dere fota, topo doyóló keyaa fole whinė fo kaae hōko dapó. Atima Kerisoné kutó diratere whi betere? Atépa, ti yālo ditere kutó kolósu, atimané ditere kutó kolósu depa, atima yālo mo bosenó beterapó. Ti yālo dité wale kutó atimané diyale kutótamo sūni, ɛ mo doasi depe tukó wei kutó ditu betalepó. Ti ɛta, mo dekeró félimó *dipula* beterótua yóo, fokosoi ala yale tikimó yālo tiki mo turukée fóo, ɛ mo felekemó sinitei kepaayóo dua yalepó. Ẽpaae ai erótu betale hapólui ala kaae, atimapaee erénipó.

24 Juda fakené ɛ aporó félimó halika kaae ɔlané yālo tikimó daletei dokó sóro touróturaalu, 39-rópó.

25 Sore fapo atimané ɛ biyané fokosói ala yóo, betā be demó ti kapo duné siriyóo, sore félimó ti ɛ betere wei nuku fetée fóló do yóo yalepó. Tétu ɛ doasi wei kēla tómó ālaae kutu betepa, be de betaró diki betātamo kemeyalepó.

26 Ẽ betā bemótóro bitini, be hulua dokó fiyósu deté kutu betalepó. Atéturaalu, doasi fole wei tikiné ɛ aluranépatei, teyóló fua yóo, ɔlémi whirapénékélé ɛ denépatei, atima betere tuamó fóo, mo yālo be whinékélé ɛ denépatei fua yóo, Juda meire fake

wh̄inékélé ę denépatei atima tuamó bitiré fóo, doasi be huluamó bitukélé, ipumó bitukélé, doasi wh̄i kęla tómó fukélé, Keriso norape aęre wh̄irapetamo bitukélé, ę mo dóló aluranépatei, bitiré fóo yalepó.

27 Ę kutó dituraalukélé depe tukó wei ala yóo, kutó ditétóró fu betereiteiné nokekélé fini yóo, woteró wh̄i nokoletamo epatei, h̄ale fitua yóo, kutikélé ó sikélé meiyóló sosóliné sukóo dua yalepó.

28 Ai alarape tómó, Kótóné kae betero betere Keriso fake so wh̄i noa tumó wisi yóló betaaloé yóló, doasi whaalia duraalu, ę doasi sekę beleté fu beterapó.

29 Diakó me wh̄i Talené ala eraaire fotokó meiyóló bétepa, ti ękélé bératapó. Diakó me wh̄i dowi alapaae ęlisóro fóló dée nukupa, ti ękélé dei kisipa mutu haletapó.

30 Ę bopé fake yaaitamo kisipa mutepa, ti ę tuamó fotokó mei, bére ala so wh̄i feané kolópóló, bopé faketera ala mo h̄akeamó yó manérapó.

31 Yalo i dere fota, mo kapala dumipó. Betere dokó so wh̄i feané doi sóro hurótu betere Tale Yesuné Alima Kótóné yalo i du betere fo mo dapóló ama tuérapó.

32 Ę Damaskus bemó betepa, botokó faosóro topo wh̄i Aretasiné be kaae tanópóló, sóro betero betere wh̄iné ę tawópóló, ama diki tare wh̄irape kale be

bolaare dopóku tu dokó sóro beteralepó.

33 Téyaletai, mepaae norapené ę yomó deyóló halika duóló deralepó. Atéyaletaita, ai be hulua bopére dopóku sikimó, de saai muló betere dolomó sókó faraletainé atimané ę tani, h̄asókó felepó.

12

Pol-né ama nokené kaae kelale ala

1 Ę i bopé faketu betere ala taaréni, h̄ale deté fu betenérápó. Ti bopé faketera ala tuamó me ke bunitai, Talené ępaae nokené kaae yó melale alaró kinó betere alatamo h̄akearaletai betę diępaae i dapa wosae.

2 Ita mió yale ala dumitei, i ala yóló betepa, 14-ró ba fo kemeyalepó. Ai ala kelale wh̄i ę ama tiki turó fele ó, kepe maaté feleró ę tuéni, Kótóné betę kisiparapó. Ai wh̄i ę Keriso tuamó betepa, mené ó hepen bepaae dapesó huturaalu, s̄akélé s̄a taoró ere tikikélé taaróló, mo hepen bepaaetóro dapesó holale wh̄i yalo tuérapó.

3-4 Ti ai sekęta, mo kelaalo kokó bepaae dapesó horóló beteraletai yalo kisiparapó. A atéro huturaalu, ama mo tiki turó felepé kepe maaté feleró ę tuéni, Kótóné betę kisiparapó. Mené fo depa ai sekéné ama wosalemó, bete etérapóló mo hae wh̄iné yókélé enénipó. Ai fo hae so wh̄ipaae uętei, yaosóro Talené doasi fo mulapó.

⁵ Atei ala ere whípóló kisipa mutu, ę bopé fake uętei, yęłotei ę bopé fakenępa taaróló, ę hae whi bitu, yęlo bére alarape betę dięné kisipa yaasepóló i dere ape.

⁶ Yęlo kisipanętamo bopé faketerere ala yaaitępa, ti yęlo mo yale alatóró dereteinę ę topo doyóló okokoi whinę dere fo kaae uęmeipó. Ti yęlo yó mótu betale mo foró du betale alatamo dięné kęae kolóló tuę yópóló, bopé faketerere ala enępatei, ę doasi doi mole whi nisi yaęsóró taalatapó.

⁷ Talenę doasi kinó betere ala ępaae hękeróló yó maleteinę ę topo whi bitu bopé fake yaęsóró, Satan-nę dotęyale kepenę dowi mu kępinę kaae, ę susupurópóló Kótónętei ai tę mulalepó.

⁸ Até yaleteinę yęlo tikimó doasi dele supa, Talepaae ai ala tokóló taae falae yóló sore félimó yalepó.

⁹ Téyaletei ama ępaae duraalu, “Ai sekęi ala naao şumó beleyópóló, yęlo hamokoróló hęle tao sere ala ya tuępaae mo şuraalopó. Ti noatepae, mo whinę enęni bére ala tuęmó yęlo fotokę so whi feanę kolópóló, mo hękeamó erótua dępó,” yalepó. Atétereteinę Kerisonę fotokę ę tuęmó hęle muó tanópóló, yęlo enęni bére alapóló tuę muturaalu, ę hęyóló bopé faketerere ala taaręni, hęle yó tawaalopó.

¹⁰ Atéreteinę Kerisonę ala mo ti fakeraairaaalu, bére ala tuęmó bitukélé, mępaaenę

ę eraterere fo du betępakélé, doasi sekęi ala tuęmó bitukélé, Talenę ala erótua betępa sere sekę tuęmókélé, doasi hapólui ala tuęmó bitukélé hęjıtamo betęrapó. Tęru, mępaae bei ala tuęmó bitukélé fotokę hęle bulapó.

Pol-nę Korin so whi doasi whaaliatu yale fo

¹¹ Ti yęłotei ę kisipa okokoi whinę dere fo kaae yaleteita hęle mei, diaaę du betere alanętei ę ai ala dere whi aęratepa yalepó. Yęlo du betere alamó diaaę ę dukiraterere fo uęsóró ti mo wisi uępó. Ti noatepae, ę belei sokótei kolósu, ai doasi doi mole *apotel* whiřape kolósu depa, atimanę ę tęteró bitinipó.

¹² Ti ę dię tuęmó bitu, me ala yaairemó dere alarapekélé, sira yópóló eraterere alarapekélé, mo whinę enęnire doasi kelemei alarapekélé, fea eró tatę fu betalepó. Ai alarape kilitu, ita mó *apotel* whinę dępó enęrapó.

¹³ Ti ę mępaae be huluamó Kótónę touróló betęro betere so whiřpaae erale ala kolósu, diępaae erale ala kolósu depa, me noa alakómo diępaae eręnię? Atimapaekélé, diępaaekélé, betę kaae alatóró erótua yalepó. Ti ę yęęterere ęla tao sae yaai yaletei, dię sekę yaęsóró ini, taaralepó. Kae kae Keriso so whiřpaaeta dua yaletei, diępaae inire ala dorapó

kisipa mutepa, ti diané kwia tani, hãle kemerae.

14 Ɛ mió sore dakeróló diã keŕe waai i du betere ape. Ɛ aimó wóló bitu, be ó nokole ɔla diã seke melaalomeipó. Ti noatepae, diaaɔ me ɔlakó melópoló waai dumitei, diã mo no apu aleyóló betamó betaai kisipa mutu, walapó. Ti naale senaalené hama alima tao saai dapóló mepaae ɔla ɔla betapaae yóló mutumitei, hama alimané naale senaalemó ɔla ɔla mulatere dua dapó.

15 Atétere kaae, ɛ mo hekesetamo diã tao saairaalu yaŕo ɔla ɔlakélé, yaŕo betere betekélé melaalopó. Yaŕo diãpaae mo turó yaala sókó fu betepatei, diãnémo ɛpaae yaala sókó fole ala sawa tómó maaté dere-a, wisire?

16 Diaaɔ ɛ hekesese inire aɔpatei, yaŕo diãpaae me sekei ala erénipó. Tépateti, ba ó nané nale wópóló, ɔla wisi mulótu dere kaae, diãné *monikó* ɛ melópoló kisipa mutu, yaŕo diã dilikãle aɔrapó.

17 Diã tao sópóló yaŕo dotɛyale whirapené ó yaŕokélé diã dilikóló, diaaɔ noa wisi wisi ɔlakó saleé?

18 Taitus a dané no me whitamó diã beterepaae wópóló, yaŕo seýóló dotɛyalepó. Até yale be demó, Taitus-né diã dilikóló mepaae ɔlakó saleé? Talené ala eróturaalu, damó wusuró betã tué muóló, betã alatoró erótua inié?

19 Ti yaŕo diãpaae aŕetu

betere fo diaaɔ dosaaté waleteti-a, mené da só de-raqsóró seséturaalu dapóló kisipa mute? Meipó. Dané i du betere fota Keriso tuamó bitu, Kótóné keletómó mo i dere ape. Dané hosaa mole no nerape-ó, dané i du betere ala feata, diã fotokɔ buóló beterópoló dapó.

20 Ti noatepae, ɛ aipaae wale sukamó, diã mo wisiyóló betepa kelenée dere ala diã tuamó ini yóo, diãnekélé ɛ tuamó epa kelenée dere ala ɛ tuamó inipa kelaalomólópoló, ɛ doasi witu beterapó. Ɛ diã beterepaae wóló kelenalemó, diã tuamó hõle fokélé, me whiné dere alamó dei tué mutere alakélé, fopaae buóló hõle sere alakélé, fake teketerere alakélé, dowi fopaae butu me whi yóló sininatere alakélé, kikiti eraterere fokélé, dowãae fóló bopé faketerere alakélé, wisiyóló bitini, hõko betere alakélé, ai alarape fea diã tuamó epa kelaqsóró, ɛ doasi whaaliatu beterapó.

21 Ɛ diã beterepaae wale sukamó diaaɔ ai dere ala kilitu, ɛ tɛteróló kaae tare Kótóné keletómó, ɛ momó halenérápóló wi dapó. Mo taŕe dowi ala du betale so whiné mepaae hosekéýóló du betale dowi alakélé, nópu nokole alakélé, enénire sonaalei dowi alakélé taaréni, hãle yótóró tapa kilitu, ɛ deke yaqsóró whaalia duraalu dapó.

Diq Yesu Kerisopaae kisipa mo tiró beterémóló diaaḡtei kḡae kelae

¹ Mió yaḡlo diḡ sore dak-eróló keḡe waai i dere ape.

“Mepaae so whḡiné ḡasókó fóló dere alarape tale-turaalu, betḡ whḡiné dere fo maaté woseni, tamo ó sore whḡiné i ala mo depa kelalepó dere fo wosóló, ti taleyóló donoranérapó,” erapó.

²⁻³ E tamo dakeróló diḡ keḡe wale sukamó, dowi ala dere so whḡipaae etei kaae sekeḡi ala eraalopóló diḡpaae yalepó. Mió e kae tikimó bitukélé betḡ kaae fotóró momó i dapa wosae. Kerisoné du betere fo yaḡlo mo dapóló diaaḡ kisipa yaasepóló, e wouraalu take dowi ala deté wale so whḡiró mepaae dowi ala du betere so whḡitamo kwia matere ala koleturaalu taaréni, mo melaalopó. Ti Keriso ḡta, diḡ tuḡamó mole dowi alarape donoraaitere ala ḡ béni, fotokḡ mo turó bulapó.

⁴ Ti i dere fota, mo dapó. Keriso ḡ fotokḡ buni bére whḡi aḡyóló, atimané ḡ filipaare ni tómó daletei, Kótóné fotokḡné ḡ mo beterapó. Atére kaae, ḡ fotokḡ buni bére whḡirapetei Kótó ḡtamo betḡamó bettereitiné ama fotokḡ ḡ tuḡpaae sḡratepa, diḡ tao saai Talené kutó ḡḡle diraté fu beterapó.

⁵ Diḡ Yesu Kerisopaae tuḡ tiki tiró betere ala diaaḡtei kḡae kólóló taleyae. Aténalemó, Yesu Kerisopaae

kisipa tiratere ala inipa, ti yaḡ ḡ tuḡamó bitinipóló kisipa muae.

⁶ Ti diaaḡ ḡḡ kḡae kolóló talenalemó, Yesu Kerisopaae tuḡ tiki tiró betere ala epa, ti diaaḡ mo ḡḡkeamó kelenérapóló kisipa mutapó.

⁷ Diḡ me dowi ala yaḡsóró, Kótópaae suka fea ḡané momarótu beterapó. I dere fota, Talené ḡḡ kḡae kolóló, whḡi wisipó deremó so whḡiné ḡḡ dukirópóló dumitei, ḡané ḡḡko dere alamó só deró betere whḡirape aḡpa, diḡta mo donoi ala wiḡi du betere whḡi betaasepóló dapó.

⁸ Kale bete mole mo fotamo ḡané bóe dóló me ala enéni, ai fo wiḡi fakeratere ala betḡ enérapó.

⁹ ḡḡ fotokḡ buni bépatei, diḡ mo doasi fotokḡ buóló betepa, ti ḡḡ mo ḡḡrapó. ḡané diḡamó momarótu betere alata, diḡ ḡaepaae derepeletei, momó Talené ala eraté furaalu, diḡ mo ti diriyóló beterópóló dapó.

¹⁰ Atére betené, e diḡ betterepaae waai teópatei, yaḡlo i aḡḡtere fo kolóló diḡsisi bitu, mepaae diḡ tuḡamó ere alarape donoraasepóló i dere ape. Ti noa yaḡsóró mei, Talené eḡpaae ama so whḡi teḡteróló kaae tawae ere fo sya furaalu, e aipaae wale sukamó diḡ deteraayóló foné saḡsóró dapó. Ti Talené e diḡ teḡteróló kaae tawópóló sóro bettereleteita, diḡ doróló só derópóló ini, tao sóro wisiraté fópóló yalepó.

Kemeróturaalu kḡleó yale fo

¹¹ No nerape-ó, mo kemeróturaalu diãpaae kõleó i dere ape. Me haşókó fole ala diã tuãmó muni, Talené ama ala mo donoyóló erae ere dałemótóró sókó faasepóló, hotowaró erótu betae. Aşemó yało diãpaae i yae dere fotóró mo wosóló, diã fea mo betã kisipatóró mulu, hosaa muni deyóló mo dua betó muae. Atétepa, ti yaala sókó fole alaró hosaa muni deyóló dua betere alatamo, matere Kótó ą diãtamo betaalopó.

¹² Diã Kótóné mo kae beteró betere so whı bitu, diãsisi yaala sókó fóló, aputu betae.

¹³ Imó ętamo Talené kae beteró betere so whı feané diãpaae kõleó dapó.

¹⁴ Da teteteróló kaae tare whı Yeşu Kerisoné haşokoróló hałe tao sere alakélé, Kótóné yaala sókó fole alakélé, Deı Kepe Wisiné eraterere u yó mótu i yó mótu dere alakélé, diã feapaae eró tanópóló yae.

Kalesia

¹ Ẹta, Kótóné ama fo yó male fópóló dotẹyale *aposel* whị Pol-né diạ Kalesia hae kwiamó tẹ mole be huluamó betó mole Keriso fake so whịpaae aṣẹ i dere ape. Ẹta, mepaae whịrapené dotonatepa ó mo whịné kisipané kekeme nóló i kutó dine fae yóló dotonatepa wéni, Yesu Kerisoró ẹ kepaarale Alima Kótótamoné i kutó dine fae yóló dotonalepó.

² Ẹlọ i dere aṣẹta, ẹ wotoró bitu dumi, mepaae Keriso norape ẹtamo betámó betó mole whịrape dẹ feané diạ Kalesia hae kwia dokómó betó mole Keriso fake so whịpaae dapó.

³ Dạné Aya Kótóró Tale Yesu Kerisotamoné hẹle hamokoróló tao sere alaró hosaa muni deyóló mo dua betere alatamo diạ tuẹpaae erópóló yae.

⁴ Mió i alimó mole dowi alané doasi fotokóné dẹ so whị dokoló mulaṣóró, Yesuné ama betere bete melóló dupuraleteiné dẹ hẹle fópóló eralepó. Aita, dạné Aya Kótóné kisipa mole ala sya furaalu eró beterapó.

⁵ Kótóné ama doi betẹ hale sóró horóló, doasi doi mo ti muó tanópóló yae. Mo kée. Tẹyópóló yae!

Talené kisi fo wisita, me kaae mei mo betątóró mulapóló ere fo

⁶ Yesu Kerisoné hẹle hamokoróló tao sere alané

Kótó ẹ beterepaae ape yalepó. Atẹyale sekẹ taaróló, kae kisi fo wisi wosaai hapale kisipa feteyóló fole kilituraalu, aita enei ala meitei dapóló ẹ kilita sókó fulapó.

⁷ Mepaae whịrapené diẹpaae mió wosetere kisi fo wisi i ape yóló yó matepa, ti aita kale wosetere fo wisi mei ai ape. Aita, Yesu Kerisoné mió wosetu betere kisi fo wisi me kae fotamo hosekéróló doróo, diaaṣ kisipakélé kọpaae falóo, yaalópóló kisipa mutapó.

⁸ Dạnékélé, ó hepen bemó betere *ensel*-nékélé, Kótóné mió wosetere fo wisi take dạné diẹpaae yó male kaae ini, kae fotei fo wisipóló yó matepa, ti ai whị mo ti só deróló alu yaaire tikipaae fópóló yae.

⁹ Take dạné diẹpaae yale fotei momó i dapa wosae. Whị me dené diaaṣ woseté wou betere kisi fo wisi kaaetóró yó mení, fo me kae yó matepa, ti atétere whị só deróló mo ti alu yaaire tikipaae fópóló yae.

¹⁰ Ẹlọ i du betere fo ó du betere ala mo whịrapené kolóló, i whịné mo wisi ala dapóló dukirópóló dépé? Kótóné kilitu mo wisi ala dapó yópóló du betere? Mo whịrapené kisipa tiki felé yaaire alatamo ẹlọ du bituṣóró, ti ẹ Yesu Kerisoné kutó diratere whị bituṣ meipó.

*Pol aposel whị sóró beter-
aai Kótóné ẹ beterepaae ape*

yale fo

¹¹ Norape-ó, diaaḡ mo wisiyóló kisipa yaasepóló yaḡo i dere fo wosae. Yaḡo diḡpaae yó mótu betale mió wosetere kisi fo wisita, mo whḡné kisipanétei kaarale fo meipó.

¹² Ai fo wisita, me whḡné depa yaḡo wosóló ó me whḡné ę yó matepa kisipa sóró dumitei, Yesu Kerisoné amatóró ępaae haḡearóló yó matepa kisipa yalepó.

¹³ Ę take Keriso whḡ be-tairu, Juda fakené Talepaae momatu betere ala sya fóló du betalepó, dere fo diaaḡ wosóló ai kisipare ape. Atétu, yaḡo mo doa ketekę buóló du betale alata, Kótóné so whḡpaaekélé susupui ala eróo, Yesu Kerisoné ala wisikélé mo ti doróo du betalepó.

¹⁴ Yaḡo ayarapené mara mole ala sya furaalu, Juda fakené Talepaae moma dere ala eté ró yae yóló, doasi kisipare yó matere whḡrapené da teó whḡrape yó malepó. Atétu, betere tuḡmó ętamo betḡmó doayale Juda whḡrape fea betepatei, yaḡo kisipa sale alané atima mo teraae felepó. Atéru, yaḡo ayarapené mara mole ala mo doa ketekę buóló sya fu betale whḡ ę i ape.

¹⁵ Atétu betaletei, ę teó deyaai pa sóró kae beterale Kótóné, ama haḡe hamokoróló tao suraalu ę beterepaae ape yalepó. Tétu, Kótó ę wisi kisipatamo ama naale ę tuḡmó haḡearóló yó

malepó. Atéyale sukamó, ępaae etei ala eralepóló me whḡtamo inipó.

¹⁶ Até ró betepa, Kótóné ama Naalema noa kaae whḡrópóló kóló kóló yaḡsóró, amatei ę ę tuḡpaae yó malepó. Até yaleteita, Juda meire fake so whḡpaae Yesu Kerisota, etei kaae whḡpóló yó maté kweyópóló kisipa mutu, eralepó.

¹⁷ Ai ala yale be demó, i kaae ala yaletei noa betené yalerópóló, ę betaai pa folo sóró beterale *aposel* whḡrape Jerusalem bemó betó mupa keḡe fenipó. Aténi, ępaae ai ala erale be demótóróti Arabia hae kwiapaaepi fóló, nalomo ti Damaskus bepaae fesaayóló felepó.

¹⁸ Até ró bitiré fóló, ba fo sore kemetepa, ę Pita wisiyóló kisipa inireteiné kisipa yaai, Jerusalem bepaae horóló ętamo betepa, 15-ró be de kemeyalepó.

¹⁹ Aimó ętamo mepaae *aposel* whḡrape betepa kilin-itei Talené noma Jems beḡa betepa kelalepó.

²⁰ Yaḡo i aḡetu betere fota kapala mei, Kótóné keletómó mo i dere ape.

²¹ Até ró betale kḡlipaae ti ę Siria hae kwiaró Silisia hae kwiatamopaae felepó.

²² Até yale sukamó Judia hae kwia dokómó betó mole Keriso fake so whḡné ę kolóló kisipanipó.

²³⁻²⁴ Ténitei, yaḡo i ala du beterapó dere fo maaté atimané wosipakalepó. Téturaalu ęta, take da

Keriso fake so whıtamo b e d l  susupui ala er o, Yesu Kerisopaae kisipa tiki tiratere alak l  dor o du betale whıteı, mi mo Yesupaae kisipa tiki tiraaire fo wisi so whı feapaae y  mat  kutu betera o dere fo woseturaalu, K t n  doi hale s r  hor tu betere o.

2

Mepaae aposel whırapen  Pol wisiy l  dape sale fo

¹   ba fo 14-r  betero kemetepa, Jerusalem be huluapaae mom  horale o. At  yale sukam  Banabas  amo wusur  huturaalu, Taitus-k l  dapes r    fea horale o.

²   at r  feleteita,  alo k leaan  feni, K t n   alo kisipa tiki tu paae i ala ene fae depa felep . Juda meire fake so whıpaae  alo y  mat  kutu betere mi  wosetere kisi fo wisi et r  i ape y l , y  melaai horale o. T yaletei, ai fo so whı feapaae y  meni, Keriso so whı bet  mole tu m  doi mole whırapepaae maat  y  malep . At r  doi mole topo whırapepaae y  melaleteita, h le meip .  alo take ditu betale kut k l , mi  i ditu betere kut k l , me bete muni nisy l , mepaae whırapen  eratere fo yaqs r  yalep .

³  tamo betere whı Taitus  ta Juda meire fake whı betereitein   paae  a tiki seka  tikae y l  se nip .

⁴ Ti aita h le meip . Mepaae whırape kapalatei,

norape aqy l   tamo bitu, Yesu Kerison  yale alan    teraay l  fel y l  betere ala kikiti kelaai walep . Aita,   wae s r  kut  diratere whı beteraai kisipa mutu, yalep .

⁵ At  yaletei, atiman  i ala yae y l  se   du betere fo wos l , t yaalop  dere fok l  inip . Ti aita, noa ala y p l  kisipa mutu yale ? Mi  kale wosetere kisi fo wisi diaa  wos l  ita, mo doa bete mole fop l   a tu m  mu  tan p l  yalep .

⁶ Jerusalem bem  doasi doi mulap  du betere whırape-  doi munire whıta,  alo me  la meip l  kisipa mualep . Ti noa beten  meip . K t n  ama  an  t  tikim  ere ala kol l , ita doasi doi mole whıp l  doi mulatere ala dumip . Ai whırapen   alo y  male fo wosetu mo dono dap l , atiman  me fo kae beler l  inip .

⁷ At ni, Juda so whıpaae mi  wosetere kisi fo wisi Pitan  s m  y  mat  kon rap l  K t n tei   s r  beteratepa, kale doasi doi mole whırapen  kol l  kisipa yalep . At  yale kaaet r , Juda meire fake so whıpaae y  mat  kw y p l , Talen    s r  beteraleteik l  atiman  kol l  kisipa yalep .

⁸ Ti Pita Juda fake so whı tu m  *aposel* whı bitu, Talen  fo y  m tu betepa, ai ala tu paae K t n  ama fotok  bulalep . At tu yale kaae, Juda meire fake so tu m  *aposel* whı bitu, ama fo y  m tu betepa K t n    fotok 

bulalepó.

⁹ Jerusalem bemó betó mole so wh̄rapené Keriso alamó be belerapó du betere wh̄rape Jems, Pita, Jon-sépi atimané Kótóné ama epaae melale hamokoróló h̄le tao sale ala kilituraalu, Banabas d̄amoné mo donoi ala dapóló kisipa mutu wisiyóló dape salepó. Atéro d̄amo Juda meire fake so wh̄i tuapaae f̄oo, atima ti Juda fake so wh̄i tuapaae f̄oo, yaairaalu d̄a fea fo k̄laaróló, wisirapóló mo bet̄a kisipatóró mualepó.

¹⁰ Atéro, d̄amopaae i fo bet̄a yalepó. “Diaamo fo yó maté kuturaalu, ai be huluarapemó yoleale yóló betó mole so wh̄i tao sere alakélé h̄le yó tawae,” yalepó. Ti aita, ȳalo keteke buóló mo taketi h̄le yó tare alapó.

Pol-né Pita foné sale fo

¹¹ Téró Pita Antiok be hulupaae wóló betere sukamó, ama h̄asókó fele ala ȳalo apaae teraae faróló, a foné salepó.

¹² Ti noa betené meipó. Mepaae Jems-né dotonatepa wale Juda wh̄rape waai teópa, a Juda meire fake wh̄rapetamo bitu, ɔla nukua yalepó. Até yaleteti, kale wh̄rape Antiok bepaae wale sukamó, Pita a Juda meire faketamo ɔla bet̄amó naletei taaróló, kae bit̄i felepó. Até yaleteita, kale tiki sekaɛ tukóló siriró betere wh̄rapené keletómó Juda meire fake wh̄rapetamo ɔla

bet̄amó nukupa noa kisipa muaalorópóló wituraalu yalepó.

¹³ Pitané d̄a fea Keriso fake so wh̄i mo bet̄a alatóro erapó du bitutei, ama yale alané fake tekeyóló Juda fake kae aoróo Juda meire fake kae aoróo eralepó. Ai h̄oko ala mepaae Juda fakenékélé sya felepó. Ai h̄oko ala fakeyóló Banabas-nékélé yalepó.

¹⁴ Mió wosetu betere bete mole fo wisi mupatei, atimané dere ala kae depa kilitu, atima feané keletómó ȳalo Pitapaae duraalu, “Ȳata Juda wh̄itei, Juda wh̄iné dere alatóro ini, Juda meire fake wh̄iné dere ala kaae du beterapó. Atéyaletimo, Juda meire fake so wh̄ipaae d̄a Juda wh̄iné mara mole ala sya f̄ópóló noatepa setu betere?

¹⁵ D̄ata dowi ala dere Juda meire fake wh̄i bitini, mo Juda fake wh̄iné mara mole ala tuamó deyale wh̄rape bitu, i fo d̄ané mo kisiparapó.

¹⁶ Wh̄i me dené kale yóló muló betere fo mo wisiyóló sya fóló erótu betepa, Kótóné ai wh̄ipaae ȳa mo donoi wh̄ipó fo yaalo meipó. Téyaalo meitei, Yesu Kerisopaae kisipa tiki tiratere ala bet̄a kilitu, Kótóné mo donoi wh̄ipó fo enérápó. Atére betené Kótóné d̄apaaekélé wh̄i wisipó ȳópóló kisipa mutu, Yesu Kerisopaae bet̄a kisipa tiki tiró beterapó. Kale yóló muló betere fopaae d̄ané kisipa tiróló sya fumipó. Ti

noatepae, kale yóló muló betere fo sya fóló erótu betere whípaae Kótóné me alakélé muni, mo donoi ala dere whípó fo yaalo meipó.

17 Da Keriso tuamó betereiteiné ama dapaee mo donoi so whípó yópóló wóputé fu betere tuamó dané du betere dowi ala hakearatepa, dané noa fo yaaloé? Kerisoné dowi ala wisirapa, deté fae fo enére? Mo meipó.

18 Kale tukóló muló betere fo aomó sukóló betere alané Kótóné keletómó, wisi ala dere whi beteraairetei mo diripa kisipa mutu, yalotei ai tu mo taaralepó. Até yaleteti, yalo momómo duraalu, kale tukóló muló betere foné da wisi ala dere whi beteraalopó depata, ti Kótóné tukóló muló betere fo yalotei tikitapóló hakearatapó.

19 Ti noatepae, kale tukóló muló betere fo mo turó yalo kisipa yaleteiné ę sukale whi aqralepó. Atéreteiné, kale sukale whi ai fo aomó momó kae netéró betaaloé? Meipó. Kótóné ama ala eróturaalu, atamo mo ti beterópóló, kale tukóló muló betere foné ę dóló sukunalepó.

20 Eta, Yesu Kerisotamo filipaa ni tómó taketi sukóló i mole ape. Atéyaleteiné ę momó kae bitini, Keriso a ę tuamó beteraipó. Mió haemó i betere yalo mo tikita, ti epaae yaala sókó fóló, tao suraalu ama betere bete hale melale whi Kótóné naalemappaae kisipa tiki tiró

betereteiné i betere ape.

21 Ti Kótóné ama hale hamokoróló tao sere ala, yalo me bete munire ęla aleróló, depaae mulanénipó. Ti noa betené i fo du meipó. Kale tukóló muló betere fonétamo da mo donoi so whi beteroluasóró, ti Yesu Kerisoné ama betere bete besekéróló, a hale sukalepó fo uapó,”

3

Yesu Kerisopaae ó tukóló muló betere fopaae diaaq tué tiki tiró betereimóló kaae kelae

1 Kalesia hae kwiamó betó mole kisipa okokoi so whi-ó! Mé whiné hosó foné diaaq kisipa tiki feteróló, dia mo ti okokoraleé? Yalo diapaae kale fo wisi yó móturaalu, Yesu Keriso filipaa ni tómó oleralepóló yó male fo diaaq wosóló diané kelené mo kilitu yale kaae, ai kisipare ape.

2 Yalo diapaae wosetere fo betá i ape. Kale Deji Kepe Wisi saleteti-a, tukóló muló betere fo sya fele tikimó salepé, mo fo wisi wosóló kisipa tiki tiraleteiné saleé?

3 Diané kisipa tiki-a, noané mo ti okokoró betere? Kaae suta, ti kale Deji Kepe Wisiné fotokqratepa kaae saleteti, kemene fole kwiapaae sókó faairaalu, mo whiné bole fotokqné sókó fenérapóló kisipa mute?

4 Dia Yesu Kerisopaae tué tiki tiróló ama ala eró taremó sekei ala wapatei, me ęla meipóló hale beleté fu betaletaimó saaire dupu hale

ola kaae taalaai kisipa mute?
Ti ai doasi sekei ala beletu
betaletei bete munipa hale
yalee?

⁵ Kótóné ama diã melale
Dei Kepe Wisiró kelemei
ala eraleteitamo-a, kale
yóló muló betere fo diaaõ
sya fele betemó melalepé,
kale wosetere kisi fo wisi
wosóló kisipa tiratere alamó
melalee?

⁶ Kale whi Abraham-paae
erale ala mo wisiyóló kisipa
muae. I fo aseýóló muló
beterapó.

“Kótóné aþaae yale fo mo
eraalopóló kisipa tiki
tirale ala kolóló, i
whita me dowi ala
ini, mo donoi whipó,”
erapó.

⁷ Térapa, mepaae so whi
de Kótóné fo wosóló aþaae
kisipa tiki tiratepa, ti atétere
so whi Abraham-né naale
senaletóroó beterapóló
kisipa muae.

⁸ Juda meire fake so
whiné Talepaae kisipa tiki
tirateremó, Kótóné mo donoi
so whipó yaairetei, taketi
asemó erapó. Ðané mió i
wosetu betere fo wisitóroó
mo take Abraham-paae itéroó
ipakalepó.

“I hae kwia dokomó betó
mole so whi feyaþaae
eraaitere alané wisir-
aalopó,” erapó.

⁹ Atére betené mepaae so
whi de Talepaae kisipa tiki
tiratepa, ti kisipa tiki tiratere
seké Abraham wisirótu yale
kaae, atéroó kisipa tirale so

whikélé Kótóné wisirótu
beterapó.

¹⁰ Kótóné ama tukóló muló
betere fo erótu betere ala-
paae kisipa tiki tiró bitinire
so whi fea, ti Kótóné doratere
ala aomó ai betere ape. Ti
noatepa mei, Kótóné i fo
aseýóló muló beterapó.

“Mepaae so whi detamo
Kótóné *buk*-mó tukóló
muló betere fo mo fea
sya fóló eró tanitepa,
ti Kótóné atima mo
doraalopó,” erapó.

¹¹ Ti noatepae, kale asemó
yóló muló betere fo i ape.

“Kótóné keletómó mo donoi
so whita, ti kisipa tiki
tiratere alané betã
bitiré fu betenérápóló,”
fo erapó.

Kótóné tukóló muló betere
fo eraté fu betaleteimó, mo
betã whiþaaekélé Talené mo
donoi so whipó enéniretei mo
hãkearapó.

¹² Ti Kótóné tukóló muló
betere fo sya fóló erótu betere
alata, ti kisipa tiki tiratere
tuãmó kaatumipó. Tétumitei,
kale asemó i ere fo kisipa
muae.

“Mepaae whitamó tukóló
muló betere fo sya
fóló erótu betepa, ti
ama ai du betere ala
tuãmótóroó a beteraté
faalopó,” erapó.

¹³ Kale tukóló muló betere
foné doratere ala dãpaae
eraosóroó, Keriso a filipaa ni
tómó sukuturaalu, ðã tao
sóroó dupuralepó. Atéturaalu,
doratere ala mo turó aþaae
eralepó. Ti noatepae, asemó i
fo erapó.

“Mepaae whi de ni tómó oloratepa, ti ai whi Talené mo ti mokorólo doró beterao,” erapo.

14 Abraham-paae eraalopólo mulale fo mo dokonóturaalu, eratere wisi ala Juda meire fake so whinékélé sópólo kisipa mutu, Yesu Kerisoné ama da tao sóro dupuró beterao. Atéreteita, dané apaae kisipa tiki tiratepa, ama melaalopólo mulale Dei Kepe Wisi sópólo erapo.

Kótóné folosóro i ala eraalopó ere fo melólo, nalo ti tukólo muló betere fo male ala

15 Norape-ó, yalo diapaae i du betere fo bete diriyólo kisipa yaasepólo, dané suka fea du betere alapaae dó farólo i dapa wosae. Mo whiné dirii fo dokólo muló betepa, nalo me whiné ai fo tokólo aluraterere ala ó me kae fotamo olokeratere ala mo enénipó. Yalo diapaae i yaai dere fokélé atére kaaetórotipó.

16 Kótóné Abraham-ró ama deyaaire naaletamopaae i ala mo eraalopólo asemó yólo muló beterao. Kótóné ama buk-mó, “Naao deté faaire naaleraepó,” fo inipó. Ai fo uasóro ti whirape feapaae erapo fo uapo. Ai fo ini, “Naao deyaaire naalené deté faaire naalepó,” ere fota, mo beta whimó kisipa mutu erapo. Ai whita, Yesu Keriso atórotipó.

17 Yalo du betere foné bete i ape. Abraham-paae mo eraalopólo dirii fo dokólo muló betepa, 430

ba fo kemeyalepó. Atéyale kilipaae kale tukólo muló betere fo sóko walepó. Nalo ai sóko wale foné Kótóné folosóro yale dirii fo tokólo alurótimpó. Ai fotamo aluratepa, ti ai fo tuamó so whipaae eraalopó ere wisi alakélé aluranerapo.

18 I dere fota noa betené dumipó. Kótóné nalopaae eraalopó yólo muló betere wisi ala kale tukólo mulale fo tuamó sóko wuasóro, ti Kótóné ama eraalopó yale fo tuamó sóko wuameipó. Até yaletai, Kótóné Abraham-paae eraalopólo ere fo mo dokonóturaalu, hamokorólo hale melalepó.

19 Térapa, kale tukólo muló betere fo-a, noa betené melaleé? Ai fota, so whiné du betale dowi alamó kale folosóro yale dirii fotamo touró beterao. Ai alata, mo ti eréni, Abraham-paae eraalopó ere fo dokonólo ama deté waaire naale wópólo kaae taru erapo. Ai tukólo muló betere fota, so whi feané kisipa yópólo *ensel-rapené* Kótóro so whitamóné tuahipaae melalepó.

20 Fake tamóné tuahwhiné beta fake maaté tao su me fakemo taalatimpó. Tépatéi Kótó ata, mo betaótóroti beterao.

21 Kale tukólo muló betere foné Kótóné i ala mo eraalopó yólo muló betere fotamo bóe dóló sesétu betere? Mei, ai ala mo dumipó. Kale tukólo muló betere fonétamo mo ti betaaire bete melóluasóro, ai

foné me dowi ala munire so whi beterólupó.

22 Téuṭei, Kótóné buk-mó aseyóló muló betere foné i fo erapó. I haemó betóló fale so whi mo fea dowi alané dokóló, *dipula* bemó kaae betero beterepó. Aita, ḥale mei, Kótóné ama so whipaae eraalopó yale ala mo dokonóturaalu, Yesu Kerisopaae kisipa tiró betere so whipaae melópóló erapó.

23 Kisipa tiki tiratere ala ḥakearóló sókó waaipa, kale tukóló muló betere foné ḍa *dipula* kaae sóró betero beterepó.

24 Betṭa whi me tikipaae fimó ama naale senaale me whiné kapala kaae tatu dere kaae, Kótóné kale tukóló muló betere foné ama so whi ḍa Yesu Keriso beterepaae ḗlisóró fópóló, kapala asiri kaae tawae yóló sóró beteralepó. Ti aita ḥale meitei, ḍané Yesu Kerisopaae kisipa tiróló betepa, Kótóné ḍa mo donoi so whi beterópóló yalepó.

25 Mióta, kale kisipa tiki tiratere ala sókó wóló, take kale tukóló muló betere foné ḍa teteróló kaae taretei, momó kae kaae tani, mo kemeró beteraépó.

Kótóné naale senaale tóró beteraépóló ere fo

26 Diṭa fea Yesu Kerisopaae kisipa tiki tiró betereiteiné Kótóné ama mo naale senaale tóró ai betere ape.

27 Ti noa betené mei, so whi wḗi kemó buó ditu dere kaae, diṭa fea Yesu Keriso tuṭamó wḗi tópuró beteraépó.

Atéreteiné kuti derótu dere kaae, Yesu Keriso diaaṭ ai deró betere ape.

28 Atéru, Juda fake ó Juda meire fake, wae sóró kutó diratere so whi ó diṭa mo ḥale betere so whi ó diṭa fea fake teketu betereitei me ḗla meipó. Mió diṭa fea Yesu Keriso tuṭamó bitu, mo betṭa alatóró erapó.

29 Diṭa Yesu Kerisoné ama so whitamó betepa, ti diṭa Abraham-né deale naale senaale tóró betereiteiné Kótóné Abraham-paae eraalopó yóló mulélipakale fo motóró dokonóturaalu, eraaire wisi ala diṭapaaekélé eraalopó.

4

1 Yṭalo i du betere fo bete mo whiné dere alapaae dó faróló dapa wosae. Betṭa néli whiné naalema alimané teraae fele mómu ḗla ḗla fea muó mupatei, kale naale ḗ ketepa, ḗ kaae tare whirape aṭmó bitu, ama kutó diratere whi su beteraépó.

2 Kale naale alimané teraae fele ḗla ḗla amatei teteróló kaae tawópóló tukóló mulale be ḍe sókó waaipa, ti alimané sóró beteraale whirapené kale ḗla ḗla fea kaae tawaalopó. Mepaae whiné kale naalekéle kaae tapa, ḗ ai whi aṭmó bitiré fu betaalopó.

3 Take ḍa atéro ketei naale senaale kaae betale alimó, i haemó ayarapené yó maté wale mara mole alané ḍa teteróló kaae taru, wae sóró

kutó diratere whi beteraté wou betalepó.

⁴⁻⁵ Téyaletéi, Talené ama tukóló muló betere be de sókó wapa, ama naale i haemó betere soné deyópoló doteyalepó. Ai naale a kale tukóló muló betere fo aomó betere so whi dupuraairaaalu, a ai fo aomó sukóló betalepó. Atéyale alata, da Kótóné ama naalerapetóro bitu, ama wisi wisi ɔla sópóló kisipa mutu erapó.

⁶ Ti noa betené meipó. Diá fea Kótóné naale senaaletóro betepa, ama naalema Yesu betale sirimó beteraaire Deji Kepe Wisi dané hosaa tuamó beterópóló doteyalepó. Ai Deji Kepe Wisi da tuamó betereiné dané kólómó Alima Kótópaae “Apa, Aya-ó” du beteraipó.

⁷ Atéreteiné, mió diá wae sóró kutó diratere whi momó kae bitini, mo ama naale senaaletóro betereiné Kótóné Yesupaae eratere wisi wisi ala, diápaakélé eraalo ai ape.

Pol-né Kalasia so whimó kisipa mutu yale fo

⁸ Kótóné ama aleyóló muló betere ɔla ɔlatei Kótópóló aomó sukóló betepa, ai ɔlarapené diá wae sóró kutó diratere so whi betalepó. Atétu betale alata kapala kótó ai ape.

⁹ Taketa atéyaletéi, mió diá mo Kótó tuérapó. Tépatéi, Kótóné ama diá mo tuérapó. Atérapa, diá ai bete munire hoko alarape aomó betaai

momó fesaae fute? Diá ati-mané wae sóró kutó diratere so whi momó betaai de?

¹⁰ Ti yało i dere fota hałe dumipó. Diaaqteı mepaae be de mo doasi bete mulapóló, be derapekélé, wélierapekélé, alirapekélé, ba forapekélé, kae tukóló mulótua dapó.

¹¹ Yało diá tao saai dapóló doasi keteke buóló du betale ala bete munire nisi erótu betepa, yało diámó kisipa mutu, e mo doasi whaaliatu beteraipó.

¹² Norape-ó, i dere fo wisiyóló wosae. Take diané du betere ala yało suróló du betepa, diané epaae me sekei ala erénipó. Atéyalepa, mió diámó yało du betere ala suróló du betae.

¹³ E me tikipaae faai yaletéi hepo daayóló bitu, folosóro sukamó kale mió wosetere fo wisi yało diápaae yó maletéi diané ai kisipare ape.

¹⁴ E tikimó daayale heponé diápaae sekei ala eraletéi, diané e dei kelené kólóló faletere fokélé inipó. Ai ala ini, diané e Kótóné ensel aqróló mo wisiyóló dape salepó. Ó kale Yesu Keriso a wisiyóló dapesu dere kaae, e mo wisiyóló dape salepó.

¹⁵ Diaaq take du betale doasi hekesei ala mió netéyaleé? Diané epaae doasi ɔletere ala mulu, kele sokóló me whi matere ɔla uasóro, yało kele kisi daaleteiné diané kele sokóló e bulóluapó. Mepaae whiné wosetepa, ti diané epaae erale ala fea yało enérapó.

16 Mió yało diąpaae mo bete mole fo yó matereteiné ę diąané bóe whı aqrótu betere?

17 Ai whırapenéta, dią atimatamo touróló beteraai dapóló, doasi ketekę buóló atima mara mole alarape yae yóló sętu beterapó. Tépatei, atimané diąpaae ai eraai du betere alata, mo wisinipó. Ti aita, dią dątamo betąmó betereitei tekeróló, atimané dere ala sya wópóló, du beterapó.

18 Mepaae wisi ala yaai, kisipa mutu butere ketekęta, ti doni mo wisirapó. Dią ętamo betere sukamó maaté wisi ala eraai ketekę buni, ę alupa diąsisi bitukélé ketekę buóló, ai alatóró yó tapa, mo wisirapó.

19 Yało hosaa mole naale senaale-ó, Yesu Keriso diaaq betere bete tuąmó sóró beteranée yóló mutere kisipané yało hosaa betemó dere suputa, sorape naale sisó nukuraalu dere dele kaae momómo dapó.

20 Diaaq du betere ala yało wosaletiné ę seķęi kisipa muóló fomo duraalu, dią neyóló tao saaloé du beterapó. Téreteiné yało i dere hapólui fo taaróló, ę diątamo betąmó bitu, naameiné dua uąpóló, kisipa mutapó.

Hekaró Seratamopaae dó faróló dere fo

21 Kale tukóló mułó betere fo aqmó betaai kisipa mutu betere whırape-ó, ai fo tuąmó mole fo dią wisiyóló kisipanié?

22 Ti noatepae, i fo aseýóló muló beterapó. Abraham-né ama naale tamo deipakalepó. Me naale ti ama kutó dirópóló wae sale soné deýóo, me naale ti ama mo soné deýóo, ipakalepó.

23 Kale kutó diratere soné naaleta, ti mo sorapené naale detere kaae yólótóró dealepó. Téyaletai, ama mo soné naaleta, ti mo eraalopó yóló muló betere fo dokonóturaalu deipakalepó.

24 I fota take mo yale alatei, mió yało fo sale fopaae dó faróló i dapa wosae. Ai so tamota, kale dokóló mulale dirii fo tamo sų sóró dapó. Me dokóló muló betere dirii fo, ti Sainai hasi fosómó kaaróló sókó walapó. Ai dirii fo so kaae bitu, wae sóró kutó diratere naale senaale ditu beterapó. Ai sųratere sota, Hekar-pó.

25 Hekar-ta, ti Arabia hae kwiamó daale Sainai hasipaae dó falatapó. Mió tęne be hulua Jerusalem-ta, ti kale Sainai hasi fosó kaae bitu, ama naale senaaletamo wae sóró kutó diratere so whıtóró beterapó.

26 Tépatei, me kae taoró tęne Jerusalem be huluata, wae sóró kutó diratere so whı kaae mei, mo be huluapó. Aita, dą deale so dąné haetórótipó.

27 Ti noatepae, i fo aseýóló muló beterapó.

“Naale senaale deni, ni daale so-ó, fo fakeýóló hękesei fo du betae.

Naale sisó nélitere so hajné sukutu betae.

Ti noatepa meipó. Ni daapa sisópaae eró betere soné deale naale mo dekéro betóo, whítamo betere soné detere naale senaale, mo teraae fóo erapó,”

²⁸ Norape-ó, diąta, kale Aisak detu yale kaae, ama eraalopó yóló mulale fo mo dokonóturaalu deyale naale senaale ai betere ape.

²⁹ Até yale sukamó mo whinė detere kaae yóló deyale naalené Dęi Kepe Wisiné fotokóné deyale naalepaae susupui ala eralepó. Até yale kaae, miókélé betą alatóró du beterapó.

³⁰ Téretei, Kótóné *buk*-mó noa fo aseýóló muló betere? “Kale wae sóró kutó diratere soró ama naaletamo hókó falae,” fo erapó.

Ti noatepae,

“Kale kutó diratere soné naaleró mo soné naaletamo alimané ąla ąla tuąmó buku-raqsórópa, hókó falae,” fo aseýóló muló beterapó.

³¹ Atérapa, norape-ó, dąta kale wae sóró kutó diratere soné deale naale senaale kaae bitini, mo soné deale naale senaaletóro ai betere ape.

5

Keriso tuąmó me alané dokoni, feléyóló betere ala

¹ Dą mené wae sóró kutó diratere whi kaae, dokóló muló betepa, Yesu Kerisoné teraayóló hąle beteraleteita, ama kisipa mole ala erópóló

erapó. Térapa, mepaae whirapené dią wae sóró kutó diratere whi beteraitepa, ai ala tuąpaae momó kae biti feni, fotoką buóló diri yóló betae.

² Ęta Pol-né dapa, ąalo i dere fo diąné mo wisiyóló wosae! Mepaae whinė diąpaae tiki sekaę tikae yóló sętere fo diaaę wosólótamo tikitepa, ti Yesu Kerisoné dią tao saaire wisi ala diaaę ai tikitere ape.

³ Kale yale fo momó i dere ape. Whi me dené ama tiki sekaę tukópóló kisipa mutepa, ti mepaae tukóló muló betere forape fea mo turó sya fóló enérapó. Mepaae ala maaté eróturaalu, mepaae alamo erénitepa, ti tu muni, ai mo dorapó.

⁴ Dią mepaae whiné kale tukóló muló betere fo sya fu betepa, Kótóné me dowi ala munire so whipó yópóló kisipa mutepa, ti Yesu Kerisotamo tekeyóló ai betere ape. Atéturaalu, Kótóné ama hamokoróló hąle tao sere ala wisikélé diaaę ai taaló betere ape.

⁵ Tépatei dąta, kale Dęi Kepe Wisiné fotokąratepa, kisipa tiki tiraté fu betereiteiné take nalopaae Kótóné mo donoi so whipó yópóló kisipa mutu, hękesetamo i betere ape.

⁶ Ti noatepae, Yesu Keriso tuąmó bitu, tiki sekaę tukóló siriratere ala ó siri erénitere ala me bete munipó. Kótópaae kisipa tiki tiratere ala dą tuąmó moletai hąkearóturaalu, mepaae no

nerapepaae yaala sókó fole ala betā mo doasi bete mole ala ai ape.

⁷ Diā me ɔla saai sururu yóló fóló, ɖale muló betere tikimó sókó faai yaletēi némo sesé yaleé? Atéro sesétu betere alata, mo bete mole fo diāné wosóló sya faqsóró, ai du betere ape.

⁸ Ti diāpaae ai dotopoi fo du betere fota, diā ɔ beterepaae ape yale seké meipó.

⁹ Wuliné apita, sawa ɔlatei fulukó furaalu, mo wuli tiki dorótu dere kaae, ai whɔrapené diāpaae yó matere foné ai du betere ape.

¹⁰ Diā me kae fo woseni, yało i dere fo betā wosóló sya faalopóló ɛ Tale tuāmó bitu kisipa tiratapó. Mepaae whi de doasi doi mole whi ó doi munire whiné diaaɔ tué tiki kóló kólóratepa, atétere whi doasi dowi kwia saalo ai ape.

¹¹ Norape-ó, yałotamo tiki sekaɛ tikae fo depa, ti atimané ɛpaae susupui ala noatepa hałe erótu betere? Yało atei kaae fo yó meluqsóró, Yesu ni tómó sukálepóló yó matere fo wosetere hóróló sisópaae eratere ala uameipó.

¹² Diā kópaae falaai du betere whɔrapeta, atimané tiki sekaɛ tukóló siriratere ala maaté ini, mo turó tukóló taae fatepa ti mo wisirapó.

¹³ Yało no nerape-ó, me ɔlané diā dokóló muló betaqsóró, teraae fóló hałe beteropóló, Kótóné ɔ beterepaae ape yalepó.

Atéro teraaeyóló hałe betero beterepa, diaaɔ tó tikiné ekɛlere dowi ala yaaire tɛ melaɔse. Aténi, diā tuāmó yaala sókó fole ala duraalu, u taosu i taosu dere ala betā yó tawae.

¹⁴ Kale tukóló muló betere forape mo fea i doasi fo tuāmó bulapó. Ai fota i ape.

“Naaotei ya yaala sókó fu dere kaae, naao be whi no nepaaekélé atéro yaala sókó fu betae,” erapó.

¹⁵ Ai ala ini, yuwitamo hɔle suraalu u tukósu i tukósu dere kaae depata, ti atétere alané diaaɔte i diā dóló kemeraqsóró, mo hotowa yóló kaae tawae.

Dei Kepe Wisiné fotokoro betepa da beteropó ere fo

¹⁶ Térapa, yało i dere fo wosae. Kale Dei Kepe Wisiné yae dere ala sya fóló erótu betae. Atétepa, ti diāné tó tikiné ekɛle yóló yaai du betere dowi ala mo yaalomeipó.

¹⁷ Ti noatepae, ɖané tó tikiné ekɛle yóló du betere alané kale Dei Kepe Wisiné eraai dere alatamo bóe du beteropó. Kale Dei Kepe Wisiné kélé ama ala eraairaalu tó tikiné eraaire alatamo bóe du beteropó. Ai ala tamo atimaamotei bóe dupa, ti diāné tó tikiné ekɛle yóló yaaitere ala mo enénipó.

¹⁸ Tépatēi, Dei Kepe Wisiné ama erae dere alatamo naao sya fóló du betepa, ti kale tukóló muló betere foné tɛteróló kaae tare aqmó ya betenipó.

19-21 Tó tikiné ekẹle yóló du betere alarape so whị feané kisiparetei dosąatapa wosae. Nópu nokole alakélé, me dowi alatamo hoseké dere alakélé, enénire mo sonaalei dowi alakélé, kapala kótó ó mepaae alarapepaae kisipa tirótu betere alakélé, isi whịné du betere alakélé, mepaae so whịtamo dei kisipa mutu, hamoma hóraterere alakélé, hõle sere alakélé, me whịné dere ala kilitu, ẹkélé até enée yóló dei kisipa mutere alakélé, mo dowi fopaae butere alakélé, doasi doi mole so whịpó yópóló du betere alakélé, mo turó so whị betepatei mepaae tóróti so whị fake tekeyóló betere alakélé, fake tuámó teketerere alakélé, mepaae whịné dere wisi ala kilitu, ẹkélé até uapóló dei kisipa mutere alakélé, dowi wẹi nóló topo dotere alakélé, so whị fea touróló bitu dowi wẹi nóló du betere dowi alakélé, ai dosąayale alarapekélé, mepaae dosąani yale dowi alarapekélé, tó tikiné ekẹle yóló du betere ala ai ape. Dią dowi tųpaae faqsóró, yało diąpaae take yale ma fo kaae momó i dapa wosae. I dosąayale dowi ala du betere so whị Kótóné tẹteróló betere ala tuámó beterénipó.

22-23 Tépatei, niné du wisi oletu dere kaae, Dẹi Kepe Wisi so whị tuámó bitu, i alarape erótu betepa kelaalo ai ape. Ne nopaae yaala sókó fole alakélé, hosaa tuámó haįtu betere alakélé, hosaa

muni deyóló mo dua betere alakélé, mené sekeį ala eratepatei me ọla meipóló, Kótóné ama kisipa mole ala erópóló, kaae tawóló dua betere alakélé, wisi kisipa muóló kọlené sukutere alakélé, mepaae so whịpaae wisi ala eratereteikélé, mepaae whịné ama eraalopó dere ala haşókó feni, motóró eratereteikélé, naameyóló mo dua betere alakélé, whịné tó tikiné enée dere ala yaqsóró amatei ą tẹteróló kaae tareteikélé, i dosąayale alarape mo betąkókélé Kótóné ama tukóló muló betere foné yaqse yóló fo muló bitinipó.

²⁴ Yesu Kerisoné ama dape sóró betero betere so whịné tó tikimó bole ekẹleró kisi-panétei senée dere alatamo alurópóló, ątamo filipaa ni tómó oleró beterapó.

²⁵ Dą betere beteta, kale Dẹi Kepe Wisitóró ai ape. Térapa, ątamo betámó titiyóló furaalu, ama dere ala sya fóló yaalopa siépe.

²⁶ Dąnétei ẹta, doasi doi mole whịpóló bopé fake dere alakélé, me whị dowi kisipa muópóló sesemer-aterere alakélé, mepaae whịné mole wisi wisi ọla kilituraalu, ẹkélé ai ala enée yóló, u só derótu i só derótu dere alakélé, i dosąayale alarape fea dąné yaqse yóló i dere ape.

6

Dowi ala dere whị tų wisi-paae fópóló tao sae ere fo

1 No nerape-ó, mepaae whjné du betere dowi ala dijané kelené keletepa, Deji Kepe Wisiné yae dere ala sya fu betere so whjné ai whjné ama dere dowi ala taaróló, wisi ala momómo yópóló dua naamei ma fo yae. Tétutei, ai alané diákélé dée nalaairaalu su sere ala eraqsóro, hotowa yóló kaae tawae.

2 Yesu Kerisoné yae yóló muló betere fo eróturaalu, dija tuapaae wou betere sekei ala dijasisi u taosu i taosu du betae.

3 Me whj ʔ me bete muni-patei, ama kisipané ʔ doasi doi mole whjpo du betepa, ti ʔ amatei dilikitu beterapó.

4 No nerape-ó, dijané ai du betere alata wisi ala depé, dowi ala déro diaaqteji kaae kolóló taleyae. Mepaae whjrapené du betere ala kolósu naao dere ala kolósu yóló kaae kelaqse. Aténi, naao ditere kutó betʔ kaae kolóló wisirapóló kisipa mutupa, ti ya hekeseturaalu hajyóló betenérápó.

5 Ti noatepae, Talené da betʔ betʔ so whjné diyópóló tukóló muló betere kutó dekani, ai kutó amatóro dité fu beterópóló yae.

6 Mepaae Talené fo yó matere whjné yó matere fo wosetu betere so whjné wisi wisi ʔla, mepaae bukóló kale fo yó matere whj ʔmo tao sóro matepa mo wisirapó.

7 Mené dija dilikitere ala yaqsóro yae. Mo betanékélé Kótó faletere ala mo enénipó. Ti noatepae, mepaae whjné

noa ʔla wae bilitepa, ti ama ai bilitere ʔlatóro ʔlumétepa sua dapó.

8 Mepaae whjné tó tikiné felé yaaitere ala sya foleteiné ʔla wae kaae bilipa, ti tó tikimó kaaróló mo ti doróló aluyaaitere ala saalo ai ape. Mepaae whjné Deji Kepe Wisiné ama du betere ala wisi kolópóló erótu betepa, ti Deji Kepe wisiné ai whjímó mo ti betó tawaaire bete melaalopó.

9 Dané du betere wisi ala hójyóló taaréni, hale detétóro fu betae. Ti noatepae, dané du betere alatamo hale yó tapa, ti ʔla ʔlumétere alimó ʔla wisi su dere kaae yaalopó.

10 Térapa, so whj mo feapaae dané wisi ala erótu tao saaire tu mupa, ti tao saalopa siépe. Téturaalu, Talepaae kisipa tiki tiróló betere so whjta, ti dané ne no mo betʔ faketóro betereteiné atima wisiyóló tao senérápó.

Tiki sekʔe tikitere alata doasi bete muni, Keriso sukʔale ala betʔ ti doasi alapó

11 Diapaae i ʔlatere aseʔa, yaʔo naasenéteji mo doasi yóló ai erapa kelae.

12 Tó tikimó ere ala kilitu, whj wisipóló dukiratere fo wosaai ekele du betere whjrapené diapaae tiki sekaʔ tikae yóló dotopo du beterapó. Ti ai du betere alata, hale mei, Yesu Keriso filipaaró betere ni tómó sukʔalepóló yó mótu betereteimó, atima susupui ala eraqsóro kisipa mutu ai du betere ape.

13 Ai kale tiki sekaꝑ tikire whjrape atima Kótóné tukóló muló betere fo feamo betere dokꝑ sya fóló erótumipó. Téretei, atima ere kaae, diákelé tikimó siriratepa, atimané dere fo betá wose-tapóló, atima bopé fake yaai kisipa mutu setu beterapó.

Téyópoló yae!

14 Yálo dere alamó ę bopé faketuraalu, yálolei yálo doi hale sóró horatere ala yaalomeipó. Aténi, dá tetéroló kaae tare whj Yesu Keriso oleró betere filipaa ni betá kisipa muóló, ita mo doasi bete mole alapóló bopé fake yaalopó. Ti i haemó yó mole ọla ọla fea ni tómó oleróo, yálo ai ọla ọlarape saai ekele yaqsóró ękelé ai ni tómó oleróo yalepó.

15 Tiki sekaꝑ tikitere ala, ó tikinire alata, me bete muni. Mo bete mole alata, ti Kótóné ama kae kisi kaaró betere ala betá mo bete mulapó.

16 Ai ala wisi sya fu betere so whj feapaae Kótóné hosaa muni deóló mo dua betere alaró kolené sukóló tao sere alatamo erópóló yae. Atére so whjta, Kótóné ama naale senaale Israel fake ai ape.

17 Yálo mo kemerótu dere fo i ape. Yesuné ama ala erateremó erale sirirape betá yálo tikimó mulapa, mepaae whjiné ę eróturaalu, dere kae kae sekei ala mo sypa taalae.

18 No nerape-ó, dá tetéroló kaae tare whj Yesu Kerisoné hamokoróló hale tao sere ala diané kepe bete tuapaae erópóló yae. Mo kée.

Efesus

¹ Ẹta, Kótóné ama kisipa mole ala sya furaalu, Yesu Kerisoné fo erāle fae yóló dotẹyale whi *apose*l Pol-né dapó. Yalo i dere aṣeta, diā Efesus be huluamó Talené kae sóró betero betere so whi Yesu Keriso tuamó bitu, ama ala eró tare so whipaae dapó.

² Dāné Aya Kótóró dā tẹteróló kaae tare whi Yesu Kerisotamoné hāle hamokoróló tao sere alaró hosaa muni deyóló mo dua betere alatamo diā tuapaae erópóló yae.

Keriso tuamó betepa Dei Kepe Wisiné hāle mótu betere ala

³ Dā tẹteróló kaae tare whi Yesu Kerisoné Alima Kótóné dā hepen bemó naalema tuamó betepa kilitu, ama hepen be tuamó muó mole wisi wisi ala dāné kepe bete tuapaae eró betepapó. Atérapa, Kótóné ama doi betā hāle sóró horótu betae.

⁴ Ti noatepae, i haeró yó mole ọlatamo aleyaai teópatei, dā ama keletómó me dowi alakélé ini, mo kae so whi beteropóló, dā ama so whipóló sókó sóró Yesu Keriso tuamó beteralepó.

⁵ Atéreteita hāle meipó. Dā betaaipatei dapaae yaala sókó furaalu, ama kisipané yaaire ala haşókó feni, motóró dokonóturaalu, Yesu Kerisoné yale alanétei, dā Kótóné ama naale

senaletóró aleróló beteraaire ala ama taketitei tukóló munélipakalepó.

⁶ Dā atéro ama yaala sókó fale naale tuamó betepa, ama mo kae ere de faane hamokoróló tao sere ala dapaae hāle meló betereiteiné, ama doi betā hāle sóró horótu betae.

⁷⁻⁸ Dā ą tuamó betepa, Kótóné ama hāle hamokoróló tao sere ala mo ti faaneteiné, dāné yale dowi alamó melaai yale kwia ama tokóló aluróturaalu, ama fačené dā dupuróló beteralepó. Ai ala tómó tuẹ tiki fosó fosóre alaró fo bete diriyóló tuẹ dere alatamo mo turó melalepó.

⁹ Atéro, ama eraai kisipa mole ala kinóló moletei, dāné kolóló tuẹ yópóló haķeamó yó melalepó. Ai yó melale alarape mené apaae yae yóló ṣeni, mo ama kisipa mole alatóró naalema Yesu Kerisoné erópóló yalepó.

¹⁰ Ai alarape teó erótu bitutei, ama eraaire ala fea eraté fóló kemerāle furaalu, ama tukóló mulale sukamótóró ó hepen bemó betó mole so whiró i haemó betó mole so whitamo fea betapaae touróló, betā topo whinétóró tẹteróló kaae tapa, ą aomó beteropóló eraalopó. Ai sekéta, ti Yesu Kerisótórotípó.

¹¹ Dā ą tuamó betepa, ama sókó sóró kae betero betereiteita, hāle meipó. Mo taketi fea ala ama mo eraalopó yóló mulaletei motóró dokonóturaalu, dā mo ama naale senaletóró beteraai

tukóló mulalepó.

¹² Atéyaleiteita hãle mei, Yesu Kerisoné ðapaae wisi ala eraalopóló, folosóro ðapaae kisipa tiró betere so whĩ ða mepaae so whĩné kilitu, Kótóné ama kae ere ðe wisinaale erapa kelae, yóló a dukirópóló erótu beterapó.

¹³ Diã aluyaqsóro tao saaire mo bete mole fo wisi wosetepa, Kótóné diãkélé ðatamo touróló Yesu Keriso tuãmó beteralepó. Ti ðapaae kisipa tiki tiratepa ama so whĩpóló, diaaø tikimó mo dirii siri mulóturaalu, ama melaalopóló tukóló mulale Ðei Kepe Wisi mo melalepó.

¹⁴ Ai Ðei Kepe Wisi melaiteita, take Kótóné ðapaae wisi ala mo eraalopóló kisipa muópóló melalepó. Kótóné ama dupuyale so whĩ mo wisiyóló betaaire tikipaae dapesó faai hãle betepa, kale Ðei Kepe Wisi ðatamo hãle betótóro tawaalopó. Tépa, so whĩné ai ere ala fea kilitu, ita Kótóné mo kae ere ðe wisinaale erapóló, ama doi doasi mulaalopó.

Pol-né Talepaae mo kée yóló moma yale ala

¹⁵ Atére betené diã Yesu Kerisopaae kisipa tiki tiró bitu, Kótóné ama kae beteró betere so whĩpaae yaala sóko furaalu, wisi ala erótu beterapó depa yaalo wosalepó.

¹⁶ Atéyale sukamó kaae sóro, Talepaae mo kée yóló, yaalo diãmó momaraté wou

betere ala kisipa keteréni, miókélé hãle yó tarapó.

¹⁷ Yaalo diãmó momarótu betere ala i ape. Ða teteróló kaae tare whĩ Yesu Kerisoné alimata, mo kae ere ðe faane Kótó beterapó. Atére Kótóné diaaø kepe tuapaae fosó fosói ala eróo, kinó betere ala hãkearóo, yópóló momatu beterapó. Aita hãle mei, a etei kaae Talepóló diãné kisipa deté fópóló dapó.

¹⁸⁻¹⁹ Yaalo momarótu betere ala me i ape. Kótóné ama ere ðe diaaø hosaa tuãmó daale kelené kolópóló dapó. Take diapaae eraalopa ape yóló bope yale ala wisi diaaø kelené diriyóló kolóló tué yóo, take ama ðe tuãmó betaai dape saalopóló kisipa mutu, kae beteró betere so whĩta, Kótóné ama ke bole ọla wisipóló tué yóo, ða ðapaae tué tiki tiró betere so whĩ tao sóro eraterere mo kae bole fotokókélé kisipa yóo, yópóló momarótu beterapó.

²⁰ Ti ai fotokọta, Yesu Keriso mo ti sukãletei Kótóné ama momó kepaaróló beterale doasi fotokọ kaae ai ape. A atéro kepaaróló, hepen be ere tikimó ama turu naase ðemó beteralepó.

²¹ A beterale tikita, teteróló kaae tare alakélé, ama teteróló kaae tare tuãmó me whĩpaae teteróló kaae tawae yóló, sóro beteraterere alakélé, doasi fotokọ bole alakélé, doasi hae kwia teteróló kaae tare alakélé, mió i alimókélé, take betaaire alimókélé, doasi doi matere alarape fea

Yesu Kerisoné ama doi mole alané t̄eteróló mo ti teraae falapó.

²² Fea ala feata, Kótóné Yesu Kerisoné t̄eteróló kaae tare aomó beterpóló eróo, ama so whj̄ró atima tao sóró eratere alatamo fea amatóro t̄eteróló kaae tanópóló topo whj̄ sóró beteroo yalepó.

²³ Ai so whj̄ta, mo ama tikitóro daaleteiné fea ala du betere tuapaaekélé, kae kae ere ala tuapaaekélé, ama tikimó ere alatóro fayóló suró beterapó.

2

Da Yesu Kerisotamo kepaaróló beterales fo

¹ Ti take Kótóné yóló muló betere fo diaaḡ tukóló du betale dowi ala tuamó sukóló molepó.

² Take diḡta, i haemó mole kae kae du betere ala sya fóló yóo, tó sa tuamó t̄e mole tiki t̄eteróló kaae tare kepené dere ala sya fóo du betalepó. Ai kepeta, miókélé Kótóné fo tikitu betere so whj̄ tuamó bitu, ama kisipa mole alatóro erópóló du beterapó.

³ Take ḡkélé fea ai ala du betere so whj̄tamo bitu, tó tikiné ek̄leyóló dowi ala yó tarepó. Atéturaalu, tó tikiné yaai h̄kesetere alaró mo hae whj̄né mole tuétamo maaté sya fu betalepó. Atétu, so whj̄ mo whj̄né detu dere kaae, ḡkélé atéreteiné Kótó ḡ fopaae butu melaaire kwia senére so whj̄ beterepó.

⁴⁻⁵ ḡané yale dowi alané ḡ sukóló mupatei, Kótó

ḡ tuamó kolené sukutere ala mo f̄anuraalu, ama ḡpaae mo doasi yaala sókó faleteiné, Kótóné so whj̄ t̄eteróló kaae tare whj̄ Kerisotamo ḡkélé kepaaróló beteralespó. Até yale alata, amatei diḡ h̄le hamokoróló tao salepó.

⁶ ḡ atéro, Yesu Keriso tuamó betereiteiné Kótóné ḡ kepaaróturaalu, ḡkélé ḡtamo betamó kepaaróló, Kótóné ama t̄eteróló kaae tare tiki hepen-mó Yesu Keriso sóró beteróturaalu, ḡkélé ḡtamo betamó beteralespó.

⁷ Ti aita h̄le mei, ḡ fea Yesu Keriso tuamó betereiteiné nalo bitiré faaire alimó Kótóné ḡpaae yaala sókó furaalu, ama h̄le hamokoróló tao salepó. Ai ala tuamó mo doasi ke boletei yó maté fu betepa ḡané kolóló kisipa yópóló erapó.

⁸ Ti noatepae, diaaḡ tué tiki tiró betere ala kilituraalu, Kótóné ama h̄le hamokoróló diḡ tao salepó. Ti diḡnétei diḡ tao sere ala ini, Kótóné ama tao sere ala diḡmó h̄le malepó.

⁹ Ti aita, noa betené meipó. Me whj̄né ama erale wisi alané yalepóló, bopé fake yaḡsóró yalepó.

¹⁰ ḡ Yesu Keriso tuamó betepa, Kótóné ama fosó fosói kisipané ḡ kisi whj̄ aleróló beteralespó. Atére beteta, Kótóné ama yaai kisipa mole ala wisi ḡané erópóló, mo taketitei taleróló munélipakalepó.

Keriso tuamó mo betá faketéró aleró beterapó

11 Térapa, take diá Juda meire fake deóló betepa, tiki sekaę tukóló siriró beterapó du betere whırapené duraalu, daťa tiki sekaę tikipatei, diá tikinipóló só deróló erótu betere fo diaaę ai i kisipare ape. Ti tiki sekaę tukóló sirirótu betere alata, mo whıné naasenétei erótu beterapó.

12 Diá atéro betale sukamó Yesu Kerisotamo betamó bitini, kae betale ala kisipa muae. Israel hae talerapené diá atimatamo touna waqsóro sesétepa, diá wale so whıtóro bitu, Kótóné ama so whı tao suraalu, eraalopó ere ala wisi senére so whı bitinipó. Diá atéro bitu, take waaire be demó dapaee i ala wisi mo eraalopóló tuékélé muni yóo, i haemó bituraalu Kótóné da tetéroló kaae tarapó tuékélé muni yóo, eretei diaaę kisipa muae.

13 Ti taketa, diá mo tika kae betaleteti, ama faķené dupuyóló dapesó wóló, Kótó betere felekemó Yesu Kerisotamo betamó beteralépó.

14 Ti Yesu Keriso aťa, hosaa muni deyóló dua betere bete Tale ereteiné so whı tekeyóló fake tamo betepa, bóe amatei firóló mo betá faketéró beteralépó. Téturaalu, ai fake tamo tuamó ere satále fisikóló taae faralépó.

15 Atéro fisikaleteta, ama tikimó erale alané kale tukóló muló betere fokélé, ai fo tuamó mole forapekélé,

etéro yae dere forapekélé fea tokóló aluralépó. Ama yaaı kisipa mole alata ai tamo fake a tuamó mo betá whıtóro aleróló, bóe mo ti firaai yalépó.

16 Ai kale betá tiki tuamó fake tamo wusuró betepa, ama filipaa ni tómó erale alané Kótótamo bóe du betaleteti, touróló betamó beteroó, kale fake tamo du betale bóekélé kemeróo yalépó.

17 Atéro a wóló, diá saletómó betó mole so whıró, felekemó betó mole so whıtamopaae bóe dele ala taaróló, dua betae yalépó.

18 Ti noatepae, da fakeró diá faketa mo fea touyóló Yesu Keriso tuamótóro bitu, Alima beterepaae sókó faaire alata, Deı Kepe Wisiné betá fotokoratepa fenérapó.

19 Ti taketa diá keleppaa kilini, wale so whı betaleteti, mió diá Kótóné so whıtamo touyóló be taletóro alée fóló, mo ama naale senaale beterapó.

20 Kótóné ama naale senaale betere beta, haę hae tómó tenipó. Ai be diriyóló daalópóló, mo diri eleké biliyóló, ai tómó be tetu dere kaae, aposel whırapéro Kótóné ama fo eratere kóló whırapetamo ti be iru eleké kaae deyóo, Yesu Keriso aťa, mo doasi hulua yapó eleké kaae deyóo, erapó.

21 Be tetere ęla ęla fea hulua elekémó beleróló be diriyóló daalatu dere kaae, Talené ama yale alané da fea

à tuamó touróló bitu, ama mo kae tene momatere be daalópóló teté hutu beterapó.

²² Atétu dere kaae, diákélé fea à tuamó betereteiné Kótó à betaaire be wisi daalópóló teté hutu beterapó. Atéro teterere bemó Dèi Kepe Wisi betereteiné Kótó à beterapó.

3

Pol Juda meire fake tuamó kale fo wisi yó mótu betale ala

¹ Atéreteiné èta, dià Juda meire fake so whìpaae Yesu Kerisoné fo wosópóló, erótu betepa *dipula* sóró beteró betere whì Pol-né dapó.

² Kótóné ama hãle hamokoróló tao sere ala dià feané tué yópóló, epaae teteróló kaae tawae depa, kaae tarapó dere fo diàné wosetu yalepó.

³ Kótóné ama dià feapaae mo eraalopó yóló mulale ala take so whì feané kolóló tuèni, kinóló moletei Kótóné epaae hãkearóló yó matepa, diàpaae sawa hãlekeróló ai aseyalepó.

⁴ Atéyalepa, yãlo i dere fo diàné dosãaturaalu, Kótóné ama so whì teteróló kaae tare whì Kerisoné yale ala kinóló mole bete yãlo tuère kaae, diànékélé tué yaasepóló dapó.

⁵ Ti ai beteta, mió Dèi Kepe Wisiné Kótóné ama kae beteró betere *aposel* whìraperó Kótóné ama fo er- atere kóló whìrapetamopaae yó male kaae, mo take bitiré

wale whìrapepaae hãkearóló yó menipó.

⁶ Ti ai kinóló mole ala i ape. Juda meire fake so whìné kale mió wosetere kisi fo wisi wosóló, Yesu Keriso tuamó betepa, Kótóné ama Israel so whìpaae melaalopóló tukóló muló betere òla, Juda meire fake so whìnékélé sóo, dià ai Juda faketamo betã tikitóro daayóló betóo ereteiné, atimapaae eraalopóló muló betere ala diàpaaekélé er- atepa sóo yaalo ai ape.

⁷ Kótóné ama bole fo- toko hãkearóturaalu, ama hamokoróló tao sere ala epaae hãle melalepó. Atéreteiné mió kale wosetere kisi fo wisi yãlo yó melópóló, è ama kutó diratere whì sóró beteralépó.

⁸ Mepaae Kótóné so whì betó mupatei è betã doi muni, mo belei sókótei betepa, Kótóné ama hãle hamokoróló tao sere ala eróturaalu, epaae i kutó dirae yóló melalepó. Ai melale kutóta, Juda meire fake so whìpaae Yesu Keriso tuamó mole mo doasi ke bole ala wisi turó yó melópóló è sóró beteralépó.

⁹ Tétu, i haeró yó mole òla òlatamo kaarale Kótó tuamó, take bitiré wale alimó kilini kinó betere ala bete mió so whì feané tué yópóló, epaae kaae tawae yóló è sóró beteralépó.

¹⁰ Ama yaai kisipa mole alata etérópó. Mió ama fake so whì tuamó erótu betere alané hepen ere tikimó betó mole teteróló kaae tare

keperó fea ala teteróló kaae tanópóló male fotokotamoné Kótóné ama kae kae ere fosó fosói ala hakearatepa tué yópóló erapó.

¹¹ Atéyaleteita, mo taketi Kótóné ama eraalopóló tukóló munélipakale ala da teteróló kaae tare whi Yesu Keriso tuapaae erale alané dokonó beteraipó.

¹² Atéró a tuamó bituraalu, apaae kisipa tiki tiró betereiteiné Kótó beterepaae faaire tu mené sesénipa, halaainé fó betayae.

¹³ Térapa, diá tao su betere alamó epaae i erótu betere sekei alarape kilituraalu, diá fomo yóló haepaae derepaose. Ti noatepae, ama kae ere de wisinaale diané mo saaireiteiné ai sekei alarape erótu beteraipó.

Efesus so whimó mamaralefo

¹⁴⁻¹⁵ Aya Kótóné ama ai doasi wisi ala eró betereiteiné e bukutiri tearó bitu, diámó momarótu i betere ape. Ti ó hepen bemó betere naale senaaleró, i haemó betere naale senaaletamó feané Aya a betay beteraipó.

¹⁶ Atére Aya betere felekemó bukutiri tearó bitu, momatu betereitei i ape. Mo kae ere ala wisinaale a tuamó fanuraalu, diané kepe bete tuapaae ama Dei Kepe Wisiné fotokó bulópóló momarótu beteraipó.

¹⁷ Atétereteita hale meipó. Diá apaae tué tiki tiró betepa, Yesu Keriso a diané hosaa tuamó beteraipóló kisipa

mutu dapó. A atéró betepa, ni feleke haepaae doropóló diriyóló daatu dere kaae, diá Kótóné ama yaala sókó fole ala tuamó beteraipóló dapó.

¹⁸ Diaró Kótóné wisiróló kae beteraipó betere so whitamó fea ama bulatere fotokóné Kerisoné dapaae doasi yaala sókó fole ala mo turó diriyóló tué yópóló dapó.

¹⁹ Ti ai yaala sókó fole bete turó da mo whiné tuénitei diaa a tuénékélé, hosaa tuamókélé mo diriyóló tué duraalu asa yópóló dapó. Até duraalu, Kótó a tuamó fayayóló sure kaae, diá tuamókélé fayayóló surópóló momarótu beteraipó.

²⁰ Ti da tuamó ama erótu betere fotokónéitei, dané kisané eranée dere alaró moma duraalu wosetere alatamo ama sumó eranérapó.

²¹ A atei kaae whi betereiteiné, da Yesu Keriso tuamó ama fake so whi bitu, ama doi wisinaale mió i alimókélé, take betaaire alimókélé, hale sóró horaté fu beteraipóló yae. Mo kée! Téyópóló yae!

4

Yesutamó olekeyóló mo betay tikitóro daale ala

¹ Eta, Talené ala erótu betereiteiné dipula beteratepa bitu, yalo diapaae ma fo i dapa wosae. Diaa a du betale ala taaróló, Talené a beterepaae ape depa wóló, ama so whitóro beteraipó wisi ala betay erótu betae.

² Talené ama tẹteróló kaae tare aqomó bitu bopé faketera ala ini, ama eraai kisipa mole ala erópóló, naaotei ya tẹteróló mo dua betae. Téturaalu, naao no netamo naameyóló dua bitu, me ɥasókó fole ala ó me sekei ala eratepa hapale tokó meni, mo dua kaae taté fu betae.

³ Téturaalu, kale Deji Kepe Wisiné diɥ Keriso so whi fea mo betɥ kisipatoró mulóló betero betereitei, diɥné doróló fake tekeyaqse. Aténi, hosaa muni deyóló mo dua betere alané diɥ fea dokóló mo betɥ fakétoró beteropóló yae.

⁴ Diɥpaae eraalopó yale wisi ala saai ape depa yale ɥaɥta, mo betɥ ɥaɥtoró mulure kaae, da fea mo betɥ tikitó daayóo, Deji Kepe wisikélé betɥtoró betoo erapó.

⁵ Atéru, da tẹteróló kaae tare Tale betɥtoró betepa, apaae tué tiki tiraterere alakélé, ama doimó weji tóputere alakélé, mo betɥtoró erapó.

⁶ Da tẹteróló kaae tare Kótóta, betɥtoró betepa da fea ama naale senaale betepapó. Atéru, fea ala amató tẹteróló kaae tawóo, mo take bitiré wale alimókélé, mió i alimókélé, take nalo waaire alimókélé, deté fu betere ala fea a tuamótó yóo, mepaae ere ala tuamókélé aɥtoró betoo, erapó.

⁷ Atépatei, Yesu Kerisoné ama kisipa mole ala sya furaalu, ama hamokoróló ɥale tao sere ala da feamó

dokoróló melalepó.

⁸ Atére betené Kótóné i fo aseýóló muló betepapó.

“A kepaayóló mo opaae huturaalu, wae sóró ama kutó diraterere whirape naase tamo dokóló dapesó furaalu, mepaae wisi wisi ɥla ama fake whirape aliróló melalepó,” erapó.

⁹ Ti a “Ópaae holalepó” dere fo noa betené déropóló, diɥ kóló kóló yaqsóro i dapa wosae. “Ópaae holalepó” dere fota, folosóro a mo haepaae derepelepó.

¹⁰ Atéro, kepaayóló momó opaae huturaalu, fea tiki aɥtoró suróló, hepen berapekélé tẹteróló, mo ó taoro beterale sekéta me kae mei, kale hae apaae derepele whi aɥtorótipó.

¹¹ Atéturaalu, ai sekéné amatóro i kutorape taleróló malepó. Mepaae whirape ama fo erale fópóló *apose*l doi melóló sóro beteroo, mepaae so whi Kótóné ama fo eraterere kóló whi sóro beteroo, mepaae so whi ti Kótóné fo wosenire so whi yó melópóló sóro beteroo, mepaae ti Kótóné so whi tẹteróló kaae tare *pasta* whi sóro beteroo, mepaae ti kale fo wisi yó matere whi sóro beteroo, erapó.

¹² Atéyaleteita, Kótóné ama so whiné mepaae so whipaae eraaire wisi ala etéro yae yóló yó maté fu beteropóló, yalepó. Atétere alané ama so whi Kerisoné tikitóro daayóló

mo dirii so whi beteraté fenérápó.

¹³ Atétu, da fea Talepaae tué tiki tiró betóo, Kótóné naalema etei kaae whípóló bete mole fo diriyóló kisipa yóo duraalu, mo betá fake alée fóló mo dirii so whi betaalópó. Atéro bitiré furaalu, Keriso a me ala yayani mo turó fane whi wisinaale biture kaae, dakélé até yaalópó.

¹⁴ Atéro dirire whi betereimó, keteirapené dere ala kaae da momó kae yaalo meipó. Beséro wei asyatamoné ni tiki upaae só fu, ipaae só wou dere kaae, u fo wosene i fo wosene yaalomeipó. Ti mepaae whirapené dowi ala yaai mole kisipa u tuapaae hiró bitu, hale tó mó so whi dilikóló, kae kae yó matere fomó kisipa tiraalo meipó.

¹⁵ Aténi, yaala sókó fóló mo bete mole fotóro duraalu, da tetéroló kaae tare Topo whi Yesu Keriso tuamó doaté horóló, dané kae kae dere alakélé, fea ama dere alatamotóro syyaalópó.

¹⁶ A atéro betereiné, a tuamó bole fotokóné whiné tiki feleke diritamo olekere kaae, da fea mo betá tikitóro daayóló beterápó. Atéru, Talené dapaae diyae yale kutó dirótu betepa, ti da yaala sókó fole tuamó doa deté faalópó.

Talené dené deyóló betero betere naale senaale kaae betere ala

¹⁷ Térapa, da fea Tale tuamó bituraalu, yalo i dere ma fo

sya fóló mo erae. Kótóné fo woseni hale betere so whi atima wisi ala yaaire kisipa muniru hoko betere kaae, diakélé ai ala momó kae yaqse.

¹⁸ Atima hosaa taruraalu, wisi tuékélé munireteiné tikikélé dilikiyóló Kótóné mo ti betere ala tuamó bitini, tika kae beterápó.

¹⁹ Atéro, dowi alané hosaa tóruró betereiné, atima dere dowi ala taalaire kisipa muni, tó tikiné feléyóló yaaire ala betá hale yó tarápó. Ai ala tó mó mepaae kae kae sonalei alakélé hale yó taté fu beterápó.

²⁰ Tépatei, diá Yesu Keriso kisipa deté waleteita, atimané du betale ala sya fóló yale tikimó inipó.

²¹ Yesu Kerisoné mo bete mole fotóro mené depa diaa q wosóo, a tuamó betepa mené diapaae yó melóo, yale fo diané wosetu yalepó.

²² Take diané du betale alamó tué muturaalu, atimané diapaae yó malepó. Tó tikiné diá dilikitepa ekéleyóló du betale alané diaa q kelaaretei tiki derakele kuti kaae sokóló taae falae.

²³⁻²⁴ Téturaalu, diaa q tué tiki kae muóló, kisi kuti derótu dere kaae, kisi whi derae. Ti ai kisi whita, Kótó tuamó mo donoi alaró kae ere de wisi-naaletamo fanure kaae yóló beterópóló, kaaró beterápó.

²⁵ Atérapa, ai du betere kapala alarape mo ti taaróló, diaa q be whi so whipaae diá dok q feané mo alatóro erótu

betae. Ti noatepae, hóró naasetamo tikimó botokó wóló, beta tikitóro daalure kaae, da Keriso so whi fea touróturaalu, mo beta tikitóro beterapó.

26 “Ya fopaae buturaalu, dowi ala yaqse,” Nao me whitamó atéro butere fopaae hāle bupatei, be de hāle kemeyaqsóro yae.

27 Téturaalu, diaaḡ betere ala tuāpaae Satan-né ama tué mole ala eraqsóro te mulaqse.

28 Mepaae qlémi nuku betale whirape ai ala mo taaróló, atima naasenétóro kutó kae dióló ɔla nópóló yae. Atéro ditere kutómó botokotere ɔla mepaae yaḡa dere so whimó melópóló yae.

29 Diāné dere foné mepaae whi doraqsóro nao dere fo woseturaalu, a tuāmó mole seḡe ó yaḡare ala wisiraaire fo betaḡóro yae. Diāné tamó ai ala depa, ti ai fo wosetere so whikélé tao senérapó.

30 Take Kótóné diā dupuróló beteró bettereita, opaae dapesó holaalopóló tué muópóló, me ɔla seperótu dere kaae, Kótóné diā ama so whipóló daḡe mulóturaalu, ama Deḡ Kepe Wisi diā tuāmó beteró beterapó. Atérapa, diāné du betere alané Deḡ Kepe Wisi deḡené sukutu seḡe yaqsóro yae.

31 Téní, dei fomaake kisipa mutere alakélé, hapale fopaae buturaalu dere alakélé, mo hāle fopaae butere alakélé, hōle suraalu fo faketere alakélé, eraterere fokélé, mepaae so whipaae

kae kae dei kisipa mutere alakélé, fea taalae.

32 Téturaalu, wisi tué beta muóló, wisi alatóro eróo, kōlené sukutu u tao su i tao su yóo, du betae. Atéturaalu, diā Yesu Keriso tuāmó betepa, Kótóné diaaḡ yale dowi ala kwia kemerótu yale kaae, diāpaae dowi ala eraterere whiné kwiakélé hāle kemerae.

5

1 Daḡa, Aya Kótóné ama hosaa turó muóló, yaala sókó fale naale senaale bettereiné ama dere alatóro dané suróló enérapó.

2 Ti noatepae, felé ḡelaa wisi Kótó betterepaae fópóló simó sukūlaa dalatu dere kaae, Yesu Kerisoné dāpaae yaala furaalu, ama betere bete hāle melóló sukālepó. Atéreteiné da yaala sókó fole ala tuāmó bitu, dané ne nopaaekélé atéro yaala sókó fu betenérapó.

3 Tétu, diā Keriso fake so whi tuāmó nópu nokole ala ó, mepaae hōko alatamo hosekéróló du betere ala ó me ɔla wisi deḡeró senée yóló, eḡeḡe dere ala mo yaqse. Ti noatepae, ai alarapeta, Kótóné ama kae beteró betere so whiné yaaire ala meipó.

4 Ai dosḡayale alarape mepaae i ape. Nópu naai kisipa mutu, hāle mulatere alakélé, tué tekeyóló ini, hāle hōko dere fokélé, so whi tekanóló dḡe nalatere fokélé, momókó yaqse. Ti noatepae, aita dané enénire

alapa, Kótópaae mo kée fo betā du betae.

⁵ I fota, mo dapa diriyóló wosae. Nópu nokole so whíkélé, kae kae dowi ala hosekéro du betere so whíkélé, néli whi be-tairaalu wisi wisi ọla dekeró senée dere so whíkélé, Yesu Kerisoró Kótótamoné teteróló kaae tare aqomó mole wisi wisi ala mo saalomeipó. Ai dosayayale alarape yó tare so whita, Kótó aqomó sukóló bitu, ama doi hale sóró horéni, ai alarape aqomó betó moleteiné, ai ọla ọlarape ti atimané Kótó aleró beteraipó.

⁶ Térapa, mepaae whiné bete muni hale fo duraalu, diā dilikaqsóró yae. Ti noatepae, atei kaae ala deremó, Kótó ą fopaae buturaalu, ama fo tukóló ai ala du betere so whipaae kwia mótu beteraipó.

⁷ Térapa, diąkélé atimané ai du betere ala yaqsóró betamó touyóló bitu, mepaae dere ala momókó yaqse.

⁸ Ti taketa, diā diliki tuamó betaleteti, taaróló mió Talené ama ere de tuamó ai beteraipó, ai dené deyóló betero betere naale senaaletoró betae.

⁹ Ti noatepae, wisi niné du wisi oletu dere kaae, da de tuamó betepa, ti ai dené du olerótu betaalo ai ape. Kae kae wisi ala eratereteikélé, me ala muni, mo donotoró dere alakélé, kapala fo mei motoró dere fokélé, fea ti dené dutóró ai ape.

¹⁰ Téturaalu, diāné dere alamó Kótó ą hekesse yaaire

ala démóló, diaaqtei kaae kolóló tué yae.

¹¹ Tétu, diliki tuamó betere so whirapené du betere alata, du wisi oletumipa atima beterepaae feni, atimané kikiti hiróló du betere alatei so whi feané kolóló tué yópóló hakearae.

¹² Ti noatepae, Kótóné fo tikitu betere so whi tuamó kikiti hiróló du betere ala mené teraatepa haletóró yaalopó.

¹³ Tétu betepatei, ai hiróló du betere ala fea dené hakearatepa, so whiné kelenérapó.

¹⁴ Ti denéta, fea ọla fea kolópóló derótu beteraipó. Atére betené i fo dapó.

“Diā noke fire so whirapeó, diā sukóló moletei kepaayóló betepa, ti Yesu Kerisoné diāpaae deraalo ai ape,” dua dapó.

¹⁵ Térapa, diā kisipa okokore whi kaae hoko bitini, kisipa dotoróé fóló mole whi biture kaae, mo hotowaró betae.

¹⁶ Mió data, dowi ala du betere alimó i beteraipó, Kótóné ama wisi ala eraaire te mupa, ti ai be de dokọ fea eraté fu betae.

¹⁷ Atéturaalu, kisipa tiki okoko yóló hoko bitini, Talené ama kisipa mole ala betā kaae kolóló tué muae.

¹⁸ Topo doyaai kisipa mutu wain weí mo dekeró naqse. Atéro topo doturaalu, so whi feané keletómó kae kae sonalei dowi ala kaaratapó.

Atei ala ini, Deji Kepe Wisi dia tuamó fañópóló yae.

¹⁹ Atéro bituraalu, Kótóné buk-mó aseýóló muló betere wole fokélé yóo, mió betere so whi feané tuere wole fokélé yóo, mepaae so whipaae Deji Kepe Wisiné yó matere wole fokélé yóo duraalu, u yó mótu i mótu du betae. Atéro, dere wole fo diaaḡ kolónékélé, mo hosaa tuamókélé haítamo Talepaae feléi wole fo du betae.

²⁰ Betere dokḡ fea du betere alamó, da tetéroló kaae tare whi Yesu Kerisoné doimó Alima Kótópaae mo kéé! du betae.

²¹ Ti Yesu Keriso ata, doasi doi mole whi beteraóló wituraalu, diaḡsisi me whi aḡmó bitu dere fo u wosetu i wosetu du betae.

Dokore so whipaae dere mafo

²² Térapa, whiné dokore sorape-ó, dia da tetéroló kaae tare Tale aḡmó sukóló biture kaae, diaaḡ whi aḡmó betae.

²³ Ti noatepae, Yesu Kerisoné ama fake so whita, ama tikitóro betepa, a topo bituraalu, atima aluyaḡsóró tao su betere whi biture kaae, whi ama soné topo beteraóló.

²⁴ Atérapa, Yesu Kerisoné ama fake so whi a aḡmó sukóló biture kaae, whiné dokore sorape dia fea ala duraalu, diaaḡ whi aḡmó bitu depa mo wisirapó.

²⁵ Dia so dokore whirape-ó, Yesu Kerisoné ama fake so whipaae yaala sókó furaaalu, ama betere bete mótu

yale kaae, diañé sopaae yaala sókó fóló, wisi ala erótu betae.

²⁶ A atéro sukaleteita haḡe mei, ama dokaaire so ama fonétei weji tópuróló fokale tikimó me dowi alakélé muni, mo kae so beteralepó.

²⁷ Atétu, ama so me dowi alakélé muni, ama ere deñé kelaalo mo kokḡre so beteraóló du beteraóló.

²⁸ Atére kaae, so dokore whirape diañé tiki wisiyóló kaae taru dere kaae, diañé so wisiyóló kaae taruraalu, yaala sókó fu betae. Mepaae whiné somapaae yaala sókó fóló, wisi alatamo erótu betepa, ti amatei a yaala sókó fu beteraóló.

²⁹ Whi betañékélé ama tiki hóróló bóe dele ala dumi, wotetepa ḡla nóo, me ala yaḡsóró amatei hotowayóló kaae tawóo dere ala so whi feané du beteraóló. Atétu dere kaae, Yesu Kerisoné fake so whi amatóro mo wisiyóló kaae tarapó.

³⁰ Ti noatepae, daḡta ama tikitóro betereiteiné ama wisiyóló kaae tarapó.

³¹ Atére betené i fo aseýóló muló beteraóló.

“Whiné ama hama alima taaróló sotamo dokotepa, ti atimaamo mo beta tikitóro daayóló betaalopó,” erapó.

³² I dere fo beteta tómó muni, mo apaae derepalapó. Tépatei, yaḡlo i dere fo Yesu Kerisoró ama fake so whitamó tué muturaalu dapó.

33 Ti mo deretei, diã so dokore whi fea diaaq̄tei diãné tiki yaala sókó fu dere kaae, diãné sokélé wisiyóló kaae taru yaala sókó fóo, sorape diãkélé diaaq̄ whi aqmó bitu, wisi ala eróo du betae.

6

Hae ayaró naale senaale-tamopaae dere ma fo

1 Naale senaale-ó, diã Talené ere fo sya fóló diaaq̄ hae ayané dere fo mo betã wosóló erótu betae. Ti aita mo dono ala dapó.

2 Diaaq̄ hae aya wisi doi mulópóló, diãné wisi alatóró du betae. Ai tukóló muló betere forape kaae sóró dosaté wapa, Talené diãpaae wisi ala eraalopó ere foró tukóló muló betere fotamo suru folosóró mulapó.

3 Diãné hae aya aqmó betae yóló muló betere fotamo sya fóló erótu betepa,
 “Ti diã i haemó fõlo sukamó bitiré fóló, mo wisi alatóró deté fu be-taalopó,” erapó.

4 Diã naale senaale ali-ó, diaaq̄ naale senaale atima fopaae buópóló hasekãai ala eraq̄se. Aténi, atima Talené fo tuãmó doayóló naale senaale wisi beterópóló, ama fo etéró eraalopóló, ma fotamo dua yó maté fu betae.

Tęteróló kaae tare whiraperó wae sóró kutó diratere whirapetamopaae ere fo

5 Diã wae sóró kutó diratere whirape-ó, diã Yesu

Kerisoné dere fo wosóló, a aqmó biture kaae, i haemó diã tęteróló kaae tare whirape kilitu wiyóló aqmó betae. Atétu, atimané yae dere fo wosóló wisi kisipatamo erótu betae.

6 Atétu, diã wae sóró kaae tare whirapené diã whi wisipóló dukirópóló, atimané keletómó maaté kutó hatepaa yóló dini, atima alupakélé ó betepakélé, betã alatóró yae. Ti Yesu Kerisoné wae sóró kutó diratere whi kaae bitu, Kótóné ama kisipa mole ala eróturaalu, diaaq̄ hosaa tuãmó ketekeę buóló dirótu betae.

7 Atéturaalu, ita mo whiné kutópóló tuę muni, Talené kutópóló tuę mutu, diaaq̄ hosaa turóné ketekeętamo dirótu betae.

8 Ti noatepaae, wae sóró kutó diratere whi ó hale mo betere whi noa kaae wisi ala ó wisi kutó dirélimó, ti alamó Talené dupu melaalopó ere fo diaaq̄ wosóló ai kisipare ape.

9 Tęteróló kaae tare whirape diãkélé, atimapaae i yae dere ala kaaetóró duraalu, diaaq̄ kutó diratere whirapepaae mo wisi ala erae. Atimapaae diã i kutó wisiyóló dirénitepa, diãpaae i kaae sekei ala eraalopó wiréli fo yaq̄se. Atimakélé diãkélé, fea tęteróló kaae tare Tale ó hepen bemó betereitei, diaaq̄ ai kisipare ape. Ti ai sekęta, mepaae so whipaae wisi ala eróo, mepaae so whipaaemo hõko ala eróo dere Tale bitini,

mo betā kaae alatóro eratere Talepó.

Kótóné damó matere boé dele ɔla waseró sepaketamo tawae

¹⁰ Ƴalo mo kemeróturaalu dere fo i ape. Diā Tale tuamó bitu, ama bole fotokɔ sóro betae.

¹¹ Satan-né ama yaai kisipa mole dowi ala eraɔsóro seséturaalu, bóe dɔpóló Kótóné matere ɔla ɔla taaréni, mo fea deróló siki siki yóló daayae.

¹² Ti ai bóe dele alata, mo wutiró dikitamo sóro mo so whítamo bóe dae yóló dumipó. Dané bóe dele alata, i haemó diliki tuamó dere ala tɛteróló kaae tare topo keperapetamokélé, atima doasiné i ala yae yóló, sóro betero betere keperapetamokélé, kae kae fotokɔ bole keperapetamokélé bóe dóo, tó sá tuamó hepen kaae ere tikimó betó mulu, dowi ala eraai doasi fotokɔ butu betere keperapetamokélé, bóe dóo du beterapóló dapó.

¹³ Térapa, bóe whiné dowi ala eraaire be de wapa, diā daale tiki taaróló botokó feni, bóe whiné yaḷe diā tikimó sene waɔsóro sesé yaaire ɔla ɔla fea, Kótóné diámó melaleteti deróló betae. Atéru, bóe whi wópóló siki siki yóló, kaae tawóló daayae.

¹⁴ Atéro fotokɔ buóló daalu, mo fo ti to kaae sóo, bóe whiné yaḷe bopémó saɔsóro, bóe wase dakerótu dere kaae, Kótóné dā melale donoi ala bopémó dakeróo, Talené ala eraḷe faairaalu, kale kisi fo

wisi hɔleke be kaae horóo, mo so whiró Kótótamo bóe firóló, hosaa muni deyóló mo dua beteratere fo wisi dané hosaa tuamó mulóo epa, diā siki siki yóló betenérápó.

¹⁵⁻¹⁶ Ai alarapetamo touróturaalu i alakélé yae. Dowi kepené dā siritu betere si dokole yaḷené dā tikimó saɔsóro sesé dere bóe waseta, tuḷ tiki tiratere alapa, ai ala wase kaae fosókó tawóló daayae.

¹⁷ Kótóné dā aluyaɔsóro tao sere alata, bóe daai derótua dere topo tao kaae deróo, kale Deḷi Kepe Wisiné fosóratere sepake tawóló daayóo yae. Ai sepaketa, ti Kótóné ama fo wisipó.

¹⁸ Atéruraalu, kale Deḷi Kepe Wisiné diā fotokɔratepa, betere dokɔ fea kae kae dere alapaaekélé, kae kae wale sekɛi alamókélé, Kótópaae i ala erae yóló momakélé yó tawae. Atei kaae dere moma kutirimó mulóló tuḷ yó taru, diā noke keḷe ini, kele diriyóló bituraalu, Kótóné kae betero betere so whikélé fea tao sópóló momaratere ala haḷe yó tawae.

¹⁹ Atétu, kale fo wisi yaḷo yó melaaire sukamó Talené ama fo bete epaae yó melópóló emókélé momarae. Atétepa, ti e halaainé daalu, kale fo wisi yó matereteiné Kótóné ama hiróló mole ala haḷearaalopó.

²⁰ Ai fo wisi yó melópóló sóro betero betere whítei, atima e sein képiné dokóló *dipula* betero beterapó. Ti

aita, ɛpaae dirae yóló melale kutó ereteiné ɛ wikélé ini, halaainé daalu yó melaai dapa, ɛmó momarótu betae.

Kemeróturaalu kɔleó dere fo

²¹ Yało mo hosaa mole no Tikikas-ta, Talené ala erótu betere whı wisipó. Amata, yało du betere alaró ɛ betere alatamo etérapóló, diɔpaae depa wosóló tué yaasepóló, ɔ diɔ beterepaae ai dotonaterere ape.

²² Ti ɔ dotɛyaai dere beteta, ɔa betere ala diɔné kisipa yóo, diɔ keteke buópóló, ama fotokɔraterere fo yóo, yópóló dotonaai dapó.

²³ Diɔ ai be huluamó betó mole no nerape-ó, ɔa tɛteróló kaae tare whı Yesu Kérisoró Alima Kótótamo tuamó kaayóló wale hosaa muni deyóló mo dua betere alakélé, tué tiki tiratere tuamó kaayóló wale yaala sókó fole alakélé, diɔ feapaae erópóló yae.

²⁴ ɔa tɛteróló kaae tare whı Yesu Kerisopaae yaala sókó fole ala yó tare so whı feapaae Kótóné hałe hamokoróló tao sere ala erópóló yae.

Filipai

1 I dere așeta, Yesuné kutó diratere whi Pol-ró Timotitamone diã Filipai be huluamó Tale Yesu Kerisoné kae betero betere so whirapepaaekélé, Keriso so whi țeteróló kaae tare whirapepaaekélé, mepaae Keriso fake so whi sekei ala depa taosu betere whirapepaaekélé, dapa wosae.

2 Đané Aya Kótóro Tale Yesu Kerisotamo tuamó kaaróló wou betere haie hamokoróló tao sere alaró hosaa muni deyóló mo dua betere alatamo diãpaae erótu beteroípóló yae.

Mo kée yóló Talepaae momayale fo

3-4 Yaío diã tué yó taruraalu, ę țeteróló kaae tare Kótópaae mo kée yóló moma yó tare dokę ę hekesené sukutu, diã feamó momarótu beteroípó.

5 Ti noatepae, take ę diã beterepaae sókó wóló Yesuné mió wosetere kisi fo wisi diãtamo fea betamó titiyóló bitu, yó maté fu betepa diaaę ę tao siré wóló miókélé ai alatóro yó tapa, mo kée yóló hajné sukutu beteroípó.

6 Diã tuãpaae ai erótu betere wisi ala kaarale sekéneıei mo ti eraté fóló tuamó taaréni, Yesu Keriso wale sukamó sókó fóló kemeraalopóló, yaío mo diriyóló tuérapó.

7 Diã fea yaío hosaa tuamó muluraalu, diaaę du betere ala kolóló ę hekesené sukutu betere alata doni, mo wisir-apóló kisipa mutapó. Ti noa betené meipó. Ę *sein* képiné dokóló *dipula* bitukélé ó belapaae mo kuturaalukélé, Kótóné mió wosetere fo wisi haie fo nisiyóló só deróló aluyaşóro, mo diriyóló tué muópóló momó du momó du yó tapakélé, Kótóné ama haie hamokoróló tao sere ala diã feané epaaekélé eróo, yaíokélé diãpaae eróo, du betere ala haie yó tarapó. Ti atéro titiyóló bitu du betere ala kilituraalu, ę hekesené sukutapó.

8 Yesu Kerisoné yaala sókó fu betere ala ę tuamó muluraalu, diãtamo betenée yóló hosaamó su beteroípó. Até enée yóló mutere kisipa Kótóné kolóló ama mopó enérápó.

9 Yaío diãmó momatu betere bete i ape. Kótóné ama ere alata, tómó mole nisi yaşóro, ą betemó kaaróló wale ala wisinaale mo turó kisipa duraalu, diaaę yaala sókó fu betere ala mo ti fakeraté fópóló momarótu beteroípó.

10 Diã até deté fu bituraalu, kae kae yaaire alarape mupatei, mo bete mole ala tué yópóló momarótu beteroípó. Ai du betere alata, me alatamo hosekéni, mo wisi alamaaté yó taté fóló, Yesu Keriso wale sukamó me alakélé muni, mo donore so whi beteroípó yópóló,

momarótu beterapó.

11 Yesu Keriso tuamó kaaróló sókó wale ala wisi nokole ɔla ke bulure kaae, diɔ tuamó mo donoi ala wisi atéro buóló ɣapa so whi feané kilitu, Kótóné ama kae ere de wisinaale mulapóló ama doi hale horaalopó.

Pol dipula betemale alané Talené fo yó melaairetei fak-eralepó

12 Térapa norape-ó, ɣpaae erale alané Kótóné mió wosetere fo wisi kejréni, mo ti fakeraté fu betaleteti diaaɔ tué yaasepóló i dapa wosae.

13 ɛ Yesu Kerisoné fo erótu betale alamó, atimané ɛ *sein* képiné dokóló *dipula* beteraleteti, topo whi bitua dere be wisimó betó mole diki tare whiraperó mo whirape featamoné kolóló kisipa yalepó.

14 Talené ala tuamó betó mole mepaae norapené ɛ *sein* képiné dokóló *dipula* betemale ala kolóló, atima wiyóló taaréni, halaainé bituraalu, Kótóné fo eraai doasi keteké butu beterapó.

15 Tétu betepatei, mepaae whirapené dei tué muóló alale suraalu, Yesu Kerisoné dere ala i ape yóló yó mótu betóo, mepaaené ti mo wisi tuétóro muóló yó melóo du betereitea, mo dapó.

16 Ai wisi tué mulu yó mótu betere whirapené kale mió wosetere fo wisi eraairaalu, ɛ *dipula* betéro beterapóló tuéru, yaala sókó fóló yó mótu beterapó.

17 Tétu betepatei, kale dei tué mutere whirapené hosaa tuamó atima doi sóro horaaire kisipa mulu, Yesu Kerisoné ala eratere aɔyóló yó mótu beterapó. Ti aita hɔle mei, ɛ *sein* képiné dokóló *dipula* betepa, ɣpaae sekɛi ala eraalo nisiyóló, du beterapó.

18 Tépatei kapala ala depakélé, ó mo dere alakélé ó kae kae ala depakélé, aita me ɔlameipa, mo doasi topo ala betɔ i ape. Yesu Kerisoné dere ala i ape yóló so whi feapaae yó mótu betere alata, mo doasi bete mulapó. Atétu betere alamó ɛ hainé sukutu betereitei taaréni, mo hɔle yótóro tawaalopó.

19 Ti noatepae, diɔné moma yó tare alaró Yesu Kerisoné dotɔyale Deɔ Kepe wisitamoné tao sóro erótu betereiteimó, ɣpaae erale ala fea deté wóló kemene wouraalu, ti ɛ *dipula* betereitei taaróló, hɔle fɔpóló sokaalopóló kisipa mutapó.

20 ɛ betepa ó sukutepakélé Talené halaaratepa halenipó. Aténi, take bitiré wou yale kaae, mió yaɔo tikimó erótu betere ala so whiné kilitu, Yesu Kerisoné doi hale sóro horateretei kelenée kisipa mutu beterapó.

21 Ti noatepae, yaɔo kisi-pané ɛ betere beteta, ti Yesu Keriso ɔtórótípó. ɛ sukutepakélé me ɔlameipóló mo kée yaalopó. Mió i haitu betere ala bosenóló mo doa hainé sukutu betaalopóló kisipa mutu, mo kée du beterapó.

22 Ẹ etéró haḷe bitirétamo fu betepa, ti yaḷo i ditu betere kutó mo du oleraalo ai ape. Ti etei kisipa motei, tų tamo moleteiné mé tųpaae faaloró ẹ mo diriyóló tuęnipó.

23 Atéró mutere kisipané yaḷo tiki tuamó tekéetamo dapó. Tépatei, yaḷo kisipané mo doasi alata, ẹ sukóló fóló Yesu Kerisotamo betepa, ti mo wisirapó kisipa mutapó.

24 Ténépatei, yaḷo dią yaḃare ala tao saairaalu, ẹ diątamo betere ala doni, mo wisirapó.

25 Ẹ sukuni, dią featamo betamó bitiré faaireteiné dią haḃiné sukuturaalu, diaaḃ tuę tiki tiratere alakélé mo diri deté faalopóló kisipa mutapó.

26 Atéturaalu, ẹ diątamo betamó betereleiné, ẹ kil-itu Yesu Kerisoné yale ala wisimó ą dukiróturaalu haḃtere ala dią tuamó mo ti faḃyaalopó.

27 Me noa alakó ẹpaae eratepakélé diaaḃ ai du betere ala taaréni Yesu Kerisoné mió wosetere fo wisi sya fóló eratere whítoró betae. Atépa, diaaḃ ẹ alupa yale ala ó ẹ dią beterepaae wapakélé keleralemó me ala kae ini, mo betą alatoró epa kelaalopó. Dią fea betą kisipa muóló diriyóló betóo, dią mo betą whı kaaetóro bitu, Talepaae tuę tiki tiratere ala etérópóló yó melóo, du beterelei yaḷo kisipa yaalopó.

28 Atéru, diątamo bóe du betere whırapené diąpaae kae kae sekei alarape eratepakélé wiyaalomeipó. Atétere ala atimané kilitu,

Kótóné da mo ti doróo, atima aluyaosóro tao sóo, yaairemó dere fareyópupóló atima kisipa yaalopó.

29 Ti noatepae, Kerisoné ala eróturaalu, ąpaae tuę tiki tiratere ala maaté yópóló ini, ama doimó doasi sekei alakélé sópóló melalepó.

30 Ti ẹ Kótóné ala erótu betere móte, ẹpaae kae kae sekei ala eraletei diaaḃ kelalepó. Miókélé betą kaae sekétoró su beterepó dere fo diaaḃ ai wosetere ape. Diąpaaekélé atei alatoró erótu beterepó.

2

Kerisoné ama yale ala suróló enérapóló ere fo

1-2 Dią Yesu Kerisotamo touyóló betamó betereleiné ketekę bulatere ala eróo, ama yaala sókó fole alané da haḃ kisipa mulóo, Deı Kepe Wisi da fea tuamó betereleiné mo betą alatoró eróo, kọlené sukutu naameyóló mo dua betóo epa, ti ẹ mo doa haḃ yópóló, i ala yaasepóló dapó. Dią fea Talené ala eróturaalu kae kae tuę muni, dere alakélé yaala sókó fole alakélé, ketekę bole alakélé, mo betą alatoró yaasepóló dapó.

3 Diaaḃ me ala duraalu, ętóroti doasi whı betaai dapóló kisipa mutu, u teterótu i teterótu dere ala ó me bete munipatei ẹ betą mo whı wisi beterepóló kisipa muaosé. Tėni, naotei ya teteróló dua bitu, mepaae

so whi dukiróló atima aomó
beterapó kisipa muae.

⁴ Diaaḡ séle séle dere
alamaaté kisipa muóló kaae
tani, diḡné dere ala wisiyóló
kaae taru dere kaae, mepaae
so whikélé tao sóró atima
kisipa mole alakélé wisiyóló
kaae tawae.

⁵ Diaaḡ hosaa tuamó mole
kisipata, Yesu Kerisoné
kisipa kaaetóró muóló betae.

⁶⁻⁷ Ti ḡta, ama ere ala kae mei
mo take betere Kótó
bitu, ama ere alakélé
Kótótamo beḡ ala
eretei, atéro bitirétóró
fu betaaitapóló kisipa
muni, amatei ḡ belei
alée fóló, mo kutó di-
raterere whi sḡ betalepó.

Atéro betepa, mo so
whiné ḡ kilituraalu,
mo whipóló kisipa
mualepó. Atéro ama
dere ala fea amatei
ḡ haepaae deróló
beterepó.

⁸ Atéru, Kótóné fo aomó
sukóló bitiré fóló
sukutere alapaae sókó
felepó.

Ḃ atéro sukuturaalukélé
mo whi sukuu dere
kaae ini, atimané
ḡpaae kisipa tiki mo
fomaakei ala eróló,
filipaaró betere ni
tómó sukalepó.

⁹ Amatei ḡ atéro derale
betené, Kótóné ḡ tao
sóró fea ala fea ama
ḡteróló kaae tanópóló
beteróturaalu, kae kae
doasi doirape mu-
patei, ama doi doasi
Tale mulalepó.

¹⁰⁻¹¹ Até yale betené mené
Yesuné doi depa,
hepen bemó betó
mole *ensel*-nékélé i
haemó betó mole
so whinékélé, i hae
aoró betó mole so
whinékélé, ama doi
woseturaalu, bukutiri
tearó bitu, Yesu Keriso
ḡta Talepó yaalopó.

Téturaalu, Alima Kótóné
ama ere ala wisinaale
hakeamó mulaalo ai
ape.

*Diḡ tuamó hḡrené de kaae
deyó falópóló yae*

¹² Térapa, ḡalo mo hosaa
mole no nerape-ó, Kótóné
ama diḡ tuḡpaae eraai kisipa
mole ala wisi ai erótu betere
ape. Diḡ ḡtamo beḡamó bitu,
diaaḡ ḡalo dere fo wosóló
eraté wale kaae, mió ḡ alupa
diḡsisi bitukélé, Kótópaae
wiyóló ḡ aomó sukóló bitu,
diḡ aluyaḡsóró tao sere ala du
wisi oleyópóló eraté fu betae.

¹³ Ti noatepae, Kótóné
kisipa mole ala sya furaalu,
ama fo wosóló eraaire kisipa
wisiró keteketamo amatei
diḡ tuḡpaae mo sḡrótu betere-
apó.

¹⁴ Diḡ Talené ala eróturaalu,
mené dere ala kilitu hḡko
dapóló eraterere foró fonétei u
só derótu i só derótu dere
alatamo momókó yaḡse.

¹⁵⁻¹⁶ Ti aita hḡle mei, me
alatamo hosekényi mo wisi
ala maaté du betere so whi
betepa kilitu, Kótóné naale
senaale beterapó yópóló i
dere ape. Diḡ atéro betepa,
mió i alimó betó mole so whi
wuliné tu kaae kotereteiné

atima dere alakélé mo son-aalérapó. Diã atei kaae so whi tuamó bitu, mo ti betaaire fo wisi so whi feané wosópóló hakeamó yó mótu betepa, ti diã ó samó daae mole hore deru ere kaae, atima tuamó derótu betenérápó. Atépa, ti Yesu Keriso wale sukamó, ę bopé fakeyóló halaa yaaire beteta, ti diã tuamó yalo diale kutó hale ini, du wisi olerápó yópóló kisipa mutu dapó.

17 Atépaitei, diaaę tuę tiki mo ti tiró bitu Kótóné ala er-até fópóló, Talené fo diãpaae eraté felepó. Atéyale alata, *wain* wei felé kęlaa Talené kulumupaae fópóló sipaae sunée falótu dere kaae, yalo betere bete diã tao suraalu sukutepa ti me ęla mei, diãtamo hajné sukóló mo kée yaalo ai ape.

18 Atérapa, diãkélé ę dere kaae hajné sukutu mo kée du betenérápó.

Timotiró Epaparataitas-tamo dotonaai yale fo

19 Tépaitei, da tęteróló kaae tare whi Yesuné kisipanétamo Timoti diã beterepaae wópóló epa, ti ę hapale wópóló dotęyaa kisipa mutapó. Ti ęta, diaaę du betere ala kolóló ępaae ene wapa wosetu, ę hajné sukęai dapó.

20 Ti Timoti ęta, diã mo wisiyóló beterópóló kisipa mutu betere whipó. Ama kisipa kaae mole whi mekókélé ętamo imó bi-tinipó.

21 Ti noatepae, i betó mole so whi feata, Yesu Kerisoné ala eraai kisipa muni, mo atimané yaaitere alamaaté kisipa mutu beteraépó.

22 Téretei, Timotiné ama du betere ala diaaę kęae kolóló kisiparapó. Ti ęta, betę naale ama alimatamo kutó betamó ditu betere kaae, damo wusuró Talené mió wosetere fo wisi ketekę buóló erótu beteraépó.

23 Atérené ępaae eraaire alapi kolóló, kilipaaeta ti ę diã beterepaae hapale tėti dotęyaa kisipa mutapó.

24 Téró, ękélé Talepaae tuę tiki tiróló bitu, diã beterepaae mo hapale waa kisipa mutapó.

25 Atéyaaitei, yalo no Epaparataitas diã beterepaae fesaae wópóló, mo dotonaai kisipa mutapó. Ti ęta mo whi mei, damo betę kutó ditere whi bitu, Talené alamó bóe daai ętamo titi du betere sekępó. Ti ęta, ę sekę yaęsóró, mepaae yaęare alarape tao sene wópóló diaaę ę beterepaae dotęyale whi wisinaale ai ape.

26 Ti ama diã fea kelenée kisipa mupatei, diaaę Epaparataitas ę kisiné sukóló mulapó yale fo wosaletéiné ama tuę sekeęyalepó.

27 Ti aita mopó. A mo felekemó sukęai yaletéi, Kótóné kęlené sukuturaalu tao sale alata, ępaae maaté erénitei, ę dekené sukutere ala dekaaporóló muaęsóró Kótóné ękélé kęlené sukutu, ę tao sóró kepaaraleteiné mo

kée dapó.

²⁸ Atéreteiné, a mo miótitei diã beterepaae wópóló dotęyaairaalú, kisi pa mutapó. Ti hałe mei, diaaę a kolóló haıné sukóo, ekélé whaalía du betereitei sawa feléyóló betóo, yaai dapó.

²⁹ A wapata, diã Talené ala tuamó haıné sukutu bitu, kęleó yóló a mo wisiyóló dape sae. Atéturaalu, aitei kaae whi doasi doi muópóló hale sóró horae.

³⁰ Ti noatepae, Yesu Kerisoné ala eraai wóputu bituraalu, a mo felekemó sukaii yalepó. Ti noa betené meipó. Diaaę ę tao senépaitei, tao saaire tu meipa, ama ę tao sene wóló, ama betere betemó kisi pa muni, sukutepakélé me ęla meipóló ę tao sere ala beta du betalepó.

3

Tó tiki né dere alamó dané kisi pa tirótumipó ere fo

¹ Yało norape-ó, kemeróturaalu dere fo i ape. Tale tuamó bituraalu, haıné sukutu betae. Take yało aseyaale fo kaae momó i dereteita, sekenipó. Me alané diã só deraşsóró seséturaalu i dere ape. Ai haşrapené diã tukó naşsóró mo hotowayóló kaae tawae.

² Ti atimata, dowi alamaaté hałe yó taruraalu, whıne tikimóitei siri eróló, tiki dorótu betere whırapepó.

³ Ti noatepae, take Kótóné ama so whıpóló tiki sekaę tukóló sirirótu yale kaae,

mió đakélé ama so whıpóló siriró betera pó. Đa atéro betere so whı Kótóné Đei Kepe Wisiné fotokşratepa, a aşmó sukóló bituraalu, doa Tale-ó yóló hale sóró horótu betera pó. Ti đata, me ala ó me whı kolóló bopé fake dumitei, đa tetéroóló kaae tare whı Yesu Kerisoné doi hale sóró horóturaalu, ama ere alamó đa bopé faketu betera pó. Atétu, i haemó ayarapené kae kae mara mole alaró tó tikimó du betere alatamo mupatei, ai alarape mo bete mulapóló đané tuę tiki tirótumipó.

⁴ ę aitei kaae tó tikimó bopé fake yaaire bete doasi mulapó. Mepaae whı dené ama du betere alarape bete mulapóló kisi pa tiki tiratepa, ti yało i haemó dere alanéitei atimané du betere ala fea mo teraae felénérapó.

⁵ Ti ęta, hşko deale whı mei, yało haené deóló bitiré wóló, bokó wale be đę sókó wapa, ti yało tikimó siriralepó. ęta, be kae whı mei, mo Hibru be fo bole Israel whıkó Benjamin fakepó. ęta, đa Hibru so whıne ayarapené mara mole ala taaréni, mo wisiyóló sya fu beterepó. Atéro bitu, Kótóné yóló muló betere fo dosayóló bete mo wisiyóló sya fu betaiteiné ę beta Farisi whı betera pó.

⁶ Atéruraalu, me kae kisi alané dané ayarapené du betale ala aluraşsóró, mo ketekę buóló Keriso fake so whıtamo bóe dóló susupurótu betalepó.

Atéturaalu, Kótóné tukóló muló betere fo yało eraté fu betepa so whjné kilitu, me ala haşókó fele whjópó fo epaae mo inipó.

⁷ Atétu betale whjtei, take yało doi muale alarape taaróló mió Yesu Kerisoné ala sya fóló eróturaalu, ai alarape fea hałe ọla aqralepó.

⁸ Ai alamaaté meitei, ẹ tetéróló kaae tare whj Tale Yesu Keriso ąta, mo bete mole alané Talepóló, ą tuę yaaitere ala doasi ketekę buóló deté furaalu, mepaae ọla ọla fea bete muni, mo hałe taae fatere ọla kaaené kelerapó. Ti Yesu Keriso ą yało Talepóló sóró beteróturaalu, yało tare ọla ọla fea taaróló, mo ti kisipa keteralepó.

⁹ Kale tukóló muló betere fo sya fóló yało erótu be-taleteimó, Talené epaae donoi whjópó yópóló kisipa tirótumipó. Téni, Yesu Keriso tuamó bitu apaae tuę tiki tiratere kilitu, Kótóné epaae donoi whjópó eranée yóló doasi kisipa mutapó. Ti ai donoi alata, Yesu Kerisopaae tuę tiki tiratere betené Kótó tuamó wou beterapó.

¹⁰ Yało hosaa tuamó Yesu Keriso mo diriyóló kisipa yaai dapó. Atéru, ą sukóló momó kepaayale fotokọ kisipa yóo, ama tikimó sale kae kae sekei ala epaaekélé eratepa sóo, ą mo dowi hale sóró sukutu yale kaae, ẹkélé atéro sukąai tuę mutereteiné Talené ẹ mo surópóló kisipa mutapó.

¹¹ Téró, ą momó kepaayóló

mo ti betere bete su yale kaae, ẹkélé atéro momó kepaayóló mo ti betaaire bete saalopóló kisipa mutu dapó.

Dąle molemó sókó faai sururu yóló fole ala

¹² Ti Talené ama epaae eraai tukóló mulale alarape fea mió sóró tani, teórapó. Kótóné yało du betere alakélé wisirótu beteretei mo ti wisiréni, teópó. Yesu Kerisoné ẹ tuapaae eraaire ala mupa, ama ẹ tawóló dape salepó. Até yaleteiné, ama ai eraaire ala hałe muaqsóró ẹ dekayóló hałe bitini, ai ala saairaalu doasi ketekę butu beterapó.

¹³⁻¹⁴ Norape-ó, yało ai saai du betere alata, mo turó sóró tanipóló kisipa mutapó. Tépatei, yało du betere ala betą i ape. Take deté wale alarape kisipa keteróló, tukóló muló betere dąlemó sókó faairaalu, ketekętamó folepaaetóro fu beterapó. Aita hałe mei, ẹ Yesu Keriso tuamó betepa, Kótóné epaae hepen bemó mole ala wisi saai ape eretei saairaalu, muló betere dąlemó sókó faai ketekę buóló fu beterapó.

¹⁵ Talené ala mo diriyóló tuęre so whj dą fea, atei kisipatóro muóló betae. Diąkó mepaae whjné yało i du betere fo tuamó me fokó haşókó falapóló kisipa mutepa, ti atére alakélé diaaọ kisipa yópóló, Kótóné haķearaalopó.

¹⁶ Atéyaaipa kaae taru, dānē kisipa sere dālemótóro erótu betaalopa sae.

¹⁷ Norape-ó, mepaae whīrapenē yało du betere ala kolóló sya wou betere kaae, diākélé atétóro yae. Dānē yó matere fo wosóló sya fu betere so whīné dere ala kolóló tuę muae.

¹⁸ Ti noatepae, take yało diāpaae yó maté wou betale fo kaae, miókélé diāpaae momó woletamo i dere ape. Mepaae so whīné dere alané Yesu Keriso dóló olerale nitamo bóe du beterapó.

¹⁹ Ti ai whīrape atima ai ala deté fóló, mo ti aluyaaire tikipaae sókó faalopó. Atima tēteróló kaae tare kótóta, ti ọla naai ekẹlere ala ai ape. Atima haleni, mo sonaalei alatei, bete mulapóló bopé faketu beterapó. Atimané kisipa tikikélé haemó mole alapaae mutu beterapó.

²⁰ Tétu betepatei, dānē turuku beta hepen ereteiné so whī aluyaqsóro tao saaire Tale Yesu Keriso ą hepen be taaróló i haepaae wópóló, dā faairaalu ketekę buóló kaae tawóló beterapó.

²¹ Ti ai sekę tuāmóta, fea ala ama tēteróló kaae tawaaire fotokọ mo turó bulapó. Dā i haemó mo whīné daale tiki taaróló, ama mo kae daale deį tiki wisinaale kaae daalópóló eraalopó.

4

¹ Yało hosaa mole no nerape-ó, diāpaae yaala sókó fóló mulu yało diā mo kelenée

du beterapó. Ti diāta, sururu yóló fóló, folosóro fole whīné topo tao suraalu, haįné sukutu dere kaae, diaaọ du betere ala kolóló ę mo haįné sukutapó. Atéyaaalopa, yało diāpaae ai yale fotóro sya furaalu, Tale tuāmó mo diriyóló atérótóro betae.

Alale sere alamó yale mafo

² Yało ne Yuodiaró Sinteketamo-ó, diaamosisitei u tēterótu i tēterótu dere ala taaróló, Tale tuāmó mo betā kisipatóro muóló betaeyóló diaamopaae mo dirii ma fo i dere ape.

³ Atimaamota atérapa, sekęi ala ętamo wusuró beletu betere whī no kamale-ó, yało yaąpaae ai so tamo mo wisiyóló tao sae yóló i dere ape. Atimaamota, Klemen-kélé, mepaae ętamo betā kutó ditere so whīkélé, dā fea Talené mió wosetere fo wisi eraairaalu, betāmó bóe belerąle fu dere kaae yale so tamopó. Ai so whīné doita, mō ti betó tare *buk*-mó asęrapó.

⁴ Betere dokọ fea diā Tale tuāmó bituraalu, haįné sukutu betae. Momó dapa wosae, haįné sukutere ala haļe yó tawae.

⁵ Tale felekemó ai beterapa, so whī feapaae diaaọ mo dua naameyóló du betere ala erótu betae.

⁶ Diā mepaae ọla ó alarape netéro yaaloé? yóló whaalía du betaąse. Tēni, diaaọ yaąątu betere ala fea Kótóné erópóló, ąpaae yó móturaalu

mo kée yóló, moma dere ala betə yó tawae.

⁷ Atétere betené diə Yesu Keriso tuəmó betepa, me alané diaaə hosaaró tué tikitamo doraəşóró Kótóné hosaa muni deyóló dua betere alanétei, diə tipi yóló kaae tawaalopó. Ai hosaa muni deyóló dua betere ala wisinaale mo doasi sikipaae horeteiné fea so whinə tué yaaire mo şunipó.

⁸ Norape-ó, mo kemerótu i dere fo wosae. Mo ala dereteikélé, wisi kisipa maaté mole so whinə dere alakélé, mo donoi alakélé, me alatamo hoseké inire alakélé, kelaalo mo kokəi alakélé, so whinə kolóló dukiraaire alakélé, ai dosəyale alarape talerəlemó, naao yaai dere alatamo betə kaae epa, ti kelaalo mo kokəreteiné dukiraaire alapóló kisipa mutepa, ai ala erótu betae.

⁹ Yəlo diəpaae yó matepa wosale fo ó ašemó yale fo ó yəlo həle ekei depa wosaletei, ó yəlo mo du betere ala kelené kelaleteikélé fea sya fóló erótu betae. Até depa, ti hosaa muni deóló mo dua betere ala matere Kótó diətamó betaalo ai ape.

Həle tao sóró matere alamó mo kée dere fo

¹⁰ Take diaaə ę kəleturaalu, tao sere ala deté waletei sawa taaróló bitiré wóló, momó tao sereteiné mo kée yóló ę Tale tuəmó bitu, həinə sukutapó. Ti ita mo dapó. Take diaaə ę tao suətei, tao saaire tų me munipa tao sinipó.

¹¹ I dere fota, ę me ęla yəyətepa dumitei, mepaae kae kae sekəi alarape wapakélé me ęla meipóló, hepée taae faróló bitiré wou betaleteiné mió ę kisipa sóró asarapóló dapó.

¹² Atéró ęla ęla şumó mupa betere alakélé yəlo kisipa yóo, yəyəre tuəmó betere alakélé, kisipa yóo erapó. ęla şumó nukulé fío, munipa həle bitiré fío, kae kae felei ala ó sekəi ala wapakélé, faleyóló betaaire kisipa saleteiné mo şumó həle betenərapó.

¹³ Ti ę fotokə mótu betere sekə tuəmó bituraalu, ai dosəyale alarape fea yəlo mo şumó enərapó.

¹⁴ Tépatei, ępaae wou betale sekəi alarape diaaə kolóló hosaamó suraalu, də feané tikimó eratapóló kisipa muóló ę tao su betale alata, mo wisirapó.

¹⁵ Ti ai alamaaté mei, ę Masedonia hae kwia taaróló diə Filipai bemó betó mole so whi beterepaae wua yóló, kale mió wosetere kisi fo wisi yó melaai kaae salepó. Atéyale sukamó, mepaae be hulua Keriso fake so whinə ę tao sóró u mótu i mótu dere ala ini, diəné maaté ę tao su betale ala diaaə ai kisipare ape.

¹⁶ Ti noatepae, ę Tesalon-aika bemó betepa yəyə du betale ęla ęla diaaə ę tao sóró dotonótua yó tarepó.

¹⁷ Ti i dere fota, diəné ęmó me ęlakó melópóló dumitei, diaaə take saaire dupumó

kisipa mutu dapó.

¹⁸ Diaaḡ Ēpaparataitas-paae ɛmó melale fae yale ɔla ɔla fea yaḡo sɔmó saleteiné mió mo dekéro mulapó. Aita ɛmó maleteti, Talepaae haḡe móturaalu simó bilitepa felé kɛlaa hotere kaae depa, Kótó a felé kisipa mutu betepó.

¹⁹ Yesu Keriso tuamó Kótóné ama kae ere de wisinaale faane wisi wisi ɔla mo turó mulapó. Atére wisi ɔla ɛ tetéroló kaae tare Kótóné diḡ yaḡaretei fea mo sɔmó melaalopó.

²⁰ Dané Aya Kótó ata, ama kae ere de wisinaale tuamó betereiné ama doḡ doasi mulatere ala kemekélé ini, mo ti muó tanópóló yae. Mo kée.

Mo kemeróturaalu kɛleó yale fo

²¹ Yesu Keriso tuamó kae betero betere so whipaae kɛleó yae. ɛtamo betamó betó mole Keriso ne norapénékéle diḡpaae kɛleó dapó.

²² Kótóné ala erópóló ama kae betero betere so whiné diḡpaae kɛleó deretei, so whi fea tetéroló kaae tare doasi topo whi Sisané bemó betere so whinéta, mo doa kɛleó dapó.

²³ Térapa, Tale Yesu Kerisoné haḡe hamokoroló tao sere ala diḡné kepe bete tuḡpaae erópóló yae. Mo kée.

Kolosi

1-2 Ẹ Pol-ta, Yesu Kerisoné ala erale fópóló, Kótóné ama tuénétei, *aposel* whì sóró beteralepó. I dere așeta, ɗané no Timoti ɗamo wusuró bitu, ɗià Kolosi bemó betó mole no nerapepaae ɗapó. ɗià Yesu Keriso tuámó betepa, Kótóné ama so whìpóló kae betero betereiné diaaɗ ama ala haɓe eró tarapó. ɗané Aya Kótóné hamokoróló haɓe tao sere alaró hosaa muni deyóló mo dua betere alatamo ɗiàpaae erópóló yae.

Talepaae mo kée yóló momayaletai

3 ɗa ɗeɗeróló kaae tare whì Yesu Kerisoné Alima Kótópaae momaturaalu, ɗià keteréni kisipa haɓe yó taru, Kótópaae mo kée du beteralepó.

4 Ti noatepaae, ɗià Yesu Kerisopaae kisipa tiki tiró bitu, Kótóné kae betero betere so whìpaae yaala sókó fu beteralepó dere fo ɗané wosalepó.

5 Diaaɗ tué tiki tiratere alaró yaala sókó fole alatamo haɓe dumitei, take nalopaae eraaire wisi ala hepen bemó mulapóló kisipa mutu du beteralepó. Ti ai eraalopó dere alata, mené ɗiàpaae bete mole fo i ape yóló yó male fo wisi wosale betené kisipa yalepó.

6 Take mené kale fo wisi ɗiàpaae yó matepa wosaleteiné, Kótóné bete mole mo fo tuámó bole ama haɓe

hamokoróló tao sere ala mo turó diaaɗ kisipa yalepó. Atéyale sukamó kaae sóró, ai fo ɗià tuámó fakeraté fóló du wisi oleté walepó. Atére kaae i hae kwia feamó betó mole so whì tuámókélé ai fo wisi du oleyóló fakerótu beteralepó.

7 Ai fo wisita, Epapras-né ɗiàpaae yó matepa wosalepó. Ai seké aɗa, ɗa betɗa kutó ɗiratere hosaa mole no bitu, ɗané ɗià tao saalopó yale kaae, Kerisoné ala wisiyóló eró taru, ama ɗià taosu beteralepó.

8 Téru, kale ɗeɗi Kepe Wisiné ɗià tuàpaae eratere yaala sókó fole ala ɗiànémo mepaae so whìpaae erótu beteralepó fo ɗapaae ene walepó.

9 Atére betené, diaaɗ du betere ala ɗané wosale be ɗemó kaae saletei, miókélé ɗiámó moma dere ala haɓe eró tarapó. Kótóné ɗeɗi Kepe Wisiné diaaɗ kepe bete tuàpaae mo bete mole fo diriyóló kisipa dere alaró ama kisipa mole ala eraaire fosó fosói kisipatamo ɗià tuàpaae mo ti sùrópóló, momarótu beteralepó.

10 Ti ɗané momatu betere alata, ɗià Talené ama so whì sùtóro beteroópóló du beteralepó. ɗià atei so whì bitu, diaaɗ du betere alakélé fea ama kisipa feléyaaire ala eraalopó. Tétu, kae kae wisi ala deremó du wisi oleyóo, Tale a etei kaae Kótópóló kisipa deté fío yaalopó.

11 ɗià Talené ala eraai hõni, haɓe eraté fóló wisi kisipatamo dua kaae taté

fópóló, Talené ama kae ere ala tuámó bole fotokóné diá sұraalópó.

¹² Diá Ayané tẹteróló kaae tare aqómó mole dẹ wisinaale tuámó, Kótóné kae betero betere so whimó ama muló betere ọla wisi diakélé atimatamo betámó bitu sópóló, Ayané diá sұratepa haitamo apaae mo kée yaalópó.

¹³ Dowi kisipatamo hoko tẹteróló kaae tare diliki tuámó da betepa, Kótóné tao sóró ama hosaa mole naalené tẹteróló kaae tare aqómó beterópóló dape salepó.

¹⁴ Da a tuámó atéro betereine dowi alané da dokóló mupa, ama dupuróló hale fópóló eralepó. Atétu, dané dowi alamó saai yale kwia fea ama hale kemeró beterapó.

Yesu Kerisoné ama ere alané mepaae whi ó ere ala fea bosené falapó

¹⁵ Yesu Kerisota, mo whiné kelené kilinire Kótóné a ere ala kolópóló hakearó betere asotóro beterapó. Tėru, ọla ọla fea aleyaapatei, a mo taketi hale bitu, fea ala ama tẹteróló a topo whi beterapó.

¹⁶ I haemókélé, ó hepen bemókélé yó mole ọla ọla mo fea Kótóné Yesu Keriso tuámótóro kaarélipakalepó. Dané kelené kelere ọla ọlakélé, kelenire ọla ọlakélé, tẹteróló kaae tare doasi topo keperapekélé, atimané tẹteróló kaae tare alarapekélé, atima aqómó bitu, mepaae ala tẹteróló kaae tare keperapekélé mepaae

kutó tẹteróló kaae tare whirapekélé fea amatóro alipakalepó. Aleyóló muló betere ọla ọla fea Kótóné apaae aleyae yóló ama naase tuámó mulatepa alipakalepó. Ti ai ọla ọla fea aleyóló muló betereitei, Yesu Kerisoné ama kisipa mole alatóro erópóló erapó.

¹⁷ Fea ọla fea aleyaapatei, a mo taketi hale bitipakalepó. Aleyóló muló betere ọlakélé, betó mole ọlakélé fea a tuámó yó moletei, atima dokọ feané yaai dere ala du beterapó.

¹⁸ Yesu Keriso a topo bitu, da Keriso fake so whi ama tikitóro betepa, ama tẹteróló kaae tarapó. Ti folosóro a sukóló momó kepaareteine dakélé a yale kaaetóro yaalo ai ape. Atéreteine mió a fea ala fea tẹteróló folosóro fale topo whi beterapó.

¹⁹ Ti noatepae, Kótóné ama ere ala mo turó a tuámó faanópóló wisi kisipatamo eralepó.

²⁰ Atéturaalu, Kótóné Yesu Keriso tuámó erale alané hepen bemókélé ó i haemókélé fea alatamo touyóló betámó wisiyóló beterópóló, ama naalema filipaa ni tómó sókó fararale sameané bóe firalepó.

²¹ Take diá Kótótamo betámó bitini kae bitu, diaaq du betale dowi alané tué tuámótei Kótótamo bóe du betalepó.

²² Tėpatei, mió Keriso a mo whi tiki daayóló sukáleteine bóe firóló diá Kótótamo betámó beteralepó. Ti aita,

Kótóné keletómó me alakélé muni, mo kae so whi betóo, hásókó felepóló só deraaire bete munire so whi betóo, yópóló yalepó.

²³ Ti Take diaaḡ woseté wou betale fo wisipaae kisipa tiró betereitei taaréni, miókélé ai fo tuamó diriyóló bitu, nalopaae mo wisi ala kelaalopóló haitamo kaae taté bu betepa, ti Talené keletómó ama kae beteró betere so whi ai ape. Ai fo wisita, mepaaené diapaee yó matepa wosóo, Kótóné i hae kwia dokómó beteró betere so whi feapaae yó maté kweyóo, Ɛ Pol-kélé ai fo yó melópóló kutó diratere whi sóró beteróo yalepó.

Pol ḡ so whi tao saaire kutó dirótu betale ala

²⁴ Yesu Kerisoné so whiḡa ama tikitóro betepa, atima tao saairaalu, ama tikimó doasi sekeḡ salepó. Ama tikimó ai sale sekeḡ ala kwia daaleitei, mo ti keraairaalu, mió yaḡokélé diapaee kale fo wisi yó mótu betere mó, mepaae whirapené epaae sekeḡ ala eraleiteimó mo kée du betepó.

²⁵ Ɛta, Kótóné ama so whi tao sóró kutó diratere whi bitu, ama bete mole fo mo turó diapaee yó melópóló, Talené Ɛ sóró beteralepó.

²⁶ Ai fota, mo taketi bitiré wale so whiné kelaḡsóro kinóló moletei, mió Kótóné kae beteró betere so whiné kolópóló hakearó beteralepó.

²⁷ Juda meire fake so whi tuamó kae beteró betere so whiḡapaae ai kinóló mole ala, deḡ faanu ke wisi bulapóló tuḡ yópóló Kótóné ama kisipanéitei hakearalepó. Ai ke bole wisi ḡlata, diḡ tuamó betere whi Yesu Keriso ai ape. Ai seké diḡ tuamó betereiteiné, take nalopaae wisi deḡ tuamó betaalopóló haitamo beteralepó.

²⁸ Diḡ fea Yesu Keriso tuamó me ala hásókó feni, mo donore so whi betepa, Kótóné keletómó yó melaai kisipa mutu, Yesu ḡ etei kaae whipóló dané yó mótu beteralepó. Tétu, diaaḡ du betere hoko ala taaróló wisi tuḡpaae fae yóló ma fo yóo, Kótóné matere fosó fosói kisipatamo ama bete mole fo etérópóló yó melóo, du beteralepó.

²⁹ Ai ala yaalopóló kisipa mutu, Yesu Kerisoné ama kutó keteketamo depe tukówei ala i du betere ape.

2

1 Diḡ Kolosi bemó betó mole Keriso so whikélé, Laodisia bemó betó mole so whikélé, yaḡo kelepaa kilinire no nerapekélé, Talené tao sópóló kisipa mutu, Ɛ depe tukówei ala du betereitei diaaḡ kisipa yaasepóló i dere ape.

²⁻³ Yaḡo yaai kisipa mutere ala i ape. Atima haepaae derepéni, yaala sókó fole alané atima fea dokóló, mo betḡ tuétóro mulu, keteké buóló beterópóló dapó. Aita haḡe mei, mo bete mole fo

sóro taru, Kótóné ama hiró betere ala wisi mo turó tué yópóló du beteropó. Ai hiró betere ala haķearale wh̄ta, me kae mei, Keriso aťórótípó. Kótóné fosó fosói kisiparó bete mole ala wisitamo a tuamó kinóló mulapó.

⁴ Yalo diapaae i dere fota, mepaae wh̄iné diā dilikitu-raalu, kisipa tiki tiranére fo depa mo nisiyóló sya faqsóro dapó.

⁵ Ti noatepae, eťa diatamo betamó bitini, tika kae bitutei diā kisipa keteréni, yalo hosaa tuamó tué haķe yó tarapó. Yesu Kerisopaae diaať tué tiki mo ti diriyóló tiratere alakélé, mepaae du betere alakélé hoko ini, donotóro du beteropó dere fo yalo woseturaalu, mo kée yóló e haķiné sukutu beteropó.

Data mo hae wh̄iné dere ala sya fumi, Yesu Kerisotamo betamó beteropó

⁶ Take diaať Yesu Keriso diā tetéroló kaae tare Tale betérotu yale kaae, mió ama fo wosóló a tuamó bitu, ama erae dere alatóro sya fóló erótu betae.

⁷ Atétepa, ti diaať betere bete mo turó Yesu Keriso tuapaae muló betereitei ni feleke haepaae durupu dere kaae yaalopó. Diā a tuamó atéroló bitu, take mepaae wh̄rapené diapaae yó melale mo fo bete tué yó taru, apaae tué tiki tiratere ala mo ti faketé fóló, mo dirii wh̄i betenérápó. Talené diapaae ai erale alarapémó

kisipa mutu, mo kée dere fo dekéro yó tawae.

⁸ I haemó doasi kisipa mole wh̄rapené mepaae bete munire fotei, bete mole fo aťroló diā dilikóló mo fo wisi taaróló, kapala fo du betere tuamó atimatamo beteraai wae saqsóro hotowaró kaae tawae. Ti ate i kaae fota, Yesu Keriso tuamó kaayóló dumitei, mo wh̄iné tuére alaró i haemó tetéroló kaae tare fotokó bole kepetamoné kaarótu beteropó.

⁹ Ti noatepae, Yesu Keriso a mo wh̄i tikitóro daalutei, mo Kótótóro betereiteiné, Kótóné ere ala a tuamó mo suró beteropó.

¹⁰ Atépa, diakélé Yesu Keriso tuamó betereiteiné mepaae ala yaťani, ama ere ala diā tuamó fanóló mo suró beteropó. Atéru, ó sáro i haetamo tuamó betere mepaae tetéroló kaae tare keperaperó doasi doi mole keperapetamokélé, fea ama tetéroló kaae taru, a topo wh̄i beteropó.

¹¹ Mo take bitiré wale Juda fake wh̄iné mo tiki sekať tukóló sirirótu yale kaae, diā Yesu Keriso tuapaae biťi wale sukamó ama so wh̄ipóló siriró beteropó. Ti ai sirita, mo wh̄iné naasené eréni, Keriso a filipaa ni tómó sukáleteiné dané tó tikimó bole ekelere ala tukóló taae faralepó.

¹² Diā wēi tópualeteita, Yesu Kerisotamo betamó douralepó. Yesu Keriso a mo ti sukáletei momó kepaaróló

beterale Kótópaae diñé tué tiki tiró betereiné, diákélé kisi betere bete sópóló atamó betamó kepaaróló beteroó beteraó.

13 Diñé tó tikiné ekelere ala tukóló taae falaai hañe muóo, take dowi ala du betoo, yale betené diñe sukóló molepó. Tépa, Kótóné diákélé Yesu Kerisotamo betamó kepaaróló beteroóturaalu, dané dowi alamó saai yale kwia mo fea ama tokóló aluralepó.

14 Dané yale dowi alamó da só deraai dapóló kwia betapaaeróló muté huturaalu deñe dukú Kótóné Yesu Keriso filipaa ni tómó oleróturaalu mo ti doróló aluralepó.

15 Atéyaleteiné kale tetéroóló kaae tare keperaperó doasi doi mole topo keperapetamoné tare bóe dele òla òla Kótóné fasó salepó. Atéro Yesu Keriso filipaa ni tómó sukuturaalu so whi feané keletómó atima só deróló mo doasi haleralepó.

16 Atérapa, mepaae whiné diñe só deraairaalu, nokole òla ó weí ó tukóló mole be de ó kisi wélié sókó wapa òla deteremó ó kutó diyaqsóro tukóló muló betere be dekéle, wisiyóló sya fumipóló só deraterere fo momókó wosaqse.

17 Ti ai dosayayale alarapeta mo ala mei, Kótóné dapaae eraaire wisi alané aso maaté erélipakalepó. Mo bete mole òlata, ti Yesu Kerisopó.

18 Mepaae so whi tuamó bopé faketerere ala bulutei,

naameyóló dua betere aq yoo, ensel-rape aqomó bitu, atima doi sóro horoo, du beteraó. Térapa, diñe Talené muló betere òla wisi saasepóló, atei ala ekeñe yóló du betere so whi momókó sya faqse. Atei kaae so whi atima i doasi ala kelalepóló, fòlo sjiyóló deté fu beteraó. Atima tuékélé Deñe Kepe Wisiné meni, hoko bete munire kae kae dowi kisipa maaté faaturaalu, bopé faketu beteraó.

19 Yesu Keriso ata, tikiné topo betepatei, atima atétu betere alané atamo betamó olekenipó. Dáta ama tiki bitu, ai topomó bole fotokóné tiki turó diriyóló daalópóló olekeratere feleke diriró beteraó. Atépa, ai tiki doaterere alata Kótóné amatei erótu beteraó.

20-21 Diñe i haemó mara mole alarape tetéroóló kaae tare keperapené dere fo sya fóló du betaleteti, Yesu Kerisotamo betamó sukale alané mo ti kemeró beteraó. Téreteiné mió diñe ai ala tuamó betepapakó, "I òla naqse! ó I òla tawaqse! ó i òla olaa yaqse!" yóló ere fo aqomó bitu, sya fóló eraaloó? Mo meipó.

22 Ti noatepae, mo whiné tuñétei i ala yaqse ó i òla naqse yóló yó mótu betere fota, bete muni mo aluyaalopó.

23 Atei kaae ala du betere so whi atima kisipa mole ala sya fóló, Tale aqomó etéro betaalopóló yó meloo, bopé fake du bitutei naameyóló

dua betere aqyóo, atima tikimó felé dere ala ini, mo hapólui ala maaté yóo, du beterapó. Atére alata, fosó fosó ere fo aq̄patei, d̄a hae wh̄iné dowi ala yaai ek̄lere ala sesé yaaire fotok̄ mo bunipó.

3

Kerisotamo kepaayóló betereiné t̄u wisi s̄ya fae ere fo

¹ Dīta, Yesu Kerisotamo betamó kepaayóló beterepa, diaāq̄ hosaa mo turó ó hepen be tuamó mole alapaetóro muló bitu, kisipa yó tawae. Ti aimóta, Yesu Keriso a Kótóné turu naase eró betere fakeró beterapó.

² I haemó mole alapaae kisipa muni, ó hepen bemó mole alapaae maaté kisipa mutu betae.

³ Ti noatepae, Yesu Keriso suk̄ale sukamó dīkélé ātamo sukóló, mió diaāq̄ betere bete Yesu Kerisotamo Kótó betere tuamó kinóló mulapó.

⁴ Dīa betere bete Yesu Keriso ama ere d̄e wisinaale-tamo sókó wale sukamó, dīkélé ai d̄e tuamó betepa so wh̄i feané kelaalo ai ape.

⁵ Térapa, d̄a so wh̄iné tó tikiné i haemó mole alarape yaai ek̄lere ala mo ti dóló alurae. Aita, so nópu nokole alakélé, sonaalei dowi alatamo hosek̄etere alakélé, me ɔ̄la senée yóló au nokole alakélé, dowi kisipa mutere alakélé momókó yaq̄se. I haemó mole wisi wisi ɔ̄la

senée yóló ek̄letere alata, kapala kótópaae moma dere aq̄rapó.

⁶ So wh̄iné ai alatamo h̄ale du betepa, ti Kótóné fopaae buturaalu dowi kwia melaalopó.

⁷ Take dīa mo hae wh̄i doi muóló betale sukamóta, ai dos̄ayale alarape s̄ya fóló du betalepó.

⁸ Téyalet̄e mióta, ai du betale dowi alarape der̄akele kuti sokóló taae fótu dere kaae, mo ti taae falae. Ai alarape i ape. Fopaae butere alakélé, fopaae buturaalu me wh̄ipaae eratere dowi alakélé, dei kisipa mutu me wh̄ipaae eratere sek̄e alakélé, me wh̄i eróló doi doratere alakélé, dowi teka fokélé, mo taalae.

⁹⁻¹⁰ Téturaalu, dīa take daayóló betale tikiró yale alatamo sókóló taae faróló, mo bete mole fo tūe siré furaalu, kisi wh̄i aleraté fu beterapó. Ai kisi wh̄i kaarale sek̄éné asotóro beterepa, dīasisi kapala fo yaq̄se.

¹¹ D̄a mió i betere kisi ala tuamó mepaae wh̄i Juda fake betepa ó Juda meire fake betepakélé, me ɔ̄la meipó. Mepaae wh̄i tiki sekāe tukóló siriró betepa ó siriró bitinipakélé, me ɔ̄la meipó. Krik be fo buni, kae hae kwiamó wale wh̄i ó me ɔ̄la kisipani, mo belei sókó deyóló betere wh̄ikélé, kutó dirópóló wae sóro betero betere wh̄ikélé, ó wae sini mo h̄ale betere wh̄ikélé, me ɔ̄la meipó. Mo doasi bete

mole alata me kae mei, da fea tuamó betere whi Yesu Keriso atóro ai ape.

12 Atépa, Kótóné dia yaala sókó furaalu, mo kae so whi beterópóló sókó su erapó. Térapa, mepaae so whipaae yaala sókó fu kolené sukutere alakélé, mo wisi ala maaté eratereteikélé, deróló mo dua betere alakélé, ama enére ala taaróló, naame yóló mo dua betere alakélé, fopaae butere ala hapale ini, sekēi ala hāle beleyóló kaae taté fu betereteikélé, ai dosayale alarape feata, kuti derótu dere kaae yóló betae.

13 Mepaae whi hasókó fóló dere alamó sekē kisipa muóló, foné hapale só der- atere ala ini, me ɔla meipóló kisipa keteróló, sekētei beleté fu betae. Ti noatepae, Talené diaaɔ dowi ala fea me ɔla meipóló kemerótu yale kaae, mepaae whiné diappaee me kwia muló betepa, me ɔla meipóló hāle kemerae.

14 Ai alarape fea teteró betere doasi bete mole ala i ape. Kutiné tiki turó husirótu dere kaae, ne nopaae kolené sukóló yaala sókó fole ala betā hāle yó tawae. Ti ai yaala sókó fole alanéta, kale dosaté wale wisi alarape fea touróló dokorapó. Atére alané da fea wisi kisipa muóló beterópóló, mo ti suró beterapó.

15 Atéru, Yesu Kerisoné mótu betere hosaa muni deyóló mo dua betere alané diaaɔ hosaa tuamó mole kae kae ala fea taleyóló

teteróló kaae tanópóló yae. Ti noatepae, Talené dia fea a beterepaae ape yóló, mo betā tikitóro daaróló beteró beterapó. Atére alata, diaaɔ mole kisipakélé mo betātoró muóló beterópóló erapó. Térapa, diaaɔ hosaa tuamó Talepaae mo kée dere ala suka fea hāle yó tawae.

16 So whi bemó suka fea bitu dere kaae, Yesu Kerisoné ama fo diaaɔ hosaa tuamó mo ti muóló surópóló yae. Atéru, Talené ala eraairaalu, mo wisi kisipatoró muóló, u yó mótu i yó mótu dere alakélé, tū wisi sya foletēi hasókó fóló dée naaitere tūpaae faɔsóró, ma fo u du i du dere alakélé hāle yó tawae. Tétu, Kótópaae wole fo duraalu, ama buk- mó aseyóló muló betere wole fokélé yóo, mió i alimó du betere wole fokélé yóo, mepaae so whipaae Deji Kepe Wisiné yó matere wole fokélé yóo duraalu, haitamo diaaɔ hosaa turóné Kótópaae mo kée du betae.

17 Atétu, diaaɔ mepaae dere ala ó dere fokélé fea da teteróló kaae tare whi Yesu Kerisoné doi doasi mulóturaalu, ai sekéné ama doimó Aya Kótópaae mo kée du betae.

Keriso so whi atima naale senaaletamo wisiyóló betae yóló dere ma fo

18 Dia whiné dokore sorape-ó, diaaɔ dere ala mo Talené so whiné dere ala kaaetóro yaasepóló, diaaɔ

wh̄irapené dere fo wosóló aq̄mó betae.

19 Dīa so dokore wh̄irape-ó, diaaḡ sorapepaae hapólui ala ó deteraai fo ini, yaala sókó fole alatóró yó tawae.

20 Dīa naale senaale-ó, diaaḡ hae ayané dere fo wosóló aq̄mó betae. Atétere ala Talené kilituraalu, ḡ h̄kesetu beteraḡó.

21 Naale senaale alimarape-ó, diaaḡ naale senaale atima fomaake kisipa muaḡsóró haseḡai ala eraḡse.

22 Kutó dirópóló wae sere wh̄irape-ó, i haemó dīa t̄eteróló kaae tare wh̄irape aq̄mó bitu, atimané erae dere ala fea erótu betae. Atimané kisipa tiki felé yópóló, atima keletómó maaté kutó hatepaa yóló ini, betepa ó alupakélé, betḡ alatóró yó tawae. Atimané dīapaae dirae dere kutó diróturaalu, wisi kisipa betḡtóró muóló, Talepaae witamo dirótu betae.

23-24 Dīa t̄eteróló kaae tare wh̄ita mo wh̄itei, yaḡo i ditu betere kutómó Talené dupu wisi melaalopóló, wisi kisipatamo ketek̄e buóló dirótu betae. Ti naao ai ditere kutóta, ya t̄eteróló kaae tare wh̄i Yesu Kerisoné kutópóló kisipa muae.

25 Téretei, Talené keletómó diaaḡ me dowi alatamo depa, ti ai alamó mo dowi duputóró tokḡ melaalo ai ape. Ti noatepae, Kótóné taleturaalu, mepaae wh̄irape tao sóo, mepaae wh̄irapemo só deróo ini, mo betḡ kaae alatóró eraalopó.

4

1 Wae sóró kutó diratere wh̄i t̄eteróló kaae tare wh̄irape-ó, dīakélé t̄eteróló kaae tare doasi hepen bemó beteraḡóló kisipa mutu, Kótóné donoi ala eróturaalu, diaaḡ wae sóró kutó diratere wh̄irape atimakélé, dīa kaae mo wh̄itóró beteraḡa, wisi alatóró erótua yae.

Mepaae dere alarape hotowaró duraalu moma yae dere fo

2 Diaaḡ momaturaalu, noke ḡleiné ini, kele diriyóló bitu, hosaa tuamó Talepaae mo kée yóló betere dokḡ fea moma dere ala h̄ale yó tawae.

3 Téturaalu, Tale Kótóné ama kinóló mole fo so wh̄i feapaae yó melaaire tḡ tukyópóló, ḡapaaekélé moma dere ala h̄ale yó tawae. Ti ai kinóló mole foné, Yesu Kerisoné dīa Juda meire fake so wh̄ikélé tao saalopó. Atéyaaire fo wisi yó maté kutu betepa, atimané ḡ *dipula* sóró i beteraḡó betere ape.

4 Talené fo yaḡo yó matepa, so wh̄i feané wosóló bete mo wisiyóló kisipa yaaire fotóró yó melópóló momarótu betae.

5 Keriso meiyóló, h̄ale belapaae betere so wh̄itamó diaaḡ mepaae ala duraalu, Talené matere wisi kisipatamo ama ala eraaire be ḡe mepaae h̄ale kemeraḡsóró, ama alatóró erótu betae.

6 Atéturaalu, mepaae mo so wh̄itamó diaaḡ dere fokélé, Talené hamokoróló tao sere ala mo f̄ayóló

suru, naao ai dere fo atima feané wosetepa, kó felé kaae dapó yópóló yae. Atéturaalu, mepaae so whiné diápaee kae kae wosetere fo depa, tokó melaaire fo kóló kóló ini, mo donotóro tokó melaalopó.

Mo kemeróturaalu kóléó dere fo

⁷ Yálo mo hosaa mole no Tikikas-né ę betere ala etérapóló diápaee yaalo ai ape. Ti ąta, ętamo Talené kutó diratere whi wisinaale betepa, diá beterepaee wópóló dotęyaai dapó.

⁸ ą atéro wouraalu, ąané du betere alakélé diápaee yóo, diá fotokọ bulátere alakélé yóo, yópóló dotonatapó.

⁹ Diaaọ be whikó ąané mo hosaa mole no Onesimas-kélé, Talené kutó diratere whi wisinaale Tikikas-tamo wópóló dotęyaai dapó. ąané imó du betere ala fea ti atimaamoné diápaee yaalo ai ape.

¹⁰ ętamo betámó *dipula* betere whi Aristarkus-né diápaee kóléó dapó. Banabas-né belema Mark-nékélé diápaee kóléó dapó. Ai sekémó kisipa mutu yálo take diápaee yale fo diaaọ kisiparapa, ą wisiyóló dape sae.

¹¹ ąa teteróló kaae tare whi Yesuné yakoma Yesu doi mupatei, Jastus-pó du betere whinékélé diápaee kóléó dapó. Talené teteróló kaae tare tuámó mole ala erótu betere whirape kuamó ętamo kutó ditere Juda

fake whirapekó sore betá beterapó. Aita Mark, Jastus, Aristarkus atimané yálo kisipa felérótu betalepó.

¹² Diá be whikó Yesu Kerisoné kutó diratere whi Epapras-né diápaee kóléó dapó. Betere dokọ ama diámó momatu betereitei i ape. Kótóné diá fotokọ bulóo, ama diápaee eraaire ala turó eróló suróo, Kótóné ama kisipa mole ala mo turó diaaọ tuę yóo yópóló, keteķę buóló momarótu beterapó.

¹³ Yálo diápaee mo i dere ape. Ai sekéné diámókélé, Laodisia beró Hierapolis be huluatamomó betó mole Keriso so whipaaekélé, me seķę ala eraqsóro, ama hosaamó suraalu kutó ditu beterapó.

¹⁴ ąané hosaa mole no *Dokta* whi Luk-ró Demastamoné diápaee kóléó dapó.

¹⁵ Laodisia bemó betó mole ąané Keriso ne nopaaekélé, kale so Nimparó ama bemó touróló bitua dere Keriso so whitamopaaekélé, yálo kóléó dapó yae.

¹⁶ Yálo i dotonatere ase diaaọ dosąayóló kemetepa, ti Laodisia Keriso so whinékélé dosąayópóló melae. Yálo atimapaee dotonale ase diaaokélé dosąayae.

¹⁷ Artipus-paae Talené yapaee dirae yale kutó diróló, mo ti kemerae yae.

¹⁸ ęta, Pol-né dapó. Yálo diápaee kóléó yóló i asętere fota, mo yálo naasenétóro ai erapa kelae. ę *sein* kępiné dokóló *dipula* betereitei kisipa

keteréni, kisipatóró hãle
yó tawae. Kótóné hãle
hamokoróló tao sere ala dia
tuamó mulópóló yae.

1 Tesalonaika

1 I dere așeta, ę Pol-né dapó. Sailas-ró, Timotitamokélé dą fea betamó bituraalu, dą Tesalonaika be huluamó betó mole Keriso so whıpaae i dapa wosae. Dą Keriso fake Aya Kótóró Tale Yesu Keriso-tamoné ala tuamó betepa, Kótóné ama hamokoróló tao sere ala wisinaaleró hosaa muni deyóló mo dua betere alatamo dą tuamó mulópóló yae.

Tesalonaika so whı Talepaae tué tiki tiró betepa, Pol-né mo kée yale fo

² Dą fea dané kutiri tuamó muó taru, mo kée yóló Talepaae moma dere ala hąle yó tarapó.

³ Atéro, Aya Kótóné keletómó moma yó tare alata, diaaę kisipa tiki tiró betere alané kaarale kutórapekélé, kolené sukóló yaala sókó fole alané kaarale depe tukó wei alakélé, take nalo waaire sukamó, Tale Yesu Keriso tuamó wisi ala mupa ke-laalopóló kisipa mutu, hókélé ini, hąle eró tare alamókélé, mo kée yóló Talepaae moma du betera-pó.

⁴⁻⁵ Kótóné yaala sókó fu betere norape-ó, Talené dą fopeyóló sókó suyóló betero betere-tei, dané tuęrapó. Ti noatepae, mió wosetere kisi fo wisi dané diąpaae Kótóné fotokotamo yó matepa diąne woseturaalu, hąle tó tik-iné maaté wosetere ala inipó. Mo bete mole fopóló

Dęi Kepe Wisi dą tuamó fąayóló sųreteiné diaaę hosaa betemó salepó. Dą wisiyóló betero-póló kisipa mutu, dą diątamo betaletei diąné ai kisipare ape.

⁶ Atéturaalu, dąpaaekélé, Talepaaekélé, dua yale dowi sekei ala kaae, diąpaaekélé erótua yalepó. Atéte-patei, me ęla meipóló hepée taae faróló, Dęi Kepe Wisiné matere haįtere ala mulu, kale fo wisi mo wisiyóló wosetu betalepó.

⁷ Atére ala Masedonia hae kwiaró Akaia hae kwıata-momó Yesupaae kisipa tiróló betera-pó dere fo wosetu, atimakélé, atéro betaai dapóló kisipa mualepó.

⁸ Talené ama fo wisi, dą betere tikimó kaayóló, Masedonia hae kwiaró Akaia hae kwıatamopaaekélé yó melaté fóló fakeralepó. Atéturaalu, dą Tale Kótópaae kisipa tiki tiró betera-pó dere fo hae kwia feamó betó mole so whıné wosalepó. Atéyaletéiné dané me kae enénipó.

⁹ Ti noatepae, ai be hu-luamó betó mole so whı diaaę dą wisiyóló dape sale ala atimanétei mepaae so whıpaae yalepó. Dą kapala kótóné ala erótu betaletei taaróló, ti betere Kótóné ala eraai walepó.

¹⁰ Atéru, ama kepaaróló hepen-mó betero betere Naale wópóló kaae tawóló betera-pó dere fokélé so whı feané wosalepó. Ti ai sekei Ata, Kótóné fopaae buturaalu kwia melaaire ala dąpaae

eraqsóro, tao su betere whi Yesupó.

2

*Pol Tesalonaika be hulu-
amó fo yó maté kwęale fo*

1 Norape-ó, take da diątamo sawa hąleke sukamó bitu, eraai wale ala hąsóko feni, mo eraletei diaaą ai kisipare ape.

2 Take diaaą bepaae waai, Filipai be huluamó betepa erale sekei alaró, halerale alatamo diąné kisiparapó. Tépatei, dané Aya Kótóné da tao su betepa, halaaíné diąpaae ama fo wisi yó mótu betalepó. Ai ala du betere mó, mepaae whirapené da daai ketekę butepatei, wiyóló taaréni, hąle yó matere ala betą du betalepó.

3 Ti noatepae, dané diąpaae du betere bete mole fota, hoko ala tuąmó kaayóló ini, mopóló diaaą sya faasepóló dapó. I foné dią dilikóló me ąla saai ó dią doraaire kisipa muluraalu dumi, motóro i dere ape.

4 Tėni, Kótóné ama fo wisi yó melópóló, da ama fopeyóló sóro betero betepa, ama fo wisi dané diąpaae i yó mótu betere ape. Dané i du betere ala, mo whirapené kilitu, wisi ala dapóló da dukirópóló dumitei, dané hosaa tuąmó mole ala kaae keletere Kótóné kolóló, wisirapó yópóló du betera pó.

5 Dané diąpaae Kótóné fo yó móturaalu, diąné me ąla ąla saai dapóló fonėtei dią hąle mulóló, dilikiniyale

ala diaaąkélé kisipa yóo, Kótónékélé kisipa yóo erapó. Ti noatepae, dané du betere ala feata, Kótóné ama kele tómótóro du betera pó.

6 Ti dané i du betere alata, diaaą ó mepaae whirapenekélé wosóló da dukirópóló dumipó. Ti daąa, Kerisoné ama sóro betero betere yó matere whirape bituraalu, da fiyaaire be ó naaitere ąla diąpaae tao sae yaalopóló yaletei, dią seke yaqsóro kisipa mutu taaralepó.

7 Téturaalu, betą soné ama naale senaale awą nópóló dua bitu dere kaae, da diątamo naameiné dua beterepó.

8 Dané dią yaala sóko fole ala mo turó mulu, Kótóné kisi fo wisi yó matere ala maaté ini, dią tao saai wisi kisi-patamo dané betere betekélé malepó. Ti noatepae, dią dané hosaa mo turó mole ne no alée feleteinėpó.

9 Norape-ó, da diątamo bituraalu yale alarape fea kisipa muae. Kótóné fo wisi yó mótu bitu, mepaae dané naaire ąla ó be diąpaae maaté seke eraalomeipóló kisipa mutu, detamokélé, dikitamokélé, danėtei doasi depe tukó wei ala du be-taletei diaaą ai kisipare ape.

10 Tėtu, dią kisipa tiki tiró betere so whi tuąmó da betale ala diąnekélé Kótónékélé, kolóló ai kisipare ape. Kótóné ama sóro kae betero betere whirapené dere ala yóo, mo donoi ala

maaté dere wh̄irape betóo, me dowi alakélé munire wh̄i betóo, erepó.

¹¹ Ti noatepae, wh̄i bet̄ané ama naale senaale kaae tatu dere kaae, ðané ðīa dok̄o fea atéro kaae taté fu betalepó.

¹² Até yalet̄ei ðīa Kótóné ama t̄eteróló kaae tare alaró ama kae ere ala wisitamo tūamó betaai ape yalepó. Atéru, ai sek̄éné mo ama so wh̄i s̄u bet̄erópóló kisipa mutu, ðané ðīa fotok̄oróló ketek̄e bulatere fo yóo, sek̄ei alané só derāsóró haj̄ratere fo yóo, duraalu, s̄etere ala du betalepó.

¹³ Téturaalu, miókélé Kótópaae mo k̄é yó tare alata, noa betené meipó. ðané ðīapaae yó matepa, wosetu betale fota, mo wh̄iné fo yó matapóló kisipa muni, Kótóné ama fotóró yó matapóló hosaamó salepó. Ai fota, ðīa tūé tiki tiró betere so wh̄i tūamó muluraalu, ai fonétei Kótóné ama kisipa mole erótu bet̄erapó.

¹⁴ Norape-ó, Judia haemó Yesu Keriso tūamó betere Kótóné fake so wh̄ipaae erale sek̄ei alamó kisipa muae. Ti atimapaee ai erale susupui alata, atima Juda fakenétei eralepó. Atétu yale kaae, ðīaāq be wh̄inétei, ðīapaaekélé ai alatóró eralepó.

¹⁵ Ti ai Juda wh̄irap̄enéta, Tale Yesu Keriso dóo, Kótóné ama k̄oló wh̄irapekélé dóló kemeróo, ðakélé i fo wisi atimapaee yó melāsóró h̄okó falóo yalepó. Juda fake mei, kae fake so wh̄i mo ti

aluyāsóró Kótóné tao s̄ópóló ðané atimapaee kale fo wisi yó mótu bet̄epatei, atimané sesétu betalepó. Atétere alané so wh̄i featamo b̄óe dóo, Kótókélé fopaae bulóo, yalepó.

¹⁶ Atéturaalu, atimané ai du betere dowi ala mo ti muté hutu bet̄epa, Kótóné fopaae buóló kwia melaai doasi ketek̄e butu betale ala kemer̄ale wouraalu mo ai melale ape.

Pol a Tesalonaika so wh̄i k̄ele fen̄é du betalet̄ei

¹⁷ Tér̄apa norape-ó, ðata ðīatamo bet̄amó betaai yalemó, b̄óe dóló foya yalet̄einé ða kae betóo, ðīa kae betóo, ai ere ape. Tér̄etei, ðané ðīa kisipa keteró bitini, h̄ale kisipa yó tarapó. Tér̄uraalu, ðané ðīa kelené yóló kisipa mutu, ðīa bet̄erepaae waaire t̄u kikitu betale supó.

¹⁸ Ti noatepae, ða ðīa bet̄erepaae waii dapóló ę Pol-né t̄u dek̄eró kikitu betalet̄ei, Satan-né ða waaire t̄u ses̄eyalepó.

¹⁹⁻²⁰ Ti noatepae, take waaire alimó wisi ala ke-lai dapóló haj̄né sukutere beteta, me ęla kae mei, ðīatórót̄ipó. Tale Yesu a waaire sukamó ða fea ātamo bet̄amó betó muluraalu, noa ala epa kilitu ða haj̄né sukóló bopé fake yaaloé? Ti atéro haj̄né sukóló bopé fake yaaitere alata, ðīatóró kilitu, doasi doi s̄oró haj̄né suk̄alopó. Atéro, mepaae ęla wisi saairaalu wh̄i fea

sururu yóló foletei, beta folosóró sókó fole whjné topo tao sóró hękesenę sinitu bopę faketu dere kaaę, đanékélę dię kilitu atei kaaę ala yóló, mo kęę yaalo ai ape.

3

¹ Téró đa Atenis be hulu-amó betó mulu, dię netéró betererópóló, đa whaaliatu betalepó. Tétu, đąsisi taleyóló đamo i Atenis bemó bituraalu, Timoti dię beterepaaę ai dotęyale ape.

² Đané no Timoti ąta, Yesu Kerisonę mió i wosetere kisi fo wisi so whjpaae eróló fak-eratę fópóló, đatamo betamó bituraalu, Kótónę kutó diratere whjpo. Ti ai sekę dię beterepaaę dotonatereteita, hęle meipó. Diaaę kisipa tiki tiróló betereitei, mió ai wou betere sekei alarapenę haepaaę só deraęsóró ą đatamo bitu, dię fotokę bulatere ala yópóló ai dotonale ape.

³ Mió đa feapaaę i erótu betere sekei alarape, menę đapaaę eratepa, beleyópóló Talenętei tukóló muló betereitei diaaę mo kisi-parapó.

⁴ Ti i dere fota kapala mei, đa take đatamo bituraalu, doasi sekei ala mo waalopóló đapaaę inię? Ai yale fo motóró dokonóturaalu yale alata, diaaę mo wisiyóló tuęrapó.

⁵ Atétere betemó, dięnę kisipa tiki tiró betere ala netéró, ai sekęnę keęle wópóló ai dotonale ape. Ti

noatepae, kópaaę fópóló dée nalatere sekęnę dię dée nanóló, đané diępaaę erale alarape hęle besekéróló doralemóló whaaliatępa keęle wópóló kale sekę ai dotonale ape.

Timotinę ene wale fo wosetu, Talepaaę mo yaletei

⁶ Týaletei, Timoti momó đa beterepaaę fesaaę wóló i betere ape. Atéró ama dię betere alaró, dięnę tuę tiki tiróló yaala sókó fole alatamo du betęrapó ene wale fo wosetu, đané mo kęę du betęrapó. Ai sekę ą mo miótóró đa beterepaaę sókó wóló i fo yalepó. Betere dokę fea dięnę đa tuę yó taru, wisi kisipa muóló betóo, đané dię keęle wolęę du betere kaaę, diaaękélę đa keęle fenęę du betęrapóló đapaaę ene wóo, yalepó.

⁷ Norape-ó, dię atétu betęrapó dere fo wosaleteinę đa imó bituraalu, kae kae susupui alaró, sekei alatamo wou betępatei, diaaę kisipa tiki tiró betęrapó, dere fo woseturaalu, đané hosaa muni deyóló, mo kęę fo du betęrapó.

⁸ Ti noatepae, dię Talenę ala tuęmó mo diriyóló bitirę waletei, miókélę hęle betótóró tarapó, dere fo woseturaalu, mo kęę yóló đakélę hajnę sukutu betęrapó.

⁹ Đa Kótónę keletómó bituraalu, dięnę du betere ala kolóló hajnę sukutere ala mo turó řanapó. Atére

alamó, Kótópaae mo kée dere fo yaairetei sunipó. Ti noatepaae, haíné sukutere ala da tuamó mo suró betera-pó.

¹⁰ Daaq tué tiki tiró betere tuamó, mepaae yaayare alarape diá tao sóró yó male waai, dikitamokélé detamokélé dané mo dirii moma yó tarapó.

¹¹ Térapa, mió da diá beterepaae waaire tuta, dané Aya Kótóró Tale Yesutamóné alerópóló yae.

¹² Dané diapaae yaala sókó fu dere kaae, diaaq yaala sókó fole alakélé, mo ti faayóló wéi feleyóló futere kaae yópóló, diásisitei u yó mótu i yó mótu du betae. Téturaalu, mepaae so whípaae yaala sókó fole alakélé Talené amatóró erópóló yae.

¹³ Tale Yesuró ama kae betero betere whirapetamo wale sukamó, dané Aya Kótóné keletómó me ala munipa kilitu, mo ama kae betere so whípóló, Kótóné amatei diaaq hosaa dirirópóló yae.

4

Kótóné da betere ala kilitu, a həkese-yópóló etéro betae yóló dere ma fo

¹ Norape-ó, dané diapaae kemeróturaalu dere fo i ape. Kótóné keletómó wisirapó yópóló, etéro betae yóló take dané diapaae yó mótu betalepó. Ai yale fo mo dapóló diaaq wosóló eraté ai wou betere ape. Da fea Tale Yesu tuamó bitu, ai du betere alatóró fakerae yóló,

mió dané diá keteké bulatere fo i dere ape.

² Ti noa betené meipó. Tale Yesuné fea ala amatóró sumó tetéroló kaae taru, dapaae erae depa, danémo diapaae i ala yae yóló, yó mótu betale forape diaaq ai tuére ape.

³ Atéreteiné, diá fea dowi ala mo betakélé muni, mo kae so whi beterópóló Kótóné ama kisipa mutu betera-pó. Térené, whiné so qlémi nokole alakélé, soné whi qlémi nokole alakélé, diapaae yaqse yóló dapó.

⁴ Térapa, diané kisipa tiki séle séle wisiyóló tetéroló kaae tare ala mo so whiné-kélé, Kótóné-kélé kilituraalu, mo kae betero betere so whi betera-póló dukirópóló diané tó tiki diaaqteiwisiyóló kaae tawae.

⁵ Kótó tuéni, mo hāle betere so whiné, au nóló qlémi naairaalu ekele dere ala kaae yaqse.

⁶ Ti atéro qlémi nuku betere alata, me whiné kelaalomeipóló kinóló naao no qlémi nó matere ala mo yaqse. Atei dowi ala deremó, Talené doasi kwia melaalopó. Tēyaqsóró, atei kaae ala momókó yaqse yóló, take dané diá kisipa mulóló ma fo ai yale ape.

⁷ Ti noatepaae, wisi alaró dowi alatamo hosekéyóló beterópóló Kótóné da a beterepaae ape fo ini, mo ama kae so whi beterópóló ape yalepó.

⁸ Térapa, whi me denétamo i du betere ma fo woseni

nisiyóló hórótu betepa, ti mo whjné dere fo hórótumitei, diã Deï Kepe Wisi mótu betere Kótóné fotei hórótu beterapó.

⁹ Téró, diaaõ mo notamo dere kaae hëkesené sinóló yaala sókó fu betere ala yópóló, Kótónétei yó male ala diãné kisiparapó. Atérené ðané diãpaae me noa fo kae asë yaalomeipó.

¹⁰ Ti aita, mo dapó. Masedonia hae kwiamó betó mole Keriso norapepaae diaaõ yaala sókó fu beterapó. Tépateti, ai ala mo ti fakerae yóló ðané diã ketekë bulatere fo i dere ape.

¹¹⁻¹² Diaaõ betere dokõ du betere ala fea mo hãle betere whjrapené kilituraalu, atimané i du betere alata, mo wisirapó fo yópóló yae. Diaaõ yaãtu betere õla me whjné melópólópó yóló dekaýóló hãle bitini, diã mo dua bitu kae depe tukó wei ala du betae. ðané diãpaae yae yóló, yó male alatóróti sya fóló mené yaaire alamó kisipa muni, diaaõ yaaire ala betã kisipa muóló du betae.

Tale wouraalu yaaire alamó ere fo

¹³ Norape-ó, sukãle so whj atima neté yaalorópó yóló, kóló kóló du betaõsóró, diãpaae i dapa wosae. Take waaire alimó mo wisi ala kelaalopó yóló kisipa muóló, hajné sukutu betae. Mo so whj ai ala kisipa muniru, doa dekené sini molótu dere kaae, diaaõkélé yaõsóró

kisipa mutu dapó. Ti atimané wole dere alata, ama kaepó.

¹⁴ Yesu mo ti sukãletei, momó kepaayóló beterapó dere fo ðané wosetu-raalu, tuë tiki tiró beterapó. Atéreteiné, mepaae Yesuné ala tuãmó betepa, sukutere so whjkelé, Yesutamo betãmó Kótóné dapesó waalopó ere fomó ðã kisipa tiki tiró beterapó.

¹⁵ Talené ðapaae i ala eraalopóló ere fo ðanémo diãpaae i dapa wosae. Tale waaire be ðe teópatei, sinale so whj taaróló, ðã sukuni hãle betó mole so whjrapepi folosóró faalomeipó.

¹⁶ Ti noatepae, Tale atóróti ó hepen be taaróló dorowouraalu, i ala yae yóló fo fakeyóló yóo, doasi topo *ensel*-né fo yóo, Kótóné ukulumó wuti haletere ala yóo, yaalopó. Ai ala deremó, Keriso beteró sinale so whjpi turukó holaalo ai ape.

¹⁷ Atéyale sisópaae ti ðã sukuni hãle betó mole so whj tokó sóró, sãko tuãmó atima sinale so whjamo hokolaayóló, fea touyóló huturaalu, hãle tó tuãmómo Taletamo hokolaa yaalopó. Atéro holóló, suka fea ðã Taletamo betãmó mo titóro betó tawaalopó.

¹⁸ Atéyaalopa, i dere foné, diã fotokõ butere ala yópóló diãsisitei u yó mótu i yó mótu du betae.

5

¹⁻² Térapa, norape-ó, waaire ali ó be ðrape diãné kisipa

inipapakó, ðané ðiãpaae asęyaalomeipó. Ti noatępae, Tale waaire be ðęta, dikitamó ęlémi nokole whı woutere kaae yóló waairetei, diaaę mo diriyóló ai tuęre ape.

³ Mo so whıné duraalu, “Đapaae me ala eraalomei, mo dua beterapó,” fo du betępatei, betę soné naale saai, sisó nukutere kaae, atimapaækélé eraalopó. Téturaalu, be ęla ęla doratere ala mo hapale tétitóró sókó wóló, kilita eraalo ai ape. Atęyaaire alata, mo haşókó faalomeipó.

⁴ Téyaalotei, norape-ó, ðiã diliki dolomó mokęleyaayóló betępapakó, ęlémi nokole whı sókó walemó me whı kilita sókó fu dere kaae, ðiã atéró kilita sókó faalomeipó.

⁵ Điã feata, ðeró sukata mo tuamó betó mole so whı ai betere ape. Đata, dikitamó ó diliki dolomó betere so whı meipó.

⁶ Térapa, ða mępaae noke fire whı kaae fıó muni, kele diriyóló betere so whıtóró bitu, ðanétei ða betere bete mo hotowaró kaae tanérapó.

⁷ Ti noatępae, atima dikitamó noke fıtere so whıta, ti fıtua yóo, topo dotere węi nokole so whıkéle dilikitamo nóló topo doyóló hęko bitua yóo, ðapó.

⁸ Đata, ðętamo betere so whıpa, ða betere bete ðanétei hotowayóló kaae tawóló bitiępe. Téruraalu, bóe daai kuti wase su dere kaae, kisipa tiki tiró betere alaró yaala sókó fole alatamo

atéró sóró betaalopó. Talené ða aluyaęsóró tao saaire alamó tuę muturaalu hajné sukutere alata, bóe daai deratere dirii topo tao kaae deróló betenérápó.

⁹ Ti noatępae, ða so whıta, Kótó ę fopaae buturaalu, kwia melóló susupu eraai ðapóló, sóró beterénitei, Tale Yesu Keriso tuamó betępa, tao sóró wisiraii kisipa mutu sóró beteralepó.

¹⁰ Đa tao saai ę sukęleteita, ða mo betere so whı ó sukęle so whıkéle fea atamo betamó beterópóló kisipa mutu, yalepó.

¹¹ Térapa, mió ðiãné ai du betere alatóró haęle yó taruraalu, ðiã Talené ala tuamó mo dirii Keriso so whı be-taasepóló, ðiãsisu u tao su i tao su yóló, keteķę bulatere alakélé mo ti deté fu betae.

Mo kemeróturaalu i alarape yae yóló dere ma fo

¹² Norape-ó, Talené ala tuamó bitu, ðiã tęteróló kaae taruraalu, ðepe tukó wei kutó ditu betere whırapené dere ma fo wosóló, atima aęmó sukóló betae yóló i dere ape.

¹³ Térapa, atima ai kutó ditu betereimó, ðiã yaala sókó furaalu, atimané ðoi sóró horótu betae. Atéru, diaaę no netamo hosaa muni ðeyóló ðua betó muae.

¹⁴ Norape-ó, mępaae kutó dini, ðekayóló haęle betere so whıpaae dirii ma fo yóo, haşókó fole ala yaęsóró witu, fo tekeni kekóló fı betere so

whi tao sóró keteke bulóo, fofokó buni, bére so whi tao sóo, yae. Tétu, mepaae so whi haşókó fole ala depa, hapale foné só deréni, dua kaae taté fío, mepaae dere ala so whi feapaae eróo dua yae.

¹⁵ Téturaalu, mepaae so whiné yaşaae me dowi ala eratepa, naaomo aşaae tokó matere ala momókó yaşse. Téni, suka fea dişisitei wisi ala yó taru, u tao su i tao su dere ala, mepaae haşe betó mole so whi paekélé eraté fu betae.

¹⁶⁻¹⁸ Kae kae noa kaae ala diş tuşaae eratepakélé taaréni, haşné sukutere alakélé, momatere alakélé, Talepaae mo kée dere fokélé haşe yó tawae. Ti noatepaae, Kótóné ama kisipané diş fea Yesu Keriso tuşámó bitu, ai alarape yópóló kisi pa mulapó.

¹⁹⁻²⁰ Kale Deş Kepe Wisiné dó tare si surukó faréni yóo, Kótóné kóló whi rapené so whi paae yó matere fo bete munire ęla aqróló faleyoó du betaşse.

²¹ Ai dere fo fea wisirémóló kaae kolóló, taleyoóló mo bete mole fo maaté wosóló eró tawae.

²² Ai du betere kae kae dowi alané diş só de raşsóro pa, hotowayóló kaae taruraalu, woleyóló betae.

²³ Tétu, hosaa muni deyóló dua betere ala eratere Tale Kótóné amatei, diaaş betere ala mo turó wisiróló, mo kae betere so whi beterópóló yae. Ti atétere alata, diaaş

kepekélé, asoró mo tikita-mokélé, mo turó me dowi alatamo hosekéni, mo donoi so whi bitiré fóló, daş tetéroló kaae tare whi Yesu Keriso wale alimó sókó fópóló yae.

²⁴ Dişaae ape du betere sekéné ama dişámó eraalopó du betere ala haşókó feni, mo eraalo ai ape.

²⁵⁻²⁶ No nerape-ó, Talené daş tao sópóló, momatere ala du betae. Aimó betó mole no nerapepaae kşleo duraalu, dowi ala mo betaşakélé munire so whiné apuóló kóló tukó nokole ala du betae.

²⁷ I aşeta, ai be huluamó betó mole Keriso no nerape feané wosópóló, dosşayae yóló Talené keletómó, yaşo dişaae i dere ape.

²⁸ Daş tetéroló kaae tare whi Yesu Kerisoné hamokoróló haşe tao sere ala wisi diş tuşámó mulópóló yae.

2 Tesalonaika

¹ I dere așeta, ę Pol, Sailas, Timotikélę dą fea betamó bituraalu, dąné aya Kótóro Tale Yesu Kerisotamoné yó tare ala tuamó betere Tesalonaika Keriso so whıpaae dapó.

² Dąné Aya Kótóro Tale Yesu Kerisotamo tuamó kaaróló wou betere hąle hamokoróló tao sere ala wisiró, hosaa muni deyóló mo dua betere alatamo dı tuamó muó tawópóló yae.

Talené eratere alamó Kótópaae mo kée yóló moma dere fo

³ Norape-ó, dąné dıamó tuę muturaalu Kótópaae betere dokọ fea mo kée du betere fota, mo donopó. Ti noatepae, diaaọ kisipa tiki tiróló betere alaró dıasisi yaala sókó fóló hękesenę sukutere alatamo mo ti fakeraté fu betereiteinépó.

⁴ Térapa, dı tuąpaae kae kae susupui alaró sekei alarapetamo erótu betepatei, dı hýyóló dekani, Kótóné ala hąle eró taru kisipa tiki tiraté fu betere ala kilitu, dą Kótóné Keriso fake so whı betó mole tuamó kuturaalu, diaaọ du betere ala atimapaae yó melóló dukirótu beterapó.

⁵ Dı tuamó ai erótu betere ala Kótóné taleyóló dowi alamókélę, wisi alamókélę, kwıa materetei mo donorapóló kisipa mutapó. Atéro, talerąlemó dı Kótóné ama

tęteróló kaae tare aqmó mo șumó betenére so whıpóló kisipa muaalopó. Ti Kótóné ama tęteróló kaae tare aqmó betaairetimó dı doasi sekei ala su beterapó.

⁶ Kótó ąta, fo tokótamo yóló taletere ala hąsókókélę feni, mo donotóróti taleyóló dupu mótu betere Talepó. Mepaae whırapenę dıpaae me sekei ala eratepa, ti dıpaae ai eratere ala kaae, Kótóné amamo atimapaekélę tokó melaalopó.

⁷ Téyaalotei, dıpaae mió ai erótu betere sekei ala siré fu betaqsóro, Kótóné seséyóló feléi ala eraalopó. Dıpaae kélę ai kaae alatóróti eraalopó. Ti ai alata, Tale Yesu hepen be taaróló dorowouraaalu, hąle duku betere simiró ama doakale fotokọ bole *ensel*-rapetamo hąkeamó dorowale sukamó so whı feanę kelaalo ai ape.

⁸ Kótó ą mo beterapóló tuę muni, dą tęteróló kaae tare Tale Yesuné mió wosetere fo wisi wosóló sya fóló erénitere so whıta, ti Kótóné dowi dupu melaalo ai ape.

⁹ Atétere so whıné saaitere duputa, kemekélę ini mo sótóro tawaaire dupu suraaalu, mo ti doraalo ai ape. Ti ai so whıta, Tale betere felekemó bitu, ama ere dę wisinaale tuamó bole fotokọ doasi kelaqsóro, atima kae beterópóló hqkó faraalopó.

¹⁰ Ti ai alata, metéli yaaloé? ą waaire be demótóro yaalopó. Ai be demó ama kae betero betere so whı

tuamó ama ere ala wisinaale hakearaalopó. Téturaalu, apaae kisipa tiki tiraté wou betale so whiné Tale kilitu, a dukiróló sira yaalo ai ape. Dané diapaae yó male bete mole fo wosóló, tué tiraté waletiné diakélé ai so whítamo touyóló betaalopó.

¹¹ Ai alarape mo yaalopóló kisipa mutu, diá Kótóné a beterepaae ape ere so whi sutoró beterópóló, betere dokó dané moma yó tarapó. Téturaalu, diaaḡ tué tiki tiró betere betené kaarale mo du betere alaró, yaai kisipa mole ala wisitamo Kótóné ama fotokóné diá suratapa, diané mo erópóló momarótu beterapó.

¹² I du betere momata, da teteróló kaae tare Kótóró Tale Yesu Kerisotamoné hamokoróló tao sere ala sya furaalu, ama diá tuamó erótu betere ala kilitu, da kaae tare whi Yesuné doi hale horóo, diakélé a tuamó bitu, ama ere ala wisi hakearóo, yópóló dapó.

2

Kótótamo bóe du betere whi waalopóló ere fo

¹ Norape-ó, da teteróló kaae tare Tale Yesu Keriso wóló betepa, da a beteremó touróló betaaire alamó kisipa mutu i dapa, wosae.

² Mepaae whiné diapaae duraalu, “Pol sépiné asemó Tale waaire be de take ai wale ape,” dere fo wosóló mo dere nisiyóló tué tiki tiraḡse. Atei kaae fo dané asemókélé ó

mo kolónékélé inipó. Aita, Kótóné ama koló whipóló kapala dilikitere whirapené dere fopa, whaalía yóló, diri furu furu yaḡse.

³ Mepaae whiné kae kae dere alaró kapala dilikóló dere fotamo wosóló mo dapóló sya faḡse. Ti noatepae, atéyaaire be de waai teópatei, i haemó betó mole so whiné Tale aḡmó betereitei hóróló, bóe dele ala du betaalopó. Kótóné ama yóló muló betere fo aḡmó bitini, tikitu betere whita, mió kinóló betereitei, take mo hakeamó betepa kelaalopó. Atétere whi doraai tukóló muló betere alata, mo haḡsókó feni, motóróti eraalo ai ape.

⁴ Ai whiné, i haemó betó mole so whiné Kótó-ó yóló momatu betere alatamo bóe dóló, ama doitei sóro horaalopó. Téturaalu, a Kótóné momatere bemó amatei a sóro beteróló duraalu, eḡa Kótótóró htipó yaalopó.

⁵ E diatamo betamó bituraalu, i alarape eraalo ai ape yóló du betale fo diaaḡ kisi-panié?

⁶ Ti ai kale whi so whi feané keletómó sóko waḡsóró, mené a sesétu betereiteita, diaaḡ ai tuére ape. Ti atétu betereitei haḡe mei, take ama tukóló muló betere be demótóróti hakearatepa kolópóló du beterapó.

⁷ Ti noatepae, kale yóló muló betere fo tikitu betere fotokḡta, mió haḡe yó tareitei hakeamó ini, kinóló du beterapó. Até deté fu betepatei,

à waqsóro mené sesétere ala yó tarapó. Ai sesétu betere sekéta, take nalo mené à tokó saalopó. À tokó saai teópa, ti ama ai sesétu betere alatóro hãle yó tawaalopó.

⁸ Atétu betepa, Kótóné kale yóló muló betere fo faletu betere seké hãkearóló sókó wapa, Tale Yesu wouraalu kóló momunétei, dóló hepée taae falóo, ama tikimó yóló wale kokõ alané à mo ti doróo yaalopó.

⁹ Téturaalu, kale yóló muló betere fo faletu betere seké wouraalu, Satan-né du betere ala kaaetóroti yóló waalopó. Kapala dilikóló dere alamótei so whiné mo dapóló kisipa tirópóló, kae kae kelemei alarapekélé eróo, Kótónétei eratapóló kisipa muópóló eratere alakélé eróo, so whi feané kolóló sira yaaitere alakélé eróo, yaalo ai ape.

¹⁰ Téturaalu, ai sekéné ama kae kae dowi alané, sukóló mo ti aluyaaire so whi, dilikóló kópaae faraalopó. Atéro aluyaai dereteita, atima aluyaqsóro tao saaire mo bete mole fo woseni hõraleteinépo.

¹¹ Atétere betené atima kale kapala fotei mo nisiyópóló, Kótóné doasi fotokõ dilikitere ala dotonaalopó.

¹² Atétepa, dowi ala mo ekële yóló duraalu, mo bete mole fo wosóló tué tiki tirénire so whi fea só deraalopó.

Talené ala tuámó diriyóló betae yóló dere fo

¹³ Tépatéi, Talené ama hosaa mole norape-ó, betere dokõ fea ðané ðiamó kisipa muturaalu, Kótópaae mo kée du betere fota doni, mo wisirapóló kisipa mutapó. Ti noatepae, take kaae sale sukamótei ðia Kótóné ama so whipóló sókó sóro kae beteró beterapó. Téruraalu, me dowi alatamo hoseké waqsóro kale Ðei Kepe Wisinétei, ðia tao sóro kae beteróo, diaaõ mo fo bete wosóló kisipa tiróo, du betereiné Kótóné ðia aluyaqsóro tao su beterapó.

¹⁴ Ðia ai ala tuámó beterópóló, mió i wosetu betere fo wisinétei à beterepaae ape yalepó. Atéro yale fota, hãle mei, ða teteróló kaae tare Tale Yesu Kerisoné ama doasi ere ðe tuámó beterópóló yalepó.

¹⁵ Térapa norape-ó, tué tiki diriyóló bituraalu, ðané ðiapaae yó male fo kólóné ó ašemó yaletéi kisipa keteréni, mo wisiyóló wosóló tuéruraalu erótu betae.

¹⁶ Ða teteróló kaae tare Tale Yesu Kerisoró Aya Kótótamoné ðapaae yaala sókó fu beterapó. Téturaalu, ama hamokoróló hãle tao sere alanétei, ða fomoné sukóló haepaae derepaqsóro, tué tiki dirirateré ala mo ti eró tawóo, take nalo waaire alimó wisi ala tuámó be-taalopóló kisipa mutu, hosaa muni deyóló hãiné sukóló beterópóló eróo dere alata, Talené amatei erópóló yae.

¹⁷ Ti ai seké tamoné ðia keteké bulóló fotokõratepa,

wisi alaró wisi fotamo betere dokó fea yó tanópóló yae.

3

Pol-sépi atimamó momarae yale fo

¹ Norape-ó, yało kemeróturaalu dere fo diapaae i dapa wosae. Dą diątamo bitu, Talené fo mo bete mulapóló, hałe betere so whjné wosóló mo hapale fakeraté fu yale kaae, dą i betere bemókélé ai alatóró du beteropóló, dapaae momarótu betae.

² Téturaalu, dei tuę mułu dowi ala du betere whjrapené dapaae me sekei ala eraqsóró momatu betae. Ti noatepae, mepaae so whj tuę tiki tiró bitinipó.

³ Tépatei, Talené ama du betere wisi ala hałe yó taru, dowi ala erótu betere sekéné dią doraqsóró, dią ama seséyóló fotokó bulaalopó.

⁴ Dą Talepaae tuę tiki tiró bitu, diapaae erae dere fo diaaq wosóló mió erótu betere kaae, nalokélé hałe deté fu betenérápóló kisipa mutapó.

⁵ Diaaq hosaa ó kisipa kae alapaae muaqsóró, Kótóné ama yaala sókó fóló mole tuąmótóró muluraalu, Yesu Kerisopaae wou betale sekei ala ama beleté fu betale kaae, diaaqkélé ai alatóró deté fu betepa, Talenétei bete mole ala i ape yóló, yó mótu beteropóló yae.

Dekayóló hałe betaqse yóló dere ma fo

⁶ Norape-ó, Tale Yesu Kerisoné doimó dąné

diapaae i ala yae yóló i mulatere ape. Dąné diapaae yó mótu betale fotamo, mepaae Keriso norapené wosóló sya fóló eréni, deka yóló hałe betó mole whjrapetamo touyóló bitini, atima kae beteropóló dią kae betae.

⁷ Ti noatepae, dąné i du betere ala diaaq kolóló suróló du betepa, ti ai ala doni, donorapóló diaaqtei ai tuęre ape. Ti dą diątamo betale sukamó deka yóló hałe bitu, mepaae whjrapené ọla hałe nukuani, dupuyóló nukua du betalepó.

⁸ Até yaleteita, dąné naaitere ọlamó dią sekeyaqsóró, dikitamokélé dętamokélé, dąné naaitere ọlamó kisipa mutu depe tukó wei ala du betalepó.

⁹ Dąné até dua yaleteita, diaaq dą taosóró matere ọla nenépatei, dąné dere ala diaaq kolóló sya fópóló kisipa mutu yalepó.

¹⁰ Ti dą diątamo betale sukamó, diapaae i ala yae yóló, etei dirii ma fo yalepó. “Mepaae whjtamó kutó dini, deka yóló hałe betepa, ti atétere whjmó naaitere ọlakó melaqse,” fo ai yale ape.

¹¹ Diąkó mepaae whjrape kutó dini hałe bitutei, kutó ditu betere nisyópóló dakeró beteropó dere fo dąné wosalepó.

¹² Atei kaae so whjppaae dą Tale Yesu Keriso tuąmó bitu, i ala yae yóló sej fo i dere ape. Hałe hqko betere ala taaróló, tamoyóló bitu, diaaq

qla nokole sʉtóró kutókélé atéró diyae.

¹³ Térapa, mió diʉ depe tukó wei kutó ditu betere norape-ó, diaaʉ ai du betere ala wisi taaréni, ai alatóró yó tawae.

¹⁴ Mepaae whi denétamo ɖané i ašemó ere fo sya fóló erénitepata, ti atétere whiné noa alakó déró kelaasepóló mo wisiyóló kaae tawae. Ti noatepae, ama dere alamó ʉtóró hale yópólópa, ʉtamo betámó betere ala ó kotere alakélé ini, ʉ ama kae beterópóló diʉ kae betae.

¹⁵ Tétutei, ʉpaae diaaʉ bóe whipaae eratere ala kaae ini, diaaʉ notóró beterópóló, atei ala ekese yóló ʉpaae dirii ma fotei yae.

Mo kemerótu kóléó yale fo

¹⁶ Téró yʉlo kemeróturaalu dere fo i ape. Betere dokʉ fea diaaʉ noa alakó yaaitepa, ti hosaa muni deyóló dua betere bete Talené diʉpaae eróturaalu, Tale diʉ featamo betámó betó tawópóló yae.

¹⁷ Ita, Yʉlo naasenétei aseýóló diʉpaae kóléó dere fota, ʉ Pol-né dapó. Yʉlo be hulua dokʉ feapaae faletua dere ase diaaʉ kilituraalu, ita Pol-né naasené erapóló tuʉ muópóló dapó. Itei kaae naase ɖaapa kilitu, ʉtóró hʉtipóló kisipa yae.

¹⁸ Térapa, ɖané Tale Yesu Kerisoné ama hʉle hamokoróló tao sere ala wisi-naale diʉ featamo mulópóló yae.

1 Timoti

¹ Ẹta dā aluyaṣóró tao sale Kótóró dā take mo wisiyóló betaaire bete Tale Yesu Kerisotamoné kale fo wisi erāle fae yóló dotẹyale whị Pol-né i aṣẹ dere ape.

² Ti i dere fota, Yesu Kerisoné ala tuṣmó beterópóló, yaḷo deyóló beteró betere naale Timotipaae dapa, ḍané Aya Kótóró Tale Yesu Kerisotamo tuṣmó kaaróló wó tare haḷe hamokoróló eratere alakélé, kolené sukóló tao sere alakélé, hosaa muni deyóló mo dua betere alakélé, yaṣpaae erópóló yae.

Tukóló muló betere fo yó matere whịrapené dere fo wosaṣe yale fo

³ Ẹ Masedonia hae kwia-paae faairaalu, yaṣpaae i ala yae yóló ẹtu betale fo kaae momó dapa wosae. Mepaae whịrapené kapala fotei Kótóné fo i ape yóló yó mótu beteretei foné sóró sesé du betaasepóló, ya Epesus be taaróló feni, aimótóró betae dere fota haḷe meipó.

⁴ Mepaae dolṣa fo ó noutererapené doi mole alarape wosaairaalu ketekẹ butu betaṣóró sesé du betaasepóló, dapó. Ai alarapená, Kótóné so whị mo betā kisipa muóló beteréni, kae kae kisipa muóló betere ala kaarótu beterapó. Atétere alané Kótóné erae dere ala erótumitei, mo kisipa tiki

tiratere alané betā Kótóné kutó dirótu beterapó.

⁵ Yaḷo yaṣpaae i alarape yae yóló ẹ dere fota, noa ala yaasepóló dumipó. Dā fea yaala sókó fole alatóróti du betaai dapó. Ti ai yaala sókó fole ala kaaratere beterape i ape. Hosaa tuṣmó me alatamo hosekényi, mo wisi alatóróti muó, mepaae yale dowi alarape haḷeamó yó melóló mo wisi kisipa betā muó, tuẹ tiki tiratere alakélé tómó ini, mo ti tiró, du betereteiné yaala sókó fole ala kaarótu beterapó.

⁶ Mepaae whịrapeta bete muleire fo wosaairaalu, i bete mole fo wisi taaróló ai fele ape.

⁷ Ti ai whịrape atimata, Kótóné kale yóló muló betere fo yó matere whị betaaitapó du beteretei, atimané yó mótu betere foró ai fo betetamo atima wisiyóló tuẹ irumeitei, haḷe foné maaté mo diriyóló kisiparapó du beterapó.

⁸ Ti Kótóné yae yóló tukóló muló betere fo mepaae whinė mo donoyóló erótu betepa, ti doni mo wisirapó.

⁹⁻¹¹ Ti Kótóné ama i ala yae yóló muló betere fota, mo donoyóló fole whịrapené dosṣayópóló tukóló muló bitinitei, Kótóné yóló muló betere fo tukóló dowi alarape du betere whịrapené dosṣayópóló tukóló muló beteretei ḍané kisiparapó. Ti ai whịrapené du betere alarape i ape. Yaṣe yóló muló betere fo

tikitere alakélé, teteróló kaae tare whirape aqmó bitini hōratere alakélé kótó bitinipóló ama ala eraalo hōtereteikélé, mo sonaalei dowi ala du betereiteikélé, wisi ala ini, dowi alatóró hāle yó tareteikélé, kótóné fo wosetere alaró āpaae momatere alatamo initereteikélé, hae aya ó mo so whi dóló sukunatere alakélé sotamo, nópu nokole alakélé, so ó whi hamomatamotei nópu nokele alakélé, kutó diratere whi beteraai dotonóló duputere alakélé, kapala fo dere alakélé, me whipaae i ala eraalopó yólótei mo eréni, dilikitere alakélé, mepaae kae kae dere alarapénékélé, Kótóné fo wisitamo bōe dóló só derótu betere ala mo dorapó. Mepaae whirapené yó mótu betere foró kale mió wosetu betere fo wisitamo betā alatóró epa mo wisirapó. Ti ai fota, mo wisi alamaaté erótu betere Kótóné āpaae naao wisiyóló kaae taru, so whipaae yó melale fae yalepó.

Talené Pol hamokoróló tao suraalu erale ala

¹² E fotokō bulale seké dānē Tale Yesu Kerisoné ama kutó dirótóró tawaalopóló kisipa mutu, ē fopeyóló sóró beteró betereiteiné, yālo mo kēe du beteraipó.

¹³ Take ēta, Kótóné doi doróló faletere whi betóo, ama so whi dóló susupuraterere alakélé yóo, hapale fopaae buóló hōle fo dere whi betóo epatei, Talené kōlené sukuturaalu ē tao salepó. Ti

noatepae, ē āpaae kisipa tiki tiréni yaletéiné kōló kōló iru, ai alarape hōko du betalepó.

¹⁴ Dā teteróló kaae tare Talené hāle hamokoróló tao sere ala wisinaale āpaae mo dekéro eró tawóo, ai alatamo touróturaalu Yesu Keriso tuāmó kaayóló wou betere kisipa tiki tiratere alaró yaala sókó fu betere alatamokélé, āpaae eróo du betalepó.

¹⁵ I fota, so whi feané wosóló mo bete mole fo dapóló tuē tiki tiraaire fopa, wosae. Yesu Keriso i haepaae waletēita, dowi ala du betere so whi aluyaqsóro tao saai walepó. Yālo du betale dowi alané mepaae so whiné du betale dowi ala teteróló mo doasi dowi ala du betalepó.

¹⁶ Atéyale betené take yālo du betale dowi alamó Yesu Kerisoné ama ē kwia matere ala folo hapale ini, kōlené sukuturaalu kaae taté fóló, nalo tao salepó. Ti até yale beteta, hāle meipó. Take nalo Talepaae tuē tiki tiróló, mo ti betó tawaaire bete saaire so whiné āpaae erale ala tuē muturaalu Taleta, atei kaae Tale beteraipóló tuē muópóló eralepó.

¹⁷ Térapa, dā teteróló kaae tare mo doasi topo whi sukókélé ini yóo, whi betānékélé mo kilini yóo, iruraalu, mo ti hāle betó tare Kótó betātóró beteraipa, mo ama kae ere ala wisinaale eraté furaalu, ama doi doasi doi mulópóló yae. Mo kēe! Teyópóló yae.

¹⁸ Yālo hosaa mole naale

Timoti-ó, Kótóné mepaae wh̄irapepaae yó matepa atimanémo, ya tué muóló yale fo kaae mió yałokélé yaɓaae i ašemó dere fo wisiyóló dosayayóló kisiparu sya fae. Naaotamo ai fo wisiyóló sya fóló eró tapata, ti ðané bóe wh̄itamo bóe wisiyóló dóo, tué tiki tiraterere alakélé yó tawóo, naao tiki tuɓpaae me haşókó fole alakélé muni yóo, yaalo ai ape.

¹⁹ Mepaae wh̄irapeta, ai alarape sya fóló eréni, hóratereteiné kale weı̄i nuku fetée fóló dotu dere kaae, atimané tué tiki tiraté fu betale alakélé haepaae derepelepó.

²⁰ Atéyale wh̄irapekó wh̄i tamo Haimeneasiró Aleksandatamo beterapó. Ai sekétamoné du betere alané Kótóné doi wisinaale doraterere ala hałe deté fu betaşósóro, yałotei Satan-né naase tuɓpaae mulalepó. Ti atéyaleteita hałe meipó. Atimaamo sekęi ala suraalu, atimaamonétei yale alamó dapóló kisipa feteyóló, Kótópaae wópóló eralepó.

2

Talené doi sóro horaterere ala etéroyae yóló yó male fo

¹⁻² I haemó betó mole so wh̄i feamó momaróturaalu, teteróló betere topo wh̄irapemókélé, atimané mepaae alarape teteróló kaae tanópóló sóro beteró betere wh̄irapemókélé momarótu betae. Atéro momaróturaalu, Kótópaae me alakó erae yóló wosetere

fokélé yóo, mepaae so wh̄i Kótóné tao sópóló momaraterere alakélé yóo, Talepaae mo kée dere fokélé yóo, du betaasepóló dapó. Ti noa ala yópóló dumipó. Ɖa Kótóné mo ama kae beteró betere so wh̄i bituraalu, ama ala erótu betepa mepaae wh̄irapené bóe dóló sesétere ala yaşósóro, mo dua beterópóló momatu betae.

³ Ti atéro momatu betere alata doni, mo wisipa ɗa aluyaşósóro tao su betere Kótóné kolóló, donoi ala du beterapó kisipa mutapó.

⁴⁻⁶ Ti Kótóné amata, so wh̄i feané mo fo bete wisiyóló tuępa, aluyaşósóro tao saai du betere ape. Ti noatepae, Kótóta betatóro bituraalu, Kótóro so wh̄itamo tuamó betere wh̄i Yesu Keriso ąta, mo wh̄itóro beterapó. So wh̄i feané kilituraalu ita Kótónépó yópóló, kale tukóló mulale be ðemótóro so wh̄i fea sukóló aluyaşósóro tao suraalu, ama betere betené duputamoróló sukalepó.

⁷ Atére ala bete yó melópóló, Kótóné ę sóro beteró beterapó. I du betere fota, kapala mei mo fo dapó. Juda fake mei, kae fake so wh̄ipaae kale doasi topo wh̄iné fo i ape yóló yó matere *aposolo* wh̄i betóo, Kótóné kutó dirane fae yóló dotonatepa ama kutó diraterere wh̄i betóo, kale mo fo betekélé so wh̄i feané wosóló kisipa tiki tirópóló yó matere wh̄i betóo erópóló, Kótónétei ę sóro beteralepó.

8-10 Yalo i dere ma fota, diḡ wh̄rapené Talepaae momaturaalu, momatere bemómaaté ini, kae kae h̄oko tikimókélé du betae. Atéturaalu, fopaae buóló h̄ole sere ala ini, mo ama kae beteró betere so wh̄i bitu, naase horóló Talepaae momatu beterópóló dapó. I dere ma fo kaae diḡ sorapepaaekélé dapa wosae. Diḡ Tale aqmó sukóló bitu, ama doi hale sóró horóló momatu ai beterapa, diaaḡ tó tikimó deraai doasi *moniné* duputere kuti ó meleke ó au yaaire *kold kapané* aleale ɔla ɔla ó mepaae topo niki dokotere ɔla ɔlapaae doasi kisipa muaqsé. Diḡ Kótóné fo wosetere sukamó ó momayaairaaalu, wh̄iné au nópóló deratere kuti deréni, Talené ala sya fu betere sorapené kuti derótu dere kaae yóló deratepata, ti mo so wh̄i feané kolóló mo donoi kuti deró beterapóló kisipa muaalopó. Diaaḡ tó tiki maaté auraai kisipa muni, tó tikiné dere wisi alané tiki tuḡpaaekélé aurótu betae. Ai ala epa Kótóné kilitu, kelaalo mo kokɔrapó yópóló yae.

11-12 Diḡtamo betó mole Keriso sorapené Talené ala tuḡ yaai dere alata, ti kaae tare wh̄i aqmó sukóló hipa fi dua beterópóló yae. Mepaae sorapené wh̄i yó matere ala ó wh̄i t̄eteróló kaae tatere ala ini yóo, wh̄iné dere fokélé tikini yóo yóló, wh̄irape aqmó sukóló mo dua beterópóló yae.

13 Ti noa betené meipó.

Folosóró Kótóné Adam-pi aleyóló nalo so Ipi alipakalepó.

14 Wuliné soró wh̄itamo dilikale sukamó wh̄i Adam dilikinitei, kale so Ipi dilikipakalepó. Tétapa kale soné mo dere nisiyóló, wosóló sya feleteiné dowi ala ipakalepó.

15 Atépatei, sorape atimata mo kisipa tiki tiratere ala yóo, yaala sókó fole alakélé yóo, ama mo kae beteró betere sorape bituraalu, mo donoi alakélé deté fu betóo iru, naale senaale deté fu betepakélé Talené atima aluyaqsóró tao saalopó.

3

T̄eteróló kaae tare wh̄i disiró dikon wh̄irapetamomó dere fo

1 I dere fota, mo tuḡ tiki tiróló betaaire fopa wosae. Mepaae wh̄i detamo Kótóné so wh̄i t̄eteróló kaae tawaaire wh̄i betaai kisipa mutupata, ti ai wh̄iné mo kutó wisi-naalepóló diyaai tuḡ mutu dapó.

2-3 Kótóné so wh̄i t̄eteróló kaae tawaaire wh̄i sóró beteraaitepata, ti i alarape sya fóló du betere wh̄i sóró beteranérapó. So wh̄i feané keletómó me alakélé ini, mo wisiyóló dua betóo, bet̄a sotóró dokóló betóo, topo doyóló keyaa fópóló, *wain* w̄ei mo dekeró nélitere wh̄i betóo, mepaae ala yaairaaalu hapale ini, t̄eteróló mo dua kisipa tekeyóló yóo, so wh̄i feané kolóló wisi ala dere wh̄i

beterapó yópóló dua betóo, uké wale so whi wisiyóló dape sóró firatere whi betóo, Kótóné fo yó melaai fosó fosóre whi betóo, topo dotere wei nóló keyaa fenitere whi betóo, fopaae buóló hõle sere ala hapale ini, mo dua naame yóló betere whi betóo, me whitamó fonétei u só derótu i só derótu yóló dokó dokó ini, mo dua betóo, monimó ekele yóló hosaa fake initere whi betóo epa, ti atére whi sóró beterae.

4-5 Atéro bituraalu, ama so naale senaale mo wisiyóló teteróló kaae tapa, naale senaalenékélé alimané dere fo wosóló mo dua bitu, ama alimané doi sóró horaitere alamaaté du betepa, ti atei kaae whi mo sumó sóró beteranérapó. Mepaae whinétamo ama so naale senaale wisiyóló teteróló kaae tawaaire kisipa initepa, ti Kótóné so whikélé netéro wisiyóló kaae tawaaloé?

6 Teó wale Keriso whitei so whi kaae tanópóló sóró beteraose. Ti noatepa meipó. Atei kaae whiné kaae taru a so whi teteróló kaae tare doasi whipóló, bopé faketu betepa, Kótóné fo tokótamo yóló Satan só deróló kwia materetei atétere whi akélé saqsóró dapó. Téyaqsóró, belapaae hãle betere so whitamokélé mo dua bitu, wisi ala du betepa, ti ai whiné so whi kaae tanópóló sóró beterae. Ti noa ala yaqsóró dumipó. Ama yale dowi alamó, a haleturaalu Satan-

né hemó daqsóró dapó.

7-9 *Dikon* whirape sóró beteraai depata, ti u kale whirape du betere kaae, atimané dere ala so whi feané kolóló i whita mo wisirapó depa, ti ai whi *dikon* sóró beteranérapó. Kapala fo dekaaporóló ini yóo, topo dotere *wain* wei dekeró nokole alakélé ini yóo, kapala mepaae whirape dilikóló *moni* sere ala ini yóo, hosaa tuamó me ala muni tué tiki tiróló bitu, take kinóló muale bete mole fo diriyóló yó tare whi sumó sóró beteranérapó.

10 Atéro sóró beteraai, ama dere alapi kaae keleralemótamo, ama ditere kutó ó dere ala hasókó fóló me dowi ala initepa, ti Kótóné ki diyópóló sóró beterae.

11 Atére kaae, kale *dikon* whirapéné somarapekélé mo so whiné kilituraalu ita, mo so wisipó yópóló yae. Atimané mepaae so whi eratere fo ini yóo, *wain* wei mo dekeró néni mo tóróti nóo, fea ala duraalukélé hõko ini, mo wisiyóló yó tawóo, du betere so beterópóló yae.

12-13 *Diã*netamo whi betakó *dikon* sóró beteraai depa, ti so betatóro dokóo, ama naale senaalekélé, atamo betamó betere so whikélé, mo wisiyóló teteróló kaae tawóo epa, ti atei kaae whi sumó sóró beteranérapó. Ai sóró beteratere whirapéné kutó mo wisiyóló dité fu betere kilituraalu, i whirapeta mo wisi ala du beterapóló doi sóró horateremó wikélé ini,

halaatere ala mo ti fakeraté fóló asane furaalu, Yesu Kerisopaae kisipa tiró betere wh̄irape betaalo ai ape.

14-15 Ẽta felekemó diā beterepaae waai kisipa mutupatei, ẹ waaire t̄u mepaae alané sesépa, diā fea h̄oko bitini, mo wisiyóló Kótóné naale senaaletóro beterópóló i as̄etu betere ape. Kótóné so wh̄i fea ti bet̄a bemó betere s̄u ai betere ape. Atéró touróló betere so wh̄ita, mo ti betó tare Kótóné kale mo fo wisi h̄ale muaqsóro, be mo diriyóló daalópóló hulua elekéró iru elekétamo kaae, ai dere ape.

16 I dere bete mole fota, so wh̄i feané mo diriyóló tuére fopa wosae. Kótóné ama mo doa ere ala wisinaale h̄ale tó mó mole kwia maaté d̄ané kisiparetei, kinóló mole bete turó netéró kisipa yaaloé?

Ti ̄a mo so wh̄iné kolópóló mo wh̄i tiki daayóló wóo,

so wh̄iné ̄a kilitu mo wh̄imaaté nisi yaqsóro,

Kótótóro betera_pó yópóló D̄ei Kepe Wisinétei eróo,

ensel-rapenekélé ̄a mo kolóo,

kae kae tiki daae mole so wh̄ínékélé ̄a kisipa yópóló yó maté kw̄eyóo,

hae kwia feamó betóló fale so wh̄iné ama dere fo wosóló kisipa tiki tiróo,

Kótóné ama kae ere d̄e tuamó beteraai dapesó holóo, erapó.

4

Timotipaae i alayaeró yale mafo

¹ Kale D̄ei Kepe Wisiné h̄akeamó yó mótu betere fo i dapa wosae. Kemeyaaire sukamó mepaae so wh̄irape Kótópaae tué tiki tiró betereitei taaróló, kapala dilikitere keperapené i fo yae yóló yó mótu betere wh̄irapené dere fo wosóló sya faalo ai ape.

² Ai fo yó mótu betere wh̄irapeta, kapala fo bole wh̄irapetei, Talené fo yó matere wh̄irape aqrapó. Atéró yó mótu betere wh̄irapeta, atimané deté fu betere dowi alané haletere ala ó witere ala ini, atima hosaa mo tóruyóló h̄ale ọla nisiró betera_pó.

³ Atimané mo so wh̄ipaae so dokotere alakélé yaqse yóo, mepaae nokole ọlakélé naqse yóo du betera_pó. Ti ai naqse yóló sesétu betere ọlata, mo fo bete tuéruraalu Kótópaae tué tiki tiróló betere so wh̄iné mo kée yóló nópóló Kótónétei ai ọla ọla aleyóló muló betera_pó.

⁴ Ti noatepa meipó. Kótóné aleyóló muló betere ọla feata, dorapóló taae faréni, mo wisirapóló Talepaae mo kée yóló nenérapó.

⁵ Ti noatepa meipó. Kótóné fo dos̄ayóló tuéruraalu moma yó tareteiné fea ọla Talené wisiróló, ama kae tukóló muló betera_pó.

⁶ Ti yaata, tué tiki tiraaire fo wisi mepaae wh̄irapené

yó matepa wosóló, ai fo wisi tuámó doayalepó. Téyaletéiné yało yaɓaae kale yale forape Kereso no nerapené wosópóló yó mótu betepa, ti ya Yesu Kerisoné Kutó diratere whi wisi betaalo ai ape.

7 Téraɓa, Kótóné ala alu-raairaalu, mepaae bete munire kae kae dolɓa foró, so disirapené bete munire fotamo du betepa, mo nisiyóló sya faɓse. Téni, Kótóné ala wisinaale betɓ ya tuɓaae erópóló, naaotei fotokɔ bulatere alatóró yó tawaae.

8 Ti noatɓaae, hałe tó tiki fotokɔ buópóló deté fu betere alata, ti sawa hałeke sukamómaaté yóló kemeyaalotei, Kótóné ama ere ala wisi ya tuámó moleteiné kae kae ala ya tuɓaae eratepa, ai eratere ala tuɓaaekélé, wisi alatóró erótu beterapó. Ti mió ɗa i haemó betere alimó mo ti betere bete sóró tawóo, take nalo waaire alimókélé wisi alatóró mupa kolóo yaalopó.

9 Yało yaɓaae i dere fota, so whi feané wosóló mopóló tuɛ tiki tirópóló dapó. Take waaire alimó ɗané mo wisi ala wisi kelaalopóló kisipa mutu, mo ti betó tare Kótóɓaae kisipa tiratapó.

10 Ti ɓta, so whi fea aluyaɓsóro tao saaire Kótó betereiteiné mo ɓaae tuɛ tiki tiró betere so whirape betɓ tao su beterapó. Atétu betere alamó tuɛ muturaalu, ɗa ketekɛ buóló depe tukó wei ala i du betere ape.

11 Yało i yó melale forape so whi feané wosóló deté fu beterópóló yó mótu betae.

12 Mepaae whirapéné ya teó kokopei whipóló kisipa mutu, naao yó mótu betere fo wosaalomeipóló faleyaɓsóro, naao du betere fokélé, betere alakélé, yaala sókó fu betere alakélé, kisipa tiki tiró betere alakélé, me dowi alatamo hosekényi, mo kae betere ala Keriso so whi feané kolóló, mo wisirapóló naao du betere ala sya wóló du beterópóló yae.

13 E ya betereɓaae waaiteópatei, mepaae kae kae alarape fea naao taaróló, Kótóné ašemó yóló muló betere fo betɓ so whi feané wosópóló haɓeamó dosɓayóo, so whi deokayóló haɓaae dereɓaɓsóro ketekɛ bulatere fokélé yó melóo, Kótóné bete mole fo i ape yóló, yó matere alakélé taaréni mo yó tawaae.

14 Atétu bitu, kale Keriso so whi tetéroló kaaetanópóló sóró betero betere whirapéné naao tikimó naase mulóló momarótu betepa, Kótóné me whiɓaae i fo yae depa yale sukamó, Ɗeji Kepe Wisiné wisi ɓla wisi yamó hałe melalepó.

15 So whi feané naao ai du betere wisi ala wisi fakeraté fu betereitei kolóló, mo wisirapó yópóló kisipa keterényi, ai alapaetóro ketekɛ buóló erótu betae.

16 Téturaalu, naao betere alaró yó mótu betere fotamo mo hotowayóló kaae taru,

naao ai yó tare ala deokayóló taaréni, haḷe yótóro tawae. Ai alatamo yó tapa, ti yaḷkéle, naao yó mótu betere so whíkélé aluyaḷsóró, tao saalopó.

5

Whi disiraperó wulia sorapetamo, wae sóro kutó diratere whirapekélé feapaae i alayae yale fo

¹ Yaḷa teó whiḷpa, ma fo duraalu mepaae whi disirape foné sóro deteraaíné ini, mo naao ayapaae dere ma fo kaae dua yae.

² Teó kokopei whirapepaaekélé naao no apupaae erátere ala kaaetóro eróo, mepaae so disipaaekélé mo naao haepaae dere ala kaae eróo, teó seimale sorapepaaekélé, mo naao ne apupaae dere ala kaaetóro eróo duraalu, mo wisi kisipa betá muóló erótu betae.

³ Naale senaale mei, mo doasi yaḷaḷtu betere wulia sorape keteréni mo wisiyóló tao sua yae.

⁴ Tétu betá wulia soné ama naale senaale ó ama naale senaalené deale naale senaale betepata, ti ai naale senaalené Kótóné ala eróturaalu, atimané hama alima kaae tatu yale kaae, atimané auma serekélé atéro kaae tapa, ti Kótóné mo wisirapó kisipa muaalopó.

⁵ Téretei, mepaae wulia so tao saaire so whi bitini, mo yaḷaḷtu bitutei Kótópaee tuḷ tiki tiróló, take nalo betaaire alimó wisi ala wisi kelaalopóló kaae tawóló bitu,

dilikitamokélé, deḷtamokélé, Kótópaee tao sae yóló moma yó tarapó.

⁶ Tétu betepatei, mepaae wulia so ama tó tikiné ekḷere alamaaté du betepata, ti ai so a mo betepatei sukune whi aḷrapó.

⁷ I ala yae yóló du betere forapekélé, mo so whi feané wosóló sya fópóló yae. Ti noa yópóló dumipó. Mepaae Keriso so whiné wisi ala dumipóló erátere fo yaḷsóró dapó.

⁸ Mepaae whirapenétamo ama kili whi so tao sóro kaae tani yóo, ama soró naale senaale tamokélé wisiyóló kaae tani yóo depa, ti atétere whiné Kótópaee tuḷ tiki tiró betere ala amatei faleyóló, i wisi ala inipóló dere fo yaḷsóró, mo whirapené du betere alakélé teḷeraasepóló dapó.

⁹ Diā Keriso so whiné mepaae wulia betere sorape ḷla ḷla yaḷaḷtepa, tao saaire fo i dapa wosae. Diaaḷ mepaae wulia sorape tao saairaalu, doi mole tikimó betá wulia so 60 ba fotamo kemenipa, ti kale sorapené doi mole tikimó touróló mulaḷse.

¹⁰ Motamo ama aḷmótóro bitu, wisi ala erótu betale doi mole so betepa, ti ai soné doi aḷnérapó. Ti ai erótu betale wisi alarapeta etéropó. Naale senaale wisiyóló kaae taté fu betale alakélé, uké wale whirape wisiyóló dape su betale alakélé, mepaae sorapené

naale senaalené di dasutu dere kaae, Kótóné so whi tao sóró erótu betale wisi alakélé, mepaae kae kae sekétere so whi tao suayale alakélé, kae kae du betere wisi alatamo touróló du betepata, ti atei kaae wulia soné doi asénérapó.

11 Tétu, mepaae wulia betere teó sorapené doi mepaae doi mole wulia sorapetamo touróló mulaqse. Ti noa yaqsóró dumipó. Atima Yesu Kerisoné kutó diraalopóló yóló mulale fo teteróló, nalomo whi kaetamo furaalu, tikaqsóró dapó.

12 Atéro whitamó furaalu, folosóró yóló mulale fo tikale betené dowi dupu saqsórópó.

13 Ti ai alamaaté meitei, atima kutókélé dini, deokayóló hale bitu, mené bepe bitiré kotere alamaaté dua dapó. Atéro hoko bitiré kuturaalu, kutó diteré nisi yópóló dere alakélé, mepaae so whi erateré fokélé, mo enénire fokélé hoko deté kutu beterapó.

14 Mepaae wulia betere teó sorapepaaekélé, ma fo i dapa wosae. Me whiné diq dokóló naale senaale deyóló diqané be ó nokole qla ó mepaae qlarapekélé wisiyóló kaae tapa, dqané bóe whi Satan-né dq Keriso fake so whi faleyóló só deraaire tų muaqsóró yae.

15 Mepaae wulia sorapeta, ti kale tų wisi taaróló Satan-né ala eraairaaluu, ai tų ai sya fele ape.

16 Mepaae kisipa tiki tiró

betere soné ama kekelé sotamo atima tuamó betepa, ti ai soné atei wulia so mo wisiyóló kaae tanérapó. Ti noayaqsóró meipó. Kale Keriso so whirape atima mepaae kekelé meire wulia sorape tao suraalu, kekelé betere wulia sorapetamo bipi yaqsóró, kekelé betó mole wulia sorapeta, ti atima kekelénétóró tao sua yópóló yae.

17 Fo meta i ape. Kale Keriso so whi teteróló kaae tanópóló, sóró beteró betere whirape atima Kótóné so whi mo wisiyóló dapesó fu betepata, ti atima doi mulatere ala mo ti tómó bekeróló mo doa doi mulópóló yae. Atépatéi, mepaae teteróló kaae tare whirape atimané diyópóló tukóló muló betere kutóta, ti Kótóné fo yó mótu betere alaró Keriso whi ketekę bulatere fotamo eró tare whirape, ti mo doa doi mulópóló hale sóró horótu betae.

18 Ti noatepae, i aseýóló muló betere fo tuę muae. Kale *bulmakau* hupurapené whiti ne ó *bali* ne ke whiné nairetei sókó fópóló, tųiya tųiya duraalu mepaae ke naqsórópóló kulumu faaraqse. Ai dere fo kaae me i ape. Kutó diratere whiné ama diale kutómó dupu sópóló melae fo aseýóló muló beterapó.

19 Térapa, me fo i ape. Beta whiné duraalu, kale teteróló kaae tare whiné i dowi ala depa kelalepó, dere fo wosaqse. Motamo, tamo ó

sore whinė kelalepó depa, ti ai kale dowi ala yale whi so whi feané keletómó foné sae.

²⁰ Ti noa yópóló meipó. Mepaae whirapekélé ai dere ala kolóló wiyópólópó.

²¹ Yalo i dosayale alarape yae yóló yapaae du betere fo hasókó feni, mo eró taruraalu naao hosaa mole so whipaaemo wisi ala eróo, mepaae so whipaae kae ala eróo yaqse. Tétu, mené dere fo bete wisinipatei taleturaalu, atimané take du betale alamó kisipa mutu, miókélé i ala mo du yalepóló tao sere ala ó só deraterere ala momókó yaqse. Ti i dere fota, Kótóné kele tómókélé, Yesu Kerisoné kele tómókélé, ama kae sóró beteró betere *ensel-rapené* kele tómókélé, yalo yapaae i ala mo yae yóló i mulaterere ape.

²² Mepaae whi Kótóné so whi teteróló kaae tanópóló sóró beteraai depata, ti hapale hoko sóró betereni, ama betere alapi kaae kolóló, sawa kaae taté fae. Téralemó, ama dere alatamo mo wisipa, ti ama tikimó naase mulóló sóró beterae. Mepaae whirape dowi ala du betepa, naaotamo ai ala ekesé yóló sesétere fo initepata, ti yakélé ai dowi ala kwia ai sere ape. Téyaqsóró, naao du betere wisi ala me dowi alatamo hosekényi, mo wisi alamaaté du betere whi betae.

²³ Téruraalu, ya suka fea daló tare kae kae kisiró depe tuamó daale kisi betetamo wisiyópóló, mo weimaaté

néni *wain* weikélé sawa tėti nukua yae.

²⁴ Mepaae so whi atimané hakeamó du betere dowi alata, so whi feané kolóló tuérápó. Atéreteiné ai du betere dowi alamó fo tokótamo yóló kwia saaire be de teópatei, atima só deró beteraipóló, so whi feané kolóló tuérápó. Mepaae so whi atimané kinóló deté fu betere dowi ala take fo tokótamo yóló taletere sukamó hakearatepa ke-laalópó.

²⁵ Atétere kaae, mepaae hakeamó deté fu betere wisi alakélé, ti so whi feané kelerapó. Mepaae kikititi deté fu betere wisi alarapekélé ti so whi feané keletómó hiranénipó.

6

¹ Kutó dirópóló wae sóró beteró betere whirape feapaae dere fo i ape. Kótóné doiró dané yó mótu betere fotamo mepaae so whiné faleyóló doka doka yaqsóró, ai whirape atima wae sóró dupuyale whi aqmó sukóló bitu, kutó mo wisióló diraté fu beterópóló yae.

² Mepaae wae sale whi talerapeta, ti Keriso whirapépó. Ai whirapeta, kale wae sale whirape atimané nopóló kisipa muóló, atima aqmó betere hýyóló deka kutó dini, mo doa keteké buóló dirópóló yae. Ti noatepa meipó. Atima ai ditu betere kutómó botokotere qlata, ti Kótópaae kisipa

tiki tiróló betere Keriso no apunétóró naalo ai ape. Térapa, i yae yóló du betere fo yó móturaalu, mo dirii ma fo du betae.

Moni-mó hosaa muaqse yóló ere fo

³ Mepaae whjrapenétamo kapala fotei Kótóné fo i ape yóló yó mótu betepata, ti ai whjné Tale Yesu Kerisoné yó matere fo wisiró Kótóné ala i ape yóló yó matere fotamo sya fumipó. Ti ai whjné ama dere alata, wisirapóló bopé faketu betereiteiné betá alakókélé mo kisipanipó. Ama nomarapetamo betá tuę muóló bitini, mo sawa fomótei doasi fo nisiyóló dóroi du betere alaró u teterótu i teterótu dere alatamo du betereiteiné ama kisipa tiki wisini, mo dorapó.

⁴ Atéturaalu, mepaae whjné dere ala kolóló ekélé até ené yóló dei kisipa mutereiteikélé, kae kae qlamó alale suraalu hqle sere alakélé, me whj dei tuę muqópóló kae kae eratere fokélé, me whjné me dowi ala depa kilinitei, yalemolópóló hqletei eratere fokélé, dua dapó.

⁵ Ti ai alarape du betere whjrapeta, mo foné bete sawakélé atima tuámó muni, mo dowi kisipatóró muluraalu atimasisitei hqle fomaaté yó tarapó. Téturaalu, Kótóné ala erateretei doasi *moni* sere tu mole nisiyóló du beteraapó.

⁶ Tépatei, Kótóné ala erótu bitu mepaae qla qla mo dekeró saaitapóló kisipa

muni, téti suraalu, ita Talené matere qla supóló supata, ti mo doasi ala ai ape.

⁷ Ti noatepae, da haené depemó beteró i haepaae wouraalu mo betá qlakélé tawóló wénitu dere kaae, da i hae taaróló fukélé me qla tawóló faalomeipó.

⁸ Téyaalopa, da mió bituraalukélé nokole qlaró deraaire kutitamo téti mupata, ti mo kée yóló wisi tuę muóló betenérápó.

⁹ Mepaae so whjnéamo ę doasi *moni* sóró néli whj betenée yóló kisipa mutupata, ti dowi alamó dée nqópóló su sere alané kisipa okokoróló qlisóró fulapó. Téturaalu, na hemó duku dere kaae dowi alané atima dóló sukunótua dapó. Atéró doasi *monimó* ekęle yóló néli whj betenée du betere alanétei kae kae hqko alaró dowi alatamo kaaróló, so whj doakale hapisaa sélímó durupu dere kaae, dowi alané atima betere bete mo ti doróló só derótu beteraapó.

¹⁰ Ti noatepae, kae kae du betere dowi alata, ti doasi *monikó* senée yóló ekęle du betere alané kaarótu beteraapó. Mepaae so whj doasi *moni* saaitapóló ketekę buturaalu, Kótópaae kisipa tiki tiratere ala taaróló kqpaee ai fu betere ape. Ti aita, atimané yale alanétei betere bete mo doróló dei fomaake kisipa mutu beteraapó.

Pol-né Timoti fotokq bulóturaalu yale fo

¹¹ Kótóné ala erótu betere whi wisi-ó, ai du betere alarapéné ya doraqsóro botokó fóló i alarape sya fu betae. Me dowi alakélé muni, mo donoyóló fole alakélé, Kótóné ala wisitóro eraté fu betere alakélé, tué tiki tiróló bitu naao no netamo yaala sókó fu betere alakélé, me sekéi ala wapatei me ɔla meipóló fotokɔ buóló Kótóné alatóro eró taru, naameyóló mo dua betae.

¹² Atéro Kótópaae kisipa tiki tiróló bitu, ama ala erótu beteremó bóe whiné ai wisi alatamo bóe dupata, ti fotokɔ buóló du betae. So whi feané keletómó naao duraalu, Kótópaae tué tiki tiróló beterapó yale sukamó Kótóné, ya mo ti betere bete tuápaae bití ape, yalepó. Táyalepa, ai ti betere bete mo diriyóló tao tapatei fóló, kemene fole kwiamó sókó faasepóló dapó.

¹³⁻¹⁴ Fea kae kae betere ɔlaró ere ɔlatamo betere bete mótu betere Kótóné kele tómókélé, Pontias Pailat betere felekemó halaainé daalu, mo donoi fomaaté yale seké Yesu Kerisoné kele tómókélé, i ala yae yóló mulatere fo hasókó fole ala ó dowi ala yalepóló só deratere alakélé ini, mo hotowayóló eraté fu beteró, da teteróló kaae tare Tale Yesu Keriso wale sukamó sókó faasepóló, yalo yapaae mo dirii ma fo i yóló mulatere ape.

¹⁵ Tale waaire be deṭa, mené ali tanitei, Kótóné ama tukóló muló betere be demótóro waaelopó. Fea ala

feata, ti amatóro teteróló kaae taru, mo wisi alamaaté faanuraalu i haemó betó mole doasi topo whiraperó mepaae ɔla ɔla teteróló kaae tare talerapetamo teteró betere Taleta atórotipó.

¹⁶ A betá mo kaayólókélé ó kemekélé ini, mo ti betó tare Kótó beterapó. A ama kae ere de tuamó betepa, mo whi betakélé, a betere felekepaae fenénipó. Mo whi betané kolókélé inireteiné miókélé a kelenénipó. Ai seké atóro dukiróló, mo doasi fotokɔ bole doi kemekélé ini, mo hale muó taté fu beterópóló yae. Mo kée! Térópóló yae.

¹⁷ I haemó doasi *moni* tare néli whirapéné i ala yópóló, ma fo i yóló mulatere ape. Atimané ai tare doasi *monimó* bopé faketuraalu, take nalo ai *moniné* atima tao saalopóló kisipa mutu betaqsóro yae. Ti noatepae, ai *monita*, ti muó tawaaire ɔlapakó kisipa tiki tiraalomeipó. ɔla ɔla fea mótu betere beteta, ti Kótótóro beterapó. Ai Kótóné hamokoróló damó ɔla ɔla fea sumó mótu beterapó. Atéro matere ɔla ɔla suraalu, mo kée yóló da hainé sukóló só tarapó. Tétu betepa, take nalo waaire alimó dapaae mo wisi ala eraalopóló kisipa mutu, apaae betá kisipa tiki tiróló beterópóló yae.

¹⁸ Atimapaae diá doasi *moni* tare néli whi biture kaae, diaaɔ du betere wisi alamaaté diá tuamó faanu néli whi beterópóló yae.

Atéro bitu, diaaḡ tare ɔla ɔla bukóló mepaae yaḡare so whimó hamokoróló haḡe mótua yae.

¹⁹ Atétu betere alanétei, take waaire alimó mo diriyóló beterópóló, doasi bete muaaire wisi wisi ɔla muté muté horaalo ai ape. Téyaalopa, atima mo ti betere bete mo diriyóló taru du beterópóló, i ala yae yóló yó mótu betae.

²⁰ Timoti-ó, ya melale ɔla wisi me alané ó me whiné doraḡsórópa, hotowayóló kaae tawae. Me bete munire haḡe hoḡo fotei, so whiné mo bete mole fo nisiyópóló kisipa tiraaire fo depa, aita Kótóné bete mole fotamo bóe dilapa, kisipa keteróló sisópaae erae.

²¹ Mepaae whirapené ai fo mo dere nisiyóló Kótópaae tuḡ tiki tiróló beteretei taaróló ai fele ape. Térapa, yaḡo mo hosaa mole no-ó, Talené haḡe hamokoróló tao sere ala ya tuamó muó tanópóló yae.

2 Timoti

1-2 I dere așeta, Kótóné ama tuêre ala sya furaalu, dotonale *aposel* whi Pol-né dapó. Yało hosaa mole naale Timoti ya paae Aya Kótóro Tale Yesu Kerisotamo tuamó kaaróló wou betere kolené sukuturaalu hałe tao sere alakélé, hosaa muni deyóló mo dua betere alakélé, ya tuamó muó tanópóló yae.

Talené fo aomó sukóló bitu erótu betae ere fo

3 Yało ayarape deale whirape me dowi ala ini, tuę wisi muluraalu, Kótóné ama ala eraté wale kaae, mió yałokélé Yesu Keriso tuamó mo ti betere bete mulapóló kisipa mutu, ę ama kutó i dirótu betere ape.

Tétu dętamokélé, dikita-mokélé, ya kisipa keteréni, momatóró yó taruraalu, Talepaae mo kée dapó.

4 Naao kelemó dorowou betere wole kaapemó kisipa mutu, ę haıné sukai ya kełe wolée i du betere ape.

5 Yało tuę mutupa naao tuę tiki tiratere alata, tómó ini, folosóro naao ausere Lois-ró naao hae Yunis-tamo tuamó iru yale kaae, mió ya tuamókélé mo atérapóló kisipa mutapó.

6 Atérapa, naao tikimó yało naase mulale sukamó Kótóné yapaae melale ala mo hałe muaşóropa, si mi holópóló filitu dere kaae, mo doa ketekę buóló erótu

betaasepóló, ma fo i dapa wosae.

7 Ti noatepae, Kótóné da melale kepe beteta, wiratere kepe ménitei, da mo halaaıyóló, yaala sókó fole ala yóo, da tuamó kae kae mole kisipa tiki haşókó fóló dowi ala yaşóro, mo wisıyóló teteróló kaae tawóo yópóló, fotokọ bole kepe wisi melalepó.

8 Térapa, so whi feané keletómó da teteróló kaae tare Talené ala etéropóló yó móturaalu, halaaıne erótu betae. Ama ala erótu betepa, *dipula* bemó betero betere whi ę kilitukélé hale yaşe. Téni, kale mió i wosetu betere fo wisi yó mótu betepa, ę su betere sekę kaae mené yapaaekélé eratepa, belée tawae. Ti ai sere sekęta, Kótóné damopaae mótu betere fotokọ tuamó betepa, ti şumó belenérápó.

9 Ti ai sekéné amatei da aluyaşóro tao sóro ama kae betero betere so whi beterópóló ą beterepaae ape yaleteita, ti dané me wisi ala dere kolóló initei, Kótóné ama mo eraalopó yóló muló betere ala sya furaalu, hałe hamokoróló tao salepó. Da atéro Yesu Keriso tuamó betepa melale hałe hamokoróló tao sere alata, i haero şatamo aleyaıpatei meló beterápó.

10 Ai alata, da tao sere whi Yesu Keriso wale sukamó haşeamó eratepa, so whi feané kelalepó. Ti ai sekénéta, sukutere ala ama

sóró mo ti aluróo, mo ti betó tawaaire ala de tuámó mupa so whiné kolóo yópóló, mió i wosetere kisi fo wisi yó mótu betereiné hakearalepó.

11 Mió i wosetu betere kisi fo wisi kae kae be huluamó betó mole so whiné wosópóló Kótóné fo i ape yóló yó melóo, bete mole fokélé yó melóo yópóló, amatei e doteyairaaluu sóró beterealepó.

12 Atétu betere alamó e seke su betepatei, wiyóló haletere alakélé dumipó. Ti noatepae, e tué tiki tiróló betere sekéta, yalo mo diriyóló tuérapó. Atéru, mo hotowayóló kaae tawae yale ala mió i betere alimókélé amatei kaae taté fóló, take kemene fole sukamókélé ama mo sumó kaae tanérapóló kisiapa mutapó.

13 Yalo yó matepa wosale fo mo diriyóló tué mulu, naao yó mótukélé ai fo kaaetóróti yó mótu betae. Atéro yó móturaalu, Yesu Keriso tuámó bitu, kisiapa tiki tiratere alakélé, yaala sókó fole alakélé, yó tawae.

14 Mené yapaae wisiyóló kaae tawae yóló melale ọla wisi me ala yaqsóro da tuámó betere Deji Kepe Wisiné ya fotokoratepa, mo hotowayóló kaae tawae.

15 Esia hae kwiamó betó mole whirape feané e taaróló fupa, Fikelus-ró Hermosenes-tamokélé e taaróló feletei naao ai tuére ape.

16 Onesiporus-ró ama be whitamopaae Talené kolené

sukóló tao sere ala erópóló yae. Ti noatepae, e sein képiné dokóló dipula bemó betepa kilitu, atima wiyóló hale ini, wisi ala eraté fu betepa, e kisiapa feléyóló betalepó.

17 A Rom be huluapaae wóló, e momó betererópóló kelaai kikitu wikélé ó hókélé ini, mo keteké buóló keketé kutu betero nalo e kelalepó.

18 Take Tale waaire be demó ama kolené sukóló tao saaire ala wisinaale apaae erópóló yae. Damo Epesus bemó betepa, ama e tao suraaluu, kae kae ala eraletei naao ai tuére ape.

2

1-2 Térapa, Yalo naale-ó, Yesu Kerisoné hale hamokoróló tao sere ala tuámó fotokó buóló betae. Atéro bitu, so whi feané keletómó yalo yó mótu betepa wosale fo naao mepaae mo wisi ala yó tare whirapepaae i kale fo wisi mo wisiyóló kaae tawae yóló sóró beterae. Ti ai whirapeta, hale whirape meitei, mo so whipaae Kótóné fo yó melaai mo sure whirapetóro sóró beterae.

3 Dáta, Yesu Kerisoné sóró betero betere diki tare whi wisirape su betepa, sekei ala wapakélé me ọla meipa, damo betámó titiyóló bitu, hale belée tawae. I haemó betó mole diki tare whirapené dere ala tué muae.

4 Atima tetéroló kaae tare whiné kisiapa tiki feléraaire alatóro yó taru, mo so whiné

kae kae du betere alatamo hosekéyóló dumipó.

⁵ Atétu dere kaae, mepaae whirape sururu yóló furaalu, i yae yóló muló betere fo wisiyóló sya fenitepata, ti kale folosóró fole whirapené derótua dere topo tao saalomeipó.

⁶ Kutó dituraalu, depe tukó wei ala du betere whinéta, folosóró ulumé dere ɔla amapi senérapó.

⁷ Yalo i dere fo bete wosóló, noa fo betené dérópóló kisipa tekeyae. Atétepata, ti ai forapené bete Talené yapaee yó melaalopó.

⁸ Yalo i yó mótu betere kisi fo wisita, kale Depit-né deté wale whi Yesu Keriso sukóló momó kepaayóló beterapóló du betere fo mo diriyóló wosóló, kisipa muae.

⁹ Ai fo erótu beteremó, ɛ mo dowi ala yale whi kaae *sein* képiné dokóló *dipula* bitu, mo seke su beterapó. Téretei Kótóné fota *sein* képiné dokóló munipó.

¹⁰ Atérapa, Kótóné sorokó su yóló kae betero betere so whirapeta, Yesu Kerisoné tao sóró mo ti betó tawaaire de tuamó beterópóló kisipa mutu, ɛ kae kae sekei ala sótóró tarapó.

¹¹ I dere fota, mopóló kisipa tiraaire fopa wosae.

Dá ɔtamo sukutepa, ti dá momó kepaayóló ɔtamo betámó betaalopó.

¹² Mió i betere alimó dapaee sekei ala wapakélé, hepée taae faróló fupa,

ti take nalo waaire alimókélé, fea ala fea ama kaae tare kaae, ɔkélé ɔtamo betámó bitu, teteróló kaae tawaalopó.

Danétamo ɔ tuénipó depa, ti amakélé dapaee diakélé ɔ tuénipó fo yaalo ai ape.

¹³ Danétamo ama ala erótu betereitei hýyóló taalatepa, ti ama dané dere kaae yaalomeitei, ama yó tare ala hɔle yótóró tawaalopó.

Ti noatepae, ama ere ala amatei doróló me kae ala enénipó. Ama du betere ala wisitóró hɔle yó tarapó.

Kótóné ama kutó diratere whi wisipó yópóló kutó wisiyóló dirae ere fo

¹⁴ Kótóné fo wisi erótu betere so whirapené kisipa keteraqsóró yó maté fu betae. Tétu, hɔle mo sawa fomótei doasi bete mole fo nisyóló alale sóró u só derótu i só derótu yaqsóró, Kótóné keletómó mo dirii ma fo du betae. Ti noatepae, atei bete munire fo wosetere whirapené kisipa tiki dorótu beterapó.

¹⁵ Naao Kótóné kutó ditu betereitei, hɔko dirateremó haleyaqsóró, mo bete mole fo wisi donotóró yó mótu betae. Atétepa, Kótóné naao ai ditu betere kutó wisiyóló kaae kolóló mo whi wisipóló dukiratere fo yópóló, mo doa keteké buóló erótu betae.

¹⁶ Kótó sisópaae eróló, hɔle hɔko forape wosaaitapóló

faqse. Ti noatepa meipó. Atei fo du betere so wh̄ita Kótó kisipa keteróló sisópaae mulóló mo ti aluraté faalo ai ape.

¹⁷ Ai wh̄rapené yó matere fota, dowi humu fakeyóló k̄laaté furaalu, wh̄iné tiki turó dorótu dere kaae, so wh̄i feané kisipa tiki mo ti doraalo ai ape.

¹⁸ Ai fo yó mótu betere wh̄irapekó Haimeniasiró Piletus-tamo kale mo fo wisi taaróló ai fele ape. Ti atimaamoné etei fo du beterapó. D̄a Keriso so wh̄ita, take kepaayóló betereitei, momómo kae kepaayaalomeipó du beterapó. Atétere foné mepaae so wh̄iné tuę tiki tiró betere ala mo dorótu beterapó.

¹⁹ Tétepatei, Kótóné mo ti muó tawaaire bete tukóló muló betere kapo fake tómótei i fo aseyóló muló beterapó.

“Talené ama naale senaaleta, ti amatóro tuęrapó.”

Fo me i ape.

“Talené ama ala erótu betere so wh̄i feata, ti ama so wh̄ipa, dowi ala mo taaróló kae betae.”

²⁰⁻²¹ Bet̄a néli wh̄iné ama doakale teñe be dolomó, *kold kaparó silpa kapatamoné* aleale wisi wisi ɔla muóo, mepaae mo ni fakeró haetamoné aleale ɔla ɔlakélé muóo, erapó. Atére ɔla ɔla mepaae mo wisi kutó maaté diyaairaalu bukóló kae mulóo, mepaae ɔla ɔla, ti hañe hoiko kutó diyaai saaitapóló kae mulóo, dua

dapó. Mepaae wh̄i dené hañe bete munire ala sisópaae mulóló, me alakélé munipa, ti mepaae kae kae wisi ala ai wh̄iné s̄umó eranérapóló kisipa mutu, Talené taleyóló kae beteró beteratapó.

²² Teó so wh̄iné ekeñe yóló du betere dowi ala yapaaekélé eraq̄sóró, mo hotowayóló kaae tawae. Atéro, Kótóné so wh̄i atima hosaa tuamó mo wisi kisipa bet̄a mulu, Talepaae momatu betere so wh̄itamo yakélé bet̄amó bitu, mo donoi alamaaté yó tawóo, tuę tiki tiratere alakélé yóo, yaala sókó fóló hosaa muni deyóló dua betóo iru, ketekę buóló eraté fu betae.

²³ Topo doyóló okokoi kisipa mole wh̄irapené u só derótu i só derótu dere kaae momókó yaqse. Ti noatepae, atétere alané hoñe sere ala kaarótu betereitei naao ai tuęre ape.

²⁴ Ti atei kaae ala Talené kutó diratere wh̄iné dere ala meipa, mo yaqse. Téni, so wh̄i featamo mo dua naameyóló bitu, Kótóné fo wisi bet̄a yó melatere fosó fosóre wh̄i betae. Menétamo yapaae dowi ala eratepa, apaae kwia tokó melaai kisipa muni, mo donoi ala bet̄a erótu betae.

²⁵ Kótóné kutó diratere wh̄irapetamo bóe du betere wh̄irapepaae Kótóné fo wisi mo dua naameyóló yó mótu betae. Ti ai bóe du betere alata, hañe meipó. Satané ama kisipa mole ala erópóló, atima ama hemó ai daló betere ape. Atérapa,

ai yó matere fo wisi woseté furaalu, Kótóné atima kisipa tiki feterópóló dua yó mótu betae.

²⁶ Atéró feteratepa, mo foné bete diriyóló tuéturaalu momómo kisipa wisi muóló, Satan-né hemó doló mualeteti sokóló hãle fópóló eraalópó.

3

Kemeterere be demó Kótó hóróló bõe daaitere ala

¹⁻⁵ I dere fo mo diriyóló wosae. Kemeyaaitere alimó mo dowi sekęi ala wapa so whı feané i alarape du betaalo ai ape. Atimatei atima yaala sókó fole ala yóo, *monimó* eķęle dere ala yóo, bopé fake dere ala yóo, amatei ą hale horatere ala yóo, dowi teka fo yóo, atimané hae aya aqmó sukóló bitini yóo, mené wisi ala eratepatei mo kée dere fo ini yóo, Kótóné ama kae betero betere so whı bitini yóo, mepaae so whıpaae yaala sókó fole ala ini yóo, me whıtamo hõle saletei hapale kemeraaire tuę muni, dowaae fole ala yóo, eratere fo yóo, atimané eķęlere ala tętereni yóo, kõle dere alakélé ini, susupuratere alamaaté eróo, me whıpaae wisi ala er- aai tuę muni yóo, mo no apu nisirutei eleké deyóló dõo, yaaitere ala kisipa tekeyóló ini hõko yóo, mené kolóló dukirópóló nene dere ala yóo, tó tikiné yaaitere ala eķęle yóló duraalu, Kótópaae yaala sókó fole ala ini yóo, atima Kótóné ala eratere whırape

aqrutei ai ala eraaire fotokó meitepa, atimanétei hõyóló taaralepó. Atei ala du betere so whıtamo fulumu yóló bitini tika kae betae.

⁶ Ai ala du betere whırapené wisi ala yaai tuę munire sorapené bepaae kikiti dua sókó fóló kale sorapené kisipa tiki doróló i ala yae yóló yó mótu beterapó. Ti ai sorape atima du betere dowi alané atima só deróló atimané kisipa tikikélé beséné ni upaae só fua ipaae só wua dere kaae, kae kae dowi ala yaai eķęle yóló du beterapó.

⁷ Atimané kale fo wisi saalopóló su betepatei mo foné bete wisiyóló kisipa mutumipó.

⁸ Take Moses-né Kótóné fo i ape yóló yó mótu betepatei, Janes-ró Jamperes-tamoné ai fotamo bõe du bitu yale kaae, ai whırapenékélé mo fotamo bõe du bitu, dowi ala yaaire kisipatóró fãanuraalu, Talepaae tuę tiki tiró betaaire ala sunipa, Kótóné atima taaralepó.

⁹ Kale u whı tamopaae yale kaae, ai whırapené hõko ala du betere bete so whı feané kolópóló hãkearatepa fõlo sukamó deté fu be- taalomeipó.

Pol-né Timotipaae i alayae yóló ketekę bulale fo

¹⁰⁻¹¹ Tépatei, ęalo yó mótu betere fokélé, ę betere alakélé, ęalo yaai tuę mutere alakélé, kisipa tiki tiró betere alakélé, sekę beleté fu betere alakélé, yaala sókó fole

alakélé, sekēi ala wapatei hepée taae faróló hāle yó tare alakélé, susupui ala erótu betepakélé, kae kae su betere sekēi alakélé, ę Antiok beró Ikoniam betamomó betepakélé, Listra bemó betepakélé, ępaae kae kae susupui ala erótu betaletei, fea naao ai tuęre ape. Ai alarapené ę só deraqsóró Talené ę tao salepó.

¹² I fota mo dapó. Mepaae whi detamo Yesu Keriso tuamó bitu, Kótóné ala eraai kisipa muóló erótu betepatei mo whirapené atimapaae sekēi ala erótu betaalopó.

¹³ Ai ala erótu betere whiraperó mepaae wisi ala du betere nisi dere whirapetamo atimatei dilikitu yale kaae, atimané mo so whikélé dilikitu beterapó. Atimané atéró du betere dowi ala mo ti faketuraalu, atima mo doraalopó.

¹⁴⁻¹⁵ Atimata ai ala du betepatei, yaťa kaepa, yapaae ai fo yó melale so whirape naao tuęru atimané yó melale fo tuętóró yó tawae. Kótóné mo ama kae aseýóló muló betere fota, ya mo ketemó bitu woseté waletei naao mo tuęrapó. Ti ya Yesu Kerisopaae kisipa tiki tiraté fu betereteiné aluyaqsóró ai fonétei mo tao saaire bete wisiyóló tuę yópóló, yó melanérapó.

¹⁶ Kótóné ase mó yóló muló betere fo feata, ama bole fomo sókó faraletéiné eró beterapó. Ti aita noa ala yópóló meipó. Kótóné ala erateré whiné kae kae wisi

ala erótu beterópóló kisipa mutu, yóló muló beterapó.

¹⁷ Tétu, ai fonétei mo so whipaae yó matere ala yóo, dowi ala depa foné sere ala yóo, me hōko ala depa donorate ala yóo, Kótóné ama donoi alamaaté mo sumó wisiyóló eraté fōo enérapó.

4

¹ Kótóné kele tómókélé, da betere so whiró sukāle so whitamó fo tokótamo yóló tale yaaire whi Yesu Kerisoné kele tómókélé, ę waaire be dęró ama tęteróló betere alatamomó tuę muturaalu, yało yapaae i ala yae yóló dirii fo i dere ape. Kale fo wisinaaleta so whi feané wosópóló i ape yóló yó mótu betae.

² Ai fo yó melaai tukóló muló betere be dęmókélé, ó mo hāle be dęmókélé, naao yó melaaire fo ali ali yaqsóró taleyóló kisipa muóló betae. Atétu, mepaae whirapené haşókó fupa donorate alakélé yóo, me dowi ala depa taalae yóló, foné sóró ketekę bulatere fotei yóo du betae. Atéró yó matere fo wisiyóló sya fenitepa, foné sóró hapale só deréni, dua kaae taté fu bitu, kale bete mole fo betā mo hotowayóló yó mótu betae.

³ Ti noatepae, mepaae whiné kale mo bete mole fo wisi yó mótu betepatei, so whiné wosetere hōraaire ali waalo ai ape. Ai fo wisi wosetere hōróló, atimané

yaai kisipa mole ala sya furaalu, diñé yó mótu betere fo wosaalo hóróló atima woséliné ekéle yóló wosetu betere fo wosaaitapóló, atei kaae fo yó matere whirapepaae ape depa, atima fea wóló touraalopó.

⁴ Ti mo bete mole fo wisi atima wosetere hóróló sisópaae eróló, bete munire doláa fo wosaairaaalu ekéle yaalopó.

⁵ Ai alata mo du betaalotei, yapaae kae kae ala wapa, furu furu ini, kisipa diri iruraalu halaa iyóló betae. Mepaae sekéi ala wapakélé belée taruraalu, kale mió wosetere fo wisi betá yó mótu bitu, Kótóné yapaae erae yóló muló betere ala fea taaréni eró tawae.

⁶ Ti noatepae, mo so whiné Talepaae momaturaalu, kale *wain* wéi momatere kapo fake tómó sunée derótu dere kaae, yálo betere bete mió i kemeratere ape. Ti é i hae taaróló faaire be de mió i sókó waaitere ape. Kale bóe dale alakélé yálo mo wisiyóló dóo, sururu yóló fóló sókó fópóló muló betere dalemó sókó fóo, Yesu Kerisopaae tué tiki tiratere alakélé hále yó tawóo yalepó.

⁷⁻⁸ Téyaleteiné mió yálo doimó muló betere topo tao mulapó. Ti aita hále topo tao meitei, dá feané yale alamó fo tokótamo yóló mo donotóro taletere Talené ita, mo donoi ala du betere whi i ape yóló melaaire topo taopó. Ti aita, yálomaaté

saalomeitei, Tale waaire be de sókó wópóló kaae taté fu betale so whi feané saalopó.

Pol-né Timotipaae hapale ape yale fo

⁹⁻¹² Fo me i ape. Yá é beterepaae hapale waasepólópó. Ti noatepae, Demas á i haemó du betere alamó hosaa muturaalu, é taaróló Tesalonaika bepaae ai fele ape. Tétu, Kresens-kélé Kalesia bepaae fóo, Taitus-kélé Dalmesia bepaae fóo depa, Luk betá étamo i betere ape. Ti Mark áta, é Talené kutó diratepa tao su betere whi wisipa, yá wou á dapesó ape. Tikikas áta Epesus bepaae fópóló, yálo doteyalepó.

¹³ Tétu, yálo bukutere kuti Troas bemó yálo no Karpustamo mupa walepa, yá wou sóró ape. Yálo bopeyóló mulale asétere sókurape sóró wou, kale hupu sekaené aleale asétere sókurapekélé ai mulapa, taaróló wéni, mo sóró ape.

¹⁴ *Kapa* diriné ọla ọla aletu betere whi Aleksandané doasi bóe dóló epaae sekéi ala eralepó. Atéyale kwiata, apaae Talenétei tokó melaalopó.

¹⁵ Ai sekéné dané yó mótu betere fotamo doasi bóe dalepa, yátamokélé bóe dóló me dowi ala era sóró mo hotowayóló kae tawae.

¹⁶ Étamo fo tokótamo yóló só deraai kaae sóró taleyale sukamó me whiné é tao sere fo yaai ani, atima feané

ę taaróló felepó. Atimané atei ala yale kwia Talené alurópóló yae.

¹⁷ Tépatēi, Tale ętamo betamó daalu fotokọ sụmó bulaleteita, kale fo wisi yało mo diriyóló eratepa Juda fake mei, kae fake so whị feané wosópóló eralepó. Téteremó, atimané ę mo felekemó dóló aluraletei, Talené tao salepó.

¹⁸ Mepaae whịrapené kae kae dowi ala ępaae eraqsóró, Talené ę tao sóró ama tẹteróló betere hepen bemó ere ala wisi tuamó beterópóló, mo wisiyóló dapesó fóló beter-aalopó. Ama doi beta mo doasi doi muó taté fópóló yae. Mo kée! Téryópóló yae.

Mo kemerótu kọleó yale fo

¹⁹ Prisila-ró oma Akuila-tamopaaekélé, Onesiporus-ró ama kekelé so whịtamopaaekélé kọleó yae.

²⁰ Erastus Korin bemó betóo, Tropimus ą Miletus bemó heponé sukóló muóo epa taaróló walepó.

²¹ Yąta, sosóli ali waaipatei, ipaae hapale waasepóló dapó. Yupulus-nékélé, Pudens-nékélé, Linus-nékélé, Klodianékélé, mepaae Keriso norape feanékélé, yąpaae kọleó dapó.

²² Térapa, Tale naao kepe bete tuamó bitu, ama hałe hamokoróló tao sere ala ya tuamó sụrópóló yae.

Taitus

1 Ẹ Kótóné kutó diratere whì bitu, Yesu Kerisoné dotẹyale *aposel* whì Pol-né dapó. Atéro dotẹyaleteita haḷe mei, Kótóné ama sorokó su yóló betero betere so whìné Talepaae tuẹ tiki tiróo, kale bete mole fo tuẹ yóo, yópóló ẹ dotẹyalepó. Ai bete mole mo fo wisi diriyóló kisiparu, tuẹ tiki tiróló Talené ala eraté fu beteraḷó.

2 Ti tuẹ tiki tiratere alaró mo bete mole fo diriyóló kisipare alatamota, take nalopaae mo wisi ala tuamó betaalopóló, mutere tuẹ tó mó belerapó. Ti ai alata, kapala fo mo sawakélé eneitere Kótóné saro haetamo kaaraai teopa, mo taketitei yóló munélipakalepó.

3 Dá aluyaosóro tao su betere Kótóné ama fo wisi ẹpaae mo wisiyóló kaae taru, so whìpaae yó male fae depa, yaḷo yó maleteiné Kótóné ama mo eraalopóló tukóló muló betere be demótóro ama yóló mulale fo haḷearalepó.

4 Taitus-ó, yaḷo i dere aṣeta, damo wusuró mo betá fotóro wosóló Talepaae tuẹ tiki tiró betere alakélé betá ala ereteiné ya yaḷo hosaa mo turó mole naalepa i dere ape. Dané aya Kótóro dá tao sóro wisiró betere whì Yesu Kerisotamoné hamokoróló tao sere alaró hosaa muni deóló dua betere alatamo ya tuapaae erópóló yae.

Atimané diyaaí yale kutórape kemerópóló Tatus Krit-mó beterales fo

5 Ẹ faairaalu, ya wẹiné bopéro daaló betere hae Krit-mó beteróló fele bete i ape. Mepaae diyóló kemeréni, kwia mupa taarale kutórape naao donoróló diyóló kemeróo, ai hae kwiamó tẹ mole be huluumó betere Keriso so whì tẹteróló kaae tawaaire whì disirape sóro beteraté kweyóo, yópóló taaróló felepó.

6 So whì tẹteróló kaae tawaaire whì disi sóro beteratepa, i ala ere whì sóro beterae. Me dowi ala yalepóló só derénitere whì betóo, sokélé mo betátóro dokóo, ama naale senaalekéle Talepaae tuẹ tiki tiró betóo, mepaae so whìné ama naale senaale hama alima aomó bitini dowaae fóló, atimané tó tiki felé yaaire ala du betepa, só deratere fo ini yóo, dere whì sóro beterae.

7 Atéro beteratere whìta, Kótóné ama dirae yale kutó tẹteróló kaae tareteiné mepaae whìné me dowi ala yalepóló só deratere fo ó mepaae whìné dere fo woseni dowaae furaalu, ama kiswa mole alatóro sya fole whì ó hapale fopaae butere whì ó *wain* wẹi mo dekeró nokole whì ó hapale fopaae buturaalu hõle sere whì ó doasi *moni* saai ekẹleru, kapala ala du betepa, ti atẹtere whì beteranénipó.

8 Ai dosayale alarape ini,

uké whi wisiyóló dape sóo, wisi ala maaté yaaí ekele yóo, ama tikiné ekele ala ini, a amatei teteróló kaae tawóo, ama dere ala fea mo donotóro yóo, Talené ama ala erópóló, kae beteró betere whi betóo, yaaitere alarape taleyóló mo bete mole alatóro yó tare whi betóo epa, ti so whi teteróló kaae tanópóló, sóro beterae.

⁹ Térapa, kale bete mole mo fo mené yapaae yó melaletai diriyóló tuéru, mepaae so whi keteké bulóo, ai fotamo bóe du betere so whi donoróo, enére whitóro sóro beterae.

¹⁰ Ti hãle hoko whi sóro beterae dere fota, ti i betené dapó. Kale mo fo wisitamo bóe du betere whirapekélé, bete muni hãle hoko fo du betere whirapekélé, kapala fo yóló so whi dilikitu betere whirapekélé fea betó mole tuamó tiki sekae tika du betere whirape mo dekeró betó moleteiné dapó.

¹¹ Atimané du betere alata, enénire fotei ai yó mótu betere ape. Aita hãle dumi, kapala so whi dilikóló *moni* saai du beterapó. Atéro yó mótu betere foné betã whiné ama soró naale senaaleta-mokélé, ama fake whikélé, atima fea betã be dolomó betó moletei ai dorótu betere ape. Atétu betere ala momó kae yaqsóro, mo taalae yóló foné sae.

¹² Ti ai Krit haemó betó mole whirape atimané fo eratere kóló whi betãné i

fo erapó. “Weiné bopéro daaló betere Kiriti haemó betó mole so whi fea kapala fo buóo, hupu haqné dere kaae, dowi ala hãkeamó hoko yóo, deokayóló bitu ɔla maaté dekeró naai ekele yóo, du beterapó,”

¹³⁻¹⁴ Atimané fo eratere kóló whiné i alarape du betepa kelalepó dere fota ti mo dapó. Térapa, Taitus-ó, naao teteróló kaae tare so whi atimané tué tiki mo diriyóló tirópóló, Juda fake so whiné dolãa foró kale mo bete mole fo hõrale whirapéné i ala yae dere fotamo wosaqsóro, mo deteraa yóló atima foné sóro ma yae.

¹⁵ Mepaae wisi tuétóro mole whi atimané dere alaró dere fotamokélé, mo wisiyóló du beterapó. Téretei, mepaae whi tué tiki tiró bitiniru, atimané hosaa tuamó dowi kisipa mupa, ti ama dere foró dere alatomokélé wisini, mo turó dorapó. Ti i dere fota, mo dapó. Atimané tué tikiró hosaa tuamó mole alatomota, wuliné api fulukó fóló ɔla wisi dorótu dere kaae, dowi alané atima mo ti doró beterapó.

¹⁶ Ti Kótó tuérapó du betepatei, atimané dere alané ti Kótó tuénipóló hãkeamó yó matapó. Atima mo sonaalei ala du betere so whi betóo, dere fokélé woseni, tikóo du bitu, wisi ala yaaire mo sunipó.

2

Sere otere ó teó so whipaae i

Talené bete mole fo etéro yó manérapólo ere fo

1 Naoo fo yó móturaalu, kae kae fotamo tourólo yó meni, Kótóné mo bete mole fotóro erótu betae.

2 Atéro yó móturaalu, mepaae hale Keriso maaté betere whi disirape atimané dere ala sawa tétitóro yóo, nokole qlakélé kisipa tekeyólo tétitóro nóo, so whiné atima dere ala kilituraalu, mo donoi ala dapólo doi mulóo, atimané mepaae ala yaai fopaae hapale buni, hotowaró kaae taru, tué tekeyólo yóo, Talepaae tué tiki tiratere alakélé, yaala sóko fole alakélé, Talené ala taaréni, hale yó tare alakélé mo diriyólo kisiparu, erótu betere whitóro beterópólo, ma fo yae.

3 Até dere kaae, so disirapepaaekélé, atimané dere ala Talené so whiné dere alatóro du beterópólo yae. Téturaalu, so whi eratere fo ó *wain* wei dekeró naai ekele ini, mo wisi fo maaté yó mótu beterópólo ma yae.

4 Téturaalu, ai so disirapenemo mepaae teó sorape atimané whiro naale senaaletamopaae yaala sóko fole ala du beterópólo, etéro yae yólo yó manérapó.

5 Atimané me ala yaai fopaae butere ala hapale ini, hotowaró kaae taru, tué tekeyólo mo wisi alatóro yóo, bemó qla bilitere alakélé, naale senaale kaae tatere alakélé, be kaae tatere alakélé, mo kelaalo kokoi

alaró hosaa tuamó me kisipa muni, mo wisi kisipa beta muólo, atimané whi aomó beterópólo ma fo yae. Ama fo yae deretei hale meipó. Atimané du betere ala mepaae so whiné kilituraalu, Kótóné fo bete muni nisiyólo doka doka yólo faleyaosóro dapó.

6 Whi disiró so disitamopaae yale fo kaae, teó whipaaekélé atimané mepaae ala yaai tué tekeyólo hotowaró yópólo, ma fo yae.

7 Naoo du betere wisi ala so whiné kolólo, atimané tokólo yópólo, yó mótu folosóro naapi yae. Atéro, naoo yó matere fomo kae yóo, dere alakélé kae yóo ini, mo beta alatóro erópólo yae. Téturaalu, i ala tómó mole ala kaae aqreni, mo bete mole alapólo tué muólo yó mótu betae.

8 Atétepa, ti naoo yó matere fo atimané wosaalomeipólo, mené só deratere ala enénipó. Ti noa yaosóro du meipó. Yátamo bóe du betere whirapené da hasóko fole ala initepa kilitu, atimané yale fomó atimatei hale yópólo dapó.

9-10 Atéturaalu, wae sóro kutó diratere so whirapepaaekélé atima tetéroló kaae tare whi aomó bitu, atimané tué tiki felé yópólo kutó wisiyólo dirae yólo ma fo du betae. Kutó diratere whirapené atima tetéroló kaae tare whiné dere fo woseni dowaae fío, atimané mepaae qla qlakélé qlémi sóo yaosóro

yae. Aténi, atima teteróló kaae tare wh̄rapené me ɔla ɔlémi nokole ala ini yóo, erae dere alakélé mo wisiyóló eróo depa kilituraalu, kutó diratere wh̄i wisipóló tuę muaalopó. Atéró atimané mepaae alarape duraalu, i dere ma fo sya fóló eratepa, ama fo woseturaalu, ama fo wisita mo bete mulapóló, Tale dukirópóló dapó.

¹¹ Ti noatepae, so wh̄i aluyaɔsóró Kótóné ama hamokoróló tao sere ala mió i alimó betere so wh̄i feané kolópóló haķearó beteraḡpó.

¹² Kótó bitini nisi yóló du betere alaró i haemó eķeleyóló du betere alatamo yae yóló seḡepa, ai ala mo yaalo meipó yóo, mió i betere alimó mepaae ala yaai kisipa tekeyóló yóo, mepaae dere alakélé mo donotóró yóo, Kótóné ama ala haķe eró tawóo yópóló, ai fo wisinétei ḡapaae yó mótu beteraḡpó.

¹³ ḡa noa wisi ala kelaai heķesetamo kaae tawóló betere? ḡa tao sere wh̄i Yesu Keriso aḡa, ḡa teteróló kaae tare doasi Kótó beteraḡpóló, ama kae ere ḡe wisinaaletamo wale ala kelaairaaalu, ḡa haķtamo kaae tawóló i betere ape.

¹⁴ ḡa dowi alané dokóló muló betepa, ai sekéné ama betere betené ḡa dupuróló a sukaleteita, haķe meipó. ḡa dowi ala mo sawakélé muni, mo ama so wh̄itoró bitu, mo wisi alamaaté eķeķe yóló deté fu beteraḡpóló, erapó.

¹⁵ Atéraḡa, ai dosayayale

alarapetamo naao yó mótu betepa, ti mo wisirapó. So wh̄iné mepaae hoķo alarape taalae yóló foné sóo, ḡu betere wisi ala taaréni ketekę bulóo yae. Ti yaḡa, Talenétei ama ala erópóló, sóró beteraḡ beteraḡa, mepaae so wh̄iné ya belei aleróló só deratepa, ai dere fo woseni, ai bete mole fo yó matere ala beḡa ḡu betae.

3

Mo wisi ala beḡa erótu betae ere fo

¹⁻² So wh̄i teteróló kaae tare *Gavman* wh̄iraperó mepaae ala kaae tanópóló sóró beteraḡ betere wh̄rapetamo aḡmó betae yóló Kótóné so wh̄ipaae ma fo yae.

Atéturaalu, atima kale teteróló kaae tare wh̄rapené yae dere ala sya fóló eróo, mepaae wisi ala ketekę buóo, me wh̄i eratere fokélé ini yóo, mepaae so wh̄itamo naameyóló mo dua betóo, me wh̄i hamomané kisipa seķe yaɔsóró dere ala kisipa tekeyóló yóo, bopé fake ini, deróló dua betóo erópóló ma fo ḡu betae.

³ Take betale alimó ḡakélé kisipa okoko yóló hoķo bitu, ai fo wisi wosóló aḡmó bitini, dowaae fóló ḡu betale alané ḡa dilikitu betalepó. Atétepa, ḡané tó tikiné eķeķe ḡu betale alaró kae kae ḡu betale feléi alatamoné ḡa dokóló wae sóró kutó diratere wh̄i beteraḡ betereḡpó. ḡané no nené dere ala kilitu, ḡakélé ai ala

enée yóló dei kisipa mutu-raalu, ðané atima h́róo, atimanékélé ða h́róo, deté fu betalepó.

⁴ Tépatei, ða t́eteróló kaae tare Kótóné ama ere wisi alaró yaala sókó fole alatamo h́kearale sukamótóróti, ða aluyaqsóro ama tao salepó.

⁵ Ti ama ða tao saleteita, ðané me donoi ala depa kolóló initei, a kolené sukutu tao sere bete bitu, tao salepó. Téturaalu, Talené ama fokóló ða ama naale senaale deyóló beteróo, Deji Kepe Wisiné kisi wh́i aleróló beteróo erapó.

⁶ Talené ai Deji Kepe Wisita, ða so wh́i fea tao sere wh́i Yesu Keriso tuámó betepa, Talené ðapaae mo turó suniyalepó.

⁷ Atére alata, Talené ama hamokoróló tao sóró, mo donoi so wh́ipó ereteiné ða ai mo ti betere bete sóró taru, ama wisi wisi ala Yesumó matere kaaetóro ðamókélé matepa saalopóló h́ajtamo kaae taté fu beterópóló erapó.

⁸ Ai fota, mo bete mulapóló tué tiki tiraaire fopa, mió Kótópaae tué tiki tiró betere so wh́ikélé keteke buóló mo wisi alatóro du beterópóló, ai fo naao mo diriyóló tuéru, donotóro yó mótu betepa, mo wisirapó. Ti ai dosáté wale alarape feata, wisi alatóro ereteiné so wh́i fea tao sóró wisiranérapó.

⁹ Tépatei, kisipa okokoi wh́irapené dóroi duraalu h́ale h́oko dere fokélé, ða deyaairaaalu deté wale

noutererape dosáté wou betale alakélé, Moses-né yóló muló betere fomó alale sere alaró h́ole sere alatamoné dere fo mo wosaqse. Ai alarapené, so wh́i tao sóró wisiraaire bete mo munipó.

¹⁰ Dið betá kisipa muóló betere ala mepaae wh́iné tekeratepa, taalae yóló foné sae. Atéroró foné senaalemó, naao dere fo wosenitepa, kale yale kaae momó foné sae. Ténalemókélé mo ti wosenitepa, momó kae ini, ama enére ala deté fu beterópóló mo ti taalae.

¹¹ Atétere wh́ita, dowi ala a tuámó f́anuraalu, dowaae fóló du betere alané amatei a ai só derótu betere ape.

Mo kemeróturaalu Pol-né Taitus-paae ape yale fo

¹² Artemas ó Tikikas yało ya beterepaae ai dotonatapa, aatamo ya betteremó sókó wapa, ti ya ðamo Nikapolis be huluamó hokolaa yaalopa fae. Ti mió i waaire sosóli alita, ðamo ai bemó betepa kemeyópóló faai kisipa mutapó.

¹³ Fo tokótamo depa tao sóró fo eratere wh́i Senasró Apolos-tamo uké furaalu sóró faaire mepaae ọla ọlakó yaýatepa, ti atimaamo tao sóró melae yóló i dere ape.

¹⁴ Yaıtamo aimó betere ða Keriso fake so wh́i atima betere dokọ nokole ọla ó mepaae so wh́i tao saaire ọla ọla yaýani, mo sumó mulópóló, kutó keteke buóló diae yóló ma fo du betae.

15 Imó ẹtamo betó mole
so whiné yapaae kọleó dapó.
Talepaae kisipa tiki tiró bitu,
dapaae yaala sókó fu betere
so whipaae kọleó yae. Térapa,
Talené hamokoróló tao sere
ala dià feapaae erópóló yae.

Filimon

¹ Ẹta, Yesu Kerisoné ala yó mótu beteremótei, *dipula* beteró betere whi Pol, dané no Timoti dāmo wusuró bitu dapó. Ita, dā fea betā kutó ditere whi Filimon-paae dapó.

²⁻³ Dané ne Apiapaaekélé, dā Kótóné alamó betāmó bōe beleraterere whi Artipus-paaekélé, Filimon naao bepaae tourāle wua du betere Keriso so whi feapaaekélé, dané Aya Kótóro Tale Yesu Kerisotamoné hāle hamokoróló tao sere ala wisiró hosaa muni deyóló mo dua betere alatamo diā tuāmó mulópóló yae.

Talepaae mo kée yóló moma yale fo

⁴⁻⁵ Ẹ tẹteróló kaae tare Kótópaae momaterere sukamó yā kisipa yó taru, Talepaae mo kée fo du beterapó. Ti noatepa meipó. So whi feané yāta, Tale Yesu Kerisopaae kisipa tiki tiró betóo, Kótóné wisiróló kae beteró betere so whi feapaaekélé yaala sókó fóo, du beterapó deté fole fo yālo wosetereteiné dapó.

⁶ Naao tué tiki tiraterere ala mepaae so whi paae yó materetei atima tuāmó mo du oleyópóló yālo yā momarótu beterapó. Atétu, Keriso tuāmó mole wisi wisi ala fea dané sóró tarapóló mo diriyóló tué yaalopó.

⁷ No-ó, Kótóné wisiróló kae beteró betere so whi paae

naao wisi ala erótu betaleteiné, atimané kisipa felérótua yalepó. Naao atéro yaala sókó fole alané yālo hosaa diriróló, ẹ mo doa hāiné sukunótua yalepó.

Pol-né Onesimas wisiyóló dape sópóló yale fo

⁸⁻¹⁰ Teyalepóló, dāmo Keriso tuāmó bituraalu, yālo yāpaae i ala yae yóló halaainé enépatei, taaróló yaala sókó fole ala betené yāpaae dua woseratapó. Ẹta Pol-né dapó. Ẹ otere yóló bitiré fóo, miókélé Yesu Kerisoné ala erótu beteremó *dipula* sóró beteró betóo iruraalu, yālo naale Onesimas-mó kisipa mutu woseratapó. Ẹta, mo dirii képiné dokóló *dipula* betepa, ą yālo naale aleyóló beterepó.

¹¹ Take bitiré wouraalu, ama yā fasóló naao erae dere ala fea ama wisiyóló eréni, hāle hōko beterepó. Atéyaletei, mió dāmo wusuróné dere fo wosóló, dāmo aqmó sukóló bituraalu, erae dere ala fea ama sumó eranérapó.

¹² Ti ąta, mo yālo hosaa mole naaletei, yā beterepaae wópóló momó dotonatapó.

¹³ Yesuné fo wisi yó mótu betalemó, *dipula* bemó dirii képiné dokóló beteró betepa, naao ẹ tao su betere kaae, yā betere sirimó ą bituraalu, ẹ tao sópóló ętamo betaai kisipa muatei taaróló yā beterepaae dotonatapó.

¹⁴ Atéro ą ętamo bituątei, naao ai ala yae dere fo

woseniruraalu, a yało tanénipó. Naao apaae eraaire ala yało ya serateremó ini, naao kọleaané apaae hosaa muóló wisi ala eraasepóló, naao naase tuą i mulatere ape.

¹⁵ Kale seké a yątamo be-taletei, ya taaróló kae biłi fele beteta, ti take yątamo betamó mo titóró beterópóló, kapala asiri kae beterótu yalepó.

¹⁶ I sekéta naao kutó diratere whi betepatei, ai tómó mió naao hosaa turó mole nopóló wisiyóló dape sae. Ti noatepae, ata mo whikélé betóo, Keriso nokélé betóo ereteiné a mo yało hosaa mole notóró beterapó. Téreteiné naao a kilituraalu, apaae hosaa mo turó mulaalo ai ape.

¹⁷ Atérené naotamo dąmo Kótóné alamó betą kutó ditere whipóló kisipa mutupa, ti naao e wisiyóló dape saai yale sų a wisiyóló dape sae.

¹⁸ I sekénétamo me dowi ala ó naao ọlakó ọlémi sale kwia mupa, ti yalotei tokó melaalopa, apaae yae.

¹⁹ Eta, Pol-né mo yało naasenétei i ase dapa ke-lae. Ai kale kwia yalotei melaalo ai ape. Ti ya betere beteta, naaotei tuę muae. Yało apaae erale ala eroluąmeisóró, ti ya atéro bituąmeipó. Atéyale alané apaae kwia mupa haķearóló uątei, me ọla meipóló taalatapó.

²⁰ No-ó, dąmo wusuró Tal-ené ala tuąmó bituraalu, yało

enée yóló mutere kisipa mió naaomo apaae eraasepólópó. Atétepa, ti dąmo Yesu Keriso tuąmó bitu, yało kisipa tiki felératere ala yaalo ai ape.

²¹ Yało dere fo naao mo wosóló eraalopóló kisipa muturaalu, apaae i asetere ape. Ti noatepa meipó. Yało i eraasepé dere fo naao mo wosóló eróturaalu, naaomo tómó beleróló eraalopóló kisipa mutapó.

²² Téró, fo meta i ape. Eta waalopa, fiyaaire tiki betą donoróló mulae. Ti noatepae, naao Talepaae momayale ala Kótóné wosóló, take dąmo wusuró betamó bitu yale kaae, miókélé atéro betamó betaai kisipa mutapó.

²³ Yesu Kerisoné ala erótu betepa, etamo betamó *dip-ula* sóró beteró betere whi Epapras-nékélé apaae kọleó dapó.

²⁴ Eta mo betą kutó ditere whirape Mark, Aristarkus, Demas, Luk ai whirape atimanékélé diapaae kọleó fo i dere ape.

²⁵ Tale Yesu Kerisoné ama haķe hamokoróló tao sere ala wisinaale, naao kepe bete tuąmó mulópóló yae.

Hibru

Whiné Naalemané ensel-rape teteró betepó

¹ Mo take bitiré wouraalu, Kótóné fo kae kae tumó, ama kóló whirapepaae mo dekéro félimó depa, atimanémo da Juda fakené nouter-erapepaae dua ipakalepó.

² Téyaletei, mió i kemer-aterere alimó, ti Kótóné dere fo ama Naalemané dapaae yalepó. Ti fea ɔla ɔla ai naalené amatóro sópóló yóo, saró haetamo ó ere ɔla ɔlakélé fea ama aleyópóló, Kótóné ai sekéné naase tuamó mulóo, yalepó.

³ Kótóné ama mo kae ere de wisinaale ai naale tuamó deyó faletei, mo so whi feané kolópóló hakearó betepó. So whiné ai naale kilitu, ama alima ere alatóro erapóló tuénérapó. Samó ó i haemó betere ɔla ó ere ɔla feané du betere ala hale deté fu betepóló, ai naalené doasi fotokó bole foné hale eratétóro fu betepó. So whi feané dowi ala fokóló kemetepa, a hepen-paae fóló, wisi wisi ala fea teteróló betere Doasi betere turu naase demó betalepó.

⁴ Atéturaalu, Kótóné a mulale doiné *ensel-rape* mulale doi teteró biture kaae, a sóro beterale alanékélé, *ensel-rape* sóro beterale ala mo bosenóló teraae falapó.

⁵ Ti noatepae, Kótóné i fo erapó.

“Yaṭa, yaḷo Naale betóo, e mió naao Aya alée fóo, i dere ape.”

Me fo ipó.

“E ama Alima betóo, a yaḷo Naale betóo yaalopó,” ere fo-a, mé *ensel-paae* yaleé?

⁶ Téro ai fo kaae, Kótóné ama topo naale betá i haepaae dapesó wouraalu, i fo dapó.

“Kótóné *ensel-rape* fea a aomó sukóló bitu, ama doi betá hale sóro horótu betae,” erapó.

⁷ Tépatei, Talené ama *ensel-rape* rapemó tué muturaalu, i fo dapó.

“*Ensel-rape* ama fo erale fópóló, besé tiki alée falóo, ama kutó diratere whirape simi alée falóo dua dapó,” erapó.

⁸ Tépatei, kale Naalemamó tué mutu i fo erapó.

“Kótóo, naao so whi teteróló kaae tare ala kemekélé ini, hale yó tawóo, naao so whi teteróló kaae tawaaire alakélé, mo donoi alané kaae tawóo yaalopó.

⁹ Naao hosaa mo donoi alapaae muóo, dowi ala ya mo hoyóo yalepó.

Atéyaleteiné, ya teteróló kaae tare Kótónétóro ya mo taoró betepóturaalu, naao fulumu whirape ti ya aomó betepóló, hai faane *wel* wei naao topomó suniyóló, ya sóro beteralepó,” erapó.

¹⁰ Tétu, ama i fokélé dapó.

“Tale-ó, mo take keké nale alimó bete kaayóló fótuku mulóturaalu, haeró şatamo naao naasenétóro alerapó.

11 Ai aleyóló muló betere ɔla feata, doyóló aluyaalotei, ɔa ti haɓe betó tarapó.

Ai ɔla ɔla feata, deróló sókó fatere kuti derakele yóló turukó fu dere kaae, doyóló mo ti kemeyaalopó.

12 Whiné deró betere derakele kuti sokóló ó me ɔla bopetu dere kaae, mió i ere şaró haetamo naao bopée sóró, kuti kisi kae derótu dere kaae, kisi şaró haetamo aleyóló mulaalopó.

Téyaalotei, ɔa ta ai ere kaaetóro haɓe betó taru, bitiré faaire ba fo mo kemekélé yaalo meipó,” erapó.

13 Me fo i ape.

“Naao bóe whırape fea ɔalo dóló teşeróló, naao hó aomó beteraaire be de sókó wópóló, ɔa ɔalo turu naase eró betere tikimó kaae tawóló betae,”

ere fo-a, Kótóné mé *ensel-paae yaleé?*

14 Ti *ensel-rape* feata, Kótóné kutó diróturaalu, mo ti betaaire so whı tao sene fae yóló, dotşyale keperape meié?

2

Wisiyóló kaae taru, kale fo wisi wosae ere fo

1 Térapa, da feané wosale mo bete mole fo keteróló, da kópaae faşsóro ai fo kutiri mulóló, mo hotowaró kaae tawaalopóló i dere ape.

2 Ti noatepae, mo take Talené ama fo so whıpaae yó melale fae yóló, *ensel-rapepaaepi* melalepó. Me whınétamo ai fo tikitepa, ó sya feni hóratepa, ti ai whıpaae dowi kwia mo donotóro mótua yalepó.

3 Mió danékélétamo Talené doasi tao sere ala keteróló, haɓe ɔla kaae aɔratepa, ti da kéle netéro haşsóko faaloé? Ti ai doasi tao sere alata, Talené amatóro folosóro so whıpaae yalepó. Ai fo wosale so whı atimanémo, mopóló da paae diriyóló yó melalepó.

4 Ai whırapené yó matere fo mopóló tué tiki tirópóló, atimané yó male fotamo touróló kótóné, me ala yaairemó eratere alarapekélé, kolóló siratere alarapekélé, kae kae kelemei alarapekélé fea eralepó. Atéturaalu, Kótóné ama kisipa mole ala sya fóló, Deı Kepe Wisiné haɓe matere alakélé atimamó dokşrólo mo şıralepó.

Yesu a ama no nerape kaae alée fele fo

5 Take nalopaae da biş faalopóló i bopetu betere tikita, *ensel-rapepaae* teşeróló kaae tawae inipó.

6 Tépatéi, Talené fo aşere tuamó whı mené etei kaae fo erapó.

“Mo whi-a, noa kaae doasi bete mupa aḗaae kisipa mutu betere?”

Whiné naalemakélé hosaa muóló kaae tare-a, a noa doi mole whi betepa de?

7-8 Naao a i haemó beterale sukamó, *ensel-rape* aomó beterópóló yalepó.

Téyaletei, doasi doi mole alaró, mo kae ere de wisinaaletamo aḗaae eróló, a sóró horalepó.

Téturaalu, fea ala amatóro teteróló kaae tawópóló, naaotei eralepó,” erapó.

Kótóné ai alarape fea ama teteróló kaae tare aomó mulaletei, mo betakókélé hale munipó. Atére ala mió dané kelené kilinipó.

9 Tépateti, Yesupaae eró betere ala kisipa muae. Taketa, Talené *ensel-rape* aomó mo sawa sukamó beteraletei, ama tikimó susupu sóró sukale betené, mió Talené a topo whi beteróturaalu, doasi doi mutere alaró mo kae ere de wisinaaletamo aḗaae eró betepa kelerapó. Aita, Kótóné hamokoróló hale tao sere ala dāpaae eróturaalu, sukutere ala dāpaae waqsóro, mo turó ama tikimótóro serapó.

10 Kótó aḗa fea ala bete tale bitu, fea ɔla ɔlané ama kisipa mole alatóro erópóló, aleyóló muló beterapó. Atére sekéné ama mo dekéro betó mole naale senaale aluni, mo kae ere de tuāpaae aḗisóro faaire whi Yesu a mené dóló

sukunópóló yalepó. A atéro seke siré fóló, asane feleteiné so whi tao saai mo sure topo whi beterapó. Ti Kótóné aḗaae ai eró betere ala fea dané kilituraalu, mo dono ala erapóló kisipa mutapó.

11 Me alatamo hosekényi, Talené ama kae betero betere so whiro atima fokoló kae beterate sekétamo, Kótóné mo betā faketóro aleró betereiné Yesuné atimapaee no nerape-ó yaaire a hale dumipó.

12 Ama i fo dapó. “Yalo no nerapené naao doi tué yópóló, yalo haḗeamó yóo, touró betere so whi feané keletómó naao doi sóró horóturaalu, wole fokélé yóo yaalopó,” erapó.

13 Me dere fo i ape. “Yalo aḗaae tué tiki tiraalopó,” erapó. Ai fo kaae ama momó dapó. “Ékélé, Kótóné ama epaae melale naale senaalekélé, da fea i betere ape,” erapó.

14 Ti Kótóné aḗaae kaae tawae yóló melale naale senaaleta, mo hae whitóro betereiné, akélé atima daale mo tikitóro alée felepó. Aita hale mei, sukutere fotokó bete tale Satan doraai yalepó.

15 Tétu, sukaqsóro witere alané wae sóró dokoló muló betere so whi a sukuturaalu, teraayóló hale fópóló eralepó.

16 Ti ama ai ere doasi alata, *ensel-rape* tao saai ini,

Abraham-né deté fele naale senaale tao saai yalepó.

¹⁷ Atére betené Yesu ą Talené ala eróturaalu, so whi kolené sukóló, tao sóró momaratero topo whi bitu, so whiné du betale dowi alamó, Kótóné atima kwia melaqsóró sesé yaairaaalu, ą ama no nerapené daale tikitóró alée felepó.

¹⁸ Ti noatepae, sų sere alaró kae kae susupui alatamo siré fóló mo asareteiné, mepaae so whi dowi ala yópóló sų sere sukamó, atima dée naqsóró ama mo sųmó tao senérápó.

3

*Yesuné Moses teteró betera-
apó ere fo*

¹ Térapa, dowi ala fokóló kae betero betere no nerape-ó, dakélé diakélé Kótóné hepen bepaae faai ape yóló mo betą kaae fotóró erapa, diąné tuę tiki mo turó Yesu-paaetóró muló betae. Ti ąta, Kótóné ama fo yó melópóló dotęyale whi betóo, damó momaratero topo whi betóo erapóló dané i du betere ape.

² Moses-né Kótóné ama fake so whi mo wisiyóló kaae taru yale kaae, Yesunékélé ą sóró beterale sekéné ąpaae erae yale ala fea mo turó eraté fu betalepó.

³ Betą be tetero whiné be wisinaale tępa, so whiné ai be siratua dapó. Tépateti, ai be tęyale whi dukiratero foné be wisinaale tęnapóló, siratero ala teteró betera-
pó. Atétu dere kaae, Yesuné doasi

doi mole alané Moses-né doi muale ala, mo bosene falapó.

⁴ Be fea tęneteti ama kęleaané daani, whiné tęyóló mulótua erapó. Atére kaae, ęla ęla fea Kótóné amatóró aleyóló muló betera-
pó.

⁵ Ti Moses ą Kótóné kutó diratero whi bitu, Talené so whi mo wisiyóló kaae taté fu bitipakalepó. Tétu, ama du betere alata, take nalopaae Talené mo eraalopóló, ama hąkearóló yó mótu bitipakalepó.

⁶ Téyaleteti, Keriso ą Kótóné naalematóró bitu, Talené ama fake so whi fea mo hotowayóló kaae taté fu betera-
pó. Atétu, take nalo waaire be demó Talené dąpaae wisi ala eraalopóló, haıtamo kaae taru, halaaainé ama ala hąle eró tapa, ti dą Kótóné ama fake so whıtóró betera-
póló kisipa muae.

*Kisipa tirénire so whipaae
wisiyóló kaae tawae ere fo*

⁷⁻⁸ Atéreteiné Dęi Kepe Wisiné i fo dapó.

“Whi bitini hąle kópu kaae fi tikimó, Kótóné di-aaę noutererape sų sóró kaae kelalemó, ama dere fo woseni, dowaae fóló hosaa tą ipakalepó.

Atéyale kaae, mió di-aaąkélé ama fotamo wosetepa, diąné hosaa tą yaqsóró yae.

⁹ Diaaę noutererape atima atéro kuturaalu, 40 ba fo tuamó ę kaae kolóló sų siré fu betepa, yalo

erótu betale ala atimané kilitu betalepó.

10 Atéyale betené ai alimó betale so whıtamo fopaae butu, Ʒalo i fo yalepó.

‘Atimané hosaa mo turó kae tikipaae muluraalu, Ʒalo erótu betere ala mo tuékélé inipó,’

11 Atétepa, Ʒ fopaae butu etei dirii fo yóló mulalepó.

‘Ʒalo hosaa muni deyóló dua betere ala tuamó, atima sókókélé mo waalomeipó,’ erapó.

12 No nerape-ó, diakó mepaae whıné hosaa tuamó mole dowi alaró, mo ti betere Kótópaae tué tiki tirénitere alatamo iru, Kótó taaróló faqsóró, hotowaró kaae tawae.

13 Téturaalu, miópó du betere be de kemeyaai epatei, dowi alané diđ dilikóló diaaƷ hosaa Ʒaraqsóró, betere dokƷ diqsisi ketekę u bulótu i bulótu du betae.

14 Folosóró kaae suraalu, đané tué tiki tirale ala tuamó taaréni, mo diriyóló bitiré fóló, kemene fole kwiamó sókó fupa, ti Keriso tuamó mole ala đanékelé serapó.

15 Kótóné ai fo ereteiné đané u deté wale fo momó i dere ape.

“Whı bitini hałe kópu kaae fi tikimó, diaaƷ nouterapené Kótóné dere fo woseni, hosaa Ʒayóló dowaae fu betale kaae, mió diakélé ama fo wosetepa,

diaaƷ hosaa Ʒa yóló dowaae faqsóró yae.”

16 Talené atimapaae yale fo wosaalo hýyóló dowaae fele so whı-a, deé? Aita, Isip hae taaróló, Moses-né dapesó fele so whıtórótipó.

17 40 ba fo tuamó, Kótóné fopaae bualetei-a, detamo maaté yaleé? Aita dowi ala yaleteiné kópu kaae fi tikimó, hałe sisiraae fele so whıtórótipó.

18 Kótóné ama dirii malo duraalu, “Ʒalo hosaa muni deyóló dua betere tikimó, atima betakókélé mo sókó waalomeipó,” ere fo depaae maaté yaleé? Aita, ama fo tikitu betere so whıpaaetóró erapó.

19 Ti atima Kótóné dua betere ala tuapaae sókó fenire beteta, Kótóné fo wosóló, tué tiki tiréni yaleteiné erapó.

4

Kótóné so whı sƷa nópóló tukóló muló betere be de mulapóló ere fo

1 Ti Kótóné ama so whı sƷa nóló bitı wópólópó ere fo kemeni, hałe mulapó. Atérapa, ai tuapaae bitı faairetei đa haqsókó faqsóró, witamo hotowaró kaae tawae.

2 Ti noatepae, mené atima Juda fake so whıpaae yó melale fo wisi đapaaekélé yó melalepó. Atimané ai fo wosóta yaleteti, mopóló tué tiki tiréni yale betené atima tuamó me dukélé olenipó.

3 Ti ai fo mopóló mió tué tiki tiró betere so whı

ɖata, Kótóné ama s̄aa nokole tikipaae sókó fu beterapó. Tépatei, kisipa tirénire so wh̄ipaae Kótóné i fo erapó.

“Atétepa, ɛ fopaae buturaalu, etei dirii fo yóló mulalepó. ‘Yalo s̄aa nóló betere tikipaae atima wóló betókélé mo yaalomeipó,’” erapó.

Take Moses betale alimó Kótóné ai fo mo epatei, s̄aró haetamokélé, ere ɔla ɔlakélé, fea Kótóné ama aleyóló kemerélipakalepó.

⁴ Ti noatepae, w̄eike be demó Kótó ɔ s̄aa nale fo mepaae as̄e tuamó eretei dos̄atepa tuénérápó.

“Kótóné ama diyale kutó fea kemeróló, w̄eike be demó ti ɔ s̄aa nalepó,” erapó.

⁵ Kale yale fo momó i dapa, wosae.

“Atima yalo s̄aa nóló betere tikipaae wóló betókélé mo yaalomeipó,” erapó.

⁶ Atére betené mió mepaae so wh̄i s̄aa nóló betaalopóló, i bopetu betere tuamó sókó fóló betenérápó. Ti take betale so wh̄i Talené fo wisi mené yó matepa wosetua yaleteti, ai fo aomó sukóló bitini, tikitu betaletiné s̄aa nóló betere ala tuapaae sókó fenipó.

⁷ Atéro bitiré fóló, mepaae ba forape keme itikimó, ti Kótóné be de kae ɖale mulóló, miópó doi mulóturaalu so wh̄ipaae i fo yae yóló, Depitpaae ipakalepó.

“Mió ama fotamo wosetepa, ti diaaɔ hosaa tayóló dow̄aae fu betaqsóro yae,” erapó.

⁸ Ti noatepae, Josuané Talené so wh̄i s̄aa nalóló beteróluaqsóro, ti nalo me be demó Kótóné s̄aa nóló betaalopó fo uameipó.

⁹ Atérené Kótóné ama kutó kemeróló ɔ s̄aa naleteita, take ama so wh̄i s̄aa nóló beteraaire alamó kisipa mutu ereteiné, diɔ ai s̄aa nóló betere ala tuapaae bit̄i fenérápó.

¹⁰ Ti noatepae, Kótó ɔ ama kutó diyóló kemeróló, s̄aa nóló bitu yale kaae, mepaae so wh̄i de Kótóné s̄aa nóló betere tikipaae sókó fupa, ti so wh̄ikélé atimané ditere kutókélé taaróló, s̄aa nóló h̄ale betenérápó.

¹¹ Atérapa, atima Kótóné fo tukóló dow̄aae fu betere ala s̄ya furaalu, ɖakélé dée naqsóro, ai s̄aa nóló betere tikipaae ketek̄e buóló sókó faalopa siépe.

¹² Ti Kótóné fota, betero betere fotok̄otamo f̄ayóló mo surapó. Ai fota, tamo fakeró fosó daale bóe dele sepakené fosókélé mo teraae falapó. Atéru, wh̄iné asoró kepetamo tuamó tekeyóló sonaae f̄oo, diri tamo olek-ereteikélé tuamó tekeyóló sonaae f̄oo, dua dapó. Atérené wh̄iné hosaa tuamó ere alaró mole tué tikitamo, Kótóné ai fonéte i k̄aae kolóló talenérápó.

¹³ Kótóné aleyóló muló betere ɔla ɔla fea ama

keletómó hiró bitini, mo fopa hakeamó mulapó. Atére sekéné keletómó, dané du betere ala fea mo betakélé hiraalomeipo.

Yesuta Talepaae momaratere topo whi beterapó ere fo

¹⁴ Dá tao sóró momarótu betere doasi topo whi Kótóné naalema Yesu a sa tuamó fóló hepen-mó betera, ama fo wisi dané wosóló mopóló apaae tué tiki tiratere ala taaréni, mo ti tiró betae.

¹⁵ Ti dáta, mo hae whi betereiné mepaae sekei ala ó dowi ala yópóló su supa, diriyóló daayaaire fotokó mo bunipó. Tépatéi, damó momarótu betere topo whiné ai alarape fea ama hosaamó suraalu, dá tao senérapó. Ti mió dapaae i wou betere seke ó dowi ala yópóló, su sere ala fea apaaekélé wua yalepó. Téyaletei, a dowi ala mo betakélé inipó.

¹⁶ Atérapa, dapaae sekei ala wale sukamó dá kóleturaalu, ama tao sópóló hamokoróló hãle tao sere ala tetéroló kaae tare tikipaae faaire wini, ha-laainé faalopa siépe.

5

¹ So whimó Talepaae momaratere topo whi sóró beteraai, whirape fea fopeyóló betã whitóró sóró beterotua dapó. Ai whita, so whiró Kótótamo tuamó bitu, so whiné yale dowi ala Kótóné tokóló alurópóló, simó sukúlaa dalatere alaró

hãle matere alatamo dua dapó.

² Ti kóló kólóru, kópaae fole so whi dá tao saai ai tuã whi akélé hae whitóró ereteiné naameyóló mo dua bitu enérapó.

³ Ti akélé dowi ala dere whi beterapóló kisipa mutu, ama yale dowi alapi Talené wisirópóló, simó sukúlaa dalóo, nalo ti mo so whiné dowi ala wisirópóló sukúlaa dalóo, dua dapó.

⁴ Mepaae whi momatere topo whi betaai doi sere alata, ama kóleaané enénitei, Kótóné Eron-paae ape yóló momaratere topo whi sóró beterotu yale kaae, Kótónétóró ai whi sóró beteranérapó.

⁵ Atére kaae, Keriso a doasi doi saai kisipa mutu, amatei momaratere topo whi bitinipó. Téni, Kótóné apaae duraalu, “Yãta, yãlo naalepó. Èta, mió naao aya alée fulapó,” erapó.

⁶ Ai fo kaae, me asé tuamó i fo dapó.

“Melkisedek a momaratere whi bitu deté fele ala naao tetéroló kaae taru, momatere ala hãle yó taté fu beterópóló, yãlo yã sóró i beteratere ape,” erapó.

⁷ Yesu i haemó bitiré fele sukamó, a sinaqsóro tao saaire seképaee me sukamó a wole yóo, me sukamó a tao sae yóló moma fakeyóló yóo dua yalepó. A atéró Tale

aqomó sukóló betaletéiné ama erae yóló kematere moma Kótóné wosóló, mo eralepó.

⁸ Ti ą Kótóné naalema bitutei, sekę hąle beleté feleteiné Kótó aqomó sukóló betere ala mo asane felepó.

⁹ Ai ala deté fóló, ą mo-maratere whi wisi biti felepó. Atétu, ama fo wosóló eratere so whi fea aluni, mo ti betó tanópóló, tao su betere bete tale alée felepó.

¹⁰ Ti aita hąle mei, Kótóné ąpaae duraalu, “Melkisedek-né deté fele ala tuąmó ya mo-matere whi beteratapó,” yale betené yalepó.

Talené ala taaróló sisópaae eratepa mo wió yae dere fo

¹¹ I bopeyale alarape dekéró moletei diąpaae uąmó, ai fo bete diaaą wosaaire hapólureteiné, diąpaae yaairekélé dirirapó.

¹² Ita mo fo dapó. Dią mo take kaae sóró Kótóné ama bete mole fo woseté waletéiné, mió dią Kótóné fo yó matere whirape mo sumó bituąpó. Até uątei, ama bete mole fo dią tuę inipa, take kaae sóró yó malepaae fesaae fóló, mené dią momó yó manérapó. Dią dirii ąla naaire suni, keteirape mo awątóró naai ekeletu dere kaae erapó.

¹³ Mepaae so whi de awątóró ekeleyóló nuku betepa, ti ai so whi mo ketei kaae bitu, Kótóné mo donoi ala erateretei tuęni, kóló kólórapó.

¹⁴ Tépatéi dirii ąlata, disire so whiné nópóló muló beterapó. Atére so whi ti Talené fo wosetere dokę fea ama alatóró eró tareteiné asa duraalu, dowi alaró wisi alatamo sumó kaae kolóló, talenérápó.

6

¹⁻² Atére betené Kerisoné ala i ape yóló, teómó kaae suraalu, yó matere fo momó kae yó melaalomeipó. Até yaletéi taaróló, mió mo dirii fo diąpaae i dapa wosae. Take kaae sóró yó melale fota, whirapené be tęteróturaalu, folosóró iru eleké detu dere kaae yóló, yó male alarape i ape. Sukutere alapaae ąlisóró fole dowi ala taaróló, tu wisi-paae fole alakélé, Kótópaae tuę tiki tiratere alakélé, węi tópuratere alakélé, me whi Talené kutó dirópóló, ama tikimó naase mulatere alakélé, sukutere so whi kepaayóló betaaire alakélé, so whi feané yale ala taleyóló mo ti muó tawaaire kwia melaalopó ere fokélé, take folosóró kaae suraalu yó maté waletéi, momó kae yó melaalomeipó.

³ Kótóné wisirapa, dirii fo yó melae depa, ti dané mo yó menanérapó.

⁴⁻⁶ Mepaae so whi atima diliki tuąmó beteretei taaróló, dę tuąpaae biti fóo, hepen bemó mole wisi wisi ąla atima sóró asa yóo, Dęi Kepe Wisiné erótu betere alakélé atima sóo, Kótóné bete mole fo tuąmó bole

wisi ala atima kisipa yóo, take waaire alimó teteróló kaae tawaaire fotokókélé atimané tuę yóló asa yóo ere so whıteı, Talené ala taaróló fupa, ti momó kae kisipa feteyóló fesaae wonénipó. Téturaalu, atima ai du betere alané Kótóné naalema so whı feané keletómó doasi hale seróló, ą filipaa ni tómó momó oleratere aąrapó.

7 Hali wouraaalu, wisi fe bulatere haemó ąla wisiyóló holóló, ai kutó talené ąla supa, ti ai hae tiki Kótóné wisiraalopó.

8 Tépatı, ąla wisiyóló huni, mu daai képiró dowi netamo hotere hae ti fe buni, dowi deké bulapó dua dapó. Atére haeta, ai kutó talené doróló, kemeróturaalu simó néli biliyaalopó.

9 Dąné hosaa mole no nerape-ó, i deté wale fota, dią tuąmó ere alamó dumipó. Ti diąta, Talené ama so whı aluyaąsóró tao sale ala tuąmó betere ala dąné kisiparapó.

10 Ti Kótó ąta, so whı feané du betere alarape hoko taleyóló kwia mótumipó. Atérapa, diaaą ama kutó diratere alakélé, Kótó ąpaae yaala sókó furaalu, ama kae beteró betere so whı tao sere alakélé, nalo tao siré faaire alakélé, fea ama tuę yó taru, kwia mo donotóró melaalopó.

11 Talené dią dokọ feapaae melaalopó yale ąla mo saasepólópa, ketekę buóló mió diaaą ai du betere alatóró hąle yó taté fóló,

kemene fole kwiamó sókó fae.

12 Dią Kótóné ala erótu betereteı deka yóló taaréni, mepaae so whı atima tuę tiki tiratere alaró sekeı ala wapateı, hąle yó tare alatamo su beterapó. Diąkélé ai ala yaasepóló, atimané dere alatóró suróló yae.

Kótóné eraalopó dere ala hąsókó feni mo eraalopó

13-14 Kótóné ama eraalopó yóló mulale fo Abraham-né mopó yópóló, Tale ą teteró betere Doasi me bitinipa, amateı ą doi yóló dirii malo duraalu,

“Yalo yą wisiratereteiné, naao detere naalené deté fole naale senaalekélé doakale fake firatere ala hąsókó feni, mo yaalopó,” ipakalepó.

15 Atétepa, Abraham ą whaalıani, dua kaae taté fóló, nalo Kótóné ąpaae melaalopó yóló mulale ąla mo salepó.

16 Me whıné mepaae so whıpaae i ala eraalopóló mulatere fo diriróturaalu, atimané doi yóló dirii malo dumi, atima teteró betere doasi whıné doi yóló, ó Talené doi yóló malo dua dapó. Atéroró dirii malo dereteıta hąle mei, nalomo ai fo inipóló foné u só derótu, i só derótu yaąsóró dapó.

17 Ti Kótóné ama eraalopó dere fo diriróturaalu, amateı ą doi yóló dirii malo yaleteıta hąle meipó. Ama ai eratere ala saaire so whıné ama yóló mulatere fo kisipa feteyóló

taaréni, mo dokonatapó kisipa muópóló yalepó.

¹⁸ Ti Kótóné ama eraalopó yóló mulale foró dirii malotamo epatei taaróló, ama kisipa feteyóló me kae ala eranénipó. Kótóné ai ala yaleteita hãle mei, ða dowi alamó kwia sóró aluyaqsóró, Talené tao sóró mo wisiyóló beteraalopó yale fo wosóló hosaa tuámó muló bitu, tué tiki tiraté fu betere so whi ða ketekę buópóló yalepó. Ai so whiãta, ti ðatóró i ape.

¹⁹⁻²⁰ Take nalo ða mo wisiyóló betaalopóló haiãtu betere ala mepaae sekę ó whaalia ðere alané só ðeróló doraqsóró, ai haiãtere alané ða diriróló, turuku kaae ðerapó. Ai turukuta, hõko tikimó dini, satãle yóló kuti oleró betere tiki bosenóló, Kótóné mo kae aleyóló muló betere be ke tuámó erapó. Ai be ke tuãpaae so whi nalo wópóló, ða tao sere whi Yesu api folosóró sóró falapó. Ai sekęta, Melkisedek betale kaae, so whimó momaraterere topo whi alée fóló, ai ala hãle ðeté fu beteraapó.

7

Melkisedek momaraterere topo whi betere fo

¹ Ti Melkisedek aãta, Salem be hulua teteróló kaae tare topo whi betóo, mo taoró betere Kótópaae momaraterere whikélé betóo, ipakalepó. Abraham a mepaae topo whirapetamo bõe fóló, bõe whirape dóló kemeróló momó fesaae wouraalu,

tuámó Melkisedek-tamo hokola yóló, Abraham wisiraterere fo erapó.

² Atétepa, Abraham-né ama bõe dóló sale õla õla naase tamo moletei dekeyóló, betã Melkisedek-mó melalepó. Melkisedek-né doi bete tamo mulapó. Folosóró doiné bete, “Donoi ala ðere topo whipó,” Me doi bete, “Salem be hulua teteróló kaae tare topo whipó,” Ai doi feteyóló, “Hosaa muni deyóló dua betere ala teteróló kaae tare topo whipó,” erapó.

³ A ðeyale soró whiãtamóné doikélé, a kaayale noutererapéné doikélé, a ðeyale be ðekélé, sukãle be ðekélé, ašemó muni, Kótóné naalema biture kaae, a so whimó momaraterere topo whi hãle betó tarapó.

⁴ Ai sekę a doasi whipóló ere ala tué muae. Ðané noutere Abraham-nékélé ama bõe dóló sóró wale naase tamo õla õla dekeyóló betã Melkisedek meló beteraapó.

⁵ Kótóné ama tukóló muló betere fo tuámó i ala yae erapó. Lipai fake whirapekó so whimó momarópóló sóró beteró betere whirapéné mo so whiné mole naase tamo õla õla dekeyóló, betã siré kwęyae yóló munélipakalepó. Ti atéro kotere whirapekélé, materere so whikélé, atima fea Abraham-né ðeté fele fake no nerape epatei, atima tuámókélé siré kwęipakalepó.

⁶ Melkisedek-ta, Lipainé ðeale whi meitei, Abraham-

né naasetamo ɔla ɔla dekeyóló betɔ ɔ melalepó. ʔata, Kótóné wisi ala eraalopó yóló mulale wh̄itei, ai ɔla ɔla matepa sale seké Melkisedek-né ama foné ɔ wisiralepó.

7 Ita mo dua dere alapó. Doasi wh̄iné ɔ aomó betere wh̄i ama foné wisirótua dapó.

8 Atétere kaae, so wh̄iné naase tamo ɔla ɔla dekeyóló betɔ siré fu betepatei, ai wh̄irape sukutua yalepó. Atéyaletei, kale doasi wh̄i Melkisedek-né naase tamo ɔla dekeyóló betɔ ama saletei, ɔ sukɔlepó fo munipó.

9 Mené etei kaae fo sumó enérápó. Naase tamo ɔla ɔla moletei, betɔ dekeyóló siré kotere wh̄i Lipai ɔ Abraham tuamó, ni du ke kaae bolepo. Atépa, Abraham-né ɔla ɔla dekeyóló betɔ Melkisedek-mó matepa, Lipainé amakélé meló beteraopó.

10 Ti Melkisedek-ró Abraham-tamo hokolaa yaleteita, Lipai ɔ deyaai ama tikimó teó bupa yalepó.

Melkisedek momaraterere wh̄i betale kaae, Yesukélé momaraterere wh̄i betó tarapó

11 Lipainé deale wh̄irape mo so wh̄imó momaterere topo wh̄i betere tuamó Kótóné tukóló muló betere fo sókó walepó. Tétu, atima ai alimó momarótu betale alané Kótóné so wh̄i mo ti wisiróluaşóró, momaraterere topo wh̄i me kae waalopó fo uameipó. Ti ai momaraterere topo wh̄ita, Eron-né deale naalené deté fele wh̄i mei,

Melkisedek bitu yale kaae du betaalopó, erapó.

12 Ti noatepae, mo so wh̄imó Talepaae momaraterere wh̄irapéné du betere ala taaróló, Talené me kae alatamo tukóló mulatepa, ti ai ala sumó enérápó. Meitepa, ti enénipó.

13 Ai ere fo dokonó betere wh̄ita, Lipai fake mei, kae fake wh̄ipó. Ai fake mo betanékélé so wh̄imó Talepaae simó sukɔlaa dalóló, momaterere ala inipó.

14 Dɔ teteróló kaae tare wh̄i Yesu ɔ Juda fakené dealepóló, so wh̄i feané kisiparapó. Ti betɔ Juda fake wh̄ikó so wh̄imó momaraterere topo wh̄i betaalopóló Moses-né asemo inipó.

15 Melkisedek betale sirimó, wh̄i me kaetamo sókó hotepa, ti dané i deté wou betere fo bete mo hakearatapó.

16 Ti noatepae, ai wh̄i ɔ so wh̄imó Talepaae momaraterere topo wh̄i sóró beteraleteita, Lipainé deté fele wh̄irape maaté sóró beteranérápó, ere fo sya furaalu inipó. Ai seké ɔ tuamó doasi fotokɔ bulu, mo ti betó tareteiné dóló sukunaaire sunipa, Talené ɔ momaraterere topo wh̄i sóró beteralepó.

17 Ti ai fo kaae me ase tuamó i fo erapó.

“Yɔta, momaraterere topo wh̄i Melkisedek-né du betale ala naao teteróló kaae taru, yó taté fu beterópóló, yɔlo

yā sóró beteratapó,”
erapó.

18 Kale folosóró yóló mulale fota, me ala yaaire sūni bépa, haḷe ɔla kaae aɔróló taalatapó.

19 Ti noatepae, kale tukóló muló betere foné so whīró Kótótamo betāmó wisiyóló beterópóló, mo turó wisiranénipó. Kale folosóró yale ala taaróló, mió Talené ama so whī wisiyóló beteraalopó ere foné betā Kótó betere felekepaae aḷisóró fenérapó.

20 Ti a momatere whī sóró beteróturaalu, dirii malo yóló sóró beteralepó. Téyaletēi, mepaae momaratere whīrapeta, haḷe foné maaté sóró beterótua dapó.

21 Téyaletēi, Kótóné i seké momaratere whī sóró beteróturaalu, aḷpaae i malo yalepó.

“Talené ama kisipa feteyaalomē

yā so whīmó momaratere whī mo ti betó tanópóló, yaḷo yā sóró beteratapó,”
erapó.

22 Ti atéro dirii malo yaletēiné Yesu a Kótóné ama so whī tao saalopóló, yóló mulale fo diriratere bete alée felepó. Ama so whī tao saalopóló kisi yóló mulale foné folosóró yale fo teraae falapó.

23 Ti mo so whīmó momaratere whīrape dekéro bitiré waletēi, ai whī sukutēpa, me whīnémo tēteróló kaae tatua yalemó,

ai whīrapekélé fea sukutua yalepó.

24 Téyaletēi, Yesu a mo ti betó tareteiné, so whīmó momarótu betere ala haḷe yó taté fu beterapó.

25 Atérené Kótótamo betāmó betaai kisipa mutu, Yesuné ama yale ala tuāmó fu betere so whī mo ti beterópóló, Yesuné ama mo sūmó tao senérapó. Ti noatepae, aḷta so whīró Kótótamo tuā whī bitu, Kótópaae atima tao sae dere fo haḷe yótóró tarapó.

26 Yesu a atéro, momaratere topo whī bitu, da yaḷare ala fea ama mo sūmó tao sóró eranérapó. Ti aḷta, Kótóné mo kaae beteró betereteiné mené a só de-raaire bete muni yóo, a me dowi alatamo hosekēni yóo, dowi ala du betere so whītamó betāmó bitini, kaae betóo, ó sāró hepen betamokélé fea amatóró tēteróló kaae tawóo erapó.

27 Mepaae momaratere topo whīrape betere dokó fea atimané dowi alapi kemerópóló, *sipsip* o *bulmakau* hupu simó sukūlaa daróló, nalo ti mo so whīné dowi alamó sukūlaa dalatere ala suka fea haḷe yó taté fu beterapó. Atima ai dere ala kaae, a tuāmó me noa dowi alakó mupa atéyaaloé? Ti ama betere bete Kótópaae mo betā félimótóró melóló, mo so whīné dowi ala kwia ama tokóló aluróló wisiralepó.

28 Ti kale tukóló muló betere fo sya furaalu, mo hae whīte, momaratere topo

whi soro beterotua yalepo. Teyaletei, nalo soko wale dirii malo fo tuamo ti Talene naalema momaraterere topo whi soro beteralepó. Ai whi ata, me alakelé mo yayani, so whi tao sere alatoro hale yo tanopoló, Kotoné a mo turó suróló beteralepó.

8

Yesuta momaraterere topo whi bitu, mio kisi ere fo diriro betere Talepo

¹ Dáne i deté wou betere fo tuamo bete mole mo topo fo i ape. Da tao soro momaraterere etei kaae topo whita, hepen bemó Doasiné tetéroló kaae tare tikimó, ama turu naase eró betere demó foló betalepo.

² Take kaae soro teyale momaterere kuti bemó, Talené ama kae ere ala erótu beteralepó. Ai beta, mo whine naasené teni, Talené amatoro tenapó.

³ Ti mepaae mo so whimo momaraterere topo whirapené Talepaae hale matere alaró simó sukulaa dalatere alatamo yopoló, Talené soro beterotua dapó. Atétere kaae, mio da tao soro momarótu betere sekékélé, Kótó beterepaae hale faalomei, me ɔla soro ti sumó fenérapó.

⁴ Atamo i haemó bituasoro, ti so whimo momaraterere whi bituameipó. Ti noatepae, Kótóné tukoló muló betere foné Talepaae hale melae ere fo sya furaalu, motua dere whirape soro betero beteralepó.

⁵ Ai whirape atimata, ó hepen-mó ere mo ti momaterere be suróló, i haemó tene mo kuti bemó Talené ala erótu beteralepó. Moses-né ai momaterere kuti be teyaaitepa, Talené apaae i ma fo erapó.

“Naao ai be teturaalu hoko teni, damo hasi fosomó bitu, yalo yapaae yo melale be sutoro mo hotowaró teyae,” yoló ipakalepo.

⁶ Teyaletei, Talené ama so whi tao saalopoló, yoló mulale dirii fo Yesu a tuamo erótu beteralepó. Atére kaae, i haemó mepaae momaterere whirapénékélé ai ala du beteralepó. Tépatéi, mio kisi yoló mulale dirii foné take yoló mulale fo teraae falapó. Atére kaae, Yesuné Kótóné so whi tao soro ditu betere kutóné atimané ditu betale kutó mo teraae falapó. Ti ai kisi dirii fo tuamóta, Kótóné ama so whipaae eraalopoló, mulale wisi ala fanuraalu, take yale ala mo hale ɔla aoro beteralepó.

⁷ Ti noatepae, Talené take folosoro yale dirii fotamo mo surapó uasoro, ti nalo ama eraaire me dirii fo kae uameipó.

⁸ Tépatéi, Kótóné ama so whi fopeyalemó, mepaae hasokó fole ala kololó i fo yalepo.

“Eta, Talené i dapa wosae. Take waaire ba fomó Israel so whiro Juda so whitamo yalo tao saai, kisi dirii fo kae yoló

mulaalopóló diápaae i dere ape.

9 Ti mió yało kae yóló mulaaire kisi dirii fota, take atimané noumatererape Isip hae kwiamó betepa, yało dapesó wale sukamó, yóló mulale dirii fo kaae meipó. Atimané yało yóló mulale fo sya fóló eró tanitepa, yało atima tao saai yaleteti taaróló, sisópaae eralepó.

10 Ẽta, Talené i dapa wosae. Ai ala yóló kilipaae Israel so whítamo yało etei dirii fo yóló mulaalopó. Yało tukóló mulatere fo tikaqsóró, atimané tué tiki tuamó mulóo, hosaa tuamókélé aseýoo yaalopó. Téturaalu, ę atima tęteróló kaae tare Kótó betóo, atima ti yało so whi betóo yaalopó.

11 Atétere alimó, me whinė ama be whi so whipaae ó ama nomapaae duraalu, ‘Tale tué muóló betae’ dere fo momó kae yaalomeipó. Ti noatepae, ai be demó mepaae sókó deyóló betere so whinėkélé, doasi doi mole so whinėkélé ę mo tué yaalopó.

12 Atétepa, yało kęleturaalu, atimané du betere sonaalei alaró mepaae dowi alatamomó,

kwia melaai yaleteti yało kisipa keteróló aluraalopó,” erapó.

13 Ti Talené ama i yóló mulaaire dirii fota, “Kisipó” doi mulóturaalu, take folosóró yóló mulale dirii fo bete muni hałe ęla kaae aępa, kisi foné mió mo felekemó kemeróló aluraai dapó.

9

I haemó kapala tęne kuti bemó momatu betere ala

1 Take folosóró diaaę noutererapepaae Talené ama ala eróturaalu, ępaae momatere alakélé etéro yae yóló yó melóo, ama ala eraaire momatere bekélé etéro tęyae yóló yó melóo, ipakalepó.

2 Atétepa, so whinė Talepaae moma yaairaalu, kuti be tęyóló, u tuamó be ke tamo aleyóló munélipakalepó. Folosóró sókó fole be ke ti arai kutiné satęle erepó. Ai be kemó ti *lamp* sa daalóo, ęla mulatere ni fakeró Talené keletómó mulótua dere *bred* otamo muóo erepó. Ai be kené doita, Kótómó kae tukóló muló betere tikipó.

3 Me aleyóló muló betere be keta, hapólui kutiné satęle erepó. Ai be kené doita, Kótóné ama ala betę eraai mo kae tukóló muló betere tikipó.

4 Ai be ke tuamó felé kęlaa wale fetera kaae ęla biliyaaire tiki *kold kapané* aleyóló daalóo, Kótóné ama so whipaae wisi ala eraalopóló ere dirii fo aseýóló buló betere *bokis-kélé* mulóo

erepó. Ai *bokis* husiróló *kold kapa* datekaró beterepó. Ai *bokis* dolomó, *kold kapané* aleale wutimó *mana* o deróló mulóo, Eron-né dotó tiki asę sokoretei mulóo, Kótóné dirii fo asęre kane fake tamokélé bulóo erepó.

⁵ Ai *bokis* tómó, Kótóné ama mo kae ere de ęane *serupim ensel*-rape suróló aleale ęla me uté daayóo, me ité daayóo erepó. Ai *serupim ensel*-tamoné baase dorokó faróló so whinė dowi ala kemaęleta dere tiki husiró beterepó. Atére alarape fea bete etérapóló, mió mó turó ęané enénipó.

⁶ I bope yale ęla ęla fea atéro taleyóló muló betepa, mo so whimó Talepaae momaratere whirape folosóro ere be kemó, atimané ditere kutó diyaa, hutua yalepó.

⁷ Tétua yaleteti, mo u tuamó ere be kepaee ti so whimó Talepaae momaratere doasi topo whi ę maaté betę ba fomó, mo betę félitóro fua yalepó. Téturaalu, ai be kepaee naase ęale feni, *bulmakau-ró meme* hupu sameatamotóro sóro fua yalepó. Atétua yaleteita, Talené atima kwia melaqsóro seséturaalu, ama yale dowi alapi Talepaae melóo, nalo ti mo so whinė dowi alapóló tuęni, mo ala nisiyóló du betale dowi alamó melóo, dua ipakalepó.

⁸ Mió ai be ęale tępa, Kótóné mo kae ala ere be tuępaae sóko faaire tu ęale ai kinapa kelae yóló, so

whępaae Deį Kepe Wisiné ęęearóló yó mótu beterepó.

⁹ Ti take Talepaae me ęla ęale matere alaró hupu simó sukęlaa dalatere alatamoné ai ęla sóro wale so whinė hosaa tuamó mole seęei ala mo ti wisiranénire ala mió i alimó betere so whiné tuę yópóló, ęęearóló yó matapó.

¹⁰ Atéro, ęla nokole alakélé, weį nokole alakélé, Kótóné wisirapó yópóló, kae kae ala yóló weinę fokutu betere alakélé feata, mo tó tiki maaté wisiróturaalu du beterepó. Talené ama ęa tęteróló kaae tawaaire kiři alané tó tiki maaté wisiróló ai du betere alarape fea mo ti kemeraalopó.

Yesu Kerisoné samea sunée farale ala

¹¹ Mió ęapaae i eró betere wisi alarape eraai, Keriso ę so whimó Talepaae momaratere topo whi bięi furaalu, folosóro ę doasi momatere kuti be wisimó buó dealepó. Ai beta, i haemó mo whiné naasenékélé ó mepaae ęla ęla aleale sukamókélé tęni, mo taketi Tale ę betere tikimó ęale tęne bepó.

¹² Keriso ę Kótóné ai kae tukóló muló betere tikipaae sóko faairaa, *meme ó bulmakau* hupu malené samea sóro feni, suka fea mo ti muó tanópóló, ama samea mo betę félimótóro melóló, ę ai be tuępaae sóko felepó. Tétu, so whi fea dowi alané dokóló mupa, ai sameané teraayóló mo ti betó tanópóló dupuró beterepó.

13 Mepaae whi dené Kótóné yaqse yóló mole fo tukóló, nalo ama ala eraai momatere bepaae faqsóró doasi fo mulapó. Atérené *meme* ó *bulmakau* wə hupu sameané ó *bulmakau* so utu hupu simó biliyale fapo terepeyóló, ai yale alapi kemeranérapó. Atéro, nalo ti Talené ala eratepa fo muni, mo sumó eranérapó. Ti ai alarape feata, hāle tó tiki maaté fukuturaalu dapó.

14 Téyaletei, ai du betale alarape bosenóló, mo ti betere Deji Kepe Wisiné Keriso a fotokoratepa, me alakélé munire betere bete wisinaale Kótópaae hāle melalepó. Dāné hosaa tuamó mole dowi alané sukutere alapaae alisóró fu betepa, Kerisoné ama sameané sumó kemeranérapó. Atére beteta, mo ti betere Kótóné ama ala dāné erópóló yalepó.

15 Keriso a atéyale betené Kótóné so whi tao saalopóló, kisi yóló mulale dirii fo eraaire tuə whi alée felepó. Aita hāle mei, Kótóné a beterepaae ape yale so whiné ama eraalopóló mulale mo ti muó tawaaire ɔla wisi sópóló yalepó. A atéro sukale alata, folosóró ere dirii fo aomó bitu, dowi ala du betale so whi dokóló moletei, ter-aayóló hāle fópóló, dupuru tu erapó.

16 Me whi a sukuturaalu, ama mómu ɔla taleyóló sae yóló mulatere fo kisipa muae. Ai whi a sukuni hāle betepatei, ama ɔla ɔla hapale

taleyóló sumipó. A sukutepa, nalo ti ama yóló mulale fotóró sya fóló senérapó.

17 Ti noatepae, kale whiné ama yóló mulatere fo sya furaalu, a sukuni hāle betepa, ama ɔla ɔla taleyóló saalomeitei, a sinitepa ti senérapó.

18 Atétu dere kaae, Kótóné ama so whi tao saalopóló folosóró ere dirii fota, *sipsip* ó *bulmakau* hupu samea sóko faraleteiné diriralepó.

19-20 Kótóné yae yale fo fea Moses-né mo so whipaae yóló kemetepa, i ala yalepó. *Bulmakau* hupu malené samearó mo weitamó belere tikipaae fóló, mo sonaare *sipsip* hupu nikiró *hisop* ni teteitamomó tópuró sóró asere sókumókélé so whiné tikimókélé, apuralepó. Ai ala yóló kemetepa, i fo yalepó.

“Ita, Kótóné ama tukóló muló betere dirii fo sya fóló, eró tawae yóló diriróturaalu, eratere samea i ape,” yalepó.

21 Ai ala kaae, Talepaae momayaairaaalu tene kuti bemókélé, ai be tuamó Talené ala eraai mole ɔla ɔlamókélé, Moses-né ai samea sóko apurótua ipakalepó.

22 Ita, mo dere alapó. Kótóné tukóló muló betere foné fea ɔla fea Talené ama ɔlapóló dāle mulóturaalu, sameané betə fokonérapó. Samea sóko farénitepa, ti dowi ala tokóló aluranénipó.

23 Hepen bemó ere ala suróló, i haemó aleale mo ɔla ɔla Talené amapóló

ḏale mulóturaalu, samea dilótua yaletai mo donorapó. Tépatēi, hepen bemó mole mo alarape fokaai, ti i haemó mole ɔla bosene fale ɔla wisinaalené sʉmó fokonérapó.

24 Ti Keriso ʉ sukóló kepaayóló furaalu, hepen be sʉróló i haemó mo wh̄iné tɛyale bepaae sókó feni, mo hepen bepaaetóro sókó felepó. Atéro fóló, Kótó betere felekemó bitu, mió ʉ ḏa so wh̄i tao sere tuʉ wh̄i beterapó.

25 Kale momatere be tɛteróló kaae tare topo wh̄ita, wh̄iné tɛyóló ama kae tukóló muló betere be tuʉpaae ba fo dokó mo betʉ féli furaalu, ama samea sóro feni, hupuné samea sóro fua dapó. Ai wh̄irapené dere kaae, Keriso ʉ hepen-paae momó fu, momó fu ini, mo betʉ félimótóro ama tiki Talepaae ḥale melóló, sókó felepó.

26 Keriso ʉ hepen bepaae dekeró félimó fuʉsóró, ti i haemó ere ɔla ɔla fea keké nale alimó kaae sóro, sekɛi ala dekeró félimó beleté fu bituʉpó. Téni, i kemetere alimó ʉ Kótó beterepaae mo betʉ félitóro sókó fóló, dowi ala mo ti kemeróturaalu, ama betere bete Talepaae ḥale malepó.

27 ḏa so wh̄ita, Talené ere fo dokonóturaalu, bitiré fóló betʉ fapotóro sukutua dapó. Atéro sukʉle kɛlipaae, ti ḏané yale ala Talené taleyaalopó.

28 ḏa betʉ féli sukutere kaae, so wh̄i feané dowi ala tokóló aluraai, Kerisoné ama

betere bete Talepaae mo betʉ félimótóro melalepó. Atéro mió ʉ momó waaireteita, dowi ala tokóló aluraai waalomeitei, ʉ wópóló kaae tawóló betere so wh̄i tao sóro mo ti wisiyóló beteraai dapesene waalopó.

10

So wh̄iné dowi alamó Yesuné betere bete mo betʉ félitóro male ala

1 Kótóné tukóló muló betere fota, mo ti muaaire ala mei, take nalo waaire wisi wisi alané aso maaté erapó. Atére betené kale tukóló mole fo sya furaalu, ba fo dokó hupu dóló moma yó tare alané Kótó betere felekemó bitʉ faaire so wh̄iné sekɛi ala mo ti wisiranénipó.

2 Ai alanétamo so wh̄iné hosaa tuʉmó mole kisipa tiki fea mo betʉ félitóro wisirólʉsóró, ti atima etei kaae dowi ala yalepóló, atimatei Talepaae momaratere ala dekeró yó ta uʉmeipó. Ti noatepae, atima etei kaae dowi ala yalepó tué muʉmeipó.

3 Atérené ba fo dokómó hupu dóló momatere ala ḥale deté fu betere kilitu, dowi ala kemeni, atima tuʉmó ḥale mulapóló ḥakearóló yó matapó.

4 Ti noatepae, wʉ *bulmakau* ó *meme* hupu sameané dowi ala tokóló mo aluranénipó.

5 Atérené Keriso ʉ i haepaae wóló i fo yalepó.

“Hupu dóló momatere alaró ḥale matere

alatamo naao həkese inipa, naotei ę mo whinė tiki daaróló beteralepó.

6 Simó sukūlaa daróló momatere alaró dowi alamó Talepaae hāle matere alatamo kilituraalu, naao kisipa felénipó.

7 Atétepa yało duraalu, ‘Ę tēteróló kaae tare Kótóo, kale bopeyóló mole așę tuamó ere fo mo dokonóturaalu, naao kisipa mole ala eraai ę wóló i betere ape,’” erapó.

8 Folosóró ama duraalu, “Kótóné tukóló muló betere foné i ala yae yóló mupatei, hupu dóló simó sukūlaa dalatere alaró Talepaae matere alatamokélé, dowi alamó matere alakélé, fea naao kolóló həkesenipó,” erapó.

9 Ai alarape yale sisópaae ama duraalu, “Naao kisipa mole ala eraairaalu, ę i wale ape,” yalepó.

Atéroró, folosóró hupu dóló du betale alarape tokóló taae faróló, ai sirimó ę sukāle ala mo ti yó tanópóló eralepó.

10 Yesu Kerisoné ama tiki Talepaae mo betā felítóró hāle melóló sukāleteiné, Talené ama kisipa mole alatóró sya furaalu, dā ama so whípóló mo kae beteralepó.

11 Be dētere dokō fea momatere be kaae tare whīrapené Talepaae hupu dóló momaratere ala hāle yó

tarapó. Atétere alané dowi ala mo ti tokóló aluranénipó.

12 Tēpatei, mió i bopetu betere momaratere doasi topo whī Yesuné dāné dowi ala tokóló aluraairaalu, ama betere bete Talepaae mo betā felítóró hāle malepó. Atéyale kīlipaae ę ama alima Kótóné turu naase eró betere tikimó fóló betalepó.

13 Ai alarape kemeróló, mió ątamo bóe du betere whī fea ama tēteróló só deraaire ala betā Kótónétei erópóló, kaae tawóló beteralepó.

14 Ti noatepae, mo betā félímótóró ę sukuturaalu, Talepaae ama hāle male alané wisiróló, mo kae so whī betó tanópóló yalepó.

15-16 Dęi Kepe Wisinékélé Talené ai ere ala dāpaae yó móturaalu, folosóró i fo dapó.

“Ai alarape yóló kīlipaae yało atima tao saairaalu, yóló mulatere diri fo i ape.

Yało tukóló muló betere forape atima hosaa tuamó mulóo, atima kisipa keteni tuę yó tanópóló yałotei eróo yaalopóló,” Talené erapó.

17 Ai fo tómó me beleróló duraalu,

“So whī Kótóné fo aqmó bitini, atima kisipa mole ala maaté sya fu betere alaró mepaae dowi alatamomó kwia meni, yało aluróló kisipa keteraalopó,” erapó.

18 Ai dowi alarape feata, Talené mo ti kemeró betepa, hupu dóló Talepaae matere ala momó kae hãle noatepa yaaloé?

Talené ala taaréni, hãle eró tawae ere fo

19 Térapa, no nerape-ó, ðapaae Yesuné ama samea sókó faló betereiné Kótóné mo kae ere be tuãpaae faaire wini, mo halaainé sókó fenérapó.

20 Taketa, ai be ke satãle yóló oleró betere kuti tuãmó sókó fua yalepó. Mió Yesu sukóló ą mo ti betere bete matere kisi tu alée faleteiné ą tuãmótóro sókó fenérapó.

21-22 Ai ala maaté mei, Kótóné fake so whi tao sóró, momaratere doasi topo whikélé betepa, ða ąpaae tué tiki tiróló bitu, hosaa tuãmó hajtamo Kótó betere felekepaae fenérapó. Atéturaalu, ðané i dowi ala yalepóló hosaa tuãmó sekei kisipa muteretei ama sameané fokóló feléroo, ðané tikikélé mo kikisi weiné fokóo, ereteiné mo halaainé fenérapó.

23 Ti noatepae, Kótó ąta, ða so whipaae eraalopó dere wisi ala hásókó fóló taaréni, mo eraalopóló ðané so whipaae du betereitei taaróló haepaae derepaalomei, hajtamo yó tawaalopa sae.

24 ðané no nepaae yaala sókó fole alaró wisi alatamo fakeyópóló, ketekę u bulótu i bulótu dere alatamo netéro yaaloé yóló, tué teketu betae.

25 Mepaae so whi atima Keriso fake tóurótua dere tikipaae wale hótu dere kaae, ða momókó yaose. Téni, Talené ða ðape saaire be ðe felekemó walapa, betere dokę ama ala erateretei taaréni, ketekę u bulótu i bulótu dere ala mo ti fakeróló deté fu bitiepe.

26 I bete mole mo fo ðané wosóló tuérutei dowaae fóló, dowi alatamo hãle yó tapa, ti ai ala kemerópóló Talepaae melaire ąla me kae munipó.

27 Kótótamo atéro bóe duraalu, du betere dowi ala hãle yó tapa, Talené fo tokótamo yóló só deraaitere alaró ai whirape dalaaire sitamo kolóló, mo wió yae.

28 Take mepaae whiné Moses-né aseýóló muló betere fo tukóló yale ala, tamo ó sore whiné kolóló mopó ðepa, ti ai whi kęletere ala ini, mo ti sinópóló dua ipakalepó.

29 Mepaae so whi dené Kótóné naalema belei ąla kaae aqróló teiya teiya yóo, Talené ama fo dirirale sameané fokóló kae betero betepatei, ai samea hãle ąla kaae aqróo, Talené ai whi hãle hamokoróló tao supatei, ai ala erótu betere Kepe Wisi faleýóo ðepa, ti atétere whi ą kwia saaireitei hásókó faalopóló ðe? Ti folosóro Moses-né yale fo tikitepa, dowi kwia mo salepó. Atéyaleitei, mió ai alarape dere whiné saaire kwiata, folosóro sale kwia bosenóló mo doasi saalopó.

³⁰ Ti noatepae,

“Kwia tokó matere ala hasókó feni, mo yałotei yaalopó,” yale sekéta, dané kisiparapó.

Me fo i ape.

“Talené so whinė du betere ala mo amatóro taleyaalopó,” erapó.

³¹ Mo ti betere Kótóné naase tuapaae foleteita, wi alapa mo wió yae.

³² Diąta, mo take bitiré wale sukamó, Kótóné fo woseté waleteiné dią tuamó deýó falapó. Atéremó, diąpaae kae kae sekei ala wapatei, dią wiyóló botokó feni, mo diriyóló betale ala kisipa muae.

³³ Ai maaté mei, me sukamó dią so whi feané keletómó sóró daalóló, susupui alaró haleratere alatamo eróo, me sukamó dią sere seke kaae, diaaą no nerapepaaekélé eratepa, diąkélé atimatamo betamó titiyóló daalu beleyóo, dua yalepó.

³⁴ Atére kaae, atimané diaaą ne norape *dipula* beteratepa, kőle duraalu, atima tao sua yalepó. Atimané diaaą mole ąlakélé fasó supa, mo ti muó tawaaire ąla wisi-naale saai dapóló haıturaalu, atima sópóló taalatua yalepó.

³⁵ Térapa, ai ala deté furaalu, diaaą kisipa tiki tiró betereitei hałe ąla kaae taae faréni, mo hotowaró tao tawae. Atétepa, ti mo dupu wisinaale saalo ai ape.

³⁶ Kótóné ama kisipa mole alatamo eratepa, ti ama

diąmó melaai dapóló bopere ąla saasepólópa, diąné kisipa tiki tiróló, diaaą du betere alatóro hałe yó tanérapó.

³⁷ Ti noatepae, Talené i fo erapó.

“Mo hałeke sukamó waalopó ere seke ą waaitere be de ąliki faréni, ai be demótóro mo waalopó.

³⁸ Téyaalotei, yało donoi alatóro erótu betere whita, ti kisipa tiki tiratere alanétóro betaalopó.

Ama kisipa tiró betere ala momó wotaąle depa, ti ai whıtamo yało kisipa felé yaalo meipó,” erapó.

³⁹ Tépatei, da ate kaae wotaąle yóló aluyaaire so whıtamo touyóló bitini, ąpaae kisipa tiki tiró betepa, da aluyaąsóró Kótóné tao serapó.

11

Kisipa tiratere alané mo betenérápó

¹ Tué tiki tiróló betere so whinė nalopaae yaaire wisi ala mió kilinitei, take mo ke-laalopóló diriyóló kisiparu-raalu, haıtu beterapó.

² Mo take betale so whinė ate ala deremó, Kótóné mo wisirapóló atima dukiró beterapó.

³ Kótóné i ala yó fae depa, ere ąla ó betere ąla ąlakélé fea motóro yó fipakalepó. Ti mió kelené keletere ąla ąla feata, kelere ąla sóró aleni, ama fotokó bole fonétóro kaaró beterapóló,

dà Talepaae tué tiki tiró betereiteiné mo diriyólo kisiparapó.

4 Ebel à tué tiki tiró bitu-raalu, Talepaae mo wisiyólo hãle maletéiné noma Keiné male ɔla teterélipakalepó. Ti Ebel à kisipa tiki tiró bitu matere ɔla Talené kilitu, wisirapólo à dukirólo mo donoi whípó erapó. Ebel àta, take sukupatei, Talepaae ama kisipa tirale ala ašemó mulu, dápaae hãle du betere-apó.

5 Inoke Talepaae kisipa tiki tirale betené à sukuni, itéro mo betepatei, Talené hepen-paae dapesó horapó. Mepaae whirapené à kekalemó, Kótóné dapesó feleteiné mo koló fenipó. Kótóné buk-mó duraalu, Inoke à hepen-paae faai i haemó hãle bitu, Kótóné ama kisipa mole ala erótu betepa, à mo hëkesené sinipakalepó.

6 Mepaae kisipa tirénire so whiné Kótó à hëkese yaaire ala mo eranénipó. Ti noatepae, mepaae so whi de Kótó beterepaae wapa, ti à mo beterepólo kisipa tiróo, Kótó à i betere ape yólo yó melaalopólo ketekëtamo kekitu betere so whi kilitu, Kótó à mo hëkeserapó.

7 Talené Noapaae take naao kilini yale ala nalopaae mo eraalopó yale fo Noané mopólo kisipa tiralepó. Atéru, à tuámó Kótópaae mo kae wi yólo, ama naaleraperó atimané sorapetamo yóo, ama soma atimaamo yóo

yólo betà aluyaosóro, tué tiki tiró bitu nuku alipakalepó. Atéyaleiteiné ai alimó betale so whiné dowaae fóló du betale ala mo só deralepó. À atéro tué tiki tiratere ala Kótóné kilitu, mo donoi whípó yaaire doi melalepó.

8 Talené nalopaae Abraham à melaaire hae kwia-paae fópólo, doteyaaia apaae ape yalepó. Ai fo depa, à faaire tiki kisipa inirutei, tué tiki tiró betere alané Kótóné dere fo mo betà wosólo felepó.

9 Kótóné Abraham apaae yale fo mo eraalopólo tué tiki tirólo, à melaalopó ere hae tikimóteia uké whi kaae bitu, kuti be torokólo tété kutu betalepó. Ama naale Aisak-kélé, Jekop-kélé, ama ere fo dokonóturaalu, ai hae tiki saaire whirapetei, Abraham à yale kaaetóro deté kutu betalepó.

10 Abraham-ta, à betere haemó kisipa muni, take nalopaae dirii ɔla sóro tene mo ti bemó betaalopólo kisipa mutu, kaae tawólo bitipakalepó. Ai be teyaaia dale sóo, be teyóo yale sekéta, Kótó átórotipó.

11 Abraham à mo ti otere yóo, soma Serakélé hãle ni daayólo sere yóo epatei, tué tiki tiró betere ala Talené kilitu, naale deyaaire fotokó bulalepó. Ti ai ala eraalopó yólo mulale sekéné fo mopólo kisipa tiki tiraleiteiné yalepó.

12 Ai betà whíteia à otereyólo mo felekemó sinaai du bitutei, ama deale naalené

kaaróló, naale senaale mo hãle ɔla kaae deté felepó. Ai naale senaaleta, sãmó daale hõreró wëi atikãtamo kaae ereteiné dosãayaaire mo sunipó.

13 I dosãayale whĩrape atima fea kisipa tiki tiratere ala hãle deté fu betepatei, sukutua yalepó. Ti atima hãle betale alimó kale melaalopóló muló betere ɔla atimané sinitei, mo umó teó wou betepa, tuéné maaté kolóló mo kée deté fu betalepó. Atétu, atimané duraalu, “Dãta haemó betepatei, i hae tale mei, uké whĩ kaae i betere ape,” du betalepó.

14 Atei kaae fo dere whĩrape atima mo ti betaaire hae tiki kekitu beteraféló hãkearóló yó matapó.

15 Ti atimané atei kaae dere fotamo, take taaróló wale hae tikimó uasóró, ti atima turuku bepóló kisipa mutu, momó fesaee fole ala uapó.

16 Aténi, mo ti betaaire hae wisipaae fenée kisipa mutu beterepó. Ai hae tikita, me kaae mei, mo hepen betórótípó. Atéreteiné atima Kótópaae duraalu, yãta dã tẽtéróló kaae tare Talepó depa, ai fo wosetu Kótó ɔ haleni, mo dono dapó kisipa mutapó. Ti noatepaae, ai be huluata atima mo wisiyóló beteraféló, ama taketi donoróló muló beteraféló.

17 Abraham-né kisipa tiki tiró betere ala Kótóné kãee kolóló, sũ sale sukamó, Abraham ɔ kisipa tiró bitu,

ama naalema Aisak dóló simó sukũlaa dalóló Talepaae hãle melaai yalepó. Kótóné ɔpaae wisi ala eraalopó yale fo tuẽrutei, ama mo betã betere naale daai yalepó.

18 Take Kótóné ɔpaae duraalu,

“Naao naale Aisak-né detere naalené naao doi muaaire fake firaalopó,” erapó.

19 Ti Abraham-né ama ai ala yaleteita, mo ti sukutere whĩ Kótóné ama sãmó kepaaraalopóló kisipa mutu yalepó. Até yaletei, ama naalema Aisak ɔ sukóló momó kepaayale whĩ kaae ɔpã dape salepó.

20 Aisak ɔ Talepaae kisipa tiró bituraalu, ama naale Jekop-ró Isotamo nalopaae betaaire alamó kisipa mutu, foné atimaamo wisiralepó.

21 Atéyale kaaetóró, Jekop ɔ Talepaae tué tiki tiró bitu, ɔ felekemó sukãairaalu, ama dotó tiki tómó tiróló daalu, naalema Josep-né naale tamo foné wisiróló, Talepaae mo kée yóló momayalepó.

22 Josep kisipa tiróló bitu, ɔ sukãaire be de feleke depa, kale Israel fake so whĩ Isip hae kwia taaróló, torokó faalopóló kisipa mutu, atimapaee ama diri sóró fae yalepó.

23 Isip hae kwia tẽtéróló kaae tare topo whĩné Israel so whĩné naalerape dae yóló tukóló mulélipakalepó. Ai fo epatei, Moses-né hamaró alimatamo wini, Talepaae betã tué tiki tiró bitu, ai naale

wisinaale daqsóro, wélié sore tuámó ʔ hyó mulalepó.

²⁴ Moses doayóló Talepaae kisipa tiki tiró bitu, ʔ topo whi Fero senaalemané naalepó yaqse yóló fo mulalepó.

²⁵ Moses ʔ sawa sukamó maaté tó tikimó felétere dowi ala yaai kisipa muni, Kótóné so whipaae erótu betere sekéi ala ʔpaaekélé erópóló kisipa mutu, Talené so whitamotei toune felepó.

²⁶ Moses ʔ so whi teteróló kaae tare seké Kerisoné ala erótu betere, faleyóló haleratare ala kolósu, Isip haemó mole wisi wisi ʔla kolósu yalemó, Kerisotamo betere ala mo doasi ke boleiteiné take nalopaae Kótóné dupu wisi melaalopóló kisipa mutu, ʔ ai ala sya felepó.

²⁷ Moses ʔ Talepaae kisipa tiró bitu, kale Isip hae kwia teteróló kaae tare topo whi fopaae buóló, ʔpaae sekéi ala eraqsórópóló wini, Isip kwia taaróló felepó. Ti noatepae, aita kelené kelenire seké ama kelereteiné, ama yaai dere ala betʔ hʔle yó taruraalu yalepó.

²⁸ ʔ Talepaae kisipa tiró bitu, Kótóné doteyale whi dele *ensel*-né Israel fakené topo naalerape daqsóro, bosene fele be demó ʔla detere alaró wʔ *sipsip* hupu malené samea dilatere alatamo, Talené ʔpaae yae ala deté fu betalepó.

²⁹ Kótóné so whi Talepaae kisipa tiró bitu, sonaai wéi kʔla tuámó tukóló, mo ere

hae tiki kaaemó atima tʔyóló felepó. Tétepa, Isip fake atimakélé Israel fake yale kaae tʔyóló felemó, wéiné atimatei mo ti alurélipakalepó.

³⁰ Talepaae kisipa tiró bitu, Israel fake so whi wéikeró be demó, Jeriko be hulua bopére dopóku bolaa aqró bopé yóló kutu betalepó. Atéyalemó, kale doasi dopóku ama kʔleaanétei kolokóló derepelepó.

³¹ *Moni* saairaalu nópu nuku betale so Rahab ʔ Talepaae kisipa tiró bitu, kale bóe sʔ fele whirape ama bepaae wisiyóló dape salepó. Téyaleteiné Talené fo tukóló dowʔae fu betale so whi fea dóló kemeróturaalu, ʔ betʔ hʔsókó felepó.

³² Atimané ai yale alarapemó yʔlo kae me noa fo yaaloé? Kale doasi doi mole kisipa tirale whirape Kideon, Barak, Samson, Jepta, Depit, Samuel, mepaae Kótóné kʔló whirapené yale alakélé fea diʔpaae dekéro uʔtei, yaaitere be dʔ dekéro munipa taalatapó.

³³ Ai whirape atima Talepaae kisipa tiró bitu, mepaae teteróló kaae tare topo whirapetamo bóe dóló atima teteróo, so whi mo wisiyóló kaae taru donoi ala eróo, Talené atimapaae melaalopó yale ʔla mo sóo yalepó. Atéro Talepaae kisipa tiró bituraalu, whi dó nokole haʔ *layon*-rape kʔlumu faaralepó.

³⁴ Whi dokole doasi simi su-rukó fóo, whi dele fosói sepa-kekélé hasókó fóo, dua erapó. Atima mo whi bépatei, Kótóné doasi fotokọ bulalepó. Tétu, atima bóe duraalu doasi fotokóné kae kae hae kwiamó wale bóe whirape dóló mo ti kemeratepa, mepaae hasókó fele whirape ti botokó dapo yalepó.

³⁵ Mepaae sorape atimané naale senaale ó omarape sukáletei, momó kepaaratepa atimatamo betámó bitua yalepó. Mepaae so whi atima kisipa tiró betepa, mené doasi susupui ala eróturaalu, diá teraayóló faraalopa, Talepaae dowi teka fo yae yóló sɛtua yalepó. Ai ala depatei, atima sukutepa, momó kepaayóló Taletamo wisiyóló betaalopóló kisipa mutu, atei kaae fo yaalo meipó, dua ipakalepó.

³⁶ Mepaae so whi faleyóló fokosoi ala yóo, mepaae so whi ti dirii képiné dokóló *dipula* beteróo dua yalepó.

³⁷ Mepaae so whi kapo duné dóo, mepaae ti ni tikitere *saw* fosóné fosóné tuámó tekéetamo yóo, mepaae bóe dele sepakené dóo, dua ipakalepó. Mepaae so whi hoko kuturaalu kutikélé nokole ọla ó bekélé meitepa, *sipsip* ó *meme* hupu sekaɛ bukutua yóo, Atima mo yoleale betepa, susupui alaró kae kae dowi alatamo eróo dua yalepó.

³⁸ Atima atei kaae seke su betale so whi kolósu, i

haemó betó mole mo so whi kolósu depa, seke sere so whiné atima mo belei aqróló teraae falapó. Seke sere so whi atima torokọ kuturaalu, kópu kaae fi tikimókélé, hasi fosómókélé, kapo dolomókélé, hae dolomókélé, hoko fité kutua ipakalepó.

³⁹ Ai dosayale so whi atimakó mo betá whinékélé Talené melaalopó yale ọla sini-patei, kisipa tiró betere ala kilitu, Talené mo wisirapóló atima dukiralepó.

⁴⁰ Atimapaae erale alaró dapaae eratere alatamo, touróló eraté fóló mo ti kemerópóló, Kótóné atimapaae erale ala bosenóló, dapaae eraaire ala wisinaale ama tukóló mulalepó.

12

Kótóné ama naale senaale kópaae fupa, donoróló deké sua dapó

¹ Térapa, Kótóné doasi alarape eratepa kelalepóló u bope deté wale so whiné da bopéro beterapó. Atérapa, Talené atima tao sóro erale alamó kisipa tiratere kilitu, da sururu yóló furaalu, mepaae bi pire ọla ọla taae falóo, da hapale dée nópóló ekeleperatere dowi ala taalóo, yaalopó. Tétu, Talené muló betere dalemó sókó faairaalu, naase haje sururu yóló fótóro tawiépe.

² Atéro furaalu, kisipa tiratere alakélé amatóro kaaróló, mo ti kemeratere alakélé Yesunétóro dua dapó. Térapa, dané kelené ai seké

atóró kikéyóló kaae tawiépe. Ti take nalopaae haṭtere ala mo eratepa kelaalopóló kisipa mutu, ai seké a filipaa ni tómó doasi sekéi ala sóo, halei ala eratepakélé me ọla meipóló haḷe siré fọo yalepó. Atéyale kilipaae a hepen-paae fóló, Kótóné fea ala tẹteróló kaae tare tikimó, ama turu naase demó betalepó.

³ Ti take dowi ala dere whirapené Yesutamo bóe duraalu, sekéi ala apaae eratepatei, haḷe beleté fu betalepó. Atérapa, diapaaekélé sekéi ala eratepa, diā fomoyóló haepaae derepaosóró, ama ai ere alatoró kisipa muae.

⁴ Mepaae whirapené dowi ala fakerótu betepa, atei kaae dowi ala dorapóló diané sesé deremó, diā dóló samea sókó fatere ala ini, teópó.

⁵ Ti diāta, Talené ama naalepóló ketekẹ bulótu, ere fo diaaọ kisipa keteró beterapó. Ai fo i ape.

“Yalo naale-ó, Talené ya donoróturaalu dóló supuratepa, ai bete munire ala dere nisi yaḷse.

Aita, diaaọ du betere dowi alamó diā foné sirapa, sekẹ duraalu, hýyóló taalaḷse.

⁶ Ti noatepae, Talené ama hosaa mulu yaala sókó fu betere so whi donoróturaalu dóló supuróo,

ama naalepóló dape sere naalerape atimané haşókó fole alamó

kwia melóo, dua dapó,” erapó.

⁷ Diapaae sekéi ala erótu betepa, ti aita diā Talené ama naale donoróturaalu dere alapóló kisipa mutu, beleté fu betae. Ti mé naalekó donoi tųpaae fópóló, ama alimané foné sóró dele ala dumié?

⁸ Kótóné naale senaale fea haşókó fupa donoróturaalu, supuróló dua dapó. Diā haşókó folemó, Talené dóló supurénitepa, ti diā ama naale senaale bitini, họko naale senaale ai ape.

⁹ Ai fotamo olekeyóló me dere fo i ape. Da fea kọpaae fole sukamókélé, mo haḷe betere sukamókélé, sekéi ala beleyópóló fotokọ bulóturaalu, i haemó betere ayarapené da donoróló supurótua deretei kisipa muae. Atétere alata, atimané mo dono dapóló kisipa mualepó. Ai ala mo ti bosenóló, dané kepe tẹteróló kaae tare Ayané da donoróturaalu dóló supuratepa, ti ama erópóló a aomó sukóló betenérápó.

¹⁰ I haemó betere dané mo ayarapené da tų wisi-paae fópóló kisipa mutu, donoróturaalu sawa sukamó maaté dóló supurótua dapó. Tépatei, da Kótóné ama kae ere wisi ala tuamó beterópóló kisipa mutu, da kọpaae fupa ama donorótu beterapó.

¹¹ Donoi tųpaae fópóló, supuratere sukamó felé dumi, supu dua dapó. Téyaalotei, ai alané donoróló

asa dere so wh̄ta, take nalopaae hosaa muni deyóló mo dua betere alaró, mo donoi alatamo atima tuamó epa kelaalopó.

12 Térapa, sekei alané dīa fótururóló Talené ala diaaḡ erótu beteretei haepaae derepaḡsóró, bére hó naase fotokḡ bulatere ala du betae.

13 Diaaḡ doalére hó mo ti doyaḡsóró, dīa kweyaaire tu mo wisiyóló aleyae.

Kótó h̄oróló sisópaae eraḡsóró hotowaró kaae tawae

14 So wh̄i featamo b́e dóló ḡle sere ala ini, Kótóné ama hosaa muni deyóló dua betere alaró ama kae ere alatamo, dīa tuapaae erópóló, ketekḡ butu betae. Ti Kótóné ama mo kae ere ala munire so wh̄ta, Tale mo kelaalomeipó.

15 Dīakó me wh̄i ama ḡkesere ala sya furaalu, Kótóné hamokoróló ḡle tao sere ala ḡsókó faḡsóró yae. Tétu, diaaḡ ne notamo mutere dowi haseḡai kisipa so wh̄i feapaae tokóló, me wh̄i doraḡsóró, mo hotowaró kaae tawae.

16 Dīakó mepaae so wh̄i nópu nokole ala ó Kótó faleyóló ḡko betale wh̄i Iso kaae betaḡse. Ti Iso ḡta, alimané mómu ḡla ḡla saaire topo naaletei, ḡ wotepa ai mómu ḡlané betḡ be demó naaire ḡla nomatamo dupuyalepó.

17 Atéyale ḡlipaae kale sekéné ama alimapaae ḡkélé wisiratere fo yae

yóló woletamo yaletei, alimané ama dere fo mo wosenipó. Atétepa, ḡ woletamo yalemókélé, ama tué tiki feteyaaire suni, mo hapólu yalepó.

18 Take Talené so wh̄i fea touyóló bitu, kelené kolóló olaa dere hasi fosó erepó. Ai hasi fosómó si d́o, be mo diliki yóo, doasi beséró hali tikitamo wóo, mepaae mo winé sini alakélé eróo, dua yalepó. Ti dīta, atére hasi fosópaae wénipó.

19 Ai hasi fosómóta, ukulumó wuti hale yóo, mené fo fakeyóló depa wosóo duraalu, atima atei kaae fo wosetere ḡrapa, me yaḡse du betalepó.

20 Ti noatepae, Talené atimapaae yóló mulóturaalu,

“Ai hasi daale felekepaae so wh̄i ó hupu, na ó kae kae ḡla fupa, ti kapo duné dóló sukunae,”
ere fo atima wosaletéiné faalo wiyalepó.

21 Moḡse-né ai hasi fosómó mo winé sini ala du betepa kolóló, i fo erapó.

“ḡ mo winé sukuturaalu diri furu furu dapó.”

22 Ti dīta, atéyale hasi fosómó wóló bitini, mió dīa betere hasiné doita, Saionpó. Ti dīa wóló ai betere tikita, hepen bemó Kótóné ama tetéróló kaae tare doasi Jerusalem be huluapó. Ti dīta, *ensel*-rape ni sóku kaae mo dekéró touró bitu, ḡkesetu betere tuamó wóló ai betere ape.

23 Aita, Talené ama topo naale senaalepóló sóró beteró betere so whị fea touró betere tikipó. Ti ai so whịné doita, hepen-mó aseýóló muló beterapó. Ti diąta, so whị feané dere ala taletere Kótó beterepaae wóló, ama take donoróló betterale so whịné keperape betere tikimó, ai betere ape.

24 Diąta, ama so whị tao saalopóló yóló mulale kisi fo dirirale tuą whị Yesu beterepaae walepó. Ti ai sekéné ama samea so whịné tikimó apuróturaalu yale foné Abel-né sameané doraé yale fo teteró beterapó.

25 Diąpaae ai fo du betere seké diąné sisópaae eraqsóró yae. Ti noatepae, Kótóné kutó dirale mo hae whịné so whịpaae duraalu, “Di-aaq hoko du betere ala taarénitepa, ti Kótóné kwia melaalopó,” dere fo woseni, sisópaae eraleteiné dowi kwia matere ala atimané mo salepó. Atérapa, hepen bemó betere sekéné dere fo sisópaae erateremó, atimapaae ai erale ala mo bosenóló, dąpaae melaaire dowi kwia netéro hasókó faaloé?

26 Take Talené ama fo yalemótei hae wore ipakalepó. Téyaletéi, mió ama i ala yaalopóló muló beterapó.

“Taketa, hae maaté yało woreraletéi, mió ti saró haetamo wusuró woreraalopó,” erapó.

27 Momó woreraalopó dere

fo bete i ape. Wore ini, dirire alaró ọla ọlatamo ti enópóló, Kótóné aleyóló muló betere ọla ọla whaaló yóló wore deretei, ti ama woreróló mo aluraalopó.

28-29 Kótóné ama teteróló kaae tare alata, mené wore worekéle mo eranénipó. Ti dąta, atére ala tuąpaae fóló betterapa, Talepaae mo kée yóló, dą witamo ą aomó sukóló bitu, hẹkese yaaire ala betą du betaalopa sae.

“Ti noatepae, dą teteróló kaae tare Kótó ąta, ọla ọla fea doló kemer- atere si sų beterapó,” erapó.

13

Mo kemeróturaalu keteke bulatere fo

¹ Mepaae no netamo yaala sókó fole ala hosaa mo turóné yó tawae.

² Uké wale whị diaaq bepaae wisiyóló dape sóró, ọla melóló firatere ala taaréni, mo yó tawae. Ti noatepae, take mepaae whịrape atima mo kọleaa whịné *ensel*-rapetei, mo whị nisiyóló dape sua erapó.

³ Mepaae no nerape *dipula* betepa, ti diąkéle atimatamo *dipula* betere aq yóló, atima kisipa hale yó tawae. Tétu, mepaae whịrapené naao no nepaae sekei ala eratepa, diąkéle ai seke sere aq yóló, atima kisipa hale yó tawae.

⁴ Soró whítamo dokotere alata, mo donoi alapa dią feané hale horótu betae. Whịró sotamo dokore ala

folokole yaqsóro, so wh̄i kae-tamo fiyóo, wh̄ikélé so kae-tamo fiyóo momókó yaqse. Ti noatepae, atei kaae nópu nokole alaró kae kae nópu nokole alatamo du betere so wh̄ita, Kótóné taleyóló dowi kwia melaalopó.

⁵ Diã betere tuãmó *moni* mo doasi bete mole ɔla nisiyóló diãné tué tiki turó ai ɔlapaae momókó mulaqse. Téni, meteró ɔla ɔla mupa, ti aitoró sypóló kisipa muae. Ti noatepae, Kótóné duraalu, “E diãtamo betereitei taaróló, metikpaae mo faalomeipó. Téturaalu, yało diã tao su betere alakélé hałe yótóro tawaalopó,” erapó.

⁶ Ai fo wosetu dã whaaliani, halaainé i fo dua dapó.

“Talené ama e tao sóro mo wisiyóló kaae tareteiné, mo wh̄iné dowi epaae noa kaae sekei ala eratepa e wiyaalomeipó.”

⁷ Take Talené alamó folosóro fóló, diãpaae Kótóné fo i ape yóló yó melale wh̄irape atima Talepaae kisipa tiró bitu du betere ala kãae kolóló, noa kaae du wisi olepa, ti ai ala diãnekélé sypóló yae.

⁸ Yesu Kerisoné ere alata, take bitiré walepaaekélé, mió i betere alimókélé, nalo betaaire alimókélé, mo beta kaae alatóro hałe yó tarapó.

⁹ Térapa, mió diaaq wosetu betere fo wisi taaróló, kópaae falaairaaalu, mepaae wh̄irapené kae fo yó matepa,

mo dere nisiyóló wosaqse. Kótóné keletómó wisirapó yópóló, apaae moma yóló nuku betere ɔlané atima fotokɔ bulóló wisiraaire fotokɔ bunipó. Tépatéi, dã fotokɔ buóló wisiyóló beterópóló, Talené hamokoróló tao sere ala dã tuãpaae eratepa, ai ke bole alané beta dã mo wisiranérapó.

¹⁰ I haemó mo so wh̄imó Talepaae momaratere wh̄irapené dané momatere kapo tómó bilitere ɔla naaire sunipó.

¹¹ Mo so wh̄imó Talepaae momaratere topo wh̄i *bulmakau* hupu samea sóro Kótópaae momaraai, mo kae tukóló muló betere be kepaae fóló, so wh̄iné dowi ala kemerópóló ai samea dilótua dapó. Tétua deretei, mo hupuné tikita, ti so wh̄i betere tiki taaróló, be bela demó sukulaa dalótua dapó.

¹² Atétere kaae, Yesuné ama sameanétóro so wh̄iné dowi ala kemeróló, mo kae so wh̄i beteróturaalu, a doasi sekei ala sóro doasi be hulua bo-laare dopóku aqmó sukalepó.

¹³ Térapa, ama tikimó sale halei ala dãpaaekélé erópóló, be taaróló a sukale tikipaae faalopa fiépe.

¹⁴ Ti noatepae, dã mo ti betaaire doasi be hulua mekó i haemó tenipó. Téretei, take dã mo ti betaaire doasi be hulua kelaai kisipa mutu, dã kaae tawóló i betere ape.

¹⁵ Térapa, Yesuné dã fotokɔ bulatepa, mo wisi ɔla Kótópaae mótu dere kaae,

Kótóné ama doi sóró horatere ala suka fea yó tawaalopa sae. Ti dā tēteróló kaae tare Kótó ą etei kaae Tale beterapóló, ama doi sóró horatere alata, kutómó ąla wisi su dere kaae erapó.

¹⁶ Mepaae ąla ąla yąyątere so whi tao sóró matere alaró eratere wisi alatamo kisipa keteréni, hąle yó tawae. Ti atei kaae alata, Talepaae hąle matere ąla wisi kaaepóló Kótó ą mo hękeserapó.

¹⁷ Dią Keriso so whi kaae tare whirapené dere fo wosóló, atimané tēteróló kaae tare aqmó betae. Take nalo Talené atimapaee so whi netéró kaae tawaleé? yóló wosetepa, atima etéró kaae tawalepóló tokó melaalopó. Atima kutó hękesetamo diyópóló atimané dere fo wosóló sya fae. Ai ala initepa, ti atimakélé kisipa sekętamo dituraalu, atimané ditere kutóné dią tao sere alakélé yaalomeipó.

¹⁸ Talené dą tao sópóló momarótu betae. Dąné du betere ala dąnétei taleyalemó, so whi dilikitere ala me bunipó. Dąné du betere ala fea so whinė taleyóló, mo dono ala dapó yópóló, i ditu betere ape.

¹⁹ Yąlo diąpaae i dere fota, ę diątamo betaai hapale wópóló, momarae yóló dapó.

²⁰ Kótóné so whi tao sóró mo ti muó tawaaire fo, Yesuné ama sameané diriróló mulalepó. Atéreteiné, bóe firóló mo dua betere ala kaarótu betere Kótóné, dą

tēteróló kaae tare whi Yesu ą momó kepaaró beterapó. Atéró kepaarale sekę ąta, Talené *sipsip* hupurape kaae tare doasi fotokọ bole topo whi beterapó.

²¹ Ai Kótóné ama kisipa mole ala diaaọ mo sumó erópóló, amatei wisi wisi alaró wisi tuętamo dią tuąpaae mo sųraalo ai ape. Atétu, Kótóné ą hękese yaaire ala Yesu Kerisoné dą tuąpaae erópóló yae. Ai sekéné doi doasi mulóló, hale sóró horatere ala hąle deté fu betae. Mo kée téyópóló yae.

²² No nerape-ó, yąlo hąlekeróló i dere aęęta, diaaọ wosóló kisipa yaaitere sų i dere ape. Térapa, Kótóné ala etéró erae yóló asemó ketekę bulóturaalu, i deté wou betere ma fo wosaalo hų yaąse.

²³ Dąné no Timoti *dipula* sókó wóló beterapóló, diąpaae i dere ape. Ą ę beterepaae hapale wapa, ti dąmo wusuró dią kęle waai kisipa mutapó.

²⁴ Dią tēteróló kaae tare whiraperó Kótóné mo kaae beteró betere so whi fea-mopaae yąlo kọleó dapó yae. Itali hąe kwiamó wale Keriso so whinėkélé diąpaae kọleó dapó.

²⁵ Talené ama hamokoróló tao sere ala dią fea tuąmó muó tanópóló yae.

Jems

1 I dere asęta, Kótóró Tale Yesu Kerisotamoné kutó diratere whi Jems-né dapó. Dią Kótóné ama 12 fake so whirapetei torokó faróló, kae kae tiki daae mole so whi kuamó betó mole no nerapepaae kőleó fo i dere ape.

Sekęi alané dané tuę tiki tiró betere ala kęae kolóló su sirapó

2 Yało hosaa mole no nerape-ó, mepaae kae kae sekęi alarape diąpaae wapa, ita ę kęae kelaai dapóló hajné sukutu betae.

3 Ti noatepae, ai wou betere sekęi alarapenéta, diaaq Kótópaae tuę tiki tiró betepa kęae kolóló su ai sere ape. Ai su sere alanéta, diaaq du betere wisi ala taaréni, yótóróti tawópóló fotokq bulótu betereitei, diąné ai tuęre ape.

4 Ti atétu betere alanétei, diaaq hosaa tuąmó wisi ala mulu, whi wisinaale beteraté fole ala tuąmó tikini, hałe deté fóló kemene fole kwiamó sókó fópóló yae. Téturaalu, me alakókélé yaąanı, mo turó su yaalo ai ape.

5 Diąkó mepaae so whi de-tamo Kótóné ala eraairaalu fosó fosói kisipa tiki wisi yaąatepa, ti mo turó mótu betere Kótópaae wosae. Atétepa, Kótóné wosóló taaréni, ą mo hamokore sekę

betereteiné dią feamó mo melaalo ai ape.

6 Téyaalotei, mepaae whinė Kótópaae woseturaalutamo ępaae i ala eraalopé neyaalorópó yóló kisipa tamo muni, mo ąpaaetóróti kisipa tiki tiró bitu wosae. Ti atei kaae kisipa tamo mutere so whița, beséné węi upaae só fua, ipaae só wuaterere kaaené kelerapó.

7 Atei kaae kisipa mutere whinė Talepaae kematere ęla mo betąkókélé saalo nisi yaąse.

8 Ti ai sekéné ama kisipa tamo moleteiné, ama dere alarape fea diriyóló bitu ini, hałe tómó dakeró bitu dua dapó.

9 ęla ęla meiyóló hałe yoleale betere Keriso nota, doasi doi mulapóló hajturaalu bopé faketu betae.

10 ąta atétu betaalotei, fea ęla ęla tare néli whița, doasi doi muni, sókó dei beterapóló bopé faketu betae. Ti noatepae, néli whinė ama dere alata, kale hałe yó mole ne fua hapale dulukó fu dere kaae yaalo ai ape.

11 Atétere kaae dirii suka duraalu, suka supuné ere ęla sóku botó yóló dulukó durupuraalu, ama ere au kelené kelaalo kokq yaletei dotua dapó. Atétere kaae, néli whinė ama du betere ala deté fu betepatei, alu deté fu betaalo ape.

12 Whi me de ąpaae doakale sekęi ala wapatei, haepaae derepéni, beléetóró tare whița, Kótóné wisiró

betereteiné hajné sukutu beterapó. Ti noatepae, ai sekei alané kaae kelaai sũ siré fu beteró kemene folepaaekélé haepaae derepéni, diriyóló daapa, ti atétere whi sururu yóló fu folosóró sókó fole whiné topo tao su dere kaae, mo ti betere bete saalo ai ape. Ti ai betere beteta, Kótóné ɛpaae yaala sókó fole so whimó melaalopóló, taketi ere ɔlapó.

13 Me dowi ala yópóló sũ seremó me whiné duraalu, ita ɛpaae Kótónétei eratapó fo ekese. Ti noatepae, Kótó ɛ dowi ala yópóló, me alané sũ seni yóo, amakélé me whi dowi ala yópóló sũ sóo, dumipó.

14 Tétumitei, hupu dópóló he tenóló ama ekɛleyóló nokole ɔla he dolomó mulótu dere kaae, ɔa so whi dokó feané hosaa tuamó mutere kisipanétei dowi ala yaai ekɛleyóló, au nuku beterapó.

15 Atéro au nóló kisipa sere alané sorape naale derótu dere kaae dowi ala kaaratapó. Atéro naale yóló ɔlumétepa ditu dere kaae, ti kale dowi ala foparóló haɛeamó depa kilitua dapó. Atéro kale naale doayóló mo doasi whi bitu dere kaaeta, dowi ala faketuraalu sukutere ala kaaratapó.

16 Yało hosaa mole ne norape-ó, mené kapala fonétei diɔ dilikaɔsóro yae.

17 ɔané Aya ɛ ó hepen bemó ere de wisinaale tuamó bituraalu, ɔa i haemó betere so whipaae wisi alaró wisi

ɔlatamo betere dokó fea mo turó mótua dapó. Ai sekéné ama dere alata, whi sukamó daatepa aso haɛketu, fɔlotu dere kaae dumipó. Betere dokó fea ama erótu betere alata, mo betɔ kaae alatóróti eró tarapó.

18 ɔané kale mo fo wisi woseté fu betereteiné, ama naale senaale beteraai dapóló, amatei ɔa sóro beteralepó. Taketi Talené ama kaaróló muló betere ɔla fea yó mupatei, ɔata folosóró doasi topo ɔla beterópólópó yóló kisipa mutu, deyóló beteralepó. Atéreteiné ɔata mo ama so whitóro beterapó.

Dere fo wosóló taaréni, sya fae

19 Yało hosaa mole no nerape-ó, i dere fo mo wisiyóló wosóló tuɛ muae. Diɔ feané kale fo wisi wosetu-raalu, deka ini, ketekɛ buóló mo wisiyóló wosae. Mepaae fo yaairaalu, hapale hoko ini, mo dua tuɛ tekeyóló yóo, me whiné ya fopaae buópóló sesemeratere fo depakélé, kisipa tekeyóló me ɔla meipóló mo dua betóo, yae.

20 Ti noatepae, mo whiné atéro fopaae butere alané Kótóné ama mo donoi naale senaale beteranée yóló mole kisipa eranénipó.

21 Térapa, Kótóné keletómó mo kelaalo sonaalei dowi alaró i hae kwiamó mole kae kae dowi alatamo momó kae ini, mo ti taaróló kisipa keterae. Atéturaalu Kótóné fota, ɔa aluyaɔsóro tao saaire

fopa, ɔla wae hae wisimó bitu dere kaae, naao tiki tuɔpaae derepópóló mo ketekɛ buóló sae.

²² Kale fo hɛle wosɛliné maaté wosóló taalatepa, ti naaotei kapala ɔa ai dilikitu betere ape. Ai ala ini, ama ɔpaae erae du betere fotóróti mo eró tawae.

²³ Mepaae whi dené Kótóné fo wosóta deretei, ama yae dere ala mopóló erénitepata, ti etei ala dere kaaepó. Whi betané ama kelepaa *klas*-mó fopeyóló, ɔ faaire tikipaae fulapó.

²⁴ Atéró furaalu, ama kelepaa etei daapa kelalepóló kisipa yó tani, mo hapale tėti keterótua dapó.

²⁵ Téretei, Kótóné ama tukóló muló betere fo dokonaletiné so whi dokóló moletei hɛle fópóló erótu beterapó. Mepaae whi dené ai fo wosóló kisipa keteréni kutirimó mulóló eraté fu betepa, ti até dere whiné ama du betere ala tuámó Kótóné ɔ wisiraalopó.

²⁶ Téretei, mepaae whi denétamo ɔ Kótóné ala erótu betere whípó du bitutei, ama dere fo fea wisiyóló tué tekeyóló ini, dowi fotamo dekaaporóló du betepa, ti ama ai dere fonétei ɔ dilikóló, Kótóné ala erótu betereiteikélé mo hɛle ɔla kaae aleratapó.

²⁷ Dáné Aya Kótóné keletómó so whiné Talené ala eróturaalu, kae kae alatamo hosekényi, mo donoi alata, i ape. Bokonaale naale senaaleró wulia sorapetamo

seke ɔaqsóró tao sóo, depa, ti Kótóné ama mo donorapóló kisipa muaalopó.

2

Doi mole whi wisiyóló dape suraalu, doi munire so whi sisópaae eraqse ere fo

¹ ɔalo no nerape-ó, da tɛteróló kaae tare Tale Yesu Kerisota, Kótóné ama kae ere de wisi naale ɔ tuámó faanapó. Atéró betepa da ɔpaae tué tiki tiróló betere so whiné, mepaae doasi doi mole whirape dape suraalu, mepaae sókótei betere so whirape wisiyóló dape sinitere ala ɔaqse.

²⁻⁴ Atéturaalu, diɔ betapaae touratere sukamó *kold kapané* aleyale bi naasemó bulóló kutikélé kelaalo kokɔi deróló wale whi wisiyóló dape sóró ni fake wisimó beteróo, dowi derɔakele kuti deróló wale yoleale whimo tumó daayae ó ɛ betere aɔ keya tómó hɔko betae yóo, dere-a diɔ Talere kaae kele fosóru, tale du bitute? Diaaɔ atétere alanétei dowi kisipa mutu me whi só deratere whi su ai betere ape.

⁵ ɔalo hosaa mole no nerape-ó, i dere fo mo wisiyóló wosae. I haemó betó mole so whirapené duraalu, ai whirapeta, me ɔlakélé meiyóló mo yoleale yóló beterapó dua dapó. Tépatei, ai whi kisipa tiki tiratere ala mo turó yópóló Kótóné amatei sorokó su yóló kae beteró beterapó. Atéru, Kótópaae yaala sókó

fu betere so wh̄rapené ti Kótóné t̄eteróló betere ala s̄ópólópó yóló muló betere fo dokonóturaalu, take atimané mo saalopó.

⁶ T̄épat̄ei, diaāq̄ yale alané atima yoleale yóló betere wh̄rape hale seróló só ai derale ape. Kale doasi *moni* tare néli wh̄rapené noa alamaaté dīapaae erótua déró, diaāq̄tei tūé tekeyae. Dīa dilikóló diaāq̄ tare ɔ̄la sua yóo, dīatamo fo tokótamo yóló só derótua yóo dere-a, némaaté dua de?

⁷ Ai wh̄rapeta, diaāq̄ tikimó muló betere Talené doi wisinaale dorótu betere ape.

⁸ D̄a t̄eteróló kaae tare Tale doasi wh̄iné ašemó yae yóló muló betere fo wisinaale i ape. Naaotei ȳa yaala sókó fu dere kaae, mepaae so wh̄ipaaekélé atéró yaala sókó fu betae. Atétu betepata, ti mo wisi ala ai du betere ape.

⁹ T̄étu bitutei, me wh̄imo wisiyóló dape sóró wisi ala eróo, me wh̄imo wisiyóló dape sini yóo depata, ti kale yóló muló betere fo tukóló dowi ala ai dere ape. Atéturaalu, ai kale yóló muló betere fonétei ȳa só deró beterapó.

¹⁰ Ti noatepae, Kótóné yae yóló muló betere fo fea mo wisiyóló sya fóló erótu bitutei, bet̄a alakó ḥasókó fóló depata, ti Kótóné yae yóló muló betere forape turó ai tikire ape.

¹¹ Ti noatepae, fo yóló mulóturaalu, so ɔ̄lémi nāq̄se

dere sek̄énétei wh̄i dāq̄se fokélé tukóló muló beterapó. Mepaae wh̄iné so ɔ̄lémi nokole ala ini, wh̄i dele alamaaté depa, ti ai wh̄ita kale yóló muló betere fo tikitu betere wh̄i ai betere ape.

¹² Mepaae wh̄iné tamo i yae yóló tukóló muló betere fo sya fóló erótu betepa, ti ai wh̄i me dowi alané só deréni, wisi kisipa bet̄a muóló ḥale f̄ópóló eraalo ai ape. Atéró ḥale f̄ópóló eratere alané take waaire sukamó doasiné yóló muló betere fo kolósu dané du betale alaró du betale fotamo kolósu yóló taleyaalopó. Téyaalopa, diaāq̄ dere foró du betere alatamo hotowayóló kaae taru, kisipa tekeyóló du betae.

¹³ Ti noa yāq̄sóró meipó. Mepaae wh̄iné me wh̄i ɔ̄letere alakélé ini, dupumaaté saalopó du betepa, take doa Talené taletere sukamó āpaae ɔ̄letere alakélé ini, ama yale dowi alamó kwia tokó mótu mo donotóro melaalo ai ape. Téyaalotei, mepaae wh̄i dené me wh̄i ɔ̄lené sukuturaalu me ɔ̄la meipóló taalatepata, ti ama yale dowi alamó dupu melaai yalet̄ei, t̄eteróló aluraalo ai ape.

Tūé tiki tiratere ala sya fóló mo erae

¹⁴ Ȳalo norape-ó, wh̄i bet̄ané duraalutamo āta Kótópaae tūé tiki tiró beterapó du bitutei, ama me wisi alakó initepa, ti ama ai du betere ala wisirapóló tūé

mute? Atei kaae tuę tiki tiratere alané ą aluyaqsóro sımó tao senénipó.

15-16 Motamo mepaae no ó nené ama deraaire kutiró naaire ọlatamo meipa kilirutei, diąkó betą whinė ąpaae duraalu, “Yą mo wisiyóló fóló ọla nóló, noke fitukélé wisiyóló fiyae,” fo dutei, ama yąyare ọlarape tao sóro menénitepata, ti naao ai dere ala fea wisirapóló kisipa mute?

17 Atérapa, naao mo dere alakélé tuę tiki tiratere alatamo sųrópóló dekaa-poróló ini, tuę tiki tiró betere alamaaté epa, ti ai tuę tiki tiró betere ala sukóló mo hąle ọla kaaené kelerapó.

18 Térapa, whị mené etei kaae fo yaalo ai ape. “Naao du yą Kótópaae tuę tiki tiró betera-pó fota ai dapa, yąlokélé wisi ala erótu betereitei kaae kelaai dąmo i ala yaalopó. Wisi ala mekókélé initei, naao tuę tiki tiró betere ala kelaalopa, ępaae yó ąlae. Yąlokélé Kótópaae tuę tiki tiratere ala naao kelaasepóló, wisi ala eróturaalu yąpaae yó melaalopó,” fo enérapó.

19 Mo betą Kótótóróti betera-póló, naao tuę tiki tiró betereitei, ti wisirapó. Kale dowi keperapenékélé Kótó mo betera-pó kisipa muturaalu, wiyóló diri furu furu ai du betere ape.

20 Kisipa tiki okoko yóló betere whịrape-ó, diaaq me wisi alakó initei alamaaté

epata, bete muni mo hąle ọla kaaené kelepa diriyóló tuę muópóló, yąlo me noa alakó yó melaaloé?

21 Dąné noutere Abraham-né yale ala tuę muae. Ama naale Aisak Talepaae hąle melaairaalu, Kótópaae hąle matere ọla sukųlaa dalaai aleyóló muló betere kane fake tó mó beleralepó. Atépa Kótóné kólóló, “Ata, mo donoi whịpó,” erapó.

22 Ti ama kisipa tiki tiróló betere alaró du betale alatamo touróturaalu yale ala kólóló kisipa muae. Ama yale alanéitei Kótópaae tuę tiki tirale ala mo turó eralepó.

23 Até yaleteita, ase-mó yóló muló betere fo mo dokonóturaalu erapó. Abraham-né Kótóné dere fo wosóló tuę tiki tiró betepa, Kótóné kolóló i whịta, mo donoi whịpó, fo yóló mulalepó. ą atéró betere ala kilituraalu, i whịta Kótóné mo ama hosaa mole fulumu whị ai betere ape dua yalepó.

24 Ti ai yale ala tuę muae. Kótóné mepaae whinė tuę tiki tiró betere alamaaté kolóló, i whịta mo donoyóló fole whịpó fo dumi, kale whinė dere alakélé kolóló i whịta, mo donoyóló fole whịpó du betera-pó.

25 Até yale kaae, kale nópu nuku betale so Rahab-né kale bóe są fele whịrape ama bepaae dape sóro firóló, ai kale be hulua whinė atima daqsóro kae turó fópóló dotęyale ala Kótóné kolóló i sota, mo donoyóló fole sopó

yóló mulalepó.

²⁶ Atérené sukune whị tuámó kepe bete bitinire kaae, Kótópaae kisipa tiki tiróló bitutei, wisi ala initepa, ti ai kale sukune whị aṛapó.

3

Hape mo hotowaró tẹteróló kaae tawae

¹ Yálo norape-ó, diákó me whị Kótóné fo yó matere ala wisiyóló kisipa inirutei, ɗa fea fo yó matere whípóló haḷe hoko yó mótu betaṛse. Ti noatepae, Talené fo yó matere whirape ɗata, mepaae fo haşókó fóló yó melótu beteremó, nalo ama taleturaalu mo doa kwia melaairetei diaaṛ ai kisipare ape.

² ɗa fea kae kae haşókó fole alané dée nalatua ɗapó. Me whinė ama dere forape haşókó fóló dée nanénitepa, ti a me alakélé ini, mo whị wisinaale bitu, ama betere bete turó amatei wisiyóló kaae tanérapó.

³ Atérruraalu, kale *hos* hupu ɗa whinė faai kisipa mutere tikipaae fópóló *hos* hupuné ama hape tẹteraaire dirii ɗa kólómó hamunótua ɗapó. Ai hamunale ɗanétéi, whinė kisipa mutere tikipaae fópóló, ama tiki turó donorótua ɗapó.

⁴ Meta i ape. Kale mo doakale wei keḷamó kotere doasi nuku tué muae. Ti ai nukuta doasi ɗa muó, ama fole alakélé besé tiki fotoknétei falóo depatei, kale nuku só kotere whinė ama

faai fole tikipaae fópóló, mo sawatamo néli fetetepa kutua ɗapó.

⁵ Atéru ere kaae, whinė tiki tuámó daale hapeta sawatamo ɗlatei, bopé fake duraalu ɗta doasi ɗlapó dua ɗapó. Mo sawatamo si kelenétei kaaróló doakale si fakeyóló dukuraalu, ɗa ɗa fea kuló dokoleteti tué muae.

⁶ Atétere kaae, ɗa whị tiki tuámó kae kae ɗlarape daaletei ɗané hape betata, mo si kaaetóróti dukuraalu, kae kae dowi ala kaarótu betere ɗlapó. Kale wuliné api fulukó furaalu, naaitere mi dorótu dere kaae, hapenétei ɗané tiki turó dorótua ɗapó. Kale sawa si kelenétei fakeyóló doasi si duku dere kaae, hapené whiné betere bete turó dorótu beterapó. Ai hapemó dokole si-a momó ɗeyaleé? Mo apaae derepale dolomó dó tare dowi simó ai ɗeyale ape.

⁷ Fea kae kae betó mole na, hupu, wuli, kou, ó ba, doa wei keḷa tuámó betó mole ɗlakélé feata, whiné whaayóló bérótua yóo, mió i alimókélé whaayóló béroo du beterapó.

⁸ Téteretei, hape betata whiné dere fo wosóló aomó beterópóló mené béranénipó. Ti hapeta, dowi ala yaai keteké bulu, whị dóló sukunaterere herei kaae buóló faanuraalu, ama yaaitere ala taaréni haḷe yótóro tarapó.

⁹ Ti ɗané kólómó sókó wale fonétei, ɗa tẹteróló kaae tare Taleró Alimatamoné doi hale sóró horótu bitutei, Kótóné

ama aso sūróló aleyale so wh̄kélé foné só deróló dorótu beterapó.

¹⁰ Bet̄a k̄ólómótei Talené doi sóró horatere fo yóo, wh̄ fale yóló doi doratere fo yóo, ai du betere ape. Ȳalo norapé-ó, aita mo enei ala meitei, diaaḡ ai du beterapa taalae.

¹¹ Bet̄a w̄ei ʔmalemótei, wisi w̄eiró dowi atuk̄u w̄eitamo wale?

¹² Ȳalo norape-ó, nose tikimó *Olip* du ó kae ni du oleyaaloé? *Wain* k̄épimó nose du oletua de? Meipó. Dowi atuk̄utamo wale w̄ei ʔmalemó wisi w̄ei sókó wómipó.

Haemó mole fosó fosói kisiparó Tale betemó wale fosó fosói kisipatamó

¹³ Dīakó mé wh̄i Kótóné bete mole fo mo wisiyóló tūé muluraalu, ama kisipa mole ala eraai fosó fosóere? Atéró mole kisipa wisi, so wh̄i feané kolópóló wisi alarape h̄akeamó erótu betae. Téturaalu, Kótóné tūé wisi tūamó kaaróló sókó wale mo dua hemée deyóló bitu du betere wisi alané ai fosó fosóere ala h̄akearatapó.

¹⁴ Tépatei, diaaḡ hosaa tūamó dei kisipa muóló alale suraalu, ʔkélé u wh̄i kaae doasi betaai dapó kisipa mutepa, ai wisi ala nisiyóló bopé fake yaḡse. Atétu betereiteiné kale mo bete mole fo kapala nisiyóló faletu beterapó.

¹⁵ Atei kaae fosó fosói kisipa mutereteita, ó hepen bemó kaayóló dorowómitei,

i haemó betere dowi keperapéné mulatere kisipa ai ape. Ti ai kisipata, Dēi Kepe Wisiné kaaréni, i haemó mo wh̄iné kaaratere kisipapó.

¹⁶ Ti noatepae, ʔtóró doasi topo wh̄i betaaitapóló, ama yaaitere alamaaté kisipa muóló alale su betere tūamó h̄ale h̄oko alarape duraalu, kae kae dowi alarape sókó wapa kelaalo ai ape.

¹⁷ Téretei, hepen bemó kaayóló dorowou betere fosó fosói kisipa tikiné dere alata etérópó. Me kisipatamo hosekényi mo bet̄a alatóróti yó tare alata, mo folosóro bete mole ala ai ape. Ai alané sisópaae fopaae fokélé ini, mo dua betere ala yóo, mepaae wh̄iné tūé tiki sek̄e yaḡsóro tūé tekeyóló dua du betere ala yóo, doasiné dere fo wosóló aḡmó sukóló dua betere ala yóo, k̄olené sukóló wisi alamaaté eratere ala yóo, mepaae doa doi mole wh̄irapepaae eratere ala kaae, h̄oko sókó dei betó mole so wh̄ipaaekélé bet̄a alatóróti eróo dere alata, me kapala fotamo dekaaporóló ini, mo fotóróti buluraalu dua dapó.

¹⁸ H̄ole sere ala taaróló, mo dua betaalopó yóló h̄ole filitere wh̄irapeta, hosaa muni deóló mo dua betere ala tūamó bitu, kutómó ʔla wae wisi bilitu dere kaae du beterapó. Atéró ʔla ʔlumétepa su dere kaae, so wh̄i feané me alakélé muni, mo donoi alatóró yaalo ai ape.

4

Kótóné tẹteróló kaae tare aomó dua betae

1 Dià tuámó fopaae butu-raalu, hõle sere alaró huri dere alatamo-a, noa betené kaarótu betere? Aita hãle kaani, kae kae alakó enée yóló ekẹle du betere alanètei diaaọ tuẹ tiki tuámó bóe dolótu betepa, hõle sere alaró huri dere alatamo ai du betere ape.

2 Diaaọ mepaae ọlakó senée yóló kisipa mutu betepatei sini yóo, diãné au nóló whì du bitutei diaaọ kisipané senée dere ọla mo sini yóo, dià huri yóló fopaae buturaalu hõle su betóo, du beteraọpó. Diaaọ kisipa mutere ọla saaitapóló Kótópaae wosenitereteiné ai senée dere ọla sumipó.

3 Diaaọ Kótópaae me ọlakó ọlae yóló wosetu betepatei, ai ọla sumipó. Ti noatepae, diãné ekẹle yóló senée du betere ọla saairaalu ọpaae wosetu betepa ama matepa sórómo, diaaọ ekẹlere ala yaai mole kisipa ama kilitu mótumipó.

4 Dià i haemó kae kae du betere alatamo nópu nuku betere so whìrape-ó, i haemó du betere alatamo fulumu du betere betené Kótó hóróló bóe du betereitei diaaọ kisi-panié? Mepaae whì de i haemó mole alatamo fulumu kisipa mutupa, ti Kótóné bóe whì ai alée fole ape.

5 Kótóné ašemó yóló muló betere fo i ape. Dà tuámó betere Dẹi Kepe Wisiné dà

Kótóné ama dokore sopa, whì me kaetamo fulumu ini, ọtamotóró fulumu yóló beteraọpóló doasi ketekẹ butu beteraọpó, ere fo-a bete munipa hãle aseyaalé?

6 Téretei, Talené dà ama hãle hamokoróló tao su betere tómó beleróló miókélé hãle tao suatóró yó tarapó. Atétere betené i fo aseyaóló muló beteraọpó.

“Bopé fake du betere so whì atima yaai dere ala yaqsóró Kótóné sesé yóo, haemó sókó deyóló betere so whì ti ama hãle hamokoróló tao sóo, du beteraọpó,” erapó.

7 Kótóné ama diàpaae eraai kisipa mutere ala erópóló, ama tẹteróló betere aomó sukóló mo dua betae. Dowi ala yópóló dée nalatere topo daale kepené dià dée nópóló sọ sere ala ai du beteraọpó, sesétu betae. Atétepatá, ti dià taaróló ọ botokó faalo ai ape.

8 Atéró dià Kótó betere felekepaae biñ wapa, ti ọkélé dià betere felekepaae wóló betaalopó. Dià dowi ala du betere so whì-ó, diaaọ bólure naase wisiyóló fukutu betae. Tuẹ tiki dekaaporóló betó mole so whì-ó, diãné mutere dowi kisipa taaróló, wisi kisipa betà diaaọ hosaa tuámó muóló betó muae.

9 Atéró, diaaọ du betere dowi alamó kisipa mutu, dekené sukóló moló yóló wole du betae. Dià hẹkeseturaalu dọ nokole ala taaróló, fomaake kisipa

mutu dekené sukutu moló du betae.

¹⁰ Atéturaalu, Talené keletómó diaaḡtei mo dua sókó deyóló betepa, ti amatei diḡ sóró horaalo ai ape.

¹¹ Norape-ó diḡsisitei eraterere fo yaḡse. Whḡ me denétamo ama no só deraterere fo ó eraterere fo depata, ti Kótóné yae yóló tukóló muló betere fotei, faleturaalu taleyóló só deratapó. Ti diaaḡ atéro kale tukóló muló betere fo taletu betepata, ti atétere sukamó diḡ ai fo aḡmó sukóló bitini, ai fotei teteróló taleyóló só derótu beteraḡpó.

¹² I ala yae u ala yaḡse yóló tukóló muló betere fo bete Tale mo betatóróti bituraalu, so whḡ feané yale ala fea amatei taleyóló kwia melaalo ai ape. Ai sekéné amatei so whḡ aluyaḡsóró tao sere ala yóo, mo ti doraterere alakélé eróo enérapó. Téyaalopa, naao be whḡ so whḡ taleyóló só derótu betere fo-a, ya Tale kaae bituraalu du bitu de?

Bopéfaketuraalu, nalopaae i ala yaalopóló foné haḡe hḡko yaḡse

¹³ Térapa, i dere fo mo wisiyóló wosae. Diḡ mepaae whḡrapené etei kaae fo dua dapó. Mió ó dó ḡ me doasi be huluapaae fóló bituraalu, *moni* saai kae kae kutórape ditu betepa, ba fo betḡ kemeraalopó dua dapó.

¹⁴ Ti diaaḡ dó yaaire ala tuḡ inirutei du beteraḡpó. Diḡné betere beteta, noa ala kaaené kelere? Hḡka epo mupa suka sókó huturaalu,

epo hapale turukó falótu dere kaae, diḡné betere betekélé ai ala erapó.

¹⁵ Ti ai yaalopó dere fo taaróló, i fo depa wisirapó. Talené ama kisipa mole alapata, ti ḡ bitiré furaalu, ai ala mo yaalo ai ape.

¹⁶ Ti diaaḡ atei ala yaalopó du betere fota, diḡ bopé fake duraalu dapó. Atéro du betere fo feata, ti dowi alapó.

¹⁷ Térapa, mepaae whḡné eranére wisi ala mupatei erénitepa, ti aita dowi ala ai ape.

5

Néli whḡné mepaae yolealere whḡrape sekḡi ala eraḡse ere fo

¹ Atérapa, diḡ doasi wisi wisi ḡla tare néli so whḡrape-ó, diaaḡ i dere fo wosae. Diḡpaae waaire sekḡi alamó kisipa muturaalu, wole yóló moló du betae.

² Diḡné tare wisi wisi néli ḡlarape fea kḡlaa yóló, kuttikélé ero siné turukóló mo ti ai doró betere ape.

³ Diḡné tare, *kold kaparó silpa kapatamokélé* hoti dakóló ai do yale ape. Take taletere sukamó kale hotinétei diḡ só deróturaalu, diaaḡ tiki mi mo siné kaae dukulé fu betero kemeraalopó. Até yaaireteita, diaaḡ wisi wisi néli ḡlarape ukusituraalu, betḡpaae yóló muté hutu betaletinéḡpó. Atéyaaire be ḡ teóḡpatei, mió kaae sóró sekḡ ai su betere ape.

4 Diaaḡ kutórapemó yó mole ɔla ɔlumétepa siré kotere wh̄irapené saaire *moni* turó meni, mepaae kwia diaaḡ kemei dekée sale *moninétei* diḡ só deróturaalu, fo fake yóló ai du beterapa wosae! Ai kutómó ɔla siré kotere wh̄irape atimané dupu s̄unipóló dere fo Talené ama mo wosetu beterapó.

5 Diḡ i haemó bitiré wale sukamó wisi wisi ɔlarape diḡmaaté ekeleyóló nukulé ai fu betale ape. Até deté fu betaletiné, daaire hupu whaaturaalu, seraayópoló ɔla wisiyóló mótu dere kaae, diaaḡ du betale alanétei diaaḡ tiki ai botokorótu betale ape.

6 Atéturaalu, diḡ néli wh̄irapené me dowi ala inire wh̄irapetei, diaaḡ só deróló du betalepó. Diaaḡ atétepa, atima sesé yaairekélé mo s̄unipó.

Sek̄ei ala eratepa haepaae derepéni, h̄ale belée tawae

7 Yaḡo norape-ó, Tale waaire be de teópa, mo dua bitu kaae taté fu betae. Kutó ditere wh̄iné kutómó ɔla wae biliyóló sukaró halitamo wópóló kaae taruraalu, ama ke kutómó ɔla wisi saai kisipa mutu, kaae tawóló betere ala kisipa muae.

8 Atétu dere kaae, Tale mo felekemó waalopa, diḡkélé mo hotowayóló kaae taruraalu diriyóló betae.

9 Norape-ó, diaaḡ mepaaené dere fo wosetere h̄óturaalu, no hamoma dokó dokó yaḡse.

Diaaḡtamo ai ala depa, ti fo tokótamo yóló diḡkélé só deraalo ai ape. Atéro tale dere sek̄é, ti mo felekemó sókó waaí t̄u serekemó ai daale ape.

10 Norape-ó, take betale Kótóné k̄oló wh̄irapené Talené fo erótu betaremó doasi sek̄é wapa me ɔla meipóló beleté fu bitipakalepó. Atérapa mió diḡpaaekélé sek̄ei ala wapa, atimané yale ala kaaetóro sya fóló yae.

11 Take betale wh̄irapepaae sek̄ei ala wou betepa, faleyóló bitu Kótóné erae dere ala yó taté fu betale wh̄irape atimané yale ala kisipa mutu, da mió betere so wh̄iné atima doi hale sóro horóturaalu, Talené tao sóro wisiró betere wh̄irapepó du beterapó. Kale wh̄i Job-paae kae kae sek̄ei ala wapatei, faleyóló bitiré fóló nalo kemene folepaae Talené ḡpaae erale ala diaaḡ ai kisipa ere ape. Tale ḡta, k̄olené sukuturaalu, da so wh̄i tao sere ala mo turó ḡanapó.

12 Norape-ó, ó hepen bemó betere Talené doi yóló ó i haemó ere ala doi yóló ó mepaae ɔla ɔlarape doi yóló diḡné dere fo diriróturaalu malo momókó yaḡse. Diḡné motóro yaaitepata, ti épó, yaalopó fotóróti yae. Motamo meipótóro yae. Ténitamo, naao yale fo fotok̄oróturaalu, kae kae fotamo dekaaporóló depata, ti ai yale fomó Kótóné ya só deraalopó.

Tuę tiki tiróló dere moma

13 Diąkó mepaae whi detamo me sekęi alané só deraai depata, ti ai whinė Talepaae moma yópóló yae. Mepaae whi detamo hainė sukutu betepata, ti ai whinė Talené doi hale sóró horátere wole forape du beterópóló yae.

14 Diąkó mepaae whıtamo hepo daae mupa, ti amatei kale Keriso so whi tęteróló kaae tanópóló sóró beteró betere whırapepaae momarale wópóló yae. Atima wóló ą boperóló daalu, ama tikimó Talené doimó *wel* węi dilóló moma erópóló yae.

15 Ti atima Talepaae tuę tiki tiró bitu momatepa, ai whiné hepo mo wisi yaalopó. Atéturaalu Talené ą kepaaraalopó. Ai whınétamo me dowi alakó ipata, Talené ama yale dowi ala kwia me ęla meipóló hale kemeraalopó.

16 Atęrapa, diaaę hepo bete wisirópóló, diąné du betere dowi ala diąsisitei u yó mótu i yó mótu yóló, momatere alakélé u erąle i erąle du betae. Mo donoı alamaaté du betere whiné dere momata, fotokę boleteiné haşókó feni, dokonótu mo eraalo ai ape.

17 Ti Ilaija ąkélé da kaae mo whi bitutei, atima betere haepaae hali waşsóró ketekę buóló momatóró yó tawalepó. Atétu betaleteiné, ba fo sore kemeyóló doı ba fo tuamó halikélé ani, hale bitiré fipa kalepó.

18 Atéro bitiré fóló, momómo hali wópóló momayalemó, hepen bemó betere Kótóné hali momó anóló, atima betere haemó ere ęla ęla sokipakalepó.

19-20 Yąlo norape-ó, diąkó whi betą kale mo fo wisi taaróló kępaae fupa, mené ą momó dapesó wapa i dere fo kisipa muae.

Mepaae whiné atétere whıpaae no-ó, yąta kọ tųpaae ai fulapa, tų wisi i mole ape yóló yó matepata, ti atétere whiné ama noma dowi alané mo ti alutere tikipaae faşsóró tao sóo, mo dekeró yó tare dowi alakélé mo ti aluróo, yaalo ai ape.

1 Pita

¹ I dere așeta, Yesu Kerisoné dotęyale *apospel* whi Pitané dapó. I fota, Pontus, Kalesia, Kapadosia, Esia, Bitinia, i dosąayale hae kwiarapepaae dapo dapo yóló betó mole so whipaae dapó. Ti diąta, Kótóné ama sókó su yóló kae betero betereiné, i haemó uké wale so whi kaae ai betere ape.

² Atéru, Aya Kótóné dią kaaraai teópa, ama tuénétei mo ama so whitóro betero pólo sokósu erapó. Kótóné ama so whipólo atéro kae beterales alata, Deį Kepe Wisinétei eró betera pólo. Aita, noa ala yaai ini, Yesu Kerisoné ama dere fo wosóló sya fóo, dią Talené ama so whipólo dale mulótu, Yesuné samea apuróo yópoló erapó. Kótóné ama hamokoróló hále tao sere alaró hosaa muni deyóló mo dua betere alatamo, mo turó dią tuapaae eraté fu betero pólo yae.

Nalo mo ti betere bete saalopóló haitamo Kótóné doi sóro horótu betae

³ Dą tetérolo kaae tare whi Yesu Kerisoné Alima Kótóné doi doasi mulópoló, hale sóro horae. Ama dą doasi kóleyóló tao suraalu, kisi so whi deyóló beteralepó. Atétere alata, Kótóné Yesu Keriso kepaaróló beteraleteiné, take waaire alimó dapaakélé Talené mo ti beteraaire ala

wisi eraalopóló haitamo bitiré fu betero pólo erapó.

⁴ Atéro bitu, Kótóné dapaee eraaire wisi alaró melaaire ólatamo hepen bemó ama mo wisiyóló kaae tarapó. Ai wisi wisi ólata aluyóló doni, mo ti hále muó tawaalopó.

⁵ Take kemetere alimó dą aluyaósró, Kótóné mo ti betaaire ala hakearaai donoró betere be de teópatei apaae tuę tiki tiró betepa, me alané dą doraósró Kótóné ama fotokó wase kaae diru, sesétu betera pólo.

⁶ Mió i betere alimó, kae kae sekeį alané dią kaae kólóló sų seremó dekené sukutepatei, mió ai waaire wisi ala saai dapóló kisipa mutu, dią doasi haitu betera pólo.

⁷ Ti diapaae ai wale sekeį alané diaaó tuę tiki tiró betere ala mo erapó yópoló, kaae kolóló sų sirapó. Doasi *moni* sere óla *kold kapa* simó biliyóló mo óla alerótu dere kaae, sekeį alané diaaó kisipa tiki tiró betere ala kaae kolóló sų su betera pólo. Kisipa tiki tiratere ala kolósu, *kold kapa* kolósu depa, kisipa tiratere ala doasi bete moleteiné *kold kapata*, ti doyóló mo aluyaalopó. Yesu Keriso wouraalu hakearatere sukamó, atéro tuę tiki tiró betere so whi feané kilitu, ita Talené ama kae ere de wisinaaleró fotokótamo eratapóló doasi doi mulóló, hale sóro horaalo ai ape.

⁸ Take bitiré wou diaaó ą kelené kilinirutei, apaae

hosaa muóo, miókélé kelené kilinipatei, kisipa tiróo erapó. Atéru, Kótó tuamó bole haj wisinaale diã tuamó faanetei, ai bete etérapóló me whiné yó melaairetei mo sunipó.

⁹ Ti noatepae, tuę tiki tiraté fóló kemene furaalu, saaire kwia ti mió diaaę mo su beteraþó. Ti aita me kae mei, diã aluni tao sóró mo ti betaaire bete ai ape.

¹⁰⁻¹¹ Ai kale bopeyale tao sere alata, mo take Kótóné fo erale kóló whırapepaae kale Deı Kepe Wisiné Kerisopaae eraaire ala i ape yóló yó matepa, atimanémo mo so whıpaae deté wou bitipakaleþó. Ai fo dokonóturaalu, Kerisopaae sekęi ala mo eróo, ai kılipaae hepen bemó doasi doi mulatere alaró mepaae wisi alatamo aþaae eróo yaleteti, mepaae ala ti eraai teórapó. Ai ala eraai teópa, kale kóló whırapené me noa alatamo touróló eraalorópóló kaae tawóo, ai ala metéli eraaloé yóló kaae taru, bete kekitu betóo, ipakaleþó. Ai kale kóló whırapené bopeyale Kótóné hamokoróló tao sere ala mo dokonóturaalu, diãpaae eratepa diaaę mo su beteraþó.

¹² Talené ama kóló whırapepaae i fo haķearóló erapó. Diaaę ai ditu betere kutóta, diã maaté tao saai dumi, take nalo betaaire so whıkéle tao saaire kutó ai ditere ape yaleþó. Mió ai kale fo wisi yó matere whırape, ó hepen bemó betere sekéné

dotonale Deı Kepe Wisiné fotokoratepa, atimanémo diãpaae yó melaleþó. Ai fota me kae mei, take betale Kótóné kóló whırapené yó melale fotórótıþó. Ai ala bete *ensel*-rape atimakélé tuę inireteiné, atima kelenée du beteraþó.

Kótóné kele tómó mo kae so whı betae

¹³ Térapa, diaaętei diã teęteróló kaae taru, Talené ala eraaire tuę betã muóo, Yesu Keriso a haķeamó wouraaalu diã hamokoróló tao saaire alapaae betã hosaa muóo iru, siki siki yóló ama ala betã erótu betae.

¹⁴ Take diã mo fo bete tuęni hõko bitu, tó tikiné eķęle yóló du betale bete munire ala momó kae yaõse. Tėni, diã a beterepaae ape yale seké a mo kae biture kaae, diãkéle atéru, naale senaale hama alimané dere fo mo betã wosóló, aõmó betere kaae yae.

¹⁵ Tėtu, diãpaae ape yale Kótó aþa, me dowi alakélé muni mo kae biture kaae, diãkéle me dowi alatamo hosekėni mo kae bitu, ama ala wisi maaté erótu betae.

¹⁶ Ti noatepae, ašemó ere fo i ape.

“Ę me dowi alatamo hosekėni mo kae beteraþa, diãkéle ę ere kaae mo kae betae,” erapó.

¹⁷ Diaaę Aya-ó, da tao sae du betere seké aþa, so whı feané du betere ala taleturaalu, mepaae so whı wisiyóló kolóo, mepaae so whı wisiyóló kilini yóo, dere

Tale meipó. Aṭa mo feapaae betā kaae alatóro erótu betere Tale beterapa, diā i haemó uké wale so whī kaae bitu, a kolóló witamo ama ala betā erótu betae.

18-19 Ti noatepae, take diaaḡ ayarapené yó tawale mepaae bete munire alarape diaaḡ tokóló ḡoko deté faḡsóró, Kótóné diā dupuyóló tao salepó. Diā atéro dupuyaleteita, doyóló aluyaaire ḡla *silpa kapa ó kold kapané* dupuni, mo whīné *sipsip* hupu fopeyóló tikimó siri ó me ala inire hupu male Talepaae matere kaae, Keriso a sukuturaalu sókó fele mo doasi ke bole sameanétóro, diā aluyaḡsóró dupuyalepó.

20 Atei wisi ala Yesuné ama erópóló, haeró ere ḡlatamo kaaraai irutei, Kótóné a sókó sóro tukóló kaae beterélipakalepó. Téyaletei, mió i kemetere alimó ama diā tao saai doteyale whīpóló, so whī feané a kolópóló ḡakearó beterapó.

21 Kótóné Yesu Keriso kepaaróló hepen bemó, mo kae ere de wisinaale tuamó beteró beterapó. Yesu Kerisoné ama ai yale alané diā Kótópaae tué tiki tiró beterapó. Téru, take nalo Kótóné diāpaae eraaire wisi alaró kisipa tiki tiratere alatamo Kótó tuamó ai ere ape.

22 Diaaḡ mió Kótóné bete mole mo fo wosóló sya fo-leteimó, diāné dowi ala fea fokóló wisiró beterapa, diaaḡ no nepaae yaala sókó fole ala

diāné hosaa mo turóné du betae.

23 Ti noatepae, diā Kótóné ama naale senaale deyóló beteró beterapó. Atéreteita, ḡelaa yóló alutere kené deni, ḡelaa initere kené derapó. Ti ai keta me kae mei, betere bete mulu Kótóné mo ti muó tare fonétóro diā kisi so whī deyóló beteró beterapó.

24-25 Ti noatepae,

“So whī fea i haemó betere alata, ne sélitu dere kaae yóo,

atimané tikimó ere au wisinaalekélé haemó yó mole ne fua kaae yóo, erapó.

Nekélé hapale séli yóo, ne fuakélé hapale dulukó fóo deretei,

Talené ama fota, ti ḡale muótóro tarapó,” erapó.

Aita me kae mei, mepaae whīné diāpaae yó male fotóro ai ape.

2

1 Atérapa, Keriso so whī diāsisu me so whīpaae dei tué mutere alakélé, me whī dilikitere alakélé, wisire nisiyóló tó tikiné ḡale sikili dere alakélé, mepaae whīné dere wisi alamó dei tué mutere alakélé, me whī hamoma kae kae eratere fo yóló, só deratere alakélé, fea diā tuamó muaḡsóró yae.

2-3 Ti Yesu aṭa, etei kaae Tale wisi beterapóló diaaḡ ḡaae kolóló ai kisiparapa, diā mo teó deyóló betere naale senaale awā naai eḡele du dere kaae, Kótóné diā

aluyaqsóro tao sere ala wisi mo ti doa yópóló, Deji Kepe Wisiné matere ɔla betatóro ekele yóló nukulé fu betae.

Ata mo ti betere kane epa, data ama sókó sóró kae betero beterapó

⁴ Ti Yesu Kerisota, be hulua eleké dere kane fake kaae daalu, betere bete atóro ereteiné, diɔ ɔ beterepaae walapó. Mo so whinéta, ai kane fake hale ɔla kaae taae fatepa, Kótóné ama ti be tetere kane fake wisipóló, ɔ tokó sóró kae beteralépó.

⁵ Atérapa, whiné mo be tetu dere kaae, diɔ Kótóné ama ala eratere be daalópóló, diɔkéle ai kane fake kaae ereteiné, ɔ beterepaae wóló, ai ti betere kane fake tómó olekeyóló tetu beterapó. Aita, whiné kelené keletere be meitei, Kótóné mo kae tene momatere be daalu, diɔ fea ama kae betero betere momaratere faketóro aleró beterapó. Atéro, diɔ Yesu Kerisoné fotokɔratepa, so whiné mo ɔla Talepaae hale mótu dere kaae, Deji Kepe Wisiné da tuɔpaae eratepa, danémo Talené doi hale horóló, ama ala erótua dapó. Ai alarape Kótóné kilitu, mo wisirapóló ɔ doasi hekesetu beterapó.

⁶ Ti noatepae, ase tuamó Talené i fo dapó.

“E betere be hulua Saion-mó be tɔyaa i fótukuróló kane fake wisinaale yalotei fopeyóló sókó sóró i mulatapa kelaé.

Mepaae so whi detamo apaae tué tiki tiró

betepa, ti ai so whi hale dere alakélé mo yaalomeipó,” erapó.

⁷ Tué tiki tiró betere so whi diɔnéta, ai kane fake wisinaale mo doasi bete mulapó, dua dapó. Tépatéi, tué tiki tirénire so whimó kisipa mutu, i fo aserapó.

“Be tetere whirapéné do-rapóló hale ɔla kaae taae farale kane faketei, be tɔyaaire kane fake wisinaale alée felepó,” erapó.

⁸ Me fo i ape.

“Ai kane fakené whi kotóo sóró, dée nalóo, dua dapó,” erapó.

Atéro dée nokole alata, hale mei, Kótóné ama fo wisi wosóló sya feni dereteiné, atima dée nukua dapó. Aita, hale mei, Kótóné i ala yaalópóló, ere fo dokonóturaalu dapó.

⁹ Atima ai ala erapa, diɔ take diliki tuamó betereitei taaróló, mo kae ere de wisi-naale tuamó betaai ape yale sekéné doi hale horópóló, diɔ ama sókósu yóló kae betero beterapó. Téro, diɔ tetéroló kaae tare topo whi Yesuné tué mole ala eróturaalu, momaratere so whi betóo, ama kae betere tetéroló kaae tare ala tuamó so whi betóo, Kótóné mo ama so whitóro betóo, erapó.

¹⁰ Taketa, diɔ Kótóné so whi bitinitei, mió ama so whitóro betóo, take Kótóné diɔ kɔleyóló tao sinitéi, mió ama kɔleturaalu, tao sóo, erapó.

¹¹ Yalo mo hosaa mole no nerape-ó, diã i haemó uké wale so whi kaae betera, tó tikiné ekéleyóló du betere dowi ala yaqsóró, tika kae betae yóló, diãpaae mo dirii ma fo i dere ape. Ti ai dowi alanéta, diaaḡ tiki tuamó betere kepetei só deróló dorótu beteraḡ.

¹² Diã i haemó mo so whitamó hosekéyóló ai betera, mo wisi alatóró erótu betae. Mo ḡle betere so whiné diã dowi ala dapóló ai só derótu betere ape. Ai fo du betere so whi atima diãné dere wisi ala kilitu, kisipa feteyóló Talepaae wapa, Kótó ḡ beterepaae wale sukamó atétere so whinétei, ama doi doasi munaalo ai ape.

Doasi topo whiró tetéroló kaae whirapetamo aḡmó betae

¹³⁻¹⁴ Ti Tale ḡta, fea ala amatóró tetéroló betera, diã ama doi sóró horaai, i haemó mepaae kae kae ala tetéroló kaae tanópóló sóró betero betere whirape aḡmó betó muae. Téru, tetéroló kaae tare topo whi aḡmókélé betóo, ai sekéné dotonaterere mepaae ala tetéroló kaae tare whirape aḡmókélé betóo, yae. Ti ai whirapeta, dowi ala du betere so whimó dowi kwia melóo, wisi ala du betere so whi ti dukiróo yópóló, sóró betero beteraḡ.

¹⁵ Ti noatepae, Kótóné ama kisipanéta, diaaḡ du betere wisi alanétei, ai topo dore whirapené diã só deróturaalu

du betere ḡko forape alurópóló kisipa mutapó.

¹⁶ Ti diãta, dowi alané dokóló *dipula* kaae betero bitini, ḡle betere whi ai betera, atérotóro betae. Atéroló ḡle beteraḡóló kisipa mutu, diaaḡ me dowi ala yaai mole tuḡ tiki so whiné kelaqsóró, me alané diã tetéroló kaae tanipó dere foné husuraḡse. Aténi, Kótóné ama kutó diratere so whitóro betae.

¹⁷ So whi feapaae fo ó mepaae alarape erótu, atima mo whipóló kisipa muóló, mo donoi alatóró erótu betae. Atéturaalu, diã fea betḡ alatóró iru, kisipa tiki tiró betere hamomatamo hosaa mo turó mulu, yaala sókó fu betae. Kótó ḡta, doasi Tale betera, ḡ kilitu wiyóló betae. Téturaalu, kale tetéroló kaae tare topo whiné doikélé sóró horótu betae.

¹⁸ Wae sóró kutó diratere so whi-ó, diã tetéroló kaae tare whirapené dere fo wosóló, atima aḡmó betó muae. Naameyóló mo dua bitu, wisi ala dere whirape aḡmó maaté bitini, mepaae deteraa ere whirape aḡmókélé dua betae.

¹⁹ Ti noatepae, me whi dowi alakélé inipatei, mené ḡ fokusí ala depa, ai sekéi alané ḡ só deréni, Kótó mo beteraḡóló kisipa mutu, ḡle beletétóro fu betepa, ti wisi ala dapóló ai whi dukiranérapó.

²⁰ Tépatéi, me whi ama yale dowi alamó ḡ fokusí ala depakélé ḡle beleté

fu beteremó so whiné ą dukiranénipó. Diaoq wisi ala deremó mené diąpaae eraterere sekęi ala hałe beleté fu betepa, ti Kótóné keletómó mo wisi ala dapóló duki-ranérápó.

²¹ Dią Talené ą beterepaae ape yaleteita, ai ala yaasepóló yalepó. Ti noatepae, ama yale ala diąné kolóló sųróló yópóló kisipa mutu, dią tao suraalu Keriso ą doasi sekę salepó.

²² ąmó kisipa mutu i fo asęrapó.

“ąta, dowi ala mo betąkélé ini yóo,
so whi dilikóló kapala
fo sawakélé ini yóo,
yalepó,” erapó.

²³ Atimané ą só deróló mo dowi faleterere ala depatei, amamo atimapaae tokó matere ala mo inipó. ą doasi sekę suraalu, diaaq ępaae etei kaae ala eralemó, yalo diąpaae tokó mótu, i ala eraalopó fo inipó. Tokó matere ala taalaturaalu, mo donoyóló talere sekéné ą kaae tawópóló, ama betere bete Kótóné ama naase tuąmó mulalepó.

²⁴ ąané dowi ala yaai mutere kisipata, ti whi mo sukutu dere kaae sukó, Talené mo donoi ala yaairaalu, ti whi mo biture kaae betóo, yópóló, ąané dowi ala ama tikimó sóró, ą filipaa ni tómó sukąlepó. Téturaalu, ama tikimó kae kae susupu saleteiné, dowi alané dią sukunaai yale ala mo ti kerneró beterapó.

²⁵ Ti diąta, *sipsip* hupu fokó fu dere kaae, take dią kópaee feletei, mió dią momó ai hupu kaae tare whi ąomó betaai, fesaae walepó. Ai sekę ąta, diąné kepe betekélé tęteróló kaae tare whipó.

3

Dokore so whipaae dere mafo

¹⁻² Atére kaae, whiné dokore sorape diąkélé diaaq whirape ąomó betae. Ti noa ala yaai meipó. Dią dokore whirape mekó Talené fo wosóló tuę tiki tirénipa, diaaqtei i ala yae yóló sę yaqse. Tényi, diąné dere ala me alatamo hosekényi yóo, Tale mo beterapóló ą ąomó bitu, mo wisi ala maaté yóo dere kilituraalu, atima kọleanétei kisipa feteyóló Talepaae tuę tiki tiranérápó.

³ Mepaae so whiné, dią sorape diaaq tó tikimó ere au kilitu, mo kokęrapó yópóló tó tiki maaté aurótu betaqse. Kae kae ąlané diąné topo niki dokóo, *kold kapané* aleyale naase bi ó depa dere meleke ó oleraterere kao ó doasi *moniné* duputere kuti wisinaale horóo deretei, doasi bete mole nisyóló atei kaae ąla ąlané aurótu betaqse.

⁴ Tényi, dią kokę yópóló dere auta, ti mo hosaa tuąmó erópóló yae. Ti aita, naameyóló mo dua betere ala naao kepe tuąmó epa Kótóné kilituraalu, ita mo bete mole kokęi au erapóló kisipa mutapó. Ti atei kaae

kokçi auta, doyóló alu deté feni, mo ti yó tawaalopó.

⁵ Take mo kae betero betere sorapekélé nalo Kótóné atimapaee wisi ala eraalopóló kiswa mutu, atei kaae kokçi au dua ipakalepó.

⁶ Ti Serané oma Abraham-paae a teteróló kaae tare whi-ó yóló, oma aomó bitu yale kaae, mepaae mo kae betero betere sorapekélé, atimané whi aomó bitipakalepó. Sera a atéro oma aomó bitu yale kaae, di a wiyóló furu furu ini, wisi alatóró eraté fu betepa, ti Serané ama senaalerapetóró ai betere ape.

⁷ Di a so dokore whirape-ó, sorapepaae yale fo kaae, diapaakélé i dere ape. Di a diaa a sotamo betamó bitu, sota whitamó suni bérápóló kiswa mutu, tao sóró wisi ala maaté erótua yae. Ti noatepae, naao so diaamo wusuró Talené hamokoróló hale matere mo ti betere bete saaireteiné, diaamoné momatere ala me alané seséyaqsóró, ma fo i dere ape.

Mepaae sekei ala eratepa tokó meni, wisi ala beta erótu betae

⁸ Kemerótu dere ma fo me i ape. Me olamó arale sóró huri dere ala ini, di a fea mo beta tué muóló, dua betó muae. Atéru, me whi hamoma seke supa, ó dekené sukutepa, ti diaa a hosaamókélé suraalu, kóle yóló tao sae. Tétu, diatei deróló mo dua bitu, no netamo yaala sókó fu betae.

⁹ Menétamo diapaee dowi ala eratepa, diaa a mo atimapaee tokó mela a se. Ti noatepae, Talené ama wisir- atere ala diané sópóló kiswa mutu, a beterepaae ape yalepó. Atérapa, mené di a eratere fo depakélé tokó meni, Talepaae atimatei wisirae fotei yae.

¹⁰ Ti noatepae,

“Di a mepaae so whi de wisiyóló hese ketamo bitiré faai depa, ti ai so ó whi ama dere dowi foró kapala fotamo ini, kiswa tekeyóló mo hotowaró betenérápó.

¹¹ Téru, dowi ala yaaire tupaae feni, woleyóló wisi ala maaté du bitu, hosaa muni deyóló mo dua betae. Aita, mo doasi topo alapa, Talené di a tuapaee erópóló, keteké butu betae.

¹² Ti noatepae, donoi ala du betere so whita, Talené wisi kisipatamo kaae tawóo, atimané dere momakélé wosóo, dua dapó. Té patei, mepaae so whiné du betere dowi alamó Kótó a felé inipa, ama atima sisópaee erótua dapó,” erapó.

¹³ Diaa a wisi ala yaai keteké bupa, ti né di a do-raaloé?

¹⁴ Té patei, diaa a mo donoi ala deremóte, mené diapaee sekei ala eratepa, me ola meipó, Talené da wisiró

beterapó kisipa muae. Ti ašemó i fo erapó.

“Atima me sekei ala kolóló witeretei diané kilitu, ai alamó diá wiyaqse,” erapó.

¹⁵ Téni, diaaq hosaa tuámó Keriso aṭa, da ṭeteróló kaae tare Talepóló, diá a aomó sukóló betae. Atépa, mepaae whiné diappaee woseturaalu, take nalo wisi ala kelaalopóló suka fea haṭitu betere-a, noa betené de? depa, atimapaee tokó melaaire fo donoróló tawae. Atimané atéro wosetere fo tokó móturaalu, akélé Talené aleyóló betero beterapóló kisipa mutu, naameiné mo dua yae.

¹⁶ Ti noa yópóló meipó. Diá Keriso tuámó bitu, du betere wisi ala mepaae whiné kilitu, dei tué muóló diá só deraalotei, nalo atimané yale ala kisipa duraalu, hoko ala yalepóló atima haleyaalopó. Até yópóló diaaq hosaa tuámó me ala dekaaporóló muni, mo wisi tuétamo mo alatóróti erótu betae.

¹⁷ Diá dowi ala deremó seke supa, aita dukiraterere ala meipó. Kótóné ama kisipa mole ala wisi erateremó diappaee sekei ala eratepa, ti wisirapóló kisipa muae.

¹⁸ Ti noatepae, donoi ala initere so whiné dowi ala kwia tokóló aluraairaalu, kale donoi ala dere seke Keriso a mo beta félitóro sukaletei, momó kae sukçalomeipó. A atéro sukaleteita, diá dapesó fóló, Kótótamo betámó beteraai

yalepó. A sukópóló dele alata, ti mo hae whi tiki daayóló betepa daletei, momó kepaayóló beteraleteita, ti mo kepené dere ala tuámó kepaaralepó.

¹⁹ Akélé kepetóro bitu, kepené dere ala sya fóló, kale *dipula* betero betere keperapepaae fo yó melale felepó.

²⁰ Ti ai keperapeta, Noané nuku aleyale sukamó Kótóné fo tikitu betepa, ama atima hapale kwia matere ala ini, dua kaae taté fu bitipakalepó. Ai alimó betale so whi mo fea weiné aluróló, 8-ró so whi maaté haşókó fóló, weiné sóró kutu betepa atima aluyaşóro, Kótóné tao serapó.

²¹ Ti take Noa betale alimó, weiné so whi aluraleteita, da mió i alimó Yesu tuámó wei tóputere so whi aluyaşóro, Kótóné tao saaire alapaae dó faróló erapó. Ti wei tóputere alata, tó tikimó ere bólu fokaaí dumitei, dané hosaa tuámó mole tué tiki Kótóné ama keletómó mo wisirapó yópóló, dałe mulótu beterapó. Ti Yesu Keriso a kepaayóló betereiteiné diá aluyaşóro tao su beterapó.

²² Ai seke a hepen-paae fóló, Kótóné turu naase demó betepa, *ensel*-rapekélé, mepaae ala ṭeteróló kaae tare doasi doi mole keperapekélé, doasi fotokó bole keperapekélé fea a aomó sukóló betó mulapó.

4

Sekei ala wapakélé Talené ala betā hāle erótu betae

¹ Térapa, Keriso a mo hae whi tiki daayóló bitu, doasi sekei ala serapa, diākélé ama muale tué kaaetóro muóló siki siki yóló betae. Ti noatepae, mepaae whi sekei ala supa, ti ama du betale dowi ala momó kae enénipó.

² Ai sekei ala sale whi i haemó hāle bituraalu, tó tikiné ekēlere dowi ala yaai kisipa muni, Kótóné kisipa mole ala eraai bitiré faalopó.

³ Ti noatepae, diā take Kótóné fo woseni hāle betale sukamó, mo hāle betere so whi atima kisané yaaitere ala sya fóló du betale kaae diaaokélé du betalepó. Ti atei ala diaaḡ sumó yalepa, mió mo ti taalae. Ti hāle betere so whiné dere alarapeta, i ape. Hākeamó mo sonaalei nópu nokole alakélé, au nokole alakélé, wēi dekéro nóló dere dowi alakélé, touróló ḡla deteremó ḡlaró weitamó dekéro nokole alatamokélé, hāle hōko du betere kae kae dowi alakélé, kuturaalu hōko deté kotere dowi alakélé, bete muni sonaalei kapala kótópaae moma dere alakélé, fea deté fu beteraḡpó.

⁴ Atima betero betere sere ḡla ḡlatamo hāle hōko sonaalei ala du betereiteiné, hāle besekérotua dapó. Ai ala diānekélé tokóló initepa, atimané diā faleyóló kae kae eraterere forape mo dekéro du beteraḡpó.

⁵ Ti ai ala du betere so whi taleyaaire ala hāsókó feni, mió betere so whiró sukāle so whitamó taleyaai donoro betere sekéné taleturaalu, atimapaee diāné yale ala fea yae depa, me alakó hiraaire tu muni, mo fea hākeamó enérapó.

⁶ Atére betené, sukāle so whi atima sukāai hāle betepatei, mené kale fo wisi atimapaee yó malepó. Ti aita hāle mei, i haemó tó tikiné dere ala sya fóló, taletu betere so whi taleyóló só deróo, kepené dere ala tuamó betepa, Kótóné ama taletere ala atimapaee eraleteiné mo betóo yaalopó.

⁷ Mió i haemó mole alarape fea kemetere be de felekemó sókó waai dapó. Térapa, Talepaae momatere ala mo wisiyóló yaasepóló diaaḡ kisipa mo diriyóló bitu, tó tikiné yaaitere ala yaosóro mo hotowaró tetérolo kaae tawae.

⁸ Fea ala tetéro betere doasi topo ala i ape. Diaaḡ hosaa mo turóné diāsisu yaala sókó fu betae. Ti noatepae, yaala sókó fole alanéta, fea dowi ala munire aḡróló husiratapó.

⁹ Diaaḡ bepaae wale uké whirape dape suraalu me fo ini, mo wisi kisipatamo dape sae.

¹⁰ Diā feané kae kae wisi ala erópóló, Kótóné diā hāle matere ala wisi séle séle dokḡralepó. Atérapa, Kótóné yapaae noa alakó eró betepa, ti naaomo hāle hamokoróló matere ala taaréni, so whi mo

wisiyóló tao sóró erótua yae.

¹¹ Mepaae wh̄jínétamo, Kótóné fo yó mótu betepa, h̄le h̄ko fotamo touréni, Kótóné ama mo fotóró kutirimó mulóló, mo hotowaró yó mótu betae. Mepaae wh̄jínétamo Kótóné so wh̄j tao saai depa, ti Kótóné ą matere fotokóné tao sóró erótua enérápó. Ti aita, diaaą kae kae du betere ala fea mepaae so wh̄jné kilituraalu, ita Yesu Kerisoné yale alané erapóló Kótóné doi hale sóró horópóló dapó. Ti ąta, mo kae ere dę wisinaaleró doasi fotokótamo bole Talepa, ama doi hale horóló suka fea mo ti muó tanópóló yae. Mo kée. Téryópóló yae.

Kerisopaae erale sekęi ala kaae, ąpaaekélé eratepa kilita sókó faąse

¹² Ҳalo hósaa mole no nerape-ó, me wh̄jné diąpaae susupui ala eratepa, aita diąné tuę tiki tiró betteretei kaae kilitu dere alapa, kisi ala nisyóló dią kilita sókó faąse.

¹³ Téni, take Kerisopaae erale sekęi ala kaaetóró, mió diąpaaekélé ai eratapa, mo kée yóló hajné sukutu betae. Ti noa ala yaai mei, take nalo Keriso wale sukamó, ama kae ere dę wisinaale h̄akearatepa kilitu, mo kée yóló doasi hajné sukąalopóló kisipa mutu dapó.

¹⁴ Kerisoné doi diaaą tikimó dakeró bettereteiné, mené dią faleyóló eratere fo depa, Talené ą wisiró betterapóló kisipa muae. Ti noatepae, Kótóné mo kae ere

dę wisinaale fąane Kepe Wisi dią tuamó beteró betterapó.

¹⁵ Tépatei, diąkó me wh̄jínétamo wh̄j dóló suku-natere ala ó, ąlémi nokole ala ó, kaae tare wh̄jrapené fo tukóló kae kae dere dowi ala ó, mené dere ala fasóló deremó diąpaae sekęi ala eratepa, aita Keriso so wh̄jné dere ala meipóló haleturaalu wi yae.

¹⁶ Tépatei, Kerisoné ala erótu betteremó, mené diąpaae sekęi ala eratepa, hale yaąse. Téni, diaaą tikimó Kerisoné doi moleteiné dapa, Kótóné doi betą hale sóró horótu betae.

¹⁷ Ti noatepae, dą Kótóné ama naale senaale bitu du betere ala tale yaaire be dę kaae sere aąrapó. Ama taleyóló kwia matere ala kaae suraalu dąpaaepi eróló, nalo kemerótu ti Kótóné ama fo woseni, dowąae fóló tikitu betere so wh̄jpaae, mo doasi sekęi ala eraalo meipóló kisipa mute?

¹⁸ I fo erapó.

“Donoi so wh̄jtamó sekęi ala su betepa, Talené ama tao saaire ala hapólupa, ti Kótóné fo woseni, dowąae fóló dowi ala yó tare so wh̄j tao saaire ala mo doasi hapólunipóló kisipa mute?” erapó.

¹⁹ Térapa, Kótóné ama kisipa mole ala erateremó, sekęi ala su betere so wh̄j dią kaaróló betterale sekéné ama dią tao saalopóló kisipa mutu, ąpaae tuę tiróló wisi ala betą yó tanérápó.

5

*So whi kaae tare whi disir-
aperó teyó whirapetamopaae
dere fo*

¹ Diã tuamó betere so whi tetéróló kaae tare whi disirapepaae dirii ma fo i dapa wosae. Ekélé diã ere kaae, so whi tetéróló kaae tare whi disi bitu, Kerisopaae erale sekéi ala yalo kelené mo kelaletéi, so whipaae yó mótu beterapó. Atéru, Kótóné ama kae ere de wisinaale so whiné kolópóló hakearatere be demó, ekélé ai de wisinaale saaire whi bitu, diãpaae dere ma fo i dapa wosae.

² Kótóné ama so whi tetéróló kaae tawae yóló diã sóró ai beteró beterapa, ai so whi me ala yaqsóró mo hotowayóló kaae tawae. Me whiné diãpaae i ala yae yóló setere fo woseni, Kótóné ama kisipané diaaḡ yópólópó ere ala betã tué muóló, wisi kisipatamo erótu betae. Doasi *moni* saai dapóló ekele dere ala ini, so whi hale tao saaire ketekeḡ betã bulu du betae.

³ Talené diãpaae kaae tawae ere so whi kaae taru, diã doasi topo whi aḡyóló kaae tani, mepaae Keriso so whiné diaaḡ du betere wisi ala kolóló diã sya wópóló, wisi ala diaaḡpi kaae sóró yae.

⁴ Atéró betepa, Kótóné *sip-sip* hupu kaae tare topo whi ḡ sókó wouraalu, Kótóné ama kae ere de faane doi mole topo tao diãmó matepa saalo

ai ape. Ti ai kokḡi au wisi-naale ere topo tao dokélé ini, mo ti muó tawaalopó.

⁵ Diã teó whirape-ó, kale whi disirape Tale aḡmó sukóló biture kaae, diãkélé ai whi disi aḡmó betae. So whi diãsisi u tetérótu i tetérótu ini, naameyóló dua betere ala kuti kaae deróló betae. Ti noatepae, ašemó i fo erapó.

“Mepaae bopé faketerere so whiné yaaitere ala Kótóné ama sesé yóo, naameyóló dua betere so whi ti ama hamokoróló tao sóo, dua dapó,” erapó.

⁶ Térapa, Kótóné ama kisipa mole sukamó diã tao sóró dukirópóló, ama fokḡné tetéróló betere aḡmó naameyóló mo dua betae.

⁷ Diãta, Kótóné hosaa mole naale senaale betereteiné, ama diã mo wisiyóló kaae tarapa, diaaḡ enée yóló whaalia du betere sekéi ala fea ama wisi eraté fu beterópóló ḡpaae melae.

⁸ Diaaḡ tó tikiné du betere ala hotowaró tetéróló kaae taru, kele diriyóló betae. Kale whi dó nokole bete haḡ *laiyon*-né whi dóló naai keketé kutu dere kaae, diãné bóe whi Satan-né diã doraaire tu keketé kutu beterapó.

⁹ Ai sekéné ama kisipa mole ala diãpaae eraqsóró, wisiyóló kaae taru, Talepaae tué tiki tiró betere alané dirii tipi kaae yae. Ti noatepae, ai kaae sekéta, diãpaae maaté mei, i hae

kwia feamó betó mole diñé no nerapekélé betá kaae sekétóro su betterei diaao kisipa muae.

¹⁰ Ti diá Yesu Keriso tuámó betepa, Kótóné ama hamokoróló tao sere ala, mo dekeró erótu beterapó. Ai ala du betere Kótóné kae ere de wisinaale tuámó betaasepóló, diá ape yalepó. Sawa sukamó diá mepaae seke siré fu betepa, atéyale sekéné diá haepaae derepéni diriyóló beterópóló, amatóro diá fotokó bulóló, mo ti sұraalopó.

¹¹ Ti áta, mo doasi fotokó bole Tale beterapa, so whi feané a dukiratere ala hále yó tanópóló yae. Mo kée. Teyópóló yae.

Mo kemeróturaalu kqleó derefo

¹² Yalo kisané Sailas áta yalo mo no bitu, Talené ala eró tare whi wisipó. Atéru, ama e tao supa, yalo diápaae mo hálekeróló aseypalepó. Yalo ai yale asepta, Kótóné hamokoróló tao sere ala diñé tué yópóló yó melóo, Talené ala erópóló keteke bulóo yalepó. Teyalepa, Diá ama ai hamokoróló tao sere ala tuámó diriyóló betae.

¹³ Talené sókó su yóló diátamo betámó betero bettere no nerape atima Babilon be huluamó bitu, diápaae kqleó dapó. Yesuné yale ala tuámó yalo naale sutoró bettere whi Mark-nékélé diápaae kqleó dapó.

¹⁴ Diásisi yaala sókó furaalu, kqleó yóló aputu betae.

Talené hosaa muni deyóló dua bettere ala Keriso tuámó betó mole so whi diá fea tuámó mulópóló yae.

2 Pita

¹ I așeta, Yesu Kerisoné ama kutó dirópóló doteyale *apospel* whi Saimon Pitané dapó. Yesu Keriso ața mo Kótótóró bitu, ɖa aluyaqsóró tao su betere whipó. Téri, ama ere mo donoi ala sya furaalu, mo doasi ke bole betã kaae kisipa tiki tiratere ala ɖamókélé, ɖiamókélé matepa salepó.

² Kótóró ɖa teteróló kaae tare whi Yesutamo diriyóló kisipa dereteiné, atimaamoné erótu betere hamokoróló hãle tao sere alaró hosaa muni deyóló dua betere alatamo mo turó ɖia tuamó mulópóló yae.

Kótóné a beterepaae ape ere fo diriyóló kisipa muae

³ Kótó sya fóló ama ala eróturaalu, fea ala yaȳa yaqsóró ama doasi fotokõné ɖapaae mo sũró betera póló. Ti aita, ama kae ere ɖeró wisi alatamo faanu, ɖapaae ape yale seké a kisipa deté fole betené su betera póló.

⁴ Ai doasi fotokõi ala ɖapaae eróturaalu, etei kaae bete mole alarape ɖiapaaekélé eraalopóló muló betera póló. Ai eraalopóló ere fo wosóló, ɖané tué tiki tiratepa, ti Kótó a tuamó ere ala wisinaaletóró ɖapaae tokó melóo, i haemó betó mole so whirapené ekẽle yóló hõko du betere sonalei dowi ala ɖapaae tokó meni yóo, yaalopó.

⁵ Atéro doasi ala ere betené, diaaq tué tiki tiró betere ala tómó beleróló wisi ala mo ketekẽ buóló du betae. Ai wisi ala tómó, Talené ama bete mole fo diriyóló tué yae.

⁶ Ai ala tómó, tó tikiné ekẽlere ala yaqsóró teteróló kaae tawae. Ai ala tómó, sekẽi ala wapakélé hãle beletétóró fu betae. Ai ala tómó, Kótó tuamó ere ala wisi sũróló du betae.

⁷ Ai ala tómó, diaaq ne no kõtuturaalu, hosaa muóló betae. Ai ala tómó, mepaae so whi kolené sukóló hosaa mo turóné yaala sókó fu betae.

⁸ Ti ai alarape ɖia tuamó muluraalu fakeraté fu betepa, ti ɖa teteróló kaae tare whi Yesu Keriso tué deté faalopó. Atéruraalu, ɖia hãle bitini, Talené ala eraté fóló, ɖia tuamó mo du wisi woleyaalopó.

⁹ Tépatei, mepaae whi tuamó ai alarape munipa, ti mepaae bete mole ala ama diriyóló kilini, kele dilikirapó. Atéri, ama take yale dowi ala Talené fokóló kemeró betereitei kisipani, mo ti kisipa keteró betera póló.

¹⁰ Atérapa yaalo no nerape-ó, ɖiața Kótóné ama sókó su yóló a beterepaae ape yale so whitamo betámó biturapa, diaaqteitei hotowayóló kelae. Ti noatepae, diaaq ai alarapetamo deté fu betepa, ti ɖia dée nóló haepaae derepéni, mo diriyóló bitiré faalopó.

¹¹ Atéro bitiré furaalu, ɖa aluyaqsóró tao sale whi Yesu Kerisoné ama mo ti mole

ala teteróló kaae tare tuámó diá beterópóló, ama mo hëkesetamo wisiyóló dape saalopó.

Kótóné kóló whırapené asere fo

¹² Kale bete mole mo fo diñané wosóló diriyóló tué yóo, diãpaae yae yóló bope yale alarapekélé diaağ tué yóo epatei, kisipa keteni tué yó tanópóló diãpaae yaairetei ę hõni, hãle yó tawaalopó.

¹³ Ẹ sukãairaalu kapala asiri haemó i daale mo tikita, kuti be fisikaai kapala asiri tẽnure kaae, ę i haemó kapala beterapó. Ẹ sukãai hãle bitutei, yãlo i bope yale alarape diaağ kutiri tuámó hãle muó tanópóló momó du momó du deretei, mo dono dapóló kisipa mutapó.

¹⁴ Ti noatepae, da teteróló kaae tare whı Yesu Kerisoné ępaae ya betere kuti be mo felekemó fisikaai dapóló, hãkeamó yó maletei yãlo kisiparapó.

¹⁵ Yãlo mió i du betere forape ę sukıtikimó diñané kisipa keteni, tué yó tanópóló ę doasi ketekę buluraalu, aseró fotamo diãpaae i du betere ape.

¹⁶ Ti da teteróló kaae tare whı Yesu Keriso a doasi fotokõtamo waalopóló, ðané diãpaae yó melale fota ðané kekeme nóló hãle dolãa fo kaae inipó. Ama mo kae ere ala wisinaaletóro ðané kelené mo kelaletai diãpaae yalepó.

¹⁷ Ti Alima Kótóné ama mo kae ere ðe wisinaale tuámó naalema betepa kolóló, i fo yalepó. “Ata, yãlo hosaa mo turó mole naale ai ape. Ama du betere alamó ę mo doasi hëkesené sukutu beterapó,” erapó. Alimané ai fo yaletiné, a tuámó mo kae ere ðe hãkearóturaalu, a doasi doi mulatere ala yalepó.

¹⁸ Ai fota, ama kae ere hasi fosómó da Yesutamo bituraalu, hepen bemó Kótóné ai fo deretei mo ðanétóro wosalepó.

¹⁹ Ai hasi fosómó yale fo woseturaalu, take betale Kótóné kóló whırapené yale fo Yesu tuámó mo dokonatapóló ðané mo diriyóló kisiparapó. Diliki tuámó ðeró betere sa ðeyó taru ere kaae, diaağ kisipa ai kóló whırapené ere fopaaetóro muló bitu, diñané hosaa tuámó be ðeyó hotu dere kaae yóo, hıka ðeyó tare hõre kolóo yaaipatei, ti ai eró betere alapaaetóro kelené kikéyóló kaae tapa mo wisirapó.

²⁰ Ai deté wale forape tómó, me doasi bete mole dirii fokélé i dapa wosae. Kótóné ama kóló whırapené yale fo asę tuámó moletai, atima kisané kekeme nóló inipó.

²¹ Atimané yale fota, mo whıné kisipa sya furaalu kaaróló ini, Ẹi Kepe Wisiné kale kóló whırape fotokoratepa, so whıpaae Kótóné fo i ape yóló yó maaté kweyalepó.

2

Kemeratere be demó so whi dilikóló kópaae falatere whirape mo ti dowi kwia saalopó

¹ Téyaletei, atéyale alimó Kótóné fo yó matere kóló whirape nisi yópóló kapala fo yó matere kóló whirapekélé beterepó. Téyale kaae, mió diá tuámókélé atéro kapala fo yó matere whirape betaalopó. Ai whirapené Talené fo yó matere aqyóló, so whi dilikóló doraaire fotei yó melaalo ai ape. Téturaalu, atima dupu yale sekéné atima tetéroló kaae tapatei, atima Talené dupu yóló tetéroló kaae tanipó yaalo ai ape. Atétere betené atima kwia móturaalu, dóló aluraaire tų atimanétei aletu beterepó.

² Atimané ai du betere mo sonaalei ala diá mepaae so whiné sya fóló yaalo ai ape. Atéremó, mepaae belamá hāle betere so whiné mo bete mole fo sya fole ala faleyaalopó.

³ Atéro kapala fo yó mótu betere whirapené diaaq ọla ọla saairaalu, diá dilikóló kapala seraai fo atimanétei kekeme nóló yaalo ai ape. Atimané atei kaae yale dowi alamó, atima fea só deróló mo ti doraairaalu Tale ą noke fini, kwia melaai ama taketi taleyóló muló beterepó.

⁴ Ti noatepae, *ensel*-rapekélé dowi ala depa Kótóné kọle duraalu bokó sini, dowi kwia saaire dolopaae taae deralepó.

Aita hāle mei, Talené ama taleyaaire be de sókó waai teópa kaae taru, dowi diliki tuámó bitiré fu beterepóló, mo apaae derepale osono dolomó *dipula* betero beterepó.

⁵ Mo take betale so whirapekélé, Kótóné kọle duraalu dowi kwia matere ala bokó sóró taarenipó. Kótóné ama mo donoi ala i ape yóló yó mótu betale seké Noaró mepaae wẹikeró so whitamó betā Kótóné tao sipa kalepó. Téyaletei, ai so whiné Kótóné fo wosóló sya feni dowāae fu betepa, Kótóné mo doasi wẹi anóló so whi fea doróló alurélipakalepó.

⁶ Atéro bitiré fóló, nalo Kótóné Sodom be huluaró Komora be huluatamo siné doló kemeróló, kili alée faralepó. Kótóné ai ala eraleteita, nalo betaaire so whinékéle ama fo wosóló sya feni dowāae fu betepa, atei kaae kwia melaalopóló tué yópóló eralepó.

⁷ Téyaletei, Sodom be huluaró betó mole so whi Kótóné dóló aluróturaalu, Lot sinaqsóró ama tao salepó. Ti Lot ąta, mo donoi whi bitu, ątamo betó mole so whiné kae kae du betere sonaalei dowi alaró Talené fo woseni tikitu betere alatamo kilituraalu, ą hasekąa kisipa mutu felé yóló bitinipó.

⁸ Ti ątamo betó mole so whiné yaqse ere fo tukóló, dowi ala dó mió yóló hāle yó tapa kolóo, dowi fokélé wosóo du betaleteiné, mo donoi ala du betale whi Lot ą felé kisipa

muni, ama hosaa tuamó deletamo bitiré fu betalepó.

⁹ Até yale ala kilituraalu, dowi ala du betere so whị Kótóné kwia melóo, ama ala erótu betere so whị sekei alané só deraqsóro tao sóo, dere ala Tale ą mo asaru mo donotóro dua dapó. Atéro kwia matere ala taaréni, hąle yó taté fóló ama taletere be demó sókó faalopó.

¹⁰ Ti ama kwia matere alata, mepaae dowi ala yaai ekele du betere so whịró Talené ama tetérolo kaae tare aomó betere hýyóló dowaae fu betere so whítamo, ti Talené mo doasi hapólui ala erótu betaalopó. Ai ala du betere so whịrape mo ha-laainé atima bopé fakeyóló nene duraalu, Talené ama kaae ere de ąane *ensel-rape* faletu beteraopó.

¹¹ Tépatei, *ensel-rapené* bole fotokóné ai kapala fo yó mótu betere whịrapené bole fotokọ tetéro beteraopó. Atére *ensel-rape* Kótóné keletómó mo kaae ere de ąane sekęrape faleyóló só derótimipó.

¹² Ai kapala ala yó matere whịrapené mole tuę tikita, mo whinė mole tuę tiki kaae muni, mepaae betere ąla hupu ó haọ atima tuę muni hąle hoko betó mole kaae, ai whịrapekéle atérapó. Ti na huputa, whinė dóló nópóló Talené aleyóló betéro beteraopó. Ai whịrapené i kale sekęrapené bole doasi fotokọ bete tuę iniruraalu, atima Tale doka doka yóló eratere fo dua dapó. Whinė

hąle hoko betó mole ąla naró huputamo dóló nuku dere kaae, ai ala du betere whịrape Kótóné dóló aluraalopó.

¹³ Aita mepaae so whị dorale alamó, Kótóné atima kwia melaalopó. Atimané tó tikimó feléyaaire dowi ala ekeleyóló, be detamotei hąkeamó du beteraopó. Atéro du betere alané, diątamo touyóló bitu ąla deyóló nokole sukamó, diaaọ doiró du betere wisi alatamo folokoleróló dorótu beteraopó.

¹⁴ Ai so whịrape atima nópu naaire tuę muluraalu, me so ó whị kelené kolóló au nukua dapó. Atei kaae dowi ala ekeleyóló du betereitei mo kemekélé ini, hąle yó tarapó. Mepaae whị wisi ala yaaire tuę meiyóló, bére so whị dowi ala yópóló, atimané ąlisóro fua dapó. Mepaae so whị dilikóló wisi wisi ąla sua yaleteiné ai ala atima mo asarapó. Ai ala du betere whịrape ti Talené mo doróló mokoraairaaalu, tukóló muló beteraopó.

¹⁵ Ai whịrapeta, kale Beor naalema Balam dowi hoko ala duraalu doasi *moni* saai ekele du yale kaae, atimakélé donoi tu taaróló kọpaae felepó.

¹⁶ Ti Balam ą tu tuamó keyaa fole whị kaae fu betepa, ą faqsóro sesé duraaalu, ama *donki* hupunéitei mo whinė fo kaae yóló ą foné sipakalepó. Atéyaleteita, Balam-né ama yale dowi ala hąkearótu yalepó.

17 Ti ai whīrapené du betere alata, mo fole wēi dikītu dere kaae yóo, dirii suka dere alimó sako dilikitepa hali waai dapóló whīrape hēseke yóo du betepatei, besēné hali kaepaae sóró fu dere kaae atimané dere alakélé atérapó. Atétu betere whīrape atima diliki tuamó mo ti betó tanópóló, Talené tukóló muló beterapó.

18 Ai whīrape atima me bete munipatei, wisi ala dapóló atimatei doi sóró horóló, bopé faketu beterapó. Kapala ala tuamó betó mole so whītamo touyóló betaletai, mo dótítóró ai ala taaróló wale so whī tó tikiné ekēlere ala sya fóló dowi ala yópóló, ai whīrapené atima kapala dilikóló ālisó fulapó.

19 Ai whīrapené mo so whīpaae dāné dere fotamo diaaḡ wosóló sya fupa, ti diā mené kutó diratere so whī betaalo meipó du beterapó. Ai fo du betere whīrape atimatei, mo sonaalei dowi alané wae sóró kutó diratere whī beteró beterapó. Mepaae whītamo me alané ḡ tēteróló kaae taru ālisóró kutu betepa, ti ḡ ai alané wae kutó diratere whī ai betere ape.

20 Tēru, mepaae so whī i haemó mole mo sonaalei dowi alané dokóló muló betepa, dā aluyaḡsóró taosóró tēteróló kaae tare whī Yesu Keriso tuē yaletéiné, atima teraayóló hāle beteralepó. Atéretei

taaróló, take du betale dowi alapaae momótamo fesaae fupa, ti mió betere alané take betale ala tēteróló ḡ mo ti dorótu beterapó.

21 Mepaae so whī Talené ala eróturaalu, donoi tu sya feni hāle hōko betepa, ti dorapó. Tépatei, mepaae so whīpaae Kótóné ama yae yóló kae muló betere fo wisi mené atimapaae yó matepa tuē yóló, donoi tu sya feletei taalóo, kale fo wisikélé hāle ḡla kaae taae falóo depa, ti ai so whī atima betere ala mo turó dorótu beterapó.

22 Ai so whīné du betere alata, i mara mole fo tamoné sūratapó. “Yuwiné ama soraaitai momó nukua dapó,” Me i fokélé erapó. “Hupu biki biki epa mené ḡ wēi fokoteretei momó fesaae fóló biki biki dua dapó,” erapó.

3

Tale waaire be de

1 Yaḡo mo hosaa mole no nerape-ó, mió yaḡo diāpaae tamo dakeróló i asē dere ape. Folosóró yale asēró mió i dere asētamota, diāné kutiri tuamó wisi ala yaaire tuē hāle muó tanópóló, diaaḡ kisipa disiróturaalu, dapó.

2 Ti hāle meipó. Kótóné take mo kae beteraale kóló whīrapené yale foró, dā alu yaḡsóró tao sóró tēteróló kaae tare sekéné ama *aposel* whīrapepaae yae yóló yó melale fotamo, diaaḡ kisipa keteréni, tuē yó tanópóló dapó.

3 Yalo diapaee folosóro dere fota, nalo kemetere alimó tó tikiné du betere dowi ala sya furaalu, Tale faletu betere so whi wóló, Talené ala eratere so whi faleyaalopó.

4 Téturaalu, atimané etei kaae fo yaalo ai ape. “A waalopóló, tukóló muló betere fo-a metéli yaaloé? Dané ayarape sukale alimótei kaae sóró wóló, Kótóné ama kaarale ɔla ɔla fea me ala kae ini, kale alatóro hɔle erapó,” yaalopó.

5 Tépatéi, folosóro Kótóné ama foné sɔró haetamo kaarélipakalepó. Kótóné hae aleturaalu, wei tuamó hae sókó holae depa, wei betapaae maane fóló, hae sókó holipakalepó.

6 Ai alimó ere hae tikiró ɔla ɔlatamo fea Talené ama fonétei belere wei anóló dorae depa, mo dorélipakalepó. Ai yale ala fea atimané tuérutei, dowaae fóló ai fo sisópaae erótu beterapó.

7 Ti Kótóné ama ɔla ɔla kaarale fonétei, mió i alimó ere sɔró haetamokélé siné doló aluraalopóló tukóló muló beterapó. Tétu, Kótó tuéni hóróló betó mole so whikélé, Talené taleyóló kwia mótu siné doló aluraaire be de sókó wópóló, ɔla ɔla kaarótu yale kaae, ai fonétóro dɔle mulóló, kaae tarapó.

8 Térapa, yalo hosaa mole no nerape-ó, i ala beta kisipa keteréni, diaaɔ kutiri tuamó muó tanópóló yae. Talené ala eróturaalu, 1000 ba fo kolósu,

beta be de kolósu depa, me ala kae ini, mo beta alatóro erapó. Kótóné ama keletepa 1000 ba fota, beta be de kaae aɔrapó.

9 Mepaae so whiné kisi-panéta, Talené ama eraalopó yóló mulatere ala kese kese dere nisi dapó. Ti ɔta atéro kese kese dumi, so whi mo beta kókélé aluyaɔsóro kisipa mutu, diaaɔ du betere dowi ala taaróló, fea a beterepaae wópóló, ama dua kaae taté fu beterapó.

10 Téretei, Tale a momó fesaee waaire be deɔta, ɔlémi nokole whi wou dere kaae yaalo ai ape. Sɔró samó yó mole ɔlatamo aluróturaalu, doasi be sapalaa hale kaae yóo, haeró haemó yó mole ɔla ɔlatamo fea siné doló kemeróo, yaalopó. Téturaalu, i haemó yó mole ɔlakélé fea siné doló kemeróló, hae tiki mo haleraalopó.

11 Ti ɔla ɔla feata atéro aluraalopa, diɔ noa kaae so whi betaai kisipa mute? Ti diɔta, Kótóné ama mo kae betéro betere so whi ereteiné ama ala erótu betepa mo wisirapó.

12 Diɔ atéro mo kaae so whi bitu, Kótóné tukóló muló betere be de kelenée yóló ketekɔ butu betere alané, Tale waaire be de hapale felekeratapó. Atétere be demó, samó ere ɔlaró i haemó yó mole dirii ɔla ɔlatamo, mepaae siné doló wei kaae alée faraalopó.

13 Téyaalotei dɔta, Talené ama haeró sɔtamo kisi kae aleyaalopó ere fo tué mutu-

raalu, ai donoi ala mole be kelaai dapóló ketekętamoo kaae taté fu beterao.

¹⁴ Atęrapa, yalo hosaa mole no nerape-ó, dięta ai alarape kelaai kaae tarapa, Tale tuęmó bitu, me só deraaire ala ó haletere ala ini, ama bóe firó betereiteiné, ętamo betęmó betaai kisipa mutu, ketekę buóló mo dua betae.

¹⁵ So whi atimané du betere dowi ala taaróló, Tale ę beterepaae wópóló ama kaae taté fu betereiteita hale mei, so whi aluyaęsóró tao saairaalu kaae tarapó, kisipa muae. Ti i fo kaae, ęané hosaa mole no Polpaae Kótóné fosó fosói kisipa matepa amakélé asęrapó.

¹⁶ Pol-né so whipaae dotonale ašemó me fo kae ini, yalo i du betere fo kaaetóró erapó. Ama yale asęrape tuęmó mepaae ere fo bete tuę yaaire mo hapólurapó. Mepaae mo kóló kólóre so whiró Talené ala tuęmó diriyóló bitinire so whiętamóné, Kótóné mepaae asę tuęmó ere fo węrótu dere kaae, Pol-né asęre fokélé atimané bete tokóló donotóró yó meni, węrótu beterao. Atętere alané atimatei doraaire tu aletu beterao.

¹⁷ Tęrapa, yalo hosaa mole no nerape-ó, i ala yaalopóló bope yale ala diaaę wosóló ai tuęrapa, Kótóné tukóló muló betere fo aęmó bitinire so whi kępaae fu betere alané dię ęlisóró faęsóró, mo hotowaró kaae tawae. Ti noa

yaęsóró meipó. Dię Kótóné ama bete mole ala tuęmó mo diriyóló betereitei taaróló, haepaae derepaaęsóró dapó.

¹⁸ Tępatei, ę aluyaęsóró tao sóró tęteróló kaae tare whi Yesu Kerisoné hamokoróló hale tao sere alaró ę kisipa deté fole alatamo dię tuęmó mo ti fakerao fu betae. Mió i betere alimókélé, take betaaire alimókélé, ama doi hale muó tanópóló, sóró horótu betae! Mo kée, tęyópóló yae!

1 Jon

Mo ti betere bete mole fo

¹ Mo take keké naale alimótei kaae sóró bitiré wale whi, diápaae hákearóló i dere ape. Ai whiné ama dere fo dané mo wosóo, kelenékélé mo kolóo, dané wisiyóló fopeyóló naasenékélé olaa yóo, yalepó. Dané i dere fota, ai mo ti betere fo bole whi Yesu diá kóló kóló yaqsóro hákearóló dapó.

² Ai kale mo ti betere bete áta, Alimatamo betóló dá beterepaae hákearóló sókó wapa, dané mo kelalepó. Atéro hákearale wapa dané kelale mo ti betere bete á i ape yóló, dané mió diápaae yó i matere ape.

³ Diákélé dátamo betá kisipa mutu dere ala fea touyóló yaai dané kelale alaró wosale fotamo yó i matere ape. Até du betere alata, ti dásisi maaté bitu ini, Alimaró Naalema Yesu Kerisotamokélé dá fea touyóló, betá kisipa mutu dere ala du beterapó.

⁴ Dané i asé dereteita, háj dere ala dá tuámó mo ti fáayópóló du beterapó.

Talené ama ere de tuámótóro betae

⁵ Ama dápaae yó male fo diápaae hákearóló i dapa wosae. Kótó áta mo detóro fáanuraalu, á tuámó diliki ere ala mo sawakélé munipó.

⁶ Dá diliki tuámó bitutei, hále foné maaté dáta

Kótótamo mo betá kisipa mutu, dere alarape du beterapó depata, ti kale mo fo bete dané hosaa tuámó muniruraalu kapala fo du beterapó.

⁷ Tépatei, Yesu á Talené de tuámó biture kaae, dakélé ai de tuámó betepa, ti ne notamo mo betá kisipatóro mutu, dere ala fea du beterapó. Atétepa, ama Naalema Yesu Kerisoné fakené dané dowi ala fea fokóló aluró beterapó.

⁸ Dané duraalutamo dá tuámó dowi ala me munipó depata, ti kale mo fo dá tuámó muniruraalu dátei ai dilikitu betere ape.

⁹ Dané yale dowi alatamo kemerae yóló Kótópaee hákeamó yó matepa, ti ama eraalopó ere fo hásóko feni, ama mo donoi ala sya furaalu, dané du betere dowi ala tokóló aluraalopó. Téturaalu, dá fea dowi alatamo hosekeró betaqsóro, ama fokóló mo ti aluraté fu betaalopó.

¹⁰ Dané duraalutamo, dáta dowi ala mekélé munire so whi beterapó depata, ti Kótó á kapala fo bole seké aqratapó. Atétere alané Kótóné ama mo fo dá tuámó sóró mulalénipó.

2

¹ Yálo hosaa mo turó mole naale senaale-ó, diá me dowi ala yaqsóro kisipa mutu, asé i dere ape. Tépatei, whi me detamo dowi ala depata, ti ai dowi alané dá só deraqsóro,

mo donoi ala du betere whi Yesu Kerisoné, tao sere fo ama Alima Kótópaae du beterapó.

² Dñané du betere dowi alamó Kótó ą fopaae butu, melaai yale kwia dąpaae melaqsóró sesé duraalu, Yesuné ama tikimó seróló ą sukąlepó. Atére alata, dñané du betere dowi ala maaté sóró aluraai initei, i hae kwiamó betó mole so whinė dowi alakélé tokóló kemeraai yalepó.

³ Dñané ama ere fo wosóló sya fu betepa, ti Yesu Keriso ą mo diriyóló kisiparapóló tuę mutapó.

⁴ Whi me dené duraalu, yąło ą mo wisiyóló kisi-parapó du bitutei, Kótóné ere fo wisiyóló sya feni depata, ti kapala fo du betereteiné kale mo bete mole fo ai whi tuąmó munipó.

⁵ Tépatei, me whi dené Kótóné ama fo sya fóló eró tapata, ti atétere whi tuąmó Kótóné ama yaala sókó fole ala fąayóló mo suró beterapó.

⁶ Dą ą tuąmó betere ala etéró kąae kolóló kisi-pa enérápó. Whi me dené duraalu, ąta Kótó tuąmó beterapó depata, ti ai whinė ama dere alakélé Yesuné yale ala kaaetóró enérápó.

⁷ Yąło hosaa mole no nerape-ó, yąło diąpaae yae yóló i ašetere fota, kisi fo kae dumipó. Mo take kaae sale alimótei, Kótóné yae yóló muló betepa diaaą woseté wale fotórotipó. Ti ai yóló muló betere fota, take dñané

diąpaae yó matepa, diaaą woseté walepó.

⁸ Tépatei, Kótóné yae yóló muló betere kisi fo yąło diąpaae i asę dere ape. Ti ai yae yóló dere foné du ą tuąmó muóo, dią tuąmókélé muóo epa so whirapené kilitu, aita mo alapó enérápó. Ti noatepae, doasi dę sókó wóló dęró betereteiné diliki kemeraté fu beterapó.

⁹ Whi me dené ąta dę tuąmó beterapó du bitutei, ama Keriso no ne hóróló bóe du betepata, ti ai whi ą diliki tuąmó hąle ai betere ape.

¹⁰ Whi me dené ama ne nopaae yaala sókó fole ala mupa, ti ai whi ą dę tuąmó betereteiné me alané ą dée nalatere ala mo enénipó.

¹¹ Téretei, whi me de ama no ne hamoma hóróló bóe du betepa, ti ai whi ą diliki tuąmó bitu ą kotere alakélé, diliki tuąmótóró kutu beterapó. Atéreteiné ą kotere tiki ama kelené kelenénipó.

¹² Yąło hosaa mole naale senaale-ó, diaaą yale dowi ala fea Yesuné ama yale alané hąle sóró kemeró beterapóló diąpaae asę i dere ape.

¹³ Ayarape-ó, mo take keké nale alimó hąle betó tare sekę diaaą kisi-parapóló yąło diąpaae asę i dere ape.

Dią teó whirape-ó, dowi Satan-tamo bóe dóló Talené fotokóné diaaą ą tęteró betepa, yąło diąpaae i asę dere ape.

Yalo hosaa mole naale senaale-ó, Aya diñé kisipareteiné yalo diãpaae i asę dere ape.

14 Ayarape-ó, mo take kaae sale alimó hałe betere seké diñé kisipareteiné yalo diãpaae asę i dere ape.

Teó whırape-ó, diã doasi fotokọ buóo, diã tuamó Kótóné fo muóo, diñé dowi Satan doló teteróo, ereteiné yalo diãpaae asę dapó.

Haemó mole ọla ó alapaae hosaa muóló yaala sókó fu betaose ere fo

15 I haemó mole ọla ọlapaae ó dere alarapepaae hekesetu hosaa mo turó mutu betaose. Whı me detamo ai ala du betepa, ti atétere whı tuamó Aya Kótóné yaala sókó fole ala munipó.

16 Ti noatepae, i haemó mole alarape i ape. Whırapené ekeleyóló du betere dowi alakélé, kelené kolóló au nokole alakélé, mepaae du betere alaró ọla ọlatamo mole doasi néli whıpóló bopé faketu betere alakélé, fea Aya beteremó kaayóló wómitai, i haemó kaaróló du beterapó.

17 I haeró haemó muó mole ọlakó senée yóló ekele dere alatamota keme yaalotei, Kótóné ama kisipa mole ala sya fóló erótu betere so whıta sukókélé ini, mo ti hałe betó tawaalopó.

Kerisotamo bóe dóló kapala fo yó matere whı waalopóló ere fo

18 Yalo hosaa mole naale senaale-ó, mió da mo keme-tere sukamó beterapóló kaae kolóló kisipa yaaitere ala i ape. Kale Kerisotamo bóe dele whırape wou beterepó dere fo diaaọ wosalepó. Ti ai whırapeta, mió wóló i betere ape. Atétere ala kilituraalu, kale kemetere suka felekemó walapóló kisipa muaalopó.

19 Ai whırape atima take dątamo betaletei, da taaróló fele beteta, da fake meiru yalepó. Motamo da faketóro uasóro, ti dątamo fea betamó betó mulapó. Té uatei, atima da taaróló fele betené atima mo beta whıkókélé dąkó meipóló haķearalepó.

20 Tépatei diąta, dowi ala mo betaķélé munire whı Yesu Kerisoné ama so whıpóló Dęi Kepené dałe muló betereiteiné kale mo foné bete diã feané ai kisipare ape.

21 Yalo diãpaae i dere asęta, kale mo foné bete diã kisipanipóló dumipó. Tépatei, ai fo diaaọ mo turó kisipa yóo, ai fo tuamó kapala fo mo sawakélé buni yóo, eretei diaaọ kisipa epa dapó.

22 Doasi kapala fo du betere whı de? Yesuta, Kótóné so whı teteróló kaae tare whı meipóló bóe du betere whıpó. Atétere whıta, Alima Kótóro Naalema Yesu Kerisotamo bitinipóló faletu betere whı ai ape.

23 Whı me dené Naalema bitinipóló sisópaae eratapata, ti Alimakélé bitinipóló sisópaae eratapó. Mepaae whı denétamo Naalema mo

beterapóló kisipa tiratepa, ti atétere whiné Alimakélé mo beterapóló kisipa tiratapó.

²⁴ Térapa, mo take kaae sale alimótei, diaaḡ woseté wale fo diḡ tuamó muó tanópóló yae. Ai fo diḡ tuamó muó tapa, ti diḡ Naalemaró Alimatamo tuamó betó tawaalo ai ape.

²⁵ Ai ala tuamó betepa, ama ḡapaae mo eraalopóló ere fo i ape. Sukutere alakélé ini, mo ti betó tawaalopó erapó.

²⁶ Yaḡo i dere aḡeta, diḡ dée nalaairaalu, kópaae aḡisóró fu betere whirapené du betere ala diaaḡ kisipa yópóló i dere ape.

²⁷ Diḡ tuamóta, Deḡ Kepe Wisi taketi beteró bettereiné, diḡ yó melaaire whi me kae yaḡanipó. Ti noatepae, kale Deḡ Kepe Wisiné fea ala bete diḡpaae yó mótu beterapó. Ai Deḡ Kepe Wisiné diḡ tuamó ai eró betere ḡaleta kapala mei, mo ti eró beterapa, ama diḡpaae yó matere fo sya furaalu, Yesu Keriso tuamó betó tawae.

Kótóné naale senaalepó ere fo

²⁸ Térapa, yaḡo hosaa mole naale senaale-ó, Yesu Keriso fesaae wale sukamó ḡa hale dere ala ini, halaainé betepa kolópólópa, diḡ Yesu Keriso tuamó betere ala ḡale yó tawae.

²⁹ Diaaḡ kisipané Yesu Keriso ḡata, donoi ala du betere whi wisinaale beterapó kisipa mutupa, ti mepaae so whiné du betere wisi ala

kilituraalu, ita Kótóné naale senaale beterapóló kisipa muae.

3

¹ ḡata, Kótóné ama naale senaale ereteiné, Aya Kótóné ḡapaae mo doasi yaala sókó fale ala muluraalu erapa kelere! Ai fo ereteiné ḡa mo ama naale senaaletóró i betere ape. I haemó betó mole so whiné Kótó tuénireteiné atima ḡakélé tuénipó.

² Yaḡo hosaa mole no nerape-ó, ḡata Kótóné mo ama naale senaaletóró beterapó. Take nalopaae ḡa noa kaae so whi betaaloró mió ḡa kisipanipó. Tépateti, ḡa sókó wale sukamó mió ere ala kaaetóró yóló wapa ḡané ke-laaireteiné, ḡakélé ḡa kaaetóró alée fóló betaalopóló kisipa mutapó.

³ Take nalopaae atei ala mo yaalopóló, Yesupaae kisipa tiki tiratere so whi feata, Yesu ḡa me dowi alatamo hoseké inire whi wisi biture kaae, atimakélé dowi alatamo hoseké inire so whi betaairaalu, atimanétei taletu beterapó.

⁴ Mepaae so whi de dowi ala du betepa, ti yaḡse yóló Kótóné tukóló muló betere fo tikitu beterapó. Ti dowi alanéta, Kótóné tukóló muló betere fo munire aḡratapó.

⁵ So whiné du betere dowi ala tokóló aluraai Yesu Keriso waletei diaaḡ ai kisipare ape. Ti ḡata, dowi ala mo sawakélé munire whipó.

6 So whi de Yesu Keriso tuamó betepa, ti atére so whi dowi ala du betaalo meipó. Mepaae so whi de dowi ala hãle deté fu betepa, ti ai so whinë ă kolókélé ini yóo, kisi-pakélé ini yóo, erapó.

7 Yãlo hosaa mole naale senaale-ó, mepaae whirapené diã dilikóló kôpaae ălisó faqsóro yae. Mepaae whi de mo donoi ala du betepa, ti Yesu Keriso ă mo donoi whi biture kaae, ai whikélé atéro beterapó.

8 Whi me detamo dowi ala du betepa, ti Satan ă tuamó bitu yae depa du beterapó. Ti noatepaae, take kaae sale alimótei Satan ă dowi ala bete tale bitu, so whi dowi ala yópóló sesemeraté wou betalepó. Kótóné Naalema wale beteta, Satan-né ai du betere ala doraai walepó.

9 Mepaae so whi de Kótóné ama ala tuamó deyóló betero betepa, ti ai so whi dowi ala deté faalo meipó. Ti Kótóné wisi ala kaarater ke ă tuamó boleteiné me dowi yó tanénipó. Ti noatepaae, Kótóné atima deyóló betero betereiteinépó.

10 Ita Kótóné naale senaale ó Satan-né naale senaalepóló kaae kolóló tué yaaitere ala i ape. Mepaae so whi donoi ala initepa ó no nepaae yaala sókó fole ala initepa, ti atétere so whi Kótóné naale senaale bitinipó.

Ne notamo yaala sókó fu betae ere fo

11 Diaaŋ mo take kaae sale alimótei, kaae sóro woseté wale fo i ape. Đané ne no hamomatamo yaala sókó fole ala du betenérápó.

12 Kale whi Kein ă dowi kepené yae dere ala sya furaalu, ama noma dóló sukunótu yale kaae, diaaŋkélé atei kaae ala yaŋse. Ti noa betené Kein-né ama noma dóló sukunaleé? Ama yale ala do yóo, nomané yale alamo dono yóo, yale betené nomatei dalepó.

13 Yãlo no nerape-ó, i haemó betó mole só whinë diã hóróló bóe dele ala depa, ai noa ala du dérópóló, diã kilita sókó faŋse.

14 Đata, ne no hamomaae yaala sókó fole ala du betereiteiné sukutere ala tuamó betaleteti taaróló, mo ti betere ala tuapaae fóló beterapóló kisipa muaalopó. Whi me de yaala sókó fole ala initepa, ti atétere whi sinitere ala tuamó hãle beterapó.

15 Whi me dené ama no ne hóróló bóe dupa, ti atétere whi ă whi dele whipó. Whi dele whirape tuamóta, mo ti betere bete muniretei diaaŋ ai kisipare ape.

16 Yaala sókó fole alané bete đané kisipa yaaire ala i ape. Yesu Kerisoné đã tao suraalu, ama betere bete hãle melóló sukãlepó. Até du yale kaae, đanékélé đané betere bete ne no tao suraalu hãle melóló sukunérápó.

17 Whi me de fea ęla sũmó muluraalutei, ama no kęletu mepaae yãŋare ęla taosóro

meni depa, ti atétere whi tuamó Kótóné yaala sókó fole ala nétéro muaaloé?

¹⁸ Yalo hosaa mole naale senaale-ó, dané hãle tó kólóné ó foné maaté yaala sókó fole ala ini, hosaa tuamó mo alatóro muluraalu, me whi tao sóro eratere ala yaalopa sae.

¹⁹⁻²⁰ Danétamo ai ala du betepa, ti da mo fo tuamó beterapóló kisipa yaalopó. Da hasókó fole alané hosaa tuamó sekené mo ti só deraşsóro, ne nopaae yaala sókó fole ala depa Talené keletómó hosaa muni deyóló dua betere ala enérápó. Ti noatepae, Kótóné fea ala ama tué iruraalu, dané hosaa tuamó mole sekçi alarape fea ama tetéro beterapó.

²¹ Yalo hosaa mole no nerape-ó, dané hosaa tuamó mutere kisipané da só derénitepa, ti Kótóné keletómó halaainé diriyóló daanérápó.

²² Dané ama yóló muló betere fo wosóló sya fóo, ama kisipa mole alakélé eróo, du betereiné dané mepaae yayatere ıla apaae wosetepa, ti ama mo melaalopó.

²³ Ama yae yóló muló betere fota i ape. Kótóné ama Naalema Yesu Kerisopaae kisipa tiki tiró bitu, dané ne nopaae yaala sókó fu betepa, ti aita ama dapaae yae yóló muló betere ala ai sya fole ape.

²⁴ Mepaae whi de Kótóné ama yae yóló muló betere fo sya fu betepa, ti atétere whirape Kótó tuamó betóo,

Kótó akélé atima tuamó betóo, erapó. Tale da tuamó beterapóló tué dere alata, ama da tuamó beterale Deji Kepe Wisiné yó matepa, dané a kisipanérápó.

4

Kótóné dotęale Keperó kae keperapetamo kęae kolóló tué yaaitere ala

¹ Yaló hosaa mole no nerape-ó, kae kae keperape fea so whi tuamó ai betó mulapa, ai keperapené dere fo wosóló mo dapóló kisipa tiki tiraşse. Aténi, ai keperapeta Kótóné dotonatepa walepé whi me kaené dotonatepa walerópóló mo wisiyóló kęae kolóló tale yae. Ti noatepae, Kótóné fo eratere kóló whipóló dilikitere whirape i hae kwiamó mo dekeró wóló ai betó mole ape.

² Kótóné dotonale Kepe méro kęae kolóló kisipa yaai dere alata, i ape. Mepaae whirapené duraalu, Yesu Keriso aita, Kótótei mo whiné tiki daayóló walepó dere keperapeta, ti Kótóné dotonale Kepe ai ape.

³ Atéptei, Yesu Kerisota Kótótei mo whiné tiki daayóló wénipó dere keperapeta, ti Kótóné dotonale keperape meipó. Aita, Yesu Kerisotamo bóe dóló so whi dilikitere whiné keperape waalopó depa take diané woseté waleteti, mió i haepaae mo wóló ai betere ape.

⁴ Yalo hosaa mole naale senaale-ó, dięta Kótóné ama

deyóló beteró betere naale senaaletóró ai betere ape. Atéru, diã tuãmó betere Kepené bóe dóló ama bole fotokóné ai kapala fo du betere wh̄irape tuãmó betere keperape t̄eteró beterapó.

⁵ Ti ai wh̄irape atimata, i haemó kaayóló bettereteiné atima kisipakélé i haemó mole kisipatóró mulapó. Atérené, haemó betó mole so wh̄inékélé atima dere fotóró wosóló sya fu beterapó.

⁶ D̄ata, Kótó tuãmó kaayóló bettereteiné, mepaae Kótó kisipare so wh̄iné ti ðané dere fo mopóló wosetu beterapó. Tépeatei, Kótó tuãmó bitinire wh̄irapenáta, ti ðané dere fokélé mopóló wosetimipó. Ti ita mo fo dere Kepe Wisiró kapala fo dere kepetamo taleyóló kisipa yaai dere ala ai ape.

Kótóné ðapaae yaala sókó fu dere kaae, ðanékelé mepaae so wh̄ipaae yaala sókó fae

⁷ Yalo hosaa mole no nerape-ó, ðané ne notamo mo yaala sókó fole ala du betaalopa sae. Ti noatepae, yaala sókó fole alata, Kótó tuãmó kaayóló walapó. Ne nopaae yaala sókó fu betere so wh̄i feata, ti Kótóné deóló beteró betere naale senaaletóró bitu, Kótó mo diriyóló kisi-parapó.

⁸ Mepaae wh̄i de tuãmó yaala sókó fole ala munipa, ti atétere wh̄iné Kótó mo tuénipó. Ti noatepae, Kótó ̄ata yaala sókó fole ala bete ereiteinépó.

⁹ Kótóné ðapaae yaala sókó fóló mole ala h̄akearóturaalu, ere ala i ape. D̄a ̄a tuãmó beterópóló, ama mo bet̄a betere Naale i haepaae wópóló dot̄eyalepó.

¹⁰ Kótóné ama yaala sókó fole alané bete i ape. Folosóró ðané Kótó ̄apaae yaala sókó fole ala inipó. Ténitei, amapi ðapaae yaala sókó furaalu, ðané dowi ala kwia tokóló aluraai, ama Naalemané betere bete h̄ale melóló sukópóló, dotonalepó.

¹¹ Yalo hosaa mole no nerape-ó, Kótóné amapi kaayóló ðapaae yaala sókó fole ala h̄ale yó tareiteiné, ðanékelé ne notamo mo yaala sókó fole ala depa ti mo wisirapó.

¹² Mo bet̄a wh̄iné Kótó kolókelé inipó. Ténitei, ðané ne nopaae yaala sókó fole alatamo du betepa, ti Kótó ða tuãmó bitu, ama yaala sókó fole alakélé ða tuãmó mo s̄uró beterapó.

¹³ Ti ama Kepe Wisi ða tuãmó bettereteiné, Kótó ̄a ða tuãmó betóo, ða ̄a tuãmó betóo, erapóló ðané kisiparapó.

¹⁴ Alima Kótóné ama Naalema i hae kwiamó betó mole so wh̄i aluyaqsóró, tao sere wh̄i beterópóló dotonale ala ðané mo kelalepóló, h̄akearóló so wh̄ipaae i du betere ape.

¹⁵ Mepaae so wh̄i denétamo Yesu Kerisota. Kótóné naalemapóló diriyóló kisi-paru, mepaae so wh̄ipaae h̄akeamó yó matepa, ti ai

so whi Kótó tuámó betóo, Kótókélé ai so whi tuámó betóo erapó.

16 Atéru Kótóné dapaee yaala sókó fole ala dāné tuęreteiné, ąpaee hosaa muóló tiró beterapó.

Ti Kótó ąta yaala sókó fole alané bete Tale beterapó. Whi me de yaala sókó fole ala tuámó betepa, ti atétere whi Kótó tuámó betóo, Kótó ąkélé ai whi tuámó betóo, erapó.

17 Dą Kótó tuámó atéro betepa, yaala sókó fole ala dą tuámó mo turó ąayaalopó. Atéro bitu, take kemetere alimó fo tokóló taletepa dą wikélé ini, mo halaainé daayaalopó. Ti noatepae, Yesu Keriso ą ama Alimané kisipa mole ala erótu betale kaae, dąkélé i haemó ąęle bitu, Yesuné ama kisipa mole ala erótu betereiteiné dą ą kaaetóro beterapó.

18 Yaala sókó fole ala du betere so whi tuámó witere ala mo sawakélé bunipó. Tépatēi, witere whi ąta ama du betere alamó dowi kwia saalopóló kisipa mutu dapó. Ti atéro witere so whi tuámó Kótóné yaala sókó fole ala ąani teórapó. Ai ala epatei, Kótóné yaala sókó fole ala ąaturaalu, witere ala alurótu beterapó.

19 Folosóro Kótóné amapi dapaee yaala sókó faleiteiné dāné ąpaekélé, ne nopaaekélé yaala sókó fu beterapó.

20 Whi mené duraalu, ą Kótópaae yaala sókó fu beterapó du bitutei, ama no

ne hóróló bóe du betepa, ti ą kapala fo dere whi ai ape. Ti noatepae, whi me dené ama kilitu betere no nepaae yaala sókó fole ala initepa, ti kelepaa kilinire Kótópaae yaala sókó fole ala mo enénipó.

21 Ti Kótóné dapaee yae yóló muló betere fo i ape. Kótópaae yaala sókó fu betere so whinéta, no nepaaekélé yaala sókó fu betenérápó.

5

Yesu Keriso Kótóné Naalemapóló kisipa tirae ere fo

1 Yesuta, Kótóné so whi teteróló kaae tare whi Kerisopóló kisipa tiki tiratepa, ti atétere so whi ąta, Kótóné deyóló beteró beterapó. Mepaae so whi Alimapaee yaala sókó fole ala du betepa, ti atétere so whiné ama naale senaalepaaekélé yaala sókó fu beterapó.

2 Dāné Kótó ąpaee yaala sókó furaalu, ama yóló muló betere fo sya fu betepata, ti Kótóné ama naale senaalepaae yaala sókó fu beterapóló dāné kisipa enérápó.

3 Kótóné ama yóló muló betere fo sya fóló ai fo aqmó mo dua betere alata, ti Kótópaae yaala sókó fole alané bete ai ape. Ai fo sya foletēita, mo hapólunipó.

4 Ti noatepae, Kótóné deyóló beteró betere naale senaalené i haemó mole alatamo bóe dóló teteró beterapó. Ti aita, Yesu Keriso

mo beterapóló ðané kisipa tiki tiró bettereteiné i haemó mole ala fea mo ti dóló teteró ai betere ape.

⁵ Noa ala ere so whjné i haemó mole alatamo bóe dóló teteró betere? Yesu Keriso ąta, Kótóné Naalemapóló kisipa tiki tiróló betere so whjné maaté ai ala teteró beterapó.

⁶ Yesu ąta Kótóné Naalemapóló hąkearatere alata, wejiró sameatamo tuąmó walepó. ąta, mo wej tuąmó maaté wéni, samearó wejtamo tuąmó walepó. Kale Dej Kepe Wisi ą mo foné bete bettereteiné, amakélé Yesu ąta, Kótóné Naalemapóló yó mótu beterapó.

⁷ Até yale alata, sore ąlarapéné etéro hąkearóló yó matapó.

⁸ Kale Dej Kepenekélé, wejinekélé, sameanekélé, i sore ąlarape atima feané mo betą fotóró dua dapó.

⁹ Mo whjné etei kaae ala depa kelalepóló dere fo ðané wosóló mo dapóló kisipa tirótua dapó. Téptei, Kótóné ama Naalené ere alamó kisipa mutu, hąkearóló ere foné mo whjné dere fo teteróló teraae falapó. Ti noatepae, Kótóné ąta, mo foné bettereteinépó.

¹⁰ Kótóné Naalemapaae kisipa tiki tiró betere so whjné hosaa tuąmó, Kótóné ama hąkearóló dere fo mopóló kisipa mutapó. Téptei, mepaae whjné Kótóné dere fo wosóló tuę tiki tirénitepa, ti atétere so

whjné Kótó ą kapala fo bole sekę ąrapó. Ti noatepae, Kótóné ąta ama Naalepó, dere fo wosóló tuę tiki tirénitereteinépó.

¹¹ So whj feané wosóló kisipa tiki tirópóló, Kótóné hąkeamó ere ala i ape. Kótóné ama mo ti betere bete ða meló beterapó. Ai ti betere beteta, ama Naalema tuąmó mulapó.

¹² Kótóné Naalema Yesu Kerisotamo betąmó titiyóló betere so whjta, mo ti betere bete sóró tarapó. Ama Naalematamo titiyóló betenire so whjta, mo ti betere bete sóró tanipó.

Yesu Kerisoné ala tuąmó betae yóló mo kemerótu dere fo

¹³ ąlo i dere aşıta, Kótóné Naalema Yesu Kerisoné doimó bitu, ąpaae kisipa tiki tiró betere so whjpaee mo ti betere bete ðiané sóró tarapóló kisipa yaasepóló i dere ape.

¹⁴ ą witere ala ini, Kótó betere felekepaae fóló ha-laainé wosaai dere ala i ape. ąnétamó ama kisipa mole ala eraai me ąlakó kematepa, ti ama mo wosetua dapó.

¹⁵ ąné wosetere ala ama mo matapóló kisipa tiratepa, ti ąpaae noa ąlakó wostepa ama melaalopó.

¹⁶ Me whjné ama no ne-tamo sukóló mo ti alu enénire dowi ala du betere keletepa, ti Kótóné ama betere bete melópóló Talepaae moma eranérapó. ąlo i dere fota, alu enénire dowi ala

dere so whimó kisipa mutu dapó. Tépatēi, mo ti sukutere tikipaae falaaire dowi alata, ti ama kae mulapó. Ai aluyaaire tikipaae faaire dowi ala dere so whimó momarae yóló dumipó.

¹⁷ Kótóné yóló muló betere fo tikitere alata, ti ai dowi ala ai ape. Tépatēi, mepaae dowi alané so whi sukutere tikipaae alísó fumipó.

¹⁸ Kótóné deyóló betero betere so whita, dowi ala hale deté fumipóló dané kisiparapó. Ti ai so whi me ala yaqsóró, Kótóné ama deyóló betero betere Naalené mo wisiyóló kaae tareteiné, dowi kepené a doranenipó.

¹⁹ Dāta, Kótóné ama naale senaaletóró betereitei dané kisiparapó. Tépatēi i haemó betó mole so whiró yó mole ɔla ɔlatamo dowi kepené teteteróló kaae tare aqmó mulapó.

²⁰ Kótóné Naalema Yesu Keriso i haepaae waletēi, dā so whi feané a tuamó mole ala bete kisipa yóo, dané Kótó akélé mo alané betepóló kisipa yóo, yópóló waletēi dané tuérapó. Dāta, mo alané bete tale Naalema Yesu Keriso tuamó betera. Ata me kae mei, Kótótóró bitu, mo ti betere bete talepó.

²¹ Yalo hosaa mole naale senaale-ó, diā Kótó taaróló, i haemó kae kae betó mole kapala kótópaae faqsóró, mo wisiyóló kaae tawae.

2 Jon

¹ I dere asęta, Kótóné so whi ęteróló kaae tare whi disiné Talené sókó sóró kae betero betere soró ama naale senaaletamopaae dapó. ę Talené mo ala tuamó bitu, ęlo diapaae yaala sókó fu betera. Ti ai alata, ęlo maaté ini, mo fo bete tuęre so whinékélé betę kaae alatóro du betera.

² Ti noatepaae, mo fo bete Tale miókélé dę tuamó bitu, take nalokélé hęle bitiré faaireteiné diapaae yaala sókó fu betera.

³ Atęrapa, dę mo foró yaala sókó fole alatamo tuamó betepa, Alima Kótóro ama Naalema Yesu Kerisotamo tuamó kaaróló wale hamokoróló tao sere alakélé, kęlené sukutere alakélé, hosaa muni deyóló dua betere alakélé, dę feapaae erópóló yae.

⁴ Aya Kótóné dępaae erae yóló muló betere mo fo naao naale senaalené sya fóló erótu betera dere fo woseturaalu, ę mo doa hęjné sukutu betera.

⁵ Tęrapa, ęlo hosaa mole so wisi-ó, ęlo ępaae duraalu ne no hamomatamo dę yaala sókó fole ala enęrapóló i asętere ape. Ti ai yae yóló muló betere fota, kisi fo kae mei, mo take kaae sale alimótei woseté wale fotórópó.

⁶ Yaala sókó fole alané beteta i ape. Kótóné ama yóló muló betere fo aqmó bitu, sya

fóló erótu betere alapó. Mo take kaae sale alimótei diaaę woseté wale foné duraalu, ne no hamomapaae yaala sókó fu betae erapó.

⁷ Yesu Keriso i haepaae mo whiné tiki daayóló węnipóló, so whi dilikóló kapala fo yó matere whirape mo turó i haemó sę ai ere ape. Atętere whirape atimata, so whi dilikóló Yesu Kerisotamo bóe ai dele ape.

⁸ Atęrapa, diaaę diale kutómó saaire dupu wisi aluni, turó saasepóló mo hotowayóló kaae tawóló betae.

⁹ Mepaae whi de so whi ęteróló kaae tare whi Kerisoné yó matere fo taaróló, kae fo wosetepata, ti atętere whi Kótómó betamó bitinipó. Tépatei, whi me de Kerisoné yó matere fo mopóló wosóló eró tapa, ti até dere whi Alimaró Nalematamo fea betamó ai betere ape.

¹⁰ Mepaae whitamó dię beterepaae wóló mo fo yó meni, kae fo yó matepa, ti atętere whi naao bepaae dape sere ala ó kęleó dere fokélé ęęse.

¹¹ Mepaae whiné atętere whi ama bepaae wisiyóló dape supata, ti ai whiné ama du betere dowi ala yópóló, ketekę ai bulatere ape.

¹² ęlo diapaae yaaire fo mo turó mupatei, naasené fas-mó asę dere hętepa, taalatapó. Ti noatepaae, ę dię beterepaae wóló kelepaa kęaetamo yóló bitu ekei fo

depa, haj dere ala da tuamó
mo faayoló sūrópóló kisipa
mutu dapó.

¹³ Kótóné sókó sóró kae
beteró, betere so naao
hamané naale senaalené
diapaae kọleó, dapó.

3 Jon

¹ I dere așeta, Keriso so whi țeteróló kaae tare whi disi mo fo tuamó bitu, yało hosaa muóló, yaala sókó fu betere no Kaius-paae dapó.

² Yało hosaa mole no-ó, yało yamó Talepaae momarótu betere ala i ape. Naa kepe bete tuamó wisi ala irure kaae, naao tó tikimókélé me kisi daani, mo wisiyóló bitu, mepaae dere ala fea yópóló kisipa mutu, momarótu beterapó.

³ Mepaae Keriso norape ę beterepaae wóló, ya mo bete mole fo tuamó bitu, ai fotóró eraté fu beterapó dere fo wosaletiné, ę doasiné hajné sukutu beterapó.

⁴ Yało naale senaale dią mo fo tuamó bitu, ai fo sya fóló erótu beterapó dere fo wose-turaalu, dere hajné kae kae alamó dere haj mo bosenée falapó.

⁵ Yało hosaa mole no-ó, mepaae naao tuénire whırapekélé, Talené ala eróturaalu, Keriso norapepóló tao su betere alata, mo wisirapó.

⁶ Ya tuamó yaala sókó fole ala mulu, ai whırape wisiyóló dape sale fo atimané i betó mole Keriso so whıpaae ene walepó. Térapa, me sukamókélé atéro Talené kutó diratere whırape ya beterepaae wapa, Kótóné ama hamokoróló matere ala sya fóló, atimané yaąa dere

yla sumó melóló, atima faaire tikipaae fópóló yae. Aita, mo wisi ala dapó.

⁷ Ti atima be taaróló, Talené doi eraté kotepa, Tale tuénire so whiné atima ya yațere ęla tao sere alakélé inipó.

⁸ Atérapa, da fea touyóló Talené mo bete mole fo eróturaalu, atei kaae whırape mo wisiyóló dape sóró, tao sere ala depa mo wisirapó.

⁹ Keriso so whıpaaeta, fea fo așeyóló dotonaletai, ai so whi țeteróló kaae tawaai eķele du betere whi Diotrepes-né dané dere fo mopóló woseni, dowaae felepó.

¹⁰ Atérapa, ę aipaae wapa, ti ai sekéné dané doi doróló folokolerótu betere fo diąpaae yaalopó. Ai ala maaté mei, mepaae Keriso norapekélé wisiyóló dape sini yóo, mepaae whiné dape saai kisipa mutupa, ti ai so whi atima Keriso so whıtamo touyóló betașóró hókó falóo, du beterapó.

¹¹ Yało hosaa mole no-ó, atei kaae dowi ala șuróló ini, mepaae dere wisi ala ti șuróló yae. Mepaae whi de wisi ala du betepa, ti Kótóné ama whıtóró beterapó. Mepaae dowi ala du betere whiné ti Kótó mo kolókélé inipó.

¹² Demitrias-né du betere ala so whi feané kilitu, ą mo whi wisipó du beterapó. Kale mo fonékélé, ama wisi ala dapóló haķearótu beterapó. Ti ama dere ala danékélé mo

wisiyóló kolóló, mo betą kaae fotóró dapó. Dąné kelale ala diąpaae i deretei, motóró dapóló kisipa muae.

¹³ Yąło diąpaae yaai dere fo dekéro mupatei, ašemó dere hótepa taalatapó.

¹⁴ Ti noatepae, ę dią beterepaae wóló, diątamo kelepaa kąaetamo yaai, mo felekemó waai kisipa mutapó.

Kótóné hosaa muni deyóló mo dua betere ala dią tuąmó mulópóló yae. Imó betó mole ne norapenekélé diąpaae mo doa kọleó dapó. Aimó betó mole no nerape atima dokọ feapaae mo doa kọleó, dapó yae.

Jud

¹ I dere așeta, Yesu Kerisoné kutó diratere whi Jems-né noma Jud-né dapó. Talené a beterepaae ape yóló, Alima Kótóné hosaa muóló yaala sókó fóo, Yesu Kerisoné dapesene waai wisiyóló kaae tawóo, ere so whipaae dapó.

² Ti Kótóné koleturaalu hałe tao sere alakélé, hosaa muni deyóló dua betere alakélé, yaala sókó fole alakélé, mo turó diã tuãmó mulópóló yae.

Kótó hõratere whirapené dere alamó dowi tikipaae faaire ala

³ Yało hosaa mole no nerape-ó, da fea aluyaosóro Kótóné tao sere ala bete diãné tuę yópóló, așyaaı ketekę bualepó. Téyaletei, Talené ama kae beteró betere so whipaae tuę tiki tiratere fo mo wisiyóló kaae tawae yóló, mo betã félimótóro melalepó. Ai fo wisi tokóló aluróló mené kae fo depa, taalae yóló foné saasepóló i dere ape.

⁴ Ti noatepae, mepaae whirape kikiti wóló diã kuamó betereteiné dapó. Ai whirape atimané mió ai du betere ala yaai teópa mo taketitei, Kótóné só deró beterapóló așemó erapó. Ti atimata, Kótóné ala erénitere whirape bitu, Kótóné hamokoróló tao sere ala hałe ıla aqróló, nópu naaitere ala fo munipa yae du beterapó. Atéturaalu, da

tețeróló kaae tare mo doasi Tale Yesu Keriso betãtóró betepatei, atima a aqmó betaalo hõróló ama doi doróló faletu beterapó.

⁵ Mió yało i yaaitere fo fea diaaq tuępatei, mo diriyóló tuę yaasepóló, momó i dapa wosae. Talené ama so whi Isip hae kwiamó betepa, ama tao sóro dapesó waleteti, nalo ama dere fo wosóló tuę tiki tiréni yale so whi mo ti dóló sisiraae faralepó.

⁶ Meta, Kótóné mepaae *ensel-rapepaae* kaae tawae yóló melale kutó taalóturaalu, atima betere tikikélé taaralepó. Atétepa, atima Kótóné dirii *sein* képiné dokóló diliki tuãmó mo ti *dipula* beteró beterapó. Aita hałe mei, Talené ama taleyaaire doasi be de șókó wópóló, kaae taru beteró beterapó.

⁷ Meta, Sodom beró Komora betamokélé, ai be hulua tamo felekemó te mole doasi be huluarapekélé, doró betereitei kisipa muae. Ai berape huluamó betó mole so whiné nópu nokole alaró kae kae sonaalei dowi alatamo mo dekéro hałe yó tapa, Talené kwia melalepó. Mió i alimó betere so whiné ai yale ala tuę muóló, nalo waaire alimó Talené dowi kwia matere so whi mo ti dó tare simó beteratepa, doasi dele saalopóló kisipa muópóló erapó.

⁸ Ai ala ere kaaetóro, yało diãpaae yale kapala fo yó matere whirape atima no-kené i ala kelalepó du bitutei,

nópu nokole alané atimané tikitei doróló folokoleróo, doasi teteróló kaae tare wh̄rape aq̄mó bitini dow̄aae f̄oo, hepen bemó betere sek̄rapekélé faleyoó, du beteraoó.

⁹ Tétépatei, doasi topo *ensel* Maikel a halaainé Satanaa etei kaae só deratere fo inipó. Moses-né tiki sini né saaloé yóló atimaamo sej sej yaleteti, Maikel-né Satan foné sóró só deréni, “Talené amatei ya foné sóró, só derópóló yae,” fo beta erapó.

¹⁰ Topo *ensel*-né atei faletere fo dumitei, dia tuamó ai betó mole wh̄rape atima diriyóló tué inire alarape fea faletu beteraoó. Tétu, atima topo daanire ɔla hupu ó yuwiné dere ala kaae, tó tikiné ek̄leyóló hale h̄oko du betere ala atima mo wisiyóló kisiparu, dere alanétei atima mo dorótu beteraoó.

¹¹ Ai wh̄rape atima doló sukunaaire tuéni, hale h̄oko du betere alata, Kein a dow̄aae fóló noma du yale kaaetóro ai du betere ape. Kale wh̄ Balam ak̄elé doasi *moni* saai ek̄leyóló k̄opaae fu yale kaae, ai wh̄rapekélé tué tekeni, *moni* saai dapóló ek̄le duraalu ai fele ape. Kale wh̄ Korakélé Kótóné sóró beterale topo wh̄ Moses aq̄mó betere h̄oyóló dow̄aae fupa, Talené atima doló alurótu yale kaae, ai wh̄rapekélé atéro doraalopó. Téyaalopa ai wh̄rape atima wiyó yae!

¹² Ai wh̄rape atima haleni, Keriso so wh̄ diasisi yaala sókó furaalu, ɔla deyóló nokole sukamó atimakélé Keriso wh̄rapepóló halaainé, diaamo ɔla betamó nukua dapó. Ai wh̄rape tuamóta, i ala kaae erapó. Tumó kapo fosó ó ni serake kikiti holó tare kaae, dia doraaire ala atima tuamó bulapó. Meta, *sipsip* hupu kaae tare wh̄rapené hupurape wisiyóló kaae tani, ɔla atima maaté nuku dere kaae ai wh̄rapené du betere ala atérapó. Hali waairaaalu, s̄ako diliki deretei halimo wéni, beséné kae tikipaae só fu dere kaae dua dapó. Meta, ni du woletere alimó keleralemó, du betaakélé woleni, ama felekekélé haepaae derepéni yóló hale tómó beleru, kale ni mo ti sélitu dere kaae atimané dere alaró betere alatamo atérapó.

¹³ Meta, doasi w̄ei dokole sukamó dakeró ɔla ɔla holopetamo sóró wóló w̄ei fókumó mulótu dere kaae, mo sonaané yóló halei alatei, atima mo halaainé du beteraoó. Meta, samó h̄ore h̄oko kutu dere kaae, atima mo dowi diliki dolomó atéro beteraoó, eró beteraoó.

¹⁴⁻¹⁵ Adam-né deale naalené deté feletei dos̄aturaalu, apo mi dakoróló deale wh̄ Inokepaae Kótóné i fo yae yóló ipakalepó. “Talené ama kae betero betere *ensel*-rape mo hale ɔla kaae atamo ai walapa kelae. So wh̄ feané ama ala eréni, kae tu s̄ya fóló dowi ala duraalu,

Tale faleyóló deteraaire fo du betaletimó, taleyóló só deraai waalopó,” erapó.

¹⁶ Ai whĩrape atima Kótóné ala sya faalomeipóló, doka doka yóló faleturaalu, tó tikiné ekẹlere ala sya fóló dowi ala du beterapó. Tétu, atimatei doi sóró horóló bopé faketu beterapó. Mepaae so whĩné atimamó me alakó erópóló kisipa mutu, foné so whĩ hẹle mulóló dukiraterere fo du beterapó.

Kótóné ala erótu beteretei taaréni, hẹle eró tawae

¹⁷ Tépatei, yẹlo hosaa mole no nerape-ó, ẹa tẹteróló kaae tare whĩ Yesu Kerisoné dotonale *aposel* whĩrapené take nalopaae i ala yaalopóló, diẹpaae yó melale fo tuẹ muae.

¹⁸ Ai whĩrapené diẹpaae i fo yalepó. “Take kemetere sukamó Kótóné ala faletu betere so whĩ atima tó tikiné ekẹlere ala sya fóló, dowi ala maaté du betaalopó,” erapó.

¹⁹ Ti ai ala du betere whĩrape tuẹmó Ẹẹi Kepe Wisi bitini, mo hae whĩné mole tuẹró dere alatamo maaté sya furaalu, diẹ tuẹmó fake tekerótu beterapó.

²⁰ Tépatei, yẹlo hosaa mole no nerape-ó, diẹ Talené ama so whĩ bitu ẹpaae tuẹ tiki tiró beteretei mo ti fakeyópóló, ama mo kae ere fo wisi sya fóló erótu betóo, Ẹẹi Kepe Wisiné diẹ fotokọratepa Talepaae moma yóo, du betae.

²¹ Ẹa tẹteróló kaae tare whĩ Yesu Kerisoné kọletu, tao

sóró mo ti betere ala tuẹpaae dapesó faaire be ẹẹ kaae taru, diẹ Kótóné yaala sókó fole ala tuẹmó betó tawae.

²²⁻²³ Atéru, mepaae so whĩ kisipa tamo muluraalu tuẹ tiki tiraterere ala wotẹalepa, kọletu tao sae. Téturaalu, mepaae mo felekemó sipaae faaitere so whĩ atima aluyaqsóró tao sóo, sukẹle whĩné yei kuti bukaalo hótu dere kaae, mepaae so whĩ atimané tó tikimó ekẹleyóló du betere sonaalei ala diẹpaae tekaqsóró, wiyóló tika kae bitu kọleyóló tao sóo yae.

Kótóné doi doasi mulatere fo

²⁴ Diẹ ẹẹe naqsóró tao senére sekéné doi doasi muópóló, hale sóró horae. Ti diẹ ai sekéné ama kae ere ẹẹ tuẹpaae dapesó fóló, me alakélé muni mo doasi hẹi ẹanuraalu ẹtamo betamó betenérápó.

²⁵ Ẹa tẹteróló kaae tare Tale Yesu Keriso tuẹpaae erale alané so whĩ aluyaqsóró tao su beterapó. Atére Kótó mo betatóró beterapa, ama doi doasi mulae. Tétu, mo kae ere ẹẹ ẹanane alakélé, ama mo kae ere ala wisinaalekélé, doasi fotokọkélé, fea ala tẹteróló kaae tare betekélé, mo ẹpaaetóró erópóló yae. Mo take keké nale alimókélé, mió i betere alimókélé, nalo betaaire alimókélé, ama doi doasi hẹle muó tanópóló, sóró horótu betae. Mo kée, téyópóló yae!

Kinóló mole ala hąkearaletei

¹ I dere fota, Kótóné Yesu Kerisopaae mo felekemó yaai dere alapa, naao kutó diratere so whinė tuę yópóló, kinóló moletei hąkearóló yó melae, yóló malepó. Ai fo Yesuné wosóló, ama kutó deratere whi Jon beterepaae *ensel* dotonalepó.

² Atétepa, Jon-né ama kelale ala so whi feaná tuę yópóló, amamo aseyalepó. Ai fota me kae mei, Kótóné dere foró Yesu Kerisoné ama yale alatamo etérapóló yó male fopó.

³ Take i ala yaalopóló i asęere fo hąkeamó dosąatu betere whi Kótóné wisiró betepa, hajné sukutu beterópóló yae. Ai dosąatere fo wosóló, hosaa tuámó mulatere so whikélé, wisiró beterapóló hajné sukutu betenérápó. Ti ai yó male alarape dokonóló yaaire be de mo felekemó sókó waai dapó.

Talené doi hale horatere foró kőleó dere fotamo

⁴ Ęta, Jon-né Esia hae kwiamó betó mole weikeró Keriso fake so whipaae dapó.

Miókélé betóo, takekélé bitiré wóo, nalo waaire alimókélé hąle betóo, yaaire sekéro kale teteróló kaae tare doasi betere tiki felekemó betere weikeró keper-
apetamo tuámó kaaróló wale hamokoróló hąle tao sere

alaró, hosaa muni deyóló dua betere alatamo diąpaae erópóló yae.

⁵ Ti Yesu Kerisoné yó matere fota, ama mo kelale alatóró du beterapó. Ti ąta, mo sukąletei kepaayóló betaaire so whimó, tu aleróló folosóró fóló betere whipó. Atéturaalu, i haemó betó mole topo whirapekélé mo fea amatóró teteróló kaae tarapó.

Ai sekéné amatóró diąpaae yaala sókó furaalu, da dowi ala tuámó betepa, ama sameanétei teraayóló hąle fópóló eró beterapó.

⁶ Téro da ama teteróló kaae tare aomó sóró beteróló, Al-ima Kótóné ama ala erópóló, so whimó momaratere whi sóró beteralepó. Téreteiné, ai sekę ama mo kae ere ala wisiró doasi fotokątamo mo hąle muó tanópóló yae! Mo kée, tępópóló yae!

⁷ I dere fo wosae! A ó hepen bemó ere sąkotamo wapa, so whi mo feanékélé, take ą duraalu wutiné deyale whirapenékélé, kelaalo ai ape.

Atéteremó, i hae kwia feamó betóló fale so whinė doasi wole u yaalopó.

Ti ai alata, motóró yaalo ai ape. Mo kée, tępópóló yae!

⁸ Téro Tale Kótóné duraalu, “Ęta, *Alaparó Omekatamopó*. Ai fo feteyóló, kaae sereteiró kerner-
atereteitamota, ti

mo ętórótipó. Take bitiré waleteikélé, mió betereiteikélé, take nalo betaaireiteikélé, ętóró bitu, fea ęla ęla ęteróló kaae tare seké ętórótipó,” yalepó.

Whinė Naalema aępa kelale fo

⁹ Ęta, diaaę no Jon-né dapó. Da fea Yesu tuąmó bitu, sekę sere alakélé, ama ęteróló kaae tare aęmó betere alakélé, hńni hąle belée tare alakélé, da fea betąmó deté fu betere whıpó. Yesuné yale ala i ape yóló yó melóo, Kótóné fo eróo, yalemó atimané ę weinė bopéro daaló betere hae Patmos-mó beteralepó.

¹⁰ Atéro betepa, Talené be demó Deį kepe wisiné fotokę tuąmó bitu, yało kılıpaae doasi fo fake ukulumó wutiné hale kaae depa wosalepó.

¹¹ Atéro dere foné duraalu, “Naa keletere ala fea bopeyóló mole sókumó aseýóló, weikeró Keriso fake so whıpaae falae. Ai berape i ape. Efesus, Smerna, Perkamum, Taiyatira, Sardis, Piladelpia, Laodisia, i dosąayale be huluamó betó mole Keriso so whı feapaae aseýóló falae,” yalepó.

¹² Ai fo du betepa, né déro sisópaae fetée fóló kelalemó, *kold kapané* aleale weikeró sa dirirape kelalepó.

¹³ Atépa, ai sa dirirape duku betere tuą dolomó whı betą Whinė Naalema kaae

daapa kelalepó. Atéru, deróló sókó fatere fęloi kuti deróló, *kold kapané* aleale toné ai kuti ęteróló bopémó sepa kelalepó.

¹⁴ Ama toporó nikitamota, mo yako kaae de wisinaale yóo, ama kelekélé si mi kaae holóo, depa kelalepó.

¹⁵ Ama hóta, ti *brons kapa* siné dóló whaare kaae yóo, ama dere fokélé, weı dou kęaturaalu dere hu kaae depa wosalepó.

¹⁶ Ama turu naasené weikeró hęrerape tawóo, ama kólómó bóe dele sepake fosó tamo daai sókó wóo, ama kelepaakélé, sukané de kaae yóo, epa kelalepó.

¹⁷ Yało a kilituraalu, ę ama hó aęmó sukąle whı kaae deraapisa fóló molepó. Atéro mupa, ama turu naasené ę wolaa yóló duraalu, “Ya wiyaęse. Kaae sereteikélé, kemetereteikélé, mo ętórótipó.

¹⁸ Ęta, mo ti betere seképo. Ę take sukąletei, momó kepaayóló mo titóro betó tarapó. Téruraalu, sukutere alaró sukąle so whıtamo betere tu kı yało i tare ape.

¹⁹ Térapa, naao kelale alakélé, mió i alimó keletere alakélé, nalo betaaire alimó yaaire alakélé aseýae.

²⁰ Yało turu naasemó mupa, naao kelale weikeró hęreraperó *kold kapané* aleale weikeró sa dirirapetamo kelale bete i ape. Kale hęrerapeta, ti u weikeró be huluarapemó betó mole Keriso so whı tao sópóló,

dotonale wẹikeró *ensel-rapépó*. Kale wẹikeró sọ dirirapeta, ti wẹikeró be huluamó betó mole Keriso so whípó,” yalepó.

2

Efesus Keriso so whípaae aseyóló farale fo

¹ “Efesus be huluamó betó mole Keriso so whi tao sópóló dotęyale *ensel-paae* i fo aseyóló falae.

Turu naasené kale wẹikeró hęrerape taruraalu, *kold kapané* aleale wẹikeró sọ dirirape daae mole tuamó kutu betere sekéné dere fo i ape.

² Dią hókélé ini, mepaae du betere alarape ęalo tuęnipóló de? Dią hókélé ini, depe tukó wei ala hąle yó tare alakélé, kale dowi ala yó tareteikélé, whirape diątamo betamó betaqsóró hókó fatu betere alakélé, ęalo tuęrapó. Mepaae whirapená duraalu, ‘Dąta, Talené dotonatepa wale *apotel whirapépó*, dere fomó, diąné atima kęae kolóló duraalu, ‘Diąta kapala fo bole whirapépó dere alakélé kolóló, ęalo mo tuęrapó.’

³ Dią ęalo so whi betepa, mepaae sekei ala ó faletere alarape wou betepatei dią hýyóló dekani, ęalo doimó hąle yó tarapó.

⁴ Tépatei, ęalo keletepa wisinire ala betą i ape. Take kaae suraalu diaaq yaala sókó fu betale ala mió taaló beterapó.

⁵ Térapa, take diaaq yaala sókó fu betale ala taaróló, mió dią haepaae ai derepalapa kisipa muae. Atétu, diaaq kisipa tiki feteyóló take du betale ala momó yae. Dią ai alatamo initepa, ti ę dią beterepaae wóló diąné dęrótu betere sọ ęalo tokó saalopó.

⁶ Téretei, diaaq du betere alamó ęalo i yaaitere fo betą mo wisirapó. Nikolas whirapená hótu betere kaae diaaqkélé atétu beterapó.

⁷ Mepaae whi me de wosęli daapa, ti Dęi Kepe Wisiné kae kae Keriso so whípaae du betere fo feané wosópóló yae. Whi me de tu wisipaae faai fupa, me sekei alané sesé depakélé hepée taae faróló wale whita, Kótó betere kelaalo mo kokęi tikimó daale kepaayóló mo ti betaaire ni du wisi nópóló ęalo melaalopó,” yalepó.

Smerna Keriso so whípaae aseyóló farale fo

⁸ “Smerna be huluamó betó mole Keriso so whi tao sópóló dotonale *ensel-paae* i fo aseyóló falae.

I dere fota, kaae sereteiró kemeręle fo-leteitamóné bete Tale ą mo ti sukęletei, momó kepaayóló betere sekéné dapó.

⁹ Diąpaae kae kae sekei alarape wou bituraalu, yoleale yóló betere ala ęalo tuęretei, doasi dirii ęla wisinaale betą diąné sóró tareteiné, dią doasi néli whi kaae ai betere ape.

Mepaae so whi atima Juda fakepó du betereitei kapala fo dapó. Ti atimata, Satan-né fo wosetere fake bituraalu, dią erótu betere fo ąło kisiparapó.

¹⁰ Diąpaae sekei ala waaiemó wiyaqse yóló, ma fo i dapa wosae. Dią betere ala kaae kelaairaaalu, Satan-né dią mepaae so whi *dipula* beteraalo ai ape. Atéro *dipula* betero betepa, sekei ala siré fu bituraalu, naase tamo be derape kemeyaalopó. Dią dupakélé me ąla meipóló, tué tiki tiraté fu betepa, ti atétere whirapemó bóené whi dolóló kemeratere whiné deratere topo tao su dere kaae, ąło mo ti betere bete melaalo ai ape.

¹¹ Mepaae whi de woséli daapata, kale Deį Kepe Wisiné Keriso fakerapepaae i dere fo wosópóló yae. Whi me de tu wisipaae faai fełalemó sesétepakélé, hepée taae faróló wapata, ti atétere whi ą tamoróló sukutere alané doraalo meipó.”

Pergamum Keriso so whipaae aseýóló farale fo

¹² “Perkamum be huluamó betó mole Keriso so whi tao sópóló dotonale *ensel*-paae i fo aseýóló falae.

Fosó tamo daale bóe dele sepake tare sekéné dere fo i ape.

¹³ Diąta, Satan-né ama teđeróló kaae tare tikimó betereitei ąło kisiparapó. Dią atéro bitutei, ąło doimó du betere ala taaréni, hąle yó tarapó. Take ąło ala

erótu betale whi Antipas dale alimó, diąné epaae tué tiki tiratere ala taaréni, hąle yó tawaletai ąło tuęrapó. Ti diąta, Satan betere be huluamó ai betere ape.

¹⁴ Tépatei, diaaq dere mepaae ala ąło keletómó wisinireitei i ape. Dią betó mole kua dolomó, mepaae so whi Balam-né hąko yó mótu betale ala kaae du beterapó. Balam-né Balak-paae Israel fake so whi dowi ala yópóló, etéro yae yóló yó melalepó. Balak-né Israel fake so whi kapala kótópaae moma yóló matere ąlaró nópu nokole alatamo yópóló, ąlisóró fipakalepó.

¹⁵ Atétu betere kaae, dią mepaae whirapekéle Nikolas whirapené yó matere ala sya fu beterapó.

¹⁶ Térapa, diaaq ai du betere ala taaróló, kisipa tiki feteyóló betae. Diątamo ai ala initepa, ti ę dią beterepaae hapale sókó wóló, dią ai ala du betere whirapetamo ąło ąólómó sókó wale sepakené bóe daalopó.

¹⁷ Mepaae whi de woséli daapata, kale Deį Kepe Wisiné Keriso fakerapepaae du betere fo wosópóló yae. Whi me de tu wisipaae faai fenalemó sesétepakélé, hepée taae faróló wapa, ti atétere whimó ąło hyó muló betere mepaae *mana* o nópóló melaalopó. Téturaalu, kisi doi aseýóló muló betere deį kane fakekéle melaalopó. Ai kane

fakemó asęre doita, hąle mo whinė tuę yaalo meitei, ai kane fake sere whinė maaté tuę yaalopó.”

Taiyatira Keriso so whįpaae aseýóló farale fo

18 “Taiyatira be hluamó betó mole Keriso so whį tao sópóló, dotonale *ensel*-paae i fo aseýóló falae.

I dere fota, Kótó Naalema ama kele mo si kaae dó taru, hąlekekélé kale *brons kapa* siné dóló kasa kasa kaae ere sekéné dapó.

19 Diaaę yaala sókó fole alakélé, diaaę tuę tiki tiratere alakélé, yało doimó mo so whį tao sóró erótu betere alakélé, sekę wapatei beléetóró tare alakélé, diaaę mió du betere alané take kaae suraalu yale ala bosene faletei, fea yało tuęrapó.

20 Tépateti, kale so Jese-pel ą fópóló mo taketitei hókó faréniyólópó. Ai soné amatei ą Kótóné fo eratere kóló sopó du beterapó. Téturaalu, ama yó matere fonétei, yało kutó diratere whįrape nópu nokole ala yóo, kapala kótópaae momatere ęla nópóló ąlisóró fóo, du beterapó.

21 Ai soné nópu nuku betere ala taaróló, kisipa feteyóló wópóló kaae taté fu betepatei, wéni mo dowaae fu beterapó.

22 Até du betereteiné, ą dele sóró fitere tikimótóró fiyó mulópóló, taae deraalopó. Téturaalu, ątamo nópu nuku betere whįrapekélé kale soné atimapaee yó

melale dowi ala taaróló, tuę tiki feteyóló anitepa, ti atimakélé kale so dere kaae, dele sópóló taae deraalopó.

23 Ai soné ama naale senaalekélé sinópóló, yało mo ti daalopó. Ai ala depa, Keriso fake so whį feané kilitu, ęta, so whinė hosaa tuamó mole alaró tuę tikitamo taleyóló, atimané yale alamó mo donotóró tokó matere Tale beterapóló kisipa yaalo ai ape.

24 Dią mepaae Taiyatira be hluamó betó mole Keriso so whį kale soné yó matere fo wosóló sya feni yóo, Satan-né mo apaae derepale kinóló mole ala kisipa sini yóo, ere so whįpaae yało seķei ala kae eraalo meipó.

25 Téyaalomeipa, ę wale alimó sókó faasepóló, diaaę ai du betere wisi alatóró hąle yó taté fo betae.

26 Whį me de tuę wisipaae faai fenalemó, me seķei alané sesé depakélé, hepée taae faróló, kemene fole kwiamó sókó fupa, ti atétere whį i hae kwiamó betó mole so whį fea tęteróló kaae tanópóló, yało sóró beteraalopó.

27 Ašemó ere fo i ape. ‘Topo whinė tatere *aiyon kapa*-né aleale dotótiki taru, haené aleale wuti derąketu dere kaae, yało bóe whįrape ai ala yaalopó,’ erapó.

Yało Ayané ę so whį tęteróló kaae tanópóló sóró beterótu yale kaae, yałokélé dią sóró beteraalo

ai ape.

²⁸ Atéro sóró beter-
atere so whįpaae hįka
be dęteretamo dęyó tare
hęrekélé, yalo melaalópó.

²⁹ Mepaae so whį me
wosęli daapata, kale Dęi
Kepe Wisiné Keriso faker-
apepaae i du betere fo wosóló
tuę muópoló yae," yalepó.

3

*Sardis Keriso so whįpaae
aseyóló farale fo*

¹ "Sardis be huluamó betó
mole Keriso so whį tao sópóló
dotęyale *ensel*-paae i fo
aseyóló falae.

Kótóné węikeró kepe
tawóo, węikeró hęrerape
tawóo, ere whįné dere fo
i ape. Diąné du betere
ala yalo kolóló kisiparapó.
Mepaae so whįné dią
kilituraalu, i Keriso faketa,
Kótóné ala eraai noke fini,
mo doa ketekeę bulapóló
dukiróturaalu, diaaę doi só
kutu beterepó. Téretei dią
yalo keletępa sukále whį
aęrapó.

² Dią fire whįrape-ó,
turukó horóló betae! Diaaę
du betale wisi ala fea sisiraae
fóló betą betą betteretei
felekemó sukąai dapa, fotokę
buóló daayae. Ti noatepae,
ę tęteróló kaae tare Kótóné
keletómó diaaę erótu betere
ala mo turó kemeróló, ama
muló betere dąlemó sókó
fenipó.

³ Térapa, diąné take
wosóló tuęre fo kisipa muae.
Ai fo aęmó sukóló bitu, kisipa
feteyóló ai fo sya fóló erótu

betae. Ę waaire be dę dią
kisipani, mokęleyaa yóló
betó mupa, ę ęlémi nokole
whį kaae, sókó waalo ai ape.

⁴ Týyaalotei, dią Sardis
bemó betere whįrape
kuamó betą betą so
whįné deró betere kuti
mo wisiyóló kaae tare
tikimó, bólukélé inipó. Ai
whįrapeta, dęi kuti deróló
ętamo kweyaalópó. Ti
noatepae, atima dere ala
wisireteiné ai ala yaaire
mo sęrapó.

⁵ Whį me de tuę wisipaae
faai fenalemó, sesé depakélé
hepée taae faróló wale whįta,
ti u kale so whįné deró betere
dęi kuti kaaetóro deraalo ai
ape. Ai whįné ama doita,
mo titóro betó tare *buk*-mó
moletei yalo helekókélé yaalo
meipó. Téni, yalo Ayaró ama
ensel-rapetamoné keletómó
daalu, ita yalo whįpóló, yó
melaalópó.

⁶ Mepaae whį de wosęli
daapa, ti kale Dęi Kepe Wis-
iné Keriso fakerapepaae du
betere fo wosóló tuę muópoló
yae," yalepó.

*Filadelpia Keriso so
whįpaae aseýóló farale fo*

⁷ "Filadelpia be huluamó
betó mole Keriso so whį tao
sópóló dotęyale *ensel*-paae i
fo aseýóló falae.

I dere fota mo fo bete
Tale dowi ala betąkélé
muni, kae betere sekéné
dapó. Take betale whį
Depit-né *ki* mió yalo i tare
ape. Yalo kinatere tuę me
whįné tukįyóo, yalo tukwę

mulatere tų mené kinóo, enénipó.

⁸ Diaaą du betere ala ęalo kisiparapó. Dią faaire tų ęalo ai tukwę muló beterapa kelae. Ai tųta, whį mené kinatere alakélé mo enénipó. Dią fotokọ sawa bulutei, ęalo fo ęale eró tarapó. Tėru, mepaae so whįné ęalo doi yóló, dią Talené so whįé yóló wosetepa, diąné meipó initeretei ęalo mo kisiparapó.

⁹ Mepaae whį atimata, Juda fakepó du betepatei, Juda fake mei, kapala fo du beterapó. Ai so whįta, dowi Satan-né fo wosetere fake ai ape. Atima dią beterepaae wóló, diaaą hó aąmó der-aapisa fóló fió muluraalu, i so whįta Yesuné yaala sókó fole ala mulapó yópóló, dere ala ęalo eraalopó.

¹⁰ ęalo diąpaae sekei ala wapakélé ęale eró tawae yale fo diaaą wosóló eró tawalepó. Týaleteiné i haemó betó mole so whį fea sų sóró ęaae keletere sekeę wale sukamó, diąpaae waąsóró ęalo sesé yaalopó.

¹¹ ę mo felekemó walapó. Bóe dóló teteratere whįné sere topo tao diaaą saairetei, mené saąsóró diąné teteróló kaae tanópóló male ęla wisi mo hotowayóló kae tawae.

¹² Whį me de tų wisipaae faai fenalemó, sesé depakélé hepée taae faróló wapa, ti atétere whį ę teteróló kaae tare Kótóné momatere be hulua eleké sų deyaalopó. Atétere seké ą ai be taaróló

fókélé mo yaalomeipó. Ai whįné tikimó ę teteróló kaae tare Kótóné doiró ama be hulua doitamo aseęaalopó. Ti ai be hulua doita, kisi Jerusalem-pó. Ai be huluata, ę teteróló kaae tare Kótó betere hepen be taaróló, dorowaalo ai ape. Ai whįné tikimó ęalo kisi doikélé aseęaalopó.

¹³ Mepaae whį de wosęli daapa, ti kale Deį Kepe Wisiné Keriso fakerapepaae i dere fo wosóló tuę muópóló yae," yalepó.

Laodisia Keriso so whįpaae aseýóló farale fo

¹⁴ "Laodisia be huluamó betó mole Keriso so whį tao sópóló dotonale *ensel*-paae i fo aseýóló falae.

I dere fota, Mo kée, týyópóló yae! dere bete Tale bitu, mo ala yó taruraalu, ama kelale ala i ape yóló ęakearóló yó mótu beterapó. ąta, Kótóné aleyóló muló betere ęla ęla fea teteróló kaae tare sekéné dapa wosae.

¹⁵ Diąné du betere alata ęalo tuęretei, sirii ala ó supui ala meiyóló, ęale tuąmó beterapó. Ai tamo ala me taaróló betą alatóró uąsóró ti mo wisi wuąpó.

¹⁶ Ti diąta, supukélé meiyóo, sirikélé meiyóo, yóló ęi fale ęla kaae epa kilitu, ęalo ęólómó hamuóló soraee falatere ęla kaae soraee faraalo ai ape.

¹⁷ Diąné duraalu, 'Dąta, wisi wisi ęla mole néli whį betereteiné mo betą ęlakélé

yąyanipó, dua dapó. Téretei, Tale Kótóné dią keletepa, mo sonaalei so whi betepa kilitu, kọlerapó du beterapó. Diąta, yolealere alakélé, kele dilikire alakélé tiki daapi hąle betere alakélé, epatei, diaaą kisipané wisire nisi dapó.

¹⁸ Yąlo i dere ma fo wisi wosóló, i sore ọla diąné ętamo dupu yae. Siné biliyaletikimó wisiyóló sókó wale *kold kapa* supa, ti dią mo doasi néli whi betaalo ai ape. Dią tiki hąleretei, kinóló deį kuti sóró bukae. Diaaą kele dilikiretei wisiyópóló, yąlo i tare *mula mula* sóró dilae.

¹⁹ Yąlo yaala sókó fale so whi atima kae kae dowi ala depa kilitu, tų wisipaae fópóló donoróturaalu, yąlo atima foné sóró dekésu beterapó. Térapa, yąlo diąpaae dowi ala taalae du betere fo mopóló, tuę tiki feteyóló Tale Kótóné alamó ketekę buóló betae.

²⁰ Ęta, tų sókó walemó daalu, tų du beterapó. Whi me denétamo yąlo dere fo wosóló tų tukutepa, ti ę ą betere tuąpaae wóló, ątamo ọla betámó nóo, ąkélé ętamo ọla betámó nóo, yaalo ai ape.

²¹ Ę tų wisipaae folemó sekeį alané sesé depatei, hepée taae faróló, yąlo Ayané teteróló kaae tare tikimó ątamó betámó be-talepó. Atére kaae, diąkélé tų wisipaae fole ala kilitu sesé depatei, hepée taae faróló wapa, ti yąlo teteróló kae tare tikimó ętamo

betámó sóró beteraalopó.

²² Mepaae whi de wosęli daapa, ti kale Deį Kepe Wisiné Keriso fakerapepaae i dere fo feané wosóló tuę muópóló yae," yalepó.

4

Hepen-mó teteróló kaae tare tiki

¹ Ai alarape yóló kemetepa kelalemó, hepen be tų tukwe fóló molepó. Atéru, folosóro ukulumó wuti hale kaae yóló fo yale whinétóro ępaae duraalu "Yą ipaae holae yalepó. Yą hotopa, ti i alarape yóló kemene fupa, nalo yaaire ala yąlo yąpaae yó melaalopó," yalepó.

² Tétepa, mo ai fapotóro Deį Kepe Wisiné ę fotokoratepa kelalemó, hepen bemó ę daalepaae anóló, teteróló kaae tare topo whi betere sea tómó doasi beterepó.

³ Ai *seamó* betere doasi kolóló, *jasparó kanilian* kanetamoné kasa kasa kaae ere doasi beterepó. Ti ai sekę ą betere tikita, sikipa douné bopéro beterepó. Ai sikipa douąta, *emerald* kane kasa kasa kaae epa kelalepó.

⁴ Kale teteróló kaae tare doasi betere tiki bopéroló, ²⁴ whi disirape ²⁴ *sea* dokoyóló betó molepó. Ai sekęrape atimané deró betere kutita, mo deį wisinaale deróo, atimané topomókélé teteróló kaae tare doasiné deró betere *kold kapané* aleale topo tao deróo epa kelalepó.

⁵ Ai kale doasi betere tikimó epée fitąa duraalu,

be sapalaa yóo, tẹteróló kaae tare doasiné kutiriró beterepaae anóló, wẹikeró sọ dirirape dó diliki yóo, erepó. Ai sọ dirirapeta, Kótóné wẹikeró keperapepó.

6 Atéro kelalemó, kale tẹteróló kaae tare sea mole hosaamó wẹi kẹla wisinaale belerepó. Ai wẹita, klas kasa kasa kaae erepó.

Kale tẹteróló kaae tare doasi betere tuámó, Kótóné aleale doṛó betere ọlarape ai doasi bopéróló betó molepó. Ai kale doṛó betere ọlané tikimó hosaapaaekélé sisópaaekélé mo fea keletóro daae molepó.

7 Kale doṛó betere ọlarapéné ere ala i ape. Kolosale ọlata, ti *laiyon* kaae beterepó. Kolosale noma ọla ti hae dukjyaaí só kotere *bulmakau* wọ hupu kaae beterepó. Doṛ noma ti whíné keleppaa kaae daai ọla beterepó. Doṛ ti sikimó sẹ kotere ba dukaa kaae beterepó.

8 Ai doṛó ọlarape atima dokọ fea baase apomiró daalepó. Atimané tikimó ere kaae baase aṛókélé keletóro daae molepó. Ti ai sekẹrape atima deṛamokélé dikitamokélé etei fo hẹle yótóro tarapó.

“Mo doasi fotokọ bole mo kae betere Tale Kótó ọ take biteré wóo, miókélé, nalo waaiere alimókélé ątóró hẹle betó tawaalopó fo,”

momó du momó du, du be-talepó.

9 Ai doṛó betere ọlarape atima kale tẹteróló kaae tare doasi betere tikimó bitu ama ere doakale doi mole Talepaae mo kée yóló dukiraterere fo du betepa, kale tẹteróló kaae tare 24 whi disirapekélé i ala dua dapó. Atima betere searape taaróló, haemó deraapisa fóló mulu, kale tẹteróló kaae tare doasi betere tikimó mo ti betó tare Talepaae mo kée yóló, ọ aomó sukóló bitua dapó.

10 Ai 24 whi disirape atimané deró betere topo taorape sókó su yóló, tẹteróló kaae tare doasi betere tiki felekemó mulóló duraalu,

11 “Dą tẹteróló kaae tare Tale Kótóo, fea ọla naaotóro aleyóló muló beterepó.

Aita naao kisipa mole alatóro sya furaalu, kaaró betereiteiné takekélé miókélé, atima hẹle betó tarapó.

Naao fotokóné ai alarape epa ya doasi doi mulaterere alakélé, naao doi hale horaterere alakélé, dané yappaae mo sumó er-anérapó,” dua dapó.

5

Bopeyóló muló betere asẹre sókuró Sipsip hupu maletamomó ere fo

1 Téro yalo kelalemó, kale tẹteróló kaae tare doasi ọ seamó bitu, betọ bopeyóló mole sóku utékélé itékélé asẹretei, ama turu naasené tarepó. Ai asẹ mo whíné kelaqsóro, kinóló wẹikeró dirii ọlané diriróló datekaró betepa kelalepó.

² Atępa, mo doakale fotokę bole *ensel*-né fo fakeyóló duraalu, “Ibopeyóló mole asę datekaró betere ęlarape mé whinė dąayóló teraanére?” yalepó.

³ Térené ó hepen bemókélé, i haemókélé, hae aęrókélé, ai bopeyóló muló betereitei teraayóo, u tuąmó asęyóló mole fokélé kolóo yaaire whi mo betąkókélé bitinipó.

⁴ Kale bopeyóló muló betere ęla teraayóo, tuąmó asęyóló muló betere fo kolóo, yaa i sęre whi mo betąkélé bitinipa kilitu, ę dekené sini wole du betalepó.

⁵ Atętu betalemó, kale whi disirapekó betąné ępaae duraalu, “Wolekesé. Juda fake tuąmó wale *Laiyon*-ta, Depit kaayale bete ai walapa kelae. Ai sekęné ama bõe whi dóló tęteró betereiteiné kale bopeyóló mole asę datekaró betere węikeró ęlarape ama betą sųmó tukóló dąanerapó,” yalepó.

⁶ Atętepa kelalemó, betą *sipsip* hupu male tęteróló kaae tare doasi betere tuąmó daalepó. Ai *sipsip* hupu maleta, whinė daletikimó sukąle nisi erepó. A doasi betere tuą dolomó, kale douró betere ęlaraperó 24 whi disirapetamoné a bopéróló daae molepó. Ai tuąmó daale *Sipsip* hupu malené topomó węikeró sekéro węikeró kelerapetamo daae molepó. Ai sekéro keperapetamota, Kótóné i hae kwiamó betó mole so whi paae dotonale

węikeró keperapepó.

⁷ Ai sekę a wóló, kale bopeyóló muló betere asęre sóku, kale tęteróló kaae tare tikimó betere doasiné turu naasené tapa salepó.

⁸ Kale sekęné asęre sóku sóró tapa kilitu, douró betere ęlaraperó kale tęteróló kaae tare 24 whi disirapetamo atima kale *Sipsip* hupu male daale felekemó deraapisa fóló fió molepó. Ai whi rape atima dokę feané *kita* kaae ęla *harp* tawóo *kold kapané* aleale okopoi nukurape tawóo, erepó. Ai nukurape tómó simó bilitępa felé kęlaa wisi wale ęlarape belerepó. Ti ai felé kęlaa wisi wale ęlata, Kótóné ama so whipóló kae betero betere so whinė momatere fopó.

⁹ Téró atimané kisi wole foné duraalu,

“Yąta, ai bopeyóló muló betere asęre sóku teraayaaire mo sųrapó.

Ti noatepae, yą dupa sókó fele sameané Kótóné so whi beteraai, kae kae fakekélé, kae kae be fo bole so whikélé, kae kae tiki daale so whikélé, kae kae *Gavman*-né tęteróló kaae tare so whikélé, i dosąayale fakerape tuąmó mepaae so whi naao sameané dupuralepó.

¹⁰ Naao dupurale so whi atimata, Kótóné tęteróló kaae tare aqmó betóo, Kótóné ala eróturaalu moma yóo,

yǒpóló naaotei sóró
beteralepó.

Atéyale so whı atimané i
hae kwia fea tẹteróló
kaae tawaalo ai ape,”
yalepó.

¹¹ Téró yǎlo kelalemó, kale
doasi betere sea bopéróló
douró betere ọlarape daayóo,
ai sisómó 24 whı disirape
daayóo, ai tẹ faróló *ensel*-rape
mo ni sóku kaae (100,000,000)
wó mulu, i wole fo du betepa
wosalepó.

¹²

“Tẹteróló kaae tare fo-
tokókélé, mepaae wisi
wisi ọlakélé, fosó fosó
kisipakélé, fotokókélé,
doasi doi mole alakélé,
ama ere ala wisi
hąkearatereteikélé,
ama doi sóró ho-
ratere alakélé, fea
dáné ąpaae eratepa,
kale dale *Sipsip* hupu
malené mo sımó
senérápó,” du betalepó.

¹³ Téró, Kótóné hepen
bemó aleyóló muló betere
ọlakélé, i hae tómó betó mole
ọlakélé, hae ąró betó mole
ọlarapekélé, wẹi tuámó betó
mole ọlarape feané kǒló
betąpaae touróló i wole fo du
betepa yǎlo wosalepó.

“Kale tẹteróló kaae tare
seamó betere sekéro
Sipsip hupu maletamo
dukiróló hale horatere
alakélé,

doasi doi mulatere
alakélé, ama ere
ala wisi hąkearaterere
alakélé,

fotokǒ bole alakélé,

betere dokǒ fea ati-
maamopaae eraté fu
beterópóló yae!” du
betalepó.

¹⁴ Atétu betepa, kale douró
betere ọlarapené duraalu,
“Mó kée, téyǒpóló yae,” fo
dekeró yó tawalepó. Ati-
mané ai fo depa, kale 24
whı disirape deraapisa fóló
mulu, Talené doi sóró horótu
betalepó.

6

*Diriróló kinó betere
ọlarape*

¹ Téró, kale *Sipsip* hupu
malené bopeyóló mole asẹre
sóku diriróló kinó betere
wẹikéro ọla betą tukóló
teraatepa kaae taremó, ai
douró betere ọlakó betané
“Ape!” dere fo be sapalaa
dere kaae yalepó.

² Atétepa kelalemó, betą de
hos hupu ẹ daalepaae anóló
mo tumó daalepó. Ai *hos*
hupu tómó betere whıné diki
tawóo, doasi tẹteróló kaae
tare whıné deratene topo tao
mené ą maletai deróo erepó.
Atéro deróló, bóe whı dóló
torokǒ falaai mo doakale
ketekẹ buló felepó.

³ Kale *Sipsip* hupu malené
kolosale noma kinóló
datekaró betere ọla tukóló
dąayalemó, kale kolosale
noma betere ọlané, “Ape!”
yalepó.

⁴ Teró me *hos* hupu sókó
wapa kelalemó, mo si mi
sonaa kaae erepó. Ai hupu
tómó betóló wale whıpaae,
i haemó mole so whı hosaa
muni deyóló dua betere ala

fasó sóró, bóe dóló u du i du yópóló, mené fotokọ ąmó malepó. Téturaalu, ąpaae doasi bóe dele sepakekélé mené melalepó.

⁵ Téró, kale *Sipsip* hupu malené doų noma ọla tukóló dąyalemó, kale doų noma betere ọlané duraalu, “Ape!” yalepó. Atétepa kaae taremó, dilikii *hos* hupu wóló ẹ daalepaae anóló daalu, betą sekẹ ẹale sere ọla *skel* tarepó.

⁶ Atétepa, yąlo wosalemó, kale doųró betere ọlarape kuamó whinė fo kaae yóló duraalu, “ Betą whị betą be demó kutó diteremó sere *moniné whit* o betą *lita ó bali* o sore *lita* wuti senérapó. Térapa, nokole *Olip wel* wẹiró *wain* wẹitamó betą doraqsóró hotowaró kaae tawae,” yalepó.

⁷ Téró, kale *Sipsip* hupu malené doų kinó betere ọla tukóló teraatapa kaae taremó, doų betere ọlané duraalu, “Ape!” yalepó.

⁸ Atétepa kelalemó, ẹ daalepaae anóló betą sini tiki daale *hos* hupu daalepó. Ai *hos* hupu tómóta, sukutere ala bete tare whị beterepó. Ai *hos*-né sisómó sukutere ala betepa, ai hupuné kịlimó sukutere so whị betere tiki ama doi *Hedis* wou betalepó. Ai whị tamopaae, hae kwia feamó betóló fale so whị dópóló fotokọ bulalepó. Ti so whị daaireteita, atimaamoné bóe dele sepakenékélé, wote alinékélé, doakale hepo alinékélé, i haemó betó mole syaae kaae ọlanékélé, dilé

kwẹyópóló fotokọ sụmó melalepó. Atéro dilé kuturaalu, douró fake betereitei betą fake duraalu, sore fake beterepóló taaraalopó. I hae kwia feamó betóló fale so whị atéro dilé kwẹyóló kemerae, yóló fotokọ sụmó matepa tarepó.

⁹ Téró kale *Sipsip* hupu malené apo kinó betere ọla tukóló teraatapa kaae taremó, momatere kapo daale aqmó keperape betó mupa kelalepó. Ai keperapeta, Kótóné fo yó matere alaró Yesu Keriso etei kaae Talepóló yó matere alatamo deremó, mepaae whinė dale keperapó.

¹⁰ Ai sekẹrape atimané fo fake yóló duraalu, “Mo fo ẹanuraalu betere bete tale bitu, fea ala tẹteróló kaae tare Tale-ó, i haemó betó mole so whinė dowi alaró dą duraalu sókó farale sameatamomó tale yóló kwia melaaire be ẹ wópóló meteró felimó kaae tawóló betaaloé?” yalepó.

¹¹ Atéro atima dokọ feamó deróló sókó faterere ẹi kuti melóló duraalu, “Dią betą kutó diratere norape atimakélé mené dópóló sawa kaae tawae. Ti noatapa, i dosąayale daaire whịrape fea sụmó dóló kemeréni teópó,” yalepó.

¹² Yąlo kaae taremó, apomiró datekaró betere ọla tukóló teraayalepó. Atéro teraateremó, doakale bao yóló, suka mo ti diliki yóo, wéliékélé mo samea betąae fo erepó.

13 Sámó daae mole hąrerapekélé, doakale beséné nose du hara torokó derótu dere kaae torokó deralepó.

14 Sąta, asętere sóku bopetu dere kaae bopeté fóló alune felepó. Hae kwia feamó daae mole hasi fosórapekélé, węiné tukóló bopéró betere haerapekélé, daale tiki taaróló, kae tikipaae daane felepó.

15 Hae kwia fea tęteróló kaae tare topo whįrapekélé, atima betale sirimó be-taire naalerapekélé, diki tare whįrape tęteróló kaae tare topo whįrapekélé, néli whįrapekélé, bóe dele fotokó bole whįrapekélé, wae sóró beteratere whįrapekélé, kọleaané betó mole whįkélé, kapo dolopaae hyó muni fóo, kapo beléli dolopaae hyó muni fóo yalepó.

16 Atima atéró fóló bituraalu, hasi fosópaaekélé, kapo fakepaaekélé duraalu, “Kolokó dorowouraalu da tęiyane dere ape. Ti noatepae, tęteróló kaae tare tikimó betere sekéné kelepaaró *Sipsip* hupu maaletamoné fopaae bole alatamo dané kelaqsóró kinae.

17 Ti noatepa meipó. Atimaamoné doakale fopaae butu kwia matere be de ai sókó wale ape. Atétere be demó de daanére? Mo daayókélé enénipa wiyae,” du betalepó.

7

144,000 so whį sirirale fo

1 Ai ala yóló kįlipaae i douro hae kwiamó douro *ensel* dokó yóló daapa kelalepó. Atéró daalu, haepaaekélé, doasi węi kęlapaaekélé, besę tiki waqsóró, atima dokó feané sesętu beterepó.

2-3 Atéró, *ensel* me kae suka hoteró ę daalepaae wou betepa kelalepó. Ai *ensel*-né mo ti betere Kótóné siriró betere ęla tarepó. Ai *ensel*-né haekélé, węi kęlakélé, doraaire fotokó bole douro *ensel*-rapepaae fo fakeyóló duraalu, “Kótóné kutó diratere so whįné kutirimó siripi eraaipa, hae tikikélé, węi kęlakélé, nirapekélé, hapale doréni kaae tawae,” yalepó.

4 Ai sirirale so whį dosąatepa yalo wosaletai i ape. 144,000 so whįta, Israel fakerapetórótípó.

5-8 Juda fake dosąayóló sirirale so whį dokó sóró touróturaalu 12,000-rópó.

Ruben-né fake touróturaalu 12,000,

Kad-né fake touróturaalu 12,000,

Aser-né fake touróturaalu 12,000,

Naptaliné fake touróturaalu 12,000,

Manasené fake touróturaalu 12,000,

Simeon-né fake touróturaalu 12,000,

Lipainé fake touróturaalu 12,000,

Isakar-né fake touróturaalu 12,000,

Sepulun-né fake touróturaalu 12,000,

Josep-né fake touróturaalu 12,000,

Benjamin-né fake
touróturaalu 12,000-rópó.

*So whį hąle ąla kaae deį
kuti deróló daae mole fo*

⁹ Ai ala yóló kemetepa kese
faralemó, so whį mo hąle
ąla kaae daae molepó. Ai
daae mole so whįta, betą be
huluamó maaté wenipó. Kae
kae *Gavman*-né tẹteróló kaae
tare so whįkélé, kae kae tiki
daale so whįkélé, kae kae
be fo bole so whįkélé, kae
kae fake so whįkélé, kale
tẹteróló kaae tare tikimó
mole *searó Sipsip* hupu
maletamo betere hosaamó
daae mupa kelalepó. Atéró
daae mulu, deį deróló sókó
fatere kutirape deróo, olóu
dąarape tawóo erepó.

¹⁰ Téró, ai daae mole so
whįné doasi fo fakeyóló du-
raalu,

“Tẹteróló kaae tare *seamó*
betere Kótóro *Sipsip*
hupu maletamoné dą
mo ti aluyaqsóro tao
su betere beteta, mo
atimaamotórótípó,”
yalepó.

¹¹ Ai daae mole *ensel*-rape
fea, tẹteróló kaae tare doasi
betere tikikélé, kale whį disir-
apekélé, kale douró betere
ąlarapekélé, bopéróló daae
molepó. Tẹteróló kaae tare
doasi betere *sea* molepaae
fetée fóló, Kótó betere aqmó
deraapisa fóló fió mulu du-
raalu,

¹² “Mo dapó.

Téyópóló yae! yóló, hale
sóró horatere alakélé,
mo deį ala wisikélé,

tuę tiki fosó fosó yóló
dotoroę fole alakélé,
mo kée du betere alakélé,
doakale doi mulópóló du
betere alakélé,
fea ala yaaire fotokų
sumó bole alakélé
dą tẹteróló kaae tare
Kótópaae betere dokų
fea yó tanópóló yae.
Mo kée. Téyópóló yae!” du
betalepó.

¹³ Téró, kale tẹteróló kaae
diliki yó mole whį disirapekó
betané ępaae woseturaalu,
“I deį fọlo kuti deró betere
so whįrape-a, demaaté?
Mopaae wale so whįé?” yóló
wosalepó.

¹⁴ Ti fo depa yąlo ąpaae
tokų mótu duraalu, “Doa whį-
ó, naao ai tuęre ape,” depa,
kale sekéné ępaae duraalu,
“I daae mole so whį atimata,
doasi sekęi ala hąle beleté
waleteiné atima deró betere
kutikélé *Sipsip* hupu male
sameané fokale tikimó mo deį
ai erapa kelere?”

¹⁵ Atéyale tikimó,
“Tẹteróló kaae tare Kótó
ama *seamó* betepa,
atima ą beterepaae
kese anóló bitu, ama
momatere bemó mole
ala dętamokélé, diki-
tamokélé, hąle erótu
beterapó. Até du
betepa, tẹteróló kaae
tare doasi ą betere
tikimó bituraalu,
ama atima wisiyóló
beterópóló, kuti be
tęnútu betaalopó.

¹⁶ Atéru, wote dere alaró węi
nokole dere alatamo

momó kae yaalomei ai ape.

Suka supunékélé, mo hąle supunékélé atimané tiki mo do-raalomeipó.

17 Ti noatepae, tẹteróló kaae tare doasi betere tuąmó daale *Sipsip* hupu maleta, hupu kaae tare whinė dere kaae, atima mo wisi yóló kaae tarapó.

Atima dape sóró mo ti betere bete tuąmó wó tare wẹi nópóló ąlisóró faalo ai ape.

Atéró betepa, Kótóné atima kelemó dorowou betere wole kaafe fea helekóló kópuraalopó, ” yalepó.

8

Wẹike diriróló kinó betere ąla tukóló teraayale fo

1 Téró, kale *Sipsip* hupu malené kinó betere wẹike ąla tukóló teraayalemó, ó hepen bemó fo mo sawakélé ini, hąle hipa fi betepa suka kele 30-*minit* kemeyalepó.

2 Atépa kelalemó, Kótó betere felekemó daae mole wẹikeró *ensel*-rapepaae ukulumó wuti betą betą yóló melalepó.

3 Atéró kelalemó, me *ensel*-né *kold kapané* aleale okopoi nuku tarepó. Ai nuku tómóta, felé kẹlaa wale fetera kaae ąla belerótua dapó. Ai ąla só wóló, simó sukųlaa daróló momatere tikimó daapa, si keletómó biliratepa felé kẹlaa wisi wale ąla mené ąpaae

mo dekéró malepó. Ai felé kẹlaa wale ąlaró Talené kae beteró betere so whinė dere momatamo touróló, doasi betere *sea* molepaae anóló, *kold kapané* aleale momatere tikimó, Talepaae melaai sóró walepó.

4 Téró, kale felé kẹlaa wisi sukuli kaae, *ensel*-né naase taaróló, Kótó beterepaae holalepó.

5 Téró, kale *ensel*-né okopoi nuku taruraalu, kale momatere tikimó duku betere si kelerape kaae sóró nuku fąanóló, i haepaae taae deralepó. Tėjaalemó, epée fitąa yóo, doasi be sapalaa dorowóo, bao doasi yóo yalepó.

Kale wẹikeró ukulumó wu-tirapené haleraletei

6 Wẹikeró *ensel*-rape ukulumó wuti haleraai donoróló daae molepó.

7 Kale kolosale *ensel*-né ama ukulumó wuti haleraalemó, hali *ais* kane kaae alée fóló dorowóo, simiró sameatamo hosekéyóló dorowóo, yalepó. Atėjaleteiné hae kwia sore moletei betą siné dukuraalu, tamo hae kwia hąle muni felepó. Nirapekélé atétóró yalepó. Nerapeta, fea siné doló sukųlaa dalepó.

8 Téró, kale kolosale noma *ensel*-né ama ukulumó wuti haleraalemó, doasi hasi fosó kaae ąla siné doló kuló di wẹi kẹla tópaae taae deralepó. Atėjaalemó, ai wẹi kẹla sore maanetei, tamo hąle belene furaalu, betą samea alée felepó.

⁹ Węi kęła tuąmó sore betere ęła fake betą dóló sukunóturaalu tamo betepa taaralepo. Doasi węi tómó kotere nukukélé tamo mupa taalóturaalu betą fake doralepó.

¹⁰ Téró, doų noma *ensel*-né ama ukulumó wuti haleralemó, sąmó daale doasi hęre betą i haepaae si kaae dukulé dorowóló, doasi fole węiró ąmale węitamo tópaee dorowalepó. Atéyale tikimó, sore fake maanetei betą fake doróturaalu, tamo taaralepó.

¹¹ Ai dorowale hęrené doita, Hakesąapó. Ai hakesąare węirape nale tikimó, mo dekeró so whi sisiraae felepó.

¹² Téró, kale doų *ensel*-né ama ukulumó wuti haleralemó, suka ke sore fake dęretei, betą fake dalemó dilikiyalepó. Hęrekélé, wéliékélé atétóró yalepó. Be dętamokélé tamo fake dępatei, betą fake dilikiyóo, dikitamokélé, tamo fake sawa dępatei, betą fake mo ti diliki yóo yalepó.

¹³ Téró, yąło kaae tapatei, betą dukaa ó są tuąmó sę kutu bitu fo fakeyóló duraalu, “Kale hąle bitį fale sore *ensel*-né ukulumó wuti haletepa, i haemó betó mole so whįpaae seķęi ala wairemó mo doasi, ‘Wió yae! Wió yae!’ I haemó betó mole so whįrape-ó, dią mo wió yae!” du betalepó.

9

¹ Téró, kale apo *ensel*-

né ama ukulumó wuti haleralemó, take ó sąmó i haepaae tokó dorowale hęrepaae mo apaae derepale wosono dolo tų ki mené ąpaae matepa kelalepó.

² Téró, ai sekęné mo apaae derepale wosono dolo tukįyalemó, kutó néli bilitepa, hotere sukuli kaae sokalepó. Atéró holale sukuliné sukaró sątamo kinóló, be mo dilikiyalepó.

³ Téró ai sukuli dolomó, ero nusurape haepaae dorowalepó. Atimané whi tukó nukupa dotopo dęretei, tų serekené tukó nukupa dere kaae yópóló, mené ą doasi fotokę melalepó.

⁴ Ai erorapepaae i fo yóló mulalepó. “I haemó yó mole nerape ó mepaae ere ęlarape ó nirape momókó doraęse. I hae kwiamó betere atima kutirimó Kótóné siri erénire so whi maaté tukó nae,” yóló mulalepó.

⁵ Ai ero nusupaae melale fotokęta, so whi mo ti sukópóló tukó néni, doasi dele sóró kaketu beterópóló, aporó wéliémó tuąmó turukóló nukulé fu betae. Atétepa, dere dotopota, tų serekené tukó nukupa, dere kaae yaalopó.

⁶ Atétere sukamó, so whi fea sukąaitere tų kekąalotei, sukutere ala kelaaolomeipó. Atima mo ti sukunée deté fu betaalotei, ai tuąmó sukutere ala mo muaalomeipó.

⁷ Téró, kale ero nusurape kelalemó, bóe dęle faairaalu, hos hupurape donoróló

biture kaae erepó. Atimané topomóta, kale tẹteróló kaae tare doasiné deró betere *kold kapané* aleale topo tao kaae deróo, atimané kelepaakélé mo whjné kelepa kaae daayóo erepó.

⁸ Téro kale ero nusurapené topo nikikélé, sorapené niki kaae daayóo, atimané sekékélé *laiyonné* seké kaae daayóo epa kelalapó.

⁹ Atimané bopémó yale sene waqsóro, *aiyon kapa* wase kaae dakeró beterepó. Atima burą furaalu dere sépi haleta, *hos* hupuraperó atimané sįyóló só kotere ęlatamo bóe daai furaalu, dere diri fake hale kaae yalepó.

¹⁰ Atima disalené whj tukó nukupa dere dotopota, tş serekené tukó nukupa dere kaae dapó. Atimané so whj tukó nukuraalu, fe dée daalatare dotopomó kaketé fu betepatei, wélié aporó kemeyaalopó.

¹¹ Atima tẹteróló kaae tare topo whjta, mo apaae derepale wosono dolomó betere *ensel* daalapó. Ai *ensel*-né ama doi Hibru foné Apadonipó. Krik foné Apoliyonipó.

¹² Folosóro waaire sekémó, wió yae yale ala kemeyalepó. Tépatei, tamo waai hale mulapó.

¹³ Téro kale apomi *ensel*-né ama ukulumó wuti haleralemó, Kótó betere felekemó *kold kapané* aleale momatare tiki kwia dokómó daaté fale sekęrapemó sókó

wale fota, mo whjné dere fo kaae depa wosalepó.

¹⁴ Atéro yale foné kale ukulumó wuti tare apomi *ensel*-paae duraalu, “Kale doasi Yupretis fole węimó dokóló muló betere douřó *ensel*-rape hale fępóló sókó daalae,” yalepó.

¹⁵ Atima ai douřó *ensel*-rapeta, ba fomókélé, wéliémókélé, be demókélé, sukakelemókélé, mo tukóló mulóló donoró betere be demótóro i hae kwiamó betó mole so whj sore fake betereitei, betą fake dępóló dotonalepó.

¹⁶ Atéro, bóe daai kale *hos* hupu tómó betóló fele whjrape fea, dokş sóro touróturaalu, 200 *milion*-pó (200,000,000) depa wosalepó.

¹⁷ Yalo nokenaró dere kaaené i ala epa kelalapó. Kale *hos* hupu tómó betó mole whjrape atima bopémó sere bóe wase mo si kele kaae sonaa yóo, mepaae sukutą yóo, mepaae ti *sulpa* kaae, whé yóo, erepó. Ai *hos* hupuné topota, mo *laiyonné* topo kaae daalepó. Ai hupurapené kólómó, simiró sukulitamokélé, si dokole kane *sulpa*-kélé atimané kólómó sókó walepó.

¹⁸ Ai sore ęlarape atimané kólómó sókó wouraalu, i haemó betó mole so whj sore fake betereitei tamo taaróló, betą fake dóló kemeralepó.

¹⁹ Ai *hos* hupurape atimané fotokęta, kęlóró disaletamómó bulapó. Atimané disalerape mo wuli tiki kaae

daalu, ama disale kwiamó topo daalapó. Ainé so whi tukó nukupa, doasi dele sua dapó.

²⁰ Kale whi dele ọlané dóló mepaae taarale so whi atima naasené aleale kapala kótópaae tué tiki tiratere ala taaréni, hałe yó tarepó. Ti ai kapala kótórapeta, *kold kapanékélé, silpa kapakélé, brons kapanékélé,* mo kaponékélé, ninékélé, aleyóló daaló betepatei, atima kotere ala ó, wosetere ala ó, keletere alamo dumipó.

²¹ Atimané whi dele alakélé, kae kae hosó fokélé, nópu nokole alakélé, ọlémi nokole alakélé fea taaróló kisipa feteni, hałe yó tarepó.

10

Asẹre sóku belekqa male doasi fotokọ bole ensel-né dąae faróló tare fo

¹ Téró, me doasi fotokọ bole *ensel* hepen be taaróló, i haepaae dōrowou betepa yało kelalepó. Ai sekéné ama kutita, mo saótóró deróo, ama topo tó sikimó sikipa doų filipaa yóo, ama kelepaakélé, mo suka dẹ kaae yóo, ama hẹleke tamokélé, doasi ni tikimó si dukutere kaae dó tawóo erepó.

² Ai sekéné ama naasené belekqamale asẹre sóku dąae faróló tarepó. Ama turu hẹleke doasi wẹi kẹla tómó daalóo, fẹ hẹleke hae tómó daalóo epa kelalepó.

³ Atéru, ai sekéné ama dere fo faketa, *laiyon-né* keteré kaae yalepó. Ama atéro

fo faketeremó, wẹikeró be sapalaané whiné fo kaae depa wosalepó.

⁴ Atéro wẹikeró be sapalaané yale fo yało asẹ yaai yalemó, ó hepen bemó sókó wale foné duraalu, “Kale wẹikeró be sapalaané yale fo asẹni kinae,” yalepó.

⁵ Take me hẹleke wẹi kẹla tómó daalóo, me hẹleke hae tómó daalóo, epa kelale *ensel-né* ama turu naase ó hepen-paae horó beterepó.

⁶ Atéru, saró hepen-tamokélé, haekélé, wẹi kẹlakélé, ai sore tikimó ere ala ó mole ọlatamo, fea aleyale mo ti betó tare Talené doi yóló malotu duraalu, “Kaae taté fole ala momó kae yaalomeipó.

⁷ Tépateti, nalo kale wẹike *ensel-né* ama ukulumó wuti hale yaaire be dẹ teópa kaae taru, i ala yaalopó. Kótóné kinóló mole ala i ape yóló ama kutó diratere kóló whirapepaae deté wale fo dokonóturaalu, mo eróló kemeraalopó,” yalepó.

⁸ Téró, take hepen bemó sókó wapa wosale fonétei epaae momó duraalu, “Kale wẹi kẹlaró haetamomó hó daaló betere *ensel-né* dąae faróló tare asẹre sóku sene fae,” yalepó.

⁹ Atétepa, ẹ kale *ensel* daalepaae fóló, naao ai tare asẹre sóku kwia sawakó ẹmale melaaloé yóló wosalepó. Tétepa epaae duraalu, “Tao sóró nae. Atéro nukupa, naao kólómóta, meke fẹ felé

kaae yaalotei, depe tuąmó feléni doyaalopó,” yalepó.

¹⁰ Atétepa, kale asęre sóku sawatamo ama naasené tapa, yało tao sóró nalemó, kólómó meke fe felé kaae yaletei, depe tuąpaae bitį durupuraalu, yało depe mo doyaalopó.

¹¹ Téró, ępaae duraalu, “Kae kae tiki daale so whįkélé, kae kae *Gavman*-né tęteróló kaae tare so whįpaaekélé, kae kae be fo buó mole so whįpaaekélé, kae kae tęteróló kaae tare topo whįrapepaaekélé, mo so whįpaaekélé, Kótóné eraaire ala i ape yóló, momó yó melae,” yalepó.

11

Kótóné yaaire ala i ape yóló yó matere whį tamoné yale ala

¹ Téró, ąale sere ąla kaae, kape siki mené ępaae melóló duraalu, “Ya fóló, Kótópaae momatere beró Talepaae simó sukųlaa dalatere tiki-tamo ąale sene fae. Téturaalu, ai be tuąmó touróló bitu, Kótóné doi sóró horótu betere so whįkélé dokọ sae,” yalepó.

² Tépateti, kale momatere be bolaare tipi tuą betą ąale saęse. Ti noatepae, ai belata, Juda meire fake so whįmó meló betereteinépó. Kótóné ama mo kae tęne be hulua wisinaale Juda meire fakené folokoleróló, họko kutu betepatei, 42 wélié kemeyaalopó.

³ Téró, yało du betere ala yó matere whį tamo yało fotokọ matepa, atimaamo

dekęmó deratere yei kuti deróló, Kótóné ąiapaae dere fo i ape, yóló yó maté kutu betepa, 1,260 be ąrape kemeyaalopó.

⁴ Ti ai sekę tamota, i hae kwia fea tęteróló kaae tare Tale betere felekemó daale *Olip* ni tamo kaae daayóo, sa diri tamo kaae daayóo erapó.

⁵ Mepaae whį denétamo atimaamo doraai du betepa, ti atimaamoné kólómó sókó wale siné atima dó sóró mo ti aluraalopó. Mepaae whį dené ai sekę tamo doraai kisipa mutepa, ti atimané ai dere alamó atimatei sukųalo ai ape.

⁶ Kale sekę tamoné bole fotokọ etérópó. Kótóné atimaamopaae dere fo mo so whįpaae yó matere be ąemó, hali waęsóró kinaaire fotokọkélé sųmó bolepó. I haemó belere węikélé samea alée falóo, yaaire fotokọkélé sųmó buóo, erepó. I haemó betó mole so whįpaae kae kae dowi sekę alarape atimaamoné hękesere be ąemó sųmó eranérápó.

⁷ Atimaamoné kelale ala yó maté fóló kemerateremó, mo a dolopaae derepale wosono dolomó betere dowi syaae kaae ąla sókó huturaalu, bóe dóló atimaamo tęteróló mo ti sukópóló daalo ai ape.

⁸ Téró, ai sekę tamoné tiki doasi doi mole be hulua tu hąkeamó muaalopó. Ai be huluamótóró atimaamo tęteróló kaae tare Tale filipaa ni tómó oleróló dalepó. Ai be huluapaae dó faróló, Sodom

beró Isip haetamo kaaepó.

⁹ Atimaamoné tiki atéro hąle mupa, kae kae tiki daale so whinėkéle, kae kae fake so whıkéle, kae kae be fo bole so whinėkéle, kae kae *Gavman*-né teterólo kaae tare so whinėkéle, sore be de kemeyólo dou be dené suka tuamó kęleta yópólópa douraęse.

¹⁰ I hae kwia feamó betólo fale so whinė duraalu, "Atimaamo Kótóné kóló whi bitu, da dóló susupurótu betale sekę tamo ti mulapa kelae yóló doka doka yaalopó. Téturaalu mo kée yóló, atimasisi wisi wisi ęla u mótu i mótu du betaalopó," yalepó.

¹¹ Tétu betaalotei, sore be de kemeyólo dou be dené suka tuamó daapa, Kótó betemó sókó wale fomo atimaamoné tiki tuąpaae bitę derepaalopó. Téturaalu, kale sekę tamó turukó holóló daane hotere kilitu, kale so whi atima winé sukóló diri furu furu yalepó.

¹² Atéro turukó holóló daapa, ó hepen bemó atimaamopaae fo fake yóló duraalu, "Ipaae holae!" deremó, atimaamoné bóe whırapené kaae dilikiyó mupatei, hepen-paae huturaalu, sąko dolomó buó deyalepó.

¹³ Até yale sukakelemótóro doasi bao duraalu, naase tamo be hulua eretei betą kolokó doropuraalu, aporó kemeyólo, me naase douro be hulua fake hąle erepó. Ai bao yaleteiné be kąturaalu, doló kemerale so whi fea dokę sóro touróturaalu 7,000

so whıpó. Até deremó, dini hąsókó fele so whi atima winé sukutu, ó hepen bemó betere Kótó mo daalapóló doi sóro horótu betalepó.

¹⁴ Kale kolosale noma wió yae yale sekę wóló kemeyaletai, dou noma wió yae yale sekę betą mo felekemó waalo ai ape.

Węike dakerólo ukulumó wuti hale yaletai

¹⁵ Téro, kale węike *ensel*-né ama ukulumó wuti haleralemó, ó hepen bemó atimané doasi fo fakeyóló duraalu,

"Take i hae mené teterólo kaae taretei, fasó sóro mió da teterólo kaae tare Taleró ama so whi teterólo kaae tare whi Kerisotamoné teterólo kaae tarapó.

Ai sekéné ama kaae tare ala kemei, hąle yó tawaalopó," yalepó.

¹⁶⁻¹⁷ Téro Kótó felekemó betere 24 whi disirape, atima teterólo kaae taru betere *sea* taaróló, haemó deraapisa fóló mulu Kótóné doi sóro horóló duraalu,

"Mo doasi fotokę bole Tale Kótóo, yaąa take bitiré wóló, miókéle hąle betereteiné dané yaąaae mo kée dapó.

Ti noatepae, naao doasi bole fotokęné teterólo kaae tare ala kaae salepó.

¹⁸ I hae kwia feamó betó mole so whinė fopaae butu betepa, naao fopaae bole ala sókó walepó.

Sukąle so whikélé, naao kutó diratere kóló whirapekélé, naao kae beteró betere so whikélé, yąpaae wiyóló naao doi sóró horótu betere so whikélé, mepaae doi munire so whi ó doi mole so whi fea tale yóló kwia melaaire be de sókó wóló i mole ape.

Ai be demótóró i hae dorótu betere so whikélé kwia melóló, doraalopó," yalepó.

¹⁹ Atéyale kılıpaae Kótóné hepen-mó tene momatere be tu tukwe fóló molepó. Atépa kelalemó, ai be tuamó ama so whi tao saalopóló, mo dirii fo aseýóló muló betere bokis molepó. Téro, epée fitąa yóo, be sa kili kili yóo, doasi sapalaa dorowóo, bao doasi yóo, ais kaporó doasi besé tikitamo dorowóo yalepó.

12

Dowi wuli disóró betą sota-moné yale ala

¹ Mo doasi bete mole ala yaairemó, me alapaae dó faróló hepen-mó epa kelale ala wisinaale i ape. Betą soné ama deró betere kutita, ti mo sukatóróti deróo, ama hó aomó wélié daayóo, 12 hęrerape ama topo tao deróo, epa kelalepó.

² Téro kale soné ama ere naale ąlumétepa saairaalu, nakóló sisó nuku beterepó.

³ Téro kale dere kaae, hepen-mó me alapaae dó

faaróló depa kelaletei me i ape. Sonaai wuli doasi disó kaae betepa kelalepó. Ama topo weikeró daayóo, sekę naase tamo daayóo, weikeró toporapemó doasi teteróló kaae tare topo whinė deratere topo tao kaae deróo, yó molepó.

⁴ Ai sekéné ama disale fépo yaletikimó, samó daae mole hęrerape tamo fake hąle daapatei, betą fake haepaae torokó dorowalepó. Atéro, kale soné ere naale seretamótóró tao sóró nó deraairaalu, mo felekemó melaa yóló beterepó.

⁵ Atépatei, kale soné naale só mulalepó. Ai naalenéta, *aiyon kapa* fake nópulu tawóló daalu, i hae kwia kae kaemó betóló fale so whi ama teteróló kaae tawaalopó. Kale soné ama naale seretamótóróti mo hapale Kótóné tao sóró ama teteróló kaae tare doasi betere tikimó ątamo betamó titiyóló beteralepó.

⁶ Téro kale so ą whikélé bi-tini, hąle wópu mole haepaae botokó felepó. Ai haeta, kale so ą naale detepa, 1,260 be de tuamó mené ą wisiyóló kaae tawópóló, Kótóné tukóló mulale tikipó.

⁷ Atéro, ó hepen bemó doakale bóe du betalepó. Maikel-né ama *ensel-rape* ipaae kąayóo, kale disó kaae wuliné ama *ensel-rape* upaae kąayóo, yóló bóe du betalepó.

⁸ Téyaletei, Maikel-ró ama *ensel-rapetamoné* fotokóné kale disó kaae wuliró ama

ensel-rapetamo doló tẹteróló hepen-mó betere alakélé mo ti kemeralepó.

⁹ Atéro, kale disó kaae wuli i haepaae sóró taae deralepó. Ai wulita, mo taketi bitiré walepó. Ama doita, bóe dele dowi kepe ó Satan-pó. Ai sekénétóró, i hae kwia feamó betó mole so whi, dowi tųpaae ąlisóró fu beterepó. Ai sekéro ama *ensel*-rapetamo i haepaae taae deralepó.

¹⁰ Téro, hepen bemó etei fo fakeyóló depa wosalepó.

“Da tẹteróló kaae tare Kótóné tao sere alakélé, fotokọ bole alakélé, ama so whi tẹteróló kaae tare alakélé, ama sóró betero betere whi Kerisoné tẹteróló kaae tare alakélé, mió wóló mulapó.

Ti noatepae, betere dokọ Kótóné keletómó dané ne norape dẹtamokélé, dikitamokélé só derótu betere seké ąkélé sóró taae deró beteropó.

¹¹ Kale *Sipsip* hupu malené samearó Talené atimané betere bete tuąpaae erótu betere alatamo hąkeamó yó mótu betalepó.

Atétu beteremó, atima dupakélé wiyóló taaréni, Kótóné ala betą hąle eraté fu betaleteiné, ne norapetamo bóe du betale seké mo ti dóló tẹteralepó.

¹² Atéremó, hepen be tuąmó betó mole whi dią mo

kée yóló hąiné sinitu betae.

Tépatei, ą hepen be taaróló diątamo haepaae bitį dorowaletéiné dią haemó betó mole so whiró doasi wẹi kẹla tuąmó betere so whıtamo dią fea ‘Wió fo du betae!’

Ti noatepae, ai sekéné ama yaaire ala doa be demó yaalo meipóló kisipa mutu, ą doasi fopaae butapó,” yalepó.

¹³ Kale dowi disó kaae wuli ą i haepaae sóró taae deró betepa kisipa mutu, kale naale deale so daai sya felepó.

¹⁴ Ai so ą bitį fópóló, Talené taketi donoróló muló betere whikélé bitini, hąle wópu mole tikipaae sé fópóló, doakale dukaané baase tamo ą melalepó. Atéro fóló betepa, wuliné ą me ala yaqsóró mepaae whırapené ą mo wisiyóló kaae taté fóló, ba fo sorené dou ba fo tuąmó tukóló kemerópóló malepó.

¹⁵ Kale so atéro fupa, ą só fópóló dowi wuliné ama kólómó doasi fotokọi wẹi tiki siriyó analépó.

¹⁶ Atéyalemó, kale so tao suraalu, haenétei kóló hąsóró holóló, ai wẹi tiki nó deralepó.

¹⁷ Atéteremó, disóné kale sotamo mo doakale fopaae buturaalu, ai soné ama mepaae naale senaaletamo bóe daai felepó. Ti aita, Kótóné ama yae yóló muló betere foró, Yesuné ama yale

alatamo mopóló erótu betere naale senaaletamopó.

¹⁸ Téro, kale disó kaae wuli ą fóló, węi fókumó daalepó.

13

Doasi węi ęęla tuąmó sókó holale syaae kaae ęła

¹ Téro ai węi ęęla tuąmó syaae kaae ęła sókó hotepa kelalemó, topo węikeró daayóo, sekęrapekélé naase tamo daayóo, erepó. Ai sekęrape tó mó tęteróló kaae tare doasiné deratere topo taorape deró beterepó. Ai toporape dokómó Kótó faletere doirape aseýóló dakerótua yó molepó.

² Ai syaae kaae ęłata, mo *leapat* kaae aęrutei, ama hęleke ti *beané* hęleke kaae daayóo, kólókéle, *laiyonné* kóló kaae daayóo erepó. Téro, kale wuli disóné fotokókélé, ama tęteróló kaae tare alakélé, fea ala yópóló, sóró betero betere alakélé, ai kale węimó sókó holale ęłapaae malepó.

³ Ai kale syaae kaae ęłané toporapekó betámó, mo ti sukunei tę daayaleti, momó duniyale siri mupa kelalepó. Atére ala kilitu i hae kwia feamó betó mole so whę feané “Haió” yóló siraturaalu, kale syaae kaae ęłané ama dere alapaae tuę tiki tiróló sya felepó.

⁴ Ai kale disó kaae wuliné kale syaae kaae ęłané doasi fotokęi ala yópóló sóró daalaterere ala kolóló, so whę feané ai kale disó kilituraalu, “Ąta mo doa Taletóró,” hętipó

yóló, atima ą daale aęmó sukóló bituraalu, ama doi hale horalepó. Atétu yale kaae, “I kale węimó sókó horale syaae kaae ęłatamo de sęre? Ątamo mené bóe dele alakélé mo enénipó,” yóló dukirótu betalepó.

⁵ Téro, ai kale syaae kaae ęłané bopé fake dere fokélé, Kótó faletere fokélé, so whę tęteróló kaae tare alakélé, yópóló mené ą fotokę sumó melalepó. Ai sekę ą ai ala yópóló sóró beteratepa, eraté fu bituraalu, 42 wélié tuąmó eróló kemerópóló tę melalepó.

⁶ Ama kólómó dere foné Kótó eratere fokélé, Kótóné doi hęko eróló faletere fokélé, Kótóné ama hepen bemó ątamo betere whęrape faletere forapekélé du betalepó.

⁷ Téturaalu, Kótóné atima dowi ala kemeróló kae betero betere so whętamo bóe daairaalu, ketekę buló só de-raaitępa seseni, ama yaaire ala betą yópóló taalalepó. Kae kae fakekélé, kae kae tiki daae mole so whękélé, kae kae be fo bole so whękélé, tęteróló kaae dilikiyó mole hae kwiarapekélé, mo fea ama tęteróló kaae tanópóló mené ąpaae fotokę malepó.

⁸ I hae kwia feamó betó mole so whęné, kale syaae kaae ęła aęmó sukóló bitu, “Yąta Talepó,” du betaalo ai ape. Ti atimata, kale *sipsip* hupu malené mo ti betó tare *buk*-mó doi aseńire so whępó. Ti ai *Sipsip* hupu maleta,

i hae kwia keké naaipatei, dópólópó yóló muló betere hupu malepó.

9 Mepaae whi de woséli daapata, ti i dere fo wosóló tuę muópóló yae.

10 Whi me detamo bóe duraalu, wae sóró *dipula* beteraalopóló tukóló muló betepa, ti mo atétóro yaalopó.

Whi me de bóe whinė bóe dele sepakené dópólópó yóló muló betepa, ti mo sepak-enétóro daalopó.

Até yairemó, Kótóné kae beteró betere so whi paae sekei alarape wapakélé, haepaae derepéni, diri yóló bitu, Talené ama ala betą ketekę buóló eró tawae.

Hae tuqmó sókó holale syaae kaae ęla

11 Téró ęalo kelalemó, hae dolomó syaae kaae ęla me sókó horalepó. Ai sekéné ama topomóta, *Sipsip* hupu malené sekę kaae daalutei, ama dere fo wosalemó, kale wuli disóné fo kaae yalepó.

12 Kale haemó sókó horale syaae kaae ęlapaae folosóro węimó sókó horale sekéné ama tęteróló kaae tare ala melalepó. Atétepa, nalo wale sekéné ama tęteróló kaae taru, kale folosóro wale sekéné doi eróturaalu, i haemó betó mole so whi feané kale sukętei tokóló doasi siri mole sekępaae Tale-ó, yóló doi sóró horópóló sętu betalepó.

13 Ai kale sekéné amatei mo doakale kae kae kelemei alarape eróturaalu, so whi feané keletómó, sikélé ó hepen be taaróló i haepaae dorowópóló erótua yalepó.

14 Kale folosóro wale sekéné doi doasi mulópóló mené ą fotokę sýmó matepa, kae kae kelemei alarape erótu betalepó. Téturaalu, i hae kwiamó betó mole so whi fea dilikóló kópaee falatua yalepó. Téró, kale haemó sókó holale sekéné i haemó betó mole so whi paae duraalu, sepake daayale tikimó doasi siri mole sekéné ama doi doasi muópóló, ama aso sęróló aleale ęla daalae, yóló mulalepó.

15 Téró, kale folosóro wale sekę sęróló aleale ęlané fo yópóló, fomo bulaaire fotokę mené haeró sókó holale sekępaae malepó. Atépa, i hae kwiamó betó mole so whinė ai asopaae, Tale-ó yóló doi sóró horénitere so whi dópóló, haemó sókó horale sekéné fotokę sýmó bulalepó.

16 Ai sekéné, doasi doi mole whi ó doi munire whi paaekélé, néli whi ó yoleale whi paaekélé, hąle kęleaané betó mole whi ó wae sóró kutó diratere whi paaekélé, atimané turu naasemó ó kutirimó siri erópóló yae yóló so whi feapaae sęyalepó.

17 Ai siritamo munipa, ti ęla dupu dere alakélé, ó dotonatere alakélé, mo yaalo meipó. Ti ai sirita, kale syaae kaae ęlané ama doi

ó ama doipaae fó faróló ere *nambapó*.

¹⁸ Ti etei alata, mo hąle whinė tuęyaalo meitei, mo tuę tiki fosó fosó yóló dotoróę fale whiné betą sumó taleyóló bete tuęnérapó. Whi me detamo, ama tuę tiki fosópa, ti kale syaae kaae ęlané *namba* taleyóló bete tuęnérapó. Ti ai *nambata*, mo whiné *namba*-pó. Ai sekéne ama *nambata* 666-pó.

14

Sipsip hupu maleró 144,000 so whırapetamoné yale ala

¹ Téro yąlo kelalemó, ę daale felekepaee anóló Saion hasi fosómó kale *Sipsip* hupu male daapa kelalepó. Aimó 144,000 whırapekélé, atima betámó daae molepó. Ai whırape atimané kutirimóta, kale hupu malené doikélé, Alimané doikélé aseýóló dakeró beterepó.

² Téro yąlo wosalemó, hepen bemó sókó wale haleta, weı dou kąatu dere hu kaaeró be sapalaa dorowale hale kaaetamo depa wosalepó. Meta, *kıta* kaae ęlarapené dere hale kaae depa wosalepó.

³ Téro, u kale whırape atimané kale teteróló kaae tare doasi betere tikipaaekélé, ą bopéróló betó mole douro betere ęlarapepaaekélé, whı disirapepaaekélé, kese anóló daae muluraalu, kae kisi wole fo du betalepó. Ai wole fota, hąle mo whiné tuę

yóló enénipó. I haemó dowi kwia saqsóró Kótóné tao sóró dupurale 144,000 whırapené betą tuę yóló enérapó.

⁴ Ti ai daae mole whırapeta, sorapetamo folokolei ala initu detere kaae, i haemó mole alatamo hosekénire whırapepó. Ti noatepae, atimané betere ala folokole yaqsóró ó me alatamo hoseké yaqsóró mo hotowayóló kaae tawaleteinépó. Ti ai whırapeta, *Sipsip* hupu malené dere ala sya fóló erótu beterepó. Ai whırape atimata, hąle mo so whı kuamó betó mupa, dupuróló Kótóró *Sipsip* hupu maletamopaae kale kutómó folosóró ęlumé dere ęla, Talepaae hąle matere kaae yóló melale 144,000 whırapepó.

⁵ Atimata, kapala fo sawakélé muniru, me hąsóko fole alakélé inire whırapepó.

Sore ensel-rapené yale ala

⁶ Téro yąlo kelalemó, *ensel* me kae ó samó sę kutu betepa kelalepó. Ai sekéneıta, mo titóróti hąle betó tawaaire kisi fo wisi, i hae kwia feamó betó mole so whıpaae yó melaairaaalu, tarepó. Ti ai fota, betą fake so whıpaae maaté yó melaai mei, kae kae *Gavman*-né teteróló kaae tare so whıpaaekélé, kae kae fake so whıpaaekélé, kae kae be fo bole so whıpaaekélé, kae kae tiki daae mole so whırapepaaekélé, yó melaaire fo wisipó.

⁷ Téro ama fo fake yóló duraalu, “Kótópaee winé

sukuturaalu, ama doi beta doasi doi muópóló erae. Ti noatepae, ama fo tokótamo yóló taleturaalu, kwia melaaire suka kele i sókó wale ape. Térapa, ą aqmó sukóló bituraalu, ‘Aya Tale doasi-ó,’ yóló, ama doi beta sóró horótu betae. Ti amata, hepen beró sątamokélé, haekélé, doasi wei kęlakélé, fole weįrapekélé aleyóló muló betereteinépó,” yalepó.

⁸ Ai fo yale *ensel* folosóró fi tikimó, *ensel* me kae nalo sya fu bitu duraalu, “Kolokóló dorowóló a mole ape. Doakale doi mole Babilon be hulua kolokóló dorowóló mulapó. Ti ai nópu nokole so Babilon-néta, ama nópu nokole alané aleale keyaa fole *wain* wei hae kwia kae kaemó betó mole so whį feané nópóló melótua yale so, mió kolokó dorowóló ai mole ape,” yalepó.

⁹⁻¹⁰ Téró kale dere kaae, ai *ensel*-tamo fi tikimó, *ensel* me kae sya fu fo fakeyóló duraalu, “Mepaae whį detamo, kale syaae kaae ęlapaae ó ama aso kaae ęlapaae, ‘Doa Tale-ó,’ yóló aqmó sukóló bitu, atima kutirimó ó naasemó, ai ęlané siri eró betere whįrape ama doakale fopaae buló kwia matere wei nópóló melaalo ai ape. Ai *wain* wei mo weįtamo hoseké ini, mo *wain* weįtóró Kótóné fopaae butu kwia melaairetei, wutimó tepeyóló mulapó.

¹¹ Atéró atima duku bituraalu, hotu betere sukulita, mo hęle holótóró

tawaalopó. So whį de kale syaae kae ęlaró ama aso kaae ęlatamoné, doi sóró horóo, ama doi mole siri sóo, ere so whį atima dętamo ó dilikitamokélé, sęa nóló betere ala mo yaalomeipó,” yalepó.

¹² Kótóné kae beteró betere so whįné, ama yae yóló muló betere fo aqmó sukóló bitu, Yesuné ala eraté fu be-taalopó. Ai tuąmó i kale bope yale sekeį alarape wapakélé, haepaae doropóló taaréni, hęle beleté fu betereteiné ai ala mo sumó eranérapó.

¹³ Téró, hepen bemó i fo depa ęalo wosalepó. “I fo aseęyae. Mo mió kaae sóró Taletamo betąmó betere so whį sukutepa, ti atima Talené mo wisiró beterapó,” yalepó. Kale Dęi Kepe Wisiné duraalu, “Mo dapó. Ti atimané depe tukó wei ala du beteretei taaróló, sęa nóló bituraalu, atimané yale alamó dupu saaire ala felekemó yaalo ai ape,” yalepó.

Haemó yó mole ęla ęlumétepa turukóló saairetei

¹⁴ Téró ęalo kelalemó, ę daalepaae anóló mo dęi sęako tómó, whįné naalema kaae betepa kelalepó. Ama topomó, tętéróló kaae tare doasiné deró betere *kold kapané* aleale topo tao deró bituraalu, ama naasené ęla ęlumétepa turukó suatere hekemée wei fosói sepake tarepó.

¹⁵ Tépa, me *ensel* momatere bemó sókó wóló, kale sęako

tómó betere seképaae fo fakeyóló duraalu, “Naao tare sepakené kale ¼lumére ¼larape turukóló sae. Ti noatepae, mió ¼la ¼lumépa saaire be dę i sókó wale ape,” yalepó.

¹⁶ Tétepa, kale sekéné tare sepakené i haemó ¼lumé yó mole ¼larape fea felesé yóló turukó salepó.

¹⁷ Téró, me *ensel*-nékélé, hekemée wei sepake fosó tawóló, hepen-mó tęne mo-matere bemó sókó walepó.

¹⁸ Atépa, Talepaae matere ¼la suk¼laa dalatere tikimó si kaae tare *ensel* sókó wóló, kale sepake tare *ensel*-paae fo fakeyóló duraalu, “Naao ai tare sepake fosóné i haemó yó mole *wain* képi durape ¼lumérapa, sepemó tukóló siré kwęae,” yalepó.

¹⁹ Tétepa, kale *ensel*-né ama sepakené i haemó yó mole *wain* képi du felesé yóló turukó siré kwęyóló, kale képi du dętere doasi tikipaae taae derale fae. Ti kale képi du dętere tikita, Kótóné ama fopaae bole ala kwia melaaairaaalu, dętu betere tikipó.

²⁰ Doasi be hulua aęró *wain* węi dętere tikipaae taae deratepa, atimané tęiya tęiya yaletikimó, samea doasi sókó felepó. Atéró sókó fele sameata, węi kaae dukulé holóló, *hos* hupuné fało aęmó depa sale dąleta, 300 kilomita súpó.

Węikeró ensel-rapenę
węikeró doasi sekei alarape
tapa kelaletei

¹ Téró yalo kelalemó, hepen bemó mo doasi bete mole ala wisinaale yaaiemó dere ala epa kelalepó. Ai kale kelale alata, i ape. Węikeró *ensel*-rape dokę mo kemeróturaalu so whi feapaae dowi sekei ala melaaire węikeró tapa kelalepó. Ai kemeróturaalu dere fota, ti Kótóné ama fopaae buóló kwia melaaire alarape mo ti kemeróturaalu, i węikeró alarapenę kemer-aalopó.

² Téró yalo kelalemó, *klas*-ró sitamo hosekéróló aleale węi kęla kaae belerepó. Ai węi fóku dęmóta, so whi mo fea hęle ¼la kaae daae mupa kelalepó. Ti aimó daae mole so whita, kale syaae kaae ¼laró a sęróló aleale aso-tamokélé, ama doimó sere *namba*-kélé, ai alarapetamo bóe dóló tęteróló wale so whipó.

³ Kótóné ai daae mole so whipaae male *kita* kaae ¼larape taruraalu, Kótóné kutó diratere whi Moses-ró kale *Sipsip* hupu maletamo doląanóló du betale wole fo i ape.

“Mo doasi fotokę bole Tale Kótóo, naao du betere alata, mo doasi sira yaai dere ala du beter-apó.

Take keké nale al-imó kaae sóró bitiré waleteikélé, mió i alimó bitiré faaireteikélé, tęteróló kaae tare Tale-ó, yata,

nao ere alatóró sya
furaalu, mo dono
taletu beterapó.

4 Tale-ó, whi me de yąpaae
winé sukutu, nao ere
alamó nao doi doasi
muaalomeipóló de?

Betą whikélé yą kaae bi-
tini, yąta dowi alakélé
muni, mo kae betere
Talepó.

Kae kae hae kwiamó betó
mole so whi yą
beterepaae wóló, yą
aomó sukóló bitu, Doa
Tale-ó yóló dukirótu
betaalo ai ape.

Ti noatepae, nao mo
donoyóló taletu betere
alarape take hiróló
mualetai, mió so
whi feané kolópoló
hąkeamó muló beter-
apó," yalepó.

5 Ai alarape yóló keme-
tapa kelalemó, ó hepen-
mó momatere be tų tukwę
fóló molepó. Ai momatere
beta, Kótóné ama so whi tao
saalopóló dirii fo muló betere
kuti bepó.

6 Téró kelalemó, kale
weikeró *ensel*-rape atimané
weikeró sekei alarape tawóló
ai momatere bemó sókó
walepó. Atimané deró betere
kutita, mo de tekée fóló kasa
kasai *linen* kuti deróo, *kold*
kapané dokale to atimané
deró betere kuti tetéróló
bopemó sóo, epa kelalepó.

7 Téró, kale douró betere
qlarapekó betané kale
weikeró *ensel*-rapepaae
kold kapané aleale weikeró
okopoi nukurape dokoralepó.

Ai nukurapemó, mo ti
betó tare Kótóné ama kwia
melaaire fopaae butere ala
fąayóló molepó.

8 Kótóné ama ere ala
wisinaale hąkearatere alaró
ama doasi fotokotamoné
momatere be dolomó sukuli
kaaróló fąaneteiné, whi
fókélé mo enénipó. Kale
weikeró *ensel*-rapené tare
weikeró dowi sekei alarape
melóló kemenipatei, ai
be dolopaae folo hapale
honénipó.

16

*Kótóné fopaae bole ala
belere okopoi nukurape*

1 Téró yąlo wosalemó, mo-
matere bemó sókó wale foné
kale weikeró *ensel*-rapepaae
fo fakeyóló duraalu, "Kótóné
fopaae buluraalu kwia
melaaire ala okopoi nukumó
beleróló diaaę ai taretei,
haepaae sunée derąle fae,"
yalepó.

2 Ai fo depa, kale kolosale
ensel fóló ama tare okopoi
nukumó belere ęla sóró fóló,
haepaae sunée deralemó,
kale syaae kaae ęlané siri
eróló, ama aso aomó sukóló
betó mole so whiné tikimó,
dotopo yóló mo doasi dele su
betaaire sonaalei humu fulu
deralepó.

3 Téró kolosale noma *ensel*-
né ama tare okopoi nukumó
belere ęla doasi weį kęlapaae
sunée deralemó, kale weį mo
sameatóró alée felepó. Ai
sameata, mo ti sukąle whiné
samea kaae hąkoloipó. Até
yaletikimó, weį kęla tuamó

betó mole ęlaraperó ere ęlarapetamo mo fea sisiraae felepó.

⁴Téro, kale dou noma *ensel*-né ama tare okopoi nukumó belere ęla, doasi fole węiró ąmale węirapetamopaae sunée deralemó, samea alée felepó.

⁵Téro ęalo wosalemó, kale doasi fole węirape kaae tare *ensel*-né duraalu,

“Naao taletere alata, mo donotóró tale yóló kwia materetei mo wisirapó.

Ti noatepae, ęąta takekélé betóo, miókélé betóo iru, dowi ala mo betąkélé munire Tale beterapó.

Téru, fo tokótamo yóló tale yóló kwia matere alata, mo donoyólótóróti ai yale ape.

⁶ Ti noatepae, naao kae beteró betere so whįró naao fo eraterere kóló whįrapetamo dale kwia tokó móturaalu ai sókó fele samea nópóló materetei, mo donorapó,” yalepó.

⁷ Téro ęalo wosalemó, Talepaae moma yóló simó sukųlaa dalatere tikimó etei fo yalepó.

“Mo doakale fotokọ bole Tale Kótó-ó, ęąta mo fotóró bulu, naao tale yóló kwia matere alakélé mo donotóró dapó,” yalepó.

⁸ Téro, kale dou *ensel*-né ama tare okopoi nukumó belere ęla suka betepaae

sunée deralemó, siné so whį dolo baalu sorokó faaire fotokọ mené ęumó melalepó.

⁹ Atéro dokole si supuné atima tiki turó baalu sorokó felepó. Até dere supumó, Kótóné doi doróló ą eraterere fo du beterepó. Atimapaae atei kaae susupui ala eratepatei, atimané du betere dowi ala taaróló, tuę tiki fetenipó. Téruraalu, Kótóné doi doasi muńpóló eraaire alakélé hýyóló, dowąae fu betalepó.

¹⁰ Kale apo *ensel*-né ama tare okopoi nukumó belere ęla, kale syaae kaae ęlané tęteróló kaae tare tikimó sunée deralemó, ai hae kwia fea dilikiyó felepó. So whį supumó atéro kakutu bitu, atimané hapetei turukóló nuku betalepó.

¹¹ Atimané tikimó daae mole humu dotoporó siné dale deteraatamomó kakutu bituraalu, hepen bemó betere Kótóné doi doróló, tekani fo du betalepó. Tétu, atimané yale dowi ala taaróló tuę tiki feteyóló betaalo hýyóló, dowi ala yaaitei dowąae fu betalepó.

¹² Kale apomi *ensel*-né ama tare okopoi nukumó belere ęla doasi fole Yupretis węipaae sunée deralemó, kale suka hoterepaaeróló tęteróló kaae dilikiyó mole topo whįrape waaire tu mulóturaalu, kale węi tiki dikąlepó.

¹³ Téro ęalo kelalemó, sore dowi keperape sepéerape kaae beterepó. Ai dowi kepe atima, me wuli disóné kólómó

sókó wóo, me syaae kaae ọlané kọlómó sókó wóo, me Kótóné fopóló kapala fo yó matere whíné kọlómó sókó wóo, yalepó.

¹⁴ Ti ai keperapeta, kae kae kelemei alarape erótu betere sekẹrapepó. Doa fotokọ bole Tale Kótóné ama tukóló muló betere doasi be demó, Taletamo bóe daaire whirape mei yaqsóró, i hae kwia feamó tẹteróló kaae dilikiyó mole topo whirapepaae bóe daalopa ape yóló, dape siré kutu beteropó.

¹⁵ “Tẹrapa ẹta, ọlémi nokole whi kaae waalo ai ape! Atéyaalopa, whi me de noke fió muni turukó holóló bitu, ama deratere kuti ẹ betere tikimótóróti muló betae. Atétere whi ẹ Talené wisiró beteropóló hajné sukąalo ai ape.

Ti noa yaqsóró mei, ama tiki daapi hąle furaalu hale yaqsóró dapó,” yalepó.

¹⁶ Téro, atima fóló kale topo whirape dape siré kwẹyóló, Israel fake so whíné Hibru foné doi muló betere, Armakedon haepaae tourąle walepó.

¹⁷ Téro kale wẹike *ensel*-né ama tare okopoi nukumó belere ọla sẹ tó tuamó sunée deralemó, kale momatere be tuamó tẹteróló kaae tare doasi betere tikimó fo fakeyóló duraalu, “Mió ai kemeyale ape!” yalepó.

¹⁸ Ai fo yalemó, epée fitąa yóo, be sẹ kili kili yóo, doasi

sapalaa dorowóo, mo doasi bao yóo, yalepó. Take i haemó betale so whíné etei kaae bao depa mo kilinipó.

¹⁹ Ai bao duraalu, kale doasi be hulua tekeyóló sore fake daane fóo, i hae kwia feamó tẹ mole doasi be hularapekélé kolokóló doropóo, yalepó. Kótóné kale doasi doi mole Babilon tuẹ muturaalu, ama dowi fopaae bole *wain* wẹi wutimó tepeyóló, kale so nópóló melalepó.

²⁰ Wẹiné bopéróló daae mole hae kwia fea daani, alu yó molepó. Doasi daae mole hasi fosọrapekélé kelalemó daani, aluyó molepó.

²¹ Ó sẹmó doasi *ais* kapo du kaaené whirape tẹiya yaai dorowalepó. Ai dorowale *ais* kanerape sekẹ dąleta, 50 *kilogram*-pó. Atimapaae atei mo dowi sekẹi ala erateremó, Kótó eróló tekani fo du betalepó.

17

Syaae kaae ọla tómó betere somó yale fo

¹ Téro, kale wẹikeró okopoi nuku tare *ensel*-rapekó betẹ ẹ beterepaae wóló duraalu, “Kale wẹirape tómó betere doasi doi mole nópu nokole soné dere alamó, kwia melaairetei yalo yąpaae yó melaalopa ape.

² Ai sota, i hae kwia fea tẹteróló kaae tare topo whirapetamo nópu nuku betalepó. Téro, kale soné i hae kwiamó betó mole so whikélé, nópu nokole

wain węi melale tikimó topo doyóló keyaa fu betalepó,” yalepó.

³ Téro, ę kale Dęi Kepe Wisi tuąmó betepa, *ensel-né* so whikélé bitini hąle kópu kaae fi tikipaae beleyóló sóró felepó. Aimó bituraalu kelalemó, betą so mo sonaaı syaae kaae ęla tómó beterepó. Ai syaae kaae ęlané ama tiki turó, Kótó aęratere doirape aseyó bopéroo, węikeró toporape daayóo, naase tamo sekęrape daayóo, epa kelalepó.

⁴ Kale soné ama kutita, mo sonaaıró sukutąıtamo deróo, ama aure ęlarapekélé, *kold kapané* alealeteiné hęre hęre yóo, mo doasi *moniné* sere kasa kasai kaneró du dui meleketamo sóo, erepó. Ama naasené tare *kold kapané* aleale wuti dolomó kelaalokélé mo sonaaılei ęlaraperó ama nópu nokole alané bólutamó deyóló fąanó beterepó.

⁵ Ama kinóló mole doi kutirimó asęretei i ape.

DOASI BABILON-TA, NÓPU
 NUKU BETERE SORAPERÓ I
 HAEMÓ MOLE KELAALO MO
 SONAALEI ALARAPETAMONÉ
 HAMAPÓ.

⁶ Téro yąlo kelalemó, Kótóné ama kae beteró betere so whi atimakótei, mepaae Yesuné yale ala i ape yóló yó melateremó dale so whiné samea naletikimó kale so ą topo doyóló keyaa fu beterepó. Atétere ala kolóló, ę sira yale supó.

⁷ Atétepa, kale *ensel-né* ępaae duraalu, “Yą noatepa siratu

bitute? Ai węikeró topo daayóo, naase tamo sekę daayóo, ere syaae kaae ęlaró ama sisó tómó betere sotamoné kinóló mole ala bete yąlo yąpaae hąkearóló yó matapa wosae.

⁸ Naaı kelale syaae kaae ęlata, take betaletei, mió bitinipó. Tépatei, take mo apaae derepale wosono dolomó sókó holóló, ą doraai dąle muló betere tikipaae faalo ai ape. Mepaae so whi i haemó bitu, atimané doi take keké nale alimótei mo ti betere *buk-mó* munipó. Atére so whiné kale syaae kaae ęla kilituraalu, doasi sira yaalopó. Ti noatepae, take ą betepa kolóo, mió bitini alu yóo, nalo momó sókó wóo dereteinépó.

⁹ Naaı ai kelale alata, mo kisipa tiki fosó fosóyóló dotorę fale whiné betą bete tokóló kolóló tuęnérapó. Kale węikeró toporapeta, ti kale soné ama ero dée daalóló betere węikeró hae durapepó.

¹⁰ Me beteta, ti kale tęteróló kaae tare węikeró doasi topo whirapepó. Ai węikeró whirapekó, aporó whirape atimané tęteróló kaae tare ala kemeyalepó. Até yóló betą whiné tęteróló kaae tare ala betą hąle erapó. Atépa, nalo me whi wouraalu, ama tęteróló kaae tare ala sawa sukámó maaté kaae tawaalopó.

¹¹ Ai kale syaae kaae ęla take betaletei, mió bitinipó. ąta kale tęteróló

kaae tare wẹikeró doasi topo whırapekótei, ąkélé atimatamo touróturaalu bokówalerópó. Ai wẹikeró topo whırapetamo betámó betereitei, ą doraai tukóló muló betere alapaee fu beterapó.

¹² Naa kelale naase tamo sekérapené beteta, naase tamo tẹteróló kaae tawaaire doasi topo whırapepó. Ti mió atimané tẹteróló kaae tawaaire ala sini, t́yópó. Take atima doasi doi muópóló mené sóró beteraalópó. Atéro sóró beteratepa, kale syaae kaae ọlatamo betą bitu, sawa sukamó tẹteróló kaae tawaalópó.

¹³ Atima fea mo betą kisipatóró muóló, kale syaae kaae ọlapaae naaotóró kaae tawae yóló, fotokóró tẹteróló kaae tare alatamo melaalópó.

¹⁴ Ai fakerape atima touyóló kale *Sipsip* hupu maletamo bóe daalópó. Téyaalotei, kale *Sipsip* hupu malené atimatei dóló tẹteraalópó. Ti noatepae, ąta i haemó betó mole talerape tẹteróló kaae tare Tale betóo, mepaae hae kwia tẹteróló kaae tare topo whırape tẹteróló kaae tare topo whı betóo, erapó. Atéru, ą sya fóló ama ala eró tare so whıta, ti ątamo betámó betaalópó. Atimata, ama ape yóló sókó su yóló, kae betero betere so whıpó,” yalepó.

¹⁵ Téro, kale *ensel*-né ẹpaae duraalu, “Kale nópu nokole

so betere wẹirapené beteta, i ape. Kae kae tiki daae mole so whıkélé, kae kae touró betere fakekélé, kae kae *Gavman*-né tẹteróló kaae tare so whıkélé, kae kae be fo bole so whıkélé mo fea tómó, ai so ą beterapó.

¹⁶ Kale syaae kaae ọlaró naase tamo sekérapetamoné kale nópu nokole so hóróló, bóe daalópó. Atéturaalu, ama kuti fea sorokóló taae faróló tiki daapi hąle betepa, ama tiki mi fea sorokóló nóló diri hąle simó sukłaa dópóló biliraalópó.

¹⁷ Ti noatepae, kale naase tamo sekérape atima fea fo dokóló betą tué mutu, atima tẹteróló kaae tare fotokọ kale syaae kaae ọlapaae melaalópó. Até yaaire alata, Kótóné ama eraalópó yóló muló betere fo dokonótu mo erópóló, atima tuąpaae bulaalópó.

¹⁸ Naa ai kelale sota, i haemó betó mole topo whırape tẹteróló kaae tare doasi doi mole be huluapó,” yalepó.

18

Babilon kolokóló derepele fo

¹ Ai ala yóló kemetepa, me *ensel* hepen bemó dorowou betepa kelalepó. Ai sekéné, fea ala ama tẹteróló kaae tawóló beteroópóló, mené ą sóró betero beterapó. ą tuámó ere kokóné sini de wisinaale i hae kwia feapaae dẹralepó.

² Téro, kale sekéné mo doasi fo fakeyóló fotokqiné duraalu,

“Ai kolokó dorowóló mole ape! Kale doasi doi mole be hulua Babilon kolokóló dorowóló mulapó.

Ti ai sota, dowi keperape betere be alée fóo, mepaae kae kae dowi keperaperó hokolo yóló kelaalo mo sonaalei barapetamo, betere tiki alée fóo erapó.

³ Ti noa betené mei, hae kwia kae kaemó betó mole so whi ai soné ama nópu nokole ala tokóló yateiné *wain* wei nóló, keyaa fu dere kaae du betalepó.

I hae kwiamó betó mole so whi teteróló kaae tare topo whirapekélé, kale sotamo nópu nukua yalepó.

Ai soné ama doasi nélire alané, i hae kwiamó ąla ąla dotonóló duputu betere so whiné *moni* mo dekeró siré feleteiné néli whi betalepó,” yalepó.

⁴ Téro hepen bemó me i fo depa wosalepó. “Yalo so whi-ó, ai sotamo betere so whi kua dolomó beteretei taaróló sókó ape.

Ama du betere dowi alarape diapaae tokó melóturaalu, ama saaire dowi sekęi alarape diakélé saqsórópa, taaróló ape.

⁵ Ti noatepae, ai soné Kótóné yóló muló betere fo tikale dowi ala muté holóló, hepen bepaee sókó horapó.

Atéremó, melaaire dowi kwia Kótóné keteréni, kisipa hąle yó tarapó.

⁶ Kale soné ama melatua yale wei apaae tokó mótu, ama male sų tómó me beleróló ątei nópóló melae.

⁷ Kale so ą doasi doi mulapóló, wisi wisi ąla dekeró nuku betale sųtóró, susupui alaró dekené sukutere alatamo sópóló melae.

Ama tuę tiki tuamó bopé fake dere ala bulu, ‘Ęta, mo doasi teteróló kaae tare topo so betereteiné ę wulia so betepapakó woletere ala enénipóló,’ kisipa mutu beterapó.

⁸ Atéreteiné, mo betą sukamó ama sópóló ąale muló betere sekęi alarape hąsókó feni, mo saalo ai ape.

Ai alarapeta, i ape. Sukutere alakélé, dekené sukuturaalu wole yaaire alakélé, wotené sukutere alakélé, tiki siné dóló sukųlaa dokole alakélé, ai ala fea mo amatóró saalo ai ape.

Ti noatepae, ai somó dowi kwia melaaire Tale Kótóta, mo doasi fotokó bole bete Talepó,” yalepó.

⁹ Ai sotamo nópu nokole ala yóo, ama wisi wisi ęła sóo, du betere tẹteróló kaae tare topo whįrapené ai kale so dukuraalu, hotere sukuli kelalepó. Atétepa, atima kale so deķené sukóló woletu betaalopó.

¹⁰ Kale so atéró duku bitu, susupu sóró kaketu betere alamó, atima wituraalu, tika mo umó daae mulu, i fo yaalopó.

“Mo doa wió! Doasi doi mole be hulua-ó, wió yae!

Doasi fotokọ bole be hulua Babilon, ya doraalopóló tukóló muló betere alata, betą sukakelemótóró mo ti doróló ai kemeyale ape.”

¹¹ I hae kwia feamó ęła ęła dotonóló duputua yale whįrapené kale so dokole kolóló, deķené sukuturaalu, moló-u yaalopó. Ti noatepae, atimané ęła ęlarape take yale kaae whįrapené momó kae duputimipó.

¹²⁻¹³ Atimané atéró dotonótu betere ęła ęlarape i ape. *Kold kapa, silpa kapa*, doasi *moni* sere kasa kasai kanerape, meleke kaae, du dui ęła, *linen* kuti wisinaale, sukutai kuti, *silk* kuti, sonaai kutikélé, fetera kaae ęła *sitron* nikélé, hupu sekéné aleale kae kae ęlakélé, doasi *moni* sere nikélé, *brons kapa, aiyon kapa*, be tẹtere kane fake wisinaalekélé, *sinamon* fetera kaae ęlaró mepaae kae kae fetera kaae ęlatamokélé, simó bilitepa felé ķęlaa wale ni sekaę kaae ęła mura ni feķélé,

frenkensense ni feķélé, *wain* weķikélé, *Olip* ni duné aleale *welkélé, flawa* wisinaaleró *whit-tamokélé, bulmakau* hupuró *sipsip* huputamokélé, *hos* hupuró ama siyóló só kotere ęlatamokélé, wae sóró kutó diratere so whįró hąle mo betere so whįtamoné tikiró asotamokélé dupu yaalopó.

¹⁴ Atimané i fo yaalopó. “Naao senée du betale ni du mo ti aluyalepó. Naao wisi wisi ęlaró néli butukutu betale ala wisinaaletamo aluyaletéiné momó kae kelaalomeipó.”

¹⁵ Téró, ai kale dosąayale ęła ęlarape dotonóló néli botokó fu betale whįrape atima kale so doasi susupu sóró kaketu betere alamó, atima wituraalu, tumó daae mulu, deķené sukóló fakeyóló etei wole fo yaalopó.

¹⁶ “Doasi wió yae! Doi mole doasi be hulua-ó, ya tuamó betó mole so whįné aure ęła ęlarape i ape. *Linen* kuti wisinaalekélé, sukutai kuti, sonaai, *kold kapa*, doasi *moni* sere kaporó du dui melekerapetamoné au wisinaale yóló néli whį betaletei, mió wió yae.

¹⁷ Doasi *moni* sere wisi wisi ęła fea hąleke sukamótóró doyóló ai kemeyale ape.

Doasi weį nuku só kotere so whįkélé, ai nukumó kotere so whįkélé, nuku tuamó kutó

ditere so whikélé, *moni* saaire kutó ditere so whikélé, mo fea tumó kese anóló daae maaalópó.”

¹⁸ Kale so dukuraalu hotere sukuli kolóló, atimané i fo yaalópó. “Atei kaae doi mole doasi be hulua wisinaaleta, me kae mei, mo betątóró tenapó,”

¹⁹ Atétepa, dekené sukutu-raalu, atima hae diyóló, etei wole fakeyóló du betaalópó.

“Wió! Doasi doi mole be hulua-ó, wé! naao teyae.

Ai soné doasi węi nuku talerape atima *moniné* doasi néli whi beteralépó.

Téyale sotei, hąleke sukamó ą mo ti doyalépó.

²⁰ Ó hepen bemó betó mole doasirape-ó, ai sopaae eratere alamó dią hajné sukutu betae.

Kótóné dowi ala kemeróló kae beteraleso whikélé, *aposel* whırapekélé, Kótóné fo eratere kóló whırapekélé, hajné sukutu betae.

Ti noatepae, ai soné diąpaae erale sekei alamó, kwia Kótóné ąpaae tokó melalépóló, dią hajné sukutu betae.”

²¹ Téró, doasi fotokó bole *ensel*-né mo doasi kane fake tao sóró doasi węi kęla tópaae taae deróló duraalu,

“I doasi kane taae derótu dere kaae, kale doi mole Babilon be hulua kolokó dorowóló, mo

ti doratere be, momó kae teyaalomeipó.

²² Yą tuąmó *kita* kaae ọlané halekélé, wole fokélé, fó wutiné haleró *kapané* aleale ukulumó wutiné haletamo momó kae wosaalomeipó.

Be tetere ala ó nuku wisiratere ala ó kae kae fosó fosótere whırape mo feata, Babilon yą tuąmó mo kolókélé yaalomeipó.

Whiti o du derąketuraalu, kane fakené halekélé, momó kae wosaalomeipó.

²³ Kale *lamp* sańé derótu betereitei, momó kae dęraalomeipó.

Soró whıtamo dokóló ọla deturaalu, hękese detere fo momó kaae wosaalomeipó.

Naao ọla ọla dotonóló duputua dere whırapeta, i haemó doasi doi mole whırapepó.

Naao isi whiné dere alané kae kae *Gavman*-né teđeróló kaae tare aqmó betó mole so whikélé, fea kópaae ąlisóró fu betalépó.

²⁴ Kale so tuąmó, Kótóné fo eratere kóló whırapekélé,

Kótóné ama kaae beteró betere so whikélé,

bóené mepaae i haemó betó mole so whi dale sameakélé ą tuąmó mupa ke-lalépó,” yalépó.

19

Talené doi hale sóró horópóló yae!

¹ Ai ala yóló kemetepa wosalemó, ó hepen bemó so whi mo hąle ąla kaae wó murlaalu fo tiki whaa du be-talepó. Atéro duraalu,

“Talené doi hale sóró horae.
Mo ti aluyaqsóró tao sere alakélé, ama ere alané doasi doi mole alakélé, fotokọ doasi bole alakélé, bete Tale dané Aya Kótó ątórótípó.

Ti noatepae, ama taleyóló só deratere ala hoko ini, mo alatóró sya furaalu, dono taletua dapó.

² Atéturaalu, kale doasi doi mole nópu nokole soné ama du betale alané i haemó betó mole so whi kọpaae faróló doralepó. Até yale alamó, Kótóné ama kutó diratere whirape dóló sókó fale sameamó kwia tokó malepó,” yalepó.

³ Téró atimané momómo fo fakeyóló duraalu,

“Talené doi hale sóró horae.
Kale so duku bituraalu hotere sukuli tukókélé ini, hąle holótóróti tarapó,” yalepó.

⁴ Ai fo deremó, kale 24 whi disiraperó kale douro betere ąlarapetamo kale ąteróló kaae tare doasi betere tikimó deraapisa fóló fió mulu fo fakeyóló duraalu,

“Mo kée, Talené doi hale sóró horópóló yae!” yalepó.

⁵ Tétepa, kale ąteróló kaae tare doasi betere tikimó sókó wale foné duraalu,

“Talené kutó diratere so whirape-ó, dią ąpaae winé sukóló, doasi doi mole so whiro doi munire so whıtamo feané da ąteróló kaae tare Kótóné doi hale sóró horótu betae,” yalepó.

⁶ Tétepa yąlo wosalemó, so whi mo hąle ąla kaae wó murlaalu dere fo tiki whaata, mo doasi weı dou ąatu dere hu kaaero doasi be sapalaa dere kaaetamo yóló duraalu,

“Talené doi hale sóró horae.
Da kaae tare doasi fotokọ bole Kótóné ąla ąla fea amatóró ąteróló kaae tareteiné ama doi hale sóró horae!

⁷ Da fea hajné sukóló hekeseturaalu, ama doi doasi muópóló hale sóró horaalopa siépe.

Ti noatepae, kale *Sip-sip* hupu malené so dokaaire be de sókó wapa, kale sekéné dokaaire soné ama auyaaire ąla ąla donoróló muló betera-pó.

⁸ Kale so ą derópóló, fokó fale deı *linen* kuti wisinaale melalepó,” yalepó.

Ti ai kale deı *linen* kuti wisinaaleta, Kótóné ama kae betere so whirapené du betale mo donoi alapaae dó faróló erapó.

⁹ Tétepa, kale *ensel*-né ępaae duraalu, “I fo aseıyae.

Kale *Sipsip* hupu malené so dokaairaaalu, ęla deyaalopa ape,” yóló dape sere so whį mo doa haįné sinópoló yae. Téró ama duraalu, “Ita, Kótóné ama kólómó sókó wale fotóró dapó,” yalepó.

¹⁰ Até deremó, ę ama hó aomó deraapisa fóló fió mulu, ąpaae moma yaai yalepó. Atéyalemó, ama duraalu, “Atékesel! Ęta, yařó Yesuné yale ala mopóló eró tare so whįrapetamo da betą kutó diratere sekéřpó. Téřapa, Kótó aomó sukóló bitu, ąpaae betą moma yae. Ti noatepae, Yesuné yale ala etérópóló yó matere alané Kótóné kóló whįrapené dere fo fea bete hąkearótu beterapó,” yalepó.

Deį hos hupu tómó betą seké whį betepa kelale fo

¹¹ Téró yařo kelalemó, hepen be tu tukwę fóló, deį *hos* hupu ę daalepaae anóló daalepó. Ai hupu tómó betere whį mo foné betetóró bitu, Talené ala eró tare Sekéřpó dua dapó. Ai sekéřnéta, fo tokóló taletere alaró bóe dele alatamo, mo donotóró dua dapó.

¹² Ama keleta, mo si mi kaae buóo, ama topomó kale teteróló kaae tare doasiné deró betere topo taorape deróo, erepó. Ama tikimó aseyóló muló betere doita, mo whį betąnekéle tuęni, ama betą tuęrapó.

¹³ Ama deró betere kutita, samea belere dolopaae deróló sókó sale kuti deró beterepó. Ai sekéřné ama doita, ti Kótóné fopó.

¹⁴ Hepen bemó bóe dele *amirape* atimané deró betere kutita, mo fokó fale tikimó deį *linen* kuti wisinaale deróló, deį *hos* hupurape tómó betóló, kale sekéřné sisómó wó tarepó.

¹⁵ I hae kwia feamó betó mole so whįtamo bóe dóló teteraaairaaalu, bóe dele fosói sepake ama kólómó sókó wapa kelalepó. “Amata, *aiyon kapané* aleale nópulu taru, haemó betó mole so whį fea ama teteróló kaae tawaalopó,” Ai sekéřnéta, mo doasi fotokọ bole Kótóné dowi fopaae buló, kwia melaaire *wain* képi du weį dętere tikimó teįya teįya du beterapó.

¹⁶ Ama deró betere fłoi kutiró *fasatamomó* etei doi asęrepó.

TEĘTERÓLÓ KAAE TARE WHĪRAPE
KAAE TARE DOASI BETÓO,
I HAEMÓ DOASI ęLA ęLA
TALERAPE TEĘTERÓLÓ KAAE
TARE TALE BETÓO,
erapó.

¹⁷ Téró yařo kelalemó, betą *ensel* suka ke tómó daalu, kale sikimó sę kotere barapepaae fo fakeyóló duraalu, “Kótóné ama doasi ęla deyaalopa, dią fea betąpaae tourale ape.

¹⁸ Ti haęle mei, Kale teteróló kaae tare doasi whįrapekélé, diki tare whįrapené topo whįrapekélé, mo doasi fotokọ buló bóe dele whįrapekélé, *hos* hupuraperó ai hupu tómó betóló kotere whįrapetamokélé, mo haęle betere so whįraperó wae sóró betere so whįrapetamokéř

mo doasi doi mole whįraperó doi muni hąle betó mole so whįrapetamokélé, i dosąayale so whįrapené tiki mirape dią naasepólópa, tourąle ape," yalepó.

19 Téro yąlo kelalemó, kale *hos* hupu tómó betóló wale whįró ama bóe dele *amirapetamo* atima daae molepaae, kale syaae kaae ąlaró hae kwia fea tẹteróló kaae dilikiyó mole doasi topo whįrapetamokélé, atimané bóe dele whįrapekélé touyóló, bóe daai wou betepa kelalepó.

20 Téyaleti, kale syaae kaae ąlaró, Kótóné ama kóló whįpóló kapala fo yó matere whįtamo tawóló dokóló mulalepó.

Ti ai kale kapala fo yó matere kóló whįné kale syaae kaae ąlané doi doasi muópóló kae kae kelemei alarape erótu betalepó. Ti ama ai kelemei alarape yó melaletikimó, syaae kaae ąlané siri sóo, ama aso aqmó sukóló bituraalu, dukiraterere fo yóo, du betale so whįrape kópaae fópóló dilikitu betale whįpó. Téro, ai kale dokóló mulale seké tamo, betepatei doasi *sulpa* si duku betere weį kęla belerepaae taae deralepó.

21 Téturaalu, atimaamoné bóe dele whįrapeta, kale *hos* hupu tómó betóló wale whįné kólómó sókó wale sepakené mo fea dóló muó mupa, barapené tiki mi nóló depe watamo fua yalepó.

20

1,000 ba fo tuąmó yaaire
ala

1 Téro yąlo kelalemó, ó hepen bemó *ensel* dorowou betalepó. Ai sekéné ama naasenéta, mo apaae derepale osono dolo tų kinaaire kiró mo doasi *sein* kẹpitamo tarepó.

2 Ai *ensel*-né kale wuli disó botokọ sóró tawalepó. Ai disóta, mo taketi bitiré wale wulipó. Ama doita, Satan ó Kótótamo bóe du betere dowi kepepó. A dokóló muló betepa 1000 ba fopi kemeraairaaalu dokalepó.

3 Téro, *ensel*-né kale wuli disó tawóló, mo apaae derepale osono dolopaae sóró taae deróló, tų kinóló diriraterere ąlané mo ti diriralepó. Ti aita hąle mei, i hae kwiamó betó mole so whį ama momó kae dilikóló kópaae falaqsóró, 1000 ba fo tuąmó hąle beterealepó. Ai ba forape kemetepa, kılipaae sawatamo sukamó maaté a sókó daalóló, hąle beterepóló eraalopó.

4 Téro yąlo kelalemó, tẹteróló kaae tare doasi betere *searapemó* fo tokóyóló taletere whįrape betó molepó. Aimó, Yesuné yale alarape i ape, yóló yó matere foró Kótóné fotamo yó materemó, depa tikale so whįné keperapekélé, betó mupa kelalepó. Ti ai so whįrapeta, syaae kaae ąlaró ama asotamo aqmó sukóló bitu, dukiraterere fo ini yóo, ama siri atimané kutirimó ó naasemó dakeraterere hó dua

yoo, yale so whırapenė keperapepoo. Ai sekėrape atimata, kepaayoolo bituraalu, Yesu Kerisotamo betamoo 1000 ba fo tuamoo tetėroloo kaae tatė fopooloo soroo beteralepoo.

⁵ Tėroo, kale hąle sukąle whırape atima hapale kepaani, 1000 ba fo kemeyale kılıpaee, ti kepaayoolo betoo muaalopoo. Ti aita, folosoroo kepaayoolo betereiteipoo.

⁶ Ai kale folosoroo kepaayoolo betere so whıta, Kotonė ama kaae soroo beteroo betereiteimoo, mo hąjne sukoolo betoo mulapoo. Tamo dakoroolo sukutere alanė atimapaee me sekėi ala eranėnipoo. Tėni, atima Kotoroo Yesu Kerisotamopaae momaratere so whı bituraalu, atamo betamoo tetėroloo kaae tatė fooloo 1000 ba fo kemeyaalopoo.

Satan doasi dele tuamoo beteraaire fo

⁷ Tėroo ai kale 1000 ba fo kemetepa, Satan a *dipula* beteraletei fopooloo sokoo daalaalopoo.

⁸ A atėroo sokoo daalatepa furaalu, i hae detene fale douroo kwiamoo betoo mole Kok fake so whıroo Makok fake so whıtamokėleė dilikoolo, dape sirė kweyoolo boe daai, betapaae tourąle waalopoo. Ti ai so whı, fea touroturaalu, weı atiką supoo.

⁹ Ai tourale *amirape* atima, delaapemoo daayoolo doasi mulure hae tiki mo suroolo wou, Kotonė ama so whı betere tiki boperoolo betoo molepoo. Ai so whı betere tikita, ti Kotonė ama yaala

sokoo fooloo mole be huluapoo. Atima atėroo be naai boperąle woolo betoo molemoo, oo hepen bemoo si sokoo dorowoolo atima mo fea doloo kemeralepoo.

¹⁰ Ai kale sinė doloo kemerale so whı dilikąle Kootamoo boe du betere dowi kepe ata, kale *sulpa* si doo tare weı kęla belerepaee taae deralepoo. Take kale syaae kaae ularoo Kotonė ama koloo whıpoolo kapala fo yo male whıtamoo taae derale kaae akėle atėroo taae deralepoo. Atima atėroo bituraalu, dikitamokėleė, detamokėleė, doakale dele doasi soroo kaketu betere alata kemekėleė ini, hąle yotoroo tawaalopoo.

Sukąle so whıtamoo fo tokoolo tale yaaire fo

¹¹ Tėroo, kale tetėroloo kaae tare doasi betere deı sea koloo, ai sea toomoo betere sekė koloo, yalepoo. I haeroo satamota, ai kale doasi kilitu botokoo feletei, kinaaire tiki meipoo.

¹² Tėroo yalo kelalemoo, take sisiraae fele doasi doi mole so whı oo doi munire so whı, doasi betere tikipaae anoolo daae molepoo. Atima atėroo daae mole tuamoo, *buk-rape* daae faroolo muoo molepoo. Me daae faroolo mole *buk-ta*, mo titoroo betoo tare *buk-poo*. Take kale sisiraae fele so whırape atimanė yale alarape fea kale *buk-rapemoo* aseyooolo moletei, koloolo taleyalepoo.

¹³ Kale weı nooo sisiraae fua yale so whıta, doasi weı kęlanė dotonale holoo, mo sukutere so whırape

fóló betere bemó betó mole so whíkélé, ti ai benétei dotonale wóo, sukutere alané tao tare so whįrapeta, ti ai alanétei dotonale wóo yalepó. Atéro wóló betó mupa, atima dokọ feané yale ala donotóro taletua yalepó.

¹⁴ Téro, kale sukutere alaró sukále so whįrapetamo betó mole tiki kale doasi si duku betere weį kęla belere dolopaae taae deralepó. Ti ai si duku betere weį kęlapaae taae deraleteita, tamoróló sukutere tikipó.

¹⁵ Téro, mo ti betere *buk*-mó doi munire so whį kale si dó tare weį kęla dolopaae taae deralepó.

21

Kisi Jerusalem be

¹ Téro yało kelalemó, me i ala erepó. Take mole haeró hepen betamokélé kemeróturaalu doasi weį kęlakélé kemeralepó. Téturaalu, kisi hepen beró haetamo sókó wóló mupa kelalepó.

² Téro yało kelalemó, dowi ala betąkélé munire kisi Jerusalem be hulua wisinaale, Kótó betere hepen be taaróló dorowou betalepó. Ai be huluané ama ere alata, so seimale ą whįtamo dokaai kolóló kokóné sukį kuti wisinaale derótu dere kaae erepó.

³ Téro yało wosalemó, kale teteróló kaae tare doasi betere tikimó fo fakeyóló duraalu, “Mió, Kótó ą betere be dorówóló so whįtamo

muóo, ąkélé atimatamo betóo, yaalopó. Atéru, atima ama so whįtóró betepa, Kótó atimatamo betąmó bitu, atima teteróló tare Tale betaalopó.

⁴ Atéro, so whį feané wole kaape ai sekéné helekóló kópuraalopó. Tétu, sukutere alakélé, dekené sukóló wole dere alakélé, moló hu dere alakélé, dele sere alakélé, momó kae yaalomeipó. Ti noatepae, folosóro yale alarape fea mo ti kemeró betereiteinépó,” yalepó.

⁵ Téro kale teteróló kaae tare tikimó betere doasiné duraalu, “Fea ọla fea yało kae kisi aletu betera! Térapa, yało i yale fo naao aseya. Ti noatepae, i dere fota, mo yaai dere ala dapóló diaaq tuę tiki tiranérápó,” yalepó.

⁶ Téro ama ępaae duraalu, “Ai alarapeta, fea ai yóló kemeyale ape. Ęta, *Alaparó Omekatamo* bituraalu, kaae sereteiró kemeratereteitamo, mo ętórótípó. Whį me de weį nokole depa, mo ti betó tare tikimó wó tare weį me ọlané dupuni, hąle nópóló yało melaalopó.

⁷ Whį me de ą tų wisipaae faai fełalemó, sesétepakélé hepée taae faróló wale whįné i ọla ọlarape fea take ama saalopó. Téturaalu, ę ą teteróló kaae tare Kótó betóo, ą yało naale betóo yaalopó.

⁸ Téretei, atimapaae me sekeį ala eraqsóro witu, ę taaróló fele so whíkélé, whįné sotamo dere ala kaae yóló whį hamomata-

motei dowi ala du betere so whırapekélé, whı dele whırapekélé, nópu nokole so whıkélé, kapo nipaae momatere alaró herei whétamoné whı dele so whıkélé, kapala fo dere so whıkélé, mo fea atima betaaire tikita, *sulpa* si duku betere wẹi kẹla ai ape. Ti aita, atima tamoróló sukąaire alapó,” yalepó.

9 Mo kemeróturaalu melaaire wẹikeró sekẹi alarape belere nuku tare wẹikeró *ensel*-rapekó betané ẹpaae duraalu, “Kale *Sipsip* hupu malené dokaaire so, ọọ ọọpaae yó melaalopa, kelaai ape,” yalepó.

10 Ai fo deremó, Dẹi Kepe Wisiné ẹ fotokọ bulatapa, kale *ensel*-né mo doasi sokore hasi fosópaae beleyóló sóró holalepó. Atéro sóró holóló betero bituraalu, dowi ala mo betakélé munire be hulua Jerusalem, Kótó betere hepen be taaróló ai dorowou beterapa, kelae yóló yó malepó.

11 Tétepa ọọ kelalemó, ai kale be huluata, Kótóné ama ere dẹ wisinaale deyó faralepó. Atéro ere dẹta, mo doasi *moni* duputere kanené kasa kasare dẹ kaae erepó. Mo hąle kaponé ere dẹ kaae mei, *jaspa* kanené dẹ kaaetórótípó. Mo hųkukukélé ini, *klas* kasa kasa kaae yó fi *jaspa* kane wisinaalené ere dẹ kaaepó.

12 Ai be huluata, doasi dopóku ópaae horóló deyóló boperó beterepó. Ai dopóku

tuámóta 12-tų dolorape móo, ai tų kaae diliki yóló 12-*ensel*-rape daa yóo, ai tų serekemó 12-Israel fakené doirape asẹ yóo, erepó.

13 Ai dopókumó suka hoterepaaeróló tų sereke sore muóo, suka doropolepaaeróló tų sore muóo, *saot* dẹpaaeróló sore muóo, *norti* dẹpaaerólókélé, sore muóo erepó.

14 Ai kale be hulua boperóló dere dopóku 12-ró kapo fakerapené mukuté mulaté horepó. Ai 12 mukuté mole kane fake tómó, kale *Sipsip* hupu malené sóró betero betere 12 *aposel* whırapené doi asẹrepó.

15 Ẹtamo kale fo yale *ensel*-né kale be huluakélé, dopóku dereteikélé, tų serekerapekélé fea sųróló dąle saairaalu *kold kapané* aleale dotó tiki tarepó.

16 Ai be huluata etéro tẹyóló muló beterepó. Filipaaró betereiteiné dąleró doló faló betereiteiné dąletamota, ti mo betą kaaetórótípó. Kale sekẹné ama dąle saai tare dotó tikiné be hulua sųróló dąle saleteita, doló faló betereiteikélé, filipaaró betereiteikélé, ópaae horeiteikélé, mo betą kaaetóro 2200 *kilomitapó*.

17 Téro kale dopóku hapólu eretei ama dąle saleteita, 65 *mita*-pó. Ti ai *ensel*-né ama dąle sere alata, me kae mei, mo whıné dere kaaetóro yalepó.

18 Ai kale be huluata boperóló dere dopókuta, *jaspa* kanené aleyóo, be huluata, ti

kold kapa wisinaalené aleyóo erepó. Ai kale *kold kapata*, hųkulukélé ini, mo kasa kasa yó fipó.

19-20 Ai be hulua boperóló dere dopóku mukuté mulaté hore kapo fakerape au-raairaalu, mo doasi *moniné* duputere kae kae kasa kasai kanerapené auró beterepó. Folosóró kaae suraalu, muló betere mukuté *jaspa* kanené auróo, 2 ti *sapaia* kanené auróo, 3 ti, *kalsitoni* kanené auróo, 4 ti *emerald* kanené auróo, 5 ti *sadoniks* kanené auróo, 6 ti *kanilian* kanené auróo, 7 ti *krisolait* kanené auróo, 8 ti *berl* kanené auróo, 9 ti *topas* kanené auróo, 10 ti *krisopres* kanené auróo, 11 ti *jasint* kanené auróo, 12 ti *ametes* kanené auróo, erepó.

21 Kale ai dopóku 12 tų serekerapeta, 12- du dui meleke *perl*-né alée molepó. Ai tų sereke dokęta, mo betą *perl* doasiné alée mulapó. Be hulua tuąmó fale tųta, *kold kapa* wisinaale mo kasa kasai *klas* kaaené aleyóló molepó.

22 Ai be hulua tuąmó Kótópaae momatere be betą kilinipó. Ti noatepae, doasi fotokę bole Tale Kótóró kale *Sipsip* hupu male atimaamota, ti ai be hulua tuąmó ere momatere betórótípó.

23 Ai be huluamó Kótóné ama ere alané dęró kale *Sipsip* hupu malené dętamo eró betereteiné, suka dęró wélié dętamo mo yąyą inipó.

24 Ai be huluamó dęyó fale dęné, i haemó betó mole so

whį fea diliki dolomó kutu betaqsóró, ai dęné dęraalopó. I haemó tęteróló kaae tare topo whįrape, atima mo ke-laalo kokęné sini ala wisinaale sóró wóló ai be tuąmó mulaalopó.

25 Ai be hulua tuąpaae faaire tųrape kinókélé ini, mo hąle tukwę faróló muló betaalopó. Ti noatepae, aimó diki dere ala muni, dętóró yó tareteinépó.

26 Kae kae hae kwiamó betó mole so whįné doasi doi mutere alaró, kelaalo kokęi ala wisinaaletamo sóró wóló ai be hulua tuąmó mulaalopó.

27 Dowi ala mole whį ai be hulua tuąmó sókó faalomeipó. Halei ala dere whįraperó, kapala dilikitere so whį betąkélé ai be hulua tuąpaae mo sókó faalomeipó. Kale *Sipsip* hupu malené mo ti betere *buk*-mó doi mole so whį betą ai be huluamó fóló betaalopó.

22

Mo ti betó tawaaire węi

1 Téró, kale *ensel*-né ępaae mo ti betó tawaaire fu betere kikisi węi kelaai ape yóló yó melalepó. Ai fole węita, Kótóró kale *Sipsip* hupu maletamoné tęteróló kaae tare doasi betere tikimó sorokó wóló, ai be hulua tuąmó fale tų seraa fu betepa kelalepó.

2 Ai węi fóku uté dęró, ité dętamomó mo ti betó tare ni daalepó. Wélié dokę fea ai niné du oletua dapó. Ai niné

ama sókuta, i hae kwiamó betó mole so whį tuamó mole kae kae sekei alarape fea i ni sóku fotokóné sımó wisiranérapó.

³ Take so whįné yale dowi alamó Kótóné erale sekei ala ai be huluamó momó kae muaalomeipó. Kótóró *Sipsip* hupu maletamoné tetéróló kaae tare tiki ai be huluamó mupa, ama kutó diratere so whįné ama erae dere ala erótu betaalopó.

⁴ Atimané ama kelepa kolóo, ama doi atimané kutirimó ase yó fóo, yaalopó.

⁵ Aimó be dikitere ala momó kae muaalomeipó. Atima suka de ó sa dekélé, yaçatere ala mo enénipó. Ti noatepae, atima de tuamó beterópóló Tale Kótóné ama ere dené deró betaalopó. Atéro bituraalu, betere dokó fea atimanékélé, fea ala fea tetéróló kaae taté fu betaalopó.

⁶ Tale ata, ama kóló whįrapené keperape tetéróló kaae tare Kótó berterapó. Atéru, mo felekemó eraaitere ala ama kutó diratere so whįpaae ene fópóló, ama *ensel* atima beterepaae doteyalepó, yalepó.

Yesu walapóló ere fo

⁷ “E mo felekemó waalo ai ape. Kótóné i ala eraalopóló i *buk*-mó asefe fo eró tare so whįta, Kótóné atima wisiralepóló, hainé sukutu betaalo ai ape,” yalepó.

⁸ I yale forape wosóo, yale alarape kolóo, yale whįta e Jon-pó. I alarape

yó male kılıpaae ai yó male *ensel* daale tikimó apaae moma yaai deraapisa fóló fió mualepó.

⁹ Téyalemó, ama epaae duraalu, “Atékese! Eta tale mei, damo wusuró Talené kutó diratere whįpó. Nonaorape Kótóné kóló whįrapekélé, kale i *buk*-mó mole fo eró tare so whįkélé, da fea betá kutó diratere fakepó. Térapa, Kótó aqmó sukóló bitu, ama doi betá sóró horótu betae,” yalepó.

¹⁰ Téró, kale dere kaae epaae momó duraalu, “Kótóné i ala eraalopó ere fo hąkearóló i *buk*-mó aseýóló muló betere fo kinóló mułase.

¹¹ Dowi ala du betere so whįta, atima ai alatóró yó tanópóló yae. Kae kae mo kelaalo sonaalei dowi ala du betere so whįta, ti ai alatóró du beterópóló yae. Mo donoi ala wisi du betere so whįta, ti atimané ai du betere wisi alatóró yó tanópóló yae. Me dowi alatamo hosekényi, Kótóné ama kae beteró betere so whį ti atima ai betere kaaetóró betó tanópóló yae,” yalepó.

¹² “I dere fo wosae, e mo felekemó waalo ai ape!

So whį dokó feané yale alamó tokó melaai yało i tare duputa, e wouraalu melaalo ai ape.

¹³ Eta, *Alaparó Omekatamopó*. Folosóro kaae sóró betaleteiró, kemerale foloteitamota etórotipó.

Qla qła fea keké nale
betekélé, fea ala
touróló kemeratere
betekélé, ti mo
ętórótípó.

14 Deróló sókó fatere fłoi
kutu fokotu betere so
whıta, Kótóné wusiró
beterapa hajné sukutu
betae.

Ti atétere so whı be
dopóku tų serekemó
doasi be huluapaae
sókó fóo, mo ti betere
ni du tokó nóo,
yaairetei, mo surapó.

15 Kale dopóku aqró haqrape
betó mulapó.

Ai haqrapeta i ape.
Whéró hereitamóné
whı dele alakélé, kae
kae hosó fo ó isi
whıné dere alakélé,
nópu nokole alakélé,
whı dele alakélé,
kapala kótóraperó
keperapetamopaae
momatere alakélé,
kapala fo yóló whı di-
likąai ekle du betere
alakélé, i dosąayale
alarape du betere
so whı atima feata,
dopóku aqró betó
mulapó.

16 Ęta, Yesupó. I kelale
alarape Keriso fake
so whıné dosąayóló
tuę yópóló, diąpaae
yó male fae yóló yąlo
ensel dotęyalepó.

Ęta, Depit kaayale betero
ama deté fele naalené
naaletamopó.

Atéru, hıka be dęteretamo
dęyó tare hęrepó,”

yalepó.

17 Kale Dęi Kepe Wisiró
whıné dokaai du betere
sotamoné duraalu, “Ape,”
du beterapó. Mepaae i dere
fo wosetere so whınékélé
“Ape,” yópóló yae. Mepaae
whı de węi nokole depa,
ę beterepaae wópóló yae.
Mepaae whı dené węi nenée
du betepa, mo ti betó
tawaaire węi dupuni, hąle
sóró nale wópóló yae.

18 Kótóné i ala eraalopóló,
buk-mó asęere fo wosetu
betere so whı feapaae dirii
ma fo i dapa wosae. Mepaae
so whı denétamo i *buk*-mó
mole fo tómó me kae beleróló
depa, ti Kótóné i *buk*-mó
bopetu betere sekei alarape
ai so whıpaae mo turó eraalo
ai ape.

19 Mepaae whı dené Tal-
ené i ala eraalopóló *buk*-mó
mole fo mepaae kwia tokóló
aluratepa, ti Kótóné atétere
whımó melaalopóló i *buk*-mó
bopeyale mo ti betere ni du
nóo, kae tęne be huluamó
beteróo, yaai yale alatamo
ama fasó saalopó.

20 I kale aseýóló muló
betere alarape kelale whıné
duraalu,

“Mopó. Ę felekemó walapó,”
fo dapó.

Tétepa duraalu,
“Mo kée Tęyópóló yae.

Tale Yesu-ó, ya ape,”
dapó.

21 Tale Yesuné hąle tao
sere ala wişinaale Kótóné so
whıpaae wópóló yae. Mo kée.
Tęyópóló yae.